


Dios Oca Tuti



New Testament in Macuna

Dios Oca Tuti

New Testament in Macuna

copyright © 2012 Wycliffe Bible Translators, Inc.

Language: Macuna

Translation by: Wycliffe Bible Translators, Inc.

Copyright Information

© 2012, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Macuna

© 2012, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-08-06

PDF generated using Haiola and XeLaTeX on 11 Nov 2022 from source files dated 29 Jan 2022

2581ee54-739f-5595-8d44-83c638ed667b

Contents

SAN MATEO	1
SAN MARCOS	48
SAN LUCAS	78
SAN JUAN	128
LOS HECHOS	163
ROMANOS	205
1 CORINTIOS	224
2 CORINTIOS	242
GÁLATAS	255
EFESIOS	263
FILIPENSES	271
COLOSENSES	276
1 TESALONICENSES	281
2 TESALONICENSES	285
1 TIMOTEO	288
2 TIMOTEO	294
TITO	298
FILEMÓN	301
HEBREOS	303
SANTIAGO	318
1 SAN PEDRO	323
2 SAN PEDRO	329
1 SAN JUAN	333
2 SAN JUAN	337
3 SAN JUAN	338
SAN JUDAS	339
APOCALIPSIS	341

El santo evangelio según San Mateo

Jesucristo rujearoto riojuaju gāna
(Lc 3.23-38)

¹ Abraham ñayoru ito yicōri David ñayoru janerābatia janami ñayiju Jesús. Jesús ñicusabatia wame mware gotigu ya yu. Ado bajiro wame cutiyoyijarā ña:

² Abraham ñayoru macu ñayiju Isaac. Ito bero Isaac macu ñayiju Jacob. Jacob macu ñayiju Judá. Ito yicōri gājerā í ocabají mesa cūni ñayijarā. ³ Judá rīa ñayijarā Fares ito yicōri Zara wame cutirā. Ña jaco ñayijo Tamar. Ito bero Fares macu ñayiju Esrom. Esrom macu ñayiju Aram. ⁴ Aram macu ñayiju Aminadab. Aminadab macu ñayiju Naasón. Naasón macu ñayiju Salmón. ⁵ Salmón macu ñayiju Booz. Í jaco ñayoyijo Rahab. Ito bero Booz macu ñayiju Obed. Í jaco ñayoyijo Rut. Obed macu ñayiju Isaí. ⁶ Isaí macu ñayiju Uju David wame cutigu. David macu ñayiju Salomón. Í jaco ñayijo Urias ñayoru manajo godogo.

⁷ Ito bero Salomón macu ñayiju Roboam. Roboam macu ñayiju Abías. ⁸ Abías macu ñayiju Asa. Asa macu ñayiju Josafat. Josafat macu ñayiju Joram. Joram macu ñayiju Uzías. ⁹ Uzías macu ñayiju Jotam. Jotam macu ñayiju Acaz. Acaz macu ñayiju Ezequías. ¹⁰ Ezequías macu ñayiju Manasés. Manasés macu ñayiju Amón. Amón macu ñayiju Josías. ¹¹ Josías macu ñayiju Jeconías. Ito yicōri í ocabají mesa cūni ñayijarā. Ito bajiro ña bají ñariju Babilonia gāna Israel sita gānare ña ámi wacōri ñnare moari masa cutiyijarā ña ya cutoju.

¹² Ito bero m̄cana Jeconías macu ñayiju Salatiel. Salatiel macu ñayiju Zorobabel. ¹³ Zorobabel macu ñayiju Abiud. Abiud macu ñayiju Eliaquim. Eliaquim macu ñayiju Azor. ¹⁴ Azor macu ñayiju Sadoc. Sadoc macu ñayiju Aquim. Aquim macu ñayiju Eliud. ¹⁵ Eliud macu ñayiju Eleazar. Eleazar macu ñayiju Matán. Matán macu ñayiju Jacob. ¹⁶ Jacob macu ñayiju José. Í ñayiju María manuju. Iso ñayijo Dios í cōaru Jesucristo jaco.

¹⁷ Abraham rīa janerābatia David í ñayorajuna catorce masa ñasuyijarā. Abraham macu ñayiju Isaac. Isaac macu ñayiju Jacob. Ito bajiro mani cōia ruji waja David í ñarajuna catorce ñarā ñayijarā ña. Ito bero m̄cana David macu ñayiju Salomón. Salomón macu ñayiju Roboam. Ito bajiro mani cōia ruji waja, Babiloniaju Israel sita gānare ña ámi warajuna m̄cana catorce ñayijarā ña. Jeconías macu ñayiju Salatiel. Salatiel macu ñayiju Zorobabel. Ito bajiro mani cōia ruji waja Cristo í rujearajuna catorce ñayijarā m̄cana.

Jesucristo í rujeare gaye
(Lc 2.1-7)

¹⁸ Jesús í rujeare gaye ado bajiro bajiyiju: José manajo ñaroco ñayijo María. José rāca iso ñaroto riojuaju Espíritu Santo í masirisena í queo sājare macu sāñagō ñayijo iso. ¹⁹ José iso manuju ñarocu queno yigu ñayiju. Ito bajiri masa ña tiro riojo bojoro iso tōbujaroca yi āmbisiju José. Ito bajiri masa ña masibeto, “Mure āmobeá yu”, yi āmbojayiju José isore. ²⁰ Ito bajiro í tuoia cani waroca, í cāiroju Dios ñaro gagu āngel goaoyiju ñe. Goacōri ado bajiro gotiyiju āngel ñe:

—Tuoya José David ñayoru janami m̄. Mariare manajo cuti güibesa m̄. Espíritu Santo í masirise, í queo sājare macu sāñagō ñamo iso. ²¹ Macu rucogo yigōji iso. Jesús wame wōgū yigūja m̄ ñe. Masare ña ñeñaro yirise waja yicōri masogū yigūji í. Ito bajiri Jesús wame cutigu yigūji í, yiyiju āngel Josére.

²² Diore goti ísiri masu, “Ado bajiro rētaró yiroja”, í yiado bajiroti rētayiju. Dios í busire gotigu ado bajiro yiyiju Diore goti ísiri masu:

²³ Romio āmagū rāca ajeābeco macu sāñagō ñagō yigōji iso. Ito bajiri macu cutigo yigōji iso.

Emanuel yirā yirāji masa ñe, yiyiju Diore goti ísiri masu.

“Dios ñami maní rāca”, yireoni ña iti Emanuel yire.

²⁴ Ito bajiri yujiguti āngel í gotiado bajiroti yiyiju í. Mariare manajo cutiyiju íija. ²⁵ Iso macu ñasogū rucoroto riojuá, manajo macu bajiro bajiyiju José maji. Iso rucōja bero Jesús wame yiyijarā ña ñe.

2

Ñocōare riasotiri masa Jesure ña eja tire gaye

¹ Judea sitaju Belén wame cutiri cutoju rujeayiju Jesús. Iti rodori í rujearoca iti sita uju ñayiju Herodes wame cutigu. Iti rodori Jerusalénju ejayijarā ūmacañi joeja wadiro gāna ñocōare riasotiri masa. ² Iti cuto ejacōri seníayijarā ña:

—¿No ñati judio masa uju ñarocu, rujearu? Ñmacañi joeja wadiro ñocõare ticõri, “Rujeañi Ñ”, yi masimũ gaa. Ito bajiri Ñre rucubõrona wadia gaa, yiyijarã Ñna.

³ Ito bajiro Ñna seniã ucuja tuocõri, ito gagu uju Herodes buto tuoia güiyiju. Ñre bajiro riti tuoñayijarã iti cuto Jerusalén gãna cuni. ⁴ Ito bajiro tuoñacõri paia ujarã, judio masa rotirise riasori masare cuni ji ñucayiju Herodes. Ñna ejaja ticõri, ado bajiro seniñayiju Ñ: “¿Noju rujeagu yiguijida Cristo?” yiyiju Ñ Ñnare. ⁵ Ñnajua ado bajiro yiyijarã Ñre:

—Judea sita Belén wame wame cutiri cutoju rujeagu yiguiji, yi ucañi sīgũ Diore goti Ñsiri masu. Ado bajiro baja Ñ ucare:

⁶ “Judea sitaju Belén wame cutiri cuto, jaibiti cuto ñabobarocati ñasari cuto ñaro yiroja iti cuto. Iti cuto gagu uju ñasagu rujeagu yiguiji. Ñ ñagũ yiguiji yu ñarã Israel sita gãna uju. Ñnare tirãnegũ yiguiji Ñ, yiyiju Dios”, yi ucare ña adi, yiyijarã judio masa rotirise riasori masa.

⁷ Ñna ito yija tuocõri, macana ñocõare riasotiri masare yeyoroacã ji ñucayiju Herodes. Ñna ejaja ticõri, ado bajiro seniñayiju Ñ: “¿Nocãta ñocõa goasucati?” yi seniñayiju Ñ Ñnare. ⁸ Ito yija Belénju Ñnare wa rotiyiju Ñ:

—Wasa Ñ macuacãre amatẽña. Mua Ñre ti bajaja yure gotirã wadiba. Yu cuni Ñre rucubõrogu warocu ya, yiyiju Ñnare ruogu.

⁹ Ñ ito bajiro rotija tuocõri, Ñ yiro bajiroti wayijarã Ñna. Ñmacañi joeja wadiroju ñocõa Ñna tiru Ñna rioju wayiju macana. Ñ wajasaroti tuja rügüyiju macuacã Ñ ñaro weca. ¹⁰ Ñocõagã wacõri Ñ tuja rügüja ticõri, buto wanuyijarã Ñna, ñocõare riasotiri masa. ¹¹ Ñocõagã Ñ ñaro roca ñari wi sãja wacõri Ñna tija ito ñayiju macuacã Ñ jaco María rãca. Ñre ticõri Ñ riojo rijomunigãna ñini rügüyijarã Ñna. Ito yicõri Ñre rucubõroyijarã Ñna. Ito bajiro Ñna yija bero Ñna rucori jedori janayijarã Ñna. Janacõri orore, uco queno sutirise, ito yicõri mirra wame cutirise iti ñmicõri Ñre Ñsiyijarã Ñna. ¹² Ito yija bero Ñna cãiroju, “Herodes tu tãdi wabesa. Ito ñaguiji macuacã”, Ñ yi masime yirona, yiyiju Dios Ñnare. Ito bajiri iti masicõri Jerusalénju rëta wa ñmomena gaje maju tãdi wayijarã Ñna.

Egipto sitaju Ñna ware gaye

¹³ Ñocõare riasotiri masa Ñna tudija bero ángel goayiju Joséré Ñ cãiroju. Ado bajiro yiyiju Ñ Ñre: —Yuyija, macuacãre, Ñ jacore cuni Egiptoju ñmi rudi wasa mu. Itoju riti ñama maju yu mure gotirocõjuti. Herodes macuacãre sãarocu Ñre ñmagũ yiguiji, yiyiju ángel Joséré.

¹⁴ Ñ ito yija bero yuyiyiju José. Yujicõri macuacãre, Ñ jacore cuni Egiptoju Ñnare ñmi wayiju Ñ. ¹⁵ Ito Ñna ñaroca riti godacoayiju Herodes. “Egiptoju yu Macure ji ñucagũ yigüja yu”, Ñre goti Ñsiri masuna suoriti Dios Ñ yija, Ñ gotiado bajiroti bajiyiju.

Herodes wame cutigu rñacare Ñ sãa rotire gaye

¹⁶ Ñocõare riasotiri masa Ñre goti ñmomena gaje maju Ñna tãdi waja tuocõri, buto junisiniyiju Herodes. Ito bajiri junisinigũ Belén gãna rñaca ñmware ito yicõri, iti cuto tu gãna rñacare cuni sãa roti jeocõyiju Herodes Ñ yu moari masare. Jua rodo tujarãre Ñna bero rujeanare cuni sãa roti jeocõyiju Herodes. “Jua rodo tuja ñocõa Ñ rujeaja bero”, ñocõare riasotiri masa Ñna yija tuocõri, jua rodo tujarãre ito yicõri Ñna bero rujeanare cuni sãa roti jeocõyiju Herodes. ¹⁷ Ito bajiro Herodes rñacare Ñ sãa rotija Diore goti Ñsiri masu Jeremias wame cutigu Ñ ucado robo bajiroti rëtayiju. Ado bajiro ucañi Ñ:

¹⁸ Ramã sita gago iso rñare iso tuoia otija ruyuyiju. Ito bajiro oti ñagõti ñayijo iso, Raquel rñare otigo. Gãjerã Ñna sobobarocati yisi ñmobisijo Raquel iso rñã godajare, yi ucayiju Jeremias.

¹⁹ Egiptoju José Ñ ñaroca godayiju Herodes. Ñ godaja bero Egiptoju José Ñ ñaroca Ñ cãiroju sīgũ ángel Ñre goaioyiju. Ado bajiro yiyiju Ñ Ñre:

²⁰ —Yuyija, macuacãre Ñ jacore cuni Israel sitaju ñmi tãdi wasa. Macuacãre sãa ñmoana goda jedicoama Ñna, yiyiju Ñ Joséré.

²¹ Ito yija yujicõri, macuacãre Ñ jacore cuni Israel sitaju ñmi wayiju José. ²² Ma wacuju tuoñyiju José, “Herodes ñajacu macu Arquelao wame cutigu Ñ jacure wasoagu Judea sitaju ñayiju”, yija tuoñyiju José. Iti tuocõri wa ñmobisiju Ñ itoju. Macana itoju cãiyiju Ñ. Ito bajiro cãicõri, “Galilea sitaju yu waja quena”, yiyiju Ñ. ²³ Galilea sitaju ejacõri, Nazaret wame cutiri cutoju ñagũ wayiju Ñ. Diore goti Ñsiri masa, “Nazaret cuto gagu ñagũ yiguiji Jesús”, Ñna yi ucare ñajare ito bajiroti bajiyiju Ñ.

3

Yucu manojũ Juan idé guri masũ Ñ ña ucure gaye
(Mr 1.1-8; Lc 3.1-9,15-17; Jn 1.19-28)

¹ Iti rodori ito bajija bero Juan masare idé guri masu Judea sitaju yucu manoju wayiju.

² Itoju ejaçõri masare riasogu, ado bajiro yiyiju i:

—Nocõ mejeti ire tuorãnarãre i rotiroju miojugu yiguji Dios. Ito bajiri mua ñeñaro yirise tuoia bojori bujaçõri jidicãña mua, yiyiju Juan masare.

³ Diore goti Isiri masu Isaías wame cutigu i ucado bajiroti yiyiju Juan. “Ado bajiro yigu yiguji”, yirocu ucañi Isaías Juanre tuoia yugu:

Sigũ yucu manoju muare ado bajiro oca seõro gotigu yiguji: “Ñeñaro mua yirise jidicãña mani Uju i ejaroto rioja, mua ya usiju i queno ña masitoni. Ñeñaro yirise jidicãçõri quenariseja tuoiaña mua”, yigu yiguji sigũ, yi ucañi Isaías, Juanre tuoia yugu.

⁴ Juan i sãñaro yutabuju, camello joana suado ñayiju. Waibucu wiro ñayiju i ya wecu wiro. Rujiro ñimia bayiju i. Ito yicõri joa gaye beroa ide idiyiju i. ⁵ Ire tuorã masa jãjarã ejayjarã. Jerusalén gãna, Judea sita gãna ito yicõri Jordán wame cutirisa gãna cuni ejayjarã ire tuorã. ⁶ Ña ñeñaro yirise ña goti rëtobuja, Jordán wame cutirisaju ñare idé guyiju Juan.

⁷ Jãjarã fariseo gaye tuoiarã, ito yicõri saduceo gaye tuoiarã cuni ña ejaja ticõri, ado bajiro yiyiju Juan:

—Muare ya idé gure ãmoboja mua. Ñña rima juniro bajiro ñeñaro yirã ña mua. Ado bajiro tuoiajoja mua: “Dios waja i seniri rãmu iti ejaroca manire waja senibiquji Dios. Ñeñaro yirã mani ñabojarocati manire ti maicõri manire waja senibiquji Dios”, yi tuoiajoja mua. Ñeñaro mua yirise mua jidicãbeja mua tãbujaroca yigu yiguji Dios, yiyiju Juan ñare.

⁸ Mucana ado bajiro gotiyiju Juan:

—Ñeñaro mua yirise jidicãçõri quenarise riti tuoia ñaña mua. Ito bajiro riti yisotiba, “Quenariseja tuoiarã ñama ija”, masa muare yi ti masitoni. ⁹ Ado bajiro yi tuoiabesa mua: “Abraham ñayoru janerãbatia gua ñare waja guare masogu yiguji Dios”, yi tuoiabesa mua. Ado bajiro bajia. Adi gũtana Abraham janerãbatia robo bajiro i godo weo ãmoja, godo weo masiguji Dios, yiyiju Juan ñare.

¹⁰ Ito yicõri ado bajiro goti masiore ocana gotiyiju Juan:

—Comeana yucure quẽarocu ñacãmi sigũ. Ito bajiri yucu queno rica manigũre ti bujaçõri quẽagũ yiguji i. Ito yicõri jeana soegu yiguji i. Ado bajiro yireoni ña iti: “Masa ña ñeñaro yiriserẽ waja senirocu ñacãmi Dios. Ito bajiri ña ñeñaro yirise jidicãbeja ticõri, ñare ruyuriogu yiguji i. Ito yicõri jeame ãjuroju cõagũ yiguji Dios ñare”, yiyiju Juan masare.

¹¹ Gaje ado bajiro gotiyiju Juan:

—“Ña ñama ña ñeñaro yirise jidicãrã”, yi iorocu idenati masare idé gua ya. Yu bero rëtoro ñasagu ejagu yiguji. Yu rëtoro ñasagu i ñajare ire bajiro rëtoro ñasagu meje ña ya. Ìama muare Espiritu Santo queo sãgũ yiguji ija. Ito bajiro muare queo sãçõri queno muare mua tuoiaroti ejabuagu yiguji i, yiyiju Juan masare.

¹² Gaje ado bajiro gotiyiju Juan ñare:

—Yu bero ejagu trigo besegu bajiro yigu yiguji masare. Sigũ trigo otegu iti wirori coda bateçõri ajeri riti seo masiguji i. Ito bajiro i codaja bero iti wirorire jeameju soeguji i. Yatirime meje ñaroja itime jeame. Wirori i soegori ajeriyama trigo i seoroju seogu yiguji i. Ito bajiro yigu yiguji mani Uju adoju ejagu. Trigo beseado bajiroti besegu yiguji manire, yi gotiyiju Juan masare.

Jesure idé gure gaye

(Mr 1.9-11; Lc 3.21-22)

¹³ Iti rumuri Galilea sitana wacõri Jordán wame cutirisa ejayiju Jesús. Juan tuju ejaçõri: “Yure idé guya mu”, yiyiju Jesús ire. ¹⁴ Ito bajiro i yibojarocati ire idé gu ãmobisiju Juan. Ito bajiri ado bajiro yiyiju i Jesure:

—Meje, muãma yure mu idé guja quena. Yure idé gu rotibitiraja mu. Yu rëtoro ñasagu ña mu. Ito bajiri mare idé gu masibea ya, yiyiju Juan Jesure.

¹⁵ Ito yija tuocõri, ado bajiro yiyiju Jesús ire:

—Yure mu idé gure ãmoa ya. Yure mu idé guja ñajediro Dios i rotiro bajiro cadiana mani, yiyiju Jesús Juanre.

—Ban ãmoa ya, yicõri Jesure idé guyiju Juan ija. ¹⁶ Jesús i majaroca riti ñmacãju macãrucãro soje janayiju. Ñmacãju Jesús i ti mutorocati bujare bajiro bajigũna quedi sãja wadicõri Jesús joe quedi jeayiju Espiritu Santo. ¹⁷ Ito bajiro i quedi jeaja bero ado bajiro oca ruyuyiju ñmacãju:

—Ñni ya Macu ñami, ya maigũ. Ire bũto wanua ya, yi ruyuyiju oca ñmacãju.

4

*Rāmúa uju Jesure ĩ usirio codere gaye**(Mr 1.12-13; Lc 4.1-13)*

¹ Jesús ĩ idé gu rotija bero yucu manojũ ĩre āmi wayijũ Espiritu Santo. Itoju Jesús ĩ ejaroca, “¿Diore riti cudigu yiguũjida Jesús?” yirocu ĩre usirio codeyijũ rāmúa uju.

² Juarā masacō rāmuri bare babicuti ñayijũ Jesús yucu manojũ. Itocō bero ñicoũyijũ macana. ³ ĩ ito bajijare, ĩre tuogu ejayijũ rāmúa uju:

—Riti Dios Macũ mu ñaja adi gātanati naju godo weogu yigũja mu, yiyijũ ĩ Jesure.

⁴ Ito bajiro rāmú ĩre yibojarocati:

—Yibesa. Dios oca ado bajiro gotia: “Najuna riti meje catirā yirāji masa. Jeyaro Dios ocana queno wanũ quena ñarā yirāji masa”, yi gotia Dios oca, yiyijũ Jesús rāmúre.

⁵ ĩ ito yiroca riti Jerusalenju Jesure āmi wayijũ rāmúa uju. Ito ejacōri macana Dios ya wi joeju Jesure āmi muja wayijũ rāmú. ⁶ Ito ĩre āmi muja ejacōri ado bajiro yiyijũ:

—Tuoya Jesús mu. Ado bajiro gotia Dios oca:

ĩ ñaro gāna ángel mesare mare code rotigu yiguũji Dios. Mu quedi waja gūtagā joeju quedi jeacōri mu ya gubo jeabe yirona mare boca āmirā yirāji ĩna, yi gotia Dios oca, yiyijũ rāmú Jesure.

Gaje ado bajiro yiyijũ ĩ:

—Riti Dios Macũ mu ñaja adojuana bubu quedi wacu yigũja mu, yi tobuayijũ rāmúa uju Jesure.

⁷ ĩ ito bajiro yibojarocati ado robojuay yiyijũ Jesús ĩre:

—Mu ito bajiro yirisere cudibicuja yũ. Gaje ado bajiro gotia Dios oca tuti. Tite mu: “No bajiro Dios ĩ yija ticũja yũ”, yirocu ĩre usirio codebesa”, yi gotia Dios oca, yiyijũ Jesús rāmúre.

⁸ ĩ ito yija tuocōri, cogu gūtagũ ũmaricu joeju āmi wayijũ rāmú Jesure. Itoju āmi ejacōri adi sita gaye quenari catorire ĩo jeocōyijũ rāmú Jesure. ⁹ Ito yicōri ado bajiro gotijijũ rāmú:

—Yure rācubũogu mu yũ rioju rijomunigāna ñini rũjũja, adi sita ñarocōti ñarise mare ĩsicũja yũ, yi tuoyijũ rāmúa uju Jesure.

¹⁰ Ito bajiro ĩ gotibojarocati:

—Wasa Satanás mu. Ado bajiro gotia Dios oca: “Mani ĩju Diore riti rācubũocōri cudija quena”, yi gotia Dios oca, yiyijũ Jesús rāmúre.

¹¹ Jesús ito ĩ yija tuocōri, wacoayijũ rāmú ĩja. Ito yija bero ángel mesa Jesure ejabũarona ejayijarā ĩja.

*Galilea sitaju Jesús ĩ riasosũore gaye**(Mr 1.14-15; Lc 4.14-15)*

¹² “Tubiara wijũ ñami Juan”, yire oca tuocōri Galilea sitaju tũdi wayijũ Jesús. ¹³ Itoju ejacōri ĩ ñaro Nazaret wame cutiri cutoju tujabisijũ Jesús. Galilea wame cutirita tũnima tu Capernaum wame cutiri cutoju ñarocu wayijũ Jesús. Sōju meje ñayijũ Zabulón sita ito yicōri Neftalí sita cũni. ¹⁴ Iti cutoju Jesús ĩ ñaja Diore goti ĩsiri masũ Isaiás wame cutigũ ĩ ucayore rētayijũ ĩja. Jesure tuoĩa yugu ado bajiro ucayoñi Isaiás:

¹⁵ Jordán jodeju Galilea wame cutirita ñacu. Itira tũnima tu ñacu Zabulón sita ito yicōri Neftalí sita. Iti sitaju ñarā judio masa meje ñarāji ĩna.

¹⁶ Diore masibiticōri rāitũaro bajiro ñarāji ĩna. Ito bajicōri sigũ queno busugure ti wanurā yirāji ĩna. Diore masimena ñari godanare bajiro bajirāji ĩna. Ito bajiri busugu ĩ ejaja ticōri, wanurā yirāji ĩna. ĩna tuo masiroca yigu yiguũji ĩ. Ito bajiri mama rũmu bajiro ejaro yiroja ĩnare, yi ucayoñi Isaiás.

ĩ ucare bajiroiti iti sitaju ejayijũ Jesús.

¹⁷ Iti sitaju ejacōri masare Dios oca riaso ucusũoyijũ Jesús. Ado bajiro gotijijũ:

—Yoari mejeti ĩre tuorũnũrāre ĩ rotiroju miojugu yiguũji Dios. Ito bajiri maũ ñeñaro yirisere jidicācōri mama usi wasoaya maũ, yi masare riaso ucuyijũ Jesús.

*Wai jori masa jũariarāre Jesús ĩ jire gaye**(Mr 1.16-20; Lc 5.1-11)*

¹⁸ Itajura Galilea wame cutirita tũnima wa ucugu wayijũ Jesús. Ito wacũju tiyijũ Jesús, Simón Pedro ito yicōri ĩ ocabaji Andrésre cũni. Wai jori masa ñayijarā ĩna. Yori yucũrina wai waya ñayijarā ĩna. ¹⁹ ĩna tu ejacōri ado bajiro yiyijũ Jesús:

—Yũ rāca waya. Masare jirā yirāji maũ, Diore ĩna masitoni, yiyijũ Jesús ĩnare.

²⁰ ĩ ito yirocaci yori yucũri cūcōri, ĩ rāca saũa wayijarā ĩna.

²¹ Ito yija ito sōjuũ busa wa remoyijũ Jesús. Jabeto wa remocōri tiyijũ Jesús, Santiago, ĩ ocabaji Juanre cũni. Zebedeo rĩa ñayijarā ĩna. ĩna jacũ rāca cumaju yori yucũri sia queno ñayijarā ĩna. ĩnare ticōri ĩnare jiyijũ Jesús. ²² ĩ ito yija tuocōri, cumajuti ĩna jacure wagoyijarā ĩna. Ito bajiri Zebedeo rĩa Jesús rāca wacoayijarā ĩna ĩja.

Jājarā masare Jesús ĩ riasore gaye
(Lc 6.17-19)

²³ Galilea sitaju riaso ucu jeoyiju Jesús. Co cuto rayabeto judio masa minijuara wi sājacōri oca quenarise, “Īre tuorūnūrāre ĩ rotiroju miojugu yiguĵi Dios”, yire oca gotiyiju Jesús masare. Najediro cōrāre ĩna cōrise bajiroti ĩnare yisoyiju Jesús. ²⁴ Ito bajiro cōrāre Jesús ĩ yisioja Siria sita gāna cuni tuo jediyijarā ĩna. Ito bajiri najediro cōrāre āmi ejayijarā Jesús ĩ yisiotoni. Jeyaro ĩnarise cutirāre āmi ejayijarā ĩna. Rūmú sājagoana, ũsi jedi quedianā, ruduanare cuni āmi ejayijarā Jesús ĩ yisiotoni. ĩna cōrise bajiroti ĩnare yisoyiju ĩ. ²⁵ No Jesús ĩ waro jājarā masa ĩre sūya wayijarā. Tite. Galilea sita gāna, Decápolis cuto gāna, Jerusalén cuto gāna, Judea sita gāna ito yicōri Jordán wame cutirisa siduja gāna cuni Jesure sūya wayijarā ĩna.

5

Turia ĩnacōri masare Jesús ĩ riasore gaye

¹ Jājarā masare ticōri turia maja wayiju Jesús. Itoju maja wacōri rujiyiju Jesús. Ito yija ĩ rāca riasotirā ĩ tu minijuayijarā. ² ĩna ejaja ticōri, ado bajiro ĩnare riasoyiju Jesús:

Mani wanu quenaroca yiroti gaye
(Lc 6.20-23)

³ —“Jaje ruya Dios oca queno yu masi jeoroti”, mwa yi tuoĵaja, wanu quenarā yirāji mwa. Ijaju Dios ĩ rotiroju ejacōri ĩ rāca rotirā yirāji mwa.

⁴ Adocāta tuoĵa riorā mwa ĩjaja, wanu quenarā yirāji mwa. Ijaju mwa tuoĵa riorise rētogū yiguĵi Dios.

⁵ “Gājerā rētoro ĩnasagu meje ĩna yu”, mwa yi tuoĵaja, wanu quenarā yirāji mwa. Ijaju Dios ĩ goticādo bajiroti queno bujarā yirāji mwa.

⁶ Adocāta Diore cudi jeo āmorā mwa ĩjaja, wanu quenarā yirāji mwa. Mware ejabuagu yiguĵi Dios, ĩre mwa cudi jeo masitoni.

⁷ Gājerāre ti maicōri mwa queno yija, wanu quenarā yirāji mwa. Dios cuni mware ti maicōri mware queno yigu yiguĵi ĩ.

⁸ Dios ĩ āmoro bajiro riti quenarise mwa tuoĵaja, wanu quenarā yirāji mwa. Ijaju Diore tirā yirāji mwa.

⁹ Adocāta oca quenori masa mwa ĩjaja, wanu quenarā yirāji mwa. Ijaju, “Yu rĳa ĩna mwa”, yigu yiguĵi Dios.

¹⁰ Diore mwa cūdire ticōri, gājerā mwa tōbujaroca ĩna yija, wanu quenarā yirāji mwa. Ijaju Dios ĩ rotiroju ejacōri, ĩ rāca rotirā yirāji mwa.

¹¹ Yure mwa cūdire ticōri, gājerā mware aja tudija, mwa tōbujaroca ĩna yija, ito yicōri mware ĩna busitubojaja cuni, wanu quenarā yirāji mwa. ¹² Diore goti ĩsiri masare cuni ito bajiroti ĩnarō yiyijarā masa jane mejeju cuni. Itire masicōri queno wanu quenaĳa mwa. Ijaju Dios tu ejacōri najediro ĩ seo ĩsirisere queno bujarā yirāji mwa, yiyiju Jesús ĩ rāca riasotirāre.

Moa oca quenarise robo bajiro bajirā ĩna mani, quenarise mani yija, yi Jesús ĩ riasore gaye
(Mr 9.50; Lc 14.34-35)

¹³ Mucana ado bajiro gotiyiju Jesús ĩ rāca riasotirāre:

—Moa ba āmoama masa. Ito bajibojarocati iti ocabeja ĩne waja ma moa. Juaji iti ocarise ejabeto yiroja. Iti ocarise jedija ticōri, itire cōacōrāji masa. Ito yicōri itire cudarā yirāji ĩna. Moa bajiro bajirā ĩna mani cuni. Mani queno yija ticōri, mani bajiro queno yi āmorāji gājerā cuni. Ito bajibojarocati mani queno yibeja, “Diore tuorūnūrā mwa cuni”, mani yi riasobojaja manire tuo āmomenaji gājerā, yiyiju Jesús.

¹⁴ Mucana ado bajiro gotiyiju Jesús:

—ĩnami buto rāitlari ĩnami iti ĩjaja sōju jea iti busuja queno ruyuroja. Turia joe mani cuto menija masa jeyaro tirā yirāji jea iti busurise. Ito bajiroti mani queno yija masa jeyaro tirā yirāji ĩna. ¹⁵ Siabusuorise mani sĳaja sotu rocaju cūmenaji mani. Siabusuorise sĳacōri ũmacūju cūrā yirāji mani najediro iti wi gāna ĩna titoni. ¹⁶ Ito bajiroti queno yija mwa “Queno yirā ĩnama Diore tuorūnūrā”, yi ti masirā yirāji masa jeyaro. Mwa queno yirise ticōri mani Jacu ũmacūju gagure wanu rācuburā yirāji masa, yiyiju Jesús ĩ rāca riasotirāre.

Moisés ĩayoru ĩ rotirise Jesús ĩ riasore gaye

¹⁷ “Moisés ĩayoru ĩ rotirise ito yicōri Diore goti ĩsiri masa ĩna riasorisere cōarocū wadiĳi Jesús”, yi tuoĵabesa mwa. Itire cōarocū meje wadia yu. ĩna riasorisere mwa queno tuoĵatoni wadibu yu. ¹⁸ Riti mware gotia yu. Dios ĩ rotirise najediro ĩnatĳaro yiroja. Adi macārucūro jediroto riojna co wame godo cutibeto yiroja. Najediro Dios ĩ gotiado bajiroti rētarō yiroja. ¹⁹ No Dios rotirisere jabeto cudibicu, “No yibeja mani cudi jeobeja cuni”, yi riasogu quenabeami. Dios rotiroju ejacōri ĩnasagu meje bajiro ĩnagū yiguĵi iocū. No Dios rotirise

cudicōri, “Jeyaro ĩ rotirise mani cudi jeoja quena”, yi riasogu ĩ ñami quenagũ. Ito bajiri Dios rotiroju eJacōri ñasagu ñagũ yiguĵi ĩama. ²⁰ Riti mũare gotia yu. Judio masa rotirise riasori masa ito yicōri fariseo gaye tũoĩarã ĩna queno yibojado rētoro mũa queno yibeja Dios rotiroju ejaminaji mũa, yiyiju Jesũs ĩ rãca riasotirãre.

Gãjerãre junisini tibesa, yi Jesũs ĩ riasore gaye
(Lc 12.57-59)

²¹ Mũcana gaje ado bajiro gotiyiju Jesũs:

—Jane mejeju gãna ĩna rotigore tuogoana ña mũa. Ado bajiro bajia iti: “Gãjire sãbesa. No gãjire sãgũti ĩre waja senigũ yiguĵi Dios”, yi rotiyiju Moises ñayoru. ²² Yũama ado bajiro mũare goti remoa: No gãjire junisini tigure waja senigũ yiguĵi oca quenori masu. No gãjire busitugure waja senirã yirãji oca quenori masa. No, “Rocati mecũri masu ña mũa. Jeame ũjuroju warũja mu”, yiguti ĩjuare waja senirocu ĩre cõagũ yiguĵi Dios jeame ũjuroju, ya yu mũare.

²³ ĩtire masicōri, gaje ocare cuni tũoĩañã mũa. Diore rãcũbuorã ĩna soe ĩsira casabojũ eJacōri, “Gãji rãca oca cutia yu”, mũa yi tũoĩã bujaja Diore rãcũbuorona ecarũre sãcōri soebeja maji. ²⁴ ĩtire cũña maji. ĩtire cũcōri oca quenorona mũa baba tu wasa. ĩ rãca oca quenocōri Diore soe ĩsirona tũdi waja quena, ya yu mũare.

²⁵ ‘Gaje ado bajiro bajia. Gãji mũare ĩ seti yija oca quenori masu tũju mũa ejaroto riojua oca quenofã mũa. Oca quenori masu tu ejaminati mũa oca quenobeja ĩ mũare poreciare ĩsigũ yiguĵi. ĩna poreciaju mũare tubiarã yirãji. ²⁶ Riti mũare gotia yu. Ñeñaro mũa yigore mũa waja yi jeobeto riojua budimena yirãji mũa. Iti robo bajiroti bajia Dios waja seniri rũmu ejaroto riojua ĩ rãca mũa oca quenobeja, ya yu mũare, yiyiju Jesũs ĩ rãca riasotirãre.

Gãji manojore rãcũbuoya, yi Jesũs ĩ riasore gaye

²⁷ Mũcana gaje ado bajiro gotiyiju Jesũs:

—Jane mejeju gãna ĩna rotigore tuogoana ña mũa. Ado bajiro bajia: “Gãji manojore rãca ajebesã”, yi rotiyiju Moises ñayoru. ²⁸ Yũama ado bajiro mũare goti remoa: No romiore ãmotigu ĩ tũoĩarisena isore ajegu bajiro yami ĩocũ, ya yu mũare, yiyiju Jesũs.

²⁹ Mũa ya riojocaduja cajeana ticōri ñeñaro mũa yi ãmoja iti cajeare ruacõña. ĩtire ruacōri cõatẽña. Manire co duja cajea manija quenabetoja. Ito bajibojarocati jua cajea, cajea cutirã ñabojarãti jeame ũjuroju mani waja, rēto busaro quenabeto yiroja. ³⁰ Mũa ya ãmona ñeñarise mũa yija, ĩtire jatacõña. ĩtire jatacōri cõatẽña. Manire co duja ãmo manija quenabetoja. Ito bajibojarocati jua ãmo, ãmo cutirã ñabojarãti jeame ũjuroju mani waja, rēto busaro quenabeto yiroja. “Mũa ñeñaro yirise jidicãña mũa”, yirocu ito bajiro yiyiju Jesũs ĩ rãca riasotirãre.

Manojore jidicãbesa, yi Jesũs ĩ riasore gaye
(Mt 19.9; Mr 10.11-12; Lc 16.18)

³¹ Mũcana ado bajiro gotiyiju Jesũs:

—Gaje ado bajiro gotia jane mejeju yigore: “Ëmũgũ ĩ manojore ĩ cõã ãmoja papera ucarũja ĩre: Adio rãca manojore cutibojaguti isore cõagũ ya yu. Yu manojore meje ñamo ĩja, yi ucarũja ĩre”, yi gotia jane mejeju yigore. ³² Yũama ado bajiro mũare gotia: Sĩgũ ĩ manojore gãji rãca ajebitigoro ñabojarocati isore ĩ cõaja, isore buto ñeñaro yami ĩocũ. Gãji rãca iso manuju cutibojaja ĩre ajego yigõji iso. Ito yicōri no iso rãca manojore cutija isore ajegu yiguĵi ĩ, yi gotiyiju Jesũs ĩ rãca riasotirãre.

Riojo mani gotija quena, yi Jesũs ĩ riasore gaye

³³ Mũcana gaje gotiyiju Jesũs:

—Jane mejeju gãna ĩna rotigore tuogoana ña mũa. Ado bajiro bajia iti: “Riti ado bajiro yicũja yu”, Diore mũa gotija mũa goticãdo bajiroti yiba, yi rotiyiju Moises ñayoru. ³⁴ Yũama ado bajiro mũare gotia: “Ado bajiro yicũja yu”, yicōri, riojo yiba. “Yu goticãdo bajiroti yicũja yu”, yirocu “Riti gotia yu Dios ĩ ñaro riojo”, yibesa itioni. ĩ ñaro ña ĩ rotiroju. Ito bajiri, “Riojo gotia yu”, yibesa iti wame rãca. “Adi macãrucãro riojo cuni, riti gotia yu”, yibesa itioni. ³⁵ Adi macãrucãro ña Dios yaro. Ito bajiri, “Riojo gotia yu”, yibesa iti wame rãca. “Jerusalén wame cutiri cuto riojo cuni riti gotia yu”, yibesa itioni. Mani Ëju ñasagu cuto ña Jerusalén. Ito bajiri iti cuto wame rãca “Ado bajiro yicũja yu”, yibesa. ³⁶ “Yu ya rijoganati riojo gotia yu”, yibesa itioni. Ñirise, botirise mani ya rijoga joa godu weo masibeja mani. Dios sigũti ñami itioni godu weo masigũ. Ito bajiri iti wame rãca, “Ado bajiro yicũja yu”, yibesa mũa. ³⁷ Mani riojo gotija quena. Mani cudibeja cuni riojo gotija quena. “Riti gotia yu”, yirona gaje mani goti remoja rãmũa ũju ejabuarisena goti remoa mani, yi gotiyiju Jesũs ĩ rãca riasotirãre.

Sĩgũ ñeñaro manire ĩ yija gãmebeja quena, yi Jesũs ĩ riasore gaye
(Lc 6.29-30)

³⁸ Mucana gaje ado bajiro gotiyiju Jesús:

—Jane mejeju gāna ina rotigore tuogoana ña mua. Ado bajiro baja iti: “Sīgū ī cajea jioja gājire cuni cajea jioja quena. Sīgū ī guji jabejasāja gājire cuni guji jabejasāja quena”, yiyijarā masa jane mejeju gāna. ³⁹ Yuama ado bajiro muare gotia. Sīgū ñeñaro muare ī yija ĩre gāmebeja. Ado bajiroja yiba. Sīgū rio muare ī jaja gaje daja cuni rotiba. ⁴⁰ Sīgū mu ya camisa ī ēma āmoja, rēobeja ĩre. Ī āmoro āmicōto. Ito yicōri ĩre jai busaro ĩsi remoña. ⁴¹ Sīgū ī ya gajeoni coji cōrecō ī ūma rotija juaji cōrecō ĩre ūma ĩsima. “Ado bajiro yure moa ĩsiña”, gāji muare ī rotija, ĩrotiro rēto busaro ĩre moa ĩsija quena. ⁴² Noa muare gajeoni senirāreti ĩsicōaja quena. Sīgū muare wasoa āmoja wasoaja quena. Ito yicōri “Mure ĩsicaju yu”, yija quena, yiyiju Jesús ĩ rāca riasotirāre.

Mani wajanare cuni mani ti maija quena, yi Jesús ĩ riasore gaye
(Lc 6.27-28,32-36)

⁴³ Jane mejeju gāna ina busigore tuogoana ña mua cuni. Ado bajiro baja iti: “Mua babare queno ti maiña. Ito yicōri mua wajacure ti teya”, yiyijarā masa jane mejeju gāna. ⁴⁴ Yuama muare ado bajiro gotia: “Mua wajanare ti maiña. ĩnare queno yiya. Mua tōbujaroca yirāre yiari Diore busi ĩsiña”, ya yu muare. ⁴⁵ Ito bajiro mua yija mani Jacu ūmacāju gagu rāa ñarā yirāji mua, ĩ āmoro bajiro riti mua yisotija. Masa ñajedirore queno ejabuami Dios. ĩre cudimenare cuni ejabuami ĩ. ĩ ñami quenarā, ñeñarāre cuni ūmacāni busuroca yigu. ĩ ñami riojo cudirā, riojo cudimenare cuni ide queo ĩsigū. ⁴⁶ Muare ti mairāre riti mua ti maija ñe waja ma iti. Ito bajiro mua yija ticōri, muare waja yibiquiji Dios. ĩjarāre yiari waja seni ĩsiri masa ĩnare mairāre riti ti mairāji ĩna cuni. ĩnare bajiro yibesa mua. Muare ti terāre cuni maija quena. ⁴⁷ Mua ñarāre riti mua seniāaja, ñe waja ma. Diore masimena cuni ito bajiroti yirāji ĩna cuni. ⁴⁸ Mani Jacu ūmacāju gagu, coji ñeñaro yīābicu ñami ĩ. ĩre bajiroti yiya mua cuni, yiyiju Jesús ĩ rāca riasotirāre.

6

Gājerāre mani ejabuaja quena, yi Jesús ĩ riasore gaye

¹ Queno mua yija, “Queno yama ĩna”, yijaro gājerā yirona meje, queno yiba mua. Masa tiro riojo riti, “Āni ñami queno Diore cudigu”, mua yi ĩbojaja ñe waja bujamenaji mua, ūmacāju mani Jacu Dios taju mua ejaja. ² Ito bajiro bojoro bujarāre mua ejabuaja masa jeyarore goti batobeja. Ito bajiro yama minijuara wiju, mariju cuni, “Yiro robo yirā ña gua”, yibojarāti yiro robo yimena. Bojoro bujarāre ĩna ejabuaja, “Queno yirā ñama”, masa ĩna yitoni yama ĩnaōna. Riti muare gotia yu. Ito bajiro ĩna yirisenati waja bujacāma ĩna. Ñe gaje buja remomenaji Dios taju. ĩnare masa rūcubuojojarocati Dioama ĩnare rūcubuoibicu yiguji. ³ Muama bojoro bujarāre mua ejabuaja, masa ĩna masibeto ito yicōri mua baba ñasagu ĩ masibeto masare ejabuaja quena. ⁴ Reco meje masa ĩna tibeto bojoro bujarāre ejabuaba mua. Masa ĩna tibeto bojoro bujarāre mani queno yija, ti masiguji Dios manire. Ito bajiri waja yigu yiguji manire, yiyiju Jesús ĩnare.

Diore mani seniroti Jesús ĩ riasore gaye
(Lc 11.2-4)

⁵ Diore mua busija, “Yiro robo yirā ña gua”, yibojarāti yiro robo yimena bajiro Diore busibeja mua. ĩnama minijuara wiju Diore ĩna busija rūgōcōri busirāji. Ito yicōri ma tunima masa ĩna titoni Diore busirā yirāji ĩna. Ito bajiro ĩna yirisenati waja bujacāma ĩna. Ñe gaje buja remomenaji ĩna Dios taju. ĩnare masa rūcubuojojarocati Dioama ĩnare rūcubuoibicu yiguji. ⁶ Muama Diore mua busija, mua ya sōa sājacōri soje biaya maji. Ito bajiro yicōri mani Jacu rāca riti busiba mua. Ito bajiro masa mano mua yija ticōri, mani Jacu muare waja yigu yiguji, yiyiju Jesús ĩnare.

⁷ Diore masimena ĩre ĩna busija, coji gayeti busimacutiamā ĩna. “Buto mani busimacutija Dios manire tuogu yiguji”, yi tuoā busibojarāji ĩna. ⁸ ĩnare bajiro yibeja muama. Ñe manire ruyarise mani seniroto riojaju masicājuji Dios. ⁹ Ito bajiri Diore mua busija, ado bajiro busiba:

Gua Jacu, ūmacāju gagu ña mu. Mu wame masicōri masa ñajediro rūcubuojoaro ĩna.

¹⁰ Masa jeyaro ĩju mu ñaroti rumu ejare āmoa gua. ūmacājuga tuti cuni mu āmoro bajiroti ñayija. Ito bajiri adi tutiju cuni mu āmoro bajiro riti ñare āmoa gua.

¹¹ Co rumu ruyabeto gua baroticōti guare naju ĩsiña.

¹² Gua ñeñaro yirisere ācabojoya. Gua cuni ito bajiroti guare ñeñaro yirāre ācabojoya.

¹³ No bajiro yure cudirā yirājida ĩna? yi tuoābesa guare. Gua ñeñaro yibititoni guare ejabuaja. Mu ña uju ñatīnarocu. Mu ña buto masitīñare gaye rucotīnarocu. Mu ña masa

jeyaro İna rucubuoŋiñaroca. Itocō ña. Amén. Ito bajiro Diore mua busija quena, yiyiju Jesús İ rāca riasotirāre.

¹⁴ Muare ñeñaro yirāre İna ñeñaro yirisere mua ācabojoja, mani Jacu ūmacūju gagu mua ñeñaro yirise ācabojoju yiguŋji İ cuni. ¹⁵ Gājerā İna ñeñaro yirisere mua ācabojobeja mani Jacu ūmacūju gagu cuni mua ñeñaro yirisere ācabojobicu yiguŋji, yiyiju Jesús İnare.

Bamena riti Diore mani busiroti Jesús İ riasore gaye

¹⁶ Diore tuoİa āmorā bamena riti İre mua busija, masa İna tiro riojo bojori bujabeja mua. “Yiro robo yirā ña gua”, yibojarāti yiro robo yimena bamena riti Diore İna senija, masa İna tiro riojo bojori bujacā İna. Masa İna ti masitoni bojori bujabojacā İna. Riti muare gotia yu. Itinati waja bujacāma İna. Ñe gaje buja remomenaji İna Dios taju. İnare masa rucububojarocati Dioama İnare rucububobicu yiguŋji. ¹⁷ Bamena riti Diore mua busija, joa cuni queno siro, rio cuni queno coe yiba muare masa ti masime yirona. ¹⁸ “Bamena riti Diore busirā ñama İna”, masa yibe yirona wanu quenama. Mani Jacu mani rāca ñagū İ sīgūti masitīñagū yiguŋji. Gājerā masibeto İ sīgūti masigū yiguŋji. Ito bajiri manire waja yigu yiguŋji İ, yiyiju Jesús İ rāca riasotirāre.

Ūmacūju Dios tu quenarise mani bujaroti gaye
(Lc 12.33-34)

¹⁹ Adi sitaju gajeoni jairo mio cūbesa. Adoju gajeoni mua mio cūbojarisere mutarācā barā yirāji gajeoni bari masa. Gajeoni jogaro yiroja, ito yicōri riniri masa rinirā yirāji. ²⁰ Yu tija ūmacūju mani Jacu taju quenarise miojuja quena. Itoju gajeoni bari masa manaji. Gajeoni jogabetoja. Ito yicōri riniri masa cuni ejaminaji. Ūmacūju manire yiari queno yisotitīñagū yiguŋji Dios. Manire İ queno yirise jedibetoja. ²¹ Gajeoni mani rucoroju mani tuoİarise ñaro yiroja manire. Ito bajiri ūmacūju mani Jacu taju quenarise mani miojuja quena, yiyiju Jesús İnare.

Mani ya cajea busurica robo bajiro baja, yi Jesús İ riasore gaye
(Lc 11.34-36)

²² Mani ya cajea queno iti ruyuja, mani tuoİarise queno sosaroja manire. Ticōri queno mani tuoİaja mani ya ūsi cuni quenaroja manire. ²³ Ito bajibojarocati tibojarāti queno mani tuoİabeja, mani ya ūsi cuni quenabetoja manire. Rāitīaroju mani rāgōro robo bajiro bajiroja manire. “Ado bajiro āmoami Dios”, yi masibojarāti Diore mani cūdiabeja, İre masirā meje ña mani. Ito bajiri buto busa rāitīaroju mani rāgōro robo bajiro bajiroja manire, yiyiju Jesús İnare.

Diore mani rucubuoja niyerure buto josare ma, yi Jesús İ riasore gaye
(Lc 16.13)

²⁴ Cocati mani ūjarā jūarāre cūdi masibea mani. Jūarā İna ñaja sīgūre queno ti maicōri, gājire ti tudirā yirāji mani. Sīgūre queno cūdirā yirāji mani. Gājire queno cūdimena yirāji mani. Iti robo bajiroti Diore mani cūdiya, niyeruĵare buto tuoİamenaji mani. Niyerure riti mani buto tuoİaja Diore queno cūdisabea mani, yiyiju Jesús İnare.

İrā masare tirānugū yiguŋji Dios, yi Jesús İ riasore gaye
(Lc 12.22-31)

²⁵ Gaje muare ado bajiro gotia yu: “ĶÑe bacōri catiguti yu?” ito yicōri, “ĶÑe idicōri catiguti yu?” yi tuoİabesa. “ĶÑeju sañacōri ñagūti yu?” yi tuoİabesa. Manire rujeoru ñacōri mani baroti, mani idiroti cuni İsi masiguŋji Dios. ²⁶ Minia ūmacūju wutirāre tuoİate mua. No ōno otemenaji İna. Ito yicōri no ōno bare miojumenaji İna. İna baroti soemenaji İna. Ito bajiro İna bajibojarocati mani Jacu ūmacūju gagu İnare bare ecaguŋji. “Minoa rētoro ñasarā ña mani Dios İ tija”, Ķyi masibeati mua? Minoare İ tirānuja buto busa manire tirānugū yiguŋji Dios. ²⁷ “Yoa busari cati āmoa yu”, yi mua oca jaija, Ķyoa busaro catirā yirājida mua? Meje, yoa busari catimenaji mua, yiyiju Jesús İnare.

²⁸ “ĶÑe sañagū yigujada yua?” yi tuoİa oca jaibesa mua. Joa gaye gore tuoİate mua. Iti go moabetoja. Ito yicōri iti sañaroti suabetoja iti. ²⁹ Ito bajibojarocati gore seyorisere iti ñaroca yami Dios. Ūju Salomōn ñayoru gajeoni jaigu ñabojaguti go robo saña jeobitioŋi İ. ³⁰ Gore seyorisere iti ñaroca yami Dios. Goama seyorisere ñabojaroti yoari mejeti siniaroja ūmacāni jeana. Iti siniaja ticōri, itire soerā yirāji masa. “Manire yutabuju İsiguŋji Dios”, Ķyi masibeati mua? İre queno tuorānusabea mua. ³¹ Ito bajiri, “ĶÑe barāti mani? ĶÑe idirāti mani? ĶÑe sañarāti mani?” yi tuoİabitiruja manire. ³² Diore masimena itire tuoİa oca jaicābojama İna. Manireama mani Jacu ūmacūju gagu ñacāmi, “Iti ruyā İnare”, yiri masu. ³³ “Dios ñami yu Ūju. İ yagu ña yu”, mani yi tuoİaja quena. Iti ña ñasarise. “İre bajiro quenarise riti yi āmoa yu”, mani yi tuoİaja quena. Ito bajiro mani yija, iti jeyaro manire ruyarise boca āmirā yirāji mani.

³⁴ “Jane busuri gaye ñe yigu yigujada yu?” yi tuoña oca jaibesa. Co rumu rayabeto ricati riti bajiroja. Jane busuri oca ñaja mani rāca ñagū yiguñi Dios. Ito bajiri, “¿ñe yigu yigujada yu?” yi tuoña oca jaibesa, yiyiju Jesús i rāca riasotirāre.

7

Gājerāre seti yibesa, yi Jesús i riasore gaye
(Lc 6.37-38,41-42)

¹ Gājerāre seti yibesa, Dios muare i seti yibe yirona. ² Gājerāre mua seti yiro bajiroti muare cuni seti yigu yiguñi Dios. “Itocō seti ña ñare”, gājerāre mua yiro bajiroti muare cuni, “Itocō ña seti”, yi masigū yiguñi Dios. ³ “Anire jabeto seti ña”, yibojarāti, “Guare jai busaro seti ña”, yi masibea mua. Seti cutirā ña mua cuni. Ado bajiro bajirā ña mua. Tuote. Mua babare cajeaju sūjuriacā iti ñaja ti masia mua. Ito bajibojarocati mua ya cajeaju sita jaje iti sãña biaja, ti masibea mua. ⁴ Mua ya cajeaju sita iti ñabojarocati mua babare cajeaju sūjuriacā āmicāto yiboja mua. Muamasireti bajirisereama ti masibea mua. ⁵ “Yiro robo yirā ña gua”, yirā ñaboja mua. Mua ya cajeaju sita sãñarisere āmicãña maji cajero. Iti sita mua āmicãja beroja queno ti masirā yirāji mua. Ito yicōri mua babare cajeaju sūjuri ñarisere āmicā masirā yirāji mua. Ado bajiroja bajia. Buto ñeñaro yirise mua jidicãja beroja, “Mu ñeñaro yirise jidicãña mu”, yi masirā yirāji mua babare, yiyiju Jesús ñare.

⁶ Buto quenarise ña Dios oca. Ire ti terāre riaso josabeja. Yaiare quenarise isibea mani. Ñare mani isibojaja, manire curutirā yirāji ña. Mua ya ñaque perla wame cutirisere yesea wato cōacūbeja. Mua cōacūja itire cūda aborā yirāji ña. Ito bajiroti Dios oca quenarise ire ti terāre riaso josabeja ña tuo āmobeja ticōri, yiyiju Jesús ñare.

Diore mani senija cudigu yiguñi, yi Jesús i riasore gaye
(Lc 11.9-13; 6.31)

⁷ Diore mani senija isigū yiguñi. Ire mani āmaja bujarā yirāji. “Mure busi āmoa yu”, mani yija, busi rotigu yiguñi manire. ⁸ No senigūti boca āmiguñi. No āmagūti bujagu yiguñi. “Busi āmoa yu”, yigūretī busi rotigu yiguñi Dios, yiyiju Jesús ñare.

⁹ “Naju āmoa yu”, yi mua macu i senija, ¿gūtagā isirā yirājida mua? Meje gūtagā isimenaji mua. ¹⁰ “Wai āmoa yu”, mua macu i yija, ¿ãña isirājida mua? Meje ãña isimenaji mua. ¹¹ Mua ñeñaro yirā ñabojarāti mua rñare queno yirāji mua. Ito bajiri itire masicōri mani Jacu ūmacūju gagu quenarise mani senija, “Manire isi masiguñi i”, yi tuoña mani, yiyiju Jesús ñare.

¹² Gājerā muare queno yire mua āmoja ñare cuni queno yiya mua. Ito bajiroti rotiyiju Moisés ñayoru, ito yicōri Diore goti isiri masa ña ucayore cuni, yiyiju Jesús masare.

Eyabiti ma ña Dios tu wara ma, yi Jesús i riasore gaye
(Lc 13.24)

¹³ Dios tuju mani eja āmoja suari soje bajiri soje sãjarāji mani. Jeame ūjuroju wara ma jaja ma ñaroja, ito yicōri soje sãjaraju eyariju ñaroja. Ito bajiri jãjarā warāji itijure. ¹⁴ Catitñarā wara ma eyabiti ma ñaroja. Ito yicōri iti soje sãjaraju jaibiti soje ñaroja. Ito bajiri coriarāti sãjarāji itojure, yiyiju Jesús ñare.

Ricana suori yucugare ti masia mani, yi Jesús i riasore gaye
(Lc 6.43-44)

¹⁵ “Dios oca goti isiri masa ña gua”, yibojarāre masiña mua. Ruori masa ñama coriarā. Mua tu ña eja, oveja guamenare bajiro ejarāji ña. Ito bajibojarāti buto yaia guarāre bajiro ñarāji ña. ¹⁶ Ña yiriseju ticōri masirā yirāji mua. Jota yucariju rica manoja uyé. Jota mariju rica manoja higos wame cutirise. ¹⁷ Ito bajiroti yucu quenarise, quenarise rica cutiroja. Ito yicōri yucu quenabitigu quenabiti rica cutiroja. ¹⁸ Yucu quenabitigu quenarise rica cutibetoja. Ito yicōri yucu quenaricu ñeñarise rica cutibetoja. ¹⁹ Yucugu queno rica manigūre itigure quēacōri jeameju soerā yirāji mani. ²⁰ Ito bajiroti masare cuni ña yirise ticōri ñare ti masirā yirāji mua, yiyiju Jesús ñare.

Dios i rotiro ñasaraju eja jedimenaji masa, yi Jesús i riasore gaye
(Lc 13.25-27)

²¹ Jãjarā, “Gua ūju ña mu”, yibojarāti coriarāti ūmacūju yu Jacu i rotiroju ejarā yirāji ña. Yu Jacu i āmoro robo bajiro yirā riti ejarā yirāji. ²² Iti rumu iti ejaroca jãjarā ado bajiro yibojarā yirāji: “Gua ūju mu rotire rāca riti Dios oca busisoticu gua. Mu rotire rāca rümua sãñarāre bucōacu gua. Ito yicōri mu wame rāca jaje tiyamani locu gua”, yibojarā yirāji ña yure. ²³ Ito bajiro ña yibojarocati ado bajiro ñare yigu yigūja yu: “Yu ñarā meje ña mua. Muare masibea yu. Yure wa camotadicoasa mua. Ñeñaro yiana ña mua”, yigu yigūja yu ñare, yiyiju Jesús masare.

Yure queno tuorünarã sita butiroju wi menirã robo bajiro bajirã ñama, yi Jesús i riasore gaye

(Mr 1.22; Lc 6.47-49)

²⁴ Yure tuocõri yu rotiro bajiro yigu, locũ ñami queno tuoãgã. I ñami sita butiroju wi menirãocũ robo bajiro bajigu. ²⁵ Sita butiroju wi i menija bero ide quediyyju. Riari jue jaiyyju. Ito yicõri buto mino wëayiju. Ito bajibojarocati sita butiroju ñacõri cadabisiju iti wi. ²⁶ Yure tuobojaguti yu rotiro bajiro yibicu, tuoãa masibicu ñami locã. I ñami sita jujuroju wi menibojaru robo bajiro bajigu. ²⁷ Ito wi i menija bero ide quediyyju. Riari jue jaiyyju. Ito yicõri mino wëayiju. Ito bajiri sita jujuroju ñacõri wi jujayiju, yiyiju Jesús masare.

²⁸ Ito bajiro Jesús masare i busija bero ruju ucayijarã ina. ²⁹ Judio masa rotirise riasori masare bajiro meje queno busa riasoyiju Jesús. Dios i cüre räca ñasarise i riasojare ruju ucayijarã ina masa.

8

Ruju cami jogagure Jesús i yisioire gaye

(Mr 1.40-45; Lc 5.12-16)

¹ Jesús i turia roja ejaroca jãjarã masa suyayijarã ire. ² Ito i waroca sigũ i ya ruju cami jogagu Jesure canamoyiju. Jesús riojo rijmunigãna ñini rũjũyiju. Ito yicõri ado bajiro yiyiju i Jesure:

—Yu Eju, yu ya cami mu ya ãmoja, yaguja mu, yiyiju i Jesure.

³ Ito yija tuocõri, i ya ãmona moa jeoyiju Jesús.

—Ãmoa yu. Mu ya cami yacuja yu, yiyiju Jesús i ya ruju cami jogagure:

Ito bajiro Jesús i yirocati i ya cami yaticoyiju ire. ⁴ Ito yicõri ado bajiro rotiyiju Jesús ire:

—Tuoya, gãjerãre goti batobeja. Riojo wacõri paire lotëña. Moisés i rotiyoado bajiroti ecarure siacõri Diore yiari soe isima. Ito mu yija ticõri, “Cami yaticoañi”, yirã yirãji masa, yiyiju Jesús i ya ruju cami jogagogure.

Surara uju ya moari masare Jesús i yisioire gaye

(Lc 7.1-10)

⁵ Capernaum wame cutiri cuto Jesús i ejaroca sigũ surara uju i tũju wayiju. Romano masu ñayiju i. Jesús tu ejaõri ado bajiro ire josayiju:

⁶—Tuoya yu Eju mu. Yu ya wiju yu ya moari masu cõ yosami. Buto juni wisi yosami, yiyiju i Jesure.

⁷ Ito yija tuocõri, ado bajiro cudiyiju Jesús ire:

—Ire yisiogu wacu yiguja yu, yiyiju Jesús ire.

⁸ Ito bajiro i yiroca ado bajiro cudiyiju surara uju, Jesure:

—Yu Eju, ñasagu meje ña yu, yu ya wi mu sãjabajaja canĩ. Adojunati goti ñucaña mu. Ito yirocati yu ya moari masu caticoagu yiguñi. ⁹ Gãjerã yu ujarã roca gagu ña yu. Ina rotirise cudigu ña yu. Ito bajiri yu roca gãna yu ya surara yu rotirã ñama yure canĩ. Sigãre, “Wasa”, yu yija waguñi i. Gãjire, “Waya”, yu yija wadiguñi i. Ito yicõri yure ejabuari masu ire yu rotija, ire yu rotiro bajiroti yiguñi i. Adojunati mu goti ñucaja yu ya moari masu caticoagu yiguñi, yiyiju i Jesure.

¹⁰ Ito bajiro i yija tuo ucacõri, “Yure tuorünusacõami ãni”, yi ti masiyiju Jesús ire. Ito bajiri ado bajiro yiyiju Jesús i räca riasotirãre:

—Riti muare gotia yu. Israel sita gãna wato ire bajiro yure tuorünugũ tiãbiticu yu, yiyiju Jesús masare. ¹¹ Riti muare gotia yu. Jãjarã umacañi i quedi sãjaro gãna i joejearo gãna canĩ umacãju Dios i rotiroju ejaõri ba rujirã yirãji ina. Abraham, Isaac, ito yicõri, Jacob ñayoana räca ba rujirã yirãji. ¹² Israel sita gãna Dios rotiroju ejaboanare rãitãroju ñare cõagũ yiguñi i. Itoju ejaõri ñeñaro tõbujarã yirãji. Ito bajiri oticõri buto tuoãa oca jairã yirãji, yiyiju Jesús masare.

¹³ Ito yija surara ujure ado bajiro yiyiju Jesús:

—Mu ya wiju tãdi wasa. Yure mu tuorünaro bajiroti mure moa isiri masu caticoagu yiguñi, yiyiju Jesús ire.

Ito i yirijuti surara uju ya moari masu i ya wiju caticoayiju i tã.

Pedro mañicõre Jesús i yisioire gaye

(Mr 1.29-31; Lc 4.38-39)

¹⁴ Pedro ya wiju wayiju Jesús. Ito wi ejaõri, Pedro mañicõre tiyiju Jesús. Cama joeju iso cõ jesaja tiyiju Jesús. Buto ruju yayiju isore. ¹⁵ Isore ticõri ãmo i moaãarocati ruju yarise jedicoayiju isore. Ito bajiri wamucõri masare eca bocasoyijo iso.

Jājarā űnarise cūtirāre Jesūs īyisiore gaye
(Mr 1.32-34; Lc 4.40-41)

¹⁶ Ito rāioroca jājarā rūmā sāñarāre Jesūs tujū āmi ejayijarā masa. Ito īna bajija ticōri, coji ī būsirisenati rūmāare bucōacōyijū Jesūs. Ito yicōri űnarise cūtirāre yisiōyijū Jesūs. ¹⁷ Ito bajiro rētayijū Isaiās Diore goti īsiri masū űayoru ī goticādo bajiroti. Ado bajiro yiyijū Isaiās űayoru: “Manire ruju gajajuarise ito yicōri mani ruju űnarise cūtirise yisiōgū yiguūji”, yiyijū Isaiās űayoru yure tuoīa yugū, yiyijū Jesūs masare.

Jesure tuo sūya āmorā
(Lc 9.57-62)

¹⁸ Jājarā masa ī tujū īna gāni biaja ticōri, “Gaje dūjaju jēa wato mani”, yiyijū Jesūs ī rāca riasotirāre. ¹⁹ īna waroto riojua sīgū Moisés rotirise riasori masū, Jesūs tū ejayijū:

—Riasori masū, no mū waroti mure sūya āmoa yū, yiyijū ī Jesure.

²⁰ Ado bajiro cūdiyijū Jesūs īre:

—Buyairoare īna caniri goje űacu. Wūtirāre cūni īna ya jibū űacu. Ito bajibojarocati Masa Rījorureama no cūñaraju ma īreama. Īti űa yū Masa Rījoru. Ito bajiri yure mū suyaja josari űaroja mure, yiyijū Jesūs īre.

²¹ Ito yija gāji Jesūs rāca riasotiri masū ado bajiro yiyijū īre:

—Yū jacure codegu űa yū maji. Ī godaja bero mure suyacuja yū maji, yiyijū ī Jesure.

²² —Adocātati yure suyaja quena. Godarāma godarāmasiti gāmeri yujejaro. Jeyaro mū tuoīa oca jairisere jidicācōri yure suyaja quena, yiyijū Jesūs īre. Yure tuorānumena godacānare bajiro bajirā űama. Īnamasiti godarāre yujerā yirāji.

Minore, jacūrisere cūni Jesūs ī rētoare gaye
(Mr 4.35-41; Lc 8.22-25)

²³ Ī ito yija bero cumaju ī rāca riasotirā rāca sājayijū Jesūs. ²⁴ Itajura gudareco īna tujaroca mino buto wēayijū. Ito bajicōri cumaju jacūsāyijū. Ito iti bajibojarocati canigū yiyijū Jesūs.

²⁵ Ito iti bajija ticōri, ī rāca riasotirā īre yujiōyijarā. Īre yujiōcōri ado bajiro yiyijarā īna īre:

—Gua űju rujarā ya mani. Ito bajiri guare masoña, yiyijarā īna Jesure.

²⁶ —¿No yija buto gūiati mūa? Yure queno tuorānubea mūa, yiyijū ī īnare. Ito yija wūmū rūgūyijū ī. Ito yicōri minore, “Wēabesa”, ito yicōri jacūrise, “Jacūbesa”, yiyijū Jesūs.

Ī ito yija bero űe godo manoti tujacoayijū īja. ²⁷ Ī rāca riasotiri masa itire ticōri ruju ucayijarā:

—¿Nimūōcū masū űatibe āni? Mino wēarise, ide jacūrise cūni ī rotija tuoā īre, yi tuoīayijarā īna.

Gadara gāna rūmā sāñarā oca
(Mr 5.1-20; Lc 8.26-39)

²⁸ Itajura gaje dūjaju Gadara wame cūtiri sita ejayijarā īna. Ito īna ejaroca jūarā űmūa masari cumaju budi wadiyijarā. Ito yicōri Jesūs tū eja rūgūyijarā īna. Jūarājuti rūmā sāñarā űayijarā īna. Buto guarā űayijarā īna. Ito bajiri īna tū rēta masia mañijū. ²⁹ Jesure ticōri ado bajiro awasāyijarā īnare sāñarā rūmā:

—Jesūs, Dios Macū űa mū. ¿No yija gua tū wadiati mū? ¿Adocāta jeame űjuroju guare cōacōri gua tōbjaroca yigu wadiri mū? yiyijarā īna Jesure.

³⁰ Ito sōjua nocō mejeti jājarā ecana yesea āma ba űayijarā. ³¹ Yeseare ticōri ado bajiro Jesure josayijarā rūmā:

—Guare mū bucōaja, űa yeseare guare sāja rotiya, yiyijarā īna Jesure.

³² —Mūare roticā yū. Wasa, yiyijū Jesūs rūmāare.

Ito ī yirocāti űmūa jūarājureti rūmā budicoayijarā īja. Ito yicōri yeseajūare sāja wayijarā īna mūcana. Yeseare īna sājarocati turia űmaquedi roja wacōri itajuraju quedi roacoayijarā īna. Ito bajiri űarocōti ruja godacoayijarā īna īja.

³³ Yeseare tirānubojana ito iti bajija ticōri, gūirā űmaquedi wayijarā īna. Cūtoju ejacōri, “Ado bajiro rētamu”, yirona goti jeoyijarā īna. Rūmā sāñabojarāre īna rūmā budigore gaye goti jeoyijarā īna iti cuto gānare. ³⁴ Īna ito bajiro gotija tuocōri, Jesūs tajuare minijua wayijarā masa, iti cuto gāna. Jesure gūirā ī ware āmorā īre josayijarā īna.

9

Rudurare Jesūs īyisiore gaye
(Mr 2.1-12; Lc 5.17-26)

¹ Ito yija mūcana cumaju sājayijū Jesūs. Ito bajiri itajura gaje duja jēa wacōri ī ya cūtoju ejayijū. ² Ito ī ejaroca rudurare cōrāre īna jeorona īre āmi ejayijarā Jesūs tū. “Yure queno tuorānurā űama īna”, yi ti masicōri ado bajiro yiyijū Jesūs rudurare:

—Oca sêõña yu macu. Mũ ñeñaro yirise ma mure ñja, yiyiju Jesús ñre.

³Ito ñ yija tuocõri, ito gãna coriarã judio masa rotirise riasori masa ado bajiro tuoñayijarã: “Ito bajiro ñ busija, Diore rãcũbuobicu yami ñ”, yi tuoñayijarã ñna. ⁴Ito bajiro ñna tuoñarise ti masicõri ado bajiro yiyiju Jesús ñnare:

—¿No yija ito bajiro ñeñaro tuoñati mua? ⁵¿Disejua ñati josasabiti mua tija? “Mũ ñeñaro yirise coecoaju”, yu yija, ¿quena ñarajada mua tuoñaja? “Wũmũña, wasa”, yu yija, ¿quena ñarajada? ¿Disejua ñati josasabiti mua tija? ⁶Yu ña Masa Rñjora. Adi sitaju Dios ñ cũre rãca ña yu. Ito bajiri masa ñeñaro ñna yiriserẽ ãcabojo masia yu. “Riti Dios ñ cũre ña mũ”, yure mua yi ti masitoni ado bajiro ya yu rudurure:

—Wũmũña. Mũ ya cama ãmiña. Mũ ya wiju tãdi wasa, yiyiju Jesús.

⁷Ito ñ yirocati ruduru ñabojaru wũmũyiju. Ito yicõri ñ ya wiju wacoayiju ñ ñja. ⁸Ñ ito bajiro bajija ticõri, güyijarã masa. “Adi sita gagure ñ masirise jidicãñi Dios”, yi tuoñacõri, Diore rãcũbuoyijarã masa.

Mateore Jesús ñ jire gaye

(Mr 2.13-17; Lc 5.27-32)

⁹Itona wacõri yu Mateo ture ejaquĩ Jesús. Cuto ñari masare moa ñsigũ ñnare niyeru boca ãmiriju ñacu yu. Yure ti bujacõri ado bajiro yiquĩ Jesús yure:

—Yu rãca waya, yiquĩ Jesús yure.

Jesús yure ito bajiro yija tuocõri, ñre sũya wacu yu ñja.

¹⁰Yu ya wiju ejacu gua. Ito ejacõri basuocu gua. Niyeru boca ãmi ñsiri masa, ñeñaro yiri masa ñacã ñna cuni gua rãca barona. Jesús rãca riasotirã cuni ñacã gua rãca barona. ¹¹Ito bajiro iti bajija ticõri, fariseo gaye tuoñarã gua rãca riasotirãre ado bajiro seniãcã:

—¿No yija muare riasori masũ niyeru boca ãmi ñsiri masa ito yicõri ñeñaro yiri masa rãca bati? yicã ñna.

¹²Ito bajiro ñna yija tuoquĩ Jesús:

—Ñarise mana, cõmena cuni uco masare ãmomenaji ñna. Cõrã riti uco masare ãmarãji ñna.

¹³Dios oca tuti gaye ticõri tuoñaña mua. Ado bajiro gotia iti. “Gãjerãre mua tuo maire ãmoa yu. Gãjerãre tuo maibitibojarãti ecarure siacõri yure mua soe ñsibojaja ñe waja ma iti”, yi gotia Dios oca tuti, yiyiju Jesús ñnare. Queno yirãre jirocu meje adi sita wadicu yu. Ñeñaro yirãre ñeñaro ñna yirise jidicãtoni gaje adi sitaju wadicu yu, yiquĩ Jesús ñnare.

Bamenati Diore rãcũbuore gaye

(Mr 2.18-22; Lc 5.33-39)

¹⁴Ito ñana Juan idé guri masũ rãca riasotirã Jesure seniãrona ñ tu ejaçã ñna:

—Gua ito yicõri fariseo gaye tuoñarã cuni coji ruyabeto Diore rãcũbuorã bamenati ñre rãcũbuocu gua. ¿No yija mũ rãca riasotirãma bare bamenati ñre rãcũbuobeati ñna? yicã ñna Jesure.

¹⁵Ñna ito yija tuocõri, ado bajiro ñnare goti masioquĩ Jesús:

—¿Sĩgũ ñ ãmo siari rãmũ ñ rãca wanarona ñ ji ñucana ñ rãca ñabojarocati bojori bujarã yirãjida ñna? Bojori bujamenaji. Yu baba mesa cuni bojori bujamenaji ñna rãca yu ñarocama. Co rãmũ yure ñna ñiaroti rãmũ ejaro yiroja. Yure ñna ñiaja ticõri, bamenati yure yiari Diore senirã yirãji yu baba mesa, yiquĩ Jesús ñnare.

¹⁶Saya buçaro iti tadija, mamarona sere wõmenaji mani. Mamarona mani sere wõja tãatu wato buçaro tadiroja. Ito bajicõri jaja goje busa tadi waroja ñja. Mame oca yu riasorise cuni buçarã oca rãca tuoña wisabesa. ¹⁷Hyé mame ide wecu wiwo bucu baju jiojenaji mani. Bucu baju mani jiojama wiwo cuducoaroja. Ito yicõri idire wiwo cuni juajiju godaroja. Ito bajiro hyé mame ide wecu wiwo mama bajuna jiore ñaroja. Ito yicõri hyé ide, wecu wiwo cuni corocõ ñaro yiroja, yiquĩ Jesús ñnare.

Jairo macore Jesús ñ yisioire gaye

(Mr 5.21-43; Lc 8.40-56)

¹⁸Ito bajiro Jesús ñ gotiroca riti sĩgũ judio masa ujũ ejaquĩ Jesús tu. Jesús riojo ñre rãcũbuogu ñni rũjũquĩ ñ. Ito yicõri ado bajiro yiquĩ ñ Jesure:

—Janeti yu mũ jedicoamo. Iso tu ejaçõri isore mũ moañaja tãdi caticoago yĩgõji iso, yiquĩ ñ Jesure.

¹⁹Ito ñ yija tuocõri, ñre sũya waquĩ Jesús. Ito bajiri gua ñ rãca riasotirã cuni wacu. ²⁰Ito bajiro gua waroca sĩgõ romio cõgõ Jesús judojua eja rũgãcõ. Iso ñacõ romia ñarise cõgõ. Itire jua gubojeno rodori cõ ñayijo iso. Jesús judojua ejaçõri ñ ya yutabuju gaja moañacõ iso. ²¹“Ñ ya yutabuju gaja yu moañajati caticoago yigoja yu”, yi tuoñari seyocõ iso. ²²Ito bajiro iso yija tuo masicõri, juda rũgũquĩ Jesús. Ito yicõri ado bajiro isore gotiquĩ:

—Oca sêõña yu maco. Yure tuorãnegõ ñacõri caticoaju mũ ñja, yiquĩ Jesús isore.

Ito bajiro ñ yirocati tujacoacõ iso ñja.

²³ Ito yija bero yoa busari wacōri uju ya wiju ejacu gua. Ujjerona basa ñna menija ticu gua. Ito yicōri ruje masa ñna oca cutirise ruyucu. ²⁴ Jesús ado bajiro gotiquí ñnare:
—Adijure budigoya mua maji. Adio macoacá cōgō meje yamo. Canigō yamo, yiquí Jesús ñnare.

Í ito yija tuocōri, ñre ajacá ñna. ²⁵ Masa ñna budigoja bero macoacá tu sāja wacōri isore amo tãa ñnaquí Jesús. Í ito yirocaci jaja rújucō iso. ²⁶ Ito bajiro Jesús í yija ticōri, iti sita ñarocōti oca batacu.

Jūarā cajea timenare Jesús í yisiore gaye

²⁷ Itoju gua waroca cajea timena jūarā awasā sayacá Jesure:

—Guare ti maíña David ñayoru janerābatia janami mu, yicá ñna Jesure.

²⁸ Wiju gua sāja ejaroca ñna jūarā cajea mana cuni sāja ejacá. Ito bajiri ñnare ado bajiro senñaquí Jesús:

—“Gua ya cajea tiroca yigu yiguí Jesús”, ¿yi tuoíati mua? yiquí Jesús ñnare.

—Ito bajiroti tuoía yu Uju gua, yicá ñna Jesure.

²⁹ ñna ito yijare, ñna ya cajeaju moa jecoquí Jesús:

—Yure mua tuorūnuro bajiroti mua ya cajea tiroca ya yu, yiquí Jesús ñnare.

³⁰ Ito í yirocaci ñna ya cajeari ticoacá ñna. Ito yicōri sēoro ado bajiro gotiquí Jesús:

—Queno tuoíama. Gājerāre goti batobeja, yiquí Jesús ñnare.

³¹ Ito bajiro í yibojarcaci yoari mejeti wacōri goti batoyijarā ñna iti sita gānare Jesús í yigorere.

Busibicure í busiroca Jesús í yire gaye

³² Itijana ñna wasuogoca coriarā ejacá masa busibicure āmi ejarā. Rāmú sãñagū ñnaquí í.

³³ Jesús rāmúre í bucōaja bero busibicu ñabojaru busisuoquí ñja. Itire ticōri ruju acacá masa. Ito bajicōri ado bajiro yicá ñna:

—Israel sitaju ado bajirise tūābiticu gua maji, yicá ñna.

³⁴ Fariseo gaye tuoíarāma ado bajiro yicá:

—Āniōcū rāmúá uju í masirisena rāmúare bucōami āni, yicá ñna.

Masare Jesús í tuo maire gaye

³⁵ Co cuto rayabeto gua ejarocō cūri cūtori, mutari cūtori cūni minijuara wiju masare riasoquí Jesús. “Íre tuorūnrāre í rotiroju miojugu yiguí Dios”, yire gaye masare riasoquí Jesús. Masa jeyaro ñna ñarise cutirisere yisioquí Jesús. ³⁶ Masa ñna cōja, ñna bojori bujaja ticōri, ñnare ti maíquí Jesús. Jesús í tija oveja uju mana robo bajiro bajirā ñnacá ñna. ³⁷ Ito yija guare ado bajiro yiquí Jesús:

—Riti muare gotia yu. Jaje ote bucua. Ito bajibojarcaci coriarāti ñnama itire āmiri masa.

³⁸ Ito bajiri ote ujare seniña, moari masare í cōatoni, yiquí Jesús guare. Ito bajiro í gotija ado bajiro yireoni yiri seyoquí Jesús: Jājarā ñnama maji coji Dios ocare tuoía yimena. Ito bajibojarcaci coriarāti ñnama ñnare í oca gotirona. Ito bajiri Diore seniña jājarā busa gotiri masare í cōatoni.

10

Jua gubojeno apóstol mesare Jesús í besere gaye

(Mr 3.13-19; Lc 6.12-16)

¹ Ito yicōri gua jua gubojeno ñarāre jimiojuquí Jesús. Ito bajiro guare jimiojucōri rāmúá sãñarāre bucōa rotiquí í. Ito yicōri masa jeyaro ñna ñarise cōrisere guare yisio rotiquí í. Ito bajiro yicōri cōrāre gua yisio masiroca yiquí Jesús.

² Adocō ña gua jua gubojeno ñarā Jesús oca riaso ucutoni í cūana. Tite mua. Cajero Simón Pedro wame cutigu ito yicōri í ocabaji Andrés, ito bero Santiago, ito bero í ocabaji Juan, Zebedeo rīa ñama ñna. ³ Bero Felipe, bero Bartolomé, bero Tomás, ito bero yu Mateo ujarāre yari waja seni isibojacacu, ito bero Santiago, Alfeo macu ñami. Ito bero Tadeo. ⁴ Ito bero Simón, celote gaye tuoíagoru ñami í, ito bero susari Judas Iscariote. Í ñami Jesure ñna ñiatoni gotira.

Dios oca ñna goti ucutoni í rāca riasotirāre Jesús í cōare gaye

(Mr 6.7-13; Lc 9.1-6)

⁵ Ado bajiro gua jua gubojeno ñarāre riaso ucu rotiquí Jesús:

—Judio masa meje ñna ñari cūtori riaso ucubeja mua. Samaria sita cūtori cūni wabeja mua. ⁶ Quenogoroama Israel sita gāna tu wasa. ñna ñnama oveja wisana robo bajiro bajirā. ⁷ “Yoari mejeti ñre tuorūnrāre miojugu yiguí Dios”, yi riaso ucuba mua. ⁸ Ruju jogarāre mua ti bujaja ñnare yisioba mua. Gājerā gaje ñarise cutirāre cūni yisioba mua. Godanare cūni ñna catiroca yiba. Rāmúá sãñarāre cūni ñnare bucōama mua. Ito bajiro mua yi masitoni waja

manoti muare jidicā yu. Ito bajiro muare yu jidicājare mua yirise waja, waja senibeja mua canī, yiquī Jesús guare.

⁹ 'Mua waja niyeru kujiri, oro kujiri, cobre kujiri āmi wabeja mua. ¹⁰ Ito yicōri gajeoni sāra bajuri āmi wabeja mua. Coro mua sāñaro riti āmi waja. Gaje guboco mua wasoaroti āmi wabeja. Gajegu turigu āmi wabeja. Diore moa ĩsirā mua ñajare mua riasorāñua muare bare ĩna ecaja quena, yiquī Jesús guare.

¹¹ 'Jaja cuto jaibiti cuto cuni mua ejaja, yiro bajiro tuoġagüre āmama. Īocū mua bujaja ĩ tu canima mua. Iti cuto gānare mua riasoja ĩ tu riti ñama maji, mua waroto riojua. ¹² Wiju mua ejaja, žñati mua? yi seniācōri, "Queno ñaña mua", yiba. ¹³ Masa queno muare ĩna boca āmija, ito bajiroti, "Queno ñaña mua", yi jidicāma ĩnare. Muare ĩna queno boca āmibeja, "Queno ñaña mua", yi jidicābeja ĩnare. ¹⁴ Muare ĩna boca āmi āmobeja, ito yicōri muare ĩna tuo āmobeja, iti wire ñabeja mua. Ito yicōri iti cutore ñabeja mua. Iti cutore jidicā warā mua ya gubori sūjuri wārisere ja batecāma mua. Ito bajiro mua yija ticōri, "Īnare queno boca āmibeja mani", yi tuoġa masirā yirāji ĩna iti cuto gāna. ¹⁵ Riti muare gotia yu. Sodoma ito yicōri Gomorra gāna rēto busaro ñeñaro tōbujarā yirāji ĩna masa ĩna ñeñaro yirise waja Dios ĩ seniri ramu, yiquī Jesús guare.

Dios oca mua gotija tuo junisinicōri ñeñaro mua tōbujaroca yirā yirāji, Jesús ĩ yire gaye

¹⁶ 'Yu muare riaso ucu rotija, oveja robo bajiro yaia wato guijoroju muare cōa yu. Queno āñare bajiro ñacāña mua. Ito bajibojarocati bujare bajiro queno yirā ñama mua. Itoju mua waroto riojua, "Ado bajiro mani yija quena", yirona queno tuoġama maji. Ito bajiri ito gāna mua ejaroca ñeñaro ĩna yibojarocati queno yiba muama ĩnare. ¹⁷ Queno tuoġama mua. Muare ñacōri ujarā riojo āmi warā yirāji ĩna. Ito yicōri minijuara wi cuni muare bajerā yirāji ĩna. ¹⁸ Yu ocare mua riasojare gobierno masa ito yicōri cuto gāna ujarā riojo muare āmi warā yirāji ĩna. Ito bajibojarocati ĩna riojo yu gaye busirā yirāji mua. Ito yicōri judio masa meje ñarāre cuni gotirā yirāji mua. ¹⁹ Oca quenori masu riojo muare ĩna āmi ejaja. "¿No bajiro tuoġa busigutibe yu, yigu yigujada yu?" yi tuoġa oca jaibeja mua. Mua busiraju ĩt ejaia, mua busiroti muare gotigu yiguñi Dios. ²⁰ Mua busija muario meje busirāji mua. Mani Jacu ĩ ya usi mua rāca ñajare busirā yirāji mua, yiquī Jesús guare.

²¹ 'Guijorise iti rētaja tirā yirāji mua. Masa ĩna ñarāreti gājerā ĩna sīatoni ñia rotirā yirāji ĩna. Ito yicōri jacu mesa gājerā ĩna sīatoni ĩna rīare ñia rotirā yirāji. Ito yicōri ĩna rīaju ĩnare ti junisinicōri gājerāre sīa rotirā yirāji ĩna. ²² Yu ocare mua goti ucujare, masa jeyaro muare ti tudirā yirāji. Noa yare jidicāmenati jeame ūjuroju ĩna waborere ĩnare, masogū yiguñi Dios. ²³ Cutoju mua tōbujaroca ĩna yija, gaje cutoju rudi waja. Riti muare gotia yu. Jeyaro Israel sita gāna catori mua wa ucu jeoroto riojaju, yu Masa Rījoru eġagu yiguja yu, yiquī Jesús guare.

²⁴ 'Sīgū riasotiri masu ĩre riasora rēto busaro masigū mami. Ito yicōri sīgū moari masu ĩ ūju rētogū mami. ²⁵ Sīgū riasotiri masu ĩre riasorare bajiroti yija quena. Ito yicōri moa ĩsiri masu ĩ ūjare bajiroti yija quena. Yu mua ūjare Beelzebū ĩna wame yi tudija, yu ñarā mua ñajare buto busa muare busiturā yirāji ĩna, yiquī Jesús guare.

Diore mani güija quena, Jesús ĩ yire gaye
(Lc 12.2-7)

²⁶ 'Ito bajiro ĩna busitubojarocati ĩnare güibeja mua. Ñejuja yeyo busire ma Dios ĩ tiro riojo. Ñejuja masa ĩna yeyo masirise ma. Jeyaro ti masiguñi Dios. ²⁷ Masa jeyaro tuobeto yu muare gotirise jeyaro masa ĩna tuotoni goti batoba mua. Muare yu yeyo gotiriserre masare jimiojucōri ĩnare gotiba. ²⁸ Mua ya rujare sīarāre güibeja mua. Mua ya usijure sīa masimenaji ĩna. Diore mua güija quena. Ī ñami mua ya rujare sīacōri mua ya usire jeame ūjuroju cōa masigū. Īre mua güija quena, yiquī Jesús guare.

²⁹ 'Minia jāarācā waja niyeru cotiacā senirāji ĩna. Waja mana ĩna ñabojarocati ĩna quedi godaja ti masiguñi mani Jacu. ³⁰ Manire cuni queno tirāñuami Dios. Mani ya rijoga joa co joa ruayabeto cōia masiguñi Dios. ³¹ Ito bajiri tuoġa oca jaibitiraja manire. Minia rētoro ñasarā ña mani Dios ĩ tija, yiquī Jesús guare.

"Jesure masigū ña yu", mua yi bojobeja quena, Jesús ĩ yire gaye
(Lc 12.8-9)

³² 'Masa tiro riojo, "Jesure tuorānurā ña gna", yirāreama yu cuni yu Jacu ūmacūju gagure, "Īna ñama yu ñarā", yi masigū yiguja yu. ³³ Ito bajibojarocati masa tiro riojo, "Jesure masibeja yu", ĩna yija, yu cuni yu Jacu ūmacūju gagure, "Yu ñarā meje ñama ĩna", yi masigū yiguja yu, yiquī Jesús guare.

Yure mua tuorāñuja ticōri, muare ti junisinirā yirāji, Jesús ĩ yire gaye
(Lc 12.51-53; 14.26-27)

34^a “Sígũre bajiro tũoĩacõri masa ìna queno wana quenatoni wadiñi Jesús”, yì tũoĩabesa mua. Ñeñaro yì ãmorã yu oca tuomenati junisinirã yirãji masa. 35 Sígũ yure ì tuorũnũja ì jacũjua ìre tudigu yiguĩji. Ito yicõri sigõ yure iso tuorũnũja iso jacojua isore tudigo yigõji. Ito yicõri sigõ yure iso tuorũnũja iso mañicõ isore tudigo yigõji. 36 Ito bajiri sigũ yure tuorũnũgã ì ñajare, ì ñarã ñabojarãti ìre ti tudirã yirãji ìna. Ito yicõri ìna ñarã yirãji ì wajana, yiquĩ Jesús guare.

37^a No ì jacore ì jacure yure rëto busaro maigũ yu yagu ñado mami ìocũ. No ì macore ì macure yure rëto busaro maigũ yu yagu ñado mami ìocũ. 38 “Jesure yu sayaja yucutëoju yure jaju sjarã yirãji”, yì tũoĩa güigu, yu yagu ñado mami ìocũ. 39 No ì catirise maibojaguti godagu yiguĩji. Ito bajibojarocati yure tuorũnũgã, yu oca ì gotija tũo junisinicõri ìna slagũama catitĩñare gaye bujagu yiguĩji, yiquĩ Jesús guare.

*Dios tu waja bujare gaye
(Mr 9.41)*

40^a No muare boca ãmirãti yure cuni boca ãmirã yirãji ìna. Ito yicõri no yure boca ãmirãti yure cõarure cuni boca ãmirã yirãji ìna. 41 No, “Diore goti ìsiri masu ñami”, yì masicõri ìre boca ãmirã Dios tu ì bujado bajiroti waja bujarã yirãji ìna cuni. No, “Queno yigu ñami”, yì masicõri ìre boca ãmirã, Dios tu ì bujado bajiroti waja bujarã yirãji ìna cuni. 42 Riti muare gotia yu. No yure sayarãre ñasarã meje ìna ñabojarocati ñare boca ãmicõri ñare ìna ide ioja, waja bujarã yirãji ìnaõna. “Jesure sayagu ñami”, yì masicõri ìre ìna boca ãmija, waja bujarã yirãji ìnaõna, yiquĩ Jesús guare.

11

*“Jesure titëña”, Juan idé guri masu ì yì ñucare gaye
(Lc 7.18-35)*

1^a Gũa ì rãca riasotirã jua gubojeno ñarãre ito bajiro riaso rotiquĩ Jesús. Ito bajiro ì goti tũoja bero iti sita cãtori masare riaso ucurã wacu gũa, Jesure sayarã.

2^a Iti rumu masare idé guri masu Juan tubiara wiju ñañi. Itoju ì ñaroca Jesús ì masare riaso ucare, ito yicõri tiyamani ì ìore gaye oca ejayiju ìre. Ito bajiri Jesure ìna senĩatoni ì rãca riasotirã jjaarãre cõañi Juan. 3^a Gũa tu ejacõri ado bajiro Jesure senĩacã ìna:

—¿Mutĩ ñati Cristo Dios ì cõaru? Gãji mu ñajama, ¿gãjiũare bocatirãtite gũa? yì senĩacã ìna Jesure.

4^a Ìna ito yija tũocõri:

—Wasa, Juan tu tũdi wasa. Ì tu ejacõri mua tigure, mua tuogore cuni gotiba ìre. 5^a Ado bajiro ìre mua gotire ãmoa yu: “Timena cuni ticoa. Wamena cuni wacoa. Rujũ cami jogarã cuni cami yaticoa. Tuomena cuni tuocoama. Godana cuni tũdi caticoama. Ito yicõri bojoro bujarã cuni Dios oca quenarise gaye tuo, baji ñañi ìna Jesús ì masirise ìtojare”, yì gotiba, Juan tu mua ejaja. 6^a No yure tuorũnũgã ì jidicãbeja wana quenagũ yiguĩji, yiquĩ Jesús ñare.

7^a Ìna waja bero Juan idé guri masu gaye masare gotisũoqũ Jesús:

—¿Yucu manõju warã ñimure tũoĩa wacati mua? ¿Sígũ ãmũgũ mino iti waja, ue rãgõgũre tũoĩa wacatite mua? 8^a Ìocũre mua tũoĩa wabeja, ¿ñari masa ya yutabujuri sãñagũre tũoĩa wacatite mua? “Quenarise yutabujuri sãñarã ñacã ìna ujarã tu ñarã”, yì masia manĩ. 9^a ¿Ñimũjũare tũoĩa wasacati mua? ¿Diore goti ìsiri masure tũoĩa wacatite mua? Riti muare gotia yu. Gãjerã Diore goti ìsiri masa rëtoro ñagũre tiyija mua. 10^a Dios oca tutiju Juan idé guri masu gaye ado bajiro gotia:

Mũ riojua oca goti yuri masu cõagũ yiguja yu. Ìti ñami mu ejaroto riojua queno yuri masu, yì gotia Dios oca tuti.

11^a Riti muare gotia yu. Nijua gãji masu, masa jeyaro wato Juan idé guri masure bajiro ñasagu maquĩji. Ito bajibojarocati Dios ì rotiroju ñasarã meje ñabojarocati ìna ejaja Juan rëto busaro ñasari masa ñarã yirãji ìna, yiquĩ Jesús masare.

12^a Cajero Juan ì riasosũorocaju, ito yicõri adi rumuriju cuni jãjarã ñama Dios ì rotiroju sãja ãmorã. Jãjarã ñabojama ìna ñeñaro yirise jidicãmenati jore sãja ãmbojarã. 13^a Juan ì ejaroto riojua, “Ìre tuorũnũrãre ì rotiroju miojugu yiguĩji Dios”, yì tũoĩa yurã basiñi Diore goti ìsiri masa. Dios rotirise ucari masu Moisés ñayoru cuni ito bajiroti basiñi. 14^a “Diore goti ìsiri masu Elías wame cutigu goaõgũ yiguĩji”, yì goti yuyijarã ìna. “Juana sũoriti goaõami ìna tũoĩa yuru”, mua yì tũoĩaja quena. 15^a “Gãmo goje cutirã tũoya mua”, yiquĩ Jesús masare.

16^a ¿Ñena cõiacõri no bajiro bajiatibe adi rumuri gãna masa, yì cõigãtibe yu? Rĩaca cuto gudareco ìna baba rãca aje rujicõri busi rujirãre bajiro bajiamã ìna. 17^a “Seru jutia gũa. Ito bajibojarocati borobea mua. Bojori bujare basa gũa sãbojaja otibeã mua”, rĩaca yì ajerã robo bajiro bajirã ñama adi rumuri gãna. 18^a Ito bajiro ya mua cuni. Mua ãmoro bajiro gãji ì yibeja, junisia mua. Juan ì ejaja ticõri, jeyaro ì babeja, uyẽ ide ì idibeja ticõri, “Rãmũ sãñaru ñami ãni”, yicu mua. 19^a Ì bero ejacu yu, Masa Rĩjoru. Yu baja, yu idija ticõri, “Jairo bagu ñami ì. Ito

yicōri idiri masu ñami. Ñeñaro yiri masa baba ñami ñni. Ujaräre yiari waja seni Isiri masa baba ñami I", yicu mua yure. Ito bajiro mua yibojarocati Dios masirise mua tuo masi ñmoja, ñre masiräre ñna yigore ticōri tuo masirä yiräji mua, yiqui Jesús masare.

Cutori gāna riojo cudimena oca
(Lc 10.13-15)

²⁰ Ito bajiro i yija bero tiyamani i ñora cutori gānare tuoñacōri ñnare tudisñoquĩ Jesús. Ñeñaro yirise ñna jidicābejare ito bajiro ñnare tudiqui Jesús:

²¹ —Bujato bujarä yiräji mua Corazin gāna. Bujato bujarä yiräji mua Betsaida gāna cuni. Tiro cuto gāna ito yicōri Sidón cuto gānare cuni muare tiyamani yu ñocato bajiro ñnare yu ñoja iti ramuju ñna ñeñaro yirisere tuoña bojori bujacōri jidicāboana ñna. “Gua ñeñaro yirise jidicā gua”, yirona yutabuju bojori baju sañaboana ñna. Ito yicōri, “Bojori buja gua”, yirona ñna ya rijogaju ñja jeoboana ñna. ²² Riti muare gotia yu. Ñeñaro yirisere mua jidicābeja, Dios i waja seniri ramu Sidón gāna, Tiro gāna rēto busaro ñeñaro tōbujarä yiräji mua. ²³ Mua Capernaum gāna, “Umacāju Dios i ñaroju eñacoana mani”, yi tuoñaboja mua. Ejamenaji mua. Jubeju godana taju jeame ujuroju ejarä yiräji mua. Sodoma gānare tiyamani yu muare ñocato robo bajiro yu ñnare ñoja, ñna ñeñaro yirisere jidicāboana ñna. Ito bajiri adi ramuriju cuni ñnaboadoja ñna cuto maji. Tiyamani yu muare ñojarocati ñeñaro mua yirise jidicā ñmojeba. ²⁴ Riti muare gotia yu, Dios i waja seniri ramu Sodoma gāna rēto busaro ñeñaro tōbujarä yiräji mua, yiqui Jesús masare.

Yure mua shuyaja tujacäre gaye bujarä yiräji mua, Jesús i yire gaye
(Lc 10.21-22)

²⁵ Iti ramuri Diore ado bajiro busiqui Jesús:

—Cuna, umacāju gaju Uju ña mu. Adi tuti gaju cuni Uju ña mu. Mure rācubuoja yu. Yu riasorise ñasari masa, buto tuo masiräre cuni ñna masibitiroca ya mu. Ito yicōri yu riasorise buto ñasari masa meje, buto tuo masimenare cuni ñna tuo masiroca ya mu. Ito bajiri mure rācubuoja yu. ²⁶ Ito bajiro ya Cuna mu, mu ñmoro robo bajiro yigu, yiqui Jesús Diore.

²⁷ Jeyaro yu yirise, yu ñogorise cuni yu yi masiroca yami yu Jacu. Yu Jacu sigüti yure masiami. Gājerāma yure masibeama. Yu sigüti yu Jacure ti masia. Gājerāma ñre ti masimenaji. ñre masitoni yu gotirä riti yu Jacure masiräji ñna. ²⁸ Moare bogarä, rucurise ñmiboja bogaräre bajiro bajirä ña mua yu tija. Ito bajiri yure tuorä waya. Muare tujacä rotigu yigujaja yu. Ito yicōri yure mua tuorñnaja mua tuoña oca seoroca yigu yigujaja yu. ²⁹ Yu rotiro robo bajiro cudiya mua. Ito yicōri yu gaye riasoya. Masare ti maigü ñari seoro muare rotibicuja yu. Uñiroro yigu meje ña yu. Ito bajiri yu rotiro robo bajiro mua cudiya ticōri, mua tujacäroca yigu yigujaja yu. Ito yicōri mua ya usiju sajari oca catiro yiroja muare. ³⁰ Yu muare rotirise josari meje ña. Ito bajiri yu gaye mua cudiya bojori bujamenati queno wana quenarä yiräji mua. Rucubiti umarä bajiro wana quenarä yiräji mua, yiqui Jesús masare.

12

Jesús räca riasotirä trigo ajeri beja ñmicōri ñna bare gaye
(Mr 2.23-28; Lc 6.1-5)

¹ Iti ramuri tujacära ramu ñaroca ote wato wacu gua Jesús räca. Gua i räca riasotirä ñiocōcu. Ito bajiri trigo ajeri beja ñmicōri bacu gua. ² Iti gua baja ticōri, fariseo gaye tuoñarä ado bajiro yicä Jesure:

—Tite. Mu räca riasotirä tujacära ramu moare gaye mejeti moama ñna, yicä ñna Jesure.

³ Ito bajiro ñna yija tuoçōri, ado bajiro cudiquĩ Jesús:

—Co ramu David ñayoru i räca gāna ñiocō wana ñna yigore, ¿Dios oca tuti tiñabiticati mua?

⁴ Ñiocō wana ñari Dios ya wiju säjacōri, ñre rucubuoñä gājerä ñna cüre naju bayjarä ñna. Paia mesa riti ñna baroti ñnabojayiju iti. David mesa ñna baroti meje ñnabojayiju. ⁵ “Paia mesa tujacära ramu Dios ya wiju ñna tujacābeja ñeñaro yirä meje yiana ñna”, yi Moisés ñayoru i ucare gaye, ¿tiñabiticati mua? ⁶ Riti muare gotia yu. Dios ya wi rēto busaro ñasagu ña yu. ⁷ Dios oca tuti gaye queno tuoña masibeama. Ado bajiro gotia iti: “Masa gājeräre queno ti maija quena yure. No yibea ecaru siacōri yure ñna soe ñsija”, yi gotia Dios oca. Itire mua tuoña masija, gājeräre ti maicōri, “Ñnare seti ña”, yibitiboana mua. ⁸ Masa Rñoru, Dios i cüru ña yu. Ito bajiri tujacära ramu gaye yu rotiroti cuni cūquĩ Dios yure, yiqui Jesús masare.

Ñmo digarure Jesús i yisioire gaye
(Mr 3.1-6; Lc 6.6-11)

⁹ Ito yija bero judio masa minijuari wiju wacōri säjacu gua Jesús räca. ¹⁰ Iti wiju ñnaquĩ sigü co ñaja ñmo digaru. “Jesure seti ña”, yirona fariseo gaye tuoñarä ado bajiro Jesure seniñacä ñna:

—¿Moisés ñayoru rēobisijari tujacāra rumu cōrāre yisioro gaye? yi seniñacā ñna Jesure.

¹¹ Ñna ito yija tuocōri:

—¿Sīgū mua ya ecaru ī rujaraju ī quedi roaja āmirā wamenajida mua? Tujacāra rumu ñabajarocati mua ya ecaru ī quedi roaja ñre āmirā warāji mua. ¹² Ecaru rēto busaro ñasagu ñami masu. Ito bajiri tujacāra rumare cuni gājire mani ejabuaja quena, yiquī Jesús fariseo gaye tuoñarāre.

¹³ Ito yija āmo digagure ado bajiro yiquī Jesús:

—Mu ya āmo ñujoya ñja.

Ī ñucōarocati jajacoacu ñja, gaje duja ricare bajiroti. ¹⁴ Ito ī yija ticōri, budi wacā fariseo gaye tuoñarā. “¿No bajiro yicōri Jesure sñarujati mani?” yi tuoña busiri seyocā ñna.

Ado bajiro ñagū yiguñi Jesús, yi tuoña yure gaye

¹⁵ Ito bajiro ñna tuoñaja, tuo masicōri gajerojua waquī Jesús mucana. Gua cuni ī rāca wacu. Jesús ī waja ticōri, jājarā masa suya wacā gua rāca. Ito ī waroju ñajediro masa cōrāre yisioquī Jesús. ¹⁶ Ito yicōri, “Āniti guare yisioquī”, yibeja mua, yiquī ī ñnare. ¹⁷ Isaías ñayoru Diore goti isiri masu ī goticādo bajiroti rētacu itī. Ado bajiro goti ucayofñi Isaías ñayoru:

¹⁸ Āni ñami yure moa isiri masu yure cudigu. Ñre besecu ya. Ñre maia ya, ito yicōri ñre wanua ya. Yu ya usi ñre queo sāgū yiguja ya. “Masa ñna ñeñaro yirise waja senigū yiguñi Dios”, yi masare goti batogu yiguñi ī.

¹⁹ Masare oca josabicu yiguñi ī. Ito yicōri masare ma gudareco eja rūgūcōri awasā gotibicu yiguñi ī.

²⁰ Yure queno tuorānusamenare cuni ñnare cōabicu yiguñi. Yure queno tuorānusamenare ñnare ejabuagu yiguñi ī, yure ñna queno tuorānutoni. Ito bajiro ñagū yiguñi ī, masa jeyarore ya ti beseri rumu iti ejarocaju.

²¹ “Īti ñami masare masorocu Dios ī cōaru”, yi tuoña wanu yurā yirāji masa jeyaro, yi gotia Dios oca tuti, yiquī Jesús fariseo gaye tuoñarāre.

Rāmúa ujū rotirise boca āmicōri yami Jesús, ñna yire gaye

(Mr 3.20-30; Lc 11.14-23; 12.10)

²² Ito yija bero sīgūre Jesús tu āmi ejacā ñna. Ī ñaqui tibicu, busibicu cuni. Rāmū sāñagū ñnari ito bajiro ñabajaquī ī. Ñre yisioquī Jesús. Ito bajiri tibicu ñabojaru tiquī ñja. Ito yicōri busibicu ñabojaru busicoaquī ñja. ²³ Itire ticōri masa jeyaro ucacā:

—¿David ñayoru janerābatia janamiti ñati āni? yi tuoñacā masa.

²⁴ Ito bajiro masa ñna yija tuocōri, ado bajiro yicā fariseo gaye tuoñarā:

—Rāmúare ī bucōaja rāmúa ujū Beelzebú wame cutigu ī masirisena rāmúare bucōami ī, yicā ñna.

²⁵ Ito bajiro ñna yi tuoñarise ti masicōri ado bajiro yiquī Jesús ñnare:

—Catori gāna ujarā gāmeri ñna junisinija queno cuto ña rujeabetoja. Co cuto gāna, co wi gāna cuni ñna gāmeri junisinija, queno ña masimenaji ñna. ²⁶ Ito bajiroti rāmúa ujū rāmúare ī bucōaja queno ña masibiquñi ī. Ito bajiro ī yija queno roti masibiquñi ñja. ²⁷ “Beelzebú wame cutigu ī ejabuarisena rāmúare bucōami ī”, yiboja mua yure. Ito bajiro mua yure yi tuoñabojaja, “Rāmú ī ejabuarise rāca bucōama gua rāca gāna”, yirāre bajiro ya mua. “Tuoña wisarā ya gua”, yi tuoñaraja mware. ²⁸ Rāmúare ya bucōaja Espiritu Santona suoriti bucōa ya. Ito bajiro yu yija, “Diore tuorānārāre ī miojuri rumu eja waju ñja”, yi masirā yirāji mua, yiquī Jesús ñnare.

²⁹ Sīgū gāji sēogū ya wi sājacōri ñre siabicuti gajeoni ěma masibiquñi ī. Ñre ī siaja beroju gajeoni ěma masiguñi ī. Rāmúa ujū rētoro masigū ña ya. Ito bajiri rāmúare bucōa ya, yiquī Jesús fariseo gaye tuoñarāre.

³⁰ Yu robo bajiro tuoñamena yure tuo terā ñama ñaodna. Yure ejabuabicu yure ñeñaro yami iocū, yiquī Jesús ñnare.

³¹ Riti mware gotia ya. Masa ñna ñeñaro yija, ito yicōri ñeñaro ñna busija cuni, ñnare ācabojo masiguñi Dios. Espiritu Santore ñna busituja, itireama ñnare ācabojo masibiquñi Dios. ³² Yu ñna Masa Rjorū. No yure ī busituja, iocūre ācabojo masiguñi Dios. Ito bajibojarocati, no Espiritu Santore ī busituja itireama ñre ācabojo masibicu yiguñi Dios. Adi tutire ũmacūju Dios ī ñnaroju cuni ācabojo masibicu yiguñi Dios, Espiritu Santore masa ñna busituja, yiquī Jesús fariseo gaye tuoñarāre.

Ricana suoriti yucūgure ti masia mani, yi Jesús ī riasore gaye

(Lc 6.43-45)

³³ Yucūgu quenaricu iti ñaja, quenarise rica cutiro yiroja. Yucūgu ñeñaricu iti ñaja, ñeñarise rica cutiroja. Ricaju ticōri, “Adigu ña quenarise rica cutiricu, adigu ña ñeñarise rica cutiricu”, yi ti masia mani. ³⁴ Ñeñaro busirā mua ñajare āña juniro bajiro baja mua ya rise. Ñeñaro riti yirā ñari quenarise busi masimenaji mua. Mani ya usi iti tuoñaro bajiroti busia mani. ³⁵ Sīgū

queno yigu quenarise busigu yiguñji, i ya usi iti tuoñaro bajiroti. Ito yicōri ñeñaro yigu, i ya usi ñeñaro iti tuoñaro bajiroti ñeñarise busigu yiguñji. ³⁶ Riti muare gotia yu. Dios i waja seniri rumu rocati mani busiadi bajiroti manire waja senigū yiguñji. ³⁷ Mani busi wado bajiroti waja senigū yiguñji Dios. Queno yirā mani ñaja, “Queno yirā ñama ña”, yigu yiguñji Dios manire. Ito yicōri ñeñaro yirāreama, “Seti catirā ñama”, yigu yiguñji Dios, yiqui Jesús fariseo gaye tuoñarāre.

Tiyamani mu ñore āmoa gua, yi ña senire gaye
(Mr 8.12; Lc 11.29-32)

³⁸ Ito i yija bero, ado bajiro senūacā fariseo gaye tuoñarā, ito yicōri judio masa rotirise riasori masa cuni:

—Riasori masu, tiyamani mu ñore āmoa gua, yicā ña Jesure.

³⁹ Ito yija ado bajiro ñnare cūdiqūi Jesús:

—Ñeñaro yirā ito yicōri yure tuorānumena cuni, tiyamani yu ñore āmoama ña. Ito ña yibojarocati ñnare ñoado ma yu. Jonás ñayoru Diore goti isiri masu ñe ñeare gaye riti ñnare goticuja yu. ⁴⁰ Ado bajiro rētayiju Jonásre: Udia rumu, udia ñami wai jaigu totiju ñabojayiju. Ito bajiroti yu cuni Masa Rjoru ñami udia ñami ūma udia rumu ñagū yiguja yu sita watoju. ⁴¹ Nínive cuto ñayoana Dios i waja seniri rumu mucana tūdi catirā yirāji. Tūdi caticōri, “Muare seti ña”, yirā yirāji adi rumuri gānare. Nínive cuto gāna ñayoana Jonás ñayoru Dios oca i gotija tuocōri, ñeñaro ña yirisere jidicāyijarā ña. Ito yicōri mama usi wasoayijarā ña. Jonás ñayorure ña tuorānūjare, tūdi caticōri, “Muare seti ña”, yirā yirāji ña adi rumuri gānare. Yu ado maa rāca ñagū Jonás ñayoru rēto busaro ñasagu ña yu. Ito bajibojarocati yure tuorānūbea maa. ⁴² Rocaju gago ūjo ñayoro Dios i waja seniri rumu mucana tūdi caticoago yigōji iso. Mucana tūdi caticōri adi rumuri gānare, “Muare seti ña”, yigo yigōji iso. “Salomón queno masigū ñayiju”, yija tuocōri, sōju gago wadicōri i tu ejayijo iso. Ito bajiri adi rumuri gānare, “Muare seti ña”, yigo yigōji iso. Yu ado maa rāca ñagū Salomón rēto busaro ñasagu ña yu. Ito bajibojarocati yure tuorānūbea maa, yiqui Jesús fariseo gaye tuoñarāre.

Masare budigocōri mucana tūdi rāmū i sājare gaye
(Lc 11.24-26)

⁴³ Rāmū sīgure i budija, ide manojū tuja āmogū āma ucuguñji. I bujabeja ado bajiro tuoñagū yiguñji: ⁴⁴ “Yu budigoadojū tūdi waruja yure”, yi tuoñagūñji. I budigorure mucana tūdi i ejaia, queno wi ueri mani wi, queno carari wi robo bajiro ti ejaia yiguñji. ⁴⁵ Ito bajiro ñe ti ejacōri jua āmojeno rāmūa i rēto busaro ñeñaro yirāre āmi ejaia yiguñji i. Ito yicōri ña ñarocōti ūmugūre sājare yirāji ña. Ito bajiro ña sājare buto busa ñeñaro yigu ñagū yiguñji ūmugū ña. Ito bajiroti rētarō yiroja adi rumuri gāna ñeñaro yirāre cuni, yiqui Jesús fariseo gaye tuoñarāre.

Jesús i ñarā ado bajiro bajiamā, yire gaye
(Mr 3.31-35; Lc 8.19-21)

⁴⁶ Jesús masare i busiroca riti i jaco i ocabaji mesa rāca macūju eja rūgūcā ña. Jesure busirona ñe ji bucōabojacā ña. ⁴⁷ Sīgū ñe jigū ado bajiro yiqui i Jesure:

—Mu jaco, mu ocabaji mesa rāca ado macūju ñama. Mu rāca busi āmoama ña, yiqui i Jesure.

⁴⁸ Ito i yijare ado bajiro cūdiqūi Jesús:

—¿Ñimo ñati yu jaco, ito yicōri noa ñati yu ocabajirā? yiqui Jesús ñe.

⁴⁹ Ito yija gua i rāca riasotirāre ticōri:

—Āna ñama yu ñarā, ito yicōri yu jacore bajiro bajirā. ⁵⁰ Noa yu Jacu ūmacūju gagū i rotiro bajiro yirā, ña ñama yu ocabajirāre bajiro bajirā, ito yicōri yu jacore bajiro bajirā, yiqui Jesús ñe.

13

Oteri masu gaye Jesús i goti masiore oca gaye
(Mr 4.1-9; Lc 8.4-8)

¹ Iti rumuti wire budi wacōri, itajura tunima rujicu gua Jesús rāca. Ito bajiro yicōri masare riasoqūi Jesús. ² Masa jārā busa ña minijua wadja ticōri, cumaju sājacōri rujiqui Jesús. Masa minijuacāna jajūju riti tujacā ña. ³ Ito yija goti masiore ocana masare riasoqūi Jesús.

Ado bajiro riasoqūi i:

—Sīgū wesecaju i ya ote ajeri otegu wayiju i. ⁴ Weseca ejacōri iti ajerire i wējabateroca, gaje ajeri majū quedi queayiju. Ito bajiri minia ejacōri itire ba batecōyijarā. ⁵⁻⁶ Ito yicōri gaje ajeri gāta watoju quedi queayiju. Queno sita mañiju. Ito bajiri judiboja, yoari mejeti siniacoayiju iti ūmacañi jeana, sita jōrecōri. Ito yicōri ñemari iti manijare siniacoayiju iti. ⁷ Ito yicōri gaje ajeri jota watoju quedi yiju. Ito bajiri jota mari itire dārea sīacōyiju. ⁸ Gaje ajeriana sita quenaro quedi queayiju. Iti judi mājacōri queno rica cutiyiju. Coria sarari cien ñari ajeri

rica cutiyiju. Gaje sarari setenta ñaricari, gaje sarari treinta ñaricari rica cutiyiju. ⁹ Mũa gãmo goje cutija, yu busirisere tuo masiña mũa, yiqui Jesús masare.

*¿No yija goti masiore ocana masare riasoati mu? ña yi seniñare gaye
(Mr 4.10-12; Lc 8.9-10)*

¹⁰ Ito bajiro Jesús i yija tuocõri, ado bajiro seniñacu gua i rãca riasotirã:

—¿No yija goti masiore ocana masare riasoati mu? yicu gua ñe.

¹¹ Ado bajiro guare cudiqui i:

—“Ñe tuorãnurãre i rotiroju miojugu yiguñi Dios”, yi gãjerã ña tuoñabitire mũa masiroca yami i. Gãjerãreama ña masiroca yibeami Dios. ¹² No ñe tuorãnugãre jai busaro tuo masire gaye jidicãgũ yiguñi Dios ñe. Ito bajiri jai busaro masigũ yiguñi i. No ñe tuorãnubicãre jabetacã i tuoñabojarisere ãmacõgũ yiguñi Dios ñe. Ito bajiri ñe tuoñare mano tujagu yiguñi i. ¹³ Ito bajiri masare tuo masire ocana ñare riasoa yu. Tibojarãti timenare bajiro ñama ña. Ito yicõri tuobojarãti tuomenare bajiro ñama ña. Ito bajiri Dios ocare tuobojarãti, “Ito bajiro yireoni ñaroja iti”, yi tuoña masibeama ña. ¹⁴ Ito bajiro ña bajija Diore goti ñisiri masu Isaiãas ñayoru i gotiãdo bajiroti rãta. Dios oca gotigu ado bajiro ucayoñi Isaiãas ñayoru: Yure tuobojarãti itire tuo masimena yirãji mũa. Tibojarãti, “Ito baja”, yi masimena yirãji mũa.

¹⁵ Adocãta gãna yu tuoñaro bajiro ña ya usina yure tuoña ãmobeama ña. Tuobojarãti ñeñaro tuo godo weorãji. Ito yicõri tibojarãti bibicãna bajiro bajiamã ña. Yu ñobojarise ti ãmobeama. ña ya gãmo gojena tuo ãmobeama ña. ña ya usina tuo masi ãmobeama ña. Ito yicõri yure yisio rotirã ejamena yirãji ña, yi gotiami Dios, yi ucayoñi Isaiãas ñayoru, yiqui Jesús guare.

¹⁶ ‘Queno wanurã ña mũa. Yure ticõri ti masia mũa. Ito yicõri yure tuocõri tuo masia mũa. ¹⁷ Riti muare gotia yu. Jãjarã Diore goti ñisiri masa ñayoana, queno yirã ñagoana cuni mũa tirisere ti ãmobjayijarã ña. Ito bajibojarocati tibusijarã ña. Mũa tuorisere cuni tuo ãmobjayijarã. Ito bajibojarocati itire tuobisijarã ña, yiqui Jesús guare.

*Ado bajiro baja oteri masu ye, yi Jesús i goti quenore gaye
(Mr 4.13-20; Lc 8.11-15)*

¹⁸ “Oteri masu sigũ ado bajiro bajiyiju”, yirocu muare gotibu yu. Ito bajiri adocãta muare goti rãtobugu ya yu, mũa queno tuo masitoni. Queno tuoña mũa. ¹⁹ “Ñe tuorãnurãre i rotiroju miojugu yiguñi Dios”, yire gaye oca tuobojarãti, itire queno tuo masimenaji gãjerã. ña ñama i otegu waroca majũ quedira ajeri robo bajiro bajirã. Dios oca tuobojarocati ña ãcãbojaroca yami rãmũ. ²⁰ Coriarã Dios oca tuocõri queno wanure rãca boca ãmibojarãti yoari mejeti jidicãrãji ñaõna. ña ñama gãta watoju sita jõreroacã quedira ajeri robo bajiro bajirã. ²¹ Queno Dios oca tuo ñiabiticõri, yoari mejeti jidicãrã yirãji ña. “Dios ocare yu tuorãnũja ticõri, yu tõbujaroca yama gãjerã. ¿No yija Dios ocare tuorãnuatibe yu?” yi tuoña bojori bujarã yirãji ña. Ito bajiri i ocare jidicãrã yirãji ña. ²² Gãjerãma Dios oca tuo ñiãbojarãti buto adi sita gaye tuoña usirioama ñaõna. ña ñama jota wato quedira ajeri robo bajiro bajirã. Buto gajeonire tuoña ãmosacõri queno Dios ocare tuo suyabeama ñaõna. Ito bajiri Dios i ãmoro bajiro queno yi masimena yirãji ña, ito yicõri ñe queno moa ñisimenaji ña. ²³ Gãjerãma Dios oca tuocõri queno tuo ñiarã yirãji. ña ñama sita quenariseju quedira ajeri robo bajiro bajirã. Ito bajiri Dios i ãmoro bajiro yirã yirãji ña. ña ñarã yirãji cien rica cutiri sara robo bajiro bajirã. Ito yicõri gãjerã sesenta rica cutiri sara robo bajiro bajirã, gãjerãma treinta rica cutiri sara robo bajiro bajirã yirãji ña, yiqui Jesús guare.

Ote quenarise wato ta widirise judire oca

²⁴ Mũcana gaje goti masiore ocana masare gotiqui Jesús:

—“Ñe tuorãnũmenare ruyuriogu yiguñi Dios. ñe tuorãnurãre riti i rotiroju miojugu yiguñi”, yirocu goti masiore ocana masare gotiqui Jesús: “Ñe tuorãnurãre i rotiroju miojugu yiguñi Dios”, yire oca masare mani riasoja, ado bajiro bajia iti. Tãote mũa. Sigũ i ya wesecaju i ya ote ajeri quenarise oteyiju. ²⁵ I oteja bero i caniroca i ya weseca ejacõri ta widirise oteyiju i wajacu. Ito yicõri wacoayiju i. ²⁶ Ito bajiri ote bucua mũa wato ta widirise cuni goayiju. ²⁷ Ito bajija ticõri, i ya moari masa ñe gotirã wayijarã. I tu ejacõri ado bajiro yiyijarã ña: “¿Gua uju ote quenarise riti otebojacati mu? ¿No yija ito bajibojarocati ta widirise wusari?” yiyijarã ña ujure. ²⁸ Ito ña yijare: “Sigũ yu wajacu oteru”, yiyiju i ñare. Ito i yijare: “¿Adocãta ta widirise gua wãjagore ãmoati mu?” yi seniñayijarã ña ujure. ²⁹ “Wãjabeja. Mũa wãjaja, ote rãcati wãjarã yirãji mũa. ³⁰ Adocãta ote rãca cocati bucucacõjaro maji. Iti rica cutiroca muare wãja roticuja yu maji. Ito yicõri itire soeja quenaroja. Ito bero rica ãmicõri rica cãadoju muare seo roticuja yu”, yiyiju oteri masu i ya moari masare, yi riasoqui Jesús masare.

Ado bajiro baja mostaza ajeri, yi Jesús i riasore gaye

(Mr 4.30-32; Lc 13.18-19)

³¹ Mucana gaje goti masiore ocana ado bajiro masare gotiqui Jesús:

—“Ire tuorunuräre i rotiroju miojugu yiguji Dios”, yire oca masare mani riasoja, ado bajiro baja iti. Tuote mua. Sigü i ya weseca mostaza ajeri oteyiju. ³² Gaje ote ajeri rëtoro mutacä busa ña iti mostaza ajeri. Ito bajiro mutacä ñabajaroti bucua wato gaje ote yucuri rëto busaro jajocu ñaroja itigu. Jajocu itigu ñajare itigu rujariju minia jibu meniräji ña. Itire bajiroti Dios mani Uju i ñaja, gäjeräre goti amoräji mani, jajarä busa ñe masirä ña ñatoni, yi riasoqui Jesús masare.

Ado bajiro baja naju wadarise uco, yi Jesús i riasore gaye

(Lc 13.20-21)

³³ Mucana gaje ado bajiro goti masiore ocana riasoqui Jesús:

—“Ire tuorunuräre i rotiroju miojugu yiguji Dios”, yire oca masare mani riasoja, ado bajiro baja iti. Tuote mua. Romio pan menigö waco udia coacö pan menire gaye ämiyijo iso. Ito yicöri wadarise uco wuoyijo iso. Ito bajiri iso wuoja jairo wadayiju iti. Itire bajiroti bajiro yiroja, “Ire tuorunuräre i rotiroju miojugu yiguji Dios”, masare mani yi riaso ucuja. Ito bajiri jajarä busa ñe tuorunu warä yiräji ña, yi riasoqui Jesús masare.

Goti masiore ocana Jesús i riasore gaye

(Mr 4.33-34)

³⁴ Masare riasogu goti masiore ocana riti ñare riasoqui Jesús. ³⁵ Ito bajiro masare i riasoja Diore goti isiri masu i goticädo bajiroti rëtaçu. Ado bajiro gotiyoñi i:

Goti masiore ocana riti masare gotigu yiguji i. Ito yicöri adi macärucäro rujeoroto riojua gaye masa ña masibitire gotigu yiguji, yi ucañi Diore goti isiri masu ñayoru yure tuoña yugu, yiqui Jesús masare.

Ote quenarise wato ta widirise judire oca, Jesús i goti quenore gaye

³⁶ Ito bajiro masare yi goti tiocöri. “Waju”, yiqui Jesús. Ito bajiro yicöri wiju maja ejacöri säja waqui Jesús. Wiju säja ejacöri ado bajiro senüacu gua i räca riasotirä:

—Ta widirise gaye mu goti quenore ämoa gua, yicu gua Jesure.

³⁷ Ito bajiro gua yija, ado bajiro guare gotiqui Jesús:

—Ote quenarise otegu yuti ña Masa Rjoru. ³⁸ I otero i ya weseca bajiro baja ado mani ñaroju. Ote quenarise bajiro bajirä ñama masa Diore tuorunurä. Ta ñenarisere bajiro bajirä ñama masa rümä ñarä. ³⁹ Ta widirise ote rudiru iti ñami rümä. Ote bucaariju ña ämireoniti ña adi macärucäro iti jediriju. Ote bucaroca miorädnati ñama ängel mesa. ⁴⁰ Ta widirise ämicöri ña soeado bajiro baja macärucäro iti jediriju. ⁴¹ Yu ña Masa Rjoru. Ängel mesare cöagü yigaja yu, ñajediro ñenarisere ña besecötoni. Ñenaro yiräre cuni besecöarä yiräji ña, Dios i rotiroju ña ejabe yirona. ⁴² ñare besecöri jeame äjuroju ñare cöarä yiräji ña. Ito jeame äjuroju ejacöri ñenaro töbujarä yiräji. Ito bajiri oticöri buto tuoña oca jairä yiräji ña. ⁴³ Dios i rotiro bajiro yirä mani Jacu i rotiroju ejacöri, ümacañi busuro bajiro busu ñarä yiräji ña. Mua gämo goje cutija, yu busirisere tuo masiña mua, yiqui Jesús guare.

Dios i rotiroju mua eja ämoja ado bajiro tuoñaja quena, yi Jesús i riasore gaye

⁴⁴ “Dios i rotiroju mua eja ämoja, ñenaro yirise jidicäcöri ñe riti tuorunurä yiräji mua”, yirocu ado bajiro riasoqui Jesús guare: Sigü gäji ye buto waja cutirise sita watoju i yeyobjare bujayiju. Itire bujacöri mucana itijuti tüdi yeyocü remoyiju i. Ito bajiri itire wanugü, i gajeoni cutirise ñarocöti gäjeräre İsi jeocöyiju i niyeru bujarocu. Iti niyeru bujacöri iti sita üjere waja yirocu yiyiju i. “Sita bujacöri sita wato yeyore cuni bujagu yigaja yu”, yirocu iti sita üjere waja yiyiju i. Dios gaye quenarise mua buja ämosaja, ñe riti tuorunurä yiräji mua, yi riasoqui Jesús guare.

Dios ye quenarise mua ämoja ñe riti tuorunu suyaja quena, yi Jesús i riasore gaye

⁴⁵ “Dios i rotiroju mua eja ämoja, ñenaro yirise jidicäcöri ñe riti tuorunurä yiräji mua”, yirocu ado bajiro riasoqui Jesús guare: Sigü ñaque buto waja cutiriserere ämagü ñayiju. Iti ñaque perla wame cutirise ñayiju. ⁴⁶ Iti ñaquere buto ämoyiju i. Ito bajiri, i gajeoni cutirise ñarocöti İsi jeocöyiju i, gäjeräre niyeru bujarocu. Ito yicöri iti ñaquere ämosacöri waja yirocu yiyiju i. Dios gaye quenarise mua buja ämoja, ñe riti tuorunu suyaja quena, yi riasoqui Jesús guare.

Wai quenaräre ado bajiro beseama wai jori masa, yi Jesús i gotire gaye

⁴⁷ “Ado bajiro baja Dios rotiroju ñe tuorunuräre i miojuri rumu”, yirocu guare riasoqui Jesús: Gäjerä wai wayari masa yorigu cöacöri wai jeyarore ämiyijarä ña. ⁴⁸ Jajarä wai bujacöri jajuju ñare mocüyijarä ña. Jajuju ñare mocücöri ñare beseyijarä ña. Quenaräre jibuju miosäyijarä ña. Gäjerä ñenarärema cöa roacöyijarä ña. ⁴⁹ Ito bajiroti bajiro yiroja

macārucāro iti jediri ramu. Ángel mesa quenarāre beserā yirāji ina. ⁵⁰ Besecōri ñeñarāreama jeame ūjuroju cōarā yirāji ina. Ito jeame ūjuroju ejacōri ñeñaro tōbujarā yirāji. Ito bajiri buto tuoia oticōri oca jairā yirāji ina, yiquī Jesús guare.

Бүсү оца, мame оца Dios gaye bese masirā ña maa, yi Jesús i riasore gaye

⁵¹ Ito yija ado bajiro seniiaquī Jesús guare:

—¿Iti jeyaro mware yu gotirise tuo masicwati maa? yiquī Jesús.

—Tuo masia, yicu gua ire.

⁵² Gua ito bajiro yija, ado bajiro cadiquī i guare:

—Maa coriarā iti ramuju maji, bucūrā oca riasori masa ñayijarā. Adocātama yu rāca riasotirā ña maa. “Ire tuorūnarāre i rotiroju miojugu yiguji Dios”, yire oca yu rāca riasoticōri juaji masire gaye ña mware. Dios oca, bucū maa tuogore cūni ña mware. Bucū oca, Dios oca mame cūni masia maa. Ito bajiri gajeoni seoraju bucū gaye mame gaye cūni bese masirā bajiro bajirā ña maa, yiquī Jesús guare.

Nazaretju Jesús i ware gaye

(Mr 6.1-6; Lc 4.16-30)

⁵³ Ito bajiro guare goti masiore ocana i gotija bero Jesús rāca wacu gua mūcana. ⁵⁴ Wacōri i ya sita ejacu gua. Minijuara wiju ejacōri masare riasoquī Jesús. Queno i riasoja tuocōri, uacā masa. Ire tuocōri ado bajiro yicā ina:

—¿Iti i riasorise noju riasotiyijaribe āni? ¿Ito yicōri no bajiro tiyamani gaye ioati? ⁵⁵ Adi sita gagu cumu jāi moari masu macu ñami āni. Ito yicōri María macuti ñami āni. Santiago, José, Simón, Judas rjoruti ñami āni. ⁵⁶ Ito yicōri i ñarā romia ado mani wato ñama ina. ¿No bajiro iti gaye masiati āni? yicā ina i ya cuto gāna.

⁵⁷ Ina ya sita gaguti i ñajare queno ire tuorūnabiticā ina. Ado bajiro ñnare gotiquī Jesús:

—Dios oca goti isiri masare rūcubworā yirāji masa. Ito bajibojarocati i ya sita gāna, i ya wi gāna cūni ire rūcubwomēna yirāji, yiquī Jesús masare.

⁵⁸ I ya sita gāna ire ina queno tuorūnabejare, jaje tiyamani io jeobitiquī iti cutore.

14

Juan idé guri masu i godare gaye

(Mr 6.14-29; Lc 9.7-9)

¹ Ito ramuriti Galilea gagu ūju, Herodes wame cutigu Jesús gaye oca tuoyiju. ² I rāca ñarāre ado bajiro yiyiju Herodes, Jesure tuoia wacu:

—Juan idé guri masuti ñaguji mūcana. Godabojaguti tadi catiguji. Ito bajiri tiyamani gaye ioguji i, yi tuoibojayiju Herodes.

³⁻⁴ I Herodes i ocabaji Felipe manojore emayiju. Iso ñayijo Herodias wame cutigo. Ado bajiro yiyiju Juan Herodesre:

—Isore manajo cutibitiraja mare, yibojayiju Juan Herodesre. Ire tuo amobisiju i. Ito bajiri Juanre tubia rotiyiju Herodes. Ito yicōri come misina ire sia rotiyiju i.

⁵ Juanre sia amobojayiju Herodes. “Diore goti isiri masu ñami Juan”, masa ina yi rūcubwoja tuocōri, güiyiju i. Ito bajiri Juanre sia rotibisiju Herodes. ⁶ Herodes i joera rodo gāni bia ejayiju. Ito bajiri masare oca cōayiju i, ina basa titoni. Ito ramu rujarumu Herodias maco masa riojo basayijo. Iso basaja ticōri, buto wanayiju Herodes. ⁷ Ito bajiri: “No amorise mu senija, yiro roboti mare jidicacuja yu”, yiyiju Herodes isore. ⁸ Ito bajiro i yija tuocōri, “¿No bajiro amoati cana mu?” yigo wayijo iso jacore. Jaco iso gotija tuocōri, ado bajiro yiyijo iso Herodesre:

—Juan idé guri masu ya rijoga jatacōri somotēroju jeocōri isiña yure, yiyijo iso Herodesre.

⁹ Ito bajiro iso yija tuocōri, bojori bujayiju Herodes. Masa ina tuoro riojo, “Yiro bajiroti mare isicuja yu”, i yire ñajare, ito bajiroti rotiyiju i ya moari masare. ¹⁰ “Tubiara wiju Juanre rijoga jata amiteña”, yiyiju Herodes i ya moari masare. ¹¹ I ya rijoga jata amicōri somotēroju jeocōri mamore isiyjarā ina. Ito yicōri isoju jacore rēto isiyijo ija.

¹² Ito oca tuocōri Juan rāca riasotiana masa ejayijarā. Ito yicōri i ya rujū āmi wacōri yujeyjarā. Ito bajiro ina yija bero Jesure gotirā gua tu ejacā ina.

Cinco mil ñarāre Jesús i ecare gaye

(Mr 6.30-44; Lc 9.10-17; Jn 6.1-14)

¹³ Juan idé guri masure ina siare tuocōri bojori bujaquī Jesús. Ito bajiri cuma sājacōri ricati waquī i. Ito bajiro Jesús i waja masicā masa. Gājerā boejuna Jesure sūya wacā. ¹⁴ Majado ejacōri Jesús i tija masa jājarā ñayijarā. Ito bajiri ñnare ti maiyiju i. Cōrāre ina āmi ejaro bajiroti ñnare yisio isiyiju Jesús. ¹⁵ Ito rāioja ticōri, gua i rāca riasotirā i tujua wacu. I tu ejacōri ado bajiro yicu gua:

—Ñamiju ña Ija. Queno masa mama adoju. “Wasa”, yiya masare cutoriju bare ña waja yi masitoni, yibojacu gua Jesure.

¹⁶—Itoju ware ma ñare. Muati bare ecaya ñare, yiqui Jesús guare.

¹⁷—Bare ma guare. Naju riti co dujamocōacā ña guare. Ito yicōri wai jūarāti ñama guare, yicu gua Jesure.

¹⁸—Adojuu yure āmi waya maji, yiqui Jesús guare.

¹⁹Itire boca āmicōri ta quenarise joe masare ruji rotiqui Jesús. Ito yicōri naju co dujamocō ñarise ito yicōri wai jūarā ñarāre āmi rucoqui Jesús. Itire rucoōri ūmacāju ti mucōqui Jesús. Ito ti mucōri, “Queno ya Cuna mu”, yiqui i. Itire igajea batocōri guare isiqui Jesús. Ito i yija bero guaju masare batocu Ija. ²⁰Masa ñarocōti ba jedicā itire. Ito yicōri sīgū ruyabeto yaji quenaro riti tujacā ña. ña ba ruarise juu gubojeno jiburi dajacu gua. ²¹Gua itire bagoana cinco mil āmua ñacu gua. Romiare ito yicōri rīacare cuni cōiabiticu gua.

Ide joe Jesús i ware gaye
(Mr 6.45-52; Jn 6.16-21)

²²Cumaju guare sāja rotiqui Jesús i riojuu gua jēa watoni. Gua waroca riti masare ware gotiñi Jesús. ²³Masare ware goti tīgū turiaju muja wañi Jesús. Itoju sīgūti muja ejacōri i Jacure busiñi i. Rāio jedija bero itoju i sīgūti ñañi Jesús maji. ²⁴Itajura gudareco tujacu gua. Ito gua tujaroca jacūtucu guare, mino bato iti wēajare. ²⁵Busu muja wadiroca Jesús gua tu ejaquī ide joena wadicōri. ²⁶Ide joe i wadija ucacu gua. Ito bajija ticōri:

—Wujo cutiro ya, yi awasācu gua.

²⁷—Oca sēoña, gūibesa yuti ña, yiqui Jesús guare.

²⁸Ito i yija tuocōri, gua rāca gagu Pedro ado bajiro busiqui ire:

—Yu ūju, muti mu ñajama, ide joe yu mu tu waroca yiya yure, yiqui Pedro Jesure.

²⁹I ito yijare:

—Wadite mu, yiqui Jesús ire.

Ito i yija tuo, wāgācōri ide joe wasuquī Pedro Jesús tu ejaqu wacu. ³⁰Bato mino iti wēaja tuocōri, itire gūiqui Pedro. Ito bajiri jacūrisena ruja wasuquī Pedro:

—Yu ūju yure masoña mu, yi awasāquī Pedro.

³¹Ito i yirocati Pedro ya āmoju ñiacōri ado bajiro yiqui Jesús ire:

—Queno yure tuorūnasabea mu. “Ide joe yu waroca yami Jesús”, ¿yi tuoña jidicāri mu? yiqui Jesús Pedroro.

³²Cumaju Jesús rāca ña muja sājarocati mino wēata rojocoacu. ³³Gua cumaju ñacānana Jesús riojo rijomunigāna ñini rūjūcu, ire rūcuborā:

—Riti Dios Macu ña mu, yicu gua Jesure.

Genesaret sita gānare Jesús i yisiore gaye
(Mr 6.53-56)

³⁴Ito jēa wacōri Genesaret wame cutiri sitaju ejacu gua. ³⁵Iti cuto gāna Jesús i ejaja tuo masicōri, masa jeyarore oca batoñi. Ito bajiri masa ñarise cutirāre āmi ejacā Jesús tu. ³⁶“Mu ya yutabuju tūnima guare moaña rotiya”, yicā masa Jesure. No moaiarācōti cati quenarā tujacā mucana.

15

Ñeñaro tuoñacōri ñeñarise yama masa, yi Jesús i riasore gaye
(Mr 7.1-23)

¹Ito ña yiroca fariseo gaye tuoñarā ito yicōri judio masa rotirise riasori masa cuni ejacā Jesús tu. Jerusaléna wadiana ñacā ña. Jesús tu ejacōri ado bajiro seniñacā ña:

²—¿No yija bucurā ña yisotire bajiro yiro robo cudibeati mu rāca riasotirā? Mu rāca riasotirā ña baroto riojuu āmo coebeama ña. Bucurā ña rotiado bajiro yiro robo yibeama ña, yicā ña Jesure.

³Ito bajiro ña yijare, ado bajiro ñare cudiqui Jesús:

—Bucurā masa ña rotirejuu cudirona Dios i rotirisejuare cudibeama. ⁴Ado bajiro rotia Dios oca: “Mu jacu, mu jacore cuni queno rūcubuoja mu. No i jaco, i jacure cuni ñeñaro busitugu godacoajaro”, yi rotia Dios oca. ⁵Muama ricati bajiro rotia. Ado bajirojuu rotia mu: “No, jeyaro gajeoni yu ruorise Diore yu isiroti riti ña. Ito bajiri yu jacusabatiare ejaña masibeama yu, i yija, i jacusabatiare ejañabeja quena”, yi tuoña rotiboja mu. ⁶Ito bajiro mu yija, bucurā masa ña rotirisejuu cudirona, Dios i rotirisejuare cudibeama. Ito bajiro mu yija, “Ñe waja ma Dios oca”, yirā bajiro ya mu. I ocare jidicārā ña mu. ⁷Mu yiro bajiro yirā meje ña mu. Diore goti isiri masu Isaiás ñayoru muare tuoña wacu queno ucañi i. Ado bajiro ucañi i:

⁸ Mña ya risena riti yure rücbuobojaja mña. Ito bajibojarocati mña ya usina sõju bajiro tuoia mña. Yure rücbuoboea mña.

⁹ Minijuacõri yure mña rücbuobojaja, burãti ya mña. Mña riasorise masa ña tuoia rujeore ña iti. Itireti, “Dios i rotire ña”, yiboja mña. Dios i gotirise tuoia wacu ito bajiro ucafi Isaiás ñayoru, yi gotiqui Jesús.

¹⁰ Ito i yija bero masare jicõri ado bajiro yiqui Jesús ñare:

—Yure tuocõri queno tuo masiña mña. ¹¹ Mani ba sãrise meje mani ñeñaro yiroca yiroja iti. Ñeñaro tuoiaõri mani busirise, iti ña mani ñeñaro yiroca yirise, yiqui Jesús masare.

¹² Ito yija gua i rãca riasotirã i tu minijuacõri ado bajiro yicu gua ñre:

—Ito bajiro masare mu gotija tuocõri, fariseo gaye tuoiarã tuo bujatomenaji ña, yicu gua Jesure.

¹³ Ito bajiro gua yija, ado bajiro yiqui Jesús guare:

—Dise rocati judire i otere meje iti ñaja, ñe rãcati wãjacõagü yiguji iti ote wese uju. Ito bajiroti yigu yiguji yu Jacu cuni. Gaje oca ñasarise mejeti ricati bajiro ña riasobojaja iti jedi waroca yigu yiguji yu Jacu. ¹⁴ Dios ocare riasomena ña ñajare, ñare tuorünubeja. Ña ñama cajea mana gãjerã cajea manare tua wabojarã robo bajiro bajirã. Sīgü cajea macu gãji cajea macure i tua wabojaja, goje ñaro ña ejaja, jũarãjuti quedi sãjacoarã yirãji, yiqui Jesús guare.

¹⁵ Ito yija ado bajiro seniñaquĩ Pedro Jesure:

—Iti riasore oca gaye queno guare goti rëtbodya, yiqui Pedro Jesure.

¹⁶ —¿Tuo masibeati mña cuni? ¹⁷ Mani ba sãrise jeragaju waro yiroja iti. Ito bero rëta budiro yiroja iti. ¿Itire queno tuo masibeati mña? ¹⁸ Mani ya usina tuoiaõri risena busia mani. Iti ña mani ñeñaro yiroca yirise. ¹⁹ Ña ya usina tuoiaõri ñeñaro yama masa. Tite mña. Gãjerãre siama ña. Manojõ cutirã ñabojarãti gãjerã romiare ajeama. Jeyaro ña tuoiarõ bajiroti romia rãca ñeñaro ajeama ña. Riniamã ña. Socama ña. Rocati oca gotiamã ña. Ito bajiro yama masa. ²⁰ Ito bajiro ñeñarise tuoiaõri iti ña masa ña ñeñaro yiroca yirise. Mani baroto riojua mani ãmo coebeja, bucurã ña rotiro bajiro mani yibeja iti gaye meje ña mani ñeñaro yiroca yirise. Ñeñaro tuoiaõri ñeñaro ya mani. Iti ña mani ñeñaro yiroca yirise, yiqui Jesús guare.

*Gaje maso Jesure iso tuorünũ sũyare gaye
(Mr 7.24-30)*

²¹ Ito bajiro i yija bero itijuna, wacu gua Jesús rãca. Ito wacõri Tiro ito yicõri Sidõn wame cutiri cutoriju ejacu gua. ²² Ito gua ejaja bero sīgõ Canaán gago itiju ñaro Jesús tujua awasã wadicõ:

—Yu Uju David ñayoru janami ña mu. Yure ti maiña. Yu maco rãmú sãñagõ ñamo. Ito bajiri buto ñeñaro tõbujamo iso, yi goticõ iso Jesure.

²³ Ito bajiro iso yibojarocati isore cudibitiqui Jesús. Ito bajiri i rãca riasotirã gua ado bajiro roticu Jesure:

—Isore wa rotiya. Usirioro guare awasã suyamo, yibojacu gua Jesure.

²⁴ Ito bajiro gua yija ado bajiro yiqui guare:

—Oveja wisanare bajiro bajirã ñama judio masa. Ito bajiri ñare yure cūquĩ Dios, yiqui Jesús.

²⁵ Ito bajiro i yiroca i riojo wacõri rijomunigãna ñini rüjucõ romio:

—Yu Uju yure ejabuaya, yicõ iso Jesure.

²⁶ Ito bajiro iso yibojarocati ado bajiro yiqui Jesús isore:

—Judio masa riojuaju gãjerãre yu ejabuaja, no masia ma yure. Ito bajiro yu yija, rĩacare naju emacõri yaiare ecado bajiro bajia, yiqui Jesús isore.

²⁷ —Riti ya yu Uju. Ña ujarã ba bate queorise bacã yaia. Yu gaje maso ñabojarocati mu ñarã bero yure jabeto mu ejabuaja quena ñaro yiroja yure, yicõ iso Jesure.

²⁸ Ito bajiro iso yija tuocõri, ado bajiro yiqui Jesús isore:

—Mu romio queno yure tuorünugõ ña mu. Ito bajiri mu ãmoro bajiroti bajiro yiroja iti, yiqui Jesús.

Ito bajiro i yirocati iso maco tujacoacõ.

Jãjarã ñarise cutirãre Jesús i yisioro gaye

²⁹ Ito yija bero Galilea wame cutirita tunima wacu gua. Itoju ejacõri turiaju muja wacu gua. Itoju gua joejearoca rujiquĩ Jesús. ³⁰ Jãjarã masa ejacã Jesús i rujiroju. Wa masimena, cajea mana, busimena, ruduana, ito yicõri jãjarã cõrãre ãmi ejacã ña Jesús tujũ. I tu ña ãmi ejaroca ñare yisioquĩ Jesús. ³¹ Busimena busicã. Ruduana wacã. Cajea mana ticã. Ruju ñeñarã quenari ruju, ruju cuticã. Ito bajija ticõri, ti uacã masa. Ito bajiri Diore wanu rücbuobuocã ña. “Judio masa ña rücbuobuocã Dios i ñami quenagũ”, yi rücbuocã masa.

*Cuatro mil ñaräre Jesús ï ecare gaye
(Mr 8.1-10)*

³² Ito yija gua ï rāca riasotiräre ado bajiro yiquï ï:
—Ado gānare ti bujatobea yu. Udia rumu tija ïja, adocāta yu rāca ïna ñaroca. Ito bajiri queno bare ma ïnare. ïna babetoti ïna ya wiriju wa roti āmobeā yu. ïnare yu wa rotija maju boga quedirā yirāji ïna, yiquï Jesús guare.

³³ Guajua ado bajiro yicu ïre:

—Ado masa manojū no bajiro masa tījaro bare buja masia ma, yicu gua Jesure.

³⁴ —¿Nocō jaje naju rucōati mua? yiquï Jesús guare.

—Jua āmojeno naju ña guare, ito yicōri wai jabetacā ña, yicu gua ïre.

³⁵ Ito yija masare jacaju ruji rotiquï Jesús. ³⁶ ï ya āmona naju jua āmojeno ñarisere ito yicōri wai rāca āmi rucōcōri, “Queno ya Cuna mu”, yiquï ï Diore. Ito ï yija bero gua ï rāca riasotiräre ïsiquï masare gua batotoni. ³⁷ Masare batocu gua. ïna jeyaro bacā. Ito bajiri sīgū rayabeto yaji quenaro ñacā ïna. ïna baja bero jua āmojeno jiburi gua ba ruarise dajocu gua. ³⁸ Gua itire bagoana cuatro mil āmua ñacu gua. Romiare ito yicōri rīacare cuni cōābiticu gua. ³⁹ Ito bero masare ware gotiquï Jesús. Ito bajiri cumana Magadān wame cutiri sitaju wacu gua.

16

*Tiyamani ïoña guare, ïna yire gaye
(Mr 8.11-13; Lc 12.54-56)*

¹ Fariseo gaye tuoīarā ito yicōri saduceo gaye tuoīarā cuni Jesure tirona ejacā ïna. “ Riti Dios ï cōaru ña mu”, gua yi masitoni ūmacāju gaye tiyamani ïoña guare”, yi ejabojacā ïna.

² Ito ïna yibojarocati ado bajiro cudiquï Jesús:

—Rāiocūro ūmacāju iti sūaja ticōri, “Quenari rumu ñari seyoa”, ya mua. ³ Busuri jīju iti sūaja mua tija, waju bueri rāca iti ñaja. “Adi rumu quenado ma”, ya mua. Ūmacāju ticōri, “Ito bajiro rētarō ya adi rumu”, yi masia mua. Ito bajibojarocati adi rumu rētarise gaye, “Ito bajiro bajiro wado ya”, yi masibea mua. ⁴ Ñēñaro yirā ña mua ito yicōri yure tuorūnumena. Tiyamani ïore yure seniboja mua. Ito bajiro mua yibojarocati juaji tiyamani muare ïobicaja yu. Jonās ñayorure tiyamani rētare gaye riti muare goticaja yu, yiquï Jesús fariseo gaye tuoīaräre.

Ito bajiro Jesús ï yija bero ïnare wagocu gua.

*Fariseo gaye tuoīarā ya naju wadare gaye
(Mr 8.14-21)*

⁵ Itajura gaje dujaju jēa ejacōri, “Mani baroti naju ācabojacoayija mani”, yicu gua. ⁶ Ito yija Jesús ado bajiro guare gotiquï:

—Fariseo gaye tuoīarā, saduceo gaye tuoīarā ïna ya naju wadarise uco gaye queno tuo masiña mua, yiquï Jesús guare.

⁷ Jesús ito bajiro ï yija guamasiti gāmeri tuoīa busicu gua:

—Mani naju ācabojajare ito bajiro busiami Jesús, yi tuoīabojacu gua.

⁸ Ito bajiro gua tuoīabojaja tuo masicōri, ado bajiro yiquï Jesús guare:

—¿No yija, “Naju ma manire”, yati mua? Queno yure tuorūnumena mua. ⁹ Queno tuo masibea maji mua. Canu busati co dujamocō naju ñarisere co dujamocō mil masa ñaräre eca jeocu yu. ïnare yu eca jeoja bero jaje jiburi dajocu mua. ¿Itire ācabojati mua? ¹⁰ Ito bero canu busati mucana jua āmojeno naju ñarisere juaria mil masa ñaräre eca jeocu yu. ïna masare yu eca jeoja bero jaje jiburi dajocu mua ruyarise. ¿Itire ācabojacoati mua? ¹¹ ¿No yija queno tuoīa masibeati mua maji? Jīju, “Fariseo gaye tuoīarā, saduceo gaye tuoīarā ïna ya naju wadarise uco gaye queno tuo masiña”, yu yija, naju gayere meje busibu yu, yiquï Jesús guare.

¹² Ito ï yijare tuo masicu gua. “ Fariseo gaye tuoīarā, saduceo gaye tuoīarā naju wadarise uco gayere tuoīarā ya mua’, guare ï yija, ‘ïna riasorisere queno tuoīa masiña mua’, yireonire guare gotiyijari Jesús”, yi tuoīacu gua ïja.

*Cristo Dios ï cōaru ña mu, yi Pedro ï goti quenore gaye
(Mr 8.27-30; Lc 9.18-21)*

¹³ Mucana ito sōjua wacōri, Cesarea Filipino wame cutiri cuto tu ejacu gua Jesús rāca. Itoju ejacōri ado bajiro guare seniñaquï Jesús:

—Yu ña Masa Rījoru. ¿Yure masa ïna busija, no bajiro yati ïna? yiquï Jesús guare.

¹⁴ Ado bajiro cudicu gua ïre:

—Coriarā ïna busija, “Juan idé guri masu ñami”, yama ïna mure. Gājerāma, “Elías ñami”, yama ïna. Gājerāma, “Jeremías ñami”, yama ïna. Gājerāma, “Diore goti ïsiri masu ñaguñji gajea”, yama ïna mure, yicu gua Jesure.

¹⁵ —¿Muama ñimu ñami yati mua yure? yiquï Jesús guare.

¹⁶ Ito ī yija tuocōri, ado bajiro yiquī Simón Pedro:

—Muti ña Cristo Dios ī cōaru. Dios catitñagū Macu ña mu, ya yu mare, yiquī Simón Pedro Jesure.

¹⁷ —Riti ya Simón, Jonás macu mu. Ito bajiro mu busija wanu quenagū ña mu. Itire mu busija, masare tuocōri meje busia mu. Itire mu busija, ūmacāju gagu yu Jacure tuocōri busia mu. ¹⁸ Ado bajiro mare gotia yu. Iti mu wame ña Pedro, “gūtagā”, yireoni ña iti Pedro. Riti ña mu busirise. Iti oca mu busirise jedibetoja. Gūtagā butirica robo bajiro bajirise ña iti mu busirise. Iti oca tuocōri yure tuorūnarā yirāji mu bero gāna. Ito bajiri yu ñarā, ñarā yirāji ña. Yure ña tuorūnare godana uju ñare rētocūbicu yigūji. Godabojarāti mucana tūdi catirā yirāji ña. ¹⁹ Ado bajiro mare gotia Pedro yu. Soje janado racogare bajiro mare cūgū yigūja yu. Ito bajiri, “Īre tuorūnarāre ī rotiroju miojugu yigūji Dios”, yire oca masa ña tuo masiroca yigū yigūja mu. Ito bajiro mare cūgū yigūja yu. Adi sitaju mu rēorise, ūmacāju itoju cuni rēore ñaro yiroja. Adi sitaju, “Ito bajiroti yiya”, mu yija, ūmacāju cuni ito bajiroti yire ñaro yiroja, yiquī Jesús Pedrose.

²⁰ Ito bajiro Pedrose ī yija bero ado bajiro yiquī Jesús guare: “Īti ñami Cristo Dios ī cōaru, yi masare goti batobesa mua”, yiquī Jesús guare.

Yure sīarā yirāji. Jesús ī yire gaye
(Mr 8.31–9.1; Lc 9.22-27)

²¹ Ito ī yija bero itijunati guare goti rēto buquī Jesús:

—Jerusalénju ware ña yure. Itoju yu ejaroca bucārā, paia ujarā ito yicōri judio masa rotirise riasori masa cuni quenabeto yu tōbujaroca yirā yirāji ña. Itoju yure sīarā yirāji ña. Ito bajibojarocati udi rāmu beroti yu catiroca yigū yigūji Dios mucana, yiquī Jesús guare.

²² Ī ito yija tuocōri, ricati busa camotadi rūgūcōri, oca sēoro ĩre busisubojaguī Pedro:

—Yu ūju ito bajiro mare rētare āmobiqūji Dios. Ito bajiro mare rētabeto yiroja, yiquī Pedro Jesure.

²³ Ito ī yija tuocōri, juda rūgūcōri, ado bajiro busiquī Jesús Pedrose:

—Rāmā uju Satanāsre moa ĩsia mu. Yure camotadiya mu. Dios ī āmoro bajiro yu yija, yure camota codea mu. Dios bajiro meje tuoia mu. Masa ña tuoiaro bajiro tuoia mu cuni, yiquī Jesús Pedrose.

²⁴ Ito ī yija bero ado bajiro yiquī Jesús guare ī rāca riasotirāre:

—Sīgū yure ī suya āmoja, ī ye ñaroti tuoābiticōri yujuare tuo mai suyagu yigūji. Yucutēo gajagure bajiro tōbujabojaguti yure riti suyagu yigūji ī. ²⁵ No ī catirise maibojaguti godagu yigūji. Ito bajibojarocati yure tuorūnagū, yu oca ī gotija tuo junisinicōri ña siaguama catitñare gaye bujagu yigūji. ²⁶ Sīgū adi macārucāroju gajeoni jeyaro ī bujabojaja, ī ya usi jeame ūjoroju iti waja, ī ya gajeoni ī bujabojare ñe waja ma. Ñe mani ya usi rēto busaro waja catirise manoja. Catirājuti Dios rāca mani oca quenobeja, mani godaja bero ī rāca oca queno masimenaji ĩja. ²⁷ Yu Masa Rjoru ñacōri, yu Jacu Dios ī busurisena tūdi ejagu yigūja yu. Ito yicōri ī tū gāna ángel mesa rāca ejagu yigūja yu. Tūdi ejacōri masa ña yigoado bajiroti waja senigū yigūja yu. ²⁸ Riti muare gotia yu. Mua coriarā adiju ñarā mua godaroto rioja, ĩre tuorūnarāre Masa Rjoru ī mioju ejaroca tirā yirāji mua. Īti ña yu Masa Rjoru, yiquī Jesús guare.

17

Īna tiro riojo Jesús ī godo wedire gaye
(Mr 9.2-13; Lc 9.28-36)

¹ Co āmojeno ūmari bero Pedro, Santiago, ī ocabaji Juanre cuni ūmari turia joeju ĩnare āmi waquī Jesús. ² Itoju ña ejaroca ña riojo Jesús ī ya rio gajero bajiro godo wediyiju. Ūmua gagu ūmacañire bajiro yoyiju ī ya rio. Ito yicōri ī ya yutabuju buto boticōri yoyiju. ³ Īna tiroca Moisés ñayoru, Elías ñayoru rāca Jesús tū goāoyijarā. Ito bajicōri Jesús rāca ña gāmeri busija, tiyjarā ña. ⁴ Ito bajija ticōri, ado bajiro yiyiju Pedro Jesure:

—Yu ūju adojū mani ñaja quenascōa. Mua āmoja muare yiari wi meni ĩsiruja gua. Mare co wi, Elíasre co wi, Moisésre co wi meni ĩsiruja gua, yiyiju Pedro Jesure.

⁵ Ito bajiro Pedro ī busibojaroca riti ide bueri buto yorise ĩnare gūma rūgūyiju. Iti ide bueri watonati oca ruyuyiju:

—Āniti ñami yu Macu, ya maigū. Īre buto wanua yu. Īre queno tuoja mua, yire oca ruyuyiju.

⁶ Iti oca tuocōri buto gūyijarā ña. Ito bajiri buto gūirā ña ya rio sitaju muqueayijarā ña.

⁷ Ito bajiro ña bajija ticōri, ña tū wacōri ĩnare moāyiju Jesús. ĩnare moācōri ado bajiro yiyiju ī:

—Wumūña. Gūibesa mua, yiyiju Jesús ĩnare.

⁸ Ito ña ti mūoja, gājēare tibisijarā ña. Jesús sīgūti ī ñaja tiyjarā ña ĩja.

⁹ Iti taria ina roja waroca ado bajiro inare gotiyiju Jesús:

—Janeti mua tirise masare goti batobeja maji. Yu ña Masa Rjorã. Yure sïarã yirãji masa. Yure ina sïabojarocati tãdi catigu yigujã ya. Yu mucana tãdi catiroto riojua, jju mua tigorise gãjerãre goti batobeja mua, yiyiju Jesús inare.

¹⁰ Ito yija ado bajiro Jesure seniïayijarã ina:

—¿No yija judio masa rotirise riasori masa, “Elíasjua ejasogũ yiguñi”, yicati ina? yi seniïayijarã ina Jesure.

¹¹ Ito yija ado bajiro inare cudiyiju Jesús:

—Riti yiñi judio masa rotirise riasori masa. “Elíasjua ejasogũ yiguñi. Ejacõri jeyaro quenogũ yiguñi”, ina yija riti gotiñi. ¹² Ito bajiro ina gotibojarocati Elías i ejaja ire ti masibisi masa. Riti muare gotia ya. Elías ejacãñi. I ejaja ire ti masibisi masa. Ina amoro bajiroti yiñi masa ire. Ito bajiroti ya Masa Rjorãre, tõbujaroca yirã yirãji masa yiyiju Jesús inare.

¹³ Ito bajiro i yija tãocõri, “Juan idé guri masare busiami ãni”, yi tão masiyijarã ina Pedro mesa.

*Rãmú sãñagũre rãmũre Jesús i bucõare gaye
(Mr 9.14-29; Lc 9.37-43)*

¹⁴ Roja wadicõri gua tu ejacã ina mucana. Jãjarã masa ñacã gua rãca. Jesús i tãdi ejaja ticõri, i riojo rijomunigãna ñini rüjũquĩ sigũ. Ito yicõri ado bajiro yiquĩ i Jesure.

¹⁵ —Yu Uju ya macare ti maiña mu. Nama cõre cõsotiami i. Ito bajiri ruje tõbujasotiami i. Biyaro usi jedi quedisotiami ya macã. Coji rayabeto jeame ajãroju usi jedi quedisotiami i. Ito yicõri riacañi cuni usi jedi quedisotiami. ¹⁶ Mu rãca riasotirã tuju ire ãmi ejabobabu ya. Ire yisio masibeama ina, yiquĩ i Jesure.

¹⁷ Ito i yija ado bajiro yiquĩ Jesús masare:

—Queno yure tuorũnũbea mua maji. Masa ñeñaro yirãre bajiro baja mua maji. ¿Nocõ yoari mua rãca ñagũ yigujada ya maji? ¿Nocõ yoari yugu yigujada ya, mua masitoni? Adojua ãmi waya, usi jedi quedisotigũre, yiquĩ Jesús guare.

¹⁸ Usi jedi quedisotigu i ejaja ticõri, rãmũre budi rotiquĩ Jesús. Rãmú i budirocati, cati quenagũ ñacõaquĩ macuacã mucana.

¹⁹ Ito yija bero ricati Jesús rãca busicu gua mucana:

—¿No yija rãmũre bucõa masibiti gua? yicu gua Jesure.

²⁰ —Yure queno tuorũnũbiticõri rãmũre bucõa masibeã mua maji. Riti muare gotia ya. Jabetacã yure mua tuorũnũja, jaibiti aje mostaza aje robo bajiro yure mua tuorũnũja, mua rotiro bajiroti bajiroja. I tũriare, “Gãjeroju cunĩ rũgãña”, mua yija, mua rotiro bajiroti bajiroja iti. Ñejuã mua yi masibiti mano yiroja, queno yure mua tuorũnũja. ²¹ Ito bajiro masare ina rãmúã sãñaja, bamena riti Diore mua senija, rãmũare bucõa masirãji mua, yiquĩ Jesús guare.

*Yure sïarã yirãji, mucana Jesús i tãdi gotire gaye
(Mr 9.30-32; Lc 9.43-45)*

²² Galilea sitaju coju gua waroca ado bajiro yiquĩ Jesús guare:

—Masa Rjorã ña ya. Yure ina ñiatoni gotigu yiguñi sigũ. ²³ Yure ñiacõri sïarã yirãji ina. Ito bajibojarocati udia rumũ beroti ya catiroca yigu yiguñi Dios, yiquĩ Jesús guare. Ito bajiri iti tãocõri buto bojori bujacũ gua.

Dios ya wi ñaroti ina waja yire gaye

²⁴ Ito yija bero Capernaum wame catiri cuto ejacu gua Jesús rãca. Itoju gua ñaroca minijuaã wi coderã waja seniri masa Pedroro oca seniñarona ejayijarã. I tu ejacõri ado bajiro ire seniïayijarã ina:

—¿Mũre riasogu Dios ya wi waja yibeati i? yi seniïayijarã ina Pedroro.

²⁵ —Waja yigu yiguñi, yi cudiyiju Pedro.

Jesure busirocu wiju i sãjaroca, Jesujua ado bajiro ire busigoquĩ:

—¿No bajiro tãoiati Simõn mu? ¿Adi sita gãna ujarã noare waja seniatite? ¿Ina ñarãre seniatite? ¿Gãjerãjũare seniatite? yi seniñaquĩ Jesús Pedroro.

²⁶ —Gãjerãre waja seniamã ina, yi cudiquĩ Pedro.

I ito yija, ado bajiro yiquĩ Jesús:

—Riti ya mu. Dios Macu ya ñajare yure waja seniado mama ina. ²⁷ Ito bajibojarocati ñeñaro manire ina busitube yirona waja yija quena. Itajuraju wasa. Itoju wai joba. Cajero basoguti ire sïacõri i ya riseju niyeru cuji bujagu yigujã mu. Iti niyeru cujina manire ina waja senija, ñarocõti tũjacoaro yiroja iti. Iti cuji amicõri inare waja yiya, yiquĩ Jesús Pedroro.

18

*¿Nimu ñati ñasagu ñarocu? ña yi seniñare gaye
(Mr 9.33-37; Lc 9.46-48)*

¹ Iti rumuriti, gua Jesús rāca riasotirā ñre seniñacu:

—¿Ūmacūju Dios ī rotiroju ñimu ñati ñasagu ñarocu? yi seniñacu gua Jesure.

² Ito bajiro gua yija tuocōri, sīgū macuacāre āmicōri gua wato cūquī. ³ Ado bajiro yiquī Jesús guare:

—Riti muare gotia yu. Maa ñeñaro yirise maa jidicābeja, ito yicōri bucarāre rīaca ña tuorānuro bajiro yure maa tuorānubeja, ūmacūju Dios ī rotiroju eja mena yirāji maa. ⁴ Ado bajiro bajigu yiguīji ūmacūju Dios ī rotiroju ñasagu ñarocu. Āni macuacāre bajiro, “Ñasagu ña yu”, yi tuoīabicu yiguīji ī. ⁵ Noa yure tuorānucōri āni macuacāre ña boca āmiro bajiro yure cūni boca āmirā yirāji ña, yiquī Jesús guare.

*Ñeñaro maa yi uyaja guijorise ña, yi Jesús ī riasore gaye
(Mr 9.42-48; Lc 17.1-2)*

⁶ Mucana ado bajiro gotiquī Jesús guare:

—No macuacā yure tuorānusoogure ñeñaro yiroca gāji ī yija, ñre buto waja senigū yiguīji Dios. Quenogoroama ito bajiro yigure ī ya āmumaju gūtagā jajoca sia yocōri riaca ūcaroju rucōjaja quenaroja. ⁷ Bujato bujarā yirāji adi macārucāro gāna ñeñaro yiri masa. Masare ñeñaro ña yiroca yirise ito bajiro riti bajitūñaro yiroja. Ito bajijobarocati, gājerā ña ñeñaro yiroca ñare yigure bujato baja ñre, yiquī Jesús guare.

⁸ Maa ya āmo, maa ya gubo, maa ñeñaro yiroca muare iti yija, itire jatacōri sōju cōacōña. Manire co duja āmo manija quenabetoja. Ito bajijobarocati jua āmo, āmo cutirā ñabojarāti jeame ūjuroju manire Dios ī cōaja, rēto busaro quenabeto yiroja. ⁹ Maa ya cajea maa ñeñaro yiroca iti yija, ruacōri sōju cōacōña. Manire co duja cajea manija quenabetoja. Ito bajijobarocati jua cajea, cajea cutirā ñabojarāti jeame ūjuroju manire Dios ī cōaja, rēto busaro quenabeto yiroja. Dios ī ñaroju mani ejaja, buto busa wana quenarā yirāji mani. “Maa ñeñaro yirise jidicāña”, yirocu ito bajiro yiquī Jesús guare.

*Oveja wisarure āmagū yiguīji coderi masu, yi Jesús ī riasore gaye
(Lc 15.3-7)*

¹⁰ Mucana ado bajiro gotiquī Jesús guare:

—Mutarā yure masisuorāre sīgūjuare tibo yibesa. Ūmacūju āngel mesa ñarāji ñare tirūnurā. Co rumu ruyabeto yu jacu tu ñacāma ña. ¹¹ Yu ña Masa Rjoru. Jeame ūjuroju wabooanare masorocu wadicu yu, yiquī Jesús guare.

¹² Guare riasorocu ado bajiro yiquī Jesús mucana:

—Adocāta yu muare riasorisere queno tuoīaña maa. Sīgū ñayiju cien oveja rucogu. Co rumu gājerāre wagocōri sīgū wisayiju oveja. ¿No bajiro tuoīati maa? ¿Gājerā ruyarā, ta weseju noventa y nueve ñarā wisarure āmagū waguījida ī? ¹³ ñre āmagū wacu yiguīji ī. Wisarure ī bujaja, buto wanugū yiguīji ī. Riti ña. Gājerā wisamena noventa y nueve ñarā rētoro wisarure ī bujaja wanugū yiguīji ī. ¹⁴ Mani Jacu ūmacūju gagu ito bajiroti bajiami ī cūni. Sīgū yure masisuogū ī wisare āmobiqūji Dios, yiquī Jesús guare.

*Mani yagu ī ñeñaro yirise mani ācabojaja quena, yi Jesús ī riasore gaye
(Lc 17.3)*

¹⁵ Mucana guare ado bajiro riasoquī Jesús:

—Sīgū maa yagu muare ī ñeñaro ī yija, ī rioti oca quenoma, “Riti ya maa, muare ñeñaro yicu yu”, ī yi masitoni. “Riti ya maa”, ī yija oca quenocāna ña maa. Ito bajiri maa yure rāca queno baba cutirā yirāji maa mucana. ¹⁶ “Bajibebe burāti ya maa”, ī yija, gājerā jārāre ji ñucama. Ito bajiri maa busirise ña tuoja. “Riti baja iti”, yi masirā yirāji ña. ¹⁷ ñare riojo ī tuorānubeja, jājarā Diore masirā riojo gotiba maa. ña jājarāre ī tuorānu āmobeja, Diore masibicu robo bajiro ñre maa rucōja quena. Sīgū ñeñaro yigu, ūjarāre yiarī waja seni isiri masure bajiro rucōja quena maa ñre, yiquī Jesús guare.

¹⁸ “Riti muare gotia yu. Ūmacūju gagu Dios ī cūana ña maa. Adi macārucāroju maa rēoja, ūmacūju Dios taju cūni rēore ñaro yiroja. Gajere cūni, “Ito bajiroti bajiya mu”, maa yiro bajiroti ūmacūju cūni bajiro yiroja, yiquī Jesús guare.

¹⁹ Gaje ado bajiro muare gotia yu. Maa jājarā sīgūre bajiro tuoīacōri Diore maa seni āmoja, maa āmoro bajiroti isīgū yiguīji yu Jacu ūmacūju gagu. ²⁰ No jājarā ūdiarā yure tuorānūrā ña minijuaja, ña rāca ñagū yiguja yu, yiquī Jesús guare.

²¹ Ito ī yija bero Pedro ado bajiro seniñacu Jesure:

—Yu ūju sīgū yu yagu yure ñeñaro ī yija, ¿nocōjiri ñre yu ācabojaja quenati? ¿Jua āmojeno ñre yu ācabojaja quenati? yiquī ī Jesure.

²² Ī ito yija tʷocōri, ado bajiro cadiquī Jesūs ĩre:

—Jua āmojeno rētoro, coji ruyabeto mure ĩ senirocō ĩre mu ācabojoja quena, yiquī Jesūs Pedrore.

Gāji ĩ ñeñaro yirise ācaboja āmobicu yire oca

²³ Mucana Jesūs guare ado bajiro riasoquī:

—“¿Dios ũmacāju rotigu no bajiro bajiatu ĩ?” mua yi masi āmoja, sīgū ũjare tʷoñate mua. Ado bajiro yiyiju ĩ. Ī ya moari masare ji ñucacōri, ĩre ĩna waja ruyuriorisere cōiyaju. ²⁴ Ī cōiasuoroca sīgū ĩre jairo niyeru waja ruyuriogare ĩre āmi ejabojayijarā ĩna. ²⁵ Ī ũjare waja yi masabisiju ĩ. Ito bajiri, “Gājerāre yure ĩsi ĩsitēña”, yiyiju ũju. ĩre, ĩ riare, ĩ manojore, ĩ ya gajeoni jeyaro gājerāre yure ĩsi ĩsitēña. ĩna waja mua bujarise yure mua ĩsija, ĩ yure waja ruyuriorise t̄jaro yiroja, yiyiju ũju ĩre āmi ejanare. ²⁶ Ito ĩ yija tʷocōri, ĩre waja ruyuriogu ĩ riojo rijomunigāna ñini r̄jūyiju. Ito yicōri ĩre josayiju ĩ: “Yū ũju jabeto yuya maji. Mure yū waja ruyuriorise waja t̄ogū yigūja yū maji”, yiyiju ĩ, ĩ ũjare. ²⁷ Ito ĩ yija tʷocōri, ĩre ti maiyiju ĩ: “Baū, no yibeati”, yi ĩre jidicāyiju ĩ, ĩ ũju.

²⁸ Ito bajiro ĩ ũju yija tʷocōri, budi wayiju ĩ. Budi wacōri ĩ baba ĩre waja ruyuriogare ti bujayiju ĩ cuni. Ito bajiri ĩ babare ĩ ya āmama ñia rāgācōri, “Yure mu waja ruyuriorise cojiti waja t̄oña mu”, yiyiju ĩre. ²⁹ Ito ĩ yija tʷocōri, ĩ ya rijomunigāna ñini r̄jūyiju ĩ: “Jabeto yure yuya maji. Mure yū waja ruyuriorise mure waja t̄ogū yigūja yū maji”, yibojayiju ĩ. ³⁰ Ito ĩ yibojarocati t̄obisiju ĩ. Ito bajiri tubiara wiju āmi wacōri ĩre cūyiju ĩ. “Yure mu waja ruyuriorise mu t̄obeja, budibicu yigūja mu”, yiyiju ĩ. ³¹ Gājerā moari masa ito bajiro ĩ yija ticōri, bujatobisijarā ĩna. Ito bajiri ũju tu wacōri ñarocōti gotiyijarā ĩna. ³² Ito bajiri ĩre ĩna gotija tʷocōri, “ĩre yure ji ĩsitēña”, yiyiju ũju. Ī ejaja ticōri, ado bajiro ĩre yiyiju ĩ: “Yure moa ĩsiri masu quenabisija mu. Yure mu waja ruyuriorisere ito bajicōato mure”, yibojacu yū, yure mu josajare. ³³ Mure yū ti maicato bajiroti gāji mu babare ti mairujaboyija mu”, yiyiju ũju ĩre moa ĩsiri masure. ³⁴ Buto junisinicōri ĩre ĩ waja ruyuriorise ĩ waja t̄otoni ĩre tubia rotiyiju ĩ ũju: “Yure ĩ waja ruyuriorise ĩ t̄obeja budibicu yigūji ĩ”, yiyiju ũju, yi gotiquī Jesūs guare, gua t̄uo masitoni.

³⁵ Bajiroti gaye guare riasoquī Jesūs. Ado bajiro guare gotisusaquī Jesūs:

—Ito bajiro riti yigu yigūji yū Jacu ũmacāju ñagū cuni, gājerā mua ñarāre ñeñaro ĩna yirisere mua ācabojojeja, yiquī Jesūs guare.

19

Manojore jidicāre ma, yi Jesūs ĩ riasore gaye

(Mr 10.1-12; Lc 16.18)

¹ Ito bajiro Jesūs ĩ yija bero Galilea sitana wacōri, Judea sitaju ejacu gua. Jordán wame cutirisa tu ũmacañi ĩ joejea maja wadiri sitaju ñacu iti sita. ² Jājarā masa Jesure sayu wacā. Cōrā ĩna ñaja ĩnare yisioquī Jesūs.

³ Itoju gua ñaroca fariseo gaye t̄oñarā ejacā Jesūs tu. “Mani seniñaja, queno cadi masibicu yigūji ĩ?”, yirona seniñabojacā ĩna Jesure:

—¿Sīgū ĩ manojore ĩ cōaja, ĩ āmoro bajiroti ĩ manojore ĩ cōaja quenati? yi seniñacā ĩna.

⁴ —¿Dios oca tuti t̄iibaticati mua? Ī oca gotia, “Cajero rujeoñi ũmugare ito yicōri romiore cuni”, yi gotia ĩ oca. ⁵ Gaje ado bajiro gotia ĩ oca: “Ī manojore rāca ñaroca ĩ jacure ĩ jacore jidicāgū yigūji ĩ. Manojore cuticōri jāarā ñabojarāti sīgure bajiroti bajirā yirāji ĩna”, yi gotia Dios oca. ⁶ Ito bajiroti baja ito gaye. Jāarā ñabojarāti sīgure bajiro ñarāji ĩna ĩja. Ito bajiri Dios ĩ babocāre ñajare manojore jidicā masia ma, yiquī Jesūs fariseo gaye t̄oñarāre.

⁷ Ito ĩ yija tʷocōri, ado bajiro seniñacā ĩna:

—Riti mu gotija, ¿no yija ricati rotiyijari Moisés ñayoru? Ado bajiro rotiyōñi ĩ: “Isore mu jidicā āmoja, jidicāre papera isore ĩsiña”, yiyōñi Moisés ñayoru, yicā ĩna Jesure fariseo gaye t̄oñarā.

⁸ Ito bajiro ĩna yija tʷocōri, ado bajiro cadiquī Jesūs:

—Diore ĩna cadi āmobejare, manojore jidicāre gaye rēobisī Moisés ñayoru. Ito bajibojarocati cajeroama ito bajiro meje bajiyija. ⁹ Riti muare ado bajiro gotia yū. Sīgū ĩ manojore gājire iso ajebitibojarocati ĩ jidicāja, ñeñaro yigu yami ĩocā. Isore jidicācōri gajeore ĩ manojore cutija, ajegu yami ĩocā cuni, yiquī Jesūs fariseo gaye t̄oñarāre.

¹⁰ Ito ĩ yija tʷocōri, gua ĩ rāca riasotirā ado bajiro yicu ĩre:

—Riti ito bajiro ito bajijama manojore cutire ma, yicu gua ĩre.

¹¹ Ado bajiro yiquī Jesūs guare:

—Ñarocōgoroama t̄uo masi jedi yimenaji adire. ĩna t̄uo masiroca Dios ĩ yiana riti t̄uo masirā yirāji. ¹² Coriarā ĩna manojore cuti masibeja, ricati riti baja ĩna ya rujari. Coriarā

ito bajironati rujeana İna. Gājerāma, gājerā ūmua İnare ñeñoja bero manojjo cuti masimenaji İnaōna. Gājerāma ūmacāju gagu Diore riti rācabuorona manojjo manaji İnaōna. No itioni gaye cudi āmogūti cudiguñji, yiqui Jesūs guare.

Rīacare queno yijaro Dios, Jesūs İ yire gaye
(Mr 10.13-16; Lc 18.15-17)

¹³ Ito yija bero gājerā rīacare Jesūs tu āmi ejacā. İna joe āmo jeocōri Diore İnare busi İsitoni, İnare āmi ejacā İna. İna āmi ejaja ticōri. “Āmi wadibesa maji. Ūsirioro ya mua”, yicu gua İnare. ¹⁴ Ito bajiro gua yibojarocati Jesuama ado bajiro yiqui:

—Rīacare rēobesa, yu tu wadijaro İna. Rīaca ñama yare queno tuorānurā. İna robo yare queno tuorānurāre İ rotiroju miojugu yiguñji Dios, yiqui Jesūs guare.

¹⁵ Ito İ yija bero İnare yiari Diore busi İsirocū āmo moa jeoquī Jesūs. Ito İ yija bero gajerojua wacu gua Jesūs rāca mucana.

Gajeonire buto maisabeja quena, Jesūs İ yire gaye
(Mr 10.17-31; Lc 18.18-30)

¹⁶ Co rumu sīgū mamū Jesure seniāgū ejaquī:

—¿Queno riasogu catitiñare gaye yu buja āmoja, no bajiro yigujada yu? ¿Ñe quenarise gaye yigu yigujada yu? yiqui İ Jesure.

¹⁷ —¿No yija quenagū yare yati mu? Sīgū ñami queno yigu. İti ñami Dios. Catitiñare gaye mu āmoja, Dios İ rotirisere cadija quena, yiqui Jesūs mamure.

¹⁸ —¿Ñe rotire gaye yigujada yu? yiqui İ Jesure.

—Gājire sīabeja. Gāji manojore ajebeja. Romia cūni gajeo manujure ajebeja. Rinibeja. Gājerāre ruo gotibeja. ¹⁹ Mu jacure, mu jacore cūni rācabuoba. Ito yicōri mu ya rujure mu mairō bajiroti, mu ñarāre cūni maima, yiqui Jesūs mamure.

²⁰ —Macuacā ñagūjuti itire ito bajiro yisucū yu. ¿Ñe gaje rayati yare queno yu yiroti? yiqui İ Jesure.

²¹ Ito İ yija, ado bajiro cadiquī Jesūs:

—Ñarocōti mu cudi jeo āmoja, ado bajiro yiya. Jeyaro mu rucorise gājerāre İsi jeocōña. Ito yicōri iti waja bujacōri bojoro bujarāre İsima. Ito bajiro mu yija, ūmacāju queno bujagu yiguja mu. Ito bajiro mu yi jeoja bero yu rāca waya, yiqui Jesūs ire.

²² Jesūs ito bajiro İ yija tuocōri, buto bojori buja tūdi waquī İ, İ ya gajeonire maigū. Buto gajeoni jaigu ñayiju İ.

²³ Ito yija bero gua İ rāca riasotirāre ado bajiro yiqui Jesūs:

—Riti muare ado bajiro gotia yu. Sīgū gajeoni jaigu Dios rotiroju İ eja āmoja josari ña.

²⁴ Mucana muare goti quenoa yu. Sīgū camello gawa jota susuriju İ rēta budi āmoja, josari ña. Ito bajiroti buto busa josari ña Dios İ rotiroju niyeru jaigu İ eja āmoja, yiqui Jesūs guare.

²⁵ Ito İ yija tuocōri, buto ucacu gua. Ito yicōri guamasiti gāmeri seniācu gua:

—¿Ito yija noajua Dios İ ñaroju ejagu yiguñjida? Sīgū ejabiquñji gajea, yi gāmeri busicu gua.

²⁶ Guare ticōri ado bajiro yiqui Jesūs:

—Masamasiti yiado ma itire. Dios sīgūti jeyaro yi masiguñji. Ñeja josarise manoja İre, yiqui Jesūs guare.

²⁷ Ito İ yija tuocōri, Pedro ado bajiro yiqui:

—Yu Ūju jeyaro gua rucorisere jidicācu gua. Iti jeyaro jidicācōri mu rāca suya gua. ¿Ito gua yijama ñe bujarā yirājida gua? yiqui İ Jesure.

²⁸ Ito İ yija tuocōri, ado bajiro gotiquī Jesūs İnare:

—Riti muare gotia yu. Co rumu mucana mame menigū yiguñji Dios. Ito bajiro İ yiri rumu yu Masa Rījoru rotiroju yori cumuroju rujigu yiguja yu. Mua cūni yare suyarā, juu gubojeno ñari cumurori rotiroju rujirā yirāji mua cūni. Israel sita gāna juu gubojeno masa buturi gānare rotirā yirāji mua. ²⁹ Noa yare cudi āmorā İna ya wiri, İna ñarā, İna jacusatia, İna manojosāromia, İna rīa, ito yicōri İna ya weseare cūni İna cū waja, İna rucobojarise rēto busaro queno bujarā yirāji İna mucana. Ito yicōri catitiñare bujarā yirāji İna. ³⁰ Jājarā adoju ñasari masa ñarā, itoju ūmacāju ñasarā meje ñarā yirāji. Ito bajicōri adoju ñasamena ñarā, itoju ūmacāju ñasarā ñarā yirāji, yiqui Jesūs guare.

20

Moari masa gaye Jesūs İ goti masiore oca

¹ “İre tuorānurāre İ rotiroju miojugu yiguñji Dios”, gua yi masitoni ado bajiro goti masioquī Jesūs guare:

—Sīgū uyé wese co wese rucogu ñayiju. Busuri jiju İre moa İsironare āmagū wayiju İ. ² İnare bujacōri İnare busi queno yiju İ. “Co rumu ūmasaro yare mua moa İsija, coji denario niyeru

cuji muare waja yicuja yu”, yiyiju i Inare. Ina cudija tuocōri, “Yu ya sita moa isitēña yure”, yiyiju i Inare. ³ Ito bero yoa busari nueve tujaroca, gājerā moa amōrā cuto gadareco ina rügōja ti bujayiju i. ⁴ “Wasa, mua cuni. Yu ya ote wese moa isitēña. Yiro robo queno muare waja yigu yiguja yu”, yiyiju i Inare. Ito bajiri ina cuni ire moa isirā wayijarā. ⁵ Mucana ito bajiroti umua gudareco naroca, tres naroca cuni moari masa bujayiju i. ⁶ Mucana cinco naroca cuto gadareco ejacōri gājerā moa amōrā ina rügōja ti bujayiju i. Ito yicōri Inare ado bajiro yiyiju i: “¿No yija adi rumu moamenati umuasaro rügō ucuati mua?” yiyiju i Inare. ⁷ “Ñimujua guare, ‘Moa isitēña mua’, yibeama. Ito bajiri ñacōa gua”, yiyijarā ina ire. “Wasa mua cuni. Yu ya ote wese moa isitēña. Yiro robo queno muare waja yigu yiguja yu”, yiyiju i Inare. ⁸ Rāiocuro naroca i ya moari masare coderi masure ji ñucayiju i, i ya moari masare i waja yitoni. “Bero moare sājascānajuare waja yisuoja. Ito yicōri moare sājascānajuare waja yi gajanoaña”, yiyiju i, i ya moari masare coderi masure. ⁹ Ito yija bero moare sājascāsana ejasoyijarā. Ito bajiri ina jeyarore coji denario niyeru cuji Inare waja yiyiju i. ¹⁰ Itocōacā ina bujaja ticōri, cajero moare sājascāsana: “Maniama jai busaro bujarā yirāji”, yi tuoibojayijarā ina. Ito bajiro ina tuoiare ñabojarocati. Co kujiti niyeru cuji boca amiyijarā ina cuni. ¹¹ Ito bajiri itocōacā bujacōri ujure tudisoyijarā ina. ¹² “Gua berōju moasurōrā coji cōreti moama ina. Ito bajibojarocati Inare mu waja yirocōacāti guare waja yia mu. Guama umacafi asiro bujaiabojabu gua”, yi tudiyijarā ina ujure. ¹³ Ito bajiro ina yibojarocati sigure ado bajiro cudiyiju uju: “Yu baba mare rinibea yu. ‘Yicuja’, yu yiado bajiroti ya yu. Jijū oca quenocāmū mani. ‘Co rumu moare waja co cuji niyeru cuji waja cutia’, yiari mare basicāmū yu. ¹⁴ Mu moare waja amicōri wasa. Mare yu waja yiro bajiroti bero moasusagare cuni itocōti isi amoa yu. ¹⁵ Yu ya niyeru ña. Ito bajiri yu amōre bajiroti ya yu itire. ¿Inare queno yu waja yija, itire ti junisiniati mu?” yiyiju i cajero moare sājascānajuare, yiqui Jesús guare.

¹⁶ Gaje ado bajiro yiqui Jesús guare:

—Ito bajiroti adoju jajarā ñasarā ñarā, itoju umacaju Ina i ñaroju ñasamena ñarā yirāji ina. Gājerā adoju ñasamena ñarā, itoju Dios i ñaroju ñasarā ñarā yirāji. Masa jeyarore jibojaguti coriarāreti bese amigū yiguji Dios, yisusaquī Jesús guare.

Yure sīarā yirāji, Jesús i yi busisusare gaye

(Mr 10.32-34; Lc 18.31-34)

¹⁷ Jerusalénju gua wasuoroca, gua jua gubojeno ñarāre busirocu ricati ji ñucaquī Jesús:

¹⁸ —Jerusalénju ejarā warā, muja wasuoa mani. Jerusalénju mani ejaroca Masa Rjorure ñarā yirāji masa. Ito yicōri paia ujarāre, judio masa rotirise riasori masare cuni ire isirā yirāji ina. Inaju ire sia rotirā yirāji. Iti ña yu Masa Rjorū. ¹⁹ Ito yicōri gaje masa yure ina aja tuditoni, yure ina bajetoni, ito yicōri yucutēoju yure ina jaju sīatoni Inare yure isirā yirāji ina. Yure siacōri godana wato yure yujebjarā yirāji ina. Ito ina yibojarocati adia rumu bero yu catiroca yigu yiguji Dios yure, yiqui Jesús guare.

Santiago mesa jaco Jesure iso senīa amore gaye

(Mr 10.35-45)

²⁰ Ito yija bero Zebedeo rīa jaco ejacō Jesús rāca busiroco. Iso rīa Santiago, Juan rāca ejacō. “Yure queno yiya mu”, yiroco Jesús riojo rijomunigāna ñini rüjucō iso. ²¹ Ito bajiro iso yija ticōri:

—¿No bajiro yu yire amoati mu? yiqui Jesús isore.

Ito i yijare ado bajiro cudicō iso:

—Mu rotiroju mu ejaja, yu rīare sīgū mu ya riojocaduja, gājire mu ya gācoduja rojoba Inare, yicō iso Jesure.

²² Ito bajiri iso rīare ado bajiro yiqui Jesús:

—Mua yure senibojarisere queno tuo masibea mua. Quenabeto yu tuoiaroca yirā yirāji masa yure. ¿Yure bajiroti quenabeto tuoia ñemecuti masirā yirājida mua cuni? yiqui Jesús Inare.

—Ñemecuticōrāji gua, yicā ina Jesure.

²³ Ina ito yija tuocōri, ado bajiro cudiqui Jesús:

—Riti muare gotia yu. Mua cuni yure bajiroti tōbujarā yirāji. Ito bajibojarocati yu ya riojocaduja, yu ya gācoduja muare rojo masibea yu. “Ana yu Macu tu rujirā yirāji”, yu Jacu i yicādo bajiroti, Inare rojogu yiguji, yiqui Jesús Inare.

²⁴ Gua Jesús rāca riasotirā jua dejamocō ñarā, “Ito bajiro amoa gua”, Ina yija tuocōri, tuo junisinicu gua. ²⁵ Ito bajiro gua bajija ti masicōri, ado bajiro yiqui Jesús guare:

—Sita ujarā ñasari masa Ina roca gānare rotirā yirāji. Ito yicōri mucana Inare moa isiri masa, Ina roca gānare buto busa seoro rotirā yirāji Ina. “Ito bajiro yicā masa”, yi tuo masia mua. ²⁶ Muama ito bajiro bajimena yirāji. Gajero bajirojua bajia. No ñasagu ña amogū, gājerāre ejabuagu yiguji. ²⁷ Ito yicōri cajero gagu ñasuo amogū, gājerāre moa isigū yiguji. ²⁸ Yu cuni

ito bajiroti ya. Gãjerã yure moa Ìsijaro yigũ meje wadicũ yũ. Ìnajuare ejabuagũ wadicũ yũ. Jãjarãre masorocũ wadicũ yũ. Ìna ñeñaro yirisere waja yi Ìsirocũ goda Ìsigũ wadicũ yũ, yiquĩ Jesũs guare.

Jãarã cajea manare Jesũs Ì yisiore gaye

(Mr 10.46-52; Lc 18.35-43)

²⁹ Jericó wame cutiri cuto gua budi waroca, jãjarã masa suyacã, Jesure ti ãmorã. ³⁰ Itoju gua waroca jãarã cajea timena rujicã ma tuju. Jesũs Ì rãtaja tuocõri, ado bajiro Ìre ji awasãcã Ìna:

—Gua uju, David ñayoru janerãbatia janamiti ña mu. Guare ti maiña mu, yi awasãcã Ìna.

³¹ Ito bajiro Ìna yibojarocati, “Awasãbesa maji”, yicã masa. Ito bajiro Ìna yibojaroca riti, buto busa awasãcã Ìna mucana:

—Gua uju, David ñayoru janerãbatia janami ña mu. Guare ti maiña, yi awasãcã Ìna buto busa.

³² Ito Ìna yija tuocõri, tuja rãgũquĩ Jesũs. Ito yicõri cajea manare ji ñucaquĩ Ì:

—¿No bajiro yũ yire ãmoati mua? yiquĩ Ì Ìnare.

³³ —Gua Uju, cajea ti ãmoa gua, yicã Ìna Jesure.

³⁴ Ito Ìna yija tuocõri, Ìnare ti maiquĩ Jesũs. Ito yicõri Ìna ya cajeari moaiaquĩ Ì. Ito bajiro Ì yirocati timena ñabojana ticoacã Ìna Ìja. Ito Ì yija bero Ìna cuni Jesure suyacã.

21

Jerusalénju Jesũs Ì ejare gaye

(Mr 11.1-11; Lc 19.28-40; Jn 12.12-19)

¹ Jerusalén cõña warã Betfagé wame cutiri cuto ejacũ gua. Jabeto cõñasucũ Jerusalén Ìja. Olivos wame cutiri turia judo ñacu iti cuto. Jãarã gua rãca gãnare Ì rãca riasotirãre, ² ado bajiro rotiquĩ Jesũs:

—Mani waroto riojo ñari cutore wasa maji. Itoju ejacõri burro sia rãgõrure bujarã yirãji mua. Ito yicõri Ì macũ cuni ñagũ yiguĩji Ì rãca. Ìnare õjacõri ãmi wadi Ìsima yure. ³ Sigũ muare Ì busija. “Mani Uju Ìnare ãmoami”, yiba. “Yoari mejeti mucana mure judacõarã yirãji gua”, yiba. Ito bajiro mua yija tuocõri, “Bau wasa”, yigũ yiguĩji muare, yiquĩ Jesũs Ìnare.

⁴ Ito bajiro yiquĩ Jesũs, sigũ Diore goti Ìsiri masũ Ì ucado bajiroti yigũ. Ado bajiro ucayofi Diore goti Ìsiri masũ:

⁵ Jerusalén gãnare ado bajiro yiba: “Tiya mua. Mua Uju wadiami. ‘Ñasagu ña yũ’, yirocu meje ejami Ì. Burro gajeoni ùmari masũ macũ Ì joe jesacõri wadiami Ì”, yiba, yi ucañi Diore goti Ìsiri masũ ñayoru.

⁶ Jesũs Ì rotija tuocõri, Ì rotiro bajiroti yicã Ìna. ⁷ Burro Ì macũ rãcati ãmi wadiñi Ìna. Ìna ya yutabujirire ruacõri burro joere jeocã Ìna. Ito Ìna yija bero muja jeaquĩ Jesũs Ìja. ⁸ Ito iti bajiroca masa jãjarã ñacã. Ìna ya yutabujuri ruacõri mare eyocũ yucã Ìna. “Gua Uju ña mu”, yirona ito bajiro yiyijarã masa Jesure rucubhorã. Gãjerã yucuguri jatacõri mare cũ yucã Ìna.

⁹ Ì riojua gãna, Ì berojua gãna cuni Ìre wanurã ado bajiro awasã wacã Ìna:

—Mu ña David ñayoru janerãbatia janami. Mu ña gua Uju. Rãtoro masigũ ña mu. Dios Ì cõaru ña mu. Queno yijaro Dios mure. Quenasacõa Dios Ì ito bajiro Ì cõaja, yi awasã wacã masa.

¹⁰ Ito bajiro Jesũs masa rãca Ì ejaia, tuo batocõri tuoña oca jaicã masa. Jãjarã Ìnamasi gãmeri seniãcã Ìna:

—¿Ñimuõcũ ñati ãni? yicã Ìna.

¹¹ Gãjerã ado bajiro yicã:

—Ìti ñami Jesũs Diore goti Ìsiri masũ. Galilea sita Nazaret wame cutiri cuto gagũ ñami Ì, yicã masa.

Dios ya wiju niyeru wasoari masare Jesũs Ì buccare gaye

(Mr 11.15-19; Lc 19.45-48; Jn 2.13-22)

¹² Ito Ì yija bero Dios ya wi minijuara wiju sãja wacu gua Jesũs rãca. Iti wiju waja gãme ñari masare ticõri Ìnare buccõquĩ Jesũs. Masare Ìna niyeru wasoari ñari casabore tujuda queoquĩ Jesũs. Ito yicõri bujare Ìna Ìsi rujiri cumurori tujuda cõaquĩ. ¹³ Ado bajiro gotia Dios oca tuti yiquĩ Jesũs:

—Yũ ya wiama yure rucubhorona Ìna minijuara wi ñaro yiroja. Ito bajibojarocati muama riniri masa Ìna rudiri wi robo bajiro meniyija muama, yi gotia Dios oca tuti, yiquĩ Jesũs Ìnare.

¹⁴ Iti wiju minijuara wiju gua ñaroca, cajea mana ito yicõri wa masimena ejacã Jesũs tu. Ìna ejaia ticõri, Ìnare yisioquĩ Jesũs. ¹⁵ Ito bajiro Jesũs tiyamani Ì Ìoja ticõri, paia ujarã ito yicõri judio masa rotirise riasori masa cuni Jesure tuo junisinicã Ìna. “Rãtoro masigũ ña mu. David

ujū ñayoru janerābatia janamiti ña mu”, minijuara wiju rīaca ĩna awasāja tuocōri, Jesure tuo junisinicā ĩna. ¹⁶ Ito bajiri Jesure ado bajiro yicā ĩna:

—¿Ito bajiro ĩna busija tuocuatī mu? yicā ĩna Jesure.

—Tuo ya ĩnare. Dios oca tutiju ito bajiro iti gotija. ¿Tīābeati mua? Ado bajiro gotia iti: Rīaca ito yicōri ũjurācā cuni mure ĩna wanu rūcabuoroca ya mu, yi gotia Dios oca, yiquī Jesús ĩnare.

¹⁷ Ito yija bero ĩnare wagocu gua. ĩnare wagocōri Betania wame cutiri cutoju ejacu gua. Itoju canicu gua.

Higuera rica manigüre Jesús ĩrojare gaye
(Mr 11.12-14,20-26)

¹⁸ Mucana busuri Jerusalénju tūdi wacu gua. Ma gudareco gua tujaroca, “Ñiocōa ya”, yiquī Jesús. ¹⁹ Ma tu higuera wame cutiricu ñacu. Itigu ricare ba āmogū ojobojaquī Jesús. Rica manicu itigujama. Jūgoti ñacu. Ito bajiri itigüre ado bajiro yiquī Jesús:

—Juaji rica cutibitiatōja mugo, yiquī Jesús itigüre.

Ito bajiro ĩ yirocati sinia godacoacu itigu. ²⁰ Ito bajiro iti rētaja ticōri, acacu gua Jesús rāca riasotirā:

—¿No bajijare yoari mejeti sinia godati itigu? yicu gua Jesure.

²¹ Ado bajiro guare cūdiquī ĩ:

—Riti muare gotia ya. Yure tuorānucōri, “Yure ejabuabiquīji Jesús”, mua yi tuoīabeja, janeti higueregure ya yiro bajiro meje riti yi masirāji mua. Gaje sēo busarise yi masirāji mua. I turiare, “Cunī rūgōcōri riaca jajosaju quedi roaya”, mua yija, ito bajiroti rētarō yiroja.

²² Diore busirā mua senija, ĩre mua tuorānujama mua seniro bajiroti bajiro yiroja, yiquī Jesús guare.

“¿Ñimu ĩ rotijare ito bajiro yati mu?” yi Jesure ĩna seniāre gaye
(Mr 11.27-33; Lc 20.1-8)

²³ Ito rēta wacōri Jerusalénju ejacu gua mucana. Ito yicōri minijuara wiju sājacu gua Jesús rāca. Ito gua ñaroca riti paia ũjarā, ito yicōri judio masa bucurā ejacā Jesure seniārona:

—¿Ñimu ĩ rotijare ito bajiro yati mu? ¿Ñimu mure, “Ito bajiro yiba”, yicati? yicā ĩna Jesure.

²⁴⁻²⁵ Ito bajiro ĩna yija tuocōri:

—Yū cunī muare ado bajiro seniāgū ya. Yure mua cūdija berōjua, “Ī rotirena ya ya”, muare yicaja maji. ¿Ñimu cōayijari Juanre masare ĩ idé gutoni? ¿Dios cōayijarite? ¿Masajua cōayijarite? yi seniāquī Jesús ĩnare.

Ito ĩ yija tuocōri, ĩnasasiti gāmeri tuoīa basicā ĩna: “ ‘Dioti Juanre idé gu rotīñi’, mani yija, mucana manire seniāgū yigūji Jesús: ‘¿No yija ĩre tuorānubiticati mua?’ yi seniāgū yigūji Jesús manire. ²⁶ ‘Masati Juanre idé gu rotīñi’, mani yijama, masa buto ti tudirā yirāji manire. ‘Diore goti ĩsiri masu ñami Juan’, yi tuoīarāji masa”, yi gāmeri tuoīa basicā ĩna. ²⁷ Ito bajiro tuoīacōri:

—“Īti Juanre idé gu rotīñi”, yi masibeja gua, yicā ĩna Jesure.

Ito ĩna yija tuocōri, ado bajiro cūdiquī Jesús ĩnare:

—Ito bajijama ĩ rotirenati adi jeyaro tiyamani ya ya, yi masibeja ya cunī muare, yiquī Jesús ĩnare.

Sīgū ĩ rīa jūarāre moa rotire Jesús ĩ riasore gaye

²⁸ Mucana judio masa bucurāre ado bajiro seniāquī Jesús:

—Muare oca gotigu ya yo. ¿Itire no bajiro tuoīarā yirājida mua? Sīgū ñayiju jūarā rīa cutigu. Ī macu ñasogure ado bajiro yiyiju ĩ: “Macu jane ya ya ote uyēre moagū wacu ya mu”, yiyiju ĩ, ĩ macure. ²⁹ “Āmoba ya, wabicaja ya”, yiyiju ĩ ĩre. Ito bero gaje tuoīa quenocōri moagū wayiju ĩ ĩja. ³⁰ Ito yija ĩ macu gājire cunī ito bajiroti moa rotiyiju. “Bau, moagū wacaja cūna ya”, yiyiju ĩ ĩja ĩ jacare. Ito yibojaguti moagū wabisiju ĩ. ³¹ Mua tuoīaja, ¿ñimujua ñayijari ĩ jacu āmoro bajiro yigu? yi seniāquī Jesús ĩnare.

Ito ĩ yija tuocōri:

—Cajero ĩ moa rotisogoru quenañi, yicā ĩna Jesure.

Ito ĩna yija tuocōri, ado bajiro yiquī Jesús:

—Riti muare gotia ya. ũjarare yari waja seni ĩsiri masa ito yicōri wedi masa romia mua riojajua Dios ĩ rotiroju ejarā yirāji ĩna. ³² Juan idé guri masu, “Ado bajirojua mua ñaja quena”, yi muare ĩ riasobojaja, ĩre tuorānubisija mua. Ito bajibojarocati ũjarare yari waja seni ĩsiri masa, ito yicōri wedi masa romia cunī ĩre tuorānufi ĩna. ĩna ito bajiro Juan idé guri masure ĩna tuorānaja, tibojarāti mua ñeñaro yirise jidicā āmobisija mua. Ito yicōri Juan idé guri masure tuorānubisija mua, yiquī Jesús ĩnare.

*Queno moare rujeo masimena Jesús ï yire gaye
(Mr 12.1-12; Lc 20.9-19)*

³³ Gaje goti masiore ocana muare gotigu ya yu: Sīgū weseca cutigu ï ya weseju uyé oteyiju. Iti wesere ote ticōri iti wesere camotayiju ï. Ito yicōri uyé ide bijerotiju coju meniyiju ï. Iti wese ñacōri tirānurocu ūmacūju casabo meniyiju ï. Ito yija bero co rāmu gājerāre tirānu wasoa rotiyiju. Ito yicōri gajeroju wacoayiju ï. ³⁴ Ito bajiro co rāmu uyé iti rica catiroca, “Yu ye ñaroti jabeto uyé āmitēña”, yirocu ï ya moari masare cōayiju ï. ³⁵ Iti weseju ña ejaja ticōri, ito coderi masa ñare ñayijarā. Sīgūre jayijarā, ito yicōri gājire sīayijarā, ito yicōri gājire gātana reayijarā. ³⁶ Iti oca tuocōri jājarā busa ï ya moari masa cōayiju ï, ï ya wesecaju ï ye ñaroti ña āmitoni. Iti weseju ña ejaroca, iti wese code ñana ito riojua ejanare ña yiado bajiroti yijarā mucana.

³⁷ Ito bajiro ña yija tuocōri, “Yu macūjuare rācūbuorāji”, yi tuoīacōri ï macure wa rotiyiju ï. ³⁸ ï macū ejaja ticōri, ado bajiro tuoīa busiyijarā ña: “Adi sita ūju godagoja āni macuti ñami wasoaroca, ito bajiro ñe mani sīaja, mani ya sita ñaro yiroja ïja”, yi gāmeri tuoīa busiyijarā ña. ³⁹ ña tuoīado bajiroti ñe sōju ñia āmi wacōri sīayijarā ña, yiquī Jesús ñare.

⁴⁰ Ito bero mucana ado bajiro ñare senūiaquī Jesús:

—Ķ ï tūdi ejaja no bajiro yigu yiguñida ñare, iti wese codeanare? yi senūiaquī Jesús ñare.

⁴¹ Ito ï yija tuocōri, ado bajiro cudicā ña Jesure:

—Ñare ti maiari meje ñare sīagū yiguñi ï iti sita ūju. Ito ï yija bero gājerāre tirānu wasoa rotigu yiguñi ï. Uyé iti bucaroca iti wese ūjare ïsironare ñare wasoagu yiguñi ï, yicā ña Jesure.

⁴² Jesujua ado bajiro yiquī ñare:

—Ķ Dios oca tuti tūabeati mua? Ado bajiro gotia iti tuti:

Gūta wi meniri masa coga gūtagāre cōayijarā ña. Ito bajibojarocati gaje gūta rētoro quenarica ñayiju itiga ña cōabojaraga. Itiga gūtagāna suoriti quenari wi menigū yiguñi Dios. Itiga gūtagā manija, menire ma. Ito bajiro āmoñi Dios mani ūju. Ito bajiro itire masicōri bato tuoīa wanaa mani, yi gotia Dios oca.

Ito bajiro yiñi Dios, yure rētaroti tuoīa yugu. ⁴³ Ito bajiro muare ado bajiro gotia yu: “Ķre tuorānūrāre ï rotiroju miojugu yiguñi Dios”, muare gājerā gotibojarocati tuorānūbisija mua. Ito mua yija ticōri, gājerā masa ï oca ña masiroca yiñi Dios. Ito bajiro ñe ña queno cudija ticōri, ñareama miojugu yiguñi Dios, ï rotiroju. Mua judio masare ï rotiroju muare cū yubojañi Dios. Muare yubojacōri gājerāre cūgū yiguñi Dios ï rotiroju. ï ya weseca ejabua āmorāre bajiro bajirā cūgū yiguñi Dios ï rotiroju. ⁴⁴ Jiju gūta gaye muare yu busirise ado bajiro baja: no gūtagā joe quedi jeagure ï ya gōari jearo yiroja ñe. Ito yicōri itiga gūtagā sīgūre iti quedi jeadi, mano abocōro yiroja. No yure tuorānūbicu, catiñābicu yiguñi. Ito yicōri noa jeame ūjuroju cōa āmorāre yu cōaja, ruyuriorocu cōagū yigūja yu, yiquī Jesús ñare.

⁴⁵ Goti masiore oca Jesús ñare gotija tuocōri, “Manireti busiami”, yire masiri seyocā fariseo gaye tuoīarā, paia ūjarā cūni. ⁴⁶ Ito bajiro Jesure ña āmori seyobojacā ña. Ito bajiro tuoīabojarāti masare gūirā Jesure ñaibiticā ña. “Diore goti ïsiri masu ñami Jesús”, masa ña yi tuoīajare, masare tuo gūicā ña.

22

*Āmo siare gaye Jesús ï riasore oca
(Lc 14.15-24)*

¹ Mucana masare goti masiore ocana gotisuoquī Jesús:

² —“Ado bajiro bōja, ñe tuorānūrāre ï rotiroju Dios ï miojuri rāmu”, yirocu ado bajiro gotiquī Jesús: Sīgū ūju ï macū āmo siare basa meniyiju. ³ “Ti ejabuaronare jitēña”, yirocu ï ya moari masare cōayiju ūju. Ito ï yija tuocōri, jirā wabojayijarā ña. ña jibojarocati wadi āmōbisijarā ña. ⁴ Ito bajija ticōri, gājerā ï ya moari masare cōayiju ūju. “Gua ūju muare bocatimi. ï ya wecua ri cutirāre sīa rotimi ï. Muare bocati ñami ï. Ito bajiro ï macū āmo siari rāmu tirā waya mua cūni, yiba ñare”, yi oca cōayiju ūju. ⁵ Ito yija tuocōri, jirā wabojayijarā ña mucana. Ito bajibojarocati ñe cudī āmōbisijarā ï oca cōana. Ito bajiro ña gotibojaroca riti, gājijama ï ya wesecaju wayiju. Gāji ï gajeoni ï ïsiroju wayiju. ⁶ Gājerāma ūju ï cōanare boca ñayijarā. Ito yicōri ñare jayijarā. Ito yirā riti ñare sīacōyijarā ña. ⁷ Itire tuocōri bato junisiniyiju ūju. Ito bajiro ï ya surarare ñare sīa rotiyiju, ito yicōri ña ya wirire soe rotiyiju ï. ⁸ Ito yija bero gājerā ñe moa ïsiri masare ado bajiro yiyiju ï: “Yu macū ï āmo siaroti gaye ñajediro ñacā. Jiju yu oca cōabojanama wadire ma ñare. ⁹ Cuto gudareco wasa. Itoju mari mua ti bujaro bajiroti baba cutiba”, yiyiju ūju ñe moa ïsiri masare. ¹⁰ ï rotiro bajiroti masa miojuyijarā ña mariju. Quenarā, ñeñarā, ña bujaro bajiroti miojuyijarā ña. Ito bajiro ūju ya wi dajacoayiju.

¹¹ Ito yija i oca cōanare tigū sājayijū ūjū. Sīgū ī āmo siara rāmū sāñare gaye yutabuju ī sāñabeja tiyijū ī. ¹² Ito bajiri ado bajiro yiyijū ī ĩre: “Yū baba, ĩno yija āmo siare gaye yutabuju sāñabeati mū?” yiyijū ī ĩre. Ito ī yija cudībīsijū yutabuju sāñabicū. ¹³ Ito yija bare jeori masare ado bajiro yiyijū ūjū. “Ī ya gubori, ī ya āmori rāca siaya ānire. Ito yicōri rāitīaroju cōañā ĩre. Itoju ejacōri ñeñaro tōbujagu yigūji. Ito bajiri oticōri buto tuoīa oca jaigū yigūji ĩ”, yiyijū ūjū ī ya bare jeori masare. Ito bajiroti bajiroja ūmacāju Dios ī rotiroju cunī. ¹⁴ Jājarāre jibojami Dios, ī ñaroju ĩna ejatoni. Ito bajibojarocati coriarāti ī beseana goti ejarā yirāji ī ñaroju, yiquī Jesūs ĩnare.

Ējarāre mani waja ruyurioja ñaro bajiroti waja yija quena, Jesūs ī yire gaye
(Mr 12.13-17; Lc 20.20-26)

¹⁵ Ito ī yija tuoōri, fariseo gaye tuoīarā wacoacā. Sīgūre bajiro tuoīacōri, “Josari oca ĩre mani seniñaja, cudi masibicū yigūji ī. Ito bajiro ī cudi masibeja tuoōri, ĩre seti ñā’, yirā yirāji mani”, yī tuoīari seyobojacā ĩna. ¹⁶ Ito bajiro tuoīacōri ĩna ñarāre ito yicōri Herodes ñarā rāca, “Ado bajiro Jesure seniñatēñā mū”, yī ñucayjarā ĩna. ĩna cōana Jesūs tu ejacōri ado bajiro seniñacā ĩna Jesure:

—Tuoja riasori masū mū. “Riojo gotigu ñā mū”, yī masia gua. “Ado bajiro āmoami Dios”, yī riasogu ñaro bajiroti masare riasoa mū. Masa busirise tuorūnubicati quenarise riasogu ñā mū. Gājerā ñasari masa gajero bajiro ĩna riasobojarocati, ñasari riasoa mū. ¹⁷ Ito bajiro mū yija, no bajiro mū tuoīare gaye tuo āmoa gua. ĩRoma cuto gagū ūjū guare ī waja seniña, waja yirājida gua, waja yibeatite gajerea? yī seniñabojacā ĩna Jesure.

¹⁸ “Yū wisatoni ito bajiro yure seniñama ĩna”, yī masiri seyoquī Jesūs. Ito bajiri ado bajiro yiquī ī ĩnare:

—“Queno yirā ñā guama”, yirā ñabojarāti queno yirā meje ñā mū. ĩNo yija yū tuo wisatoni ito bajiro seniñati mū? ¹⁹ “Sita waja, waja yiroti cuji niyeru cuji yure ioña”, yiquī Jesūs ĩnare.

Ito yija niyeru cuji ĩre ĩocā ĩna. ²⁰ Iti cuji niyeru cuji ticōri, ado bajiro ĩnare seniñaquī Jesūs:

—ĩÑimū ya rio ñati adi rio? ĩÑimū wame, wame cutiati iti? yiquī Jesūs ĩnare.

²¹ —Gobierno masa ūjū Cēsar wame cutigu ya rio ñā. Ito yicōri ī wameti ñā iti, yicā ĩna Jesure.

—Gobierno masare mani waja ruyurioja ñaro bajiroti waja yija quena. Ito bajiroti manire Dios ī rotija ñaro bajiroti ĩre cudija quena, yiquī Jesūs ĩnare.

²² ĩ queno cudi masija tuoōri, ruju ucacā ĩna. Ito bajiri mucana tūdi seniña uyabiticā ĩna ĩja. Seniñamenati wacoacā ĩja.

ĒGodacōri tūdi caticoarā yirājida masa? yī Jesure ĩna seniñare gaye
(Mr 12.18-27; Lc 20.27-40)

²³ Iti rāmūti saduceo gaye tuoīarā Jesure tirā ejacā. “Masa ĩna godaja bero mucana tūdi catire ma”, yirā ñama saduceo gaye tuoīarā. Ito bajiro tuoīarā ñari, Jesure seniñarā ejacā ĩna:

²⁴ —Tuoja riasori masū mū. Moisés ñayoru ī yire gaye mure seniñarā wadibu gua. Ado bajiro yiñi Moisés ñayoru: “Sīgū manajo cutigu rīa macuti ī godagoja, ī bero gagū ī rījoru manajo godore manajo cutija quena. Ito bajiri iso rāca ñacōri, rījoru ñajacure wasoagu rīa cuti wasoagu yigūji ĩ”, yī ucañi Moisés ñayoru. ²⁵ Gua wato sīgū rīa jua āmojeno ñabojañi. Sīgōreti manajo cutibojañi ĩna. Ñasuogu isore manajo cutisobojañi. Rīa macuti godañi ī. ĩ godaja bero gāji ī ocabaji wasobojañi. Rīa macuti godañi ī cunī. ²⁶ ĩ bero gāna cunī ito bajiroti manajo cutibojañi. Rīa manati godañi ĩna cunī. Ito bero susagu cunī ito bajiroti bajiyijū. ²⁷ Iso manajusabatia ĩna goda jedija bero iso cunī godacoañi ĩja. ²⁸ Godabojarāti mucana tūdi ĩna cutija bero, ĩñimūja ñagūjida iso manaju ñasarocu ĩna ñarocōti isore ĩna manajo cutija bero? yī seniñacā ĩna Jesure.

²⁹ Ito ĩna yija, ado bajiro cudiquī Jesūs:

—Dios oca tuti gaye queno tuoīa masimena ñā mū. Dios ī masirise masirā meje ñā mū. Ito bajiro yure mū seniñabojaja, queno tuoīacōri meje seniñā mū. ³⁰ Ado robojua baja. Godana mucana tūdi caticōri manajo cutire ma. Ito yicōri ĩna rīa romiare manaju cuti rotimenaji ĩna. Ūmacāju āngel mesa robo bajiro bajirā ñarā yirāji ĩna. ³¹ ĩMasa ĩna godaja bero mucana tūdi catirā yirājida ĩna mucana? yija, Dios oca tuti tiya. Dios oca tuti gaye ti jeorā meje ñā mū. ĩmasiti ado bajiro gotiami ī oca tutina: ³² “Abraham, Isaac, Jacob ñayoana Ūjuti ñasotia yū”, yī gotiami Dios ī ocana. Ito bajiri godana ūjū meje ñami Dios, catirā Ūjūñā ñami, yī tuoīa mani, yiquī Jesūs ĩnare.

³³ Ito bajiro Jesūs ī riasore gaye ī gotija tuoōri, ucacā masa.

Dios ī rotirise ñasarise gaye
(Mr 12.28-34)

³⁴Ito bajiro saduceo gaye tuoŕarã Jesús ĩ oca taja tuoŕijarã fariseo gaye tuoŕarã. Ito bajiri iti tuoċõri minijuayijarã fariseo gaye tuoŕarã. ³⁵Sĩgũ ĩna wato judio masa rotirise riasori masu ñañi. “No bajiro Jesús yure ĩ cadija tuoċaja”, yiroca ado bajiro Jesure seniñaġũ ejaquĩ ĩ.

³⁶—Riasogu, ¿dise ñati Dios ĩ rotirise ñasarise mu tija? yi seniñaquĩ ĩ Jesure.

³⁷Ito ĩ yija tuoċõri, ado bajiro cadiquĩ Jesús:

—Mani Uju Diore buto maija quena. Mani tuoŕarisenã, ito yicõri mani ya usina Diore mani maija quena. ĩ sigũreti tuoŕanõõri, buto ĩre mani maija quena. ³⁸Iti ña ñasarise Dios ĩ rotire. ³⁹Iti bero rotire gaye itire bajiro bajiriseti ña. Ado bajiro bajia iti: “Mu ya rujure mu mairo bajiroti gãjerã mu ñarãre maija quena”, yi rotiami Dios. ⁴⁰Iti juajiti ña Dios ĩ rotirise ñasarise. Iti juaji gaye Dios ĩ rotire gaye muã cadija, Moisés ñayoru ĩ rotire gaye, Diore goti ĩsiri masa ĩna riasorise gaye cuni yiro bajiro cadiã ñarã yirãji muã, yiquĩ Jesús ĩnare.

*¿Ñimu janami ñayijari Cristo muã tija? yi Jesús ĩ seniñare gaye
(Mr 12.35-37; Lc 20.41-44)*

⁴¹Fariseo gaye tuoŕarã gũã tuti ĩna minijuaro ca maji, ⁴²ado bajiro seniñaquĩ Jesús ĩnare:

—¿Ñimu ñati Cristo, Dios ĩ cõaru muã tija? Ito yicõri, ¿ñimu janami ñati ĩ? yiquĩ Jesús ĩnare.

—David ñayoru janerãbatia janamiti ñami ĩ, yicã ĩna Jesure.

⁴³ĩna ito yija tuoċõri, ado bajiro yiquĩ Jesús ĩnare:

—Riti muã tuoŕaja, ¿no yija David ñayoru ĩre tuoŕagũ, “Yu Uju”, yiyijari? Tite muã. Ado bajiro ucañi David ñayoru. Espiritu Santo ĩ rãca ĩ ñajarã ado bajiro ucañi ĩ:

⁴⁴Yu Ujure ado bajiro yiñi Dios: “Yu ya riojocaduja rujiya, mu wajanare mu rotiroca yigu yigũja yu”, yiñi Dios yu Ujure, yi ucayoñi David.

⁴⁵David ñayoru janerãbatia janami ĩ ñaja, “Yu Uju”, yibitiboru David ñayoru, yiquĩ Jesús ĩnare.

⁴⁶Ito bajiro ĩ gotija tuoċõri, sigũjua cudi masibiticã Jesús ĩ gotirisere. “Masi yucãguji ĩ”, yi tuoŕacõri itocõti ĩre seniña jidicã ĩna ĩja.

23

*“Seti ña muare”, fariseo gaye tuoŕarãre Jesús ĩ yire gaye
(Mr 12.38-40; Lc 11.37-54; 20.45-47)*

¹Ito yija bero ado bajiro yiquĩ Jesús masare, gũã ĩ rãca riasotirãre cuni:

²—“Moisés ñayoru ĩ rotire gaye tuo masirã ñama fariseo gaye tuoŕarã, judio masa rotirise riasori masa cuni”, yama masa. ³Ito bajiri ĩna rotiro bajiroti cudiã. Jeyaro ĩna rotiro bajiroti cudiã. Ito bajijobarocati ñeñaro ĩna yirisere yibeja itireama. “Ado bajiro ya gũã”, yibojarãti ricati yama ĩna. ⁴“Cudi masia mani”, masare rotiamã ĩna. Ito bajijobarocati ito bajiro riti ĩnare roti ayama ĩna. “Ito bajiro yija muã”, yibojarãti inamasiti ito bajiro yibeama ĩna. ⁵Jeyaro ĩna yirise, “Queno yirã ñama ĩna”, masa ĩna yi tijaro yirona ito bajiro yibojama ĩna. Masa ĩna tiro riojo ĩna ya rioweca, ĩna ya ricajudori cuni Dios oca jũ wõbojama ĩna. “Gãjerã guare ti seyojaro”, yirona ito bajiro yibojama ĩna. Ito yicõri yutabujuri yoarise gãjerã rêto busaro rore gaye sãñabojama ĩna. “Gãjerã guare ti seyojaro”, yirona ito bajirise sãñabojama ĩna. ⁶ĩna ba ruji ãmoja, quenari cumuro ba ruji ãmoama ĩna. Minijuara wiriju ĩna ruji ãmoja, rucubõroja riti ruji ãmoama ĩna. ⁷Mariju masare ĩna boca ja, queno rucubõre rãca seniñare ãmoama ĩna. Ito yicõri, “Yure riasogu”, masa ĩna yire ãmoama ĩna, yiquĩ Jesús guare.

⁸“Muãma ricati yija quena. “Yure riasogu”, masa ĩna muare yiroca yibeja. Mani jeyaro sigũ rĩare bajiro bajirã ña mani. Yu Cristo, Dios ĩ cõaru yu sigũti ña muare riasori masu. ⁹Sigũti ñami mani Jacu. ĩti ñami Dios umacũju gagu. Ito bajiri adi sita gãnare, gãjerã ãmuare, “Cuna”, yibeja muã. ¹⁰“Yu uju”, yi rotibeja gãjerãre. Yu Cristo, Dios ĩ cõaru sigũti ña muã Uju. ¹¹Sigũ muã rãca gagu muare ĩ ejabuaja, ĩ ñagũ yiguji ñasagu. ¹²No gãjerã riojua gagu ña ãmobjoguti ñabicu yiguji ĩ. Ito bajiri berõjua gagu tujagu yiguji ĩ. Sigũ, “Gãjerã rêtoro ñasagu ña yu”, yibicu ĩ ñagũ yiguji ñasagu, yiquĩ Jesús guare.

¹³Fariseo gaye tuoŕarãre, judio masa rotirise riasori masare cuni busiguã ado bajiro busiquĩ Jesús:

—Bujato bujarã wãna ya muã. “Queno yirã ña gũã”, yibojarãti muã yiro bajiro yirã meje ña muã. Dios ĩ rotiroju gãjerã ĩna sãjabititoni itire camota muã. Gãjerã ĩna sãja ãmobjarocati ĩnare camota muã. Ito bajiri muã cuni sãjamena yirãji, yiquĩ Jesús ĩnare.

¹⁴Bujato bujarã wãna ya muã fariseo gaye tuoŕarã, judio masa rotirise riasori masa muã cuni. “Queno yirã ña gũã”, yibojarãti muã yiro robo yirã meje ña muã. Manuju godagoana romiare tuoċõri jairoguti ĩnare waja senia muã. Ito bajiro yicõri ĩna rucobõjarisere ñarocõti ãma jeoa muã. Queno yimena ñabojarãti masa muare tuo wanatoni yoari ĩna tiro riojo Diore busitõbuajõja muã. Ito bajiri buto busa muare waja senigũ yiguji Dios. Ito bajiri gãjerã rêtoro tõbujarã yirãji muã, yiquĩ Jesús ĩnare.

¹⁵ Bujato bujarā wāna ya mua fariseo gaye tuoīarā, judio masa rotirise riasori masa mua cūni. “Queno yirā ña gua”, yibojarāti mua yiro robo yirā meje ña mua. “Mani robo gāji ī tuoīaja quena”, yi tuoīabojacōri jeyaro masare riaso ucua mua. Sīgū muare bajiro tuoīaroca mua yigure buto busa ñeñaro ī tuoīaroca ya mua. Ito bajiri mua rēto busaro ñeñaro yicōri jeame ūjuroju warajami ī cūni, yiquī Jesūs ĩnare.

¹⁶ Bujato bujarā wāna ya mua. Cajea mana gājerā cajea manare tūa wabojarē bajiro bajirā ña mua. Ado bajiro gājerē yiboja mua: “ ‘Dios ya wi wamenati ado bajiro yicuja yu’, yibojarāti mua yiro robo yibeja cūni no yibea iti. ‘Dios ya wiju oro wamena ado bajiro yicuja yu’, mua yija, yiro bajiro ti yiba itireama”, yiboja mua gājerē. ¹⁷ Tuo masimena, cajea manare bajiro bajirā ña mua. ¿Disejua ñati ñasarise mua tija? ¿Orojua ñasatite mua tija? ¿Dios ya wiju oro cuji ñaraju masa ĩna rucuboriju ñatite ñasariju? yiquī Jesūs ĩnare. ¹⁸ Gaje ado bajiro masare yiboja mua: “ ‘Diore ĩna soe ĩsotira casabo wamena ado bajiro yicuja yu’, yibojarāti mua yiro robo yibeja cūni, no yibea iti. ‘Diore ĩna soe ĩsotira casabojū ĩre ĩsiroti wame rāca ado bajiro yicuja yu’, mua yija, mua yiro bajiroti mua yija quena itireama”, yiboja mua masare. ¹⁹ Tuo masimena, cajea manare bajiro bajirā ña mua. ¿Mua tija disejua ñati ñasarise? ¿Diore ĩsiroti iti ñati ñasarise, gaje Diore ĩna soe ĩsotira casabojū ĩre ĩsiroti ñarajujua ñasatite? yiquī Jesūs ĩnare.

²⁰ Ado bajiro baja. Tūote mua. No, “Diore ĩna soe ĩsotira casabo wamena ado bajiro yicuja yu”, yigu iti casabo wamena meje riti, “Ado bajiro yicuja yu”, yiguji. Diore soe ĩsira casabojū jesarise rāca, “Ado bajiro yicuja yu”, yigure bajiro bajiami iocū. ²¹ No, “Dios ya wi wame rāca, ado bajiro yicuja yu”, yigu iti wi wame rāca riti meje yiguji. Dios iti wi ūju wame rāca, “Ado bajiro yicuja yu”, yigure bajiro yiguji iocū. ²² “Ūmacāju Dios ī ĩnaro wame rāca ado bajiro yicuja”, yigu Dios itoju rotigu wame rācati yigure bajiro yami iocū, yiquī Jesūs ĩnare.

²³ Bujato bujarā wāna ya mua fariseo gaye tuoīarā, judio masa rotirise riasori masa mua cūni. “Queno yirā ña gua”, yibojarāti mua yiro robo yirā meje ña mua. Jū queno sutirise, anís, menta, comino waja rucubiti gaye mua rucuja, Moisés ñayoru ī rotiado bajiroti Diore jabeto ĩsia mua. Ito bajibojarocati rotire ñasarisere tuorānubea mua. Ado bajiro baja ñasarise, queno yire, gājerē ti maire, Diore tuorānure, itocōti ña ñasarise. Iti gaye yitīñama mua, Diore jabeto ĩsire gaye cūni jidicābeja mua. ²⁴ Cajea mana gājerā cajea manare tūa wabojarā bajiro bajirā ña mua. Ado bajiro bajirā ña mua. Ide wato mutarācā ñarāre ĩna idiroto riojua queno besecābojacōri camello jaigu bucure idi yucōarā bajiro bajirā ña mua. Rotire ñasabiti gayeama queno tirānua mua. Ito bajibojarocati ñasarisereama queno tirānubea mua, yiquī Jesūs ĩnare.

²⁵ Bujato bujarā wāna ya mua fariseo gaye tuoīarā, judio masa rotirise riasori masa mua cūni. “Queno yirā ña gua”, yibojarāti mua yiro robo yirā meje ña mua. Somotēro idira tērori cūni joejua riti coea mua. Totijua ñarocōti ūeri cutia maji. Mua guaja, joe ruju riti coea mua. Jubejuama ñeñaro tuoīa maji. Gājerā ĩna rucorise ti uorā ĩnare ruoa mua. Ito bajiri bujato bujarā wāna ya mua. ²⁶ Mua fariseo gaye tuoīarā cajea manare bajiro bajirā ña mua. Somotēro, idira tēro cūni totijua mu coesuoja joejua cūni ūeri mano yiroja. Ito bajiroti ñeñaro mua tuoīarise cūni mua jidicāja, jeyaro queno yirā ñarā yirāji mua, yiquī Jesūs ĩnare.

²⁷ Mua fariseo gaye tuoīarā, judio masa rotirise riasori masa cūni bujato bujarā wāna ya mua. “Queno yirā ña gua”, yibojarāti mua yiro robo yirā meje ña mua. Masari cuma bajiro bajirā ña mua. Ado bajiro baja masari cuma, joeti mani tija queno boti quena. Ito bajibojarocati jubejuama gōarigoti ñaroja, ito yicōri jogare ūorise ñaroja. ²⁸ Ito bajiro bajirā ña mua. Masa ĩna tija, queno yirā bajiro baja mua. Ito bajibojarāti jubejuama ñeñaro tuoīarā ña mua. “Queno yirā ña gua”, yibojarāti ñeñaro yirā ña mua, yiquī Jesūs ĩnare.

²⁹ Mua fariseo gaye tuoīarā, judio masa rotirise riasori masa cūni bujato bujarā wāna ya mua. “Queno yirā ña gua”, yibojarāti mua yiro robo yirā meje ña mua. Diore goti ĩsiri masa ĩna godaja bero masari cuma menia mua. Queno yirāre masari cuma queno tirānua mua, ito yicōri tija seyorise iti joere jeoa mua. ³⁰ Ito yicōri ado bajiro ya mua: “Gua ñicusabatia ĩna catijama, Diore goti ĩsiri masare ĩna sīaroca ĩnare ejabuabitiboana gua”, yi tuoīa mua. ³¹ Ito bajiro mua yija, “Diore goti ĩsiri masare sīayoana janerābatia ña gua”, yi tuoīa mua. ³² Mua ñicusabatia ĩna yiyore bajiroti ya mua cūni adi ramuri gāna, yiquī Jesūs ĩnare.

³³ Āña bajiro bajicōri ī robo junirā ña mua. Jeame ūjuroju mua tōbujaroti rētare ma muare. ³⁴ Queno tuo masijaro ĩna yirocū, Diore goti ĩsiri masa, riasori masa gājerā queno tuoīarāre cūni cōabojagu yiguja yu mua tu. ĩnare cudī āmomena ĩnare sīarā yirāji mua. Gājerēreama yucutēojū jaju sīarā yirāji mua. Gājerēre minijuara wiju ĩnare jarā yirāji mua. ĩnare ñeñaro yirona co cuto rayabeto ĩnare suyará yirāji mua. ³⁵ Abel queno yigu ñayorare sīasuoijarā mua ñicusabatia ito yicōri Berequiás macu Zacaríasjare sīasusayjarā. Dios ya wiju Diore ĩna soe ĩsotira casabo tu Zacaríasre slayja mua. Mua ñicusabatiare bajiroti ya mua cūni. Ito

bajiri queno yiräre İna sİagore İnjare seti İna muare cıni. ³⁶ Riti muare gotia ya. Maa adi rumu gånare ititi seti İna ejaro yiroja muare, yiquİ Jesüs İnare.

*Jerusalén gånare tuoİa maigü Jesüs İ otire gaye
(Lc 13.34-35)*

³⁷ Jerusalén gāna muare cōaİi Dios İre goti İsiri masa, ito yicōri İ oca riasori masare. İre goti İsiri masa, İ oca riasori masa cıni muare gotirona cōaİi Dios. Ito bajibojarocati İnare sİayija maa. Coji meje muare mioju āmobjacu ya. Cara iso İİare caero rocaju iso miojuro robo bajiro, muare yi āmobjacu ya. Ito bajiro ya yi āmobjarocati āmobjacu maa. ³⁸ Queno tuoİaİa maa. Maa wiri wogora wiri bajiro tujaro yiroja. Ito yicōri muare jidicāgü yiguİi Dios. ³⁹ Riti ado bajiro muare gotia ya: “Guare yiari Dios İ cōaru İna maa. Mure queno yİİi Dios”, maa yiroto riojua mucana juaji yare timena yirāji maa, ya ya muare, yiquİ Jesüs masare.

24

*Dios ya wi õjea bate godaro yiroja, Jesüs İ yire gaye
(Mr 13.1-2; Lc 21.5-6)*

¹ Ito bajiro İ yija bero, Dios ya wi budi wasuoquİ Jesüs. İre suacōri ado bajiro yibojacu gaa İre: “Adi wiri ti ucuto mani”, yibojacu gaa İre. ² Ito bajiro gaa yibojarocati ado bajiro yiquİ Jesüs guare:

—¿Adi wirire tiati maa? Riti muare gotia ya. Adi wiri İnarocōti õjea bate quedicoaro yiroja. Ito bajiri adi wi gaye gūtagā gajega joe jesabeto yiroja. İnarocōti godacoaro yiroja, yiquİ Jesüs guare.

*Adi āmuari jediroto riojua ado bajiro rētaro yiroja, Jesüs İ yire gaye
(Mr 13.3-23; Lc 21.7-24; 17.22-24)*

³ Ito yija bero Olivos wame cutiri İaria joeju wacu gaa İja. Ito ejacōri Jesuama eja rüjūquİ. Ito İ rujiroca gājerā İna manija ticōri, ado bajiro İre seniİacu gaa:

—“İti rumu wi quediro yiroja”, mu yi gotire āmoa gaa. ¿No bajiro iti bajija ticōri, “Jesüs ejaqu wagu yami”, yi masirā yirājida gaa? ¿İto yicōri no bajija ticōri, “Adi macārucāro jediro ya”, yi masirā yirājida gaa? yicu gaa Jesure.

⁴ Ito bajiro gaa yija tuocōri, ado bajiro cadiquİ Jesüs guare:

—Queno masima maa gājerā muare ruobe yirona. ⁵ Jājarā ruori masa ejarā yirāji. “Yuti İna Cristo, Dios İ cōaru”, yirā masa ejarā yirāji. Jājarāre ruorā yirāji İna. “Diore busi İsirā İna gaa”, İna yija jājarā masa tuobjarā yirāji İnare. ⁶ “Masa gāmeri sİarā yiyijarā”, yire oca tuorā yirāji maa. “Gaje cuto gāna İane gāmeri sİasuooyjarā”, yire gaye guıjorise oca tuorā yirāji maa. İti ocare maa tuoja guİbeja maa. Ito bajiroti bajiro yiroja bajire. Ito bajibojarocati İabeto ruya adi macārucāro İti jediroto. ⁷ Co masa gaje masa rāca gāmeri sİarā yirāji. Ito yicōri co sita gāna gaje sita gāna rāca gāmeri sİarā yirāji. Jaje cutori İno İnaro yiroja. Ito yicōri jaje İnarise İnaro yiroja. Ito yicōri jaje cutorire sita uero yiroja. ⁸ Jeyaro İti rētaja bero buto busa tōbujare gaye İnaro wado yiroja.

⁹ Muare İnacōri gājerā muare İa ajetoni muare İsirā yirāji İna. Aje İnocōri muare sİarā yirāji İna. Yu İnarā maa İnjare muare ti tudirā yirāji adi sita gāna jeyaro. ¹⁰ İti rumu jājarā yare tuorānuobjana tuoİa jidicārā yirāji İna. Gāmeri ti junisinirā yirāji İna. Gāmeri oca menicōri gājerāre İnaroca yirā yirāji İna. ¹¹ Jājarā ruori masa İnarā yirāji. “Diore busi İsirā İna gaa”, İna yija jājarā masa tuobjarā yirāji. ¹² Jeyaro İneİarise yirā yirāji masa. Ito bajicōri gāmeri İna ti mairisere gāmeri jidicārā yirāji İna. ¹³ No yare tuorānuğü İ jidicābeja adi macārucāro jedi wari rumu İre masogü yiguİi Dios. ¹⁴ “İre tuorānuİare İ rotiroju miojugu yiguİi Dios”, yire oca adi sita İnarocōreti ejaro yiroja. Ito bajiri masa jeyaro İti oca masirā yirāji. İna masi jediroca adi macārucāro jediro yiroja.

¹⁵ Diore goti İsiri masu Daniel İayoru ado bajiro ucaİi: “Adi macārucāro jedi wari rumuri sİgü masare İneİaro İna yiroca yigu goagu yiguİi. İ İnami masare ruyuriogu wadiru. Dios ya wi rucuboraju İ rügōja İrā yirāji maa”, yi ucaİi Daniel İayoru. Maa adi İpapera ticōri, İtire queno tuoİaİa. “İabeto ruya adi macārucāro İti jediroto”, yi masiİa maa. ¹⁶ Ito bajiro bajiri rumu no Judea sitaju İnarā gūtagāju rudi warujarāji İna. ¹⁷ No İ ya wi queno İesagu İ ya wi İtotiju gajeoni İnarise ruİicōri āmıbitıruİaguİi İ. ¹⁸ No İ ya wesecaju moagü İadi wacōri İ ya İyabujuri āmıbitıruİaguİi İ. ¹⁹ Ito bajiro bajiri rumu romia macu sāİnarā, gājerā rucōri cuni quenabeto tōbujarā yirāji İna. ²⁰ Buto usari rumu, İujacāra rumu cuni İti İto bajija, rudi āmomena Diore senima maa. ²¹ Ito bajiro bajiri rumuri buto tōbujarā yirāji masa. Adi macārucāro İnasuora rumuri masa İna tōbujāİabiti rēto busaro tōbujarā yirāji İna. İtı İna tōbujaja bero mucana İti robo bajiro bajirise tōbujamena yirāji masa. ²² Yoari masa tōbujaroca Dios İ yiro bajija sİgü İti İyagu manıboru. İ İbesanare İ maicōri yoari mejeti İti İjediroca yigu yiguİi Dios.

²³ Iti rumuri, “Tiya ado ñami Cristo”, ito yicōri “Titēña ò ñami Cristo”, sīgū m̄are ī yija, ĩre tuor̄unubeja m̄ua. ²⁴ Jājarā ruori masa, “Yu ña Cristo”, yi ejarā yirāji ĩna. “Diore b̄asi ĩsiri masa ña gua”, yi ruo ejarā yirāji gājerā. Tiya mani jaje ĩorā yirāji ĩna masare ruorona. Dios ĩ beseanare c̄uni ruo āmbojarā yirāji ĩna. ²⁵ Tuoya m̄ua. Jeyaro ito r̄etaroto rioj̄na m̄are goticā yu. ²⁶ Ito bajiri, “Yucu manoj̄u ñami Cristo”, m̄are ĩna yi ruoja, tirā wamenaji m̄ua. Ito yicōri, “Ruyubetoj̄u ñami Cristo”, ĩna yi ruoja ĩnare tuor̄unubeja m̄ua. ²⁷ Buj̄o ĩ borea borea yirise ʔs̄itutuj̄u ĩ borea yirise cojisiti ito sojeju quedituaja tia mani. Itire bajiroti ejagu yiguj̄a yu c̄uni. Yu ña Masa R̄j̄oru. ²⁸ No ruju jogarise ñaro itoj̄u barā rujirā yirāji yuca. Itire bajiro masa ĩna buto ñeñaro yiroca waja senigū ejagu yiguj̄i Dios, yiquĩ Jesús guare.

Yu Masa R̄j̄oru t̄udi ejagu yiguj̄a, Jesús ĩ yire gaye

(Mr 13.24-37; Lc 21.25-33; 17.26-30,34-36)

²⁹ Ito bajiro masa ĩna t̄obujari rumu ito jedija bero ūmacañi ūmua gagu r̄ait̄iacoagu yiguj̄i. Ñami gagu c̄uni busubicu yiguj̄i. Ñoc̄o c̄uni quedi jedicoarā yirāji. Ūmac̄uju mac̄aruc̄aro c̄uni negro yiroja. ³⁰ Ito bajiro ūmac̄uju mac̄aruc̄aroju ito bajija ticōri, “Masa R̄j̄oru ejagu wagu yami”, yirā yirāji masa. Yu ña Masa R̄j̄oru. Yu ruji wadija ticōri, adi sita gāna otirā yirāji ĩna. Masirise r̄aca, yorise r̄aca, ide bueri r̄aca yu ruji wadija tirā yirāji ĩna. ³¹ Ūmac̄uju trompeta jutiado bajiro oca s̄oro oca ruyuro yiroja. Yu beseanare minijuatonĩ āngel mesare mioju rotigū yiguj̄a yu. Juaria sojeri gāna yu beseana ñaroc̄oreti miojurā yirāji ĩna, yiquĩ Jesús guare. ³² “Goti masiore ocana m̄are gotigu ya yu. Higuera wame cutir̄icare tuoĩate m̄ua. Higueraġu ito ñas̄atuj̄a, ito yicōri ito j̄u wasoaja, “Jabeto r̄aya cuma ito ejaroto”, yi masia mani. ³³ Ito bajiroti m̄are yu gotire ito r̄etaja ticōri, “Jabeto r̄aya ūm̄ari ito jediroto”, yi masirā yirāji m̄ua. ³⁴ Riti m̄are gotia yu. Adi rumuri gāna ĩna goda jediroto rioj̄aju ito bajiro r̄etaro yiroja ito. ³⁵ Adi mac̄aruc̄aro ñaroc̄oti jediro yiroja. Ito bajibojarocati yu ya ocama yu yiro bajiroti r̄etaro yiroja.

³⁶ “Iti rumu itoc̄o tujaroca ejagu yiguj̄i Jesús”, yirā mama. Āngel mesa c̄uni masimenaji ĩna. Dios Macu ñabojaguti, “Itoc̄o ejagu yiguj̄a yu”, yi masibea yu c̄uni. Yu Jacu Dios ĩ s̄iḡuti masiguj̄i, yiquĩ Jesús guare.

³⁷ Noē ñayoru ĩ catiroca Diore r̄uc̄ub̄obit̄iyoñi masa. Ito bajiroti bajirā yirāji masa, yu t̄udi ejari rumu. Yu ña Masa R̄j̄oru. ³⁸ Jane mejeju adi sita ito rujaroto rioj̄na ñac̄ayijarā masa maji. Idi mec̄ar̄atibe, ba yajir̄atibe, manoj̄o cutir̄atibe, ito yicōri ĩna r̄ia romiare ĩsir̄atibe yi ñayijarā masa. Ito bajiro ĩna baji ñabojaroca riti cuma bucaju s̄ajayiju Noē ñayoru. ³⁹ “Ito bajiro wado ya”, yi masibisijarā masa. Ito bajiri ñajasaroti ĩnare rubatec̄ac̄ōyiju. Ito bajiaro robo bajiroti ejagu yiguj̄a yu c̄uni. Masa R̄j̄oru ñari, “Itoc̄o ejagu yiguj̄i”, masa ĩna yi masibeto t̄udi ejagu yiguj̄a yu. ⁴⁰ Yu ejari rumu j̄uarā ūmua ĩna ya wesecaju moa ñarā yirāji. S̄iḡū āmi wa ecogu yiguj̄i. Gāji āmi wa ecobicu yiguj̄i. ⁴¹ Romia j̄uarā quibo tuabo ñarā yirāji. S̄iḡō āmi wa ecogo yiḡōji. Gajeo āmi wa ecobeco yiḡōji.

⁴² “Bocatiari ñac̄aña m̄ua. Yu m̄ua ūju yu t̄udi ejaroti rumu masibea m̄ua. ⁴³ S̄iḡū wi ūju. “Adi ñami riniri masu ejagu yiguj̄i”, ĩ yi masija, ña yuc̄agū yiguj̄i ito wi ūju. Riniri masu ĩ s̄ajare āmobicu camotagu yiguj̄i ĩ. ⁴⁴ Ito bajiri yu ejaroto rioj̄na ña yuc̄aña m̄ua. “Itoc̄o ejagu yiguj̄i Masa R̄j̄oru”, yi m̄ua tuoĩabeto ejagu yiguj̄a yu, yiquĩ Jesús guare.

¿No bajiro bajiguj̄ida queno tuoĩagū? yi Jesús ĩ r̄iasore gaye

(Lc 12.41-48)

⁴⁵ “M̄ua tuoĩaja, ¿no bajiro bajiguj̄ida queno c̄udic̄ōri queno tuoĩagū? Ado bajiro bajiguj̄i ĩoc̄ū. Gājerā ĩ ya moari masare tir̄an̄toni ito yicōri ĩnare ĩ ecatoni c̄ugū yiguj̄i ĩ ūju ĩre. ⁴⁶ S̄iḡū ĩ rotiro bajiroti ĩ moa yuroca ĩ ūju ĩ t̄udi eja w̄an̄ quenagū yiguj̄i ĩ. ⁴⁷ Riti m̄are gotia yu. Ito bajiro yiro robo ĩ yigu ñaja ticōri, ĩ r̄uc̄orise ñaroti ĩ ya masare c̄uni tir̄an̄u rotigu yiguj̄i ĩre. ⁴⁸ ĩ ūju ĩre ĩ tir̄an̄u rotija bero ricati ĩ tuoĩaja, queno moa ĩsiḡū meje ñaguj̄i ĩoc̄ū. “Coji ejabiqūiji yu ūju”, yi tuoĩagū yiguj̄i. ⁴⁹ Ito bajiro tuoĩac̄ōri, gājerā moari masare ñeñaro yisougu yiguj̄i ĩ. Ito yicōri mec̄ari masa r̄aca baba cutic̄ōri ĩna r̄aca idigu yiguj̄i ĩ c̄uni. ⁵⁰ Ito bajiro ĩ yi ñaroca ĩ masia mani ĩ ūju t̄udi ejagu yiguj̄i. “Janere ejabicu yiguj̄i yu ūju”, yi ĩ tuoĩari rumati ejagu yiguj̄i. ⁵¹ Ito ĩ yija ticōri, buto busa ñeñaro ĩ t̄obujaroca yigu yiguj̄i ĩ ūju. “Queno yirā ña gua”, yibojarāti ĩna t̄obujaro bajiroti ĩ t̄obujaroca yigu yiguj̄i ĩ ūju ĩre. Ito bajiri ñeñaro t̄obujac̄ōri otigu yiguj̄i. Ito yicōri buto tuoĩa oca jaigu yiguj̄i ĩ ĩja, yi oca gotiquĩ Jesús guare.

25

J̄ua ñajamoc̄o ñarā romia ado bajiro yijarā, yi Jesús ĩ r̄iosore gaye

¹ “Ado bajiro bajia, ĩre tuor̄unar̄are ĩ rotiroju Dios ĩ miojuri rumu”, yirocu ado bajiro gotiquĩ Jesús:

—Jua ñajamoc̄o mamarā romia ñayijarā. Āmo siare basare tirā wayijarā ĩna. Mame manoj̄o cutir̄icare bocarā wayijarā ĩna. Ito bajiri ito warā ĩna ya siabusore āmi wayijarā.

² İna co dujamocō ñarā ñayijarā queno tuoīarā. Gājerā İna rāca gāna co dujamocō ñarā queno tuoīamena ñayijarā. ³ Queno tuoīamena ado bajiro yiyijarā queno tuoīarājuare: “Gua ya sīabusuoraga úye āmibisijarā. ⁴ Gājerā queno tuoīarāma İna ya sīabusuore jio wasoaroti úye āmi wayijarā. ⁵ Manojō cutirocū yoari ĩ sejaja, wəjo jujayijarā İna. Ito bajiri canicoayijarā İja. ⁶ Nami gūdarecocō oca ruyuyijū İja. “Manojō cutirocū wadicoami İja. İre bocarā waya”, sēoro oca ruyuyijū. ⁷ İna jua dujamocō romia ñarā yujicōri İna ya sīabusuoragari sīayijarā. ⁸ Co dujamocō ñarā queno tuoīamena ado bajiro yiyijarā queno tuoīarājuare: “Gua ya sīabusuoraga úye jedicoajū guare. Ito bajiri mua ya úye jabeto İsiña guare”, yibojayijarā İna. ⁹ Ito bajiro İna yibojarocati ado bajiro cūdiyijarā queno tuoīarā: “İsibe muare. Gua İsija ñejua tujabetoja guare cūni. Muare cūni, guare cūni tįjado ma iti. Muamasiti úye İna İsiroju wacōri waja yitēña mua”, yiyijarā queno tuoīarā romia queno tuoīamenājuare. ¹⁰ Ito bajiro İna yija tuocōri, úye waja yirā wayijarā queno tuoīamena. İna wagoja bero manojō cutirocū ejayijū. Queno ña yucāna romiama ĩ ejarocati ĩ rācati sājacoayijarā İna. Āmo siare basa tirā warā sājayijarā İna. Ito yicōri soje biacōyijū manojō cutirocū. ¹¹ Soje ĩ dia sāja waja beroju ejabojayijarā gājerā romia. Manojō cutirocure ado bajiro yibojayijarā İna: “Gua uju soje İanaña maji”, yibojayijarā İna. ¹² “Yu ñarā meje ña mua, ito bajiri muare masibea yu”, yiyijū manojō cutirocū İnare, yiqui Jesūs guare.

¹³ Ito bajiri ña yucāña mua. “Jane busuri itocō ñaroca ejagu yiguji Jesūs”, yi masibea mua, yiqui Jesūs guare.

Moa İsiri masa gaye Jesūs ĩ goti masiore oca

(Lc 19.11-27)

¹⁴ “Ado bajiro bajia, İre tuorānarāre ĩ rotiroju Dios ĩ miojuri ramu”, yirocū ado bajiro gotiqui Jesūs:

—Sīgū ñayijū gaje sitaju warocū. Ito bajiri ĩ waroto riojua ĩ ya moari masare ji ñucayijū ĩ. “Yu ya niyeruna moacōri jai busaro bujarā yirāji”, yi tuoīa wacū ĩ ya niyerure tirānu rotiyijū ĩ İnare.

¹⁵ “Sīgūre co dujamocō mil niyeru kujiri İsiyijū. Gājire juaji mil İsiyijū. Gājire mil ñari kujiriacā İsiyijū. “Ado bajiro moari seyoama İna”, yi tuoīa wacū ito bajiro İnare batoyijū ĩ. Ito bajiro yicōri wacoayijū. ¹⁶ Co dujamocō mil niyeru kujiri boca āmirū mucana itina moacōri gaje co dujamocō mil ñarise ti buja remoyijū. ¹⁷ Gāji juaji mil boca āmirū mucana itina moacōri jua mil buja remoyijū ĩ cūni. ¹⁸ Coji mil boca āmirūama ĩ uju ya niyeru gojeju yujecōyijū.

¹⁹ “Yoari İna uju tūdi ejayijū mucana. “¿No bajiro yure moa İsiati İna?” yirocū İnare ji ñucayijū ĩ mucana. ²⁰ Cajero co dujamocō mil boca āmirū ejasuoijū. Ejacōri İre co dujamocō mil niyeru ĩ İsire judacōayijū mucana, ito yicōri gaje itocō ĩ buja remore rācati İre İsiyijū. “Co dujamocō mil yure İsicū mu. Ito bajiri itina moacōri mucana co dujamocō milti mare buja remo İsimu yu”, yiyijū ĩ ujure. ²¹ “Yure queno moa İsiyija mu. Yiro robo yure cūdigū ña mu. Jabetacā yu wasoarena mucana itocōti mu remore ñajare, jai busaro mu moatoni jai busaro mare cūcūja yu. Sājaña, queno wanuña yu rāca”, yiyijū uju ĩ ya moari masare. ²² Ito yija bero gāji juaji mil boca āmirū ejayijū. “Yu uju juaji mil yure İsicū mu. Itina moacōri mucana juaji milti mare buja remo İsimu yu”, yiyijū ĩ, ĩ ujure. ²³ “Yure queno moa İsiyija mu. Yiro robo yure cūdigū ña mu. Jabetacāna moacōri mucana itocōti mu yure buja İsire ñajare jai busaro mucana moaroti cūcūja yu. Sājaña, queno wanuña yu rāca”, yiyijū ĩ, ĩ ya moari masare.

²⁴ Ito yija bero gāji mil kujiri boca āmirū ejayijū. ĩ ujure ado bajiro yiyijū ĩ: “Yu uju sēoro rotigū ñaquī ĩ. ĩ otebeto cūni, ĩ biabeto cūni bare buja quena ñaquī ĩ, yi tuoīa wacū, güicū yu.

²⁵ Ito bajiri mu ya niyerure yuje cūcū yu. Adi ña ñarocōti yure mu İsicati”, yiyijū ĩ, ĩ ujure. ²⁶ Ito bajiro ĩ yibojarocati ado bajiro cūdiyijū ĩ uju İre: “Moa İsiri masu quenabicū, rojogu ña mu. ĩ otebeto cūni, ĩ biabeto cūni bare buja quena ñaquī ĩ, yi masibojagati yure queno moa İsisisija mu. ²⁷ İna niyeru cūri wiju mu niyeru cūja, mucana jai busaro bujaboyija mu”, yiyijū ĩ uju İre.

²⁸ Ito yija gājerāre ado bajiro rotiyijū uju: “Coji mil ñarise niyeru tiri İre ĩmacōña, ito yicōri gāji jua dujamocō mil rucogujare İsiña”, yiyijū İna uju. ²⁹ “No queno yure moa İsigūreama jai busaro İre İsi remogū yigujū yu. Ito bajiri ñejua rujabeto yiroja İre. No queno yure moa İsicūreama ĩ rucoriseacāti ñarocōti ĩma jeocōcūja yu. İre ĩmacōri gāji yure queno moa İsigūre İsigū yigujū yu. ³⁰ Āni yure moa İsiri masu ñe waja macure rāitīaroju cōña mua. Itoju ñeñaro tōbujacōri buto otigu yiguji. Ito yicōri buto tuoīa oca jaigu yiguji ĩ”, yiyijū uju, yi oca gotiqui Jesūs guare.

Masa ñeñarāre, quenarāre cūni besegu yigujū yu, Jesūs ĩ yire gaye

³¹ Yu ña Masa Rįjoru. Uju yu ñari ramu, tūdi ejagu yigujū yu mucana. Ūmacūju gāna āngel mesa rāca gāni bia ejagu yigujū yu. Uju ĩ rotiri cumuro yori cumuroju rujigu yigujū yu.

³² Jeyaro gāna masa ya riojua minijuarā yirāji ina. Inare besecōri ricati cūgū yiguja ya. Oveja coderi masu ovejare ricati, cabrare ricati i cūado bajiro yigu yiguja ya. ³³ Queno yirāre ya ya riojocaduja cūgū yiguja ya. Queno yimenare ya ya gācoduja cūgū yiguja ya. ³⁴ Ito bajiri ya riojocaduja gānare ado bajiro yigu yiguja ya: “Yu Jacu queno yirocu maare beseñi i rotiroju mua ejatoni. Ire tuorūnarāre tuoia yugu i rotiroju quenocāni Dios adi macārucāro meni wacujati. Ito bajiri itoju narā yirāji mua ija. ³⁵ Yu ñiocōja yare bare ecacu mua. Yu idi āmoja yare iocu mua. Yu wa ucuroju caniraju buja isicu mua. ³⁶ Yare yutabuju manija yare isicu mua. Yu cōja cuni yare tirā ejasoticu mua. Tubiara wi ya ñaroca yare tirā ejasoticu mua”, yigu yiguja ya Dios i beseanare. ³⁷ Ito bajiro ya yija tuocōri, ado bajiro yare seniārā yirāji ina: “Gua Ūju, ¿nocāta mu ñiocōja ticōri, mare bare ecacati gua? ¿Nocāta mu idi āmoroca mare iocati gua? ³⁸ ¿Nocāta mu wa ucuroju caniraju mare buja isicati gua? Ito yicōri, ¿noju mu yutabuju maniroca mare yutabuju buja isicati gua? ³⁹ Ito yicōri, ¿nocāta mu tubia ecoroca, mu cōja cuni, nocāta mare tirā ejacati gua?” yi yare seniārā yirāji ina. ⁴⁰ Ado bajiro inare cudigu yiguja ya: “Riti maare gotia ya. Yu narā ñasamenare queno mua yija, yare queno yirāti yicu mua”, yigu yiguja ya Dios i beseanare.

⁴¹ Ito yicōri ya ya gācoduja narāre ado bajiro yigu yiguja ya: “Yure camotadiya mua. Dios i beseana meje ña mua. Jeame yatibitimeju wasa mua. Iti jeamere rāmāre yiari rioñi Dios, ito yicōri i narāre yiari cuni. ⁴² Yu ñiocōja yare ecabiticu mua. Yu idi āmoja iobiticu mua yare. ⁴³ Yu wa ucuroju yare caniraju buja isibiticu mua. Yure yutabuju manija yare isibiticu mua. Yu cōroca cuni, tubiara wi ya ñaroca cuni yare tirā ejabiticu mua”, yigu yiguja ya queno yimenare. ⁴⁴ Ito yija ado bajiro yare seniārā yirāji ina: “¿Nocāta mu ñiocōroca mare ecabiticati gua? Ito yicōri, ¿nocāta mu idi āmoja, mu cani āmoja, mare yutabuju manija, mu cōja cuni, tubiara wi mu ñaja cuni, mare ejabuabiticati gua?” yi yare seniārā yirāji ina. ⁴⁵ Ito bajiro ina yija tuocōri, ado bajiro inare cudigu yiguja ya: “Riti maare gotia ya. Yu narā ñasamenare queno mua yibeja, yare cuni ito bajiroto queno yibiticu mua”, yigu yiguja ya inare. ⁴⁶ Ito bajiri tōbujare susabetoju inare cōagū yiguja ya. Dios i beseanama catitñadoju warā yirāji, yiqui Jesús guare.

26

Jesure ñia āmorā ina cunire gaye

(Mr 14.1-2; Lc 22.1-2; Jn 11.45-53)

¹ Ito bajiro i goti jeoja bero gua i rāca riasotirāre ado bajiro yiqui Jesús:

² —Mua masia jua ramu beroti ñaro wado ya Pascua basa. Ito bajiro basa ina meniri ramu Masa Rijorare ñiatoni i wajanare gotigu yiguñi sigū. Ito bajiri ire ñiocōri yucutēoju jaju sīarā yirāji ina. Iti ña ya Masa Rijoru, yiqui Jesús guare.

³ Iti ramuri paia mesa uju Caifás wame cutigu ya wiju minijuacōri tuoia ñayijarā paia ujarā, ito yicōri judio masa bucarā cuni. ⁴ “¿No bajiro tuocōri Jesure sīarā yirājida mani?” yi gāmeri busi ñayijarā ina. ⁵ Ado bajiro busiyijarā ina:

—Basa rujaramu Jesure sīamenaji mani. Rujaramu mani sīaja, buto manire masa oca jaicōri gāmeri oca menirā yirāji ina, yi gāmeri busiyijarā ina.

Romio Jesús ya rijogaju sutirise iso jiojeore gaye

(Mr 14.3-9; Jn 12.1-8)

⁶ Betaniaju Simón cami jogogoru ya wiju ñacu gua Jesús rāca. ⁷ Iti cuto gua ñaroca sigō gūtagā toti cutiricaju sutirise jiocōri āmi ejacō. Sutirise iso jioraga alabastro wame cuticu. Buto waja cutirise ñacu iti sutirise. Jesús i ba rujiroca i ya rijogaju sutirise jiojeocō iso. ⁸ Ito bajiro iso yija ticōri, bujatobiticu gua i rāca riasotirā. Ado bajiro gāmeri busicu gua:

—¿No yija rocati itire ruyurioati? ⁹ Iti sutirise isicōri jairo niyeru bujacōri bojoro bujarāre ejabuaroiti ñaboyajija iti, yi gāmeri tuoia busicu gua.

¹⁰ Ito bajiro gua tuoia busija tuocōri, ado bajiro yiqui Jesús guare:

—Adiore asirio code yibesa mua. Iti yare iso jiojeoja, queno yare yigo yamo iso. ¹¹ Mua rāca riti ñatñarā yirāji bojoro bujarā. Ito bajiri inare ejabuatiñarā yirāji mua. Yuama mua rāca ñatñabicu yiguja. Ito bajiri mua rāca ya ñaroca maji yujuare ejabuaja quena. ¹² Adio yare iso sutirise jiojeoja yare ina yujeroto riojua jiojeo yugo yamo iso. ¹³ Riti maare gotia ya. Adiore ācabojamena yirāji masa. Ito bajiro sutirise yare iso jiojeoja bero masa jeyaro tuorā yirāji iti gaye. “Masare masogū yiguñi Dios”, yire oca ina gotiroti iso oca cuni tuorā yirāji masa, yiqui Jesús guare.

Jesure ña ñiatoni Judas i oca menire gaye

(Mr 14.10-11; Lc 22.3-6)

¹⁴ Ito yija bero gua Jesús rāca riasotirā jua gubojeno narā gua rāca gagu Judas Iscariote wame cutigu paia ujarāre busigu waquñ. ¹⁵ Ito bajiri ado bajiro gotiyija i inare:

—Jesure mua ñia masitoni muare yu gotija, ¿nocō jairo yure waja yirājida mua? yi busiñi Judas ñare.

Ito ī yija tuocōri, sīgū masucō gāji ye jua dujamocō ñarise niyeru tiri İsiyijarā ña. ¹⁶Iti niyeru boca āmicōri: “¿No bajiro yicōri Jesure tuorujatibe yu ñe ña ñiatoni?” yi tuoia ñayiju Judas iti rumare.

Jesús ī basusare gaye

(Mr 14.12-25; Lc 22.7-23; Jn 13.21-30; 1 Co 11.23-26)

¹⁷Ito yija naju wadarise uo wuoya mani bara gumu cōña wacu guare. Gua Jesús rāca riasotirā ado bajiro ñe seniñacu:

—Pascua basa ñaroca baroti gaye, ¿noju menirujati mua? yi seniñacu gua ñe.

¹⁸—Catoju wasa mua. Ito mua ejaja sīgūre bujarā yirāji mua. Ado bajiro ñe yiba: “Ado bajiro roti ñucami gua uju guare. Jabetoti ruya yu wējoroto. Ī ya wiju Pascua basa meniana mani, yī ñucami guare riasogu”, yiba mua, yiquī Jesús guare.

¹⁹“Ito bajiro yiba mua”, Jesús Ī guare yicato bajiroti yicu gua. Ito bajiroti Pascua basa ñe meni İsisuocu gua.

²⁰Iti ñami gua Ī rāca riasotirā jua gubojeno ñarā ba rujicu Ī rāca. ²¹Gua baroca ado bajiro yiquī Jesús guare:

—Riti muare gotia yu. Sīgū mua rāca gagu yure ñiatoni gājerāre gotigu yiguñi, yiquī Jesús guare.

²²Ito ī yija tuocōri, buto bojori bujacu gua. Ito bajiri sīgū ruyabeto Jesure seniñacu gua:

—¿Yu ũju yuti ñabeati yu mare oca menirocu? yi seniñacu gua Jesure.

²³Ado bajiro cudiquī Jesús guare:

—Yu bari tēro ba ijagu Ī ñagū yiguñi yure ñiatoni gājerāre gotirocu. ²⁴Dios oca iti gotiro bajiroti rētarō yiroja yure. Yu ña Masa Rījora. Yure sīarā yirāji masa. Bujato yiguñi yure ñiatoni gājerāre gotirocu. Rujeabiticō rujabojañi İama, yiquī Jesús guare.

²⁵Ito yija bero Judas Jesure ñiatoni gājerāre gotirocu busiquī. Ado bajiro yiquī Ī:

—Yure riasogu, ¿yuti ñati mare ñiatoni gājerāre gotirocu ma tija? yiquī Ī Jesure:

—Matī ña, yiquī Jesús ñe.

²⁶Ito yija bero gua ba rujiroca Ī ya āmoju naju āmi rucoquī Jesús. “Queno ya Dios mu”, yicōri gua Ī rāca riasotirāre batoquī.

—Baya, iti ña yu ya ruju robo bajiro bajirise, yiquī Jesús guare.

²⁷Iti gua ba tuoroca rujatēro āmi rucoōri, “Queno ya yu Dios mu”, yiquī Jesús. Ito yicōri guare io batoquī.

—Mua jeyaro itire idiya. ²⁸Iti ña yu ya rī robo bajiro bajirise. Jājarā ña ñeñaro yirise ña waja yi İsitoni, yu ya rī budiro yiroja. Itire ticōri, “Oca mame Dios Ī goticādo bajiroti baja”, yi tuoia masirā yirāji mua. ²⁹Riti muare gotia yu. Adi sitaju mucana juaji mua rāca uye ide idibicu yiguja yu. Ũmacūju yu Jacu Ī rotiroju mucana tūdi mua rāca idigu yiguja yu, yiquī Jesús guare.

“ Jesure masibea yu’, yigu yiguja mu”, Pedrose Jesús Ī yire gaye

(Mr 14.26-31; Lc 22.31-34; Jn 13.36-38)

³⁰Ito ī yija bero Diore basacu gua. Basa tuocōri Olivos wame cutiri turajau wacu gua. ³¹Ito gua waroca ado bajiro yiquī Jesús guare:

—Adi ñamiti yure jidicācōri wagorā yirāji mua ñarocōti. Yure mua wagoja cūni, Dios oca tutiju iti gotiādo bajiroti rētarō yiroja. Ado bajiro gotia iti. Tuote mua: “Oveja coderi masure sīgū yiguja yu. Ito bajiri Ī ya oveja rudi batecoarā yirāji”, yī gotiami Dios Ī oca tutina. ³²Yure ña ñiaja ticōri, rudi batecoarā yirāji mua. Ito bajibojarocati yure ña sīaja bero mucana tūdi catigu yiguja yu. Tūdi caticōri mua riojua busa Galilea sitaju wacu yiguja yu, yiquī Jesús guare.

³³Ito ī yija tuocōri, ado bajiro yiquī Pedro ñe:

—İnama mare wagobojarocati yuama wagobicu yiguja yu, yiquī Ī Jesure.

³⁴Ito ī yija tuocōri, ado bajiro cudiquī Jesús ñe:

—Riti mare gotia yu. Adi ñamiti busurijua cara Ī yujiroto riojua udiāji, “Jesure masigū meje ña yu”, yigu yiguja mu, yiquī Ī Pedrose.

³⁵—Yure ña sīa āmoja cūni, “Jesure masibea yu”, yibicu yiguja yu, yiquī Pedro Jesure.

Ito bajiro Pedro Ī yija tuocōri, gua Jesús rāca riasotirā ito bajiro riti yī jedicu gua cūni ĩja.

Getsemanī wame cutiri weseju Jesús Ī Diore rācubure gaye

(Mr 14.32-42; Lc 22.39-46)

³⁶Warāju Getsemanī wame cutiri weseju ejacu gua Jesús rāca. Itoju ejacōri ado bajiro gotiquī Jesús guare:

—Ō Diore busigū yu waroca riti, ado rujiya maji, yiquī Jesús guare.

³⁷ Pedrore, Zebedeo rīa jāārāre ji waquī Jesús. Wacuti buto tūoīa bojori bujaquī Jesús. ³⁸ Ito yija ado bajiro yiyiju Jesús ī rāca wacānare:

—Yū ya usiju buto tūoīa bojori buja yū. Ito bajiro yū bojori bujaja, ūsi jediri guijoro bajia yure. Ado yure yu űaűa maji. Canibeja. Yū rācati tiba maji, yiyiju Jesús ĩnare.

³⁹ Ito yicōri ito sōjua busa wa remoyiju Jesús. Sitaju ī ya rio cūoro muqueacōri Diore busiyiju ī:

—Cuna űeja mu yi masibiti manoja. Yū tōbujaroti gaye mu camota āmoja, camota masigāja mu. Ito bajibojarocati yū āmoro bajiro meje yiguja mu. Mu āmoro bajiro mu yija quena, yi busiyiju Jesús Diore. Itocō ī busi tujarocati canigocōcu guama ĩja.

⁴⁰ Ito ī yija bero Pedro mesa tu tūdi ejayiju ĩna caniroca. Ado bajiro busiyiju Jesús Pedro mesare:

—¿Coji cōrecō canimenati yū rāca ti sēobeati mua? ⁴¹ Canibesa mua maji. Yū rācati tiya. Rāmāre cudibe yirona Diore seniña mua maji. Riti mūare masia yū. Mua ya usijua queno tūoīarā űabojarāti mua ya rujuña queno yi masibea mua. Yure queno cudī āmobarāti queno cudimenaji mua, yiyiju Jesús Pedro mesare.

⁴² Ito yicōri mucana tūdi wacuju ado bajiro Diore busiyiju Jesús:

—Yū Jacu yū tōbujarotire mu camota āmobeja quena űaroja. Mu āmoro bajiroti bajijaro, yiyiju Jesús Diore busigu. Ito bajiro Jesús ī Diore busiroca canicoayijarā Pedro mesa mucana.

⁴³ Tūdi wacu ĩna caniroca tūdi ejayiju Jesús mucana. Buto wūjo ĩnare jeobuaja caniyijarā ĩna. ⁴⁴ Ito bajiro ĩnare busicāriti mucana Diore busigu wayiju Jesús. Ito yicōri Diore ī busi ado bajiroti tūdi busiyiju mucana. ⁴⁵ Ito yija bero gua tu ejacōri guare yujoquī Jesús:

—¿Tujacā canirā yati mua maji? Itocōti eja waju Masa Rĳorure űiacōri űeñaro yirāre ĩna ĩsirotiju eja waju ĩja. ĩti űa yū Masa Rĳoru. ⁴⁶ Ito bajiri yujiya mua. Wato. Yure ĩna űiatoni gotiri masu wadicoami ĩja, yiquī Jesús guare.

Jesure ĩna ıiare gaye

(Mr 14.43-50; Lc 22.47-53; Jn 18.2-11)

⁴⁷ Ito bajiro Jesús guare ī busi űaroca riti, juā gubojeno űagū Judas ejaquī. Jājarā ī rāca wadicā sarera jāiri rucorā, gājerā yucu rucorā. Paia űjarā, judio masa bucurā ĩna cōajare wadiñi ĩna. ⁴⁸ “Ado bajiro mūare goticuja yū”, yi ĩnare busi wadicāri seyoñi Judas:

—Recoti yū usugu ĩti űagū yiguñi Jesús. ĩre űiama mua, yi ĩnare busi wadiri seyoñi ĩ.

⁴⁹ Gua tu ejacōri ado bajiro yiquī Judas Jesure:

—¿űati yure Riasogu mu? yi ejaquī ĩre.

Ito yiguti wayugaju muwācōri Jesure usuquī ĩ.

⁵⁰ —¿No yigu wadiri yū baba mu? yiquī Jesús ĩre.

Ito ī yiroca ĩre űiacā Judas rāca wadiana.

⁵¹ Ito bajiro Jesure ĩna űiaja ticōri, sīgū gua rāca gagu ī ya sarera jāi āmiquī, ito yicōri paia űju ya moari masure gāmoro jataquī. ⁵² Ito ī yija ticōri, ado bajiro yiquī Jesús ĩre:

—Mu ya sarera jāi mucana iti wiroju űusacōña. Sarera jāina gāmeri jarā itinati godarā yirāji. ⁵³ Adocāta yū Jacure yū seni űucaja, āngel mesa jājarāguti juā gubojeno masa buturi cōagū yiguñi ĩ. ¿Itire masibeati mua? ⁵⁴ Ito bajibojarocati ĩre senibicu yiguja yū. Yure ĩna űiajare ito bajiro gotia Dios oca. “Ito bajiroti rētarō yiroja”, Dios ī yicāre űari, ito bajiroti bajiro ya yure, yiquī Jesús guare.

⁵⁵ Ito yicōri ĩre űiarā ejarāre ado bajiro yiquī Jesús:

—¿Riniri masure űiarona bajiro sarera jāiri rāca, yucu rāca yure űiarā wadiri mua? Co ramu ruayabeto mua wato riaso rujisotibojacu yū minijuara wiju. Ito bajibojarocati yure űiabiticu mua maji. ⁵⁶ Jeyaro yure rētaroti Diore goti ĩsiri masa ĩna ucado bajiroti rētarō ya, yiquī Jesús ĩre űiacānare.

Jesure ĩna űiaja ticōri, rudicoacu gua. Jesús sīgūti ĩna rāca tujaquī.

Ījarā űasarā, “Seti űa mure”, Jesure ĩna yire gaye

(Mr 14.53-65; Lc 22.54-55,63-71; Jn 18.12-14,19-24)

⁵⁷ Jesure űiacōri paia űju Caifās wame cutigu tu ĩre āmi wayijarā. Itoju minijua űayijarā judio masa rotirise riasori masa ito yicōri ĩna masa bucurā cūni minijua űayijarā ĩna. ⁵⁸ Jesure ĩna āmi waroca sōbusa yeyo ti suya wayiju Pedro. Paia űju ya wi soje riojo sājacōri rujiyiju Pedro. ĩti wi coderi masa rāca rujiyiju ĩ. “No bajiro Jesure ĩna yi gajanoaja ticuja yū”, yirocu ito bocati rujiyiju Pedro.

⁵⁹ Paia űjarā, űjarā űasari masa cūni Jesure sīa āmoyijarā ĩna. Ito bajiri, “Ado bajiro űeñaro yiquī Jesús”, yi ruo gotironare āmobarayijarā ĩna. ⁶⁰ Jājarā socari masa ĩna oca menibojarocati, “Riti baja ĩna gotirise”, yi masibisijarā ĩna. Susari jūarā ruo gotiri masa ejayijarā ĩna. ⁶¹ Ado bajiro gotiyijarā:

—“Dios ya wi minijuara wi iti wire yu ruyuriocōja, u dia ruma beroti macana iti wire jōrojocōgūja yu”, yiqū āni, yiyijarā ina.

⁶² Ito ina yija tuocōri, paia uju wumu rāgūcōri ado bajiro yiyiju Jesure:

—¿Cudibicūti yati mu? Ito bajiro mare ina busituja, ¿no yireoni yirā yati ina? yibojayiju ī Jesure.

⁶³ Ito ī yibojarocati Jesuama cudibisiju ire. Ī cudibeja ticōri, ado bajiro yiyiju paia uju Jesure macana:

—Dios catigu ī tiro riojo riojo gotiya mu. ¿Mutī űati Cristo Dios ī cōaru? ¿Ī macuti űati mu? Guare gotiya maji, yiyiju ī Jesure.

⁶⁴—Mu seniāro bajiroti, iti űa yu. Gaje ado bajiro mare gotia yu: Dios jeyaro masigū ya riojocadūja Masa Rījoru ī rujija tirā yirāji mua. Ito yicōri űmacūju ide buerina ī ruji wadija tirā yirāji mua. Īti űa yu Masa Rījoru, yiyiju Jesús paia ujure.

⁶⁵ Ito bajiro Jesús ī yija tuocōri, buto junisinigū ī ya yutabuju tūa űigāyiju:

—Āni űmagū űeñāro Diore busituami. Gājerā, “Īre seti űa”, yironare āmare ma űja. Mua cūni Diore ī busituja tuo mua. ⁶⁶ ¿No bajiatī mua? ¿No bajiro ire yirūjati mani? yiyiju paia uju masare.

—Seti űasacōa ire. Sīarujami, yi cudiyijarā masa.

⁶⁷ Ito yija Jesús ya riore go ide eobate guyijarā ina. Ito yicōri ire jayijarā. Gājerā ī ya rioju jayijarā. ⁶⁸ Ī ya cajea moabiācōri, ire jayijarā ina. Ito yicōri ado bajiro ire seniā tudiyijarā:

—Riti Cristo Dios Macu mu űaja, “Ī yare jami”, yi masigūja mu, yi tudiyijarā ina Jesure.

Jesure masibea yu, Pedro ī yire gaye

(Mr 14.66-72; Lc 22.56-62; Jn 18.15-18,25-27)

⁶⁹ Wi totiju ito bajiro rētaroca, macūju soje riojo rujicōayiju Pedro. Sīgō moa ĩsiri maso Pedro tu ejacōri ado bajiro yiyijo ire:

—Jesús Galilea sita gagu rāca wa ucuyiju mu cūni, yiyijo iso ire.

⁷⁰ Ito bajiro iso yija tuocōri, masa jeyaro ina tuoro riojo ado bajiro yiyiju Pedro:

—“Riti ya mu”, yi masibea yu mare, yi ruoyiju Pedro isore.

⁷¹ Sājasuora soje tu Pedro ī ejagu wagu yiroca tiyijo gajeo macana:

—Jesús Nazaret cuto gagu rāca wa ucuñi ī cūni, yiyijo gājerāre gotigo.

⁷² —“Dios ī tiro riojo ire masibea yu”, ya yu, yiyiju Pedro.

⁷³ Ito bero yoa busari Pedroro ado bajiro yiyijarā gājerā:

—Riti űa. Jesús rāca wa ucuguti űa mu cūni. Īnare bajiroti busia mu cūni, yiyijarā ina Pedroro.

⁷⁴—Ito bajiro mua busigure tiābea yu. Ruore oca yu gotija, Dios yare sīajaro, yi oca sēoro busiyiju Pedro.

Ito bajiro ī yiroca riti cara yujicoayiju űja. ⁷⁵ Cara ī yujija tuocōri, Jesús ire busigorere tuoia bujayiju Pedro: “Cara ī yujiroto riojua u diaji, ‘Jesure masibea yu’, yigu yigūja mu”, Jesús ī yire tuoia bujayiju Pedro. Ito budi wacōri buto otiyiju űja.

27

Pilato taju Jesure ina āmi ejare gaye

(Mr 15.1; Lc 23.1-2; Jn 18.28-32)

¹ Busuri gaje ruma paia ujarā, judio masa busarā minijua űayijarā. Sīgare bajiro riti tuoīacōri, “Ado bajiro Jesure sīarūja mani”, yi tuoia űayijarā ina. ² Ito bajiro ina yija bero Jesure āmoju siacōri āmi wayijarā ina. Ito yicōri ire āmi wacōri Pilatore ĩsiyijarā ina. Romano masa uju űayiju Pilato.

Judas ī godare gaye

³ Judas Jesure ina űiatoni gotiru, “Jesure sīarā go yiru āna”, yi tuoīayiju Judas. Iti tuoīacōri, “Queno yibiticu yu”, yi tuoia bojori bujayiju Judas. Ito bajiri paia ujarāre, judio masa busarāre cūni ina tu wacōri niyeru treinta tiri ī bujabojare judacōayiju ĩnare. ⁴ Ado bajiro ĩnare yiyiju ĩ:

—Queno yibiticu yu. űe seti macūreti mare oca menibojacu yu, ire mua űiatoni, yiyiju ī paia ujarāre.

Ito bajiro ī yibojarocati ado bajiro ire cudiyijarā ina:

—Ito bajiro mu guare yibojaja, no yibea guare. Mureti seti űaroja, yiyijarā ina Judasre.

⁵ Ito ina yija tuocōri, Dios ya wiju niyeru kujiri rea bateyiju Judas. Ito yi, budicoayiju. Budi wacōri yucūguju bujayiju. Mujacōri ĩmasiti ī ya āmumaju jūguabo cano yicōri quedi yoja godayiju.

⁶ Dios ya wiju niyeru kujiri ī rea batere mioyijarā paia ujarā. Itire āmicōri ado bajiro yiyijarā:

—Adi niyeru mani s̄iarocure ĩ goticati waja ñacāre ñacu adiamu. S̄iare waja mani waja yire ña. Ito bajiri Diore yari masa ĩna niyeru s̄ari jedoju s̄ado ma, yiyijarā ĩna.

⁷ S̄igāre bajiro tuoñacōri, “Riri goje ñari sitaju waja yiana mani”, yi tuoñayijarā ĩna. “Iti sita ñaro yiroja gaje masare mani yujeroti sita”, yi tuoñayijarā ĩna. ⁸ Ito bajiri adi sita adi rum̄ari cuni, s̄iare wajana ĩna waja yira sita wame cutia maji. ⁹⁻¹⁰ Ito bajiro ĩna yija jane mejeju Diore goti ĩsiri masu Jeremias ñayoru ĩ ucure ado bajiro bajiadoja: “Treinta niyeru kujiri ñarise āmicōri riri goje ñari sita waja yiyijarā ĩna, Dios ĩ āmocādo bajiroti. ‘Itocōti waja cutiami s̄igū āmugū’, yi tuoñayijarā Israel sita gāna”, yi ucañi Jeremias ñayoru. ĩ ucado bajiroti rēta adi.

Pilato Jesure ĩ seniñare gaye

(Mr 15.2-5; Lc 23.3-5; Jn 18.33-38)

¹¹ Jesure āmi wacōri Romano masa uju Pilato wame cutigu tu āmi ejayijarā ĩna. Ito bajiri ĩ riojo rügōyiju Jesús. ĩ Jesure ado bajiro seniñayiju:

—¿Mut̄i ñati judio masa uju? yiyiju ĩ Jesure.

—Mu yiro bajiroti bajia, yiyiju Jesús ĩre.

¹² Ito ĩ yija tuocōri, paia ujarā, judio masa buc̄arā cuni, “ĩti ñami ñeñaro yigu. Queno yigu meje ñami ĩ”, ĩna yibojaja, ĩnare cudi ñuca yibisiju Jesús. ¹³ Ito bajiro Jesure ĩna busituja tuocōri, ado bajiro seniñayiju Pilato Jesure:

—Ito bajiro mare ĩna seti yija, ¿tuobeati mu? yiyiju ĩ Jesure.

¹⁴ Ito ĩ yibojarocati cudibisiju Jesús ĩre. ĩ cudibeja tuocōri, tuoña oca jai rügōyiju Pilato. Ito bajicōri ñe tuoñare mañiju ĩre.

Jesure s̄iaruja mani, ĩna yire gaye

(Mr 15.6-20; Lc 23.13-25; Jn 18.38-19.16)

¹⁵ Pascua basa ñari rum̄are ado bajiro yisotiyiju romano masa uju. Tubiara wiju ñarāre “ĩre bure āmoa gua”, ĩna yi besegure buc̄asotiyiju ĩ, basa ñari rum̄u. ¹⁶ Iti rum̄ari tubiara wiju ñayiju s̄igā, masa jeyaro ĩna masi jedigu Barrabás wame cutigu. ¹⁷ Masa ĩna minijua ñaroca ado bajiro seniñayiju Pilato:

—¿Nimujuare yu buc̄are āmoati mua? ¿Barrabásre, Jesucristo mua yigure buc̄agūtite? yi seniñayiju Pilato.

¹⁸ “Jesure tuo junisinicōri yure ĩsicā no cuni”, yi tuoña wacu ito bajiro yiyiju Pilato.

¹⁹ Gājerā ujarā rāca Pilato ĩ rujiroca ĩ manajo ĩre oca cōayijo: “Ñeñaro yibesa ĩre. Ñe seti macu ñami. Guijoro cāimu yu ĩ gaye. Ito bajiri buto oca jaja yu”, yi oca cōayijo iso, iso manujure.

²⁰ Paia ujarā, judio masa buc̄arā cuni, “Barrabásjuare buc̄a rotiya mua”, yiyijarā ĩna masare. “Ito yicōri Jesure s̄ia rotiya mua”, yiyijarā ĩna masare. Ito bajiro ĩna yijare ito bajiroti tuoñayijarā masa cuni. ²¹ Ito ĩna yija bero masare mucana ado bajiro seniñayiju uju Pilato:

—¿Nijuare yu buc̄are āmoati mua? yi seniñayiju Pilato ĩnare:

—Barrabásjuare mu buc̄are āmoa gua, yiyijarā ĩna Pilatore.

²² Ito ĩna yija tuocōri, ado bajiro ĩnare seniñayiju ĩ:

—¿No bajiro yiguti yu Jesure, Cristo mua yigureama? yi seniñayiju ĩ masare.

Ito ĩ yija ĩna ñarocōti ado bajiro ĩre awasā cudiyijarā:

—Yucutēoju ĩre jaju s̄iacōña mu, yiyijarā ĩna.

²³ Ito ĩna yija tuocōri:

—¿Ñeonire ñeñaro yicati āni? yiyiju Pilato ĩnare.

Ito ĩ yibojarocati mucana tudi awasāyijarā ĩna:

—Yucutēoju jaju s̄iacōña ĩre, yiyijarā ĩna Pilatore.

²⁴ Ito ĩna yija tuocōri, “No robojuu yi masibicuja yu”, yi tuoñayiju Pilato. “ĩna āmoro bajiro yu yibeja, ĩnamasiti gāmeri birarā yirāji”, yi tuoñayiju Pilato. Ito bajiro tuoñacōri ide āmi rotiyiju ĩ. Ito yicōri masa ĩna tiro riojo āmo coecōri ado bajiro gotiyiju ĩ masare:

—Āni ñeñaro yibicure mua s̄iaja, yure seti ma. Muareti seti ña, yiyiju ĩ masare.

²⁵ Ito ĩ yija tuocōri, masa ñajediro ado bajiro ĩre cudi jediyijarā:

—Gua, gua ñare cuni seti ñaro yiroja ĩre gua s̄iaja, yiyijarā ĩna Pilatore.

²⁶ Ito yija bero Barrabásre buc̄ayiju Pilato. ĩre buc̄acōri ĩ ya surarare ĩsiyiju Pilato Jesure ĩna bajetoni, ito yicōri yucutēoju ĩna jaju s̄iatoni.

²⁷ Jesure āmi wacōri uju ya wiju āmi ejayijarā ĩna. Surara jeyaro Jesure gāni bia rügūyijarā. ²⁸ ĩ s̄añarise yutabuju ruacōri, uju ĩ s̄añarise s̄uari buju ĩre s̄ayijarā. ²⁹ Ito yicōri jota bedo ĩna menira bedo Jesure rijogaju jeoyijarā ĩna. Ito yicōri riojocaduja āmo jota jāi ĩsiyijarā. Uju ĩ rucori jāi bajiri jāi ĩre ĩsiyijarā ĩna. Iti ĩre ĩsi tuocōri ĩ riojo rijomunigāna ñini rügūyijarā ĩna. Gaje ado bajiro ĩre aja tudiyijarā:

—Judio masa uju yoari catiba mu, yiyijarā ina Jesure.

³⁰ Ito yicōri go ide ire eobate guuyjarā ina. Ī rucōri jāi ēmacōri ī ya rijogaju jayijarā ina.
³¹ Ito bajiro ire ja tudi tiocōri ī ya yutabuju sūaro ruayijarā ina mucana. Ito yicōri ī yaro
ñasuoadojuare sāyijarā. Yutabuju sā tiocōri yucutēoju jaju sīarona ire āmi wayijarā ina.

Yucutēoju Jesure ina jaju sīare gaye
(Mr 15.21-32; Lc 23.26-43; Jn 19.17-27)

³² Cuto sōjua ire āmi warāju sīgū Cirene gagu Simón wame cutigure bocayijarā ina. Īre
bocōri Jesús gajari tēo gaja rotiyijarā ina ire.

³³ Ito baji warāju Gólgota wame cutiriju ejayijarā ina. “Rijoga gōa iti ñariju”, yireoni ña
Gólgota yire. ³⁴ Ito ejacōri Jesure uyé ide jiarise wuocōri ioyijarā ina. Itire idīlacōri itocō idi
jidičayiju Jesús.

³⁵ Jesure yucutēoju ina jaju tíoja bero, “Ñimujua ī ya yutabuju bñajaja tiana mani”, yirona
gūta ajerina rea ajeyijarā ina. Ito bajiro ina yija Diore goti ĩsiri masu ñayoru ī ucado bajiroti
rētayiju. Ado bajiro ucayoñi ĩ. Tuote: “Yu ya yutabujure ñamasi gāmeri batorona gūta
ajerina gāmeri rea ajecā ina”, yi ucayoñi Diore goti ĩsiri masu. ³⁶ Ito bajiro aje tiocōri ire code
rujijijarā surara. ³⁷ Jesús ya rijoga weca rujajāi uca wōyijarā ina. “Adi seti ña ire”, yira jāi
uca wōyijarā ina. “Āniti ñami Jesús judio masa uju”, yi wāñayiju iti jāiju.

³⁸ Jesús rāca jāarā riniri masa jaju ecoyijarā. Sīgūre ī ya riojocaduja, gājire ī ya gācoduja jaju
rūgōyijarā ina. ³⁹ Masa ina rētaja, rijogari yureyure yi rētayijarā ina Jesure busiturā. ⁴⁰ Ado
bajiro yi aja tudiyijarā ina Jesure:

—“Dios ya wire jore batecācōri mucana udia rumu beroti menicōgū yigūja yu”, mu yigu
ñaja mamasiti mu ya rujare masogū yigūja mu. “Riti Dios Macu ña yu”, mu yijama, mamasiti
yucutēore rujigogu yigūja mu, yi aja tudiyijarā ina Jesure.

⁴¹ Paia ujarā, judio masa rotirise riasori masa, ina masa bucarā cuni ito bajiroti Jesure aja
tudi ñayijarā ina.

⁴² —Gājerāreama masobojañi. Ī ito bajibojaguti ī ya rujareama maso masibeami ĩ. Judio
masa uju mu ñaja yucutēore rujigogu yigūja mu. Ito bajiro mu yija ticōri, mure tuorānūrā
yirāji gua. ⁴³ “Dios Macu ña yu. Īre tuorānua yu”, yicu mu. Ito bajiri mure ī majia imasiti mure
masogū yigūji, yi aja tudiyijarā ina.

⁴⁴ Jūarā ī rāca yucutēoju jaju ecoana rācati busituyijarā Jesure.

Jesús ĩ usi jedire gaye
(Mr 15.33-41; Lc 23.44-49; Jn 19.28-30)

⁴⁵ Ito yija ūmacañi riojo ñabojarocati rāitīlacoyiju ĩja. Ūdiaji cōrecō rāitīa ñayiju. ⁴⁶ Ito yija
ñamica tres ñaroca sēoro ado bajiro awasāyiju Jesús:

—Elí Elí, ¿lama sabactani? yiyiju Jesús. “Dios yu Jacu, ¿no yija yare jidičati mu?” yireoni
ñayiju iti ī awasārise.

⁴⁷ Coriarā itiju ñana ī awasāja tuocōri, ado bajiro yiyijarā ina:

—Diore goti ĩsiri masu Elías ñayorure jigū yiru ĩ, yiyijarā ina.

⁴⁸ Sīgū ire aja tudigū ūmaquedi wacōri ide udi āmirisena uyé ide jiare weoyiju. Yucuna sia
wōcōri Jesús ya rise tu ñutubojayiju. Idibisiju Jesús. ⁴⁹ Ito bajiro ī yibojarocati ado bajiro
yiyijarā gājerā:

—Yibesa mu ito bajicōato. Elías ñayoru ĩre masogū ejaja tiana mani, yiyijarā ina.

⁵⁰ Mucana susari oca sēoro awasācōri usi jediyiju Jesús. ⁵¹ Itiju Dios ya wi yobiado saya
webutiro ūmacājuana ñigā ruji wadicōri jacaju ñigā ruji ejacoayiju. Ito yicōri sita ueyiju.
Gūtagāri cuni wadicoayiju. ⁵² Masari cumari cuni janacoayiju. Ito bajicōri jājarā Diore
tuorānūrā tudi catiyijarā. ⁵³ Ito bajiri masari cumaju ñana budiyijarā ina. Budicōri Jesús ĩ
tudi catija bero Jerusalenju Dios ī mairi cutoju wa ucuyijarā ina. Masa jājarā tiyijarā ñare,
ina wa ucuja.

⁵⁴ Jesús yucutēo ī yosaroca maji, surara ina uju cuni code ñayijarā maji. Sita iti ueja, ito
yicōri gaje iti rētaja ticōri, buto güyijarā ina. Ito bajiri ado bajiro yiyijarā:

—Riti baja, Dios Macuti ñabojañi āni, yiyijarā ina.

⁵⁵ Jājarā romia cuni sōju ti rūgōyijarā. Galilea sita Jesús ĩ ñaroca maji ĩre sayasuooyijarā ina.
Ito yicōri ĩre ejabuasotiyijarā. ⁵⁶ Ina wato ñayijo María Magdalena, ito yicōri María Santiago,
José jaco. Zebedeo rīa jaco cuni ñayijo.

Jesure ina yujere gaye
(Mr 15.42-47; Lc 23.50-56; Jn 19.38-42)

⁵⁷ Iti rāio wadiroca sīgū José wame cutigu Arimatea gagu ejayiju. Niyeru jaigu ñayiju ĩ, ito
yicōri Jesús rāca riasotigoru ñayiju. ⁵⁸ Jesure yujerocu Pilatore senigū wayiju José. Pilato
tu ī ejaja ī seni ejaro bajiroti rotiyiju ĩ. ⁵⁹ Ito ī yija tuocōri, Jesús ya rujare rujigū wayiju

Ī. Īre rujiocōri saya űeri manona Īre gūmayiju. ⁶⁰ Ito yicōri masari cuma mamaju gūta toti Ī menirajaju Īre cūyiju. Ito yicōri masari cuma soje gūtagā jajocana biacū, wacoayiju. ⁶¹ Ito bajiro Ī yiroca masari cuma riojo María Magdalena, ito yicōri gajeo María ruji codeyijarā Īna.

Jesús ya masari cuma Īna codere gaye

⁶² Gaje rumati űayiju tujacāra rumu. Iti rumati paia űjarā, fariseo gaye tuoīarā cūni Pilatore busirā wayijarā. ⁶³ Ado bajiro Īre gotiyijarā Īna:

—Gua űju tuoja: Jesús socari masu Ī yicati gaye masi bujabu gua. “Ŭdia rumu bero mūcana tūdi caticaja yu”, yiquī Ī godaroto riojua. ⁶⁴ Ito bajiri Ī ya masari cuma soje tu surara code roticōaña Ī rāca riasotigoana űami Ī ya ruju rinime yiroca. Ī ya rujure Īna āmija, “Godaru űabojaguti mūcana tūdi caticoami”, yirā yirāji Īna. Ito bajiro Īna yija cajero ruocato rēto busaro socarā yirāji Īna, yiyijarā Īna Pilatore.

⁶⁵ Ito Īna yija tuocōri, ado bajiro yiyiju Pilato:

—Mūare cūni coderi masa űacāma. Īnareti tirūna rotiba. Queno Īna tirūnaja quena űaro yiroja, yiyiju Pilato fariseo gaye tuoīarāre.

⁶⁶ Ito Ī yija tuocōri, Jesús ya masari cumare, coderi masare code roti cūyijarā Īna. Ito yicōri, “Adi masari cumare jana yibesa mūa”, yire gaye wame wōyijarā Īna masari cumaju.

28

Jesús Ī tūdi catire gaye

(Mr 16.1-8; Lc 24.1-12; Jn 20.1-10)

¹ Tujacāra rumu iti jediroca mūcana moasora rumu iti busu mūja wadiroca María Magdalena ito yicōri gajeo María, Jesús ya masari cumaju tirā wayijarā Īna. ² Ito Īna waroca űajasaroti sita űeyiju. Sīgā āngel ruji ejayiju. Ruji ejacōri masari cuma gūta Īna biabojaragare janayiju Ī, ito yicōri itiga joere rujiyiju. ³ Bujo Ī borea yirisere bajiro yogu űayiju Ī, ito yicōri Ī ya yutabuju cūni buo botirise űayiju. ⁴ Īre ticōri gūirā Īna ya rujuri nūruoyijarā coderi masa. Godacāna robo bajiro űayijarā Īna. ⁵ Ito yija āngel ado bajiro yiyiju romiare:

—Gūibesa mūa Jesús yucutēoju Īna jaju siarure āmarā ya mūa, yu tija. ⁶ Mami ado. Ī goticādo bajiroti tūdi caticoañi. Īre cūgoraju tirā wadite mūa. ⁷ Coji wasa Ī rāca riasotigoanare gotitēña. “Ī gotiado bajiroti mūcana tūdi caticoañi”, yiba. “Mani rioju busa Galileaju waroca űayiju Ī. Itoju Īre tirā yirāji mani”, yi gotiba mūa Jesús rāca riasotigoanare, ya yu mūare, yiyiju āngel.

⁸ Ito Ī yija tuocōri, masari cuma budicōri gūi űmaquedi wayijarā Īna. Gūibojarāti buo wanare rāca Jesús rāca riasotigoanare gotirā wayijarā romia. ⁹ Īna wabojaroca riti Īnare senīa ejayiju Jesús. “¿Nati mūa?” Ī yija tuocōri, buo wanuyijarā Īna. Ito bajiri Īre rūcūbuorā Ī ya gūbo wana cūnyijarā Īna. ¹⁰ Ado bajiro yiyiju Ī Īnare:

—Gūibesa mūa. Yu rāca riasoticānare oca gotitēña. “Galileaju wajaro. Itoju Īre tirā yirāji mani”, yiba Īnare, yiyiju Jesús romiare.

Ado bajiro bajiyija, yi surara Īna gotire gaye

¹¹ Romia Īna wagoja bero masari cuma code űana cutoju ejacōri paia űjarāre gotiyijarā iti rētado bajiroti. ¹² Iti oca tuocōri judio masa bucurā rāca busirā wayijarā paia űjarā. Sīgure bajiro tuoīacōri coderi masa ruori oca Īna gotitoni Īnare jairo niyeru Īsiyijarā Īna. ¹³ Ado bajiro Īnare ruo rotiyijarā Īna:

—“űami gua canigoja bero Jesús rāca riasotigoana Ī ya rujure āmirā ejañi Īna”, yi goti batoba mūa masa jeyarore, yiyijarā paia űjarā ito yicōri judio masa bucurā cūni. ¹⁴ Mūa ruo gotirise űju Ī tuo masija guamasiti mūare busi queno Īsirā warā yirāji, yiyijarā Īna coderi masare.

¹⁵ Iti niyeru boca āmi ticōri, Īnare Īna rotiro bajiroti ruo goti ucurā wayijarā Īna. Ito bajiri adi rumari cūni, “Tūdi catigu meje yiñi Jesús. Ī rāca riasotiri masa rinirā yiñi Īna”, yire gaye busiama judio masa adi rumari cūni.

Ado bajiro yu oca masare riasoba mūa, yi Jesús Ī rotire gaye

(Mr 16.14-18; Lc 24.36-49; Jn 20.19-23)

¹⁶ Jesús tūdi catire, romia Īna gotija tuocōri, Galileaju wacu gua. “Ito gūtagā joeju bocatiba mūa”, guare Ī yiadoju wacu gua. ¹⁷ Itoju ejacōri Jesure ticu gua. Ito bajiri Īre rūcūbuorā wanucu gua. Cōriarā, “Ī meje űaguñi”, yi tuoīacā Īna. ¹⁸ Ito yija ado bajiro guare yiquī Jesús:

—Ŭmacūju adi tutiju cūni yu rotire gaye jeyaro jidicāmi yu Jacu Dios yure. ¹⁹ Masa jeyarore oca goti ucurā, oca goti ucuteña mūa. Yu ya oca tuorūnuroca yiba Īnare. Yure Īna tuorūnaja ticōri, yu Jacu wame, Espiritu Santo wame, yu wame rāca Īnare idé guba mūa. ²⁰ Jeyaro yu rotirise űarocōti Īna cuditoni Īnare riasoba. “Co rumu űayabeto mani rāca űasotigu yiguñi

Jesús. Adi macãncãro iti jediroto riojajã mani rãca ñasotigu yiguĩji ĩ”, yi tãõĩama maa, yiquĩ
Jesús gũare. Itocõ ñã.

El santo evangelio según San Marcos

Yucu manojũ Juan idé guri masũ ï ña ucure gaye
(Mt 3.1-12; Lc 3.1-9,15-17; Jn 1.19-28)

¹ Jesucristo oca muare gotigu ya yũ. Ìti ñami Dios Macũ. Ito yicõri ado bajiro ñasũoa ï oca quenarise gotire gaye. ² Jane mejeju sũgũ Diore goti Ìsiri masũ ñayiju. Isaías wame cutiyiju Ì. Dios ï Macũre ï busigore ucañi Isaías ñayoru. Ado bajiro ucayofũ Ì:

Tũoya yũ Macũ mu. Mu riojũa gãjire cõagũ yiguja yũ. Juan wame cutigu yiguĩji Ì, yũ oca gotiri masũ. Mu ejaroto riojũa masare gotigu yiguĩji, mu ejaroti gaye ña bocatitoni, yiyiju Dios ï Macũre.

³ Yucu manojũ masare jigũ yiguĩji Juan. Ito yicõri sũoro ado bajiro ñnare gotigu yiguĩji: “Ña yucãña mua. Nocõ mejeti mani Uju ejagu yiguĩji. Ñeñarise yimenati quenarise riti tuoiaña mua”, yigu yiguĩji Juan, yiyiju Dios ï Macũre, yi ucañi Isaías ñayoru.

⁴⁻⁶ Ado bajiroti rêtayiju Ì ucure. Yoari Ì ucaja bero yucu manojũ ñasotiyiju Juan. Ì sãñari buju camello joa ñayiju. Ito yicõri Ì wẽñuri wirowecu wirowe ñayiju. Rujiro ñimia ñayijarã Ì bana. Ito yicõri searã beroa ide ñayiju Ì ya bare. Ìre tuorã wadiyijarã masa Judea sita gãna. Jerusalén wame cutiri cuto gãna cuni Ìre tuorã wadiyijarã ña yucu manojũre: “Mua ñeñaro yirise jidicãcõri mucana tudũ uyabesa. Tudũ tuoia uya yibesa. Mua ito yija ticõri, ñeñaro mua yirise açabojogu yiguĩji Dios. Ito mua yija bero idé gu rotiba mua”, yiyiju Juan masare.

Ito yija masa ñeñaro ña yirise Diore ña gotija bero Jordán wame cutirisaju ñnare idé gu yiju Juan. ⁷ Ito yicõri ado bajiro masare riaso busiyiju Ì:

—Yũ bero gãji wadigu yiguĩji. Yũ rẽto busaro masigũ ñami Ì. Ìre bajiro bajigu meje ña yuama. Yũ rẽtoro quenagũ Ì ñajare Ì rãca corocõ ñado ma yũ. Ito bajiro quenagũ meje ñacõri Ì ya guboco õja masibea yũ. ⁸ Diore mua tuorãñaja ticõri, idena muare gubũ yũ. Yũ bero ejagu ñama Dios ya wsi muare queo sãgũ yiguĩji, yiyiju Juan masare.

Jesure idé gure gaye
(Mt 3.13-17; Lc 3.21-22)

⁹ Iti rumãriti Galilea sita Nazaret wame cutiri cutore wacoayiju Jesús. Wacõri Juan tu ejayiju Jesús. Ì ejaroca Jordán wame cutirisaju Ìre idé gu yiju Juan. ¹⁰ Jesús riaca maja rãgũcõri Ì ti muõja, macãrucũro soje janayiju. Umacũju Ì ti muõrocoti bujare bajiro bajiguna quedi sãja wadicõri, Jesús joe quedi jeayiju Espiritu Santo. ¹¹ Ito bajija bero macãrucũroju oca ruyuyiju. Ado bajiro gotiyiju iti:

—Yũ Macũ ña mu, yũ maigũ. Bũto wanũa yũ mure, yi ruyuyiju oca.

Rũmũa wju Jesure Ì usirio codere gaye
(Mt 4.1-11; Lc 4.1-13)

¹² Itijuti yucu manojũ Jesure ãmi wayiju Espiritu Santo. ¹³ Itoju ñayiju Jesús jũarã masacõ rumãri. Itoju Jesús Ì ñaroca, “¿Diore riti cudiga yiguĩjida Jesús?” yirocu Ìre usirio codegũ ejayiju Satanás wame cutigu. Ito Ì yibojarocati Diore cudibiticõ yibisiju Jesús. Gãjeronã jeyaro wato ñayiju Jesús. Ito yicõri Dios ñaro gãna ángel mesa Ìre codeyijarã.

Galilea sitaju Jesús Ì riasosũore gaye
(Mt 4.12-17; Lc 4.14-15)

¹⁴ Iti rumãri Juanre ña tubiaja bero Galileaju wacoayiju Jesús. Galileaju ejacõri masare Dios oca quenarise riasoyiju Jesús. ¹⁵ Ado bajiro yiyiju Jesús masare:

—Itocõ ña waju Ìja. Jabeto raya Ìre tuorãñarãre Dios Ì miojuroto. Ito bajiri ñeñaro mua yiriserẽ tuoia bojori bujacõri itire jidicãña mua. Dios oca quenarisejũa riti tuorãñũña mua, yi riasoyiju Jesús ñnare.

Wai jori masa juariarãre Jesús Ì jire gaye
(Mt 4.18-22; Lc 5.1-11)

¹⁶ Itajura Galilea wame cutirita tunima rãja wayiju Jesús. Ito rãja wacũju Simón ito yicõri Ì ocabaji Andrésre cuni ti bujayiju Jesús. Wai jori masa ñayijarã ña. Yori yucurina wai waya ñayijarã ña. ¹⁷ Ito yija ado bajiro yiyiju Jesús ñnare:

—Yũ rãca waya. Masare jirã yirãji mua, Diore ña masitoni, yiyiju Jesús ñnare.

¹⁸ Ito Ì yirocati yori yucuri cũcõri Ì rãca sũya wayijarã ña.

¹⁹ Ito yija ito sõjua busa wa remoyiju Jesús. Jabeto wa remocõri Santiago, Ì ocabaji Juanre cuni ti bujayiju Jesús. Zebedeo rã ñayijarã ña. Cumaju ña ya yori yucuri sia queno sãñayijarã

Īna. ²⁰ Īnare ticōri Īnare jiyijū Jesūs. Cumajuti Īna jacu Zebedeore cū wayijarā Īre ejabuari masare cūni. Ito bajiri Zebedeo rīa Jesūs rāca wacoayijarā Īja.

Rāmú sãñagāre rāmāre Jesūs ĩ bucōare gaye
(Lc 4.31-37)

²¹ Wacōri Capernaum cutoju ejayijarā Īna. Co ramu judio masa Īna tujacāri ramu minijuara wiju sājajiju Jesūs. Ito sājacōri masare riasosuoijū Jesūs. ²² Uju űasagu robo bajiro masare riasoyijū Jesūs. Judio masa rotirise riasori masare bajiro meje riasoyijū Jesūs. Īna rēto busaro queno riaso masiyijū Ī. Ito bajiri Jesūs ĩ riasorise tuocōri ucayijarā Īna. ²³ Minijuara wiju űmugū sīgū űayijū ĩ ya usijū rāmú sãñagū. Ado bajiro awasāyijū ĩ:

²⁴ —Mure ti masia gūa. Jesūs űa mu, Nazaret wame cutiri cuto gagu űa mu, yiyijū rāmú sāja ecoru. ¿No yigū yigujada mu guare? ¿Guare bucōarocu ejari mu? Mure ti masia gūa. Dios queno ĩ cōaru űa mu. Dios ĩ maigū űa mu, yi awasāyijū rāmú sāja ecoru Jesure.

²⁵ Ito yija Jesūs rāmāre busi rotibisijū:

—Busibesa mu, ito yicōri budigoya mu ĩ űmugāre, yi tudiyijū Jesūs rāmāre.

²⁶ űmugāre usi jedi quedicōri ĩ tunuroca yiyijū rāmú. Ito yicōri rāmú buto awasācōri masare budigoyijū Īja. ²⁷ Ito bajija ticōri, masa űarocōti ucayijarā. Ito yicōri ĩnamasiti gāmeri seniĵayijarā:

—¿Ne űatibeti? yiyijarā Īna. ¿Ne űatibeti mame ĩ riasorise? Āni űmugū rāmāare bucōare buto masiami. Ito bajiri yiro robo cūdiama rāmúa Īre, yiyijarā masa.

²⁸ Nocō mejeti Jesūs ito ĩ yija bero Galilea sita gāna űarocōti masi jedicoayijarā.

Pedro mañicōre Jesūs ĩ yisioare gaye
(Mt 8.14-15; Lc 4.38-39)

²⁹ Ito yija Jesūs budi wayijū minijuara wiju. Santiago ĩ ocabaji Juan rāca cūni wayijū Jesūs. Minijuara wiju budi wacōri Simón ya wiju ejayijarā Īna. ĩ ocabaji Andrés rāca Īna jūarā ya wi űayijū iti wi. ³⁰ Wiju Īna sāja ejaroca Jesure gotiyijarā Īna: “Simón mañicō cōgō yamo. Rujū yarise cō yosamo iso”, yiyijarā Īna. ³¹ Ito yija Jesūs iso tu eja rāgūcōri ĩ ya āmona tūa jōrojoyijū. Ito ĩ yirijuti iso rujū yarise jedicoayijū. Ito bajiri iti jediroca masare eca bocasuoyijū iso.

Jājarā űarise cutirāre Jesūs ĩ yisioare gaye
(Mt 8.16-17; Lc 4.40-41)

³² Iti űamica rāiocūroti cōrāre, Īna ya usijū rāmú sãñarāre cūni Jesūs tu āmi ejayijarā Īna. ³³ Iti cuto gāna űarocōti soje tu minijuayijarā. ³⁴ Jeyaro űarise cōrāre yisioyijū Jesūs. Ito yicōri Īna ya usijū rāmú sãñarāre rāmúa bucōayijū Jesūs. Rāmúa Īre Īna ti masija ticōri, Īnare busi rotibisijū Jesūs.

Minijuara wiju Jesūs ĩ riasore gaye
(Lc 4.42-44)

³⁵ Busucūro iti rāitīaroca riti masa manojūa wayijū Jesūs. ĩ Jacu Dios rāca busirocu wayijū ĩ. ³⁶ Ito yija Simón ĩ baba mesa rāca Jesūs manija ticōri, Īre āmarā wayijarā. ³⁷ Īre ti bujacōri Īre busiyijarā Īna:

—Masa jeyaro mure āmama, yiyijarā Īna Jesure.

³⁸ Ito Īna yibojarocati ado bajiro cūdiyijū Jesūs Īnare:

—Ita, gaje cutoju wato mani. Itoju Dios oca quenarise gotito mani. Itire yiari wadicu yu, yiyijū Jesūs Īnare.

³⁹ Ito bajiri Galilea sitajūa wayijū Jesūs. Galilea sitaju ejacōri Galilea sita űari cūtorijū minijuara wirijū riaso ucuyijū Jesūs. Ito yicōri Īna ya usijū rāmúa sājānare rāmūare bucōayijū Jesūs.

Rujū cami jogagūre Jesūs ĩ yisioare gaye
(Mt 8.1-4; Lc 5.12-16)

⁴⁰ Rujū cami jogagu ejayijū Jesūs taju. ĩ taju ejacōri ĩ ya rijomunigāna Jesūs riojo űini rūjūyijū. Ito bajiro rujicōri ado bajiro josayijū Jesure:

—Mu yare yisio āmojama, yare yisioyū ya mu, yiyijū rujū cami jogagu Jesure.

⁴¹ Ito ĩ yija tuocōri, Īre ti maiyijū Jesūs. Ito bajiri Īre moaĪacōri ado bajiro yiyijū Jesūs Īre:

—Āmoa yu. Ito bajiri mure yisioyū ya yu, yiyijū Jesūs cami jogagūre.

⁴² Ito ĩ yirocati ĩ ya rujū cami jogarise yati jedicoayijū Īja. Quenari rujū, rujū cuticoayijū Īja. ⁴³ Iti yatija ticōri, buto Īre goticōri wa rotiyijū Jesūs cami jogagūre:

⁴⁴ —Tuoya mu. Yu mure yisiorisere goti batobesa gājerāre. Coji wasa. Mu ya rujure ĩoıa paire. ĩo ticōri Moisés űayoru rotiado bajiroti waja yiya. Ito bajiro mu yija ticōri, “Ī ya rujū cami jogarise yati jedicoayū”, yi masirā yirāji masa mure, yiyijū Jesūs Īre.

⁴⁵ Ito bajiro, “Goti batobeja”, ĩ yibojarocati jeyaro masare goti batoyijū ĩ: “Yu ya rujū cami jogarise yisioquū Jesūs”, yiyijū. Ito bajiro ĩ yija tuocōri, Jesūs tu jājarā masa minijuayijarā,

İre ti ãmorã. Ito bajiri reco wa ucubisiju Jess masa İna tiro riojo. Masa manoj İna ucuyiju Jess İja. Ito İ yibojarocati jãjarã masa ejayijarã maçana İ tu, İre tuo ãmorã.

2

Rudurre Jess İ yisioire gaye

(Mt 9.1-8; Lc 5.17-26)

¹ Yoa busariju Capernaumju tdi ejayiju Jess maçana. “Wiju İnağji Jess”, masa İna yija tuoçõri, İ tu jãjarã masa minijuayijarã. ² Ito bajiri wi daja rãtaoayiju. Diyu rãğõrajau maİiju. Soje cni daja rãtaoayiju. Dios oca masare riasoyiju Jess. ³ Ito bajiro masare İ riasoroca ãma juariarã ejayijarã rudurre ãmi ejarã. ⁴ Masa jãjarã İnaoju rudurre ãmi ejabojayijarã İna Jess tuju. Ito bajiri wi tutu joeju İre ãmi mja wayijarã İna. Ito yi, Jess rãğõro weca soje cudayijarã İna. Ito yicõri rudurre İ ya camana jidi rujioyijarã İna Jess tuju. ⁵ “Yure queno tuõrãma İna”, yi ti masiyiju Jess İnare. Ito bajiri rudurre ado bajiro yiyiju Jess:

—Maç, mu İneñaro yirise coecoaju maçre, yiyiju Jess rudurre.

⁶ Ito İ yirocati, judio masa rotirise riasori masa tuoİa rujiyijarã. İnamasijua ado bajiro tuoİayijarã: ⁷ “¿No yija ito bajiro busiati ãni ãmugã? Diore İneñaro busiami. Gãjerã İneñaro yirisere coe masigã”, yi tuoİayijarã İna. ⁸ Ito İna tuoİaroca Jesumasiti İnare tuoİa masicõyiju. Ito bajiri ado bajiro İnare seniİayiju İ:

—¿No yirã ito bajiro maç ya asiju tuoİati maç? ⁹ ¿No bajiro rudurre yu yija quenati maçre? “Mu İneñaro yirise coecoaju”, çu yija quena İnaojada maç tuoİaja? “Wmİna. Mu ya cama ãmi wasa”, çu yija quena İnaojada? ¿Disejua İnati josasabiti maç tija? ¹⁰ Masa Rİjoru İna yu. Yu masirise maçre İog ya yu. “Adi sitaju masa İna İneñaro yirisere coe masigã İnami Masa Rİjoru”, maç yi masitoni, yu masirise maçre İog ya yu, yiyiju Jess İnare.

Ito yicõri ado bajiro rudurre yiyiju Jess:

¹¹ —Wmİna. Mu ya cama ãmiİna. Mu ya wiju tdi wasa, yibu yu maçre, yiyiju Jess rudurre.

¹² Ito bajicõri rudur wmyiju İ ya cama ãmigã. Masa jãjarã tiro riojo wm rãğ, budi wayiju maçaju. Ito bajiri masa İnajediro tuo uayijarã İja. Ito bajiri Diore rãcbuõrã ado bajiro busiyijarã masa:

—Quenagguti İnami Dios İja. Ado bajirisere tİabiticu mani, yiyijarã masa.

Levİre Jess İ jire gaye

(Mt 9.9-13; Lc 5.27-32)

¹³ Maçana tdi wayiju Jess itajura tunimaju. Jãjarã masa minijuayijarã İ tu. İna ejaja ticõri, Dios oca İnare riasoyiju Jess. ¹⁴ Ito rãta wacju Levİ wame cutigure ti bujayiju Jess. Alfeo maç İnayiju İ. Romano masa ujarã ye niyeru seniriju rujiyiju Levİ. İnare yiari waja seni İsigã yiyiju Levİ. İre ti bujacõri ado bajiro busiyiju Jess İre:

—Yu rãca waya mu, yiyiju Jess İre.

Ito İ yija tuoçõri, wm rãğyiju Levİ. Ito yicõri Jesure sya wayiju İ.

¹⁵ Baraju ejaroca Levİ ya wiju bayiju Jess. Gãjerã jãjarã Jess rãca rujiyijarã. Ujarãre yiari waja seni İsiri masa, İneñaro yiri masa cni, ito yicõri Jess rãca riasotirã jãjarã rujiyijarã İna. ¹⁶ Jess gãjerã rãca İ ba rujiroca fariseo gaye tuoİarã, judio masa rotirise riasori masa cni İnare tiyijarã. Judio masa İnayijarã İna. İneñaro yirã rãca Jess İ ba rujiya ticõri, Jess rãca riasotirãre ado bajiro seniİayijarã fariseo gaye tuoİarã:

—¿No yija ujarãre yiari waja seni İsiri masa rãca, İneñaro yirã rãca bati maçre riasog? yiyijarã İna İnare.

¹⁷ İna ito bajiro busija tuoçõri, ado bajiro cdiyiju Jess İnare:

—Queno cati quenarãma uco maçure ãmado ma. Cõri masajua İnami uco maçure ãmorã. Queno İnari masare jigu meje wadibu yu. İneñaro yirãre jigu wadibu yu, yiyiju Jess fariseo gaye tuoİarãre.

Bamenati Diore rãcbuõre gaye

(Mt 9.14-17; Lc 5.33-39)

¹⁸ Co rmu Juan idã guri masu rãca riasotirã, fariseo gaye tuoİarã cni Diore tuoİa ãmorã babisjarã İna. Ito bajiro İna babeja ticõri, ado bajiro Jesure seniİayijarã gãjerã:

—Juan rãca syarã Diore tuoİa ãmorã babeama İna. Fariseo gaye tuoİarã rãca syarã cni babeama İna. ¿No yija mu rãca riasotirãma batİİnati İna? yiyijarã İna Jesure tudirã.

¹⁹ İna ito yijare cdiyiju Jess:

—Queno tuo masibeama ma. Queno tuo masiİna ma itire. Ado bajiro baja ite. ãmo siare gaye tijaro yirona İna ji İncana manajo cutiroca İ İnajare İ rãca barã yirãji maji. ²⁰ Co rmu ejaro yiroja İre İna İna wari rmu. İti rmu İnaro yiroja İja İna babiti rmu, yiyiju Jess İnare.

²¹ 'Saya bũcũro iti tadija, mamarona sere wõmenaji mani. Mamarona mani sere wõja tãatu wato bũcũro tadiroja. Ito bajicõri jaja goje bũsa tadi waroja ïja. Mame oca yũ riasorisẽ cãni bũcũrã oca rãca tuoïa wisabesa, yiyijũ Jesũs ïnare.

²² Mũcana ado bajiro gotiyijũ Jesũs:

—Hũyẽ mame ide wecũ wirowo baju bũcũ baju jiomenaji mani. Bũcũ baju mani jiojama wirowo cuducowaro yiroja. Ito yicõri idire, wirowo cãni juajijũ godaroja. Ito bajiro hũyẽ mame ide wecũ wirowo mama bajuna jiore ñaroja. Ito yicõri hũyẽ ide, wecũ wirowo cãni corocõ ñaro yiroja, yiyijũ Jesũs ïnare.

Jesũs rãca riasotirã trigo ajeri beja ãmicõri ïna bare gaye

(Mt 12.1-8; Lc 6.1-5)

²³ Judio masa ya tujacãra rãmũ wesecaju wayijũ Jesũs ïre suyará rãca. Ito ïna waroca riti Jesũs rãca suyará weseca gaye ote beja ãmiyijará. Itire wirori sũguẽ batecõri bayijará ïna.

²⁴ Ito ïna yija ticõri, fariseo gaye tuoïarã ado bajiro seniñayijará Jesure:

—Tujacãra rãmũ moare ma. Tite mũ. Mũ rãca riasotirã weseca gaye ote ïna beja baja, moado bajiro yama ïna. Ito bajiro ïna yija bũcũrã oca tuorũnũbeama ïna, yiyijará fariseo gaye tuoïarã.

²⁵ Ito bajiro ïna yibojarocati ado bajiro cudiyijũ Jesũs:

—Co rãmũ David ñayoru ï rãca gãna ñiocõ wana ïna yigore, ¿Dios oca tuti tiãabiticati mũa? Ado bajiro bajiyijũ iti oca: ²⁶ David Dios ya wi wayijũ, paia hũ Abiatar wame catũgũ ï ñaroca. Ñiocõcõri Dios ya wi sãjacõri naju ñasarise bayijũ David. Diore naju cũ ïsire ñayijũ iti. Ito yija Diore ïsiado bajiro bajiyijũ iti. Paia ujarã riti ïna barise ñayijũ iti naju. David itire bacõri ï rãca gãnare cãni ecayijũ, yiyijũ Jesũs fariseo gaye tuoïarã.

²⁷ Ito yicõri gaje ado bajiro gotiyijũ Jesũs ïnare:

—Dios cũyijũ tujacãra rãmũ masa yeroti yari. Masare ï rujeoroto riojũ tujacãra rãmũ menibisijũ Dios. Masa rujeoja berojũare tujacãra rãmũ meniyijũ Dios. ²⁸ Ito bajiri yũ ña tujacãra rãmũ roti masigũ. Yũ ña Masa Rijoru. Ito yicõri tujacãra rãmũ tirũnũgũ ña yũ, yiyijũ Jesũs fariseo gaye tuoïarã.

3

Ãmo digarũre Jesũs ï yisiore gaye

(Mt 12.9-14; Lc 6.6-11)

¹ Mũcana minijũara wijũ sãjayijũ Jesũs. Itoju ñayijũ ãmũgũ ï ya ãmo digarũ. ² Fariseo gaye tuoïarã ado bajiro Jesure ti tuoïayijará ïna: “Jane tujacãra rãmũ ñabojarocati, ¿ãni ãmo digarũre yisiogu yiguũjida Jesũs?” yi tiyijará ïna. “Ito bajiro ï yija, ‘Seti ña ïre. Ñeñaro yami’, yirã yirãji mani”, yi tuoïa rujijijará ïna. ³ Ito bajiro ïna tuoïa rujirocati ado bajiro yiyijũ Jesũs ãmo digarũre:

—Wũmũña. Yũ tu eja rãgũña, yiyijũ Jesũs ïre.

⁴ Ito yicõri ito tu ñarãre ado bajiro seniñayijũ Jesũs:

—¿No bajiro manire cũyijari Dios tujacãra rãmũ mani yiroti? ¿Quenarise, ñeñarise ito yicõri cõrãre mani yisoroti, gaje mani yisiobeja, disejũa quenati? yiyijũ Jesũs ïnare.

Ito ï yija cudire meje tuoyijará ïna. ⁵ Ito bajiri ãmo digarũre ïna ti maibeja ticõri, ïnare junisini bũjatobiti tiyijũ Jesũs. Ito yija ãmo digarũre ado bajiro bũsiyijũ Jesũs:

—Mũ ya ãmo ñũ joya mũ, yiyijũ Jesũs ïre.

Ito ï yija tuocõri, ï ya ãmo ñũ joyijũ ï. Ito yijare ï ya ãmo quenacoayijũ mũcana. ⁶ Ito yija fariseo gaye tuoïarã budi wayijará Herodes ï ñarã rãca busirona. “¿No bajiro Jesure sũarũjati?” yi gãmeri bũsiyijará ïna.

Itajura tũnimajũ masa jãjarã ïna ejare gaye

⁷ Ito yija bero Jesuama wacoayijũ ï rãca riasotirã rãca itajura tũnimajũ. Galilea gãna masa jãjarã suyã wayijará ïre. ⁸ “Tiyamani jaje ïoami Jesũs”, masa ïna yija tuocõri, jãjarã masa Jesũs tu ejayijará. ïna ñayijará Judea gãna, Jerusalén gãna, Idumea gãna, Jordán sidujã gãna, Tiro gãna ito yicõri Sidón gãna. ïre tirona ejayijará ïna. ⁹⁻¹⁰ Jãjarã cõrãre Jesũs ï yisiõja tuocõri, masa jeyaro ïre moaïa ãmoyijará ïna. Ito bajiri ï rãca riasotirãre ado bajiro rotiyijũ Jesũs: “Cuma rũco yucãma mũa. Masa jãjarã yure ïna gãni bĩaja, cumajũ sãjarocu ya yũ”, yiyijũ Jesũs ïnare.

¹¹ ïna ya usijũ rãmũ sãñarã Jesure ticõri ï riojo rijomunigãna ñini rũjũcõri awasãyijará ïna:

—Mũti ña Dios Macũ, yiyijará ïna Jesure.

¹² Ito bajiro ïna yija tuocõri: “Ito bajiro masare goti batobesa mũa”, yiyijũ Jesũs ïna ya usijũ rãmũ sãñarãre.

Jũna gubojeno apõstol mesare Jesũs ï besere gaye

(Mt 10.1-4; Lc 6.12-16)

¹³ Ito bero turiaju maja wacōri, ī āmorāre bese jiyiju Jesús. Ito bajiri ī tu ejayijarā ĩna. ¹⁴ Jua gubojeno ñarāre riti jiyiju ī. Ī rāca ñaronare riti jiyiju ī. Ado bajiro ĩnare gotiyiju Jesús: “Yu ya oca goti ucurā ñarā yirāji mua. Ito yicōri masare riaso ucurā ñarā yirāji mua”, yiyiju Jesús ĩnare. ¹⁵ “Yu masirise muare ĩsigū ya yu, rŭmŭa sãñanare rŭmŭare mua bucōtoni”, yiyiju Jesús ĩnare. ¹⁶ Āna ñama jua gubojeno ñarā Jesús ĩ beseana: Simón wame cutigure gaje wame wōyiju Jesús. Ito bajiri Simón Pedro wame cutiyiju ī. ¹⁷ Gājerā ñayijarā Santiago, ī ocabaji Juan, Zebedeo ña ñayijarā ĩna. ĩna jŭarāre Boanerges wame yiyiju Jesús. ĩna ocana yijama, “Bajo Rĭa”, yireoni ñayiju. ¹⁸ Gājerā ñayijarā: Andrés, Felipe, Bartolomé, Mateo, Tomás, Santiago, Alfeo macu ñayiju ĩ Santiago, ito yicōri ñayijarā Tadeo, Simón celote gaye tuoĭagoru canĭ. ¹⁹ Ito yicōri gāji Judas Iscariote ñayiju. Gājerā Jesure ĩna ñiatoni gotiri masu ñayiju ī. Ito cō ñayijarā ĩ oca goti ucujaro yirocu Jesús ĩ cŭana.

Rŭmŭa ũju rotirise boca āmicōri yami Jesús, ĩna yire gaye
(Mt 12.22-32; Lc 11.14-23; 12.10)

²⁰ ĩnare bese ticōri, ī rāca riasotirā rāca wiju tŭdi wayiju Jesús. Mŭcana masa jājarā minijuayijarā ĩna tu. Ito bajiri ba masia mano yiyijarā ĩna. ²¹ Ado bajiro yiyijarā masa Jesure: “Jesús queno tuoĭabeami ĩja. Mecuri masu ñami ĩja”, yiyijarā ĩna. ĩtore tuo cōri Jesús ñarā ĩre jirā ejayijarā.

²² Judio masa rotirise riasori masa Jerusalén gāna ado bajiro yiyijarā ĩna canĭ:
—Ī ya usiju Beelzebŭ rŭmŭa ũju sãñagŭ ñami ī. Ito bajiri Beelzebŭ ĩ masirisena rŭmŭa sãñanare rŭmŭare bucōami Jesús, yiyijarā ĩna.

²³ Ito ĩna yija tuo cōri, ĩnare jiyiju Jesús. Goti masiore ocana ĩnare gotirocu jiyiju:
—Gāji ya usiju rŭmŭ ĩ sãñaja, ¿no bajiro ĩmasiti ĩre budigoguĭjida? Budigobiquĭji ĩ, yiyiju Jesús ĩnare.

²⁴ Co cuto gāna masa ĩna gāmeri jaja, yoari ñamenaji ĩna. ²⁵ Masa co wi gāna, sĭgŭre bajiro ĩna tuoĭabeja, yoari ñamenaji ĩna. ²⁶ Rŭmŭa ũju Satanás wame cutigu ricati ĩ gotija, ito yicōri ĩmasiti ricati ĩ tuoĭaja ña masibiquĭji, yiyiju Jesús ĩnare.

²⁷ Ñimujua guamu ya wi sãjacōri ĩ ya gajeoni ĩmabiquĭji. Cajero ĩre siacōri, ito berojua ĩ ya gajeoni ĩmaroja, yiyiju Jesús ĩnare.

²⁸ Gaje ado bajiro yiyiju Jesús:
—Riti muare gotia yu. Masare ñeñaro ĩna yirise, ñeñarise ĩna busija canĭ, ācabojo masiami Dios. ²⁹ Ito bajibojarocati Espĭritu Santore masa ĩna busituja, iti ñeñaro ĩna yirise ācabojobiquĭji Dios. Iti seti susabetoja ĩnare, yiyiju Jesús.

³⁰ “Ī ya usiju rŭmŭ sãñagŭ ñami”, ĩre ĩna yijare, ito bajiro yiyiju Jesús.

Jesús ĩ ñarā ado bajiro bajtama, yire gaye
(Mt 12.46-50; Lc 8.19-21)

³¹ Ito yija ejayijo Jesús jaco, ĩ ocabajirā rāca. Ejabojarāti macĭju tujayijarā ĩna. Macĭju ñacōri Jesure ji ñucayijarā ĩna. ³² Jesús tu ruji gānirā ĩre gotiyijarā, “Mu jaco ejamo”, yirona:
—Mu jaco, mu ocabajirā canĭ macĭju ñama ĩna. Mŭre ti āmoama ĩna, yiyijarā ĩna.

³³ Ito ĩna yija tuo cōri, ado bajiro cudiyiju Jesús:

—¿Ñimo ñati yu jaco? ¿Noa ñati yu ocabajirā? yiyiju Jesús ĩ tu rujirāre.

³⁴ Ī tu rujirāre ticōri ado bajiro gotiyiju Jesús ĩnare:
—Muati ña yu ocabajirā. Ito yicōri muati ña yu jaco, yiyiju Jesús ĩnare. ³⁵ No Dios rotirise cudiguti ĩ ñami yu ocabaji, yu ocabajio, ito yicōri yu jaco canĭ, yiyiju Jesús ĩnare.

4

Oteri masu gaye Jesús ĩ goti masiore oca
(Mt 13.1-9; Lc 8.4-8)

¹ Mŭcana tŭdi riasoyiju Jesús itajura tunimaju. Masa jājarā ejayijarā ĩna itoju Jesús tujare. Masa jājarā ñajare cumaju sãjacōri itoju rujiyiju Jesús. Masama ñarocōti tujayijarā jajaju. ² Ito yija goti masiore ocana ĩnare riasoyiju Jesús. ĩnare riasogati ado bajiro gotiyiju Jesús:

³ —Tuoya mua adire: Sĭgŭ weseca ĩ ya ote ajeri otegu wayiju ī. ⁴ Wesecaju ejacōri iti ajerire ĩ wĕjabateroca gaje ajeri maju quedi queayiju. Ito yija wadiyijarā minia. Wadicōri ĩtore bacōyijarā ĩna. ⁵ Gaje ajeri gŭta wato quedi queayiju. Queno sita mañiju ito. Iti ajeri nocō mejeti judibojayiju, sita iti queno manijare. ⁶ Ūmacañi muja wadiguti ĩtore asi sĭacōyiju. Ñe mari manicōri siniacoayiju iti. ⁷ Gaje ajeri jota watoju quedi queayiju. Ito bajiri jota mari ĩtore darea sĭacōyiju. Ito bajiri queno bucua masibisiju iti. Ito yicōri queno rica mañiju. ⁸ Gaje ajeriana sita quenaro quedi queayiju. Ito yicōri judiyiju iti. Queno wanayiju iti. Ito bajicōri queno rica cutiyiju. Coria sarari treinta ñari ajeri rica cutiyiju. Gaje sarari sesenta ñaricari, gaje sarari cien ñaricari rica cutiyiju, yi gotiyiju Jesús ĩnare.

⁹ Ito yija ado bajiro yiyiju Jesús Ìnare:

—Itocó ña. Gãmo goje cutirã mua ñaja, tuoya, yiyiju Jesús Ìnare.

*¿No yija goti masiore ocana masare riasoati mua? Ìna yi senĩlare gaye
(Mt 13.10-17; Lc 8.9-10)*

¹⁰ Ito bero Jesús sīgũti Ì ñaroca Ì tu ñarã Ì rãca riasotirã rãca minijuaçõri ado bajiro Ìre senĩlayijarã Ìna: “¿No yireoni ñati? ‘Sīgũ oteri masu ñayiju’, mu yirise”, yiyijarã Ìna Ìre. ¹¹ Ito Ìna yija tuocõri, cudiyiju Jesús:

—“Ado bajiro Ìre tuorãnurãre miojugu yiguĩji Dios”, yi gãjerã Ìna masibitire muaña masiroca yami Ì. Gãjerãma Diore tuorãnumena goti masiore oca tuobojarãti tuo masimenaji Ìna. ¹² Ìna tibojaja bero timenare bajiro bajirã yirãji Ìna. Ito yicõri Ìna tuobojaja cuni tuomenare bajiro bajirã yirãji Ìna. Ito bajiri tuo masibiticõri Diore tuorãnu sayamenaji Ìna. Ito yicõri ñeñaro Ìna yirise Diore Ìna goti rãtobubeja ñeñaro Ìna yirisere coebiquĩji Dios, yiyiju Jesús Ìnare.

*Ado bajiro baja oteri masu ye, yi Jesús Ì goti quenore gaye
(Mt 13.18-23; Lc 8.11-15)*

¹³ Mucana tãdi busiyiju Jesús Ìnare:

—“Oteri masu sīgũ ado bajiro bajiyiju”, yirocu jiju muaere yu gotija, ¿tuo masibeati mua? Ito oca gotire mua tuo masibeja, gaje yu gotiroti cuni tuo masimena yirãji mua, yiyiju Jesús Ìnare.

¹⁴ Gaje ado bajiro Ìnare goti rãtobuyiju Jesús:

—Oteri masu Dios oca goti ucuri masu robo bajiro bajigu ñami. ¹⁵ Coriarã masa ñama, ma gudareco ote ajeri quediana robo bajirã. Dios oca tuorãji Ìna tuorea. Ito bajibojarocati Ìna tuoja bero rãmũ ejacõri Ìna acabojaroca yigu yiguĩji Ìnare. Ìna ya usiju Ìna tuo amisãre Ìna acabojaroca yigu yiguĩji rãmũ. ¹⁶ Gãjerã masa ñama, gãta wato ote ajeri quediana robo bajirã. Dios oca tuocõri wanu quenaro boca amiyijarã Ìna. ¹⁷ Ito bajibojarocati Dios oca queno quedi sãjabea Ìnare, queno ñe mari manore bajiro. Ito bajiri Ìnare oca ñaja, gãjerã Ìna ti teja, nocõ mejeti Dios oca Ìna tuobojare acabojarãji Ìna. ¹⁸ Gãjerã masa ñama jota wato ote ajeri quediana robo bajirã. Dios oca tuorãji Ìna tuorea. ¹⁹ Itire tuocõri ruje tuoĩarã yirãji Ìna. Adi sita gaye, adi macãrucãro gaye ruje gajeoni tuoĩarãji Ìna. Ito bajicõri gajeoni jai busaro amorã yirãji Ìna. Gajeonijuaere buto tuoĩacõri Dios ocare acabojarã yirãji Ìna. ²⁰ Gãjerãma Dios oca tuocõri, queno tuo sayarãji Ìna. Ìna ñama sita quenariju quediana robo bajirã. Rica jairo rica cutirica robo bajiro bajirã ñama Ìna. Corocõ meje ñarãji Ìna. Coriarã Dios oca tuocõri Dios Ì amorise jabetoti yirãji. Gãjerã Dios Ì amorise jai busaro yirãji. Gãjerã Dios Ì amorise buto tuoĩarãji Ìna. Ito bajiri queno Ìre moa Ìsirã yirãji Ìna. Ìnaõna ñarãji jairo rica cutirica robo bajiro bajirã, yiyiju Jesús Ì rãca riasotirãre.

*Ado bajiro baja sãabusuoraga, yi Jesús Ì riasore gaye
(Lc 8.16-18)*

²¹ Mucana gaje oca goti remoyiju Jesús Ìnare:

—Mujura jãi manĩ sãsuaja, sotu rocaju sãsuamenaji manĩ. Ito yicõri canira casabo rocajuare mujura jãi sãsuamenaji manĩ. Mujura jãi manĩ sãsuaja umacũju sãsuarã yirãji manĩ, jeyaro iti busutoni. ²² Yeyo cũre ñabojaroti, co ramu goaro yiroja. Ìna yeyo gotibojarise cuni yoari yeyomenaji Ìna. Co ramu masa tuo buja jedirã yirãji Ìna. ²³ Queno tuoya mua gãmo goje cutirãma, yiyiju Jesús.

²⁴ Mucana tãdi goti quenoyiju Jesús Ìnare:

—No Ìre tuorãnũgũre jai busaro tuo masire gaye jidicãgũ yiguĩji Dios. Ito bajiri jai busaro masigũ yiguĩji Ì. No Ìre tuorãnũbicũre jabetacã Ì tuoĩabojarisere emacõgũ yiguĩji Dios Ìre. Ito bajiri ñe tuoĩare mano tujagu yiguĩji Ì. ²⁵ Tuo masigũ buto busa tuo masigũ yiguĩji. Tuo masibicũama acabojagu yiguĩji Ì tuobojare, yiyiju Jesús Ìnare.

Ado bajiro baja ote gaye, yi Jesús Ì riasore gaye

²⁶ Mucana gaje goti masiore ocana masare riasoyiju Jesús:

—“Ìre tuorãnurãre Ì rotiroju miojugu yiguĩji Dios”, yire oca ado bajiro baja iti. Oteri masu ote ajeri Ì oteado bajiroti baja iti. Tuote mua. ²⁷ Co ñami ruyabeto canigũ yiguĩji oteri masu. Ito yicõri co amua ruyabeto yujiguĩji Ì. Ito yicõri ote ajeri judiroja. Judicõri bucãroja. Iti bucua mujarisere, ¿no bajiro bucãti iti? yi masibiquĩji oteri masu. ²⁸ Sitareti judiroja iti ajeri. Cajero judiroja rujagu, jaibitiguacã. Ito bero bucua mujacõri jũ cutiroja. Ito bajicõri rica cutiroja. ²⁹ Iti ote botija ticõri, “Amiruja yu”, yi tuoĩacõri itire amigũ wacu yiguĩji Ì. Ìre tuorãnurãre Dios Ì miojuja ito bajiroti baja. “Yure queno tuorãnuma Ìna”, yi tuoĩacõri Ìre tuorãnurãre miojugu yiguĩji Dios, yiyiju Jesús Ìnare.

Ado bajiro baja mostaza ajeri, yi Jesús i riasore gaye

(Mt 13.31-32; Lc 13.18-19)

³⁰ Mucana ado bajiro gotiyiju Jesús:

—¿No bajiro bajiatí, “Íre tuorünuräre miojugu yiguji Dios”, yire oca? ¿Ñe gaje ocana itire cōiarājida mani? ³¹ Mostaza ajeri sitaju oteado bajiro baja, “Íre tuorünuräre miojugu yiguji Dios”, yire oca. Rica jeyaro ajeri ruja busarise ña mostaza ajeri. ³² Ito bajibojarocati ití aje judi busacōri gaje ote gaye rēto busaro ūmaricu ña. Rujari yoiarise ña itigüre. Ito bajicōri jesarāji minia ūmacañi i asirise rudirā, yiyiju Jesús ñnare.

Goti masiore ocana Jesús i riasore gaye

(Mt 13.34-35)

³³ Masare Dios oca riasogu, goti masiore ocana riasoyiju Jesús. “Queno tuo masibeama”, yi masicōri itocō goti tarojoyiju Jesús ñnare. ³⁴ Goti masiore ocana riti masare riasoyiju Jesús. Í sīgāti i rāca riasotirā rāca ñagū, goti masiore oca gaye queno goti rēto buyiju Jesús ñnare.

Minore, jacūrisere cuni Jesús i rēto re gaye

(Mt 8.23-27; Lc 8.22-25)

³⁵ Iti rāmūti rāiocūro ñaroca ado bajiro yiyiju Jesús:

—Siduja jēa wato mani, yiyiju Jesús i rāca riasotirāre.

³⁶ Ito i yija tuocōri: “Waju”, masare yicōri, Jesús i sñāri cumaju eja sājayjarā ña. Ito bajiri itiganati Jesure āmi wayijarā ña. Gaje cumari gāna cuni ñnare baba cuti wayijarā. ³⁷ Ito ñaj jēa waroca mino buto wēayiju. Jacūrise cuni buto jacū sājayiju cumaju. Ito bajiri ide dajacoayiju cuma ūja. ³⁸ Ito bajibojarocati Jesús i ya rijoga jeoadona cani sñāyiju, cuma ūsi tutuju. Ito bajiro i canija ticōri, ire yuyioyjarā i rāca riasotirā:

—Tuoya guare Riasogu mu. Rujarā ya mani. ¿Guare mai codebeati mu? yiyijarā ña Jesure.

³⁹ Ito ña yija tuocōri, yuyiyiju Jesús ūja. Yujicōri ado bajiro yiyiju i:

—Wēabesa, yiyiju Jesús minore. Jacū jidicāña, yiyiju Jesús ide jacūrisere.

Ito i yirocaci mino rētaoayiju ūja. Ide cani jacūbiticoayiju ūja. Quenaro tujacoayiju ūja. ⁴⁰ Ito bajirocaci:

—¿No yirā gūiati mua? Gūibesā. ¿Yure tuorünubeati mua? ¿Yu masirisere tuoībeati mua? yiyiju Jesús i rāca riasotirāre.

⁴¹ Ito bajiro i yibojarocaci buto tuo ucayjarā ña:

—¿Ñimu ñati āniama? Minore rēta rotiami. Mino cuni, ide cani ire tuo, yiyijarā Jesús rāca riasotirā.

5

Gerasa gagu rāmú sñāgū oca

(Mt 8.28-34; Lc 8.26-39)

¹ Jesús ire suyarā rāca siduja Gerasa sitaju jēa ejayjarā ña. ² Jesús eja i maja waroca ire bocayiju gāji. Í ya usiju rāmú sñā ecoru ñayiju. Masa yujeadoju ñacōri Jesús tu ejayiju i. ³ Masa godana ña yujeadoju ñayiju i ñaro. Íre sia sēobisjarā gājerā come mana. ⁴ Í ya gūbo tīgā i ya āmore cuni siabojayjarā ña. Íre ña siabojarocaci coji meje tunu ruacōsotiyiju i. Íre tua yi masibisjarā masa. ⁵ Ūmua, ñami cuni wa ucuyiju i. Taria joeju cani, masa yujeadoju cani wa ucuyiju i. Í wa ucurojo buto awasā ucuyiju i. Ito yigu gātana yijeyiju imasiti. ⁶ Ito i bajiroca Jesure ti ñucacōri ūmaquedi wayiju i Jesús taju. Jesús tu ejacōri i riojo rijomunigāna ñini rūjūyiju i, ire rūcubogū. ⁷⁻⁸ Í eja ticōri, ado bajiro yiyiju Jesús:

—Tuoya rāmú mu. Ānire i ya usiju ñagū budiya mu, yiyiju Jesús rāmúre.

Ito i yijare:

—Jesús, Dios Macu ña muāma. ¿Yure no bajiro yigu yigujada mu? Dios yure tiro riojo busia yu. Yure juniro yibesa mu, yi josayiju i Jesure.

⁹ Ito i yiroca ado bajiro yiyiju Jesús ire:

—¿Ñe wame cutiati mu? yiyiju Jesús.

Ito i yija:

—Jājarā wame cutia yu, jājarā rāmú gua ñajare.

¹⁰ “Adi sita sōjua wasa”, guare yibesa mu, yi josayiju rāmú Jesure. ¹¹ Ito bajiroca tariaju jājarā ba rügō ucuyijarā ecana yesea. ¹² ñnare ticōri ado bajiro yiyijarā rāmú Jesure:

—“Ecana yesea ña ya usiju sñāña mua”, guare yiya mu, yi josayijarā ña Jesure, yeseare sñā āmorā.

¹³ Ito ña yija ticōri: “Itoju wasa mua”, yiyiju Jesús ñnare. Ito i yija āmugüre sñābojana rāmú budicoayijarā ūja, yesea ya usiju sñā āmorā. Ecana yesea dos milcō ñayijarā ña. Ito ña ya

usiju rāmúa sája ecocōri buto ũmaquedi wayijarā yesea. Gātagāri joeju muja wacōri quedi sája wayijarā rujaraju. Ito bajiri ĩna ñarocōti ruja jedicoayijarā ĩna.

¹⁴ Ito bajiri yeseare codebojarā ũmaquedi wacoayijarā ĩna. Iti bajirisere gotiyijarā ĩna gājerāre. Jaja cuto cuni, jaibiti cuto cuni masare itire gotiyijarā ĩna. Ito bajiri, “¿Ñe rētati?” yirona tirā wayijarā masa. ¹⁵ Jesús tu ejacōri, rāmúa sája ecobojarare tiyijarā ĩna. “Jājarā rāmúa sāñaru ñabojaguti, ĩ ya usiju rāmúa budigoru ñami ĩja”, yi ti masiyijarā masa. Jesús tu rujuga yutabuju ĩ sāñarocaju tiyijarā ĩna. Rāmúa ĩna sāñaja tuo masigū meje ñayiju maji. Quenari usi, usi cutigu ĩ tuoñarise queno tuo masigū ñayiju ĩja. Ito ĩ bajija ticōri, buto güiyijarā masa. ¹⁶ Ito bajiro iti rētaja ticōri, rāmúa budigoru ĩ bajirise, ecana yesea ĩna bajirise cuni gājerāre gotiyijarā ito gāna. ¹⁷ Ito bajiri Jesure güicōri ĩna cuture ĩ budigotoni ĩre josayijarā ĩna.

¹⁸ Ito Jesús cumaju ĩ sāñaroca rāmúa budigoru ado bajiro yiyiju ĩre: “Mu rāca wa āmoa yu cuni”, yi josayiju ĩ Jesure, ĩ rāca waroca. ¹⁹ Ito bajiro ĩ yibojarocati ado bajiro yiyiju Jesús ĩre: —Yu rāca wabesa. Mu ya wiju tudi wasa. “Yare ti maicōri, yare queno yimi Dios”, yi gotiba mu ñarāre, yiyiju Jesús ĩ ya usiju rāmúa budigorare.

²⁰ Ito Jesús ĩ yiroca rāmúa budigoru tudicoayiju. Juu ñajamocō catoriju goti ucuyiju ĩ. Rāmúa ĩ ya usiju sāñanare Jesús ĩ bucōare gaye goti ucuyiju ĩ. Ito bajiri iti bajirisere tuocōri uca jedicoayijarā masa.

Jairo macore Jesús ĩ yisioire gaye
(Mt 9.18-26; Lc 8.40-56)

²¹ Ito yija bero Jesús tudi jēa wayiju cuma jajocana. Itajura tunima Jesús ĩ rügōroju jājarā masa minijuayijarā ĩ tu. ²² Ito bajirocaci minijuara wi uju ejayiju Jesús tu. Jairo wame cutiyiju ĩ. Jesure ticōri ĩ riojo rijomunigāna ñini rüjüyiju Jairo. ²³ Ito bajiro rujicōri ado bajiro Jesure josayiju ĩ:

—Yu maco cōgō yamo. Iso catire āmoa yu. Ito bajiri isore moaĭagū waya mu, yiyiju ĩ Jesure.

²⁴ Ito bajiro Jairo ĩ yija tuocōri, ĩ rāca wayiju Jesús. Jājarā masa ĩre suya wacōri bidiro ñayijarā ĩna. ²⁵ ĩna wato romio ñayijo. Iso ñayijo romia ñarise cōgō. Juu gubojeno rodori tujayiju iso cōroca riti. ²⁶ Jājarā uco masa uco yibojayijarā isore. Uco waja niyeru iso rucorise ĩsi jeocōyijo uco masare. ĩna uco yibojarocati buto busa cō wayijo iso ĩja. ²⁷ Gājerāre Jesús ĩ yisioire gaye tuo bujayijo iso. Ito bajiri jājarā masa rāca ñayijo iso Jesús judojua. ²⁸ “Jesús ya yutabujure yu moaĭajama catigoja yu”, yi tuoñayijo isomasijua. Ito bajiri ĩ ya yutabujure moaĭayijo iso. ²⁹ ĩ ya yutabujure iso moaĭarocati ri tadicoayiju isore ĩja. Iso ruju ñarise iti rētaja tuoñi masiyijo. ³⁰ Jesure iso moaĭaja bero, “Yu masirisena yisioacaju isore”, yi tuoñayiju Jesús. Ito bajiri juda ticōri ado bajiro masare seniñayiju ĩ:

—¿Ñimo yu ya yutabujure moaĭari? yiyiju Jesús ĩnare.

³¹ Ito ĩ yija ĩ rāca riasotirā ado bajiro yiyijarā:

—Mu taju jājarā ñama mure moaĭarā. ¿No yigu seniñati mu? “Ñimo yu ya yutabujure moaĭari”, ¿yi seniñati mu? yiyijarā ĩna Jesure.

³² Ito ĩna yibojarocati ĩre moaĭagōre ti āmayiju Jesús. ³³ “Yu ña ĩre moaĭagoro”, yiroco buto nuroyijo iso Jesure güigo. Güibojagoti rijomunigāna ñini rüjüyijo iso Jesús riojo. Ito bajicōri ñajediro bajirisere gotiyijo iso Jesure. ³⁴ Iso ito yija tuocōri, ado bajiro yiyiju Jesús:

—Maco, tuoja mu. Yure mu tuorāñajare mure yisioja yu. “Jesure yu moaĭajama catigo yigoja yu”, mu yi tuoñajare mure yisioja yu. Ito bajiri mure ri tadicoaju. Wana quenagō, cati quenagō wasa mu, yiyiju Jesús isore.

³⁵ Ito bajiro isore ĩ yirocaci minijuara wi uju Jairo wame cutigu ya wi gāna ejayijarā. Ado bajiro Jairore gotiyijarā ĩna:

—Mu maco godacoamo. “Yu macore yisioja waya”, yi josabesa Riasori masare ĩja, yiyijarā ĩna Jairore.

³⁶ Ito ĩna yibojarocati:

—Güibesa. Itoti yu masirisere tuoñi, yiyiju Jesús ĩre.

³⁷ Gājerāre suya rotibisiju Jesús. Pedro, Santiago, Juan cuni Santiago ocabaji, ĩna uñiarāreti suya rotiyiju Jesús. ³⁸ Minijuara wi uju, ya wi tu ejacōri, buto ĩna otija tuoju Jesús. ³⁹ Ito bajiri wi sājacōri ado bajiro yiyiju ĩ:

—¿No yirā otiatu maa? Macoacā cōgō meje yamo iso. Canigō yamo, yiyiju Jesús otirāre.

⁴⁰ “Usi jedicoañi iso”, yi masicōri Jesure ajayijarā ĩna. Ito bajiro ĩna yija ticōri, budi rotiyiju Jesús ĩnare. Ito yicōri macoacā ya sōa sājayiju Jesús. Iso jacusabatia rāca, ĩre suyarā uñiarā rāca sājayiju Jesús. ĩna rāca sājacōri macoacāre busiyiju Jesús. ⁴¹ Iso ya āmore ñia tūa wumucōri ado bajiro yiyiju Jesús:

—Talita cumi, yiyiju Jesús isore. Masa oca yireoni bajiro: “ ‘Macoacā, wumña’, mure yibu yu”, yireoni ña iti.

⁴² Ito i yirocaci wamu wayijo iso. Jua gubojeno rodoricō tujago ñayijo iso. Tudi iso catija ticōri, buto ucayijarā masa. ⁴³ Ito bajiri ado bajiro ñare rotiyiju i: “Gājerāre iti bajirisere gotibesa. Isore ecaya mua”, yi rotiyiju Jesús ñare.

6

Nazaretju Jesús i ware gaye
(Mt 13.53-58; Lc 4.16-30)

¹ Iti cutore budi wayiju Jesús. Budi wacōri i ya cuto ñasariju ejayiju Nazaret wame cutiroju. I rāca riasotirā cuni wayijarā i rāca. ² Ito bajiri tujacāra rama ñaroca masare riasosoyiju Jesús minijuara wiju. Ire tuocōri, “Buto masigū ñami i”, yirona ucayijarā ña. Ito bajiri ado bajiro yijijarā masa Jesure tuocōri:

—¿No bajicōri buto tuo masiatī āni? ¿Ñimu ire riasoyijari? ¿No bajicōri i buto tuo masirise ñati ire? ñasiti guijoro bajiami. Cōrāre i moaiarocati ñarise rētaoaju, yijijarā ña Jesús ya cuto gāna. ³ Gaje ado bajiro yijijarā ña: Iti ñami adoju yucu yijeri masu. María macu ñami i. Ito yicōri Santiago, José, Judas, Simón mesa rījoru ñami i. I ocabajirā romia cuni ado gāna ñama ña, yijijarā Jesús ya cuto gāna.

Ito bajiro ña yija tuocōri, Jesure boca āmibisijarā ña. ⁴ Ito ña yibojarocati ñare busiyiju Jesús:

—Diore goti isiri masare rūcubuoarā yirāji masa jeyaro. Ito bajibojarocati i ya cuto gāna, i ñarā, i ya wi gāna cuni rūcubomenaji ña. I ñarā ire tuomenaji ña, yiyiju Jesús.

⁵ Ito bajiri Jesure ña tuobejare tiyamani yi loado mañiju Jesús. Ito bajibojarocati coriarāre āmo moa jeocōri ña ñarise rētoyiju Jesús, jājarāre meje. ⁶ I ñarā ire ña tuorānubeja ticōri, “Ayu, ¿no yirā tuorānubeati ña?” yi tuoñayiju Jesús. Ito yija gaje cutoriju wayiju Jesús masare riaso ucugu wacu.

Dios oca ña goti ucutoni i rāca riasotirāre Jesús i cōare gaye
(Mt 10.5-15; Lc 9.1-6)

⁷ I rāca riasotirāre ji wayiju Jesús. Jua gubojeno amua ñayijarā ña. Gājerāre riasojaro yirocu, ñare cōayiju Jesús. Co cuto ruyabeto jūarā riti cōayiju Jesús ñare. Ito yicōri i masirise jidicāyiju Jesús ñare, “Rāmúare bucōama mua cuni”, yirocu. ⁸ Ito yicōri i rāca riasotirāre ado bajiro rotiyiju Jesús: “Mua goti ucurā waja mua ya gajeoni āmi wa yibesa. Najuro, tura baju, niyerure cuni āmi wa yibesa. Tueragu riti āmi wasa, mua bogaja itiguna tue waja. ⁹ Guboco sāñacōri, yutabuju co bujuti sāña wasa. Mua sāñarise riti āmi wasa”, yi rotiyiju Jesús ñare. ¹⁰ Gaje ado bajiro ñare rotiyiju Jesús:

—Cutori mua goti ucurā waja, mua ejari wi co witi ñacōama. Gaje wi, gaje wi wabeja. Gaje cutoju warā riti warā yirāji mua. ¹¹ Gaje cutori mua waja, masa muare cudibeja, Dios oca ña tuo āmobeja, itocōti ñare jidicāma. ñare jidicācōri ado bajiro yiba. Mua ya gubojū sita wārisere ja bateba ña ñarijare warā. Ito bajiro mua yija ticōri: “Bujato ya mani ñare. Queno yibea mani ñare”, yi tuoñarā yirāji ña, yiyiju Jesús i rāca riasotirāre.

¹² Jesús i gotirere tuocōri masare gotirona wayijarā ña: “Ñeñaro mua yirise jidicācōri Diore tuorānuña”, yijijarā ña masare. ¹³ Masare ña ya usiju rāmúa sāñanare, rāmúare bucōayijarā ña. ñarise cōrā jājarāre úye jio guijarā ña. Ito bajiro yicōri ña ñarisere rētoyijarā ña.

Juan idé guri masu i godare gaye
(Mt 14.1-12; Lc 9.7-9)

¹⁴ Masa jeyaro busiyijarā Jesús i masiro robo i yire gaye. Masa ña busire tuocōri iti cuto gagu uju Herodes cuni, masiyiju Jesús i masiro robo i yire gaye. Itire oca tuocōri ado bajiro busiyiju Herodes:

—Juan masare idé guri masu ñaguñi mucana, yiyiju i. Mucana tujacōri i masiro robo i yirisere yiguñi, yiyiju Herodes.

¹⁵ Gājerāma ado bajiro yijijarā:

—Diore goti isiri masu Elías ñayoru ñaguñi mucana, yijijarā ña.

Ito ña yibojarocati gājerā ado bajiro yijijarā mucana:

—Diore goti isiri masu jane mejeju ñayoru ñaguñi gajea, yijijarā ña.

¹⁶ Ito bajiro masa ña busija tuocōri, ado bajiro cudiyiju Herodes:

—Juan ñaguñi gajea. “Iti rāmujū i ya rijoga jatatēña ire”, yicu ya. Ito rāmū yu sīa rotija bero mucana tudi tujacōaguñi gajea, yiyiju Herodes.

¹⁷⁻¹⁸ Juan i sia ecoroto riojua, ado bajiro Herodesre busi tudiyiju i:

—Mu ocabaji Felipe manojore rucobesa mu. Ito bajiro yibitirūja mu, yiyiju Juan Herodesre.

Felipe manajo ñabojaro Herodías wame catiyijo iso. Herodes buto amoyiju isore. Ito bajiri Juan ito bajiro i yija tuocõri, ñe ñia rotiyiju Herodes i ya surarare, ñe ña tubiatoni.

¹⁹ Ito bajiro Juan i busija tuocõri, Herodías buto tuo tudiyijo ñe. Ñe sña amobojayijo iso. No bajiro ñe sña masia mañiju isore. ²⁰ Quenarise riti tuoñagũ ñayiju Juan. Ito yicõri queno usi cutigu ñayiju i, Dios i tija. Itire ticõri Juanre queno rucuboyiju Herodes. Ito bajiri Juanre camotayiju i, Herodías sñame yiroca. Juan i busiriserẽ tuo oca jabo jaguti ñe buto tuo wanayiju Herodes. ²¹ Co rama i ñara rodo gãni biajare basa meni rotiyiju Herodes. I ya moari masa ujarã rãca, ito yicõri surara ujarã rãca, Galilea ñari masa rãca cuni ña rãca basa menyiju Herodes. Ña basa wijari rama Juanre sñaroco tuoñacõyijo Herodías. ²² Iso maco ñare basa ñoyijo ña wanutoni. “Quenoguti yure basa ñoamo iso”, yi tuoñayiju Herodes. Ito bajiri ado bajiro yiyiju isore:

—¿Ñe mure ñisiguti yu ma basare waja? Mu amõrise yure seniña.

²³ Mu seniña yu gajeoni rucõrise gudarecona mure ñisicuja yu. Adi cuto gagu uju ñacõri, mu seniña gudarecona ñisicuja yu. Bugu meje ya yu adire. Ri ya yu, yiyiju Herodes Herodías macore. ²⁴ Ito i yija tuocõri, iso jacore seniñagõ wayijo iso:

—¿Ñe gajeoni ñe senigõti yu, cana? yiyijo iso.

Ito yija:

—“Juan masare idé guri masu ya rijogare amoa yu”, yiba Herodesre, yiyijo Herodías iso macore.

²⁵ Ito bajiro jaco gotija tuocõri, usirio wayijo iso uju Herodes taju. Ñe ado bajiro gotiyijo iso:

—Adocãtati Juan ya rijoga amoa yu. Somotõrona jeocõri yure ñisña, yiyijo iso ñe.

²⁶ Ito yija Herodes buto bojori bujayiju itire tuocõri. Juanre sña amõbitibojayiju i. Ito yicõri isore maño amõbisiju i. Masa ña tiro riojo, “Mu amõriseti mure ñisicuja”, i yicãre ñajare, iso seniõ bajiroti ñisiyiju i isore. ²⁷ Ito bajiri Juanre sña amõbitibojaguti, ejori oca i ya moari masare Juanre rijoga jata rotiyiju Herodes. Ito bajiro i rotija tuocõri, tubiara wi wayiju Juan ya rijoga jatagu wacu. ²⁸ Ito ejacõri Juan ya rijoga jata, somotõroju jeocõri ami wayiju i. Ami wacõri basari masore ñisiyiju i. Isoju ña iso jacore ñisiyijo.

²⁹ Juanre sñare gaye tuocõri, i rãca riasotiana i ya rujare amirã ejayijarã. Ito yicõri ñe yujeyijarã ña ña.

*Cinco mil ñarãre Jesús i ecare gaye
(Mt 14.13-21; Lc 9.10-17; Jn 6.1-14)*

³⁰ Mucana tãdi ejacõri Jesús rãca minijuayijarã i oca goti ucurã ejana. Ito bajiri ña riaso ucure gotiyijarã ña Jesure. Ña tiado bajiroti ñarocõti goti jeoyijarã ña Jesure. ³¹ Jãjarã masa warãtibe, tãdi warãtibe, yi ñayijarã masa. Ito bajiri Jesús ñe suyarã cuni ba amobojayijarã. Diju barajau mañiju ñare. Ado bajiro yiyiju Jesús i cõanare:

—Ita, wato. Ñ, masa ña manõju tujacãto mani, yiyiju Jesús ñare. ³² Ito yija jajocana wayiju Jesús masa manõju. I cõana cuni wayijarã i rãca. ³³ Masa jãjarã tiyijarã ña waja. Jesús, i cõanare cuni ti masiyijarã masa. Ito bajiri ña wagoja ticõri, boeju ñmaquedi wayijarã masa. Jesús i cõana rãca ña ejaroto riojuaju ejayijarã masa, buto wacõri. ³⁴ Cumana ejacõri maja wacuti jãjarã masare ti bujayiju Jesús. Oveja codegu mano bajiro bajiyijarã masa i tija. Ito bajiri ñare ti maiyiju i. Ito bajiri masare ti maicõri ñare riasosoyiju Jesús. ³⁵ Ñamicaju ñaroca Jesure busirona i tu ejayijarã i rãca riasotirã. Ado bajiro yiyijarã ña:

—Ñamicaju ñacõaju ña. Queno masa mama adore. ³⁶ Ito bajiri masa ña cutoju tãdi wajaro. Oju ña ñarõju bare gãme barã wajaro. Bare ma ado. Ito ñarõja, naju gãme baraju, yiyijarã ña Jesure.

³⁷ Ito yija ado bajiro yiyiju Jesús ñare:

—Masare ecaya mua, yiyiju i.

Ito yija ña, i rãca riasotirã ado bajiro ñe seniñayijarã ña:

—¿Gua bare gãmerã warãjida, jairo waja rucõrisere? Masa jajare najuro waja tãjabea, yiyijarã ña Jesure.

³⁸ Ña ito yija tuocõri, ado bajiro ñare seniñayiju Jesús:

—¿Nocõ naju rucõati mua? Titẽña maji, yiyiju Jesús i rãca riasotirãre.

Itire ticõri ñe gotiyijarã:

—Co ñajamocõ ña iti naju. Ito yicõri wai cuni jãarã ñama, yiyijarã Jesure.

³⁹ Ito yija ado bajiro masare yiyiju Jesús: “Rujaria buri ruji wasa ta quenarise joeju”, yiyiju Jesús masare. ⁴⁰ Ito bajiro i yija tuocõri, rujaria buri ruji wayijarã masa. Co bure ñayijarã cincuenta ñarã, gãjerã cien ñarã rujisosa wayijarã masa. ⁴¹ Ito yija naju co ñajamocõ ñarisere, wai jãarãre cuni ami rucõyiju Jesús i ya amona. Iti rucõcõri macãrucõroju tu mooyiju i: “Queno ya cuna mua”, yiyiju Jesús Diore. Ito yicõri najuro wẽ jea batoyiju ña. Ito yicõri i

rāca riasotirāre ĩsiyijū Jesūs. “Masare batoya”, yirocu ĩsiyijū Jesūs. Wai jāarāre batoyijū Jesūs masa űarocōti ĩna batoni. ⁴² Ito bajiri masa jeyaro bayijarā. Yaji quenaro űayijarā masa ĩja iti bacōri. ⁴³ ĩna yaji rētarisere jua gubojeno jiburijū miosā dajoyijarā ĩna ba ruarisere. ⁴⁴ Jājarā űayijarā masa, najuro waire cuni barā. Cinco milcō űayijarā ĩna űmua.

Ide joe Jesūs ĩ ware gaye
(Mt 14.22-27; Jn 6.16-21)

⁴⁵ Ito yija ĩ rāca riasotirāre ado bajiro yiyijū Jesūs:

—Cuma sājacōri siduja jēa wasa. Itoju Betsaidaju yure yuba, yiyijū Jesūs ĩnare. ĩna jēa waroca masare ware goti űayijū Jesūs. ⁴⁶ ĩnare ware goticōri turiaju maja wayijū Jesūs, Diore busirocu. ⁴⁷ Rāiocūro itajura gudarecoti tujayijū cuma maji. Ito bajiri Jesuama itajura tunima rūgōcōri ti űucayijū ĩnare. ⁴⁸ Jesūs ĩ tija buto weabojayijarā ĩna. Mino buto iti wēa tuojare josari wea wabojayijarā ĩna. Ito bajiri busucūro ide joena wacōri ĩna tu eja wayijū Jesūs. Ito bajibojarocati ĩnare rēta wacu bajiro eja wayijū ĩ. ⁴⁹⁻⁵⁰ Ide joe ĩ waja ticōri, buto awasāyijarā ĩna ucarā. “Masu wujo űaguĳji”, yi tuoĳayijarā ĩna. ĩna ucaja ticōri, ado bajiro yiyijū Jesūs:

—Oca sēoűa mua. Gūibesa mua. Yuti űa, yiyijū Jesūs ĩnare.

⁵¹ Ito cōti ĩna rāca cumaju sāja ejacoayijū Jesūs ĩja. ĩ sājaroati mino rētaoayijū. Ito bajiri buto ti ucayijarā ĩna itire. ⁵² Bare jabetacāna jājarā masare Jesūs ĩ ecaja tibojarāti, “Dioti űami ĩ”, yi masibisijarā ĩna maji. “Tiyamani ĩo masigū űami Jesūs”, yi āmobisijarā ĩna. Queno tuo masibisijarā maji.

Genesaret sita gānare Jesūs ĩ yisiore gaye
(Mt 14.34-36)

⁵³ Itajura jēacōri Genesaret wame cutiri sitaju ejayijarā ĩna. Itoju cumare sia cūyijarā ĩna. ⁵⁴ Cuma ĩna sia majaroca Jesure ti masiyijarā masa itiju gāna. ⁵⁵ Jesure ticōri usirio wayijarā gājerāre gotirona. Ito yija cōrāre ĩna ya camana āmi wayijarā Jesūs tujua. ⁵⁶ No ĩ waro bajiroti jaibiti cuto, jaja cutoju, wi manojū, majū cuni cōrāre cū yuyijarā ĩna, Jesūs ĩ yisiotoni. ĩ ya yutabuju gaja moaĳa āmorā, ĩre josayijarā ĩna. Jesūs ya yutabuju gaja moaĳanare riti ĩna űarise cutirise rētaoayijū ĩja.

7

űeűaro tuoĳacōri űeűarise yama masa, yi Jesūs ĩ riasore gaye
(Mt 15.1-20)

¹ Ito yija fariseo gaye tuoĳarā, judio masa rotirise riasori masa rāca Jesūs tu eja rūgūyijarā ĩna. Jerusalēna wadiana űayijarā ĩna. ² Jesūs tu ejacōri ĩ rāca riasotirā coriarā āmo coemenati ĩna baja tiyijarā ĩna. Ito bajiri bucurā ĩna rotiado bajiro ĩna yibeja ticōri, ĩnare busituyijarā ĩna. ³ Judio masa űajediro, fariseo gaye tuoĳarā cuni bucurā ocare queno tuo sūyayijarā ĩna. Bucurā ĩna rotiado bajiroti ruje āmo coesotiyijarā ĩna baroto riojua. ⁴ Bare waja yiadoju bare gāme tūdi ejacōri bucurā ĩna rotirise ĩna cūdiroto riojua babisijarā ĩna. Bucurā ĩna rotiado bajiroti idira coa, ide gōnaradu, ito yicōri come sota cuni coecōyijarā ĩna. Bucurā rotirise cūdirota ĩna ya caniado cuni queno coecōyijarā fariseo gaye tuoĳarā, judio masa rotirise riasori masa cuni. ⁵ Ito bajiri Jesūs rāca riasotirā ĩna āmo coemenati baja ticōri, ado bajiro ĩre seniĳayijarā ĩna:

—¿No yija mu rāca riasotirā bucurā oca tuorānubeati? yiyijarā ĩna. Tite. Coji ruayabeto āmo coemenati bama ĩna, yiyijarā fariseo gaye tuoĳarā.

⁶ Ito ĩna yijare cūdiyijū Jesūs ĩnare:

—“Queno yirā űa gūa”, yibojarāti mua tuoĳaro bajiro yibeja mua. Jane mejeju muare tuoĳa yugu ado bajiro ucaĳi Diore goti ĩsiri masu Isaĳas űayoru:
“Diore buto rūcubuoā gūa”, yirā űabojarāti mua ya usijuama queno ĩre rūcubuoābea mua.

⁷ Minijucōri, “Diore queno rūcubuoā gūa”, yirā űabojarāti rocati ya mua. Ito yicōri rocati oca busi ajea mua itire. Mua gotijama, “Bucurā oca, Dios oca bajiroti bajia”, yi gotiboja mua, yi ucaĳi Isaĳas űayoru muare tuoĳa yugu, yiyijū Jesūs ĩnare.

⁸ Dios ĩ rotirisejua queno tuorānubiticōri, bucurā ocajua queno tuorānua mua, yiyijū Jesūs ĩnare.

⁹ Mucana gaje ado bajiro ĩnare goti remoyijū Jesūs:

—Bucurā ocajuae tuo sūyarona Dios ĩ rotiriseama cūdibeja mua. ¹⁰ Ado bajiro gotiyijū Moisés űayoru: “Mu jacure, mu jacore cuni rūcubuoā”, yiyijū ĩ. “No ĩ jacure busitugu, ĩ jacore cuni busitugu sīacōruja ĩocūre”, yi ucaĳi Moisés űayoru. ¹¹ Mūama ricati bajiro rotia. Ado bajirojua rotia mua: “Yu jacusabatiare ejabuado ma yu. űarocōti yu gajeoni cutirise Dios ye riti űa. ĩ sīgūreti ejabuacuja yu”, sīgū ĩ yija, “Queno yami”, ya mua. ¹² “Ito bajiro ĩ tuoĳa, no yibeja ĩ jacusabatiare ĩ ejabuabeja”, ya mua, yiyijū Jesūs ĩnare.

¹³ Ito bajiro mua busija, bucarã ocajua tuorãncõri, “Dios oca waja ma”, yi tuoïado bajiro ya mua. Iti oca mua tuorãnrise gãjire, gãjire goti mua waju mua. Gaje jaje ñaroja mua ito yirise. Dios ocare tuorãnrã meje ña mua, yiyiju Jesús fariseo gaye tuoïarã, ito yicõri judio masa rotirise riasori masare cuni.

¹⁴ Ito bero masare jicõri ado bajiro gotiyiju Jesús:

—Mua ñarocõti tuoya yure. Ito yicõri tuo masiña mua. ¹⁵ Mani ba sãrise meje ñaroja ñeñaro mani yiroca yirise. Mani ya usiju iti ñeñaro tuoïajare itina suoriti ñeñaro ya mani. ¹⁶ Mua gãmo goje cutijama tuoya, yiyiju Jesús masare.

¹⁷ Ito yicõri masare ware goticõri wiju sãjayiju Jesús. Wiju i sãjaroca ñre seniñayjarã i rãca riasotirã:

—Iju mu masare riasorise gayere queno gotiya guare cuni, yiyijarã ña Jesure. ¹⁸ Ito ña yija tuoõõri, ado bajiro cudiyiju Jesús:

—¿Yu riasorise gaye queno tuobiti mua cuni? “Masa ña ba sãrise meje ñaroja ñeñaro ña yiroca yirise”, yu yija, ¿tuo masibeati mua? yiyiju Jesús ñnare. ¹⁹ Masa ña ba sãrise jeragaju riti waroja. ña ya usiju meje waroja iti. Ito yicõri ña ba sãrise rãta budicoaro yiroja, yiyiju Jesús ñnare.

“Bare jeyaro quenarise riti ña”, yiroca yiyiju Jesús. ²⁰ Mucana tãdi goti quenoyiju Jesús ñnare:

—Masa ña ya usiju iti ñeñaro tuoïajare itina suoriti ñeñaro yama ña. ²¹ ña ya usiju ñeñaro tuoïacõri ado bajiro ñeñarise yama masa. Manuju macore rocati yama ña. Riniama. Siama. ²² Manojo cutirã ñabobarãti rocati yama ña. Gãjire gajeoni uoama. Ñeñarise ñajediro yama ña. Ruoama. Dios i rotirisere cudibeama ña. Gãjerãre ti tudiamã. Gãjerãre busituama ña. ña gajeoni rãca, “No yiya mana ña gaa”, yama ña. “Gãjerã rãtoro masirã ña gaa”, yama ña. Ito yicõri queno tuoïabiticõri rocati yama ñaõna. ²³ Adi ñeñarise ñajediro yama ña, ña ya usiju ñeñaro iti tuoïajare, yiyiju Jesús ñnare.

*Gaje maso Jesure iso tuorãnu suvare gaye
(Mt 15.21-28)*

²⁴ Itijana wacõri Tiro wame cutiri cuto tu ejayiju Jesús. Ito ejacõri wi sãjayiju i. Masa ña masibeto eja amoyiju Jesús. Ito bajibojarocati masicõyijarã ña. ²⁵ Ito bajiri sigõ Jesús i ejare gaye masiyijo. Iso ñayijo rãmú sãñagõ jaco. Ito bajiri Jesús tu wadicõri iso ya rijomunigãna ñini rãjũyijo iso, Jesús riojo. ²⁶ Judio masagõ meje ñayijo iso. Sirofenicia gago ñayijo iso. Jesús tu ejacõri ñre josayijo: “Yu maco iso ya usiju rãmú sãñagõ ñamo. Ito bajiri iso ya usiju rãmú sãñagãre bucoãña mu”, yiyiju iso Jesure. ²⁷ Ito yija ado bajiro gotiyiju Jesús isore:

—Cajero judio masare ejabusuocuja yu, yiyiju Jesús. Gua masa riojuaju yu mure ejabuaja, rãcare najuro emacõri yaire ecado bajiro bajia, yiyiju Jesús isore.

²⁸ Ito i yija tuoõõri, ado bajiro cudiyijo iso:

—Ri ya, yu Eju mu. Ito bajibojarocati yaia bare jeoado roca ñarã boca barã yirãji rãca ña queorisere, yiyijo iso.

²⁹ Ito iso yija ado bajiro cudiyiju Jesús isore:

—Queno tuoia mu. Ito bajiri mu ya wiju tãdi wasa. Rãmú budigocõami mu macore ñja, yiyiju Jesús isore.

³⁰ Iso ya wi tãdi ejacõri caniado joeju maso iso jesaroca tiyijo iso. Rãmú budigoroju ñayijo iso ñja.

Tuobiti busibiti yigure Jesús i yisore gaye

³¹ Tiro catona wayiju Jesús. Ito ya rãtayiju Sidón wame cutiri cuto. Ito rãta wacuti Decápolis wame cutiri cutori cuni rãtayiju. Ito rãta wacu ejayiju Galilea wame cutiritaju. ³² Ito i ñaroja tuobiti busibiti yigure ãmi ejayijarã masa. ñre ãmi ejacõri Jesure seniñayjarã ña, tuobicure i ya ãmo moa jeotoni. ³³ Ito bajiri tuobicure gajerojua ãmi wayiju Jesús. Ito yicõri tuobicu ya gãmo gojeriju ãmo wãsoa sõcõayiju Jesús. Ito yicõri ãmona i ya go ide ãmicõri i ya ñemeroju moalayiju busibicure. ³⁴ Ito yicõri macãrucãroju ti mucõri usi amiyiju Jesús. Ito yicõri ado bajiro yiyiju ñre:

—Efata, yiyiju Jesús. “Gãmoru tuoya ñja”, yireoni ñayiju iti griego ocana.

³⁵ Ito i yirocati tuobicu ñabobarãti tuoõayiju ñja. Ito yicõri i ya ñemero cuni quenacoayiju ñre ñja. Ito bajiri busicoayiju i busibicu ñabojaru. ³⁶ Ito yija ado bajiro masare gotiyiju Jesús: “Gãjerãre goti bato yibesa mua”, yiyiju Jesús ñnare. Ito i yibojarocati masa jãjarãre goti batoyijarã Jesús i masiro robo i yirisere. “Gotibesa”, i yibojarocati bato busa masare goti bato wayijarã ña. ³⁷ Ito bajiro Jesús i yija ti wanucõri, ado bajiro yiyijarã ña:

—Jeyaro i yirise quenasacõa, yiyijarã masa. Tuomenare cuni ña tuoroca, busimenare cuni ña busiroca yami Jesús, yiyijarã masa.

8

*Cuatro mil ñaräre Jesús i ecare gaye**(Mt 15.32-39)*

¹ Ito rumuri mucana tãdi jãjarã masa minijuayijarã Jesús tãju. Jesús tu ñna ñaroca riti bare jedicoayiju ñnare. Ito bajiri i rãca riasotirãre jicõri ado bajiro yiyiju Jesús:

² — Ñna masare ti maia yu. Udia rumu tãja yu rãca ñna ñaroca. Ito bajiri bare ma ñnare.

³ “Bamenati wasa”, ñnare yu yija, ma gadarecoti boga quedirãji ñna. Coriarã sõju wadiana ñarãji, yiyiju Jesús i rãca riasotirãre.

⁴ Ito i yija tuocõri, ado bajiro cudiyijarã i rãca riasotirã:

— Masa ñaro meje ñajare no bajiro masare bare eca masiado ma, yiyijarã ñna Jesure.

⁵ Ito ñna yija seniñayiju Jesús ñnare:

— ¿Nocõ jaje naju rucõati mña? yiyiju Jesús ñnare.

— Jua ãmojeno najurori ña, yiyijarã ñna.

⁶ Ito yija jacaju masare ruji rotiyiju Jesús. Ito yicõri jua ãmojeno naju ñarisere ãmi rucõyiju Jesús. Itire rucocõri ado bajiro yiyiju Jesús: “Queno ya mu”, yiyiju Jesús Diore. Ito yicõri naju igata batocõri i rãca riasotirãre ñsiyiju Jesús. Ñnaju masa jeyarore batoyijarã ñja. ⁷ Ito yicõri wai cuni jabeto rucõyijarã ñna. Waire rucocõri, “Queno ya Dios mu”, yiyiju Jesús mucana. Ito yicõri i rãca riasotirãre bato rotiyiju Jesús. ⁸ Masa ñarocõti ba jediyijarã. Sígũ ruayabeto yaji quenaro ñayijarã ñna. Ñna ba ruarise ãmicõri jua ãmojeno jiburi dajoyijarã ñna. ⁹ Itiju Jesús rãca bana cuatro milcõ ñayijarã masa. Ñna ba tãoja bero ñnare ware gotiyiju Jesús. ¹⁰ Ito bero cumaju sõjayiju Jesús i rãca riasotirã rãca. Cuma sõjacõri Dalmanuta sitaju wayijarã ñna.

*“Tiyamani ñõña guare”, ñna yire gaye**(Mt 16.1-4; Lc 12.54-56)*

¹¹ Ito Jesús i eja tuocõri, i rãca busirona i tu ejayijarã fariseo gaye tuoñarã. I wisajaro yirona ñre seniñayijarã ñna. “ ‘Dios cõaru ñami i’, gua yitoni, tiyamani mu ñore ãmoa gua”, yiyijarã ñna Jesure. ¹² Ito bajiro ñna yija tuocõri, buto usi ãmiyiju Jesús. “Teoro yama yure”, yirocu ito bajiro usi ãmiyiju i:

— ¿No yija ñna masa tiyamani yi ño rotiatu ñna yure? yiyiju Jesús. Riti muare gotia yu. Tiyamani yi ñobicuja yu masare, yiyiju Jesús i rãca riasotirãre.

¹³ Ito yicõri masare cõ wayiju Jesús. Mucana tãdi cumaju sõjacõri, itajura gaje ñujajua jã wayijarã ñna.

*Fariseo gaye tuoñarã ya naju wadare gaye**(Mt 16.5-12)*

¹⁴ Jesús rãca riasotirã bare ãmi ware ãcabojayijarã. Ito bajiri ñna ya cumaju naju jabetacã ñayiju. ¹⁵ Ito yija ado bajiro gotiyiju Jesús ñnare:

— Fariseo gaye tuoñarã ya naju wadarise uco gaye queno tuo masiña mña. Herodes i gaye cuni queno tuo masiña, yiyiju Jesús i rãca riasotirãre.

¹⁶ Ito bajiro Jesús i yija tuocõri, ñnamasi gãmeri busiyijarã:

— Mani naju rucõbejare ito bajiro busiami Jesús, yiyijarã ñna.

¹⁷ Ñna busirise masicõyiju Jesús. Ito bajiri ado bajiro yiyiju i ñnare:

— ¿No yija, “Naju ma”, yati mña? yiyiju Jesús ñnare. ¿Yure masibeati mña maji? ¿Mña ya usiju tuo masimena ña mña? yiyiju Jesús ñnare. ¹⁸ Muare cajea ñabojarocati ti masibeati mña. Ito yicõri gãmore ñabojarocati tuo masibeati mña. ¿Yu masiro robo yu yirisere masibeati mña? yiyiju Jesús ñnare. ¹⁹ ¿Co ñajamocõ najurori cinco mil masa ñarãre yu bare ecaja bero ruayarise nocõ jiburi dajocati mña? yiyiju Jesús ñnare.

Ito i yija tuocõri, ado bajiro cudiyijarã ñna:

— Doce jiburi dajocu gua, yiyijarã ñna.

²⁰ — Siete najurori cuatro mil masa ñarãre yu batoja, ñna ba ruare, ¿nocõ jiburi dajocati mña? yiyiju Jesús i rãca riasotirãre.

— Siete jiburi dajocu gua, yiyijarã ñna.

²¹ Ito yija ado bajiro yiyiju Jesús ñnare:

— ¿Tuo masibeati mña maji? yiyiju Jesús.

Betsaida gagu cajea macure Jesús i yisiore gaye

²² Ito bero Jesús ñre suyarã rãca Betsaidaju ejayiju. Ito ñna ejaroca cajea macure ãmi ejayijarã masa Jesús tu. Ñre josayijarã ñna cajea macure i moãlatoni. ²³ Ito yija cajea macu ya ãmo ñiacõri ñre tãa wayiju Jesús iti cuto sõjua busacã. Ito yicõri i ya go idena cajea macure i ya cajea moãayiju Jesús. Ito yicõri ado bajiro ñre seniñayiju: “¿Ruyatu jabeto?” yiyiju Jesús cajea macure. ²⁴ Ito bajiro i yija cajea tibicu tisuoyiju jabeto. Ito bajiri ado bajiro cudiyiju i:

— Tia yu jabeto. Ito bajibojarocati masare yu tija, yucu wãrero bajiro baja, yiyiju i.

²⁵ Ito yija Jesús mɛcana tɛdi moaɪa quenoyijɛ ɪ ya cajeare. Ito ɪ yija bero queno ticoayijɛ ɪja. Nɛjediro queno ruyuyijɛ ɪre ɪja. ²⁶ Ito yija Jesús ado bajiro gotiyijɛ ɪre:

—Mɛ ya wijɛ tɛdi wasa. Cɛtoju cɛni sɛja wa yibeja. Ito yicɔri gɛjɛrɛ cɛni goti bato yibeja, yiyijɛ Jesús ɪre.

Dios ɪ cɔaru ɲami Cristo, yi Pedro ɪ goti quenore gaye
(Mt 16.13-20; Lc 9.18-21)

²⁷ Ito ɪ yija bero ɪ rɛca riasotirɛ rɛca wayijɛ Jesús, Cesarea Filipo wame cɛtiri cuto tɛ. Ma ɪna waroju ɪ rɛca riasotirɛre ado bajiro seniɲayijɛ Jesús:

—ɛNo bajiro yati masa yure ɪna tija? “ɛNimu ɲati ɪ?” ɪna seniɲaja, ɛno bajiro cɛdiati gɛjɛrɛ? yiyijɛ Jesús ɪ rɛca riasotirɛre.

²⁸ Ito ɪ yija:

—Ado bajiro yama masa mure: “Juan masare idé guri masu ɲami”, yima. Gɛjɛrɛ ɪna yijama, “Elías ɲami”, yima ɪna. Gɛjɛrɛ ɪna yijama, “Diore goti ɪsiri masu ɲami”, yima ɪna, yiyijarɛ ɪna Jesure. Ito yija ado bajiro ɪnare seniɲayijɛ Jesús:

²⁹ —ɛMɛama, ɲimu ɲami, yati mɛa yure? yiyijɛ Jesús.

Ito ɪ yija ado bajiro cɛdiyijɛ Pedro ɪre:

—Mɛti ɲa Cristo, Dios ɪ cɔaru, yiyijɛ ɪ Jesure.

³⁰ Ito bajiro ɪ yija tuocɔri:

—Gɛjɛrɛre goti batobesa mɛa, yiyijɛ Jesús ɪ rɛca riasotirɛre.

Yure sɛarɛ yirɛji, Jesús ɪ yire gaye
(Mt 16.21-28; Lc 9.22-27)

³¹ Ito yija Jesús ado bajiro ɪnare riasosuyijɛ:

—Yati ɲa Masa Rɪjoru. Bujato tɔbujagu yigɛja yɛ. Paia ɛjarɛ, judio masa rotirise riasori masa, ito yicɔri bɛcɛrɛ cɛni, “Dios Macɛ meje ɲa mɛ”, yirɛ yirɛji ɪna yure. Ito yicɔri yure sɛarɛ yirɛji. ɪna sɛaja, godacoagu yigɛja yɛ maji. Godabojaguti ɛdia rumɛ bero mɛcana tɛdi catigɛ yigɛja yɛ, yiyijɛ Jesús ɪnare. ³² Ito bajiro ɪnare gotigɛ quenaro gotiyijɛ Jesús. Itire ɪ busija tuocɔri, ricati ɛmi wayijɛ Pedro Jesure. Ito yicɔri, “Yibesa mɛ itire”, yi tudiyijɛ Pedro Jesure. ³³ Ito ɪ yija tuocɔri, juda rɛguyijɛ Jesús. Ito bajiro yicɔri ɪ rɛca riasotirɛre tiyijɛ Jesús. Ito yicɔri ado bajiro oca sɛorise rɛca gotiyijɛ Jesús Pedrorɛ:

—Rɛmɛa ɛju Satanás wame cɛtigɛ bajiro busia mɛ, yiyijɛ Jesús ɪre. Yɛ rɛca ɲabesa mɛ. Wasa mɛ. Dios ɪ tuoɪaro bajiro meje tuoɪa mɛ. Masa ɪna tuoɪabojaro bajirojuɛ tuoɪa mɛ, yiyijɛ Jesús Pedrorɛ.

³⁴ Ito yija ɪ rɛca riasotirɛ, gɛjɛrɛre cɛni jimioyijɛ Jesús. Ito yicɔri ado bajiro gotiyijɛ ɪ:

—Sígɛ yure ɪ suya ɛmoja, ɪ ye ɲaroti tuoɪabiticɔri yɛjɛare tuo mai suyagu yiguɲi. Yucu gajagu robo bajiro tɔbujabojaguti yure riti suyagu yiguɲi ɪ. ³⁵ No ɪ catirise maibojaguti godagu yiguɲi. Ito bajibojarocati yure tuorɛnɛgɛ, yɛ oca ɪ gotija tuo junisinicɔri ɪna sɛagɛama catitɛɲare gaye bujagu yiguɲi. ³⁶ Sígɛ adi macɛrɛcɛroju gajeoni jeyaro ɪ bujabojaja, ɪ ya usi jeame ɛjuoroju iti waja, ɪ ya gajeoni ɪ bujabojare ɲe waja ma. ³⁷ ɲe mani ya usi rɛto busaro waja cɛtirise manoja. Catirɛti Dios rɛca mani oca quenoja quena. Mani godaja bero ɪ rɛca oca quenore manoja ɪja. ³⁸ Adi rumari gɛna ɲeɲaro yiri masa ɲama. Ito yicɔri Diore tuorɛnɛrɛ meje ɲama ɪna. Ito bajiri, “Jesure rɛcɛbuogu ɲa yɛ”, yi tuoɪa bojobesa ɪna tiro riojo. Ito yicɔri ɲe bojore mano yɛ oca gotija quena. No yure masigɛ ɲabojaguti yure ɪ bojoja, ito yicɔri yɛ oca masibojaguti ɪ bojoja, yɛ tɛdi ejari rumɛ ito bajiroti ɪre bojogu yigɛja yɛ cɛni. Yɛ Masa Rɪjoru ɲacɔri yɛ Jacɛ Dios ɪ busirisena tɛdi ejagu yigɛja yɛ. Ito yicɔri ɪ ɲaro gɛna ɛngel mesa rɛca ejagu yigɛja yɛ, yiyijɛ Jesús.

9

¹ Ito yija gaje goti remoyijɛ Jesús ɪnare:

—ɪre tuorɛnɛrɛre Dios ɪ miojuja, ɪ masirisena miojugu yiguɲi. Riti mɛare gotia yɛ. Mɛa coriarɛ adiju ɲarɛ mɛa godaroto riojuɛ ito bajiro ɪ yisuoja tirɛ yirɛji mɛa, yiyijɛ Jesús ɪnare.

ɪna tiro riojo Jesús ɪ godo wedire gaye
(Mt 17.1-13; Lc 9.28-36)

² Co ɛmojeno ɛmɛari bero Pedro, Santiago ito yicɔri Juanre cɛni ɛmi wayijɛ Jesús ɛmari turia joeju. Itoju ɪna ejaroca ɪna tiro riojo Jesús ɪ ya rio gajero bajiro godo wediyijɛ. ³ ɪ ya yutabuju bato busa botiyijɛ. Ito yicɔri yoyijɛ ɪ ya yutabuju. ɛmɛa bueri botiro bajiro botiyijɛ. Saya coere rɛto busaro botiyijɛ ɪ ya yutabuju. ⁴ Ito ɪna tiroca Elías ɲayoru, ito yicɔri Moisés ɲayoru cɛni goaɲoyjarɛ Jesús tɛ. Ito bajiri Jesús rɛca ɪna busija tiyijarɛ ɪna.

⁵⁻⁶ Itire ticɔri bato gɛuyijarɛ Pedro mesa. Bato gɛicɔri queno tuoɪa masibisijɛ Pedro. Ito bajiri ado bajiro yiyijɛ ɪ:

—Tuoŷa yu Hju mu. Gna adojũ ñaja quenasacõa. Mũare wi meni İsiruja gna. Mũre co wi, Moisesre gaje wi, ito yicõri Elíasre gaje wi meni İsiruja gna, yiyiju Pedro Jesure, queno tuoİabiticõri. ⁷ Ito yija ide buere ruji ejacõri Jesũs, Moises ito yicõri Elíasre cuni gũmayiju. Ito yicõri bueri watoju oca ruyuyiju:

—Ăni, yu Macati ñami. İre maisacõa yu. İre queno tuoŷa mua, yi ruyuyiju oca.

⁸ Ñajasaroti, ti batocõri Jesure riti tiyijarã İna. Gãjerãma ruyubisijarã İja. Jesũs sİgũti ñayiju İna rãca.

⁹ Ito yija turia joe ñana roja wayijarã İna udiarãti Jesũs rãca. İna roja waroca ado bajiro rotiyiju Jesũs İnare:

—İju mua țigore gãjerãre gotibeja. Yu ña Masa Rjoru. Godacõri mucana tũdi catigu yiguja yu. Yu tũdi catiroto riojua mua țigore gãjerãre gotibeja maji, yiyiju Jesũs İnare. ¹⁰ İre queno tuoõõri gãjerãre gotibisijarã İna. Ito bajibojarocati İnamasiti gãmeri seniİayijarã:

—¿Ñe yireoni ñati? “Godacõri mucana tũdi catigu yiguja yu”, yire, yiyijarã İna. ¹¹ Ito bajiri Jesure seniİayijarã İna:

—¿No yija, “Cristo ejaroto riojua ejagu yiguİji Elías”, yati judio masa rotirise riasori masa? yiyijarã İna Jesure.

¹² Ito İna yija tuoõõri:

—Riti ña. Elías ñayoru robo bajigu cajero ejasogũ yiguİji. Jeyaro quenorocũ ejagu yiguİji İ. Ito bajibojarocati yu Masa Rjoru ñagũ quenabeto junirise bujagu yiguja. Ito yicõri masa yure rãcũbuomenaji. Dios oca tuti ucagore bajiroti yure rãtaru yiroja. ¹³ Riti mũare gotia yu. Elías ñayoru robo bajigu iti rũmũti ejacoaquİ İja. Ito bajibojarocati masa İna amoro bajiroti ñeİarise yicã İna İre. Dios oca tutiju ucagore bajiroti rãtacu Elías robo bajigũre, yiyiju Jesũs İnare.

*Rãmũ sãİagũre rãmũre Jesũs İ bucõare gaye
(Mt 17.14-21; Lc 9.37-43)*

¹⁴ Ito yija gãjerã İ rãca riasotiri masa tu tũdi ejayiju Jesũs. Itoju ejacõri İ rãca riasotirã tu masa jãjarã İna ñaja tiyiju Jesũs. Ito yicõri İnasa riasori judio masa rotirise riasori masa İ rãca riasotiri masa rãca İna gãmeri busija ti ejayiju Jesũs. ¹⁵ Jesũs İ ejaja ticõri, bũto wanuyijarã İna. Ito bajiri İ tu ũmaquedi wayijarã senirã warã. ¹⁶ İ tu İna ejarocati seniİayiju Jesũs İnare:

—¿İna rãca ñeõnre gãmeri busiri mua? yiyiju Jesũs İnare.

¹⁷ Ito İ yija tuoõõri, masa watoju sİgũ ado bajiro cãdiyiju Jesure:

—Tuoŷa riasogũ mu. Yu macu İ ya usiju rãmũ sãİagũ ñami İ. Ito yicõri busibicu ñami İ yu macu. Ito bajiri İre mu tũju amũ wadibu yu. ¹⁸ Yu macu ya usiju sãjacõri İ quedi quearoca yami rãmũ. Ito yicõri yu macu ya risere somo jairo budia. Guji cuni canamuoõõri ruju cuni tutua jedicoami İ. Nocõ mejeti rãmũ İ ejajare ito bajiroti baji ñami yu macu. “Yu macu ya usiju rãmũ sãİagũre bucõaİa”, yibojabu yu mu rãca riasotirãre. Rãmũre bucõa masibeamã İna, yiyiju İ Jesure.

¹⁹ Ito İ yija tuoõõri, ado bajiro cãdiyiju Jesũs:

—Yure tuoİãnumena ña mua maji. Yoari mua rãca ñaboja yu. Ito bajibojarocati yure tuoİbea mua maji, yiyiju Jesũs İ rãca riasotirãre. Yu tu amũ waya macuacãre, yiyiju Jesũs.

²⁰ Ito İ yija tuoõõri, Jesũs tũju amũ wayijarã İre. Jesure ticõri macuacã İ cõ quedi roca yiyiju rãmũ. Ito bajiri jacaju quedi queacõri tunu cũİayiju macuacã. Ito yicõri İ ya rise somo budiyiju İre. ²¹ Ito yija Jesũs seniİayiju macuacã jacure:

—¿Nocõ rodori tũjati mu macu ito İ bajiroca? yiyiju Jesũs İre.

Jesũs ito İ yija tuoõõri, ado bajiro cãdiyiju İ:

—Jaibicuacã ñagũjuti ito bajisuoquİ yu macu. ²² Coji meje jeameju İre queo İayiju rãmũ. Ito yicõri ide ñariju cuni İre queo roayiju rãmũ yu macure sãrocu. Mu guare ejabuã amojama, guare ti maicõri guare ejabuaya mu, yiyiju İ Jesure.

²³ Ito İ yija tuoõõri, ado bajiro yiyiju Jesũs İre:

—Mu yure tuoİjama, ñejua bũto josarise manoja, yiyiju Jesũs İre.

²⁴ Ito İ yija tuoõõri, ado bajiro cãdiyiju İ:

—“Yu macure yisio masiguİji Jesũs”, yi tuoİa yu. Ito bajiri bũto basa yu tuoİoni, yure ejabuaya mu, yi busiyiju İ awasãre rãca Jesure.

²⁵ İ awasãja tuoõõri, jãjarã basa minijuayijarã masa Jesũs tũju. Ito bajija ticõri, ado bajiro rãmũre oca sãoro busiyiju Jesũs:

—Tuoŷa rãmũ mu. Masa İna busibitiroca, İna tuoİbitiroca cuni ya mu. Ito bajiri macuacã ya usire budigo rotia yu mũare. Ito yicõri mucana tũdi İre sãjabesa mu, yiyiju Jesũs rãmũre.

²⁶ Ito İ yiroca rãmũ awasãõõri macuacã İ cõ quedi roca yiyiju İ. Ito yicõri İ ya usiju sãİabojaru budigocoayiju İja. İ budigorocati cõgã bajiro bajicoayiju macuacã. Ito bajija ticõri:

“Cōcoami”, yiyijarā masa. ²⁷ Ito ĩna yibojarocati Jesūs macuacā ya āmona tūa wamuoayijū ĩre. Ito ĩ yirocati rāgōcoayijū ĩja.

²⁸ Ito yija bero wi sājayijū Jesūs. Ito ĩ sāja waroca ĩre seniĭayijarā ĩna ĩ rāca riasotiri masa: —¿No yija bucōa masibiti gua rāmáre? yiyijarā ĩna Jesure.

²⁹ Ado bajiro ĩnare cūdiyijū Jesūs:

—Bamena riti Diore senicōri, āni rāmú robo bajigure bucōa masirāji mua, yiyijū Jesūs ĩnare.

Yure sĭarā yirāji, macana Jesūs ĩ tudi gotire gaye
(Mt 17.22-23; Lc 9.43-45)

³⁰⁻³¹ Itijuna wayijarā ĩna Jesūs ito yicōri ĩ rāca riasotirā cuni. Galilea sita ĩna wa rētaroca ĩ rāca riasotirāre riasoyijū Jesūs. Ito bajiro ĩnare ĩ riaso ĩnariju masa ĩna masire āmobisijū Jesūs.

—Yū ĩna Masa Rĭjoru. Yure ĩnacōri sĭarā yirāji masa. Godacoagu yigūja yu. Ito bajibojaguti ũdia rāmu bero tudi catigu yigūja yu macana, yiyijū Jesūs ĩnare.

³² ĩ gotirisere queno tuo masibisjarā ĩna. Ito yicōri bato Jesure seniĭa güiyijarā ĩna.

¿Nĭmu ĩnati ĩnasagu ĩnaroču? ĩna yi seniĭare gaye
(Mt 18.1-5; Lc 9.46-48)

³³ Itijuna wana Capernaumju ejayijarā ĩna. Itoju ejacōri wi sājayijarā ĩna. Iti wiju sājacōri, ado bajiro ĩnare seniĭayijū Jesūs:

—¿Ma wadirā ĩeonire gāmeri busiri mua? yiyijū Jesūs ĩnare.

³⁴ Jesūs ĩ seniĭaja tuobojarāti cūdbisjarā ĩna. “¿Nĭmu ĩnaguĭjida ĩnasagu mani wato?” yi gāmeri busiyijarā ĩna majū wadirā. Ito bajiri Jesūs ĩ seniĭaja cūdbisjarā ĩna ĩja. ³⁵ ĩna cūdbejare rujiyijū Jesūs. Ito bajiro yicōri ĩ rāca riasotirāre jimio jeocōyijū Jesūs:

—Sĭgū ĩnasagu ĩ ĩna āmoja, “ĩnasabicu ĩna yu”, yi tuoĭagū yigūĭji ĩ. Ito yicōri masa jeyarore moa ĩsigū yigūĭji, yiyijū Jesūs ĩnare.

³⁶ Ito yija ĩna watoju macuacāre cūyijū Jesūs. Ito yicōri macuacāre āmi jeoyijū Jesūs. Ito bajiro yicōri ĩnare ado bajiro gotiyijū:

³⁷ —No yure rūcūbuogu āni macuacāre boca āmigūti, yure boca āmigūre bajiro yami ĩ. No yure boca āmigūti yu sĭgūre meje boca āmigūĭji. Yure cōarure cani boca āmiami, yiyijū Jesūs.

Manire tuo tudibicu ĩ ĩnaguĭji mani baba, Jesūs ĩ yire gaye
(Mt 10.42; Lc 9.49-50)

³⁸ Ito yija ado bajiro gotiyijū Juan Jesure:

—Guare riasogu, tuoya mu. Mu wamena suoriti rāmáre bucōagūre ticu gua. ĩ mani rāca ĩnagū meje ĩnjare, “Yibesa”, yicu gua ĩre, yiyijū Juan Jesure.

³⁹ Ito ĩ yija tuocōri, ado bajiro cūdiyijū Jesūs:

—Queno yami ĩ. Ito bajiri ĩre rēobesa, yiyijū Jesūs. Sĭgū yure rūcūbuocōri tiyamani ĩ yi ĩoja bero ĩneĭarise busitubiquĭji yure. ⁴⁰ Ito bajiri manire tuo tudibicu ĩ ĩnaguĭji mani baba. ⁴¹ Riti muare gotia yu. Dios ĩ cōaru Cristo ĩna yu. Ito bajiri yu ĩnārā mua ĩnjare gāji muare ide ĩ ĩoja ticōri, wanugū yigūĭji Dios. Ito bajiri muare queno ĩ yijare ĩre waja yigu yigūĭji Dios, yiyijū Jesūs ĩnare.

ĩneĭaro mua yi uyaja guijorise ĩna, yi Jesūs ĩ riasore gaye
(Mt 18.6-9; Lc 17.1-2)

⁴² Ito yija ĩ rāca riasotirāre ado bajiro gotiyijū Jesūs:

—No macuacā yure tuorānuuogure ĩneĭaro yiroca gāji ĩ yija, ĩre bato waja senigū yigūĭji Dios. Quenogorama ito bajiro yigūre ĩ ya āmumaju gütagā jajoca sia yocōri rĭaca ũcaroju rucōaja quenaroja, yiyijū Jesūs ĩnare. ⁴³ “Mua ĩneĭaro yirise jidicāna mua”, yirocu ado bajiro gotiyijū Jesūs ĩnare: Mua ya āmona ĩneĭarise mua yija ĩtire jatacōña. Manire co daja āmo manija quenabetoja. Ito bajibojarocati jua āmo, āmo cutirā ĩnabojarāti jeame ũjuroju mani waja rēto busaro quenabeto yiroja. ⁴⁴ Itoju jeame yatirime meje ĩnaro yiroja. Ito yicōri co rāmu rūyabeto rujure barā yirāji becoa. ⁴⁵ Mua ya gubona ĩneĭarise mua yija ĩtire cuni jatacōña. Manire co daja gubo manija quenabetoja. Ito bajibojarocati jua gubo, gubo cutirā ĩnabojarāti jeame ũjuroju mani waja rēto busaro quenabeto yiroja. ⁴⁶ Itoju jeame yatirime meje ĩnaro yiroja. Ito yicōri co rāmu rūyabeto rujure barā yirāji becoa. ⁴⁷ Mua ya cajeana ĩneĭarise mua yija ĩtire ruacōña. Manire co daja cajea manija quenabetoja. Ito bajibojarocati jua cajea, cajea cutirā ĩnabojarāti jeame ũjuroju mani waja rēto busaro quenabeto yiroja manire. ⁴⁸ Itoju jeame yatirime meje ĩnaro yiroja. Ito yicōri co rāmu rūyabeto rujure barā yirāji becoa, yiyijū Jesūs ĩnare.

⁴⁹ Mani jea waja, iti juniro bajiro tōbujarā yirāji Diore tuorānumena. ⁵⁰ Quenarise ĩna moa. Ito bajibojarocati moa ocarise iti jedija macana tudi ocabetoja ĩja. Ito bajiri waja mano

bajiroti ñaroja moa ñja. Ito bajiri moa queno ocarise bajiro bajirã ñaña mua. Ñe oca manoti ñaña mua. Ito yicõri sigũ robo bajiro tuoña ñaña mua, yiyiju Jesús i rãca riasotirãre.

10

Manojore jidicãre ma, yi Jesús i riasore gaye

(Mt 19.1-12; Lc 16.18)

¹ Capernaumju ñacõri Judea sitaju wayiju Jesús. Ito ejacõri Jordán wame cutirisa boejuaju wayiju Jesús. Itoju masa jãjarã minijuyijarã mucana Jesús rãca. Ña ejaja ticõri, ñare riasoyiju Jesús i yisotiro bajiroti. ² Jesús masare i riaso ñaroca i tu ejayijarã fariseo gaye tuoñarã. Jesús i tuo wisajaro yirona ado bajiro ñre seniñayijarã ña:

—¿Ûmugũ i manojore cõaja, ñeñarise ñati iti? yiyijarã ña Jesure. ³ Ito ña yija ado bajiro cudiyiju Jesús:

—¿No bajiro muare rotiyijari Moisés ñayoru? yiyiju Jesús ñare.

⁴ Ito i yija tuocõri, ado bajiro cudiyijarã ña:

—Ado bajiro gotiyiju Moisés ñayoru: “Sigũ manojore i cõa ãmoja papera ucaruja. ‘Yu manojore te ñamo. Ito bajiri isore cõagũ ya yu’, yire papera uca tuocõri, isore cõagũ yiguñi ñ’, yiyiju Moisés ñayoru, yiyijarã fariseo gaye tuoñarã Jesure.

⁵ Ito ña yija tuocõri, ado bajiro yiyiju Jesús:

—Mua ya usija tuo terã mua ñajare manojore cõare gaye rëobisiju Moisés. ⁶ Jane mejeju cajero masare rujeosogũ ãmugũ ito yicõri romiore cani rujeoyiju Dios. ⁷ Ito bajiri manojore bujacõri ricati ñagũ yiguñi ãmugũ i manojore rãca. Ito bajiri jacusabatia tu butogoroama ñasabiquñi i ñja. ⁸ Ito yicõri manojore rãca jũarã ñabojarãti sigũre bajiroti ñarãji ña. Ito bajiri jũarã meje ñarãji. Sigũ bajiroti ñacõrãji ña ñja. ⁹ Manojore ãmo siaja bero sigũre bajiroti ñama ña, Dios i tiro riojo. Ito bajiri manojore cõare ma ñja, yiyiju Jesús ñare.

¹⁰ Wiju sãja wacõri Jesure i gotirisere seniñayijarã ña i rãca riasotiri masa. ¹¹ Ito ña yijare ado bajiro cudiyiju Jesús:

—No manojore cõagũ quenabeami. Ito yicõri gajeo i manojore cutija rocati yigu bajiro yami i. Cajero i manojore cutisogore ñeñaro yigu yami iocũ. ¹² Ito bajiroti romio cani, iso manujare cõagũ quenabeamo. Ito yicõri gãji iso manujare cutija rocati ajego bajiro yamo iso. Cajero iso manujare cutisogore ñeñaro yigo yamo iso, yiyiju Jesús ñare.

Rĩacare queno yijaro Dios, Jesús i yire gaye

(Mt 19.13-15; Lc 18.15-17)

¹³ Rĩacare tãa wadiyijarã masa Jesús tuña. Rĩacare i moaãre ãmoyijarã masa. Ito bajiro ña yija ticõri, ado bajiro yiyijarã Jesús rãca riasotiri masa:

—Jesure usirioro yibesa mua, yiyijarã ña masare. ¹⁴ Itire ticõri junisiniyiju Jesús. Ito bajiri i rãca riasotirãre ado bajiro gotiyiju Jesús:

—Rĩacare rëobesa, yu tu wadijaro ña. Rĩaca ñama yure queno tuorũnarã. Ña robo yure queno tuorũnarã i rotiroju miojugu yiguñi Dios. ¹⁵ Riti muare gotia yu. Rĩaca queno cudi ãmoama Dios i rotirisere. No rĩaca ña cudiro bajiro cudibicu Dios i rotiroju ejabiquñi, yiyiju Jesús i rãca riasotirãre.

¹⁶ Ito yicõri rĩacare ãmi jeoyiju Jesús. Ito bajiro yicõri i ya ãmona ñare moa jeoyiju. Ito yicõri: “Queno yijaro Dios muare”, yiyiju Jesús rĩacare.

Gajeonire buto maisabeja quena, Jesús i yire gaye

(Mt 19.16-30; Lc 18.18-30)

¹⁷ Itijuna Jesús i wasuorocati i tuju ãmaquedi ejayiju ãmugũ. Jesús riojo ejacõri rijomunigãna ñini rũñyiju i:

—Tuoya Riasogu mu. Quenagũ ña mu. Dios rãca catitũña ãmoa yu. ¿No bajiro yiguti yu Dios rãca catitũnaroca? yiyiju i Jesure.

¹⁸ Ito i yija tuocõri, ado bajiro cudiyiju Jesús:

—¿No yija, “Quenagũ ña mu”, yati mu yure? Dios sigũti ñami quenagũ. ¹⁹ Dios i rotirisere masia mu. Ado bajiro gotia iti: “Masare siabesa. Manojore cutigu gajeo rãca ajebesa. Rinibesa. Gãjire busitubesa. Gãjerãre ruobesa. Mu jacu, mu jacore cani queno rãcubuoja”, yi gotia Dios oca. Itire masia mu, yiyiju Jesús ñre.

²⁰ Ito i yija tuocõri, ado bajiro yiyiju:

—Tuoya Riasogu mu. Dios i rotirisere masicõri mamũ ñagũjuti queno cudicu yu, yiyiju i Jesure.

²¹ Ito i yija tuocõri, ñre ti maiyiju Jesús:

—Coji gaye mu yiroti rãya maji. Mu ya gajeoni gãjerãre ñsi jeocõña. Iti waja bujacõri bojoro bujarãre ñsiña. Mu ito yija ãmacũju Dios tu ejacõri jairo waja bujagu yiguja mu. Ito bajiri yu gotirisere cudiya. Ito yicõri yu rãca waya, yiyiju Jesús ñre.

²² Ito bajiro Jesús busija tuocōri, bojori bajayijū ī. Gajeoni jaigu ñacōri itire buto maiyijū ī. Ito bajiri Jesús busire tuocōri bojori bajagati wayijū ī.

²³ Ito yija Jesús ī rāca riasotirāre ti batocōri ado bajiro busiyijū:

—Gajeoni jairāre josari ñaro yiroja Dios ī rotiroju īna ejaroto, yiyijū Jesús īnare.

²⁴ Ito bajiro ī yija tuocōri, ucayijarā ī rāca riasotiri masa. Ito bajiri mucana īnare goti remoyijū Jesús:

—Tuoya yu rīa mua. Gajeonire riti tuoñarāre josari ñaroja īnare Dios ī rotiroju īna ejaroto.

²⁵ Gawa jota gojere camello ī rēta wa amobojaja josari ñaroja īre. Ito bajibojarocati gajeoni jaigu Dios ī rotiroju ī wa amobojaja josari busa ñaroja īre, yiyijū Jesús ī rāca riasotirāre.

²⁶ Ito bajiro ī busija tuocōri, buto oca jaiyijarā īna. Ito bajiri īnamasiti gāmeri senīasuoijarā:

—Riti ī yijama, sigū Dios tu ejabiquīji, yiyijarā īna.

²⁷ Ito yija Jesús īnare ti maicōri, ado bajiro īnare gotiyijū:

—Masa eja masiado manoja. Josari ñaroja īnare. Dios sigūti jeyaro masigū ñami. Ñejuja josarise manoja īre, yiyijū Jesús īnare.

²⁸ Jesús ito yija tuocōri, Pedro cudiyijū īre:

—Queno tuoya mu. Gaa ya gajeonire jidicācōri mure suya gaa, yiyijū Pedro Jesure.

²⁹⁻³⁰ Ito ī yija ado bajiro cudiyijū Jesús:

—Riti muare gotia yu. Gājerāre Dios oca gotirona yure suyacōri īna ñarāre cū warā yirāji coriarā. īna ocabajirā, īna jacu, īna jaco, īna rīa ito yicōri īna ya wesezare cūni cū warā yirāji īna yure suyarona. Ito bajiro yirāji īna gājerāre Dios oca goti amōrā. No yure suya amocōri ī ñarāre cū wacare, queno yigu yiguīji Dios īre. Jaje wiri, wesezari, ocabajirā, jacosaromia ito yicōri rīa jājarā īsigū yiguīji Dios īre. Ito bajibojarocati yure suyacōri quenabeto tōbajagu yiguīji ī. Ito bajicōri ija catitīñare īsigū yiguīji Dios īre. ³¹ Coriarā adocāta ñasari masa ñabobarāti, ija Dios tu ejacōri ñasari masa meje ñarā yirāji īna. Gājerāma adocāta ñasarā meje ñabobarāti ija Dios tu ejacōri ñasari masa ñarā yirāji īna, yiyijū Jesús īnare.

*Yure sīarā yirāji, Jesús ī yi busisusare gaye
(Mt 20.17-19; Lc 18.31-34)*

³² Jerusalénju wara mana wayijarā īna. ī rāca riasotirā riojua wayijū Jesús. Ito īre īna suya waroca tuoña oca jaiyijarā īna. “¿No yija Jerusalénju ī waja güibeati Jesús?” yi tuoñayijarā īna. īna bero suyarāma buto güiyijarā. Masa īna güija ticōri, ricati ī rāca riasotirāre goti remosusayijū Jesús ī godaroti gaye:

³³ —Queno tuoya mua. Jerusalénju warā ya mani. Itoju Masa Rījoru yu ñajare yure ñiarā yirāji masa. Paia ujarā ito yicōri judio masa rotirise riasori masare cūni īsirona yure ñiarā yirāji īna. Ito bajiri yure boca amicōri sīa rotirā yirāji īna. “īmo īre sīañā”, yirā yirāji īna gawa masare. ³⁴ Ito yicōri yure aja tudirā yirāji īna. Yure go ide eobate gurā yirāji īna. Yure bajarā yirāji īna. Ito yicōri yure sīarā yirāji īna. Ito bajibojarocati udiā rāmū bero tūdi catigū yigūja yu mucana, yiyijū Jesús īnare.

*Santiago mesa Jesure īna senīa amōre gaye
(Mt 20.20-28)*

³⁵ Ito yija Zebedeo rīa Juan, Santiago cūni eja rügūyijarā īna Jesús tu:

—Tuoya Riasogu mu. “Ado bajiro guare queno yija”, mure gua senija mu cudire amoa gua, yiyijarā īna Jesure.

³⁶ Ito īna yija tuocōri, ado bajiro cudiyijū Jesús:

—¿No bajiro yu yire amoati mua? yiyijū Jesús īnare.

³⁷ —Mu rotiroju gua ejaroca mu rāca guare ruji rotiba mu. Sigāre mu riojocadujaju ito yicōri gājire mu gācodujaju mu ruji rotire amoa gua, yiyijarā īna Jesure.

³⁸ Ito īna yija tuocōri, ado bajiro cudiyijū Jesús:

—Mua yure senibojarisere queno tuo masibeā mua. Quenabeto yu tuoñaroca yirā yirāji masa yure. ¿Yure bajiroti quenabeto tuoña ñemecatī masirā yirājida mua cūni? yiyijū Jesús īnare.

³⁹ —Ñemecatīcōrāji gua, yiyijarā īna Jesure.

Ito īna yija ado bajiro yiyijū Jesús:

—Riti muare gotia yu. Quenabeto yu tuoñaro bajiroti quenabeto tuoñarā yirāji mua cūni.

⁴⁰ Ito bajibojarocati yu rāca muare ruji roti masibeā yu. Yu riojocaduja, gācoduja cūni Dios sigūti yu tu rujironare rotigū yiguīji. Itoju ruiado īnare queno īsigū yiguīji Dios, yiyijū Jesús īnare.

⁴¹ Ito bajiro īna busija, gājerā Jesús rāca riasotirā juā dūjamocō ñarā tuoñayijarā. Ito bajiri īnare tuocōri Juan, Santiagore cūni junisini tiyijarā īna. ⁴² Ito bajija ticōri, īnare jimioyijū Jesús:

—Wi ujū sīgū ī űaja iti wi gānare roti masiguűji. Ito bajiroti masa ujū sīgū ī űaja wi ujārē roti masiguűji ī. ⁴³ Īnare bajiro bajibitirujā muare. Ado robojua bajia. Mua wato no ujū űa āmogūti gājerāre moa űsija quena. ⁴⁴ No űasagu űa āmogūti gājerāre ejabuajā quena. Īnare moa űsiri masu robo bajiroti ī moa űsija quena. ⁴⁵ Yu űa Masa Rijoru. Masa yure moa űsijaro yirocu meje wadicu yu adi sitaju. Masare ejabuaro cu wadicu yu. Masare goda űsirocu wadicu yu. Ito yicōri ĩna űēnaro yirise waja, waja yi űsirocu wadicu yu, yiyiju Jesūs ĩnare.

Cajea macure Jesūs ĩ yisioire gaye

(Mt 20.29-34; Lc 18.35-43)

⁴⁶ Mucana wacōri Jericó wame cutiri cutoju ejayiju Jesūs ĩre suyārā rāca. Iti cutoju Jesūs ĩ budiroca ĩ rāca riasotirā rāca, masa gājerā suyayijārā ĩre. ĩna wari ma tu rujiyiju tibicu, Bartimeo wame cutigu. Timeo macu űayiju ī. Gajeoni macu űari gājerā ĩre queno yitoni buto josayiju Bartimeo. ⁴⁷ Jesūs Nazaret gagu ĩ rēta waja tuocōri, buto awasāre rāca ĩre jiyiju tibicu: —Tuoya Jesūs mu. David űayoru janerābatia janami űa mu. Yure ti maiűa mu, yiyiju tibicu Jesure.

⁴⁸ Ito bajiro ĩ yija tuocōri, jājarā ĩre tudiyijārā tibicure: “Busibesa mu”, yiyijārā masa ĩre. Ito bajiro ĩna yibojarocati buto busa awasāyiju mucana:

—Tuoya David janami mu. Yure ti maiűa mu, yiyiju tibicu Jesure.

⁴⁹ Ito bajiro tibicu ĩ yija tuocōri, tuja rūgācoayiju Jesūs ĩja.

—Īre jiya mua, yiyiju Jesūs masare.

Ito ĩ yija tibicure jiyijārā ĩna:

—Wanu oca seōűa. Ito yicōri wamu rūgūűa. Jesūs mure jiami, yiyijārā masa tibicure.

⁵⁰ Ito bajiro ĩna yija tuocōri, Jesūs taju warocu yutabuju joegadore ruacōri bubu quedu rūgū wayiju ī. ⁵¹ Ī ejaja ticōri, ado bajiro yiyiju Jesūs ĩre:

—ĀNo bajiro yu yire āmoati mu? yiyiju Jesūs ĩre.

—Tuoya Riasogu mu. Yu ya cajea ruyubea yure. Ti āmoa yu, yiyiju tibicu Jesure.

⁵² Ito yija ado bajiro ĩre cudiyiju Jesūs:

—Wasa mu. “Jesūs yure yisio cōgū yiguűji”, mu yi tuoűajare mure yisioa yu, yiyiju Jesūs tibicure.

Ito bajiro Jesūs ĩ yirocati ticoayiju tibitibojaru ĩja. Ito bajiri Jesure saya wayiju ĩ tibitija bero ticōri.

11

Jerusalēnju Jesūs ĩ ejare gaye

(Mt 21.1-11; Lc 19.28-40; Jn 12.12-19)

¹ Jerusalēn sōjua busa Olivos wame cutiri turia tu ejayijārā. Itoju jua cuto űayiju. Betfagé, Betania wame cutiri cutori űayiju iti turia tu. Ito tu busa ejacōri ĩ rāca riasotiri masa jāarāre cōayiju Jesūs. ² Ado bajiro gotiyiju Jesūs ĩnare:

—Mani riojo űari cutoju wasa. Itoju burro macu sia rūgōrure bujarā yirāji mua. Noa masa muja jeaűa yiya macu űaguűji maji. ĩre űjama. Ito yicōri ĩre āmi wadiba. ³ Gājerā muare seniűaja: “ĀNo yirā ĩre āmi wati mua?” ĩna yija, ado bajiro cudiba mua: “Mani űju āmoami ĩre. Ito bajiri āmi waju gua. Nocō mejeti juda cōagū yiguűji mucana”, yi gotiba, yiyiju Jesūs ĩna jāarāre.

⁴ Ito ĩ yija tuocōri, wayijārā ĩna. Ito ejacōri maji ĩna sia rūgōrure ti bujayijārā ĩna. Soje tuti rūgōyiju ī. ĩre bujacōri űjayijārā ĩna.

⁵ Itoju űarā ĩnare ado bajiro seniűayijārā:

—ĀNo yirona yati mua? ĀNo yija burro macure űjati mua? yiyijārā ĩna.

⁶ Ito ĩna yija tuocōri, Jesūs ĩ rotiado bajiroti cudiyijārā ĩna. Ito bajiri itiju gāna Jesūs rāca riasotirāre wa rotiyijārā. ⁷ Ito yija burro macure āmi wayijārā Jesūs taju. Ito yicōri ĩna ya yutabujuri burro macu joeju jeoyijārā. ĩ tu ĩna āmi ejarocati burro joeju muja jeayiju Jesūs.

⁸ Jājarā masa ĩna ya yutabujuri ruacōri ĩ riojua yutabujuri eyocū yuyijārā ĩna. “Gua űju űa mu”, yirona ito bajiro yiyijārā masa Jesure rūcuborā. Gājerā mimi caeri jatacōri jidicū yuyijārā ĩ cadatoni.

⁹ Jesūs riojua űmatārā cuni ĩ berojua suyārā cuni ruje awasāyijārā masa wanu quenarā:

—Dios sīgūti űami quena busagu. Dios Macu ĩ cōaru űju quenagū űami ī. ¹⁰ Mani űicu David űayoru ĩ rotija quena űayiju. Ito bajiroti quenari rodo űaro yiroja mucana. Dios sīgūti űami quena busagu, yiyijārā ĩna wanu quenarā.

¹¹ Ito bajiro ĩna yiroca riti Jerusalēnju ejayiju Jesūs. Ito ejacōri Dios ya wi sāyayiju ī. Jeyaro ti batoyiju Jesūs. Ito bero iti rāojo ticōri, Betaniaju tūdi wayiju Jesūs ĩ rāca riasotirā rāca. Jua gubojeno űayijārā ĩna, ĩ rāca riasotirā.

Higuera rica manigāre Jesūs ĩ rojare gaye

(Mt 21.18-19)

¹² Gaje ramu Betaniana wayijarã ina. Ina waroca Jesús ñiocõyju. ¹³ Sõjuna higuera wame cutiricu tiyiju Jesús. Rãjagũ robo bajiricu ñacu higuera wame cutiricu. Queno jũ catiyiju. Ito bajiri tigu wayiju Jesús higuera gu ricare baroca. Ito bajibojarocati higuera gu ta ejacõri jũ riti bujayiju Jesús. Rica mañiju cãma meje ñajare. ¹⁴ Itigu rica manija ticõri, ado bajiro yiyiju Jesús itigure:

—Mu ya ricare tãdi bamenaji masa. Rica mano yiroja ñja, yiyiju Jesús itigure.
Ito bajiro ñ busija tuoyijarã ñ rãca riasotirã.

Dios ya wiju niyeru wasoari masare Jesús ñ bucõare gaye

(Mt 21.12-17; Lc 19.45-48; Jn 2.13-22)

¹⁵ Jerusalen tãdi ejacõri Dios ya wi sãjayiju Jesús ñ rãca riasotirã cãni. Ito sãja ejacõri ito waja gãme ñarãre bucõayiju Jesús. Niyeru wasoarãre ñna ya niyeru jeoado tujãda queoyiju Jesús. Ito yicõri buja waja gãmerã ye ñna ya cumurori tujãda cõayiju Jesús. ¹⁶ Ito bajiri Dios ya wiju gajeoni ãmi wa rotibisiju ñnare. ¹⁷ Ito yicõri ado bajiro masare riasoyiju:

—Ñ oca tutina ado bajiro gotiami Dios: “Yure rucãbuora wi ñaro yiroja yu ya wi. Masa jeyaro yure busirã yirãji iti wiju sãjacõri”, yi gotia Dios oca. Ito bajiro mua yija riniri masa ñna rudiri wi bajiro godõ weoa mua Dios ya wire, yiyiju Jesús.

¹⁸ Ito bajiro Jesús ñ yija tuocõri, “¿No bajiro ñre sãrujati mani?” yi tuoñayijarã paia ujarã, judio masa rotirise riasori masa cãni. Masa jeyaro ñre riti ñna tuorãñujare, ito bajiro tuoñayijarã ñna, Jesure gũirã. ¹⁹ Rãiocũro ñaroca iti cutore wayiju Jesús ñ rãca riasotirã rãca.

Higuera rica manigã iti siniare gaye

(Mt 21.20-22)

²⁰ Gaje ramu busuri jiju macana mana warã higuera wame cutiricu ta ejayijarã ñna. Ito ejacõri higuera gu iti siniãja tiyijarã ñna. Ñe mari cãni siniacoayiju itigu ñja. ²¹ Itocõti Jesús ñ busigore tuoña bujayiju Pedro:

—Tiya guare Riasogu mu. Itigure mu rojaja bero sinicoayija itigu ñja, yiyiju Pedro Jesure.

²² Ito ñ yija tuocõri, ado bajiro gotiyiju Jesús ñ rãca riasotirãre:

—Diore mua tuorãñuja quena. “Diore gua senija cudigu yiguñji”, mua yi tuoñaja quena, yiyiju Jesús ñnare. ²³ Riti muare gotia yu. Diore tuorãñucõri, ñ turiare, “Cãni rãgãcõri riacã jajosaju quedi roaya”, mua yija ito bajiroti rãtaro yiroja. Diore senicõri, “Yu senirise cudibiquñji Dios”, yi tuoñabesa mua. Diore senicõri, “Yu senirise cudigu yiguñji Dios”, yi tuoñaña mua. Mua ito yijati ito bajiroti rãtaro yiroja. ²⁴ Ito bajiri Diore senicõri: “Yure cudicãñi ñ”, yi tuoñaña mua ya usina. Mua ito yijati muare cudigu yiguñji Dios. Ito yicõri mua ãmorise muare ñsigũ yiguñji ñ. ²⁵ Diore busirãti, gãjerã ñeñaro ñna yirise ãcabojaja quena. Ito bajiro mua yijati, mani Jacu ñmacãju gagu mua ñeñaro yirisere ãcabojogu yiguñji ñ cãni. ²⁶ Ito bajibojarocati muare gãjerã ñna ñeñaro yirisere mua ãcabojobeja, mani Jacu ñmacãju gagu mua ñeñaro yirise ãcabojobiquñji ñ cãni, yiyiju Jesús ñnare.

¿Ñimu ñ rotijare ito bajiro yati mu? yi Jesure ñna senĩare gaye

(Mt 21.23-27; Lc 20.1-8)

²⁷ Ito yija bero Jerusalenju tãdi wayiju Jesús ñ rãca riasotirã rãca. Itoju ejacõri Dios ya wi wayiju Jesús. Ito ñ ñna ucurocati ñ ta eja rãgũyijarã paia ujarã, judio masa rotirise riasori masa ito yicõri judio masa bucãrã cãni. ²⁸ Ito ejacõri ado bajiro Jesure senĩayijarã ñna:

—¿Dios ya wiju masare mu bucõaja, ñimu roticati mure? ¿Ito yicõri ñimu ñ rotirise rãca ito bajiro yicati mu? yiyijarã ñna Jesure.

²⁹ Ito ñna yija tuocõri, ado bajiro cudiyiju Jesús:

—Yu cãni coji gaye muare senĩã ãmoa. Mua yure cudija tuocõri, yure rotigu wame gotigu yiguña yu muare. Ado bajiro muare senĩã yu: ³⁰ ¿Juan masare idẽ gutoni, ñimu rotiyijari ñre? ¿Dios rotiyijari ñre? ¿Masajua rotiyijari ñre? Yure cudija mua, yiyiju Jesús ñnare.

³¹ Ito ñ yija tuocõri, ñnamasiti gãmeri tuoña busiyijarã:

—¿No bajiro ñre cudirãti mani? “Juan masare idẽ gutoni cõayiju Dios”, mani yija, “¿No yija Juanre tuobiticati mua?” manire yigu yiguñji Jesús. ³² Ito bajibojarocati, “Masa rotiyijarã Juanre”, mani yija, manire junisinirã yirãji masa. “Juanre cõayiju Dios”, masa ñna yi tuoñajama, ¿no bajiro Jesure cudirã yirãjida mani? yi tuoñayijarã paia ujarã. ³³ Ito bajiri:

—Masibea gua, yiyijarã ñna Jesure.

Ito ñna yijare:

—Bau, yure rotiru wame gotibicaja yu cãni muare, yiyiju Jesús ñnare.

12

Queno moare rujeo masimena Jesús ñ yire gaye

(Mt 21.33-46; Lc 20.9-19)

¹ Goti masiore ocana ado bajiro masare riasoyiju Jesús:

—Sīgū uyé wese oteyijū ī. Ito yicōri masa īna rinime yirocū camotayijū ī wesecare. Ito yicōri uyére wañiaroti goje meniyijū uyé idere ñurocū. Ito yicōri ūmari wi meniyijū ī ya wesecare, tirānucūja, yiroca. Ito yija bero gājerāre ado bajiro gotiyijū ī: “Yū ya wesecare mua codeja muare waja yigū yigūja yū”, yiyijū ī ĩnare. Ito yicōri wa ucugū wacoayijū ĩja. ² Yoa busarijū uyé rica bucaroca ī ya moari masure cōayijū uyé ĩre āmi ĩsitioni. ³ Uyé wesejū ī ejaroca ĩre ñiacōri jayijarā weseca coderi masa. ĩre uyé ĩsimenati, “Wasa”, yiyijarā ĩna. Ito bajiri ñe manoti tudī ejayijū ĩre roti ñucarū tū. ⁴ Uyé ī āmibeja ticōri, gāji moari masure cōayijū weseca uju, uyé ĩre āmi ĩsitioni. Uyé wesejū ī ejaja ticōri, ĩre cūni jayijarā ĩna. Ito bajiri ī ya rijogajū camī cutiyijū ī. Ito bajiro ĩre yicōri ñeñaro busiyijarā ĩna. ⁵ Ito bajiro ĩre ĩna yija ticōri, mucana gājire cōayijū iti wese uju. ĩ ejaja ticōri, ĩre sīayijarā weseca coderi masa. Ito bajiri jājarā busa cōayijū iti wese uju ĩja. ĩnare cūni ito bajiroti yiyijarā weseca coderi masa. Coriarāre buto jayijarā. Gājerāre sīayijarā ĩna.

⁶ Sīgū macū cutiyijū iti wese uju. ĩre buto maiyijū ī. “Yū macure rūcubuarō ĩre tuorā yirāji ĩna”, yī tuoñayijū ī. Ito bajiri ī macure cūni cōasusayijū ī ĩja. ⁷ Ito bajiri weseca uju macū ī ejaja ticōri, ado bajiro gāmeri busiyijarā weseca coderi masa: “Adi wese uju macū ñami āni. ĩ jacū godaja bero adi wese ī ya wese ñaro yiroja. ĩre sīato manī adi wese ujarā ñarona. Ito bajiri manī ĩre sīaja bero manī ya wese ñaro yiroja ĩja”, yiyijarā ĩna. ⁸ Ito bajiri ĩre ñiacōri sīayijarā ĩna. Ito yicōri ī ya rujure weseca tunimajū cōayijarā ĩna. Itocōti ña adi oca, yiyijū Jesús ĩnare.

⁹ Ito bajiro ĩnare goti ticōri, ado bajiro seniñayijū Jesús masare:
—¿No yigū yigūñida weseca uju ĩnare? Ado bajiro yigū yigūñi ī. Weseca coderāre sīagū wacu yigūñi ī. Ito yicōri gājerāre weseca code rotigū yigūñi ī, yiyijū Jesús ĩnare.

¹⁰ Gaje ado bajiro gotiyijū Jesús:
—¿Dios oca tutire tiñabati mua? Tuoya mua ado bajiro gotia:
Gūta wi meniri masa coga gūtagā cōayijarā ĩna. Ito bajibojarocati gaje gūta rēto busaro quenarica ñayijū ĩna cōabojaraga. Itiga gūtagāna suoriti quenari wi menigū yigūñi Dios. Itiga gūtagā manija, ñe menire manoja ĩja.

¹¹ Ito bajiro āmoñi Dios manī Ujū. Ito bajiri itire masicōri buto tuoña wanua manī, yī gotia Dios oca.

Ito bajiro yīñi Dios yure rētaroti tuoña yugū, yiyijū Jesús ĩnare.

¹² Ito bajiro Jesús ī yija tuocōri, ĩre ñia āmobjayijarā iti cuto ñari masa. “ ĩto bajirā ñama ĩna’, manire yirocū iti ocare gotimi Jesús”, yī tuoñayijarā ĩna. Ito bajibojarocati masare gūirā Jesure ñiabisijarā ĩna. Ito bajicōri itijuna wacoayijarā ĩna ĩja.

Ījarāre manī waja ruyurioja ñaro bajiroti waja yija quena, Jesús ĩ yire gaye
(Mt 22.15-22; Lc 20.20-26)

¹³ Fariseo gaye tuoñarā, Herodes ī baba mesa cūni ejayijarā ĩna Jesús taju. ĩna ujarā rotija tuocōri, Jesús tū wayijarā ĩna. “Jesús ī cudī masibeja, ĩre oca menī masirā yirāji manī”, yī tuoñacōri ī tū ejayijarā ĩna. ¹⁴ ĩ tū ejacōri ado bajiro yiyijarā ĩna:

—Tuoya Riasogu mu. Riojo gotigū ña mu. Masa mure busituja guijobea mure. “Masa jeyaro coro bajiroti ñama”, yī tuoña mu. Dios ī gotirise riojo riasogu ña mu. Riojo gotigū mu ñajare mure seniña gua: “¿Roma cuto gagu ujure ī rotiado bajiroti ĩre gua waja yija quenati? ¿ĩre gua waja yibeja cūni quenatite?” yī seniñayijarā ĩna Jesure.

¹⁵ ĩna tuoñarise masiyijū Jesús. Ito bajiri ado bajiro ĩnare cudiyijū ī:
—¿No yija yure rao āmoati mua? Niyeru cuji yure āmi ĩsitēña. Tirocū ya yū, yiyijū Jesús ĩnare.

¹⁶ Ito ī yija tuocōri, niyeru cuji ĩre āmi ĩsiyijarā ĩna. Iti kujire ticōri ado bajiro ĩnare seniñayijū Jesús:

—¿Ñimu ya rio ñati mua tija? Ito yicōri, ¿ñimu wame ucare wāñati ado? yiyijū Jesús ĩnare. Ito yija ado bajiro Jesure cudiyijarā ĩna:

—Ujū César ya rio bajiro baja, yiyijarā ĩna Jesure.

¹⁷ ĩna ito yija tuocōri, ado bajiro cudiyijū Jesús:

—César ye iti ñajama ĩre ĩsija quena. Ito yicōri Dios ye iti ñaja cūni ĩre ĩsija quena, yiyijū Jesús ĩnare. Ito bajiro Jesús ī yija tuo ucayijarā ĩna.

¿Godacōri tudī caticoarā yirāñida masa? yī Jesure ĩna seniñare gaye
(Mt 22.23-33; Lc 20.27-40)

¹⁸ Ito yija saduceo gaye tuoñarā coriarā Jesure tirona ejayijarā ĩna. “Masa ĩna godaja tudī catire ma”, yī tuoñarā ñayijarā saduceo gaye tuoñarā. Ito bajiri Jesure seniñarona ejayijarā ĩna ī tū:

¹⁹ —Tuoya Riasogu mu. Ado bajiro manire ucañi Moisés ñayoru: “Rījoru ñasuogu rīa macuti ī manojore ī godagoja ī ocabaji manojo cuti wasoaja quena. Ito bajiro yigūti ī rījoru

ñabojarure rĩa cuti İsigũ yiguñji”, yi ucañi Moisés ñayoru, yiyijarã İna Jesure. ²⁰ Ito bajiri mucana gaje oca goti remoyijarã İna Jesure:

—Jane mejeju sigũ ñayiju. Co ãmojeno ñarã ocabajirã cutiyiju İ. Cajero manoyo cutisuooyiju ñasogũ. Rĩa macuti İ manojore godagocooyiju İ. ²¹ Ito bajiri manuju godagore manoyo cutiyiju İ bero gagu mucana. Ito yicõri İ cuni rĩa macuti cõcooyiju. Ito bajiri İ bero gagu iso rãcati manoyo cutiyiju mucana. ²² Ito bajiroti ñasogũ ñajacu İ ocabaji mesa İna jeyaro isore manoyo cutibojayijarã İna. Iso rãca rĩa cutimena riti goda jedicooyijarã İna. İna goda jedija beroju godayijo İna manoyo ñabojaro İja. ²³ “Masa İna godaja mucana tudi catirã yirãji”, ya mu. Riti mu gotija, çİimu rãca manuju cutigo yigõjida iso mucana tudi caticõri? İna jeyaro manoyo ñañi iso, yiyijarã saduceo gaye tuoñarã Jesure.

²⁴ Ito İna yija tuocõri, ado bajiro cudiyiju Jesús:

—Dios oca tutire masibea mua. İ masirisere cuni masibea mua. Ito bajiri masibiticõri, wisa mua. ²⁵ Tudi catirã yirãji masa Dios tu cati ñarona. Itoju manoyo cutimenaji masa. Ūmacũju Dios ñaro gãna ángel mesa robo bajirã ñarã yirãji masa, yiyiju Jesús İnare.

²⁶ Ito yija gaje goti remoyiju Jesús İnare: “Godabojarãti mucana tudi catirã yirãji masa. çMoisés ñayoru İ ucare tiãbeati mua? Yucu ãjurica watoju Dios İ busire ruyuyiju Moisésre. Ado bajiro Moisésre busiyiju Dios: ‘Abraham ñayoru yure rãcũbuogu yami. Isaac ñayoru ito yicõri Jacob ñayoru cuni yure rãcũbuorã yama İna’, yiyiju Dios Moisés ñayorure. ²⁷ İna udiarã yure rãcũbuorã yama’, Dios İ yija, catiri seyoama İna. Dios tuju ñarãji İna. Godarã meje ñama İna. Buto tuoña wisa mua”, yiyiju Jesús saduceo gaye tuoñarãre.

Dios İ rotirise ñasarise gaye
(Mt 22.34-40)

²⁸ Judio masa rotirise riasori masu Jesús rãca İna busiroca tuo ñayiju İ. Ito bajiri, “Queno cudiami Jesús”, yi tuo ñayiju İ. Ito bajiri Jesús tuju wuyiju İ İja İre seniñarocu:

—çDisejua ñati Dios rotirise ñasarise? yi seniñayiju İ Jesure.

²⁹ Ito yija ado bajiro cudiyiju Jesús İre:

—Dios İ rotirise ñasarise ado bajiro gotia: “Tuoya Israel sita gãna mua. Dios sigũti ñami mani Ūju. ³⁰ Dios mani Ūjũre buto mani maija quena. Mani ya usijũna, mani tuoñarisena, ito yicõri mani sãorisena cuni Diore buto mani maija quena”, yi gotia Dios İ rotirise ñasarise. ³¹ İti bero gaye ito bajiroti gotia: “Manimasiti mani mairo bajiroti gãjerãre cuni maija quena”. Disejua gaje Dios İ rotirise rãtoro ñasarise manoya, yiyiju Jesús judio masa rotirise riasori masare.

³² Ito yija ado bajiro yiyiju judio masa rotirise riasori masu Jesure:

—Queno ya riasogu mu. Ri ya mu. Dios sigũti ñami. Nijua gãji mami. Ito mu yirise riti ña. ³³ Mani Diore maija quena. Mani ya usijũna, mani tuoñarisena ito yicõri mani sãorisena cuni Diore maija quena. Manimasiti mani mairo bajiroti gãjerãre cuni maija quena. Diore mani maija, masare cuni mani maija, iti ña ñasarise. Diore waibũcurã soe İsiado rãto busaro quena ñaroja Diore ito yicõri masare cuni mani maija, yiyiju judio masa rotirise riasori masu Jesure.

³⁴ İ queno cudija tuocõri, ado bajiro yiyiju Jesús İre:

—Yu tija jabeto ruya, “Yu Ūju ñami Dios”, mu yi tuoñaroto, yiyiju Jesús İre.

Ito bajiro Jesús İ yija tuocõri, sigũjua seniña remo yibisijarã İja. “Mani rãtoro masigũ ñaguñji Jesús”, yi tuoñayijarã İna. Ito bajiri İre seniña remobisijarã İja.

çNimu janami ñayijari Cristo mua tija? yi Jesús İ seniñare gaye
(Mt 22.41-46; Lc 20.41-44)

³⁵ Co rumu Dios ya wiju masare riaso ñagũ ado bajiro seniñayiju Jesús İnare:

—“David ñayoru janerãbatia janami ñaguñji Cristo”, yicã Dios İ rotirise riasori masa. çNo yija itire yicati İna? ³⁶ Jane mejeju Espiritu Santo İ ejabũarisena ado bajiro ucañi David ñayoru:

Cristo, Dios cõaru yu Ūju ñami İ. İ ñicũju yu ñabojarocati yu Ūju ñami Cristo, yi ucañi David ñayoru. Gaje uca remoñi David: Yu Ūju Cristore ado bajiro gotiñi Dios: “Yu ya riojocadujã ruijya. Mu wajanare mu rotiroca yigu yigũja yu”, yifni Dios yu Ūjũre, yi ucayofni David.

³⁷ çNo yija, “Yu Ūju ñami Cristo”, yiyijari David ñayoru? Cristo David janerãbatia janami ñacõri, çno bajiro David uju bajiyijari Cristo? David ñayoru janerãbatia janami İ ñaja, “Yu Ūju”, yibitiboru David, yiyiju Jesús İnare.

Jesús queno busija tuocõri, wanu quenayijarã masa.

“Seti ña mũare”, fariseo gaye tuoñarãre Jesús İ yire gaye
(Mt 23.1-36; Lc 11.37-54; 20.45-47)

³⁸ Masare ado bajiro riasoyiju Jesús:

—Judio masa rotirise riasori masa robo mua yibe yirona queno tuoiaña mua. Tite. Ado bajiro yama ina. Yutabujuri quenarise yoarise sañacōri masa ina tiro riojo wa ucu amorāji ina. Ito yicōri cuto gudareco gājire ina canamwoja, rucabuore rāca senñiare amorāji ina. ³⁹ Minijuara wiju sājacōri rucabuora cumuro riti ruji amorāji ina. Ito yicōri basari rumu cani ñasari masa tu riti ba ruji amorāji ina. ⁴⁰ Manuju godagoana romiare cani ina ya wiri emarāji ina. Ito yicōri masa ina tiro riojo yoari Diore busirāji ina. “Queno yirā ñama ina”, masa yi tuoiajaro yirona yoari Diore busirāji ina. Ito bajiro ina yija quenabetoja. Ito bajiri ñeñaro ina yirise waja, waja yirā buto busa quenabeto tōbujarā yirāji ina. Ina robo mua yibe yirona queno tuoiaña mua, yiyiju Jesús masare.

*Wajeago bojoro bujago Diore niyeru iso isire gaye
(Lc 21.1-4)*

⁴¹ Co rumu Dios ya wi sājacōri niyeru cūra jedo tu rujiyiju Jesús. Iti jedoju masa ina niyeru Diore cū isija tiyiju Jesús. Gajeoni jairā jaje niyeru Diore cū isiyijarā iti jedoju. ⁴² Ito yija bojoro bujago ejayijo. Manuju godagoro ñayijo iso. Jua cuji niyeru kujiri sāyijo iso. Cobre ñayiju iti kujiri. Jabetacā waja cutirise ñayiju iso sārise. ⁴³ Ito yija i rāca riasotiri masare jimioyiju Jesús:

—Riti muare gotia ya. Adio bojoro bujago ñabojagoti queno Diore isimo iso. Gajeoni jairā rēto busaro isimo iso. ⁴⁴ Gajeoni jairāre jaje ña niyeru. Ina isibojarocati jairo ruya ñnare maji. Isoama bojoro bujago ñabojagoti isi jeomo iso. Iso bare waja yiroti Diore isi jeocōmo iso, yiyiju Jesús i rāca riasotirāre.

13

*Dios ya wi ñeja bate godaro yiroja, Jesús iyire gaye
(Mt 24.1-2; Lc 21.5-6)*

¹ Dios ya wiju ñaru Jesús i budirocati ado bajiro yiyiju i rāca riasotigu:

—Tiya Riasogu mu. Quenari wi ña iti wi. Gāta quenarisena queno wi meniña ina, yiyiju i Jesure.

² Ito i yija tuocōri, ado bajiro cadiyiju Jesús ire:

—Iti wire queno tiya mu. Jana batecōrā yirāji masa iti wire. Ito yicōri ñajediro gūtagārire rea baterā yirāji masa. Ito bajiri adi wi gaye gātagā gajega joe jesabeto yiroja. Ñarocōti godacoaro yiroja, yiyiju Jesús ire.

*Adi amuari jediroto riojua ado bajiro rētarō yiroja, Jesús iyire gaye
(Mt 24.3-28; Lc 21.7-24; 17.22-24)*

³ Ito yija bero Olivos wame cutiri turia majacōri rujiyiju Jesús. Ito turia riojo sōju busa ñayiju Dios ya wi. Jesure ricati oca senñarona i tu eja rūgūyijarā Pedro, Santiago, Juan, ito yicōri Andrés cani:

⁴ —¿Nocāta rētarō yirojada mu yirise? ¿No bajiro ti masirā yirājida gua? Mu yirise rētaroto riojua, ¿ñere tisuorā yirājida gua? yiyijarā ina Jesure.

⁵ Ina ito yija tuocōri, ado bajiro gotiyiju Jesús inare:

—Queno tuoiaña gājerā muare ruobe yirona. ⁶ “Dios i cūana ña gua”, yi ruorā yirāji ina muare. Ito bajiroti masa jājarāre ruorā yirāji ina.

⁷ Masa gāmeri jarise ocare mua tuoja, gūibeja. Ito yicōri masa gāmeri sārise ocare mua tuoja cani, gūibeja. Ito bajiroti rētarō yiroja. Ito bajibojarocati susari rumu meje ñaroja maji. Jaje ñeñarise rētarō yiroja susari rumu ejaroto riojua. ⁸ Co butu gāna gāmeri sārā yirāji gaje butu gāna rāca. Ito yicōri co sita gāna gāmeri sārā yirāji gaje sita gāna rāca. Co cuto rayabeto sita uero yiroja. Ito yicōri bare jediro yiroja. Ito bajiri ñiocōrā yirāji masa. Quenabeto tōbujasuoarā yirāji ina. Ito bajibojarocati buto busa rētarō yiroja maji.

⁹ Queno masima gājerā muare ñiname yirona. Muare ñiacōri ñasari masa tu āmi warā yirāji ina. Ito yicōri minijuara wiju muare bajarā yirāji ina. Yure tuorūnurā mua ñajare ujarā riojo muare jidi rūgōrā yirāji. Ina tiro riojo, “Jesure tuorūnurā ña gua”, yirā yirāji mua. ¹⁰ Susari rumu riojua Dios oca quenarisere masa jeyaro masi jedirā yirāji ija. ¹¹ Muare ñiacōri ujarā riojo muare āmi cūrā yirāji ina. Ito bajiro muare ina yibojarocati gūibeja. Ujarāre mua cadiroti buto tuoia oca jaiibeja. Inare mua queno caditoni gotigu yiguūji Espiritu Santo. Mua meje busirā yirāji. Espiritu Santo muare quedi sājacōri busigu yiguūji i, yiyiju Jesús i rāca riasotirāre.

¹² Mucana inare gaje goti remoyiju Jesús:

—Sīgū rīa ñabojarāti ina ñarāre sīa rotirā yirāji. Ito yicōri ina jacu i rīare sīa rotigu yiguūji i. I rīa cani ito bajiroti ina jacure sīa rotirā yirāji. ¹³ Yure mua tuorūnuja ticōri, buto junisirā yirāji ina. Ito bajibojarocati no yure tuorūnugāreti masogū yiguūji Dios. Ire catitñare isīgū yiguūji Dios, yiyiju Jesús inare.

¹⁴Diore goti İsiri masu ñayoru ĩ ucagore ticōri queno tuoñaña mua: “Co ramu, rāmú buto buogu cūrā yirāji masa Dios ya wiju. Quenabetoja iti”, yi ucañi Diore goti İsiri masu. İre mua tija ejori rudi waja. Judea sitaju mua ñajama, gātagūju rudi waja. ¹⁵Mua ya wi rijogodoju mua ñaja, gajeoni āmirā ruji wabeja. Mua ruji waboriju manoja muare. ¹⁶Weseca moarā mua ñaja cuni, yutabujure āmirā wiju tūdi wabeja. Mua tūdi waboriju manoja muare. ¹⁷Romia rīa sāñarā İna ñaja buto guijoro yiroja susari ramuri. Ūjūrā rucorāre cuni ito bajiroti guijoro yiroja. ¹⁸Susari ramu juebucu ñaroca iti rētame yirona Diore seniña mua. ¹⁹Susari ramuri riojua ñeñaro tōbujarā yirāji masa. Dios adi macārucāro ĩ rujeoja bero İna tōbujado rēto busaro tōbujarā yirāji masa İja. Ito bajiro mucana tūdi rētabeto yiroja İja. ²⁰Yoari quenabiti ramuri iti ñaja sīgū ruayabeto goda jedirā yirāji masa. Ito bajibojarocati ĩ ñarā ĩ beseanare macōcri, yoari meje busati cūgū yiguūji quenabiti ramuri.

²¹‘Sīgū ĩ muare gotija: “Tiya adoju ñami Cristo”, ĩ yija, tuoheja İre. Gāji muare ĩ gotija, “Titēña oju ñami, Dios ĩ cōaru”, ĩ yija, cūdiheja İre cuni. ²²Ruori masa jājarā wadirā yirāji. “Yuti ña Cristo”, “Yuti ña Diore goti İsiri masu”, yirā yirāji İna. Ito yicōri masare ruo āmorā İna masiro bajiro guijoro tiyamani İnare İorā yirāji İna. Dios ĩ beseanare cuni ruo āmobjarā yirāji İna. ²³Queno tuoña masiña mua. Iti rētaroto riojua muare goticā yu. Ito bajiri queno bajiya mua, yiyiju Jesūs İnare.

Yu Masa Rijoru tūdi ejagu yigūja, Jesūs ĩ yire gaye
(Mt 24.29-35,42,44; Lc 21.25-36)

²⁴‘Quenabeto masa İna tōbujari ramuri bero ūmacañi ĩ busurise jediro yiroja. Ñami gagu ito bajiroti bajigu yiguūji. Ito bajiri busumenaji İna İja. ²⁵Ñocōa cuni naruorā yirāji. Ito yicōri quedirā yirāji İna. ²⁶Ito baji ñaroca yu Masa Rijoru ñajare yure tirā yirāji masa. Ide bueri watoju buto masirise rāca wadigu yigūja yu. Ito yicōri busurise rucogu wadigu yigūja yu. ²⁷Ūmacūju Dios ĩ ñaro gāna āngel mesare cōagū yigūja yu masare İna āmitoni. Ito bajiri macārucāro ñarocōti bata warā yirāji İna, Dios ĩ beseanare miojurona.

²⁸‘Higuera wame cutiricu ocare tuo masiña muare yu gotija. Ito bajiri itigu jū buja ticōri, “Jabeto ruya cama ejaroto”, yi masia mani. ²⁹Ito bajiroti yu gotiado bajiroti iti rētasuaja ticōri, “Jabeto ruya Masa Rijoru ĩ tūdi wadiroto”, yi masirā yirāji mua. Sōju meje ñagū yigūja yu. ³⁰Riti muare gotia yu. Adi ramuri gāna İna goda jediroto riojua, yu busiro bajiroti rētaroto yiroja. ³¹Adi sita, macārucāro cuni jedicoaro yiroja. Ito bajibojarocati yu ocama jedibetoja. Yu gotiado bajiroti rētaroto yiroja.

³²‘No yicōri yu tūdi wadiri ramu masire ma masare. Ūmacūju gāna āngel mesa cuni masimenaji. Yu Dios Macu ñabojaguti masibea yu cuni. Mani Jacu Dios sīgūti masiami yu tūdi wadiroti ramu.

³³‘Ito bajiri queno tirānūma mua. Yu wadiri ramu mua masibeja queno tirānūma mua. ³⁴Muare oca gotia yu. Queno tuoja. Wi ūju ñayiju sīgū. Wa ucugu warocu ĩ ya moari masare wi code rotiyiju ĩ. ĩ waroto riojuaju İna moaroti gotiyiju İnare. Ito yicōri soje coderi masare tirānu rotiyiju wi ūju. ³⁵ĩ robo bajiro wacu yigūja yu cuni. Ito bajiri queno tirānuña mua. Yu wadiroti masibea mua. Rāiocūro, ñami gudareco, cara yujirocati, busuri yu wadiroti masibea mua. ³⁶Itocōti yu ejaja canibeja. Masimena bajiro bajibeja. ³⁷Muare yu gotirise masa jeyarore goti jeocōa yu. Queno tirānuña mua, yiyiju Jesūs İnare.

14

Jesure ñia āmorā İna cunire gaye

(Mt 26.1-5; Lc 22.1-2; Jn 11.45-53)

¹Jua ramu ruayaju basa İna meniroto. Naju wadarise uco wuoya mani bare basa ñayiju. İti wame ñayiju Pascua. İti ramuri Jesure sīa āmoyjarā paia ūjarā, judio masa rotirise riasori masa cuni. Jesure ñia āmorā, “¿No bajiro İre oca menirujati mani?” yi tuoñayjarā İna. ²Ado bajiro yiyijarā coriarā:

—Pascua basa ñaroca Jesure mani ñajaja, masa junisinirā yirāji manire. Ito bajiri İre ñiabitruja mani Pascua basa iti ñaroca maji, yiyijarā İna.

Romio Jesūs ya rijogaju sutirise iso jiojeore gaye

(Mt 26.6-13; Jn 12.1-8)

³Betaniaju Jesūs ĩ ña ucurocati Simón ruju cami cutigoru ya wiju ñayiju ĩ. Ito İna ba rujirocati romio ejayijo İna tu. Gūta alabastro wame cutirisenā İna meniraga rucoyijo iso. İtigaju nardo ūye jiocōri āmi ejayijo iso. Queno suti quenarise ñayiju İti. Godana rujure turoti ñayiju nardo ūye. İti ñayiju buto waja rucurise. İtiga āmumare wējeacōri Jesūs ya rijoga joeju ūye jio guyijo iso. ⁴Ito bajiro iso yija ticōri, itiju ñarā coriarā junisinijarā:

—¿No yija ūyere rocati cōati iso? ⁵İti ūye trescientos waja cutibojabu. İti waja niyeru bujacōri bojoro bujarāre İsirubajoyija isore, yiyijarā coriarā İnamasiti tuoña busirā.

Ito bajiro tuoĩacõri isore tudiyijarã Ina.

⁶ Ito Ina yija tuocõri, ado bajiro yiyiju Jesús Inare:

—Isore tudibesa mua. ¿No yija isore rucubobeati mua? Iso yirise quenasacõa yure. ⁷ Mua rãca riti ñatĩñarã yirãji bojoro bujarã. Ito bajiri Inare ejabuatiñarã yirãji mua. Yuama mua rãca ñatĩñabica yigũja. Ito bajiri mua rãca yu ñaroca maji yũjũare ejabuaja quena. ⁸ Adio iso tuoĩaro bajiro queno yure yimo iso. Yu godaroto riojua yu ya rujure úye queno sati quenarise tumo iso. ⁹ Riti muare gotia yu. Dijũ Dios oca quenarise Ina riasoja yure queno iso yigore gaye tuorã yirãji masa. Ito bajiri iso queno yirise tuoĩacõri, isore acabojamenaji Ina, yiyiju Jesús Inare.

Jesure Ina ñiatoni Judas ĩ oca menire gaye

(Mt 26.14-16; Lc 22.3-6)

¹⁰ Ito yija paia ujarã rãca buširocũ wayiju Judas Iscariote. Jesús rãca riasotirã jua gubojeno ñagũ ñayiju ĩ. Jesure ñiatoni paia ujarãre gotiyiju ĩ. ¹¹ ĩ gotija tuocõri, wanuyijarã Ina:

—Niyeru mure Isiana gua, yiyijarã Ina Judasre.

Ito bajiri, “Jesure Ina ñia masitoni, ¿no bajiro Inare ĩorujati yu?” yi tuoĩasuoijũ Judas.

Jesús ĩ basũsare gaye

(Mt 26.17-29; Lc 22.7-23; Jn 13.21-30; 1 Co 11.23-26)

¹² Najũ wadarise uco wũoya mani bare basa ejayiju. Pascua basa ñasũori rũmũ. Oveja macũ Diore soe ĩsiri rũmũ ñayiju iti rũmũ. Iti rũmũti Jesús rãca riasotiri masa ado bajiro senĩayijarã ĩre:

—¿Nojũ gua ware ãmoati mũ, bare meni yurã Pascua basa baroti? yiyijarã Ina Jesure.

¹³ Ito yija jũarã ĩ rãca riasotirãre goti ñucayiju Jesús:

—Cuto wasa. Itoju ãmũgũ ide gõnaradana ide gõnagũre ti bujarã yirãji mua. ĩre Suyã waja. ¹⁴ Suyã sãjacõri wi ujure senĩama: “Manire riasogu ado bajiro yimi: ‘¿Nojũ ñati yu rãca riasotirã rãca Pascua basa menirã gua baroti sõa?’ yimi mani Ujũ guare”, yiba mua, yiyiju Jesús Inare. ¹⁵ Ito bajiro mua yija tuocõri, co sãnimũ weca ñari sõa jajo sõa muare gotigũ yiguũji. Ina quenocãra sõa ñaroja. Ito bajiri iti sõaju bare menima mani baroti, yiyiju Jesús Ina jũarãre.

¹⁶ Ito ĩ yija tuocõri, Ina jũarã wayijarã. Wacõri cutoju ejayijarã. Itoju Jesús ĩ gotiado bajiroti ti ejayijarã Ina. Itoju Pascua bare meniyijarã Ina ĩja.

¹⁷ Iti rãosũorijũ ejayiju Jesús ĩ rãca riasotirã rãca. Jua gubojeno ñayijarã Ina. ¹⁸ Ina baroca ado bajiro gotiyiju Jesús Inare:

—Riti muare gotia yu. Mani wato sũgũ ñami yu rãca bagu. Yure ñiajaro yirocũ gãjerãre gotigũ yiguũji ĩ, yiyiju Jesús Inare.

¹⁹ Ito bajiro ĩ yija tuocõri, buro bojori bujayijarã Ina. Ito yicõri Inacõti Jesure ado bajiro senĩasuoijarã:

—¿Yũjua ñati? yi jedi wayijarã Ina.

²⁰ Ito yija Jesús cudiyiju Inare:

—Jua gubojeno ñagũ yu ya tẽroti yu rãca najuro weo bagu ñami ĩ. ²¹ Dios oca tuti iti gotiro bajiroti rẽtaro yiroja yure. Yu ña Masa Rĩjoru. Yure ñiacõri sĩarã yirãji masa. Āni, gãjerã yure ñiajaro yirocũ gotigũ, bujato bujagu yiguũji. Ito bajiri ĩ rujeabeja quenaboyija ĩre, yiyiju Jesús Inare.

²² Ina baroca riti ĩ ya ãmoju najuro ãmi rucoyiju Jesús. “Queno ya Dios mũ”, yiyiju Jesús. Najuro igata batocõri ĩsiyiju Inare. Ito yicõri ado bajiro Inare gotiyiju Jesús:

—Īmo baya. Adi ña yu ya ruju robo bajiro bajirise.

²³ Ito yija Jesús ĩ ya ãmona rujatẽro ãmiyiju. Iti tẽro rucocõri, “Queno ya Dios mũ”, yiyiju ĩ. Ito bajiro yicõri Inare ĩsi ñucayiju Jesús. Ito bajiri Ina ñarocõti idi jediyijarã. ²⁴ Ito yicõri ado bajiro Inare gotiyiju Jesús:

—Adi ña yu ya rĩ robo bajiro bajirise. Yu ya rĩ iti budija jãjarã masa ñeñaro Ina yirisere coero yiroja. Yu ya rĩ yure iti budija ticõri, “Dios ĩ gotiado bajiroti yami ĩ”, yi masirã yirãji masa. ²⁵ Riti muare gotia yu, juaji uyẽ ide idibicũja yu maji. Dios ĩ rotiroju ejacõri gajero bajirise idigũ yigũja yu macana, yiyiju Jesús Inare.

“Jesure masibea yu, yigũ yigũja mũ”, Pedrose Jesús ĩ yire gaye

(Mt 26.30-35; Lc 22.31-34; Jn 13.36-38)

²⁶ Ito yija Diore basa ticõri Olivos wame cutiri turiaju wayijarã Ina. ²⁷ Ito Ina waroca ado bajiro yiyiju Jesús Inare:

—Yure tuorũnarã ñabobarãti tuoĩa jidicãrã yirãji mua. Ito bajiri yure jidicãcõri wagorã yirãji mua ñarocõti, yiyiju Jesús. Ito bajiroti gotia Dios oca tuti canĩ. Tite mua: “Oveja coderi masure sãgũ yigũja yu. Ito bajiri ĩ ya oveja rudi batecoarã yirãji”, yi gotiami Dios ĩ oca tutina. ²⁸ Yure Ina ñiaja ticõri, rudi batecoarã yirãji mua. Ito bajibojarocati yure Ina sãja

bero mucana tãdi catigua yiguja yu. Tãdi caticõri mua riojua busa Galilea sitaju wacu yiguja yu, yiyiju Jesús ìnare.

²⁹ Ito ì yija tuocõri, ado bajiro yiyiju Pedro:

— Ìnama mure jidicãrã yirãji. Yuama bajibicuja, yiyiju Pedro Jesure.

³⁰ Ito ì yija tuocõri, ado bajiro cudiyiju Jesús ìre:

— Riti mure gotia yu. Adi ñamiti cara juaji yujiroto riojua udiaji, “Jesure masibea yu”, yigu yiguja mu, yiyiju Jesús Pedrone.

³¹ Ito ì yija tuocõri, ado bajiro yiyiju Pedro:

— Meje, “Jesure masibea yu”, yibicuja yu. Yure ìna sãa ãmoja cuni, “Jesure masibea yu”, yibicuja yu, yiyiju Pedro Jesure.

Pedro ì yiro bajiro riti yi jediyijarã ìna.

Getsemani wame cutiri weseju Jesús ì Diore rãcubure gaye

(Mt 26.36-46; Lc 22.39-46)

³² Ito yija Getsemani wame cutiri weseju wayijarã ìna. Itoju ejacõri ì rãca riasotirãre ado bajiro gotiyiju Jesús:

— Ò Diore busigu yu waroca riti, ado rujiya maji, yiyiju Jesús ìnare.

³³ Ito bajiri udiarãre ãmi wayiju Jesús. Pedro, Santiago ito yicõri Juanre cuni ãmi wayiju ì. Ìna waroca riti bũto tuoia bojori bujasuoyiju ì. ³⁴ Ito bajiri ado bajiro yiyiju Jesús ìnare:

— Yu ya usiju bũto tuoia bojori buja yu. Ito bajiri goda wacu ya yu yiado baja yure yu ya usiju. Ado tujaya mua maji. Canimenati yure bocati ñama mua, yiyiju Jesús ìna udiarãre.

³⁵ Ito yicõri ìna riojua sõjua busacã wayiju Jesús. Ito wacõri ì ya rio sitaju muqueacõri Diore busi ñayiju ì. Quenabeto junirise ìre rãtabittoni Diore seniyyu Jesús. ³⁶ Diore busigu ado bajiro yiyiju Jesús:

— Cuna, ñejuu mu yi masibiti manoja. Ito bajiri yu tãbujabe yirocu, mu yure ejabuare ãmoa yu. Ito bajibojarocati yu ãmoro bajiro meje mu yija quena. Mu ãmoro bajirojua mu yija quena, yiyiju Jesús Diore.

³⁷ Diore busi tiocõri tãdi wayiju Jesús ìna udiarã taju. Ìna caniroca ejayiju Jesús. Ito ìna bajija ticõri, ado bajiro yiyiju Jesús Pedrone:

— Simón, ¿canigũ yati mu? Coji cõrecõ, ¿tirãnu sãobeati mua? ³⁸ Canibesa. Queno ti ñaãa mua. Ito yicõri Diore seniña, mua ñeãaro yibe yirona. Mua ya usijuama queno tuoiarã ñabobarãti, mua ya rujana queno yi masibea mua, yiyiju Jesús Pedro mesare.

³⁹ Ito yija Diore busirocu wayiju Jesús mucana. Ì senisuoado bajiroti gotiyiju Jesús Diore mucana. ⁴⁰ Diore busi tiocõri tãdi wayiju Jesús ìna taju mucana. Ìnare wujo bũto jeobuajare canicoayijarã ìna. Ito bajiri ìna caniroca ti bujayiju Jesús ìnare. Yujicõri bũto Jesure bojo tiyijarã ìna. Ito bajiri ìre cudi masibisijarã ìna. ⁴¹ Juaji Diore busicõri mucana Diore busigu wayiju Jesús. Ito yija bero tãdi wayiju ìna tu mucana:

— ¿Cani tujarã yati mua maji? Itocõ caniña mua. Yure ìna ñiaroti rumu ejacoaju ìja. Yu ña Masa Rijoru. Ñeãara masa yure ñajaro yirocu gotiri masu ejacoami ìja. ⁴² Ita. Wumuña. Wato. Gãjerã yure ñiatoni gotiri masu ejacoami, yiyiju Jesús ì rãca riasotirãre.

Jesure ìna ñiare gaye

(Mt 26.47-56; Lc 22.47-53; Jn 18.2-11)

⁴³ Jesús ì busiroca riti ejayiju Judas. Jesús rãca riasotigu ñayiju Judas, juu gubojeno ñagũ. Judas rãca masa jãjarã wadiyijarã. Sarera jã rãcocõri, yucu rãcocõri wadiyijarã ìna. Ìnare cõayijarã paia ujarã, judio masa rotirise riasori masa, ito yicõri busãrã cuni. ⁴⁴ Judas Jesure ìna ñiarotire gotiyiju ìnare:

— Ado bajiro Jesure ìogũ yiguja yu muare. Recoti yu usugu ì ñagũ yiguji. Ìre yu ìoja bero queno ñiama mua, muare ì rudibe yirona, yiyiju Judas.

⁴⁵ Ito ejacõri Jesús tu eja rãgũyiju Judas. Ito yicõri Jesure ado bajiro yiyiju ì:

— ¿Nati yure Riasogu mu? yi ejayiju Judas.

Ito yicõri Jesure usuyiju ì. ⁴⁶ Ito ì yija ticõri, ìna ya ãmona Jesure ãmi wayijarã ìna, ì rudibe yirona.

⁴⁷ Ito tu rãgõgũ ì ya sarera jã tãaweã ãmiyyu. Ito yicõri paia ujure moa ìsiri masure ì ya gãmoro jatayiju ì. ⁴⁸ Ito bajiro ì yija ticõri, ado bajiro yiyiju Jesús masare:

— ¿Sarera jã rãcocõri, yucu rãcocõri yure ñiarã wadiri mua? ¿Yu riniri masu meje ñabobarocati, “Riniri masu ñagũji”, yirona yure ñiarã wadiri mua? ⁴⁹ Co rumu ruyabeto Dios ya wiju mua wato ñasotibu yu, muare riasogu. Ito yu ñabobarocati yure ñiabiticu mua maji. Mua yure ñiaja, Dios oca tuti gotiãdo bajiro rãta yure, yiyiju Jesús ìnare.

⁵⁰ Ito yija Jesure ìna ñiaja ticõri, ì rãca riasotiri masa ñarocõti rudi batecoayijarã ìna ìja.

⁵¹ Sīgū mamū ĩna Jesure āmi warocati sūya wayijū ĩnare. Saya jāina riti gūmayijū ĩ. Ito ĩ ĩnaroca ĩre ĩnabojajjarā itijū ĩnarā. ⁵² Ito bajibojarocati saya jidi queocōri ĩne macuti ũmaquedi wayijū ĩ.

Hjarā ĩnasarā, “Seti ĩna mare”, Jesure ĩna yire gaye
(Mt 26.57-68; Lc 22.54-55,63-71; Jn 18.12-14,19-24)

⁵³ Ito yija paia ũjū ĩnasagū ya wijū Jesure āmi wayijarā ĩna. Ito bajiro yicōri minijuayijarā paia ũjarā ĩnarocōti. Judio masa rotirise riasori masa, bŭcūrā cūni minijuayijarā ĩna. ⁵⁴ Pedro sōju bŭsaju sūyayijū ĩnare gūign. Paia ũjū ĩnasagū ya wi ĩnari tūcūro ejayijū ĩ. Itoju ejacōri tujacoayijū Pedro ĩja Dios ya wi coderi masa rāca. Ito yicōri ĩna rāca jea sumayijū ĩ.

⁵⁵ Ito bero paia ũjarā ito yicōri ũjarā ĩnasarā cūni Jesure sīa āmoyijarā ĩna. Ito bajiri, “Ado bajiro ĩneĩaro yami Jesús”, yi rŭo gotironare āmabojajjarā ĩna. No yi bŭja masibisijarā ĩna. ⁵⁶ “Adi seti ĩna Jesure”, jājarā ĩna yi rŭobojarocati sīgū tŭoĩaro bajiro meje tŭoĩa busiyijarā ĩna. ⁵⁷ Coriarā wŭmŭ rŭgōcōri busi tudiyijarā Jesure:

⁵⁸ —Ī busija tŭobŭ gua: “Dios ya wi masa menira wi jana batecōcŭja yŭ. Ito bajibojarocati ũdia rŭmŭ beroti mŭcana iti wire jōrojoŭja yŭ, masa menire gaye meje”, yimi Jesús, yiyijarā ĩna.

⁵⁹ Ito bajibojarāti sīgūre bajiro meje tŭoĩayijarā ĩna.

⁶⁰ Ito yija paia ũjū wŭmŭ rŭgūyijū ĩna wato. Ito yicōri Jesure seniĩayijū ĩ:

—Ķcudibeati mŭ? Ķĩeonire mare busituati ĩna? yiyijū paia ũjū Jesure.

⁶¹ Ito bajiro ĩyibojarocati itire cudibisijū Jesús. Cudibicuti tujayijū ĩ. Ito bajiri mŭcana tŭdi seniĩayijū paia ũjū ĩre:

—Ķmŭti ĩnati Cristo, Dios Macŭ? yiyijū ĩ Jesure.

⁶² Ito ĩ yija tŭocōri, ĩre cudiyijū Jesús ĩja:

—Au, ĩti ĩna yŭ, yiyijū Jesús. Yŭ ĩna Masa Rĩjorŭ. ĩja Dios rāca ĩ ya riojocadŭja yŭ rujija tirā yirāji mŭa. Yŭ Jacŭ Dios rāca ũmacŭju ide bueri rāca gua ruji wadija tirā yirāji mŭa, yiyijū Jesús ĩnare.

⁶³ Jesús ito ĩ yija tŭocōri, ĩmasiti ĩ ya yutabuju ĩngāyijū paia ũjū. ĩ junisinirisere ĩorocŭ ito bajiro yiyijū ĩ. Ito yicōri ado bajiro yiyijū ĩ:

—Gājerā Jesure tore tŭo āmobeja yŭ ĩja. ⁶⁴ Mŭa cūni tŭobŭ Diore Jesús ĩneĩaro ĩ yirise. Ito bajiri, Ķno bajiro āmoati mŭa? yiyijū paia ũjū masare.

Ito bajiro ĩ yija tŭocōri: “ĩre sŭarŭja mani”, yi jediyijarā masa.

⁶⁵ Ito yija coriarā Jesure go ide eobate guyijarā ĩna. Ito yicōri Jesús ya cajea moabiacōri ĩre jayijarā ĩna. ĩre jacōri ado bajiro seniĩayijarā ĩna:

—Ķĩmŭ mare jari? Recoti mŭ tŭo masijama, “ĩ yare jami”, yigu yigŭja mŭ, yi ajeijarā ĩna Jesure.

Dios ya wi coderi masa cūni ĩ ya riojŭ jayijarā ĩna.

Jesure masibea yŭ, Pedro ĩ yire gaye
(Mt 26.69-75; Lc 22.56-62; Jn 18.15-18,25-29)

⁶⁶ Ito ĩna yiroca iti wi tŭ ĩnari tūcūroju ĩnayijū Pedro. Ito ĩ ĩnaroca paia ũjure moa ĩsiri maso ejayijo ĩ tŭ. ⁶⁷ Pedro jeame tŭ ĩ rujija ticōri, ĩre ti rŭgōcoayijo iso. Ito bajiri ado bajiro yiyijo iso ĩre:

—Mŭ cūni Jesús Nazaret gagŭ rāca wa ucuyija mŭ, yiyijo iso Pedrorre.

⁶⁸ Iso ito yija tŭocōri, ado bajiro cudiyijū ĩ:

—Jesús rāca wa ucubiticŭ yŭ. ĩre masibea yŭ. Mŭ busirisere tŭo masibea yŭ, yiyijū Pedro isore.

Ito yicōri sŭjasŭora soje tŭjŭa budi wayijū ĩ. Ito ĩ bajiroca riti cara yuyijijū. ⁶⁹ Paia ũjare moa ĩsiri maso mŭcana Pedrorre ti bŭjacōri ado bajiro yiyijo itijū ĩnarāre:

—Āni ĩnami Jesús rāca riasotiri masŭ, yiyijū iso.

⁷⁰ Iso ito yija tŭocōri: “ĩre masibea yŭ”, yiyijū Pedro mŭcana. Ito yija itijū ĩnari masa ado bajiro yiyijarā Pedrorre:

—Mŭti ĩna ĩna rāca gagŭ. Mŭ ĩna Galilea gagŭ. ĩna bajiroti busia mŭ cūni, yiyijarā ĩna ĩre.

⁷¹ Ito yija ado bajiro cudiyijū Pedro:

—Jesure masibesacōa yŭ. Bŭgŭti yŭ yija yŭ ĩneĩaro tōbŭroca yijaro Dios, yiyijū ĩ. Ito mŭa busigŭre masibea yŭ, yiyijū Pedro.

⁷² Ito ĩ yirocati mŭcana tŭdi yuyijijū cara. ĩ yujija tŭocōri, Jesús ĩ gotire tŭoĩa bŭjayijū Pedro: “Cara juaji ĩ yujiroto riojŭa ũdiaji, ‘Jesure masibea yŭ’, yigu yigŭja mŭ”, Jesús ĩ gotire tŭoĩacōri bŭto otiyijū Pedro.

15

Pilato taju Jesure ina ami ejare gaye

(Mt 27.1-2,11-14; Lc 23.1-5; Jn 18.28-38)

¹ Iti bususuroca paia ujarā, bucarā cuni minijuayijarā. Ito yicōri judio masa rotirise riasori masa, ujarā ñasarā cuni ñajediro minijuayijarā. Minijuacōri Jesure āmo siacōri ĩre āmi wayijarā Pilato taju. ² ĩ tu Jesure ina ami ejaroca ado bajiro seniayiju Pilato ĩre:

—¿Mutī ñati judio masa uju? yiyiju Pilato Jesure.

Ito ĩ yija tuocōri, ado bajiro cadiyiju Jesús ĩre:

—Mu yiro roboti ña, yiyiju Jesús ĩre.

³ Ito yija paia ujarā jaje oca menyijarā Jesure. ⁴ Ito bajiri mucana tūdi seniayiju Pilato Jesure:

—¿Cudibesacōati mu? ¿Masibeati mu, jeyaro mure oca menirā yama ina? yiyiju Pilato ĩre.

⁵ ĩ ito yibojarocati ĩre cudibisiju Jesús. ĩ cudibeja ticōri, buto tuoĭa ucayiju Pilato.

Jesure sĭaraja mani, ina yire gaye

(Mt 27.15-31; Lc 23.13-25; Jn 18.38–19.16)

⁶ Masa ina basa ñaroca riti ado bajiro yisotiyiju Pilato. Sĭgū tubiara wiju ñagūre masa ina bucōa rotija, ĩre bucōayiju Pilato. ⁷ Ito bajiro ina yi ñari rumu tubiara wiju sĭgū ñayiju Barrabás wame cutigu. Masa sĭagoana rāca tubiara wiju ñayiju Barrabás. Oca riawusacōri masa sĭana ñayijarā Barrabás mesa. ⁸ Ito yija judio masa ejacōri Pilatore ado bajiro yiyijarā ĩna:

—Mu yisotiro bajiro, sĭgūre mu bucōare āmoa gua, yiyijarā ĩna ĩre.

⁹ Ito yija Pilato cadiyiju ĩnare:

—¿Ñimure yu bucōare āmoati mua? ¿Judio masa uje yu bucōare āmoati mua? yiyiju Pilato.

¹⁰ Jesure riti masa jājarā ĩna tuo suyaja ticōri, buto junisinijarā paia ujarā. “Guañare riti ĩna tuo suyaja quena”, yirona buto junisinijarā ĩna Jesure. Ito bajiri ĩre ti terā Pilatore ĩsijarā ĩna. Ito bajiro ĩna yija tuo masicōyiju Pilato. ¹¹ Paia ujarā oca sēoro masare busijarā. Ito yicōri ado bajiro ĩnare gotiyijarā: “Pilatore seniteña, Barrabásre ĩ bucōatoni”, yiyijarā ĩna. ¹² Ito yija Pilato seniayiju masare:

—¿Ñe yu yire āmoati mua, “Judio masa uju ñami”, mua yigure? yiyiju Pilato masare.

¹³ Ito ĩ yija tuocōri, awasā cudiyijarā ĩna:

—Yucutēoju ĩre jaju sĭaña, yiyijarā ĩna.

¹⁴ ĩna ito yija tuocōri:

—¿Ñe ñeñarise yicati āni? yiyiju Pilato masare.

Ito bajiro ĩ yija tuocōri, mucana tūdi awasā cudiyijarā masa:

—Yucutēoju ĩre jaju sĭaña, yiyijarā ĩna.

¹⁵ Ito yija masa rāca queno ña āmogū Barrabásre bucōacōyiju Pilato ĩja. Ito yicōri, “Jesure bajeya mua”, yi rotiyiju ĩ ya moari masare. ĩna baje tĭoroca masare ĩsijiju Pilato, Jesure ĩna jaju sĭatoni.

¹⁶ Ito bajiri surara āmi wayijarā Jesure iti sita gagu uju ya wi totiju. Ito yicōri surara ujarā ñarocōti minijuayijarā iti wiju. ¹⁷ Iti wi totiju ñacōri Jesure saya sĭa ñiro sĭayijarā ĩna, uju ĩ sĭaño bajiro. Ito yicōri jota bedo seara bedo ĩre jeoyijarā ĩre. ¹⁸ Ito yicōri ado bajiro Jesure tūdi ajeijarā ĩna:

—Judio masa uju ña mu. Gua bero catiba, yiyijarā ĩna Jesure.

¹⁹ Ito yicōri ĩ ya rijogaju yucna ĩre jayijarā. Ito yicōri ĩre go ide eobate guyijarā. ĩ riojo rijomunigāna ñini rūjūcōri ado bajiro ĩre aja tudiyijarā ĩna: “Mu ña uju ñasagu”, yi aja tudiyijarā ĩna Jesure. ²⁰ ĩre aja tūdi tĭocōri ĩ ya yutabuju sĭaro ruayijarā ĩna. Ruagocōri mucana ĩ sĭañooadoti tūdi sĭayijarā ĩna mucana. Ito yicōri Jesure yucutēoju jaju sĭarona ĩre tĭa wayijarā ĩna ĩja.

Yucutēoju Jesure ĩna jaju sĭare gaye

(Mt 27.32-44; Lc 23.26-43; Jn 19.17-27)

²¹ Jesure ĩna tĭa waroca ĩna tu ejayiju Simón wame cutigu. Cirene cuto gagu ñayiju ĩ. Alejandro, ito yicōri Rufo jacu ñayiju ĩ. Jesús tu Simón ĩ rĕta waroca ĩ ya yucutēore gaja rotiyijarā surara ĩre.

²² Ito yija Jesure āmi wayijarā Gólgota wame cutiri tariaju. “Rijoga gōa”, yireoni ña iti Gólgota yire. ²³ Itoju ejacōri Jesure uyé ide, mirra uco wasaro ĩre iobojayijarā ĩna. Itire idibisiju Jesús. ²⁴ Ito yija Jesure yucutēoju jaju wōyijarā ĩna. ĩ ya āmo ito yicōri ĩ ya gubore cuni jajuyijarā come wacana. Jesús ya yutabujure āmorā ado bajiro yiyijarā ĩna: “Ñimujua Jesús ya yutabuju ĩ bujaja tiana mani”, yirona gūta ajerina rea ajeijarā surara. Ito bajiro yi ajecōri, ĩ ya yutabujuri gāmeri batoyijarā ĩna ĩja.

²⁵ Busuri busa nueve tujarocacō Jesure jajuuyijarā ĩna. ²⁶ Jesús ya rijoga weca cumu jāi ucara jāi wōyijarā ĩna. “Āni űami judio masa uju”, yi ucare űayiju iti jāiju. “Iti waja seti űa ĩre”, yireoni űayiju ito uca wōre. ²⁷ Jesús rāca cocati jūarā riniri masare jajuuyijarā ĩna. Sīgū Jesús ya riojocaduĵa űayiju, gāĵi ĩ ya gācoduĵajua. ²⁸ Ito iti bajija Dios oca tuti iti gotiro bajiroti rētaoayiju: “Ñeıaro yirā rāca űacōri, ĩ cuni ñeıaro yigu űaguĵi”, yirā yirāĵi masa, yi ucare űayiju Dios oca tutiju.

²⁹ Itiju gāna Jesús tū rēta warāti ĩre aja tudiyijarā ĩna:
—“Dios ya wire jana batecōcujaja yu. Ito yicōri uĵia ramu bero mucana jōrojocujaja yu”, yibojacu mu, yiyijarā masa Jesure. ³⁰ Mmasiti masoıa. Ito yicōri yucutēoju wāñagū ruĵi waya mu, yiyijarā ĩna Jesure, ĩre aja tudirā.

³¹ Paia uĵarā, judio masa rotirise riasori masa cuni ito bajiroti aja tudiyijarā ĩna Jesure:
—Gāĵerāre masobojaguĵi ĩmasiti maso masibeami ĩ, yiyijarā ĩna. ³² Cristo, Israel sita gāna uju mu űaja, ruĵi masīgū yigujaja mu. Yucutēoju mu ruĵija ti āmoa gua. Mu ruĵija ticōri, “Cristo űa mu”, yiana gua, yiyijarā ĩna Jesure.

Jesús rāca cocati yucutēoju jaju ecoana cuni aja tudiyijarā ĩre.

Jesús ĩ usi jedire gaye

(Mt 27.45-56; Lc 23.44-49; Jn 19.28-30)

³³ Ĵmua gudareco űaroca macārucuro űarocōti rāitıacoayiju ĩja. Yoari rāitıayiju iti. űamicajua busa tres űaroca itocō busuyiju mucana. ³⁴ Itocō tujarocati buto awasāyiju Jesús ĩ ocana:

—Eloi, Eloi, ĵlama sabactani? yiyiju Jesús. “Dios yu Jacu, ĵno yija yure wagoati mu?” yireoni űayiju iti ĩ ocana.

³⁵ Coriarā ito űa coderā ĩ awasāja tuocōri, ado bajiro yiyijarā ĩna:

—Tuoya mua. Diore goti ĩsiri masu Elías wame cutigure jigu yiru ĩ, yiyijarā ĩna.

³⁶ Ito yija sīgū ito űagū űmaquedi wayiju Jesús tujaja. Ito yicōri ide uĵi āmirisena uyē ide jiare weoyiju. Ito yicōri ĩre itoju űutubojayiju yucugana, Jesús ya rise tujū ĩ mimitoni. Idbisijū Jesús. Ito yija Jesure ado bajiro yiyiju ĩ:

—Yuya maji. Diore goti ĩsiri masu Elías mure ĩ ruĵioja tiana gua, yiyiju ĩ Jesure.

³⁷ Ito ĩ yija bero oca sēoro awasāyiju Jesús. Ito awasācōri usi jedicoayiju ĩ ĩja. ³⁸ ĩ usi jedirocati Dios ya wi saya webutiro, wi gudareco yobiado űmacujua űigā ruĵi wadicōri jacaju űigā ruĵi ejacoayiju. ³⁹ Co duĵamocō masacō surara uju Jesús riojo űagū ĩ usi jedija ticōri, ado bajiro yiyiju ĩ:

—Dios Macuguti űabojaji āni, yiyiju surara uju.

⁴⁰ Sōĵu busa ti űayijarā romia cuni, Jesús ĩ godaja. ĩna wato űayijarā María Magdalena, María Santiago mesa jaco, ito yicōri Salomé wame cutigo cuni. Sōĵu busa ti űayijarā ĩna. ⁴¹ Galilea wame cutiri cutoju Jesús ĩ űa ucuroca ĩre eĵabuagoana űayijarā ĩna. Gāĵerā romia Jerusalēnju Jesure sayu eĵagoana ĩ godaja ti űayijarā ĩna cuni.

Jesure ĩna yujere gaye

(Mt 27.57-61; Lc 23.50-56; Jn 19.38-42)

⁴² Ito yija judio masa moasusari ramu rāiooayiju. Ito ramu űayiju tujacāra ramu rioĵa ĩna queno yuri ramu. ⁴³ Ito yiroca eĵayiju José Arimatea gagu. ĩ José űayiju űasarā rāca űagū. Diore tuorūnāre ĩ miojuroti ramu bocati űayiju ĩ cuni. Ito yija oca sēoro sāja wacōri Pilatore Jesús ya ruĵare seniyiju ĩ. ⁴⁴ Ito ĩ yija tuocōri, “Agū, ĵno yija yoari mejeti usi jediati ĩ?” yi tuolayiju Pilato. Ito bajiri surara uĵare jiyiju Pilato: “ĵRiti bajiati?” yirocu. ⁴⁵ “Riti űa”, surara uju ĩ yija tuocōri, Jesús ya ruĵare āmi rotiyiju ĩ Josére. ⁴⁶ Ito bajiro ĩ yija tuocōri, Jesús ya ruĵare gūmarocu saya coro waja yiyiju José. Ito yicōri Jesús ya ruĵare ruĵioĵu wayiju ĩja. ĩre ruĵio tuocōri ĩre gūmayiju José. Ito yicōri gūta totiju masari cumaju Jesús ya ruĵare yujeyiju José. Ito yicōri gūta jāi jaja jāina tubiayiju masari cuma soĵere. ⁴⁷ María Magdalena, María José jaco cuni tiyijarā Jesure ĩna yujeraja.

16

Jesús ĩ tūdi catire gaye

(Mt 28.1-10; Lc 24.1-12; Jn 20.1-10)

¹ Tujacāra ramu rāiocuro űaroca María Magdalena, María Santiago jaco ito yicōri Salomé wame cutigo cuni ĩna uĵiarā sutirise queno suti quenarise waja gāmeyijarā ĩna Jesús ya ruĵare turona. ² Tujacāra ramu busuri jiju wayijarā ĩna Jesús ya masari cumaju. űmacañi joeĵeariju eĵayijarā ĩna. ³ Ito yicōri ĩnamasiti busiyijarā:

—Jesús ya masiri cuma gūtagā tubiado, ĵűimu manire āmigo ĩsigū yiguĵida? yi busi wayijarā ĩna.

⁴ Ito ejacōri ĩna tija gūtagā jajoca ĩna biabojaraga mañijū ĩja. Iti ñaraju meje ñayijū itiga ĩja. ⁵ Gūtagā manija ticōri, sājayijarā ĩna. Ito sāja wacōri ĩna ti ñucaja riojocadūja sīgū mamū yutabuju botiro sāñacōri rujijijū. ĩre ticōri ucayijarā ĩna romia. ⁶ ĩna ucaja ticōri, ado bajiro ĩnare gotijijū ĩ:

—Ūcabela mūa. Jesūs Nazaret gagu mūa āmagū yucitēoju ĩna jajuru mami. ĩ godaja bero tūdi caticoami. Ito bajiri mami ado. Tiya mūa ado ĩre ĩna cūgoraju, yijijū ĩ ĩnare. ⁷ Wasa. ĩ rāca riasotigoanare gotitēña. Pedroro cūni gotiba, yijijū ĩ. Ado bajiro mūa gotija quena: “Jesūs mūa riojuaju Galileaju ejagu yiguūji. Itoju ĩre tirā yirāji mūa. ĩ gotiado bajiroti itoju ĩre ti bujarā yirāji mūa”, yi gotiba mūa ĩnare, yijijū ĩ.

⁸ Ito ĩ yija tūcōri, rudi budi wayijarā romia. Queno budi yire mejeti, nūro budi wayijarā ĩna, ucarā. Ito bajija ticōri, gūirā gājerāre goti bato yibisijarā ĩna.

María Magdalenare Jesūs ĩ goāiore gaye

(Jn 20.11-18)

⁹ Semana gaye ñasūori rūmū busuri ĩjū mūcana tūdi caticōri María Magdalenare cajero goaioyijū Jesūs. Jua āmojeno rāmūa budigoro ñayijū iso. ¹⁰ Jesūs ĩ tūdi catija ticōri, ĩ rāca riasotigoanare gotigo wayijū iso, ĩna oti bojori bujabe yiroco. ¹¹ ĩna tū ejacōri ado bajiro yijijū iso: “Mūcana catiami Jesūs. ĩre tibu yū”, yibojayijū iso ĩnare. Iso gotija tuobojarāti, “Riti gotiamo”, yī tuorūnūbisijarā ĩna.

Jūarā ĩ rāca riasotigoanare Jesūs ĩ goāiore gaye

(Lc 24.13-35)

¹² Ito yija bero weseca ĩna wa ucuroca ĩ rāca riasotigoana jūarāre goaioyijū Jesūs. Gajero bajigu ñacōri, ĩnare goaioyijū Jesūs. Ito bajiri cajero ĩre ti masibisijarā ĩna maji. ¹³ Yoa busari, “ĩti ñami Jesūs”, yi ti masicōri, tūdi wayijarā ĩna gājerā Jesūs rāca riasotigoanare gotirā warā. ĩna gotibojarocati ĩnare tuorūnūbisijarā ĩna cūni.

Ado bajiro yū oca masare riasoba mūa, yi Jesūs ĩ rotire gaye

(Mt 28.16-20; Lc 24.36-49; Jn 20.19-23)

¹⁴ Ito yija bero co rūmū ĩ rāca riasotigoana once ñarā ĩna ba rujiroca ĩnare goaīayijū Jesūs: “¿No yija gājerā yure tigoanare tuobeati mūa? Mūa ya usijū tuo āmobeā mūa”, yī tudijijū Jesūs ĩnare.

¹⁵ —Wasa, masa jeyarore Dios oca goti ucuba. “ĩre tuorūnūarāre masogū yiguūji Dios”, yire gaye riaso ucuba mūa. ¹⁶ No Diore tuorūnūcōri, idé gu ecoruti godabiquūji. Catitūñagū yiguūji. Ito bajibojarocati no yure tuorūnūbicūama ĩ ñeñaro yirise waja ñaro ya ĩre. Ito bajiri jeame ūjuroju ĩre cōagū yiguūji Dios, yijijū Jesūs. ¹⁷ Yure tuorūnūarāre ti masirā yirāji mūa. Ado bajiro yirā yirāji ĩna. Yure tuorūnūcōri yū masirisena suoriti rāmūare bucōarā yirāji ĩna. ĩna masibiti oca ñabojareti busirā yirāji ĩna. ¹⁸ Āñare ĩna ñiabojaja, ito yicōri ide junirisere ĩna idibojaja cūni ĩnare junibetoja. Diore basicōri cōrāre āmo moa jeorā yirāji. Ito ĩna yirocāti tujarā yirāji masa, yijijū Jesūs ĩnare.

Macārūcūroju Jesūs ĩ mūja ware gaye

(Lc 24.50-53)

¹⁹ Iti ĩ busija bero macārūcūroju mani Ūju Jesure āmi mūja wayijū Dios. Ito bajiri Dios ĩ riojocadūjaju rujijijū Jesūs. ²⁰ Ito ĩ mūjaja bero masa ñajedirore Dios oca goti ucurā wayijarā ĩna ĩja. Ito bajiro ĩna goti ucujā ticōri, Jesumasiti ĩnare ejabuayijū ĩ. Masa ĩnare queno tuorūnūjaro yiroca, ĩ rāca riasotigoanare ejabuayijū Jesūs. Ito bajiri ĩ ejabuārisena tiyamani masare ioijarā ĩna cūni. Itocōti ña.

El santo evangelio según San Lucas

San Lucas i gotiswore gaye

¹ Nati mu yu baba Teófilo. Adi mure papera cōa yu. Adi rumuri Jesure rētagore oca ucarī masa jājarā ñama ña ña. ² Mani robo bajiroti cajero Jesús rāca riasotigoana ña gotija, tuogoanati ñama ña cuni. Ito bajiri ña ucarise ticōri, “Jesús rāca riasotigoana ña gotiro bajiroti ucama ña cuni”, yi tuoia mani. ³ Ito bajiro yi masibojaguti jeyaro Jesure rētare oca queno riasoticōri, “Yu baba Teófilore yiari, yumasiti itire ucacuja yu”, yi tuoia yu. ⁴ Ito bajiro tuoia cōri, “Jeyaro yu tuogore bajiroti bajiyija Jesure cuni”, mu yi tuo masitoni adi mure uca yu.

Juan i ruजारoto riojua ángel i goti yure gaye

⁵ Herodes, Judea sita uju i ñaroca, sīgū ñayiju pai Zacarías wame cutigu. Pai Abías gāna rāca gagu ñayiju Zacarías. I manojō Elisabet wame cutigo ñayijo iso. Pai Aarōn ñajacu janeño ñayijo iso. ⁶ Dios i tija queno yirā ñayijarā ña jūarā, Zacarías i manojō rāca. Ito yicōri Dios i rotirise queno cūdirā ñayijarā ña. Ito bajiri, “Inare seti ña”, yi masibisijarā gājerā. ⁷ Ito bajibojarocati rīa mañijarā ña. No yicōri rīa cuti masibisijo Elisabet. ña jūarā bucārā riti ñayijarā ña.

⁸⁻⁹ Co rumu Zacarías rāca gānare pai ye moare ñayiju Dios ya waju. Paia ña yisotire yicōri Zacaríasre bese masiyijarā gājerā paia. “Mutī ña Dios ya sōa sājaroca, Diore queno sutirise soe isiroca”, yi ti masiyijarā ña Zacaríasre. ¹⁰ Ito ña yija tuocōri, Diore queno suti quenarise soe isiroca, Dios ya sōa sājayiju Zacarías. Ito i soe ñaroca riti macūjua Diore busi ñayijarā masa jeyaro. ¹¹ Iti i soeroca riti Dios ñaro gagu ángel goaŋoyiju Zacaríasre. Diore soe isiraju riojadujajua goa rāgūyiju i. ¹² Ángelre ti bujacōri, no yi masibisija Zacarías. Buto gūiyiju i. ¹³ Ito bajiro i gūija ticōri, ado bajiro ire gotiyiju ángel:

—Gūibesa Zacarías mu. Mu busirisere tuoami Dios. Ito bajiri mu manojō Elisabet macu cutigo yigōji. Ito yicōri Juan ire wame wōgū yigūja mu. ¹⁴⁻¹⁵ Mu macu Dios i tiro riojo queno yigu ñagū yigūji i. Ito bajiri queno wanūgū yigūja mu. Ito yicōri i rujeaja tuocōri, masa jājarā wanurā yirāji ña. Mu macu uye ide idibiquiji, sibiore cuni. Ito yicōri i ruजारoto riojua Espiritu Santo quedi sājagū yigūji ire. ¹⁶ Mu macu i riasorise tuocōri Israel sita gāna jājarā mani Ūju Dios rāca tūdi usi cutirā yirāji ña. ¹⁷ Jane mejeju Elías wame cutigu, Diore goti isiri masu ñayiju. Ire bajiro queno oca sēoro masare riasogu yigūji mu macu. Dios i cōaru Cristo i ejaroto riojua, Dios oca queno masare riasogu yigūji mu macu. Ito bajiri Espiritu Santo i ejabuarisena jacusatatia ña rīa rāca corocō usi cutiroca yigu yigūji i. Ito yicōri Diore cūdimena ña cūdiroca yigu yigūji i. Ito bajiro yigu, Cristore masa ña boca āmi ñacāroca yigu yigūji mu macu, yiyiju ángel Zacaríasre.

¹⁸ Ito i yija tuocōri, ado bajiro ire senūayiju Zacarías:

—¿Mu yirise rētaro yiroja, no bajiro yi tuoia ñagū yigujada yu? Bucugu ña yu. Ito yicōri yu manojō cuni buco ñamo, yiyiju Zacarías.

¹⁹ Ito i yija ire cūdiyiju ángel:

—Gabriel ña yu. Ito yicōri Diore moa isigū ña yu. Mure iti oca quenarise yu gotitoni yure cōami Dios. ²⁰ Ito bajibojarocati yu busirise mu tuorānubejare busi masibiticōri, busibicu ñagū yigūja mu. Ito bajiri mu macu i ruजारoto riojua busibicu riti ñagū yigūja mu maji. Ito bajiroti rētaro yiroja, Dios i āmori ramuju, yiyiju ángel Zacaríasre.

²¹ Ito i yiroca macūju ñarā ruje tuoayijarā masa Zacaríasre yurā. ¿No yija Dios ya waju yoari sejati Zacarías? yi tuoayijarā ña. ²² I budija bero no yi busi masia mañija Zacaríasre. Ito bajija ticōri, “Dios ya sōaju ñasarise tiñi i”, yiyijarā masa. Iju busibicu ñacōri no bajiro yi busi masibisija ñare. Ito bajiri busiguōcūti i ya āmona sōju quesoñayiju i.

²³ Dios ya waju i moa tfoja bero i ya waju tūdi wayiju Zacarías. ²⁴ I ya waju i tūdi ejaja bero i manojō Elisabet macu sāñagō ñayijo iso ija. Ito yicōri waju ñagō, budibisijo iso co dujamocō ūmacañicō. ²⁵ Ado bajiro tuoayijo iso. “Ito bajiro yu macu sānaroca yifi Dios yure. Gājerā yure ña ti tudibe yigu, ito bajiro queno yiñi Dios yure”, yi tuoayijo iso.

Jesús i ruजारoto riojua ángel i goti yure gaye

²⁶ Co āmojeno ūmacañi macu sāña tujago Elisabet iso ñaroca, Dios ñaro gagu ángel Gabriel wame cutigure cōayiju Dios, Nazaret wame cutiri cutoju. Galilea sitaju ñayiju iti cuto. ²⁷ Itoju sīgō María wame cutigore oca gotirocure cōayiju Dios Gabrielre. Manuju maco ūmagū rāca ajeiabeco ñayijo iso. Ito yicōri José manojō ñaroco ñayijo iso. Masa uju ñayoru janami macu

ñayiju José. Í ñicuju David wame cutiyoyiju, jane mejeju masa uju ñayoru. ²⁸ María tuju ejacōri ado bajiro isore gotiyiju ángel:

—¿Ñati mu? Mure oca gotigu wadibu yu. Dios í tija, queno usi cutigo ñayiju mu. Ito bajiri mu rāca ñami Dios. Gājerā romia rēto busaro queno yiñi Dios mure, yiyiju ángel Mariāre.

²⁹ Ito í yija tuocōri, buto tuoia jaiyijo iso íja. “¿No yija ito bajiro yure seniāti í?” yi tuoiaiyjo iso. ³⁰ Ito yija mucana isore busiyiju ángel:

—Gūibesa María mu. Mure wanuami Dios. Ito bajiri mure queno yiñi í. ³¹ Macu sāñagō ñasugo yigoja mu, ito yicōri macu cutigo yigoja mu. Íre macu cuticōri, Jesús wame yigo yigoja mu, mu macare. ³² Masa rētoro masi rētocūgū ñagū yiguñi í. Ito yicōri, “Dios Macu”, wame cutigu yiguñi í. Dios ūmacuju gagu Macu ñari ito bajiro wame cutigu yiguñi í. Í ñicuju David ñayoru robo bajiro ūju ñagū yiguñi í cuni. Ito bajiro í ñaroca yigu yiguñi Dios. ³³ Israel sita gāna jeyaro uju ñagū yiguñi mu macu. Ito yicōri í rotirise sasabero yiroja íja, yiyiju ángel Mariāre.

³⁴ Ito í yija tuocōri, íre seniāiyjo María:

—¿Ūmugū rāca yu ñabitibojarocati yure macu rujeagu yiguñija? yiyijo iso íre.

³⁵ Iso ito yija tuocōri, ado bajiro isore cūdiyiju í:

—Í ya usiti mure queno sāgū yiguñi Dios. Ito yicōri í masirise mu rāca ñaro yiroja. Ito bajiro Dios í yija í ya usiti mu macu sāñarise bajiro yiroja mure. Ito bajiri macuacā mu rucoroca Dios í amorise riti yigu yiguñi í. “Dios Macu ñami í”, yirā yirāji masa. Gaje ado bajiro mure gotia yu. ³⁶ Mu gajego Elisabet buco ñabojagoti macu cutigo yigōji iso. “Rīa cutiādo mamō iso”, yibojacā masa. Ito ina yibojarocati co āmojeno ūmacañi taja iso macu sāñaja bero. ³⁷ “Diore diseja buto josarise manoja”, yiyiju í Mariāre.

³⁸ Ito í yija tuocōri, ado bajiro cūdiyijo iso:

—Dios í rotirise moa ísiri maso ña yu. Ito bajiri mu yiro bajiroti yire āmoa yu, yiyijo María. Iso ito yija tuocōri, ūmacuju tūdi mujacoayiju ángel mucana.

Elisabetre María iso tigo ware gaye

³⁹ Ito bajiro í yira rumari bero usirio wayijo María, Judea sitaju gāta yucuri ñari cutoju Elisabetre tigo waco. ⁴⁰ Ito ejacōri Zacarías ya wiju sājayijo iso. Ito sāja ejacōri, “¿Ñati mu?” yi seniāiyjo iso Elisabetre. ⁴¹ María iso seniāaja tuocōri, Elisabet jeraga totiju macu sāñagū wāreyiju. Ito yicōri Espiritu Santo isore queda sājayiju. ⁴² Ito bajicōri oca sēoro ado bajiro yi gotiyijo Elisabet Mariāre:

—Gājerā romia rētoro queno yiñi Dios mure. Ito yicōri mu macu rucorocare cuni queno yiñi Dios. ⁴³ ¿Ñasari maso meje yu ñabojarocati yu ūju jaco ñaroca yure tigo wadiri mu? ⁴⁴ Yure mu seniāaja tuocōri, yu ya jeraga totiju sāñagū, yu macu wanugū wāremi í. ⁴⁵ “Dios í busiādo bajiroti itire yicōgū yiguñi”, yiroco buto wanu mu, yiyijo Elisabet Mariāre.

⁴⁶ Ito yija ado bajiro yiyijo María:

Yu ya usina mani ūjure buto rucubuoā yu. Ito bajiri, “Queno ya mu”, ya yu íre.

⁴⁷ Dios ñami yure masora. Ito bajiri íre queno wanu yu.

⁴⁸ Íre moa ísiri maso ñasago meje yu ñabojarocati yure ācabojabiticōri queno yiquí Dios yure. Ito bajiri íre buto wanu yu. Ado bajiro busirā yirāji yu bero gāna. “Isore queno yiñi Dios”, yirā yirāji ina.

⁴⁹ Ito bajiro tuoīarā yirāji ina, rētoro masigū Dios yure queno í yija ticōri. Queno yigu ñami Dios. Ñeñarise yīābicu ñami í.

⁵⁰ Íre rucubuoarē ñare ti maitīñagū yiguñi Dios.

⁵¹ Buto sēogū ñami Dios. Ito bajiri jaje tiyamani íocāyiju í. Ito yicōri, “Rētoro masirā ña gua”, yi tuoīabojarāre, rētocūyiju Dios.

⁵² Ūjarā ñasabojarā ina ñasabitiroca yiyiju Dios. Ito yicōri, “Gājerā rētoro masigū ña yu”, yi tuoīamenare ina ñasarā ñaroca yiyiju Dios.

⁵³ Ñio jogarāre quenarise ecayiju Dios. Ito yicōri gajeoni jairā ñabojarāre cuni ñe manoti ñare bucōayiju Dios.

⁵⁴⁻⁵⁵ Mani ñicusabatia Abraham ñayoru mesare ado bajiro gotiyiju Dios. “Muare cuni, muā janerābatiare cuni ti maicōri queno yi ñacuja yu”, yiyiju Dios. Itire ācabojabeami Dios. Ito bajiri í gotiādo bajiroti, mani Israel sita gāna í rīa mani ñajare, queno yi ñami Dios manire. Ito bajiri í Macu yu rucoroca yigu yiguñi Dios, yiyijo María Elisabetre.

⁵⁶ Ito yi, Elisabet ya wiju udiarā ūmacañi ñacōayijo María íja. Ito iso ñaja bero tūdi wayijo mucana iso ya wiju íja.

Juan idé guri masu í rujeare gaye

⁵⁷ Elisabet iso macu rucori rumu ejaroca macu rucoyijo iso íja. ⁵⁸ Dios isore queno yija, tuoiyjarā iso ñarā ito yicōri iso tu ñarā cuni. Ito bajiri isore wanurā ejayjarā ina, iso tuju. ⁵⁹ Macuacā í joeaja bero udiā āmojeno rumari tujaroca ejayjarā ina mucana. Macuacāre

Īna yisotire bajiro Īre wirotarona ejayijarā Īna. Ito yicōri Ī jacu Zacarías wamere wō āmobjayijarā Īna. ⁶⁰Ito yibojarocati Ī jaco āmobjisijo:

—Juan wame cutigu yiguĵi, yiyijo iso.

⁶¹Iso ito yija tuocōri, ado bajiro seniĵayijarā Īna isore:

—¿No yija ito bajiro Īre wame wō āmoati mu? Mani ĩnarā sĵgū ito bajiro wame cutirā mama, yiyijarā Īna isore.

⁶²Ito yicōri macuacā jacure seniĵarona āmona Īre sōju quesoĵayijarā Īna, “¿Dise wame āmoati mu?” yirona. ⁶³Ito bajiro Īna yija ticōri, macuacā wame uca wōrocu uca ĵai Īnare seniĵiju Zacarías. Ito yija, “Juan wame cutigu yiguĵi”, yi uca wōyiju Ī. Ito bajiro Ī yija ticōri, “¿Ito bajiro wame āmoati Ī?” yirā, ruje tuoĵayijarā Īna. ⁶⁴Ito bajiro Īna yiroca riti busi masibitiru ĩabojaguti busisuoĵiju Zacarías mucana. “Queno ya Dios mu. Rētoro quenagū ĩa mu”, yi busisuoĵiju Zacarías Diore rūcubuoĵu. ⁶⁵Ito Ī yija tuocōri, Ī tujū ĩnarā ti ucayijarā Īna. Ito Judea sitaju, gūta yucariju ĩnarā canĪ iti oca rētagore tuoĵijarā Īna. Ito bajiri iti oca goti batoyijarā Īna. ⁶⁶Masa iti oca tuocōri ruje tuoĵayijarā Īna. Ito yicōri gāmeri seniĵayijarā Īna: “¿Īnimu ĩnasagu yiguĵida Ī bucuaĵa? Mani Ūju Dios queno yiyiju Īre”, yi masi jediyijarā Īna ĵa.

Zacarías Diore Ī basare gaye

⁶⁷Ito bajiro Īna yi ĩnaroca Espiritu Santo quedi sāĵayiju macuacā jacu, Zacaríasre. Īre Espiritu Santo quedi sāĵaja ticōri, ado bajiro Dios oca gotiyiju Zacarías:

⁶⁸Mani Israel gāna, mani Ūju Diore rūcubuoĵaja manire. Īti ĩnami rētoro masigū. Ito yicōri Ī ĩnarā ĩa mani. Mani ĩnari tutiju ejacōri manire masoru ĩnami Dios.

⁶⁹Manire masorocu, sĵgū rētoro masigūre cōagū yiguĵi Dios. Mani ĩncu David ĩayoru Diore queno cudigu janami ĩnagū yiguĵi Ī.

⁷⁰Jane mejeju Īre goti ĩsiri masana suoriti ado bajiro goticāni Dios manire:

⁷¹“Mua wajanare rētocūcujaja yu. Ito yicōri muare ti terāre canĪ camotacujaja yu.

⁷²Muare ti maicōri yu goticato bajiroti yicujaja yu”, yiĩni Dios, yi gotiyiju Zacarías masare.

⁷³Mani ĩncu Abraham ĩayorare ado bajiro goticāyiju Dios:

⁷⁴“Muare masocujaja yu, mua wajana Īna muare ruyuriobe yirocu. Ito bajiro yicujaja yu, gūimenati yare mua cudĪtoni.

⁷⁵Mua catirocō mua queno yi ĩnatonĪ, ito yicōri yiro robo yare mua cudĪ ĩnatonĪ, ito bajiro muare masocujaja yu”, yiĩni Dios, mani ĩncu Abraham ĩayorare, yi gotiyiju Zacarías masare.

⁷⁶⁻⁷⁷Ito Ī yija bero ado bajiro yiyiju Zacarías macuacāre gotigu: “Cristo, Dios Ī cōarure masa Īre boca āmi ĩnacātonĪ Dios oca ĩnare gotigu yigujaja mu. ‘Mua ĩneĵaro yirise mua ĵidicāja bero, itire ācabojocōri muare masogū yiguĵi Dios’, yi gotigu yigujaja mu masare. Ito bajiro mu gotija tuocōri, ‘Dios ūmacūju gagure goti ĩsiri masu ĩnami’, yirā yirāji masa mure”, yiyiju Zacarías, Ī macuacāre gotigu.

⁷⁸Manire ti maicōri sēoro yibeami Dios. Ito bajiri manire masorocu, Cristore cōagū yiguĵi Dios mani ĩnari sitaju.

⁷⁹Ado ejacōri Diore masimenare Ī oca gotigu yiguĵi jeame āĵoroju Īna wabe yirocu. Ito yicōri Ī rāca mani queno ūsi cutĪtonĪ, Cristore cōagū yiguĵi Dios, yiyiju Zacarías masare gotigu.

⁸⁰Bucua muja wacuti buto Diore tuorānu muja wayiju Zacarías macu, Juan wame cutigu. Dios gayere queno tuoĵacōri Īre bajiro ūsi cutigu ĩnayiju Juan. Ĵai tujacōri yucu manojū ĩa ucuyiju Ī. Israel sita gānare Dios oca Ī goti ucuroto rioĵua, itojū riti ĩa ucuyiju Juan maji.

2

Jesu Cristo Ī rujeare gaye

(Mt 1.18-25)

¹Iti ĩmūrĪti masa ūju Augusto wame cutigu, “Adocō ĩnami yu ya masa”, yirocu Īna wame wō jeo āmoyiju Ī. Ito bajiri masa jeyarore wadi rotiyiju Ī. ²Siria sitaju Cirenio Ī ūju ĩnaroca ito bajiro bajijiju iti cajero masare cōiare gaye. ³Ito bajicōri masa jeyaro Īna rujeara cutoju wame ucarona wayijarā Īna. ⁴Ito bajiri iti oca tuocōri wayiju José canĪ. Galilea sita Nazaret wame cutiri cutoju ĩnacōri Judea sita Belén wame cutiri cutoju wayiju José Ī wame wōrocu. Jane mejeju Belénju rujeayiju David, masa ūju ĩayoru. David ĩayoru janerābatia macu ĩnari Belénju wayiju José. ⁵Itoju wayiju José Ī manojū ĩnaroco Maria rāca. Ī rāca ajebitibojagoti macu sānagō ĩnayijo iso. ⁶Belénju Īna ejaja bero macu iso rucoroti ĩmū ejayiju isore. ⁷Ito bajiri iso macu ĩnasogū ĩucoyijo iso Īna. Īre saya werorina gūmacōri ecana Īna baricoroju Īre sāyijo iso. Canira wiri daja rētajare ecana wiju ĩnayijarā Īna.

Oveja coderi masare āngel Ī gotire gaye

⁸ Belén tu busa ñayjarã oveja coderi masa. Ta weseju ñami rēta wayijarã oveja coderã. ⁹ Ñajasaroti Dios ñaro gagu ángel goayiju ñare. Ito yicōri Dios ï sñatirise busuñoyiju ña wato. Itire ticōri buto güiyijarã ña. ¹⁰ Ña güija ticōri, ado bajiro yiyiju ï:

—Güibesa mua. Oca quenarise muare gotigu wadibu ya. Iti oca tuocōri masa jeyaro wanurã yirãji ña. ¹¹ Adi ñamiti David ñayoru ya cutoju rujeami muare masoroca. Ñ ñami mani Uju ñaroca Cristo, Dios ï cōaru. ¹² Ñre mua ti bujaja ado bajiro bajigu bujarã yirãji mua. Saya werorina gūmarure bujarã yirãji mua macuacãre. Ito yicōri ecana ña baricoroju cani sñagũ yiguñi ï, yiyiju ángel oveja coderi masare.

¹³ Ito bajiro ï yija beroti ñre bajiro bajirã ángel mesa jãjarã goayijarã. Ito yicōri ado bajiro busiyijarã ña, Diore rucuborã:

¹⁴ Rētoro masigũ ñami Dios ũmacũju gagu. Adi sita gãna, Dios rãca queno usi cutirã queno wanũ quena ñajaro ña, yiyijarã ángel mesa.

¹⁵ Ito yicōri tudĩ mujacoayijarã ña. Ito ña mujagoja bero oveja coderi masa gãmeri busiyijarã ña:

—Ita, Belénju wato mani. Iti rētagore tũato mani. Ito yicōri mani Uju Dios ï gotirise tito mani, yiyijarã ña.

¹⁶ Ito yicōri usirio wayijarã ña. Belénju ejacōri María, Josere cuni ti bujayijarã ña. Ito yicōri macuacãre ecana ña baricoroju sñagũre ti bujayijarã ña. ¹⁷ Ñre ti bujacōri, “Ado bajiro bajigu macuacãre ti bujarã yirãji mua”, yi ángel ï gotigore goti jeoyijarã ña, itiju ñarãre. ¹⁸ Itire tuo wanucōri, “¿No yireoni ñati iti?” yi tuoña jediyijarã itiju ñarã. ¹⁹ Ito bajibojarocati Marijama iti oca tuocōri iso ya usiju tuoña wanũ ñayijo iso. ²⁰ Ito bajiro iso tuoña ñaroca ña cutoju tudĩ wayijarã oveja coderi masa. Warãti Diore rucuborã ñre wanũ quenare oca busiyijarã ña. Ángel ï gotigore ñaro bajiro iti rētaja ticōri, Diore rucuborã wanũ quenare oca busiyijarã ña.

Dios ya wiju Jesure ña ãmi ejare gaye

²¹ Udia ãmojeno rumari Jesús ï tujaroca judio masa ña yisotiado robo bajiro ñre wiro tayijarã ña. Macuacãre wiro ña taja bero Jesús ñre wame wõyijarã ña. “Ito bajiro wame wõma”, yiyiju ángel, María iso macu sñaroto rioja.

²²⁻²⁴ Jane mejeju ado bajiro rotiyiju Moisés ñayoru: “Romio iso racoja bero jãarã masacõ rumari bero iso ñarise cutirise coerona Diore oveja macu soe ñsima. Oveja ï manija, buja robo bajirã jãarã ñre soe ñsima. Ito yicōri buja rãa cani quena ñarãji”, yi rotiyiju Moisés ñayoru. Ito bajiri ï rotigore cudirona Dios ya wi Jerusalénju Jesure ãmi wayijarã ï jacusabatia. Gaje ucare ado bajiro gotia Dios oca tuti: “Macu ñasogu Dios yagu ñagũ yiguñi. Ito yicōri ñre moa ñsigũ yiguñi?”, yi gotia Dios oca. Ito bajiri, “Ñni macuacã mure riti ï moa ñsitoni mure ñsia gua”, yi Diore busirona Jerusalénju Jesure ãmi wayijarã ï jacusabatia.

²⁵ Iti rumari Simeón wame cutigu Jerusalénju ñayiju. Queno Diore cudigu ñayiju ï. Israel sita gãnare masorocare bocati ñayiju Simeón. Ito yicōri Espiritu Santo queda sñacaru ñayiju ï. ²⁶ Espiritu Santo ado bajiro goticãyiju Simeónre: “Cristo, Dios ï cōarure tigu yiguja mu, mu godaroto rioja”, yiyiju Espiritu Santo Simeónre. ²⁷⁻²⁸ José, María rãca ña wari rumati Simeónre cuni Dios ya wiju wa rotiyiju Espiritu Santo. Judio masa ña yisotiado bajiro yirona Dios ya wiju Jesure ãmi sãja wayijarã ña. Ña iti wiju sãjaroca ña tu eja rügũyiju Simeón. “Dios Macu ñaguñi”, yi tuoñacōri Jesure ãmi gajayiju ï. Jesure ãmi gajacōri, “Queno ya mu”, yiyiju Simeón Diore wanugũ. Ado bajiro yiyiju Simeón, Diore:

²⁹ Yu Uju mu goticato bajiro ti yare iti rētaja tia yu. Cristore ti buja yu, mu cōarure. Ito bajiri wanũ quenare rãca godagu yiguja yu.

³⁰⁻³¹ Yumasiti tia yu, masa ña ñeñaro yirise coerocare. Jesús guare cõayija mu masa jeyaro ñeñaro ña yirise coerocare.

³² Mu cōaru ñami, Israel sita gãna mejere cuni ña tuo masiroca yiroca. Ito yicōri mu ñarã Israel sita gãnare rucuborã yirãji masa jeyaro, yi wanuyiju Simeón, Diore queno cudigu ñari.

³³ Ña macu jaibecuacãre ï ito bajiro busija tuo ucayijarã ña José, María cuni. ³⁴ Ito yija ñare yiari Diore busiyiju Simeón ña queno ñatoni. Ado bajiro yi gotiyiju Simeón, ñare. “Quenaro ñarã yirãji mua”, yiyiju Simeón, Mariare, Josere cuni. Ito yicōri Jesús jaco Mariare ado bajiro gotiyiju ï:

—Ñni macuacã Dios ï beseru ñami. Ñ bucuacōri Israel sita gãna jãjarã Dios oca cudimenare ruyuriogu yiguñi ï. Ñre cudirãre ñeñaro ña yirisere acabojogu yiguñi. “Dios ï cōaru ñaguñi”, yi masibojarãti jãjarã ñre busiturã yirãji. ³⁵ Masa jeyaro ña ya usiju ña tuoñabojarisere ti masicõgũ yiguñi ï. Ito bajibojarocati mu macure ña rucubobeja ticōri, bojori bujago yigoja mu, mu ya usiju, yiyiju Simeón macuacã jaco Mariare.

³⁶⁻³⁷ Ito bajiro İna busi ñaroca, sġgō Ana wame cutigo Dios ya wiju ñayijo iso cuni. Iso ñayijo Diore goti İsiri maso. Ito yicōri Fanuel maco ñari, Aser masa butu gago ñayijo iso. Boco ñayijo iso İja wajeago. Ochenta y cuatro rodori tujayiju iso manuju i godagoja bero. Ado bajiro bajiyiju. İna āmo siaja bero jua āmojeno rodori ñabojayiju iso manuju maji. Ito bero godacoayiju i İja. Ito bajiri i godagoja bero Dios ya wiju riti ñasotiyijo iso. Iti wiju ñagō ūmua cuni, ñami cuni Diore moa İsisotiyijo iso. Gajereama ba yujibecoti Diore rācubuoşago babeco riti İre busiyijo iso. ³⁸ Jesŭs jacusatia rāca Simeōn i busi rāgōroca, Ana cuni Diore busiroco eja rāgūyijo iso. Ito bajiro Simeōn i busija tuocōri, “Queno ya Dios mu”, yiyijo iso. Ito bajiro Diore, “Queno ya mu”, yi tuocōri, ado bajiro yi gotiyijo iso Jerusalén gānare: “Āni ñami mani bocraticacu ñeñaro mani yirisere coerocu”, yiyijo iso masare.

Nazaretju İna tŭdi ware gaye

³⁹ Josē, Marġa rāca Dios rotirise ñarocōti cŭdirā ejagoana, Galilea sitaju tŭdi wayijarā İna mucana, İna cuto Nazaretju warā. ⁴⁰ Ito bajicōri İna cotoju macuacā Jesŭs sēoro busca mujayiju. Queno tuoİare rāca bucayiju İ. Dios İ Jacu queno ejabuyiju İre.

Dios ya wiju Jesŭs İ tujare gaye

⁴¹ Co rodo ruyabeto Jerusalénju Pascua basa İna menija tirā wasotiyijarā İ jacusatia. ⁴² Jesŭs jua gubojeno rodori İ tujaroca Jerusalénju Pascua basa tirā wayijarā İna. Co rodo ruyabeto basa rumu İna tisotiado bajiro iti Pascua basa tirā wayijarā İna mucana. ⁴³ Ito ejacōri, iti basare tiyjarā İna. Ito bajiri iti jedija ticōri, tŭdi wayijarā İna mucana. Ito bajiro İna tŭdi waroca Jesuama tujacoayiju Dios ya wiju İja. İ jacusatia, “Tujacoaguji”, yi tuoİabisijarā İna. ⁴⁴ “Ado mani rāca warā wato ñaguġji”, yi tuoİayijarā İna. Ito bajiro tuoİa warā riti, co rumu ūmwasaro wayijarā İna. Ito bajiro İna wajasaroti İre āmabojayijarā İna, İja. “Mani rāca warā wato ñaguġji”, yirona āmabojayijarā İna. ⁴⁵ Ito bajibojarocati İre bujabisijarā İna. Ito bajiri İre bujarona Jerusalénju İre āmarā wayijarā İna mucana.

⁴⁶ Ūdia rumu bero Jesure bujayijarā İna, Dios ya wiju İ ñaroca. Judio masa rotirise riasori masa wato İre bujayijarā İna. Riasori masa İna busirisere tuocōri İnare seniİayiju Jesŭs. İnajua cuni seniİayijarā İre. ⁴⁷ Queno masigū ñari, queno i cŭdi masija ticōri, tuo acayijarā İna jeyaro. ⁴⁸ Ito bajiroca İ jacusatia İre ti bujacōri, tuo acayijarā, ito İ yija tuocōri. Ito bajiri İ jaco ado bajiro yiyijo İre:

—¿No yija gua waroca guare gotibicati, tujacati macu mu? Mu manija ticōri, buto tuoİa oca jaiacu ya, mu jacu cuni, yiyijo İ jaco İre.

⁴⁹ Iso ito bajiro yija tuocōri, ado bajiro isore cŭdiyiju Jesŭs:

—¿No yija yare āmacati mua? “İ Jacu ya wiju ñaguġji”, ¿yi masibiticati mua? yi cŭdiyiju Jesŭs, İ jacusatiare.

⁵⁰ Ito bajiro İ yibojarocati İ busirisere queno tuo masibisijarā İ jacusatia.

⁵¹ Ito İna yija bero İna rāca tŭdicoayiju İ İja, Nazaretju. Nazaretju tŭdi ejacōri İ jacusatia rotiro bajiroti cŭdisotiyiju İ. Ito yicōri iso macu Jerusalénju İ yigorere tuoİa ñasotiyijo Jesŭs jaco. ⁵² İ tuoİarise rācati bucu muja wayiju Jesŭs. Dios cuni, masa cuni İre ti mai rācubuoşijarā İna İja.

3

Yucu manojju Juan idē guri masu İ ña ucure gaye (Mt 3.1-12; Mr 1.1-8; Jn 1.19-28)

¹ Tiberio wame cutigu ūju İ sājaja bero, quince rodori İ ña tujaroca Poncio Pilato wame cutigu Judea sita ūju ñayiju İ. Gāji Galilea sita gagu ūju ñayiju Herodes wame cutigu. Ito yicōri İ ocabaji Felipe wame cutigu jua sita ūju ñayiju. Iti İ sita rŭcorise wame cutiyiju İturea, ito yicōri Traconite. Ito bero gāji Lisnias wame cutigu Abilinia sita ūju ñayiju İ. ² Masa ito bajiro sita İna rāco ñaroca Anās ito yicōri Caifās wame cutirā, İna ñayijarā paia ūjarā. Ito bajiro ūjarā İna ñaroca, Zacarġas macu Juan wame cutigu yucu manojju İna ucuyiju. Ito İ ñaroca oca goti rotiyiju Dios İre. ³ Ito bajiro Dios İ gotija tuocōri, riaca Jordán wame cutirisa tujju Dios oca goti ucugu wayiju Juan. Ado bajiro yi goti ucuyiju İ:

—Mua ñeñaro yirise jidicācōri quenarise mua ya usiju tuoİa wasoaya İja. Ito bajiro mua tuoİaja, mua ñeñaro yirise ācabogaju yiguġji Dios. Dios oca ya gotirise mua tuorūnja, idē gu roti masirāji mua, yiyiju Juan masare gotigu.

⁴ Sġgū Diore goti İsiri masu İsaġas wame cutigu İ ucado bajiroti yiyiju Juan. “Ado bajiro yigu yiguġji”, yirocu uca yuyiju İsaġas, Juanre tuoİa yugu:

Sġgū yucu manojju ado bajiro yi sēria gotigu yiguġji: “Mua ya usiju queno tuoİa ñaİa mua, mani ūju İ ejaroto riojna, mua ya usiju İ queno İa masitoni.

⁵ Mũare ñeñaro tuoĩare gaye ñaja itire jidicãña. Mũa ñeñaro yirise iti ruyaja, itire jidicãcõri, quenarisejuare tuoĩaña. Mũa tuoĩarise rocati iti wisaja quenarisejuare tuoĩa ñaña. Ito yicõri jeyaro mũa ñeñaro tuoĩarisere jidicãña.

⁶ Ito bajiro mũa yija bero masare masarocu, Dios ĩ cõarure ti jedirã yirãji masa jeyaro”, yigu yiguĩji sīgũ yucu manojũ, yĩ ucayiju Isaias, Juanre tuoĩa yugu.

⁷ Jãjarã masa Juanre ĩna idé gu rotirã ejaja, ado bajiro yiyiju Juan ĩnare:

—Ñña rima iti juniro bajiro ñeñaro yirã ña mũa. Ado bajiro tuoĩabojaja mũa: “Dios ĩ waja seniri ramũ iti ejaroca manire waja senibiquĩji Dios. Mani ñeñaro yirã ñabojarocati manire ti maicõri manire waja senibiquĩji ĩ”, yĩ tuoĩabojaja mũa, yiyiju Juan masare.

⁸ Ñeñaro mũa yirise jidicãcõri quenarise riti tuoĩa ñaña mũa. Ito bajiro riti yisotiba, “Quenarisejuã tuoĩarã ñama ĩja”, masa mũare yĩ ti masitoni. Ado bajiro yĩ tuoĩabesa mũa. “Abraham ñayoru janerãbatia ña guama. Ito bajiri Dios ĩ beseana ña gua cuni”, yĩ tuoĩabesa mũa. Ado bajiro baja. Adi gũtana Abraham janerãbatia robo bajiro ĩ godo weo ãmoja, godo weo masiguĩji Dios, yiyiju Juan ĩnare.

⁹ Ito yicõri ado bajiro goti masiore ocana gotiyiju Juan:

—Comeana yucũre quẽarocu ñacãmi Dios. Ito bajiri yucu queno rica manigãre ti bujacõri quẽagũ yiguĩji Dios. Ito yicõri jeana soegu yiguĩji ĩ. Ado bajiro yireoni ña iti. Masa ĩna ñeñaro yirise waja senirocu ñacãmi Dios. Ito bajiri ĩna ñeñaro yirisere jidicãbeja ticõri ĩnare ruyuriogu yiguĩji Dios. Ito yicõri jeame ajuroju cõagũ yiguĩji Dios ĩnare, yiyiju Juan masare.

¹⁰ Ito bajiro ĩ yija tuocõri, masajua ĩre ado bajiro seniĩayijarã:

—¿No bajiro gua yire ãmoati Dios? yĩ seniĩayijarã ĩna Juanre.

¹¹ ĩna ito bajiro yija cãdiyiju Juan:

—No camisa juaro rucogu, gãji rucobicũre coro ĩsija quena. Ito yicõri no bare rucogu, bojoro bujarãre ĩsija quena, yiyiju Juan ĩnare.

¹² Ujarãre yiari waja seni ĩsiri masa cuni, Juanre idé gu rotirã ejayijarã. ĩre ado bajiro seniĩayijarã ĩna:

—Guare riasogu, ¿no bajiro gua yire ãmoati Dios? yĩ seniĩayijarã ĩna Juanre.

¹³ —Bau, ujarã mũare niyeru ãmi rotirocõti ãmiña. Ito yicõri, ujarã ĩna rotiro rẽto busaro ãmibesa, yiyiju Juan ĩnare.

¹⁴ Surara cuni ado bajiro ĩre seniĩayijarã:

—¿No bajiro gua yire ãmoguĩjida Dios? yiyijarã ĩna Juanre. ĩna ito yija:

—Bau, masare ĩna rucorisere ãmabesa. ĩnare rucõri ĩna rucorisere jeyaro ãmabesa. ĩnare sẽoro yicõri ĩna rucorisere ãmabesa. Ito yicõri, mũa moare waja, ujarã mũare ĩna waja yirocõti boca ãmiña. Mucana tudi ĩnare seni uyabesa, yiyiju Juan ĩnare.

¹⁵ Ito bajiro ĩ yija tuocõri, ado bajiro tuoĩa usirioyijarã ĩna: “Cristo, ¿Dios ĩ cõaruti ñati ãni?” yĩ tuoĩayijarã ĩna. ¹⁶ Ito bajiro ĩna yibojarocati ado bajiro yiyiju Juan ĩnare:

—Cristo meje ña yu. Idenati masare idé gua yuama. Yu bero rẽtoro ñasagu ejagu yiguĩji. Yu rẽtoro ñasagu ĩ ñajare ĩre bajiro rẽtoro ñasagu meje ña yu. ĩre mũa tuorãnjama Espiritu Santo mũare queo sãgũ yiguĩji ĩja. Ito bajiro mũare Espiritu Santo queo sãcõri queno mũare mũa tuoĩaroti ejabuagu yiguĩji ĩ, yiyiju Juan ĩnare.

¹⁷ Ito yicõri gaje ado bajiro gotiyiju Juan ĩnare:

—Yu bero ejagu trigo ajeri besegu bajiro yigu yiguĩji masare. Sīgũ trigo otegu iti wirori coda batecõri ajeri riti seo masiguĩji ĩ. Ito bajiro ĩ codaja bero iti wirorire jeameju soeguĩji ĩ. Jedirime meje ñaraja itime jeame. Wirori ĩ soegori ajeriana ĩ cũroju seo cũgũ yiguĩji ĩ. Ito bajiro yigu yiguĩji mani Uju adoju ejagu. Trigo ajeri beseado bajiroti besegu yiguĩji manire, yĩ gotiyiju Juan masare.

¹⁸ Ito bajiro ĩ gotiro watoti Dios oca quenarise masare gotiyiju Juan, Diore ĩna cãditoni.

¹⁹ Gajerea, Herodes ujare goti tudiyiju Juan. ĩ ocabaji Felipe manojũ Herodias wame cutigore Herodes ĩ manojũ cutija, ito bajiro ĩre goti tudiyiju Juan. Gaje ĩ ñeñaro yirise masicõri ĩre goti tudiyiju Juan. ²⁰ Ito bajiro ĩ busija tuobojaguti ĩre tuorãnbisiju Herodes. Ito yicõri buto busa ñeñaro yĩ uyagu Juanre tubia rotiyiju ĩ.

Jesure idé gure gaye

(Mt 3.13-17; Mr 1.9-11)

²¹⁻²² Co ramũ tubiara waju ĩre ĩna tubiaroto riojua, jãjarã masare idé gu yiju Juan. Ito yicõri Jesure cuni idé gu yiju Juan. ĩ idé guja bero Diore busiyiju Jesús. Ito bajiro ĩ busi rũgõroca ũmacũju macãrucũroju janayiju. Ito yicõri bujare bajiro bajiguna quedi sãja wadicõri Jesús joe quedi jeayiju Espiritu Santo. Ito bajiro ĩ quedi jeaja bero ado bajiro oca ruyuyiju ũmacũju: —Yu macũ ña mũ, yu maigũ. Mure buto wanua yu, yĩ busiyiju Dios, Jesure busigu.

Jesucristo rujearoto riojaju gãna

(Mt 1.1-17)

²³ Sīgū masacō gāji ye jua dajamocō rodori tujagu, masare riasosuoγijju Jesús. “José macu ñami Jesús”, yi tuoγayijarā masa. Iti riojua ado bajiro wame cutirā ñasuoγijarā masa. José jacu ñayiju Elí. ²⁴ Elí jacu ñayiju Matat. Matat jacu ñayiju Leví. Leví jacu ñayiju Melqui. Melqui jacu ñayiju Jana. Jana jacu ñayiju José. ²⁵ José jacu ñayiju Matatías. Matatías jacu ñayiju Amós. Amós jacu ñayiju Nahúm. Nahúm jacu ñayiju Esli. Esli jacu ñayiju Nagai. ²⁶ Nagai jacu ñayiju Maat. Maat jacu ñayiju Matatías. Matatías jacu ñayiju Semei. Semei jacu ñayiju Josec. Josec jacu ñayiju Judá. ²⁷ Judá jacu ñayiju Joanán. Joanán jacu ñayiju Resa. Resa jacu ñayiju Zorobabel. Zorobabel jacu ñayiju Salatiel. Salatiel jacu ñayiju Neri. ²⁸ Neri jacu ñayiju Melqui. Melqui jacu ñayiju Adi. Adi jacu ñayiju Cosam. Cosam jacu ñayiju Elmadam. Elmadam jacu ñayiju Er. ²⁹ Er jacu ñayiju Josué. Josué jacu ñayiju Eliezer. Eliezer jacu ñayiju Jorim. Jorim jacu ñayiju Matat. ³⁰ Matat jacu ñayiju Leví. Leví jacu ñayiju Simeón. Simeón jacu ñayiju Judá. Judá jacu ñayiju José. José jacu ñayiju Jonam. Jonam jacu ñayiju Eliaquim. ³¹ Eliaquim jacu ñayiju Melea. Melea jacu ñayiju Mena. Mena jacu ñayiju Matata. Matata jacu ñayiju Natán. ³² Natán jacu ñayiju David. David jacu ñayiju Isaí. Isaí jacu ñayiju Obed. Obed jacu ñayiju Booz. Booz jacu ñayiju Salmón. Salmón jacu ñayiju Naasón. ³³ Naasón jacu ñayiju Aminadab. Aminadab jacu ñayiju Admin. Admin jacu ñayiju Arni. Arni jacu ñayiju Esrom. Esrom jacu ñayiju Fares. Fares jacu ñayiju Judá. ³⁴ Judá jacu ñayiju Jacob. Jacob jacu ñayiju Isaac. Isaac jacu ñayiju Abraham. Abraham jacu ñayiju Taré. Taré jacu ñayiju Nacor. ³⁵ Nacor jacu ñayiju Serug. Serug jacu ñayiju Ragau. Ragau jacu ñayiju Peleg. Peleg jacu ñayiju Heber. Heber jacu ñayiju Sala. ³⁶ Sala jacu ñayiju Cainán. Cainán jacu ñayiju Arfaxad. Arfaxad jacu ñayiju Sem. Sem jacu ñayiju Noé. Noé jacu ñayiju Lamec. ³⁷ Lamec jacu ñayiju Matusalén. Matusalén jacu ñayiju Enoc. Enoc jacu ñayiju Jared. Jared jacu ñayiju Mahalaleel. Mahalaleel jacu ñayiju Cainán. ³⁸ Cainán jacu ñayiju Enós. Enós jacu ñayiju Set. Set jacu ñayiju Adán. Adánti ñayiju Ija Dios rujeoru. Ito bajiri Dios macu ñayiju Adán.

4

Rāmúa uju Jesure ī usirio codere gaye
(Mt 4.1-11; Mr 1.12-13)

¹ Jesús ī idé gu ecoja bero Espirito Santo ī rāca buto ñayiju. Ito yicōri riaca Jordán wame cutirisa tu ī ñaroca, yucu manojū ĩre āmi wayiju Espirito Santo. ² Yucu manojū ejacōri jūarā masacō ramari ñayiju Jesús itoju. Itoju ī ñari ramari cōti, bare babicuti ñayiju Jesús. Itocō bero ñiocōyiju mucana. Ī ito bajiro ñiocō ñaroca, ñeñaro ī yitoni usirioro yi codeyiju rāmúa uju Jesure. ³ Ado bajiro ruoyiju rāmú ĩre:

—Riti Dios Macu mu ñaja, adi gūtanati naju godo weogu yigujaja mu, yiyiju rāmú Jesure.

⁴ Ito bajiro rāmú ĩre yibojarocati:

—Yibe. Dios oca tuti ado bajiro gotia: “Najuna riti meje catirā yirāji masa. Jeyaro Dios ocana suoriti queno wana quena ñarā yirāji masa”, yi gotia Dios oca tuti, yiyiju Jesús rāmúre.

⁵ Ito bero cogu gūtagū ũmaricu joeju āmi wayiju rāmú Jesure. Itoju āmi ejacōri yoari mejeti adi macārucāro ñajediro ñari catorire ĩo jeocōyiju rāmú Jesure. ⁶⁻⁷ Ado bajiro goti ruoyiju rāmú itigu gūtagū joeju ñacōri:

—Yure rācubuoγu yu riojo rijomunigāna mu ñini rūjūja adocō mure ĩsicuja yu. Adi macārucāro jeyaro ñarise, ito yicōri adi macārucāro ñarā masa ñarocōti mure ĩsicuja yu. Ito yicōri adi macārucāro ñajediro uju ñagū yigujaja mu, yure mu rācubuoja, yiyiju rāmú Jesure ruogu.

⁸ Ito bajiro ĩgotibojarocati:

—Wasa Satanás mu, yiyiju Jesús rāmúre. Ado bajiro gotia Dios oca tuti: “Mani ũju Diore riti rācubuoγōri cudija quena”, yi gotia Dios oca tuti, yiyiju Jesús rāmúre.

⁹⁻¹¹ Ī ito yibojaroca riti Jerusalénju Jesure āmi wayiju rāmú mucana. Ito ejacōri mucana Dios ya wi joejua āmi muja wayiju rāmú. Ito ĩre āmi muja ejacōri ado bajiro yiyiju:

—Tuoγa Jesús. Ado bajiro gotia Dios oca tuti:

Ángel mesare mare code rotigu yiguñi Dios. Mu quedi waja gūtagū joeju quedi jeacōri mu ya gubo jeabe yirona mare boca āmirā yirāji, yi gotia Dios oca tuti.

Riti Dios Macu mu ñaja adojuna bubu quedi wacu yigujaja mu, yi ruoyiju rāmú Jesure.

¹² Ito bajiro ĩyibojarocati ado bajirojua yiyiju Jesús ĩre:

—Mu ito bajiro yirisere cudibicuja yu. Gaje ado bajiro gotia Dios oca. Tite mu: “No bajiro Dios ĩyija ticuja yu”, yiroca ĩre usirio codebesa”, yi gotia Dios oca tuti, yiyiju Jesús rāmúre.

¹³ Ito ĩyija bero usirioro yire oca bujabisiju rāmú ĩja. Ito bajiri Jesure jabeto canigoyiju rāmú.

Galilea sitaju Jesús ī riasosore gaye
(Mt 4.12-17; Mr 1.14-15)

¹⁴ Galileaja tãdi wayijũ Jesũs mucana, yuca manojũ ña ucugoru. Ito yicõri Espiritu Santo Jesũs rãca ĩ ñajare buto ĩ tuoia masirise ñayiju Jesure ĩja. Galilea ĩ tãdi ejaroca masa jeyaro ĩ rãtagorere busiyijarã ĩna. ¹⁵ Ito bajiro wa ucu ĩ tãdi ejaja bero judio masa ĩna minijuari wirijure riaso ucuyijũ Jesũs. Ito bajiro ĩ goti ucuja tuocõri, “Queno gotiami ãni”, yi rãcãbuoyijarã masa jeyaro.

Nazaretjũ Jesũs ĩ ware gaye

(Mt 13.53-58; Mr 6.1-6)

¹⁶⁻¹⁷ Ito yicõri ĩ bucuara cuto Nazaret wame cutiri cutojũ wayijũ Jesũs. Ito ejacõri judio masa ĩna tujacãri rumũ ñaroca ĩna minijuari wirijũ sãja ucuyijũ Jesũs, ĩ yisotiado bajiroti. Ito ĩ sãja ejaroca Isaías ĩ ucagora jũ ĩsiyijarã gãjerã ĩre, ĩ ti gotitoni. Iti jũ boca ãmicõri ĩ gotiroti ãmayijũ Jesũs. Ito bajiro ãmacõri bujayijũ. Ado bajiro gotiyijũ iti:

¹⁸ Espiritu Santo yũ rãca ñami. Bojoro bujarãre oca quenarise yũ gotitoni yure cũñi Espiritu Santo. Ito yicõri ĩna ya usiju bojori bujarãre ĩna wanũ quenaroca yũ yitoni yure cũñi ĩ. Tubia ecoanare yũ bucõatoni yure cũñi Espiritu Santo. Ñeñaro yirise jidicãjaro ĩna yirocu, yure cũñi Espiritu Santo. Ito bajiri cajea timenare cãni mucana ĩna tãdi tiroca yirocare yure cũñi Espiritu Santo. Ito yicõri gãjerã ñeñaro yi ecoana ĩna jidicãroca yirocare yure cũñi Espiritu Santo.

¹⁹ Ito yicõri, “No ĩre tuorãnũgũre queno yirocu ñacãmi Dios”, yũ yi gotitoni yure cũñi Espiritu Santo, yi gotia iti oca, yi gotiyijũ Jesũs ĩna minijuari wijũ.

²⁰ Ito bajiro goti tuocõri papera tutire biayijũ ĩ. Ito yicõri iti wi ejabuari masare iti tutire judacõayijũ Jesũs. Ito yicõri eja rũjũyijũ. Ito bajiro ĩ yirise ticõri buto tiju wa rũjũcoayijarã ĩna.

²¹ Ito bajiro ĩna ti rujiroca mucana ado bajiro busiyijũ Jesũs:

—Jane mejeju Isaías ĩ yure uca yure, adi rumũ tũro riojo rãta yure, yiyijũ Jesũs ĩnare.

²² Ito bajiro Jesũs oca quenarise ĩ gotija tuocõri, tuo ucayijarã ĩna. Ito yicõri masa jeyaro quenarise oca ĩre busiyijarã ĩna. Ito bajiri ĩnamasiti ado bajiro gãmeri senũayijarã ĩna:

—¿Josã macũ meje ñati ãni? yi gãmeri senũayijarã ĩna.

²³ Ito bajiro ĩna yija tuo masicõri ado bajiro yi cudiyijũ Jesũs:

—Masa oca gotire robo bajiro yure yirã yirãji muã: “Sĩgũ uco masũ ĩ ñaja, ĩmasiti yisio masiguĩji”, yirã yirãji muã yure. Ito yicõri gaje ado bajiro yure yirã yirãji muã: “‘Capernaumjũ tyamani ĩoyijũ Jesũs’, yire oca tuocu gua. Ito bajiri ado muã cutojũ cãni ito bajiroti muã ĩore ti ãmoã gua”, yure yirã yirãji muã, yiyijũ Jesũs ĩnare.

²⁴ Ito bajiro yicõri ado bajirojũ yiyijũ mucana:

—Riti muare gotia yũ. Sĩgũ Diore goti ĩsiri masũ ĩ cutoti ĩ gotija ĩ ñarã ĩre queno tuorãnũmenaji ĩna. Ito bajiri adi cuto gagu yũ ñajare yure queno tuorãnũmenaji muã, yiyijũ Jesũs ĩnare. ²⁵⁻²⁶ Jane mejeju gãna Diore ĩna tuorãnũbitiado bajiroti queno tuorãnũbea muã cãni. Tite. Sĩgũ Elías wame cutigũ Diore goti ĩsiri masũ ĩ ñaroca udia rodo gaje rodo gudarecõ ide quedibisijũ. Ito bajiri iti catorijũ bare mañijũ. Ito bajicõri buto ñiojogayijarã masa. Ito bajiro iti baji ñaroca Israel sitajũ manujũ godagoana romia jãjarã ñayijarã. Ito bajibojarocati Diore masa ĩna tuorãnũbitire waja, ĩnare ejabuatonũ wa rotibisijũ Dios Elíasre. Ado bajirojũ yiyijũ Dios. Sidõn wame cutiri cuto tu Sarepta gago ĩre tuorãnũgõre ejabuatonũ wa rotiyijũ Dios Elíasre, yiyijũ Jesũs. ²⁷ Ito bero Eliseo wame cutigũ Diore goti ĩsiri masũ ĩ ñaroca Israel sita gãna jãjarã camũ jogarã ñayijarã. Ito bajibojarocati Diore masa ĩna tuorãnũbitire waja, ĩnare yisio rotibisijũ Dios Eliseore. Ado bajirojũ yiyijũ Dios. Sĩgũ Siria sita gagu Naamãn wame cutigũre, yisio rotiyijũ Dios, Eliseore, yi gotiyijũ Jesũs iti wi minijua ñarãre.

²⁸ Ito bajiro ĩ yija tuocõri, iti wi minijua ñarã buto junisinijarã ĩna. ²⁹ Turia gudareco ñayijũ iti cuto. Ito bajiro ĩre junisinicõri turia joeju Jesure ãmi wayijarã ĩna. Ito ejacõri ĩre tumicã queorona yibojayijarã ĩna. ³⁰ Ito yibojaroca riti ĩna wato ñabojaguti wa godacoayijũ ĩ.

Rãmũ sãñagũre rãmũre Jesũs ĩ bucõare gaye

(Mr 1.21-28)

³¹ Ito bajiro ĩnare rudigocõri Capernaumjũ wayijũ Jesũs. Galilea sitajũ ñayijũ Capernaum wame cutiri cuto. Itoju ejacõri tujacãra rumũ ñaroca masa ĩna minijuari wijũ sãjayijũ Jesũs. Ito sãjacõri masare riasoyijũ ĩ. ³² Dios cũrũ ñari, queno masare riaso masiyijũ Jesũs. Ito bajiri ĩ busija tuocõri, tuo ucayijarã masa.

³³ Ito bajiro ĩ busi ñaroca, iti wijũ sĩgũ ĩ ya usiju rãmũ sãja ecorũ ñayijũ. Ado bajiro Jesure sãoro sãria busiyijũ ĩ:

³⁴ —Wasa, Jesũs Nazaret gagu muã. ¿No yija guare usirioro yati muã? Guare ruyuriorocu eja muã, yiyijũ rãmũ sãja ecorũ Jesure. Muãre ti masia yũ. Dios Macũ quenagũguti ñacõa muã, yiyijũ ĩ Jesure.

³⁵ Ito ĩ yija ado bajiro yi tudiyijũ Jesũs ĩre:

—Busibesa İja, yiyiju Jess İre. Ito yicri, Āni ya usiju sñag, bu-diya mu, yiyiju Jess rmre.

Ito bajiro İ yirocati, masa jjar tiro riojo İre tumicc, budicoayiju rm İja. İ ito bajiro budigoja bero queno cati quenag tujayiju masu İja. ³⁶ Jess İ ito bajiro rmre İ budi rotija ticri, mano ti ucayijar ito ñar. İti ticri İnamasiti gmeri busiyijar İna İja:

—İÑe gaye ñarojada İ ito bajiro busija? Buto İ tuo masirisena rmre budi rotiami ĩni. Rmre İ budi rotija cojisiti budicoama, yi gmeri busiyijar İna.

³⁷ Ito bajiro Jess İ yirere tuocri iti cuto tu ñar İna ñarocti itire gmeri busiyijar İna.

Pedro mañicre Jess İ yisio-re gaye
(Mt 8.14-15; Mr 1.29-31)

³⁸ Jess judio masa İna minijuari wiju ñaru budi wayiju İ. Ito yicri Simn Pedro wame cutigu ya wiju wayiju. İ ya wi sja ejacri Simn mañic ruju yarise iso cja tiyiju Jess. Iso ito bajija ticri, ito gna isore yisoroti mor josayijar Jesure. ³⁹ Iso taju eja rgcri ruju yarise rta rotiyiju Jess. Ito İ yirocati ruju yarise rtacoayiju isore İja. Ito bajiro iti rtarocati masare eca bocasuo-yijo iso.

Jjar ñarise cutirre Jess İ yisio-re gaye
(Mt 8.16-17; Mr 1.32-34)

⁴⁰ Ito bajiro İ rtaju tuocri, ũmacañi İ quedi sg wagu yiroca crre ĩmi minijuayijar İna Jess taju İnare İ yisiotoni. Ricati riti cr ñayijar İna. İna ito bajija ticri, İ ya mona moa jeoyiju Jess. Ito bajiro İ yirocati rtacoayiju. ⁴¹ Ito yicri jjar rma sja ecanare cuni rmare budi rotiyiju Jess. Ito bajiro İ yirocati budirti awasyijar rma İja.

—Dios Macuguti ña mu, yi awasyijar rma, budi war. “Cristo Dios İ caru ñami”, İna yija ti masicri, “Busibesa”, yi tudiyiju Jess rmare.

Minijuara wiju Jess İ riasore gaye
(Mr 1.35-39)

⁴² Gaje rmu busuri cuto tunima sjuaju wayiju Jess. Ito bajiro İ wagoja bero İre mayijar masa İja. Ito bajiro İre mar riti İ ñaroju İre bujacyijar İna. İre bujacri gaje cutoju İre wa rotibitibojayijar İna. ⁴³ Ito bajiro İna wa rotibitibojarocati ado bajiro yiyiju Jess İnare:

—Gaje cutori gnare cuni, “İre tuornrre İ rotiroju miojugu yiguñi Dios”, yire oca goti ucuruja yare. Ito bajiro ya goti ucutoni yare cñi Dios, yiyiju Jess İnare.

⁴⁴ Ito İ yija bero Galilea sitaju judio masa İna minijuari wiriju Dios oca goti ucuyiju Jess İja.

5

Wai jjar İna saroca Jess İ yire gaye
(Mt 4.18-22; Mr 1.16-20)

¹ Co rumu Genesaret wame cutirita tunima Jess İ ñaroca jjar masa ejayijar. Dios oca İ gotija buto tuo mocri İ taju ejayijar İna. Jjar ñacri buto bidiro ñayijar. Ito bajiri rgraju mañiju Jesure. ² Ito bajiro İre rgraju maniroca itajura tunima juaga cuma iti jayaja tiyiju Jess. İti cuma ujar wai jori masa ñayijar. Ito tu İna ya yori yucuri coer yiyijar İna. ³ İti cuma jayaja ticri, itiga cumaju sjayiju Jess. Ito yicri ñuro rotiyiju Jess itiga cumare. Itiga cuma Simn yaga ñayiju. İti cumaju rujiri masare Dios oca riasoyiju Jess. ⁴ Riaso tcri ado bajiro gotiyiju Jess Simnre:

—Hcaroju wija wato mani. Itoju mu ya yori yucurina wai ñuma mu, yiyiju Jess Simnre.

⁵ Ito İ yija tuocri, ado bajiro cdiyiju İ:

—Guare riasogu, ñamiasaro wai jobojobu gua, sbiju. Ito bajibojarocati mu rotiro bajiroti, yorigu ñucuja ya, yiyiju Simn Jesure.

⁶ Ito yicri İna yorigu ñuroca, jjar wai sjayijar İja. Ito bajiri İna ya yorigu cudusuo-yiju İja. ⁷ Ito bajiro İna wai ñaja ticri, gaje cuma İna baba mesa ñari cumare mo buye ñucayijar, İna ejobuatonı. Ito bajiro İna jija ticri, ejayijar İna. Ito ejacri jjar wai bujayijar İna. İti cuma jua cumari curisere dajocyijar. Jabeto ruyabojayiju iti rujaroti. ⁸ Ito bajiro wai jjar bujacri Jess riojo rijomunigna İni rjyiju Simn Pedro. Ito yicri ado bajiro yiyiju:

—Yu Hju buto ñeñaro yi jaigu ña ya. Queno yigu ña muma. Ito bajiri ya tu mu ñaja quenbetoja, yiyiju Simn Jesure.

⁹ Simn ito yicri İ rca gna cuni wai jjar İna ñaja ticri, ti ucayijar İna. ¹⁰ Gaje cuma ñar cuni ti ucacoayijar İna. İna ñayijar Zebedeo ra. Santiago, Juan wame cutir ñayijar İna. İna ti ucaja ticri, Simnre ado bajiro yiyiju Jess:

—Güibesa. Wai joreti ña mua ya moare. Ito bajibojarocati jane gaje mware moare cña yu. Masa Diore ña masitoni oca riaso ucuri masa mware cña yu adocãta, yiyiju Jesús, Simón mesare.

¹¹ Ito ì yija bero tñimaju jãja wayijarã mucana. Ito yicõri jeyaro ña moabojarisere jidicãcõri Jesús rãca wayijarã ña ñja.

Ruju cami jogagure Jesús ì yisiore gaye
(Mt 8.1-4; Mr 1.40-45)

¹² Co rumu Jesús gaje cuto ì ña ucuroca sīgũ ì ya ruju cami jogagu ñayiju. Jesure ti bujacõri ì riojo ñini rüjücõri ìre josayiju:

—Yu ðju, yare mu yisio ãmoja, yisioguja mu, yiyiju cami jogagu Jesure.

¹³ Ito ì yija tuocõri, ì ya ãmona moa jeoyiju Jesús ìre. Ito yicõri ado bajiro yiyiju ìre:

—Ãmoa yu. Mure yisioa yu, yiyiju Jesús.

Ito ì yirocati ì ya cami yaticoayiju ñja. ¹⁴ Ito bajiro ìre yisiocõri, gãjerãre goti bato rotibisiju Jesús. Ito yicõri ado bajiro yiyiju ìre:

—Riojoti pai taju wasa mu. Ì taju ejacõri mu ya ruju cami yatirise gaye ñoma. Ito yicõri Moisés ñayoru ì rotiado bajiroti Diore waibucu soe ñsi rotiba. Ito mu yija ticõri, “Ì ya cami yati jedicoaju ñja”, yi masirã yirãri masa mure, yiyiju Jesús ìre.

¹⁵ Ito bajiro, “Goti batobeja”, ì yibojarocati cojisiti oca tãjacoayiju cami jogagure Jesús ì yisiore gaye. Ito bajija tuocõri, jãjarã Jesús taju minijuayijarã, ì busija tuo ãmorã. Ito yicõri ña cõrisere yisio roti ãmorã ejayijarã ña. ¹⁶ Masa jãjarã ña ñajare coji meje masa manaju ì Jacu Diore busiroca wayiju Jesús.

Rudurure Jesús ì yisiore gaye
(Mt 9.1-8; Mr 2.1-12)

¹⁷ Co rumu Jesús ì riasoroca fariseo gaye tuoñarã ito yicõri judio masa rotirise riasori masa cani tuo rujiyijarã ña. Ado bajiro wame cutiri cutori wadiana ñayijarã ña. Galilea sita gãna, Judea sita gãna ito yicõri Jerusalén wame cutiri cuto gãna wadiana ñayijarã ña. Masa tiro riojo cõrãre Jesús ì yisiotoni ì masirise jidicãyiju Dios. ¹⁸ Ito bajiro ì yi ñaroca juariarã ãmua rudurure ãmi ejayijarã ña, ì ya camana. Ito ejacõri Jesús taju sãja wacõri ìre cü ãmbojayijarã ña. ¹⁹ Ito bajibojarocati masa jãjarã ña ñajare no bajiro sãja masia mañiju ñare. Ito bajija ticõri, wi tutu joeju rudurure ãmi muja wayijarã ña. ãmi muja ejacõri Jesús rãgõro weca soje cudayijarã ña. Ito yicõri rudurure ì ya camana jidi rujiyijarã ña Jesús tu. ²⁰ Ito bajiro ña yija ticõri, ado bajiro tuoñayiju Jesús: “Yure tuorãnusacõama ña”, yi tuoñayiju Jesús. Ito bajiro tuoñacõri:

—Mu ñeñaro yirisere ãcabojocõa yu, yiyiju Jesús rudurure.

²¹ Ito bajiro ì yija tuocõri, fariseo gaye tuoñarã ito yicõri judio masa rotirise riasori masa cani ado bajiro tuoñayijarã ña: “ãni ito bajiro ì busija, Diore ñeñaro yigu yami ì. Dios meje ñami ì. Dios sīgũti ñami masa ña ñeñaro yirisere ãcaboja masigu”, yi tuoñayijarã ña.

²² Ito bajiro ña tuoñarisere ñmasiti tuoña masicõyiju Jesús. Ito bajiro ado bajiro yiyiju ì ñare:

—¿No yija ito bajiro tuoñati mua? yiyiju Jesús ñare. ²³ Mua tija, ¿No bajiro rudurure yu yija quenati? Ito yicõri, ¿disejua ñati josasabiti mua tija? “Mu ñeñaro yirisere coecoaju”, ¿yu yija quena ñarajada? “Wumuña, wasa”, ¿yu yija quena ñarajada, mua tuoñaja? ¿Disejua ñati josasabiti, mua tija? ²⁴ Masa Rjoru, Dios ì cõaru ña yu. Ito bajiri, “Masa ña ñeñaro yirise coe masiami Jesús”, mua yi masitoni mua tiro riojo ãnire yisiogu ya yu, yiyiju ì ñare.

Ito yicõri rudurure adu bajiro yiyiju:

—Wumuña, ya yu mure. Mu ya cama ãmiña, ito yicõri mu ya wiju tudi wasa, yiyiju Jesús rudurure.

²⁵ Ito bajiro ì yirocati masa jãjarã ña tiro riojo wumuyiju ruduru. Ito yi, ì ya cama ãmi, budi wayiju ì. Ito yicõri Diore rucubuo busi wayiju ì, ì ya wiju tudi wacu. ²⁶ Ito ì yija ticõri, ti ucayijarã masa. Ito bajiro Diore rucubuo busiyijarã ña. Güire rãca ado bajiro yiyijarã ña:

—Adi rumu tiyamani tia manì, yiyijarã ña.

Levíre Jesús ì jire gaye
(Mt 9.9-13; Mr 2.13-17)

²⁷ Ito bajiro masare ì yi ño ñaja bero budiyiju Jesús mucana. Ito bajiro budi wacõri ujarãre yiari waja seni ñsiri masare tiyiju Jesús. Ì ñayiju Leví wame cutigu. Waja ì seni ñariju rujiyiju ì. Ìre ti bujacõri:

—Yu rãca waya, yiyiju Jesús ìre.

²⁸ Ito ì yija tuocõri, ì moabojarisere jidicãyiju Leví, Jesús rãca wa ãmogũ.

²⁹ Ito bero ì rãca wa, Leví ya wi ejayijarã ña. Itoju ejacõri Jesure basa jeo buarocu basa meniyiju Leví. Ito bajiro ña basa meni ñaroca jãjarã ujarãre yiari waja seni ñsiri masa ñayijarã ña. Ito yicõri gãjerã cani, jãjarã ña rãca ba rujiyijarã ña. ³⁰ Ito bajiro ña ba rujiija ticõri,

judio masa rotirise riasori masa ito yicōri fariseo gaye tuoīarā cūni, Jesús rāca riasotirāre ado bajiro busituyijarā:

—¿No yija ujarāre yiari waja seni ĩsiri masa rāca, ito yicōri ñeñaro yi jairā rāca baba cūti bati mua? yi busituyijarā ĩna Jesús rāca riasotirāre.

³¹ Ito bajiro ĩna yija tuoōcōri, ado bajiro cudiyijū Jesús:

—Ado bajirojua baja. Queno cati quenaarā, cōmena uco yiri masure jimenaji. Ito yicōri buto cōrājua uco yiri masure jirāji. ³² Queno yirāre yiari meje wadibū yu. Ñeñaro yi jairājuare yiari wadibū yu. Ito yicōri quenarise ĩna tuoīa wasoatoni wadibū yu, yiyijū Jesús ĩnare.

Bamenati Diore rūcuburore gaye
(Mt 9.14-17; Mr 2.18-22)

³³ Ito ĩ yija ado bajiro seniīayijarā ĩna Jesure:

—Juan rāca riasotirā coji meje bama riti Diore rūcuburoā ĩre senisotiamā ĩna. Ito bajiroti bajiamā fariseo gaye tuoīarā rāca riasotirā cūni. Mu rāca riasotirāma ĩnare bajiro yibeama ĩna. Bucurā rotire queno cudibeama ĩna. Ito yicōri, “Diore busiana”, yirona bare jidicābeama ĩna, yi tudiyijarā ĩna Jesure.

³⁴ ĩna ito yija tuoōcōri, ĩnare ado bajiro cudiyijū Jesús:

—Sīgū, ĩ āmo siari rūmū ĩ baba mesa ĩ rāca ĩna wanu baroca, “Babesa”, yi masimenaji gājerā. ³⁵ Ito bajibojarocati co rūmū gājerā ĩre ñiagoja ticōri, bojori bujarā yirāji ĩ baba mesa. Ito bajiri ĩre tuoīarā bamenaji ĩna, yiyijū Jesús masare.

³⁶ Ito yicōri gaje ado bajiro goti masiore ocana ĩnare gotiyijū Jesús:

—Sīgō saya bucuro sere wōroco mamarore tabecōji. Ito bajiro mamaro tagoja mamaro cūni ñeñacoaroja. Ito yicōri bucurore mamaro iso sere wōbojaja bucuro bajiro corocō ejabetoja. ³⁷ Uyé ide mani menija mama bajujū jiosārā yirāji mani. Bucū baju mani jiosājama, ñigācoaro yiroja. Ito yicōri iti baju cūni goda, uyé ide cūni goda bajiro yiroja. ³⁸ Ito bajiri uyé ide menicōri mama bajuri jiosārā yirāji mani. Ito yicōri iti baju cūni, uyé ide cūni godabetoja. ³⁹ Mani uyé ide bucū idīacōri mame idi āmomenaji mani. “Bucujua queno suti quena”, yicōri mame idi āmomenaji mani. Ito bajiroti bajia mame oca yu riasoja cūni. Bucurā oca tuorānurā ñacōri mame oca yu riasoja tuo āmobeā mua, yiyijū Jesús ĩnare.

6

Jesús rāca riasotirā trigo ajeri beja āmicōri ĩna bare gaye
(Mt 12.1-8; Mr 2.23-28)

¹ Co rūmū tujacāra rūmū ñaroca, ĩ rāca riasotirā rāca trigo weseju eja wayijū Jesús. Itoju ejacōri itire beja āmiyijarā ĩ rāca riasotirā. Ito yicōri wirorire sīgūe bategocōri bayijarā ĩna. ² Ito bajiro ĩna baja tujijarā fariseo gaye tuoīarā coriarā. Ito bajiro ĩna baja ticōri, ĩnare seniīayijarā fariseo gaye tuoīarā:

—¿No yija tujacāra rūmū ñabojarocati moati mua? Tujacāra rūmū moare ma, yiyijarā ĩna.

³ ĩna ito yija tuoōcōri, ado bajiro cudiyijū Jesús:

—Co rūmū David ñayoru ĩ baba mesa rāca ñiojogacōri ĩna yigore, ¿Dios oca tutijū tibiticati mua? ⁴ Ado bajiro yiyijū David ñayoru. Dios ya wiju sājacōri, Diore paia naju ĩna cū ĩsirere āmicōri bayijū David. Ito yicōri ĩ baba mesare cūni ecayijū ĩ. Paia riti ĩna baroti ñabojayijū iti naju. Ito bajibojarocati buto ñiojogacōri bayijū David ĩ baba mesa rāca. Itire ĩna baja tibojaguti, “Ñeñaro yama ĩna”, yibisijū Dios ĩnare, yiyijū Jesús ĩnare.

⁵ Gaje ado bajiro gotiyijū Jesús ĩnare:

—Masa Rjoru, Dios ĩ cūru ña yu. Ito bajiri tujacāra rūmū gaye yu rotiroti cūni cūquī Dios yure, yiyijū Jesús fariseo gaye tuoīarāre.

Āmo digarure Jesús ĩ yisioire gaye
(Mt 12.9-14; Mr 3.1-6)

⁶ Gaje tujacāra rūmū ñaroca judio masa ĩna minijuari wiju sājayijū Jesús. Ito yicōri ĩnare riasoyijū ĩ. Ito bajiro ĩ riaso ñaroca sīgū ĩ ya āmo riojocaduja digaru ñayijū. ⁷ Ito yicōri fariseo gaye tuoīarā, judio masa rotirise riasori masa cūni ti rujijijarā ĩna. Jesure ticōri ado bajiro tuoīa rujijijarā ĩna: “Jane tujacāra rūmū ñabojarocati, ¿āni āmo digarure yisioigu yigūjida Jesús?” yi ti rujijijarā ĩna. “Ito bajiro ĩ yija, ‘Seti ña ĩre. Ñeñaro yami’, yirā yirāji mani”, yi tuoīa rujijijarā ĩna. ⁸ Ito bajiro ĩnamasi ĩna tuoīabojarocati tuoīa masicōyijū Jesús, ĩ masirisena. Ito yicōri āmo digarure ado bajiro yiyijū Jesús:

—Wumuña, waya ado yu tujū, yiyijū Jesús āmo digarure.

ĩ ito yija āmo digaru Jesús tujū wacōri eja rūgūyijū. ⁹ Ito bajiro ĩ eja rūgūroca ado bajiro yiyijū Jesús, ito ñarāre:

—Muare seniŋagū ya yu. ¿No bajiro manire cūyijari Dios tujacāra ramu mani yiroti? ¿Quenarise, ñeñarise ito yicōri cōrāre mani yisoroti, gaje mani yisiobeja, disejua quenati? yiyiju Jesús ñare.

¹⁰ Ito bajiro busi tiogū iti wī ñarāre ti jeocōyiju Jesús. Ito yicōri āmo digarure ado bajiro yiyiju ī:

—Mū ya āmo ñu joya, yiyiju Jesús ñre.

Ito bajiro Jesús ī yirocati, ī ya āmo ñu joyiju ī. Ito bajiro ī yirocati ī ya āmo quenacoayiju ĩja.

¹¹ Ito bajiro ī yija ticōri, fariseo gaye tuoñarā ito yicōri judio masa rotirise riasori masa cūni buto ti junisinijjarā ña Jesure. Ito yicōri ñamasiti gāmeri seniñayjarā: “¿No bajiro yirajati mani Jesure?” yiyijarā ña.

Jua gubojeno apóstol mesare Jesús ī besere gaye
(Mt 10.1-4; Mr 3.13-19)

¹² Iti ramuriti turia joeju maja wayiju Jesús, Diore busiroca. Itoju ñacōri ñamiasaro Diore busisotiyiju Jesús. ¹³ Ito yicōri ūmacañi joejea mūja wadiroca ī rāca riasotirāre jiyiju Jesús. Ito yicōri ña ejaroca jua gubojeno ñarā ūmuare beseyiju ī. Ito yicōri ī oca ña goti ucutoni ñare cūyiju Jesús. ¹⁴ Ado bajiro wame cutirā ñayjarā ña: Sīgū ñayiju jua wame, wame cutigu, Simón Pedro. Ī ocabaji ñayiju Andrés wame cutigu. Ito yicōri gājerā ñayjarā Santiago, Juan, Felipe, Bartolomé, ¹⁵ Mateo, Tomás, Alfeo macu Santiago gāji ñayiju Simón celote gaye tuoñagoru. ¹⁶ Ito yicōri Santiago macu ñayiju Judas wame cutigu. Gāji Judas Iscariote wame cutigu ñayiju. Ī ñayiju Jesure gājerā ña ñiatoni gotiroca. Ito bajiro wame cutirā ñayjarā ña, Jesús ī oca ña goti ucutoni ī cūana.

Jājarā masare Jesús ī riasore gaye
(Mt 4.23-25)

¹⁷ Ito bajiro ñare bese tiocōri ña rāca roja wayiju Jesús. Roja wa, turia judoju tujayjarā ña. Itoju jājarā ñayjarā Judea sita gāna, Jerusalén gāna, ito yicōri itajura tu ñari catori Tiro, Sidón wame cutiri catori gāna cūni ñayjarā. Iti catori gāna ejayjarā Jesure tuo āmorā. Ito yicōri jājarā cōrā yisio roti āmorā ejayjarā ña. ¹⁸ Rāmúa sāja ecoanare cūni rāmúare budi rotiyiju Jesús, ito bajiro ña ejaja ticōri. ¹⁹ Cōrāre cūni ī masirisena rētoyiju Jesús. Ito bajiro masare ī rētoja ticōri, masa jeyaro ñre moaia āmoyjarā, ña cōrise rētatoni.

Mani wanu quenaroca yiroti gaye
(Mt 5.1-12)

²⁰ Ito ña yi ñaroca, ī rāca riasotirāre busi āmogū ñare tiyiju Jesús:

—Adocāta bojoro bujarā ña mua maji. Bojoro bujarā ñabobarāti, ija Dios ī rotiroju ejaçōri, ī rucorise bujarā yirāji mua. Ito yicōri wanu quenarā yirāji mua.

²¹ Adocāta ñiojogarā ña mua maji. Ñiojogarā ñabobarāti ija queno yaji quenaro wanu ñarā yirāji mua.

Adocāta bojori buja, oti ñarā ya mua. Ito bajibobarocati ija queno wanuçōri aja quenarā ñarā yirāji mua.

²² Yu Masa Rjorure, mua queno cadija ticōri, gājerā muare ti tudirā yirāji ña. Ito yicōri muare cōa āmorā yirāji ña. “Ñeñaro yirā ñama”, yirā yirāji muare busiturā. Ito bajiro muare ña busitubobarocati, ija wanu quenarā yirāji mua. ²³ Jane mejeju cūni ña ñicusabatiaju cūni ito bajiroti Diore goti ĩsiri masare ñeñaro yiyijarā ña. Ito bajiro muare ña ñeñaro yibobarocati queno wanu quenaña mua. Ija ūmacūju ejaçōri Dios taju quenarise bujarā yirāji mua. Īre tuorānu jidicābitiana mua ñajare, ito bajiro yigu yiguji Dios muare.

²⁴ Mña gajeoni jairā, ado mua ñajama queno wanu quena ñaboja mua. Diore tuorānumena ñari ija bojoro bujarā yirāji mua.

²⁵ Mña queno yaji quenarā, ñaja wanu quenare rāca ñaboja mua. Diore tuorānumena ñari ija ñiojogarā yirāji mua.

Mña ajare jairā, adocāta mua ajaja queno wanu quenaboja mua. Diore tuorānumena ñari ija buto tuoña bojori bujaçōri, otirā yirāji mua.

²⁶ Adocāta “Queno yirā ña mua”, yi masa muare ña rācūbuoja tuocōri, queno wanu quenaboja mua. Ito bajiroti jane mejeju cūni ruore oca riasori masare queno rācūbuo busiboyajjarā ña. Diore tuorānumena ñari ija buto tuoña bojori bujarā yirāji mua, yiyiju Jesús ñare.

Mani wajanare cūni ti maija quena, yi Jesús ī riasore gaye
(Mt 5.38-48; 7.12)

²⁷ Ito yicōri mūcana ñare busi remoyiju Jesús:

—Mua yure tuorānūrāreama, ado bajiro gotia yu: Mña wajanare queno ti maiña. Ito yicōri muare ti tudirāre queno yija. ²⁸ Muare busiturāre cūni, quenaro busiya mua. Ito yicōri

mũare ñeñaro yirãre yiarì Diore seni Ìsisiotiya. ²⁹ Sīgũ riojocaduja wayugaju Ì jaja, mũcana gaje daja Ì ja ãmoja rēobeja. Ito yicōri gāji camisa jũaro mua sãñaroca, joegadore Ì ruaja, ito roca gadore Ì rua ãmoja, cunì rēobeja. Ì seniro rēto busaro Ìsija quena. ³⁰ Ito yicōri no mua rucorise Ìna senija, Ìna seniro bajiroti Ìsima. Ito yicōri sīgũ mua rucorise Ì ãmaja, “Itire judacōãña”, yi josabeja. ³¹ Gãjerã mũare queno yire mua ãmoja, ito bajiroti Ìnare queno yiba mua cunì.

³² Manire mairãre riti mani maija, mani rãca queno wanũbiquĩji Dios. Ñeñaro yirã cunì ito bajiroti Ìnare mairãre mairãji. Manire maimena ñabojarocati maniamã Ìnare maija quena. ³³ Manire queno yirãre riti mani queno yija, mani rãca queno wanũbiquĩji Dios. Ñeñaro yirã cunì ito bajiroti Ìnare queno yirãre queno yirã yirãji. Manire queno yimena ñabojarocati maniamã Ìnare queno yija quena. ³⁴ Gãjire wasoaga, “Ìja jai busaro bujagu yiguja yu”, mani yi tũoĩaja, mani rãca queno wanũbiquĩji Dios. Ñeñaro yirã cunì ito bajiro tũoĩacōri wasoarã yirãji. Manire wasoamena ñabojarocati maniamã Ìnare wasoaja quena. ³⁵ Ito bajibojarocati mũama, mua wajanare mairuja. Ito yicōri Ìnare queno yiya. Ito yicōri gãjire wasoaga, “Ìja jai busaro bujagu yiguja yu”, yi tũoĩabicuti wasoaja quena. Ito bajiro mua queno yija, Dios tũju mua ejaroca mũare queno waja yigu yiguĩji. Ito bajiro mua queno yirã ñaja, Dios rĩa ña mua. Dios cunì masa jeyarore queno yigu ñami. “Queno ya mu”, yimenare cunì, ñeñaro yi jairãre cunì queno yigu ñami Dios. ³⁶ Mani Jacu masare Ì ti mairo bajiroti mua cunì masare ti maija quena, yiyiju Jesũ Ì rãca riasotirãre.

Gãjerãre seti yibesa, yi Jesũ Ì riasore gaye

(Mt 7.1-5)

³⁷ Gaje ado bajiro gotiyiju Jesũ Ìnare:

—Gãjerãre, “Ìna ñama ñeñarise yi jairã”, mua yibeja mũare cunì, “Ìna ñama ñeñarise yi jairã”, yibiquĩji Dios mũare. Ito yicōri gãjerãre, “Ìnare seti ña. Ito bajiri Ìnare ruyuriogu yiguĩji Dios”, mua yibeja mũare cunì, “Ìnare seti ña. Ìnare ruyuriocuja yu”, yibiquĩji Dios mũare. Gãjerã ñeñaro yirise mua ãcabojoja, mua ñeñaro yirisere cunì ãcabojoju yiguĩji Dios. ³⁸ Gãjerãre mua Ìsija, mũare cunì queno Ìsigũ yiguĩji Dios. Gãjerãre mua Ìsiro bajiroti, mũare cunì Ìsigũ yiguĩji Dios. Ito yicōri gãjerãre mua Ìsiro bajiroti rēto busaro mua boca ãmi masirocō Ìsigũ yiguĩji Dios, yiyiju Jesũ Ìnare.

³⁹ Ito yicōri ado bajiro goti masiore ocana gotiyiju Jesũ:

—¿Sīgũ cajea macure ito yicōri gāji cajea macu mũcana, cajea macure tãa wa masiguĩjida? Meje, ito bajirojua meje bajia. Cajea tibicu ñari Ìre tãa wabojagu rãcati gojeju quedi sãjacōarãji Ìna. Dios oca riojo ñasarisere mani tuo sayabeja cajea mana robo bajiro bajirãji mani, yiyiju Jesũ Ìnare.

⁴⁰ Ìnare riasori masu rēto busaro masirã meje ñama Ì riasorã. Ito bajibojarocati Ìna queno riasoti jeocōja, Ìnare riasori masu bajiroti masirãji Ìna cunì, yiyiju Jesũ.

⁴¹ Ito oca goti tũocōri mũcana ado bajiro gaje oca gotiyiju Jesũ:

—Mũa babare cajeaju sũjuriacã itì ñaja, ti buja masia mua. Ito bajibojarocati mua ya cajeaju sita jaje itì sãña biaja ti buja masibea mua. ⁴² Ado bajiro mua babare yiboja mua: “Yu baba mu ya cajeaju sita aje ña. Yu itì ajere ãmicãcujaja yu”, yibojarãti mua ya cajeaju sita jaje itì sãñajama, ãmicã masibea mua. “Queno yirã ña guama”, yirã ñabojarãti, ñeñaro yirã ña mua cunì. Mũa ya cajeaju sãñarisere ãmicãña. Itire ãmicãcōri queno ti masirã yirãji mua, yiyiju Jesũ.

Iti yireoni ña, mani baba Ì ñeñaro yija ti masibojarãti, manimasiti ñeñaro yirisereama ti masibea mani, yiyiju Jesũ.

Ricana sũori yucũgure ti masia mani, yi Jesũ Ì riasore gaye

(Mt 7.17-20; 12.34-35)

⁴³ Ito yicōri mũcana Ìnare goti masiore ocana gotiyiju Jesũ:

—Yucũgu queno wanũricu, ñeñarise rica cutibetoja. Ito yicōri yucũgu ñeñaricu, quenarise rica cutibetoja. ⁴⁴ Iti yucu ricare ticōri, “Itigu rica ña adi”, yi ti masia mani. Jotagũju higos rica mani ãmaja bujamenaji mani. Ito yicōri yusigũre uyẽ mani ãmabojaja, bujamenaji mani. ⁴⁵ Ito bajiro queno usi cutigu, gãjerãre cunì queno yiguĩji Ì. Ito yicōri ñeñaro usi cutigu, gãjerãre cunì ñeñaro yigu yiguĩji Ì. Mani ya usiju mani tũoĩaro bajiroti busibua mani, yiyiju Jesũ Ìnare.

Yũre queno tũorãñũrã sita butiroju wi menirã bajiro bajirã ñama, yi Jesũ Ì riasore gaye

(Mt 7.24-27)

⁴⁶ Gaje ado bajiro yiyiju Jesũ Ì rãca riasotirãre: —“Gua Ëju ña mu”, yibojarãti, yu rotirisere cudibea mua. ⁴⁷⁻⁴⁸ No yu tũju ejarã yu rotirisere Ìna cudija, sīgũ queno butiroju wi menigũ bajiro bajirã ñama Ìna. Tite. Sīgũ butiroju jubeju Ì botari juja, jue itì buto sũoro ejaja jujabetoja itì wi. Ito bajiro bajirã ñama yure queno cudirã. Gãjerã Ìnare ñeñaro yi josabojarocati yure tũorãñũ jidicãmenaji Ìna. ⁴⁹ Ito bajibojarocati, no yu rotirise queno cudimena, Ìnare bajiro

bajilbeama İna. Sİgū sita jidiroju wi menigū bajiro bajirā ñama İnama. Tite. Sİgū sita jidiroju İ botari juja, jue iti buto sĕoro ejaja iti wi jujacoaro yiroja. Ito bajiri tudi ruyubetoja İ ya wi İja. Ito bajiro bajirā ñama yure queno cudimena. Gājerā İnare ñeñaro yija ticōri, yure jidicārā yirāji, yiyiju Jesūs İ rāca riasotirāre.

7

Surara uju ya moari masure Jesūs İ yisiore gaye (Mt 8.5-13)

¹ Masare İ riaso āmorise riaso ticōri Capernaumju wayiju Jesūs. ² Iti cuto ñayiju surara uju. İre moa İsiri masu buto cōyiju. Ito bajiri usi jedi waruti ñayiju İ. Ito İ bajija ticōri, buto İre ti maiyiju surara uju. ³ Ito bajiri Jesūs cōrāre İ yisiore gaye tuocōri, judio masa bucārare, Jesure ji rotiyiju İ. İ ya moari masure Jesūs İ yisiore āmoyiju İ. ⁴ Ito İ yija tuocōri, Jesure jirā wayijarā İna. Jesūs taju ejacōri ado bajiro İre seniāa josayijarā:

—“İre jitēña”, guare yi ñucagū, queno yigu ñami İ. Ito bajiri İre ejabuaraja mu. ⁵ Romano masu ñabojaguti mani ñarāre queno rucubuoami İ. Ito yicōri minijuara wi gua meni masitoni guare niyeru İsiquİ İ. Ito bajiri İre ejabuaraja mu, yi josayijarā İna Jesure.

⁶ İna ito yija tuocōri, İna rāca sayu wayiju Jesūs. Ito wi ejarā wana İna yiroca surara uju İ baba mesare Jesure oca goti boca rotiyiju. “Ado bajiro Jesure gotiba”, yi roticōayiju İ:

—Yu ũju mure usirioro yi remo āmobeja yu. Rĕtoro quenagū ña mu. Yujuā quenagū meje ña. Ito bajiri, yu ñeñaro yirisere bojogu, “Yu ya wiju sāja waya, yi masibea yu mure”, yi gotiba İre, yi roticōayiju surara uju.

⁷ Gaje ado bajiro yi roticōayiju İ:

—Ñeñaro yigu ñari, mu taju wa masibea yu. Mu masirisena mu yisio ñucaja, yu ya moari masu caticoagu yiguji mucana. ⁸ Gāji uju bero gagu ña yu. Ito yicōri yu berojuā ñama gājerā surara. İnare roti masia yu. Ito bajiri sİgūre, “Wasa”, yu yija, wami. Ito yicōri gājire, “Waya”, yu yija, wadiami. Ito yicōri yure moa İsiri masure yu moa rotija, moami. Ito bajiri rĕtoro queno roti masigū mu ñajare, “Mu yisio ñucaja, yu ya moari masu tujacoagu yiguji mucana”, yi tuoİa yu, yi gotiba Jesure, yi roticōayiju surara uju.

⁹ Ito İ yi ñucare tuocōri, tuo ucayiju Jesūs. Ito yicōri juda rāgūcōri İre sayarāre ado bajiro yiyiju Jesūs:

—İ surara uju yure queno tuorānuñi. Mani masa wato İre bajiro tuorānurā mama, yi gotiyiju Jesūs İnare.

¹⁰ Ito İ yija tuocōri, tudi wasuoyijarā oca goti bocari masa. Tudi ejacōri İna tija ñarise cōbojaru tujaru ñayiju İ İja.

Wajeago macure Jesūs İ masore gaye

¹¹ Ito bajiro İ yija bero Nain wame cutiri cutoju wayiju Jesūs, İ rāca riasotirā rāca. Ito yicōri masa jājarā wayijarā İ rāca. ¹² Iti cutoju İna ejaroca sİgū godarure İna yujerā waja tiyiju Jesūs. Wajeago macu ñayiju İ. İna yujeroca. Ito yicōri İ sİgūti ñabojayiju iso macu. Jājarā iti cuto gāna İre yujerona wayijarā İna. ¹³ Wajeago iso bojori bujaja ticōri, buto ti maiyiju Jesūs isore. Ito bajiro ti maicōri ado bajiro yiyiju Jesūs isore:

—Otibesa, yiyiju İ.

¹⁴ Ito bajiro İ yija bero İ ya masari cumaju moaİayiju Jesūs. Ito bajiro İ yija ticōri, İre yujerā wabojarā tuja rāgūcoayijarā İna İja. Ito bajiro İna tuja rāgūroca godarure ado bajiro yiyiju Jesūs:

—Wumuña mamu mu, yiyiju Jesūs godarure.

¹⁵ Ito bajiro İ yirocati, jāja rūjūyiju godaru ñabojaguti. Ito bajiro bajiru ñabojaguti busiyiju mucana. Ito İ bajija ticōri, ado bajiro yiyiju Jesūs İ jacore: “İmo, āni ñami mu macu”, yiyiju Jesūs isore. ¹⁶ Ito bajiro İ yi masoja ticōri, ti gūiyijarā İna, ito ñarā. Ito yicōri ado bajiro Diore rucubuo busiyijarā İna:

—Sİgū Diore goti İsiri masu mani taju ejami İja, yiyijarā İna.

Gaje ado bajiro busiyijarā İna:

—Dios ñarā mani ñajare manire ejabuarocu ejami adoju, yi wanurā rucubuoayijarā İna Diore.

¹⁷ Ito yicōri Jesūs godarure İ masore gaye tuo jedicoayijarā Judea sita gāna. Ito yicōri iti sita tu gāna cuni tuo jedicoayijarā İna.

“Jesure titēña”, Juan idé guri masu İ yi ñucare gaye (Mt 11.2-19)

¹⁸ Juan rāca riasotiri masa, Jesūs İ yigore ticōri goti jeocōyijarā İna Juanre. İna ito yija tuocōri, jāarāre jiyiju Juan. ¹⁹ Ito bajiri İna jāarāre, “Ado bajiro Jesure seniāama muā”, yi

ñucayiju Juan ñare: “¿Riti Dios ñ cōaru, Cristo ñati mu? Ñ meje mu ñajama, ¿gãjire bocatirã yirãjida gua maji? yiba”, yi roti ñucayiju Juan ña jüaräre. ²⁰ Ito ñ yija tuocōri, wayijarã ña. Jesús taju ejacōri ado bajiro ñre yi gotiyijarã ña:

—Juan, masare idé guri masu, guare senña roti ñucami mure. ¿Riti, Dios ñ cōaru, Cristo ñati mu? Ñ meje mu ñajama, ¿gãjire bocatirã yirãjida gua maji? yiyijarã ña Jesure.

²¹ Ito bajiro ña senña ñaroca, jãjarã masa cōrãre yisioyiju Jesús. Ito yicōri ña ya usiju rãmúa sãja ecoana, cajea mana, ito yicōri gãjerã jeyaro ñarise cōrãre cuni masoyiju Jesús. Ito bajiro ñ yija Juan oca ñ senña roti ñucana cuni tiyijarã ña. ²² Ito yicōri ado bajiro Juan ñ cōanare gotiyiju Jesús:

—Wasa. Mua tirise ito yicōri mua tuogorise cuni Juanre gotiba. Cajea mana ña tiroca yu yirise, ruduana ña waroca yu yirise, wirotu joganare yu yisiorise gaye, gãmo goje tuomena ña tuoroca yu yirise, godana ñabojarocati ña catiroca yu yirise, ito yicōri bojoro bujaräre Dios ñ masoroti oca yu goti masiorisere cuni, gotiba Juanre. ²³ Ito yicōri, no yure tuorãnusotigati, queno wanugũ yiguñi ñ, yiyiju Jesús, Juan ñ oca senña roti ñucanare.

²⁴ Ito ñ yija tuocōri, tudã wayijarã ña. Ito bajiro ña tudã waja bero, Juan ñ bajigore gaye masare gotiyiju Jesús:

—¿Yucu manojũ warã, ñimure tuoña wacati mua? ¿Sĩgũ ãmugũ mino iti waja, ñe rãgõgũre tuoña wacatite mua? yi senñayiju Jesús masare. Yucugũ cogũ mino wẽaja wãrericu bajiro meje ñami Juan. Queno tuoñagũ ñami ñ. ²⁵ ¿Ñre mua ti bujaja yutabuju quenarise sãñagũ ñacati? Yutabuju quenarise sãñarã bajiro bajigu meje ñami ñ. Yutabuju quenarise sãñarã ujarã ya wiju ñarãona ñarãji ña. ña robo bajigu meje ñaguñi Juan. ²⁶ Yucu manojũ warã, ¿Diore goti ñsiri masare tirã wasotiri mua? Itoju ejacōri, “Diore goti ñsiri masu ñami”, yi masiyija mua. Riti ña, gãjerã Diore goti ñsiri masa rãtoro ñasagu ñami Juan. ²⁷ Jane mejeju Juanre ado bajiro yi goti yucãyiju Dios oca:

Mu waroto riojua sigũ masu cõa yu. Masa mure bocati ñaroca, yirocure cõa yu, yi gotia Dios oca tuti, yiyiju Jesús.

²⁸ Sũgũ adi tutiju, Juan masare idé guri masu rãtoro ñasagu mami. Ito bajibojarocati Dios ñ rotoju ñarã Juan ñ ñasado bajiro rãto busaro ñasarã yirãji ña, yiyiju Jesús ñare.

²⁹ Juan Dios oca ñ gotija tuogoana, “Riti, Dios rotirise quenarise ña. Itire cudã ãmoa gua”, yicōri, Juanre idé gu rotiyijarã ña. Ito yicōri ujaräre yari waja seni ñsiri masa cuni, ito bajiro ti yiyijarã ña. ³⁰ Ito bajibojarocati fariseo gaye tuoñarãma ito yicōri judio masa rotirise riasori masama, Dios rotirise te ñayijarã. Ito bajiri Juanre idé gu rotibisijarã ña.

³¹⁻³² Gaje ado bajiro gotiyiju Jesús:

—Adi rãmuri gãna Juanre teama, ito yicōri yare cuni teama ña. Rãca minijucōri ña awasã aje cũnarã bajiro bajirã ñama ñaõna. Tite. Ado bajiro awasã ajeama rãca: “Gua seru juti ajeroca, muaama juti ãmobiju. Ito yicōri masa godaroca ña otirise gua oti queso aje ãmoja, muaama gua rãca oti queso aje ãmobiju”, yi awasã ajeama rãca. Ito bajiro bajiamã Juanre terã ito yicōri yare terã cuni. Tite. ³³ Babicuti Diore rãcubogũ seni quẽ Juan. Ito yicōri uyé ide idibitiqui ñ. Ito bajiro ñ yija ticōri, “Rãmã sãja ecorũ ñami”, yicu mua ñre. ³⁴ Ñ bero yu, Masa Rãjoru, ejacu. Ba, idi yigu ña yuama. Yu ito bajiro yija ticōri, ado bajiro ya mua yare: “Jairo bagu ña mu. Idire cugu ña mu. Neñaro yi jairã rãca baba cutigu ña mu. Ito yicōri ujaräre yari waja seni ñsiri masa rãca baba cutigu ña mu”, ya mua yare. ³⁵ Sũgũ Dios robo bajiro queno tuoñare cutigu ñ ñaja, jeyaro ñ yiriserẽ ticōri, “Ñ ñami Dios robo bajiro tuoñare cutigu”, yi tuoña mani. Ito bajiri yu yirise ticōri, “Dios robo bajiro tuoñare cutigu ñami”, yi masi ñarã yirãji mua yare, yiyiju Jesús ñare.

Simón fariseo gaye tuoñagũ ya wiju Jesús ñ ñare gaye

³⁶ Ito ñ yija bero sigũ fariseo gaye tuoñagũ Jesure jiyiju ñ ya wiju, bagu watoni. Ito ñ yija tuocōri, ñ ya wiju wayiju Jesús. Iti wiju sãjacōri bara mesa taju eja rũjũyiju Jesús. ³⁷ Ito bajiro ñ bagu waja tuocōri, iti cuto gago sigõ wedi maso ñ taju wayijo iso. Itoju waco queno sutirise úye, coga dajaro ñami wayijo iso. Itiga ñayiju gãta alabastro wame cutirisenã ña meniraga. ³⁸ Ito Jesús taju sãja ejacōri ñ ya gubo taju eja rũjũyijo iso. Ito yicōri iso ya yago idena Jesús ya gubore coesuooyijo iso. Ñ ya gubore coe ticōri iso ya joanati Jesús ya gubore weja caroyijo iso. Ito yicōri ñre wanugõ ñ ya gubore usuyijo iso. Gajanoa ito bero úye queno sutirise ñ ya guboru tuyijo iso. ³⁹ Iso ito yija ticōri, Jesure jãgorũ fariseo gaye tuoñagũ ado bajiro tuoñayiju: “Riti Diore goti ñsiri masu ñ ñajama, adio ñ ya gubo coegore ti masiboru. Ito yicōri, ‘Wedi maso ñamo’, yi masiboru ñ”, yi tuoñayiju fariseo gaye tuoñagũ Jesure jiru. ⁴⁰ Fariseo gaye tuoñagũ ñ tuoñariserẽ tuo masicōri, ado bajiro yiyiju Jesús ñre:

—Simón, mure jabeto goti ãmoa yu, yiyiju Jesús ñre.

—Bau, gotiya yure riasogu mu, yiyiju Simón Jesure.

⁴¹ Ito ñ yija tuocōri, ado bajiro goti masiore ocana gotiyiju Jesús ñre:

—Juarã ämua ñayijarã, niyeru wasoari masare waja ruyuriorã. Sîgũ quinientos niyeru cujiri waja ruyurioyija. Ito yicõri gãji cincuenta niyeru cujiri waja ruyurioyija. ⁴²Ito bajibojarocati ña waja ruyuriogare waja yi masibisijarã ña. Ito bajiro ña waja ruyuriobojarocati ñare niyeru wasoagoru tadi seni uyabisija ña, yi gotiyija Jesús Simõnre.

Gaje ado bajiro Simõnre seniayija Jesús:

—¿Nijua buto busa ñare niyeru wasoagore mairãjida ña? yi seniayija Jesús Simõnre.

⁴³Ito bajiro ñ seniayija, tuocõri:

—Yu tija, jai busaro waja ruyuriogajua ñre buto maiguñi, yiyija Simõn.

Ito ñ yija tuocõri:

—Riti ya ma, yiyija Jesús ñre.

⁴⁴Ito yicõri ñre gabo coegojuare ticõri, busiyija Jesús Simõnre:

—Adiore tiya. Ma ya wiju ya sãjaroca yare ide ñibiju ma, ya ya gabo coeroti. Ito bajibojarocati adiojuama iso ya yago idenati ya ya gabore coemo iso. Ito yicõri iso ya joanati yare weja caromo iso. ⁴⁵Yare wanagũ, yare usubija ma. Ito bajibojarocati adioama, yare wanagõ queno gubojũ usumo iso.

⁴⁶Ito yicõri ya ya rijogaju áye tubija ma. Ito bajibojarocati adioama áye queno sutirise ya ya gubojũ tumo iso. ⁴⁷Ito bajiri ado bajiro mare gotia Simõn ya: Ñeñaro yi jaigo ñabojarocati, yare buto iso maija ticõri, iso ñeñaro yirisere ñacabojoa ya. Sîgũ jabetacã busa ñeñaro yigure, ñre ya ñacabojaja, jabetacã busa yare maigũ yiguñi ñ. Ito yicõri buto ñeñaro yigure ya ñ ñeñaro yirisere ñacabojaja buto busa yare ti maigũ yiguñi ñ. Iti tuo masiña, yiyija Jesús Simõnre.

⁴⁸Ito yicõri romiore ado bajiro yiyija Jesús:

—Ma ñeñaro yirisere ñacabojacõa ya, yiyija Jesús isore.

⁴⁹Ito ñ yija tuocõri, gãjerã iti wiju ña rãca bari masa, ñamasiti gãmeri seniayijarã ña:

—¿Ñimu ñati ñi, masa ña ñeñaro yirisere ñacabojagu? yi gãmeri seniayijarã ña.

⁵⁰Ito bajiro ña yiroca, romiore ado bajiro gotiyija Jesús:

—Yare queno tuorũna ma. Ito bajiri mare masoroca ma ñeñaro yirisere ñacabojocõa ya. Usirioro yibecoti wasa ma, yiyija Jesús isore.

8

Jesure romia ña ejabũare gaye

¹Ito yija bero gaje catoriju Dios oca goti ucugu wayija Jesús. “Ñre tuorãnarãre ñ rotiroju miojugu yiguñi Dios”, yire gaye goti ucugu wayija ñ. Ito yicõri ñ rãca riasotirã, jua gubojeno ñarã rãca wayija ñ. ²Romia cuni ña rãca wayijarã. Ña ñayijarã ña ya usija rãmua sãja ecoanare Jesús ñ bucdõagoana. Ito yicõri ñarise cõana ñ masogõana cuni wayijarã ña rãca. Sîgõ María Magdalena wame cutigo ña rãca wayijo. Iso ñayijo jua ñmõjeno rãmua ñarãre Jesús ñ bucdõagoro. ³Ito yicõri gajeo Juana wame cutigo ñayijo. Iso ñayijo Cuza manõjo. Herodes ya moari masa uju ñayija Cuza. Ito yicõri gajeo Susana wame cutigo ñayijo. Ito yicõri gãjerã cuni jãjarã Jesús rãca romia wayijarã ña. Ña ejabũa masiro bajiro ejabũayijarã ña.

Oteri masũ gaye Jesús ñ goti masiore oca

(Mt 13.1-9; Mr 4.1-9)

⁴Ito bajiro Jesús ñ wa ucuroca co cuto gãna meje ñ tu minijuayijarã, ñre ti ñmorã. Ito bajiro ña ejaja ticõri, goti masiore ocana gotiyija Jesús ñare:

⁵—Sîgũ weseca ñ ya ote ajeri otegu wayija ñ. Wesecaju ejacõri, iti ajerire ñ wẽjabateroca gaje ajeri majũ quedi queayija. Ito bajiro quedi quearise gãjerã itire cudabia rojocõyijarã. Ito yicõri minia cuni bayijarã, iti ajerire. ⁶Gaje ajeri gãta watoju quedi queayija. Iti gãta wato quedi queara ajeri nocõ mejeti judibojayija. Ito bajibojarocati yoari mejeti siniaocayija sita iti ide manijare. ⁷Gaje ajeri jota watoju quedi sãja wayija. Ito quedi sãjacõri, iti judi mũa waroca jota mari ñarea sãcõyija itire. ⁸Ito yicõri gaje ajeri sita quenarise joeru quedi queayija. Ito bajiri iti ajeri judi bucuacõri quenarise rica cutiyija. Ito yicõri coria sarari cien ñari ajeri rica cutiyija, yiyija Jesús ñare.

Ito bajiro iti goti ticõri mucana ado bajiro yiyija Jesús ñare:

—No gãmo goje cutirã tuoya, yiyija Jesús oca sãoro ñare.

¿No yija goti masiore ocana riasoati ma? ña yi seniãre gaye

(Mt 13.10-17; Mr 4.10-12)

⁹Ito ñ yija tuocõri, ado bajiro ñre seniayijarã ñ rãca riasotiri masa:

—¿Ñe yireoni ñati iti goti masiore oca? yiyijarã ña.

¹⁰Ña ito yija:

—“No ñre tuorãnarã ñ rotiroju miojugu yiguñi Dios”, yi gãjerã ña tuo masibiti gaye ma tuo masiroca yami Dios mũareama. Gãjerãma iti oca tuobojarãti queno tuo masimenaji ña. Ito

bajiroti yi gotiyijarã Diore goti ñsiri masa. Tite mua. “Tuobojarãti, tuo masimenaji ña. Ito yicõri tibojarãti, ti masimenaji ña”, yi goticãyijarã jane mejeju, yiyiju Jesús ñnare.

Ado bajiro bajaia oteri masu ye, yi Jesús i goti quenore gaye
(Mt 13.18-23; Mr 4.13-20)

¹¹ Ito yicõri mucana tãdi riasoyiju Jesús ñnare:

—“Oteri masu sigũ ado bajiro bajiyiju”, yirocu muare gotibu yu. Ito bajiri adocãta muare goti rãtobugu ya yu, mua queno tuo masitoni. Oteri masu, Dios oca goti uciri masu robo bajigu ñami ñ. Ito yicõri i oteri ajerioniti ña Dios oca mani tuorise. Tite mua. Ado bajirojua bajaia iti oca. ¹² Coriarã masa Dios ocare tuorãji tuorea. Ito bajibojarocati ña ãcabojaroca yigu yiguñji rãmú. Ito bajiri Diore tuorãnumenaji ña. Ito bajiri ñe ña tuorãnubejare ñnare masobiquñji Dios. Dios ocare ña ãcabojaja, maju ote ajeri quedi queado bajiro bajirã yirãji yirãji ñaõna. ¹³ Gãjerãma Dios ocare tuocõri queno wanu quenare rãca boca ãmirãji ña. Ito bajibojarocati ñnare oca ñaja, ito yicõri gãjerã ñnare ti teja, Diore tuorãnumenaji ña. Ito yicõri nocõ mejeti i oca ña tuobojarere jidicãrã yirãji ña. Ito bajiro ña yija, gãta wato quedi queara ajeri bajiro queno ñe mari mana robo bajirã yirãji ñaõna. ¹⁴ Gãjerãma Dios ocare tuobojarãti adi macãrucãro gayere buto tuõiarã yirãji ña. Ito bajiro tuõiacõri adi macãrucãro ñeñarise gajeonire cuni jidicã ãmomenaji ña. Ito bajiro ña jidicã ãmobeja jota mari wato ote ajeri quedi queado bajiro bajirã yirãji ñaõna. ña ñama Diore queno moa ñsimenta. ¹⁵ Gãjerãma Dios oca tuocõri, ñe queno tuorãnurã yirãji ña. Ito bajiro ñe queno tuorãnurã ñari ñe jidicãmenaji ña. Ito yicõri i ãmoro bajiro yirã yirãji ña. Ito bajiro ña yija sita quenarise joeju ote ajeri quedi queado bajiro bajirã yirãji ñaõna. ña ñama Diore queno moa ñsirã, yiyiju Jesús ñnare.

Ado bajiro bajaia siabusuoraga, yi Jesús i riasore gaye
(Mr 4.21-25)

¹⁶ Mucana tãdi goti masiore ocana gotiyiju Jesús:

—Mujura jã siacõri riri sotu rocaju mucũmenaji mani. Ito yicõri gaje mujura jã siacõri canira casabo rocajuare sia cũmenaji mani. Ado bajirojua yirãji mani. Mujura jã siasuara tutuju siasuara yirãji mani. Ito bajiro mani siasuaja, masa sãja wadirã ti masirã yirãji ña. ¹⁷ Ado bajirojua bajaia iti yireoni. Masa ña tuo masibitire ija tuo masicoarã yirãji ña. Ito yicõri yeyoro masa ña tuõabojarisere masa jeyaro masicõrã yirãji ña, yiyiju Jesús.

¹⁸ Queno tuoya mua, yu gotirisere. Sigũ Diore queno tuorãnugãre buto busa Dios oca i tuo masiroca yigu yiguñji Dios. Ito bajibojarocati gãjama Diore queno tuorãnubica i ñajare Dios oca i masibojarisere i ãcabojaroca yigu yiguñji Dios, yiyiju Jesús i rãca riasotirãre.

Jesús i ñarã ado bajiro bajiamã, yire gaye
(Mt 12.46-50; Mr 3.31-35)

¹⁹ Ito i yija bero i jaco, i ocabajirã ñe ti ãmorã ejabojayijarã ña. Jãjarã masa ña ñajare i tuju eja masia mañiju ñnare. ²⁰ Ito bajiro ña bajija ticõri, sigũ ado bajiro Jesure gotiyiju:

—Mu jaco, mu ocabajirã mure tirã wadãana macãju ñama, yi gotiyiju i Jesure.

²¹ Ito i yija tuocõri, ado bajiro ñe cudiyiju Jesús:

—No Dios oca tuorãti, ito yicõri itire cudirãti, ña ñama yu jaco robo, yu ocabajirã robo bajiro bajirã, yiyiju Jesús.

Minore, jacũrisere cuni Jesús i rãtore gaye
(Mt 8.23-27; Mr 4.35-41)

²² Co rãmã Jesús i rãca riasotirã rãca cumaju sãjayiju. Ito yicõri ado bajiro yiyiju:

—Ita, sidujaju wea jã wato, yiyiju Jesús i rãca riasotirãre.

Ito i yija tuocõri, gaje ñujaju jã wayijarã ña. ²³ Ito bajiro jã wacãju, canicoayiju Jesús. I canigoja bero buto mino wãayiju. Ito yicõri itira itajura buto jacũyiju. Iti jacũrise cumaju jairo ruja sãjayiju. Ito bajiri jabeto ruayabojayiju cuma iti rujaroto. ²⁴ Ito bajija ticõri, buto gũyijarã i rãca riasotiri masa. Ito bajiri Jesure yujioyijarã ña. Ado bajiro yi yujioyijarã ña Jesure:

—Jesús, guare riasogu, yujiya mu. Canibesa. Rujarã ya mani, yiyijarã ña Jesure.

Ña ito yija tuocõri, yuyijiju Jesús. Ito yicõri jacũrisere ado bajiro yiyiju Jesús: “Itocõti jacũña. Mino cuni itocõti wãña”, i yirocati, rãtacoayiju ña. ²⁵ Mino iti rãtãja bero ado bajiro ñnare senñayiju i ña:

—¿Ñe rãtati, yure tuorãnubeati mua? yiyiju Jesús ñnare.

Ito bajiro iti rãtãja, mano ti ucayijarã ña, i rãca riasotiri masa. Ito yicõri ñnamasiti ado bajiro gãmeri busiyijarã ña:

—¿Ñimũõcũ ñati ñni? I busirocati mino cuni rãtacoaju. Jacũrise cuni tuajacoaju, yi gãmeri busiyijarã ña.

Gerasa gagu rāmú sãñagú oca
(Mt 8.28-34; Mr 5.1-20)

²⁶ Gaje daja Galilea wame cutiri dujaju ñana jêa wa, Gerasa wame cutiri sitaju ejayijarã ñna. ²⁷⁻²⁹ Cumana jêa waru jêa ejacõri maja wayiju Jesús. Ito bajiro waroca sigã iti cuto gagu rãmú sãja ecoru bocayiju Jesure. Ì ãmugú yoari yutabuju sãñare mejeti ña ucuyiju Ì. Ito yicõri wiju ña masibisiju Ì. Ito bajiri gúta gojeriju ñayiju Ì ñaro. Iti gúta gojeri ñayiju masa ña yujerise. Itoju ñasotiyiju rãmú sãja ecoru, Ì ñaro.

Ito Ì ñaroca coji meje rãmú sãjayijarã Ìre. Ito yicõri gãjerã ito gãna coji meje Ì ya ãmori Ì ya gabori cuni come mana Ìre siasotibojayijarã ñna. Ito bajiro ñna siabojarocati, buto tunu ruacõsotiyiju Ì. Ito yicõri Ì ya usiju ñarã rãmú yucu manojua wa rotiyijarã Ìre. Ito bajiro yucu manojua waca yigujua Jesure bocayiju Ì. Ìre bocacõri Jesús riojo ñini rújuyiju rãmú sãja ecoru. Ito yicõri buto awasãyiju Ì. Ito bajiro Ì yija ticõri, Ì ya usiju ñarã rãmúare budi rotiyiju Jesús. Ì budi rotija tuocõri, ado bajiro Jesure seniãayijarã ñna rãmú:

—¿Mu ãmacúju gagu Dios Macu, guare no bajiro yigu yigujada mu? Buto ñeñaro gua tóbñaroca yibesa, yiyijarã rãmú Jesure.

³⁰ Ìna ito bajiro josaja tuocõri, ado bajiro seniãayiju Jesús ñnare:

—¿Ñimu wame cutiati mu? yiyiju Jesús.

Ito bajiro Ì seniãaja tuocõri:

—Legión wame cutigu ña yu, yiyiju rãmú.

Jãjarã yireoni ña Legión. Ito bajiri ito bajiro wame cutiyiju Ì rãmú. Jãjarã rãmú ñayijarã Ì ãmugãre.

³¹ Ìna rãmú Jesure ado bajiro yi seniãayijarã:

—“Sõju wasa”, yibesa guare, yiyijarã rãmú Jesure.

³² Ito yiroca turia joeju jãjarã ecana yesea ba rãgõ ucuyijarã. Ito bajiro bajija ticõri, Jesure buto seni josayijarã ñna:

—Yeseare gua sãjatoni guare sãja rotiya mu, yiyijarã rãmú Jesure.

Ìna ito yija tuocõri:

—Bau, yeseare sãjaña mu, yiyiju Jesús ñnare. ³³ Ito Ì yija tuocõri, masu ya usiju sãñabojana budi jedicoayijarã, yeseare sãjarona. Ito yicõri yesea rãmú sãja ecocõri buto sãoro ãmaquedi wayijarã ñna. Ito bajiro buto ãmaquedi jati wacõri, turia joejua bubu jati waca yirãju, itajuraju quedi roa goda jedicoayijarã yesea.

³⁴ Iti ito bajiro rãtaja ticõri, yeseare coderi masa ãmaquedi wayijarã cutoriju goti ucurona. Iti ito bajiro rãtagorere jaibiti cuto cuni, jaja cuto cuni goti ucuyijarã ñna. ³⁵ Ito bajiro ñna gotija tuocõri, “Ita mani cuni. Tito”, yiyijarã gãjerã. Ito yicõri Jesús taju ejacõri rãmú sãja ecogorure ti bujayijarã ñna. Queno usi cutigu rujuyiju Ì ña, Jesús taju. Ito yicõri yutabuju sãñaru ñayiju Ì ña. Ito bajiro Ì bajija ticõri, ti ãcacoayijarã ñna. ³⁶ Ì ito bajija ticõri:

—Rãmú sãja ecoru ñabojaru rãmúare budi rotiñi Jesús, yiyijarã ñna. ³⁷ Itire tuocõri Gerasa gãna, ito yicõri ito tu gãna cuni buto güicõri Jesure wa rotiyijarã ñna. Ìna ito yija tuocõri, cumaju sãjayiju Jesús. ³⁸ Ito bajiro cumaju Ì sãjaroca rãmú Ì bucõgoru, ado bajiro seni josayiju Jesure:

—Yu cuni mu rãca wa ãmoa yu, yi seniãayiju Ì. Ito bajiro Ì yija tuocõri:

³⁹ —Mu ya wiju tudi wasa. Ito yicõri ado bajiro yi gotiba, “Jesús yu ya usiju rãmú sãñabojanare bucõacõquí”, yi gotiba mu, yiyiju Jesús rãmú Ì bucõagorure.

Ito Ì yija tuocõri, cutoriju wayiju rãmú budigoru. Ito yicõri jeyaro Ìre rãtagorere goti ucuyiju, Jesús Ì rotiado bajiroti.

Jairo macore Jesús Ì yisioire gaye
(Mt 9.18-26; Mr 5.21-43)

⁴⁰ Ito bajiro Ì yi ucuja bero, tudi jêa wayiju Jesús mucana. Ito bajiro Ì jêa ejaroca wanu quenare rãca Ìre boca ãmijijarã masa. ⁴¹⁻⁴² Ito bajiro Ì jêa ejaroca, ñna masa jãjarã wato sigã judio masa ñna minijuari wi uju Jairo wame cutigu wadiyiju. Wadicõri Jesús riojo rijomunigãna ñini rújuyiju Ì. Ì maco jua gubojeno rodori tujago ñayijo iso. Sigõti ñayijo Ì maco, ito yicõri buto cõyijo iso. Goda waroti ñayijo iso. Ito bajija ticõri, Jesure Ì ya wiju Ì watoni Ìre jigü ejayiju Jairo. Ito bajiro Ì senija tuocõri, Jairo ya wiju wayiju Jesús.

Ito Jairo ya wi Ì waroca masa jãjarã ñayijarã. Ito bajiri masa jãjarã gãni bia wayijarã Ìre. ⁴³ Ito yicõri ñna masa rãca sigõ romia ñarise cõgõ ñayijo. Jua gubojeno rodori cõ tujayijo iso. Ito yicõri isore uco yigoanare iso rãcorise ñarocõti waja yi jeocõyijo iso. Ìna ito bajiro uco yibojarocati rãta masibisiju isore. ⁴⁴ Ito bajiro masa jãjarã wato Jesús ya yutabuju gaja moãayijo iso. Iso ito bajiro Ì ya yutabujure moãarocati iso ñarise cutibojarise rãtacoayiju isore ña. ⁴⁵ Ito bajiro Ì ya yutabujure iso moãaja tuo masicõri ado bajiro seniãayiju Jesús:

—¿Noa yu ya yutabujure moãari? yi seniãayiju Ì.

Ito bajiro ī seniġaja tuocōri: “Moaġabiju gwa cuni”, yiyijarā ĩna ħarocōti Jesure. Ito bajiro ĩnare ĩ seniġaja bero, ado bajiro cadiyiju Pedro:

—Guare riasogu, mu tujū masa jġarā ħama. Jġarā mre gāni bia wama. Ito yicōri jġarā mu ya yutabujure cōoama. No yigu ito yiri mu, “ĶNimo yu ya yutabujure moaġari?” yibu mu, yiyiju Pedro Jesure.

⁴⁶ Ito yija Jesús ado bajiro yiyiju ĩnare:

—Sġgō yure moaġamo. Ito bajiro iso moaġaja, yu masirise rāca isore ħarise rētomu yu, yiyiju Jesús.

⁴⁷ ĩre yutabuju moaġare ĩ masija tuocōri, buto gūiyijo iso. Ito yicōri iso ya ruju naruogōti Jesús riojo iso ya rijomunigāna ħini rūjūyijo iso. Ito yicōri masa jġarā ĩna tuoroca Jesure iso moaġagore gotiyijo iso: “ ĩ ya yutabujure yu moaġajama, yu cōrise rētaoaro yiroja’, yi tuoġacōri, mu ya yutabujure moaġamu yu. Ito yicōri yu moaġarocati yu ruju ħarise rētaoaro ĩja”, yi gotiyijo iso, masa ĩna tuoro riojo. ⁴⁸ Iso ito yija tuocōri:

—Maco, tuoja mu. Yure mu tuorūnūrise mre yisicōā. Ito bajiri wanu quenagō, cati quenagō wasa mu, yiyiju Jesús isore.

⁴⁹ Ito bajiro isore ĩ goti ħaroca Jairo ya wi ħarā ejayjarā Jairore gotirā:

—Mu maco godacoamo. Ito bajiri mucana tūdi usirioro yibesa āni riasogure, yiyijarā ĩna Jairore.

⁵⁰ ĩna ito yija tuocōri, Jairore ado bajiro yiyiju Jesús:

—Gūibesa. Diore mu rucubwoja, mu maco mucana tujacoago yigōji iso, yiyiju Jesús ĩre. Ito yicōri Jairo ya wiju wayijarā ĩna.

⁵¹ ĩ ya wiju ejacōri Pedro, Santiago ito yicōri Juanre cuni sāja rotiyiju Jesús. Ito yicōri cōgō jacusabatiare cuni sāja rotiyiju ĩ. Gājerāre sāja rotibisiju Jesús. ⁵² Iti wi ħarā masa, macoacā iso godaja ticōri, buto otiyijarā ĩna. ĩna ito bajiro otija ticōri, ado bajiro yiyiju Jesús ĩnare:

—Otibesa, Adio macoacā cōgō meje yamo iso. Canigō yamo, yiyiju Jesús.

⁵³ Ito ĩ yija, ito oti ħarā buto ĩre aja tudiyijarā ĩna. “Godasacoamo iso”, yi tuoġayjarā ĩna.

⁵⁴ Ito bajiro ĩna yibojarocati godaro iso ħari sānimaju sājacōri iso ya āmore ħuyiju Jesús. Ito yicōri ado bajiro yiyiju Jesús isore:

—Macoacā, wamu rūgāña, yiyiju Jesús isore.

⁵⁵ Ito ĩ yirocaci cojisiti tujacoayijo iso, godaro ħabojagoti. Ito yicōri godaro ħabojagoti wamu rūgūyijo iso. Ito iso bajija ticōri, “Bare ecaya isore”, yiyiju Jesús. ⁵⁶ Ito bajiro iso tujaja ticōri, ti ucacoayijarā iso jacusabatia. Ito bajibojarocati iso jacusabatiare oca goti bato rotibisiju Jesús, iso tujarise gayere.

9

*Dios oca ĩna goti ucutoni ĩ rāca riasotirāre Jesús ĩ cōare gaye
(Mt 10.5-15; Mr 6.7-13)*

¹ Co rāmu ĩ rāca riasotirā, juu gūbojeno ħarāre miojuyiju Jesús. Ito bajiro ĩna minijuaja ticōri, ĩ masirise ĩsiyiju Jesús ĩnare, rāmuā sāja ecoanare rāmuāre ĩna bucōa masitonī. Ito yicōri cōrāre cuni ĩna maso masitonī, ĩ masirise ĩsiyiju Jesús ĩnare. ² Ito yicōri, “ĩre tuorūnūrāre ĩ rotiroju miojugu yiguġi Dios”, yire oca goti ucu rotiyiju Jesús ĩnare. Ito yicōri, “Cōrāre cuni yisiorā yirāji mua”, yi roti ħucayiju Jesús ĩnare. ³ Gaje ado bajiro ĩnare gotiyiju Jesús:

—Iti mua oca goti ucurā waja gajeonī āmimenati waja. Ito yicōri mua ya turigu cuni āmi wabeja. Ito yicōri tura baju, naju, niyeru cuni āmi wabeja. Ito yicōri yutabuju mua sāħarise rāca riti waja. Wasoa sāħado āmimenati waja, yiyiju Jesús. ⁴ Ito yicōri cuto mua ejaja mua sāja ejari witi ħacōama. Iti wi ħarāti mucana gaje cutoju warā yirāji mua. ⁵ Gaje cutoju mua ejaroca iti cuto gāna muare ĩna boca āmibeja riojoti rētaoaja. Ito yicōri iti cuto rēta warāti mua ya gūboju sita wārisere ja bateba. Ito bajiro mua yija ticōri, “ĩnare queno boca āmibiju mani”, yi tuoġarā yirāji iti cuto gāna, yiyiju Jesús ĩnare.

⁶ Ito bajiro ĩ yija tuocōri, jeyaro cutoriju Dios oca goti ucurā wayijarā ĩna. Ito yicōri cōrāre cuni maso ucurā wayijarā ĩna.

*Herodes ĩ tuoġa oca jaire gaye
(Mt 14.1-12; Mr 6.14-29)*

⁷ Ito bajiro ĩna yi ucuroca, Herodes Galilea sita cju, jeyaro Jesús ĩ yigore tuojuju ĩ. Gājerā Herodesre ado bajiro yi gotiyijarā ĩna: “Godaru ħabojaguti mucana catiami Juan”, yiyijarā gājerā ĩre. ĩna ito yija tuocōri, no bajiro yi tuoġa masibisiju Herodes. ⁸ Gājerāma, Herodesre ado bajiro yiyijarā ĩna: “Elas goaforu”, yiyijarā gājerā. Ito yicōri gājerāma, “Jane mejeju Diore goti ĩsiri masu godacōri mucana catiru”, yiyijarā ĩna. ⁹ ĩna ito bajiro gotirise tuocōri, ado bajiro yiyiju Herodes:

—Yumasiti Juanre ña rijoga jatatonni roti ñucacu yu. ¿Ñimhōcū ñati ito bajiro jaje oca ruyugu? yiyiju Herodes.

Ito bajiro iti bato oca ruyuja tuocōri, bato ti ãmoyiju Herodes Jesure.

*Cinco mil ñarāre Jesús ï ecare gaye
(Mt 14.13-21; Mr 6.30-44; Jn 6.1-14)*

¹⁰ Jesús ï oca ña goti ucutoni ï cūana tūdi ejarā ñare rētagore Jesure goti jeocōyijarā ña. Ito bajiro ña gotija bero ricati busa Betsaida wame cutiri cuto tuju ñare ãmi wayiju Jesús.

¹¹ Ito bajijobarocati “Ito warāji ña”, yi masicōri ñare suya wayijarā masa jājarā. Ito bajiro ña suya ejaja ticōri, wanare rāca ñare boca ãmiyiju Jesús. Ito yicōri, “Ïre tuorānūarē ï rotiroju miojugu yiguūji Dios”, yire oca gotiyiju Jesús ñare. Ito yicōri cōrāre cūni masoyiju ï.

¹² Rāiocūro ña wadiroca ï oca goti ucutoni ï cūana ï tuju minijuacōri ado bajiro yiyijarā ña ñre:

—Bato cuto meje ña ado. Ito bajiri queno bare buja masiña ma ado. Ito bajiri masare cutoju wa rotiya, bare ña buja masitonni, ito yicōri ña canni masitonni, yiyijarā ña Jesure.

¹³ Ito ña bajiro yibojarocati:

—Muati ñare bare ecaya, yiyiju Jesús.

Ito ï yija tuocōri, ado bajiro yiyijarā ña Jesure:

—Najuro co dūjamocō, ito yicōri wai jūarāti ñama guare. ¿Ña ñarocōti masa ña barotire gua waja yirā ware ãmoati mu? yiyijarā ña Jesure.

¹⁴ Cinco milcō ñayijarā ña ãmua. Romia ito yicōri rāca cūni ñayijarā ña wato. Ito bajiro jājarā ña ñaja ticōri, ï rāca riasotirāre ado bajiro yiyiju Jesús:

—Rujariaburi ruji rotiya masare. Cobu rujirāre jūarā masacō gāji ye juu dūjamocō ruji rotiya, yiyiju Jesús ï rāca riasotirāre.

¹⁵ Ito bajiro ï yija tuocōri, ito bajiro masare ruji rotiyijarā ña. ¹⁶ Ito bajiro ña rujija ticōri, co dūjamocō naju ñarisere, wai jūarāre cūni ãmi rucoyiju ï ya ãmona. Ito yicōri macārucāroju ti tuocōri Diore. “Queno ya mu”, yiyiju Jesús. Ito yicōri iti najurore igata batoyiju, waire cūni. Ito yicōri ï rāca riasotirāre ïsiyiju, masare ña batotonni. ¹⁷ Ito bajiro ña batoja boca ãmicōri masa ñarocōti jediyijarā ña. Ito yicōri yaji quenaro ñayijarā ña. Ito bero ña yaji rētagore juu gubojeno jiburi miosā dajoyijarā ña.

*Cristore “Dios ï cōaru ña mu”, yi Pedro ï goti quenore gaye
(Mt 16.13-19; Mr 8.27-29)*

¹⁸ Co rumu Diore busiroca gajeju busa wayiju Jesús. Ito ï Jacure busi ñaroca, ï rāca riasotirā ejayijarā ña. ña ejaja ticōri, ado bajiro ñare seniñayiju Jesús:

—¿No bajiro yi busiri masa yure? yiyiju Jesús.

¹⁹ Ito ï yija ado bajiro cudiyijarā ña:

—Gājerāma mure, “Masare idé guri masu, Juanti ñami”, yama ña mure. Gājerāma, “Elías ñami”, yama ña mure. Ito yicōri gājerāma, “Jane mejeju Diore goti ïsiri masu godacōri mucana catiru ñami”, yama ña mure, yiyijarā ña Jesure.

²⁰ ña ito yija tuocōri, ado bajiro seniñayiju Jesús:

—Muama, “Ñimu ñaguūji”, ¿yi tuoñati yure? yiyiju Jesús.

Ito ï yija ado bajiro cudiyiju Pedro:

—Cristo Dios ï cōaru ña mu, ya yu mure, yiyiju Pedro Jesure.

*Yure sñarā yirāji, Jesús ï yire gaye
(Mt 16.20-28; Mr 8.30-9.1)*

²¹ Ito ï yija tuocōri, gājerāre goti bato yibesa, yiyiju Jesús Pedrore. ²² Ito yicōri ñare ado bajiro yiyiju Jesús:

—Yu Masa Rijoru ñeñaro tōbujagu yiguja yu. Ito bajiri judio masa bucārā, paia ujarā, ito yicōri judio masa rotirise riasori masa cūni yure ti tudirā yirāji ña. Ito bajiri yure sñarā yirāji masa. Ito bajiro yure ña yibojarocati yu godaja bero, uñia rumu bero mucana tūdi yu catiroca yigu yiguūji Dios, yiyiju Jesús ñare.

²³ Ito bero ña ñajedirore ado bajiro gotiyiju Jesús:

—Sigū yure ï suya ãmoja, ï ye ñaroti tuoñabiticōri yuñare tuo mai suyagu yiguūji. Yucutēo gajagu robo bajiro tōbujabogati yure riti suyagu yiguūji ï. ²⁴ No ï catirise maibogati godagu yiguūji. Ito bajijobarocati yure tuorūnūgū, yu oca ï gotija tuo junisinicōri ña siagūama catitñare gaye bujagu yiguūji. ²⁵ Sigū adi macārucāro gaye gajeoni jeyaro ï bujabojarocati ï godari rumu, catitñare ï bujabaja, ito yicōri Dios ñe ruyurioja ñejuu waja mano yiroja ñe.

²⁶ Yu Masa Rijoru uju ñacōri tūdi eja yu yu mucana. Rētoro ñasarise yu Jacu yure ï ïsijare ito yicōri ángel mesa ña ñasaro bajiro yure ï jidicājare, co rumu ñasari masu uju tūdi eja yu yu. No yure masigū ñabogati, yure ï bojoja ito yicōri yu oca masibogati ï bojoja yu tūdi ejari rumu ito bajiroti ñe bojogu yiguja yu cūni. ²⁷ Riti ya yu mure. Mua wato coriarā,

ado ñarã ina godaroto riojua, “Ïre tuorãnurãre miojusuoogu yami Dios”, yi ti masirã yirãji ña, yiyiju Jesús ñare.

Ïna tiro riojo Jesús ï godo wedire gaye
(Mt 17.1-8; Mr 9.2-8)

²⁸ Ito bajiro ï yija bero, udia ãmojeno ramari berocõ, gãtagãju muja wayiju Jesús ï Jacu Diore busiroca. Ito yicõri Pedro, Santiago, Juanre cuni ãmi wayiju ï. ²⁹ Gãtagã joeju ejacõri Diore busiyiju Jesús. Ito bajiro Diore ï busiroca ï ya rio gajero bajiro godo wediyiju. Ito yicõri ï ya yutabuju cuni buto boticõri yoro ñayiju. ³⁰ Ito ï yi ñaroca, ãmua jãarã ï rãca busirã goãoyijarã. Ña jãarã ñayijarã Elías, Moisés ñayoana. ³¹ Ito bajicõri Dios ï yorise watoju ñayijarã ña. Ito bajiro Jesure busirã, Jerusalénju ñeñaro tõbujacõri ï godaroti gayere ïre busiyijarã ña. ³² Ito bajiro ña yiroca, Pedro mesa buto canibojarãti, ito bajijare yuyijijarã. Yujicõri Jesús ï yorise, ito yicõri ï rãca ñarã yoriserere tiyijarã ña. ³³ Ña jãarã Jesús rãca busiana, ña ïre wagoja ticõri, ado bajiro yiyiju Pedro:

—Guare riasogu, iti rãtaroca gua ti ñaja quena ña guare. Muare yiari udia wi meni ïsiruja gua. Mure co wi, Moisésre gaje wi, ito yicõri Elíasre gaje wi, yiyiju Pedro Jesure.

Ito bajiro busibojaguti, ï busirisere tuo masibisiju Pedro. ³⁴ Ito bajiro ï busiroca, ide bueri ruji wadiyiju. Ide bueri ñare quedi jea biare güiyijarã ña. ³⁵ Ito yicõri ide bueri wato ado bajiro oca ruyuyiju ñare:

—Ñni ñami yu Macu yu maigã. Ïre queno tuorãnuña mua, yi ruyuyiju oca ñare.

³⁶ Ito bajiro oca ña tuoja bero Jesús sigãti ï ñaja tiyijarã ña. Iti rãtaja ticõri, ito bajia yibisijarã ña. Ito yicõri gãjerãre cuni goti bato yibisijarã.

Rãmú sãñagãre rãmãre Jesús ï bucõare gaye
(Mt 17.14-21; Mr 9.14-29)

³⁷ Ito bajiri gaje rãmú gãtagã joeju ñana ruji wayijarã ña. Ña ruji eja ticõri, masa jãjarã Jesure bocatiyijarã. ³⁸ Masa jãjarã wato sigã oca seoro Jesure busiyiju:

—Yure riasogu mure josa yu, yu macure mu ti maitoni. Ï sigãti ñami yu macu. ³⁹ Biyaro rãmú ïre sãjacõri, ï usi jediroca yami. Ï awasãroca ito yicõri ï ya rise somo budiroca yami. Ito bajiro ñeñaro ïre yicõri ïre budigo ãmobeami rãmú. ⁴⁰ Mu rãca riasotirãre rãmú bucõa rotibojacu yu. Ito yu yibojarocati, rãmãre bucõa masibiticã ña, yiyiju ï Jesure.

⁴¹ Ito ï yija tuocõri, Jesús ado bajiro cudiyiju:

—Ba, ya yua. Queno yure tuorãnurã meje ña mua. Ito yicõri yure rãcuburã meje ña mua. Yoari muare yu riasobojarocati yure tuorãnubea mua maji, yiyiju Jesús ñare.

Ito yi ticõri rãmú sãja ecoru jacure:

—Adojua mu macure ãmi wadite maji mu, yiyiju ï.

⁴² Ito bajiro macuacãre ï ãmi waroca mucana tãdi rãmú quedi sãjayiju ïre. Ito yicõri jacaju ï quedi quearoca yicõri ï usi jediroca yiyiju rãmú ïre. Ito bajiro ï yija ticõri, rãmãre budi rotiyiju Jesús. Rãmãre Jesús ï bucõaja bero queno cati quenayiju macuacã mucana. Ito yicõri macuacãre ï jacure judacõyiju Jesús mucana. ⁴³ Dios ï masirisena ito bajiro Jesús ï yija ticõri, ito ñana ti ucayijarã masa.

Yure sãrã yirãji, yi mucana Jesús ï tãdi gotire gaye
(Mt 17.22-23; Mr 9.30-32)

Ito bajiro ï yirise masa ña ti wanuroca, ado bajiro yiyiju Jesús ï rãca riasotirãre:

⁴⁴ —Ado yu gotirise queno tuoja mua. Ito yicõri ãcabojabeja. Yu ña Masa Rãjoru Dios ï cõaru. Yure ñiacõri gãjerãre ïsirã yirãji ña, yure ña slatoni, yiyiju Jesús ï rãca riasotirãre.

⁴⁵ Ito bajiro ï yibojarocati, ñare tuo masi rotibisiju Dios maji. Ito bajiro ï yijare Jesús ï gotirisere tuo masibisijarã ña. “Mu gotirisere mucana guare goti quenofã”, yi güi ñayijarã ña.

¿Ñimu ñati ñasagu ñaroca? Ña yi senãtare gaye
(Mt 18.1-5; Mr 9.33-37)

⁴⁶ Ito bajiro ña baji ñaroca:

—¿Ñimujua ñagã yigũjida ñasagu? yi gãmeri busiyijarã ña Jesús rãca riasotiri masa.

⁴⁷ Ito bajiro ña gãmeri busirisere, tuo masicõyiju Jesús. Ito yicõri sigã macuacãre ï tu tãami rãgõyiju Jesús.

⁴⁸ Ito yicõri ï rãca riasotirãre ado bajiro yiyiju Jesús:

—No yure rãcubucõri ãni macuacãre boca ãmiro bajiro, yure cuni boca ãmigũ ñami ïocũ. Ito yicõri yure boca ãmigũ, yure cõarure boca ãmigũ ñami ï. No mua rãca gagu, “Gãjerã rãto busaro tuõagũ ña yu”, yibicu ï ñagũ yigũji ñasagu, yiyiju Jesús ñare.

Manire tuo tudibicu ï ñaguji mani baba, Jesús ï yire gaye
(Mr 9.38-40)

⁴⁹ Ito i yija bero ado bajiro yiyiju Juan Ìre:

—Guare riasogu, sīgū mu wamena rāmúare bucōagū ticu gua. Gua rāca gagu meje i ñajare rēocu gua Ìre, yiyiju Juan Jesure.

⁵⁰ Ito i yija tuocōri:

—Rēobeja mua. No manire tuo tudibicu i ñaguñji mani baba, yiyiju Jesús Ìnare.

Santiago, Juanre cani Jesús i goti quenore gaye

⁵¹ Ūmacāju Jesús i waroto iti cōñajare, “Yure Ìna sīa āmbojarocati Jerusalénjua wasagu yigūja yu”, yi oca sēoyiju Jesús. ⁵² Ito bajiro tuoñacōri i riojua queno yuronare cōayiju Jesús. Samaria sita cutoju canirajuri āmarā wayijarā Ìna. ⁵³ Jerusalénju warā yama yi ti masicōri, boca āmi āmobisijarā Samaria sita gāna Ìnare. ⁵⁴ Ito bajiro Ìna yija ticōri, Jesús rāca riasotirā Santiago, Juan ado bajiro yiyijarā Jesure:

—¿Gua Ìnare ruyuriorona Diore jea queo rotire āmoati mu? yiyijarā Ìna Jesure.

⁵⁵ Ìna ito yija tuocōri, oca sēoro Ìnare ticōri ado bajiro Ìnare tudiyiju Jesús:

—Ito bajiro mua tuoñaja, rāmū bajiro tuoñarā ña mua. ⁵⁶ Yu ña Masa Rījoru. Masare ruyuriorocu meje wadicu yu. Ìnare masorocu wadicu yu, yiyiju Jesús Ìnare.

Ì ito yija bero gaje cutoju wayijarā Ìna mucana.

Jesure tuo suya āmorā

(Mt 8.19-22)

⁵⁷ Ito ma Ìna waroca sīgū āmugū ado bajiro yiyiju Jesure:

—Yu Ūju, no mu waroti mu rāca wa āmoa yu, yiyiju i Jesure. ⁵⁸ Ito bajiro i yija tuocōri, ado bajiro cudiyiju Jesús Ìre:

—Buyairo mesa totiju canicā Ìna. Ito yicōri minia Ìna ya jiburiju canicā Ìna. Ito bajibojarocati yu Masa Rījoru, diju yu caniriju ma yure. Ito bajiri yure mu suyaja josari ñaroja mure, yiyiju Jesús Ìre.

⁵⁹ Ito yicōri gājire ado bajiro yiyiju Jesús:

—Yu rāca waya, yiyiju Jesús.

Ito i yijare:

—Yu Ūju, yu jacu rāca ñagū ya maji. Ì godaja bero mu rāca wacuja yu, yiyiju i Jesure.

⁶⁰ Ito bajiro i yija tuocōri, ado bajiro cudiyiju Jesús:

—Yure masimena moajaro itirea. Muáma, “Ìre tuorānūrāre miojugu yiguñji Dios”, yire oca goti ucuya muáma, yiyiju Jesús Ìre.

⁶¹ Ito yija ado bajiro yiyiju gāji Jesure:

—Yu Ūju, mu rācati wa āmoa yu. Cajero maji yu ya wi gānare ware gotigu wacu ya yu maji, yiyiju i Jesure.

⁶² Ito i yija tuocōri, ado bajiro cudiyiju Jesús:

—Sīgū yu rāca wasuogu, iti ramuju i yigore mucana tadi i tuoñaja, Dios masa jeyaro ujare queno moa Ìsi masibeami Ìocū, yiyiju Jesús Ìre.

10

Setenta y dos ñarāre Jesús i cōare gaye

¹ Ito i yija bero setenta y dos ñarā beseyiju mucana. Ito yicōri i waroti catoricōti jūarā, jūarā, jūarā i riojua wa yu rotiyiju.

² Ìnare wa yu rotigu ado bajiro yiyiju i Ìnare:

—Riti ya yu. Ote jaje iti bucūabojarocati moari masajua jaibeama. Ito bajiri ote ujare i ya moari masare ote āmi rotija quena. Riti ya yu. Jājarā ñama yu oca masimena. Ito bajibojarocati coriarā ñama yu oca Ìnare goti ucirona. Ito bajiri Diore seniña i oca goti ucuronare i cōatoni. ³ Wasa mua. Guijoroju muare cōa yu. Ito bajiri queno tuoñaña. Oveja yaia tu Ìna ejarā waro bajiro muare cōa yu. ⁴ Gajeoni sāra buju āmi wabeja. Niyeru sāra buju cani āmibesa. Ito yicōri gaje guboco mua wasoaroti āmi wabeja. Ma masa mua bocaja yoari busi rāgō yibeja mua. ⁵ Cuto ejacōri co wi mua sājaja, iti wi gānare ado bajiro yiba: “Dios queno yijaro muare ito yicōri queno ñaña mua”, yiba mua. ⁶ Ìna muare queno Ìna cudija, quena ñaro yiroja Ìnare. Ito bajibojarocati queno muare Ìna cudibeja quenabeto yiroja Ìnare.

⁷ Ìna cudija ticōri, iti wi tujacōri, Ìna ecaro bajiroti baba mua. Diore moa Ìsirā mua ñajare mua riasorājua muare bare ecarā yirāji Ìna. Gaje wi, gaje wi, sāja ucu yibeja mua. ⁸ Cuto mua ejaia Ìna muare boca āmija Ìna ecaro bajiroti baba. ⁹ Ito gāna cōrā Ìna ñaja, Ìnare yisioba. Ito yicōri ado bajiro Ìnare gotiba: “Yoari mejeti Ìre tuorānūrāre i rotiroju miojugu yiguñji Dios. Ito bajiri Ìre mani tuorānūja quena”, yi gotiba. ¹⁰ Gaje cuto muare Ìna boca āmibeja, maju wija rāgūcōri ado bajiro Ìnare gotiba: ¹¹ “Mu ya cuto gaye sita gua ya guboco wārisere jacācōa

gua mua guare boca amibejare. Masiña mua. “Íre tuoränuräre miojugu yiguíji Dios’, yire gaye muare gotirona ejaboja gua”, yiba Inare, yiyiju Jesús.

¹² Gaje ado bajiro muare gotia ya. Iti cuto gāna muare boca amimena, Sodoma cuto gāna rēto busaro ñeñaro tóbujarā, yirāji ina, Dios í waja seniri rama, yiyiju Jesús í rāca riasotirāre.

Cutori gāna riojo cudimena oca
(Mt 11.20-24)

¹³ Gaje ado bajiro gotiyiju Jesús Inare:

—Bujato baja Inare. Buto ñeñaro tóbujarā yirāji Corazín gāna, ito yicōri Betsaida gāna cuni. Ito bajiroti tóbujarā yirāji. Jaje tiyamani Inare íobojacu ya. Ito ya yibojarocati ina ñeñaro yirise jidicā amobiticā ina. Inare ya íocato bajiroti Sidón, ito yicōri Tiro gāna ya íoja, ina ñeñaro yirise iti ramuju jidicāboana. Ito yicōri ina ñeñaro yirise tuoía bojori bujarā, saya wanure gaye meje sãñaboana ina. Ito yicōri “Buto bojori buja gua”, yirona oja tuboana ina ya rioju. ¹⁴ Dios í waja seniri rama Tiro, Sidón gāna rētoro ñeñaro tóbujarā yirāji Betsaida gāna, Corazín gāna cuni. ¹⁵ Ito yicōri, “Ūmacāju Dios taju ejarā yirāji mani”, yi tuoíabojarāji Capernaum gāna. Ito bajiro tuoíabojarāti jeame ajuroju warā yirāji ina, yiyiju Jesús í rāca riasotirāre.

¹⁶ No muare tuogati, yare cuni tuogu ñami. No muare amobea yirā, yare cuni amorā meje ñama ina. No yare amobea yigu, yare cōarure cuni amogū meje ñami íocā, yiyiju Jesús í rāca riasotirāre.

Setenta y dos ñarā ina tūdi ejare gaye

¹⁷ Mucana í tu tūdi ejarā buto wanu tūdi ejayijarā Jesús í cūana setenta y dos ñarā. Ito yicōri Jesure ado bajiro yiyijarā ina:

—Gua Ūju, rāmúa sāja ecoana rāmúare gua budi rotija, ñaro bajiroti guare cudicā ina, yiyijarā ina Jesure.

¹⁸ Ina ito yija tuocōri, ado bajiro yiyiju Jesús Inare:

—Rāmúa uju Satanás rētoro masigū ña ya. Ūmacāju bujo í jarise robo bajiro Satanás í quedi wadija ticu ya. ¹⁹ Cotiwāja, añare cuni cudabojarāti mua cuni ecobe yirocu, ya masirise muare jidicācu ya. Ito yicōri mua wajacure rētocūma yirocu, cūcu ya muare. Ya masirise muare ya jidicājare ñeña muare junibetoja. ²⁰ “Rámure gua budi rotija ñaro bajiroti cadiquí guare”, yi masibojarāti buto wanu quenasaroti meje ña itiama. “Ūmacāju ya warotoju ya wame wōre ñacāroja”, mua yi masija, iti ña buto wanu quenare gaye, yiyiju Jesús Inare.

Jesús í wanure gaye
(Mt 11.25-27; 13.16-17)

²¹ Ito í yirocati Jesús í wanu quenaroca yiyiju Espiritu Santo. Ito bajiri ado bajiro yiyiju Jesús Diore:

—Cuna mure buto rācubuo ya. Mu ña adi tuti gagu Ūju, macārucuro jeyaro Ūju. Ado gāna buto riasotiana, ito yicōri buto masirā, mu oca ina tuo masibitire oca, ñasari masa mejejuare mu oca ina tuo masiroca yicu mu. Mu amorō bajiroti bajicu. Iti ya ya Cuna mure, yiyiju Jesús Diore.

²² Jeyaro uju ya ñatoni yare cūquí ya Jacu. Yu Jacu sigūti queno yare masiguíji. Ito yicōri ya sigūti ya Jacure queno masia. Gājerā cuni ya Jacure masiroca, ya yi amoja, ya jacure masirā yirāji ina cuni, yiyiju Jesús masare.

²³ Ito yicōri í rāca riasotirāre riti ado bajiro yiyiju Jesús:

—Yu íorise ticōri buto wanu quenare ña muare. ²⁴ Ado bajiro muare ya ya. Jane meje gāna Dios oca goti ísiri masa, ito yicōri ujarā masa cuni adocāta mua tirise buto tí amobojayijarā ina. Ito bajibojarāti itire tí bujabisijarā ina. Ito yicōri adocāta mua tuorise buto tuo amobojayijarā. Ito bajibojarāti itire tuobisijarā ina, yiyiju Jesús í rāca riasotirāre.

Samaria sita gagu gājire í queno yire gaye

²⁵ Ito bajiro yi ñaroca sigū judio masa rotirise riasori masu, wadiyiju Jesús rāca basirocu: “Riti masiati Jesús”, yi tuoíacōri seniīgā ejayiju í. Ado bajiro íre seniíayiju:

—¿Yu Ūju, catitñare gaye ya buja amoja no bajiro yigujada ya? yiyiju í Jesure.

²⁶ Ito í yija tuocōri:

—¿No bajiro wāñati ucare, Dios í rotire gaye? Ito yicōri, ¿itire mu tija no bajiro tuoíati mu? yiyiju Jesús íre.

²⁷ Ito bajiro í yija tuocōri, ado bajiro cudiyiju judio masa rotirise riasori masu:

—“Mani Ūju Diore buto maija quena. Mani tuoía oca sēorisena, ito yicōri mani ya usina cuni buto Diore mani maija quena. Ito yicōri manimasi mani mairo bajiroti mani ñarāre cuni mani maija quena”, yi gotia Dios oca, yiyiju í Jesure.

²⁸ Ito í yija tuocōri:

—Ñaro bajiroti cudia ma. Ito bajiroti ya Dios oca. Ito bajiro ma yija, catitñagū yiguja ma, yiyiju Jesús judio masa rotirise riasori masure.

²⁹—“Yu ñarāre queno yigu meje ña yu”, yi t̄ao masicōri, “¿Noajua ñati yu ñarā?” yi seniñayiju ĩ Jesure.

³⁰Ito bajiro ĩ yija tuocōri, ado bajiro gotiyiju Jesús ĩre:

—Sīgū Jerusalénja ñagū Jericóju roja wayiju. Ma ĩ waroca riniri masa ĩre ñiacōri jeyaro ĩ gajeoni cutirise ĩre emayijarā. ĩ ya yutabujuri cuni ĩre emā jeocōyijarā ĩna. Ito yicōri ĩre buto janugā cūcōri, ĩre wagoyijarā ĩna. ³¹Ito ĩ baji cūñaroca pai cuni iti mati wayiju. ĩre ti bujabojaguti riojoti rētaoayiju ĩ. ³²ĩ bero gāji Levita masu ejayiju ĩ ta. ĩre ti buja wacuti riojo rētaoayiju ĩ cuni. ³³Ito bajiro ĩre ĩna ti rētaja bero sīgū Samaria sita gagu iti ma wacuju ti bujayiju ĩre. Ito yicōri ĩre ti maiyiju. ³⁴Ito bajiri ĩ ta ejacōri ĩre camī uco yiyiju ĩ. Iti camī uco yigu ayena ito yicōri ayé idena uco yiyiju ĩre. Ito yicōri ĩ ya camire wōbiayiju. Ito bajiro ĩre yicōri ĩ ya burro joeju ĩre muojeoyiju. Ito yi t̄ogū, canira wiju ĩre āmi wacōri ñamiasaro ĩre tirānyiju. ³⁵Samaria sita gagu busuri wacu canira wi ujure juati niyeruti ĩsiyiju. Iti ĩsi wacu ado bajiro yiyiju ĩ ĩre: “Āni cōgūre tirānuña. Jairo waja mure iti godaja, t̄adi ejagu mure wa yicuja yu mucana”, yiyiju ĩ canira wi ujure, yi oca gotiyiju Jesús judio masa rotirise riasori masure. Iti oca goti t̄ogū ado bajiro ĩre seniñayiju mucana Jesús: ³⁶“¿ĩna udiarā wato ñimujua ñarāda riniri masa ĩna jasía cūrare, ti mairu?” Yi seniñayiju Jesús judio masa rotirise riasori masure.

³⁷Ito ĩ yija tuocōri:

—Samaria sita gagu ĩre ti mairu. ĩ ñaru ĩ yagu, yiyiju ĩ Jesure.

Ito bajiro ĩ yija ado bajiro yiyiju Jesús ĩre:

—Wasa, ĩ yiado bajiroti yiba ma cuni, yiyiju Jesús ĩre.

Marta mesa ya wiju Jesús ĩ ejare gaye

³⁸Ito ma wacuju cuto ejayiju Jesús. Iti cuto ejacōri Marta wame cutigo, ya wi wayiju ĩ. ĩ ejaja ticōri, queno boca āmiyijo iso ĩre. ³⁹Iso ocabajio María wame cutigo ñayijo. Iso Jesús ya gabo ta rujicōri, ĩ gotirisere t̄ao rujiyijo. ⁴⁰Martama iso moarise gaye tuoñagū usirioro t̄obujayijo. Ito bajiri Jesús ta eja r̄ugacōri, ado bajiro busiyijo iso:

—¿Yu Uju, no yibeati mure yu ocabajio yure ejabuabecoti ma ta iso rujija? “Ma r̄ijorore ejabuaya maji”, yiya isore, yiyijo Marta Jesure.

⁴¹Ito bajiro Marta iso yibojarocati ado bajiro cudiyiju Jesús isore:

—Marta ma moare cutirise usirioro bajia mure. Ito bajiri usirioro t̄obuja ma. ⁴²Buto ñasarise gaye cojiti ña. Yu busirise tuocōri, ma ocabajio María, ñasarisere bujamo. Nijua iso t̄ao āmisārise isore āmicābiq̄uji yiyiju Jesús Martare.

11

Diore mani seniroti Jesús ĩ riasore gaye

(Mt 6.9-15; 7.7-11)

¹Co rumu Diore busiyiju Jesús. ĩ busi t̄ioroca ĩ rāca riasotigu sīgū ado bajiro busiyiju:

—Yu Uju, Juan rāca riasotiana ĩ riasoado bajiro guare cuni riasoya, Diore gua busi masitoni, yiyiju ĩ Jesure.

²Ito ĩ yija tuocōri:

—Diore ma busija ado bajiro yiba:

Gua Jacu, ũmacāju gagu ña ma. Ma wame masicōri masa jeyaro r̄acubujaro ĩna. Masa jeyaro Uju ma ñaroti rumu ejare āmoa gua. ũmacājuga tuti cuni ma āmoro bajiroti ñayija. Ito bajiri adi sitaju cuni ma āmoro bajiro riti ñare āmoa gua.

³Co rumu ñayabeto gua baroticōti guare naju ĩsiña.

⁴Gua ñeñaro yirisere ācabojoya. Gua cuni guare ñeñaro yirāre ācabojoa. “¿No bajiro yure cudirā yirājida ĩna?” yi tuoñabesa guare. Gua ñeñaro yibititoni guare ejabuaya. Itocō ña. Amén, yiba. Ito bajiro Diore mua busija quena, yiyiju Jesús ĩ rāca riasotirāre.

⁵⁻⁷Gaje ado bajiro ĩnare gotiyiju Jesús:

—Sīgū mua baba ñami gudareco mua ya wi ejacōri ado bajiro ĩ yija, “Yu baba, gāji yu baba wa ucuri masu yu ya wiju ejami. Ñe ecare ma yure. Ito bajiri yure naju wasoaya ma”, ĩ yija, mua wi toti ado bajiro cudirā yirāji mua: “Usirioro yibesa yure. Soje cuni biado ña. Ito yicōri yu r̄ia rāca canigū ya yu. Ito bajiri ñejuā ĩsirocu wagādo ma yu”, yi cudirā yirāji mua.

⁸Ito bajiro mua babare mua ĩsi āmobitibojaja cuni, ĩre ĩsirā yirāji mua, mucana ĩ usirioro seni ayabe yirona. Ito yicōri ĩ āmorocō ĩsirā yirāji mua, ya yu muare. ⁹Ado bajiroti yire ña Diore mani senija. Mani Diore senija manire ĩsigū yiguñji. ĩre mani āmaja bujarā yirāji mani. “Mure busi āmoa yu”, mani yija, busi rotigu yiguñji manire. ¹⁰No senigūti boca āmiguñji. No āmagūti bujagu yiguñji. “Busi āmoa yu”, yigureti busi rotigu yiguñji Dios.

¹¹ 'Adocāta mua rīa ĩna naju senija, ¿Gūtagā ĩsire ñarojada mua? Ito yicōri wai ĩna senija, ¿Āña ĩsire ñarojada mua? ¹² Ito yicōri cara ria ĩna senija, ¿cotiwāja ĩsire ñarojada mua? ĩsimenaji mua, yi tuoĭa yu. ¹³ Ñeñaro yirā ñabojarāti, mua rīa ĩna senija quenarise yirā yirāji mua. Mani rīare quenarise riti mani ĩsija, Dioama mani Jacu ũmacūju gagu, ĩre mani senija, yiroti Espiritu Santo manire queo sāguĭji, yiyiju Jesú ĩ rāca riasotirāre.

Rāmúa uju rotirise boca āmicōri yami Jesú, ĩna yire gaye
(Mt 12.22-30; Mr 3.20-27)

¹⁴ Sīgure rāmú quedi sājacōri, ĩ busibeto yiyiju. Ito ĩ baji ñaroca rāmúre bucōayiju Jesú. Rāmúre ĩ bucōaja beroti busicoayiju ĩ busibicu ñabojaru. Ito bajiro iti rētaja ticōri, ucayjarā masa. ¹⁵ Ito bajibojarocati coriarā ado bajiro tuoĭayijarā:

—Āni ũmugū rāmúare ĩ bucōarise, rāmúa uju Beelzebú wame cutigu masirisenati bucōami, yi tuoĭayijarā coriarā.

¹⁶ Gājerāma, “Dios cōaru ñami ĩ”, gua yi tuoĭatoni, ũmacūju gaye tiyamani guare ĩogū yiguĭji ĩ, yi tuoĭayijarā ĩna. ¹⁷ Ito bajiro ĩna tuoĭarisere masicōyiju Jesú. Ito bajiri ado bajiro gotiyiju ĩ ĩnare:

—Co sita gāna ñabojarāti ricati riti ĩna tuoĭaja, ito yicōri ĩna gāmeri jaja, queno ña masimenaji ĩna. Co wi gāna ñabojarāti ricati riti ĩna tuoĭaja queno corocō ña masimenaji ĩna. ¹⁸ Ito bajiroti rāmúa uju Satanás, ĩ ñarāre ricati riti tuoĭaroca ĩ yija, ĩna uju queno ña masibiquĭji. Ado bajiro muare gotia yu. “Rāmúa uju Beelzebú ĩ masirisenana rāmúare bucōami”, yiboja mua yure. ¹⁹ Rāmúa uju masirisenana yu rāmúare bucōaja, ¿mua rāca gānama ñimu masirisenana rāmúare bucōati ĩna? “Gua rāca gānama rāmú masirise gayena meje rāmúare bucōama ĩna”, yi tuoĭa mua. Ito bajiri itire ti masicōri, “Rāmú masirisenana meje rāmúare bucōami ĩ cuni”, yi tuoĭa masia mua yure cuni. ²⁰ Ado robojua baja. Dios ĩ masirisenana rāmúare bucōa yu. Ito bajiro yu yija ticōri, “Mani wato ñacāguĭji Dios. ĩre tuorānūre miojusuogu yami Dios”, yi masiraja muare.

²¹ ũmugū sēogū, ito yicōri queno bisu cutigu, ĩ ya wiju ĩ tirānūja, iti wiju gaye quenoti ñacōaroja. ²² Ito yibojarocati gāji ĩ rēto busaro sēocōri rētocūgū yiguĭji ĩre. “Adi yu bisu cutija ñimūja yure rētocūbiquĭji”, yi ĩ tuoĭabojarocati ĩre rētocūgū yiguĭji. Ito yicōri ĩ gajeoni cutibojarise ĩre ēmagū yiguĭji. Rāmúa uju rētoro masigū ña yu. Ito bajiri rāmúare bucōa masia yu, yi oca gotiyiju Jesú ĩnare.

²³ 'No yu rācajua ñabicu, yu rāca gagu meje ñami ĩocā. No yure ejabuabicu, gājerāre Diore masiroca yu yi āmobjarocati yure ñeñaro yi codegu ñami ĩ, yiyiju Jesú ĩnare.

Masire budigocōri mucana tūdi rāmú ĩ sājare gaye
(Mt 12.43-45)

²⁴ 'Sīgū masire rāmú ĩ budigoja, yucu manojū wa ucuguĭji tujaraju āma ucugu. ĩ bujabeja ado bajiro tuoĭagū yiguĭji ĩ: “Yu budigore mucana tūdi sājacuja yu”, yi tuoĭagū yiguĭji ĩ. ²⁵ Mucana tūdi ejagu ĩ budigore quenora wī, ueri mani wī robo bajiro, ti ejagu yiguĭji ĩ. ²⁶ Ito bajiro ti ejacōri gājerā rāmúa jua āmojeno ñarā ĩ rētoro ñeña busarā jigū yiguĭji ĩ, ĩ rāca ñatoni. Ito yicōri ĩna ñarocōti ĩ ũmugūre sājara yirāji. Ito bajicōri ĩ ũmugū, cajero ĩ bajiado rēto busaro bajigu yiguĭji. Ito bajiri, rāmú mucana tūdi sājame yirocu, Diore ĩ tuorānū suyajaja quena, yiyiju Jesú ĩnare.

Dios oca mani tuorānūja wanū quenarā yirāji mani, Jesú ĩ yire gaye

²⁷ Ito bajiro Jesú ĩ busiro toto ĩre tuorā wato sīgō oca sēoro ado bajiro busiyijo:

—Mu jaco mre rucōcōri, mre ũjugō buto wanuyijo iso, yiyijo iso Jesure.

²⁸ Ito bajiro iso yija tuocōri, ado bajiro yiyiju Jesú isore:

—Yu jaco rētoro wanūre yirāji, Dios rotirise tuocōri ĩna cudija, yiyiju Jesú isore.

Tiyamani mu ĩore āmoa gua, yi ĩna senire gaye
(Mt 12.38-42; Mr 8.12)

²⁹ Ito bajiro Jesú ĩ busiroca jājarā busa masa ĩ tu minijua wayijarā. Ito yicōri ado bajiro ĩnare gotiyiju ĩ:

—Adi rumuri gāna ñeñaro yi jairā ña mua. Ado bajiro ya mua yure: “Tiyamani mu ĩoja ticōri, ‘Dios ĩ cōarūti ñami āni’, yiana gua”, ya mua yure. Ito mua yibojarocati tūdi muare ĩobicuja yu. Diore goti ĩsiri masu, Jonás ñayoru, ĩre rētagore riti muare goticuja yu. ³⁰ Jonásre rētare ticōri, “Āniti ñami Dios ĩ cōaru”, yiyijarā Nínive cuto gāna. Yure cuni ito bajiroti yirā yirāji mua. Yu ña Masa Rjoru. Yure rētare masicōri, “ĩ ñami Dios ĩ cōaru”, yirā yirāji mua cuni yure. ³¹ Dios masare ñeñaro ĩna yirise waja ĩ waja seniri rumu ado bajiro rētaru yiroja. Sheba cuto gago ũjo ñayoro, mua adi rumuri gānare, “Muare seti ña”, yigo yigōji iso. Jane mejeju sōju wayoyijo iso, queno tuoĭagū rāca Salomón wame cutigu rāca riasotiroco. Adocāta sīgū mua rāca ñami Salomón ñajacu rētoro tuo masigū. Ito ĩ bajibojarocati queno ĩre tuorānūbea mua.

³² Nínive cuto gāna cuni ado bajiro yirā yirāji muare Dios ī waja seniri ruma: “Jaje seti űa muare”, yirā yirāji ĩna. Jane mejeju Nínive cuto gānare Dios oca gotiyoyiju Jonás űayoru. Jonás ī gotija tuoćōri, űeñaro ĩna yirise jidicāñi ĩna. Ito bajiri quenarise riti tuoĳañi ĩna. Adocāta sĳgū űami mua rāca Jonás űayoru rētoro űasagu. Ito ī bajibojarocati queno ĩre tuorūnubea mua, yiyiju Jesús ĩnare.

Mani ya cajea busurica robo bajiro baja, yi Jesús ī riasore gaye
(Mt 5.15; 6.22-23)

³³ Noajua sĳabusuoraga sĳayocōri ruyubetoju, jacaju cuni cūmenaji mani. Ito yicōri rujajedo totiju cuni cūmenaji mani. Ruyubeto cūrāonati guje tutuju jeobusuorāji mani, ejari masa queno tijaro yirona. ³⁴ Rāitĳarise iti godaroca ya busurica. Mani ya cajea cuni busurica robo bajiro baja. Ito bajiri cajana suoriti mani ya usi queno tuo masiro yiroja. Tite mua. Quenarise mani tija queno tuoĳarā yirāji mani, mani ya usiju. Ito bajibojarocati űeñarise mani tija űeñaro tuoĳarā yirāji mani, mani ya usiju. Ito bajiro mani yija busuroju meje űarā yirāji mani. Rāitĳaroju űarā bajiro űarā yirāji mani űeñarise mani tuoĳa uyaja. ³⁵ Ito bajiri quenarise riti tuoĳaraja manire, űeñarise riti mani tuoĳa uyabe yirona. ³⁶ Mare sĳaticōri, “Adi majua űa quenari mua. Adi majua űa űeñari ma”, yi ti masia mani. Ito bajiroti baja mani ya usiju cuni. Mani ya usiju quenarise riti mani tuoĳa űaja, “Iti űa quenarise. Iti űa űeñarise”, yi ti masia mani, yiyiju Jesús ī rāca riasotirāre.

Mua fariseo gaye tuoĳarāre seti űa, Jesús ī yire gaye
(Mt 23.1-36; Mr 12.38-40; Lc 20.45-47)

³⁷ Jesús ī busi űloroca sĳgū fariseo gaye tuoĳagū, “Yu ya wiju bato mani”, yirocu Jesure baba cutiyiju. Ito ī yija tuoćōri, ĩ ya wiju sāja wacōri badoju eja rūjūyiju Jesús. ³⁸ ĩna baroto riojua judio masa ĩna āmo coesotiro bajiro Jesús ī āmo coebeja ticōri, ti ucayiju fariseo gaye tuoĳagū.

³⁹ ĩ ti ucaja ticōri, ado bajiro yiyiju mani tĳju Jesús ĩre:

—Mua fariseo gaye tuoĳarā, joeti coeboja mua. Somotēro idira tērori cuni joejua riti coea mua. Totijuaama űarocōti űeri cuticōa. Mua guaja cuni, joe ruju riti coea mua. Jubejuaama űeñaro tuoĳa mua maji. Ito bajiri gājerā ĩna rucorise ti worā ĩnare ruoa mua. ⁴⁰ Queno tuoĳarā meje űa mua. Dios mua ya ruju rujeoru, mua ya usi cuni meniñi. ĳItire masibeati mua? ⁴¹ Mua ya usiju queno tuoĳacōri bojoro bujarāre ejabuaruja muare. Ito bajiro mua yija queno usi cuti űarā yirāji mua.

⁴² Bujato bujarā yirāji mua, fariseo gaye tuoĳarā. Dios ī rotiado bajiroti jeyaro mua bujarise ĩre jabeto judacōa mua. Ito bajiro mua yiriseama quena űa. Ito bajiro queno yirā űabojarāti gājerāre queno yibea mua. Ito yicōri Diore maibeia. Ito bajiro yibitiraja muare.

⁴³ Bujato bujarā yirāji mua, fariseo gaye tuoĳarā. Minjuara wiju sāja wacōri rucubuoaraja riti ruji āmoboja mua. Ma warā cuni gājire mua bocaaja, rucubuoare rāca ĩ seniĳare āmoa mua. Mua űaroti gaye riti tuoĳa mua.

⁴⁴ Bujato bujarā yirāji mua. Gājerā ĩna tiro riojo queno yirā űa mua. Ito bajibojarocati ĩna tibetoju űeñaro yirā űa. Ito bajiro mua yija ticōri, “Queno yirā űama ĩna”, yibojama gājerā. Ito bajiro ĩna tuoĳabojarocati queno yirā meje űa mua, yiyiju Jesús ĩnare.

⁴⁵ Ito bajiro ī busija tuoćōri, sĳgū judio masa rotirise riasori masu ado bajiro cudiyiju ĩre:

—Yure riasogu, ĩto bajiro mu busija queno ejabea guare, yiyiju ĩ Jesure.

⁴⁶ Ito ī yija tuoćōri, Jesujua ado bajiro yiyiju ĩre:

—Bujato bujarā yirāji mua judio masa rotirise riasori masa cuni. Gājerāre jaje űma rotia mua. Nĳmujua muo yiado ma itire. Ito bajiro yicōri ĩnare űma ejabua āmobeia mua. Jaje rotia mua. Jaje mua rotibojaja nĳmujua muare cudi masibiquiji. Ito bajiro rotirā űabojarāti mua rotiro bajiroti yibeia mua cuni.

⁴⁷ Bujato bujarā yirāji mua. Mua űicusabatia Diore goti ĩsiri masare sĳañi. ĩnare bajiroti baja mua cuni. ⁴⁸ Ito bajiro mua bajija ti masicōri, “ĩna űicusabatia robo bajiro tuoĳarā űama ĩna cuni”, yi tuoĳama masa muare.

⁴⁹ Ito bajiro ĩna yiroto riojua masi yucāyiju Dios. Jane mejeju queno tuoĳagū űari, ado bajiro yiyiju Dios muare tuoĳa yugu: “Yure goti ĩsiri masa, ĩto yicōri yu oca goti ucuri masare cuni, ĩna tu yu cōaja, coriarāre sĳarā yirāji ĩna. Ito yicōri gājerāre ĩna tōbujaroca yirā yirāji ĩna”, yi gotiyiju Dios jane mejeju. ⁵⁰⁻⁵¹ Jane mejeju adi macārucāro ĩ rujeoja bero ĩre goti ĩsiri masare sĳasuoñi mua űicusabatia. Tite mua. Abel űayorure sĳañi ĩna. ĩ bero gānare cuni jājarāre sĳañi ĩna. Ito yicōri Zacarĳas wame cutigure Dios ya wi gudareco rūgōgūre ĩre sĳasusañi mua űicusabatia. Ito bajiri ĩna sĳare waja, waja senigū yiguñi Dios, ya yu muare adi rumeri gānare cuni, yiyiju Jesús.

⁵² Bujato bujarā yirāji mua judio masa rotirise riasori masa. Dios oca riasotirā űabojarāti, ĩ ocare queno tuorūnubea mua. Ito yicōri Dios ocare gājerā ĩna tuorūna āmobjarocati rēoa mua ĩnare, yiyiju Jesús ĩnare.

⁵³ Ito bajiro Jesús ĩ busi waja tuoćōri, judio masa rotirise riasori masa, ito yicōri fariseo gaye tuoĭarā buto junisiniyijarā ĩna Jesure. Ito bajiro junisinicōri usirioro ĩre jeyaro seniĭayijarā ĩna. ⁵⁴ Ito bajiro usirioro seniĭa codeyijarā ĩna, ĩ queno cudi masibeja ticōri, “ĩre seti ĩa”, yirona.

12

“Queno yirā ĩa gua”, yibojarāti ĩneĭarise yija quenabea, yi Jesús ĩ riasore gaye

¹ Ito baji ĩaroca ĩjarā bsa masa minijuarā, bidi warā gāmeri cudayijarā ĩna. Ito bajiro ĩna baji ĩaroca ĩ rāca riasotirāre ado bajiro gotisuooyĭu Jesús:

—Fariseo gaye tuoĭarāre queno tuoĭa masima. Maa tiro riojo queno yirāji ĩna. Ito bajibojarāti maa tibetoju ĩneĭaro yirāji ĩna. “Queno yirā ĩa gua”, yirā ĩabojarāti ĩneĭaro yama ĩna. ² Jeyaro mani yeyo busibojarisere gayere masi jeorā yirāji masa. Ito yicōri no mani yeyobojarisere cuni bujacōrā yirāji ĩna. ³ Maa yeyo busibojarisere masa jeyaro tuoĭā yirāji ĩna. Ito yicōri sojere biatucōri maa yeyo busibojarisere cuni masa jeyaro ĩna tuo jeditonĭ ũmacūju oca ruyuro yiroja, yiyĭju Jesús ĩ rāca riasotirāre.

Diore mani gūĭja quena, Jesús ĩ yire gaye
(Mt 10.26-31)

⁴ Mucana ado bajiro gotiyĭju Jesús ĩnare:

—Yu baba mesa ado bajiro muare gotia yu. Rujure sĭarāre gūibitiruja manire. ĩna sĭaja bero ĩneĭa gaje ĩneĭaro manire yi masimenaji ĩna ĩja. ⁵ “Ķĭmĭjuare mani gūĭja quenati?” yirocu muare gotigu ya yu. Diore mani gūĭja quena. Dios ĩ sĭaja bero jeame ũjuroju mani ya usire ĩ cōa āmoja, cōagū yĭguĭji ĩ. Ito bajiri ĩjuare mani gūĭja quena.

⁶ Co dujamocō minia mani ĩsĭja niyeru juatiacā senirā yirāji mani. Queno waja mama ĩnaōna. Queno waja mana ĩna ĩabojarocati sĭgū ĩnare ācaboja yibiquĭji Dios. ĩnare queno tirānugū yĭguĭji Dios. ⁷ Manire cuni queno tirānami Dios. Mani ya joare cuni, “Itocō joa cutiami ĩ”, yi masiami manire. Ito bajiri tuoĭa oca jaibitiruja manire. Minia rētoro ĩasarā ĩna mani, Dios ĩ tĭja, yiyĭju Jesús ĩnare.

“Jesure masigū ĩa yu”, maa yi bojobeja quena, Jesús ĩ yire gaye
(Mt 10.32-33; 12.32; 10.19-20)

⁸ Ado bajiro muare gotia yu: No masa riojo, “Jesure masia yu, ito yicōri ĩre rucubnoa yu”, yigure, yu Masa Rĭjoru cuni, “Masia yu ĩre”, yigu yĭguja yu āngel mesa ĩna tiro riojo. ⁹ No “Jesure masibeja yu”, ĩ yĭja, “Masibeja yu cuni ĩre”, yigu yĭguja yu āngel mesa tiro riojo.

¹⁰ No yu Masa Rĭjorare, busitugu ĩabojaguti, “ĩneĭaro yu yirise yare ācaboja”, ĩ yĭja tuoćōri, ĩre ācaboju yĭguĭji Dios. Ito bajibojarocati no Espĭritu Santore busitugareama ĩ ĩneĭaro yiriserere ācabojo masibiquĭji Dios.

¹¹ Minijuarā wĭju muare āmi warā yirāji, ũjarā riojo, “Ānare seti ĩa”, yirona. Ito bajiro ĩna yibojarocati, “Ado bajiro cudicuja yu”, yi tuoĭa usirio yibeja. ¹² Maa busiroti iti eja waja, Espĭritu Santo muare ejabuagu yĭguĭji maa queno busi masitonĭ, yiyĭju Jesús ĩnare.

Gajeonire mani seobeja quena, Jesús ĩ yire gaye

¹³ Ito bajiro ĩna baji ĩaroca masa wato gagu sĭgū ado bajiro yiyĭju Jesure:

—Yure riasogu, gua jacu ĩ rucogore gudarecona jidicājaro yu rĭjoru yare, ĩre gotiya yiyĭju ĩ Jesure.

¹⁴ Ito bajiro ĩ yĭja Jesujuama ado bajiro cudiyĭju ĩre:

—Ito bajiro yirocare meje ado yare cūĭni yu jacu, yiyĭju Jesús ĩre.

¹⁵ Ito yicōri gaje ado bajiro gotiyĭju Jesús ĩnare:

—Queno tuoĭaĭna maa gājerā ya gajeoni uobe yirona. Gajeoni jairo mani rucōja, jabetacā mani rucōja cuni no yibeja. Buto ĩasarise meje ĩna gajeoni, yiyĭju Jesús ĩnare.

¹⁶ Ito bajiro ĩnare goticōri ado bajiro ĩnare oca gotĭ masioyĭju Jesús:

—Sĭgū gajeoni jaigu ĩayĭju. ĩ ĩnari sita gaye ote queno rica cutiyĭju. ¹⁷ Ito bajiro ĩ ya ote rica cutĭja ticōri, ado bajiro tuoĭayĭju ĩ: “ĶYu ya ote jaje bucuarisere no bajiro cūgū yĭgĭjada yu?” yi tuoĭayĭju ĩ. ¹⁸ Gajereama ado bajiro tuoĭayĭju ĩ: “Mutari wiri seora wiri jana batecĭja yu. Ito yicōri curĭ wiri menicĭja. Ito bajiro curĭ wiri menicōri yu ya ote seocĭja yu, ito yicōri yu gajeoni cutirise cuni. ¹⁹ Iti gajeoni yu seorise jaje rodori ĩagū yĭguja yu itina. Ito yicōri queno ĩnacōagū yĭguja yu ĩja. Yumasiti queno bacĭja yu. Idicĭja yu”, yi tuoĭayĭju ĩ. ²⁰ Ito bajiro yi ĩ tuoĭabojarocati, ado bajiro yiyĭju Dios ĩre: “Queno tuoĭabicu ĩna mu. Adi ĩnamiti godagu ya mu. Ito bajiri jeyaro mu seobojarisere gāji ye ĩaro yiroja”, yiyĭju Dios ĩre, yi gotiyĭju Jesús ĩ rāca riasotirāre. ²¹ Ito bajiro rētaru yiroja sĭgū ĩ gajeoni cutirise ĩ seomacutĭja. Ito bajiro ĩ yĭja Dios tĭju ĩe bujabiquĭji ĩocū. Dios ĩ tĭja waja mami, yiyĭju Jesús ĩnare.

Ī rīa masare tirānugū yiguļji Dios, yi Jesús ī riasore gaye
(Mt 6.25-34)

²² Mūcana tūdi ado bajiro yiyiju Jesús ī rāca riasotirāre:

—“¿Mani catirā baroti, no bajiro bujarāti mani?” yi tuoīa usirio yibesa. Ito yicōri, “¿No mani sānaroti bujarāti mani?” yi tuoīa usiriobesa. ²³ Bare rēto busaro űasarise űa mani catirise. Ito yicōri yutabujuri rēto busaro űasarise űa mani ya ruĵu. Ito bajiri manire rujeoru űari mani űa masitoni bare, yutabujuri cūni ĩsigū yiguļji Dios. ²⁴ Āiriare tuoīate mūa. Weseca menicōri ote otecōri bābiticā ĩna. Ito yicōri ote rīca bujacōri ĩna seoroto manoja ĩnare. Ito bajibojarocati Dioama queno ecaguļji ĩnare. Dios ī tija wutirā rēto busaro űasarā űa mani. ²⁵ “Yoari cati āmoa yu”, yi mani tuoīabojaja cūni, “Itocō catigu yiguĵa yu”, yi masibea mani. ²⁶ “Itocō catigu yiguĵa yu”, mani yi masibeja gaje gaye cūni tuoīa usiriobiticōruja manire, yiyiju Jesús ĩnare.

²⁷ “Gaje, go iti judi mujarise tuoīate mūa. Judi mujacōri moabetoja iti. Ito yicōri iti sānaroti cūni āmabetoja. Ito bajibojarocati uĵu Salomōn űayoru seyorise ī sānare rētoro seyorise űa go. ²⁸ Nocō mejeti űacu go. Gaje ramuti űmacāni ī asirisenati siniacoacu. Ito bajibojarocati seyorise cūni Dios itire. Go rētoro űasarā űa mani. Ito bajiri ĩre queno tuorānūrā meje űabojarocati queno tirānugū űari mūa sānarotire muare jidicāgū yiguļji Dios. ²⁹ Ito bajiri, “¿Gua sānaroti, gua baroti no bajiro bujarajati?” yi tuoīa usiriobiticōruja muare. ³⁰ Ito bajiro tuoīa usirio űama adi macārucūro gāna. Manireama mani jacu sīgūti űami. “Adi ma ĩnare. Adire āmoama ĩna”, yi masiguļji ī. ³¹ “Dios masa jeyaro Uĵu ī rotiro bajiro yicūja yu”, mani yija, iti űa űasarise gaye. Ito bajiro mani yija mani āmorise ĩsigū yiguļji Dios manire.

Ūmacāju Dios tu quenarise mani bujaroti gaye
(Mt 6.19-21)

³² “Gūibesa yu coderā mūa. Coriarāti űa mūa. Ito bajibojarocati ī rotiroju mūa ejare buto āmoami ī mani Jacu. ³³ Mūa űucorise gājerāre ĩsima. Iti waja bujacōri bojoro bujarāre ĩsima mūa. Ito bajiro mūa yija jai busaro Dios tu bujarā yirāji mūa. Itoju mūa bujaroti jogarise meje űaroja. Ito yicōri itoju mūa bujarise űimujua rinibiquļji. Ito yicōri mūa bujarisere butua bamenaji. ³⁴ No mani gajeoni cutiroju iti tu űarona buto tuoīarā yirāji mani, yiyiju Jesús ĩnare.

Quenaro űa yucāna mūa, Jesús ī yire gaye

³⁵ “Quenaro űa yucāna mūa, jeyaro mūa rētaroti gaye yiari. ³⁶ ĩna uĵu āmo siare basa ti tīo, budi wadicōri ĩna bocati űado robo bajiro űa yucaņa mūa. Soje tu ī ejaroca jana yucādo bajiro űacāņa mūa. ³⁷ Queno űa yicōri ĩna uĵu ī ejaja ticōri, queno wanūrā yirāji ĩna. Ito bajiro ĩna bajija ticōri, “Rujija muare ecagu ya yu”, yigu yiguļji ī, ĩnare wanugū. ³⁸ űami gadareco, busurijua cūni, ī ejaroto rioĵua ĩna űa yucāja wanūrā yirāji ĩna. ³⁹ Adi yu gotirisere ācabojabeja mūa. Sīgū wī gagu, “Itocō tujaroca ejagu yiguļji riniri masu”, ī yi masija, űa yucāboru ĩocū, riniri masu sājacōri rinime yirocu. ⁴⁰ Itioni bajiroti queno űa yucaņa mūa cūni. “Adocō ejagu yiguļji Masa Rĳoru”, mūa yi masibiti ramu ejagu yiguļji. Īti űa yu Masa Rĳoru, yiyiju Jesús ĩnare.

¿No bajiro bajiguļjida queno tuoīagū? yi Jesús ī riasore gaye
(Mt 24.45-51)

⁴¹ Ito ī yija tuocōri, Pedro ado bajiro ĩre senīayiju:

—Yu Uĵu, ¿ito bajiro oca mu goti masiorise, gua ye riti űati? ¿Masa jeyaro ye űatite? yiyiju ī Jesure.

⁴²⁻⁴⁴ Ito bajiro ī yija tuocōri, ado bajiro cadiyiju mani uĵu ĩre:

—¿No bajigu űati tuo masicōri ī uĵure queno moa ĩsigū? Tite mū. Ado bajiroĵua bajiami ĩocū. Ī uĵu ĩre wiju cūgū yiguļji ī codetoni, ito yicōri gājerā ĩre moa ĩsiri masare bare ī ecatoni. Sīgū moa ĩsiri masu, ī rotiado bajiroti ī moagore ti ejacōri wanugū yiguļji Uĵu ĩre. Uĵu ī rotiado bajiroti ī moaja ticōri, jeyaro tirānuri masu cūgū yiguļji ī ito bero. ⁴⁵ Ito bajibojarocati, “Coji ejabiquļji yu uĵu maji”, yi tuoīacōri ĩre queno moa ĩsibiquļji. Ado bajiro yigu yiguļji. Gājerā ī rāca moari masare sēoro ĩnare rotigu yiguļji. Umuare romiare cūni, ito bajiro yigu yiguļji ī. Ito yicōri bare ba, idi mecu yigu yiguļji. ⁴⁶ Ito bajiri, “Jane ejagu yiguļji yu uĵu”, ī yibiti ramu ĩre ejabiagu yiguļji ī uĵu. Ī ito yire waja buto waja senigū yiguļji ĩre. Ito yicōri queno cadimenare ī moa rotiado bajiro ĩre cūni moa rotigu yiguļji ī.

⁴⁷ Ī uĵu rotirise yiro robo yi masibojaguti ī űa yucābeja, ito yicōri yiro robo ī yibeja ī uĵu buto bajegu yiguļji ĩre. ⁴⁸ “Ado bajiro āmoami yu uĵu”, yi masibicu űari, ī uĵure queno ī cadī masibeja, ito yicōri yiro robo ī yibeja buto bajebiquļji ī uĵu ĩre. No Diore ī cadiroca yigu buto busa ī cadire āmogū yiguļji Dios. No ĩre tuorānuroca ī yigu buto busa ī tuorānure āmogū yiguļji Dios, yiyiju Jesús ī rāca riasotirāre.

Yure mua tuorānūja ticōri, mware ti junisinirā yirāji, Jesūs īyire gaye
(Mt 10.34-36)

⁴⁹ Masa yure īna tuorānūtoni adi macārūcāroju wadiru űa yu. Coriarā yure tuorānūrā yirāji. Gājerā tuorānūmena yirāji. Sīgūre bajiro tuoīamena űarā yirāji īna. Yure rētaroti űabojarcoti iti rētaja quena yure. ⁵⁰ Jaje quenabeto tōbujaju yigūja yu. Iti rētaroto riojua buto tuoīa usirioa yu. ⁵¹ “Masa jeyaro, sīgū ruyabeto oca mano īna űatoni wadiru űami ī”, yi tuoīabojaja mua yure. Bajibeja. Yu oca tuocōri sīgūre bajiro tuoīamena yirāji masa. ⁵² Jane adi rūmūna ado bajirojua űarā yirāji masa. Co dūjamocō űarā udiarā yure tuorānūrā yirāji. Gājerā tuorānūmena yirāji. Yibeja, udiarā yure tuorānūbiticōri jūarā yure tuorānūrā yirāji gajea. ⁵³ Jacu yure ī tuorānūja, macu tuorānūbicu yigūji. Macu ī tuorānūja, jacu tuorānūbicu yigūji. Jaco iso tuorānūja, maco tuorānūbeco yigōji. Maco iso tuorānūja jacu tuorānūbeco yigōji. Mañicō iso tuorānūja, jējo tuorānūbeco yigōji. Jējo iso tuorānūja, mañicō tuorānūbeco yigōji. Yu oca tuocōri sīgūre bajiro tuoīamena yirāji masa, yiyiju Jesūs ī rāca riasotirāre.

“Queno yirā űa gūa”, yibojarāti mua tuoīaro bajiro yibea mua, Jesūs īyire gaye
(Mt 16.1-4; Mr 8.11-13)

⁵⁴ Gaje ado bajiro goti remoyiju Jesūs masare:

—Ūmacañi ruji waro ide bueri iti mūja wadija ticōri, “Ide quediwo wadia”, yi masia mua. Mua yiro bajiroti quedia iti. ⁵⁵ Wesicajūare mino iti wēa mūcōāja ticōri, “Asiro wado ya”, yi masia mua. Mua yiro bajiroti bajia iti. ⁵⁶ Macārūcāro gaye ticōri, “Ado bajiro rētarō yiroja”, yi masia mua. űNo yija ito bajiro ti masirā űabojarāti, “Gua űeñaro yirise gua jidicābeja quenabeto tōbujarā yirāji gūa”, yi masibeati mua? “Queno yirā űa gūa”, yibojarāti mua tuoīaro bajiro yibea mua, yiyiju Jesūs īnare.

Gāji rāca mua oca josaja, oca quenoja quena, Jesūs īyire gaye
(Mt 5.25-26)

⁵⁷ “Ado bajiro yija quena manire”, yi tuoīa mua. Ito bajibojarcoti “Quenarise riti yirūja mani”, yibea mua. ⁵⁸ Gāji mware ī seti yija, oca quenori masu taju mua waroto riojua oca quenoña. Oca quenori masu tu ejaminati mua oca queno masibeja porecia tu mware āmi wacu yigūji. Īna poreciaju mware tubiarā yirāji. ⁵⁹ űeñaro mua yigore mua waja yibeja, budimena yirāji mua. Ito bajiroti bajia. Ito bajiri Dios ī waja seniri rūmū ejaroto riojua ī rāca oca quenoña. Mua quenobeja ī waja seniri rūmū mware jeame űjuroju cōagū yigūji. Ito yicōri ī cōaja bero mūcana tūdi budire ma, ya yu mware, yi gotiyiju Jesūs īnare.

13

Diore mani tuorānūja iti űa űasarise, Jesūs īyire gaye

¹ Iti rāmūriti ado bajiro Jesure gotirā ejayjarā masa:

—Galilea gāna Diore rūcabuorona waibūcurā siacā īna. Ito bajiro waibūcurāre īna sīaja bero Pilatojūama Īnareti sīa rotiquī ī Īja. Ito bajiro yicōri waibūcurā ya ri rāca īna ya rīre wuocū ī Īja, yi goti ejayjarā īna Jesure.

² Īna ito yija tuocōri, ado bajiro yiyiju Jesūs:

—űNo bajiro tuoīati mua? “Gājerā Galilea gāna rētoro űeñaro yirā űacā īna. Ito bajiri goda jediyjarā īna”, űyire masiati mua? ³ Meje ito bajiro meje bajia. Ado bajiro ya yu mware: Mware cūni mua űeñaro mua yirise mua jidicābeja, ito bajiroti godarā yirāji mua cūni. ⁴ “Jerusalēnju űmari wi Siloē wame cutiri wi dieciocho űarā īna juja quedi godaja, gājerā Jerusalēn gāna rētoro seti űadoja Īnare”, űyi tuoīati mua? ⁵ Meje, ito bajiro meje ya yu. Mua űeñaro yirise mua jidicābeja, ito bajiro rētarō yiroja mware cūni, yiyiju Jesūs masare.

Higueragu rica manigū gaye Jesūs īgotire

⁶ Ito bero masare goti masiore ocana ado bajiro gotiyiju Jesūs:

—Sīgū higuera wame cutirica ī oteragu tigu wayiju, “űRica cuticūti?” yirocu. Rica manigūti ti ejayiju ī itigure. ⁷ Ito bajija ticōri, ī ya wese coderi masure ado bajiro yiyiju: “Tite. űdia rodoju coji ruyabeto rica āmigū ejasotibojaja yu. Rica ma itigu. Quēacācōña. Rica cutia yiro meje űa ajea itigu”, yiyiju ī, ī ya wese coderi masure. ⁸ Ito bajiro ī yija tuocōri: “Ūu űju, ito űacōato maji. Sita seactūgū ya maji. Ito yicōri quenarise itigure tucūja yu. ⁹ Ito yija rica cutiro yiroja gajea. Iti rica manija, quēacōre űaro yiroja”, yiyiju ī, ī űjare. Ito bajiroti bajia. Sīgū, “Diore tuorānūgū űa yu”, yibojaguti ī űeñaro yirise ī jidicābeja ticōri, ĩre waja senigū yigūji Dios, yi gotiyiju Jesūs ĩnare.

Tujacāra rūmū cōgōre Jesūs īyisioire gaye

¹⁰ Co rūmū tujacāra rūmū judio masa īna minijuasotiri wiju riaso űayiju Jesūs. ¹¹ Ito ī yiroca sīgō űayijo dieciocho rodori cō tujajo. Ito bajiri isore ruja mutūgū űaroca yiyiju rāmū. Ito bajicōri riojo rāgō masibisijo iso. ¹² Isore ticōri isore busirocu ji űucayiju Jesūs:

—Romio mure quenoa yu. Mu ñarise catirise ma mure Ija, yiyiju Jesús isore.

¹³ Ito yicōri isore āmo moa jeoyiju Jesús. Ito ī yirocati riojo rūgūcoayijo iso Ija. Ito bajiri Diore rūcūbūogo wanure ocana ĩre busisūoyijo iso. ¹⁴ Tujacāra rūmu Jesús isore yisioja ticōri, iti wi minijuara wi ũju Jesure junisinijū. Ito bajiri ado bajiro yiyiju ī masare:

—Co āmojeno rūmuri ña moaroti rūmuri. Mua yisio roti āmoja iti rūmuri wadija quena, tujacāra rūmu meje, yiyiju ī masare.

¹⁵ Ito bajiro ī yija tuocōri, ado bajiro cūdiyijū mani Ũju ĩre:

—“Tujacāra rūmu moare ma”, yi bojarāti moarāji mua. Tite. Tujacāra rūmu ñabojarocati mua ya wecu mua ya burro ide iditoni ōja mua. ¹⁶ Adio ñamo mani ñicu Abraham janerābatia janeño. Dieciocho rodori iso cō ñaroca yifi rūmúa ũju Satanás. ¿Tujacāra rūmu ñabojarocati isore yu yisioja quenabetojada? yiyiju Jesús ĩre.

¹⁷ Ito bajiro Jesús ī busija tuocōri, ī wajana ĩre bojo tiyijarā ĩna. Masama jeyaro tiyamani Jesús ī űoja ticōri, buto wanu quenayijarā ĩna.

Ado bajiro baja mostaza ajeri, yi Jesús ī riasore gaye

(Mt 13.31-32; Mr 4.30-32)

¹⁸ Ito yija mucana ado bajiro gotiyiju Jesús masare:

—Īre tuorānūrāre ī rotiroju Dios ī miojuja, ¿no bajirojada? ¿Ñe goti masiore ocana mware goti rētobugujada yu? Baū, ado bajirojua mware goticuja yu. ¹⁹ Mostaza ajerire tuoīate mua. Sīgū ī ya weseca mostaza ajeri oteyiju. Gaje ote ajeri rētoro mutacā busa ña iti mostaza ajeri. Ito bajiro mutacā ñabojaroti busca wato gaje ote yucari rēto busaro jajocu ñaroja itigu. Jajocu itigu ñajare itigu rujurijū minia jibu menirāji ĩna. Itire bajiroti Dios mani Ũju ī ñaja, gājerāre goti āmorāji mani, jājarā busa ĩre masirā ĩna ñatoni, yiyiju Jesús ĩnare.

Ado bajiro baja naju wadarise uco, yi Jesús ī riasore gaye

(Mt 13.33)

²⁰ Gajereama ado bajiro yiyiju Jesús ĩnare:

—Īre tuorānūrāre ī rotiroju Dios ī miojuja, ¿no bajirojada? Ado bajiro goti masiorena mware gotia yu. ²¹ Romio pan menigō waco ũdia coacō pan menire gaye āmiyijo iso. Ito yicōri wadarise uco wūoyijo iso. Ito bajiri iso wūoja jairo wadayijū iti. Itire bajiroti bajiro yiroja, “Īre tuorānūrāre ī rotiroju miojuga yiguīji Dios”, masare mani yi riaso ucuja. Ito bajiri jājarā busa ĩre tuorānu warā yirāji Ija, yi riasoyiju Jesús masare.

Eyabiti soje ña Dios tu sājara soje, yi Jesús ī riasore gaye

(Mt 7.13-14, 21-23)

²² Ito yija Jesús Jerusalēnju wasūoyiju mucana mana. Wacu riti cūtori ī ejaja masare riaso rēta wayijū ī. ²³ Ito bajiro ī riaso rēta waroca sīgū ĩre senūayijū:

—Yu Ũju, ¿coriarāreti, masogū yiguījida Dios? yiyiju ī Jesure.

Ito bajiro ī yija tuocōri, ado bajiro cūdiyijū Jesús:

²⁴ —Masa jeyaro meje Dios ī ñaroju sājara yirāji ĩna. Ito bajiri ñeñaro mua yirise jidicāña mua, “Dios ñaroju sājana gua”, yirona. Jājarā sāja āmbojarā yirāji ĩna. Ito bajibojarocati coriarāti sājara yirāji. ²⁵ Ado robojua baja. Dios ī ñaroju ī bīaja, macūjuju mua ñaja, sāja masimena yirāji mua. “Gua Ũju, guare soje jana isīña”, yibojarā yirāji mua. “Meje yu ñarā meje ña mua. Mware masibea yu”, yigu yiguīji Dios. ²⁶ Ito bajiro ī yija tuocōri, ado bajiro cūdībojarā yirāji mua: “Mu rāca bacu gua. Mu rāca ñacu gua. Ito yicōri gua ya cūtorijū masare riaso ucucu ma”, yibojarā yirāji mua. ²⁷ Ito bajiro mua yibojarocati ado bajiro mware cūdigu yiguīji ī: “Mware masibea yu. Yu tu ñabesa mua. Neñaro yi jairā ña mua”, yigu yiguīji ī, ya yu mware. ²⁸ Dios ī rotiroju sāja masimena yirāji mua. Abraham, Isaac, Jacob, ito yicōri Diore goti isiri masa ñayoana ī tu ĩna ñaja tībojarā yirāji mua. Ito bajibojarocati ĩna tūju eja masimena yirāji mua. Mware cōacōgū yiguīji Dios. Ito bajiri sāja masibiticōri ruje otirā yirāji mua. Ito yicōri buto tōbharā ñari mua ya guji cuni canamūorā yirāji. ²⁹ Co sita gāna ruyabeto Dios ī rotiroju ejacōri minijua barā yirāji. ĩna rāca sāja masibiticōri ti būjatomena yirāji mua. ³⁰ Adoju coriarā ñasari masa ñarā, itoju ñasari masa meje ñarā yirāji ĩna. Ito yicōri adoju coriarā ñasari masa meje ñarā itoju ñasari masa ñarā yirāji ĩna, yiyiju Jesús ĩnare.

Jerusalén gānare tuoīa maigū Jesús ī otire gaye

(Mt 23.37-39)

³¹ Iti rūmūti Jesure oca gotirā ejayijarā fariseo gaye tuoīarā:

—Rudi wasa adjure. Herodes mure sīa āmoami, yiyijarā ĩna Jesure.

³² ĩna ito bajiro yija tuocōri:

—Ī ñeñaro yi jaigure ado bajiro gotitēña mua: “Tuoya jane, jane busuri cuni cōrāre yisiocuja yu. Rāmú sāñarāre cuni rūmūare bucōcūja yu. Ito yicōri, ija sōjua moa tūogū yiguja yu, yimi”, yi gotitēña mua Herodesre, yiyiju Jesús fariseo gaye tuoīarāre. ³³ Jane, jane busuri,

gaje rama cuni Jerusalénju ware ña yure. Jerusalénju godagu yiguja, jájarã Diore goti isiri masa ña godado bajiroti, yiyiju Jesús ñare.

³⁴ Jerusalén gånare tuoñagũ, ado bajiro busiyiju Jesús:

—Diore goti isiri masare sñayija mua. Muare oca gotitoni Dios i cõanare cuni gãta reayija mua. Coji meje muare mioju ãmbojocu ya. Cara iso rñare caero rocaju iso miojuro bajiro, muare yi ãmbojocu ya. Ito bajiro ya yi ãmbojarocati ãmobicu mua. ³⁵ Queno tuoñaia mua. Mua wiri wagora wiri bajiro tuoju yiroja. Ito yicõri muare jidicãgũ yiguñi Dios. Riti ado bajiro muare gotia ya. “Guare yiari Dios i cõaru ña mu. Mure queno yiñi Dios”, mua yiroto riojua mucana juaji yure timena yirãji mua, ya yu muare, yiyiju Jesús masare.

14

Rujuri mijigũre Jesús i yisioire gaye

¹ Co rama tujacãra rama fariseo gaye tuoñarã uju tu bagu wayiju Jesús. Gãjerã fariseo gaye tuoñarã, “¿No bajiro yigu yiguñida Jesús?” yi tuoñayijarã ña. ² Ito bajiro Jesús i baji ñaroca, sigũ rujuri mijigũ ejayiju i tu. ³ E aja ticõri, judio masa rotirise riasori masa, ito yicõri fariseo gaye tuoñarã ado bajiro seniñayiju Jesús ñare:

—¿Cõgũre tujacãra rama ñaroca mani yisioja quenati? yiyiju Jesús ñare.

⁴ Ñama cudibisijarã. Ña cudibeja ticõri, cõgũre moañacõri ñe yisioyiju. Ito yicõri, “Wasa mu”, yiyiju i ñe. ⁵ Ito yicõri fariseo gaye tuoñarã, ado bajiro yiyiju Jesús:

—“Tujacãra rama moare ma”, yibojarãti moarãji mua. Tite. Sigũ mua macu, ito yicõri ecaru wecu ide gojeju i quedi sãjaja, yoari mejeti ãmimorãji mua ñe, tujacãra rama ñabojarocati, yiyiju Jesús ñare.

⁶ Ito i yija tuocõri, no bajiro cudi masibisijarã ña.

Ado bajiro bajiamã ãmo siare basa tiri masa, yi Jesús i riasore gaye

⁷ Barã ejari masa cumurori rucubnoraju riti ña ruji ãmoja ticõri, ado bajiro goti masioyiju Jesús ñare:

⁸⁻⁹ —Sigũ ãmo siare basa titoni i jija, buto rucubnoraju meje rujiba mua. Buto rucubnoraju mua rujija, gãji mua bero ñasari masu i ejaja ticõri, muare oca cõari masu, ado bajiro yigu yiguñi: “Ba wamaña, ãnijuã ñami ñasari masu, ñua mua godo rujijaro”, yigu yiguñi. Ito bajiro i yija tuocõri, masa tiro riojo bojo bujarã yirãji mua, i ito yija. Ito yicõri sasari cumuroju rucubnoraju meje masa tu rujirã yirãji mua. ¹⁰ Ado bajirojua mua yija quena. Gãji muare oca cõaja buto rucubnoraju meje rujiba. Ito bajiro mua yija muare oca cõari masu, ado bajiro yigu yiguñi: “Yu baba rucubnoraju basa rujija mu”, yigu yiguñi i muare. Ito bajiro muare i yija, mua rãca gãna ti rucubnorã yirãji ña muare. ¹¹ “Masa rëtoro ñasagu ña ya”, yigu, ñasari masu meje i ñaroca yigu yiguñi Dios ñe. Gãjiama, “Gãjerã rëtoro ñasagu ña ya”, yibicu, i ñasari masu ñaroca yigu yiguñi Dios ñe. Ito bajiri, “Gãjerã rëtoro ñasagu ña ya”, yi tuoñabituraja manire, yiyiju Jesús ñare.

¹² Ito yicõri ado bajiro yiyiju Jesús ñe oca cõarure:

—Gãjerãre mu ba roti ãmoja, mu baba mesa, mu ocabajirã, mu tu gãna, ito yicõri gajeoni jairãre, “Barã waya”, yibeja. Ñare riti mu jija, “Yure cuni bare eca gãmejarõ ña”, yigu bajiro ya mu. ¹³ Ito bajiri ito bajiro tuoñabesa itire. Ado bajirojua mu yija quena. Gãjerãre, “Barã waya mua”, mu yi ãmoja bojoro bujarãjuare mu jija quena. Ruduana, queno wa masimena, ito yicõri cajea timenare cuni mu jija quena. ¹⁴ Ito bajiro ñare yicõri queno wanu quenagũ yigujaja mu, “Yure waja yiado mama ña”, yirocu. “Diojua yure waja yigu yiguñi ñe tuorũnarã tãdi catiroca i yiri rama”, yi tuoñacõri wanugũ yigujaja mu, yiyiju Jesús ñe.

Basa bucũ gaye Jesús i riasore gaye

(Mt 22.1-10)

¹⁵ Ito tuocõri sigũ Jesús rãca ba rujigu, ado bajiro yiyiju:

—No Dios rotiroju ba ejagu, wanu quenagũ yiguñi, yiyiju i Jesure.

¹⁶ Mucana gaje goti masiore ocana ado bajiro gotiyiju Jesús ñare:

—Co rama sigũ basa bucũ menigũ jájarã masare, ji ñucayiju. ¹⁷ Basa ñasuroca ñe moa isiri masure, “Masare jiteña. Itocõ ña waju ñja”, yiyiju i, i ya moari masure. ¹⁸ Ñare i gotibojarocati, “Bujato bajia no masia ma guare. Wado ma guare, moare jaje ña”, yiyijarã ña. Sigũ ado bajiro yiyiju: “Canati sita coju waja yibu ya. Ito bajiri itire tigu wacu ya ya”, yiyiju sigũ ñe. ¹⁹ Gãji ado bajiro yiyiju: “Co ñujamocõ babari wecu waja yibu ya. Ito bajiri ñana moañashogu wacu ya ya. Ito bajiri josabesa yure. Wado ma ya”, yiyiju i. ²⁰ Gãjiama ado bajiro yiyiju: “Canati manajo bujabu ya. Ito bajiri wa masia ma yure”, yiyiju i, ñare jigũ ejabojarure. ²¹ Ito bajiro ña yija tuo tãdi wacõri, i ujure ñarocõti gotiyiju i. Ito i yija tuocõri, i uju junisiniyiju. Ito bajiri gãjerãjuare ji roti ñucayiju i mucana ñe. “Coji wasa cutoju, curi mari mutari mari cuni warã mu ti bujaro bajiroti ãmi wadiba. Bojoro bujarã, ruduana, cajea

mana, wa masimenare cuni āmi wadiba mu”, yiyiju ī ĩre moa ĩsiri masare. ²² ĩ ĩju rotiro bajiroti yiyiju ī. Ito yi, ĩnare āmi tũdi ejacõri ī ĩjũre gotiyiju: “Yu ĩju mu rotiado bajiroti ya yu. Ito bajibojarocati mu ya wi masa dajabea maji”, yiyiju ī, ī ĩjũre. ²³ Ito yija ī ĩju ado bajiro gotiyiju ĩre: “Cũto tũnima gānare, masa mu boca ja buto adoju wadi rotiba, yu ya wi iti dajaton. ²⁴ Cajero yu oca cõabojana, yu ya wi sājacõri bamena yirāji ĩna, ya yu mure”, yiyiju ī ya moari masare. Ito bajiri Dios ĩnaroju mua eja āmoja, mua ĩnaroiti gaye riti tuoĩabiticõri Diore riti mua tuorānu sũyaja quena, yi oca goti masioyiju Jesũs ĩnare.

Yũre mua tuorānu sũya āmoja josari ĩnaro yiroja muare, Jesũs ĩ yire gaye
(Mt 10.37-38)

²⁵ Co rumu jājarā masa Jesure sua wayijarā. Ito bajiro ĩna baji ĩnaroca ĩnare juda ticõri, ado bajiro yiyiju ĩnare:

²⁶ —Sĩgũ yu rāca ī riasoti āmoja, ī jacusabatia, ī manajo, ī ria, ī ĩnarā rēto busaro maigũ yiguĩji yũre. ĩ queno catija, ī cõja cuni yũre maigũ yiguĩji ī. ²⁷ ĩ ĩnaro tõbujagu yũre ī tuorānubeja yu rāca riasotigu ĩbiquĩji ī. ²⁸ Ado bajirojua baja. Ūmari wi mua meni āmoja, mua menirotio riojua, “¿Waja tũjacuri seyoati?” yirona cõĩarā yirāji mua. ²⁹ Ito bajiro mua yibeja menisũobojarāti mua tiobeja, gājerā muare ticõri ajarā yirāji. ³⁰ Ado bajiro yi ajarā yirāji ĩna muare: “Āni āmugũ ūmari wi menisũobojaguti tũ masibeami”, yi ajarā yirāji ĩna muare. ³¹ Sĩgũ sita ĩju, gaje sita gagu rāca ī gāmeri sĩa āmoja, ĩna gāmeri cana muoroto riojua, ado bajiro tuoĩagũ yiguĩji ī: “¿Yu ya surara diez mil ĩnarā, ī ĩnarā veinte mil ĩnarāre rētocũrā yirājida ĩna?” yi tuoĩagũ yiguĩji. ³² “ĩnare rētocũrado ma yu”, ī yija, gaje sita gagu sõju ī tũjaroca oca quenori masa cõagũ yiguĩji ī. ³³ Ito bajiroti, mua rucorise maicõri mua jidicā āmobeja yu rāca riasoti masimenaji mua. Ito bajiri yũre mua sũyaroto riojua mua queno tuoĩaja quena, yiyiju Jesũs ĩnare.

Moa iti ocabeja ñe waja ma, yire gaye
(Mt 5.13; Mr 9.50)

³⁴ Moa iti ocaja quenarise ña. Iti ocabeja ñe waja manoja iti. ³⁵ Ocabitireama ñe yiya manoja. Ito bajiri itire cõacõrā yirāji masa, iti ocabejare. Ñe waja manoja itioni. Mua gāmo goje cutirā tuo masiña. Yu sĩgũre mua tuorānubeja moa ocabiti waja mani robo bajiro ĩnarā yirāji mua. Ito bajiri yũre mua sũya āmoja yũre riti tuorānuja quena, yiyiju Jesũs ĩnare.

15

Oveja wisarũre āmagũ yiguĩji coderi masu, yi Jesũs ĩ riasore gaye
(Mt 18.10-14)

¹ Jājarā ĩjarāre yiari waja seni ĩsiri masa, ito yicõri ĩnaro yi jairā cuni, Jesũs tu minijua wayijarā ī busija tuorona. ² ĩna rāca Jesũs ī baba catija ticõri, fariseo gaye tuoĩarā, ito yicõri judio masa rotirise riasori masa cuni Jesure busituyijarā ĩna:

—Āni Jesũs ĩnaro yirāre boca āmiami. Ito yicõri ĩna rāca bami ī, yi busituyijarā ĩna ĩre.

³ ĩna ito yija tuocõri, ado bajiro oca goti masioyiju Jesũs: ⁴ —Mua wato sĩgũ cien oveja rucogu, sĩgũ ī wisaja, gājerā noventa y nueve ĩnarāre wago cũgũ yiguĩji ī, gāji wisarũre āmagũ wacu. ĩre āma bujacõriju susagu yiguĩji ī. ⁵ ĩre bujacõri wanugũ, gācojoeju gajagu yiguĩji ĩre. ⁶ ĩre buja tũdi ejacõri ī baba mesare jicõri, ado bajiro yigu yiguĩji ī ĩnare: “Yu rāca wanuña mua. Oveja godarure bujacõmu yu”, yigu yiguĩji ī ĩnare. ⁷ Sĩgũ ī ĩnaro yirise ī jidicāja ticõri, buto busa wanurā yirāji āngel mesa. Jājarā queno yirāre wanurā ĩnabojarāti sĩgũ ī ĩnaro yirise ī jidicāja ticõri, buto busa wanurā yirāji ĩna, yiyiju Jesũs ĩnare.

Romio niyeru cuji ruyuriocõri tũdi iso bujare gaye

⁸ Gaje ado bajiro ĩnare goti masioyiju Jesũs:

—Sĩgõ jua dũjamocõ niyeru tiri rucocõri coti iso ruyuroja, sĩabusuoragu sĩagõ yigõji. Roariti iso ya wi tũcāgõ yigõji. Iti cuji bujacõriju āmasusago yigõji iso. ⁹ Iti cuji bujacõri iso baba mesare jigo yigõji iso. Ito yicõri ado bajiro yigo yigõji: “Yu rāca wanuña. Niyeruti godarati bujacõmu yu”, yigo yigõji iso ĩnare. ¹⁰ Ito bajiroti āngel mesa cuni buto wanurā yirāji, sĩgũ ī ĩnaro yirise ī jidicāja ticõri, yiyiju Jesũs ĩnare.

Ī macu tũdi eja ticõri, ĩ ĩnaro yigore jacu ĩ ācabojare gaye

¹¹ Mũcana ado bajiro ĩnare goti masioyiju Jesũs:

—Sĩgũ ñayiju jũarā rĩa cutĩgu. ¹² Ī macu, bero gagu ado bajiro yiyiju ī jacure: “Cuna ija yu rucoroti gaye adocātati ĩsiña yũre”, yiyiju ī. Ito ī yija tuocõri, ī ĩnare, ĩna rucorotire ĩnare batoyiju ī. ¹³ Ī batoja bero co rumu ī macu, bero gagu ī ya gajeoni miojuyiju. Ito yicõri sõju gaje sitaju wayiju. Itoju ejacõri ĩnaro yicõri ī ya niyerure jeoyiju ī. ¹⁴ Ito ī baji ĩnaroca iti sitaju bare queno mañiju. Ito bajijare ruje ĩnocõsotiyiju ī. ¹⁵ Ito bajiri sĩgũ iti sita gagu tu

moare āmagū wayiju. Moare ī bujaja bero, iti sita gagū ī ya yeseare code rotiyiju. ¹⁶ Ņiocō wacu īna cōareti yesea īna bariseti ba āmbojayiju. Ito ī bajibojarocati sīgūjūama ecabisjarā īre. ¹⁷ Ito baji űagūju tuoīayiju ī īja: “Yu jacu ya moari masa jājarā űabojarocati īna ba ruarise ruyarōja īnare. Ito īna bajiroca yūjūama adoju űiojoga godagu ya yu. ¹⁸ Yu jacu taju tadi wacu yigūja ya. Ī tu ejacōri, ado bajiro īre yicūja yu: ‘Cūna űeñaro mure yicu ya. Ito yicōri Dios ī tiro riojo cūni űeñaro yicu ya. ¹⁹ Ito bajiri, “yu macu”, mu yigūcōcū meje űa yu. Mure moa īsiri masu bajiroti űacuja ya’, yigu yigūja ya, yu jacure”, yi tuoīayiju ī. ²⁰ Ito bajiro tuoīacōri ī jacu tu tadi wasuoyiju ī.

²¹ Sōju ī tujaroca ī jacu īre ti bujacōri īre ti maiyiju. Ito bajiri űmaquedi wacōri īre jababayiju ī. Ito yicōri īre wanūgū usuyiju. ²¹ Ī ito yijare ī macu ado bajiro yiyiju īre: “Cūna űeñaro mure yicu ya. Ito yicōri Dios ī tiro riojo cūni űeñaro yicu ya. Mu macu bajiro meje bajia ya īja”, yiyiju ī, ī jacure. ²² Ito ī yibojarocati īre moa īsiri masare ji űucacōri ado bajiro yiyiju ī: “Yutabuju quenarise āmi wadicōri, sāña muā īre. Ito yicōri āmo sāñara bedo, sāña. Ito yicōri gaboco cūni īre sāña. ²³ Wecu macu ri jaigure sāña muā. Īre bacōri basa meni, wanu quena yiana mani. ²⁴ Āni yu macure ‘Godacoaguji’, yibojacu ya. Catiñi maji. ‘Wisa godacoaņi’, yibojacu mani. Īre bujacōa mani”, yiyiju ī īre moa īsiri masare. Ito bajiro ī rotija tuo wanucōri, basa gaye menisuoyijarā īna.

²⁵ Ito bajiro iti baji űaroca wesecaju moagū yiyiju ī macu űasūogu. Tadi wacu wi tu īna basaja tuoijū ī. ²⁶ Ito bajiro īna basa űaja tuoōri, sīgū moa īsiri masare ji űucayiju, “ĶNo bajiatu?” yirocu. ²⁷ Ī seniıajare ado bajiro gotiyiju ī: “Mu ocabaji tadi ejacoami queno cati quenagū. Ī tadi ejajare wecu macu ri jaigure sia rotimi mu jacu”, yiyiju ī īre. ²⁸ Ito bajiro ī gotija tuoōri, junisiniyiju ī. Ī sāja āmobeja ticōri, “Sājaña mu”, yirocu īre jigū budi wayiju jacu. ²⁹ Ito bajiro jacu ī josaja ticōri, ado bajiro yiyiju ī, ī jacure: “Mu masia co rodo meje queno cudicōri moa īsibojacu ya. Ito yu yibojarocati sīgū cabra macu yure īsibiticu mu, yu baba mesa rāca basa yu menitoni. ³⁰ Āni mu macu romia rāca niyeru aje baterureama ī ejaja ticōri, wecu macu jaigu sīayija muā”, yiyiju ī, ī jacure.

³¹ Ito ī yija tuoōri, ī jacu ado bajiro yiyiju: “Yu macu, yu rāca riti űacu mu. Ito bajiri yu ruorise jeyaro mu ye riti űa. ³² Adi rumarī mu ocabaji ī tadi ejaja ticōri, basa menirūja manire. Ito yicōri wanurūja manire. ‘Godacoaņi’, yi tuoīabojacu ya. Ito yu yibojarocati catiñi ī. Ito yicōri, ‘Wisa godacoaņi’, yi tuoīabojacu mani. Ito mani yibojarūreti bujacōa mani”, yiyiju ī, ī macu űasūore. Ito bajiroti manire cūni boca āmigū yiguļi Dios. Sīgū ī űeñaro yirise jidicāja ticōri, buto wanure rāca īre boca āmigū yiguļi Dios, yiyiju Ķsūs ī rāca riasotirāre.

16

Ķjūre roti īsiri masu īrotiado bajiro īyibitire gaye

¹ Mucana ī rāca riasotirāre ado bajiro yiyiju Ķsūs:

—Sīgū űayiju niyeru jaigu. Ito bajiri sīgure ī ya niyeru, ito yicōri ī ya moari masare cūni tirānu rotiyiju. Co rumu, “Mu ya niyeru mu tirānu rotibojaru mu ya niyeru aje bategu yami”, yire gaye oca ejayiju ī űjare. ² Ito bajiri, “ĶRiti bajiatu iti oca?” yirocu, ji űucayiju ī űjare. Ī ejaja ticōri, ado bajiro yiyiju īre: “Mu moagore, ‘Ado bajiro moacu ya’, yari gotiya mu yare. Ito bero yu rāca moabicu yigūja mu īja. Ito bajiri yu ruorisere tirānubicu yigūja mu īja”, yiyiju ī űjare. ³ Ito ī yija tuoōri, ado bajiro tuoīayiju ī, īre roti īsiri masu: “Yu űjare ī bucōaja, Ķno yicūja yu? Weseri moare queno seōbea yu. Gājerāre bare yu seni ruji ucurotine bojo űa yu”, yi tuoīayiju ī. ⁴ “Yu űjare ī bucōaja, ado bajiro yu yijare āmirā yirāji gājerā yare”, yi tuoīayiju ī. ⁵ Ito bajiro tuoīacōri ī űjare waja ruyoriorāre jiyiju ī. Īna ejaja ticōri, īnare seniıayiju: “ĶNocō yu űjare waja ruyorioati muā?” yiyiju ī. ⁶ “Cien űyegari roa bare gaye waja ruyorioa yu īre”, yi cūdiyiju sīgū. Ito ī yija tuoōri, īna űjare roti īsiri masare ado bajiro yiyiju: “Adocāta yoari mejeti cincuenta űyegari űjare waja yigu ya yu”, yi wōña mu, yi rotiyiju ī īre. ⁷ Gāji ī űjare waja ruyorioare, “ĶNocō waja ruyorioati mu?” yi seniıayiju. “Cien jiburi trigo ajeri īre waja ruyorioa yu”, yiyiju ī. “Yoari mejeti ochenta jiburi mure waja yicūja yu”, yi wōña, yi rotiyiju ī īre. ⁸ Ito bajiro ī yija tuoōri, “Queno yigu meje űabojaguti tuoīa masigū űami ī”, yi tuoīayiju ī űjare, yi oca gotiyiju Ķsūs ī rāca riasotirāre. Ito bajiro tuoīama adi macārucāro gaye buto tuoīarā. Adi macārucāro gaye buto tuoīarā, masare ruocōri waja buja masiama īnaōna. Yure tuoīanurāma ito bajiro yibeama īna. “Waja buja masiana mani”, yi tuoīacōri buto ruo masirā űama adi macārucāro gaye tuoīarā, yiyiju Ķsūs ī rāca riasotirāre.

⁹ Ado bajirojūma muā yija quena yu tija. Adi macārucāro gaye muā ruorisena gājerāre ejabūaya, queno mure īna baba cutitoni. Ito bajiro īnare muā yija, űmacūju catitīñadoju muā ejaroca mure boca āmirā yirāji īna, yiyiju Ķsūs īnare.

¹⁰ No jabetacā ruogu yiro robo ī yija, jairo ī rucojojaja cūni ito bajiroti queno yigu űatīñagū yiguļi iocū. No jabetacā ruogu yiro robo yibicu, ī jairo rucojojaja cūni, yiro robo

yigu meje ñagü yiguñji İocüama. ¹¹ Adi macârcüro gaye gajeoni jaje racobojarâti yiro robo müa yibeja, ñmacâñu gaye quenarise Dios İ cöarise cüni boca ñmimena yirâñji müa. ¹² Gâjerâ ye gajeoni queno müa tirânubeja müa ye ñarotire cüni queno tirânümena yirâñji müa. Ito bajiri queno müare İsbicu yiguñji Dios, yiyiju Jesüs İnare.

¹³ 'Cocati mani ñjarâ jüarâre cüdi masibeja mani. Jüarâ İna ñaja sîgüre queno ti maicöri, gâjire ti tudirâ yirâñji mani. Sîgüre queno cudirâ yirâñji mani. Gâjire queno cudimena yirâñji mani. Ito robo bajiroti Diore mani cüdiya, niyerujuare buto tuoñamenaji mani. Niyerure riti mani buto tuoñaja Diore queno cudisabeja mani, yiyiju Jesüs İ räca riasotirâre.

¹⁴ Ito bajiro Jesüs İ busija, fariseo gaye tuoñarâ tuo rujiyarâ. İna ñayijarâ niyerure buto mairâ. Ito bajiri Jesure aja tudiyijarâ İna. ¹⁵ Ito bajiro İna aja tudi rujiya ticöri, ado bajiro yiyiju Jesüs İnare:

—Masa İna tiro riojo riti, “Queno yirâ İna gwa”, yiboja müa. Ito bajiro müa tuoñabojarise masicöguñji Dioñama. “Ñasarise İna”, masa İna ye tuoñabojarise, ñasarise meje İna, Dios İ tija, yiyiju Jesüs İnare.

Dios İ rotirise ñatñaroti İna, Jesüs İ yire gaye

¹⁶ Juan masare İ riasoroto rioñu, Dios İ rotirise, ito yicöri İre goti İsiri masa İna ucare gaye riti ñayiju maji masa İna tuoroti. Ito bero adi ramariama, “No İre tuorünarâreti İ rotiroju miojugu yiguñji Dios”, ye riasore gaye İna İja. Jâjarâ ado bajiro tuoñabojarâñji müa: “Yurioti ado bajiro yu yija Dios İ rotiroju eagu yiguja yu”, ye tuoñabojarâ jâjarâ İna, yiyiju Jesüs İnare.

¹⁷ Adi tuti adi macârcüro cüni coji jedibetoja. Ito yicöri Dios İ rotirise cüni jedibeto yiroja. Ñatñaroti İna Dios İ rotirise, yiyiju Jesüs İnare.

Manojore jidicäre ma, ye Jesüs İ riasore gaye

(Mt 19.1-12; Mr 10.1-12)

¹⁸ Sîgü İ manojor ñasüogo räca isore jidicäcöri gajeo räca İ manojor cutibojaja isore ajegu yiguñji İocü. Ito yicöri İ cöarore gâñji İ manojor cutija, iso räca ajegu yiguñji İocü cüni, yiyiju Jesüs İ räca riasotirâre.

Niyeru jaigu ñabojaru jeame ñjuroju ñeñaro İ tóbujare gaye

¹⁹ Mucana gaje ado bajiro gotiyiju Jesüs İnare:

—Sîgü niyeru jaigu quenarise yutabujuri säñagü ñayiju. Co ramu ruyabeto İ ämoro bajiro İ ye niyerure aje batesotiyiju İ. ²⁰ Ito İbaji ñaroca sîgü Lázaro wame cutigu ñayiju bojoro bujagu. Buto ruñari camü cutigu ñayiju İ. Ito bajicöri niyeru jaigu ya, soje tu macâñu rujiyiju. ²¹ Niyeru jaigu İ bagorise barocu, ito rujiyojayiju Lázaro. Ito İ rujiroca yaia ejacöri, İ ye camire weroyijarâ. ²² Co ramu bojoro bujagu godayiju. İ godarocati, ängel mesa ämi wayijarâ İre Abraham tu Diore tuorünarâ İna ñaroju. Ito bero niyeru jaigu cüni godacoayiju İja. Ito bajiri İre yujeyijarâ masa. ²³ Diore tuorünabicu ñari ñeñaro yigoana İna ñaroju ejacöri buto tóbujayiju niyeru jaigu ñabojaru. Ito bajiro tóbujaja ñagü söju Abraham ñayorure ti bujayiju İ. Ito bajiri Lázaro İ räcañu İ ñaja ti bujayiju. ²⁴ Ito bajiri ado bajiro oca sëoro busibojayiju İ: “Ñicu Abraham yare ti mañna mü. Adoju jeame ñjuroju ñeñaro tóbujaja yu. Ito bajiri Lázarore cöañna, İ ye ämo wäsoa ide yicöri yu ye ñemero ide weogu wadijaro. Ito yija jabeto tujari seyoya yu”, yibojayiju İ Abrahamre. ²⁵ Ito İ yibojarocati ado bajiro cüdiyiju Abraham İre: “Tuoya yu janami mü. Catigu queno ñacäcu müama. Lázaroreama İ catibojaja queno ejabiticu. Ito bajiri adoju queno ñagü yami İ. Müama ñeñaro tóbujagu ya mü itoju. ²⁶ Mani watojoe ümari goje eyari goje İna. Ito bajiri no ye masia ma manire”, yiyiju İ, niyeru jaigu ñabojarure. ²⁷ Ito bajiro İ yija tuocöri, ado bajiro cüdiyiju İ: “Tuoya yu ñicu mü. Lázaro ado İ eja masibeja, cuna tuju wajaro. ²⁸ Itoju ñarâñji yu ñarâ, yu ocabaji mesa. Co dujamocö ñarâñji İna. İnare gotigu wajaro İ, ado ñeñaro tóbujarajuju İna ejabe yirocu”, yiyiju İ Abrahamre. ²⁹ Ito İ yija tuocöri, ado bajiro yiyiju Abraham: “Moisés ñayoru İ ucayore, ito yicöri Diore goti İsiri masa İna ucare ñacä İnare. Itijua tuorünarâñja İnare”, yiyiju Abraham İre. ³⁰ “Meje ñicu, sîgü godana wato gagu wacöri İ gotija tuocöri, ñeñaro İna yirise jidicärâ yirâñji İna”, yiyiju İ. ³¹ Ito İ yija tuocöri: “Moisés ñayoru İ gotire gaye ito yicöri Diore goti İsiri masa İna ucare gaye İna tuorünubeja, godarâ wato ñagü mucana caticöri İ gotibojaja, tuorünümena yirâñji İna İre cüni”, yiyiju Abraham niyeru jaigu ñabojarure. Ito bajiri Dios ñaro müa eja ämoja catirâti ñeñaro müa yirise jidicäcöri Diore tuorünüña, ye gotiyiju Jesüs İ räca riasotirâre.

17

Ñeñaro müa ye uyaja guijorise İna, ye Jesüs İ riasore gaye

(Mt 18.6-7,21-22; Mr 9.42)

¹ Mucana tüdi busigu ado bajiro yiyiju Jesüs İ räca riasotirâre:

—Co rumu ruyabeto mani ñeñaro yitoni usirioro yi codeami rāmá. Mani ñeñaro yitoni usirioro yigu ñeñaro tóbujagu yiguñi. ² Jane yare tuorñunhorá ñeñaro ña yiroca yigu, ñeñaro tóbujagu yiguñi ñ. Ito bajiri ñ ya ãmumaju gātāgā rācāricā sia yocōri riaca jajosaju rucōaja quena ñre. ³ Itire queno tuoña masiña mua.

‘Sīgū mua yagu ñeñaro ñ yija, “Dios tiro riojo queno yibea mu”, yiba ñre. Ito bajiro mua yija tuocōri, ñ ñeñaro yirise ñ jidicāja, “Mu ñeñaro yirisere ācabojoa gña”, yiba ñre. ⁴ Co rumare jua āmojenocō muare ñeñaro sīgū ñ yija, “Muare ñeñaro yibu yu”, ñ yija tuocōri, “Mu ñeñaro yirisere ācabojoa gña”, yiba ñre, yiyiju Jesús.

Yure mua tuorñunja mua āmoro bajiro rētarō yiroja, yi Jesús ñ riasore gaye

⁵ Co rumu ado bajiro yiyijarā Jesús rāca riasotirā ñre:

—Mure tuorñunja gña. Ito bajibojarocati bato busa gña mure tuorñunroca yiya, yiyijarā ña Jesure.

⁶ ña ito yija:

—Jabetacā yare mua tuorñunja, jaibiti aje mostaza aje robo bajiro yare mua tuorñunja, mua rotiro bajiroti bajiroja. Ito bajiri, yucagu Sicómoro wame cutiricare ado bajiro roti masirāji mua: “Mamasiti rudu wacōri itajura gudarecoju rāgōña”, yi rotirāji mua. Ito bajiro mua rotiro bajiroti yiroja itigu yucagu, yare mua tuorñunja, yiyiju Jesús ñnare.

Ñju rotiro bajiroti moari masu ñ cudija quena, Jesús ñ yire gaye

⁷⁻⁹ Gaje ado bajiro gotiyiju Jesús ñnare:

—Sīgū muare moa ñsiri masu ovejare tirñunocōri ñ tūdi ejaja, mua rioñunja basuobiqñi. Ado bajiro ñre rotirā yirāji mua: “Bare meni ñsiña guare. Ito yicōri gña ba rujiroca guare codeya mu. Gña ba tñoja berojua mu baja quena”, yi rotirā yirāji mua. “Iti ña yu ya moare”, yi tuoñacōri mua rotiro bajiroti yigu yiguñi. Ito bajibojarocati biyaro goroama, “Queno ya mu”, yimena yirāji mua ñre. ¹⁰ Ito bajiroti mua cani Dios ñ rotirisere cudibojarāti, “Ñasarā meje ña mani. Mani ñju ñ ñaja cudiruja manire. Ititi ña, mani ya moare”, yiruja mua, yiyiju Jesús ñnare.

Jua dujamocō ruju cami jogarāre Jesús ñ yisioire gaye

¹¹ Jerusalénju wacu Galilea sita rētacōri, Samaria sitaju ejayiju Jesús. ¹² Iti sita, cuto ñ ejaroca jua dujamocō ãmua wadicōri sō busaju tujayijarā. Ruju cami jogarā ñayijarā ña. ¹³ Ado bajiro yi awasāyijarā ña Jesure:

—Jesús gña ñju, guare ti maiña, yi awasāyijarā ña.

¹⁴ ñnare ticōri ado bajiro yiyiju Jesús:

—Wasa paiare, mua ya ruju ñ totēña, yiyiju ñ ñnare.

Ito ñ yijare wayijarā ña. ña wasuorocati ña ya cami yaticoayiju. ¹⁵ Sīgū ña rāca gagu ñ ya cami yatija ticōri: “Yare queno yami Dios. Rētoro masigū ñami Dios”, yi tūdi wayiju ñ Jesús tujare. ¹⁶ Jesús te ejacōri rijomunigāna ñini rñjñyiju ñ. Ito yicōri ñ ya rio sitaju muquea ruji wayiju, “Queno ya mu”, yiroca. Judio masu meje ñayiju ñ. Samaria sita gagujua ñayiju. ¹⁷ ñ ejaja ticōri, ado bajiro yiyiju Jesús ñre:

—Jua dujamocō cami cutirāre yisiobu yu. ¿Noju ñati gājerā mu rāca gāna? ¹⁸ ¿Mu Samaria sita gagu sīgūti, “Queno yami Dios”, yiroca gotigu wadiri mu? yiyiju Jesús ñre.

¹⁹ Ito yicōri gaje ado bajiro yiyiju ñ:

—Wumña, wasa. “Jesús yare yisiogu yiguñi”, yi mu tuoñajare, mu ya cami yaticoaju, yiyiju Jesús ñre.

¿Nocāta masare Dios ñ miojuri rumu ejaro yirojada? yi Jesure ña seniñare gaye
(Mt 24.23-28,36-41)

²⁰ Co rumu fariseo gaye tuoñarā, ado bajiro yi seniñayijarā Jesure:

—Ñre tuorñunrāre ñ rotiroju Dios ñ miojuri rumu, ¿nocāta ejaro yirojada? yi seniñayijarā ña Jesure.

ña ito yija tuocōri, ado bajiro cudiyiju Jesús:

—Ñre tuorñunrāre Dios ñ miojuja, masa jeyaro recoti mani tiriseoni meje ñaroja. ²¹ Diore tuorñunrā mua ñaja, mua ya usiju ñacāguñi ñja. Ito bajiri, “Recoti ado ña. Ōju ña ñ rotiro”, yi masiña ma, mani ya usiju ñ ñajare, yiyiju Jesús fariseo gaye tuoñarā.

²² ñnare ñ busija bero ñ rāca riasotirāre, ado bajiro yiyiju Jesús:

—Yu ña Dios Macu, Masa Rñjoru. Co rumu yare ti āmobjarā yirāji mua. Ito bajibojarāti yare ti bujamena yirāji mua. ²³ “Ado ñami Jesús”, ña yija, “Ō ñaguñi gajea Jesús”, yibojarā yirāji masa muare. Ito bajiro ña yija ña rāca suya wabeja. Macu yiguja yu itoju. ²⁴ Ūmacūju gaye bujo borea yirise iti busu bataja masa jeyaro tirā yirāji. Ito bajiroti bajiro yiroja Masa Rñjoru ñacōri, yu tūdi ejari rumu. Masa jeyaro tirā yirāji ña, yu ito bajija. ²⁵ Iti rioñua adoju

ñagü, buto ñeñaro tóbuajagu yiguja yu. Iti rumari masa tirá yiráji yare. ²⁶Noé ñayoru í catiroca masa Diore rúcubobitiyoñi. Ito bajiro bajirã yirãji masa, yu Masa Rjoru yu tãdi ejari rumu. ²⁷Noé ñayoru í ñaroca masa idirãtibe, barãtibe, manajo catirãtibe ito yicõri ña rãa romiare manuju bosarãtibe yi ñayjarã ña. “Manire ruyuriobiquji Dios”, yi tuoña ñayjarã ña. Ito bajiro ña baji ñabojaroca riti, cumaju sãjayiju Noé ñayoru. Cumaju í sãjaja bero rujayiju. Ito bajiri ñarocõti goda jedicoayjarã ña. ²⁸Ito bajiroti rëtayiju Lot ñayoru í ñaroca cani. Í ñajacu í ñaroca ado bajiro bajiyjarã ña. Barã, idirã, waja gãmerã, gãjerãre isirã, ito yicõri wiri meni ñacõayjarã ña. “Manire ruyuriobiquji Dios”, yi tuoña ñayjarã ña. ²⁹Ito bajiro ña baji ñaroca ña ñari cato Sodoma wame catiri catore budigoyiju Lot. Lot iti cato í budigoja bero ñmacãju gaye jea azufre wame catirise queoyiju Dios. Ito yicõri gãta ñjurise cani queoyiju. Ito bajiri ñarocõti ña jedicoayjarã ña ña. ³⁰Ito bajiroti bajiro yiroja, yu Masa Rjoru yu goãori rumu cani. Ito bajiro yu goãori rumu Diore rúcuborã meje ñarã yirãji masa, yiyiju Jesús ñare.

³¹Yu tãdi ejari rumu sãgü wi rijogodo í bua ñaja, í ya gajeoni ñmigü ruji wabitiurajugüji í. Ito yicõri sãgü í ya weseca í moaroca yu tãdi ejaja, í ya gajeoni ñmigü wacu tãdi wabitiurajugüji í cani. ³²Lot manajo ñayore bajire gaye tuoñaña mua. Iso ya gajeonire tuoña jidicã ñmabisijo iso. Ito bajiri godayijo iso. ³³No í catirise maibojaguti godagu yiguji. Ito bajibojarocati yure tuorãnugã, yu oca í gotija tuo junisinicõri, ña siagũama catitiñare gaye bujagu yiguji.

³⁴Co rumu yu ejari rumu jũarã ña caniroca eja yu yiguja yu. Jũarã ña canibojarocati sãgũre ñmigü yiguji Dios. Ito yicõri gãjire ruacõgü yiguji. ³⁵Romia jũarã coru tu oe rujirã yirãji. ña ito bajibojarocati sãgũre ñmigü yiguji Dios. Ito yicõri gajeore ruacõgü yiguji. ³⁶Jũarã ñmua wesecaju moa ñarã yirãji. Ito bajibojarocati sãgũre ñmigü yiguji Dios. Gãjire ruacõgü yiguji, yiyiju Jesús í rãca riasotirãre.

³⁷Ito bajiro í yija tuocõri, ado bajiro ñre seniñayjarã ña:

—¿Noju rëtaru yirojada iti? yi seniñayjarã ña mani Ujure.

Ado bajiro goti masiore ocana cadiyiju Jesús ñare:

—Ruju jogarise iti ñaro itoju minijuarã yirãji yuca. No masa ña ñeñaro yiroju, ito bajiro rëtaru yiroja, yiyiju Jesús ñare.

18

Oca quenori masu tu wajeago iso ejasotire gaye

¹Diore busi jidicãmenati buto busa oca sãojaro yiroca, ado bajiro goti masiore ocana gotiyiju Jesús ñare:

²—Cutoju ñayiju sãgü oca quenori masu. Diore güibisiju, ito yicõri masare cani rúcubobisiju í. ³Iti cutoju sãgü ñayijo manuju godagoro. Coji meje oca quenori masu tu ejasotibojayijo iso, “Mu rãca oca cutigujare seti ña”, í yitoni. ⁴⁻⁵Biaryo iso ejasotibojarocati, isore boca ñmabisiju oca quenori masu. Biaryo iso ejaja ticõri, ado bajiro tuoñayiju í. “Yu isore tirãnubeja biaryo ejasotigo yigõji iso. Ito yicõri bogagu yiguja yu. Ito bajiri Diore güibitibojaguti, masare cani rúcubobitibojaguti isore ejabuacaja yu, yure iso usiroro yi rëtocũme yiroca”, yi tuoñayiju oca quenori masu, yi oca gotiyiju Jesús í rãca riasotirãre.

⁶Ito yicõri mucana mani Uju ado bajiro gotiyiju:

—Ñeñaro yigu ñabojaruti isore bogagu ejabuayiju oca quenori masu. ⁷¿Dios ñarãre ñmua, ñami cani ña josaja, ñare tirãnubiqujida? ¿Ito yicõri yoari ñare ejabuabiqujida? ⁸Ado bajirojua muare ya yu. Yoari mejeti ñare ejabuagu yiguji. Yu Masa Rjoru adi sitaju tãdi eja yu yiguja mucana. ¿Adoju yu tãdi ejaroca yure tuorãnurã ñarã yirãjida maji? yiyiju Jesús ñare.

“Ñasarã ña gua”, yibojarãre ñasamena ña ñaroca yigu yiguji Dios, Jesús í yire gaye

⁹“Gãjerã rëtoro queno yirã ña gua”, yi tuoñacõri, gãjerãre ti tudirãre ado bajiro oca goti masioyiju Jesús ñare:

¹⁰—Co rumu ñmua jũarã Dios ya waju Diore busirã wayjarã. Sãgü í rãca gagu fariseo gaye tuoñagü ñayiju. Gãji ujarãre yiri waja seni isisotiri masu ñayiju. ¹¹Fariseo gaye tuoñagü rãgõcõri, ado bajiro Diore busiyiju: “Gãjerã bajiro bajigu meje ña yu. Riniri masu meje ña yu. Ñeñaro yiri masu meje ña yu. Gãji manajo rãca ajegu meje ña yu. Ito yicõri ñni bajiro bajigu meje ña yu. Í ñami ujarãre yiri waja seni isiri masu. ñre bajiro bajigu meje ñacõri, ‘Queno ya Dios mu’, ya yu. ¹²Co semana ruayabeto jua rumu mare rúcubuoqu babicu riti busisotia yu mare. Ito yicõri jeyaru yu bujarise jabeto mare isisotia yu”, yi busiyiju í Diore. ¹³Ito bajiro í yiroca ujarãre yiri waja seni isiri masuama bojori bujagu jacajua riti ti wa rãgũcoayiju. Buto bojori bujacõri soje taju tujayiju í. Diore ado bajiro busiyiju í: “Dios yure ti maiña. Ñeñaro yi jaigu ña yu”, yiyiju í, yi gotiyiju Jesús ñare.

¹⁴Ado bajiro muare gotia yu. Ujarãre yiri waja seni isiri masu, ito bajiro Diore í busija, ñeñaro í yirisere ñabojojiju Dios. Ito bajibojarocati fariseo gaye tuoñagũreama í ñeñaro yirise

ãcabojobisija Dios. No, “Gãjerã rêtoro ñasarã ña gua”, yibojarãre ña ñasamena ñaroca yigu yiguji Dios. Ito yicõri, “Ñasarã meje ña gua”, yirãreama, ñasarã ña ñaroca yigu yiguji Dios, yiyiju Jesús ñare.

Rĩacare queno yijaro Dios, Jesús ï yire gaye
(Mt 19.13-15; Mr 10.13-16)

¹⁵ Ña rĩare Jesús ï moaĩatoni ãmi ejayijarã masa ï tũju. Ito bajiro rĩacare ña ãmi ejaja ticõri, “Ãmi wadibesa”, yiyijarã Jesús rãca riasotirã. ¹⁶ Ito bajiro ña yija tũocõri, ado bajiro yiyiju Jesús:

—Rĩacare rẽobesa, yũ tũ wadijaro ña. Rĩaca ñama yũre queno tũorũnarã. Ña robo yũre queno tũorũnarãre riti ï rotiroju miojugũ yiguji Dios. ¹⁷ Riti mũare gotia yũ. Rĩaca queno cudi ãmoama Dios ï rotirisere. No rĩaca ña cudiro bajiro cudi ãmobicuti Dios ï rotiroju ejabiquji, yiyiju Jesús ñare.

Gajeonire buto maisabeja quena, Jesús ï yire gaye
(Mt 19.16-30; Mr 10.17-31)

¹⁸ Sũgũ judio masa uju Jesure ado bajiro seniĩayiju:

—Yũ Uju queno yigu, ¿no bajiro yicõri catitiñare gayere bujagu yigujada yũ? yiyiju ï Jesure. ¹⁹ Ito bajiro ï yija tũocõri:

—¿No yija queno yigu yati mũ yũre? Sũgũ ñami queno yigu. Ñti ñami Dios. ²⁰ Dios ï rotirisere masigũ ña mũ: “Gãji manojõ rãca ajebitũruja mũ. Gãjire sĩabitũruja mũ, rinibitũruja, gãjerãre rũo gotibitũruja, ito yicõri mũ jacũsabatiare rũcũbuõruja mũ”, yiyiju Jesús ñre.

²¹ Ito bajiro ï yija ado bajiro cudi yiju ï Jesure:

—Ñarocõti itire macũacã ñagũju cudiũuõcu yũ, yiyiju ï Jesure.

²² Ito ï yija ado bajiro cudi yiju Jesús:

—Jabeto rũya maji queno Diore mũ cudi jeoroti. Ñarocõti mũ cudi jeo ãmoja, ado bajiro yija. Jeyaro mũ rũcorise gãjerãre ïsi jeocõña. Ito yicõri iti waja bujacõri bojoro bujarãre ïsiña. Ito bajiro mũ yija, ãmacũju queno bujagu yiguja mũ. Ito bajiri yũ gotirise cudiya. Ito yicõri yũ rãca waya, yiyiju Jesús ñre.

²³ Ito bajiro Jesús busija tũocõri, buto bojori bujayiju ï. Gajeoni jaigu ñacõri itire buto maiyiju. Ito bajiri Jesús busire tũocõri bojori bujaguti wayiju ï. ²⁴ Ñ bojori bujaja ticõri, ado bajiro yiyiju Jesús ï rãca riasotirãre:

—Niyeru jairã Dios ï rotiroju josari bero ejarã yirãji ña. ²⁵ Gawa jotaga yuta jiosõrajũre, camello queno sãja masibiquji. Iti robo bajiroti Dios ï rotiroju queno eja masibiquji niyeru jaigu, yiyiju Jesús ñare.

²⁶ Ito bajiro ï yija tũocõri, ado bajiro yiyijarã ña:

—¿Ito yija noajũa Dios ï ñarõju ejarã yirãjida? Riti mũ yijama sũgũ ejabiquji gajea, yiyijarã ña Jesure.

²⁷ Ña ito yija tũocõri, ado bajiro yiyiju Jesús mũcana:

—Masamasiti yiado ma itire. Dios sũgũti jeyaro yi masiguji. Ñejua josarise manõja ñre, yiyiju Jesús ñare.

²⁸ Ito bajiro ï yija tũocõri, ado bajiro yiyiju Pedro Jesure:

—Gua Uju, mũ rãca warona jeyaro gua rũcorisere jidicãcu gua, yiyiju ï Jesure.

²⁹⁻³⁰ Ito yija Jesujuama ado bajiro cudi yiju:

—Riti ya yũ mũare. “Dios ñami mani Uju”, yi goti ucurona, ña ya wi, ña jacũsabatia, ña manõjosãromia, ito yicõri ña rĩare cuni ña cũ waja, queno waja bujarã yirãji ña. Ito yicõri ãmacũju Dios tũju catitiñarã yirãji ña, yiyiju Jesús ñre.

Yũre sũarã yirãji, Jesús ï yi busisũsare gaye
(Mt 20.17-19; Mr 10.32-34)

³¹ Ito ï yija bero jua gubõjeno ñarã, ï rãca riasotirãre ricati busa ji wayiju Jesús ñare busirocu. Ito yicõri ado bajiro yiyiju ï ñare:

—Adocãta Jerusalẽnju warã ya mani. Itoju mani ejaroca jane mejeju Diore goti ïsiri masa ña ucado bajiroti rêtaro yiroja Masa Rjõrũre. ³² Gaje masa ñre ña ñiatoni, mani masati ñre oca menirã yirãji. Ñre ñiacõri aja tudirã yirãji ña. Ito yicõri ñre tiborã yirãji ña. Ñre go ide eobate gurã yirãji ña. ³³ Ñre jarã yirãji ña. Ito yicõri ñre sũarã yirãji. Ñre ña sũabõjarocati udiã rũmũ bero godana wato ñabõjaguti mũcana tũdi catigu yiguji ï, yiyiju Jesús ñare, ñre rêtaroti gaye tũõia yugu.

³⁴ Ito bajiro ï gotibõjarocati tũo masibisijarã ña. “Iti gayere busiguji”, yi masibisijarã ña. Ito bajiri ï busirise queno tũo masibisijarã ña.

Cajea macũre Jesús ï yisore gaye
(Mt 20.29-34; Mr 10.46-52)

³⁵ Jericó ejagu wagu ĩ yiroca ma tu sĭgũ cajea macu rujiyiju. Ito ma tu rujicōri masa ĩre ti maitoni masare josayiju. ³⁶ Jājarā masa ĩna rētaja tuocōri, “¿No bajiatu?” yiroca seniñayiju ĩ.

³⁷ Ito ĩ yija:

—Jesús Nazaret gagu rētagũ wagu yami, yiyijarā ĩna.

³⁸ ĩna ito yija tuocōri, awasāyiju ĩ:

—Jesús, David ñayoru janerābatia janami, yure ti maiña mu, yi awasāyiju.

³⁹ ĩre rētasuorā, “Awasābesa mu”, yibojayijarā ĩna ĩre. Ito yibojarocati buto busa awasāyiju ĩ:

—David ñayoru janerābatia janami yure ti maiña mu, yi awasāyiju ĩ.

⁴⁰ Ito tuocōri tuja rūgāyiju Jesús. Ito yicōri, “Cajea tibicure āmitēña”, yi ñucayiju. ĩ tu ĩ ejagu wagu yiroca, ado bajiro seniñayiju Jesús cajea macure.

⁴¹ —¿No bajiro mure yu yire āmoati mu? yiyiju ĩ ĩre.

—Yu ĩju mucana tũdi cajea ti āmoa yu, yiyiju ĩ Jesure.

⁴² Ito ĩ yija tuocōri:

—Mucana tiya mu. “Jesús yure yisioyu yiguñi”, mu yi tuoñajare, tũdi mu cajea tiroca ya yu, yiyiju Jesús ĩre.

⁴³ Ito ĩ yirocaci cajea macu ñabojaru ticoayiju ĩja. Ito yicōri Jesús rāca wacu, “Buto rētoro masigũ ñami Dios”, yi wanu quena wayiju ĩ. Jājarā masa ito bajiro ito rētaja ticōri, “Queno yigu ñami Dios”, yi wanu quena wayijarā ĩna cuni.

19

Jesure Zaqueo ĩ ti āmore gaye

¹ Ito yija bero Jericóju ejayiju Jesús ĩja. Ito yicōri ito cutoju wa ucuyiju Jesús. ² Ito cuto gagu sĭgũ niyeru jaigu ñayiju. Zaqueo wame cutigu. ĩjarāre yiari waja seni ĩsiri masa ĩju ñayiju ĩ. ³ ĩ Zaqueo Jesure buto ti āmoyiju. Ito bajibojarocati ũmabicu ñari, masa ĩna jājarā ñajare Jesure ti bujabisiju ĩ. ⁴ Ito bajiri masa riojuā ũmaquedi wacōri, ma tu rūgōricure Sicómoro wame cutiricure mēja jeayiju Zaqueo Jesús ĩ rētaja tiroca. ⁵ Ito rēta wacu ti tuocōri ado bajiro yiyiju Jesús Zaqueo:

—Zaqueo coji ruji waya mu. Jane mu ya wi tuja āmoa yu, yiyiju Jesús ĩre.

⁶ Jesús ito bajiro ĩ yija tuocōri, ejoriti ruji wayiju ĩ. Ito yicōri wanare rāca Jesure boca āmicōri, ĩ ya wiju āmi wayiju. ⁷ Zaqueo rāca Jesús ĩ waja ticōri, ĩre busituyijarā masa. “Ñeñaro yi jaigu ya wi tujagu wami”, yirona busiyijarā ĩna. ⁸ ĩ ya wiju Jesús ĩ ñaroca, ado bajiro yiyiju Zaqueo Jesure:

—Yu ĩju, tite mu. Bojoro bujarāre gudarecona yu rucorisere ĩnare ĩsi batogu yigujā yu. Yu ruo āmigoanare juarijiricō ĩnare judacōgũ yigujā yu, yiyiju ĩ Jesure.

⁹ Ito ĩ yija tuocōri, ado bajiro yiyiju Jesús:

—Mu ñeñaro yirise mu jidicāja ticōri, mu ñarāre, mure cuni masogũ yiguñi Dios, ya yu mure. Ñeñaro yigu ñari mu ñicu Abraham ñayoru Diore ĩ rucubuoado bajiro yibiticu mu maji. ¹⁰ Mure bajiro jeame ĩjuroju wabooanare masori masu wadia yu. Yu ña Masa Rĭjoru, yiyiju Jesús ĩre.

Moa ĩsiri masa gaye Jesús ĩ goti masiore oca (Mt 25.14-30)

¹¹ Ito bajiro Jesús ĩ yi ñaroca ĩ busirise tuo ñayijarā masa. “Yoari mejeti Jerusalēnju mani ejaja beroti, ĩre tuorānārāre ĩ rotiroju miojusuogũ yiguñi Dios”, yi ĩna tuoñabojarisere masicōyiju Jesús. ¹² Ito bajiri goti masiore ocana ado bajiro yiyiju Jesús ĩnare:

—Sĭgũ ñasari masa rāca gagu ñayiju. Sōju gaje sitaju wayiju ĩ, “Mu ya sita ĩju ñama mu”, gāji ĩre yitoni. ¹³ ĩ waroto riojuā juā dujamocō ĩre moa ĩsiri masare jiyiju ĩ. Sĭgũ rūyabeto ĩnare niyeru tiri buto waja cutirise ĩsiyiju ĩ. Ito yicōri ado bajiro rotiyiju ĩ ĩnare: “Ito yu waroca riti adi niyeruna moacōri jai busaro niyeru buja ĩsiña mua yure”, yiyiju ĩ ĩnare. ¹⁴ ĩ ya sita gāna ti teyijarā ĩre. Ito bajiri ĩ beroti masa cōayijarā ĩna. “Āni gua ĩju ñare āmobebe gua”, ĩna yi gotitoni ĩnare cōayijarā ĩna. ¹⁵ Ito bajiro ĩna yibojarocati gaje sita gagu ĩju ĩre wame yiyiju. “Mu ya sita ĩju ñama”, ĩ yija bero, ĩ ya sitaju tũdi wayiju ĩ mucana. Itoju tũdi ejacōri, ĩ ya moari masare jiyiju ĩ. “¿Yu niyeru cū warena, nocō jairo niyeru buja remoyijari ĩna?” yiroca, ĩnare jiyiju ĩ.

¹⁶ ĩna ejaja ticōri, cajero gagure seniñasuoyiju ĩ: “¿Nocō jairo niyeru buja remori mu?” yiyiju ĩ ĩre. Ito ĩ yija tuocōri: “Yu ĩju mu ya niyeruna juā dujamocōti mucana tũdi buja remomu yu”, yiyiju ĩ. ¹⁷ Ito yija tuocōri, ado bajiro cudiyiju ĩ ĩju ĩre: “Queno yiyija mu. Queno yure moa ĩsigũ ña mu. Jabetacā yu mure rotija, ñaro bajiroti yure cudiyija mu. Ito bajiri juā dujamocō catori tirānurocare cūa yu mure”, yiyiju ĩ ĩre. ¹⁸ ĩ bero gāji ado bajiro yiyiju ĩ ĩjure: “Yu ĩju, mu ya niyeruna co dujamocōti buja remomu yu”, yiyiju ĩ ĩre. ¹⁹ Ito ĩ yija tuocōri, ado bajiro

yiyyi ũ uju: “Mu yure queno cudire waja co dujamocō catori tirānagū ya mu”, yiyyi ũ ire. ²⁰ ũ bero gāji mucana ũ tu ejayiju. “Yu uju, ado ũa mu ya niyeru. Resurona gūmacōri seocu yu itire. ²¹ Mure tuo güicu yu. Oca sēogū ũa mu. Gājerā ũa otebojareti ēmagū ũa mu. Ito yicōri gājerā ũa bujaboreti ēmagū ũa mu. Ito bajiri mure masicōri mure tuo güicu yu”, yiyyi ũ, ũ ujure. ²² Ito bajiro ũ yija tuocōri, ado bajiro yiyyi ũ uju: “Yure queno moa ũsigū meje ũa mu. Janeti yure mu busigorisenati, mure seoro yigu ya yu. ‘Sēoro yigu ũa mu. Ito yicōri gājerā ya otere ēmagū ũa mu. Ito yicōri gājerā ye ũaboreti ēmagū ũa mu’, yiyyi mago yure. ²³ Ito bajiro yi masibojaguti, ũno yija yu ya niyerure jai busaro buja remora wiju cūbiticati mu? Mucana yu ya wiju tūdi ejacōri jai busaro niyeru ti tūdi eja āmobjocu yu”, yiyyi ũ uju ire. ²⁴ Ito yicōri gājerā itiju ũanare ado bajiro rotiyiju ũ: “ũ racoriti niyerutire ēmaña mua. Ito yicōri jua dujamocō racogure ũsiña mua”, yiyyi ũ inare. ²⁵ ũ ito yija tuocōri: “Tite gua uju. Jua dujamocō niyeru ũacā ire”, yiyyi arā ũa ire. ²⁶ Ito yija ũa uju ado bajiro cudiyiju: “Tite. Ado bajiro muare gotia yu. No yure queno moa ũsigūre jai busaro ire ũsi remogū yiguja yu. Ito bajibojarocati no queno yure moa ũsibicureama ũ racoriseacāti ēma jeocōcujā yu. Ire ēmacōri gāji yure queno moa ũsigūre ũsigū yiguja yu. ²⁷ Ito yicōri uju yu ũare āmobitanare, adojua āmi waya inare. Ito yicōri, yu tiro riojo inare ũiña”, yiyyi uju ũ ya moari masare. Ito bajiri iti oca tuocōri Diore mani queno moa ũsija quena, yi oca goti masioyiju Jesús masare.

*Jerusalénju Jesús ũ ejare gaye
(Mt 21.1-11; Mr 11.1-11; Jn 12.12-19)*

²⁸ Ito ũ yija bero, Jerusalénju wayiju Jesús mucana. ²⁹ ũ waro riojo Olivos wame cūtiri turia ũayiju. Iti turia judo jua cuto ũayiju. Betfagē, ito yicōri Betania wame cūtiri cūtiri ũayiju iti. ũ ejaroto riojua jūarā ũ rāca riasotirāre cōayiju ũ. ³⁰ Ado bajiro yiyyi ũ inare:

—ũ cutoju wasa. Ito ejacōri burro, ũa sia rāgōgūre bujarā yirāji mua. Sigū masu mija jeaũña macu ũagūji maji. Ire ũjacōri āmi wadiba. ³¹ Sigū muare ũ seniñaja: “ũNo yirā ire ũjati mua?” ũ yija, ado bajiro gotiba ire: “Mani ũju ire āmoami”, yiba ire, yiyyi Jesús ũ rāca riasotirāre.

³² Ito ũ yija tuocōri, wayi arā ũa. Ito ejacōri Jesús ũ gotiado bajiro ti bujayi arā ũa ũja. ³³ Burrore ti bujacōri ũjayi arā ũa. Ire ũa ũjaroca ado bajiro seniñay arā ũ ujarā:

—ũNo yija ire ũjati mua? yiyyi arā ũa.

³⁴ ũa ito yija tuocōri:

—Mani ũju ire āmoami. Ito bajiri ire ũja gua, yiyyi arā ũa.

³⁵ Ito yicōri Jesús tuju ire āmi wayi arā ũa ũja. Jesús tu ejacōri ũa ya yutabuju ruacōri burro joe jidi jeoyi arā ũa. Ito yicōri Jesús ũ mija jeatoni ire ejabuay arā ũa. ³⁶ ũ joe jesa wayiju Jesús ũja. Ito bajiro ũ jesa waroca jājarā ũa ya yutabujuri ruacōri ũ waro riojo eyocū yuyi arā ũa. “Gua ũju ũa mu”, yirona ito bajiro yiyyi arā masa, ire rācuborā. ³⁷ Ito bajiro wacuju turia judo ejayiju, Jerusalén roja wara maju. Ito ũ ejaroca ire rācuborā ado bajiro yi awasā wanuyi arā masa: “Rētoro quenagū ũami Dios. Jaje tiyamani manire ũami”, yi awasā wanuyi arā ũa, Diore rācuborā:

³⁸ —Quenarise ũjaro mani ũjare. ũ ũami Dios ũ cūru. ũmacūju gāna cūni wanu quenare rāca ũjaro ũa. Masa jeyaro Diore queno rācuboraro, yiyyi arā ũa Jesure wanurā.

³⁹ Jesure sayarā ũa rāca ũaboyi arā fariseo gaye tuoũarā cūni. Masa ũa ito bajiro wanu busija tuocōri, Jesure ado bajiro yiyyi arā ũa:

—Guare riasogu, ito bajiro mure busi sayarāre, “Busibesa mua”, yiya, yiyyi arā fariseo gaye tuoũarā Jesure.

⁴⁰ Ito bajiro ũa yibojarocati:

—Riti ado bajiro muare gotia yu. Yure ũa awasā wanubeja, masa ũa awasā wanuro bajiro gūta cūni awasā wanuro yiroja, yiyyi Jesús inare.

⁴¹ Ito bajiro wacuti Jerusalénju ticōyiju ũ. Iti cuto gānare tuoũacōri otiyiju Jesús. ⁴² Tuoũa oticōri ado bajiro yiyyi Jesús:

—Wanu quenatūnare buja masibojarāti āmobisjarā ũa. Ito bajiri adocāta buja masiña ma inare. ⁴³ Quenabiti rumari ejaro yiroja inare. Ito bajiri ũa wajana rujabedo inare camotarā yirāji. Ito yicōri coju ruyabeto camotarā yirāji inare ũarona. ⁴⁴ Ito bajiro yicōri inare ruyurio jeorā yirāji. Ito yicōri inare ũarā yirāji. Inare ũacōri ũa cuto Jerusalénre dara baterā yirāji ũa. Ito bajiri ũa camotabojare gūta ũarocōti quedicaro yiroja. Ito bajiro rētarō yiroja, inare Dios boca āmi āmobjarocati ũa āmobitire waja, yiyyi Jesús.

*Dios ya wiju niyeru wasoari masare Jesús ũ bucōare gaye
(Mt 21.12-17; Mr 11.15-19; Jn 2.13-22)*

⁴⁵ Ito bajiro Jerusalénju ejacōayiju Jesús ĩja. Ito bajiro ejacōri Dios ya wiju sājayiju ĩ. Ito sājacōri waja gāmeri masare ti bujayiju Jesús. ĩnare ti bujacōri ĩnare bucōayiju ĩ. ⁴⁶ Ito yicōri ado bajiro yiyiju ĩ:

—Dios oca tuti ado bajiro gotia: “Yure rūcubūorona yu ya wi sājārā yirāji masa”, yi gotia Dios oca tuti. Maa ito bajiro niyeru gāmeri waja yija, riniri masa ĩna rudirijū robo bajiro ya mua, yi tudiyiju Jesús waja gāmeri masare.

⁴⁷ Jerusalén ñagū co rāmu rūyabeto Dios ya wiju masare riasosotiyiju Jesús. Ito bajibojarocati paia ujarā, judio masa rotirise riasori masa, ito yicōri cuto ujarā cūni ti tujabisijarā ĩna. Ito bajiri ado bajiro yi tuoīayijarā ĩna: “ ĩre seti ña’, mani yija, ĩre sīārā yirāji mani”, yi tuoīayijarā ĩna. ⁴⁸ Ito bajibojarocati masama Jesure wanūcōri bato busa ĩre tuorūnyijarā ĩnama. Ito bajiri, “Seti ña ĩre”, yi masibisijarā ujarā mesa.

20

*¿Ñimu ĩ rotijare ito bajiro yati mu? yi Jesure ĩna seniñare gaye
(Mt 21.23-27; Mr 11.27-33)*

¹ Co rāmu Dios ya wiju masare riaso ñayiju Jesús. Masare Dios ĩ masore gayere ĩnare riaso ñayiju Jesús. Ito bajiro ĩ riaso ñaroca paia ujarā ejayijarā. Ito yicōri judio masa rotirise riasori masa, judio masa bucārā cūni ejayijarā. ² Jesús tū ejacōri ado bajiro seniñayijarā ĩna:

—¿Waja gāmeri masare mu bucōaja ñimu rotirisena ĩnare bucōati mu? Ito yicōri, ¿ñimu mure cūcati ito bajiro mu yitoni? yi seniñayijarā ĩna Jesure.

³ ĩna ito yija tuocōri:

—Yu cūni mūare ado bajiro seniña yu. Cūdiya mua cūni yure. ⁴ ¿Ñimu masare Juan ĩ idé gutoni cōayijari? ¿Dios ĩre cōayijarite? ¿Masa ĩre cōayijarite? yi seniñayiju Jesús ĩnare.

⁵ Ito bajiro ĩ yija tuocōri, ĩnamasiti gāmeri tuoīa busiyijarā ĩna:

—¿No bajiro ĩre cūdirujati mani? “Dios cōayiju ĩre”, mani yija, “¿No yija ito bajibojarocati ĩre tuorānūbīticati maa?” yigu yiguñji ĩ manire, yi tuoīayijarā ĩna. ⁶ “Masa cōaru ñami Juan’, mani yija, masa manire junisinicōri gūtagāna manire rea sīārā yirāji. ‘Diore yiari busiñi Juan’, yi tuoīacōri gūtagāna rea sīārā yirāji ĩna manire”, yi tuoīa gāmeri busiyijarā ĩna. ⁷ Ito bajiro tuoīacōri ado bajiro cūdiyijarā ĩna Jesure:

—“ĩ ñañi masare idé gutoni cōaru”, yi masibea gua, yiyijarā ĩna Jesure.

⁸ ĩna ito yija tuocōri:

—“ĩ rotirisena ya yu”, yi gotibicuja yu cūni, yiyiju Jesús ĩnare.

*Queno moare rujeo masimena Jesús ĩyire gaye
(Mt 21.33-44; Mr 12.1-11)*

⁹ Ito yicōri masare busisūoyiju Jesús mūcana. Ado bajiro goti masiore ocana gotiyiju Jesús ĩnare:

—Sīgū ñayiju uyé wese, rūcogu. Gaje sita yoari warocū ĩ ya uyé wesere gājerā moari masare wasoayiju ĩ. Ito yicōri yoari gaje sitaju ñayiju ĩ. ¹⁰ Uyé iti rica cutiroca sīgū ĩ ya moari masare cōayiju ĩ, ĩ ya ote āmitoni. Iti ote coderi masa ĩ wadija ticōri, ĩre jaīosācōyijarā ĩna. Ito bajiri ñe macati tūdi wayiju ĩ. ¹¹ Ito bajiro ñe macati ĩ ejaja ticōri, gāji ĩre moa ĩsiri masare cōayiju ĩ. Iti ote coderi masa ĩ ejaja ticōri, ĩre tiboyijarā ĩna. Ito yicōri jaīosācōyijarā ĩna. Ito bajiri ĩ cūni ñe macati tūdi wayiju. ¹² ĩ ito bajija ticōri, gājire cōayiju mūcana. ĩ ejaja ticōri, ito bajiroti ĩre cūni jaīosācōyijarā ĩna mūcana.

¹³ ĩti jeyaro bajija ticōri, ado bajiro tuoīayiju iti sita uju: “¿No bajiro yirujati yu? Ado bajiro yicūja yu. Yu macu, yu maigūre cōagū ya yu. ĩre ĩna tija rūcubūorā yirāji gajea”, yi tuoīabojayiju ĩ. ¹⁴ ĩ macu ejaja ticōri, ado bajiro ĩnamsi gāmeri tuoīa busiyijarā ĩna, ote coderi masa: “Āni ñami adi sita uju ĩ godaja bero boca āmirocu. ĩre sīacācōruja, manijua bujana yirona”, yi tuoīa gāmeri busiyijarā ĩna. ¹⁵ Ito bajiri ĩre tucōa wacōri sīayijarā ĩna, yi oca goti masioyiju Jesús masare. Ito yicōri ado bajiro ĩnare seniñayiju Jesús:

—ĩna ito bajiro yija, ¿no bajiro yigu yiguñjida iti sita uju? ¹⁶ Ado bajirojua yigu yiguñji. Ote coderi masa tū ejacōri ĩnare sīagu yiguñji. Ito yicōri ĩ ya sita gājerāre wasoagu yiguñji. Dios cūni ito bajiroti yigu yiguñji. No ĩ cōarure boca āmimenareti ruyuriogu yiguñji Dios, yiyiju Jesús ĩnare.

Ito bajiro ĩ yija tuocōri, ado bajiro yiyijarā ĩna:

—Iti ito bajiro rētame yirocu camotajaro Dios, yiyijarā ĩna.

¹⁷ ĩnajuare ticōri ado bajiro yiyiju Jesús:

—¿Ne yireoni ñati adi Dios oca tuti gaye mua tuoīaja?

Gūta wi meniri masa coga gūtagā cōayijarā ĩna. Ito bajibojarocati gaje gūta rēto busaro quenarica űayiju itiga ĩna cōabojaraga. Itiga gūtagāna suoriti quenari wi menigū yiguĵi Dios. Itiga gūtagā manija, űe menire manoja ĩja, yi gotia Dios oca tuti.

¹⁸ No gūtagā joe quedi jeagure ĩ ya gōari jearo yiroja. Ito yicōri itiga gūtagā sīgure iti quedi jeaja mano abocōro yiroja. Ado bajiro bajia iti oca. No Dios ĩ cōarure tuorūnabicu catitūnabicu yiguĵi ĩocū. Ito yicōri jeame űjaroju ĩ cōa āmorāre ruyurioroca cōagū yiguĵi ĩ, yi gotiyiju Jesūs masare.

¹⁹ Ito bajiro Jesūs ĩ oca goti masioja tuocōri, “Manireti busiami”, yi tuo masiyijarā paia űjarā, judio masa rotirise riasori masa cūni. Ito bajiri Jesure űia āmoyijarā ĩna. Ito bajibojarocati masare giūrā űia masibisijarā ĩna maji.

űjarāre manĳ waja ruyurioja űaro bajiroti waja yija quena, Jesūs ĩ yire gaye
(Mt 22.15-22; Mr 12.13-17)

²⁰ ĩre űia masibiticōri coriarā Jesūs rāca baba cuti ruoronare cōayijarā ĩna: “Titēna. Sita űjarāre ĩ busituja tuoba. ĩ busituja tuocōri, ĩre seti űa”, yirā yirāji mani. Ito yicōri adi sita űju tuju ĩre āmi warā yirāji mani”, yiyijarā ĩna. ²¹ Jesūs rāca baba cuti ruoana ĩ tu ejačōri, ado bajiro ĩre gotiyijarā ĩna:

—Guare riasogu, jeyaro mu riasorise, mu busirise riti űasarise űa, yi tuoĳa gua. Masa űasari masa, űasamenare cūni corocōti ti maia mu. Dios ĩ āmoro bajiro masa ĩna yitoni, queno riasoa mu. ²² Ito bajiri ado bajiro mare seniĳa gua: “ĳRoma cuto gagu űjare ĩ rotiado bajiroti ĩre gua waja yija quenati? ĳĩre gua waja yibeja cūni quenatite?” yi seniĳayijarā ĩna Jesure.

²³ Ito bajiro ĩna yibojarocati ĩna űeĳaro tuoĳarisere tuo masicōyiju Jesūs. Ito bajiri ado bajiro yiyiju ĩ ĩnare:

²⁴—Adi sita gaye niyeru cuji ĩsiĳa yure, yiyiju Jesūs.

Iti cuji niyeru cuji boca āmicōri ado bajiro seniĳayiju Jesūs ĩnare:

—ĳĳimu ya rio ito yicōri űimu wame wāĳati adi cujiĳu? yi seniĳayiju Jesūs ĩnare.

Ito ĩ yija tuocōri:

—Adi sita űju rioti űa, ito yicōri ĩ wame cūni, yiyijarā ĩna Jesure.

²⁵ ĩna ito yija ado bajiro cudiyiju Jesūs ĩnare:

—Sita űju gaye iti űajama ĩreti ĩsiĳa quena. Ito yicōri Dios ye iti űaja Diore ĩsiĳa quena, yiyiju ĩ ĩnare.

²⁶ Ito bajiro queno Jesūs ĩ cudija tuocōri, masa tuoro riojo oca meni masibisijarā ĩna. ĩ queno cudi masija ticōri, mano űcayijarā ĩna. Ito bajiri ĩre oca meni āmobjarāti busibisijarā ĩna ĩja.

ĳGodacōri tūdi caticoarā yirājida masa? yi Jesure ĩna seniĳare gaye
(Mt 22.23-33; Mr 12.18-27)

²⁷ Ito ĩ haji űaroca coriarā saduceo gaye tuoĳarā, Jesure ti āmorā ejayijarā. Saduceo gaye tuoĳarā, “Godabojarāti mūcana tūdi catire manoja”, yi tuoĳarā űayijarā ĩna. Ito bajiri ado bajiro Jesure seniĳayijarā ĩna:

²⁸—Guare riasogu, Moĳsēs űayoru ado bajiro űcayoĳi: “Rĳjoru űnasogu rĳa macuti manojore ĩ godagoja ĩ ocabaji manojore cuti wasoaja quena. Ito bajiro yiguti ĩ rĳjoru űabojarare rĳa cuti ĩsigū yiguĵi”, yi űcaĳi Moĳsēs űayoru, yiyijarā ĩna Jesure.

²⁹ Gaje ado bajiro gotiyijarā ĩna Jesure:

—Mare oca gotia gua. Sīgū rĳa ado bajiro rētayijarā. Jua āmojeno űayijarā ĩna. űnasogu manojore cutibojaguti rĳa macuti godagoyiju. ³⁰ ĩ bero gagu manuju godagoro rāca manojore cutibojayiju. ĩ cūni rĳa macuti godagoyiju. ³¹ Ito yicōri ĩna bero gagu cūni manuju godagoro rāca manojore cutibojayiju. ĩ cūni rĳa macuti godacoayiju. ĩ bero gāna cūni isore manojore cuticōri, rĳa manati goda jediyijarā ĩna. ³² ĩna goda jedija beroju goda űyayijio ĩna manojore űabojaro cūni. ³³ ĳŪmacĳju mūcana tūdi ĩna catija űimu manojorua űasagōjida ĩna jeyaro manojore iso űaja bero? yi seniĳayijarā ĩna Jesure.

³⁴ Ito yija Jesūs ado bajiro cudiyiju ĩnare:

—Adi tutijū masa ĩna űaja, manojore cuti, manuju cuti yama ĩna. ³⁵ Adi tutijū ito bajiro ĩna yi űabojarocati mūcana tūdi caticōri, Dios tuju ĩna eaja manojore cutire manojore itojuaama. Ito yicōri ĩna rĳa romiare manojore cuti rotimenaji ĩna. ³⁶ Dios rĳa űari mūcana tūdi catirā yirāji ĩna. Ito yicōri juaji godamenaji ĩna. Āngel mesa robo bajiro bajirā yirāji ĩna ĩja. ³⁷ Gaje Moĳsēs űayoru ĩ űcare ticōri, “Godana mūcana tūdi catirā yirāji”, yi tuoĳa mani. Yucu tutu űjrise wato Dios oca ruyurisere űcayoyiju Moĳsēs. Ado bajiro gotiyiju Dios Moĳsēsre: “Yu űa Abraham űju, Isaac űju, ito yicōri Jacob űju cūni”, yiquĳi Dios yure, yi űcayiju Moĳsēs űayoru. ³⁸ Iti oca tuocōri, “Godana űju meje űami Dios. Catirā űjuĳua űami”, yi tuoĳa mani. Godana űabojarāti Dios ĩ tija catirā riti űarāji masa, yiyiju Jesūs ĩnare.

³⁹ Ito ĩ yija tuocōri, judio masa rotirise riasori masa, ado bajiro yiyijarā ĩna:

—Queno ñaro bajiro ti tuo masia, gua ʻUju mu, yiyijarã ña Jesure.

⁴⁰ Ito yicõri queno masigã ña ñajare ñejuã gaje seniãa uya masibisijarã ña.

¿Ñima janami ñayijari Cristo mua tija? yi Jesús ñ seniãare gaye
(Mt 22.41-46; Mr 12.35-37)

⁴¹ Ito bero ado bajiro ñare seniãayiju Jesús:

—¿No yija, “David ñayoru janerãbatia janami ñami Cristo”, yati masa? ⁴² David ñayoru ñmasiti, Salmos wame cutiri tutiju ucagu ado bajiro yifi:

Yu ʻUjare ado bajiro yifi Dios: “Yu ya riojocaduãa rucubõoraãu, rujiya mu.

⁴³ Mu wajanare mu rêtocũroca yigu yigujã yu”, yifi Dios yu ʻUjare, yi ucayõni David.

⁴⁴ ¿No yija, “Yu ʻUju ñami Cristo”, yiyijari David ñayoru? Cristo David janerãbatia janami ñacõri, ¿no bajiro David uju bajiyijari Cristo? Ñ janerãbatia janami ña ñaja, “Yu ʻUju”, yibitibõru David ñayoru, yiyiju Jesús ñare.

“Seti ña muare”, judio masa rotirise riasori masare, Jesús ñ yire gaye
(Mt 23.1-36; Mr 12.38-40; Lc 11.37-54)

⁴⁵ Ñ rãca riasotirãre, Jesús ñ busi ñaroca jãjarã masa tuo ñayijarã. Ado bajiro yiyiju Jesús ñare:

⁴⁶ —Judio masa rotirise riasori masa bajiro mua yibe yirona queno tuoãña mua. Tite. Ado bajiro yama ña. Yutabujuri quenarise yoarise sãñacõri masa ña tiro riojo wa ucu ñmorãji ña. Ito yicõri cuto gudareco gãjire ña canamõõja, rucubõore rãca seniãare ñmorãji ña. Minjuara wiju sãjacõri rucubõora cumuro ruji ñmorãji ña. Ito yicõri basari rumu cuni ñsari masa tu riti ba ruji ñmorãji ña. ⁴⁷ Manuju godagoana romiare cuni ña ya wiri ñmarãji ña. Ito yicõri masa ña tiro riojo yoari Diore busirãji ña. “Queno yirã ñama ña”, masa yi tuoãjaro yirona yoari Diore busirãji ña. Ito bajiro ña yija quenabetõja. Ito bajiri ñeñaro ña yirise waja, waja yirã buto busa quenabetõ tobujarã yirãji ña. ñare bajiro mua yibe yirona queno tuoãña mua, yiyiju Jesús masare.

21

Wajego bojoro bujago Diore niyeru iso ñsire gaye
(Mr 12.41-44)

¹ Dios ya wiju Jesús ñ ñaroca masa Diore yiari niyeru ña sãri jedore ña niyeru sãja ti codeyiju ñ. Ito bajiri niyeru jairãre cuni ña sãja tiyiju ñ. ² Ito yicõri manuju godagoro bojoro bujago ñabõjagoti juati niyeruti waja mani iso sãja tiyiju Jesús. Cobre ñayiju iso sãrise. ³ Ito bajiro iso yija ticõri, ado bajiro yiyiju Jesús:

—Riti muare gotia yu. Niyeru jairã rëto busaro ñsiamõ adio bojoro bujago. ⁴ ña niyeru jairã jaje rucocõri rëtarisere ñsiamõ ña. Iso bojoro bujagoama ñarocõti, iso rucobõjariseti ñsiamõ, yiyiju Jesús ñare.

Dios ya wi õjea bate godaro yiroja, Jesús ñ yire gaye
(Mt 24.1-2; Mr 13.1-2)

⁵ Ado bajiro busiyijarã coriarã, Dios ya wire ti tuoãcõri:

—Queno seyo quenari wi ña adi wi. Adi wi gãta quenarisena ña menira wi ña. Ito yicõri jãjarã Diore yiari iti wire rucubõorã, iti wi ñarotire ñsini ña, yiyijarã ña.

Ña ito yija tuocõri, ado bajiro yiyiju Jesús:

⁶ —Co rumu ado jeyaro mua ti ñabõjarise gãjerã ruyuriorã yirãji. Ito bajiri adi wi gaye gãtagã gajega joe jesabetõ yiroja, yiyiju Jesús ñare.

Adi amuari jediroto riojua ado bajiro rëtarõ yiroja, Jesús ñ yire gaye
(Mt 24.3-28; Mr 13.3-23)

⁷ Ito ñ yija ado bajiro seniãayijarã ña ñre:

—Guare riasogu, ¿nocãta rëtarõ yirojada iti guare mu busirise? ¿no bajiro ti masicõri, “Ito bajiro rëtarõ ya”, yi masirã yirãjida gaa? yiyijarã ña Jesure.

⁸ Ito bajiri Jesús ado bajiro yiyiju:

—Queno tuoãña mua, gãjerã ña muare ruobe yirona. Jãjarã muare ruorõna ejarã yirãji ña. “Yuti ña Cristo”, yirã yirãji ña. Ito yicõri, “Adi rumuriti ña, susari rumuri”, yi ruorã yirãji ña. Ito bajiri ñare tuorãnubeja mua. ⁹ Masa ña gãmeri sãrise gaye mua tuoãja, ito yicõri ujarãre, masa ña queno tuo amõbeja, ña oca meni amõja cuni gãibeja mua. Ito bajiro rëtarõ yiroja cajero susari rumu iti ejaroto riojua, yiyiju Jesús ñare.

¹⁰ Ito yicõri macana ado bajiro goti remoyiju:

—Co masa ñabõjarãti gãmeri sãrã yirãji ña. Ito yicõri co sita gãna gaje sita gãna rãca gãmeri sãrã yirãji. ¹¹ Co cuto meje sita buto uero yiroja. Ñiocõrã yirãji masa. Ñarise ñaro yiroja. Ito yicõri umacũju gaye guijõrise tiyamanõ goãlorõ yiroja.

¹² Iti jeyaro rëtaroto riojua, yure tuorünurã maa ñajare muare ñiarã yirãji. Ito yicõri maa tõbujaroca yirã yirãji ña. Minijuaa wiju ujarã riojo, “Ñare seti ña”, yirona muare ãmi warã yirãji ña. Yure tuorünurã maa ñajare tubiara wiju muare cürã yirãji ña. Masa ujarã, sita ujarã riojo cuni, “Ñare seti ña”, yirona ãmi warã yirãji ña muare. ¹³ Ito bajiro muare ña yija, “Jesure rãcuborã ña gna”, yi gotirã yirãji maa. ¹⁴ “Muare seti ña”, ña yija, “Ado bajiro cudiana mani”, yi tuoia usriobeja. ¹⁵ Maa queno cudi masitoni tuo masire gaye muare jidicãgũ yigujã yu. Ito bajiri queno maa busi masijare, maa wajana sigũjua muare busi rëtocũ yimena yirãji. ¹⁶ Maa jacusabatia, maa baba mesa, maa ñarã, ito yicõri maa co masi, muare gãjerã ñiatoni gotirã yirãji. Ito yicõri maa coriarãre sïarã yirãji ña. ¹⁷ Ito yicõri yure tuorünurã maa ñajare masa jeyaro muare ti tudirã yirãji. ¹⁸ Queno muare tirũngũ yigujã yu. Ito bajiri corã joara godabeto yiroja muare. ¹⁹ Yure maa tuorünurise maa jidicãbeja catitũñarã yirãji maa, yiyiju Jesũs ñare.

²⁰ Mucana ado bajiro goti remoyiju Jesũs:

—Jerusalénju surara ña gãni biaja tuocõri, “Nocõ mejeti adi cãtore ruyuriorã wana yama”, yi tuoiarã yirãji maa. ²¹ Ito bajiri Judea sita gãna, gãta yucuriju rudirũjarãji ña. Ito yicõri Jerusalén catoju ñarã, iti cãtore budigorũjarãji ña. Ito yicõri joaju ñarã catojuare wija wadibitũjarãji ña. ²² Ito rumuri buto ñeñaro tõbujarã yirãji masa. Dios oca tuti iti gotiro bajiroti, rëtarõ yiroja. ²³ Bujato bujarã yirãji iti rumuri macũ sãñarã ñarã. Ito yicõri macucãre ñjurã cuni bujato bujarã yirãji. Ito rumuri iti sitare ñarise jaje ñaro yiroja. Ito yicõri ñeñaro tõbujarã yirãji ña. ²⁴ Masa jãjarã godarã yirãji ña gãmeri sïaroca. Ito yicõri gãjerãre ñiacõri jaje cãtoriju tubiarã yirãji ña. Ito yicõri gaje sita gãna gãjerã ñabojarãti Jerusalén catoju ejaçõri ñarã yirãji ña. Dios ã ãmorocõti iti sitare ñarã yirãji ña, yiyiju Jesũs ã rãca riasotirãre.

Yu Masa Rïjoru tũdi ejaçu yigujã, Jesũs ã yire gaye
(Mt 24.29-35,42-44; Mr 13.24-37)

²⁵ Mucana ado bajiro goti remoyiju Jesũs:

—Susari rumuri ejaroto riojua ãmacãñi ãmua gagu, ñami gagu, ito yicõri ñocõare cuni, tiyamani jaje goaro yiroja. Ito yicõri adi tutiju ñarã, sigũ bajiro riti tuoiacõri ña masimena yirãji ña. Ide jacũrise buto iti ruyuja tuocõri, buto tuoia oca jairã yirãji ña. ²⁶ Adi macãrucãro gaye rëtaroti tuoia gãirã, usi jedirã yirãji masa. Ñocõa cuni quedicoarã yirãji. ²⁷ Ito yicõri yu Masa Rïjorure tirã yirãji masa. Ide buerina wadigu yigujã yu. Dios ã rotirisena queno ruyugu yigujã yu, masa ña tija. ²⁸ Ito ito bajiro rëtarõ wado yiroca wanu oca seõcõri ti muorã yirãji maa. Yoari mejeti masogũ yigũji Dios muare, yiyiju Jesũs masare.

²⁹ Gaje goti masiore ocana ado bajiro gotiyiju Jesũs ñare:

—Higueragure tuoiate maa. ³⁰ Itigu jũ buja ticõri, “Jabeto rãya cuma ejaroto”, yi ti masia maa. ³¹ Ito bajiroti, jiju yu gotirise bajiro iti rëtaja ticõri, “Jabeto rãya ñe tuorünurãre Dios ã miojuroto”, yi masirã yirãji maa, yiyiju Jesũs ñare.

³² Riti muare gotia yu. Adi macãrucãro gãna ña goda jediroto riojua, yu busiro bajiroti rëtarõ yiroja. ³³ Adi sita macãrucãro cuni jedicoaro yiroja. Ito bajibojarocati yu ya ocama jedibeto yiroja. Yu gotiãdo bajiroti rëtarõ yiroja, yiyiju Jesũs ñare.

³⁴ Queno tuoiaña maa. Basa gaye riti tuoia rëtocũ yibeja. Ito yicõri mecubeja. Ito yicõri adi macãrucãro gaye riti tuoibeja. Ito gaye riti maa tuoiaja, yu tũdi ejari rumu mano ucãrã yirãji maa. Ñacãmena yirãji maa. ³⁵ Adi macãrucãro gãna jeyaro yu tũdi ejari rumu mano ucãrã yirãji. Yu tũdi ejari rumu yure bocati ñamena yirãji ña. Ito bajiri mano ucãrã yirãji ña. ³⁶ Ñare bajiro bajibeja muama. Queno ña yucãña maa, yu ejaroto riojua. Ija iti rëtaroti gayere muare rëtare yirona Diore busitũñasotiba maa. Ito yicõri yu Masa Rïjoru riojo maa ña masitoni Diore busitũñasotiba maa, yiyiju Jesũs ñare.

³⁷ Co rumu rãyabeto minijuaa wiju masare Dios oca gotisotiyiju Jesũs. Ito yicõri ñamijua Olivos wame cãtiri tãriaju canigũ wasotiyiju ã. ³⁸ Co rumu rãyabeto busuri jiju ejaotiyijarã masa ã busirisere tuorona.

22

¿No yicõri Jesure ñiarujati mani? ña yi tuoiare gaye
(Mt 26.1-5,14-16; Mr 14.1-2,10-11; Jn 11.45-53)

¹ Ito rumuriti cõña wayiju naju wadarise uco wũoya mani bare basa. Gaje Pascua wame cutiyiju iti basa. ² Jesure siarona, ¿no bajiro yicõri sïarujati mani? yi tuoia yijarã paia ujarã, ito yicõri judio masa rotirise riasori masa. Ñe sïa ãmbojarãti masajuare tuo gãiyijarã ña.

³ Ito rumuriti Judas Iscariotere rãmãa uju Satanás wame cutigu quedi sãjayiju. Judas ñayiju jua gubojeno ñagũ Jesũs rãca riasotigu. ⁴ Paia ujarã ito yicõri minijuaa wi ujarãre cuni busigu wayiju ã. ¿No bajiro muare Jesure gotigati yu? yirocu, ñare busigu wayiju ã. ⁵ Ito ã yija tuocõri,

wanəyijarā ina. Ito bajiri, “Mure niyeru İsiiana gua”, yiyijarā ina Judasre. ⁶ İna ito yija tuocōri, ñaro bajiroti cadiyiju İ. “¿Nocāta masa mano İnare İogū yigujada yu?” yi tuoİa İayiju İ.

Jesús İ basusare gaye

(Mt 26.17-29; Mr 14.12-25; Jn 13.21-30; 1 Co 11.23-26)

⁷ Ito yija naju wadarise uco wəoya mani bare basa ejayiju. Iti ramu Pascua ñaroca Diore rucuborā oveja macu siacōri İna soera ramu İayiju. ⁸ Ito bajiri Pedro, Juanre ado bajiro gotiyiju Jesús İnare:

—Mani Pascua basa mani baroti quenotēña, yiyiju Jesús İnare.

⁹ Ito İ yija tuocōri, İre seniİayijarā İna:

—¿Noju gua quenore āmoati mu? yiyijarā İna.

¹⁰ Ado bajiro İnare cadiyiju Jesús:

—Catoju mua ejaja ide gōna wacure ti bujarā yirāji mua. Ito bajiri İre saya warā yirāji mua. İ bero wacōri İ sājari wiju ejaba mua. ¹¹ Iti wi ujure ado bajiro gotiba mua. “¿Di sōa İnati yu riasorā rāca Pascua basa baroti sōa?” yimi mani Uju, yi gotiba İre. ¹² Ito bajiro mua yija tuocōri, co tuti weca İnari sōa, jaja sōa, quenocāra sōa muare gotigu yiguİji. Muare İ gotija bero itı sōaju bare menima mua, yiyiju Jesús İnare.

¹³ Ito İ yija tuocōri, wayijarā İna. Itoju ejacōri İ gotiado bajiroti bujayijarā İna. Ito yicōri bare meniijarā Pascua basa ñaroca İna baroti.

¹⁴ Bare İjaroca Jesús İ rāca riasotirā rāca bare jeoado tu rujiijarā İna. ¹⁵ Ito yija ado bajiro İnare gotiyiju Jesús:

—Yure İna siaroto rioju adi Pascua basa mua rāca basusarocu ruje tuoİacu yu. ¹⁶ İtire mucana tıdı mua rāca babicu yigujaja yu, Dios rotiroju İre tuorūnarāre İ miojuroto rioju, yiyiju Jesús İnare.

¹⁷ İ ito yija bero rujatēro āmi rucocōri, “Queno ya Dios mu”, yiyiju İ. Ito yicōri İnare ado bajiro yiyiju Jesús:

—İmo adi muamasiti bato idiya. ¹⁸ Dios rotiroju İre tuorūnarāre İ miojuroto rioju, mua rāca juaji uyé ide idibicuja yu, yiyiju Jesús İnare.

¹⁹ Ito bero İ ya āmona naju āmi rucocōri, “Queno ya Dios mu”, yiyiju. Ito bero igata batocōri ado bajiro yiyiju İnare:

—Adi İa yu ya ruju robo bajiro bajirise. Muare yiari goda İsigū yigujaja yu. Ito bajiri itı bacōri yure tuoİama mua, yiyiju İ İnare.

²⁰ İna baja bero ito bajiroti yiyiju uyé ide tērona. Ado bajiro yiyiju İnare:

—Yu ya rı muare yiari itı budija ticōri, “Riti İa Dios İ gotire. Bucu oca jidicācōri mame oca wasoāni Dios”, yirā yirāji mua, yiyiju Jesús İnare.

²¹ Mucana busigu ado bajiro yiyiju Jesús:

—Gājerā yure İna İnatonı gotirocu ado mani rāca İnaguİji. ²² Yu İa Masa Rİjoru. Dios İ āmoro bajiroti rētarı yiroja yure. Ito bajıbojarocati masa yure İnatonı gotirocu bujato bujagu yiguİji, yiyiju Jesús İnare.

²³ Ito İ yija tuocōri, İnamasiti gāmerı seniİayijarā İna:

—¿Nimu İnaguİjıda İnatonı gotirocu? yiyijarā İna.

¿Nimu İnaguİjıda İnasagu İnarocu? yi Jesure İna seniİare gaye

²⁴ Ito yija ado bajiro gāmerı tuoİa busiyijarā İna:

—¿Nimu İnaguİjıda mani wato rētorı İnasagu İnarocu? yi tuoİayijarā İna.

²⁵ Ito bajiro İna tuoİaja ticōri, ado bajiro yiyiju Jesús İnare:

—Adi macārucāro gāna ujarā İnasarā İna ya moari masare rotirāji. Ito bajiri İna moa İsiri masajua İe gaje yire manıjare, riojoti “Baı, quena İa”, yicōrāji İna. ²⁶ Muama ito bajiro meje bajırıja. İnasari masa mua İa āmoja, “İnasarā meje İa gua”, yi tuoİarā yirāji mua. Ito yicōri no rotiri ması İa āmogū, muare İ moa İsija quena. ²⁷ Mua tıja İİimıjua İnati İnasari ması ba rujiğıjua, ecari masıjua? Yu tuoİaja, ba rujiğıjua İnami İnasagu. Ito bajiri mua Uju İnabojaguti, muare moa İsiri ması robo bajiro ado mua watoju İa yu, yiyiju Jesús İnare.

²⁸ Coji ruıabeto yu tōbıjaja yu rāca İnatıİnacı mua. Gājerā yure ti tudıbojarocati muama yure jıdicābitıcu. ²⁹ Yu rotırotoju yure cıgū yıguİji Dios. Ito bajiri mua cıni yu rotıroju yu rāca İnarā yirāji mua. ³⁰ Yu rāca barā yirāji mua. Itoju yu rāca İnarā ujarā İna rujiıı cumuroju rujiıı yirāji mua cıni. Ito yicōri İsrail sita gāna juı gıbojeno masa buturi gānare yu rāca beserā yirāji mua, yiyiju Jesús İnare.

“Jesure masıbea yu”, yıgı yıgıjaja mu, Pedroke Jesús İ yire gaye

(Mt 26.31-35; Mr 14.27-31; Jn 13.36-38)

³¹ Gaje ado bajiro gotiyiju mani Uju:

—Simón tʔoya ma. Trigo ajeri İna sġuē bateado bajiro mʔare yi āmoami rāmúa uju. Mure rucocōri mʔ uju ŋa āmogulji Satanás wame catigu. ³² Ito ĩ yi āmobarocati mʔare yiari Diore busisotia yu, Diore mʔ tʔoŋa jidicābititoni. Mucana yare mʔ tʔorānu quenoja mʔ ŋarā yure İna tʔorānu oca sēotoni İnare ejabuaba, yiyiju Jesús Simón Pedrore.

³³ Ito bajiro ĩ yija tʔocōri, ado bajiro yiyiju Simón Pedro:

—Yu ŋju mure İna tubiaja, mure İna sġaja canı mʔ rāca waroca ŋacā yu. Mure jidicābicuja yu, yiyiju ĩ Jesure.

³⁴ Jesujua ado bajiro yiyiju Pedrore:

—Riti mʔare gotia yu. Adi ŋamiti busurijua cara ĩ yujiroto riojua uđiaji, “Jesure masibea yu”, yigu yiguja mʔ, yiyiju Jesús Simón Pedrore.

Jesure İna sġaroti cōŋa ware gaye

³⁵ Ito ĩ yija bero ado bajiro yiyiju Jesús ĩ rāca riasotirāre:

—Yu oca goti ucuroña cōacu yu mʔare. “Niyeru sāra buju, guboco canı āmima”, yibiticu yu mʔare. Ito bajiro yu yibobarocati disejua mʔare ruyabiticu, yiyiju Jesús İnare:

—Ri ya mʔ, ruyabitibojacu guare, yiyijarā İna Jesure.

³⁶ İna ito yija ado bajiro cūdiyiju Jesús İnare:

—Adocātamuri İja mʔare rotia yu. No niyeru rucocu, niyeru sāra buju rucocu canı āmi waja quena. Sarera jāi rucobicu ĩ ya camisa İsicōri wasoa āmija quena. ³⁷ “Ñeñaro yirāre İna sġado bajiro sġarā yirāji İre”, yi gotia Dios oca yare rētaroti gaye. Ito bajiroti rētaro yiroja iti, yiyiju Jesús İnare.

³⁸ Ito ĩ yija tʔocōri:

—Gua ŋju ado ŋa jua jāi sarera jāiri, yiyijarā İre.

—Itocō ŋajaro maji, yiyiju Jesús İnare.

Getsemani wame cutiri weseju Jesús ĩ Diore rācubure gaye

(Mt 26.36-46; Mr 14.32-42)

³⁹ Ito ĩ yija bero ĩ yisotiro bajiro yigu Olivos wame cutiri turiaju wayiju ĩ. Ito bajiri ĩ rāca riasotirā İre suya wayijarā. ⁴⁰ Diore ĩ busisotiroju ejacōri ado bajiro gotiyiju Jesús İnare:

—Diore seniña mʔa ñeñaro yibe yirona, yiyiju Jesús İnare.

⁴¹ Ito yicōri İnare cūcōri gūtagā rea ŋucaja quedirocō wayiju Jesús. Ito yicōri ŋini rūjūcōri Diore busiyiju Jesús. ⁴² Ado bajiro yiyiju ĩ Diore:

—Cuna mʔ āmoja ija yu tōbujaroti gaye camotaya. Ito bajibobarocati yu āmoro bajiro meje mʔ yija quena. Mʔ āmoro bajirojua mʔ yija quena, yiyiju Jesús Diore.

⁴³ Ito ĩ yija bero sġgā āngel İre goaİcōri ĩ oca sēoroca yiyiju. ⁴⁴ Buto tʔoŋa oca jaicōri tōbujayiju ĩ. Ito yicōri buto oca sēocōri Diore busiyiju. Buto oca sēocōri ĩ busiroca riti asi budirise bajiro ri budiyiju İre.

⁴⁵ Diore tʔigwā tġogwā wamʔ rügūcōri mucana ĩ rāca riasotirā tu wayiju ĩ. İna tu ejacōri tiyiju ĩ. Buto tʔoŋa oca jaicōri caniana ŋayijarā İna. ⁴⁶ Ito yija ado bajiro yiyiju ĩ:

—¿No yija caniatı mʔa? Diore seniña mʔa ñeñaro yibe yirona, yiyiju Jesús İnare.

Jesure İna ŋiare gaye

(Mt 26.47-56; Mr 14.43-50; Jn 18.2-11)

⁴⁷ Jesús ĩ busiroca riti, masa jājarā ejayijarā. İnare ūmatā wacu Jesús tu eja rügūyiju Judas wame catigu. İ ŋayiju Jesús rāca riasotigoru jua gubojeno ŋarā rāca ŋagoru. Jesús tu ejacōri wayugaju muwācōri usuyiju İre. ⁴⁸ İto yija ado bajiro yiyiju Jesús İre:

—Judas, yu ŋa Masa Rġjoru. ¿Gājerā yure ŋiatoni yare usu İoti mʔ? yiyiju Jesús İre.

⁴⁹ Ito gāna Jesús rāca ŋarā, iti ito bajija ticōri, ado bajiro seniŋayijarā Jesure:

—¿Gua ŋju sarera jāina İnare gāmeri jarujabeati manı? yiyijarā İna.

⁵⁰ İna rāca gagu sġgā paia ujure moa İsiri masure riojocaduja gāmoro jatayiju. ⁵¹ Ito bajiro ĩ yija ticōri, ado bajiro yiyiju Jesús:

—İto mʔa yirise itocō jidicāña, yiyiju Jesús.

Ito bajiri gāmoro moaİcōri İre yisoyiju Jesús. ⁵² Ito yicōri İre āmi warona paia ujarā, minijuara wı ujarā ito yicōri judio masa bucārāre canı, ado bajiro yiyiju Jesús:

—Riniri masu meje ŋa yu. ¿No yirā yure āmirona sarera jāiri rucocōri, yucu rucocōri ejati mʔa? ⁵³ Co rāmʔ ruyabeto minijuara wiju yu ŋaja yare ŋiabiticu mʔa. Adocāta rāmúa uju ĩ āmoro bajiro, bajiro yiroja. Ito bajiri İre cūdirā mʔa āmoro bajiro ya mʔa, yiyiju Jesús İnare.

Jesure masibea yu, Pedro ĩ yire gaye

(Mt 26.57-58,69-75; Mr 14.53-54,66-72; Jn 18.12-18,25-27)

⁵⁴ Ito ĩ yija bero paia uju ya wiju İre āmi wayijarā İna. Pedro sō busaju suyayiju. ⁵⁵ Paia uju ya wı soje riojo jea rıocōri sūma rujiyijarā ito gāna. Pedro İna tu ejacōri İna wato jea sūma

rujiyijū ī cūni. ⁵⁶ Sīgō iti wi moari maso ī sūma rujiija ticōri, ĩre riti tiyijo. Ito yicōri ado bajiro yiyijo iso:

—Āni cūni Jesūs rāca gagū űami, yiyijo iso.

⁵⁷ Ito bajiro iso yija tuocōri, goti āmobisiju Pedro.

—Īre masibea yū, yiyijū ī isore.

⁵⁸ Ito bero yoa busari gāji ĩre ticōri ado bajiro yiyiju:

—Jesūs rāca gaguti űa mū cūni yiyijū ī Pedrore.

Ito ī yija tuocōri:

—Buguti ya mū. Meje űa yūama, yiyijū Pedro.

⁵⁹ Coji cōre berocō gāji, ado bajiro ĩre yisayiju:

—Riti ya yū, Jesūs rāca gaguti űami āni. Galilea gaguti űami ī. Ito bajiroti busiamī, yiyijū ī gājerāre.

⁶⁰ Ito bajiro ī yija tuocōri, ado bajiro yiyijū Pedro:

—Mū busirisere masibea yū, yiyijū Pedro.

Ito bajiro ī busiroca riti cara yujicoayijū ĩja. ⁶¹ Ito ī bajiroca riti manī Ūjū jūda tiyijū Pedrore. Ito ī yija ticōri, manī Ūjū ī gotire tuoīa bujayijū Pedro. Cara ī yujiroto riojūa űdiaji, “Jesure masibea yū”, yigū yigūja mū. Jesūs ī yire gaye tuoīa bujayijū Pedro. ⁶² Ito bajiri gajero busa wacōri buto tuoīa otijijū Pedro.

Jesure ĩna aja tudire gaye

(Mt 26.67-68; Mr 14.65)

⁶³ Jesure űiacōri ĩre coderi masa aja tudijijarā. Ito yicōri ĩre jayijarā. ⁶⁴ Ī ya cajea moabiācōri ī ya riojū jayijarā ĩna. Ito yicōri ado bajiro seniāyijarā ĩna ĩre.

—Queno tuoīagū mū űaja, “Ī yūre jami”, yi masigūja mū, yiyijarā ĩna ĩre.

⁶⁵ Gaje jaje ĩre aja tudijijarā ĩna.

Ījarā űasarā, “Seti űa mūre”, Jesure ĩna yire gaye

(Mt 26.59-66; Mr 14.55-64; Jn 18.19-24)

⁶⁶ Gaje ramū busuri, judio masa bucarā, paia űjarā, ito yicōri judio masa rotirise riasori masa cūni, minijūayijarā. Minijūacōri Jesure űjarā űasarā riojo āni wayijarā ĩna. Ito ejacōri ĩre seniāyijarā ĩna:

⁶⁷ —ĶMūti űati Cristo Dios ī cōaru? yiyijarā ĩna Jesure.

—“Īti űa yū”, yū yibojaja cūni tuomena yirāji mūa yūre. ⁶⁸ Mūare yū seniābojaja cūni cūdimena yirāji mūa. Ito yicōri yūre jidicāmena yirāji mūa. ⁶⁹ Jane adi ramūna rētoro masigū Dios ya riojocadūja rūcubūorajū rujigū yigūja yū. Yū űa Masa Rĳjorū, yiyijū Jesūs ĩnare.

⁷⁰ Ito bajiro ī yija tuocōri, ado bajiro seniāa jedijijarā ĩna:

—ĶDios Macū mū űarise riti űati? yiyijarā.

—Īti űa yū. Mūa yiro bajiroti bajia, yiyijū Jesūs ĩnare.

⁷¹ Ito bajiro ī yija tuocōri:

—“Īti űami űeņaro busigu”, gājerā ĩna yire āmobeā ĩja. Manimasiti ī busija tuoā manī, yiyijarā ĩna.

23

Pilato tūju Jesure ĩna āni ejare gaye

(Mt 27.1-2,11-14; Mr 15.1-5; Jn 18.28-38)

¹ Ito yija Pilato riojo Jesure āni wa jedijijarā ĩna. ² Ūjū riojo āni ejacōri, “Āni űami seti cutigū”, yirona busisuoyijarā ĩna:

—Āni űami gua masa ricati riti tuoīaroca yigū. Ito bajiri ado bajiro yiquī ī gua masare. “Roma gagū űjare ī rotiro bajiro niyeru isibitirūja mūare”, yiquī āni. Ito yicōri, “Yuti űa Cristo Dios ī cōaru mūa űjū”, yiquī ī, yiyijarā ĩna Pilatore gotirā.

³ ĩna ito yijare ado bajiro seniāyijū Pilato Jesure:

—ĶJudio masa űjū űati mū? yiyijū ī Jesure.

—Au ĩti űa yū. Mū yiro bajiroti bajia, yiyijū Jesūs.

⁴ Ito ī yija tuocōri, paia űjarā, masare cūni ado bajiro yiyijū Pilato.

—Yū tija űejūa seti ma ānire, yiyijū Pilato ĩnare.

⁵ Ito ī yibojarocati ĩre seti űasameti, yi busijijarā ĩna:

—Ī riasorise tuocōri, sīgū bajiro meje tuoīama Judea sita gāna ĩja. Galileajū cajero riasosuoīi ī. Ito bajiro riaso wadicōri adojū ejami ī, yiyijarā ĩna.

Herodes tūju Jesure ĩna āni ejare gaye

⁶ ĩna ito yija tuocōri:

—ĶGalilea gagū űati āni? yi seniāyijū Pilato ĩnare. ⁷ —Galilea gaguti űami ī, yiyijarā ĩna.

Ĩna ito yija tuocõri:

—Adi ramuriti ejami Galilea gaga uju Herodes wame cutigu. Ito bajiri i tu ami wasa mua, yiyiju Pilato ĩnare. ⁸ Jesús rãca ĩna ejaja ticõri, buto wanuyiju Herodes. Yoari i oca tuocõri ruje ĩre ti amoyiju Herodes. Tiyamani Jesús i yija ti amoyiju Herodes. ⁹ Jesure ticõri jaje ĩre seniĩabojayiju i. Ito bajibojarocati Jesús coji cudibisiju ĩre. ¹⁰ Paia ujarã, judio masa rotirise riasori masa cuni ito ñayjarã. “Seti ñasacõa ĩre”, yiyijarã ĩna. ¹¹ Ito yija bero, Herodes i ya surara rãca Jesure aja tudiyjarã ĩna. ĩre tudisarã ñarã ujarã mesa ĩna sãñarise ĩre sãyijarã ĩna, ĩre aja tudirã. Ito bajiro ĩna yija bero mucana tadi Jesure Pilato taju cõayiju Herodes. ¹² Ito bajiro ĩna yira ramuti Herodes Pilato rãca queno gãmeri baba cutiyjarã ĩna ĩja. Ito bajiro ĩna bajiroto riojua buto gãmeri ti tudirã ñayjarã ĩna maji.

Jesure sãaraja mani, ĩna yire gaye
(Mt 27.15-26; Mr 15.6-15; Jn 18.39–19.16)

¹³ Mucana Jesure ĩna ami ejaja ticõri, paia ujarã ñasarã ujarã, ito yicõri masare cuni miojuyiju Pilato. ¹⁴ Ado bajiro yiyiju i:

—“Gua masare sigãre bajiro gua tuoĩaroca yibeami ani”, yirona yure ani ejacu mua. Anire, “¿Riti mare seti ñati?” yirocu seniĩabojacu ya, mua tiro riojo. Ito bajibojarocati, “Ĩre seti ña”, mua yibojarocati disejua seti ma ĩre ya tija. ¹⁵ Ito yicõri, Herodes cuni, “Iti seti ña ĩre”, yi masibisi i cuni. Ito bajiri, “Iti seti ña ĩre”, yi masibiti wacu gua juare judacõafi i. “Ito bajiro seti cutiami ani”, yi masibea mani. Ito bajiri ĩre sãado ma mani. ¹⁶ ĩre baje rotigu ya ya. Ito yicõri ĩre bucõacuja ya, yiyiju Pilato.

¹⁷ Pascua basa ñaroca, “Anire mu bucõare amoã gua”, masa ĩna yigureti bucõasotiyiju Pilato. Ito bajiri ado bajiro ĩnare seniĩayiju i: ¹⁸ “¿Nimujuare ya bucõare amoati mua?” i yiroca masajua ado bajiro awasã busiyijarã:

—Sĩacõña ani umugãre. Ito yicõri, Barrabás wame cutigure jidicãña, yi awasãyijarã ĩna.

¹⁹ Cuto gãnare oca menicõri sãari masu i ñajare ĩna tubiaru ñayiju Barrabás. ²⁰ Jesujuare jidicã amobojayiju Pilato. Ito bajiri mucana masare busibojayiju. ²¹ Ito bajiro i busibojarocati buto busa awasãyijarã ĩna:

—Sĩacõruja ĩre. Sĩacõruja ĩre, yiyijarã ĩna.

²² Mucana tadi udiãji busigu ado bajiro yiyiju Pilato ĩnare:

—¿Neoni ñeñaro yicati ani? Yu tija, “Itina godarujami i”, yi masibea ya ĩre. Ito bajiri ĩre bajecõri jidicãcuja ya, yibojayiju i masare.

²³ Buto awasã busirã, “Yucutõju ĩre jaju sãaña”, yiyijarã ĩna. Buto masa ĩna awasãja, paia ujarã ĩna awasãja tuocõri, “Ĩna amoro bajiroti yijaro no cuni”, yi tuoĩayiju Pilato. ²⁴ Ito bajiri, “Ĩna amoro bajiroti yicuja no cuni”, yi tuoĩayiju Pilato ĩja. ²⁵ Ito bajiro tuoĩacõri, masare oca menicõri sãari masare bucõayiju Pilato. Ito yicõri Jesure ĩnare ĩsiyiju Pilato, ĩna amoro bajiro ĩna yitoni.

Yucutõju Jesure ĩna jaju sãare gaye
(Mt 27.32-44; Mr 15.21-32; Jn 19.17-27)

²⁶ Ito bajiri Jesure yucutõju jaju sãarona ĩre ami wayijarã ĩna. Ito bajiro ĩna waroca Cirene gaga Simõn wame cutigu joaju wadicõri ejayiju. ĩre ti bujacõri yucutõ ĩre gaja rotiyijarã surara. Ito bajiri Jesús bero yucutõ gaja suyayiju i.

²⁷ Masa jãjarã i bero suya wayijarã. Ito yicõri romia jãjarã awasã otiyijarã ĩre tuo mairã. ²⁸ Ito bajiro ĩna otiroca ĩnare juda ticõri ado bajiro yiyiju Jesús:

—Jerusalén gãna romia yure otibesa mua. Muamasiti, ito yicõri mua ĩnare rãtarotire tuoĩa otiya mua. ²⁹ Ado bajiro yirã yirãji masa buto ĩna tõbujari ramu: “Romia rãa mana queno wanu quenama ĩna. Ito yicõri rãa rucomena, ñjumenã cuni wanuama ĩna”, yirã yirãji masa. ³⁰ Guare Dios tibe yirona ado bajiro yirã yirãji masa: “Gua joe juja biaya”, yirã yirãji gũta yucurire. Ito yicõri, “Guare õjea biaya”, yirã yirãji turiare. ³¹ Yujuare tõbujaroca ĩna yija, yu rãto busaro mua tõbujaroca yirã yirãji ĩna, yiyiju Jesús romiare juda ticõri.

³² Ñeñaro yi jairã juarãre ami wayijarã Jesús rãcati ĩnare jaju sãarona. ³³ Calavera wame cutiriju ejacõri Jesure jaju yijarã ĩna. Ito yicõri i rãca gãna juarãre cuni, sigũ Jesús ya riojocaduja, ito yicõri gãji i ya gãcodujare jaju yijarã ĩna cõtoni. ³⁴ ĩre ĩna jajuroca ado bajiro yiyiju Jesús Diore:

—Cuna, yure ĩna ñeñaro yirisere ĩnare acabojoya, “Buto ñeñaro ya mani”, yi masibeamã surara, yiyiju Jesús Diore.

“¿Jesús i sãñagorere ñimujua bujagu yiguĩjida?” yirona gũta ajeri rea aje yijarã surara. ³⁵ Ito bajiro yi ajecõri i ya yutabujuri gãmeri batoyijarã ĩna ĩja. I godaroca jãjarã masa ti ñayjarã ĩre. Ito ñarã ujarã Jesure aja tudiyjarã. Ado bajiro aja tudiyjarã ĩna:

—Gãjerãreema masoñi Ì. Riti Cristo Dios cõarũ Ì ñaja Ìmasiti masogũ yiguñji, yi aja tudiyijarã Ìna.

³⁶ Surara cuni ito ñarã, ito bajiroti Ìre aja tudiyijarã. Ì tu eja rügãcõri uyé ide sãerise Ìre iobojayijarã Ìna. ³⁷ Ito yicõri ado bajiro yiyijarã Ìna:

—Riti judio masa uju mu ñaja, mamasiti masogũ yiguja mu, yiyijarã Ìna.

³⁸ Jesús ya rijoga weca udiãji gaye oca ucare wãñayiju. Griego, Latin, Hebreo ocana cuni ucare ado bajiro ñayiju: “Ãni ñami judio masa uju”, yi busiyiju iti Ìna ucare.

³⁹ Sigu ñeñaro yi jaigu Ì rãca godarocu ado bajiro yiyiju:

—Riti Cristo mu ñaja mamasiti masoña. Ito yicõri guare cuni masoña mu, yi aja tudiyiju Ìre.

⁴⁰ Gãji gaje ðaja gagu Jesús rãca godarocu, ado bajiro yiyiju Jesure aja tudigũjare:

—¿Diore güire mati mure? Mani ñeñaro yirise waja godarã ya mani. ⁴¹ Ñeñaro yicu mani. Ito bajiri iti waja quenabeto tõbujarã ya mani. Mani ñeñaro yiado bajiroti itire waja yirã ya mani. Ito bajibojarocati ãniamã ñeñaro yibicu ñabojaguti mani rãca godagu yiguñji, yiyiju Ì Jesure aja tudigũre.

⁴² Ito yija Jesure ado bajiro yiyiju Ì:

—Mu rotiroju ejacõri mure tuorãnurãre mu miojusuoja yare ãcabojabeja, yiyiju Ì Jesure.

⁴³ Ito bajiro Ì yija tuocõri:

—Jane adi ramati ñe ñeñarise manojũ yũ rãca ñagũ yiguja mu, ado yũ yirise riti mure gotia yũ, yiyiju Jesús Ìre.

Jesús Ì usi jedire gaye

(Mt 27.45-56; Mr 15.33-41; Jn 19.28-30)

⁴⁴ Ito bajiro iti baji ñaroca ãmua gudarecocõ tujayiju. Ito yija bero macãncãro ñarocõti rãicooyiju. Yucu weca ãmacañi tujarocacõ rãitãyiju. ⁴⁵ ãmacañi ãmua gagu cuni busubisiju. Ito yicõri minijuara wi yobiado saya webũtiro gudarecona ñigãyiju. ⁴⁶ Ito bajiroca Jesús ado bajiro awasãyiju:

—Cuna, yũ ya Ësi ãmiña mu Ìja, yiyiju Jesús Diore.

Ito yi tiogũti usi jedicooyiju.

⁴⁷ Surara uju Roma gagu Ìto bajiro iti rãtaja ticõri, Diore rãcũbuo busiyiju:

—Riti seti manibojañi ãni, yiyiju surara uju.

⁴⁸ Masa ito ti ñana ito bajiro iti rãtaja ticõri, bojori bujarã Ìna ya usi riojo jatu wayijarã.

⁴⁹ Jesús rãca baba cutigoana Galilea gãna romia Ìre saya wana cuni sõ busaju ti rügõyijarã Ìna, ito iti bajijare.

Jesure Ìna yujere gaye

(Mt 27.57-61; Mr 15.42-47; Jn 19.38-42)

⁵⁰ Sigu ñayiju Ì yiro bajiroti queno yigu. José wame cutigu ñayiju Ì. Judea sitaju Arimatea wame cutiri cutoju gagu ñayiju Ì. Judio masa ujarã ñasari masa rãca gagu ñayiju Ì. ⁵¹ “Ìre tuorãnurãre Ì rotiroju miojugu yiguñji Dios”, yi tuoia yugu ñayiju Ì. Ito bajiri ujarã ñasarã Ìna yiriserẽ queno Ìna robo tuoibisiju Ì. ⁵² Ito bajiri Pilatore busirocu wayiju Ì. Itoju ejacõri Jesús ya rujare seniyiju Ì. ⁵³ “Bau”, Ì yija tuocõri, Jesús ya rujare yucatõju ñagãre rujiogu wayiju Ì. Ìre rujiocõri saya botirona Ìre gũmayiju. Ito yicõri gãta tariaju Ìna goje meniadoju Jesús ya rujare cüyiju Ì. Yujeiaña mani goje ñayiju iti goje. ⁵⁴ Tujacãra rumu rioja Ìna queno yuri rumu ñayiju José Jesure Ì yujera rumu. Ito bajiri jabetoti ruayiju tujacãra rumu iti busuroto.

⁵⁵ Cajero Galilea gãna romia Jesure saya wadiana gãta gojeju Ìre Ìna cũja, “¿Ado bajiro cũati Ìna?” yi tiyijarã Ìna. ⁵⁶ Ìna cũja bero wiju tũdi wayijarã Ìna. Wiju tũdi ejacõri queno sutirise, ito yicõri ruju ture gaye quenoyijarã Ìna. Ito yija judio masa Ìna rotiado bajiroti tujacãra rumu ñacõayijarã Ìna.

24

Jesús Ì tũdi catire gaye

(Mt 28.1-10; Mr 16.1-8; Jn 20.1-10)

¹ Tujacãra rumu bero busuri jiju tũdi tirã wayijarã Ìna. Sutirise ruju Ìna turotire Ìna moa quenorere ãmi wayijarã Ìna. Gãjerã romia cuni Ìna rãca wayijarã. ² Itoju ejacõri Ìna tija gãta goje biado gajeroju iti cũ ñaja tiyijarã Ìna. ³ Ito bajija ticõri, sãjayijarã Ìna. Sãjacõri mani Ëju ya rujare ti bujabisijarã Ìna. ⁴ Ito bajija ticõri, ucayijarã Ìna. Ito yicõri, “Ito yirũja manire”, yi masibisijarã Ìna. Ito bajiro Ìna baji ñaroca ãmua jũarã Ìna tu rügõja tiyijarã. Saya yorise sãñarã ñayijarã Ìna. ⁵ Ìnare güirã jacaju muqueayijarã Ìna. Ito bajiro Ìna güija ticõri, ado bajiro yiyijarã Ìna ãmua:

—¿No yija Ì catibojaroti godanare Ìna yujeroju ãmati mũa? ⁶ Mami Ì adoju. Catigu ñami Ì. Mucana tũdi catiru ñami Ì. Galilea ñagũ muare Ì busire tuoiate mũa. Ado bajiro muare gotiñi

ĩ: ⁷ “Yu Masa Rĩjorũre ñeñaro yirã yure ñiacõri yu tõbujaroca yirã yirãji ña. Ito yicõri yure yucutẽoju sjarã yirãji ña. Ito bajiro ña yibojarocati mucana udia rumu bero catigu yigũja yu”, yi gotiñi Jesús muare, yiyijarã ña romiare.

⁸ Ito bajiro ña yija tuocõri, Jesús i busire gaye tuoia bujayijarã ña. ⁹ Ito yija bero iti tuo tũdi wacõri Jesús rãca riasotigoana coga gubojeno ñarã, ito yicõri ito ñarãre cuni jeyaro ña tigorere gotiyijarã ña. ¹⁰ Ña romia Jesús rãca riasotigoanare oca ãmi wana ñayijarã Maria Magdalena, Juana, María Santiago jaco cuni. Ito yicõri gãjerã romia cuni ñayijarã iti oca gotiana. ¹¹ Ito bajiro romia gotija tuocõri, “Burãti yama”, yi tuoñayijarã Jesús rãca riasotigoana. Ito bajiri ñare tuorũnubisijarã ña.

¹² Ito bajibojarocati Pedroama ùmaquedi wacõri masari cuma tigu wayiju. Ito totiju i tija gũmado riti gajeroju iti cũ ñaja tiyiju i. Ito bajija ti ucacõri i ya wiju tũdi wayiju i.

*Jũarã i rãca riasotigoanare Jesús i goaõre gaye
(Mr 16.12-13)*

¹³ Ito rumu riti jũarã Jesús rãca riasotigoana Emaús wame cutiri cutoju wasuoyijarã. Jerusalén sõjua once kilõmetrocõ ñayiju Emaús cuto. ¹⁴ Jeyaro ña tigure gaye warãti busi wayijarã ña. ¹⁵ Ito bajiro ña tuoia busi waroca Jesuti mucana ña tu ejacõri ña rãca wayiju. ¹⁶ Ñre tigoana ñabojarãti “Jesuti ñami i”, yi masibisijarã ña. ¹⁷ Ito bajiro ña waroca Jesús ado bajiro ñare senũyaju:

—¿Ma warã ñe gaye tuoia busiati mua? Ito yicõri, ¿no yija bojori bujati mua? yiyiju Jesús ñare.

¹⁸ Ito i yija tuocõri, Cleofas wame cutigu, ado bajiro cudiyiju:

—Masa jeyaro Jerusalénju rẽtare gayere masiama ña. ¿No yija Jerusalénju ñaru ñabojaguti itire masibeati mu? yiyiju i Jesure.

¹⁹ Ito bajiro i yija tuocõri:

—¿Ñe rẽtacati? yiyiju Jesús.

Ito i yija ado bajiro yiyijarã ña Jesure:

—¿Jesús Nazaret gagare rẽtare masibeati mu? Ado bajiro baja iti. Diore goti ñsiri masu ñaqui i. Jaje tiyamani yiqui i. Ito yicõri Dios i masirisenã masare riasoqui i. Dios cuni ñre rucubũoñi. ²⁰ Paia ujarã, gua ujarã cuni ñre sĩa rotirã gãjerãre ñsicã ña. Ito yicõri yucutẽoju ñre sĩa roticã ña. ²¹ “I ñagũ yiguñji gua masa Israel gãna uju. Guare masorocu ñaguñji i”, yi tuoñabojacu gua. Ito bajibojarocati udia rumu tujã ñre ña sĩaja bero. ²² Jiju gua rãca gãna romia masari cuma tirã wabojana. Ñe manoti ti ejayijarã ña. Ito bajiri guare ña goti tũdi ejajare ucabu gua. ²³ Gua tu ejacõri ado bajiro goticã ña: “Dios ñaro gãna ãngel mesare jũarã tibũ gua. ‘Mami Jesús. Catigu ñami’, yi gotima ña guare”, yi goti tũdi ejacã guare romia. ²⁴ Gua rãca gãna coriarã wacõri masari cuma tirã ejañi. Ito bajiri romia ña gotiãdo bajiroti ti ejayijarã ña. Itoju Jesure ti bujabisijarã ña cuni, yiyijarã ña Jesure.

²⁵ Ña ito yija tuocõri, ado bajiro yiyiju Jesús ñare:

—Queno tuoia masimena ña mua maji. Ito bajicõri, Diore goti ñsiri masa ña gotija tuorã ñabojarãti i ocare tuorũnũ jeobea mua maji. ²⁶ Yure tuoia yurã ado bajiro yi ucayoñi Diore goti ñsiri masa: “Dios i ñaroju i ejaroto riojua tõbujagu yiguñji Cristo Dios i cõaru”, yi ucayoñi Diore goti ñsiri masa, yiyiju Jesús ñare.

²⁷ Ito i yija bero Dios oca tuti i oca gaye iti busija ñare goti rõtobuyiju Jesús. Cajero Moisés i ucara tuti gaye ñare goti rõtobuyiju i. Ito yicõri Diore goti ñsiri masa ña ucare cuni goti rõtobuyiju Jesús ñare.

²⁸ Ña wara cutoju ejacõri gaje majũ riojoti rẽta wacu bajiro yiyiju Jesús. ²⁹ I rẽta wabe yirona ado bajiro yiyijarã ña:

—Ado gua rãca tujaya mu. Ùmacañi quedi sãjacoami. Rãio wato ya ñja, yiyijarã ña Jesure.

Ña ito yija tuocõri, ña rãca wiju sãjayiju Jesús ito canirocu. ³⁰ Bara casabo tu ña rujiroca naju ãmi rucoyiju Jesús. Ito yicõri, “Queno ya Dios mu”, yiyiju i. Ito i yija bero igata batocõri ñare ñsiyiju i. ³¹ Ito bajiro i yirocati ña ya cajeari titãcãdo robo bajiro ejayiju ñare. Ito bajiri Jesure ti masiyijarã ña ñja. “Jesuti ñami ñni”, ña yirijuti godacoayiju Jesús mucana. ³² Ña jũarã ado bajiro gãmeri busiyijarã ña:

—Ma manire i busi wadija queno usi quedi sãjamũ manire. Ito yicõri Dios oca tuti gaye manire i goti rõtobuja queno usi quedi sãjamũ manire, yi gãmeri busiyijarã ña.

³³ Ito bajija bero yumenati riojoti Jerusalénju tũdicoayijarã ña ñja. Jerusalénju ña ejaroca coga gubojeno Jesús rãca riasotigoana, ito yicõri ña rãca gãna cuni minijua ñayijarã ña. ³⁴ Ña jũarã tũdi ejaña ticõri, ado bajiro goti bocayijarã ña.

—Riti mucana mani Ñju caticoañi. Simón Imasiti ñre tiñi, yi goti bocayijarã ña.

³⁵ Ito yija ñajua cuni ña ma waroca ñnare bajire gayere gotiyijarã ñajua cuni mucana: “Ma gna waroca sigũ suaquĩ gñare. Wijũ ejacõri naju ñ bato ñsija ticõri, ‘Jesuti ñami ñni’, yi ti masicũ gna cuni”, yi gotiyijarã ña, ito minijua ñnare.

*Ï rãca riasotigoanare Jesús ï goãõre gaye
(Mt 28.16-20; Mr 16.14-18; Jn 20.19-23)*

³⁶ Ito bajiro ña busi ñarocati ña wato goaõoyiju Jesús mucana.

—Ñati mua. Ñe mano queno ñaña mua, yi ejayiju Jesús ñnare.

³⁷ Ito bajija ti ucacõri gũiyijarã ña, “Wũjo ñaroja”, yirona. ³⁸ ña gũijare ado bajiro yiyiju Jesús:

—¿No yija ti ucati mua? ¿No yija, “Jesuti ñami. Jesuti ñaguũji gajea”, yi tuoĩati mua? ³⁹ Yu ya ãmo tiya mua. Ito yicõri yu ya gubori cuni tiya mua. Yuti ña yu. Yũre queno ticõri moaĩaña mua. Wũjo ñajama yu robo bajiro gõa cati, ri cati yibetoja, mua tija, yiyiju Jesús ñnare.

⁴⁰ Ito yicõri ñ ya ãmori ñ ya gubori cuni ñnare ñoyiju ñ. ⁴¹ Wanũbojarãti, “Ï meje ñaguũji”, yirona ucayijarã ña. Ito bajija ticõri, ado bajiro yiyiju Jesús ñnare:

—¿Bareoni jabeto ñacuati mñare? yiyiju Jesús ñnare.

⁴² Ito yija wai jãora cuji co cuji ñre ñsijarã ña. ⁴³ Itire boca ãmicõri ña tiro riojo bayiju ñ. ⁴⁴ Iti bacõri ado bajiro yiyiju Jesús ñnare:

—Canuti yure rãtacati gayere mua rãca ñagũju, “Ado bajiro rãtaro yiroja yure”, yi goticãcu yu mñare. Ado bajiro mñare yicu yu: Moisés ñ ucare, Diore goti ñsiri masa ña ucare, David ñayoru ñ ucarena cuni, “Ado bajiro rãtaro yiroja Dios ñ cõarure”, yi ucañi ña. “Ïna ucado bajiroti yũre rãtaro yiroja”, yi mñare goticãcu yu, yiyiju Jesús ñnare.

⁴⁵ Ito ñ yija bero Dios oca tuti gaye ña tuo masitoni ñnare goti rãtobuyiju ñ. ⁴⁶ Ado bajiro yiyiju ñ ñnare:

—Cristo Dios ñ cõaru quenabeto tõbujacõri godagu yiguũji. Ito yicõri mucana godana wato ñabojacõri tudĩ catigu yiguũji mucana. ⁴⁷ Iti oca masa jeyarore goti ucure ñaro wado yiroja. “Mua ñeñaro yirisere jidicãña. Ito yicõri Jesucristore tuorũnũña ñeñaro mua yirise Dios ñ ãcabojetoni”, yi goti ucure ñaro wado yiroja. Jerusalen gãnare goti ticõri masa jeyarore goti ucure ñaro wado yiroja, yi gotia Dios oca. ⁴⁸ Ito bajiro iti rãtaja tigoana ña mua. ⁴⁹ Yu Jacu ñ rotiado bajiroti mñare Espiritu Santo queo sãgũ yiguja yu. Espiritu Santona suoriti Dios ñ masirise mñare ñ queo sãroto riojua ado Jerusalenjutĩ ñacõaña maji, yiyiju Jesús ñnare.

*Macãrucãroju Jesús ñ mña ware gaye
(Mr 16.19-20)*

⁵⁰ Ito bajiro ñ yija bero Betania ñnare ãmi wayiju. ñ ya ãmori ñu mñocõri, “Mñare queno yijaro Dios”, yiyiju ñ. ⁵¹ Ito bajiro ñnare ñ yija bero ñmacũju ãmi wayiju Dios ñre. ⁵² Buto ñre rãcũbuo wanũ quenacõri Jerusalenju tudĩ wayijarã ña. ⁵³ Ito yicõri co rãmũ rãyabeto rãcũbuorã Dios ya wijũ minijuasotiyijarã ña. Itocõ ña.

El santo evangelio según San Juan

Dios oca gotiroca masa rāca Cristo ī ñare gaye

¹ Cajero ñe manirajuti Cristo, Dios oca goti rēto buroca ñacāyiju. Ī Dios rācati ñayiju. Ito yicōri īti ñayiju Dios. ² Adi macārucāro ī rujeoroto riojuaju Dios rāca ñacāyiju Cristo. ³ Īna suoriti macārucāro gaye jeyaro rujeoyiju Dios. Ñejuu gaje Cristo manoti rujeobisiju Dios. ⁴ Īti ñami catifñare rucogu. Ito yicōri īti ñami busurise rucogu. Ito bajigu ñari masa Īna tuo masiroca yi masiami Ī. ⁵ Rāitñaroju masa Īna ñeñaro yilbojaja cūni busu masiguñi Cristo. “Ñeñaro yirā ña mani”, Īna yi masiroca, yigu yiguñi Cristo. Ito bajiri ĩre rēto cū masibicu yiguñi rāitñaro ñagū rāmāa uju.

⁶ Sīgū āmugū ñaqui gua masare ī riasotoni Dios ī cūru. Ī wame cutiquī Juan idé guri masu. ⁷ “Cristo ñami busurise rucogu”, masare yi riasorocū wadiñi Juan idé guri masu. Cristore masa Īna tuorānūtoni Dios ocare gotigu wadiñi Juan idé guri masu. ⁸ Ī meje ñañi busurise rucogu. Cristo, busurise rucogure busi ĩsigū wadiru ñañi Juan. ⁹ Busurise rucosagu ī ñaqui Cristo. Jeyaro masa Īna tuo masitoni wadiru ñaqui Cristo. Ito bajigu ñari ñajediro masa Īna tuo masitoni wadiñi Ī.

¹⁰ Adi macārucāro rujeoroto riojuaju ñacāyiju ī Dios oca gotiri masu. Īna suoriti adi macārucāroju Dios ī menire ñabojarocati adi macārucāro gāna masa ĩre ti masibisijarā maji. ¹¹ Adi macārucāro ī rujeore ñabojarocati ī ñarājuu ĩre boca āmibisijarā. ¹² Gājerā coriarāma ĩre queno boca āmijjarā. Ito yicōri ĩre tuorānuyjarā Īna. Ito bajiri ĩre Īna tuorānūjare Dios rīa Īna ñaroca yiyiju Cristo. ¹³ Ito bajiri Dios rīati ñama Īna ĩja. ĩre boca āmicōri ī rīa ñama ĩja. Masa Īna rīa cutirona Īna yiro bajiro meje ña. Dios rīati Īna ñaroca Cristo ī yiana ñama Īna. Ito bajiri Dios rīati ñama Īna ĩja. Ito yicōri Dioti ñami Īna Jacu.

¹⁴ Dios oca gotiri masu manire bajiroti ruju cuticōri, mani wato ña ucuqui. Īti ñami masare ti maigū, ito yicōri riojo gotigu. Ī, Dios Macu sīgū ñagūre ticōri, “Īti ñami busurise rucogu. Ī Jacure bajiroti rētoro ñasagu ñami ī cūni”, yi tuoia mani. ¹⁵ Juan idé guri masu, Cristore busi ĩsigū ado bajiro masare gotiquī ĩ ejaroca:

—Āni gaye gotisugū, ado bajiro muare goticu yu. “Yu berojua sīgū ejaqu yiguñi. Yu berojua ejaqu ñabojaguti, yu rētoro ñasagu ñagū yiguñi Ī. Yu riojuaju ñacāñi ĩ”, yi goticu yu, yiquī Juan idé guri masu, masare gotigu.

¹⁶ Mani jeyaro queno ī yirise boca āmisotia mani. Manire ī queno yiado bajiroti manire queno yitñami maji. ¹⁷ Moisés ñayorūna suoriti bucarā Īna rotire gaye manire ejayija. Dios manire ī ti mairise gayeama, ĩ oca riojo ñasarise cūni, Cristona suoriti manire ejayija. ¹⁸ Sīgūjuu Diore tigu maquñi. Ī Macu sīgūti ĩre tiguñi. Ī ñaguñi ĩ Jacu robo bajiroti corocō tuoigū. “Ito bajiro bajigu ñami Dios”, mani yi masitoni, manire riasogu ñami Cristo.

*Jesucristore Juan ī busi ĩsire gaye
(Mt 3.11-12; Mr 1.7-8; Lc 3.15-17)*

¹⁹ Paia mesare ito yicōri levita masare cūni cōañi judio masa Jerusalén gāna. “¿Ñimū ñati mu?” Juan idé guri masare Īna yi senñatoni ĩnare cōañi Īna. ²⁰ Ito bajiro ĩre Īna senñaja tuocōri, riojo ĩnare cadiquī Juan idé guri masu:

—Yu, Cristo Dios ī cōaru meje ña yu, yiquī Juan ĩnare.

²¹ Mucana tūdi ĩre senñā quenocā ĩna:

—¿Ito yijama ñimūjuu ñasati mu? ¿Eliás, Diore goti ĩsiri masujua ñatite mu? yi senñacā ĩna ĩre.

—Ī meje ña yu, yiquī ĩ ĩnare.

Ito yija mucana tūdi ĩre senñacā ĩna:

—¿Muti ñati Diore goti ĩsiri masu, “Ejaqu yiguñi”, ĩna yicacu? yi senñacā ĩna Juan idé guri masare.

—Ī meje ña yu, yiquī ĩ.

²² Ito ī yija tuocōri, ado bajiro yicā ĩna:

—¿Ñimūjuu ñasati mu? yicā ĩna. Guare roticōarāre oca āmi tūdi wa āmoa gua. Mūmasiti mu gaye, ¿no bajiro guare gotiati mu? yi senñacā ĩna Juan idé guri masare.

²³ Īna ito yija tuocōri, ado bajiro cadiquī ĩ ĩnare:

—Yuti ña, yucu manojū masare oca sēoro goti ucugu: “Mani Ūju ī ejaroto riojua, mua ñeñaro yirise jidicācōri ĩre ña yucāña”, yi goti yuri masu ña ya. Isalās ñayoru, Diore goti Isiri masu, ī yiado bajiroti yi gotia ya cuni, yiquī Juan idé guri masu ĩre oca seniñacānare.

²⁴ Juan idé guri masu tu oca seniñarā ejacāna, ĩna ñañi fariseo gaye tuoñarā ĩna cōana.

²⁵ Mucana tūdi ĩre seniñacā ĩna:
—Ito yija, Cristo meje ñabojaguti, Elías meje ñabojaguti, Diore goti Isiri masu meje ñabojaguti, ĩno yija masare idé guati mu? yi seniñacā ĩna Juan idé guri masare.

²⁶ ĩna ito yija tuocōri, ado bajiro cudiquī ī:
—Yu masare idé guja, idenagoti idé gua ya. Sīgū ñami ado mani wato mua masibicu. ²⁷ Yu rētoro ñasagu ñami ī. Yu bero ejaru ñabojaguti, ya rētoro ñasagu ñami ī. ĩre bajiro bajigu meje ña yuama. Yu rētoro quenagū ī ñajare ī rāca corocō ñado ma ya. Ito bajiro quenagū meje ñacōri ī ya guboco ōja masibea ya, yiquī Juan idé guri masu ĩre seniñacānare.

²⁸ Jordán wame cutirisa tujū masare Juan idé guroca ito bajiro rētacu. Betania wame cutirija ñacu itija, Jordán tunima.

Oveja Macu robo bajigu ñami Jesús, yire gaye

²⁹ Ito bero gaje ramu, Jesús gua tujū ī wadija tiquī Juan idé guri masu. Ito bajiri masare ado bajiro gotiquī ī:

—Tiya mua, āniti ñami Dios yagu, Oveja Macu robo bajigu. Masa ĩna ñeñaro yirise waja yi ĩsiroca ñari Oveja Macu robo bajiro bajigu ñami ī. ĩti ñami adi macārucāro gānare ĩna ñeñaro yiriserē waja yi ĩsiri masu. ³⁰ ĩ gaye gotisugū, ado bajiro muare goticu ya: “Yu berojua sīgū ejaqu yiguji. Yu berojua ejaqu ñabojaguti ya rētoro ñasagu ñagū yiguji ī. Yu riojuaju ñacāñi ī”, yi goticu ya muare. ³¹ Yu cuni, “Ī ñaguji”, yi masibiticu maji. Ado ña ya masare idé gugu. “Āni ñami Dios ī cōaru”, mani ñarā cuni ĩna yi masitoni, yi gotia ya, yiquī Juan idé guri masu Israel sita gānare.

³² Gaje ado bajiro masare gotiquī ī:

—Espíritu Santo bujare bajigu ruji wadicōri, ī joejare ī queda jeaja ticu ya. ³³ ĩre tibojaguti, “Īti ñaguji Cristo”, yi masibiticu ya maji. Yure masare idé gu roticacu, yure ī gotigore tuoña bujacōri, “Āniti ñami Cristo”, yi masicu ya ĩja. Ado bajiro yure gotiquī ī yure idé gu roticacu: “Sīgure Espiritu Santo ī queda jeaja, mu tija, ĩti ñami masare Espiritu Santo queo sāgū”, yiquī yure idé gu roticacu. ³⁴ ĩre tigorū ña ya. Ito bajiri, “Dios Macu ñami ī”, yi masia ya, yi gotiquī Juan idé guri masu, masare gotigu.

Jesús rāca riasotishoana gaye

³⁵ Ito bero gaje ramu ito ñacu gua mucana. Juarā ñacu gua Juan idé guri masu rāca riasotirā.

³⁶ Jesús ī rēta waja ticōri, ado bajiro guare gotiquī Juan idé guri masu:
—Tiya, āniti ñami Dios yagu Oveja Macu robo bajiro bajigu, mani ñeñaro yirise waja yi Isiri masu, yiquī Juan guare.

³⁷ Ito bajiro ī yija tuocōri, Jesure suya wacu gua ĩja. ³⁸ Ito bajiro gua ĩre suya waja juda ticōri, ado bajiro yiquī Jesús:

—ĪNere āmarā yati mua? yiquī Jesús guare.

—Riasori masu, ĩnoju ñati mu ñaro? yi seniñacu gua Jesure.

³⁹ —Adoju tirā waya maji, yi cudiquī Jesús guare.

Ito ī yijare ĩre suya wacōri, ī ñaroju ticu gua ĩja. Ito bajiri iti ramu ī rācati ñarā rāicoacoa gua. Yucu wecacō tujacuī ūmacañi.

⁴⁰ Juan idé guri masu tuocōri, ya rāca Jesure suya wacu ñaquī Andrés. ĩ ñaquī Simón Pedro ocabaji. ⁴¹ Jesure ti masicōri, ī ĩjoru Simónre gotiroca āmagū waquī ī. ĩ ĩjoru tu ejacōri, ado bajiro gotiyija Andrés:

—Dios ī cōaru Cristore bujacōa ya, yi ejayija ī.

⁴² Ito yija, Simónre gua tujū āmi wadiquī Andrés. Simónre ticōri, ado bajiro yiquī Jesús:

—Mu ña Simón, Jonás macu. Ito bajibojarocati Pedro wame cutigu yigujā mu ĩja. Gūtagā yireoni ña iti, yiquī Jesús Simónre.

Natanael, Felipere cuni Jesús ĩjire gaye

⁴³ Ito bero gaje ramu, Galilea wame cutirita tujū waquī Jesús. Itoju ejacōri, Felipe wame cutigure bujacuī. Ito yicōri ado bajiro ĩre yiquī Jesús:

—Yu rāca waya, yiquī Jesús ĩre.

⁴⁴ Betsaida wame cutiri cuto gagu ñaquī Felipe. Pedro ocabaji Andrés cuni ĩna ñaro ñacu ito. ⁴⁵ Jesure tuocōri, Natanaelre āmagū waquī Felipe. ĩre bujacōri, ado bajiro ĩre gotiyija ī:

—Moisés ñayoru Dios ī rotire ucagu, ī uca gotirure bujacōmu ya ĩja. Diore goti Isiri masa ĩna ucarure bujacōmu ya ĩja. ĩ ñami Jesús, Nazaret gagu, José wame cutigu ī masoru, yiyija ī Natanaelre gotigu.

⁴⁶ Ī ito yija tuocōri, ado bajiro seniāyijū Natanael:

—¿Nazaret gagu ĩ ñaja quenagū ñaguñjida mūca? yi seniāyijū ĩ Felipere.

—Waya tito, yiyijū Felipe Natanaelre. Ito bajiro yicōri gua tujū ejacā ĩna ĩja.

⁴⁷ Natanael ĩ ejaja ticōri, ado bajiro yiquī Jesús:

—Sīgū Israel sita gagūgoro ejaquī ado. Īre ruore ma, yiquī Jesús, Natanaelre ticōri.

⁴⁸ Ito ĩ yijare:

—¿No bajiro yure ti masiati mū? yi seniāquī ĩ Jesure.

—Felipe mare ĩ jiroto riojua, higuera wame cutiricu roca mū rūgōroca tibu yu mare, yiquī Jesús ĩre.

⁴⁹ Ito ĩ yija tuocōri:

—Yure Riasogu, muti ña Dios Macu, ito yicōri gua Israel sita gāna Uju ña mū, yiquī Natanael Jesure.

⁵⁰ Ito ĩ yija tuocōri, ado bajiro cūdiquī Jesús ĩre:

—Higuera wame cutiricu roca mū rūgōroca mare tibu yu, ¿mare yu yija, yure tuorānuati mū? Gaje iti rēto busaro bajirise tigu yigujā mū, yiquī Jesús ĩre.

⁵¹ Gaje ado bajiro gotiquī Jesús guare:

—Riti mware gotia yu. Macārucūro soje iti janaroca, Yu Masa Rjoru tujū, ángel mesa yu tujū ĩna rujija, ĩna mējaja cūni tirā yirāji mūa, yiquī Jesús guare.

2

Caná wame cutiri cutoju ĩna āmo siare gaye

¹ Jua rāmū bero Galilea sita Caná wame cutiri cutoju āmo siare ñaro wado yicu. Jesús jaco cūni ñacō itoju. ² Gua Jesús rāca riasotirāre cūni basa guare goticā ĩna. Ito bajiri gua cūni Jesús rāca ñacu itoju. ³ Ito bajiro gua idi ñaroca, uyé ide jedicoacu. Ito bajija ticōri, Jesús jaco ado bajiro yicō ĩre:

—Uyé ide jedicoaju ĩja, yicō iso Jesure.

⁴ Iso ito yija tuocōri:

—¿Cana, no yija yure iti gotiati mū? Tiyamani yu ĩroti ejabea maji, yiquī Jesús isore.

⁵ Ito bajiro ĩ yija tuocōri, ĩori masare ado bajiro yicō iso:

—Jeyaro ĩ rotiro bajiroti cūdiya, yicō iso ĩnare.

⁶ Itoju ñacu ide gōnaraduri, gūtanā ĩna menira soturi. Coga āmojeno soturi ñacu. Ide gōnacōri bucārā ĩna rotiado robo bajiro ĩna coesotiri soturi ñacu iti soturi. Cincuenta, setenta cūni ide coari dajarise ñacu iti soturi. ⁷ Iori masare ado bajiro rotiquī Jesús:

—Adi sotarire ide jio dajoya, yiquī Jesús ĩnare.

Ito ĩ yija tuocōri, iti sotari ñarocōti jio dajocā ĩna. ⁸ ĩna cūdiya ticōri, ado bajiro rotiquī Jesús ĩnare:

—Jabeto gōnacōri, basa ujare ĩsitēña mūa, yiquī ĩ ĩnare.

Ī rotiro bajiroti yicā ĩna. Basa ujare ide iocā ĩna. ⁹ Iti ide ĩ boca idija, uyé ideti ñacoacu iti ĩja. “Ito gaye ñaroja”, yi masibitiquī ĩ. Iori masa riti masicā ĩna āmiadore. Iti idicōri, mame manajo cutigure ji ñucaquī basa uju. ¹⁰ ĩjaroca ado bajiro ĩre yiquī ĩ:

—Gājerāma, basa ĩna menisuoja, quenarise iosuocā. Jairo masa ĩna idija bero quenasabiti ide iocā ĩna. Muāma gaje idire rētoro quenarise seoyija mū. Adocāta mū ĩorise quenarise ña, yiquī basa uju mame manajo cutigure.

¹¹ Iti ñacu tiyamani Jesús ĩ ĩosuore Galilea sita, Caná wame cutiri cutoju. Iti ticōri, rētoro ĩ masirise ĩ ĩoja, ticu gua, ĩ rāca riasotirā. Ito bajiri ĩre tuorānuacu gua ĩja.

¹² Iti basa rētaja bero Capernaum wame cutiri cutoju wacu gua Jesús rāca. ĩ jaco, gua ĩ rāca riasotirā, ĩ ñarā cūni ĩ rāca wacu gua. Itoju yoa busari ña ucucu gua.

Niyeru wasoari masare Jesús ĩ bucōare gaye

(Mt 21.12-13; Mr 11.15-18; Lc 19.45-46)

¹³ Judio masa pascua basa ĩna meniroti rāmū riojuaca rāmū Jerusalénju wacu gua Jesús rāca. ¹⁴ Itoju Dios ya wi ejacōri, ta wecua, oveja, buja ĩsiri masare ti bujaquī Jesús. Ito yicōri niyeru wasoari masa ĩna rujiadoju, ĩna rujija ti bujaquī ĩ. ¹⁵ Ito bajiro ĩna yi ñaja ticōri, bajera ma meniquī Jesús. Ito bajiro yicōri, ĩna ya wecua rāca, ĩna ya oveja rāca Dios ya wi ñarāre bucōaquī Jesús. Niyeru wasoari masa ya niyeru kujirire ware batecōquī ĩ. ĩna ya casabori gaye tujada queoquī Jesús. ¹⁶ Ito yicōri, buja ĩsiri masare ado bajiro yiquī Jesús:

—Āna mūa ĩsironare āmi budi wasa mūa. Yu Jacu ya wire gajeoni ĩsira wi godo weobesa mūa, yiquī Jesús ĩnare.

¹⁷ Ito bajiro ĩ yija tuocōri, Dios oca tuti gotire tuoĩa bujacu gua ĩ rāca riasotirā: “Buto mū ya wire tuoĩa rūcubuoā yu”, yi Dios oca tuti gotire gaye tuoĩa bujacu gua.

¹⁸ Ito yija ito ñarā judio masa Jesure seniācā:

—¿No bajiro ïogù yigujada mu, “Dios ï rotirena waibacurã ïsiri masare bucõa mu”, gua yitoni? yi seniãcã ïna Jesure.

¹⁹ ïna ito yija tuocõri, ado bajiro cudiqui Jesús ïnare:

—Adi Dios ya wire mua ruyurioja, ùdia ramu beroti mucana tãdi iti wire jõrojugu yiguja yu, yiqui Jesús ïnare.

²⁰ Ito ï yija tuocõri:

—Cuarenta y seis rodori sejayjarã ïna adi wi menirã. Muãma, “Ùdia ramu beroti jõrojugu”, ¿yire masiati mu? yicã ïna Jesure.

²¹ Ito bajiro Dios ya wire Jesús ï tuoia busija, ï ya ruju gayere busigu yiñi Jesús. ²² Iti Jesús ï busigore mucana tãdi Jesús ï catirocaju, ï busigore tuoia bajacu gua, ï rãca riasotigoana. Ito bajiri Dios oca ï busigore cuni tuorũnucã gua ïja.

Mani tuoïarise masi jeogu ñami Jesús, yire gaye

²³ Jerusalén ñacõri, pascua basa ïna meniroca jaje tiyamani masare ïogu Jesús. Ito bajiro ï yijare, jãjarã masa ïre tuorũnucã ïna ïja. ²⁴ “Masa jeyaro ñeñaro yirã ñama”, yi ti masicõri, ïnare queno tuorũnucãbitiqui Jesús. ²⁵ Masa jeyaro ïna ya usiju ïna tuoïarise ti masigũ ñaquí Jesús. “Ito bajiro bajirã ñama masa”, yi tuoia masicãñi Jesús.

3

Nicodemo Jesús tu ï ejare gaye

¹ Sīgũ fariseo gaye tuoïagũ, Nicodemo wame cutigu ñayiju. Judio masa rãca ñasagu ñayiju ï.

² ï Nicodemo, ñamiju Jesure tigu ejayiju. ï tu ejacõri, ado bajiro yiyiju ï Jesure:

—Riasori masu, “Guare riasotoni mure cõañi Dios”, yi tuoia gua mure. Mu rãca Dios ï ñajare tiyamani ïo masia mu. Ñimujuã gãji tiyamani mu ïoro bajiro yibiquji, Dios ï rãca ñabeja, yiyiju ï Jesure.

³—Riti mure ado bajiro gotia yu. No mucana tãdi rujea quenobicu Dios ï rotiroju tibiquji, yiyiju Jesús Nicodemore.

⁴ Ito ï yija tuocõri, ado bajiro Jesure seniãyiju Nicodemo:

—¿No bajiro ùmugũ jaigu ñacãbojaguti mucana tãdi rujea quenoguñjida? ¿Jacore sãjacõri, mucana tãdi rujea quenoguñjida? yi seniãyiju ï Jesure.

⁵—Riti mure gotia yu. Masa jeyaro jacona rujejarãji. Ito bajibojarocati Espiritu Santana rujeabicu Dios ï rotiroju ejabiquji. ⁶ Masana rujeana, masati ñarãji. Espiritu Santana rujeana ï ya usina catitũnarã yirãji ïna. ⁷ “No Dios tuju eja ãmoja, mucana tãdi rujea quenoja quena”, ya yu mure. Ito bajiro yu yija, tuo ucabesa mu. ⁸ Mino iti ãmoro bajiroti wẽa ñucaro yiroja. Mino iti udija tuoã mani. Ito bajibojarocati, “Ito gaye wadiroja, ito waroja”, yi masibea mani. Ito bajiroti bajigu ñami Espiritu Santo cuni. “Ñimujuare itocõ rujea quenoguñjiju Espiritu Santo”, yi masibea mani, yiyiju Jesús Nicodemore.

⁹ Ito yija mucana tãdi seniã quenoyiju Nicodemo:

—¿No bajiro bajirojada iti? yi seniãyiju ï Jesure.

¹⁰ Ado bajiro ïre cudiyiju Jesús:

—Israel sita gãnare riasori masu ñasagu ña mu. ¿Ito bajibojaguti adi gayeama masibeati mu? ¹¹ Riti mure gotia yu. Yu masirisere busia yu. Ito yicõri yu tigure mure gotia yu. Ito bajibojarocati yu gotirisere queno tuorũnucãbea mu. ¹² Adi sitaju gaye yu busirise mu tuorũnucãbea, Dios ï ñaroju gaye yu busija cuni, tuorũnucãbea yiguja mu, yiyiju Jesús ïre.

¹³ Gaje ado bajiro gotiyiju Jesús:

—Sīgũ ùmacãju mujagoru maquji. Yu sīgũti ña ùmacãjuã ruji wadicõri mucana tãdi itoju muja warocu. Yu ña Masa Rjoru. Yuti ña itoju muja warocu. ¹⁴ Jane mejeju Moisés ñayoru yucu manuju ïna ña ucuroca yucu joe ãñare jeoyiju, masa ïna ti maotoni. ãñare ti tuocõri ãña cuni ecoana ñabojarãti godabisjarã ïna. Ito bajiroti yu cuni Masa Rjoru, yucuna muo ecogu yiguja. ¹⁵ No yure tuorũnucãti godabicu yiguji catitũnagũ yiguji, yiyiju Jesús Nicodemore gotigu.

Ñajediro masare Dios ï maire gaye

¹⁶ Ñajediro masare buto maiyiju Dios. Ito bajiri ï Macu sīgũ ñagũre cõayiju, masare ï goda ïsitoni. No Jesure tuorũnucãti godabiquji, catitũnagũ yiguji. ¹⁷ Adi macãrucãro gãnare ï ruyuriotoni meje ï Macure cõayiju Dios. Ado robojuã bajiyiju. Masare masojaro yirocu ï Macure cõayiju Dios.

¹⁸ “No ï Macure tuorũnucãre waja senibicu yiguji Dios. No Dios Macu sīgũ ñagũre tuorũnucãbea, ï tuorũnucãbitire waja ïre ruyuriogu yiguji Dios. ¹⁹ “Yu Macure tuorũnucãmenare ïnare ruyuriogu yiguja yu”, yicãñi Dios. Ado bajiro baja: Busurise rucogu ñari masa ïna tuo masiroca yi masiami Jesús. Ito bajiri adi tuti ejacõri, “Ñeñaro yirã ña mani”, masa ïna yi masiroca yiñi Jesús. Buto ñeñaro yi jairã ñari busurise rãtoro rãitãrisere ãmoyjarã

Īna. Quenarise yi āmobicōri ñeñarisejuare riti buto yi āmoyijarā Īna. Ito bajiri Jesure Īna tuorānubitive waja jeame ūjuroju Īnare cōagū yiguĵi Dios. ²⁰ Ñeñaro yirā ñarocōti busurise ti teama Īna. Ito bajiri busurise rucogu yu ñajare, yure boca āmimenaji Īna. Īna ñeñaro yirise goabe yirona yure boca āmimenaji Īna. ²¹ Oca riojo gotire cadirāma, yu busurise rucogure boca āmirā yirāji Īnama. Ito bajiri Īna queno cudija ticōri, “Īna queno yiroca yami Dios”, yi ti masirā yirāji gājerā, yiyiju Jesús Nicodemore.

Juan idé guri masu Jesús gayere ĩ gotire gaye

²² Ito yija bero, gua Jesús rāca riasotirā ĩ rāca Judea sitaju wacu. Itoju yoa busari ĩ rāca masare idé gu ñacu gua. ²³ Juan idé guri masu cuni Salim cuto sōjua Enón wame catiri cutoju masare idé gu ñayiju ĩ cuni. Itoju ide jairo iti ñajare, masa jājarā idé gu rotirā ejayijarā. Ito bajiri Īnare idé gu yiju Juan. ²⁴ Ito bajiro rētayiju, Juan idé guri masare Īna tubiaroto riojua.

²⁵ Ito baji ñaroca coriarā Juan idé guri masu rāca riasotirā, sigū judio masu rāca gāmeri busi ñayijarā Īna. “Bucurā Īna rotiado bajiro mani cudija ticōri, mani ñeñaro yiriserere coegu yiguĵi Dios”, yi gāmeri busi ñayijarā Īna. ²⁶ Īna gāmeri busija bero Juan tu ejacōri ado bajiro seniñayijarā Īna:

—Guare riasogu, ¿Jordán wame catirisa siduja mu tigorare masiati mu? ĩ gayere guare busibu mu. Adi rumari buto masare idé guguĵi. Ito bajiri masa ĩre riti sūyarāji Īna, yi gotiyijarā Īna Juan idé guri masare.

²⁷ Īna ito yija tuocōri:

—Ñe manoti ñarāji masa, Dios ĩ ĩsibeja. Dioti ñami masa Īna moaroti cūri masu. ²⁸ “Yu meje ña Cristo. ĩ jaroto riojua Dios ĩ cōa yuru ña yu”, yiari maare goticācu yu. “Ito bajiro gotiqui Juan guare”, yi masirā ña ma, yiyiju Juan ĩ rāca riasotirāre. ²⁹ Goti masiore ocana ado bajiro gotiyiju Juan: “Āmo siari rumu isore ñagū, iso manuju ñarocu ñaguĵi ĩ. ĩ, āmo siagu baba, ĩ āmo siare gaye ĩ tuoja buto wanu quenagū yiguĵi ĩ. ‘Masare idé gugu yiguĵi’, ma yija tuocōri, itire bajiroti wanu quena yu cuni. ³⁰ Yu rētoro ñasagu ĩ ñare āmoa yu. Yure Īna rucuburo rēto busaro masa ĩre rucubore āmoa yu”, yiyiju Juan ĩ rāca riasotirāre.

Ūmacūju wadiru ñami Cristo, yire gaye

³¹ Ūmacūju gagu wadiru, ĩ ñami ñasagu. Ñimu gāji ĩ rētoro ñasagu maquĵi. Adi macārucuroju rujearu ĩ ñami adi macārucuro gagu. Ito bajiri adi macārucuro gaye busiami ĩ. Ūmacūju gagu wadiruama ĩ ñami ñasagu. ³² ĩ tigore, ĩ tuogore cuni busiami ĩocū. Ito bajibojarocati, noajua queno tuorānubeama ĩ busirisere. ³³ No ĩre tuorānugāti, “Queno riojo yigu ñami Dios”, yi masiguĵi ĩocū. ³⁴ Dios ĩ cōaruama Dios ocareti gotiguĵi. Jabetacā meje ĩ ya usi queo sāgū yiguĵi Dios ĩre. ³⁵ ĩ Macure maigū, “Jeyaro rotijaro ĩ”, yirocu Cristore cūñi mani Jacu Dios. ³⁶ No Dios Macure tuorānugāti catitñagū yiguĵi. ĩ Macure tuorānubicuama catitñare bujabicu yiguĵi. ĩocareama buto ñeñaro ĩ tōbujaroca yigu yiguĵi Dios.

4

Samaria sita gago rāca Jesús ĩ busire gaye

¹ “Juan rēto busaro masare idé guami Jesús, ito yicōri ĩre jājarā busa sūyama Īna”, yire gaye masiñi fariseo gaye tuojarā. ² Quenogoroama Jesús meje masare idé guquĵi. Gua Jesús rāca riasotirāju masare idé gucu gua. ³ Fariseo gaye tuojarā Īna masija tuocōri, Judea sitare wacoacu gua Jesús rāca. Ito yicōri Galilea sitaju wacu gua mucana.

⁴ Ito warā riti Samaria sitaju ejacu gua. ⁵ Ito rēta wacōri, Sicar wame catiri cutoju ejacu gua. Iti cuto Jacob ñayoru ĩ macu Josere ĩsira sita tu ñacu iti cuto. ⁶ Itoju ñacu Jacob ñayoru ya ide goje. Boga wadiru ñari iti goje tu eja rūjūquĵi Jesús. Ūma gūdareco ejarecōro ñacu. ⁷⁻⁸ Guama ĩ rāca riasotirā cutoju wacu bare waja yirā warā. Itoju Jesús ĩ ruijroca, sigō Samaria sita gago ide gōnagō ejayijo. Iso eja ticōri, isore ado bajiro ide seniñayiju Jesús:

—Ide ioya yure, yiyiju ĩ isore.

⁹ Ide ĩ seniña tuocōri, ado bajiro yiyijo Samaria sita gago:

—¿Mu no yija judio masu ñabogati, yu Samaria sita gagore ide seniati mu? yiyijo iso Jesure. Samaria sita gāna rāca judio masa rāca queno baba catibiticōri, ito bajiro yiyijo iso.

¹⁰ Iso ito bajiro yija tuocōri:

—Dios ĩ ĩsroti mu masija, ito yicōri, “ĩ ñami yure ide senigū”, mu yi masija, yujuare ide seniboroja mu. Ito bajiro mu yija, ide catitñare gaye mare ĩsiboruja yu, yiyiju Jesús isore.

¹¹ Ito ĩ yijare:

—Ñena ide gōnare ma mare. Jubeju ña ide goje. ¿Noju gaye yure ide catitñare gaye ĩsigū yigujada mu? ¹² Mani riojua gagu Jacob ñayoru adi goje ide gojere cūñi ĩ. ĩ cuni idiñi iti goje gaye. ĩ rā cuni idiñi. ĩ ya ecana cuni idiñi. ¿ĩ rēto busaro ñasagu ñati mu? yiyijo iso Jesure.

¹³ Ito bajiro iso yija tuocōri, ado bajiro cūdiyijū Jesūs isore:

—No adi goje gaye ide idibojarāti, mucana tūdi idi āmocoarā yirāji. ¹⁴ No ide catifīnare gaye yū ioana, mucana tūdi idi āmomena yirāji. Yū īnare ide iorise ide ūmaburi goje robo bajiro ūmabato űaro yiroja, īna catifīnatonī, yiyijū Jesūs isore.

¹⁵ Ito ī yija tuocōri:

—Yū ūjū, iti gaye ide āmoa yū cūni, mucana tūdi ide yū idibe yiroco. Ito yicōri mucana tūdi adi goje gōnagō wadibe yiroco, yiyijū iso Jesure.

¹⁶ Ito yija, ado bajiro yiyijū Jesūs isore:

—Wasa, mū manūjūre jitēña, ito yicōri adoju waya, yiyijū Jesūs isore.

¹⁷ Ito ī yija ado bajiro cūdiyijū iso:

—Manūjū maco űa yū, yi cūdiyijū iso.

—“Manūjū maco űa yū”, mū yirise riti ya mū. ¹⁸ Co dūjamocō āmua rāca űagoro űa mū. Ito bajicōri adocāta mū rāca űagū, mū manūjū meje űami ī. Ito bajiri, “Manūjū maco űa yū”, mū yiriseama riti ya mū, yiyijū Jesūs isore.

¹⁹ Ito ī yija tuocōri, ado bajiro yiyijū iso īre:

—Yū ūjū, jeyaro masigūocū űa mū. “Diore goti īsiri masū űami āni”, ya yū mure. ²⁰ Gua Samaria sita gāna űicusabatia, adi buroju Diore rūcūbuoñi. Mua judio masama, “Jerusalēnju Diore rūcūbuoja quena”, ya muāma, yiyijū iso Jesure.

²¹ Iso ito yijare:

—Yure tuorānuña romio mū. Co rāmu Diore mua rūcūbuoroti rāmu ejaro yiroja. Adi buro meje, ito yicōri Jerusalēnju wamenati Diore rūcūbuo űarā yirāji mua. ²² Mua Samaria sita gāna, mua rūcūbuorocure queno masibeā mua maji. Guama, gua rūcūbuorocure queno masia. Gua judio masana suoriti masare masogū yiguñi Dios. ²³ Ija űaro yiroja, ito yicōri adocāta cūni űa, rioju Diore masa īna rūcūbuo āmosaja, īna ya usiju īre rūcūbuorā yirāji īna. Ito bajiro īre rūcūbuore āmoami mani Jacu. ²⁴ Rujū meje űami Dios. ūsiti űami ī. Ito bajiri Dios ī āmoro bajiro riti Espīritu Santo ī ejabuarisena Diore mani rūcūbuoja quena, yiyijū Jesūs isore.

²⁵ Ito ī yija tuocōri, ado bajiro yiyijū iso:

—Dios ī cōarū, Mesías ejagu yiguñi, yi tuoña yū. Ī űaguñi Cristo īna yigu. Ī ejaguju, guare queno goti rētobugu yiguñi, yiyijū iso Jesure.

²⁶ Iso ito yija:

—Yū adocāta mure busigu, īti űa, yiyijū Jesūs isore.

²⁷ Ito bajiro ī yi űaroca, tūdi ejacu gua ī rāca riasotirā. Romio rāca ī busija ticōri, jabeto ti ucacu gua. Ito bajibojarocati, “¿Ne gaye īre āmoati mu? ¿Ne gaye isore seniñati mu?” yi seniñabiticu gua. ²⁸ Ito yirocati ide gōnaradu jidi rojocōri cutoju wacō iso. Cutoju ejacōri, masare ado bajiro gotiyijū iso:

²⁹ —Jeyaro yū yigore, “Ado bajiro yicu mū”, yi gotigure tirā waya mua cūni. ¿Cristo meje űaguñida muaca? yiyijū iso masare.

³⁰ Ito bajiro iso yija tuocōri, Jesure ti āmorā gua tu ejacā iti cuto gāna. ³¹ Ito bajiroca riti:

—Guare riasogu, jabeto baya maji, yi josa űacu gua.

³² Ito gua yibojarocati, ado bajiro cūdiqū Jesūs:

—Mua masibiti, yū baroti űacā yure, yiqū Jesūs guare.

³³ Ito bajiro ī yija tuocōri:

—¿Sīgū īre bare cūgū ejarada? yi gāmeri seniñasuoca guamasiti.

³⁴ Ito bajiro gua gāmeri busija tuo masicōri, ado bajiro yiqū Jesūs guare:

—Yure cōarū ī āmoro bajiro yū yija, ito yicōri iti moare yū gajanoaja, iti űa yū ya bare bajiro bajirise. Masama bare ba wanusotiamā. Yūama yure cōarū ī āmoro bajiro yicōri wanua yū.

³⁵ “Juararā ūmacañi rāya maji, ote iti bucaroto”, ote wese uju ī yiado bajiro yi tuoīabesa mua. “Masare Dios oca mani riasorijū ejabea maji”, yi tuoīabesa mua. Yūama ado bajiro ya: Ote bucuacoaju īja, adocāta āmija quena. Tiya, masa jājarā yure tuorānurona űacāma īja. Adocāta īnare riasoja quena. ³⁶ No ote miojuguti, waja boca āmigū yiguñi. Itire bajiroti, no yure masa īna tuorānuroca yigure īre queno waja yigu yiguja yū. Ī űami catifīnare gaye masa īna buja masiroca yigu. Ito bajiri yū oca masare riasogu cūni, yure masa īna tuorānuroca yigu cūni corocōti wanurā yirāji īna. ³⁷ Riti bajia bucarā īna busigore: “Sīgū űaguñi otegu. Gāji űaguñi itire miojugū”, yiyijarā bucarā. Riti bajia iti. Tuote. Coriarā űama yū oca masare riasorā. Gājerā űama yure masa īna tuorānuroca yirā. ³⁸ Ote wese uju ricare mioju rotigu yiguñi ī ya moari masare, otegoana meje īna űabojarocati. Yū cūni ito bajiroti muare cōa, yure masa īna tuorānuroca mua yi masitonī. Yū oca īnare riasosuoana meje űabojarocati muare cōa yū. Mua riojua gājerā īnare riasosuoñi. Ito bajiri josari mejeti yure īna tuorānuroca yi masirā yirāji mua, yiqū Jesūs guare.

³⁹ “Jeyaro yu yigore yure gotiqui i”, romio iso yi gotija tuocöri, jajarã iti cuto gãna Samaria sita gãna Jesure tuorünucã ina ija. ⁴⁰ Ito bajiri iti cuto gãna Jesure ti wanucöri guare tuja roticã ina. Ito bajiri ina rãca jua rumu ñacu gua. ⁴¹ Jesumasiti i riasoja tuocöri, jajarã busa ire tuorünucã ina. ⁴² Jesure tuorünucöri, ado bajiro busicã ina romiore:

—Mure gua tuogore gaye riti meje, ire tuorünua gua. Adocãta guamasiti ire tuocöri, tuorünua gua ija. “Iti ñami Cristo, adi macãrucuro gãnare masorocu”, yi ti masia gua ija, yicã iti cuto gãna romiore.

Ñasagu macure Jesús i yisioire gaye

⁴³ Ito yija bero, jua rumu beroti Samaria sitana ñacöri, Galilea sitaju wasuocu gua mucana Jesús rãca. ⁴⁴ Riti baja Jesús i busigore: “Diore goti Isiri masure i ya sita gãna ire queno rãcubwomenaji”, yi gotiqui Jesús guare. ⁴⁵ Galilea sitaju Jesús rãca gua ejaroca, queno boca ãmicã ito gãna. Ina cuni Jerusalenju pascua basa ti tãdi ejana ñaãni. Ito yicöri iti basa rumuri jeyaro Jesús i yigore tiana ñari seyoñi ina cuni.

⁴⁶ Ito yija bero, Galilea sitaju Canã wame cutiri cutoju tãdi wacu gua Jesús rãca. Ito ñacu idena uye ide i godo weogoraju. Itoju ñaquí sígü ujure moa Isiri masu ñasagu. I macu Capernaum wame cutiri cutoju cõ ñaãni. ⁴⁷ “Judea sitana wacöri, Galilea sitaju ejayiju Jesús”, yija tuocöri, ire tigu ejaquí uju ya moari masu ñasagu. Jesús tu ejaçöri ado bajiro josaquí i ire: —Yu ya wiju waya. Yu macu cõ wacu yiguji. Yu macure yisioju waya, yiquí i Jesure.

⁴⁸ Ito i yija tuocöri, ado bajiro yiquí Jesús:

—Tiyamani mua tibeja, yure queno tuorünubea mua, yiquí Jesús ire.

⁴⁹ Ito bajiro i yibojarocati:

—Yu Eju coji waya, yu macu i godare amobea yu, yiquí moa Isiri masu ñasagu Jesure.

⁵⁰ Ito i yija tuocöri:

—Mu ya wiju tãdi wasa. Mu macu catiguji, yiquí Jesús ire.

Ito bajiro Jesús i yija tuocöri, “Riti gotiami Jesús”, yi tuorünucquí i. Ito bajiri i ya wiju tãdi wasuocquí i ija. ⁵¹ I ya wiju ejaqu wagu i yiroca ire ejaçuari masa ado bajiro ire goti bocayijarã ina:

—Mu macu caticoami ija, yiyijarã ina.

⁵² Ina ito yija tuocöri:

—¿Nocãta catisuori yu macu? yi seniayiju i ñare.

—Ñamica, umacañi i juja rãgüriju, ire ñiotarjobu, yiyijarã ina, ina ujure.

⁵³ Ito bajiro ina yija tuocöri, tuoña bujayiju i. “Itocõ umacañi i juja rãgürijuti, ‘Mu macu catiguji’, yi gotimida Jesús yure”, yi tuoña bujayiju i. Ito bajiri i, i ñarã cuni Jesure tuorünuyijarã ina ija.

⁵⁴ Iti ñacu bero gaye tiyamani Jesús i ñore, Judea sitana, Galileaju tãdi ejaçöri, i ñore gaye.

5

Cõ ñarure Jesús i yisioire gaye

¹ Ito bajija bero mucana tãdi basa menicã judio masa. Ito bajiri itire tigu waquí Jesús mucana Jerusalenju. I rãca wacu gua cuni. ² Iti cuto Oveja wame cutiri soje tu ñacu masa ina guarita. Hebreo ocana Betzata wame cuticu itira. Itira tu co ñuamocõ juri ñacu ide ñura juri. ³ Iti roca cõrã jajarã jacaju cunãcã. Cajea mana, queno wa masimena cuni, ito yicöri ruduana cuni ñacã itoju. “¿Nocãta iti jacuja tiana?” yirona bocati cunãcã ina. ⁴ Co rumugea ángel ruji ejaçöri, ide jacuroca yiñi. Ito i yija bero, no itira cajero quedu roasogureti i ñarise cutirise rãtacoayiju ija. ⁵ Itoju cõrã wato sígü ñaquí treinta y ocho rodori cõ ñaru. ⁶ I cunãja ticöri, “Yoariguti cõri seyoñi ñani”, yi tiquí Jesús ire. Ito bajiri ado bajiro ire seniayiju Jesús:

—¿Mucana tãdi cati quenagü ña amoati mu? yiquí Jesús ire.

⁷ Ito bajiro i yija tuocöri:

—Yu Eju, sígüja yure ideju queo roagu mami, iti jacuroca. Coji ruayabeto yu ide cõ amobojarocati, gãjerã riti yu riojuã ide cõsotiana, yiquí i Jesure.

⁸ Ito i yija:

—Wumuña, mu ya cama ãmi wasa, yiquí Jesús ire.

⁹ Ito i yirocariti, queno cati quenagü ñacõaquí i mucana. I ya cama ãmicöri, wasuocquí i. Iti rumuti gua judio masa ya tujacãra rumu ñacu. ¹⁰ Ito bajiri i ya camare i gajaja ticöri, ado bajiro yicã judio masa ire:

—Jane tujacãra rumu ña. Ito bajiri mu ya camare gajare ma mure, yicã judio masa.

¹¹ Ado bajiro cãdiquí i cõgoru:

—Mucana tãdi cati quenaroca yure yigu, ado bajiro yimi yure: “Mu ya camare ãmi wasa”, yimi i yure, yiquí i judio masare.

¹² Ito i yija tuocöri:

—¿Ñimu ñari, “Mu ya camare ãmi wasa”, mare yigu? yi seniãcã ña ñre.

¹³ Ito bajiro ña seniãbojarocati, “Í ñami”, yi masibitiquí í. Itoju masa jãjarã ñacã. Ito bajicõri Jesuama masa jãjarã watoju wa godacoaqui í. ¹⁴ Mucana ito bero Dios ya wiju gna ñaroca, ti bujaqui Jesús mucana í yisionare. Ñre ti bujacõri, ado bajiro yiquí Jesús ñre:

—Тыоуа, quenо тãди мучана catia мн. Мучана тãди ñeñaro yibeja, бтo буса мн тõбубае, yiquí Jesús ñre.

¹⁵ Ito í yibojarocati mucana тãди judio masa тн wacõri, “Jesuti ñami, mucana тãди ун cati quenaroca yigu”, yi judio masare gotiñi í. ¹⁶ Ito bajiro í yija tuocõri, Jesure sãa ãmorã usirio codecã ña. Tujacãra rumu ñabojarocati cõgure í yisioja ticõri, ñre sãa ãmocã ña. ¹⁷ Gna тju ña ejaja ticõri, ado bajiro yiquí Jesús ñare:

—Moatĩnagũ ñami ун Jacu. Ito bajiri ун cuni moatĩna, yiquí Jesús ñare.

¹⁸ Ito bajiro í yija tuocõri, бтo буса ñre sãa ãmocã ña. Tujacãra rumu ñaroca cõgure í yisiorena suori meje, ñre junisinicã ña. “Dios ñami ун Jacu”, Jesús í yija tuocõri, “Dios robo bajiro ñasagu ña ун”, yirocu yami í, yi tuoĩacã ña. Ito bajiri бтo буса ñre sãa ãmocã ña ñja.

Dios Macu ñari í rotirisena suori Jesús í ñare gaye

¹⁹ Ito bajiro ña tuoĩaja ti masicõri, ado bajiro yiquí Jesús, ñare:

—Riti муаре gotia ун. Ун, Dios Macu, ун ãmoro bajiro riti meje ун ун. Ун Jacu í yirise ticõri, ito bajiro ун ун. Jeyaro ун Jacu í yiro bajiroti ун í Macu cuni ito bajiroti ун. ²⁰ Ун Jacu уре maicõri, jeyaro í yirise уре ioami í. Ito yicõri бтo буса ñasarise уре ioгũ yiguji maji. Ito bajiro уре í ioja ticõri, ti ucarã yirãji муа. ²¹ Godarãe mucana ña тãди catiroca yami ун Jacu. Ito bajiri ун, í Macu cuni ña catiroca ун yi ãmoja, ña catiroca yigu yiguja ун. ²² Masa ña ñeñaro yirise cõiagũ meje ñami ун Jacu. Унжуаре cũni í, masa ña ñeñaro yirise ун cõiatoni. ²³ Ito bajiro yini ун Jacu, ñre ña rucuburo bajiroti уре cuni ña rucubutoni. Уре rucububicu, ун Jacu, уре cõarure cuni rucububiqui, yiquí Jesús judio masare.

²⁴ Gaje ado bajiro gotiquí Jesús:

—Riti муаре gotia ун. No ун busirisere tuorãnugũ, уре cõarure cuni tuorãnugũti catitĩnagũ yiguji í. Iocãre ruyuriobicu yiguji Dios. Godabojaguti catitĩnagũ yiguji iocã. Ito bajiri catitĩnagũ yiguji í ñja. ²⁵ Riti муаре gotia ун. Уре tuorãnumena godacãna robo bajiro bajirã ñama ña. Ña ñaro yiroja, adocãta cuni ña, ун Dios Macu busirisere tuorã yirãji ña. Уре ña tuorãnuja, catitĩnarã yirãji. ²⁶ Catitĩnare gaye rucogu ñami ун Jacu. Ito bajiri masa ña catiroca yi masiami í. Masa ña catitĩnaroca ун yitoni, уре cũquí Cuna. ²⁷ Masa Rijoru, ун ñajare masare ña ñeñaro yirise ун waja senitoni, уре cũquí Cuna, ун ун муаре. ²⁸ Ito bajiro ун yija tuocõri, tuo ucabesa муа. Ñja ун busirisere godana jeyaro tuo jedirã yirãji. ²⁹ Ун oca tuocõri, masari cuma ñana budirã yirãji ña. Queno yigoana, тãди caticõri, Dios rãca catitĩnarã yirãji ña. Ñeñaro yigoanama, тãди ña catiroca ñare waja senigũ yiguji Dios. Ito yicõri jeame ãjuroju ñare cõagũ yiguji í, yiquí Jesús judio masare.

Í rotirise уре cũni Dios, Jesús í yire gaye

³⁰ Gaje ado bajiro gotiquí Jesús ñare:

—Ун ãmoro bajiro riti yirocu meje wadicu ун. Masare ña ñeñaro yirise waja ун senija, Dios í rotiro bajiroti ун ун. Masare ña ñeñaro yirise ун waja senija, ñeñaro ña yiadocõti senia ун. Ун ãmoro bajiro meje ун ун. Уре cõaru í ãmoro bajiroju ун ун. ³¹ “Ути ña Dios í cõaru”, ун yibojaja, “Íti ñami”, yi masimenaji gãjerã. ³² “Íti ñami Dios í cõaru”, уре yi ísigũ ñami gãji. Уре í busi ísirise, oca riojo ñasarise ña. Ito bajiri ñre tuorã yirãji masa. ³³ “¿Íti ñati Dios í cõaru?” yi Juan idé guri масаре seniãa rotiyija муа. Муаре í cudire, riti ña. ³⁴ “Riti, Dios í cõaru ñami Jesús”, Juan idé guri маса уре í busi ísija, í busi ísibeja cuni no yibeja, Dios í cõaruti ña ун. Juan idé guri маса gaye муаре gotia ун, Dios í masoana муа ñatoni. ³⁵ Муа tuo masijaro yirocu, busurica yocõri yigure bajiro yini Juan. Ito bajiri ñre tuocõri, wanuyija муа. ³⁶ Juan уре í busi ísigure rëto busaro ñasarise ña уре. Tiyamani ун íoris, iti ña ун Jacu í rotire. Itire ticõri, “Riti Dios í cõaru ñami”, yi masirãji муа уре. ³⁷ Ун Jacu уре cõaru cuni, “Riti ñni ñami ун cõaru”, yi уре busi ísiquĩ. Ñreama tuogoana meje, tigoana meje ña муа. ³⁸ Í ocare tuo ãmorã meje ña муа. Уре í cõarure cuni tuorãnubeja муа. Ito bajiri муа ун usiju í ocare quenо tuo masibeja муа. ³⁹ Dios oca tutire quenо ticõri rëoariti riasotia муа. Catitĩnare gaye buja ãmorã, itire riasotia муа. Ун gayereti gotia Dios oca. ⁴⁰ Ito bajibojarocati уре boca ãmi ãmobeja муа. Уре муа boca ãmija, catitĩnare gaye bujarã yirãji муа.

⁴¹ Masa уре ña rucubutoni meje wadicu ун. ⁴² Муаре ti masia ун. Ito bajiri, “Diore mairã meje ña муа”, yi ti masia ун муаре. ⁴³ Ун Jacu í rotirisena wadiru ña ун. Ito bajibojarocati уре boca ãmibeja муа. Sigu í ãmoro bajiro í wadija, ñreama boca ãmirã yirãji муа. ⁴⁴ Муамаси gãmeri rucuboreju ãmobeja муа. Dios sigũti ñami mani Ун. Ito bajibojarocati ñre cudibiticõri муаре í wanuroca yibeja муа. Ito bajiro bajirã ñari уре cuni tuorãnubeja муа. ⁴⁵ Ун Jacu riojo, “Ínare seti ña”, yibicuja ун муаре. Moisés ñayoruti ñaguji,

“Muare seti ña”, yigu. Moisés ñayoru ĩ rotirisenena saoriti, “Dios ta ejarã ya mani”, yi tuoĭaboja mua. ⁴⁶ Yu gaye ucayoñi Moisés ñayoru. ĩ ucarisere mua tuorũnũja, yare cuni tuorũnũboana mua. ⁴⁷ ĩ ucagore gaye mua tuorũnũbeja, yare cuni tuorũnũmena yirãji mua, yiquĩ Jesũs judio masare.

6

Cinco mil ñarãre Jesũs ĩ ecare gaye
(Mt 14.13-21; Mr 6.30-44; Lc 9.10-17)

¹ Ito bajiro ĩ yija bero, itajura Galilea wame cutirita sidũja jãa wacu gaa Jesũs rãca. Tiberias wame cuticu gaje itira wame. ² Cõrãre Jesũs ĩ yisioja ticõri, ito yicõri tiyamani ĩ ĩoja ticõri, jãjarã masa suyacã guare. ³ Gaje dujaju ejacõri, gaje buro maja wacu gaa Jesũs rãca. Itoju Jesũs rãca rujicu gaa ĩ rãca riasotirã. ⁴ Pascua basa judio masa ĩna meniroti nocõ mejeti ruyacu. ⁵ Jãjarã masa Jesure ĩna suyaja ticõri, ado bajiro yiquĩ ĩ Felipere:

— Ñna masa jeyarore yiari, ¿no bare waja yirã yirãjida mani? yiquĩ Jesũs Felipere.

⁶ “Ado bajiro yigu yiguja yu”, yi masibojaguti, “No bajiro Felipe ĩ cudija, tuocuja”, yirocu seniĩari seyogũĩ Jesũs. ⁷ Ito yijare Felipe ado bajiro cudiquĩ:

— Doscientos niyeru cujirina naju yu waja yibojaja cuni, masa jeyarore tũjabetoja, yiquĩ ĩ Jesure.

⁸ Ito ĩ yija tuocõri, ado bajiro cudiquĩ gaa rãca gagu, Andrés wame cudigu. ĩ cuni Jesũs rãca riasotiguti ñaqui. ĩti ñaqui Simõn Pedro ocabaji. Ado bajiro yiquĩ ĩ:

⁹ — Ado ñami sigũ macuacã, co dujamocõ cebada wame cutirise naju rucogu ito yicõri wai jũarã rucogu. Masa jãjarã ĩna ñajare tũjado ma adi, yiquĩ Andrés.

¹⁰ Ito ĩ yija:

— Masa jeyarore ruji rotiya, yiquĩ Jesũs.

Ta quenarise jaje ñacu itoju. Ito bajiri cinco milcõ amua rujicã ĩna. ¹¹ ĩna rujija ticõri, ĩ ya amona naju amiquĩ Jesũs. “Queno ya Dios mu”, yicõri, gaa ĩ rãca riasotirãre ĩsiquĩ ĩ. Guajua ito rujirãre batocu ĩja. Waire cuni ito bajiroti batocu gaa. Masa ĩna amocõti ĩsicu gaa. ¹² Masa ĩna yajija ticõri, ado bajiro yiquĩ Jesũs guare:

— Ruyarise miojuya, iti godabe yirona, yiquĩ Jesũs guare.

¹³ Cebada wame cutirise naju ruyarise jua gubojeno jiburi dajacu, gaa bato ruarise. ¹⁴ Ito bajiro tiyamani Jesũs ĩ ĩoja ticõri, ado bajiro yicã masa:

— Riti, Diore busi ĩsiri masu ñami ani, adi macarucurojare mani bocatiru, yicã masa.

¹⁵ “Yu amobitibojarocati yure ami wacõri, cuto uju yure cũ amoama ana”, yi tuoĩacõri, sigũti taria joeru maja waquĩ Jesũs.

Ide joe Jesũs ĩ ware gaye
(Mt 14.22-27; Mr 6.45-52)

¹⁶ Iti rãioja ticõri, gaa Jesũs rãca riasotirã itajuraju roja wacu. ¹⁷ Iti rãitãja tibojaguti gaa ta tũdi ejabitiquĩ Jesũs maji. Ito bajiri cumaju sãjacõri jãa wasuocu gaa, Capernaum wame cutiri cutoju ejarã warã. ¹⁸ Ito bajiro gaa jãa waroca bato mino weasuocu. Ito yicõri jacũrise bucu, curise jacũcu. ¹⁹ Cinco, seis kilõmetrocõ gaa wa tũjaroca, ide joe cãda wadicõri cuma tũju Jesũs ĩ wadija ticu gaa. Ito bajijare ti ucacu gaa ĩja. ²⁰ Gaa ti ucaja ticõri, ado bajiro yiquĩ Jesũs:

— Yuti ña. Gũibesa, yiquĩ Jesũs guare.

²¹ Ito ĩ yija tuocõri, wanure rãca boca amicu gaa ĩre ĩja. Ito yija bero yoari mejeti gaje duja jãa ejacu gaa, gaa tuoĩa waroju.

Jesure masa ĩna amare gaye

²² Ito bero gaje rumu itajura gaje duja tujana, “Ñari cumanati wañi ĩna. Ito bajibojarocati Jesuama wabisĩ ĩna rãca”, yicã ĩna. ²³ Ito bajiro ĩna baji ñaroca Tiberias cuto gãna gaje cumarina ejayijarã ĩna tu. “Queno ya Dios mu”, yi Jesũs ĩ gotiraju tu, ito yicõri masa ĩna bagoraju ta ejayijarã ĩna. ²⁴ Itiju Jesũs ĩ manija ticõri, gaa ĩ rãca riasotirã gaa manija ticõri, iti cumarina Capernaumu ĩre amarã wayijarã ĩna.

Jesuti ñami catitĩñare gaye rucogu, yire oca

²⁵ Itajura sidũjaju ejacõri guare ti bujacã ĩna ĩja. Jesure ti bujacõri ado bajiro ĩre seniĩacã ĩna:

— Guare riasogu, ¿nocãta ado ejari mu? yi seniĩacã ĩna Jesure.

²⁶ Ito bajiro ĩna yija tuocõri:

— Riti muare gotia yu. Yaji quenaro babu mua, ito bajiri yure ama mua. Tiyamani yu ĩorisegaye ti masicõri meje yure ama mua. ²⁷ Bare jedirise gaye bujarona meje moaña mua. Bare jogarise gaye meje, catitĩñare gaye bujarona moaña mua. Yu ña Masa Rĩjoru, bare jogabiti

gaye muare İsiroca. “Ito bajiro İ yitoni İre cūñi Dios”, yare mua yi masiroca yami Dios, yiquĩ Jesús masare.

²⁸ Ito İ yija İre seniİacā İna:

—¿No bajiro Dios İ āmoro bajiro yirāñida gua? yicā İna Jesure.

²⁹ İna ito yija tuocōri, ado bajiro cudiquĩ Jesús:

—Dios İ cōarure mua tuorūnare āmoami Dios, yiquĩ Jesús masare.

³⁰ Ito İ yijare:

—¿Ñe tiyamani guare İogū yigujada mu, itire ticōri mure gua tuorūnutoni? ¿Ñe gaye guare İogū yigujada mu? ³¹ Mani ñicusabatia ñayoana yuca manojū ña ucurā, manā wame cutirise bayijarā İna maji. Itire gotia Dios oca cuni. Tuote: “Ūmacūju gaye naju İnare ecaroca queoñi Dios”, yi gotia Dios oca, yicā masa Jesure.

³² İna ito yija tuocōri, cudiquĩ Jesús:

—Riti muare gotia yu. Moisés ñayora meje ūmacūju gaye naju İnare ecañi. Yu Jacuti ñañi ūmacūju gaye naju ñasarise İnare ecaru. ³³ Naju ūmacūju gaye ñasarise rucogu ñaguñi Dios İ cōaru. Naju ñasarise rucocōri, masare catiñare İsigū yiguñi İ, yiquĩ Jesús masare.

³⁴ Ito İ yija:

—Gua ūju, iti naju catiñare gaye riti guare ecasotiya, yicā İna Jesure.

³⁵ Ito İna yija tuocōri, ado bajiro yiquĩ Jesús İnare:

—Yuti ña naju ñasarise rucogu, ito yicōri catiñare İsigū. No yure boca āmigūti juaji ñiocōbica yiguñi İ. Najuro babojarāti mucana tūdi ñiocōrā yirāji mua. Ide idibojarāti mucana tūdi idi āmorā yirāji mua. No yure boca āmigūti ñe gaje āmobicu yiguñi. No yure tuorūnagūti ñe gaje āmobicōri queno wanu quenagū yiguñi. ³⁶ “Yure tibojarāti, yure tuorūnubea mua”, yiarı muare goticu yu. ³⁷ No yure boca āmirāti, İna ñama yu Jacu yure İ İsiana. No yure boca āmi āmogūre, İre rēobicu ya. “Yure boca āmibesa mu”, yibicu ya. ³⁸ Ūmacūjana wadicōri, yu āmoro bajiro yigu meje wadicu yu. Yure cōaru İ āmoro bajiro yirocu wadicu yu. ³⁹ Ado bajiro āmoami yu Jacu yure cōaru. Yure İ İsiana, sīgū İ godare āmobeami İ. Susari rumu İna tūdi catiroca yu yire āmoami İ. ⁴⁰ No yure boca āmicōri, yure tuorūnagū İ catiñare āmoami yu Jacu Dios. Ito bajiri yure tuorūnare İna tūdi catiroca yigu yiguja yu susari rumu, yiquĩ Jesús masare.

⁴¹ Ito İ yija bero, İre busitusocā judio masa. “Yu ña naju ñasarise rucocōri, ūmacūjana wadiru”, Jesús İ yija tuocōri, İre busitusocā İna. ⁴² Ito yicōri, ado bajiro gāmeri basicā İna:

—¿Ani Jesús, José macu meje ñati? İ Jacure, İ jacore cuni ticu mani. ¿No yija ito bajibo jaguti, “Ūmacūju gagu wadiru ña yu”, yati İ? yicā İna.

⁴³ Ito bajiro İna yija masicōri:

—İtocō busitu jidicāna mua. ⁴⁴ Noa yure boca āmimenaji, Yu Jacu yure cōaru yure İna boca āmiroca İ yibeja. No yure boca āmirāre susari rumu İna tūdi catiroca yigu yiguja yu. ⁴⁵ Diore goti İsiri masa İna ucare ado bajiro gotia: “Masa jeyarore riasogu yiguñi Dios”, yi gotia iti. Ito bajiri no yu Jacu riasorise gaye tuorūnarā, yure cuni boca āmirā yirāji, yiquĩ Jesús judio masare.

⁴⁶ Gaje ado bajiro gotiquĩ Jesús:

—No yu Jacure tigū maquñi. Yu sīgūti İ tu wadiru ñari, İre tigorū ña yu. ⁴⁷ Riti muare gotia yu. No yure tuorūnagūti catiñagū yiguñi. ⁴⁸ Yu ña naju ñasarise rucogu, ito yicōri catiñare gaye rucogu. ⁴⁹ Mani ñicusabatia yuca manojū manā wame cutirise naju babojarāti goda jediñi İna. ⁵⁰ Muare yu busiriseama, naju ūmacūju gaye ruji wadirise gaye, muare busia yu. Yu rucorise najure bacōri, godamena yirāji. ⁵¹ Yuti ña, naju catiñare gaye rucocōri, ūmacūjana ruji wadiru. No iti gaye naju bagu catiñagū yiguñi. Muare yu naju İsirise, yu ya rujuti ña. Masa jeyarore yiarı yu ya ruju İsigū yiguja yu, yiquĩ Jesús judio masare.

⁵² Ito İ yija tuocōri, İnamasiti gāmeri busitusocā judio masa:

—¿No bajiro İ ya rujare manire ecagu yiguñida İ? yicā İna.

⁵³ Ado bajiro cudiquĩ Jesús İnare:

—Riti muare gotia yu. Yu Masa Rjorare yu ya ruju mua babeja, ito yicōri yu ya rı mua idibeja, catimena yirāji mua. ⁵⁴ No yu ya rujare bacōri, ito yicōri yu ya rıre idigu catiñagū yiguñi. Susari rumu tūdi İ catiroca yigu yiguja yu. ⁵⁵ Yu ya ruju iti ña bare ñasarise. Ito yicōri yu ya rı iti ña idire ñasarise. ⁵⁶ Yu ya rujare bagu, ito yicōri yu ya rıre idigu, İ ya usijure ñagū yiguja yu. Ito bajiri yure bajiroti usi catigu yiguñi İ. ⁵⁷ Yu Jacu yure cōaru, catire rucogu ñami İ. Ito bajiri İna suoriti catia yu. Ito bajiroti, no yure boca āmigū, yana suoriti catigu yiguñi İ. ⁵⁸ Ūmacūju gaye naju wadire gaye busia yu. İti gaye naju manā wame cutirise robo bajirise meje ña. Mani ñicusabatia manā wame cutirise babojarāti goda jediñi İna. No naju ñasarise baguama catiñagū yiguñi İocā, yiquĩ Jesús judio masare.

⁵⁹ Capernaum wame cutiri cuto minijuara wiju ito bajiro riasoquĩ Jesús masare.

Jesús ocare mani tuorūnaja catiñarā yirāji mani, yire gaye

⁶⁰ Ito bajiro riasore gaye Jesús i busija tuocōri, jājarā ĩre sayarā ado bajiro gāmeri basicā ĩna:

—Ito bajiro i riasorise josari ña. Itire queno tuo masibea mani. Sīgūjua itire boca āmīgū mami, yicā ĩna.

⁶¹ “Yu riasorise tuocōri, tuoña bujatobeama ĩna”, yi masiri seyoquī Jesús. Ito bajiri ado bajiro ĩnare yiquī ĩ:

—¿Ito bajiro muare yu riasorise tuoña bujatobeati mua? yiquī Jesús ĩnare. ⁶² Yu Masa Rjōru, ūmacūju yu ñagoado mucana yu tudī mūja waja, ¿no bajiro tuoīarā yirājida mua? ⁶³ Espiritu Santo ñami masa ĩna catitīñaroca yigu. Masama gājerā ĩna catitīñaroca yi masimenaji ĩna. ĩju muare yu gotirise Espiritu Santo riojo i goticārise ña. Itire mua tuorānuja, mua catitīñaroca yigu yiguī ĩ. ⁶⁴ Mua coriarā, yure tuorānumena ñarāji maji, yiquī Jesús ĩnare.

Cajerojuti, “ĩna ñarā yirāji yure tuorānumena. Ito yicōri i ñagū yiguīji, yu wajanare yure ĩna ñiatoni gotiri masu”, yi masi yucāri seyoñi Jesús cajerojuti.

⁶⁵ Ado bajiro masare goti quenoquī Jesús:

—Espiritu Santo ñami masa ĩna catitīñaroca yigu. Itire masicōri ĩju ado bajiro muare gotibu yu: Noa yure boca āmimenaji, yu Jacu yure ĩna boca āmiroca i yibeja, yibu yu, yiquī Jesús masare.

⁶⁶ Ito i yija tuocōri, jājarā ĩre sayabojarā ĩre jidicācā ĩna. Ito bajiro gaa rāca wa ucubiticā ĩna ĩja. ⁶⁷ Ito bajiro ĩna bajija ticōri, gua i rāca riasotirā jua gubojeno ñarāre senīiaquī Jesús:

—¿Mua cūni yure jidicā āmoati? yiquī Jesús guare.

⁶⁸ Ito i yija tuocōri, ado bajiro cūdiquī Simón Pedro:

—Gua ũju, mare gua jidicāja, ¿ñimu tu warā yirājida gua? Mu ya oca ña catitīñare oca. ⁶⁹ Mare tuorānucācu gua. “Mu ña Cristo, Dios catitīñagū Macu”, yi masia gua mare, yiquī Simón Pedro Jesure.

⁷⁰ Ito i yija tuocōri, ado bajiro yiquī Jesús guare:

—Mua jua gubojeno ñarāre besecācu yu. Ito bajibojarocati mua wato sīgū ñami rāmū yagu, yiquī Jesús, guare.

⁷¹ Ito bajiro i busija, Judas Iscariote Simón macure, yi tuoña busiquī Jesús. Jesús rāca riasotigu ñabojaguti Judas ñaquī Jesús wajana ĩre ñiatoni gotiri masu. Gua jua gubojeno ñarā rāca gagu ñabojagui Judas.

7

Jesús ocabajirā ĩre ĩna tuorānubitire gaye

¹ Ito yija bero mucana Galilea sitaju wa ucucu gua Jesús rāca. Judea sitaju ña āmobitiquī Jesús, iti sita gāna judio masa ĩre ĩna sīa āmojare. ² Chozas basa, judio masa ĩna meniroti jabeto rujacu. ³ Ito bajiri Jesús ocabaji mesa ado bajiro yicā ĩre:

—Judea sitaju mare sayarā jājarā busa ñarāji. Ito bajiri ado tujabesa. Itoju wasa. Itoju tiyamani gaye mu ĩoja, tirā yirāji ĩna cūni. ⁴ No masa ĩre ti masire i āmoja, yeyoroju tiyamani yi ĩobiquīji ĩ. Masa tiro riojo ĩogū yiguīji ĩ. Tiyamani gaye mu yiado bajiroti masa jeyaro tiro riojo ĩoja quena, yicā Jesús ocabaji mesa ĩre.

⁵ ĩ ocabaji mesa cūni queno ĩre tuorānubiticā ĩna. ⁶ Ito bajiri ado bajiro yiquī Jesús ĩnare:

—Judea sitaju yu waroto ejabea yure maji. Adocāta cūni mua waja quenacōa muareama.

⁷ Adi macārucāro gāna muare ti tudimenaji. Yureama ti tudirā yirāji. “Ñeñaro yirā ña mua”, yu yijare, yure ti terā yirāji ĩna. ⁸ Basa titēña muama. Yureama yu waroto ejabea maji, yiquī Jesús i ocabajirāre.

⁹ Ito bajiro Jesús i yija bero Galilea sitaju jabeto tujacu gua i rāca maji.

ĩna basaroca Jesús i riasore gaye

¹⁰ ĩ ocabajirā waja bero Jesús cūni basa tigu waquī. ĩre baba cuti wacu gua cūni. Buto masa ĩna tiro riojo meje ña ucuquī Jesús, basa tigu. ¹¹ Basa rāmu ñaroca Jesure āmabojacā judio masa. Ado bajiro yicā ĩna:

—¿Noju ñaguījida ĩ? yi basicā ĩna.

¹² Basa rāmu ñaroca, jājarā masa Jesús gaye basicā ĩna. Coriarā ado bajiro yicā: “Queno yigu ñaguīji ĩ”, yicā coriarā. Gājerāma ado bajiro yicā: “Queno yigu meje ñaguīji ĩ. Masare ruogu ñaguīji ĩ”, yicā gājerā.

¹³ Judio masa ujarāre güirā, recoti i gaye busi joeobiticā ĩna.

¹⁴ Basa gudareco iti tujaroca Dios ya wi sājacu gua Jesús rāca. Iti wiju sājacōri, masare riasosuoquī Jesús. ¹⁵ ĩ riasoja tuo ucacōri, ado bajiro yicā judio masa ujarā:

—Riasotibitigoru ñabojaguti, ¿no yija queno masiati āni? yicā ĩna.

¹⁶ Ito bajiro ĩna tuoīaja ticōri, ado bajiro yiquī Jesús ĩnare:

—Yū riasorise yū ye meje ņa. Yūre cōaru gaye ņa iti. ¹⁷ Dios ī āmoro bajiro mua yi āmoja, “Dios gaye riasoami ī, ī gayeti riasoami ī”, yi masirā yirāji mua yūre. ¹⁸ No ī gayeti ī busija, masa ņa īre rūcubūore āmoguīji. No īre cōaru gaye ī busija, īre cōarujuare masa ņa rūcubūore āmoguīji ī. ī busirise riti ņaroja. ņejuā ruore oca manoja īre, yiquī Jesūs masare.

¹⁹ “Moisés ņayoru ī rotire gaye muare cūfi. Ito bajijobarocati mua sīgūjua iti rotire gaye cudi jeobea mua. ζNo yija yure sīa āmoati mua?” yiquī Jesūs masare.

²⁰ Ito ī yija tuocōri, ado bajiro cudicā masa īre:

—Rāmú sāñagū ņa mū. ņimujua mure sīa āmogū maquīji, yicā ņa Jesure.

²¹ ņa ito yijare:

—Tujacāra rūmū ņaroca sīgū cōgūre yū yisioja ticōri, itire ti ucabu mua. ²² Moisés ņayoru rīacare wiro tare gaye muare rotiņi ī. ņa suori meje iti rotire ņasuoyija. ī riojua gāna cūni ito bajiroti yijjarā ņa. Iti rotire muare ņajare, tujacāra rūmū ņabobarocati rīacare wiro ta mua. ²³ Moisés ņayoru ī rotirise cudirona tujacāra rūmū ņabobarocati rīacare wiro ta mua. Ito bajiri tujacāra rūmū ņabobarocati sīgū cōgūre yū yisioja, ζno yija yure junisiniati mua? ²⁴ Rocati queno tuoīa jeobitibobarāti, “īre seti ņa”, yibesa mua. “īre seti ņa”, mua yi āmoja, cajero queno tuoīa jeocōri, “īre seti ņa”, yija quena, yiquī Jesūs masare.

Dios ī cōaru ņa yū, Jesūs ī yire gaye

²⁵ Ito ī yija tuocōri, Jerusalén gāna ņamasiti gāmeri seniņasucōcā:

—ζĀni meje ņati sīarona ņa āmagū? ²⁶ Ado mani jeyaro tiro riojo busi ņami ī. Ito bajijobarocati sīgū īre rēogū mami. Ado gāna ujarā mesa, “Cristo Dios ī cōaru ņaguīji āni”, ζyi tuoīarājida ņa? ²⁷ “Iti cuto gagu wadiņi ī”, yi masia mani. Cristoreama, ī ejaja, “Ito gagu wadiņi ī”, yi masimena yirāji mani.

²⁸ ņa ito yija tuocōri, Dios ya wiju riaso ņabobaru, oca sēoro ado bajiro busiquī Jesūs:

—ζYure ti masiati mua? “Ito gagu wadiru ņami ī”, ζyure yi masiati mua? Yumasi meje wadicu. Dios yure ī cōajare wadicu yū. Riojo gotigu ņami yure cōaru. īre ti masirā meje ņa mua maji. ²⁹ Yūama, īre masia. ī cōaru ņa yū. Ito yicōri, ī tu wadiru ņa yū, yiquī Jesūs ņare.

³⁰ Ito ī yija tuocōri, īre buto ņia āmocā judio masa ujarā. Ito bajijobarocati sīgū īre ņiagū maniquī. Dios ī ņiarotiraju ejabiticu maji. Ito bajiri ņia masibiticā ņa maji. ³¹ Gājerāma jājarā īre tuorānucā ņa. Ito bajiri ado bajiro yicā ņa:

—Cristo Dios ī cōaru ņaguīji āni. ī rētoro tiyamani yigu maquīji, yicā ņa īre tuorānurā.

Fariseo gaye tuoīarā Jesure ņa ņia āmore gaye

³² Jesūs gaye masa ņa busija, tuoīni fariseo gaye tuoīarā. Ito bajiri porecia masare, Jesure ņia rotiņi fariseo gaye tuoīarā, ito yicōri paia ujarā cūni. ³³ ņa ejaja ticōri, ado bajiro yiquī Jesūs:

—Yure cōaru tu tudi wacu yigujā yū. Ito bajiri yoari mejeti masa tu ņagū yigujā yū maji.

³⁴ Yure āmabobarāti tudi yure bujamena yirāji mua. Yū ņaroju wa masimena yirāji mua, yiquī Jesūs masare.

³⁵ Jesūs ito ī yija tuocōri, judio masa ņamasiti gāmeri seniņacā ņa:

—ζNoju wacu yiguījida āni, īre mani ti bujabetoju? Mani masa sōju wacōri griego masa rāca wusarā tu, wacu yiguīji gajea. Ito yicōri, ņare riasogu wacu yiguīji gajea. ³⁶ “Yure āmabobarāti yure bujamena yirāji mua. Ito yicōri yū ņaroju wa masimena yirāji mua”, ito bajiro ī yija, ζno yireoni ņati iti? yi gāmeri basicā ņa.

No yure senirāti catiņiņare bujarā yirāji, yi Jesūs ī riasore gaye

³⁷ Basa ņasusari rūmū, iti rūmū ņacu ņasari rūmū. Iti rūmū wumū rūgūcōri, oca sēoro busiquī Jesūs:

—Sīgū ī idi āmoja, ide senigū yiguīji. Iti bajiroti, no catiņiņare gaye ī buja āmoja, yū tu wadicōri seni ejagu yiguīji. ³⁸ Ado bajiro gotia Dios oca. Tuote mua: “Sīgū yure ī tuorānūja, ī ya usiju ide catiņiņare gaye ide goje robo bajiro ī ya usiju ūmabato ņaro yiroja”, yi gotia Dios oca, yi gotiquī Jesūs masare.

³⁹ Iti gaye Jesūs ī busija, “Yure tuorānurāre ņa ya usiju, Espiritu Santo quedi sājagū yiguīji ņare”, yigu yiquī Jesūs, ito bajiro ī busija. Jesūs ūmacūju rūcubūoraju ī tudi ejabeja, Espiritu Santore adi sitaju cōabisī Dios maji.

Ricati riti masa ņa tuoīare gaye

⁴⁰ Jesūs ī busija tuocōri, ado bajiro yicā coriarā:

—Riti Diore goti isiri masu wadiru ņami āni, yicā coriarā.

⁴¹ Gājerāma ado bajiro yicā ņa:

—Cristo Dios ī cōaru ņami āni, yicā ņa.

Gājerāma ado bajiro yicā:

—¿Galilea gagu Cristo no bajiro ñaguñjida? ⁴² Dios oca iti gotija, “David ujū ñayoru, janerābatia janami, ñagu yiguñji Cristo. Ito yicōri David ñayoru robo bajiro Belén gaguti ñagū yiguñji ī cuni”, yi gotia Dios oca, yicā ĩna.

⁴³ Ito bajiro Jesús gaye ĩna busija tuocōri, ricati riti tuoīacā masa. ⁴⁴ Coriarā ĩre ĩña āmobjacā. Ito bajibojarocati sīgū ĩre ñiagū maniquī.

Ējarā Jesure ĩna tuorānūbitire gaye

⁴⁵ Jesure ĩña masibiticōri, fariseo gaye tuoīarā ito yicōri paia ujarā tu cuni tūdi wacā porecia. Ñe manati ĩna ejaja ticōri, ado bajiro ĩnare senīayijarā ĩna:

—¿No yija ĩre āmi wadibiti mua? yiyijarā ĩna.

⁴⁶ Ado bajiro cūdiyijarā porecia:

—Sīgūjua ī robo bajiro busirā masa manicā, yiyijarā ĩna.

⁴⁷ Ito yijare, fariseo gaye tuoīarā ado bajiro yiyijarā:

—¿Ī ruorisere ĩre tuori mua? ⁴⁸ Mua ujarā ña gua. Guama sīgū ĩre tuorānugū ma. ⁴⁹ Ado gāna masa Moisés ñayoru ī rotire gaye masibiticōri Jesure tuorānūrāji ĩnaōna. Ito bajiro ĩna bajijare ĩnare ruyuriogu yiguñji Dios, yiyijarā fariseo gaye tuoīarā.

⁵⁰ Nicodemo ñamijū Jesure tigū ejaru, fariseo gaye tuoīagū ñayijū ī cuni. Ī baba mesare ado bajiro yiyijū ī:

⁵¹ —Ado bajiro bajia mani rotirise: Cajero seti cutigure mani senīa tuobeja, “Īre seti ña”, yi masibebe mani, yi gotia mani rotirise, yiyijū Nicodemo ī baba mesare.

⁵² Ito ī yijare:

—¿Galilea sita gagū ñati mū cuni? Dios oca tutire riasotiāte mū. Itire mū riasotija bero, “Diore goti ĩsiri masu Galilea wadiru macu yiguñji”, yire gaye masigū yigūja mū cuni, yiyijarā ĩna, Nicodemore tudirā.

⁵³ Ito yija bero batacōri ĩna ya wirijū wasosayijarā ĩna.

8

Romio gajeo manujū rāca ajegore gaye

¹ Cutoju gua tujaroca Jesuama Olivos wame cutiri buroju maja waquī. ² Gaje rumu busuri, Dios ya wijū gua ñaroca tūdi ejaquī Jesús mucana. Ī ejaja ticōri, jājarā masa ī tu minijuacā. ĩna minijuaja ticōri, eja rūjūquī ī ĩnare riasorocu. ³ Ito bajiro ī yiroca fariseo gaye tuoīarā, bucārā rotirise riasori masa cuni ejacā. Sīgō romio gajeo manujū rāca ajegorore ĩna bujarore āmi ejacā ĩna. Isore āmi ejacōri, gua riojo isore rojocā ĩna. ⁴ Ito yicōri, ado bajiro Jesure yicā ĩna:

—Riasogu, adio romiore gajeo manujū rāca iso ajeroca ti bujabu gua. ⁵ Moisés ñayoru ī rotire, ado bajiro rotia: Ito bajiro yigore gātana rea siaña, ya iti. ¿Muāma no bajiro tuoīati? yicā ĩna Jesure.

⁶ “No bajiro manire ī cūdiya tuona” yirona ito bajiro senīari seyocā ĩna. “Manire ī cūdi masibebe, ĩre seti ña”, yi masirā yirāji mani, yi tuoīari seyocā ĩna. ĩna ito yija masicōri, jacaju ñini rūjūcōri, ī ya āmo wāsoana ucasuquī Jesús. ⁷ ĩre ĩna senīa ruamucitija tuocōri, wamu rūgūquī Jesús ĩja. Ito yicōri ado bajiro ĩnare yiquī:

—Mua sīgū ñeñaro yīlamena ñajama, isore cajero gātana reaja quena, yiquī Jesús ĩnare.

⁸ Ito bajiro yi tīgō ñini rūjūquī Jesús mucana. Ito yicōri, mucana jacaju ucaquī ī. ⁹ Ito ī yija tuocōri, “Mani sīgū ruayabeto ñeñaro yirā riti ña mani”, yi tuoīa masicā ĩna. Ito bajiri bucārā budi wasuocā ĩna. Ito yicōri, ĩna ñarocōti budi jedicoacā ĩna ĩja. ĩna budi jedija bero, romio riti ito tujacō Jesús tu. ¹⁰ Ito yija Jesús wamu rūgūquī mucana. Romio sīgōreti ticōri, ado bajiro yiquī Jesús isore:

—Nomi, ¿noju ñati, “Isore seti ña”, mure yirā? ¿Sīgūjua, “Mure seti ña”, yigu mati? yiquī ī isore.

¹¹ Ito ī yija bero cūdicō iso:

—Yū Ējū, sīgū mami, “Mure seti ña”, yure yigu, yicō iso Jesure.

Iso ito yija tuocōri, ado bajiro yiquī Jesús:

—Yū cuni, “Mure seti ña”, yibebe. Wasa, mucana tūdi ñeñaro yibebe ĩja, yiquī Jesús isore.

Yuti ña adi macārucārore busurise rucogu, Jesús ī yire gaye

¹² Mucana masare gotigu, ado bajiro busiquī Jesús:

—Yū ña busurise rucogu, ito yicōri, adi macārucārore busugu. Busurise rucogu ñari adi macārucāro gāna ĩna tuo masiroca ya yū. No yure suyaguti raitīaroju wa ucubicu yiguñji. ĩre siatitīñagū yigūja yū, ī queno tuo masitoni. Ito bajiri yure boca āmicōri catitīñagū yiguñji ī, yiquī Jesús.

¹³ Ito bajiro ī yija tuocōri, ado bajiro yicā fariseo gaye tuoīarā:

—“Riti gotia yū”, ya mū, masa mure ĩna rucūbuotoni. Ito bajiro mū yibojaja, ñe waja ma iti. Ruogu ya mū, yicā ĩna Jesure.

¹⁴ Īna ito yijare ado bajiro cadiquī Jesús:

—Yumasiti yu gotirise ñabojarocati, riti ña yu gotirise. Iti ña oca riojo ñasarise. Yu masia yu wadigoadoju. Ito yicōri yu warotoju masia yu. Mũama yu wadigoadoju masibea. Ito yicōri, yu warotoju cuni masibea mua. ¹⁵ “Mũare seti ña”, yure mua yija, adi macãrucãro gãna ĩna tuoĩado robo bajiro ya mua. Yuama, “Mũare seti ña”, yibeja yu. ¹⁶ “Mũare seti ña”, yu yija, riojo mũare gotiboguja yu. Masare ĩna ñeñaro yirise yu waja senija, yu sigũ meje senia yu. Yu Jacu yure seni rotigu, yu rãcati senigũ yiguĩji ĩ. ¹⁷ Mũa bucãrã rotirise ado bajiro ucare ña: “Īre seti ña”, jũarã ĩna yija, ĩnare tuorũnuja quena, ya mua bucãrã rotirise. ¹⁸ “Riti gotia yu”, ya yu yumasi cuni. Yu Jacu yure cõaru cuni, “Riti gotiami ãni”, yi goti ejabũami ĩ yure yiarĩ, yiquĩ Jesús ĩnare.

¹⁹ Ito ĩ yija tuocõri, ado bajiro ĩre seniĩacã ĩna:

—¿Noju ñati mu Jacu? yicã ĩna Jesure.

Ito yijare cadiquī Jesús:

—Yure ti masibea mua. Ito yicõri yu Jacure cuni ti masibea mua. Yure mua ti masija, yu Jacure cuni ti masiboana mua, yiquĩ Jesús ĩnare.

²⁰ Dios ya wiju ñacõri ito bajiro masare riasoquĩ Jesús. Masa ĩna niyeru sãra jedori tũju rãgõcõri ito bajiro masare riasoquĩ Jesús. ĩre ĩna ñiarotiju ejabiticu maji, ito bajiri sigũjua ĩre ñiagũ maniquĩ.

Yu warotoju wa masimenaji mua, Jesús ĩ yire gaye

²¹ Mũcana masare gotigu, ado bajiro busiquĩ Jesús:

—Wacu ya yu. Yure ãmabojarã yirãji mua. Mũa ñeñaro yirise jidicãmenati godarã yirãji mũama. Ito bajiri yu waroju wa masimena yirãji mua, yiquĩ Jesús ĩnare.

²² Ito ĩ yija tuocõri, ado bajiro yicã judio masa:

—¿Īmasiti sĩa godagu yati ãni? Ito bajiri, “Yu warotoju wamena yirãji mua”, yami ĩ, yi gãmeri seniĩari seyocã ĩna.

²³ ĩna ito yija tuocõri:

—Mũa ado jaca gãna ña. Yuama ũmacãju gagu ña. Adi sita gãna ña mua. Yuama adi sita gagu meje ña. ²⁴ Ito bajiri, “Mũa ñeñaro yirise jidicãmenati godarã yirãji mua”, yibu yu mũare. “Īti ña yu”, yu yiro bajiro yure mua tuorũnubeja, mua ñeñaro yirise jidicãmenati godarã yirãji mua, yiquĩ Jesús ĩnare.

²⁵ Ito ĩ yija tuocõri, ado bajiro ĩre seniĩacã ĩna:

—Ito yijama, ¿ñimujua ñasati mu? yicã ĩna Jesure.

Īna ito yija:

—“Īti ña yu”, yiarĩ mũare goticãbojabu yu. ²⁶ Jaje mũare gotiroti ñaboja yure. Ito yicõri, “Mũare seti ña”, yu yi ãmoja, jaje gotiroti ñaboja yure. Yure cõaru ĩti ñami riojo gotigu. Adi sita gãna masare yu gotirise, ĩre tuocõri gotia yu, yiquĩ Jesús ĩnare.

²⁷ Ito bajiro ĩnare ĩ busibojarocati, “Mani Jacu Dios gaye busiami ĩ”, yi masibiticã ĩna. ²⁸ Ito bajiri ado bajiro ĩnare gotiquĩ ĩ:

—Yu ña Masa Rijoru. Yucutẽona yure mua mũoja, “Dios Macu ña yu”, yu yiado bajiroti yure ti masirã yirãji mua. “Īmasirio tuoĩacõri meje busiñi. ĩ Jacu ĩ riasoado bajiro riti busiñi”, yi masirã yirãji mua yure. ²⁹ Yure cõaru yu rãcati ñami. Yu Jacu ĩ wanũrise gaye riti ya yu. Ito bajiri yure wagobitisotiami ĩ, yiquĩ Jesús masare.

³⁰ Ito bajiro Jesús ĩ yija tuocõri, jãjarã masa ĩre tuorũnucã.

Dios rĩa meje ñama ñeñaro yirã, yire gaye

³¹ Ito bajiri, ado bajiro gotiquĩ Jesús, judio masare ĩre tuorũnũrãre:

—Yu busirise mua jidicãbeja, riti yu rãca riasotirã ñarã yirãji mua. ³² Ito bajiro yicõri, oca riojo ñasarise masirã yirãji mua. Oca riojo ñasarise tuocõri, mua ñeñaro yirisere jidicãrã yirãji mua. Ito bajiri rãmũre moa ĩsiri masa meje ñarã yirãji mua ĩja, yiquĩ Jesús.

³³ Ito ĩ yija tuocõri:

—Abraham ñayoru janerãbatia ña gua. Rãmũre moa ĩsiri masa ñabiti wadicu gua. ¿No yija, “Rãmũre moa ĩsiri masa meje ñarã yirãji mua”, yati mu gware? yicã ĩna Jesure.

³⁴ ĩna ito yija tuocõri:

—Riti mũare gotia yu. No ñeñaro yirã rãmũa ujure moa ĩsiri masa ñama ĩnaõna. ³⁵ Sigũ macuacã ĩ jacusabatia rãca ñaguĩji. Sigũ ĩre moa ĩsiri masũama, ĩ rĩa rãca ñagũ meje ñaguĩji. Sigũ macu ĩ jacu robo bajiro roti masigũ yiguĩji. ³⁶ Dios Macu ñari roti masigũ ña yu. Ito bajiri rãmũa ujure moa ĩsiri masa ñabitiroca mũare yu yija, riti ĩre moa ĩsiri masa meje ñarã yirãji mua. ³⁷ “Abraham ñayoru janerãbatia ña mua”, yi masia yu mũare. ĩ janerãbatia ñabojarãti yu busirise tuorũnũbiticõri, yure sĩa ãmoa mua. ³⁸ Cuna yure ĩ fogore mũare busia yu. Mũa jacu ĩ rotiado bajiro riti ya mũama, yiquĩ Jesús ĩnare.

³⁹ Ito ĩ yija tuocõri, ado bajiro cadicã ĩna:

—Gua ñicusabatia ñicu ñayoñi Abraham, yicã Ìna, Jesure.

Ìna ito yija:

—Riti Abraham janerãbatia mua ñajama, Ì yiado bajiro yiyoana mua. ⁴⁰ Oca riojo ñasarise, Dios yure Ì riasoado bajiroti muare yu riasobojarocati, yure sïa ãmoa mua. Abraham ñayoruama ito bajiro yibitiyoñi. ⁴¹ Yure mua sïa ãmoja, mua jacu Ì rotiado bajiroti ya mua, yiquí Jesús Ìnare.

Ito Ì yija tuocõri:

—Jacu manoti gua jacosaromia bujana meje ña gua. Sigũ ñami gua jacu. Ì ñami Dios, yicã Ìna Jesure.

⁴² Ìna ito yija tuocõri, ado bajiro cudiquí Jesús:

—Dios tu wadicõri ado ña yu. Riti mua jacu Dios Ì ñaja, yure maiboana mua. Yumasi meje wadicu yu. Dios yure Ì cõajare wadicu yu. ⁴³ ¿No yija yu busirise tuo masibeati mua? Yu busirise tuo ãmobeaa mua. Ito bajiri itire tuo masibeaa mua. ⁴⁴ Mua jacu rãmúu ujú ñami Ì. Ito yicõri Ì rãa ña mua. Ito bajiri Ì ãmoro bajiroti yí ãmoa mua. Cajerojuti masare sïari masu ñañi rãmú. Oca riojo gotire wanugũ meje ñami Ì. Ito yicõri, cojirea riojo gotigu meje ñami Ì. Ruore oca Ì gotija socagu ñari, ito bajiroti ruo gotigũji Ì. Ì ñami ruore jaigu, ito yicõri ruore jacu. ⁴⁵ Mua jacu Ì ñajare, oca riojo ñasarise yu muare gotibojaja, yure tuorãnubea mua. ⁴⁶ “Ado bajiro ñeñaro yicũ mu”, yure yigu sigũ mami mua rãca. Oca riojo ñasarise muare yu gotibojaja, ¿no yija yure tuorãnubeati mua? ⁴⁷ Dios ñarã mua ñaja, recoti Dios ocare tuorãnurã yirãji mua. Dios ñarã meje ñari, yure tuo ãmobeaa mua, yiquí Jesús Ìnare.

Abraham ñayoru riojuajuti Cristo Ì ñacãre gaye

⁴⁸ Ito yija ado bajiro cudicã judio masa:

—“Samaria sita gagu, rãmú sãñagũ ña mu”, mure gua yija, riti ya gua, yicã judio masa Jesure.

⁴⁹ Ìna ito yija tuocõri:

—Ñejua rãmú sãñagũ meje ña yu. Yu Jacu Diore rãcubuoaa yu. Mũama yure rãcubuooba. ⁵⁰ Masa Ìna yure rãcubuoatoni wadiru meje ña yu. Sigũ ñami masa Ìna yure rãcubuoore ãmogũ. Ì ñami yure rãcubuoomenare ti masigũ, ito yicõri Ìna ñeñaro yirise waja senigũ. ⁵¹ Riti muare gotia yu. No yu busirise tuorãnugũ godabicu yiguji. Dios rãca catitĩñagũ yiguji, yiquí Jesús.

⁵² Ito Ì yija tuocõri, ado bajiro yicã judio masa:

—Iti mure gua tuoja, “Riti rãmú sãñagũ ñami”, yí masia gua, mure Ìja. Abraham ñayoru, Diore goti Ìsiri masa ñayoana cuni goda jediñi Ìna. “Yure tuorãnurã godamenaji”, yiyoja mu. ⁵³ ¿Gua ñicusabatia ñicu, Abraham ñayoru rëtoro ñasagu ñati mu? Ì cuni, Diore goti Ìsiri masa cuni goda jedicoañi Ìna. ¿Ñimu ña yu yati muãma? yicã Ìna Jesure.

⁵⁴ Ìna ito yija tuocõri:

—Yumasiti, “Masa Ìna rãcubuoogu ña yu”, yu yiyojaja, ñe waja ma iti. Yu Jacu ñami yure rãcubuoogu, “Ìti ñami gua yagu Dios”, mua yiyojagu. ⁵⁵ Ìre queno masibeaa mua. Yũama Ìre queno masia. “Ìre masibeaa yu”, yu yiyojaja, mua robo bajiroti socagu ñaboruja yu cuni. Yũama, queno masisacõa Ìre. Ì yiro bajiroti cudia yu. ⁵⁶ Mua ñicusabatia ñicu Abraham ñayoru, “Co rumu ejagu yiguji Cristo”, yirocu wanu yuñi. Adi sitaju yu ejaja ticõri, wanusacõquí Ì, yiquí Jesús judio masare.

⁵⁷ Ito Ì yija tuocõri, ado bajiro yicã Ìna Jesure:

—Bucugu meje ña mu maji. Cincuenta rodori tujabea mu maji. Ito bajibojarocati, ¿no yija, “Abraham ñayore ticu yu”, yati mu? yicã Ìna.

⁵⁸ Ìna ito yijare:

—Riti muare gotia yu. Abraham ñayoru Ì ñaroto riojuaju, ñacãcu yu, yiquí Jesús Ìnare.

⁵⁹ Ito Ì yija tuocõri, gũta ãmicã Ìre rearona. Ìna ito yijare, “Ito baja”, yí masia manoti Ìna watoti budicoaquí Jesús, Dios ya wire budigo wacu.

9

Cajea macu rujearure Jesús Ì yisiore gaye

¹ Ito yija bero bũsa Jesús rãca gua rãgũ ucuroca sigũ cajea macu rujearure ti bujaquí Jesús.

² Gua Jesús rãca riasotirã ado bajiro seniĩacu Jesure:

—Guare riasogu, ¿no yija cajea macu rujeayijari ãni? ¿Ì jacusabatia Ìna ñeñaro yire waja ito bajiro rujeayijari Ì? ¿Ìmasi ñeñaro yire wajati bajiyijarite? yicũ gua Jesure.

³ Ito bajiro gua yijare:

—Ìmasi ñeñaro yire waja meje, ito yicõri Ì jacusabatia Ìna ñeñaro yire waja meje ito bajiro rujeañi ãni. Dios Ì masirise masa Ìna titoni, ito bajiro rujeañi ãni. ⁴ Ëmua ña maji. Ito bajiri yure cõaru Ì rotiado bajiroti moagũ ya yu. Yoari mejeti rãioro yiroja. Noajua moa

masimena yirāji itocō. ⁵ Busurise rucogu ña yu. Ito bajiri adi macārucāro yu ñaroca, masa ña tuo masiroca ya yu maji, yiqui Jesús.

⁶ Ito bajiro yi tiocōri, jacaɣu go eocūquī ī. Sitare jabeto ide yiqui ī itina. Ito yicōri, cajea macure itina tuquī ī, ī ya cajeare. ⁷ Ito bajiro yi tiocōri, ado bajiro rotiqui cajea macure:

—Siloé wame cātirita masa ña guaritaju wasa. Itoju ejacōri, mu ya cajeare gōna coeba, yiqui Jesús cajea macure. “Cōaru”, yireoni ña Siloé wame.

Jesús ī gotija tuocōri, ī gotiro bajiroti coegu waquī cajea macu. Ī coe tloja bero tūdi eɣaju ticoaquī ī ĩja. ⁸ Ī ñarā, ĩre tigoana cani ado bajiro yicā ña:

—Yure ti maicōri, yure jabeto ĩsiña”, ¿yi rujicacu meje ñati āni? yicā ña.

⁹—Īti ñami, yicā coriarā.

—Ī meje ñami. Ī robo bajigati ñami ñarea, yicā gājerā.

Ña ito yija tuocōri, ĩmasiti ado bajiro yiqui:

—Īti ña yu, yiqui ī.

¹⁰ Ito ī yijare, ado bajiro ĩre seniñacā masa:

—¿No bajiro yicōri, cajea tiati mu? yicā ña ĩre.

¹¹ Ña ito yijare:

—Sigā Jesús wame cātigu ī ya go idena sita ide yicōri, yure cajea tumi ī. Iti tuocōri, ado bajiro rotimi yure: “Siloé wame cātirita wacōri, coeba”, yimi yure. Itira ejacōri yu ya cajea gōna coebu yu. Ito bajiro yu yirocati ruyucoaju yure, yiqui ī.

¹² Ito ī yija tuocōri, ado bajiro ĩre seniñacā masa:

—¿Noju ñaguñida mure ito bajiro yiru? yicā ña.

Ña ito yija tuocōri:

—Ba, masibea yu, yiqui cajea macu ñagoru.

Cajea macure ña seniña josare gaye

¹³ Ito ī yija tuocōri, fariseo gaye tuoñarā ture cajea macu ñabojarure āmi wacā ña. ¹⁴ Ī ya go idena cajea macure Jesús ī yisiora rumu, tujacāra rumu ñacu. ¹⁵ Cajea macu ñabojarure ña āmi ejaja ticōri, ado bajiro ĩre seniñayjarā fariseo gaye tuoñarā:

—¿No yicōri cajea tiati mu mucana? yiyijarā fariseo gaye tuoñarā.

Ito bajiro ña seniñaja tuocōri:

—Go idena sitare ide yicōri, yu ya cajeare tuquī ī. Iti yu coeja bero tia yu ĩja, yiyiju ī.

¹⁶ Ito ī yija:

—Mure ito bajiro yiru, Dios yagu meje ñañi. Tujacāra rumure rucabuobisī ī, yiyijarā ña.

Gājerāma ado bajiro yiyijarā:

—Ñeñaro yigu ī ñaja, tiyamani yibitiboru ī, yiyijarā gājerā.

Ito bajiri ricati riti tuoñayjarā ña fariseo gaye tuoñarā. ¹⁷ Ito yijare mucana tūdi seniñayjarā ña, cajea macu ñagoru:

—¿Muāma no bajiro tuoñati, mu cajea tiroca yirure? yiyijarā ña.

Ña ito yija tuocōri:

—Diore goti ĩsiri masu ñaguñi, ya yuama, yiyiju ī.

¹⁸ “Cajea macu rujearu mucana tūdi cajea tiru ñami”, yi āmobisjarā ña judio masa ujarā. Ito bajiri cajea macu jacusabatiare ji ñucayjarā ña. ¹⁹ Ña ejaja ticōri, ado bajiro ñare seniñayjarā ña:

—¿Mu macuti ñati āni, cajea macu rujearu? ¿No yija cajea macu ñabojaruti adocāta tiati? yiyijarā ña, ĩ jacusabatiare.

²⁰ Ña ito yija tuocōri, ado bajiro cudiyjarā ña:

—Gua macu, cajea macu rujearati ñami āni. ²¹ Ito bajiro ī tija, ito yicōri ĩre cajea tiroca yirure masibea gua. ĩre seniñaita muā. Bucugu ñami ĩja, ĩmasiti gotiguōcū ñami, yiyijarā ĩ jacusabatia.

²² Judio masa ujarāre güirā, ito bajiro yiyijarā ĩ jacusabatia. “Jesús ñami Cristo, Dios ĩ cōara”, yirāre rēorā ya mani mucana minijuara wiju ña sājame yirona, yi tuoña yucāyjarā judio masa. ²³ Ito bajiri ĩnare güirā, “Bucugu ñami, muamasiti ĩre seniñaña”, yiyijarā cajea macu ñabojaru jacusabatia.

²⁴ Ña ito yija tuocōri, cajea macu ñabojarure ji ñucayjarā judio masa ujarā mucana:

—Dios ĩ tiro riojo, riojo guare gotiya. “Mure yisioru, ñeñaro yi jaigu ñañi”, yi masia gua, yiyijarā ña.

²⁵ Ña ito yija tuocōri:

—Ñeñaro yigu, ñeñaro yigu meje ñaguñi”, yi masibea yu. Adi riti masia yu, cajea macu ñacu yu maji. Adocāta yu cajea tia ĩja, yiyiju ī.

²⁶ Ito ī yija tuobojarāti mucana tūdi seniñayjarā ña:

—¿No bajiro mure yicati i, ma titoni? yiyijarã ina ire.

²⁷ Ina ito yijare:

—Mũare goticãbojaba ya. Yure tuorũnubea mua. ¿No yija mucana tãdi gotire ãmoati mua? ¿Mũa cunĩ ire oca tuo suya ãmoati? yiyiju i judio masa ujarãre.

²⁸ Ito bajiro i yija tuocõri, ire busi tudiyijarã ina:

—Ire oca suyaga ya mu. Moisés ñayoru ocare suya guama. ²⁹ “Moisés ñayorure busiĩ Dios”, yi tuoia gua. Mure yisiorũreama masibeã gua. “Ito gagu ñaguĩji i”, yi masibeã gua ireama, yiyijarã ina.

³⁰ Ina ito yija tuocõri, cadiyiju i:

—Yu ya cajea i yisiore ñabojarocati, “Ito wadiru ñaguĩji i”, yi masibeã mua. Mũa ire ti masibeja bujatobeã ya. ¿No yija ire ti masibeati mua? Mũa ire ti masibeja queno tuo masire ma yure. ³¹ “Ñeñaro yirãre tuobiquĩji Dios. Ire rucũbuocõri, i ãmoro bajiro yirãre riti tuogu yiguĩji Dios”, yi tuoia mani. ³² “Cajea macu rujeãre i tiroca yifĩ sigã”, yire gaye tuoia manicu. ³³ Ñni yure yisiorũ, Dios tu wadiru meje i ñaja, yure no yibitiboru, yiyiju i.

³⁴ Ito i yijare:

—Ñeñaro yi jaigu rujeãru ña mu. “Iñare riasocuja ya”, ¿yi tuoĩati mu, guare? yiyijarã ina cajea macu ñabojarure.

Ito yicõri, ire bucõayijarã ina, ina minijuari wiju ñagũre.

“Dios oca tuorũnũmena cajea mana robo bajirã ñama”, yire gaye

³⁵ Cajea macu ñabojarure ina bucõare gaye tuo bujacu gua Jesús rãca. Ito bajiri ire ti bujacõri, ado bajiro ire yiquĩ Jesús:

—¿Dios Macure tuorũnuati mu? yiquĩ Jesús ire.

³⁶ Ito i yija:

—Yu Eju, yure gotiya. “I ñami”, yiya yure, ire tuorũnũrocũ ya, yiquĩ i Jesure.

³⁷ Ito i yija, ado bajiro ire cadiquĩ Jesús:

—Ire ticãcu mu. Adocãta mu rãca busigu, iti ña ya, yiquĩ Jesús ire.

³⁸ Ito i yija tuocõri, Jesús riojo rijomunigãna ñini rũjũquĩ i, ire rucũbuogu. Ito bajiro yicõri:

—Mure tuorũnuã ya Eju ya, yiquĩ i.

³⁹ Ito yija bero, ado bajiro yiquĩ Jesús masare:

—“Ãna ñama yure cudirã. Ãna ñama yure cudimena”, yi busirocũ wadiru ña ya. Cajea mana robo bajirã ñama Dios oca tuo masimena. Ito bajiri ñare ina tuo masiroca yigu yiguja ya. “Queno masirã ña gua”, yibojarãreama, ina tuo masibitiroca yigu yiguja ya. Ito bajiri tuo masibiticõri, cajea manare bajiro bajirã ñarã yirãji ina, yiquĩ Jesús ñare.

⁴⁰ Ito i yija tuocõri, ito ñarã coriarã fariseo gaye tuoĩarã senĩacã ina Jesure:

—“Tuo masibiticõri, cajea manare bajiro bajirã ña mua”, ¿yati mu guare? yicã ina Jesure.

⁴¹ Ina ito yija:

—Tuo masimena mua ñaja, seti cutirã meje ñaboana mua. “Queno masirã ña gua”, mua yire waja, seti cutirã ña mua, yiquĩ Jesús ñare.

10

Ovejare coderi masa oca

¹ Mucana masare riasosogu ado bajiro yiquĩ Jesús:

—Riti mũare gotia ya. No oveja ina ñari sãnimũ ina ya soje sãjabicu, gaje duja jore sãjagũ ruocõri rinigũ ñami iocũ. ² Ina ya soje sãjagũama, ñare tirũnucõri codegu ñami. ³ Ovejare tirũnũri masu i sãjatonĩ ire soje jana isigũ yiguĩji soje coderi masu. I sãjaroca i ya ocare tuo masirã yirãji i ya oveja. I ya ovejajũare ti masicõri, wamena ñare ji bucõagũ yiguĩji i. ⁴ Ñare bucõa jeocõri, ina riojua ñare tãa ãmatãgũ yiguĩji i. I ya ocare tuo masicõri, ire suyarã yirãji ina. ⁵ I oca ina tuo godu weobejama ire suyamena yirãji ina. I ya ocare tuo masibiticõri, ire rudirã yirãji ina, yiquĩ Jesús masare.

⁶ Riasore oca ñare goti masioquĩ Jesús. Ito bajibojarocati itire tuo masibiticã ina.

Buto masare codegu ñami Jesús, yire gaye

⁷ Ito yija mucana tãdi gotiquĩ Jesús ñare:

—Riti mũare gotia ya. Yu ña soje, oveja ina sãjari soje bajiro bajigu. ⁸ Yu riojua wadiana ñarocõti, ruorĩ masa ito yicõri riniri masa cunĩ ñañi ina. Ito bajiri ya ya oveja mesare tuorũnubisijarã. ⁹ Yu ña soje bajiro bajigu. No yuna suoriti sãjagũ, ire masogũ yiguja ya. Ado bajiro bajigu yiguĩji iocũ: Oveja ina ñari sãnimũju sãjacõri, mucana tãdi, buĩ, yi ñagũ, ñagũ yiguĩji iocũ. Queno wanũ quenagũ yiguĩji i. Ito yicõri, quenari wese i baroti bujagu yiguĩji i. Ito bajiro bajirã ñarã yirãji yure boca ãmirã. Ñare tirũnũgũ yiguja ya.

¹⁰ Riniri masu i eja, rinicōri sīagūti ejaḡu yigūji i. Ito yicōri, ruyurioguti ejaḡu yigūji iocū. Yūma masa ina catitīnaroca yigū wadiru űa yu. Ito yicōri, űe ruyabeto queno ina űaroca yigū wadiru űa yu. ¹¹ Yu űa ovejare queno coderi masu. Yure tuorūnūrāma yu ya oveja bajiro bajirā űarā yirāji. Yu ya oveja bajiro bajirāre goda isirocu űacā yu. ¹² Sīgū waja bujarocu i moaja, queno oveja coderi masu meje űagūji iocū. Buyairo i eja ticōri, ovejare wagogu yigūji i. Ito oveja meje ina űajare, inare wagogu yigūji i. Ito bajiri buyairo ejaōri, ovejare űiagū yigūji, ito yicōri inare io bateḡu yigūji i. ¹³ Waja bujarocu riti sīgū i moaja, ovejare wagogu yigūji i, i űarā meje ina űajare. Inare maigū meje űari inare i wagoja no yimenaji ire, yi riasoquī Jesús masare.

¹⁴⁻¹⁵ Yu űa ovejare queno coderi masu. Yu Jacu yure i masiro bajiroti, yu cūni ito bajiroti ire masia. Ito bajiroti yu ya ovejare ti masia yu. Inajua cūni ito bajiroti yure ti masiama ina. Yu ya ovejare goda isirocu űacā yu. ¹⁶ Adi sānimū gāna meje űama gājerā yu ya oveja. Ina űama gājerā masa. Inare cūni āmigū yigūja yu. Ina cūni yure cudirā űama ina. Co rāmū co sānimūti űarā yirāji ina. Ito yicōri, yu sīgūti űagū yigūja inare coderi masu, yiquī Jesús masare.

¹⁷ Godaḡu yigūja yu, mūcana tūdi catirocu. Ito bajiro yu yijare yu űarā catitīnarā yirāji Dios rāca. Ito bajiri yu Jacu buto yure maiami. ¹⁸ Masama yure sīamena yirāji. Yumasiti yu āmoro bajiroti masare yiarī goda isigū yigūja yu. Masare yiarī yu goda isi āmoja, iti űa yu āmoro bajiro yu yiroti. Ito yicōri, mūcana tūdi yu cati āmoja cati masigū űa yu. Ito bajiro yu yi masitoni yure cūquī yu Jacu, yiquī Jesús masare.

¹⁹ Ito bajiro i yija tuocōri, judio masa ujarā ricati riti tuoīacā ina ija. ²⁰ Coriarā jājarā ado bajiro yicā:

—Rāmū sāñagū, mecūri masu i űabojarocati, űno yija masa ire tuorūnūati? yicā ina.

²¹ Gājerāma ado bajiro yicā ina:

—Rāmū sāñagū i űaja, ito bajiro busibitiborū i. Ito yicōri, rāmū sāñagū i űaja, cajea mana ina tiroca yibitiborū, yicā ina.

Jesure judio masa ina āmobitire gaye

²² Iti rāmūri juebacū űacū. Jerusalēnju Dios ya wi cajero ina cudabiare basa, mūcana tūdi tuoīarā basa menicā ina. ²³ Ide űuraju roca, Salomōn wame cutiri dujajuare Dios ya wijū sāja wacu gua Jesús rāca. ²⁴ Ito bajiro gua bajī űaroca Jesure gāni biacōri, ire seniīacā judio masa:

—űNocāta, “I meje űami i. Iti űami”, mare yi masirā yirājida gua? Cristo Dios i cōarū mu űaja, adocātati riojo ḡare gotiya, yicā ina Jesure.

²⁵ Ina ito yija tuocōri, ado bajiro cudiquī Jesús:

—Mūare goticābojacu yu. Ito bajibojarocati yure tuorūnūbiticū mūa. Yu Jacu i rotirisena jaje mūare iobojacu yu. Itire ticōri, “Iti űami”, yi masirūjabojacu mūare. ²⁶ Yu ya oveja meje űari, yure tuorūnūbea mūa. Canū mūare yu goticato bajiroti bajia. Yu űarā meje űari, yure tuorūnūbea mūa, ya yu mūare. ²⁷ Oveja ina uju ocare ina tuo masiro robo bajiro, yu űarā yure tuo masiama ina. Yu cūni inare ti masia. Ito yicōri yure sūyarā yirāji ina. ²⁸ Ina catitīnaroca ya yu. Ito bajiri coji godacoa yimenaji ina. Sīgūja yu rucorāre ēmabicū yigūji. ²⁹ Inare yu rucotoni yure cūquī Cuna. Nijua i rētoro sēogū maquji. Ito bajiri sīgūja yu rucorāre ēma masigū maquji ija. ³⁰ Yu, ito yicōri yu Jacu rāca riti űa gua, yiquī Jesús judio masare.

³¹ Ito yija mūcana ire rearona ḡata āmicā ina. ³² Ina ito yija ticōri, ado bajiro yiquī Jesús inare:

—Yu Jacu i masirisenā suoriti jaje mūa tiro riojo quenarise yibojacu yu. űDisejua queno yu yire waja yure ḡata rearā yirājida mūa? yiquī Jesús inare.

³³ Ito yijare ado bajiro cudicā judio masa:

—Mū queno yire wajare meje mare ḡata rearā yirāji gua. Mū ya ocana Diore mū busiture waja mare rearā yirāji gua. Gua robo űmugū űabojaguti, “Dios űa yu”, yiboja mū, yicā ina Jesure.

³⁴ Ina ito yijare Jesús ado bajiro yiquī:

—“Yu bajiroti bajirā űa mūa cūni”, yifī Dios, yi ucare űa mūa űicusabatia ina rotire.

³⁵ “Dios oca riojo űasarise űa”, yi tuoīa mani. Ito oca tuorūnūanare, “Yu bajiroti bajirā űa mūa cūni”, yifī Dios i oca tutina. ³⁶ Yure besecōri adi sitaju yure cōaqui Dios. Ito bajiri, “Dios Macu űa yu”, yu yijare, űno yija, “Diore busitua mū”, yati mūa yure? ³⁷ Yu Jacu i yiro bajiro yu yibeja, yure tuobesa. ³⁸ Yu Jacu i yiro bajiro yu yija, yure tuorūnūbitibojarāti, yu yigore ticōri, “Riti gotiami”, yi tuoīarūja mūare. Ito bajiri, “Yure bajiroti usi cutigū űami yu Jacu. Yu cūni ire bajiroti usi cutia”, yu yija, “Riti gotiami”, yi masirūja mūare coji busati, yiquī Jesús inare.

³⁹ Ito i yija tuocōri, mūcana ire űia āmobjacā ina. Jesujuama rudicoaqui.

⁴⁰ Rudi wacōri, Jordán wame catirisa siduja waquĩ Jesús mucana. Ìre baba cati wacu gua cuni. Itoju ejacōri, Juan ì idé gu ñacatiyu tujaquĩ Jesús. ⁴¹ Jājarā masa Ìre tirā ejacā. Ìre ticōri, ado bajiro yicā Ìna:

—Tiyamani Ìobitibojaguti, āni gaye Ì gotire gaye, riti gotiñi Juan, yicā masa.

⁴² Itoju Jesús ñaroca jājarā Ìre tuorūnacā masa.

11

Lázaro Ì godare gaye

¹ Sīgū ñañi ñarise cōgū. Ì wame catiquĩ Lázaro. Ì ñarā romia ñacā María, gajeo Marta. Ìna ñacā Betania gāna. ² Iso María ñacō Jesús ya gabore queno suti quenarise jio gugoro. Jiocōri iso ya joana weja carogoro ñacō iso, Lázaro ocabajio. ³ Lázaro Ì cōja ticōri, Ì ñarā romia Jesure oca cōañi Ìna:

—Gua Ūju, mu baba Lázaro cō ñami, yi oca cōañi Ìna Jesure.

⁴ Iti oca tuocōri ado bajiro yiquĩ Jesús guare:

—Adi ñarise Ìre ruyuriobetoja. Godaroca meje cō ñaguĩji Ì. Ado robojua bajia. “Rētoro ñasagu ñami Dios, Ìto bajiroti rētoro ñasagu ñami Dios Macu cuni”, masa Ìna yi rucubotoni, cō ñaguĩji Lázaro, yiquĩ Jesús.

⁵ Lázaro, Ì ocabajirā romia María, Martare cuni tuo maiñi Jesús. ⁶ “Cō ñami Lázaro”, yire oca tuobojaguti wabitiqũ Jesús maji. Gua ñariju jua rumu ñacōacu gua Jesús rāca maji. ⁷ Jua rumu bero gua Ì rāca riasotirāre ado bajiro yiquĩ Jesús:

—Ita mucana Judea sitaju. Lázaro Ì ñaroju wato mani, yiquĩ Jesús guare.

⁸ Ito Ì yija tuocōri:

—Canu busati itoju gāna judio masa mure gūtana rea sīa āmobaña Ìna. ¿Itoju tūdi ware tuoñati, guare riasogu mu? yi seniñacu gua Jesure.

⁹ “Yure Ìna sīarotiju ejabea maji”, yirocu ado bajiro cadiquĩ Jesús guare:

—Ūmua co ūmua doce hora busurise ña. Ito bajiri sīgū Ì wa ucuja juatabiquĩji iti busujare. Macāncuro busurise iti ñajare ti masigū yiguĩji. Ito bajiri juatabiquĩji Ì ūmua ñajare. ¹⁰ Ñami Ì wa ucuja juatagu yiguĩji, busurise iti manijare, yiquĩ Jesús guare.

¹¹ Itire goticōri mucana gaje gotiquĩ Jesús guare:

—Mani baba Lázaro canicoaguĩji. Ito bajiri Ìre yujiogu waju yu, yiquĩ Jesús.

¹² Ito Ì yija tuocōri:

—Gua Ūju, Ì canija quena ña Ìre. Tujacoagu yiguĩji Ì, yicu gua Jesure.

¹³ “Canigū yiguĩji”, Jesús Ì yija, “Wujore, yiguĩji Jesús”, yire masicu gua. Ito bajiro gua tuoñabojarocati, Jesuama, “Godacoami”, yireoni yigu yīñi Ì. ¹⁴ “Yure queno tuo masibeama Ìna”, yi tuoñacōri, riojo guare gotiquĩ Jesús Ìja:

—Lázaro godacoami Ìja. ¹⁵ Queno yiguti Ì tujū ñabisija yu. Ito bajicōri yure tuorūnarā yirāji mu. “Riti Dios Macu ña mu”, yure yi rucuborā yirāji mu. Ì tu ita Ìja, yiquĩ Jesús guare.

¹⁶ Sīgū Jesús rāca riasotigu, gua rāca gagu Tomás wame catiquĩ. “Sārūaru”, yicu gua Ìre. Ado bajiro yiquĩ Ì, guajure:

—Ita mani cuni. Jesús rācati godana mani cuni, yiquĩ Tomás gua Ì baba mesare.

Yu ña masa tūdi catiroca yigu, Jesús Ì yire gaye

¹⁷ Betaniaju gua ejaroca, “Juaria rumuri tujā Lázarore Ìna yujeja bero”, yicā masa, guare gotirā. ¹⁸ Jerusalén rocajua busa ñacu Betania. Coji cōre gadarecōcō ñacu Betania. ¹⁹ Ito bajiri jājarā Jerusalén gāna judio masa ejacā Lázaro Ì godaja otirā. “Bujato bajia, mu rījoru Ì godaja”, yi María, Martare cuni guañagō otirā ejacā Ìna. ²⁰ “Wadiami Jesús”, yire oca tuocōri, Ìre bocago ejacō Marta. María ejabiticō. Wiju ñacōañi iso. ²¹ Jesús tujū ejacōri ado bajiro yicō Marta:

—Yu Ūju, mu iti rumu busa ado mu ñajama, bai godabitiboru Ì. ²² “Ì godaja bero ñabojarocati, no Diore mu senija, ito bajiroti mure Ìsigū yiguĩji Dios”, yi tuoña yu, yicō Marta Jesure.

²³ Iso ito yija tuocōri:

—Mu rījoru tūdi catigu yiguĩji, yiquĩ Jesús isore.

²⁴ Ito Ì yija:

—Riti gotia mu. Sūsari rumu masare tūdi Ìna catiroca Dios Ì yiri rumu, tūdi catigu yiguĩji bai, yi tuoña yu, yicō Marta Jesure.

²⁵ Iso ito yija tuocōri, ado bajiro yiquĩ Jesús:

—Yu ña tūdi masa Ìna catiroca yigu. Ito yicōri yuti ña catiñare rucogu. No yure tuorūnugūti catiñagū yiguĩji. Godabojaguti tūdi catigu yiguĩji Ìocū Ìja, yiquĩ Jesús isore. ²⁶ Mucana tūdi yu ejari rumu, yure tuorūnu ña yucārā catiñarā yirāji Ìna. Godamenaji Ìna. ¿Itire tuorūnūti mu cuni? yi seniñaquĩ Jesús Martare.

²⁷ Ito Ì yija tuocōri:

—Yu Hju, mu yiro bajiroti baja. Muti ña Cristo, Dios i cõarũ. Muti ña Dios Macu, adi macãrucãroju wadirũ. Itire tuorãnuu yu, yicõ iso Jesure.

Lázaro ya masari cuma tu Jesús i otire gaye

²⁸ Iso ito yija bero iso rĩjoro Mariare jigo wacõ Marta. Iso tu ejacõri, ado bajiro Mariare goti rudiyyijo iso:

—Manire riasori masu ito ñami. “Wadijaro”, yimi mure, yiyijo Marta iso rĩjorore.

²⁹ Iso ito yiroca riti wumucõri, Jesure tigo wadiñi María. ³⁰ Cutoju ejabiticu gaa Jesús rãca maji. Marta iso bocacatojuti ñacu gaa maji. ³¹ María rãca ñañi judio masa, iso yagu godajare otirã. Ejori iso wumu waja ticõri, isore sayu wadiñi ña cuni. “Masari cumaju otigo wagõji”, yi tuoñari seyoñi ña.

³² Gaa tu ejacõri Jesús riojo rijomunigãna ñini rũjucõ María. Ito yicõri ado bajiro ñre basicõ iso:

—Yu Hju, mu iti ramu busa mu ado ñajama, bai godabitiboru, yicõ iso Jesure.

³³ María iso otija ticõri, iso rãca wadiana judio masa ña otija ticõri, bojori bujaquĩ Jesús cuni. Ito bajiri i ya usiju buto bojori buja ñaquĩ Jesús. ³⁴ Ado bajiro ñnare seniãaquĩ Jesús:

—¿Noju ñre yujeri maa? yi seniãaquĩ Jesús.

Ito i yija tuocõri:

—Adojuu tigu waya mu, yicã ña Jesure.

³⁵ ña ito yija tuocõri, otiquĩ Jesús ñja. ³⁶ Jesús i otija ticõri, ado bajiro yicã judio masa: —Tite maa. Lázarore buto tuo mairi seyoami i, yicã ña.

³⁷ Gãjerã coriarãma ado bajiro yicã ña:

—Cajea tibicure yisioḡu ñabojaguti, ¿no yija Lázaro i godabitiroca yibisijari i? yicã ña coriarã.

Lázarore tũdi i catiroca Jesús i yire gaye

³⁸ Mucana Jesús bojori bujaguti eja rãgũquĩ, masari cuma tuju. Gãta toti ñacu godarure ña cũrãju. Ito soje gãtana biare cuticu. ³⁹ Ito yija ado bajiro rotiquĩ Jesús:

—Itiga gãtagã ãmigoya, yiquĩ Jesús.

Ito i yija tuocõri, ado bajiro yicõ Marta, godaru ocabajio:

—Juaria rumuri tuja i godaja bero. Bũoro ãniguñi ñja, yicõ iso Jesure.

⁴⁰ Iso ito yibojarocati:

—Yure mu tuorãnuja, rẽtoro ñasarise Dios gaye tigo yigoja mu, mure gotibu yu, yiquĩ Jesús isore.

⁴¹ “Gãtagã ãmicãña”, Jesús i yija tuocõri, gãtagãre ãmigocã masa. Ito yija macãrucãrojuare ti mũocõri, ado bajiro yiquĩ Jesús:

—Cuna, queno ya mu. Yure tuo mu. ⁴² Yu masia, coji rayabeto yure tuosotia mu. Ito bajibojarocati adi sita gãna mure ña tuorãnutoni, ña tiro riojo mu rãca busia yu. “Dios i cõaru ñami ñni”, ña yitoni, mu rãca busia yu, yiquĩ Jesús, Diore busigu.

⁴³ Ito goti tĩogũti awasãquĩ Jesús ñja:

—Lázaro, budi waya adojuu, yiquĩ Jesús.

⁴⁴ ña yujebojaruti budiquĩ Lázaro ñja. I ya ricari, ito yicõri i ya rujure cuni sayana durea biaru ñaquĩ i. Gũbori cuni, i ya rijoga cuni saya werona biaru ñaquĩ. Ruyubicu ñaquĩ i. Ito bajiri ado bajiro masare rotiquĩ Jesús:

—Ñre õjaña, i watoni, yiquĩ Jesús.

Jesure ñiarona ña cunire gaye

(Mt 26.1-5; Mr 14.1-2; Lc 22.1-2)

⁴⁵ Ito bajiro Jesús i yija ticõri, jãjarã judio masa Mariare baba cutiana Jesure tuorãnucã ña ñja. “Riti Dios i cõaru ñami ñni”, yi tuorãnucã ña ñja. ⁴⁶ Gãjerãma fariseo gaye tuoñarãre tirã wacã ña. ña tuju ejacõri, Jesús i ñogore ñnare gotiyijarã ña. ⁴⁷ ña ito yijare, fariseo gaye tuoñarã, paia ujarã rãca, ujarã ñasarã rãca minijuayijarã. Ito yicõri ado bajiro busiyijarã ña:

—¿No bajiro yirujati mani? Jaje tiyamani ñogũ ñami ñni. ⁴⁸ ñre mani camotabeja, masa jeyaro ñre tuorãnurã yirãji. ña ito yija ticõri, mani ya minijuara wire ruyuriorã wadirã yirãji romano masa. Ito yicõri manire cuni ruyuriorã wadirã yirãji ña, yi gãmeri busiyijarã ña.

⁴⁹ Ito rodore paia uju Caifás wame cutigu ñaquĩ. ñnare ado bajiro gotiyiju i:

—Masirã meje ña maa. ⁵⁰ Sigũ mani jeyarore yiari i goda ñsija quena. Mani jeyarore ña ruyurioja quenabetoja, yiyiju Caifás.

⁵¹ Paia uju ñari, ñmasirio tuoñacõri meje yiyiju Caifás. ñ masia mani ito bajiro i busiroca yiyiju Dios ñre. Ito bajiro i busija, ijaju bajiroti gaye busiyiju i. “Judio masa ñajedirore goda ñsigũ yiguñi Jesús. ⁵² ñnare riti meje goda ñsigũ yiguñi i. Dios i beseana di sita gãna rayabeto manire goda ñsigũ yiguñi i. Sigũ rĩare bajiro mani ñatoni manire goda ñsigũ yiguñi Jesús”, yigu bajiro

yiyiju i Caifás. ⁵³ Iti rumurinati, “¿No bajiro Jesure sjarajati mani?” yi busi ñayijarã judio masa ujarã.

⁵⁴ Ito bajiri masa ña tiro riojo wa ucubitiqũ Jesús ñja. Judea sita Jesús i wagoja, ñre suya wacu gua cuni. Efraín wame cutiri cuto wacu gua. Yucu mano taju ñacu iti cuto. Itoju tujacu gua Jesús rãca.

⁵⁵ Yu ñarã judio masa pascua basa ña meniroti jabeto ruayayiju. Ito bajiri masa jãjarã wayijarã Jerusalénju. Pascua basa riojua ña ñeñaro yirise coe rotirã ejayijarã ña. ⁵⁶ Itoju ejacõri, Jesure amabojayijarã ña. Dios ya wiju ejacõri ado bajiro gãmeri seniñayijarã ña:

—¿No bajiro tuoñati mua? ¿Basa tigu ejagu yiguñjida muaca? Ejabica yiguñji gajea, yi gãmeri busiyijarã ña.

⁵⁷ Fariseo gaye tuoñarã, paia ujarã cuni, “Jesure mua ti bujaja, guare gotiba. Ñre ñiarona ya gua”, yi gotiyijarã ña masare.

12

Jesús ya gubore sutirise María iso jio gure gaye

(Mt 26.6-13; Mr 14.3-9)

¹ Coga amojeno rumuri pascua basa ña meniroti riojua Betania wame cutiri cutoju wacu gua Jesús rãca. Iti cuto ñacu Lázaro i ñaro. Ito ñacu Lázaro mucana tũdi i catiroca Jesús i yiraju. ² Jesús i ejaja ticõri, ñre rucubhorã ñre bare meni ñicã Lázaro i ocabajirã romia. Marta ñacõ guare bare jeogo. Lázaro cuni gua rãca ba rujiqũ i. ³ Gua baroca úye queno sũti quenarise nardo wame cutirise ami ejacõ María. Co coacõ ñacu iti. Bũto waja cutirise ñacu. Itina Jesús ya gubore jio gucõ iso. Ito yicõri iso ya joana weja carocõ iso. Wi dajaroti sũti dajacoacu iti sutirise. ⁴ Itoju ñaquĩ Judas Iscariote. I cuni guare bajiroti Jesús rãca riasotigu ñabojaquĩ. I ñaquĩ Jesús wajana ñre ñiatoni gotiri masu. Jesús ya gubore iso jio guja ticõri, ado bajiro yiquĩ Judas:

⁵—Iti úye queno sũti quenarise ñicõri, trescientos niyeru cujiri amirujaboyija mu. Iti waja bujacõri bojoro bujarãre ejabuuarujaboyija mu, yiquĩ Judas.

⁶ Bojoro bujarãre tuo maigũ meje yiquĩ i, ito i yirise. Riniri masu ñari ito bajiro yiquĩ i. I ñaquĩ gua ya niyeru awiruca seori masu. Iti awiruca gua sãrisere amisotiñi i. ⁷ Ito yija ado bajiro yiquĩ Jesús ñre:

—Usirio codebesa isore. Yare ña yujerotire tuoña yugo ito bajiro yamo iso. ⁸ Mua rãca riti ñatĩñarã yirãji bojoro bujarã. Ito bajiri ñare ejabuatiñarã yirãji mua. Yuama mua rãca ñatĩñabica yiguja. Ito bajiri mua rãca yu ñaroca maji yujuare ejabuaja quena, yiquĩ Jesús ñre.

Lázaroze sãa amora ña cunire gaye

⁹ “Betaniaju ñaguñji Jesús”, yire oca, jãjarã tuoñi judio masa. Jesure riti tirã meje ejacã ña. Lázaroze tũdi i catiroca Jesús i yirure tirã rãcati wadiñi ña. ¹⁰ Ito bajiro masa ña yija ticõri, Lázaroze cuni sãre cunicã paia ujarã. ¹¹ Lázaro i tũdi catija ticõri, paia ujarãre jidicã wacã masa. Ito yicõri Jesure tuorũnucã ña ñja. Ito bajijare Lázaroze cuni sã amoñi paia ujarã.

Jerusalénju Jesús i ejare gaye

(Mt 21.1-11; Mr 11.1-11; Lc 19.28-40)

¹² Ito bero gaje rumu, “Ado ejagu yiguñji Jesús”, yire oca tuo jedicã masa. Ña ñacã Jerusalénju pascua basa tirã ejana. ¹³ Ito bajiri Jesure boca amirona rujaño caeri amicã ña. Ito yicõri ado bajiro awasãcã ña, ñre wanurã:

—Rẽtoro ñasagu ñami Dios. I cõarure queno yijaro Dios. Gua Israel gãna Uju ñarocure queno yijaro Dios, yi awasãcã ña, ñre wanurã.

¹⁴ Burro wame cutigure bujacõri, mija jeaquĩ Jesús. Ito bajiroti yi gotia Dios oca cuni. Tuote mua:

¹⁵ Mua Siõn cuto gãna, güibesa. Mua Uju ñaroca burro joe jesa wadiami, yi gotia Dios oca.

¹⁶ Cajero queno tuo masibitica gua Jesús rãca riasotirã maji. Umacãju Jesure rucubhoraju i mujaja bero, “Riti gotia Dios oca. Jeyaro iti gotiado bajiroti rãtacu”, yi masicu gua ña.

¹⁷ Masa jãjarã ticã masari cumaju ñagũ Lázaroze tũdi i catiroca Jesús i yija. I catija tigoana ñari masa jeyarore goti batoñi ña. ¹⁸ Ito bajiri, “Tiyamani gaye, ioami Jesús”, yire oca tuocõri, Jesure tirã masa jãjarã ejacã. ¹⁹ Ito bajiro masa ña yija ticõri, fariseo gaye tuoñarã ñamasiti gãmeri busiyijarã:

—Tiya, masa jeyaro i ocare tuo suya wama ñja. No yiado ma manire, yiyijarã fariseo gaye tuoñarã.

Griego masa Jesure ña amare gaye

²⁰ Basa ñaroca Jerusalénju Diore rucabhorã wana rãca wusayijarã coriarã griego masa. ²¹ Felipere oca seniñarã wayijarã ña. Galilea sita Betsaida wame catiri cato gagu ñaqui Felipe. Ado bajiro Felipere yiyijarã ña:

—Jesure ti ãmosacõa gna, yi josayijarã ña Felipere.

²² ña ito yija tuocõri, Andrésre gotigu wayiju Felipe. Ito bajiri ña jüarã Jesure gotirã ejacã gna taju. ²³ ña oca gotija tuocõri, ado bajiro yiqui Jesús ñare:

—Yu ña Masa Rjoru. Umacãju rucabhoraju yu tãdi mujarotiju ejacoaju ña. Yure ña sjarotiju ejacoaju ña. ²⁴ Riti muare gotia yu. Trigo aje queno carabetoti jacañu iti quediya, judibetoja. Queno caracõri iti quediya, jaje judiro yiroja mucana. Godacõri mucana tãdi catiada bajiro baja iti. ²⁵ No ñ catirise maibojaguti godagu yiguñi. Ito yicõri Dios tu ejabiquñi ñ. No adi macãrucãroju ñ ñarise maibicãma godabicã yiguñi. Catitñare gaye bujagu yiguñi locũama. ²⁶ No yure moa ñi ãmogũ, yure sayaja quena. No yu ñaroti, ito ñagũ yiguñi yure moa ñisigũ cuni. No yure moa ñisigũre rucabhorogu yiguñi yu Jacu, yiqui Jesús ñare.

Yure sjarã yirãji, Jesús ñ yi gotire gaye

²⁷ ñ Jacure busigu ado bajiro yiqui Jesús:

—Buto tuoña oca jaia yu. “Cana adocãta yure rëtaroti gaye, iti yure rërame yirocu yure masoña”, çyirujati yu? Meje ito bajiro yibicãja yu. Itire tõbujarocu wadiru ña yu. ²⁸ Cuna, mu ãmoro bajiroti rëtajaro, masa mure ña rucabhorotoni, yiqui Jesús, Diore busigu.

Ito ñ yirocati, umacãju oca ruyucu:

—Masa yure ña rucabhoroca yicãcu yu. Mucana tãdi ña rucabhoroca yigu ya yu, yire oca ruyucu umacãju.

²⁹ Gna iti oca tuocõri:

—Bajo ñaru, yicu gna coriarã. Gãjerãma:

—Ángel busiru, yicã ña.

³⁰ Ito bajiro masa ña yija tuocõri, ado bajiro yiqui Jesús:

—Yure yiari meje oca ruyubu. Muare yiari, mua tuotoni oca ruyubu. ³¹ Adocãta adi macãrucãro gãnare Dios ñ beserotiju ejacoaju ña. Ito yicõri, adi macãrucãro gãnare ñeñaro yi rotigure, ñre bucõagũ yiguñi Dios. ³² Masa yucutõroju yure ña mucõ rãgõja, jãjarã yure ña boca ãmiroca yigu yiguja yu, yiqui Jesús masare.

³³ “Ito bajiro godagu yiguñi”, masa ña yi tuo masitoni, ito bajiro gotiqui Jesús ñare. ³⁴ Ito ñ yijare, ado bajiro cudicã masa:

—Gua masa bucãrã papera tuti iti gotija, “Catitñagũ yiguñi Cristo”, yi gotia iti. ¿No yija, “Masa Rjorure muorã yirãji ña”, yati mu? ¿Ñimu ñati Masa Rjoru? yicã ña Jesure.

³⁵ ña ito yijare ado bajiro cudiqui Jesús:

—Yu ña busurise rucogu, mua tuo masiroca, mua ti masiroca cuni yigu. Yoari mejeti muare wagogu yiguja yu. Yu waroto riojua muare riasogu ya yu maji. Ito bajiri mua rãca yu ñaroca riti queno riasotiya mua. Ito bajiro mua yija queno tuo masirã yirãji mua. Ito yicõri ñeñaro yimenaji mua. No rãitñarogu wacu, “Ito waguja yu”, yi masibicu yiguñi. Ito bajiro yibojama ñeñaro yirã. ³⁶ Yu ña busurise rucogu. Yure tuorãnuña mua, mua rãca yu ñaroca riti maji. Yure mua tuorãnuja, queno tuo masirã yirãji. Ito yicõri yu ñarã ñatñarã yirãji, yiqui Jesús masare. Ito bajiro masare ñ gotija bero, gua masibetoju wa godacoaqui Jesús ña.

Judio masa Jesure ña tuorãnabitire gaye

³⁷ Jaje tiyamani masa ña tiro riojo ñ ñobojarocati, ñre tuorãnabiticã masa. ³⁸ ña Jesure tuorãnubeja, Isaías ñayoru ñ ucado bajiroti rëtaçu. Ado bajiro ucayoni ñ:

Gua Hju, gua gotirise sãgũ tuorãnugũ mami. Ito yicõri, mu ñorisere sãgũ tuorãnugũ mami, yi ucañi Isaías ñayoru.

³⁹ “Dios ñ cõarure tuorãnumena yirãji masa”, yirocu ado bajiro ucañi Isaías ñayoru:

⁴⁰ ña tibitiroca yigu yiguñi Dios. Ito yicõri ña ya usiju ña tuo masibitiroca yigu yiguñi Dios.

Ito bajiri ña ya cajeana ti masimena yirãji ña. ña ya usina queno tuo masimena yirãji ña. Ito yicõri, Dios ñ cõarure tãdi yisio rotimena yirãji ña, yi ucañi Isaías ñayoru.

⁴¹ Isaías ñ cãiroju, buto Cristo ñ ñasarise tiyija ñ. Ito bajiri iti gaye ucayoni ñ.

⁴² “Ito bajiro bajirã yirãji”, Isaías ñ yire ñabojarocati jãjarã judio masa Jesure tuorãnucã. ña ujarã cuni coriarã Jesure tuorãnucã. Masa ña tuoro riojo, “Jesure tuorãnugũ ña yu cuni”, yibiticã ña. “Fariseo gaye tuoñarã manire bucõarã yirãji ña”, yirona gotibiticã ña. ⁴³ Dios gaye rëto busaro, masa gaye rucabhorogũ ãmocã ña.

Yu ocare tuorãnabitianare ruyuriogũ yiguñi Dios, Jesús ñ yire gaye

⁴⁴ Gua tu tãdi ejacõri, ado bajiro masare oca sëoro busiqui Jesús:

—Yure tuorãnurã, yure riti meje tuorãnurã yirãji. Yu Jacu yure cõarure cuni tuorãnurã yirãji. ⁴⁵ Yure mua tija, yure cõarure cuni tia mua. ⁴⁶ Yu ña busurise rucogu. Yure tuorãnurã

rāitlāroju İna ñame yirocu, adi macārucārojure wadicu yu. ⁴⁷ Yu ocare tuobo jaguti, yure İ tuorānbeja, yu meje ña İre ruyuriogocu. Adi macārucāro gānare ruyuriogocu meje wadicu yu. Masare masorocujua wadicu yu. ⁴⁸ Yure rācābñobiticōri, yu ocare tuorānabicare, ruyuriogocu sīgū ñacāguļji. Yu ocare İ tuorānabitı waja sūsari rāmū İre ruyuriogu yiguļji Dios. ⁴⁹ Yumasirio meje busia yu. Yu Jacu yure cōaru, yu busiroti, yu riasoroti cuni yure cūcāquı İ. ⁵⁰ “Yu Jacu İ rotirise gaye İna tuorānaja, catifñarā yirāji İna”, yi tuoİa yu. Yu busija, yu Jacu İ rotiado bajiroti busia yu, yiquı Jesús masare.

13

İ rāca riasotirā ya gubori Jesús İ coere gaye

¹ Pascua basa ñaroto riojua, “Yu adi macārucārore wagocōri yu Jacu tu yu waroto ejacoaju İja”, yi tuoİari seyoñi Jesús. Adi macārucāro gānare İ ñarāre maisotiquı Jesús. “Riti muare buto maisacōa yu”, yi İorocu, goda İsirocu ñacāñi Jesús.

² Gua basusaroca Judas Iscariote Simón macare İ ya usiju ñacāri seyoñi rāmá. Judas ya usiju ñacōri, “Jesús wajana İre İna ñiatoni gotiba”, yi ñari seyoñi rāmá Judasre. ³ Ado bajiro yi tuoİari seyoñi Jesús, “Dios yagu wadiru ña yu, ito yicōri İ tu tadi wacu yiguja yu. Yu roti masitoni yu Jacu İ cūru ña yu”, yi tuoİari seyoñi Jesús. ⁴ Gua basusa ñaroca bare jeoado tu rujigu wāmū rāgūquı Jesús. Joegado İ sñāro ruacōri, toallana İ ya jeragaju wēo taquı. ⁵ Ito yicōri rujatēroju ide jioquı. Ito yicōri gua ya gubori coesuoquı Jesús. Coe tīocōri toalla İ wēo tarona gua ya gubori caroquı İ.

⁶ Simón Pedrore gubo İ coegu wagu yiroca ado bajiro yiquı Simón Pedro İre:

—¿Yu Uju, yu ya gubore coegu yati mu? yiquı Pedro.

⁷ Ito İ yijare cūdiquı Jesús:

—Adocāta mua ya gubori yu coerise queno tuo masibea mua maji. Ija co rāmū masirā yirāji mua itire, yiquı Jesús.

⁸ Ito İ yibojarocati:

—Yu ya gubore coebicu yiguja mu, yiquı Pedro Jesure.

Ito İ yijare:

—Mu ya gubori yu coebeja yu rāca gagu meje ñagū yiguja mu, yiquı Jesús Pedrore.

⁹ Ito İ yija tuocōri, cūdiquı Pedro:

—Mu ito yija, yu ya gubori riti meje coeya. Yu ya āmo cuni, yu ya rijoga cuni coeya, yiquı Pedro Jesure.

¹⁰ Ito İ yija tuocōri, ado bajiro cūdiquı Jesús:

—Gua tīocāre jeyaro rujari coere ma. Gubori riti coeja quena. Ueri mana bajiro bajirā ña mua. Ito bajibojarocati sīgū ñami mua rāca gagu ueri jaigu bajiro bajigu, yiquı Jesús guare.

¹¹ “İ ñami yure İna ñiatoni gotiri masu”, yi masicōri, “Mua jeyaro meje ueri mana ña mua”, yiquı Jesús guare.

¹² Gua ya gubori coe tīogū joe İ sñāro sñāquı Jesús mucana. Bare jeoado tu rujicōri ado bajiro yiquı İ mucana guare:

—¿Muare gubori yu coerise tuo masiati mua? ¹³ “Guare riasogu, gua Uju”, ya mua yure. İti ña yu. Ito bajiro yure mua yija quena ña. Riojo ya mua. ¹⁴ Yu mua Uju, muare riasogu ñabojaguti mua ya gubori yu coeja, muamasi cuni gāmeri gubori coeja quena. ¹⁵ Yu yiro bajiro mua yitoni muare İocāmu yu. ¹⁶ Riti muare gotia yu. Sīgū moa İsiri masu İ uju rētoro ñasabiquļji İ. Sīgū gāji cōaru İ ñaja İre cōaru rētoro ñasabiquļji İ. ¹⁷ İti yu busirise tuocōri, ito yicōri itire mua queno cūdija, wānu quenarā yirāji mua, yiquı Jesús, guare.

¹⁸ Mucana gaje ado bajiro gotiquı Jesús guare:

—Mua jeyarore tuoİagū meje busia yu. “İna ñama yu beseana”, yi masia yu. Dios İ busigore rētaru ya. Ado bajiro gotia itı İ oca tutina: “Yu rāca bagu ñabojaguti yure jidicāgū yiguļji”, yi gotia Dios oca. ¹⁹ İti rētaroto riojua muare gotia yu. Ito bajiri itı rētaja ticōri, “Dios cōaru ña yu”, yu yiro bajiroti yure tuorānārā yirāji mua. ²⁰ Riti muare gotia yu, Yu cōanare boca āmirā yure cuni boca āmirā yirāji. Noa yure boca āmirā yure cōarure cuni boca āmirā ñama İnaōna, yiquı Jesús guare.

Yure İna ñiatoni yu wajanare gotigu yiguļji Judas, Jesús İ yire gaye

(Mt 26.20-25; Mr 14.17-21; Lc 22.21-23)

²¹ Ito bajiro İ yija bero, İ ya usiju buto tuoİa bojori bujaquı Jesús. Queno riojo guare gotigu ado bajiro yiquı İ:

—Riti muare gotia yu. Yure İna ñiatoni yu wajanare gotigu yiguļji mua rāca gagu, yiquı Jesús guare.

²² Ito İ yija tuocōri, gua İ rāca riasotirā guamasiti gāmeri ticu. “İre busiguļji”, yi masibiticu gua. ²³ Yu İ rāca riasotigure buto maiquı Jesús. Ito bajiri gua basusacati rāmū İ tu ba rujicu

yu. ²⁴ ¿Ñimure tuoŋagū busiati mu? yi Jesure yu seniñatonni yure ti ñucaquĩ Simón Pedro. ²⁵ Ito ĩ yija ticōri, Jesús tu busa eja rŷjŷcōri, ĩre seniñacu yu:

—Yu Ůju, ¿ñimujua ñati mure oca menirocu? yicu yu Jesure.

²⁶ Ado bajiro cudiquĩ Jesús yure:

—Najuro yosecōri, yu ĩsigū, ĩ ñagū yiguĩji, yiquĩ Jesús yure.

Ito bajiro ĩ yija bero, Judas Iscariote Simón macure ĩsiquĩ ĩ. ²⁷ Iti naju ĩ boca amirocati rŷmúa uju Satanás sājacoari seyoquĩ Judas ya usiju. Ito bajijare ado bajiro yiquĩ Jesús ĩre:

—Yure mu oca meni amorse cojisiti wacōri oca meniña, yiquĩ Jesús Judasre.

²⁸ ĩ rāca ba rujicāna gua sīgūja ito bajiro ĩ busirisere tuo masibiticu gua. ²⁹ Gua ya niyeru awirucare tirānugū ñaquĩ Judas. Ito bajiri, “Basa rŷmu ñaroca mani baroti waja yitēña”, yiguĩji Jesús, yire masicu gua. “Bojoro bujarāre niyeru ĩsitēña”, yiguĩji gajea, yire masicu gua.

³⁰ Naju Jesús ĩ ĩsise boca bacōri, wacoquĩ ĩ ĩja. Ito bajiro ĩ yiroca ñamiju ñacoacu ĩja.

Mame rotire gaye

³¹ Judas ĩ wagoja bero ado bajiro yiquĩ Jesús guare:

—Ůmacūju, yu Masa Rĳoru, yure rŷcuburoju ware ejacoaju ĩja. Yure rētaroti gaye ticōri, Diore rŷcuburōrā yirāji masa. ³² Diore masa ĩna rŷcuburoca yu yija, yure cuni ĩna rŷcuburoca yigu yiguĩji Dios. Yoari mejeti ito bajiro yigu yiguĩji Dios. ³³ Yu rĳa robo bajirā ña mŷa. Mŷa rāca yoari ñabicuja yu ĩja. Yure amabojarā yirāji mŷa. Canu gājerā judio masare yu goticado bajiroti adocāta muare cuni gotia yu. “Yu waroto wa masimenaji mŷa”, ya yu muare cuni. ³⁴ Adocāta mame rotire gaye muare gotigu ya yu. Ado bajiro bajia iti. Gāmeri ti maima mŷa. Muare yu ti mairo bajiroti mŷa cuni gāmeri ti maija quena. ³⁵ Mŷa gāmeri ti maija ticōri, “Jesús rāca riasotirā ñama ĩna”, yirā yirāji masa jeyaro.

“Jesure masibea yu”, yigu yiguja mu, Pedrose Jesús ĩ yire gaye

(Mt 26.31-35; Mr 14.27-31; Lc 22.31-34)

³⁶ Ito ĩ yija tuocōri, Jesure seniñaquĩ Simón Pedro:

—Yu Ůju, ¿noju wacu yati mu? yiquĩ Pedro ĩre.

Ito bajiro ĩ yijare:

—Adocāta yu warotoju wa masibicuja muāma maji. ĩja yure sŷyagu yiguja mucana, yiquĩ Jesús Pedrose.

³⁷ Ito ĩ yija tuocōri:

—Yu Ůju, ¿no yija adocāta mu rāca wa masibicujada yu? Gājerā yure ĩna sĳabojarocati mure jidicābicuja yu. Mure goda ĩsirocu ñacā yu, yiquĩ Pedro Jesure.

³⁸ Ito ĩ yijare cudiquĩ Jesús:

—¿Riti yure goda ĩsirocu ñacāti mu? Riti mure gotia yu. Cara ĩ yujiroto riojua udiaji, “Jesure masibea yu”, yigu yiguja mu, yiquĩ Jesús Pedrose.

14

Yuna suoriti mani Jacu tu ejarā yirāji mŷa, Jesús ĩ yire gaye

¹ Mucana gaje ado bajiro gotiquĩ Jesús guare:

—Buto tuoĳa usirio yibeja mŷa. Diore tuorŷnucōri, yure cuni tuorŷnūña. ² Cuna ya wi mŷa ñarotijuri jaje ñaroja. Ito bajiro iti bajibeja muare gotibitiboa yu. Itoju mŷa ñarotiju queno yugu waju yu. ³ Ito wacōri mŷa ñarotijuri queno ŷogū mucana tadi wadigu yiguja yu. Ito yicōri yu ñaroju mŷa ñatoni muare amigū ejagu yiguja yu. ⁴ Yu warotiju mŷa. Ito yicōri itoju wara mare masia mŷa, yiquĩ Jesús guare.

⁵ Ito ĩ yibojarocati ado bajiro yiquĩ Tomás:

—Gua Ůju, mu warotore masibea gua. ¿No bajiro ito wara mare masirā yirājida gua? yiquĩ Tomás Jesure.

⁶ Ito ĩ yijare ado bajiro cudiquĩ Jesús:

—Yu ña ito wara ma bajiro bajigu. Yuti ña riojo gotigu. Yuti ña catitñare rucogu. Yu sīgūna suoriti yu Jacu tu ejare ñaro yiroja. ⁷ Yure mŷa ti masija yu Jacure cuni ti masirā yirāji mŷa. Yure ticōri ĩre ticā mŷa. Ito bajiri ĩre ti masirā ña mŷa ĩja, yiquĩ Jesús guare.

⁸ Ito ĩ yijare ado bajiro yiquĩ Felipe ĩre:

—Gua Ůju, mu Jacure gua tiroca yija. Ito bajiro mu yija quena ñaroja guare. “Riti gotia mu”, yi masirā yirāji gua ĩja, yiquĩ Felipe Jesure.

⁹ Ito ĩ yijare:

—Iti rŷmujū mŷa rāca ñasocu Felipe yu. ¿No yija ito bajibojarocati yure ti masibeati mu maji? Noa yure tigoana yu Jacure cuni tirā ñama. Ito bajiri, ¿no yija ĩre tigoana ñabojarāti, “Mu Jacure gua tiroca yija”, yati mŷa yure? ¹⁰ “Yu Jacu rāca ña yu. ĩ cuni yu rāca ñami”, yu yija, ¿yure tuorŷnucōri beati mŷa? Yu muare busirise yumasī tuoĳa rujeocōri meje busia yu. Yu Jacu yu

rāca ñagū, yuna suoriti ī moarise yami ī. ¹¹ “Yu Jacu rāca ña yu. Ī cuni yu rāca ñami”, yu yija yure tuorānuña. Yu busirise mua tuorānu ãmobeja, tiyamani yu ũorise ticōri, yure tuorānuña. ¹² Riti muare gotia yu. No yure tuorānuḡū, yu yiro bajiroti yigu yiguñi. Yu Jacu tu wacu ya yu. Dios tu yu tūdi wajare, tiyamani yu ũogore rēto busaro tiyamani ũorāji mua cuni. ¹³ Yure mua tuorānuña, no mua seniro bajiroti muare ũsigū yiguja yu. Ito bajiro yu yijare, yu Jacure rācuborā yirāji masa. ¹⁴ Yure mua tuorānuña, no mua seniro bajiroti cūdigu yiguja yu, yiquĩ Jesús guare.

Espíritu Santore cōagū yiguñi Dios, Jesús ũyire gaye

¹⁵ Yure mua maija yu rotirisere cūdirā yirāji mua. ¹⁶ Ito bajiro mua yija yu Jacure senigū yiguja yu, yure wasoarocu ī cōatoni. Ī cōarocu ī ñagū yiguñi Espiritu Santo riojo gotigu. Mua rāca ñatñagū yiguñi muare ejabuarocu. Ito yicōri mua bojori bujaja muare baba cutigu yiguñi. ¹⁷ Adi macārucāro gāna ĩre ti masibeama ĩna. Ito bajiri ĩre boca āmi masimenaji ĩna. Mua rāca ī ñajare, ĩre masirā ña muama. Mua ya usiju ñatñagū yiguñi ī. ¹⁸ Muare jidicābicu yiguja yu. Mucana mua rāca ñarocu ejagu yiguja yu. ¹⁹ Yoari mejeti wacu ya yu ĩja. Ito bajiri yure tuorānumenama yure timenaji ĩja. Muama tūdi yure tirā yirāji. Tūdi catigu yiguja yu. Ito bajiri mua cuni catirā yirāji. ²⁰ “Yu Jacu rāca ña yu. Ito yicōri mua rāca ña yu, muajua cuni yu rāca ña”, yu yicato bajiro, tūdi yu catiri ramu, “Riti gotiñi Jesús”, yu tuoīarā yirāji mua. ²¹ Yu rotirise masicōri cūdigu ũocūti ñami yure maigū. Yure maigūre maigū yiguñi yu Jacu cuni. Yu cuni ĩre maigū yiguja. Ito yicōri yure ī ti masiroca yigu yiguja yu, yiquĩ Jesús guare.

²² Ito ī yija tuocōri, Judas Iscariote meje, gāji Judas wame cutigu ado bajiro ĩre cūdiquĩ:

—Gua Eju, ũno yija adi macārucāro gānare ũobicuti, guare riti goaũogū yiguñada mu? yĩ seniñaquĩ ī Jesure.

²³ Ito ī yijare:

—No yure mairā, yu busirise tuorānuñā yirāji. Ito bajiri yu Jacu ĩnare maigū yiguñi. Ito bajiri yu cuni yu Jacu rāca ĩna tu ñarā wadira yirāji gua. ²⁴ No yure ti maibicu yu busirise tuorānubiquĩ. Yu busija mua tuorise yumasī tuoīa rujeocōri busire meje ña.

²⁵ “Mua rāca yu ñarijugoti itire muare gotia yu. ²⁶ Yure wasoarocure Espiritu Santo cōagū yiguñi yu Jacu. Muare ejabuagu yiguñi ī. Ito yicōri mua bojori bujaja muare baba cutigu yiguñi ī. Jeyaro muare riasogu yiguñi ī. Jeyaro muare yu gotirise mua tuoīa bujaroca yigu yiguñi ī, yiquĩ Jesús guare.

²⁷ Gaje ado bajiro gotiquĩ Jesús guare:

—Muare ware gotigu, “Ñe oca mano queno ñama mua”, ya yu muare. Mua queno ñaroca ya yu. Adi macārucāro gānama queno mua ñaroca yu masimenaji. Yu ña mua tuoīa usiriobeto ñaroca yigu. Ito bajiri tuoīa usirio yibesa. Ito yicōri güibesa. ²⁸ “Wacu ya yu, ito bajibojarocati mua rāca ñagū ejagu yiguja mucana”, yu yija tuobu mua. Riti yure mua maija, “Yu Jacu tu wacu ya yu”, yu yija, queno wanu quenaboa mua. Ī ñami yu rēto busaro ñagū. ²⁹ Jeyaro iti rētaroto riojua iti muare gotia yu. Ito bajiri iti rētaja ticōri, yure tuorānuñā yirāji mua.

³⁰ Yoari mejeti muare busigu ya yu. Adi macārucāro gānare ñeñaro yu rotigu wadicōaguñi rāmāa uju. Yure roti masigū meje ñami ī. ³¹ Yu Jacu ī rotiado bajiroti ya yu. Ito bajiro yu yija ticōri, “Ī Jacure maigū ñami ĩ”, yu yirāji adi macārucāro gāna, yiquĩ Jesús guare. Ito bajiro ī yija bero:

—Ita, adijure wagoto mani, yiquĩ Jesús guare.

15

Uyēgu ñasaricu robo bajigu ña yu, Jesús ũyire gaye

¹ Mucana gaje ado bajiro gotiquĩ Jesús guare:

—Uyēgu ñasaricu robo bajigu ña yu. Uyēgure tirānuḡū robo bajiro bajigu ñami yu Jacu. ² Yu ya rujari iti rica manija jatagu yiguñi ī. Yu ya rujari iti rica cutija, queno tirānuḡū yiguñi, jai busaro iti rica cutitoni. Yu ya rujari gaja iti siniaja itire bejagu yiguñi ī. Ito yicōri gajeoni iti judija itire āmicāḡū yiguñi, jai busaro iti rica cutitoni. ³ Yu riasorise tuorānucōri queno ña mua. Ueri mana bajiro bajia mua. ⁴ Yure bajiroti usi cutisotija mua cuni. Ito bajiro mua yija, mua rāca ñatñagū yiguja yu. Yucu ruju rujagure iti wāñabeja rica mano yiroja. Ito bajiroti yure mua tuorānubeja yure queno moa ũsimeñaji mua. Yure moa ũsibiticōri, uyēgu rica manigū bajiro bajirā yirāji mua, yiquĩ Jesús guare.

⁵ Gaje guare ado bajiro riasoquĩ ī:

—Yu ña rujagu robo bajigu. Yu ya rujari robo bajirā ña mua. No yure bajiro usi cutirā ĩna rāca yu ñajare, yure queno moa ũsirā yirāji ĩna. Ito yicōri rica cutirā bajiro bajirā yirāji ĩna. Yu manija no yu masimenaji ĩna. ⁶ No yu rāca ũigūre bajiro usi cutibicure ĩre cōagū yiguñi yu Jacu. Siniara rujarire āmicōri, jeameju soeado bajiro yigu yiguñi yu Jacu ũocure.

⁷Yure bajiro usi cutisoticōri yu riasorise ācabojabiticōri mua āmoro bajiro mua senija, mua āmoro bajiroti cudigu yigūja yu. ⁸Yure mua queno moa ĩsija ticōri, yu Jacure queno rūcubhorā yirāji masa. Ito yicōri, “Riti Jesús rāca queno riasotiana űama āna”, yi masirā yirāji masa muare. ⁹Yu Jacu yure ĩ mairo bajiroti muare maia yu. Yu mairā űa mua. Ito bajiri ito bajiroti űa űa mua. ¹⁰Yu rotirise mua cudi űasotija, yu mairā űatűarā yirāji mua. Ito bajiroti yu Jacu ĩ rotirise cudisotia yu cuni. Ito bajiri yure maisotiani cuna.

¹¹Yu rāca mua wanu quenatoni itire muare gotia yu. Ito yicōri mua ya usiju queno mua wanu quenatoni, itire muare gotia yu. ¹²Ado bajiro baja yu rotirise: Yu muare mairo bajiroti, mua gāmeri ti maija quena. ¹³Sigū ĩ baba mesare maigū, ĩnare ĩ goda ĩsija iti űa buto maire gaye. ¹⁴Yu rotiro bajiroti mua cudija, yu baba mesa űarā yirāji mua. ¹⁵Ito bajiri, “Yure moa ĩsirā űa mua”, yibea yu ĩja muare. Moa ĩsiri masama ĩna uju yirisere masimenaji ĩna. “Yu baba mesa űa mua”, ya yu muare adocāta. Jeyaro yu Jacu yure ĩ gotire mua masiroca yicācu yu. Ito bajiri yu baba mesa űa mua. ¹⁶Mua meje űa yure beseana. Yujua muare besecu. Muare cūa yu, yu ocare gājerāre mua riasotoni. Ito bajiro mua yija coriarā queno yure tuorānusotirā yirāji ĩna. Iti űa rica jogabiti robo bajirise. Ito bajiro masare mua riasoja ticōri, yure mua seniro bajiroti ĩsigū yiguji yu Jacu. ¹⁷Ado robojua űa muare yu rotirise: “Gāmeri ti maia űa”, yi rotia yu muare, yiqui Jesús guare.

Adi macārucāro gāna manire ti tudirā yirāji, Jesús ĩ yire gaye

¹⁸Gaje guare ado bajiro riasoquī Jesús:

—Adi macārucāro gāna muare ĩna ti tudija, “Manire ĩna ti tudiroto riojua Jesure ti tudisuoűi ĩna”, yi tuoĩarā yirāji mua. ¹⁹Adi macārucāro gāna ĩna űarāre mairāji. Adi macārucāro gāna ĩna tuoĩaro bajiro mua tuoĩaja, muare cuni maiboana ĩna. Adi macārucāro gāna wato űarāre muare besecu yu. Adocāta ĩna bajiro tuoĩarā meje űa mua. Ito bajiri muare ti tudiana ĩna. ²⁰Yu busirisere tuote mua: “Moa ĩsiri masa ĩna uju rēto busaro űasarā meje űama ĩna”, yiarī muare gotibu yu. Adi macārucāro gāna yure usirio codeama. Ito bajiri muare cuni usirio coderā yirāji ĩna. Yu riasorisere cudibiticā ĩna. Ito bajiri muare cuni cudimena yirāji ĩna. ²¹Yure cōarure masibeama adi macārucāro gāna. Ito bajiri yu űarā mua űajare, muare usirio coderā yirāji ĩna, yiqui Jesús guare.

²²Gaje guare ado bajiro riasoquī Jesús:

—Adi macārucāro gānare busirocu yu wadibeja ĩnare seti maniboadoja. Yu ĩnare gotija bero űajare, “Guare seti ma”, yi masibeama ĩna ĩja. ²³No yure ti tudirā yu Jacure cuni ti tudirā űama ĩna. ²⁴ĩna tiro riojo tiyamani yu ĩobeja seti maniboadoja ĩnare. Tiyamani yu ĩoja tigoana űama ĩna. Tigoana űabojarāti yure ti tudiana ĩna. Ito yicōri yu Jacure cuni ti tudiana ĩna. ²⁵ĩna ya papera tuti ucare gaye iti gotiado bajiroti rēta adocāta. Ado bajiro gotia iti: “űe manoti yure ti tudiana ĩna”, yi gotia iti oca.

²⁶Espiritu Santo riojo gotigure mua tu cōagū yigūja yu. Muare ejabuagu yiguji ĩ. Ito yicōri mua bojori bujaja muare baba cutigu yiguji. Yu Jacu tu wadiru űagū yiguji ĩ. Yu gaye muare gotigu yiguji ĩ. ²⁷Cajerojuti yu riasosurocajuti yu rāca űasocū mua. Ito bajiri masare mua riasoja mua cuni yu gaye busirā yirāji mua, yiqui Jesús guare.

16

¹Gaje guare ado bajiro gotiqui Jesús:

—Adi oca muare gotia yu, ija iti rētaroca yure mua jidicāme yirocu. ²Ija ĩna ya minijuara wiju mua űaroca muare bucōarā yirāji ĩna. Ito yicōri muare ĩna sĩaja, “Diore cudirā sĩa mani”, yi tuoĩabojarā yirāji ĩna. ³Ito bajiro yirā yirāji ĩna, yure cuni yu Jacure cuni masimena űari. ⁴Iti oca muare gotia yu. Ija ito bajiro iti rētaroca, “Ito bajirogo yiquida Jesús”, yi mua tuoĩa bujatonī, muare gotia yu.

Espiritu Santo ĩ moarise

⁵Cajero muare riasocu iti oca gotibiticu yu maji. “ĩna rāca űagū yigūja yu maji”, yi tuoĩagū iti oca muare gotibiticu yu maji. ⁵Yure cōaru tu űagū wacu ya yu adocāta. Ito bujibojarocati, “¿No wati mu?” yi senĩabea mua yure. ⁶Iti oca muare yu gotijare mua ya usiju bojori buja mua. ⁷Riti muare gotia yu. Yu waja quena űaro yiroja muare. Yu wabeja, muare ejabuaro cu, mua bojori bujaja muare baba cutirocu mua rāca űagū wadibiquji Espiritu Santo. Yu wajama ĩre cōagū yigūja yu. ⁸ĩ wadija, “űe űaro yirā űa mani”, adi macārucāro gāna yi ĩna tuoĩaroca yigu yiguji ĩ. “Quenarise mani yija, Diore cudirāji mani”, ĩna yi masiroca yigu yiguji Espiritu Santo. “Diore mani cudibeja manire waja senigū yiguji”, ĩna yi masiroca yigu yiguji Espiritu Santo. ⁹Adi macārucāro gāna yure tuorānabitiana űari seti cutirā űama ĩna ĩja. ¹⁰Yu Jacu ĩ űaroju yu wajare, “Quenarise mani yija, Diore cudirāji mani”, yi masirā yirāji masa. Yu Jacu tu yu wajare, yure ĩmena yirāji mua. ¹¹Adi macārucāro gānare űe űaro yi rotigu Satanāsre

ruyuriogu yiguŋji Dios. Ito bajiri, “Diore mani tuorānaja ī yiro bajiroti jeame ājaroju cōbāicu yiguŋji Dios, manire”, masa īna yi masiroca yigu yiguŋji Espiritu Santo.

¹² Jaje gotiroti űaboja yure maji. Ito bajibjarocati adocāta yu goti jeoja itire tuo masimenaji mua maji. ¹³ Espiritu Santo riojo gotigu ī ejaroca riojo oca űasarise muare riasogu yiguŋji ī. Īmasirio meje busigu yiguŋji. Ī tuogore muare gotigu yiguŋji. Ija rētaroti gaye mua masiroca yigu yiguŋji ī. ¹⁴ Yu riasorise gaye boca āmicōri mua masiroca yigu yiguŋji Espiritu Santo. Ito bajiro yicōri masa yure īna rūcubworoca yigu yiguŋji Espiritu Santo. ¹⁵ űarocōti yu Jacu ī gotiro bajiroti gotia yu cuni. Ito bajiri, “Yu riasorise boca āmicōri, mua masiroca yigu yiguŋji Espiritu Santo”, yibu yu muare, yiquī Jesūs guare.

¹⁶ Gaje guare ado bajiro gotiquī Jesūs:

—Yu Jacu tu wacu ya yu. Ito bajiri nocō mejeti yure timena wana ya mua. Ito bajibjarocati mucana yoari mejeti tūdi yure tirā yirāji mua, yiquī Jesūs gua ī rāca riasotirāre.

Bojori bujabojana tūdi wanu quenarā yirāji mua mucana, Jesūs ī yire gaye

¹⁷ Ito ī yija tuocōri, gua coriarā ado bajiro gāmeri seniīacu gua:

—ĶNo yireoni űati iti? yicu gua. “Yu Jacu tu wacu ya yu, ito bajiri yure timena wana ya mua. Ito bajibjarocati mucana yoari mejeti yure tirā wana ya mua”, yami manire. ĶNo yireoni űati iti? yicu gua. ¹⁸ “Yoari mejeti”, manire ī yija, Ķno yireoni űarocōti? “Iti gaye busiguŋji, yi masibebe mani”, yi gāmeri busicu gua Jesūs rāca riasotirā.

¹⁹ “Yure seniā āmoama āna”, yi tuoīari seyoquī Jesūs. Ito bajiri ado bajiro yiquī ī guare:

—Yoari mejeti yure timena wana ya mua. Ito bajibjarocati mucana nocō mejeti yure tirā wana ya mua, yibu yu muare. Ito bajiro yu yirise, Ķmuamasiti gāmeri seniīati mua? ²⁰ Riti muare gotia yu. Oticōri, buto bojori bujarā yirāji mua. Adi macārucāro gānama wanurā yirāji īna. Bojori bujarā űabjarāti yoari mejeti mucana tūdi wanurā yirāji mua. ²¹ Ado bajiro baja: Sigō romio macu rucogo wago iso yija, tuoīa oca jaigo yigōji, “Yure juniro yiroja”, yiroco. Iso macu rucoga bero junirise gaye tūdi tuoīabeco yigōji iso. Adi macārucārojare macuacā ī rujeajare buto wanu quenagō yigōji iso. ²² Ito bajiroti mua cuni adocāta tuoīa oca jaja. Mucana muare tigu ejagu yiguja yu. Yure mua tija mua ya usiju buto wanurā yirāji mua. Ito bajiro mua wanuja, űimujua muare camota masibiquji.

²³ Iti rumu iti eja űeja yure senimena yirāji mua. Riti muare gotia yu. Yure tuorānucōri, yu wamena yu Jacure mua senija, mua seniro bajiroti isigū yiguŋji ī. ²⁴ Adi riojua yu wamena senibiticu mua maji. Adi ruma yu wamena senisworā ya mua. Ito bajiri queno mua wanu quenatoni mua boca āmiroca yigu yiguŋji Dios, yiquī Jesūs guare.

Adi macārucāro űeñaro yirā űjare rētocūcu yu, Jesūs ī yire gaye

²⁵ Gaje guare ado bajiro gotiquī Jesūs:

—Iti muare yu gotirise goti masiore ocana gotibu yu. Ija űaro yiroja goti masiore ocana meje muare yu busiri rumu. Recoti mua tuoro riojo yu Jacu gaye muare busigu yiguja yu. ²⁶ Iti rumari yu wamena yu Jacure senirā yirāji mua. Ito bajiri muare yiari yu Jacure busi isire mano yiroja. Muamasiti busirā yirāji īja. ²⁷ Muare yiari yu Jacure busi isibicuja yu īja. Yu Jacu masiti muare maicāmi. Yure mua majare yu Jacu muare maicāmi. “Dios yagu wadiru űami Jesūs”, mua yijare muare maicāmi ī. ²⁸ Yu Jacu tu wadicōri, adi macārucāroju ejacu yu. Adi macārucāro gānare wagocōri, yu Jacu tu wacu ya yu mucana, yiquī Jesūs gua ī rāca riasotirāre.

²⁹ Ito ī yija tuocōri, cudicu gua:

—Goti masiore ocana meje, queno riojo gotia mu adocāta. ³⁰ “Jeyaro masigū űa mu”, yi ti masia gua īja. “ĶRiti gotiati mu?” yi seniīare ma īja. “Dios tu wadiru űa mu”, yi tuorānua gua mare īja, yicu gua Jesure.

³¹ Gua ito yijare, ado bajiro cudiquī Jesūs:

—ĶRiti adocāta yure tuorānuati mua? ³² Batacōri, yure mua wagoroto ejacoaju. Riti gotia yu. Yure mua wagoroto ejacoaju īja. Ito bajibjarocati sigū meje űa yu. Yu Jacu yu rācati űami. ³³ Iti jeyaro muare gotia yu, yure tuorānucōri, mua ya usiju usiriore mano mua űatoni. Adi macārucāroju mua űaja, jeyaro tōbjarā yirāji mua. Oca sēoīa mua, adi macārucāro gānare űeñaro yi rotigure rētocūcu yu, yiquī Jesūs gua ī rāca riasotirāre.

17

Ī rāca riasotirāre yiari Jesūs Diore ī seni isire gaye

¹ Ito bajiro ī yija bero macārucāroju ti tuocōri, ado bajiro yiquī Jesūs:

—Cuna mu tu yu tūdi ejaroti ejacoaju īja. Yu űa mu Macu. Masa yure īna rūcubworoca yiya. Ito bajiroti yu cuni mare īna rūcubworoca yigu yiguja. ² Yu űa mu Macu. Masare yu rotī masitoni yure cūyija mu. Yure mu isiana īna catiīnaroca yu yi masitoni yure cūyija mu.

³ Ado bajiro bajia catitĩñare gaye: Mũ sīgũti riojo oca ñasarise gotigure masicõri, ito yicõri yũ Jesucristo mũ cõarure tuorũnũcõri, catitĩñarã yirãji masa. Ito bajiro bajia catitĩñare gaye.

⁴ 'Adi macãrucãro yũ ñaja mũre masa ña rucũbuoroca yicũ yũ. Yũre mũ roti ñucacato bajiroti itire gajanoa yũ. ⁵ Adi macãrucãro iti ñaroto riojuaju mũ rãca rucũbuogu ñacu yũ. Cũna, ito bajiroti adocãta mũ tiro riojo masa yũre ña rucũbuoroca yiya.

⁶ Yũ rãca riasotirã adi macãrucãro gãna wato mũ beseana ñama. Ñare besecõri, yũre ñsiyija mũ. Mũre ña masiroca yicũ yũ. Mũ ñarã ñañi ña. Ñare yũre ñsiyija mũ. Mũ ocare cõdisotirã ñama ña. ⁷ No yũre mũ ñsirisẽ, "Dios ye wadire ña", yi tuo masiama ña. ⁸ Mũ ocare yũre mũ goticato bajiroti ñare goticũ yũ. Iti ocare tuocõri, boca ãmicã ña. "Dios tũ wadirũ ñami ãni", yi masiama ña, yũre ña. "Dios ñ cõaru ñami ãni", yi yũre tuorũnũama ña ña.

⁹ Ñare yiari mũre busia yũ. Adi macãrucãro gãnare yiari meje mũre busia yũ. Yũre mũ ñsiana, mũ ñarã ña ñajare, ñare yiari busia yũ. ¹⁰ Yũ ñarã jeyaro mũ ñarãti ñama ña. Ito yicõri mũ ñarã yũ ñarãti ñama ña. Yũ rãca riasotirã mũ ñarã ñama. Ña queno yirise ticõri, yũre rucũbuorã yirãji masa.

¹¹ Mũ rãca ñagũ wacu ya yũ. Ito bajiri adi macãrucãrore wagogũ ya yũ ña. Yũ rãca riasotirãma adi macãrucãroju tujarã yama. Cũna, ñeñarise yĩabicu ña mũ. Ña yũre mũ ñsianare mũ masirisena ñare tirũnũma. Mani sīgũre bajiro tuoñarã ña. Manire bajiroti ña cuni sīgũre bajiro ña tuoñatoni ñare tirũnũña. ¹² Adi macãrucãroju yũre mũ ñsiana rãca yũ ñaroca mũ masirisena queno ñare tirũnũca yũ. Sīgũ yũre godagobe yiroca queno ñare tirũnũca yũ. Ito bajijobarocati sīgũ ñaquĩ yũre godagocaca. Ña ñaquĩ jeame ãjuroju warocũ. Mũ oca iti gotiro bajiroti iti rãtatoni yũre godagogu ña.

¹³ Adocãta mũ tũ wacu ya yũ. Adi macãrucãroju ñagũ maji adi oca ñare gotia yũ. Yũ wanũro bajiroti ña cuni wanũ quena jeditori iti oca ñare gotia yũ. ¹⁴ Mũ ocare ñare goticũ yũ. Adi macãrucãro gãna bajiro meje tuoña yũ. Yũ rãca riasotirã cuni adi macãrucãro gãna bajiro tuoñarã meje ñama ña. Ito bajiri adi macãrucãro gãna ñare ti tudiami. ¹⁵ Adi macãrucãrojũre ñare mũre ãmigo rotibea yũ. Ado bajirojua mũre senia yũ: "Ñare camotaya rãmũ usirioro ñare yibe yiroca", ya yũ mũre. ¹⁶ Adi macãrucãro gãna bajiro tuoñagũ meje ña yũ. Ito bajiri yũ rãca riasotirã cuni adi macãrucãro gãna bajiro tuoñarã meje ñama ña. ¹⁷ Mũ oca ña oca riojo ñasarise. Mũ ñarã queno yirã riti ña ñatĩñatoni mũ oca ñasarise ña masiroca yiya. ¹⁸ Adi macãrucãro gãna wato yũre cõayija mũ. Yũ cuni ito bajiroti adi macãrucãro gãna wato yũ rãca riasotirãre cõa yũ. ¹⁹ Ñare yiari, mũre riti cudigu yigũja yũ. Ito yicõri mũ yagũ riti ñagũ yigũja yũ. Ito bajiro yũ yija ticõri, mũ oca riojo ñasarise cõdicõri, mũ ñarã riti ñarã yirãji ña cuni, yiquĩ Jesús Diore busigu.

²⁰ Gaje Diore ado bajiro gotiquĩ Jesús:

—Ñare riti yiari meje mũre busia yũ. Ña riasorise tuocõri, yũre tuorũnarã yirãji gãjerã. Ñare yiari cuni mũre busia yũ. ²¹ Ña jeyaro sīgũre bajiro ña usi cutitoni mũre busia yũ. Manire bajiroti ña usi cutire ãmoa yũ. Cũna yũre bajiroti usi cutigu ña mũ. Yũ cuni mũre bajiro usi cutia. Ito bajiro manire bajiro sīgũ bajiro riti ña usi cutire ãmoa yũ. Ito bajiro ña bajija ticõri, "Riti Dios ñ cõaru ñañi Jesús", yirã yirãji adi macãrucãro gãna. ²² Yũre masa ña rucũbuoroca mũ yiado bajiroti ñare masa rucũbuoroca yicũ yũ cuni. Sīgũre bajiro usi cutirã ña ñatoni ito bajiro ñare yicũ yũ. Mani cuni ito bajiroti sīgũre bajiro bajia mani. ²³ Yũ bajiroti usi cutirã ñama ña. Yũ cuni mũ bajiroti usi cutigu ña yũ. Ito bajiri sīgũ bajiro riti tuoña jedirã yirãji ña. Ito bajiro ña bajija ticõri, "Dios ñ cõaruti ñañi Jesús", yi masirã yirãji adi macãrucãro gãna. "Ñ Macũre ñ mairo bajiroti ñare cuni maiami Dios", yi masirã yirãji adi macãrucãro gãna.

²⁴ Cũna, yũ rãca riasotirã yũre mũ ñsiana ñama ña. No yũ ñaraju yũ rãca ña ñare ãmoa yũ. Ito bajicõri, masa ña yũre rucũbuoroca mũ yire ti masirã yirãji ña. Ito yicõri, "Adi macãrucãro iti ñaroto riojuaju Jesure maiñi Dios", ña yi masire ãmoa yũ. ²⁵ Cũna ñeñarise macũ ña mũ. Adi macãrucãro gãna mũre ti masibeama ña. Yũama mũre ti masia. Ña yũ rãca riasotirã, "Dios ñ cõaru ña mũ", yi masiama ña, yũre. ²⁶ Mũre ña ti masiroca yicũ yũ. Ito bajicõri, mũre ña masitĩñaroca yigũ yigũja yũ. Ito bajiro yigũ yigũja yũ, yũre mũ mairo bajiro ña gãmeri maitoni. Ito yicõri ña rãca ñatĩñagũ yigũja yũ, yiquĩ Jesús Diore busigu.

18

Jesure ña ñiare gaye

(Mt 26.47-56; Mr 14.43-50; Lc 22.47-53)

¹ Ito bajiro Jesús ñ busija bero Cedrón wame cutiri jaribũ sidujaju wacu gua ñ rãca. Ito wacõri ote wese wijacu gua, Jesús rãca. ² Coji meje iti ote weseju minijuasoticũ gua. Ito bajiri Judas, Jesure oca meniroca cuni tisotiquĩ iti wesere. ³ Ito bajiri iti wesere masicõri, surarare, porcia masare cuni ãni ejaquĩ Judas. Paia ujarã, fariseo gaye tuoñarã cuni ña cõana ñañi

Īna. Sarera jāirina bisu cuticā Īna. SĪabusuoragari, ĩto yicōri mujura jāiri cūni rucocā Īna. ⁴ “Ado bajiro yure rētaru yiroja”, yigu Īnare boca āmigū waquĭ Jesūs. Īnare boca āmicōri, ado bajiro Īnare seniĭaquĭ ĩ:

—¿Īnimure āmati mua? yiquĭ Jesūs Īnare.

⁵ Ito ĩ yijare:

—Jesūs Nazaret gagure āma gua, yicā Īna.

Īna ĩto yija tuocōri:

—Īti űa yu, yi cūdiquĭ Jesūs.

Īna rāca űaquĭ Judas, Jesure oca meniru cūni. ⁶ “Īti űa yu”, Jesūs ĩ yirocati judojua jua quedicocā Īna. ⁷ Ito yi mūcana tūdi Īnare seniĭaquĭ Jesūs:

—¿Īnimure āmasati mua? yiquĭ ĩ Īnare.

Ito ĩ yija tuocōri:

—Jesūs Nazaret gagure āma gua, yicā Īna.

⁸ Īna ĩto yija tuocōri:

—“Īti űa yu”, yicāmu yu, mūare. Yure riti mua āmajama, yu rāca gānama wacoajaro, yiquĭ Jesūs Īnare.

⁹ Ito bajiro yiquĭ Jesūs, ĩti ramuju ĩ gotigoado bajiro ĩti rētatoni. ĩti ramuju ado bajiro gotiquĭ ĩ: “Yu Jacu yure ĩ ĩsicāna sĭgūjua yure godabiticā”, yiquĭ Jesūs ĩti ramuju. ¹⁰ Ito bajiro Jesure Īna űia āmoja ticōri, ĩ ya sarera jāi āmiquĭ Simón Pedro. ĩti jāina paia űjure moa ĩsiri masa, Malco wame cutigure ĩ ya gāmoro riojocadujare jataquĭ Pedro. ¹¹ Ito ĩ yijare:

—Mu ya sarera jāire seoya mūcana. Yu tōbujaroti Dios ĩ āmoja, camotabicaja yu. “Ītire camotagu yiguĭji”, ¿yire masiati mu? yiquĭ Jesūs Pedrorre.

Anás tu Jesure ĩna āmi ejare gaye

(Mt 26.57-58; Mr 14.53-54; Lc 22.54)

¹² Ito yija surara Īna űju rāca, judio masa porecia cūni Jesure űiacā Īna. Īre űiacōri, ĩ ya āmori siacā Īna. ¹³ Ito yicōri Anás ya wĭju āmicoacā Īna, ĩre ĩja. Caifás maűicu űayiju Anás. ĩti rodori paia űju űayiju Caifás. ¹⁴ Ī Caifás űayiju, “Mani űarocōti godaja quenabetoja. Manire yiari sĭgū ĩ goda ĩsija quena”, yi ĩ űarā judio masare gotigoru űayiju ĩ.

Jesure masibea yu, Pedro ĩ yire gaye

(Mt 26.69-70; Mr 14.66-68; Lc 22.55-57)

¹⁵ Simón Pedro, gāji gua rāca gagu, Jesure Īna āmi waja sūya wacā Īna. Simón Pedro rāca wacacu paia űjure baba cutigu űasotiyiju ĩ. Ito bajiri josari mejeti paia űju ya wi sabiara cūni rēta sājacoayiju ĩ. ¹⁶ Pedroama sabiara cūni judojua sājabicuti tujacoayiju. Ito bajiri gāji Jesūs rāca riasotiru paia űju baba sabiara cūni coderi maso rāca busigu wayiju. Ito yicōri Pedrorre ĩsōyiju ĩ baba. ¹⁷ ĩti cūni coderi maso ado bajiro seniĭayijo Pedrorre:

—¿Jesūs rāca riasotigoru meje űati mu cūni? yiyijo iso Pedrorre.

Iso ĩto yijare:

—Meje űa yu, yiyiju Pedro.

¹⁸ ĩti űsajare moa ĩsiri masa, porecia masa cūni jea riocōri, suma űayjarā Īna. Pedro cūni Īna rāca suma űayiju.

Paia űju Jesure ĩ seniĭare gaye

(Mt 26.59-66; Mr 14.55-64; Lc 22.66-71)

¹⁹ Jesure Īna āmi ejaia ticōri, paia űju Anás wame cutigu Jesure ado bajiro seniĭasoyiju:

—¿Noa űati mu rāca riasotiana? Ito yicōri, ¿űe gaye Īnare riasocati mu? yiyiju ĩ Jesure. ²⁰ Ito ĩ yija tuocōri, ado bajiro cūdiyiju Jesūs:

—Masa jeyaro tiro riojo busisoticu yu. Dios ya wĭju, mani masa judio masa minijuara wĭju cūni masare riasocu yu. Ito bajiri yu goti rudire ma. ²¹ ¿No yija yure ĩtire seniĭati mu? Yure tuogonare seniĭate mu. Yu busigore gaye mure gotirā yĭrāji Īna. Yu busigore masirāji Īna, yiquĭ Jesūs paia űjure.

²² Jesūs ĩto bajiro ĩ yija tuocōri, sĭgū porecia masa, Jesūs ya rioju jayiju.

—¿Paia űjure, no yija ĩto bajiro cūdiati mu? yiyiju ĩ Jesure.

²³ Ito ĩ yija cūdiyiju Jesūs:

—Riojo meje yu gotija, “Ado bajiro ruo gotia mu”, yiya yure. Yu gotirise riojo gotia yu. Ito yibojarocati, ¿no yija yure jati mu? yiyiju Jesūs ĩre.

²⁴ ĩto ĩ yija bero paia űju Caifás wame cutigu tu Jesure siarureti cōayiju Anás maji.

Jesure masibea yu, mūcana Pedro ĩ yire gaye

(Mt 26.71-75; Mr 14.69-72; Lc 22.58-62)

²⁵ ĩto baji űaroca jea suma űayiju Pedro maji. ĩ rāca jea suma űarā ado bajiro ĩre seniĭayjarā:

—¿ĩ rāca riasotigoru meje űati mu cūni? yiyjarā ĩna Pedrorre.

Ĩna ito yijare:

—Meje, ĩ rāca riasotigoru meje ña yu, yiyiju Pedro.

²⁶ Ito ĩ yija, sĭgũ paia uju moa ĩsiri masu ado bajiro seniĭayiju Pedrorre:

—Ote wese ĩ rāca mu ñaroca, ħtĭbiticati yu mure? yiyiju ĩ Pedrorre. Pedro gāmoru ĩ jataru oca busigu ñayiju ĩ.

²⁷ Ito bajiro ĩ seniĭaja tuocōri: “Jesure masibea yu”, yiyiju Pedro mucana. Ito bajiro ĩ yirocati, cara yujicoayiju ĩja.

Pilato tujū Jesure ĩna āmi ejare gaye

(Mt 27.1-2,11-14; Mr 15.1-5; Lc 23.1-5)

²⁸ Ito yija bero Caifás ya wina romano masa uju ya wiju Jesure āmi wayijarā ĩre ñiana. Ito ĩna yiroca riti busu muja wadicoayiju ĩja. ĩna judio masa romano masa uju ya wiju sājabisjarā ĩna. “Gaje masa ya wi mani sājaja pascua basa bare hamenaji mani”, yi tuoĭarā sājabisjarā ĩna. ²⁹ Ito bajiri Pilato ĩmasiti ĩnare busirocu budi wayiju:

—ĶNe seti catiati āni, mua tija? yiyiju Pilato judio masare.

³⁰ Ito ĩ yijare cadiyijarā ĩna:

—ĩ seti macu ñaja, mu tu ĩre āmi ejabitiboana gua, yiyijarā ĩna Pilatore.

³¹ ĩna ito yijare:

—ĩre āmi wasa mua. Mua masa bucārā rotirena, “Ado bajiro seti catia mu”, yiba mua ĩre, yiyiju Pilato judio masare.

Ito ĩ yija tuocōri, ado bajiro cadiyijarā ĩna:

—ĩre sĭa āmoboja gua. Ito bajijarocati gua judio masa bucārā rotirena ĩre sĭa masibea gua, yiyijarā ĩna Pilatore.

³² “Yucatēoju yure jaju sĭarā yirāji masa”, Jesús ĩ yicādo bajiroti rētayiju ito bajiro ĩna yija.

³³ Mucana ĩ ya wi tuđi sājacōri, ado bajiro Jesure seniĭayiju Pilato:

—ĶJudio masa uju ñati mu? yiyiju Pilato Jesure.

³⁴ Ito ĩ yijare, ado bajiro cadiyiju Jesús:

—ĶMumasi tuoĭacōri, ito bajiro yi seniĭati mu? ĶGājerā mure ĩna gotijare ito bajiro yure seniĭati mu? yiyiju Jesús Pilatore.

³⁵ Ito ĩ yijare:

—ĶJudio masu ñati yu, mu tija? Mu ñarāti, paia ujarā cuni yu tu āmi ejama ĩna mure. ĶNo bajiro yicati mu? yiyiju Pilato Jesure.

³⁶ Ito ĩ yija cadiyiju Jesús:

—Adi macārucāro uju meje ña yu. Adi macārucāro uju yu ñaja yure suyari masa gāmeri jaboana judio masa yure ñiame yirona. Adi macārucāro uju meje ña yu. Adi macārucāroju meje ña yu rotiroto, yiyiju Jesús Pilatore.

³⁷ Ito ĩ yijare:

—ĶIto yicōri, uju ñati mu? yiyiju Pilato.

Ito ĩ yija cadiyiju Jesús:

—Mu yi ro bajiroti uju ña yu cuni. Adi macārucāroju wadicōri, rujeacu yu, riojo oca ñasarise gotirocu. Riojo oca ñasarise cadiřā ĩna ñama yure tuorunārā, yiyiju Jesús Pilatore.

³⁸ Ito ĩ yija:

—ĶNe ñati oca riojo ñasarise? yiyiju Pilato Jesure.

Jesure sĭaraja mani, ĩna yire gaye

(Mt 27.15-31; Mr 15.6-20; Lc 23.13-25)

Ito bajiro Jesure seniĭacōri, ĩ ya wi budi wacōri, judio masare busigu wayiju Pilato mucana: —Yu tija ñe seti macu ñami āni. ³⁹ Co rodo rayabeto pascua basa mua meniĭa sĭgũ tubiarure bucōasotia yu muare yiari. ĶMua judio masa ujure yu bucōare āmoati mua? yiyiju Pilato judio masare.

⁴⁰ Ito ĩ yijare, ado bajiro awasā cadiyijarā ĩna:

—ĩre meje bucōaña mu. Barrabásjure bucōaña, yiyijarā ĩna Pilatore.

Riniri masu ñayiju Barrabás.

19

¹ ĩna ito yija tuocōri, Jesure baje rotiyiju Pilato ĩja. ² Jesús ya rijoga joe jota bedo seara bedo yeyijarā surara. Ito yicōri ujarā ĩna sāñaro bajiro sūaro sājijarā ĩna Jesure. ³ Ito yija bero ĩ tu busa eja rügücōri, ado bajiro yiyijarā ĩna:

—Judio masa uju catijaro, yi aja tudiyijarā ĩna Jesure.

Ito yicōri rioju ĩre jayijarā ĩna.

⁴ Mucana budi wacōri, judio masare gotigu ejayiju Pilato:

—Tiya mua. ĩ seti manijare ĩre bucōagū ya yu, yiyiju Pilato judio masare.

⁵ Ito i yija, jota bedo jesaru, sũaro sãñaru budiyiju Jesús. Ito yija ado bajiro yiyiju Pilato masare:

—Tiya, ãni ñami ãmugã, yiyiju Pilato.

⁶ Jesús i budija ticõri, ado bajiro awasãsuoyijarã paia ujarã, porecia cuni:

—Yucutẽoju ãre jaju sãña, ãre sãña, yi awasãyijarã ãna.

Ïna ito yija tuocõri:

—Muamasi ãre ãmi wacõri, yucutẽoju jaju sãtãña mua. Yu tijama, ñe seti ma ãre, yiyiju Pilato judio masare.

⁷ Ito i yijare ado bajiro cudiyijarã judio masa:

—Gua bucãrã masa ãna rotirena i godaja quena. “Dios Macu ña yu”, i yire waja i godaja quena, yiyijarã ãna Pilatore.

⁸ Ito bajiro ãna yija tuocõri, bũto busa güiyiju Pilato. ⁹ Tudi wi toti Jesure ãmi sãcõri, ado bajiro seniãyiju Pilato ãre:

—¿Noju gagu ñati mu? yiyiju Pilato ãre.

Ito bajiro i yibojarocati ãre cudibisiju Jesús.

¹⁰ Mucana tudi ãre seniãyiju Pilato:

—¿Yure cudibeati mu? Gãjerã mure yucutẽoju yu jaju roti ãmoja jaju roti masia yu. Mure yu bucõa ãmoja, bucõa masia yu. ¿Itire masibeati mu? yiyiju Pilato Jesure.

¹¹ Ito i yijare:

—Mu rotiroca Dios i mure yibeja, yure roti masibitiboa mu. Mu rãto busaro seti cutigu ñami yure ãna ñiatoni gotiru, yiyiju Jesús Pilatore.

¹² Ito i yija tuocõri, “¿No bajiro yicõri Jesure bucõarujati yu?” yi tuoãyiju Pilato. Ito bajiro i tuoãbojarocati judio masa ado bajiro awasãyijarã:

—Ëre mu bucõaja mua romano masa uju ñasagu baba meje ñagũ yigũja mu. No, “Ëju ñagũ yigũja yu”, yigu, i ñami masa uju wajacu, yiyijarã ãna Pilatore.

¹³ Ïna ito yija tuocõri, Jesure ãmi rotiyiju Pilato ãja. Ito yicõri ujarã ãna rujiriju rujiyiju Pilato ãja. Itiju Gabata wame cutiyiju hebreo ocana. “Gũtana bũoraju”, yireoni ñayiju itiju. ¹⁴ Pascua basa riojuã ãmua gudareco ñayiju iti rumu. Ito yija Pilato ado bajiro yiyiju judio masare:

—Ëni ñami mua uju, yiyiju Pilato.

¹⁵ Ito bajiro i yibojarocati bũto awasãyijarã ãna:

—Sãcõruja ãre. Sãcõruja ãre. Yucutẽoju ãre jaju sãña, yiyijarã ãna Pilatore.

Ïna ito yijare:

—¿Mua ujure jaju sãgũ yigujada yu? yiyiju Pilato ñnare.

Ito i yijare, ado bajiro cudiyijarã paia ujarã:

—Romano masa uju riti ñami gua uju. Ñimujua gãji mami, yiyijarã ãna Pilatore.

¹⁶ Ito bajiro ãna yija tuocõri, yucutẽoju Jesure ãna jaju sãtoni ñnare ãyiyiju Pilato. Ito bajiri Jesure ãmicoayijarã ãna ãja.

*Yucutẽoju Jesure ñna jaju sãre gaye
(Mt 27.32-44; Mr 15.21-32; Lc 23.26-43)*

¹⁷ Ëre ãna ãmi waja, suya wacu gua cuni. Ëre ãmi wacõri, yucutẽo ãre gaja roticã ãna. Hebreo ocana Gõlgota wame cutiri buroju ãre ãmi wacã ãna. “Rijoga gõari ñaro”, yireoni ñacu itiju. ¹⁸ Itoju ãmi ejacõri, Jesure yucutẽoju jajucã ãna. Gãjerã juarã jua duja gãna yucutẽoju yosacã ãna. Ïna gudareco ñaquĩ Jesús. ¹⁹ Jesús i wãñariteoju i ya rijoga weca wame wõ rotiquĩ Pilato. Ado bajiro goticu iti: “Jesús Nazaret gagu, judio masa uju”, yi wãñacu iti. ²⁰ Judio masa jãjarã ticã iti ucarerere. Jesure yucutẽoju ãna jajucati cuto tati ñacu. Ï ya rijoga weca wame wãñarise griego oca, hebreo oca, latín oca cuni ñacu iti. ²¹ Ito bajiri judio masa paia ujarã ado bajiro yicã Pilatore:

—“Judio masa uju ñami”, yi ucabesa. “Judio masa uju ña yu”, yibojaru, yi ucaja quena, yicã ãna Pilatore.

²² Ito bajiro ãna yibojarocati ado bajiro cudiquĩ Pilato:

—Yu ucare ito bajiroti tujaro ya, yiquĩ Pilato ñnare.

²³ Surara yucutẽoju Jesure jaju tiorã i ya yutabujurire ãmicã ãna. Itire ãmicõri, juariarori batocã ãna. Ito yicõri ñnacõti gãji coro, gãji coro ãmicã ãna. Jesús i sãñado joegadoama jioya mano ñacu. Riojoti sua mũja, gajanoado ñacu. ²⁴ Ito bajiri ado bajiro yicã surara:

—Itore ñigãmena mani. Ñimujua itore i bujaja tiana yirona, gãtana rea ajecã ãna.

Ito bajiro ãna yija Dios oca tuti iti gotiado bajiroti rãtacu. Ado bajiro gotia i oca: “Yu ya yutabujurire batocã ãna. Ñimujua adore i bujaja tiana yirona, gãta ajerã yirãji”, yi gotia Dios oca. Ito bajiroti yicã surara.

²⁵ Jesús ĩ yucatēoju wāñaro roca adocō jājarā ñacu gua. Ī jaco, Cleofas manajo María, María Magdalena, ito yicōri yu cuni ñacu ĩna rāca. ²⁶ Jesús ĩ jacore, ito yicōri yu ĩ maigāre ticōri, ado bajiro yiquĩ Jesús ĩ jacore:

—Cana ĩ ñagū yiguĩji mu macu, yiquĩ Jesús ĩ jacore.

²⁷ Ito yicōri yu juare ado bajiro yiquĩ:

—Iso ñagō yigōji mu jaco, yiquĩ Jesús yare.

Ito ĩ yija bero isore boca āmicōri, yu ya wiju isore codecu yu ĩja.

Jesús ĩ usi jedire gaye

(Mt 27.45-56; Mr 15.33-41; Lc 23.44-49)

²⁸ Ito ĩ yija bero, “Dios ĩ āmoro bajiroti yare rēta jedicoaju ĩja”, yi tuoiaquĩ Jesús. Dios oca tuti iti gotiro bajiroti iti rētaton:

—Idi āmoa yu, yiquĩ Jesús.

²⁹ Ito ñacu uyé ide jiaradu. Ide udi āmirisena itire udi āmicā ĩna surara. Ito yicōri hisopo wame cutiricu ruju gaja siacā ĩna itire. Ito yicōri Jesús ya rise tu ñutucā ĩna. ³⁰ Uyé ide jiare weroiācōri, ado bajiro yiquĩ Jesús:

—Dios ĩ goticādo bajiroti rēta jedicoaju ĩja. Itocō ña, yiquĩ Jesús.

Ito yija ĩ ya rijoga queo yocōri, usi jedicoaquĩ Jesús ĩja.

Jesús ya warubũ surara ĩ sare cudare gaye

³¹ Iti ramu pascua basa riojua ñacu. Busuri gua judio masa ya tujacāra ramu ñaro yicu. Ito bajiri yucatēoju godana ya ruju wāñare āmobicā ĩna tujacāri ramu ñajare. Tujacāra ramu gujori ramu ñacu gua judio masare. Ito bajiri Pilatore ado bajiro senicā ĩna: “Yucatēoju wāñarāre sagaro gōare jajea rotiya. Ito yicōri ĩna ya rujari rujio rotiya”, yicā ĩna Pilatore. ³² Pilato ĩ rotija tuocōri, ĩ ya surara wacōri, yucatēoju wāñarāre ĩna ya sagaro gōarire jajeacā ĩna. Jesús tu jārā yucatēoju wāñarāre ĩna ya gōarire jajeacā ĩna. ³³ Jesús taju eja rūgūcōri, “Usi jedicoañi āni”, yi ti masicā ĩna. Ito bajiri ĩ ya sagaro gōare jajeabiticā ĩna.

³⁴ Ito bajibojarocati Jesús ya warubũ sare cudadu sīgū surara masu. Ito ĩ yirocati rí ide wusarise budicu. ³⁵ Yu itire gotigu, itire tigorū ña yu. “Riti gotia yu itire”, ya yu. Maa cuni itire tuorānaton, riojo itire gotia yu. ³⁶ Iti jeyaro rēta Dios oca tuti iti goticado bajiroti. Tuote. Ado bajiro gotia Dios oca: “Īre co gōa jajeamena yirāji ĩna”, yi gotia Dios oca. ³⁷ Gajeju Dios oca iti gotija ado bajiro gotia: “Sare cuda ecorure tirā yirāji masa”, yi gotia Dios oca.

Jesure ĩna yujere gaye

(Mt 27.57-61; Mr 15.42-47; Lc 23.50-56)

³⁸ Ito bajija bero Josē Arimatea gaju Jesús ya rujare āmoro Pilatore seniyiju ĩ. Jesús ocare tuo snyagoru ñayiju ĩ, ito bajibo jaguti gājerāre goti batobisiju ĩ, judio masare güigu. “Āmiña”, Pilato ĩ yija tuocōri, Jesús ya rujare rujioju wayiju Josē. ³⁹ Nicodemo ñamiju Jesús rāca busigu ejagoru cuni ejayiju. Treinta kilos rūcurisecō queno sati quenarise āni ejayiju ĩ. Mirra wame cutirise, āloes wame cutirise wuore ñayiju iti sutirise. ⁴⁰ Ito bajiri Josē, Nicodemo rāca Jesús ya ruju āmicōri saya botirona sutirise tucōri, ĩre gūmayjarā ĩna. Judio masa, masa yujerā ĩna yisotirise ñayiju iti. ⁴¹ Jesure yucatēoju ĩna jaju sjaraju ote wese tu ñayiju. Iti weseju masari cuma mama goje ñayiju. Gājerāre yujeñaña mani goje ñayiju iti goje. ⁴² Jabeto ruyayiju tujacāra ramu iti busuroto. Ito bajiri iti gojeju Jesús ya rujare sāyjarā ĩna, sōju meje iti goje ñajare.

20

Jesús ĩ tūdi catire gaye

(Mt 28.1-10; Mr 16.1-8; Lc 24.1-12)

¹ Gua masa ya moasura ramu busuri jiju rāitīa busaroca wayijo María Magdalena. Jesús ya masari cuma tu ejacōri, iso tija gūta biaraga mañiju. ² Ito iti bajija ticōri, ũmaquedi wacōri, gua tu ejacō iso. Simón Pedro, ito yicōri yu Juan Jesús ĩ bato maicana ñacu gua. Gua tu ejacōri, ado bajiro yicō iso:

—Mani Eju ya rujare āmicoañi ĩna. “Itoju ĩ ya rujare cūana ĩna”, yi masibeja yu, yicō iso guare.

³ Iso ito yija tuocōri, yu Pedro rāca masari cumaju tirā wacu gua. ⁴ Gua jārā cocati ũmaquedi wacu. Pedro rēto busaro ũmaquedicu yu. Ito bajiri yujua cajero masari cuma ejasocu. ⁵ Muqueacōri, ito tisōcu yu. Īre ĩna gūmagore riti ticu yu. Itoju sājabiticu yu maji. ⁶ Yu bero ejaquĩ Simón Pedro. Īama masari cumaju sājacoaquĩ ĩja. ĩ cuni Jesure ĩna gūmagore riti tiquĩ. ⁷ Jesús ya rijoga gūmado gajeroju iti jesaja tiquĩ. Dureare rujajucu gajeroju iti jesaja tiquĩ ĩ. ⁸ Ito yija yu cajero ejacacu cuni sājacoacu. Iti rētare ticōri, “Tūdi caticoañi Jesús”, yi tuoiaqu yu ĩja. ⁹ Iti riojua, “Godabojaguti tūdi catigu yiguĩji Jesús”, Dios oca iti yire gaye tuo masibiticu gua maji. ¹⁰ Ito yija bero gua ya wiju tūdi wacu gua.

María Magdalenare Jesús i goa'ore gaye
(Mr 16.9-11)

¹¹ María Magdalenama masari cuma tu oti tujacō. Otigoti masari cumaju tisōyijo iso. ¹² Ito iso tisōja juarā āngel mesa botirise sānarā rujiyijarā. Sigū Jesús ya rijoga űagoadojua rujiyijū. Gāji i ya gabori űagoadojua rujiyijū. ¹³ Ito yija ado bajiro seniāyijarā ina María Magdalenare: —¿No yija otiami mu? yiyijarā āngel mesa isore.

Īna ito yija:
—Yu űju ya rujure āmicoañi ina. “Itoju i ya rujure cūana ina”, yi masibea yu, yiyijo iso āngel mesare.

¹⁴ Ito bajiro yigoti, Jesure juda ti bujayijo iso. Ito bajibojarocati, “Jesuti űami āni”, yi masibisijo iso. ¹⁵ Ito yija ado bajiro seniāyijū űua isore:

—¿No yija otiami romio mu? ¿űimure āmati mu? yiyijū Jesús isore.

“Adi wese coderi masu űaguűi”, yire masiyijo iso. Ito bajiri ado bajiro ire yiyijo iso:

—Ī ya rujure mu cūja, “Ito cūmu yu”, yiya yure. Āmigō waroco ya yu, yiyijo ire.

¹⁶ Iso ito bajiro yija tuōcōri, ado bajiro yiyijū Jesús isore:

—María, yiyijū Jesús isore.

Ito i yija tuōcōri, ado bajiro yiyijo iso hebreo ocana:

—Rabuni, yiyijo iso. “Yure riasogu”, yireoni űayijū iti.

¹⁷ Ito yija ado bajiro cadiyijū Jesús:

—Yure moaĭabesa maji. Yu Jacu tu majabea yu maji. Wasa yu űarāre ado bajiro gotitēña: “Dios sigūti űami mani Jacu. Ito yicōri i sigūti űami mani űju. Ī űaroju wacu wagu ya yu”, yi gotitēña, yimi Jesús yure, yi rotiyijū Jesús María Magdalenare.

¹⁸ Ito yija guare gotigō ejacō iso. “Mani űjure tibu yu”, yicō iso. Ito yicōri Jesús i gotiado bajiro guare goticō iso.

Ī rāca riasotigoanare Jesús i goa'ore gaye
(Mt 28.16-20; Mr 16.14-18; Lc 24.36-49)

¹⁹ Gua masa ya moasuora rumu űacu iti rumu. Iti űami gua Jesús rāca riasotigoana wijū minijua űacu. Gua űarā judio masare guirā soje biacōri, űacu gua. űajasaroti gua wato goa rūgūquī Jesús.

—űati mua, űe oca mano queno űaña mua, yiquī Jesús guare.

²⁰ Ito i yija bero i ya āmori, ito yicōri i ya warubu űoquī guare. Gua i rāca riasotigoana gua űjure ticōri, buto wanacu gua. ²¹ Mucana tūdi ado bajiro gotiquī Jesús guare:

—űe oca manoti queno űaña mua. Yu Jacu yure i cōado bajiroti yu cūni muare cōa yu ĩja, yiquī Jesús guare.

²² Ito yija guare juti jeocōri, ado bajiro yiquī i:

—Mua ya usijū Espiritu Santo i quedi sājaroca ya yu. ²³ Īre boca āmicōri, gājerā ina űeñaro yirise mua ācabojaja, ĩnare seti mano yiroja. Īna űeñaro yirise mua ācabojabeja, seti cutirāti űarā yirāji inaōna, yiquī Jesús guare.

Tūdi Jesús i catija bero Tomás i tire gaye

²⁴ Ito bajiro guare Jesús i goa'oroca Tomás gua rāca gagu maniquī. Ī űaqui “Sūrūaru”, gua yicacu. ²⁵ Tomásre ti bujacōri:

—Mani űjure tibu gua, yibojacu gua ire.

Ito bajiro gua yibojarocati Tomás ado bajiro yiquī:

—Ī ya āmo ina ja cudaraju yu tibeja, ito yicōri ire ina ja cudaraju yu ya āmo wāsoana yu űusōiabeja, ito yicōri i ya warubu ire ina sare cudadoju yu ya āmona yu moaĭabeja, “Īti űami”, yi masibicuja yu, yiquī Tomás guare.

²⁶ űdia āmojeno rumuri bero mucana tūdi minijuacu gua. Iti rumu gua minijuacati rumu Tomás cūni űaqui ĩja. Soje biado űabojarocati gua wato goa rūgūquī Jesús.

—űati mua, űe oca mano queno űaña mua, yiquī Jesús guare.

²⁷ Ito yicōri Tomásre ado bajiro yiquī i:

—Yu ya āmore ticōri, mu ya āmo wāsoana yure űusōiaña. Mu ya āmona yu ya warubu susuro yure moaĭaña. “Ī meje űaguűi”, yibeja ĩja. “Īti űami”, yi masiña mu ĩja, yiquī Jesús ire.

²⁸ Ito i yijare:

—Yu űju, Dioti űa mu, yiquī Tomás Jesure.

²⁹ Ito i yijare Jesús cadiquī:

—Tomás yure ticōri, yure tuorūnya mu. Gājerāma yure tibitibojarāti yure ina tuorūnya, queno wanu quenarā yirāji ina, yiquī Jesús Tomásre.

Cristore tuorūñaña tūna cūni, yirocu adi uca yu, San Juan i gotire gaye

³⁰ Gaje jaje tiyamani Ìoquĩ Jesùs gua Ì rāca riasotirā tiro riojo. Iti ñarocōti ña jedibea adi papera tutijũ. ³¹ Adi yũ ucarise, “Jesuti ñañi Cristo, ito yicōri Dios Macũ ñañi”, yĩ mua tuorũnũtoni uca yũ. Ìre tuorũnũcōri, catitũñare mua bujatonĩ itire uca yũ.

21

Jua ãmojeno Ì rāca riasotigoanare Jesùs Ì goaĩore gaye

¹ Ito bajija bero mucana tũdi goaĩoquĩ Jesùs, guare Ì rāca riasotigoanare. Tiberias wame cutirita tunimaju guare goaĩoquĩ Jesùs. Ado bajiro bajicu Ì goaĩoja. ² Adocō jājarā ñacu gua minijuacana, Simón Pedro, Tomás “Sārũaru”, gua yigu, Natanael Galilea sita Caná wame cutiri cuto gagu, gua Zebedeo rĩa, ito yicōri gājerā jũarā Jesùs rāca riasotigoana ñacu gua. ³ Gua ito baji ñaroca ado bajiro yiquĩ Simón Pedro:

—Wai jogu wacu ya yũ, yiquĩ Pedro.

Ito Ì yijare:

—Gua cuni mu rāca waju, yicu gua.

Ito yicōri wacu Ìja. Cumaju sājacōri, ñamiasaro wai jobojacu gua. ⁴ Iti busu mija wadiroca itajura tunima guare goaĩoquĩ Jesùs. Ito bajibojarocati, “Ìti ñaguĩji”, yĩ masibiticu gua. ⁵ Ado bajiro guare yĩ ruyuquĩ Ì:

—¿Wai sĩabeati mua? yiquĩ Jesùs guare.

Ito Ì yijare:

—Sĩabea, joboja gua, yicu gua Ìre.

⁶ Gua ito yijare:

—Cuma riojocadujare yorigu cōa roaya mua. Ito bajiro mua yija wai sĩarā yirāji mua, yiquĩ Jesùs guare.

Ì roticato bajiroti yicu gua. Wai jājarā Ìna ñajare, yorigure mosā masibiticu gua, wai jājarā Ìna ñajare. ⁷ Ito baji ñaroca, yũ Jesùs Ì maigũ ado bajiro yicu yũ Pedrorre:

—Mani Ujuti ñami Ì, yicu yũ Pedrorre.

“Mani Uju ñami”, yũ yija tuocōri, wasoro yosagu ñari joegado sãñaquĩ Ì. Ito yicōri itajuraju quedi roacoaquĩ Ì. Ito yicōri Jesùs tujũ bati waquĩ. ⁸ Cien metrocō tunima sōjua jayacu gua. Ito warāti jaju tunima ejacu gua. Wai yorigu rāca weja jājā ejacu gua. ⁹ Cuma majacōri, jeame weca wai jãoana ti ejacu gua. Ito yicōri naju cuni iti ñaja ti ejacu gua. ¹⁰ Gua ejaja ticōri, ado bajiro yiquĩ Jesùs, guare:

—Wai jane mua sĩana udiarācō ãmi waya, yiquĩ Jesùs guare.

¹¹ Ito Ì yija tuocōri, cumaju mija sãjaquĩ Simón Pedro, ito yicōri wai curā yoriguju ñarā jajuju waire weja mocũquĩ Ì. Ciento cincuenta y tres ñarā ñacā wai jeyaro. Jājarā Ìna ñabojarocati cudubiticu yorigu. ¹² Ito yija Jesùs ado bajiro yiquĩ guare:

—Ba yujirā waya maji, yiquĩ Jesùs guare.

“¿Ñimu ñati mu?” yĩ seniñabiticu gua, “Mani Ujuti ñami”, yĩ masicōri. ¹³ Ito yicōri gua tujũ eja rãgũcōri, naju guare batoquĩ Ì. Waire cuni ito bajiroti yiquĩ.

¹⁴ Itina udiaji goaĩoquĩ Jesùs guare, godacōri tũdi Ì catija bero.

Simón Pedro rāca Jesùs Ì busire gaye

¹⁵ Gua ba yuji tfoja bero ado bajiro seniñaquĩ Jesùs Simón Pedrorre:

—¿Mu rāca gāna rētoro yure maiati Simón, Jonás macu mu? yiquĩ Jesùs Simón Pedrorre.

Ito Ì yijare:

—Mure maia yũ Uju yũ. “Yure maiami”, yĩ masia mu, yiquĩ Pedro Jesure.

Ito Ì yijare:

—Oveja rĩare Ìna ecasotiado bajiro yure yiari yũ ñarāre riaso Ìsima mu, yiquĩ Jesùs Ìre.

¹⁶ Mucana tũdi juaji seniñaquĩ Jesùs Simón Pedrorre:

—¿Yure maiati Simón, Jonás macu mu? yiquĩ Jesùs Pedrorre.

—Mure maia yũ Uju yũ. “Yure maiami”, yĩ masia mu yiquĩ Pedro Jesure.

Ito Ì yijare:

—Ovejare Ìna codeado bajiro yure yiari yũ ñarāre code Ìsima mu, yiquĩ Jesùs Pedrorre.

¹⁷ Ito yija mucana tũdi udiaji seniña quenoquĩ Jesùs Ìre:

—¿Yure maiati Simón, Jonás macu mu? yiquĩ Jesùs Pedrorre.

Udiajiju, “¿Yure maiati mu?” Jesùs Ì yija tuocōri, bojori bujaquĩ Pedro. Ito bajiri ado bajiro yiquĩ Ì Jesure:

—Jeyaro masigũ ña, yũ Uju mu. Yũ mure mairise masia mu, yiquĩ Pedro Jesure.

Ito Ì yijare:

—Ovejare Ìna ecasotiado bajiro yure yiari yũ ñarāre riaso Ìsima mu. ¹⁸ Riti mure gotia yũ. Iti rumuju mamu mu ñaja yutabuju sãñacōri, mu ãmoro bajiroti wa ucosotiyija mu maji. Mu busigu ñaja mu ya ãmo siacōri, mu wa ãmobetom mure ãmi warā yirāji Ìna, yiquĩ Jesùs Pedrorre.

¹⁹ “Ito bajiro mu godaja ticōri, Diore rucubhorā yirāji masa”, yiroca ito bajiro gotiqui Jesús Pedrore. Ito i yija bero:

—Waya yu rāca. Yu oca t̄ao suyagu waya, yiqui Jesús ĩre.

Yu Juan ĩ rāca riasotigore Jesús ĩ buto maire gaye

²⁰ Juda ticōri, ĩnare yu suyaja tiquī Pedro. Yu ña Jesús rāca riasotigoru buto ĩ maicacu. Yu ña Jesús rāca basasacati rumu ĩ tu rujicacu. Yu ña Jesure seniīacacu, “¿Ñima ñati mure ĩna ñiatoni gotiri masu?” yi seniīacacu ña yu. ²¹ Yure ticōri, ado bajiro Jesure seniīaquī Pedro:

—Yu ĩju, ¿āniama no bajiro godagu yiguījida? yiqui Pedro Jesure.

²² Ito ĩ yija ado bajiro cūdiquī Jesús:

—Mucana tūdi yu ejarijumu ĩ catire yu āmoja, catigu yiguīji maji. Iti mu masibeja, no yibea mure. Muāma yure suyaba, yiqui Jesús Pedrore.

²³ Ito ĩ yija t̄ocōri: “Juan godabicu yiguīji”, yire masicā ĩna. Jesuama, “Godabicu yiguīji”, yibitiqui. Ado bajirojua yiqui ĩ: “Yu tūdi ejarijumu ĩ catire yu āmoja, catigu yiguīji maji. Iti mu masibeja, no yibea mure”, yigu yiqui Jesús. Iti oca queno t̄ao masibiticōri, “Godabicu yiguīji Juan”, yire oca batobojañi ĩna.

²⁴ Yu ña Juan, Jesús rāca riasotigoru. Yuti ña adi paperare ucaru. “Riojo gotiami”, yi masia muu yure.

²⁵ Gaje jaje ña Jesús ĩ yigore. Jeyaro Jesús ĩ yigore mani uca jebojaja cuni, adi macārucūrore daja r̄etacoabodoja papera tutiri. Itocō ña.

Los Hechos de los apóstoles

Espíritu Santo muare queo sãgũ yiguũji Dios, Jesũs ï yire gaye

¹ Yu baba Teófilo, ñati mu. Iti rumũju mare papera ya cõasucati Jesũs ï yigore, ito yicõri ï riasore gaye mare papera cõacu ya. ² Ñajediro ï yigore mare gotigu macãrucãro ï muja warajuna ucasusacu ya. Ûmacũju ï mujaroto riojua ï oca goti ucuronare beseyiju Jesũs. Apõstoles wame cutiyijarã ña. Espiritu Santore tuocõri, “Adi ña mua moaroti”, yiyiju Jesũs ñare. ³ Jesũs ï godaja bero mucana tũdi caticõri ï oca goti ucutoni ï cũanare goaõoyiju Jesũs. Juarã masacõ rumũri goa ñayiju Jesũs, coji meje. ï tũdi catire gaye queno ña masisatoni biyaro goaõoyiju Jesũs, ï cũanare. ñare goaõocõri, “No ïre tuorãnurãreti ï rotiroju miojugu yiguũji Dios”, yire oca riasoyiju Jesũs ñare.

⁴ ña rãca ñagũju, ado bajiro gotiyiju Jesũs ñare maji:

—Ado Jerusalẽnre wagobeja mua. Mani Jacu Dios ï gotiado bajiroti Espiritu Santo ï ejarotire bocatiya mua, yiyiju Jesũs ñare. Ito yicõri, coji meje muare goticu ya ïtire, yiyiju Jesũs ñare. ⁵ Iti rumũju ñeñaro mua yirise jidicãja bero muare idẽ guñi Juan. Ito bajiri nocõ mejeti Espiritu Santo queo sãgũ yiguũji Dios muare, yiyiju Jesũs ï cũanare.

Macãrucãroju Jesũs ï muja ware gaye

⁶ Jesũs rãca minijuacõri ado bajiro seniãiyijarã ña ïre:

—Jane mejeju romano masa gua ya sita emacõri guare moa rotiyõni ña. ¿Adocãta ñare bucõagũ yigujada mu? Ito yicõri, ¿ado gua rotigoraju mucana guare judacõa rotigu yigujada mu? yiyijarã ña Jesure.

⁷ ña ito yija tuocõri, ado bajiro cãdiyiju Jesũs ñare:

—No yicõri masire ma muare. Mani Jacu Dios, ï masirisena ï yiotire, ï sãgũti masiami ïtire. Masibeã mua. Di rumũ, di rodo, di ãmua, y masibeã mua. Dios sãgũti masiami ï yiotire. ⁸ Adijua ña mua masirseoni. Espiritu Santo ï wadiroca, oca seõrise ejaro yiroja muare. Ito yicõri gãjerã cutoriju wacõri, ñare yure busirã yirãji mua. Jerusalẽnju, Judea sitaju cuni, Samaria sitaju cuni, macãrucãro ñarocõjuti, yure busirã yirãji mua, yiyiju Jesũs apõstol mesare.

⁹ Iti ñare goti tuocõri, ïre ña tibojaroca riti ãmacũju muja wasuoyiju Jesũs. Ito bero ide bueri ïti ejarocati, ruyubiticõoyiju Jesũs ïja. Ito bajiri tũdi tibisijarã ña Jesure. ¹⁰ ï mujagoraju macãrucãroju ti muo ñayijarã ña. Ito bajiro ña ti muo ñaroca ñajasaroti Dios ñaro gãna juarã ángel mesa goa rãgũyijarã ña tu. Yutabuju buto yorise sãñarã ñayijarã ña. ¹¹ Ado bajiro gotiyijarã ña:

—Mua Galilea gãna, macãrucãroju ti muo rãgõbesa. ãni Jesuti, macãrucãroju muja wacu, mucana ï muja waja, mua tiado bajiroti mucana tũdi eaju yiguũji ïja, yiyijarã ángel mesa Jesũs ï cũanare.

Judas ñajacure wasoaronã Matãsre ña besere gaye

¹² Olivos wame cutiri turiaju ñayijarã Jesũs ï cũana. Ito bero Jerusalẽnju tudicoayijarã ña ïja. Sõju meje ñayiju ïti cuto. Coji cõrecõ ñayiju ïti cuto. ¹³ Cutõju ejaõõri ña ñari wiju muja wacõri, co sãnimu weca sãjayijarã ña. ña ñayijarã ado bajiro wame cutirã: Pedro, Juan, Santiago, Andrés, Felipe, Tomás, Bartolomé, Mateo, ito yicõri Alfeo macu Santiago. Ito bero gãjerã ñayijarã Simõn celote gaye tuoãgoru, ito yicõri Santiago macu Judas. Itocõ ñayijarã ña. ¹⁴ Sãgũre bajiro usi cuticõri minijuasotiyijarã ña Diore busirona. Jesũs ocabajirã, ito yicõri Jesũs jaco María, gãjerã romia cuni cojuti minijuacõri Diore busiyijarã ña.

¹⁵ Iti rumũriti Jesure masirã minijuayijarã. Co ãmojeno masa ñayijarã ña. ña wato wamu rãgũcõri, ado bajiro gotiyiju Pedro ñare:

¹⁶ —Tuõya yu ñarã mua. Jane mejeju mani ñicu David ñayoru, Espiritu Santo ï rotija ucayõni, Judas ï ñarotire. “Jesure ña ñiatoni gotigu yiguũji Judas wame cutigu”, yitõõa yugu ïto bajiro ucañi David ñayoru. Iti ï ucayore bajiroti rõtacu. Ado bajiro rujeayiju Dios ï busire. Tuote mua, yiyiju Pedro ñare.

¹⁷ Judas cuni mani rãca cocati Jesũs rãca riasotiqui. Ito yicõri mani rãca moaquĩ. ¹⁸ Mani rãca moacacu ñabojaguti Jesure ña ñiatoni oca meniñi ï. Ito bajiro ñeñaro ï yija bero yucugu ãmacũju muja wacõri ï ya ãmumaju jũgubo siayiju. Ito bajiro yicõri bubu quedi yoyayiju. Ito bajicõri godacoayiju ïja. Ito bero ãmacũju wada yojacõri ï ya jeraga joto watoju ï ya gũdamisi budi yoyayiju. ï ñajacu ñeñaro yire wajana suori ï ñajacu ya niyeru ãmicõri coju sita waja yiyijarã gãjerã. ¹⁹ Jerusalẽn gãna ïtire tuobajacõri, “Acãldama”, wame yiyijarã ïti sitare. ña

ocanama, “Siare waja ña waja yira sita ña”, yireoni ñayiju. ²⁰ Jane mejeju David ñayoru ado bajiro ucañi:

Wagoado ñaro yiroja i ya wi. Masa ñamenaji i ya wire. Ito yicōri gāji moa wasoagu yiguñi i ya moare, yi ucañi David ñayoru, yiyiju Pedro ñare.

²¹⁻²² Ito bajiri Judasre wasoato mani. “Jesús i godaja bero macana tūdi catiami”, yi masigūre mani beseja quena. Ito yicōri Juan Jesure i idé guroca tiru, ito yicōri Jesús i mujaja tigorare mani beseja quena. Gājire beseruja manire, mani rāca ñacacure. Ito yicōri Jesús i wa ucuroca wa ucurare beserujarāji mani. Ito bajigure amarujarāji mani, yiyiju Pedro ñare.

²³ Pedro i busija bero, ito ñarā jūarā ūmāre beseyijarā ña. “José Justo Barsabás wame cutigu quenami”, yiyijarā ña. “Matías i cuni quenami”, yiyijarā ña. ²⁴ Ito bajiro yicōri, Diore ado bajiro seniijarā ña:

—Dios gua ūju, ma masia masa jeyaro ña tuoīrise gaye. Ito bajiri guare iōña mu beserure. ²⁵ Judasre wasoarocu ito yicōri gua rāca riasotirocure iōña guare. Judas guare wagoquī ñeñaro yi āmogū. Ito bajiri adocāta ñeñaro yirise waja, waja yiadoju ñaguñi i, yiyijarā ña Diore senirā.

²⁶ Ito yija José Justo wame gūtagāju uca wōyijarā ña, ito yicōri Matías wame gajegāju. Itigari gūtagāri queocōri, “Tito maji, ñimu ñati Dios i beseru”, yiyijarā ña. Gūtagā iti quediya ticōri, “Matías ñami Dios i beseru”, yi masiyijarā ña. Ito bajiro bajicōri ña rāca ñasoyiju Matías coga gūbojeno ñarā tu. Juā gūbojeno ñarocu ñayiju i.

2

Espíritu Santo i quedi sājare gaye

¹ Pentecostés ñari rumu ejaroca Diore masirā ñarocōti cojuti minijua ñayijarā. ² Ñajasaroti oca sēoro ruyuyiju ūmacāju. Buto mino iti wēaro bajiro bajiyiju. Ña ñari wiju sājacōri buto busiyiju iti. ³ Ito yicōri jea ūju mujarise bajirise goayiju. Ito yicōri sigū ruyabeto quedi jeayiju iti. ⁴ Ito yija, Diore riti tuorūnūjaro ña yirocu, Espiritu Santo quedi sājayiju ñare. Itijunati ricati riti ña masibiti oca ñabojareti busisoyijarā ña, Espiritu Santo i rotiro bajiroti.

⁵ Iti rumūriti Jerusalēnu judio masa gaje cūtori gāna wadiana ñayijarā ña. Diore rūcūborona wadiana ñayijarā ña. ⁶ Ña busirise iti ruyuja tuocōri, minijua yijarā masa. Sigū ruyabeto ñarioti ña oca tuoyijarā ña. Ito bajiri, no yi masia mañiju ñare. ⁷ Ito bajicōri mano ucayijarā ña. Ito yicōri ado bajiro ñamasiti gāmeri busiyijarā ña:

—¿Galilea sita gāna meje ñati, ma tija? ⁸ Jeyaro ricati ña busija, ¿no yija ma oca, yu oca cuni jeyaro oca ña busija tuoati mani? Gaje cūtori gāna ña mani. ⁹ Jeyaro gāna ña mani. Tite ma. Ado ñama Partia gāna, Media gāna, Elam gāna, Mesopotamia gāna, Judea gāna, Capadocia gāna, Ponto gāna, Asia gāna, ¹⁰ Frigia gāna, Panfilia gāna, Egipto gāna, ito yicōri Cirene cuto sōjua Africa gāna, ito yicōri adiju gāna Roma gāna. Adiju rujeanati ñama judio masa coriarā. Gājerāma judio masa ña tuoīare gayere boca āmigoana ñama ña. ¹¹ Ito yicōri Creta gāna, ito yicōri Arabia gāna, adocō jājarā ña mani. ¿No yija mani jeyaro gāna ñabojarāti, Dios i queno yirise ña busija tuoati mani? yiyijarā ña.

¹² Mano ña ruju ucaja, no yi masia mañiju ñare. Ñamasiti gāmeri seniijayijarā:

—¿No yireoni ñati adi? yiyijarā ña.

¹³ Coriarā ado bajiro busiyijarā:

—Mecurā yama, yi aja tudiyijarā ña, Espiritu Santo sājagoanare.

Masare Pedro i gotire gaye

¹⁴ Ña aja tudija tuocōri, i baba mesa apōstol mesa rāca wumu rūgūyiju Pedro. Ña ito yija ticōri, oca sēoro busiyiju Pedro, minijua ñarā jeyaro ña tuotoni:

—Queno tuoja yu ñarā ma, yu busirise. Adiju Jerusalēn gāna ma, queno tuoja ma cuni.

¹⁵ “Mecurā ya ma”, yibojarāji ma guare. Mecurā meje ya gua. Busuri jiju ña maji. Mecuraju meje ña maji. ¹⁶ Ado roboju baja. Guare ma tirise, “Ito bajiro rētarō yiroja”, yiyiju Dios oca goti isiri masu. Joel wame cutigu. Jane mejeju ado bajiro ucayoñi Joel, Diore yari:

¹⁷ Susari rumūri Espiritu Santo masa jājarāre queo sīgū yiguja yu. Yu yerioti busirā yirāji ma rīa masa. Yu ye gaye tūreti goaro yiroja mamarāre cuni. Bucurāreama cāriju ñare busicaja yu.

¹⁸ Susari rumūri Espiritu Santo sājaja yu, yure ejabuari masare. Ito bajiri yu yerio busirā yirāji ña.

¹⁹ Ūmacāju macārūcūroju tiyamani mūare iogū yiguja yu. Ma ñari tuti, adi sita cuni, tiyamani iogū yiguja yu. Rī ñaro yiroja, ito yicōri jea ūjarise, ito yicōri bueri bue dajaro yiroja.

²⁰ Ūmacañi cuni yaticoagu yiguñi. Ūmacañi ñami gagu cuni, rī robo bajiro sūagū yiguñi. Ito jeyaro baji jediroca, Jesús ñeñaro yiri masare waja seniri rumu ejarō yiroja. Ñasari rumu ñaro yiroja Jesús i ito bajiro i ñori rumu. Guijori rumu ñaro yiroja.

21 “Yu Hju, ñeñaro yigu ña yu. Yu ñeñaro yirisere ãcabojoya mu”, yure yirãreama jeame ajuroju ña wabore ñaroca ñare masogũ yiguja yu, yiyiju Dios, Joelre gotigu, yiyiju Pedro masare.

22 Ito yija mucana tãdi busi remoyiju i:

—Tuoya yu ñarã ado yu gotiroti. Nazaret gagu Jesús i masiro robo yicõri muare ioñi. “Dios i rotiro bajiroti yĩni Jesús”, yi masiarãji mua itire tigoana ñari. 23 Ito bajibojarocati, Jesure ñiacõri, masa quenamenare isiyija mua yucãtõju ña jajutoni. Iti mua yiroto riojuaju masi yucãru Dios. Ito bajibojarocati muare camotabitiru Dios. Jesure siatoni gãjerãre mua isire waja muareti seti ña. 24 Dioama Jesús i godaja bero mucana tãdi i catiroca yicõni. Ito bajiri godagoana uju Satanás, Jesure ñiacũ masibisiju. Ito bajiri mucana tãdi caticoañi i. 25 Jane mejeju mani ñicu David ñayoru Jesús i Jacure i busigore ucañi. Tite mua. Ado bajiro busiyiju Jesús Diore:

Cuna yu rãcati ña mu. Ito bajiri ñejuã güire ma yure.

26 Yu tuoñaja queno sosa yure. Ito bajiri bato wanucõri mure busia yu. Ito bajiri yu ya ruju godaja bujatobiti yibicuja yu.

27 Cuna yu masia godarã watoju yure wagobicuja mu. Mu Macu ña yu. Mure rãcubuoã yu. Ito bajiri yu ya ruju jogaroca yibicuja mu.

28 Ito bajiri mucana tãdi yu catiroca yigu yiguja mu. Bato wanu quenagũ yiguja yu, mu rãca yu ñaja mucana, yiyiju Jesús Diore, yi ucañi David ñayoru, yiyiju Pedro masare.

29 Ito yicõri gaje ña. Tuoya yu ñarã mua. Mani ñicu David ñayoru i cõja adoti yuje ecoñi. “Ado ña ñre yujeado”, ya mani. Ito bajiri i tuoñarise gaye meje busiyoru i. 30 David catiguja, ija bajirotire goti yuri masu ñayoyiju. “Ija yu janerãbatia Dios i cõaru sigũ ñagũ yiguiji. Yu robo Hju ñagũ yiguiji i”, yi tuoñayiju David, Dios i gotija tuocõri. Tite mua. 31 Ado bajiro ucañi David: “Cristo mucana tãdi catigu yiguiji. Ito yicõri i ya ruju godana watoju jogabeto yiroja”, yĩni David. Ito i yirisere, ija bajirotire gotigu yĩni i, yiyiju Pedro.

32 Mucana tãdi busi remoyiju Pedro:

—Jesús i godaja bero, mucana tãdi ticu gua. Ito bajiri, “Ñre tãdi catioñi Dios”, ya gua. 33 Dios ñmacũjuna ñacõri Jesure yiyiju. Dios tu ejacõri i ya riojocaduja, rãcubuoãru, rujujuji Jesús. Dios i goticãdo bajiroti Jesure cõni, Espiritu Santore guare i queo sãtoni. Jiju mua tirise, ito yicõri mua tuorise, Espiritu Santo i ejaja ito bajiro rãtamã. Iti ña i wadire gaye. 34 David ñayoru ñmasire rãtaroti meje ucayõni i. Jesús i mujado bajirogoroama, i ya ruju rãca ñarocõti ñmacũju mujabitoyoyiju David. Ito bajiri ado bajiro ucayõni David:

Mani Hju Cristore ado bajiro yĩni Dios: “Yu tu riojocaduja rujiya, rãcubuoãruja.

35 Mu wajana queno mure ña cudiroca yigu yiguja yu”, yiyiju Dios mani Hjure. Ito bajiro ucayõni David, yiyiju Pedro.

36 Yu ñarã, ito bajiri ija, “Riti ña”, yi masitoni muare busia yu. Cristore, yucãtõju mua siarureti, mani Hju ñarocure, manire masorocure cõni Dios. Iti ñami mucana, yiyiju Pedro masare.

37 Ito bajiro i yija tuocõri, bato tuoña usi bata bujatobisijarã ña. Ito bajiri Pedro mesare senñayijarã ña:

—¿No yirujati gua ija? yiyijarã ña.

38 Ña ito yija tuocõri, Pedro ado bajiro cudiyiju ñare:

—Ñeñaro mua yirise jidicãña, mua ñeñaro yirisere Dios i ãcabojotoni. Ito yicõri, “Jesucristore masirã ñama”, gãjerã ña yi masitoni, idé gu rotiya mua. Ito yija Espiritu Santo queo sãgũ yiguiji Dios muare. 39 Dios, Espiritu Santo sã ãmoguji muare, ito yicõri mua rãre, mua janerãbatiare, ito yicõri sõju gãnare cani. I beserã ñajedirore Espiritu Santo sã ãmoguji Dios, yiyiju Pedro.

40 Iti riti busigu meje yiyiju Pedro. Ito yicõri masare riaso busiyiju i. Gaje ado bajiro ñare riaso busiyiju Pedro:

—Masa ñeñarã rãca wusabesa mua. Camotadiya mua, ña rãca jeame ajuroju mua wabe yirona, yiyiju Pedro.

41 Ito bajiro Pedro i gotija tuo wanucõri, udiãji mil masa ñarã Jesure boca ãmuyijarã. Ito yicõri yoari mejeti idé gu rotiyijarã ña. 42 Ito bajiro yicõri apõstol mesa rãca ña riasorise tuorona ña tu minijuasotiyijarã. Ña riasorisere tuo ñiacõri itire tuorãnu jidicãbisijarã ña. Ito bajiri sigũ bajiro riti usi catiyijarã ña ija. Ito bajiro tuoñacõri ña rucorisere maimenati bojoro bujarãre isiyijarã ña. Coji ruayabeto minijuacõri Diore busiyijarã ña. Ito yicõri, “Iti ña Jesús ya ruju robo bajirise”, yi tuoñacõri naju bato bayijarã ña. Manire yiari Jesús i goda isire tuoñarã i rotiro bajiro najure bato bayijarã.

⁴³ Apóstol mesa jaje tiyamani ñoyijarã, Dios ña rãca ñ ñajare. Itire ticõri mano ucayijarã masa ito gãna. ⁴⁴⁻⁴⁵ Sigũ ruyabeto Jesure masirãma sigũ bajiro riti usi cutiyijarã ña. Gãjerã bojoro bujaja ticõri, ña ya gajeoni ñsicõri waja amiyijarã ña, bojoro bujarãre niyeru ñsirona. ⁴⁶⁻⁴⁷ Co ramu ruyabeto, sigũ bajiro riti tuoïarã ñari, Dios ya wiju minijuasotiyijarã ña Diore busirona. “Ñasagu ña Dios mu”, yi busiyijarã ña, Diore rucubworã. Ito yi tãdi wacõri ña ya wiriju naju bato bayijarã ña. Buto wanu quenayijarã ña, ña baba mesa rãca bare bato barona. “Gãjerã rëtoro tuoïa masirã ña manì”, yi tuoïabisijarã ña. Queno ña yirise ti masicõri, “Queno yirã ñama”, yiyijarã cuto gãna. Co ramu ruyabeto iti cuto gãna coriarã Jesure boca amiyijarã. Jesure boca amicõri Jesure masirã tu minijuayijarã ña. Ito bajiri jãjarã busa Jesure masirã buju wayijarã ña.

3

Rudurure yisioire gaye

¹ Co ramu ruyabeto tres ñaroca riti Diore busisotiyijarã ña. Ito bajiri itocõ tujaroca Dios ya wiju maja wayijarã ña, Pedro, Juan rãca jãarã, Diore busirona. ² Soje tu sigũ masu rujiyiju. Cajerojuti wa masibicu rujearu ñayiju ñ. Ito bajiri wa masibisiju ñ. Co ramu ruyabeto ñ baba mesa ñre ñmi wasotiyijarã. Ito yicõri soje tu ñre jidi rojosotiyijarã ña. Iti soje ado bajiro wame cutiyiju. Seyori soje ñayiju iti soje. Iti soje tu rujicõri ito ejarãre, “Yure ti mañame, jabeto niyeru yure ñsiña mua”, yi rujiyiju ñ. ³ Pedro mesare sãjarã wana yiroca:

—Yure jabeto ti mañame mua, yiyiju ruduru.

⁴ Ito ñ yija tuocõri, queno tisayijarã ña ñre. Ado bajiro yiyiju Pedro ñre:

—Adoju tiya mu, yiyiju ñre.

⁵ “Yure jabeto ñsirã yirãji”, yiroca queno tuoïabojayiju ñ. ⁶ Ito yija Pedro ado bajiro yiyiju ñre: —Niyeru ma yure, manirea. Gaje ñasariseju ma ejabuacuja ya. Jesucristo Nazaret gagure tuorãncõri, “Wamũña mu, wasa”, ya yu ma yiyiju Pedro rudurure.

⁷ Ito bajiro yicõri ñ ya rojocaduja ñiacõri tua wamũ rügõyiju Pedro. Ito ñ yirocati, ñ ya ñicuri sëocoayiju ñre, ruduru ñabojarure. ⁸ Ito bajiri bubu quedi rügõcõri, wasuoyiju ñ. Pedro mesa rãca sãja wayiju ruduru ña, Dios ya wijure. “Dios queno yami yure. Yu ñarisa cutirise yure yisioami ñ”, yi wanu quena wayiju ñ. ⁹ Iti wiju Dios ya wiju ñarã ñ waja tiyijarã ña. “Queno yami Dios yure”, ñ yi busija tuoïijarã ña. ¹⁰ Ito bajiri ñre ti masicõri ucayijarã ña. “Soje tu rujigu, ruduru, niyeru seni rujigu, ¿meje ñati ñ?” yiyijarã ña ucare rãca.

Pórtico de Salomón wame cutiriju masare Pedro ñ gotire gaye

¹¹ Ruduru ñabojaru, Pedro mesa watoje ñayiju ñ. ñare jidicãbisiju ñ. Dios ya wi tu, Pórtico de Salomón wame cutiriju rügõyijarã ña Pedro mesa. Iti ito bajiro rëtaja ti ucacõri, masa jãjarã ña minijuayijarã ña. ¹² Masa ña minijuaja ticõri, ado bajiro busiyiju Pedro ñare:

—¿No yija ti ucati, yu ñarã mua? Sõco busa tiya guare. Ñni rudurure guamasiti yisioibiju. Gua masiro robo yija meje, Diore queno gua cudija meje wami ñni ruduru. ¹³ Ado roboju baja. Jesús umacũju gaga ñre yisioñi. Mani ñicusabatia Abraham, Isaac, ito yicõri Jacob canì Diore riti rucubwoyijarã ña. Dios ña rucubworu mucana ñti ñami ña. Godarure tãdi catiocõri, masa ña rucubworoti gayere jidicãyiju Dios ñ Macu Jesure. ñ Jesureti ñiacõri ñsiyija mua, ñari masa ujarãre, ñre ña siatoni. Uju Pilato, Jesure ñ bucõa ambojarocati, muajua bucõare amobisija. ¹⁴ Pilatore, Jesús quenagãre bucõa rotiado õno yirã, sãri masare bucõa rotiyija mua Pilatore. ¹⁵ Ito yirã riti masare catire gaye ñsigãre sia rotiyija mua. Ito bajibojarocati, Dioama godarure tãdi catiocõñi. ñre ticõri, “Mucana tãdi catiami”, yi masia gua, yiyiju Pedro.

¹⁶ Ito yicõri mucana ado bajiro busi remoyiju Pedro:

—Ñni ruduru ñabojacacure ti masia mua. “Jesús yure yisio masiami”, ñ yi tuoïajare, yoari mejeti ñ ñicuri sëocoayiju ñre. ñaro bajiroti ñre yisioñi Jesús. Itire ti masia mani, yiyiju Pedro.

¹⁷ Masia yu ñarã yu ña. Mani ujarã rãca Jesure sãa rotiyija mua. “Buto ñeñaro ya gua”, yi tuoïa masibitibojarãti ito bajiro yiyijari yu ñarã, ya yu muare. ¹⁸ Jesure mua sãcatiju, “Ito bajiro yiroja”, Dios ñ yire ñaro bajiroti bajicu iti. Dios ñ oca gotiri masa ñre yari ado bajiro gotiyijarã jane mejeju: “Cristo quenabeto tãbujacõri, godagu yiguñi”, yiyijarã Dios oca gotiri masa. ¹⁹ Ito bajiri iti oca tuocõri ñeñaro mua yirisere jidicãña mua. Ito yicõri Dios ñ usi cutiro bajiro tuoïaña mua, ñeñaro mua yirise ñ acabojotoni. Ito yija Dios mua ya usiju usirioya mani muare jidicãguñi. ²⁰ Ito yija mucana tãdi cõagũ yiguñi Dios, Cristore. Jane mejeju besecãni Dios, Cristore mani Uju ñarocure. ²¹ Adocãta umacũju ñaguñi Cristo. Co ramu adi macãrucãrore mucana quenogũ yiguñi Dios, ñ goticãdo bajiroti. Dios ñ queno tãori ramu bocatigu yiguñi Jesucristo. Adi ña Dios oca goti ñsiri masa, Diore rucubworã ña ucare. ²² Sigũ Dios oca goti ñsiri masu, Moisés wame cutigu, ado bajiro gotiyoñi mani ñicusabatiare: “Dios mani Uju yure ñ cõado bajiroti, gãji ñ oca gotiromu cõagũ yiguñi. Dios ñ cõarocu mani comasiti

ñagũ yiguĩji. ²³ Jeyaro ĩ yirise yiro bajiroti cãdiba mua. Yiro robo cãdimenare, mani Israel gãnare gajeroju ãmicõa ruyuriocõgũ yiguĩji”, yiyiju Moisés ñayoru. Adi ña mani ñicusabatiare, ĩ gotire, yiyiju Pedro masare.

²⁴ Mucana tãdi busi remoyiju Pedro:

—Samuel bero gãna cãni Dios oca goti ĩsiri masa, adi rumuri bajiroti gayere, ñaro bajiroti gotiyoyijarã ĩna cãni. ²⁵ Jane mejeju, mani ñicusabatiãjare Dios ĩ goticãre gotiyijarã ĩna Dios oca gotiri masa. Dios mani ñicusabatiãjare, ĩ goticãre ñajare quenarise ejaro yiroja manire. Ado bajiro mani ñicu Abraham ñayore goticãyiju Dios: “Queno masa jeyaro wãnu quenare gaye ejaro yiroja, mu rãa janerãbatiana suoriti ĩ rujeajare”, yiyiju Dios mani ñicu ñayore gotigu. ²⁶ ĩ Macare tãdi catiocõri, cajero mani rãca ñarocure ĩre cõãni Dios, mani queno wãnu quenatoni. Ito yicõri mani ñeñaro yirisere jidicãtoni, ĩ Macare cõãni Dios, yiyiju Pedro masare gotigu.

4

Hjarã ñasarã riojo Pedro mesa ĩna busire gaye

¹ Pedro, Juan rãca jãarã masare ĩna riaso ñaroca paia ejayijarã, saduceo gaye tuoãrã, ito yicõri Dios ya wi coderi masa uju cãni. ² Pedro ito bajiro masare ĩ riasoja tuocõri, buto junisini ejayijarã ĩna. Ado bajiro riasoyiju Pedro ĩnare: “Jesús ĩ godaja bero mucana tãdi catiĩni. Ito bajiri mani cãni tãdi catirã yirãji, yi tuoia mani”, yiyijarã Pedro mesa masare. ³⁻⁴ Coriarã jãjarã Jesús oca tuo ãmisãcõri Jesure boca ãmijijarã ĩna. Ito bajirã riti jãjarã ãmua co ñajamocõ mil masacõ ñarã, buju wayijarã ĩna, Jesure masirã. Ito bajiri paia, saduceo gaye tuoãrã, Dios ya wi coderi masa uju cãni buto junisiniyijarã iti tuocõri. Ito bajiri Pedro mesare ãmi wacõri tubiayijarã ĩna, ñamicaju iti ñajare.

⁵ Busuri itiju, Jerusalenti, mucana minijuayijarã judio masa ujarã, gãjerã bucurã, ito yicõri bucurã rotirise riasori masa cãni minijuayijarã ĩna. ⁶ Paia uju Anãs wame cutigu cãni ito ñayiju. Ito yicõri Caifãs, Juan, Alejandro, gãjerã paia ujarã ñajediro minijua ñayijarã itoju. ⁷ Ito bero Pedro mesa tubiara wiju ñarãre, ãmi wadi rotiyiju Anãs. Pedro mesa ĩ tu ĩna ejaroca, ado bajiro seniãyiju Anãs:

—¿Ñimu muare masare riaso roticati? Ito yicõri, ¿ñimu ĩ rotija rudurure yisiocati mua? yiyiju Anãs Pedro mesare.

⁸ ĩ seniãaja tuocõri, ado bajiro cãdiyiju Pedro, Espiritu Santo ĩ masirisena:

⁹ —Tuoya mua. Rudurure gua queno yire, ito yicõri ĩre gua yisiore, ¿itire guare tuo tudiatu mua? yiyiju Pedro, masa ujarãre ito yicõri bucurãre cãni. ¹⁰ Mua queno masitoni, ito yicõri Israel sita gãna ñarocõti ĩna masitoni, muare ñasarise gotia yu. Ñni ruduru ñabojaru mua riojo rãgõgũre yisioĩni Jesús Nazaret gagu. Jesús, yucãteõju mua sãratu, Dios tãdi cãtoratu, ĩti rudurure yisioĩni. ¹¹ Jane mejeju David ñayoru ado bajiro ucayõni: “Mua wi meniri masa gãtagãre cõabojayija mua. Ito bajibojarocati mua cõaraga ñasarica ñaroga gãtagã”, yi ucañi David ñayoru, Jesure tuoia yugu. Ado bajiro bajia yireoni ña adi. Mua judio masa ujarã, Jesure ãmomena yirãji. Ito bajibojarocati ñasagu ñagũ yiguĩji ĩ. ¹² Jesucristo sigũti ñami adi macãrucãroju masare masorocu Dios ĩ cõaru. Jesús sigũti manire maso masiguĩji. Ñimujua gãji ĩ robo bajigu maquĩji, yiyiju Pedro ujarãre.

¹³ Pedro, Juan rãca ĩna oca seõro busija tuocõri, buto tuoia oca jaiyijarã ujarã. “Buto papera riasotibitiana ñabojarãti queno busiama ĩna. Jesús rãca ñagoanati ñari seyoama ñna. Ito bajiri ĩre bajiroti riasoama”, yi tuoãyijarã ujarã. ¹⁴ Ruduru ñabojaru, Pedro mesa rãca ĩ ñajare, “Rudurure yisiobisija mua”, yi masibisijarã ujarã ĩnare. ¹⁵ Ito bajiri macãju budi wa rotiyijarã ujarã, Pedro mesare. Ito yicõri ĩnamasiti gãmeri busi ñayijarã ĩna ĩja:

¹⁶ —¿No yiana mania Pedrora, Juanre cãni? Jerusalen gãna ñarocõti masiama rudurure ĩna yisiore. Ito bajiri, “Burãti yama ĩna”, yi masia ma. ¹⁷ Ado bajiro ĩnare gotiruja mani: “Jesús gaye tãdi mua busi remoja, quenabeto tõbujarã wana ya mua. Ito bajiro mani ĩnare gotija, gãjerãre Jesús oca gotimena yirãji ĩna”, yi tuoãyijarã ĩna.

¹⁸ Ito yija mucana tãdi jĩsõyijarã ĩna Pedro mesare. ĩna sãja ejaroca, “Masare riasobesa mua, ito yicõri Jesús gayere busi uyabesa mua”, yibojayijarã ujarã Pedro mesare. ¹⁹ Ito bajiro ujarã ĩna busija tuocõri, ado bajiro cãdiyijarã Pedro mesa:

—Muare gua cãdijama, Diore cãdimena robo bajiro bajia gua. Diore cãdiado õno yirã, ¿muare cãdirujati gua? yiyijarã ĩna. Dios ĩ tiro riojo, ¿no bajiro quenaroja, yire masiati mua? Diore cudirã yirãji, ya gua muare. ²⁰ Jesure gua tuogore, gua tigure cãni, itire busi jidicãdo ma gua, yiyijarã Pedro mesa.

²¹ Itire tuocõri:

—Tãdi busi uyabesa Jesús gayere. Jesús gayere mua riasoja, quenabeto tõbujarã yirãji mua, yiyijarã ujarã mucana.

Ruduru ñabojaru i waja ticōri, Diore rūcubuooyijarā masa. “Quenoguti yigu ñami Dios”, yiyijarā masa. Ito ña yija masicōri, masare buto güiyijarā ujarā. Ito bajiri Pedro mesare quenabeto tōbujaroca yibisijarā ña. Ito bajiri riojoti bucōacōyijarā ujarā Pedro mesare. ²² Ruduru ñabojaru, ña yisioru, jūarā masacō rēto busaro rodori tujagu ñayiju i.

Gua oca sēoroca yiya, yi Diore ña senire gaye

²³ Budi warājuama ña baba mesa taju wacooyijarā Pedro mesa. ña baba mesa tu ejacōri jeyaro ujarā ña busigore gotiyijarā ña. ²⁴ Itire tuocōri sīgū bajiro riti usi catirā ñari Diore busiyijarā ña:

—Dios gua Jacu, mu sīgūti ña buto masigū. Macārucūrore meniyija mu, sita cūni, ito yicōri riari. Macārucūro gaye jeyaro meniyija mu. Ito yicōri adi macārucūro jeyaro ñarotire rujeoyija mu. ²⁵ Jane mejeju, Espiritu Santore cōayija mu gua ñicu David ñayoru, mu oca i busitoni. Ado bajiro ucayōñi David, mare queno moa Isigū ñari:

¿No yija Cristore junisiniati judio masa meje ñarā cūni? ¿No yija judio masa rocati ñasarise meje tuoñati?

²⁶ Adi macārucūro gāna ujarā minijuacōri ña yucāma, mare ñeñaro yirona, ito yicōri Cristore cūni ñeñaro yirona, yi ucañi David ñayoru.

²⁷ Riti yiñi David. I gotiado bajiroti bajicu gua ya cuto. Uju Herodes, ito yicōri Poncio Pilato, judio masa meje cūni, ito yicōri Israel sita gāna cūni cojūti minijua ñañi ña. Mu Macu, ñeñarise yibicure ñeñaro yirona minijuañi ña, masare masotoni mu cōarure. ²⁸ Mu Macure sīañi ña. Jane mejeju, ado bajiro rētarō yiroja, yiyija mu, mu masirisena. ²⁹ Dios gua Jacu, guare tuoja. “Quenabeto tōbujarā yirāji mua”, guare ña yirise ācabojabesa mu. Guare ejabuaya mu. Ñaro bajiroti mare cudi āmoa gua. Ñe guijobeto, Jesús oca quenarise gua busitoni guare ejabuaya mu. ³⁰ Mu masirisena masa cōrāre masoña mu. Ito yicōri tiyamani cūni yiya mu, “Jesuna suoriti bajia adi”, masa ña yitoni, yiyijarā ña Diore busirā.

³¹ Diore ña busi tioroca, ña minijua ñariju sita ueyiju. Sita ueyiju tototi, Espiritu Santo quedi sājayiju ñare. Espiritu Santore queno cūdicōri, ñe güire mejeti Dios oca masare gotisuooyijarā ña.

“Yu sīgū ye ña gajeoni”, yimena ñari gājerāre batore gaye

³² Jesure masirā sīgū bajiro riti tuoña ñayijarā ña. ña rucorise, “Yu sīgū ye ña”, yibisijarā ña. ña baba mesare sīgū ruyabeto batoyijarā ña. ³³⁻³⁵ Sita rucorā, ito yicōri wiri rucorā, gājerāre İsiyijarā ña. Iti İsicōri niyeru bujayijarā ña. Niyeru bujacōri apōstol mesare İsiyijarā ña, bojoro bujarāre ña İsitoni. Ito bajiri ña rāca gāna sīgūjua bojoro bujarā mañijarā İja. Jesús oca quenarise riaso jidicābisijarā apōstol mesa. “Jesús i godaja bero, macana tūdi caticōri, ñami macana”, yi queno sēo quenaro gotiyijarā ña masare. Ito bajiroca Jesure masirā ñarocōreti queno ña wanu quenatoni, ñare ejabuayiju Dios. ³⁶ Jesure masirā wato ñayiju sīgū levita masu. José wame cutigu ñayiju i. Chipre wame cutiri yogaju rujearu ñayiju i. Apōstol mesa, Josére gaje wame wōyijarā, Bernabé. Griego ocama, “Wanu quenare gaye riasogu”, yireoni ñayiju iti wame. ³⁷ Josére sita ñayiju. Itire gājire İsiyiju i. Iti waja niyeru bujacōri apōstol mesare İsiyiju, bojoro bujarāre ña batotoni. Queno yigu ñayiju José.

5

Ananías i manajo Safira rāca ña ñeñaro yire gaye

¹ Gājjuuama, Ananías wame cutigu i manajo Safira rāca, queno yirā meje ñayijarā ña. Ananías i manajo rāca ña ya weseca gājerāre İsiyijarā. Ito yicōri niyeru bujayijarā ña. ² Ananías i manajo rāca coro bajiro tuoñayijarā ña. Ito bajiri niyeru jabeto yeyoyijarā ña. Ito yicōri apōstol mesare İsigū wayiju ruyarise. ñare İsi wacu, “Adi riti bujabu yu”, yiyiju Ananías ñare. ³ Ito i yija tuocōri, ado bajiro busiyiju Pedro İre:

—Ananías, ¿no yija rūmūa ujure cūdiati mu? Mu ya usiju rūmūa uju sājañi mare. “Adi riti bujabu yu”, mu yija, Espiritu Santore ruo āmogū ya mu. ⁴ Weseca mu ya weseti ñabojadoja, mu İsi āmoja, mu İsi āmobeja cūni. Mu āmoro bajiro yirujabooyija mare. Weseca waja mu bujarise cūni mu yeti ñabojadoja. Mu İsirotocōti, “Adocōti İsicuja yu”, yirujaboyayija mare. ¿No yija ñeñaro tuoñacōri ruori mu? Mu ruobojaja cūni, guare riti meje ruogu ya mu. Diore cūni ruogu ya mu, yiyiju Pedro Ananíasre.

⁵ Ito bajiro i yiroca cojisiti cō quedicoyiju Ananías. Ito bajija tuocōri, ito gāna rufe güiyijarā. ⁶ Ito yija coriarā mamarā Ananías ya rujare gūmacōri İre yujerā wayijarā ña.

⁷ Ito bero uñiaji cōrecō ejayijo Ananías ñabojaru manajo. “Ito bajiroja”, yibisijo iso.

⁸ —¿Adi ñarocōti ñati weseca waja, mua bujare? yiyiju Pedro isore.

—Ñarocōti ña, yi ruoyija iso.

⁹ Ito iso yija tuocōri, ado bajiro yiyiju Pedro isore:

—¿No yija mu manuju rāca sīgāre bajiro usi caticōri, Espiritu Santore ruo āmori mua? Macāju tujama mu manujare yujerā ejana. Mucana mure āmi warā yirāji, mure yujerona, yiyiju Pedro isore.

¹⁰ Ito ī yirijuti, cojisiti cō quedicoyijo iso cūni. Sāja wacōri cōrore ti bujayijarā mamarā. Ito bajiri isore āmi budi wacōri manuju űabojaru tuju yujeyijarā ĩna mucana. ¹¹ Jesure masirā űarocōti, ito yicōri masa jeyaro, “Ito bajiyiju”, yija tuocōri, buto gūiyijarā ĩna.

Jaje tiyamani ĩna ĩore gaye

¹² Iti rumari Jesure masirā sīgū ruyabeto sīgū bajiro riti usi caticōri, Dios ya wi tu, Pórtico de Salomón wame cutiriju minijuasotiyijarā ĩna. Jerusalén gāna ĩna tiro riojo Dios ī masiro bajiro ī ejabuarisena jaje tiyamani ĩoyijarā apóstol mesa. ¹³ Jesure masirāre queno rūcubuooyijarā Jerusalén gāna. Ito bajibojarocati Jesure masirā tu ware gūiyijarā ĩna. ¹⁴ Coriarā buto gūiyijarā, ito bajibojarocati jājarā Jesús oca tuo āmisāyijarā. Romia cūni, űmua cūni Jesús oca tuo āmisāyijarā ĩna. Ito bajiri jājarā busa buju wayijarā Jesure masirā. ¹⁵ Tiyamani Pedro ī ĩogore tuocōri, cōrāre ma tu ĩna cūni jesari cumuro rācati cūyijarā masa. Pedro ī rētaja tiana yirona, bocatiyijarā cōrā. Manire moaĵajaro yirona, bocatiyijarā ĩna ĩre. Manire ī moaĵabeja cūni, ī rūmāgoti mani joe rētajaro yirona, bocatiyijarā. Tudi cati āmorā ĩre bocatiyijarā ĩna. ¹⁶ Jājarā masa, Jerusalén tu gāna wija wayijarā Jerusalénju cōrāre āmi warā. ĩna ya usiju rūmā sāñarāre cūni āmi wayijarā. Cōbojana űajediro tuja jedicoayijarā ĩna. Ito yicōri rūmā sāñabojana cūni rūmā budicoayijarā ĩja.

Apóstol mesare ĩna usirio codere gaye

¹⁷ Iti tuocōri paia űju ito yicōri ī baba mesa saduceo gaye tuoĵarā buto ti tudiyijarā apóstol mesare. ¹⁸ Ito bajiri űia roticōri Jerusalén ga wiju, tubiara wiju tubia rotiyijarā ĩna, apóstol mesare. ¹⁹ Tubia ecoana ĩna űabojarocati itī űamiti itī wiju ángel goayiju ĩnare. Ito bajiri sojeri janacōri ĩnare tūa āmi wayiju ī:

²⁰ —Dios ya wiju wasa mua. Ito ejacōri masare gotiba, ĩna cūni catiĵĵnare gaye ĩna bujatoni, yiyiju ángel ĩnare.

²¹ Ito bajiri busuri ĩju, Dios ya wi sājacōri masare riasoyijarā ĩja.

Ito bajiro ĩna riasoroca ricati paia űju ī baba mesa rāca Israel sita gāna űjarāre ĩyijarā, minijuatoni. Ito yicōri, “Tubiara wiju űarāji”, yirona apóstol mesare ĩna āmitoni surarare cōayijarā ĩna. ²² Tubiara wiju ĩna ejaja, maĵijarā ĩna. Ito tiboja, tūdi wacōri, űjarāre gotirā wayijarā surara:

²³ —Tubiara wi queno soje biara wi űaroca ejabobaju gua. Coderi masa cūni itoti űabojama. Ito bajibojarocati soje janacōri, gua tija, apóstol mesa mama, yiyijarā ĩna.

²⁴ Iti oca tuocōri, paia űju ito yicōri Dios ya wi coderi masa űju, no yimena bujayijarā ĩna. Ito tuocōri, “¿No bajiro yirojada ĩja?” yiyijarā ĩna. ²⁵ ĩna bujatobiti űaroca sīgū ejayiju ĩna tu. Ado bajiro gotiyiju ī ĩnare:

—Tubiara wiju mua bia cūbojana, Dios ya wiju masare riasorā yama ĩna, yiyiju ī ĩnare.

²⁶ Ito yija Dios ya wi coderi masa űju, ito yicōri ī ya moari masa rāca apóstol mesare āmirā wayijarā ĩna. Buto sēoro yimenati āmi wayijarā ĩnare. “Masa jājarā gūta reaborāji manire, mani sēoro yija”, yi tuo gūirā sēoro yibisijarā ĩna. ²⁷ ĩnare āmi wacōri, űjarā riojo ĩnare jidi rūgōyijarā ĩna. Ito yija paia űju ĩnare ticōri ado bajiro yiyiju ĩnare:

²⁸ —Jesús gayere mua riasorisere, muare rēobojacu gua. Ito yibojarocati Jerusalén gāna űarocōreti masare riaso ucuyija mua. Ito bajiri sīgū ruyabeto masiama mua riaso ucurisere. “Jesús ī godare gaye ĩnare seti űa”, yiyija mua guare, yiyiju paia űju apóstol mesare.

²⁹ Ito ī yija tuocōri, ado bajiro ĩre cudiyijarā apóstol mesa.

—Diojuare cudisuroĵa mani, masare mani cudiroto rioĵua. Dios rotiriseĵua űasa masa rotirise rētoro, yiyiju Pedro ī baba mesa rāca. ³⁰ Jesús yucutēoĵu mua sĵa rotirureti, Dios mucana tūdi ī catiroca yiĵni. ĩ Dioti űami, jane meĵeĵu mani űncusabatia ĩna rūcubuoogoru.

³¹ Dios űmacāĵuna űacōri, Jesure ĵiĵni. Ito bajiri ī ya rioĵocadĵa, rūcubuooraju rūĵiĵuĵi Jesús adocāta. Jesús mani űju űaroca, ito yicōri űeĵaro mani yirise waja yi ĩsirocure cūni Dios. Mani Israel gāna űeĵaro mani yirise jidicātoni, ito yicōri, “Jesús űeĵaro yu yirise itire ācaboĵoya”, mani yi senitoni cūni Dios Jesure. ³² Espiritu Santo sāñagoana gua űajare, ĩna suoriti Dios ī jeyaro yigorere gotia gua. No Dios ī yiro bajiro cudigu, Espiritu Santo ĩre sāgū yigūĵi Dios, yiyiju Pedro űjarāre.

³³ Pedro ito ī yija tuocōri, buto junisiniyijarā ĩna. Ito yicōri Pedro mesare sĵa āmoyijarā ĩna. ³⁴ űjarā rāca sīgū fariseo gaye tuoĵagū űayiju ī. Gamaliel wame cutigu, judio masa ĩna rotirise riasori masu űayiju ī. Masa ruĵe rūcubuooyijarā ĩre. Gāĵerā űjarā rāca busirocu wumu rūgācōri, Pedro mesare bucōa rotiyiju Gamaliel. ³⁵ Ito yija ado bajiro busiyiju ī baba mesa űjarāre:

—Queno tuoĵa yu űarā mua. Āna masare mua yi āmorisere, queno tuoĵaĵa mua. ³⁶ ¿Teudas ī yigorere ācabojati mua? Nocō rodori meĵeti rēta, “űasagu űa yu”, ī yija bero. Iti oca tuocōri,

“Riti bajiroja”, yirona cuatro cientocō ãmua suyabojayijarã Teudas ñabojarãre. Ito bero yoa busari gãjerã ãre sãacõyijarã. Ito bajiri ãre suyabojana ãna ãmoroti batacoayijarã. Ì riasobojare cuni jedicoayijã. ³⁷ Ito bero mucana masare ãna cõãri rumãri Galilea gagã, Judas wame cutigũ ñayijã. Ìre cuni ì busirise tuocõri masa jãjarã suyabojayijarã. Ito bero ãre sãacõyijarã gãjerã. Ito yija ãre suyabojana ãna ãmoroti batacoayijarã ãna. ³⁸ Ito bajiri muare gotia yu. Ùsirioro yibesa ãnare. Ìna ãmoro wacõato. Ìna riasorise gaye masa ye iti ñaja jedicoaro yiroja. ³⁹ Dios ye ãna riasojama, no yicõri camota masimenaji mua. Queno tuoãña mua Dios rãca mua ñeñame yirona, yiyijã Gamaliel, ì baba mesa ujarãre. Ito bajiro ì yija tuocõri, “Ri ya mu”, yiyijarã ãna.

⁴⁰ Ito yija Pedro mesare jisõyijarã ãna mucana. Ito yicõri ãnare baje rotijijarã ãna. Ito yicõri Jesus gaye busirere ãnare rëoyijarã ãna. Ito yija ãnare jidicãyijarã. ⁴¹ Godoti wanũ budijijarã Pedro mesa ujarã tu ñabojana. “Jesús oca gotitoni Dios ì manire cõja quenasacõa, quenabeto mani tõbujabojarocati”, yiyijarã Pedro mesa. ⁴² Ujarã ãna Jesús gaye ãna rëbojarocati masare riaso jidicãbisijarã ãna Pedro mesa. Dios ya wijã Jesucristo gaye masare riasoyijarã ãna. Ito yicõri masa ya wirijã cuni riasoyijarã ãna.

6

Jua ãmojeno ejabuari masare ãna cõre gaye

¹ Iti rodoriti Jesure masirã jãjarã busa bujã wayijarã. Griego oca busirãjua, Hebreo oca busirãre busitusoyijarã. Griego oca busirãjua, ado bajiro busituyijarã Hebreo oca busirãre: “Co rumũ rayabeto mua bare batobojaja, corocõ batobea mua. Mua rãca gãna wajeagoana romiare riti jairo ãsia mua. Gua rãca gãna wajeagoanareama queno ãsibea mua”, yiyijarã ãna. ² Ito bajiro ãna gãmeri busituja tuocõri, Jesure masirã ñarocõreti miojuyijarã apõstol mesa:

—Dios oca gua riasorise jidicã masibea gua. Guareama gua riasorisejua ña, naju batore gaye rëtoro ñasarise. ³ Ito bajiri jua ãmojeno masa cõrujarãji mua guare ejabuaronã. Ado bajirãre ãmuare beserujarãji mua. Queno tuoãrã, queno rãcubuoana, ito yicõri Espiritu Santore queno cudirã, mua beseja quena. Ito bajirãre guare ejabuaronã cõrujarãji mua. ⁴ Guama ado bajiro yisotirã yirãji. Diore riti busisotirã yirãji, ito yicõri masare riasorã yirãji guama, yiyijarã apõstol mesa ito ñarãre.

⁵ Ito bajiro apõstol mesa ãna busija tuocõri, sãgũ bajiro riti tuoã jediyijarã ãna, Jesure masirã. Ito yicõri sãgũre beseyijarã ãna. “Esteban ì ñami Jesure queno tuorãncõri Espiritu Santore queno cudigũ”, yi tuoãcõri ãre beseyijarã ãna. Ito yicõri Esteban bajiro tuoãrãre cuni beseyijarã ãna. Adocõ ñayijarã ãna Esteban baba mesa: Felipe, Prócoro, Nicanor, Timón, Parmenas, ito yicõri Antioquã gagũ Nicolás. Judio masũ meje ñabojaguti ãna queti ocare rãcubuoã ñayijã ì. Itocõ ñayijarã bare batotoni ãna cõana. ⁶ Ito bajiro ãnare bese tuocõri, “Ãna ñama iti masa, gua cõrona”, yiyijarã Jesure masirã, apõstol mesare. Ito yicõri ãna joe ãmo moa jeocõri Diore busiyijarã apõstol mesa, quenaro Dios ãnare ejabuaroni.

⁷ Masa jãjarã busa tuo wayijarã Dios ocare. Ito yiroca riti Jerusalenju Jesure masirã jãjarã busa bujã wayijarã. Ito yija Paia masa cuni jãjarã Jesús ocare queno tuorãnyijarã.

Estebanre ãna ñiare gaye

⁸ Estebanre queno yiyijã Dios. Ito yicõri ì masirisere Estebanre jidicãyijã. Ito bajiri Esteban tyamani ruje ñoyijã masa tiro riojo. ⁹ Ito yija co rumũ Esteban rãca gãmeri tuoã busiyijarã coriarã. Minijuaã wijã wasotirã ñayijarã ãna. Moa ãsiri masa ñagoana ya wi wame cutiyijã iti wi. Moa ãsiri masa ñagoana co cuto gãna meje ñayijarã ãna. Cirene tuoã, Alejandria gãna, ito yicõri Cilicia sita gãna, ito yicõri Asia sita gãna ñayijarã ãna. Ìna ruje tuoã busiyijarã Esteban rãca. ¹⁰ Ito bajibojarocati Estebanjuama queno busi masiyijã, Espiritu Santo queno ãre ì ejabuajare. Ito bajiri busi rëtocõ masibisijarã ãna, ãre busibojana. ¹¹ Ito bajiri busi masibiticõri, gãjerãre niyeru ãsijijarã ãna, Estebanre ãna oca menitoni. “Diore cuni, Moisésre cuni quenabeto busituami Esteban”, yi rão gotiyijarã ãna gãjerãre, niyeru boca ãmianajua. ¹² Ìna ruore ocare tuorãncõri, cuto gãna Estebanre ruje junisiniyijarã. Iti tuo junisinicõri busarã ãno yicõri judio masa rotirise riasori masa cuni Estebanre ñayijarã, uju tu ãmi warona. ¹³ Estebanre uju tu ãna ãmi ejaroca niyeru boca ãmigoana ado bajiro rão gotiyijarã:

—Coji meje Esteban Dios ya wire ì busituja, ito yicõri Moisés ì rotirisere ì busituja tuocũ gua, yiyijarã ãna. ¹⁴ Ito yicõri Esteban ado bajiro ì busija tuocũ gua. “Jesús Nazaret gagũ Dios ya wire jana batecõgũ yiguũji, ito yicõri Moisés ì rotire mani ãsi cutibojarise, itire cuni cõacõgũ yiguũji”, ito bajiro Esteban ì yija tuocũ gua, yi rão gotiyijarã ãna.

¹⁵ Ito yija ujarã tisayijarã Estebanre. Ìre ãna tija, rio yori rio ñayijã. Dios ñaro gagũ ángel rio robo bajiro bajiyijã.

7

Seti ma yare, Esteban i yire gaye

¹ Ito yija paia uju ado bajiro seniñayiju Estebanre:

—¿Riti ñati mu ito yire? yiyiju Estebanre.

² Ito i yija tuocōri, cūdiyiju Esteban:

—Yu ñarā tuoya mua. Jane mejeju Dios oca goayiju mani ñicu Abraham ñayorure. Mesopotamia i ñarocaju rētoro masigū Dios oca ruuyiju, Haránju i waroto riojuaju. ³ Ado bajiro ruuyiju Dios oca: “Mu ya sitare wagoya, ito yicōri mu ñarāre cūni wagoya, gaje sitaju yu mure cūrotoju”, yiyiju Dios mani ñicu ñayorure. ⁴ Ito yija, Dios ito bajiro i yija tuocōri, Caldea sitare wagoyiju i. Ito yicōri Haránju ñagū wayiju. Itoju Haránju ina ñaroca mani ñicu jacu ñayoru itoju godagoyiju ire. Ito bero adoju mani ya sitaju Abraham i ñatoni ire cōañi Dios. ⁵ “Adi sitaju ñaña”, yibojaguti, “Jabeto adi ña mu ya sita”, yibisi Dios ire. Ito bajiri, “Adi ña yu ya sita”, yi masibisiju Abraham. Cojisiti ado robo, bajiro yiroja yiari goticāñi Dios Abrahamre. “Iti sita mure isicuja yu. Mu godagoja bero mu janerābatia ya sita ñaro yiroja iti”, yiyiju Dios Abrahamre, rīa macu i ñarocaju maji. ⁶ Ito wato gaje gotiyiju Dios Abrahamre. “Ija co rumu adi sitare wagorā yirāji mu janerābatia. Ito bajiri adi sitare wagocōri gājerā ya sitaju ñabojarā yirāji mu janerābatia. Gājerāre moa isiri masa ñarā yirāji ina. Gājerā quenabeto ina tōbujaroca yirā yirāji. Yoari sigū masucō masacō rodori itire tuoīarā yirāji ina. ⁷ Ito bajibojarocati mu janerābatiare ñeñaro yirāre quenabeto ina tōbujaroca yigu yiguja yu cūni. Iti cūture wagocōri adi sitaju tūdi gajā yirāji mucana. Adoju ñacōri yare rucuborā yirāji”, yiyiju Dios, mani ñicu Abraham ñayorure. ⁸ Ado bajiro rotiyiju Dios Abrahamre: “Yu mure gotire mu tuo masija, ‘Dios yagu ñagū yiguñi āni’, yirocu mu macu ñarocure pī gaja wiro tagu yiguja mu”, yiyiju Dios Abrahamre. Ito bajiri i macu Isaac i ruजारoca udiā āmojeno rumuri bero ire wiro tayiju. Ito bajiri Isaac, Jacobre i macu cutija wiro tayiju. Jacob cūni ito bajiroti yiyiju i rīare mani ñicusabatia ñayoanare. Juā dūjamocō juā gubojeno ñarā ñayijarā ina. Ado bajiro yūñi mani ñicusabatia ñayoana, yiyiju Esteban ujarāre.

⁹ Mani ñicusabatia ñayoana, Jacob rīa rāca José wame cutigu ñayiju. Josére ruje ti tudiyijarā i rījoru mesa. Ito bajiri ina ocabajā ñabojarureti gājerā masare isicōri waja seniyyijarā ina. Ito bero ire bujacōri, Egiptoju ire āmi wayijarā ina. Ito ina yibojarocati Dios queno tirāñayiju ire. ¹⁰ José quenabeto i tōbujarocati Dios queno ejabuayiju ire. Egipto gagu uju, Faraón wame cutigu Josére jiyiju. Uju Faraón i tiro riojo queno tuoīare gaye jidicāyiju Dios Josére. Faraón Josére i baba bujatoni queno ejabuayiju Dios. Ito bajiri Faraón ado bajiro gotiyiju Josére: “Yure ejabuari masu ñasagu ñagū ya mu. Egipto gāna ñarocōreti mu rotire āmoa yu. Ito yicōri yu ya wi gānare cūni mu rotire āmoa yu”, yiyiju Faraón Josére.

¹¹ Ito rodoriti Egipto sitaju bare jedicoyiju. Ito yicōri Canaán sita cūni jedicoyiju. Masa ruje ñio jogayijarā. Ito yicōri quenabeto tōbujayijarā ina. Mani ñicusabatia no ōno bare buja masibisi ina. ¹² Ito bajiri mani ñicu ñayoru Jacob, “Egiptoju bare seore ñayiju”, yija tuocōri, i rīare cōayiju ina bare waja yirā watoni. ¹³ Egiptoju bare āmirā ejayijarā ina maji. Bare iti jedija itojuñi mucana āmirā wayijarā ina. Mucana tūdi ina ejaroca ado bajiro gotiyiju José ñare: “Yure ti masibeā mua. Mua ocabajiti ña yu”, yiyiju José ñare. Ito bajiro José i yija tuocōri, gājerā i ñarā ñare gayere tuo bujayiju Faraón. ¹⁴ Ito yija José i ñarā ñarocōreti ito yicōri i jacure cūni ji rotiyiju Egiptoju ina ñatoni. Udiarā masacō gāji ye co dūja gubocō ñarā ñayijarā ina, i ñarā. ¹⁵ Ito bajiro bajijare Egiptoju ñagū wayiju Jacob. Egiptoju yoari ñacōri itoju godacoayiju Jacob. Ito yicōri i rīa ñana, mani ñicusabatia ñayoana godañi itojuñi. ¹⁶ Egiptoju ina cōbojarocati ito gāna Siquemju yujerā wayijarā. Siquemju āmi ejacōri, mani ñicu Abraham ñayoru, Hamor rīare masari cuma goje i gāmecarajure yujeyijarā ina.

¹⁷ Mani ñicusabatia ñayoana, Egipto sitaju jājarā masa bujiri cuti ñayijarā. Ito ina baji ñaroca riti jabeto ruayiju ñare Dios Canaán wame cutiri sita isiroto. “Mu janerābatiare sita isigū yiguja yu”, yi Abraham ñayorure Dios i goticādo bajiroti. ¹⁸ Ito rodoriti gāji uju Egiptoju rotisnoyiju. José mesa mani ñicusabatia ñayoanare rucubuoja meje ñayiju i. ¹⁹ I ujtati mani ñicusabatia ñayoanare ruoñi. Ito yicōri quenabeto yiyiju. Mame joearā rīacare cōa rotiyiju i. ²⁰ Ito rodoti ruējayiju Moisés cūni. Dios i tija quenagū ñayiju i macuacā. Iti sita uju i rotire masibojagoti Moisés jaco udiarā ūmacañicōti rucō ñayijo ire. ²¹ Macuacāre yeyo masibiti wacoti, iso macure maibojagoti, uju i rotiado bajiroti ire cōabojayijo iso. Ito iso yija bero uju Egipto gagu maco ire ti bujacōri, ire masoyijo iso macu robo bajiro. ²² Ito bajiri uju maco rāca ñagū riti Egipto gāna ina masirisere queno riasotiyiju i, Moisés. I busija, tuo masire rāca busiyiju i. Ito yicōri ñasarisere moa quenooyiju.

²³ Moisés juarā masacō rodori tūjagu, “Ado bajiro bajicuja yu”, yi tuoīayiju i. “Yu ñarāre tigu wacuja yu, no bajiro ina ñaja”, yi tuoīayiju. ²⁴ Ina tu i ejaroca, mani yagure, Egipto gagu i bajeja tiyiju, Moisés ñayoru. Ito bajija ticōri, ire gāme isiyiju. Ito yicōri ire sīa ru Yuriocōyiju Moisésjuā. ²⁵ “Egipto sitaju guare bucōa ejabuaroca cūyijari Dios, yure yi masirāji yu ñarā”,

yi tuoŕabojayiju Moisés. Ito bajiro i tuoŕabojarocati, ire bajiro meje tuoŕayijarã ina. ²⁶ Gaje rãmu mucana mani ñarãre ti quenogũ wayiju Moisés. Ito ejacõri ina comasiti ina gãmeri jaroca ejayiju i. Ñnare oca queno ãmoyiju i. Ito bajiri ado bajiro ñnare busibojayiju i maji: “Adojua tuoŕa. ¿No yija comasi ñbojarãti gãmeri jati mua?” yiyiju Moisés ñnare. ²⁷ Sígũ i babare jagũ, ito bajiro Moisés i busija tuocõri, junisinigũ Moisésre tuocõyiju. “¿Ñimũ gua uju ñarocũre cõcati mure?” ²⁸ ¿Ñamica mua Egipto gagure mua siãdo bajiro yure siãroca yati mua?” yiyiju i Moisésre. ²⁹ Ito tuo acacõri, giũgi rudi wayiju Moisés. “Yu siãre gaye Egipto gãnare gotirã yirãji”, yi tuoŕayiju Moisés. Ito bajiri Madiãn wame cutiri sitaju rudi wayiju i, gaje masa ya sitaju. Itoju manojõ bujacõri jãarã rãa cutiyiju i.

³⁰ Jãarã masacõ rodori bero, co rãmu wa ucugũ wayiju Moisés. Sinaí wame cutirica gãtagũ judoju, yucu manojõ wa ucugũ wayiju Moisés. Ito yija i tu rujatutu jea uju rãgõri tutu robo bajiro wato Dios ñaro gagũ ãngel goyiju ire. ³¹ Itire ticõri ucayiju Moisés. Queno tisarocã ito tu i waroca Dios oca ruyuyiju: ³² “Yu ña Dios. Mu ñicusabatia Abraham, Isaac, Jacob cani yure rãcũbuocã”, yiyiju Dios Moisésre. Iti oca tuocõri giũgi nrũoyiju Moisés. Ito bajiri iti tuture ti queotu ãmobisiju i. ³³ Ito yija mucana tãdi busi remoyiju Dios: “Ado jacajuti ña yu. Mu tãti ña yu. Ito bajiri mua ya guboco ruacõña mua. Ito bajiro yicõri yure rãcũbuogu yigũga mua. ³⁴ Yu ya masa Egiptoju quenabeto ña tõbujaja ticũ yu. Ito yicõri ña awasãja tuocu yu. Ito bajiri Egipto gãnare ña camotaditoni ñnare ejabuãga wadibũ yu. Wasa Egiptoju, yu mure tãdi wa rotia yu”, yiñi Dios Moisésre gotigu, yiyiju Esteban ujarãre.

³⁵ I Moisésiti ñami, mani ñicusabatia ña tuo ãmõbitiru. “¿Ñimũ gua uju ñarocũre cõcati mure?” yiyijarã mani ñicusabatia Moisésre. Ito bajibojarocati Dioti ire judacõãni ña masa tãju ña uju robo bajiro ñarocũre. Mani ñicusabatia Egiptoju ñnare budigotoni ejabuãrocũre cõni Dios Moisésre. Ængelna suoriti ito bajiro gotiyiju Dios Moisésre, rujatutujana ire goãiocõri. ³⁶ Moisésiti mani ñicusabatia ñayoanare Egipto sitaju ñnare ãmatã wayiju i. Egiptoju tiyamani yi ñoyiju Moisés, ito yicõri riaca jajosa Ide Sũarise wame cutirisa tunimaju cani ñoyiju i. Ito bajiri yucu manojõ ñagũ cani, jãarã masacõ rodori ñagũ tiyamani ñoyiju Moisés. ³⁷ Moisésiti ñami mani ñicusabatia ñayoanare gotiru: “Mani Jacũ Dios yure i cõado bajiroti, gãji i oca gotirocũre cõagũ yigũji. Dios i cõarocũ mani comasiti ñagũ yigũji. Yiro bajiroti cudiba mua ire”, yiyiju Moisés mani ñicusabatia ñayoanare. ³⁸ I Moisésiti mani ñarã rãca gãtagũ judoju Sinaí wame cutirica judoju minijuañi yucu manojõ. Ito yija i sigũti gãtagũju mua wayiju. Itoju i mua ejaroca Dios ñaro gagũ, ãngel ire busiyiju. Ito yicõri Moisés mani ñicusabatia ñayoanare oca jedibitiroture gotiyiju. Ito bajiri i gotiãdo bajiroti ejayija manire cani.

³⁹ Mani ñicusabatia ñayoana, Moisésre ñaro bajiroti cudibitiyoñi. Ire tujamena Egiptoju tãdi wa ãmoyijarã ina. ⁴⁰ Ito yicõri Moisés gãtagũ joeju i ñaroca riti, i rĩjõru Aarõn wame cutigure ado bajiro gotiyijarã ña: “¿Noju ñati mua ocabaji? Egipto sitaju gua ñaroca guare bubojacacũre mua ocabajire masibeã gua ija. Ito bajiri guare gua uju ñaroti, gua rãcũbuoroti guare meni isiña. Iti gua rũcoja, gua wa ãmoro riojo io waroja iti”, yiyijarã ña Aarõn ñayõrũre. ⁴¹ Ito yija wecũ macuacã robo bajigu meni rujeoyijarã ina. Ito yicõri waibucãrã sia ñoyijarã ña, ña meni rujeorũre yiari. Ito yicõri basa meni jeobuayijarã ña, ña meniru wecũ macũ bajigure rãcũbuorã. ⁴² Ito bajiro ña yija ticõri, ñnare jidicãcõyiju Dios. ña ãmoro robo ña yi ãmojare ñnare camotabisiju Dios. Ito bajiri ñocõa, ãmacañi, ñami gagure cani rãcũbuoyijarã ña. Diore goti isiri masũ Amõs ñayõru i ucare ado bajiro gotia:

Israel sita gãna tuoŕa mua. Mua waibucãrã, mua siãre yure rãcũbuorã meje siãcu mua, jãarã masacõ rodori yucu manojõ mua ñnare.

⁴³ Yure rãcũbuõmenati mua ya ãmonati mua meni rujeorũretiti rãcũbuocu mua. Jaiibiti wiacã menicõri, iti wi totiju Moloc wame cutigu sãcõri gajasoticu mua. Ito yicõri ñocõa robo bajigu mua meni rujeorũre, Refãn wame cutigure rãcũbuocu mua. “Ãna ñama mani rãcũbuorã ito yicõri mani ujarã”, yibojacu mua. “Ito bajiri Babilonia sõjuãju muare cõagũ ya yu”, yiyiju Dios ñnare. Ado bajiro bajiatõja iti, Dios i yirere ucañi Amõs ñayõru, yiyiju Esteban ujarãre gotigu.

⁴⁴ Mucana tãdi busi remoyiju Esteban ujarãre:

—Mani ñicusabatia yucu manojõ ña waja Dios ya wire menirotire saya webutirise ãmi wayijarã ña. Iti wiju Dios i rotirise ucaraga gãtagãri seoyijarã ña. Moisésna suoriti wiri rujeayiju iti. Moisés i cãiroju Dios i gotiãdo bajiroti, iti wire moa rujeoyijarã ña. No ña warõju iti wire ãmi wayijarã ña. ⁴⁵ Moisés i godaja bero Josuẽ wame cutigu ire wasoayiju. Iti wire ãmicõri Canaãn wame cutiri sitaju wayijarã ña. Canaãn wame cutiri sitaju gaje masa ñayijarã. Ito bajiri Dios ejabuayiju mani ñicusabatiare. Iti cuto ñnare bucõa jeocõyiju Dios. Mani ñicu ñayõru David, i catija ñayiju iti wi maji, saya webutirisenã ña menira wi. ⁴⁶ Queno yiyiju Dios, mani ñicusabatia uju David ñayõrũre. Ire buto wanuyiju Dios. Ito bajiri ado bajiro yiyiju David ñayõru Diore: “Yu ñicu Jacob ñayõru queno mure rãcũbuõni. Yu cani queno mure

rācabaŋoa. Ito bajiri wi queno buti quenari wi meni İsi āmoa yu. Yare meni rotiya mu”, yiyiju David, Diore busigu. Ito i yibojarocati wi meni rotibisiju Dios İre. ⁴⁷ “David i macu Salomónjua Diore wi meni İsiyiju İja”, yiyiju Esteban, ujarāre gotigu. ⁴⁸ Ito bajibojarocati rētoro ŋasagu Dios, masa İna menira wi meje ŋaguĭji Dios. Jane mejeju sĭgū Diore goti İsiri masu, Dios oca tuocōri ado bajiro ucañi:

⁴⁹ Ūmacāju ŋabojagati macārcuro jeyaro uju ŋa yu. Wi mua meni İsibojaja ŋa masibicuja yu. Wi ŋagū meje ŋa yu.

⁵⁰ Yuti ŋa jeyaro rujeocacu. Ito bajiro gotiñi Dios, yiyiju Esteban ujarāre gotigu.

⁵¹ “Dios oca queno cudibea mua. Dios oca tuo āmobeaa mua. Jesure masimena robo bajiro ŋsi cutia mua. Mani ŋicusabatia bajiroti Espiritu Santore cudi āmobeaa mua cuni. ⁵² Mani ŋicusabatia ŋayoana queno yibisi Diore goti İsiri masare. Ito yicōri Cristo ŋeñaro yibicu, i ejaroti gayere gotirāre sĭayoñi mani ŋicusabatia. Ito yija canu busati i ejaroca İre İna sĭatoni gājerāre İsiyija mua. ⁵³ Dios i rotirise queno cudibea mua, āngel mesa queno cudire gaye muare İna jidicābojarocati, yiyiju Esteban ujarāre.

Estebanre İna sĭare gaye

⁵⁴ İti tuocōri, yaire bajiro guji İoyijarā İna, Estebanre buto junisinirā ŋari. ⁵⁵ Ito bajiro İna yibojarocati Espiritu Santo ŋayiju Esteban rāca. Esteban i ti maŋoja Dios i yorise ruyuyiju. Dios ya riojocaduja rācabaŋoraju, Jesús i rāgōja tiyiju Esteban. ⁵⁶ Ito yija ado bajiro busiyiju Esteban ujarāre:

—Tite mua cuni. Macārcuro soje janacoaja. Masa Rjoru, Dios ya riojocaduja ŋami, yiyiju Esteban.

⁵⁷ Mucana tadi i busija, tuo āmomena İna ya gāmo gojeri biayijarā İna. İna ŋarocōti buto awasācōri İre quedi wāyijarā İna. ⁵⁸ Ito yicōri cuto sōjuaju āmi wacōri, İre gūta reasuoyijarā İna. Ito yicōri İna ya yutabujuri ruacōcōri, Saulo wame cutigu i tirānuroca riti, Estebanre reayijarā İna. ⁵⁹ İna gūta rearotototi, Jesure ado bajiro busiyiju Esteban:

—Jesús, yu Ūju yu ya ŋsire boca āmiña mu, yiyiju Esteban.

⁶⁰ İto bero rijomunigāna ŋini rūjūcōri, buto awasāyiju Esteban:

—Yare İna ŋeñaro yirisere waja senibesa İnare, yiyiju Esteban Jesure.

Ito bajiro busi tīocōri ŋsi jedicoayiju Esteban İja.

8

Jesure masirāre Saulo i ŋeñaro yi āmore gaye

¹⁻³ Saulo İna ya yutabujuri coderu, “queno Estebanre sĭajaro”, yi tuoĭayiju i cuni.

Coriarā judio masa Diore queno rācabaŋorā Estebanre yujeyijarā İna. Ito yicōri ruje otijijarā İna Estebanre. İti rumuriti Jesure masirāre Jerusalénju ŋeñaro yisuooyijarā İti cuto gāna. Gājerā rēto busaro ŋeñaro yiyiju Saulo, Jesure masirāre. Co wi ruayabeto İnare āma wayiju İ. İ bujoro bajiroti ūmua, romiare cuni İnare ŋia āmi budi wacōri tubiayiju İ. Ito bajiri ŋarocōti Jesure masirā apōstol mesa rāca ŋabojarā rudi wayijarā Judea sitaju, İto yicōri Samaria sitaju cuni. Apōstol mesama Jerusalenti ŋacōayijarā İna.

Samaria sita gānare Jesús oca İna gotire gaye

⁴ Jerusalén gāna rudi wana ŋabojarāti gajeroju ejacōri Jesús oca quenarise gaye riasoyijarā İna. ⁵ Sĭgū Jerusalén gagu rudi waru Felipe wame cutiyiju. İ Samaria sita cutoju wayiju. Ito ejacōri: “Jesús ŋami Cristo Dios i cōaru”, yiyiju Felipe masare. ⁶ Masa jājarā minijuayijarā Felipe taju İre tuorona. Ito yicōri, tiyamani i İoja tiyijarā İna. Ito bajiri i busirisere queno tuooyijarā İna. ⁷ Jājarāre İna ya usiju rūmūa sāñarāre bucōayiju Felipe. İ İto yija masa usiju rūmūa sāñabojarā awasā budiyijarā İna. Jājarā ruduanare yisoyiju İ. Ito yicōri rujayuriri warāre cuni quenoyiju İ. ⁸ Ito bajiri İti cuto gāna masa queno wanu quena ŋayijarā İna.

⁹⁻¹¹ İti cutoju sĭgū Simón wame cutigu ŋayiju. Co rodo meje i masirise İoyiju i cumu ŋari. Tiyamani i İojare ti ucayijarā İti cuto gāna. “Yu ŋa ūmugū ŋasagu”, yiyiju i İnare. Masa sĭgū ruayabeto İre tuorānyijarā. Bucurā, rĭaca cuni queno tuorānyijarā İre:

—Dios robo bajiroti masiami āni. Dios i cōaru ŋaguĭji āni, yiyijarā masa. ¹² İto İna yibojarocati Felipeama Jesucristo oca quenarise gaye masare gotiyiju. “Masa jeyaro Ūju ŋami Dios”, yire oca masare gotiyiju Felipe. Ito bajiro i gotija tuorāncōri, idé gu rotijijarā ūmua, romia cuni. ¹³ Simón cuni, cumu ŋabojagati, Jesús oca quenarise gayere tuorānyiju. Ito yicōri idé gu rotiyiju i cuni. Ito yija Felipe rāca baba cutisoyiju İ. Ito yicōri Felipe i tiyamani i İojare ti ucayiju Simón.

¹⁴ Apōstol mesa Jerusalénju ŋacōri, “Samaria sita gāna jājarā Dios oca tuorānyijarā İna”, yire gaye tuooyijarā İna. Ito bajiri Samariaju jūarā cōayijarā İna, Pedro İto yicōri Juanre. ¹⁵ Samariaju ejacōri Diore busiyijarā İna, mame Jesure boca āmirāre Espiritu Santo i quedi sĭajaton. ¹⁶ Idé guana ŋabojarocati İna ya usiju Espiritu Santo mañiju maji. Ito bajiri, İnare

Espíritu Santo queo sājaro yirona, Diore busiyijarā ĩna. ¹⁷ Ito yicōri mame Jesure masirāre Pedro mesa ĩna ya āmona moa jeoyijarā Diore busirā. ĩna ito yirocajuti Espiritu Santo quedi sājajiyu ĩnare.

¹⁸ Pedro mesa Jesure masirāre ĩna ya āmo moa jeorocati Espiritu Santo quedi sājaja tiyiju Simón, cumu ñagoru. Ito bajiri iti ticōri ĩnare niyeru ĩsi āmogū, ¹⁹ ado bajiro yiyiju Simón:

—Īmo. Gājerāre yu moa jeoroca Espiritu Santo sājare āmoa yu cuni, yiyiju Simón, Pedro mesare.

²⁰ Ito ĩ yija tuocōri, ado bajiro cadiyiju Pedro ĩre:

—Dios ĩ waja mano ĩsirisere, waja gāmere ñaroja, ¿yire masiati mu? Ito bajiro mu tuoĭare waja, mu ya niyeru rāca godacoagu yigujaja mu, yiyiju Pedro Simónre. ²¹ Dios ĩ tiro riojo queno tuoĭagū meje ña mu. Ito bajiri gua rāca mu moariseoni meje ña iti. ²²⁻²³ Mu tuoĭarisere ti masia yu. Buto uoa mu, yu tija. Ñeñaro yi jaigu ña mu. Ito bajiri mu ñeñaro yirisere jidicā masibe mu. Ñeñaro mu tuoĭarisere, itocō jidicāña mu. Ito yicōri mani Ĥjare seniña mu ñeñaro tuoĭarisere ĩ ācabojotoni, yiyiju Pedro Simónre.

²⁴ Ito ĩ yija tuocōri, ado bajiro cadiyiju Simón:

—Mani Ĥjare busiya mu yare yiari. “Ito bajiro bajigu yigujaja mu”, mu yirise yare rētare āmobe mu, yiyiju Simón, Pedro mesare.

²⁵ Ito yija bero Pedro mesa Jesure ĩna tigare gaye iti cuto gānare gotiyijarā. Ito yicōri Jesús oca quenarise riasoyijarā ĩna. Masare riaso ticōri, “Jerusalénju tūdi wana mani”, yi tuoĭayijarā ĩna. Tudi warā, Samaria sita catori gānare Jesús oca quenarise riaso rēta wayijarā ĩna.

Etiopía gagure Felipe ĩ idé gure gaye

²⁶ Felipereama ado bajiro gotiyiju Dios ñaro gagu ángel:

—Jerusalénju wasa. Ito ejaçōri Gaza wame cutiri cuto ña wari ma roja waja mu. Yucu mano rētari ma ña iti ma, yiyiju Felipere. ²⁷ Ito bajiri Felipe josari mejeti wacoayiju, ángel ĩ gotiado bajiroti. Ma wacuju Etiopía gago ujore ejabuari masu ñasagure ti bujayiju Felipe. ĩ ujo ya niyeru coderi masu ñayiju ĩ, Etiopía gagu. Iti ñayiju ĩ moarise. Jerusalénju Diore rācubuo ticōri tūdi wacu ito tujayiju ĩ, Etiopía gagu. ²⁸ Cabaru ĩ tūa waroca ĩ ya tunuricoroju Dios ocare ti sāñayiju ĩ. Diore goti ĩsiri masu, Isaías ñayoru ĩ ucara tutire ti sāñayiju ĩ. ²⁹ Ito yija ĩre ti bujaroca ado bajiro gotiyiju Espiritu Santo Felipere:

—Īre suacōri, mu corocō wasa mu, yiyiju Espiritu Santo Felipere.

³⁰ Ito bajiri Felipe ũmaquedi wacōri Etiopía gagure suayiju. Suacōri, Isaías Diore goti ĩsiri masu ĩ ucare ĩ ti busija, tuoju Felipe:

—¿Ito mu ti busirisere tuo masiati mu? yiyiju Felipe Etiopía gagure.

³¹ —Sīgū yare gotigū manija, ¿no bajiro tuo masigūjada yu? yiyiju ĩ Felipere. Ito yija, yu tu muja wadicōri, ado rujigu waya mu, yiyiju Etiopía gagu. ³² Dios oca ĩ tiriju ado bajiro bajiyiju: Ovejare sīarona ĩna āmi waro bajiro āmi warāji ĩna sīgū ũmugūre. Ovejare joa suaroca ĩ oca mano robo bajiro oca maquji ĩ cuni ĩre ĩna ja ajebojarocati.

³³ Masa jājarā riojo quenabeto bojorise tōbujaguji ĩ. Ñeñaro ĩ yibitibojarocati ĩre yiari busi ĩsirocu maquji. ĩ ñarā ĩnamasiti ĩre ĩna sīaja, “ĩna ñama ĩ janerābatia”, yi masia manija, yi wāñayiju Etiopía gagu ĩ tira tuti.

³⁴ Ito yija ĩ tu muja sājacōri rujiyiju Felipe.

—Isaías ĩ ucare gaye yare ti gotiya mu. ¿Īmasi gayeti ucayijari ĩ? ¿Gāji gayere tuoĭagū ito bajiro ucayijarite ĩ? yiyiju Etiopía gagu Felipere.

³⁵ Ito yija iti tuti Isaías ĩ ucare gayere ĩre ti gotiyiju Felipe. “Jesús oca quenarise ña”, yirocu Jesús ocare goti jeoyiju Felipe Etiopía gagure. ³⁶ Warā riti ma tu itajura ñaroja ejayijarā ĩna:

—Tite, ado ña ide. ¿Adocāta yu mure idé gu rotija quena ñati? yiyiju Etiopía gagu Felipere.

³⁷ —Dios Macu ñami Jesús, mu yi tuoĭaja mure idé gucuja yu, yiyiju Felipe ĩre.

—Dios Macuti ñami Jesucristo, ya yu, yiyiju Etiopía gagu.

³⁸ Ito yija tunuricoroju tuja quea roticōri, itajuraju roja rāgūyijarā ĩna. Ito yicōri idé gu yiju Felipe Etiopía gagure. ³⁹ Itajuraju ĩna maja rāgū waroca, ñajasaroti Espiritu Santo āmocoayiju Felipere. Ito bajiri juaji tibisiju Etiopía gagu ĩre. Ito bajibojarocati queno wana quena wayiju Etiopía gagu ĩ waroju. ⁴⁰ Felipere āmicōri Azoto wame cutiri cutoju ĩ goaroca yiyiju Espiritu Santo. “¿Azotoju ñati yu?” yi tuoĭayiju Felipe. Azotoju ñacōri wayiju ĩ. Co cuto ruyabeto Jesús oca quenarise masare riaso ucuyiju ĩ. Susari ĩja Cesarea wame cutiri cutoju ejayiju Felipe.

9

Jesure Saulo ĩ tuorānusoore gaye
(Hch 22.6-16; 26.12-18)

¹ Jesure masiräre sġa āmogāju ĩnare buto junisini tiyiju Saulo. Ito bajiri paia ũjare busigu wayiju ĩ. ² Damasco cutoju minijuara wiriju Jesure masiräre āmagū sġaroca papera seniyyiju Saulo paia ũjare: “Īnare yu ti bujaro bajiroti ũma, romiare cuni ĩnare Jerusalēnju tubiaroca āmi wacaja yu”, yiyiju Saulo, ũjare. ³ Ma ĩ waroca riti Damasco cutoju ĩ ejaġu wagu yiroca, ũajasaroti macārucaro gaye busurise sġatiyiju ĩre. ⁴ ĩre ito bajiro sġatirocati jacaju quedi queacoayiju Saulo. Ito yicōri ado bajiro oca ruyuyiju ĩre:

—Saulo, Saulo, ĳno yija yure ũeġaro yi āmoati mu? yi oca ruyuyiju ũmacāju.

⁵ Ito oca tuocōri ado bajiro seniġayiju Saulo:

—ĳNoju gaju yure busiati mu? yiyiju Saulo.

—Yuti ũa Jesūs, yure ũeġaro yiroca mu sġayagati. Ito mu yirise mamasu ũeġa bajigati ya mu. Adocġata mamasiti jota mu jajuja, juniroja mure. Ito gaye bajiro ya mu yure ũeġaro mu yi āmoja, yiyiju Jesūs ĩre.

⁶ Ito yija Saulo ĩ ya ruju narhogāti:

—ĳNe yu yire āmoati mu? yiyiju ĩ Jesure.

—Wasa Damascoju. Ito mu ejaroca sġgū mure: “Adi ũa mu moaroti”, yigu yiguġi mure, yiyiju Jesūs Saulore.

⁷ Saulo rġca wana oca ito ruyubojarocati ruġare tibiticōri mano ũcayijarā ĩna. ⁸ Ito bero yoa busari wamu rġgūcōri tiroca yibojayiju Saulo. Itocōti cajea macu ũacoayiju ĩ. Ito bajigure ĩ baba mesa Damascoju ĩre tġa wayijarā ĩna. ⁹ Damascoju eġacōri ũdia rġmucō ũayiju Saulo cajea tire meje, bare meje, ito yicōri idire mejeti.

¹⁰ Damasco wame cutiri cutoju Jesure masigū sġgū ũayiju, Ananġas wame cutigu. ĩ cġiroju eġacōri:

—ĳNati Ananġas mu? yiyiju Jesūs ĩre.

—Ado ũa yu, yiyiju Ananġas.

¹¹ Ito ĩ yija tuocōri, ado bajiro yiyiju mani ũju:

—Coji wasa riojo wame cutiri maju. Itoju Judas wame cutigu ya wi ejaġu yiguja mu. ĳAdo ũati Saulo, Tarso gaju? yiba mu ĩre. Adocġata yure busigu yami ĩ. ¹² ĩ cġiroju mu ya rio ĩomu yu ĩre. Ito bajiri ĩ tġa sġa eġacōri ĩre moġagū yiguja mu, mucana tġdi ĩ cajea titoni. Ito bajirotire ĩ cġiroju ĩomu yu Saulore. Ito bajiri coji ĩ tġa wasa mu, yiyiju Jesūs Ananġasre ĩ cġiroju.

¹³ Ito tuocōri ado bajiro yiyiju Ananġas, Jesure busigu:

—Jaje oca tuoja yu ĩ ye. Mure masiaräre, Jerusalēnju ũeġaro ĩ yigore, jaje oca ũa ĩre. ¹⁴ Ito yicōri paia ũjarā ĩna roti ũucaja ado eġaġi Saulo. Ito bajiri mure rucabuorā gua ũajare, ġware tubiaroca ado eġaġi Saulo, yiyiju Ananġas Jesure.

¹⁵ Ito yija Jesujua ado bajiro gotiyiju Ananġasre:

—Yu oca masare riasorocure ĩre cūmu yu. ũjarā, judio masa, ito yicōri judio masa meje ũaräre cuni riasogu yiguġi Saulo. ¹⁶ Yure cudigu ũari jaje ĩ tōbujaroca yirā yirāġi ġajerā. ĩ tġa coji wasa mu, yiyiju Jesūs Ananġasre.

¹⁷ Ito ĩ yija tuocōri, wayiju ĩġa, Saulo tġa wacu. Wiju sġa eġacōri ĩ ya āmona moġayiju Ananġas Saulore:

—Yure tuoja yu ocabaji mu. Mu wadiroca mure goġoruti yure cōami. Jesūs mani ũju, ĩti cōami yure, mucana tġdi mu cajea titoni, ito yicōri Espġritu Santo mu ya usiju ĩ sġajtoni, yiyiju Ananġas Saulore.

¹⁸ Ito ĩ yirocati, wai rġtū robo bajirise ĩ ya cajeaju codo quediyyiju Saulore. Ito bajijare mucana tġdi tiyiju Saulo. Ito bajija ticōri, “Yure idē guya mu”, yiyiju Saulo Ananġasre. ¹⁹ Ito yija beroju bayiju Saulo mucana. Ito bajicōrijū sġoyiju ĩ mucana. Ito bajiri Damascoju yoa busari ũayiju Saulo, Jesure masiräre rġca.

Damasco cuto ġġnare Dios oca Saulo ĩ gotisore gaye

²⁰ Judio masa ĩna minijuari wiju sġa wacōri, Jesūs oca ĩnare riasoyiju Saulo. “Dios Macu ũami Jesūs”, yiyiju Saulo. ²¹ Ito ĩ yija tuocōri, tuo ũcayijarā masa:

—ĳĒni Saulo Jerusalēnju, Jesure masiräre sġari masu meje ũati āni? Ito yicōri, ĳJesure masiräre ũiaroca meje adoju wadiyijari ĩ? ĳĪnare ũiacōri paia ũjaräre ĩsibiquġida ĩ? yiyijarā masa.

²² Ito bajiro ĩna tuoġabojarocati buto oca sġocōri, Dios oca gotiyiju Saulo. “Riti ya yu, Cristo ĩti ũami Dios ĩ cōaru”, yiyiju Saulo. Queno tuo masire rġca ĩ gotija, no bajiro cudi masibisijarā ĩna, judio masa Damasco ġana.

Judio masare Saulo ĩ rudire gaye

²³ Damascoju, Saulo ĩ ũaroca riti, “Īre sġaraja mani”, yi tuoġayijarā judio masa. ²⁴ Ito bajiro ĩna sġa āmorā ĩna cunġa, itire masicōyiju Saulo. ũamiri cuni, ũmari cuni codeyijarā ĩna cuto sojeri budirajari. Judio masa sojeri codeyijarā Saulore sġarona. ²⁵ Ito bajiri Jesure tuoġanġrā

İre ejabuayijarâ İna, İ rudi watoni. Cuto camotara canı rijogodona jaja jibuna İre sãcõri iti canı gaje dujaju İre rujicoãayijarâ İna. Nami ito bajiro İna yi sêoja rudiyiju İ İja.

Jerusalénju Saulo İ ñare gaye

²⁶ Ito bajijare Jerusalénju rudi wayiju İ. Jerusalénju ejacõri, Jesure masirã rãca minijua âmobojayiju İ. “Jesure masigũ meje ñaguñi Saulo”, yi tuoİarã İre güiyijarã İna. ²⁷ Ito bajibojarocati, sigũ Bernabé wame cutigu, Saulore ejabuayiju. “Waya, apóstol mesare busito mani”, yiyiju Bernabé Saulore. İna tu ejacõri ado bajiro busiyiju Bernabé: “Ăni Saulore İ ma waroca Jesús goaİoyiju İre. Ito yicõri İre busiyiju Jesús. Damascoju masare güiari meje Jesús oca riasoñi Saulo”, yiyiju Bernabé apóstol mesare. ²⁸ Ito İ yija tuoõõri, Saulore boca âmijijarã İna. Ito yija Jerusalénju tujacõri İna rãca wa ucuyiju Saulo. Güiari mejeti Jerusalén gãnare Jesús oca gotiyiju İ. ²⁹ Judio masa ñabobarãti griego oca busirãre İna rãca tuoİa busiyiju Saulo. Ito İ yibojarocati Saulore ruje siare canıyijarã İna. ³⁰ İti oca tuoõõri, Jesure tuoİunurã Cesareaju Saulore âmi wayijarã. İtijuna, “Mu cutoju Tarsoju tãdi wasa mu”, mare İna siame yirocu, yiyijarã İna Saulore.

³¹ İti rodoriti Judea sitaju, Samaria sitaju, ito yicõri Galilea sitaju canı ñeñarise tãbujabisijarã Jesure tuoİunurã. İnare ñeñaro yibisijarã gãjerã. Ito bajiri Jesús oca riasocõri buto busa oca sêoyijarã İna, Jesure tuoİunurã. İre rucubuoİã Diore queno cãdiyijarã İna. Ito bajiri Espiritu Santo İnare ejabuaja jãjarã busa buju wayijarã İna, Jesure tuoİunurã.

Eneasre yisioİe gaye

³² Sigũ Pedro wame cutigu, Jesure tuoİunurãre co cuto rayabeto ti ucuyiju. Co rumu Lida wame cutiri cutoju, Jesure tuoİunurãre ti ucugu wayiju Pedro. ³³ İtoju ejacõri sigũ ruduru Eneas wame cutigore ti bujayiju İ. Ruduru ñari uđia âmojeno rodori İ ya camaju jesasotiyiju Eneas. ³⁴ İre ticõri ado bajiro yiyiju Pedro:

—Tuoya Eneas mu. Mure quenocõami Jesucristo. Ito bajiri wamuña. Ito yicõri mu ya cama âmi wasa mu, yiyiju Pedro İre.

Ito bajiro İ busirocati, ruduru ñabojaru wamuyiju Eneas İja. ³⁵ İ waja tiyijarã Lida gãna, Sarón gãna canı. İtire ticõri bucarã oca İna tuoİarise jidicãcõri, Jesure boca âmijijarã İna.

Dorcas iso tãdi catire gaye

³⁶ Sigõ Jope wame cutiri cuto gago, Tabita wame cutigo Jesure tuoİunurãgõ ñayijo iso. Griego ocanama, Dorcas wame cutigo ñayijo iso. Queno yigo ñayijo iso. Ito yicõri bojoro bujarãre queno ejabuasotiyijo iso. ³⁷ Lidaju Pedro İ ñaroca riti, Jope cuto gago cõcoayijo iso. Iso ñarã iso cõja ticõri, godarãre İna yisotiãdo bajiro iso ya rujare coeyijarã İna. Ito yicõri co tuti weca, co sãnimu ricati isore cüyijarã İna. ³⁸ Lida cuto tãti ñayiju Jope cuto. Ito bajiri Lida cutoju Pedro İ ñaja tuoõõri, jãarãre Pedroİe İna jirã watoni cõayijarã Jesure tuoİunurã. Pedro tu ejacõri:

—Gua rãca coji waya, yiyijarã Jope gãna.

³⁹ Ito İna yija tuoõõri, İna rãca wayiju Pedro Jopeju. İtoju ejacõri Dorcas ñajaco ya rujũ ñarõju İre âmi wayijarã İna. Jãjarã manuju godagoana romia oti ñayijarã iso tu. Pedro İ ejaja ticõri, İ tu gãni bia rügüyijarã manuju godagoana romia, İre busirona. “Tite mu. Dorcas ñajaco iso godaroto riojuu saya jaje jio İsicõ guare”, yiyijarã İna romia Pedroİe. ⁴⁰ Ito bajijare, “Macãju budi wasa maji”, yiyiju Pedro İna romiare. Ito yicõri rijomunigãna ñini rüjucõri Diore busiyiju Pedro. Diore busi tlogũ, cõroİe juda tiyiju:

—Tabita wamuña mu, yiyiju Pedro isore.

Ito İ yirocati, caİea titãcãyijo iso. Pedroİe ticõri jãja rüjũyijo iso. ⁴¹ Ito yija iso ya âmo ñiacõri tãa wamuoİyiju Pedro. Ito yicõri macãju ñarãre jisõyiju Pedro. “Mucana tãdi iso catija tirã waya muã”, yiyiju Pedro, wajearã romiare, gãjerã Jesure tuoİunurãre canı. ⁴² Mucana tãdi iso catire tuoİyijarã Jope gãna. Ito bajiri jãjarã Jesure boca âmijijarã İna. ⁴³ Yoari Jopeju ña ucuyiju Pedro. İtoju waibucurã wirori quenori masu, Simón wame cutigu tu yoari ñayiju Pedro.

10

Pedroİe Cornelio İ oca cõare gaye

¹ Cesarea wame cutiri cutoju, sigũ Cornelio wame cutigu ñayiju. Italia gãna, co dujamocõ masacõ surara uju ñayiju Cornelio. Judio masu meje ñayiju İ. ² Judio masu meje ñabojaguti Diore rucubuoİyiju İ. Ito yicõri İ ya wi gãna canı Diore rucubuoİyijarã. Judio masa bojoro bujarãre ejabuaroçu jaje niyeru İsiyiju Cornelio. Ito yicõri co rumu rayabeto Diore busisotiyiju İ. ³ Co rumu ñamicaju, tres iti tujaroca, Dios ñaro gagu ângel goaİoyiju Cornelioİe. Queno tısacõyiju Cornelio İre. Cornelio tu sãja ejacõri ado bajiro yiyiju ângel:

—Cornelio, žñati mu? yiyiju ângel İre.

⁴ Ito İ yija tuoõõri, İre ti ucayiju Cornelio:

—žÑe âmoati mu? yiyiju Cornelio İre.

Ito ï yija tuocõri:

—Diore mu busija tuoami. Ito yicõri bojoro bujarãre mu ejabuaja tiami. Ito bajiri mure tuoia ti ñami Dios, yiyiju ángel Cornelio. ⁵Jope cutoju sigũ ñaguji Simón Pedro wame cutigu. Ñe jirona umua jaarã cõaña mu. ⁶Gãji Simón waibucurã wi quenori masu ï ya wiju ñaguji, riaca jajosa tu. Iti wiju Simón Pedroe bujarã yirãji mu cõana, yiyiju ángel Cornelio.

⁷Ito bajiro yi tuocõri wacoayiju ángel. Ito bajija bero ï ya moari masa jaarã jiyiju Cornelio. Ito yicõri surar masu sigũ Ñe ejabuari masu jiyiju Ì. Ì surar masu buto Diore rucabuogu ñayiju. ⁸Ña eja ja ticõri, ángel ï busigore gotiyiju Cornelio. Ito yicõri Jope cutoju Ñnare wa rotiyiju Ì.

⁹Ito ï yija tuocõri, wacoayijarã Ña. Gaje rumu, busuri umacafi riojo ñaroca Jope cuto taju ñayijarã Ña. Ña ejaroto riojua wi rijogodo muja wacõri Diore busi ñayiju Pedro. Rujatutu ñayiju iti wi. ¹⁰Buto ñiocõõri ba ámoyiju Pedro. Gãjerã Ñe bare meni Ñsiroca ado bajiro goayiju Pedroe. ¹¹Umacãju macãrucãroju soje janayiju. Saya jajoto bucuro jua duja gaja ñiacõri queoyado bajiro ruji wadicõri Ì tu ejayiju. ¹²Ito totiju waibucurã jeyaro sãñayijarã. Jenirã, wutirã, ito yicõri ña cani sãñayijarã. ¹³Ito umacãju oca ruyuyiju Pedroe. Ado bajiro gotiyiju iti Ñe:

—Pedro wumãña mu. Ñnare sãa baya mu, yiyiju oca Pedroe.

¹⁴Iti oca tuocõri ado bajiro cudiyiju Pedro:

—Meje babicuja yu. Rẽore gaye baãabiticu yu, yiyiju Pedro.

¹⁵Ito yija mucana oca ruyuyiju umacãju:

—Rẽore ña, yibesa, “Baya”, yu yiriseama, quenarise ña, yi ruyuyiju oca umacãju gaye.

¹⁶Udiayiju oca ruyuyiju Pedroe. Udiayi Ì busija bero saya totiju wadiana waibucurã, wutirã jeyaro tudã ami tuocõyiju Dios mucana. ¹⁷Itire ticõri ruje tuoãiyiju Pedro. “¿No yireoni yure bajiatibeti?” yi tuoãiyiju Pedro. Ito ï yirocati, Cornelio Ì cõana ejayijarã Pedro Ì ñari wi soje tu. ¹⁸Itoju ejacõri ado bajiro seniãayijarã Ña:

—¿Adi wiju Simón Pedro wame cutigu ñati? yiyijarã Ña, Cornelio Ì cõana.

¹⁹Ï tigre Ì tuoãaroca riti Espiritu Santo busiyiju Pedroe:

—Tuote. Udiarã umua mure amarã ejama. ²⁰Coji Ña rãca wasa mu. Ñe usiriobicati wacoasa, yu cõarã Ña ñajare, yiyiju Espiritu Santo Pedroe.

²¹Ito ï yija tuocõri, Cornelio Ì cõana tu udiarã tu ruji wayiju Pedro:

—Yuti ña muã amagũ. ¿No yirã wadiri muã? yiyiju Pedro Ñnare.

²²Ito ï yija tuocõri, ado bajiro cudiyijarã Ña: —Gua uju Cornelio cõami guare. Queno yigu ñami Ì. Ito yicõri Diore rucabuogu ñami Cornelio. Judio masa jeyaro rucabuocã Cornelio. Ado bajiro gua ujare busiñi Dios ñaro gagu ángel: “Cornelio tuoja mu. Simón Pedroe jitẽña mu. Ito yicõri Ì busirisire queno tuoba mu”, yiñi ángel gua ujare, yiyijarã Cornelio Ì cõana Simón Pedroe.

²³—Ado sãja waya maji, umua jedicoaju. Yu tu caniña maji, yiyiju Pedro Ñnare. Gaje rumu Ña rãca wayiju Pedro Ña. Coriarã Jope gãna Jesure tuorũnrã, Pedro mesa rãca baba cuti wayijarã Ña.

²⁴Busuri gaje rumuju, Cesareaju ejayijarã Ña. Ña ejaroto riojuaju, Ì ñarãre Ì baba mesa rãca minijua ñayiju Cornelio. Ito bajiri Ña ñarocõti minijua ñacõri Pedro mesare bocati ñayijarã Ña. ²⁵Wi tu Ña ejaroca Pedroe boca amiroca budi wayiju Cornelio. Ito yicõri rijomunigãna ñini rũjũcõri Pedroe rucabuoyiju Cornelio. ²⁶Ito Ì yibojarocati:

—Wumãña. Mu roboti masu ña yu cani. Dios meje ña yu, yiyiju Pedro Cornelio.

²⁷Ito bajiro Ì yija tuocõri, wumucoayiju Cornelio Ña. Ito bajiri gãmeri busirã riti wiju sãjacoayijarã Ña Ña. Ito sãja wacõri masa jãjarã minijuanare tiyiju Pedro. ²⁸Ito yija ticõri, ado bajiro Ñnare gotiyiju Pedro:

—Gua judio masa gãjerã masa rãca gua wusaja, ito yicõri gãjerã masa ya wi sãjaja, rẽore gaye ña guare. Itire tuo masia muã. Ito bajibojarocati Dioama ado bajiro gotiqui yure: “Quena ña, yu yiriseama quenarise ña. Rẽore ña, yibesa mu”, yiqui Dios yure. Ito bajiri, “Yu judio masu ñabojaguti gãjerã masa rãca yu wusaja rẽore meje ña”, yi masia yu. ²⁹Ito bajiri mu ya oca tuocõri ñe usiriobicati wadibu yu. Ito bajiri, “¿No yiroca yure oca cõacati mu?” yiyiju Pedro Cornelio.

³⁰Ito Ì yija tuocõri, ado bajiro Ñe cudiyiju Cornelio:

—Juarã rumuri taja yucu weca umacafi Ì tujaroca, babicu riti Diore yu busija bero. Ado Diore yu busirocati sigũ ángel yutabujuri yorise sãñagũ yure goãoquĩ. ³¹Ado bajiro yure gotiqui Ì: “Diore mu busire tuoami Ì. Ito yicõri bojoro bujarãre mu ejabuare gaye itire cani masiami Dios. ³²Ito bajiri Jope cutoju Simón Pedro wame cutigure jitẽña. Gãji Simón waibucurã wi quenori masu ya wi ñaguji Pedro. Riaca jajosa tunima ñaroja iti wi Ì ñaro”, yiqui ángel yure. ³³Ito bajiro yure Ì gotija tuocõri, ejori mure oca cõacu yu, yiyiju Cornelio

Pedrore. Queno wadiyija mu. Ado mu ejaqa quena guare. Adoju Dios i tiro riojo minijuabu gua i oca tuorona. Narocoti Dios i gotire gayere tuo amoa gua, yiyiju Cornelio Pedrore.

Cornelio ya wiju Pedro i riasore gaye

³⁴ Ito bajiro i yija tuocori, busisuoyiju Pedro ija:

—Tuo masia yu ija. “Judio masare riti maia yu”, yibeami Dios. Mani jeyarore corocö ti maiami Dios. ³⁵ Gua masare, ito yicöri mua masare cani corocöti ti maiami Dios. Diore mani rucubuoya, ito yicöri ñeñarise mani yibeja, manire boca amigü yiguüji Dios. ³⁶ Jane mejeju oca quenarise Israel sita gånare Dios i goticäre gaye masirä ña mua: “Yu cöarare mua tuorünaja, yu räca queno usi catirä yiräji mua”, yiyiju Dios Israel sita gånare. Dios i cöarä Jesucristo mani jeyaro Uju ñami ija. Itire masia mua. ³⁷ Israel sitaju Jesús quenarise i yigorere masia mua. Ito yicöri Galilieaju Jesure Juan i idé guraju bero ñasarise yisuoñi Jesús. ³⁸ Jesús Nazaret gagure Espiritu Santo i quedi säjaroca yiyiju Dios. Ito yicöri i masirise jidicäñi Dios Jesure. No i waro bajiro masare queno yiñi Jesús. Rämüa säñaräre i ti bujaja, rämüare bucöañi Jesús. “Ito bajiro yiñi Jesús, Dios i räca ñaja”, yi tuoia mua. ³⁹ Gua apötol mesa, judio masa sitaju jeyaro Jesús i yicatire ticu gua. Ito yicöri Jerusalenju yucutöju ire ina säja, ticu gua. ⁴⁰ Udia ramu bero, Dioama Jesure i catiroca yiñi. Jesús guare goäroca yiñi Dios. ⁴¹ Masa jeyarore meje goaioñi Jesús. Dios guare cajerojuti Jesús oca gotirona i cücäna ñajare, guare riti goaioqu Jesús. “Mucana tudi catiami Jesús”, gua yi masitoni, guare i goäroca yiñi Dios. Mucana Jesús i catija bero i räca bacu gua. ⁴² Guare i oca masare goti rotiqui Jesús. Catiräre ito yicöri godanare cani, ina ñeñaro yirise waja senitoni cüñi Dios Jesure. Itire guare goti rotiqui Jesús. ⁴³ No Jesure tuoränagüti, i ñeñaro yiriserre äcaboju yiguüji Dios. Ito bajiroti ucañi Diore goti tsiri masa sigü ruyabeto, yiyiju Pedro masare.

Judio masa mejere cani Espiritu Santo i quedi säjare gaye

⁴⁴ Ito i yirocati Espiritu Santo quedi säjayiju Pedro i busiräre. ⁴⁵⁻⁴⁶ Ito bajiri ricati riti ina masibiti oca ñabojareti busisuoyijarä ina. Ito yicöri Diore räcubuoyijarä ina. Itire ticöri ruje tuoayijarä Pedro räca ejana judio masa. “Aba, judio masa meje ñabojaräre cani Espiritu Santo quedi säjacoami”, yiyijarä ina Jesure masirä, Pedro räca gäna. ⁴⁷ Ito yicöri i räca gånare busiyiju Pedro mucana:

—Tuoja yu ñarä mua. Manire bajiroti Espiritu Santo quedi säjami ñnare cani. Sigü, “Inare idé gutirüja mani”, yirä wusati mani, yiyiju Pedro ñnare. “Inare idé gubesa”, yigu mañiju.

⁴⁸ Ito bajiri, “Jesure tuoränurä ña gua cani, mua yi masija, i wamena idé gu rotija quena”, yiyiju Pedro ñnare.

Ina idé gu ecoja bero ado bajiro yiyijarä ina Pedrore:

—Wabesa maji. Ado gua räca jabeto ñaña maji, yiyijarä ina Pedrore.

11

Jerusalén gånare Jesure masiräre Pedro i gotire gaye

¹ Nocö mejeti oca tuoyijarä apötol mesa, Judea gäna Jesure tuoränurä cani. “Judio masa meje ñabojaräti, Jesure boca amiyijarä”, yire gaye oca tuocöri junisiniyijarä coriarä. ² Ito bajiri Pedro Jerusalenju i wäca ejaroca, judio masa Jesure boca amisuana Pedrore busituyijarä ina. ³ Ado bajiro ire seniiayijarä ina:

—¿No yija judio masa ya wi meje ñabojarocati, säjari mu? Ito yicöri, ¿no yija ina räca bari mu? yiyijarä ina Pedrore.

⁴ Ito yija Pedro gotiyiju ñnare, “Ado bajiro rätacu”, yirocu gotiyiju i ñnare:

⁵ —Jope catoju ñacöri, Diore busicu yu. Diore yu busiroca, ado bajiro goacu yure. Umacüju saya jajoto bucuro jua duja gaja ñiacöri, ñiado bajiro ruji wadicöri, yu tu ejaçu. ⁶ “¿Ñe ñati totiju?” yirocu, queno ticu yu. Itoju waibucarä jeyaro ina säñaja ticu yu. Gäjeronä, jenirä ito yicöri wutiräre cani ticu yu. ⁷ Ito bero ado bajiro oca goti ruyucu yure: “Pedro, wamaña mu. Inare sä baya mu”, yi ruyucu yure. ⁸ “Meje, babicuja yu. Rëore gaye baäbiticu yu”, yicu yu. ⁹ Mucana umacüju gaye oca ruyucu yure. Ado bajiro ruyucu: “‘Baya’, yu yiriseama, ‘Rëore ña’, yibesa. Quenarise ña”, yi ruyucu umacüju gaye Dios oca. ¹⁰ Udiajiju ito bajiro ruyucu Dios oca. Udiaji i busija bero, saya totiju wadiana, waibucarä räcaci jeyaro tudi ämi mucocöqu Dios mucana. ¹¹ Ito yiroca riti umua udiarä ejacä yu ñari wiju. Cesarea gagu Cornelio wame catigu ñnare cöañi, yure ina ämatoni. ¹² “Ñe usiribicati wasa mu”, Espiritu Santo i yijare wacu yu. Ito yicöri coga ämojeno Jesure masirä yure baba cuti wacä ina. Yu räca wacana ñarocöti Cornelio ya wiju säjacu gua. ¹³ I tu gua säja ejaroca, ado bajiro guare busiqui Cornelio:

—Dios ñnaro gagu ängel yu ya wi i rügöja ticu yu. I ado bajiro busiqui yure: “Jope catoju umua cöañä mu, Simón Pedrore jirona. ¹⁴ Simón Pedro mu tu ejacöri, ‘Jeame üjuroju mu wabore ñaroca ado bajiro mare masogü yiguüji Dios’, yire gaye mare gotigu yiguüji. Mu ya wi

gānare cani ito bajiroti yigu yiguji Pedro”, yiqui Cornelio guare, ángel i busire guare gotigu. ¹⁵ Cornelio i busi fíoroca, ito gānare busicu yu. Inare yu busisuorocati, Espíritu Santo sājauqui inare, manire i sājacato bajiroti. ¹⁶ Ito bajiro iti bajija ticōri, mani ũju i goticature, tōia bujaca yu. Ado bajiro baja i goticati: “Idena muare idé guquí Juan. Dioama muare Espíritu Santo queo ságū yiguji, ‘Dios nārā nāma ina’, gājerā ina yitoni”. Ito bajiro cajeroju gotiqui Jesús manire. ¹⁷ Dios, Espíritu Santo sājaro ca yiqui inare, judio masa meje ina nābojarocati, mani Jesure boca āmiroca i quedi sājacato bajiroti. Ito bajiri Diore rēo masiado manicu yu, yiyiju Pedro inare.

¹⁸ Iti tuocōri Pedrore busitu jidicāyijarā ina:

—Queno yigu nāmi Dios. Judio masa meje ina nābojarocati, ñeñaro ina yirisere jidicāja, catitiñare gaye ina bujaton i nare cūñi Dios, yiyijarā judio masa Jesure boca āmigoana.

Antioquía gāna Jesure masirā gaye

¹⁹ Iti rumuri riojua basa Estebanre sīayijarā Diore masimena. Īre sīacōri Jesure tuorānūrāre usirioro yi codesuoyijarā ina. Ito bajiri coriarā Jesure tuorānūrā Feniciaju, Chipreju, ito yicōri Antioquíaju can i rudi wayijarā ina. Iti cutoriju ejacōri, judio masare riti Dios oca gotiyijarā ina. ²⁰ Gājerāma, Chipre gāna, Cirene gāna wacōri Antioquíaju ejayijarā. Itoju ejacōri judio masa meje nārāre can i Jesús oca quenarise gotiyijarā ina. ²¹ Queno ina busitoni inare ejabuayiju Dios. Ito bajiri Dios oca tuocōri jājarā masa, bucurā usi ina tuoiarise jidicāyijarā ina. Ito yicōri Jesure boca āmijijarā ina.

²² Jerusalén gāna Jesure tuorānūrā, “Antioquíaju jājarā Jesure boca āmijijarā”, yija tuoyijarā ina. Ito bajiri “Titēña, riti bajiati”, yirona Bernabére cōayijarā ina. ²³ Ito ejacōri, Dios i queno yirere ti ejayiju Bernabé. Ito bajiri buto wana quenayiju i. Ado bajiro inare riaso busiyiju i:

—Sīgū rayabeto, Jesure queno tuorānūrāna mua. Ito yicōri Īre jidicābeja, yiyiju Bernabé inare.

²⁴ Quenarise tuoāgū ñayiju Bernabé. Espíritu Santo i sāñajare, Diore riti tuoāyiju i. Ito bajiri masa jājarā i busija tuocōri, Jesure boca āmijijarā ina.

²⁵ Ito bero Tarso wame cutiri cutoju wayiju Bernabé, Saulore āmagū. ²⁶ Īre bujacōri, “Antioquíaju wato mani”, yiyiju Īre. Ito bajiri ina jūarāti wayijarā Antioquíaju. Itoju co rodo ñayijarā ina, Jesure tuorānūrā rāca. Jājarā masare Dios oca riasoyijarā ina. Iti cutoju cajero, “Cristiano masa nāma ina”, yire gayere yisuyijarā ina Jesucristore masirāre. “Cristore masirā nāma”, yireoni ñayiju iti.

²⁷ Iti rumuriti Jerusalén gāna, Diore goti ĩsiri masa ejayijarā itoju Antioquíaju. Jesure tuorānūrā ina minijua nāroca, ejayijarā ina. ²⁸⁻³⁰ Sīgū Agabo wame cutigu ina wato ejacōri wama rūgūyiju. Espíritu Santore tuocōri ado bajiro busiyiju i: “Judea sita nārocōti, ñiojuniro yiroja. Bare jedicoaro yiroja iti sita”, yiyiju Agabo. Ito i yija tuocōri: “Judea gānare ñiojogarā yirāji ina. Inare niyeru cōana mani”, yi tōia busiyijarā Antioquía gāna Jesure tuorānūrā. Ito bajiri no ĩna rucorocō ĩsiyijarā ina. Ito bajiro yicōri Bernabé, Saulo ina jūarāre niyeru Judeaju cū rotiyijarā ina. “Jesure tuorānūrāre ũmatā ñari masare ĩsitēña”, yi rotiyijarā ina. Jane mejeju Claudio uju i nāraju ito bajiro rētayiju.

12

Pedrore Herodes i tubia rotire gaye

¹ Iti rumuriti uju Herodes, Jesure tuorānūrāre canisuyiju. ² Ito yicōri, Juan ocabaji Santiagore sīa rotiyiju i sarera jāina. ³ Itire buto wanuyijarā judio masa. Ina wanaja ticōri, Pedrore can i nīacōri tubia rotiyiju i. Ito bajiro rētacu, naju wadarise uco wuoya mani bare basa ina menicati rumuri. ⁴ Pedro rudibe yirocu, code wasoaronare surara cūyiju Herodes. Co gubocō coga gubojeno ñayijarā ina jeyaro. “Pascua basa busuaqueari rama, masa riojo Pedrore sīa roticūja yu”, yi tuoāyiju Herodes. ⁵ Ito bajiri Pedro quenoguti code ecocōyiju. Ito bajija tuocōri, Jesure tuorānūrā ruje Diore busiyijarā Pedrore yiari.

Tubiara wiju ñagāre Pedrore Dios i bucōare gaye

⁶ Tubiara wiju surara jūarā watoje can i cūñayiju Pedro. Busuriti nābojayiju Herodes Īre sīa rotira rama. Jua ma come mana Pedro ya āmori siayijarā ina. Gājerā surara soje tu code rūgōyijarā ina. ⁷ Nājasaroti, ángel goayiju. Ito yicōri tubiara wi busu dajacoayiju. Ito yija ángel Pedrore moāyiju i yujitoni. Pedro i yujiroca, ado bajiro gotiyiju ángel:

—Cōji wamaña mu, yiyiju Pedrore.

Ito yirocati Pedrore siabojara mari, come mari quedicoayiju.

⁸ —Mu ya yutabuju sāñaña mu, ito yicōri mu ya guboco sāñaña, yiyiju ángel Pedrore.

Ī guboco sāñaroca riti:

—Mu ya cubija gūmaña. Waya, yure suya waya mu, yiyiju ángel Pedrore.

⁹ Ito ī yija tuocōri, ī bero sūya wayijū Pedro. Ito bajia, yi masia mañijū Pedrore. “Riti bajiatī iti. Burōti bajiroja gajea”, yi tuoīayijū Pedro. ¹⁰ Warā riti jua soje surara īna coderi sojeri rētayijarā īna. Susari soje come soje ñayijū. Iti soje tu īna ejaroca itimasiti janayijū iti soje. Ito bajiri budi wacōri ma īna warocati ito bajia yi masia manoti godacoayijū ángel. Ito bajiri Pedro sīgūti tujayijū īja. ¹¹ Ito bajija ticōri, “Riti bajia. Herodes yure sīame yiroca, ¿Ángel yure ī bucōtoni, cōayijari Dios?” yi tuoīayijū Pedro. “Ito bajiri judio masa yure īna ñeñaro, īna yi āmorise rētabetoja īja”, yi tuoīayijū Pedro.

¹² Iti tuoīagū riti, Juan Marcos jaco, María ya wijū ejayijū ī. Iti wijū minijuacōri masa jājarā ñayijarā, Diore busirā. ¹³ Soje tu ejacōri, “¿Ñati mua?” yiyijū Pedro. Ito ī yija tuocōri, sīgō ejabuari maso, Rode wame cutigo, soje tu eja rügācōri, tuo rügōyijo, “¿Ñimu ñati?” yiroco. ¹⁴ Ito yicōri iso janaroto riojua, Pedro oca tuo masiyijo iso. Ī oca tuo masicōri bato wanu quenacōri soje janabecoti wijū ñarāre gotigo wayijo iso:

—Macāju ñaru Pedro, yiyijo iso īnare.

¹⁵ Ito bajiro iso yija tuocōri:

—Mecugō ya mu, yiyijarā īna.

Īna ito yijare:

—Ri ya yu, yiyijo iso.

Iso ito yijare:

—Dios ñaro gagu ángel ñaguñi. Pedrore sīacōana īna, yiyijarā īna isore.

¹⁶ Ito īna yiroca riti, “¿Ñati mua, ñati mua?” yi rügōyijū Pedro, macāju. Soje janacōri, Pedrore ti ucayijarā īna. ¹⁷ Īna ucaja ticōri, īnare oca tayijū Pedro, “Yuti ña”, yiroco:

—Ado bajiro bucōami mani Ūju yure, tubiara wijū yu ñaroca, yi gotiyijū īnare. Santiagore gotiya adi. Ito yicōri mani ñarāre cuni gotiya mua, yiyijū Pedro īnare.

Ito yi budi wacōri gajeroju wayijū Pedro.

¹⁸ Iti busuja bero tubiara yi codebojana surara, Pedro ī manija ticōri, ruje bujatobisijarā īna. “¿No bajiyijari Pedro? ¿No wayijari?” yiyijarā īna. ¹⁹ Ī manija ticōri, Pedrore āma rotibojayijū Herodes. Īre bujabisijarā īna. Surarare tubiara wijū codebojanare seniīayijū Herodes. No bajiro cudi masia mañijū īnare. Ito bajiri ito codebojanareti, sīa rotiyijū Herodes īja. Ito bero Judeaju ñabojaru wacoayijū Herodes, Cesareaju ñagū wacu.

Herodes ī godare gaye

²⁰ Tiro gāna ito yicōri Sidón gānare cuni ruje junisinijū Herodes. Sidón gāna, Tiro gāna cuni canamtuocōri, Herodesre oca quenorā wayijarā īna. Ī rāca ruje oca queno āmoyijarā īna. Herodes ī ñari sita riti bare bujasoticōri, “Ī junisinija manire bare ecabitiboguñi”, yirona Herodes uju tuju oca quenorā wayijarā īna. Herodesre īna busiroto riojua, Īre ejabuari masu ñasagu, Blasto wame cutigure busiyijarā īna. Īnare jabeto ti maicōri īnare busi isiyijū Blasto. Ī busija tuocōri, ado bajiro yiyijū Herodes:

—Co rumu īnare busicuja yu, yiyijū Herodes. ²¹ Īnare ī busiroti rumu ejaroca, uju ñagū ī sāñarise yutabujuri quenarise sāñayijū Herodes. Ito yicōri uju ya cumuro ñasari cumuro eja rüjücōri, masare oca gotiyijū ī. ²² Herodes ī busija tuocōri:

—Masu meje ñami āni. Dioti ñami āni, yiyijarā masa Īre rucuborā.

²³ Ito bajiro īna busiroca riti, Dios ñaro gagu, ángel Herodes ī cōroca yiyijū. Ito bero yoa busari becoati ba sīayijarā ī ñajacure. “Busibesa mua. Jidicāña mua. Dios meje ña yu. Diore riti rucuboyua mua”, Ī yibitire waja, ito bajiro bajiyijū Ī ñajacure.

²⁴ Iti rodoti masa jājarā tuoīayijarā Dios ocare. Ito yicōri jājarā Jesure boca āmijijarā.

²⁵ Bernabé, Saulo rāca Jerusalén gānare īna āni ejarise niyeru Īsicōri, Antioquāju tūdi wayijarā īna. Juan Marcos wame cutigū īna rāca wayijū.

13

Bernabé, Saulo Dios oca īna gati ucusūore gaye

¹ Antioquāju Jesure tuorānurā rāca ñayijarā Diore goti Īsiri masa ito yicōri Ī oca riasori masa cuni. Īna ado bajiro wame cutiyijarā: Bernabé, Simón Nīgū, Lucio Cirene gagu, Manaén Galilea gagu uju Herodes rāca bucuaru, ito yicōri Saulo. Itocō ñayijarā īna. ² Mani Ūjure rucuborona minjuara wijū minijua ñayijarā īna. Ito bajiri Diore tuoīa āmorā bamena riti Īre busi ñayijarā īna. Ito bajiro īna bajiroca Espiritu Santo ado bajiro īnare gotiyijū:

—Bernabé, Saulore cuni ñasarise yure īna moa Īsitori besecu yu. Ito bajiri īnare wa rotiba gājerāre yu oca īna riasotoni, yiyijū Espiritu Santo.

³ Iti oca tuocōri bamena riti Diore busiyijarā īna maji. Ito yi, Diore busirāju Bernabé, Saulore cuni āmo jidi jeoyijarā īna, Īnare Dios Ī ejabuatonī. Ito bajiro yicōri īnare wa rotiyijarā īna. “Wasa, quenajaro”, yiyijarā īna.

Chipre wame cutiri yogaju apóstol mesa ina ware gaye

⁴ Ito bajiri Espiritu Santo i wa rotiado bajiroti Seleuciaju wayiju Saulo, Bernabé rāca. Ito ejacōri cumaju sājayijarā ina, Chipre wame cutiri yogaju warona. ⁵ Ito majado Salamina wame cutiri cuto ejayijarā ina. Ito ñacōri judio masa ina minijuasotiri wiriju Dios oca riasoyijarā ina. Juan Marcos wame cutigu ina rāca judayiju. Inare ejabuari masu ñayiju i. ⁶ Ito yoga ñari cutori jeyaro riaso ucurā wayijarā ina. Ito bajirā riti Pafos wame cutiri cuto ejayijarā ina. Ito sigū judio masu Barjesús wame cutigure ti bujayijarā ina. Cumu ñayiju i. “Diore yiari busigu ña yu”, yi ruoyiju i masare. ⁷ I cumu iti yoga uju Sergio Pablo wame cutigu rāca baba cutiyiju i. Queno tuoigā ñayiju Sergio Pabloama. Ito bajiri Dios oca tuo āmogū Bernabé, Saulore cūni ji rotiyiju i. ⁸ Cumuama Bernabé, Saulo ina tuoñaro bajiro meje tuoñayiju. I cumu griego ocana Elimas wame cutigu ñayiju i. Ito gagu uju ina busirise tuore āmobisiju cumu. Ito bajiri, “Ina busirise tuorānubesa mu”, yiyiju cumu iti cuto gagu ujure. ⁹ Ito yija Espiritu Santo ejabuarena cumure oca sēoro tijuju Saulo. Sigū ñabojaguti juaji wame cutiyiju Saulo. Gaje i wame Pablo ñayiju. ¹⁰ Cumure riti ticōri ado bajiro busiyiju i:

—Ruori masu ña mu. Ñeñaro yi jaigu ña mu. Rāmá macu ña mu. Ito yicōri jeyaro quenarisere tegu ña mu. Mani Uju Diore tegu ña mu. “Ñasarise ña”, Dios i yija, “Ñasarise meje ña”, ya mu, yiyiju Pablo cumure. ¹¹ Adocāta iti waja ñeñaro mu tuoñaroca yigu yiguñi Dios mure. Cajea tibicu ñagū ya mu. Ito yicōri yoa busari ūmacañi i asirise tibicu yigūja mu, yiyiju Pablo cumure.

Ito i yirocati i ya cajea rāitña godacoayiju cumure. Ito bajiri cajea tibicu ñari, ire tūa watoni gājire āmabojayiju i. ¹² Ito i bajija ti ucacōri Jesure tuorānusooyiju iti yoga gagu uju. “Riti ña ina gotirise”, yi tuoña rācābuoyiju i.

Antioquajū Pablo mesa ina ñare gaye

¹³ Ito ramuriti Pablo i baba mesa rāca Pafos roja ejacōri cumana Panfilia sita, Perge wame cutiri cuto wayijarā ina. Itoju ejacōri Inare cū tuđiyiju Juan, Jerusalēnju tuđi wacu mucana. ¹⁴ Ito bajibojarocati Pablo, Bernabé cūni Perge ñacōri Antioquia cutoju wayijarā, Pisidia sita tu ñari cutoju. Itona ñacōri tujacāra ramu iti ñaroca, judio masa ina minijuari wiju sāja wacōri rujiyijarā ina. ¹⁵ Itona rujiōri Dios i rotirise ito yicōri Diore goti isiri masa ina ucare busi gotija tuoñayijarā ina. Sigū i busi gotija bero, minijuara wi gāna ujarā Bernabé, Pablora ado bajiro yiyijarā:

—Yu ñarā, oca gotire gaye muare ñaja, goti ya adocāta, yiyijarā ujarā Inare.

¹⁶ Ito ina yija tuocōri, busirocu wamu rāgūyiju Pablo. “Busimenati tuoña maa”, yirocu i ya āmo wamocōri “busibesa maa”, yiyiju i. Ito yicōri ado bajiro yiyiju i Inare:

—Yu ñarā Israel sita gāna, queno tuoña maa. Gaje masa ñabojarāti Diore rācābuorā ñari queno tuoña maa cūni. ¹⁷ Dios mani rācābuogu, mani Israel sita gāna ñicusabatiare beseñi. Inare beseōri queno Inare yiñi Dios. Egipto sita gānare moa Isirā ina ñabojarocati jājarā ina bujaroca yiñi Dios. I masirisena Egipto sita gānare ina rudi masitoni Inare ina ñaroca yiñi Dios. ¹⁸ Yucu manojū jūarā masacō rodori ñayijarā ina. Itona ñacōri ñeñaro ina yibojarocati, ti usirio yibisiju Dios. Quenoti ñacōyiju. ¹⁹ Canaán wame cutiri sita gāna jua āmojeno butu gānare ruyuriyiju Dios, mani ñicusabatia ina ya sita ñabojare ina rucotoni. ²⁰ Ito bajiri mani ñicusabatia cuatrocientos cincuenta rodori ñayijarā itoju, yiyiju Pablo masare.

²¹ Samuel, Dios oca goti isiri masu i ñaroca: “Sigū gua uju āmoa gua”, yiyijarā mani ñicusabatia Diore. Ito bajiro ina yija tuocōri, Saúl, Cis macure ina uju ñarocu cūyiju Dios jūarā masacō rodoricū. Benjamín ñayoru janerābatia janamiti ñayiju Saúl. ²² Jūarā masacō rodori bero mucana uju wasoayiju Dios. Ito bajiri Saúlre bucōacōri Davidjare uju cūyiju Dios mucana. Davidre tuoña busigu, ado bajiro busiyiju Dios: “Yu tija David, Isai macu, yu robo bajiro usi cutigu ñami i. Ito bajiri yu āmoro bajiro yigu yiguñi i”, yiyiju Dios, Davidre tuoña busigu. ²³ I David ñayoru janerābatia janamiti ñañi Jesús. Jane mejeju Dios i gotiado bajiroti mani Israel sita gānare masotoni cōañi Dios Jesure. ²⁴ Jesús riojua i yagu Juan mani ñarā Israel sita gānare Dios oca riasoyiju i. Ado bajiro gotiyiju Juan ina jeyarore: “Maa ñeñaro yirisere jidicācōri idé gu rotiana ñarūja muare”, yiyiju Juan mani ñarā Israel sita gānare. ²⁵ Ito yicōri i godaroto riojua busa bajiroti ado bajiro yiyiju Juan: “Iti ñaguñi Dios i cōaru, çyire masiati maa yare? Meje ña yuama. Nocō mejeti eagu yiguñi mani yagu. I ñagū yiguñi ñasagu. Yuama meje ña. Maa robo bajiguti ña yuama. I ñagū yiguñi ñasari masu”, yiyiju Juan mani ñarāre, yiyiju Pablo, masare gotigu.

²⁶ Yu ñarā, Abraham janerābatia ña mani. Queno tuoña maa. Gaje masa ñabojarāti Diore rācābuorā ñari queno tuoña maa cūni. “No Jesure tuorānugūre masogū yiguñi Dios”, yire oca manire cōañi Dios. ²⁷ Ito bajibojarocati Jerusalén gāna ito yicōri ina ujarā cūni, “I ñami Dios Macu manire masoru”, yi masibisijarā ina. Ito yicōri co ramu tujacāra ramu ruayabeto

Dios oca goti İsiri masa İna ucare gājerā İna ti gotibojarocati tuo masibisijarā İna. Ito bajiri Jesús İ ejaja, “Dios İ cōaru ñami İ”, yi masibisijarā İna. Ito bajiri Jesure İna sġa rotija, Dios oca goti İsiri masa İna ucado bajiroti rētayijū İja. ²⁸ “Seti ña İre”, yi masimena ñabojarāti, “Sġa rotiya İre”, yirona Pilatore josayijarā İna. ²⁹ Jesure İna sġaja, Diore goti İsiri masa İna tuoİa uca yuado bajiroti rētayijū. Jesure İna sġaja bero yucutēoju ñagūre rujiyoijarā gājerā. Ito yicōri gāta gojeju İre yuyeyijarā. ³⁰ Ito bajibojarocati Dioama mūcana tūdi Jesús İ catiroca yiñi. ³¹ Galileana wacōri Jerusalénju İre baba catigoanare co rumu meje goaİoyiju Jesús. Ito bajiri İnati ñama adocāta, “Riti bajia. Tūdi caticoami Jesús”, yi masare gotirā.

³² Ito bajiri yu, Bernabé rāca oca quenarise muare goti eja gua. “Masare queno yicūja yu”, yi mani ñicusabatiare Dios İ gotiado bajiroti gotia gua muare. ³³ Mani ñicusabatiare İ gotiado bajiroti manire queno yiñi Dios. Ito bajiri mūcana tūdi Jesús İ catiroca yiñi İ. Itire gotigu ado bajiro ucañi David ñayoru, Dios oca gotigu: “Mu ña yu Macu. Adi rumu godaru mu ñabojarocati mu catiroca ya yu”, yiyiju Dios, yi ucañi David, Salmos wame cutiri tuti ucasuogu. ³⁴ “Jesús İ godaja bero mūcana tūdi İ catiroca yigu yigūja yu. Ito bajiri tūdi godabiquiji”, Dios İ yire gaye ado bajiro gotia İ oca tutiju: “Davidge yu goticādo bajiroti, queno mare yigu yigūja yu İja”, yiyiju Dios yi ucare ña papera tutiju. ³⁵ Gaje tutiju cūni ito bajiroti gotia. Tuote: “Queno yigu ñami mu Macu. Ito bajiri İ ya ruju jogabe yirocu, mūcana tūdi catiroca yigu yigūja mu”, yi ucañi David ñayoru. ³⁶ İmasi gaye tuoİagū meje ito bajiro ucañi David. Catiguju Dios İ āmoro bajiro riti yiyiju David. Ito yicōri İ ñarāre queno ejabuayiju. Ito bero co rodo meje ñacōri godañi David. Ito bajiri İ ñicusabatia tu İre yuyeyijarā İna. Itoju İ ya ruju jogadoja. ³⁷ Jesús ya rujuama jogabisija, mūcana Dios İ catiroca yijare. ³⁸ Yu ñarā tuoja mūa. Jesuna suoriti mani ñeñaro yirisere ācabojore ña. Iti gayere muare gotia gua. ³⁹ No Jesure tuorūnūgūreti İ ñeñaro yirise ācabojoguİi Dios. Moisés İ rotirise riti mani tuorūnūjama, mani ñeñaro yirise ācabojobiquiji Dios. ⁴⁰ Queno tuoİaña mūa, jane mejeju Dios oca goti İsiri masa, İna gotiado bajiroti muare rētame. Ado bajiro ucañi İna Dios oca gotirā:

⁴¹ Queno tuoja yare aja tudirā mūa. Yure tuorūnūbiticōri jeame ūjoroju warā yirāji mūa. Yu ña Dios. Mūa tiroca tiyamani İogū yigūja yu. Gājerā muare İna goti rētobubojarocati tuo masimena yirāji mūa. Ito bajiri mūa tuorūnūbitirena suori, godarā yirāji mūa, yiyiju Dios, yi ucañi İre goti İsiri masu, yi riasoyiju Pablo Antioquġa gāna masare.

⁴² Ito bajiro busi ticōri budi wayijarā Pablo mesa, judio masa İna minijuari wire. İna budi waroca iti wi minijua ñarā:

—Gaje tujacāre mūcana tuo remo āmoa gua, yiyijarā İna.

⁴³ İna minijua jidicāja bero jājarā judio masa Pablo, Bernabé cūni suayijarā. Ito yicōri jājarā judio masa İna yire tuoİa rucubūbojana cūni Pablo mesare suayijarā İna. Ito yija ado bajiro gotiyijarā Pablo mesa İnare:

—Dios queno İ yirisere rucubūo jidicābesa mūa. Ito yicōri Dios bajiro sġū robo usi cutija mūa, yiyijarā Pablo mesa İnare.

⁴⁴ Ito bero gaye tujacāre, iti cuti gāna jājarā busa minijuayijarā Dios oca tuorona. ⁴⁵ Ito bajiro jājarā masa Dios oca tuo āmorā İna ejaja ti teyijarā judio masa. Ito yicōri Pablo İ gotibojaja, gajero bajiro riti cadiyijarā İna. Ito yicōri İre aja tudiyijarā İna. ⁴⁶ Ito İna yija ticōri, buto oca sēorena busiyijarā Pablo mesa:

—Dios İ rotiro bajiro cajero İ oca muare riasosūobu yu. Ito bajibojarocati iti ocare queno tuorūnūbea mūa. Ito bajiro mūa yija, “Dios rāca catitġna āmobeja gua”, yjado bajiro bajicu. Ito bajiri adi rumari judio masa meje ñarāre Dios oca gotia gua. ⁴⁷ Ito bajiro rotitni Dios İ oca tutina. Ado bajiro gotia iti:

Judio masa meje ñarāre muare cūcu yu, yu oca mūa gotitoni. “No Jesucristore tuorūnūgūreti masogū yigūji Dios”, yi masa ñajedirore mūa goti batotoni muare cūcu yu, yi gotia Dios oca. Ito bajiro cūni Dios guare, yiyiju Pablo, masare gotigu.

⁴⁸ Iti tuocōri judio masa meje ñarā buto wanu quenayijarā. “Dios oca quenariseguti ña”, yiyijarā İna. Ito yicōri İ rāca catitġnarona İ beseana İre tuorūnūyijarā İna. ⁴⁹ Ito bajiri Dios oca tuorūnūcōri İ oca quenarise masa jeyarore goti batoyijarā İna. ⁵⁰ Ito bajibojarocati judio masama Pablo, Bernabé rāca İna tuoİaro bajiro meje tuoİa codeyijarā. Ito bajiri oca meni āmorā, iti cuti gāna ñasarāre ito yicōri Diore rucubūorā romia ñasarāre cūni gotiyijarā. Bernabé Pablore masa İna usirio coderoca yiyijarā judio masa. Ito bajiri judio masare tuorūnūcōri Pablo mesare bucōayijarā iti cuti gāna. ⁵¹ Iti cutore budi warā İna ya gubojū sita wārisere ja batecāyijarā İna. “Mūa adi cuti gāna ñeñaro yirā ña, ito yicōri seti ña muare”, yireoni ñayiju iti. Ito bajiro yicōri, Iconio wame cutiri cutoju wacoayijarā İna. ⁵² Ito İna budigoadoju Jesure tuorūnūrā queno usi cuti quenaro ñayijarā İna. Ito yicōri Espġritu Santo quedi sġaja ecoana ñayijarā İna.

14

Iconio wame cutiri cutoju Pablo mesa ina na ucure gaye

¹ Iconioju ejacōri judio masa ina minijuasotiri wiju sāja wayijarā Pablo mesa. Ito bajicōri Jesūs ocare gotiyijarā ina. Iti oca tuocōri jājarā Jesure tuorānuyijarā. Judio masa ito yicōri judio masa meje narā cuni Jesure tuorānuyijarā ina. ² Ito bajibojarocati coriarā judio masa narā Jesure tuorānūmena, judio masa meje narāre Pablo mesare ina junisinironi oca meni codeyijarā ina. Ito bajiri Pablo mesare, “Queno yirā meje nāma ina”, yi tuoīayijarā ina. ³ Ito bajiro ina yi codebojarocati Iconioju yoari nā ucuyijarā Pablo mesa. Itoju nā ucurā buto oca seōcōri, “Masare ti maicōri queno yiñi Cristo”, yire oca goti ucuyijarā ina. “Riti nā iti oca. Riojo Jesūs oca gotiama ina”, masa ina yitoni, tiyamani Pablo mesa ina ioroca yiyijū Dios. ⁴ Iti cuto gāna ricati riti tuoīayijarā. Coriarā judio masa robo bajiro tuoīayijarā. Gājerā Pablo mesa robo bajiro tuoīarā nāyijarā. ⁵ Ito yicōri judio masa, judio masa meje cuni, ujarā robo bajiro tuoīacōri Pablo mesare oca menicōri, “Inare gātana rea sīarūja mani”, yiyijarā ina. ⁶⁻⁷ Ito bajiro inare busija tuo masicōri, Licaonia sitaju rudi wayijarā Pablo mesa. Iti sitaju ejacōri Dios oca quenarise goti ucuyijarā ina. Litra wame cutiri cuto ito yicōri Derbe wame cutiri cutoju cuni goti ucuyijarā ina. Ito yicōri iti catori tu gānare cuni Dios oca goti ucuyijarā Pablo mesa.

Listra gāna Pablōre gūta ina reare gaye

⁸ Listraju sīgū rudurū nāyijū. Ito bajiro wabicū rujearu nāyijū ī. ⁹ Ito Pablo masare ī busija tuo rujiyijū rudurū. Rudurūre tijucōri, “Yure yisiogūji Dios”, yi tuoīa masigū nāmi, yi tuoīayijū Pablo. ¹⁰ Ito bajiro ado bajiro oca seoro gotiyijū ī rudurūre:

—Wumūña. Riojo rāgōña mū, yiyijū Pablo rudurūre.

Ito ī yirocaci wumū rāgū wayijū rudurū nābojarū. ¹¹ Ito bajiro bajija ticōri, ito gāna ina ocana:

—Aba, mani rūcubhorā masa ruju robo bajiro ruju cuticōri ejama mani tu, yi awasā busiyijarā ina.

¹² Bernabēre Zeus wame yiyijarā ina. “Mū nā gua rūcubhogu, jeyaro masigū”, yireoni nāyijū, “Zeus”, yire. Ito yicōri Pablo queno goti masigū nājare Hermes wame yiyijarā ina. “Gua rūcubhogu, rētoro queno goti masigū nā mū”, yireoni nāyijū, “Hermes”, yire. ¹³ Ito cuto tunimaju Zeusrē rūcubhōra wi nāyijū. Iti wi gāna inare riasori masū rāca Bernabé, Pablōre rūcubho amoyijarā ina. Ta wecuare go bedori jeocōri inare tūa wayijarā. Cuto sājara soje tu ejacōri wecuare sīa amobojayijarā, Pablo mesare rūcubhōrona. ¹⁴ Ito bajiro ina yi āmoja ti masicōri, ina ya yutabuju tūa nīgāyijarā Pablo mesa. “Nēnaro yi āmoa mūa”, yirona ito bajiro yiyijarā ina. Ito bajiro yi iocōri, masa wato oca seoro ūmajūdayijarā ina busirona:

¹⁵ —¿No yija ito bajiro yi āmoati mūa? Mūa robo bajirā, masati nā gua cuni. Dios robo bajirā meje nā gua. Mūare Dios oca quenarise gotirā wadibū gua. Mūa meni rujeoanare rūcubhōrā yiboja mūa. Ito bajiri itire jidicācōri, Dios catigūjare tuorānūña mūa. Ī nāmi adi sita, macārūcūro, ūmūari, riarī cuni menirū. Ito yicōri mani tirise, mani tibiti cuni jeyaro rujeorū nāmi. ¹⁶ Jane mejeju gāna bucūrā ina yisotiado bajiroti ina yi āmoja, inare ti tujabitibojaguti, jidicā rotibisijū Dios. ¹⁷ Diore ina rūcubhōbitibojarocati inare queno yiyijū Dios, “Ito bajiro queno yigū nāmi Dios”, ina yi masitoni. “Nāguji Dios”, mani yi masitoni manire ī queno yirise ioami Dios. Tite mūa. Ide queoami. Queno rica mani bujaroca yami. Mani yaji quenaroca yami. Ito yicōri mani ya usijū queno mani wanū quenaroca yami Dios, yiyijarā Pablo mesa inare.

¹⁸ Ito bajiro ina yibojaroca riti, wecuare sīa amobojayijarā masa Pablo mesare rūcubhōrona. Ito bajiro ina yija ticōri, “Guare rūcubhōrona wecuare sīabesa mūa”, josari yi camotayijū Pablo masare.

¹⁹ Iti rumūri judio masa Antioquia gāna ito yicōri Iconio gāna ejayijarā. Ito ejacōri iti cuto gāna Pablōre ti junisinjaro yirona, inare oca meni ejayijarā ina. Ito bajiri Pablōre gūta reayijarā masa ire sīa amōrā. “Ūsi dedicoami īja”, yi tuoīacōri cuto sōjuaju ire weja wayijarā ina. ²⁰ Ito bajiro ina yibojarocati ī tu Jesure masirā ina minijuaroca tujacoayijū Pablo. Tujacōri ina rāca cutoju tūdi wayijū ī. Gaje rumū Derbe wame cutiri cutoju wayijū Bernabé rāca.

²¹ Ito ejacōri Dios oca quenarise masare riasoyijarā ina. Ina ito bajiro gotija tuocōri, jājarā Jesure tuorānuyijarā. Ito yija bero Listraju, Antioquiaju, Iconioju tūdi wayijarā ina. ²² Iti catori ejacōri Jesure tuorānūrāre busiyijarā ina. Ito bajiro ina busija tuocōri, buto busa Jesure tuoīa oca seoyijarā ina iti catori gāna: “Diore tuorānū jidicābesa mūa. Ūmacūju ī rotiroju mani ejaroto riojuja jaje tōbūja bujatobitirā yirāji mani. Ī rotiroju mani eja āmoja, ito bajiro rētare nāroja manire”, yi goti ucuyijarā ina. ²³ Coju minijuara wi ruyabeto Jesure tuorānūrāre ūmatā nārōna bese cūyijarā ina. Diore rūcubhōrā bamena riti Diore busiyijarā ina. “Ado gāna nāma mūre tuorānūrā. Inare ejabūa masia mū”, yiyijarā Pablo mesa Diore.

Antioquiáju Pablo mesa ina tudi ware gaye

²⁴ Ito bajiro ina yija bero Pisidia wame cutiri sita rêta wacōri Panfilia sitaju ejayijarā ina. ²⁵ Perge wame cutiri cuto Dios oca goti t̄ocōri, Atalia wame cutiri cutoju wayijarā ina. Riaca jajosa t̄anima ñayiju iti cuto. ²⁶ Ito cumana j̄ea wacōri Siria sitaju Antioquia wame cutiri cutoju wayijarā ina. Antioquia ñayiju cajero ina wasuoado. Itijuti Dios oca ina goti ucuroto riojua, “Mu ñare moare c̄uado bajiro riti ina moa masitoni ñare ejabuaya”, yiyijarā Jesure tuor̄anurā Diore. Ito bajiri ina rotiado bajiroti moa ucu t̄iorā Antioquiáju t̄udi ejayijarā ina mucana Pablo mesa. ²⁷ Itoju Antioquiáju t̄udi ejacōri Jesure tuor̄anurāre miojuyijarā ina mucana. Ito yicōri jeyaro Dios ī ejabuare gaye gotiyijarā ina:

—Queno ejabuauñi Dios guare. Ito bajiri judio masa meje ñarā cuni Dios oca quenarise tuocōri, Jesure tuor̄anurāma ina, yi gotiyijarā ina. ²⁸ Itoju Jesure tuor̄anurā rāca yoari ñayijarā Pablo mesa.

15*Jerusalénju ina minijuare gaye*

¹ Iti rodoriti Antioquiáju ejayijarā Judea sita gāna. Ito ejacōri Jesure tuor̄anurāre judio masa ina yisotirere riasoyijarā ina:

—Jane mejeju Moisés ñayoru ī rotiado bajiro wirowa m̄ua tabeja, muare masobiq̄uji Dios, yiyijarā ina. ² Ina ito yija tuo tubaticōri ruje gāmeri busi tuoayijarā Pablo mesa ina rāca. Ito bajiri, “r̄riti ñati?” yirona Pablo mesare Jerusalénju cōayijarā Jesure tuor̄anurā:

—Itoju ejacōri Jesús ī cūana rāca ito yicōri Jesure tuor̄anurāre ūmatā ñarā rāca cuni busiba m̄ua. Riti iti ñaja, tuoba. Wasa. Quenajaro, yiyijarā itiju gāna Jesure tuor̄anurā.

³ Ito ina yija tuocōri, Jerusalénju wasuoyijarā Pablo mesa. Jerusalénju warā Fenicia sita, Samaria sita cuni Dios oca riaso rêta wayijarā ina, iti catori gāna. “Gua riasoja, judio masa meje ñarā, ñeñaro ina yirise jidicacōri Diore tuor̄anurācā ina. Manire bajiroti Diore tuor̄anurācā ina cuni”, yiyijarā Pablo mesa ñare. Ito bajiro ina yija tuocōri, buto wanu quenayijarā Jesure tuor̄anurā.

⁴ Jerusalénju ina ejaroca queno wanu quenare rāca ñare boca āmijijarā Jesús ī cūana, Jesure tuor̄anurāre ūmatā ñarā ito yicōri Jesure tuor̄anurā ñarocōti. Masa ina seniñaja bero, “Judio masa, judio masa meje ñarāre cuni gua riasoja, guare queno ejabuani Dios”, yi gotiyijarā Pablo mesa. ⁵ Ito bajiro ina yija tuocōri, coriarā fariseo gaye tuoīagoana Jesure tuor̄anurā busirona wanu r̄aḡuyijarā:

—Mani masa meje ñarā Jesure ina tuor̄anurā, mani yisotiro bajiro ina yire āmoa gua. Moisés ī rotire gaye cudirujama ina, ito yicōri wirowa tarujama ina, yiyijarā fariseo gaye tuoīagoana ito gānare.

⁶ Ito yija Jesús ī cūana, Jesure tuor̄anurāre ūmatā ñarā cuni minijuayijarā iti oca bajirisere tuoīa busirona. ⁷ Yoari ina gāmeri busija bero busiroca wanu r̄aḡuyiju Pedro:

—Yu ñarā queno tuoja m̄ua. M̄ua rāca ñaḡure yare beseñi Dios, judio masa meje cuni ī masore oca yu gotitoni. Ito bajiro beseñi Dios yare, Jesure ina tuor̄anurātoni. Iti gayere queno masia m̄ua. ⁸ Dios ñami masa ina tuoīarisere masigū. Judio masa meje ñarā ina ñama yu ñarā, yiroca ñare Espiritu Santo queo sāñi Dios, manire ī queo sādo bajiroti. ⁹ Manire ī ti maior bajiroti ñare cuni ti maiami Dios. Jesure ina tuor̄anurā ina ñeñaro yirisere ācabojoñi Dios ñare, manire ī ācabojoado bajiroti. ¹⁰ Dios ī gotirisere queno tuor̄anurābea m̄ua. Ito bajiri Moisés ñayoru ī rotirisejuare cudijaro ina yirona, Jesure masisuor̄are buto josa m̄ua. Moisés ī rotirisere ñarocōti yiro robo bajiro cudi jeobisi mani ñic̄usabatia cuni. Ito bajiri mani cuni jeyaro ī rotigore cudi jeoado ma. “Mani ñic̄usabatia bajiro ḡajerā ina cudibeja, Jesure masirā meje ñama ina”, yi tuoīaboja m̄ua. ¹¹ Ado bajirojua baja: Manire ti maicōri manire goda īsifi Jesucristo. Ito bajiri ĩre mani tuor̄anurā ticōri, manire manre masoñi Dios. Ito bajiroti Jesure ina tuor̄anurā ticōri judio masa meje ñarāre cuni masoñi Dios, yiyiju Pedro ñare.

¹² Ito ī yija tuocōri, busimenati Pablo, Bernabé ina busija queno tuoijarā ina ĩja: “Dios ī ejabuarisena judio masa meje ñarāre jaje tiyamani ĩocu gua”, yiyijarā Pablo mesa. ¹³ Ina busi t̄oja bero Santiago wame cutigu ado bajiro yiyiju:

—Yu busirisere queno tuoja yu ñarā m̄ua. ¹⁴ ĩju ado bajiro gotimi Simón Pedro manire: “Judio masa meje ñarāre cuni queno yiñi Dios. Ito bajiri ñare besecōri ī ñarā ñaroca yiñi Dios”, yi gotimi Pedro manire. ¹⁵ Ito bajiroti yi ucayijarā Diore goti ĩsiri masa jane mejeju. Iti oca ado bajiro gotia:

¹⁶⁻¹⁸ Jane mejeju David ñayoru bero gāna masa ujarā ina ñarise susayiju. Ito bajiri ija Davide yu goticādo bajiroti yicuja yu. Sīgū ī janerābatia macure uju ñaroca cūgū yiguja yu. Ito bajiro yu cūja bero judio masa meje ñarā cuni yare r̄ac̄uborā yirāji ina. Yu ñarā ñaroca yigu yiguja yu ñare, yi gotiami mani ũju Dios, yi ucañi Diore goti ĩsiri masa, yi gotiyiju Santiago ñare.

¹⁹ Ito bajiro ado bajiro tuoŋa yu, yiyiju i mucana: Mani masa meje ñarã Diore ña tuorãnuja, usirioro ñare yi codebitiruja mani. Ito yicõri jaje rotire gaye rotibitiruja manire. ²⁰ Ado bajiro paperana mani goti ucaja quena ñare: “Ña meni rujeoru ruja robo bajiro meni rujeocõri ña ecabojarisere babitiruja mua. Muamasiti mua ya ruju ñeñaro iti tuoŋaro bajiroti ñeñaro yibesa. Amuma wãñiatanare babesa. Baroto riojua rí cõaja quena. Ito yicõri rí idibeja quena”, yi mani goti ucaja quena. ²¹ Ito bajiro riti coji tujacãre ruyabeto Moisés ñayoru i rotire gaye riasore ña, mani masa minijuari wija. Ito bajiro riasotiyijarã ña jane mejeju co cuto ruyabeto, yiyiju Santiago.

Judio masa meje ñarãre ña papera cõare gaye

²² Ito i yija tuocõri, Jesús i cõana, Jesure tuorãnurãre ñmatã ñarã, ito yicõri Jesure tuorãnurã jeyaro ado bajiro yiyijarã: “Santiago i yiro bajiroti yiana mani. Ito bajiro coriarã mani rãca gãna beseruja mani, Pablo mesa rãca adi papera ña ãmi watoni”, yiyijarã ña. Ito bajiri Judas Barsabás wame cutigu ito yicõri Silas wame cutigure beseyijarã ña Antioquiaju Pablo mesare baba cuti warona. “Ña ñama rucubuoana”, yi tuoŋacõri ñare beseyijarã ña. ²³ Ito bajiro besecõri Antioquiaju ãmi warotire ñare papera isiyijarã ña. Ado bajiro yi gotiyiju iti papera:

“Gua Jesús i cõana, Jesure tuorãnurãre ñmatã ñarã, ito yicõri Jesure tuorãnurã jeyaro adi papera cõa gua. ¿Ñati mua Antioquia gãna, Siria sita gãna ito yicõri Cilicia sita gãna ñati mua cuni? Jesure tuorãnurã mua ñajare, judio masa meje mua ñabojarocati, sigũ rĩare bajiro bajirã ña mani. ²⁴ Ado bajiro oca tuocu gua. Coriarã ado gãna mua tu ejaçõri usirioro yiñi ña. Ñare cõabiticu gua. Riojo gotimenati mua tuoŋarise wisaroca yiñi ña. ‘Ûmugũre mua wirotabeja, ito yicõri Moisés ñayoru i rotire gaye mua cudi jeobeja, Jesure tuorãnurã meje ña mua’, yi tuoŋi ña muare. Ito bajiro ña gotibojarocati, ‘Itire gotitẽña mua’, yi cõabiticu gua mua tujũ ñare. ²⁵ Ito bajiri sigũre bajiro tuoŋacõri busironare besecõri cõamu gua mua tu. Gua mairã Pablo, Bernabé rãca baba cuti wa rotibu gua ñare. ²⁶ Mani Uju Jesure cudirona i ocare goti ucuyijarã ña. Gãjerã ña sia amobojarocati Jesús ocare goti tarojobisijarã ña. ²⁷ Ito bajiri muare gotironare Judas, Silasre cuni muare cõa gua. Ñamasiti gua ucarisere goti jeorã yirãji ña muare. ²⁸ Espiritu Santo bajiro tuoŋacõri jaje roti masibea gua muare. Ito bajiri adi gua ucaro bajiro riti muare rotia gua. ²⁹ Ña meni rujeorure ña ecabojarisere babesa mua. Rĩre cuni idibesa. Amuma wãñiatanare babesa. Baroto riojua rí cõaja quena. Ito yicõri muamasiti mua ya ruju ñeñaro iti tuoŋaro bajiroti ñeñaro yibesa. Gua rotiro robo mua cudija, ñaro bajiro cudirã yirãji mua. Itocõ oca goti uca gua muare. Queno ñaña mua”, yi ucañi ña.

³⁰ Ito yi ucaja bero iti papera ãmi wa rotiyijarã ña. ãmi wacõri Antioquiaju ejaçõri Jesure masirãre mioyujarã ña. Ito yicõri ña minijuaja bero papera ñare isiyijarã ña. ³¹ Ito papera ticõri buto wanu quenayijarã ña ito gãna. Oca riojo gotire gaye iti ñaja wanu quenayijarã ña. ³² Ito yija Judas, Silas cuni Dios oca goti isiri masa ñari ito gãna Jesure tuorãnurãre jaje Dios oca goti masioyijarã ña. Ito oca tuocõri buto busa Diore tuo oca seoyijarã ña. ³³ Udia rumu berocõti Jesure tuorãnurã rãca ñacõri ware tuoŋayijarã ña. “Guare cõacãna tujũ tũdi warã ya gua mucana”, yiyijarã ña. “Queno waja mua. Quenajaro muare cõana”, yiyijarã ña ito gãna Jesure tuorãnurã. ³⁴ Ito ña yibojarocati, “Ado tujacũja yuama”, yi tuoŋayiju Silas. ³⁵ Pablo mesa cuni, Antioquiaju tujayijarã. Ito gãnare riasoyijarã ña, gãjerã Jesure tuorãnurã rãca. Dios oca goti tarojobisijarã ña.

Tũdi mucana Pablo Dios oca i goti ucure gaye

³⁶ Ito yija co rumu ado bajiro yiyiju Pablo Bernabé:

—Dios oca mani goti ucure cutoriju mucana tũdi ti ucureja mani. Jesure tuorãnurã no bajiro ña bajija tito mani, yiyiju Pablo Bernabé.

³⁷ Ña rãca warocu Juan Marcosre ji amobojayiju Bernabé. ³⁸ Ito bajiro i yibojarocati, Pablojuama amobisiju. Panfiliaju ña ñaroca Dios oca goti tarojoyiju Juan Marcos. Ito yicõri Jerusalénju tũdi wayiju i. Ito bajiri mucana ñre ji amobisiju Pablo. ³⁹ Yoari itire tuoŋa gãmeri busiyijarã ña. Ito bajibojarocati sigũre bajiro tuoŋa masibisijarã ña. Ito bajiri batacõri ricati riti wayijarã ña. Ito bajiri Juan Marcosre ãmi wayiju Bernabé. Cuma sãjacõri, Chipre wame cutiri yogaju jã wayijarã ña. ⁴⁰ Pablojuama Silasre baba cutiyiju i rãca warocu. Itoju ña waroto riojua Dios ña rãca ñatoni Diore seniyijarã Jesure tuorãnurã itoju gãna. Ito yija bero ware goticõri wasuoyijarã Pablo mesa. ⁴¹ Ito warãju Siria sita, Cilicia sitaju cuni Dios oca goti rãta wayijarã ña. Ito bajiri Jesure tuorãnurã rãca busicõri buto busa Jesure ña tuorãnu oca seoroca yiyijarã Pablo mesa.

¹ Itona wacōri Pablo mesa Derbe, Listra wame cutiri cutoriju ejayijarā ina. Itoju ejacōri Jesure tuorānugāre bujayijarā ina. Timoteo wame cutiyiju ī. Ī jaco judio masa űayijo Jesure tuorānugō. Ito yicōri ī jacu griego masu űayiju. ² Listra gāna, ito yicōri Iconio gāna Jesure tuorānūrā queno tuoīa busiyijarā ina Timoteore. ³ Iti masicōri Timoteo ina rāca ware āmoyiju Pablo. Ito bajiri Timoteore wiro tayiju Pablo. Ī wiro tabeja judio masare tegu robo bajiro bajiguīji yirocu, tayiju Pablo Timoteore. “Griego masu űami ī. Ito bajiri wiro taya macu űami ī”, yi masiyijarā judio masa Timoteore. “Manire tegu wiro taya macu űami”, judio masa ina yibe yirocu, Timoteore wiro tayiju Pablo. ⁴ Listraju ina űaja bero gaje cutoriju wayijarā ina. Ito yicōri Timoteo ina rāca baba cuti wayiju. Iti cutoriju Dios oca goti rēta wayijarā ina Jesure tuorānūrā ina cuditoni. Jerusalēn gāna apōstol mesa ito yicōri Jesure tuorānūrāre űmatā űarā, “Gotiba”, Ina yiado bajiroti co cuto ruyabeto riaso rēta wayijarā ina. ⁵ Ina ito yija tuocōri, Jesure tuorānūrā buto busa Jesure tuorānu oca sēoyijarā, ito yicōri Jesure tuorānu jidicābisijarā ina. Ito beroca rāmuri Jesure masirā jājarā busa űa wayijarā ina.

Cāriju Pablo Macedonia gagure ī tire gaye

⁶ “Asiaju mani goti ucure āmobeami Espiritu Santo”, yi masicōri itoju wabisijarā ina. Ito bajiri Frigia, Galacia sitaju rēta wayijarā Pablo mesa. ⁷ Ito rēta wacōri Misia sita susariju ejayijarā ina. Itijuna Bitinia sitaju ware tuoīabojayijarā ina. Ito bajibojarocati Espiritu Santo itoju cōabisiju ınare. ⁸ Misia sita rēta wacōri Troas wame cutiri cutore roja ejayijarā ina. ⁹ Iti cuto ejacōri iti űami cāitiyiju Pablo. Ado bajiro cāitiyiju ī: Sīgū Macedonia gagu ī tu rügōja tiyiju ī. “Adoju Macedoniaju waya. Guare ejabuagu waya”, yiyiju ī Macedonia gagu Pablora. ¹⁰ “Ito bajiro cāitibu yu”, Pablo ī yija tuocōri, “Macedoniaju ī oca riasore āmoami Dios”, yicu gua. Ito bajiri warona gua ye seocu gua. Yu adi papera tuti ucari masu, wacu ina rāca.

Filipos cutoju Pablo mesa ina űa ucure gaye

¹¹ Troasna cumana wacu gua. Riojoti Samotracia wame cutiri yogaju wacu gua. Gaje rāmu Neāpolis ejacu gua. ¹² Itijuna Filiposju wacu gua. Romano masa meni rujeocōri ina űari cuto űayiju iti cuto. Macedonia sitaju űasari cuto űayiju iti cuto. Yoari űacu gua jabeto iti cutore. ¹³ Co rāmu tujacāra rāmu űaroca cuto sōjuā riacaju ejacu gua. “Iti cuto gāna Diore ina busisotiriju űaraja”, yire masicu gua. Ito ejacōri rujicu gua. Ito rujicōri romia ito minijua űarāre Jesús oca goticu gua. ¹⁴ Sīgō ina rāca gago Lidia wame cutigo űacō. Tiatira wame cutiri cuto gago űacō iso. Iso űacō saya quenarise sūa űirise ısiri maso. Iso romio Diore maigō tuo rujicō Pablo ī busija. Pablo ī busirisere iso queno tuo masitoni isore ejabuāfi Dios. Ito bajiri Pablo ī busirisere queno tuo űiacō iso. ¹⁵ Jesure iso tuorānuja ticōri, isore idé gucu gua ito yicōri iso űarāre cūni. Ito yija bero ado bajiro guare basicō iso:

—“Riti Jesure tuorānugō űamo”, mua yija, yu ya wiju waya, yicō iso guare.

Iso ito bajiro yija, iso ya wiju tujarā wacu gua.

¹⁶ Co rāmu Diore masa ina busisotiriju wacu gua. Itoju warā mamore ti bujaju gua. Rāmū sāñagō űaűi iso. Ito bajiro rāmū sāñagō űari ijariju bajirotire goti masiyijo iso. Ito bajiri iso ujarā niyeru jairo bujayijarā, ija gaye bajirotire iso goti masigō iso űajare. ¹⁷ Iso romio guare űma suyacōri ado bajiro awasācō iso:

—Āna űmua Dios űmacūju gagure cudirā űama. Jesure mua tuorānuja, masoana űarā yirāji, yi gotiama ina muare, yi awasācō iso masa jeyarore.

¹⁸ Co rāmu meje guare awasā suyacō iso. Ito bajiro usirioro iso yija tuocōri, quenabisiju Pablora. Ito bajiri juda rügōcōri isore rāmū sāñagūre ado bajiro yiquī Pablo:

—Jesucristo masirisena isore mare budigo rotia yu, yiquī Pablo rāmure.

Ito ī yirocati rāmū budigocoaguī isore.

¹⁹ Isore rāmū budigoja bero, ijariju bajirotire goti masibiticō iso ıja. Iso ito bajija ticōri, “ıuaji niyeru bujado ma mani”, yi tuoīacā iso ujarā. Ito bajiri Pablo, Silasre junisinicā ina. Ito bajiri ınare űiacōri cuto gudareco űasariju ujarā riojo āmi wacā ina. ²⁰ Ujarā riojo āmi ejacōri ado bajiro yiyijarā ina:

—Āna judio masa mani cuto gānare oca riawuso ucurā yama ina. ²¹ ına riasorise mani romano masa mani yisotirise bajiro meje baja ınare. Ito bajiri ina riasorise ina yiro bajiro yibitiruja mani, yicā ina, ina ujarāre.

²² Ito ina yija tuocōri, Pablo mesare buto junisinicā masa cūni. Ito bajiri ınare yutabujuri ruacā roticā iti cuto ujarā. Ito yicōri ınare baje roticā. ²³ Ito bero buto ınare bajecōri, tubiara wiju cū roticā ina. Ito yicōri tubiara wi coderi masure cōacā ina. “Queno ınare tirānuña”, yicā. ²⁴ Ito bajiro ujarā ina yija tuocōri, ina tubiasotiriju sōjuā busa űari sōa budi masia maniju ınare cūyiju ī. Ito yicōri ina ya gubori yucu jāina siatu cūyiju ī.

²⁵ Ito ī yibojarocati Pablo, Silas rāca Diore basicōri űami gudareco basayijarā. Gājerā ito tubiara wiju űarā ina basaja tuo űayijarā. ²⁶ űajasaroti sita uerise ejayiju. Ito yicōri tubiara wi cadayiju. Iti ito bajiroca riti sojeri jana jedicoayiju. Ito bajicōri tubiara wiju űarāre come

mari oĵo jedicoayiju. ²⁷ Ito bajijare tubiara wi coderi masu yuyijiju. Iti sojeri susu jedija ticōri, “Tubiara wi űarā wa jedicoana”, yire masiyiju ĩ. Ito bajiri ĩ ya sarera ĵai ruayiju ĩmasi sĳa godaroca yibojayiju ĩ. ²⁸ Ito bajiro ĩ yirocati Pablo ado bajiro yiyiju ĩre:

—Mamasiti sĳa godabesa. Ado űajedicōa gua, yiyiju Pablo ĩre.

²⁹ Ito yija busurise seniyiju tubiara wi coderi masu. Ito yicōri Pablo mesa tu űmaquedi sĳa wayiju ĩ. Buto nuruoyiju ĩ gũgu. Ito yicōri ĩna riojo rijomunigāna ıini rűjuyiju ĩ. ³⁰ Ito yija bero ĩnare wioocoōri, ado bajiro ĩnare senĳayiju ĩ:

—ĴNo bajiro yirujati yu, Dios yure ĩ masotoni? yiyiju ĩ Pablo mesare.

³¹ Ito bajiro ĩ yija, ado bajiro cudiyijarā ĩnaju:

—Mani űju Jesucristore mu tuorānuja, mre masogũ yiguĳi Dios, ito yicōri mu űarāre cuni masogũ yiguĳi ĩ, yiyijarā ĩna tubiara wi coderi masure.

³² Ito yicōri mani űju Jesucristo oca busiyijarā ĩna ĩre. ĩ ya wi gānare cuni goti jeoyijarā ĩna.

³³ Iti űami űaroca riti maji, ĩna bajere camire coeyiju tubiara wi coderi masu Pablo mesare. ĩnare ito bajiro ĩ yija bero ĩmasi ito yicōri ĩ űarāre idé gu rotiyiju ĩ Pablo mesare. Ito bajiri Jesure ĩna tuorānuja ticōri, ĩnare idé guyijarā Pablo mesa ĳa. ³⁴ Ito yija bero ĩ ya wiju Pablo mesare āmi wayiju ĩ. Ito yicōri ĩnare bare ecayiju ĩ. “Diore tuorānugũ űa yu ĳa”, yi masicōri ĩ űarā rāca buto wanu quenayiju ĩ.

³⁵ Busuri ito cuto gāna ujarā, poreciare cōayijarā, tubiara wi coderi masure, “ĩnare bucōaıa mu”, yirona. ³⁶ Ito yija tubiara wi coderi masu ado bajiro yiyiju Pablore:

—űjarā ĩna rotiro bajiroti mreare bucōare űa yure. Ito bajiri űe godo manoti budi wasa mu.

³⁷ Ito bajiro ĩ yija tuocōri, Pablo ado bajiro gotiyiju porecia mesare:

—űe guare seti manibojarocati adi cuto gāna ujarā mesa riojo guare bajecā ĩna. Ito yicōri adi wi tubiara wi guare cūcā ĩna. Roma gāna gua űabojarocati guare tubiacā ĩna. Ito bajiri adocāta masa ĩna masibetoti guare bucōa āmobjama ĩna. Ito bajiro meje bajiro yiroja. ĩnamasiti guare bucōarā wadijaro, yiyiju Pablo porecia mesare.

³⁸ Ito ĩ yija tuocōri, ujarāre gotirā wayijarā porecia mesa. Ito bajiro porecia ĩna gotija tuocōri, roma gānati Pablo mesa ĩna űaja, tuo masicōri tuo gűiyijarā ujarā. ³⁹ Ito bajiri Pablo mesa tuju oca quenorā wayijarā ujarā. ĩna ito yija bero, ĩnare āmi bucōayijarā ĩna. Gaje cutoju ĩna watoni ĩnare gotiyijarā ĩna. ⁴⁰ Tubiara wire budigocōri Lidia ya wiju wayijarā ĩna Pablo mesa. Ito ejacōri Jesure tuorānurāre miojuyijarā ĩna, Jesús oca gotirona. Iti oca tuocōri buto busa Jesure tuorānu oca seoroca yiyijarā ĩna. ĩna ito yija bero gaje cuto wayijarā ĩna ĳa.

17

Tesalónica cutoju oca rujeare gaye

¹ Filiposjare budi wagocōri, Anfĳopolis ito yicōri Apolonia rēta wayijarā ĩna Pablo mesa. Ito bero Tesalónica wame cutiri cutoju ejayijarā ĩna. Iti cutoju judio masa ĩna minijuari wi űayiju.

² Pablo ĩ yisotiro bajiro yigu ĩna minijuara wiju wayiju. Ito yicōri uĳiaji tujacāre ĩnare Dios oca gotiyiju ito miniju űarāre. Diore goti ĩsiri masa ado bajiro yi ucaıi ĩna, yi gotiyiju Pablo masare:

³ —Cristo Dios ĩ cōaru űeıaro tōbujagu yiguĳi. Ito yicōri godagu yiguĳi. Godabojaguti mucana tadi catigu yiguĳi ĩ, yi ucaıi Diore goti ĩsiri masa. ĩna tuoĳa ucaru, ĩti űami Jesucristo Dios ĩ cōaru, yiyiju Pablo ĩnare.

⁴ Ito ĩ yija tuocōri, coriarā judio masa Jesure tuorānujijarā ĳa. Ito bajiri Pablo, Silas bajiroti sigũ bajiro riti tuoĳayijarā ĩna ĳa. Ĵjarā griego masa Diore rucuborā ĩ gotija tuocōri, Jesure tuorānujijarā ĩna ĳa. Iti cuto gāna romia űasari masa Jesure tuorānujijarā ĩna cuni.

⁵ Pablo mesare ĳjarā masa ĩna cudija ti masicōri, judio masa Jesure tuorānumena Pablo mesare ti teyijarā. Ito bajiri ito cuto gāna rojorā, űeıaro yirāre cuni miojuyijarā ĩna. “Adi cuto gānare oca meniıa mu, Pablo mesare ĩna junisintoni”, yiyijarā judio masa ĩnare. Ito bajiro yicōri Jasón ya wiju Pablo mesare āmarā wayijarā ĩna. ĩnare bucōacōri masare ĩsi āmobjayijarā ĩna. ⁶ ĩnare bujabiti warā ito wi gagu Jasónre ito yicōri Jesure tuorānurāre ujarā tuju āmi wayijarā ĩna. Ado bajiro ujarāre awasā gotiyijarā ĩna:

—Āna āmu gaje cutoriju oca riawuso ucuana űama. Mucana mani ya cutore oca riawusorona ejama ĩna. ⁷ Āni Jasón ĩ ya wiju ĩnare boca āmiıi. Mani űju César, ĩ rotirise cudirā meje ıama ĩna. Sigũ Jesús wame cutigure, “ĩ űami űju űasagu”, yama āna, yiyijarā rojorā űeıaro yiri masa ujarāre.

⁸ Iti oca tuocōri ito cuto gāna ujarā ito yicōri ito cuto űari masa jeyaro junisini awasāyijarā. ⁹ “Gua mreare bucōare āmoja, guare waja yiya mu”, yiyijarā ĩna Jasón mesare. Ito bajiri Jasón mesa ujarāre waja yiyijarā budirona.

Pablo mesa Bereaju ña ña ucure gaye

¹⁰ Iti rãiorocati ito gãna Jesure tuorãnurã Pablo mesare Berea wame cutiri cutoju wa rotijijarã ña. Ito ejaçõri judio masa ña minijuari wiju wayijarã Pablo mesa. ¹¹ Ito Berea gãna Tesalónica gãna masa rêto busaro Pablo mesare queno yijijarã. Pablo Dios oca ï gotija queno wanu quenaro tuoyijarã ña. Ito bajiri, “¿Dios oca riti gotiati Pablo?” yirona Dios oca tisetoyijarã ña. ¹² “Riti gotiami”, yi masicõri jãjarã Jesure tuorãnyijarã ña. Jãjarã griego masa Jesure tuorãnyijarã. Ña rãca gãna romia ñasarã cuni queno Jesure tuorãnyijarã. ¹³ “Bereaju Dios oca gotigu yiguji Pablo”, yire oca tuoyijarã Tesalónica gãna judio masa. Itire tuocõri junisiniyijarã ña. Ito bajiri itoju wacõri masare oca riawusoyijarã ña. ¹⁴ Ña ito yija ticõri, Pablora baba cuti warona rãca, “Wasa”, yijijarã ito gãna Jesure tuorãnurã. “Coji riaca jajosa roja ejadoju wasa mua”, yijijarã. Silas, Timoteo rãca tujayijarã. Ña rãca ito wabisijarã. ¹⁵ Riaca jajosa roja ejaçõri cumana ãmi wayijarã ña Pablora. Atenas wame cutiri cutoju ñe ãmi wayijarã ña. Itoju ñe cã tuocõri Bereaju tãdi wayijarã ña mucana. Ñanati oca cõayiju Pablo, “Silas, Timoteo ejori busati wadjaro”, yiroca.

Atenasju Pablo ï ña ucure gaye

¹⁶ Atenasju Silas, Timoteore yu ñagũju iti cãtore ti ucugũ wayiju ï. Iti cãtori gãna meni rujeocõri ña rãcubõrisere jaje ticõri bujatobisiju Pablo. ¹⁷ Ito bajiri minijuara wiju judio masare busiyiju Pablo, ito yicõri judio masa robo bajiro tuoãrãre cuni busiyiju ï. Ito bajiri co rumu ruyabeto cãto gudareco wa ucurãre Dios oca gotiyiju Pablo. ¹⁸ Ito gãna epicũreos oca riasotiri masa ito yicõri estoicos oca riasotiri masa cuni ruje Pablo rãca busiyijarã. Ñare Jesús oca gotiyiju Pablo. Ito yicõri Jesús godabojaguti mucana tãdi ï catire gayere cuni gotiyiju. Ito bajiri coriarã ado bajiro yijijarã:

—¿Ñe gaye gotiroca ito bajiro busimucatiati ãni? yijijarã ña.

Gãjerãma:

—Gaje cãto gãna ña rãcubõrisere busiguji gajea, yijijarã ña. ¹⁹ Ito yija, “Areópago wame cutiriju ita busito”, yi wayijarã ña Pablora. Itiju minijua ñarã ujarã ado bajiro yijijarã ña:

—Oca mame mu gotire tuo ãmoa gua, yijijarã Pablora. ²⁰ Gua tuoãbati oca riasoa mu. Ito bajiri mu gotire tuo ãmoa gua. ¿No bajiro yireoni riasoati mu? Gotiya maji guare, yijijarã ña ñe.

²¹ Atenas gãna ito yicõri iti cãto ña ijari masa oca gaje mame riti tuoã busiyijarã ña. Ito bajiri Pablo mame oca ï gotija tuo ãmoyijarã ña.

²² Ito bajiri ña wato wamu rãgũcõri Areópago wame cutiriju ado bajiro gotiyiju Pablo ñare: —Tuoya Atenas gãna ñari masa mua. Meni rujeocõri mua rãcubõrisere queno mua rãcubõroja tia yu. ²³ Rãcubõrã mua minijuasotirijuri ito ti ucugũju ado bajiro ucure coju ti bujaca yu, “Ado ña Dios tiya macure rãcubõrãju”, yicu itiju. Ñni Dios masibitiborãti mua rãcubõrojure iti ñami Dios muare yu busigu, yi gotiyiju Pablo ñare.

²⁴ Dios adi sita, adi macãrucãro jeyaro ñarotire rujeoru, ñti ñami adi sita, adi macãrucãro jeyaro rucogu. Ito bajiri rãcubõrona masa ña meniru meje ñami ï. ²⁵ Ñeju ruyabea ñe. Mani ñe meni ñi ãmobarise ñacãroja ñe. Ñe ruyabetoja. Ñ ñami mani catirise jeyaro ñisigũ.

²⁶ Cãjoroju ãmugũ sãgũreti menisoyiju Dios. Ña suoriti jãjarã masa buturi gãna meniñi Dios. Adi macãrucãro ña ña batatoni jeyaro batoyiju Dios. Ñ ñami, “Itocõ rujearã yirãji, adi sita gãna ñarã yirãji, ito yicõri itocõ catirã yirãji ña”, yiri masu. ²⁷ Jeyaro meniñi Dios, itire ticõri mani ñe rãcubõtoni. Riojo gotisajama, sõju mejeti ñami Dios. Mani rãcati ñami. ²⁸ Mua ñarã papera menirã ado bajiro yi ucafi: “Diona suoriti catirã moa masia mani. Ñ manija ñamenaji mani cuni. Ñ rã ña ña mani”, yi ucafi mua ñarã. ²⁹ “Ñti ñami Dios”, yi tuoãrã, gũtana, orona, plata wame cutirisenã cuni ña rãcubõrojure meni rujeorã yirãji masa. Maniama Dios rã ñacõri, “Ito bajiro bajiguti ñami Dios”, yi tuoãbitirujã manire. ³⁰ “Ado bajiro ãmoami Dios”, masa ña yi masiroto riojuaju ñare waja senibisiju Dios maji. Bajibeã adi rumuri. Ito bajiri adocãta jeyaro ñeñaro mani yirise jidicã rotiami Dios manire. ³¹ Ija masa ña ñeñaro yirise waja ï senirotire masicãmi Dios. Queno yigu ñari ña yigorecõti waja senigũ yiguji ï. Ito yicõri, ï beserãna suoriti masare waja senigũ yiguji Dios. “Cristo ñami Dios ï beserã”, mani yitoni ï godaja bero mucana tãdi ï catiroca yifi Dios, yijiju Pablo ñare.

³² Mucana tãdi catire gaye tuocõri coriarã Pablora aja tudiyijarã. Ito bajibojarocati gãjerãjuama ado bajiro yijijarã:

—Mucana tãdi mu itire busija, tuo ãmoa gua, yijijarã ña Pablora.

³³ Ito yicõri ña minijua ñariju budigoyiju Pablo. ³⁴ Coriarã ñe bajiro tuoãcõri Jesure tuorãnyijarã ña. Ña rãca gagu sigũ Dionisio wame cutigu ñayiju. Ñ Areópagoju minijuasotirã rãca gagu ñayiju. Sigõ Dãmaris wame cutigo cuni Jesure tuorãnyijajo. Ito yicõri gãjerã cuni Jesure tuorãnyijarã.

18

Corintoju Pablo ĩ ña ucure gaye

¹ Ito ĩ bajija bero Atenas wame cutiri cutore wacoayiju Pablo ĩja, Corinto wame cutiri cutoju wacu. ² Ito ejacōri sīgū judio masare Aquila, Ponto gagure ti bujayijū Pablo. Aquila ĩ manajo Priscila rāca Italia sitana wacōri Pablo riojuā Corintoju ejayijarā ĩna. Roma gagu uju Claudio wame cutigu Italia sitaju judio masa ĩna ñare āmobicu, ĩnare bucōayiju. Ito bajiri Corintoju ñarā wayijarā ĩna Aquila ĩ manajo rāca. Ito ĩna ñaroca riti Pablo ejayiju ĩnare tigu. ³ Pablo bajiroti saya webutirise gayere wiri menyiju Aquila ĩ manajo rāca. Ito bajiri ĩna rāca cojuṯi moarocu tujayiju Pablo. ⁴ Coji tujacāre ruyabeto minijuara wiju Dios oca gotigu wasotiyiju Pablo. Judio masa ito yicōri judio masa meje ñarāre cani Dios oca ĩna tūore āmogū ĩnare gotiyiju Pablo.

⁵ Ito yija, ito bero Macedoniaju wadiana Silas Timoteo, Corintoju Pablo taju ejayijarā. ĩna ejaroca ĩ moare cutirise jidicācōri Dios oca riti goti ñayiju Pablo. Ado bajiro judio masare riaso busiyiju ĩ:

—Dios ĩ cōaru Cristo mani bocatigu ĩti ñami Jesús, yiyiju Pablo ĩnare.

⁶ Ito bajiro ĩ gotibojarocati gājerā ricati tūoīacōri ĩre usirioro yi codeyijarā ĩna. Ito yicōri ĩre busituyijarā ĩna. ĩna ito yija ticōri, ĩ ya yutabuju jacāyiju. “Yure queno boca āmibea mña”, yi tūoīagū, ito bajiro yiyiju ĩ. Ito yicōri ado bajiro yiyiju ĩ:

—Dios yure ĩ rotiado bajiroti ĩ oca mure gotibojabu yu. Ito bajiri mña godari rumu jeame ūjeroju mña waja yure seti mano yiroja. ĩ oca mña tūorānūbitijare mwareama seti ñaro yiroja. Ito bajiri mña tūo āmobeja ticōri, adi rumuna judio masa meje ñarāre Dios oca gotisogū ya yu, yiyiju Pablo.

⁷ Itona budi wacōri Ticio Justo ya wiju wayiju Pablo. Diore rūcubogū ñayiju Ticio Justo. ĩ ya wi tu ñayiju minijuara wi. ⁸ Crispo wame cutigu ñayiju minijuara wi uju. Crispo ito yicōri ĩ ñarā queno Jesure tūorānūrā ñayijarā ĩna. Ito Corinto cuto gāna Dios oca tūocōri, jājarā Jesure tūorānuyijarā. Ito yicōri idé gu rotiyijarā ĩna. ⁹⁻¹⁰ Co ñami ĩ cāiroju Jesús ĩ busija tūoyiju Pablo:

—Mñ rācati ña yu. Ito yicōri yure tūorānūrā jājarā ñama adi cutore. Ito bajiri gūibesa. Gājerā ñeñaro mure yi masimenaji. Oca sēocōri yu oca masare gotitñaña. Ito yicōri itire goti jidicābesa, yiyiju Jesús Pablora ĩ cāiroju.

¹¹ Ito bajiri Corintoju co rodo gaje rodo gadareco masare Dios oca goti ñayiju ĩ.

¹² Ito bero Galión wame cutigu Acaya sitaju uju sājayiju. Ito bajiro uju ĩ ñaroca sīgū bajiro riti tūoīacōri Pablora ñayijarā judio masa. Ito yicōri ūjarā riojo ĩre āmi wayijarā ĩna. ¹³ Ito yicōri ūjare ado bajiro gotiyijarā ĩna:

—Gua masa ĩna rotiado bajiro meje, Diore rūcubotoni rotiami āni, yiyijarā judio masa Galiónre.

¹⁴ Pablo busigu wagu yirocati Galión ado bajiro yiyiju judio masare:

—Ñeñaro yigu ĩ ñajama, ito yicōri gua rotirise ĩ cūdibitija beroti bajijama, mña gotirisere tūoboguja yu. ¹⁵ Mña masa ocati oca rotire iti ñaja, mñamasiti oca quenoña. Yñama iti oca quenori masu meje ña āmoa yu, yiyiju Galión judio masare.

¹⁶ Ito yicōri judio masare bucōayiju Galión, iti sōaju. ¹⁷ Ito yija minijuara wi uju Sóstenesre ñayijarā. Ito yicōri uju Galión riojo ĩre jayijarā ĩna. Ito bajiro ĩna yibojarocati, “¿No yija ĩre jati mña?” yibisiju Galión. “No yibeati”, yi tūoīacōyiju ĩ.

Antioquaju tūdi ejacōri mñcana Pablo Dios oca ĩ goti ucure gaye

¹⁸ Corintoju yoa busari ñayiju Pablo maji. Ito bero ito ñabojacōri, Jesure tūorānūrāre ware gotiyiju ĩ. Ito yicōri Aquila ĩ manajo Priscila rāca Siria sitaju warona Cencrea cutoju roja wayijarā ĩna. Cencrea cuto ñana ĩna waroto riojuā, “Mñ tiro riojo ado bajiro yicuja yu”, yiyiju Pablo Diore. “Yu gotiado bajiroti yicuja”, yirocu joa sua batecā rotiyiju ĩ. ¹⁹ Itona cumana wacōri Efeso cuto jetaca ejayijarā ĩna. Ito ejacōri Aquila ĩ manajo Priscila rāca ito ĩna ñaroca riti maja wacōri minijuara wiju judio masa rāca busigu wayiju Pablo. ²⁰ Yoa busari ĩna rāca ĩ tujare āmobjayijarā judio masa. Ito yibojarocati Pabloama āmobisiju. ²¹ Ito bajiri ado bajiro ĩnare ware gotiyiju ĩ:

—Jerusalénju Diore basa ĩna meni ĩsija, ĩna rāca ña āmoa yu. Ito bajiri co rumu Dios ĩ āmoja, mñcana mware tigu eagu yiguja yu, yiyiju Pablo judio masare.

Ito yicōri Efesona cumana wayijarā ĩna. ²² Cesarea jetaca ejacōri Jerusalén gānare Jesure tūorānūrāre maja tigu ejayiju Pablo. ĩnare ti rēta wacōri Antioquaju wayiju Pablo mñcana. ²³ Itiju yoari ñacōri mñcana tūdi wasuoyiju. Ito wacuju Galacia sita, Frigia sita cani rēta wayiju ĩ. Iti sita gāna Jesure tūorānūrāre Dios oca goti ucuyiju Pablo. Ito bajiro Dios oca ĩ gotija tūocōri, tūoīa oca sēo jediyijarā ĩna.

Efesojū Dios oca Apolos ĩ riasore gaye

²⁴ Iti rodori sīgū judio masū Apolos wame catigū Efesoju ejayiju. Alejandria cuto gagū ñayiju ī. Masa tiro riojo queno busi masigū ñayiju ī. Ito yicōri Dios oca tuti queno ti masiyiju ī. ²⁵ Gājerā Jesūs oca ĩna riasoja, queno tuogorū ñayiju ī. Juan masare ī idé gure gaye masiyiju ī. Ito bajibojarocati Jesūs gayere jeyaro rētare gaye masi jeobisijū ī maji. Queno oca sēo wana quenaro masare busiyiju ī. Jeyaro Jesūs ocare masibitibojaguti queno Jesūs ocare riasoyiju ī. ²⁶ Co ramū minijuara wiju, ñe tuo guibicuti queno masare busiyiju ī. Aquila ī manojō Priscila rāca ī busija tuo ñayijarā ĩna. Ī busija bero ricati ĩre busirona ĩre gajero busa āmi wayijarā ĩna. Dios gaye ī queno tuoĭabitire queno ĩre goti rētobuyijarā ĩna. ²⁷ Ito yija bero yoari Acayaju Dios oca gotigū wa āmoyiju ī. “Quena ña. Wasa mū”, yiyijarā Efeso gāna Jesure tuorūnarā. Ito bajiri, “Apolosre queno boca āmiña mū”, yirona papera meniijarā Acaya gānare yiari. Acayaju ejacōri Jesure tuorūnaroca Dios ī yianare queno ejabuayiju Apolos. ²⁸ Ī queno tuoĭagū ñari, judio masa ĩna busibojarisere, “Ado robojua bajaia”, yiyiju ī masa tiro riojo. “Ado bajiro bajaia”, yirocū Dios oca ti gotiyiju ī. “Dios ī beseru mani bocatigū, ĩti ñami Jesucristo”, yi riasoyiju ī. Queno riasogu ñajare, “Ito bajiro meje bajaia”, yi masibisijarā judio masa.

19

Efesoju Pablo ī ña ucure gaye

¹ Apolos Corintoju ī ñaroca riti Pablojuama gūta yucari judo ñari cūtori rēta wacōri Efesoju ejayiju. Ito ejacōri Jesure tuorūnarāre coriarā ti bujayiju ī. ² Ito bajiri ado bajiro ĩnare senīayiju ī:

—Ĵesure mūa tuorūnari ramati Espiritu Santo quedi sājacati mūare? yiyiju Pablo ĩnare.

Ito ī yija ado bajiro cūdiyijarā ĩna:

—Espiritu Santo ī ñare gayere masibiticū gūa, yiyijarā ĩna.

³ Ito yija Pablo ĩnare senīayiju:

—ĴNo bajiro bajirisere idé gu ecocati mūa? yiyiju Pablo ĩnare.

—Juan ī riasoado bajiroti idé gu ecocū gūa, yiyijarā ĩna Pablore.

⁴ ĩna ito yija ado bajiro yiyiju Pablo ĩnare:

—Masa ĩna ñeñaro yirisere jidicānare idé guñi Juan. Ito yicōri ado bajiro ĩnare gotiñi Juan: “Yū bero ejarocare mūa tuorūnaja quena”, yi riasoñi Juan. Ito bajiro ī busiru ĩti ñami Jesūs, yiyiju Pablo.

⁵ Ito bajiro Jesure ĩna tuorūnaja ti masicōri Jesūs wamena ĩnare idé guyiju Pablo. ⁶ Ito yicōri Pablo ĩnare āmo moa jeoroca, Espiritu Santo ĩnare quedi sājayiju. Ito bajijare ricati riti ĩna masibiti oca ñabojareti busiyijarā ĩna. Diore tuocōri ī gotiro bajiroti gotiyijarā ĩna. ⁷ Jua gubojeno ūmua ñayijarā ĩna.

⁸ Disejua ī tuo gūirise mañiju Pablore. Ito bajiri udiarā ūmacañicō minijuara wiju masare Dios oca goti ñayiju ī. “Īre tuorūnarāre ī rotiroju miojugū yiguñi Dios”, yi gotiyiju ī masa Diore ĩna tuorūnatonī. ⁹ Ito bajibojarocati coriarā Pablo ī busirisere tuo batecācōyijarā Diore tuorūnū āmomena. Masa riojo Jesūs ocare ñeñaro busiyijarā ĩna. Ito bajiri ĩnare camotadiyiju Pablo. Ito yicōri Jesure tuorūnarāre ī rāca āmi wayiju ī, Tirona wame catigū ya riasora wiju ĩna rāca busirocū. Iti wiju co ramū ruyabeto ĩna rāca busisotiyiju. ¹⁰ Itiju jua rodo riaso ñayiju ī. Ito bajiri iti sita Asia wame cūtiri sita gāna, judio masa, judio masa meje ñarā cūni mani Ūju Jesūs oca tuo jediyijarā ĩna. ¹¹ Pablona suoriti jaje tiyamani ūoyiju Dios. ¹² Ito bajiri Pablo ī moaĭagore resurori, yutabujuri ī moaĭagore cūni masa cōrā tujū ĩna āmi waja ĩnare ñarise rētayiju. Ito yicōri rāmūa sāñarāre rāmūa budigoyijarā.

¹³⁻¹⁴ Iti rodori judio masa jua āmojeno ñarā masa rāmūa sāñarāre bucōa ucuyijarā ĩna cūtorire. Paia ūju Esceva wame catigū rīa ñayijarā ĩna. ĩna Efesoju ejayijarā. Jesūs masirisena Pablo rāmūa sāñarā ī bucōado bajiro yi āmbojayijarā ĩna. Ito bajiri rāmūare ado bajiro yiyijarā ĩna:

—Jesūs wamena mūare budi rotia gūa. Pablo ī busi ucugū Jesūs wamena mūare budi rotia gūa, yibojayijarā ĩna. ¹⁵ Ito bajiro ĩna yibojarocati, ado bajiro ĩnare cūdiyiju rāmū:

—Jesure masia yū, ito yicōri Pablore cūni masia yū. Mūareama ti masibea yū. ĴÑimarāona ñati mūama? yiyiju rāmū ĩnare.

¹⁶ Ito yicōri rāmū sāñagū ĩnare bubu quedi jeayiju. Buto sēorisena ĩnare ñeñaro yi rētocūyiju ī. Sēoro ī yi rētocūjare yutabuju manati camī cutirā ūmaquedi rudi wayijarā ĩna. ¹⁷ Efeso ñarā judio masa ito yicōri judio masa meje ñarā cūni ito bajiro iti bajire gayere tuo jediyijarā. Iti oca tuo ucacōri, jājarā busa, “Sēogūguti ñami Jesūs”, yi tuoĭa rūcūbuoyijarā masa ĩja.

¹⁸ Iti oca tuocōri jājarā Jesure tuorūnarā ĩna ñeñaro yirisere goti rētobuyijarā. “Rāmū ī masirisena masare quenacū gūa ito yicōri ĩnare rojacū gūa”, yiyijarā ĩna. ¹⁹ Ito yicōri ado bajiro yiyijarā cumua queti oca quesoñari masa. ĩna ya papera tutiri queti oca gotiri tutiri āmi wacōri masa riojo soeyijarā. Iti papera tutiri ĩna soe ruyuriore cincuenta mil niyeru

cujiri waja cutirisecō godayiju. ²⁰ Ito iti bajiro rētaja bero mani ʻUju Jesús oca coju ruyabeto bataja tuore ñacu ʻIja. Ito oca tuocōri jājarā Jesure tuorūnyujjarā ʻIja.

²¹ Ito bajiro iti rētaja bero Jerusalēnju tudi ware tuoʻayiju Pablo. “Macedonia sita, ito yicōri Acaya sita rēta wacu ya yu”, yi tuoʻayiju Pablo. “Jerusalēnju yu ejaja bero Romaju ware ña yure”, yi tuoʻayiju ʻI. ²² Ito bajiro yi tuoʻacōri Timoteo ito yicōri Erasto rāca ʻIre ejabuari masare ʻI riojua cōayiju ʻI, Macedoniaju ʻIña wayutoni. ʻIjuama Asia sitaju Efeso wame cutiri cutoju tujayiju maji.

Efesoju ʻIña oca riawusare gaye

²³ Ito rumuri Pablo Efeso ʻI ñaroca, “Jesús sīgūti ñami masare maso masigū”, yi masa ʻIña tuoʻa masi jedibeja buto oca ñeñasuoijiju iti cutoju. ²⁴ Demetrio wame cutigu ñayiju iti oca ñeñosuori masu. Masa ʻIña rucuburoti plata wame cutirisena meni rujeori masu ñayiju ʻI. ʻIre moa ejabuari masa cuni ñayijarā. Gājerā ʻIña rucubuojo Artemisa wame cutigo isore rucuburoā ʻIña minijuro wi robo bajiro mutāri wiri platana menijjarā ʻIña. Ito mutāri wiriacā menicōri gājerāre ʻIña ʻIsija jaje niyeru bujayijarā ʻIña. ²⁵ Ito yija ʻIre ejabuari masare miojuyiju ʻI, ito yicōri ʻIña bajiro moarāre cuni. Ito yicōri ado bajiro ʻIñare yiyiju ʻI:

—Mani adi moare cutirā queno ñe ruyabeto ña mani. ²⁶ ʻI Masare Pablo ʻI gotirise tuoʻibeati mua? Menicōri mani rucubuoisere, “Rucubuoioni meje ña”, yami Pablo. ʻI busirisere tuocōri masa jājarā tuorūnuama ʻIre. Ado mani ñari cuto Efeso gāna riti meje ʻIre tuorūnuama. Adi sita ñajediro Asia sita gāna tuorūnuama ʻIre. ²⁷ Bujato bajiro yiroja manire. Mani meni rujeorisere ʻAmimena yirāji masa. Ito bajiri waja buja masimena yirāji mani. Mani rucubuojo Artemisa isore rucuburoa wire rucubuoena yirāji masa. Pablora ʻIña tuorūnuaja, mani rucubuojo adi sita ʻIña yi ñaro bajiro yimena yirāji ʻIña, yiyiju Demetrio ʻIre bajiro moare cutirāre.

²⁸ Ito ʻI yija tuocōri, buto junisiniyijarā ʻIña. Ito yicōri awasāyijarā ʻIña:

—Mani rucubuojo Artemisa quenagō ñamo. Natīñarujamo, yiyijarā ʻIña.

²⁹ Ito cuto gāna jeyaro ito oca gāmeri busicōri jaje oca busi riawusoyijarā ʻIña. Ito bajijare Gayo, Aristarcoro Pablo rāca baba cutianare ñayijarā. Macedonia gāna ñayijarā ʻIña. ʻIñare ñiacōri buto oca sēoro, “Ita, ita”, yi wayijarā ʻIña. Busirona masa ʻIña minijuasotiroju ʻIñare ʻAmi wayijarā ʻIña. ³⁰ ʻI baba mesare busi ejabuaroču sāja ʻAmobojayiju Pablo. ʻI sāja ʻAmoja ticōri “Sājabesa”, yiyijarā Jesure tuorūnurā ʻIre. ³¹ Ito gāna ñari masa cuni Pablo baba mesa ñacōri, ʻIre oca cōayijarā. “ʻIña rāca coca yibesa”, yirona ʻIre oca cōayijarā ʻIña. ³² Itiju minijuarajuju gājerā ado bajiro awasāyijarā. Gājerā ricati awasāyijarā. Sīgūre bajiro tuoʻibiticōri oca riawusa ñayijarā ʻIña. “Ñasariju ñe busirona minijuayijaribe gua”, yi masibisijarā ʻIña. ³³ Judio masa ʻIña rāca gagu Alejandro wame cutigure iti oca ʻIre goti rētobuyijarā ʻIña. Ito yicōri “Manire yari busi ʻIsiña ma”, yirona masa riojo ʻIre busi rotiyijarā. Itiju minijua ñarāre busiroču oca tabojayiju Alejandro. “Ñe seti ma guare”, yiroču yibojayiju ʻI. ³⁴ Ito ʻI yija tuo masicōri “Judio masu ñami”, yirona buto busa ʻIre awasā rētocūyijarā ʻIña:

—Gua rucubuojo Artemisa quenagō ñamo. Natīñarujamo iso, yi awasāyijarā ʻIña. Juaji cōrecō ito bajiro awasā ñayijarā ʻIña.

³⁵ Sīgū ito gagu ʻUju masare oca tayiju. Ito yicōri ado bajiro yiyiju ʻIñare:

—Adi cuto Efeso gāna tuoja mua. Mani adi cuto gāna ña mani rucubuojo Artemisa ya wi coderi masa. Ito yicōri maniti ña iso ya ruju ʻUmacūju quedi wadire gaye tirūnurā cuni. “Ito bajiro bajijama”, yi masiama masa jeyaro manire. ³⁶ Noajua masa maño masibeama itire. Ito bajiri itocō jidicāna mua itire. Queno tuoʻibiticōri ʻIñare ñeñaro yibesa mua. ³⁷ ʻAña ʻUmua mua ʻAmi wadiana mani rucubuojo Artemisa ya wi gayere rinibeama ʻIña. Ito yicōri isore ñeñaro busibeama ʻIña. ³⁸ Demetrio ʻI rāca moarā rāca gājerāre oca ñaja, ʻIña ʻUjarā tuju oca quenorona ʻAmi waja quena. ʻIñare oca ñaja ʻUjarāre gotirujama ʻIña. ʻIña ʻUjarā ñama iti oca quenori masa. ³⁹ Mua gaje oca goti ʻAmoja ʻUjarā riojo ito yicōri adi cuto gāna jeyaro minijuroca gotija quena. ⁴⁰ ʻI No bajiro tuoʻiarā yirāji Romano masa ʻUjarā ito bajiro masa ʻIña oca cutirisere? Ado bajiro tuoʻiarā yirāji gajea: “Manire junisinicōri cudi ʻAmobeama ʻIña”, yi tuoʻiarā yirāji ʻIña. Ñe oca manoti ado itire oca cuti ña mani. Ito bajiri, “ʻIÑe oca bajijare ito bajiro oca cuti ñati mua?” Romano masa ʻIña yija, no bajiro cudi masia ma manire, yiyiju sīgū iti cuto gagu.

⁴¹ Ito yi ticōri, “Itocō ñajaro”, yiyiju ʻI.

20

Macedoniaju Pablo ʻI ware gaye

¹ Ito oca rētaja bero Jesure tuorūnurāre jiyiju Pablo, ʻI waroto riojua ʻIñare oca gotiroču. Ito oca goti ticōri ʻIñare ware gotigu jababayiju. Ito yicōri Macedoniaju wasuoijiju ʻI.

² Macedoniaja wacu Jesure tuoränuräre ti rêta wayiju î. Înare basicöri bato Jesure tuoräna oca sêoroca İnare yiyiju î. Ito bero Greciaju ejayiju î. ³ Itoju udiarâ ûmacañi ñayiju î cumana wasaru tujayiju î. Judio masa sîa âmora ña canija tao masicöri. Ito bajiri, “Macedonia sita yu wadicatoti tadi wacuja yu”, yi tuoïayiju Pablo. ⁴ Î rāca baba cuti wana adocō ñacu gua, Sópater Berea gagu Pirro macu, Segundo, Aristarco, Tesalónica gāna, Gayo Derbe gagu, Timoteo ito yicöri Tiquico, Trófimo Asia sita gāna, ito yicöri yu Lucas. Itocō Pablo rāca baba cuti wacu gua. ⁵ Coriariā gua rāca gāna wayuñi Troasju guare yurona. ⁶ Gua naju wadarise uco woyu mani bare basa bero Filiposna cumana wacu gua. Co dujamocō rumuri bero Troasju ejacu gua. Guare wayuana itoju gua baba mesare suacu gua. Ito juā āmojeno rumuri ñacu gua.

Troas cutoju Pablo î ña ucure gaye

⁷ Co wana ñasuri rumu minijuacu gua Jesure masirā rāca. Manire yiari Jesús î goda îsire tuoïarā î rotiro bajiroti najure bato barona minijuacu gua. Gua baroto riojuā Dios oca gotiqui Pablo guare. Gaje rumu î waroti ñajare yoari busiqui î. Î busiroca riti ñami gudareco ejacoacu. ⁸ Co wi udiā tuti ñari wiju co sōa minijua ñacu gua. Iti sōaju jaje siabusuore busu ñacu. ⁹ Sīgū mamu Eutico wame cutigu ito sōa ûmacāju ñari soje joe rujiqū. Yoari Pablo î busimucutija wujo jujaquî î mamu. Buto canî rētocū wacu quedicocauî î mamu. Ruji wacöri îre tūa wamubojacu gua. Cōcoañi î. ¹⁰ Ito yija Pablo ruji wacöri î joe jesacöri îre wana caniqui î. Ito yicöri ado bajiro yiqui î guare:

—Ûcabesa mua. Cōgū meje yami āni. Catiami, yiqui Pablo guare.

¹¹ Ito yija bero Pablo rāca mēcana mija wacu gua. Iti sōa mija ejacöri naju batoquî î. Iti gua baja bero busigu riti busuacoquî Pablo. Ito bero Aso wame cutiri cutoju mana waquî î. ¹² Mamu ado bajiro bajiqui. Queno cati quenacöri î ya wiju tadi waquî. Ito yicöri gājerā canî ña ya wiju tadi wacā. Ito î bajija ticöri, queno wanu quenaro tujacu gua.

Miletoju Pablo î ware gaye

¹³ Pablo î roticato bajiroti cumana Aso wame cutiri cutoju wacu gua. Itona îre cumana sā bocarona îre bocaticu gua, mana î wacati ñajare. ¹⁴ Asoju î ejaroca îre cumana sācu gua. Îre sãcöri Mitilene wame cutiri cutoju wacu gua îja. ¹⁵ Itona wacöri gaje rumu Quio wame cutiri yoga rētacu gua. Gaje rumu Samos wame cutiri yoga ejacu gua. Itona wacöri gaje rumu Mileto cutoju ejacu gua. ¹⁶ “Asia sitaju Jesure tuoränurā tu yu waja yoari sejaboguja yu”, Pablo î yija tuocöri, Efeso cutore riojo rêta wacu gua. “Jerusalén cutoju Pentecostés basa tiana mani”, yi tuoïacöri, “Ejori wana mani”, yi usirio waquî Pablo.

Efeso gāna ñari masare Pablo î gotire gaye

¹⁷ Mileto ñacöri Jesure tuoränuräre ûmatā ñaräre oca cōaquî Pablo: “Mujua ado waya. Efesoju wado ma”, yu yiqui Pablo İnare oca cōagū. ¹⁸ Ito bajiri gua tu ña ejaroca ado bajiro yiqui Pablo:

—Cajero Asia sita ejaqu queno yu yicato bajiroti, adocāta yu yirise canî masia mua. ¹⁹ Mua rāca ñagū mani Ûjare moā îsicöri, “Mua rētoro masigū ña yu”, yibiticu yu. Masa ña Jesure tuoränubeja ticöri ruje oticu yu. Ito yicöri judio masa yure ña ñeñaro yu āmoja, quenabeto tōbujacu yu. ²⁰ Ito bajiro judio masa yure ña canubojarocati Jesús oca muare goti tarojobiticu yu. “Dios oca tuocöri queno ñarā yirāji”, yirocu ito oca muare goticu yu. Ito bajiri jeyaro muare gotisoticu yu. Mua minijua ñaroju ito yicöri mua ya wiriju canî muare gotisoticu yu. ²¹ “Mua ñeñaro yirise tuoïa bojori bujacöri itire jidicāña mua. Ito yicöri Diore cudi âmorañi mani Ûju Jesucristore tuoränuñā mua”, yiari gotisoticu yu muare. Judio masa, ito yicöri judio masa meje ñaräre canî ito bajiroti gotisoticu yu. ²² Espiritu Santo yure î rotiado bajiroti adocāta Jerusalénju wacu ya yu. Itoju yu ñaroca yure rētaroti gayere masibeā yu. ²³ Adi riti muare goti masia yu. Espiritu Santo yure î gotija, “Jeyaro cutori mu riaso ucuroju mure tubiarā yirāji ña. Ito yicöri quenabeto tōbujagu yiguja yu”, yami yure. ²⁴ Ito bajiro yure ña yu āmbojarocati bato itire tuoïa usirio yibeā yu. Yu catiriseama ñasarise meje ña. Mani Ûju yure moare î cūre queno wanu quenacöri ñaro bajiroti itire cudi jeo āmoa yu. Î oca quenarise gotitoni yure cūñi Jesús. “Masare ti maicöri î Macure goda îsi rotiyiju Dios”, yu yi gotitoni yure cūñi mani Ûju Jesús, yiqui Pablo.

²⁵ “Îre tuoränuräre miojugu yiguñi Dios”, yire oca mua ñajedirore goticu yu. “Juaji yure tibabo yimenaji” yi masia yu. ²⁶⁻²⁷ Jeyaro Dios î yure goti rotiado bajiroti ñajediro muare goticu yu. Jabeto Dios oca goti ruabitisoticu yu. Ñarocöti muare gotisoticu yu. Ito bajiri muare adi gotia yu. Sīgūjuma Dios taju mua ejabeja, yure seti mano yiroja. Dios taju mua ejabeja muareti seti ñaro yiroja. ²⁸ Ito bajiri muamasiti queno tuo masiña. Ito Efesoju tadi ejacöri Jesure tuoränuräre queno tiränuma. Espiritu Santo î cūado bajiroti yiba mua. Mani Ûju Jesús manire yiari î goda îsirañana suoriti, Dios ñarā ña mani. Ito bajiroti bajarāji ña canî. Ito bajiri queno tiränuma ñare, oveja coderi masu î tiränuro bajiro. ²⁹ Yu masia, yu wagoja bero gājerā rñori oca riasori masa ejarā yirāji. Yaia ña ovejare ba ruyurioro bajiro Jesure

tuoränuräre ruyurio ãmorã ruori oca riasorã yirãji Ìna. Jesure tuoränurã jidicãjaro Ìna yirona, ruori oca riasorã yirãji Ìna. ³⁰ Mua rãca coriarã ruori oca riasorã yirãji. Gua robo bajiro tuoïajaro Ìna cuni yirona, riasorã yirãji Ìna. Jesure tuoränurã jidicãjaro Ìna yirona, ito bajiro riasorã yirãji Ìna. ³¹ Ito bajiri queno tuoïaña ruore oca mua tuoränurã yirona. Udia rodo ñami ãmua cuni ya muare riasocati ãcabojabeja mua. Coji meje muare tuoïacõri oticu ya.

³² Yu ñarã, muare yiari Diore busi Ìsigũ ya ya, muare Ì tirãnutoni. “Manire ti maicõri mani ñeñaro yirise waja, waja yi Ìsiñi Dios”, yi mua tuoïaja, buto busa Ìre mua tuoränurõca yigu yiguji Dios. “Yu beseanare queno yigu yiguja ya”, Ì yiado bajiro ti queno muare yigu yiguji Dios. ³³ Gãjerã ye nyeru Ìna ya yutabujuri cuni uobiticu ya itire. ³⁴ Ado robojua bajia. Yumasiti moacõri bare bujacu, yutabujuri bujacu. Ito yicõri ya rãca gãnare cuni buja Ìsicu ya. Itire masia mua. ³⁵ Ito bajiri coji rayabeto muare moare riasocu ya. Ito yicõri bojoro bujarãre ejabure gaye cuni muare gotisoticu ya. Mani Uju Jesu Ì goticatire ãcabojabeja mua. “Boca ãmigũ rãto busaro wana quenami Ìsigũja”, yiyiju Jesu, yiqui Pablo Jesure tuoränurãre ùmatã ñarãre.

³⁶ Ito Ì yija bero rijomunigãna ñini rũjũcu gua. Ito bajiro gua baji ñarõca Diore busiqui Pablo. ³⁷ Diore Ì busi tuoja bero yago rãcati Ìre jababacõri ware goticã Ìna. ³⁸ “Juaji yure timenaji mua”, Pablo Ì yija bero ñajare, buto bojori bujacã Ìna. Ito yija bero jetacaju guare cũ tudicã Ìna.

21

Jerusalénju Pablo Ì ware gaye

¹ Jesure tuoränurãre ware goticõri cumaju sãjacu gua. Ito yicõri riojoti Cos wame cutiri yogaju wacu gua. Gaje rumu Rodas wame cutiri yogaju wacu gua. Itijuna Pátara majado ejacu gua. ² Ito bajiri majado gua ñarõca, “Fenicaju waro ya adiga cuma”, Ìna yija, itigana wacu gua. ³ Warãju Chipre wame cutiri yoga ti rãta wacu gua. Gãcodujauare ñacu iti yoga. Siria sita riojore wacu gua. Tiro jetaca cuma busua gajeoni iti cõroti ñajare ito ñucũcu gua. ⁴ Itoju Jesure tuoränurãre ti bujacu gua. Ito bajiri Ìna rãca jua ãmojeno rumãri tujacu gua. Espiritu Santo Ìnare Ì gotire masicõri, Jerusalénju Pablõre wa rotibiticã Ìna. ⁵ Ito bajiro Ìna yibõjarocati jua ãmojeno jediri rumu wasocu gua mucana. Ito gãna Jesure tuoränurã Ìna manojosãromia Ìna rãta cuni gua rãca cuto sõjuaju baba cuti wacõri jetacaju ejacã Ìna gua rãca. Ito jajuju ejacõri rijomunigãna ñini rũjũcõri cojuti Ìna rãca Diore busicu gua. ⁶ Ito yija bero Ìnare ware goticu gua. Ito yi tuoõri cumaju sãjacu gua. Ìnama tudicoacã.

⁷ Tirõna wacõri Tolemaida jetaca ejacu gua. Itoju ejacõri Jesure tuoränurãre senicu gua. Ito yicõri co rumu tujacu gua Ìna rãca. ⁸ Gaje rumu itõna wacõri Cesarea wame cutiri cuto ejacu gua. Ito ejacõri Dios oca goti ucure masu Felipe ya wi wacu gua. Ì ñayiju Jerusalénju Jesure tuoränurãre apõstol mesare eja buarõcu Ìna cõru. Ì ya wi tujacu gua. ⁹ Juariarã rãta romia cutiqui Felipe. Manuju mana ñacã Ìna. Dios oca tuoõri gãjerãre goti rãtorõ masa ñacã Ìna. ¹⁰ Ito co rumu meje gua ñarõca Judea sita gagu Dios oca gotiri masu Agabo wame cutigu ejaqu. ¹¹ Gua ta ejacõri Pablo ya wacu wiõru ruaqu Ì. Ito yicõri Ìmasiti gubõri, ãmõri siatiqui. Ito yicõri ado bajiro gotiqui Ì:

—Espiritu Santo yure Ì gotija, Jerusalénju judio masa ado bajiro siaturã yirãji adi wiõru wacu wiõru ajure. Ìre siatucõri judio masa meje ñarãre Ìsirã yirãji, yiari gotiami Espiritu Santo yure, yiqui Agabo.

¹² Ito Ì yija tuoõri, gua ito yicõri Cesarea gãna cuni, “Wabesa mu Jerusalénju”, yiari goticu gua Pablõre. ¹³ Ito bajiro gua yibõjarocati Pabluõama ado bajiro cudiqui:

—Otibesa mua. Mua otija tuoõri, bojori buja ya. Ito bajibõjaguti ya tuoïarise ñaro bajiro ti bajiro yiroja. Yure Ìna sia ãmoja, “Siabesa mua”, yibicuja ya. Mani Uju Jesure ya tuoränurãre ñajare Jerusalénju yure Ìna sia ãmoja cuni, wana quenaro godaboguja ya, yiqui Pablo guare.

¹⁴ Gua gotiro bajiro Ì cudibeja, itocõ jidicãcu gua. Ito yicõri ado bajiro Ìre yicu gua.

—Mani Uju Ì ãmoro bajiro ti bajijaro, yicu gua Ìre.

¹⁵ Ito yija bero seo tuoïati Jerusalénju wacu gua. ¹⁶ Cesarea gãna coriarã Jesure tuoränurãre guare baba cuti wacã. Sigu Mnasõn wame cutigu ya wiju guare ãmi wacã Ìna. Chipre gagu ñagõru ñayiju Ì. Co rodo meje Jesure tuoränurãre ñagũ ñayiju Ì. Ì ya wi tujacãre ejacu gua.

Santiagore Pablo Ì tigu ejare gaye

¹⁷ Jerusalénju gua ejarõca queno wana quenacõri guare boca ãmicã Jesure tuoränurãre. ¹⁸ Gua eja busuari rumu Santiagore gua tirã waja, gua rãca waqu Pablo. Jãjarã Jesure tuoränurãre ùmatã ñarã ñacã Santiago tu. ¹⁹ “¿Ñati mua?” yi tiõgũ, “Judio masa meje ñarãre Dios oca ya gotija, jaje quenarise yifi Dios”, yirocu jeyaro rãtare gaye gotiqui Pablo Ìnare. ²⁰ Iti tuoõri queno wana quenacõri, “Queno yigu ñami Dios”, yicã Ìna. Ito yicõri Pablõre ado bajiro yicã Ìna:

—Mani masa jājarā ñama Jesure tuorānūrā. Jesure tuorānūrā ñabojarāti Moisés ī rotiado bajiro riti manire rotiamā ña maji. ¿Itire masibeati mu? ²¹ Gājerājuama ado gānare ado bajiro ñnare gotiamā: “Mani masa gājerā cutoriju ñarāre queno riasobisi Pablo. Ito yicōri Moisés ñayoru ī rotire gayere jidicā rotīni ī. Ña rīa ūmuare wiroti ta rotibisi ī. Ito yicōri mani masa yisotire gayere jidicā rotīni Pablo”, yisotiamā coriarā mure busirā, yicā Pablōre. ²² Mu eja ja tuocōri, minijuarā yirāji masa. ¿Ña ito bajiro yija, no bajiro yigujada mu? ²³ Ado bajiro mu yija quenaroja. Ado mani rāca ūmuā juariarā ñama, “Mu tiro riojo ado bajiro yiana gua”, Diore yiana ñama ña. “Gua yiana yiado bajiroti”, yiana yirona, Dios ya wiju joa sua rotirā warā yama ña. ²⁴ Ña rāca wasa mu cūni. Ña ñeñaro yirise coe āmorā ovejare gāme isirā yirāji ña. Ito bajiro yicōri Diore rācūborā ovejare sīacōri soerā yirāji ña. Ñare bajiro yiba mu cūni. Ito yicōri paiare mu jeyaro joa sua roti masitoni mu sīgūti ovejare waja yiba. Ito bajiro mu yija ticōri, “ ‘Moisés ī rotirise cudigu meje ñami Pablo’, gājerā ña yiriseama, baroti baja. Ñaro bajiroti cūdiamī Pablo”, yirā yirāji mani masa, yicā ña Pablōre. ²⁵ Judio masa meje ñarā Jesure tuorānūrāre papera cōacu gua. Ado bajiro ñnare goti ucacu gua: “Gua judio masa bajiro gua yisotirise robo bajiro mu yibeja cūni no yibeja muarea. Adi riti muare goti ñuca gua. Ña meni rujeore ña ecarise babesa mu. Rīre cūni idibesa. Āmuā wāñiatanare babesa. Baroto rioja rī cōaja quena. Ito yicōri muamasiti mu ya ruja ñeñaro iti tuōaro bajiroti ñeñaro yibesa”, yi ucacu gua, yicā ña Pablōre.

Dios ya wiju Pablōre ña ñiare gaye

²⁶ Ito yija gaje ruma Dios ya wiju ña ūmuā juariarāre āmi wayiju Pablo. Ña ñeñaro yirise coe āmorā Dios ya wi sāja wacōri paia mesare ado bajiro gotiyiju Pablo: “Adocō ūmuāri ruja maji gua ñeñaro yirise coe roti rumarī. Susari ruma ejaroca Diore guare yiarī oveja mu soe isire āmoa gua”, yiyiju Pablo paia mesare.

²⁷ Susari ruma ejaroca judio masa Asia sita gāna Dios ya wiju Pablo ī ñaja tiyijarā. Īre ticōri, Pablōre junisinijaro adi cūto gāna yirona, masare oca riawusoyijarā ña. Ito yi Pablōre ñiacōri ado bajiro masare busiyijarā ña:

²⁸ —Guare ejabuaya gua ñarā muā. Āni ūmuāgūti ñami manire ñeñaro busi ucuri masu. “Moisés ī rotirise gayere quenarise meje ña”, yi masare goti batoami ī. Ito yicōri adi wi Dios ya wire ñeñaro busitugu ñami ī. Judio masa meje ñarāre adi wi Dios ya wi āmi ejañi ī. Ito bajiro ī yija adi wi Dios ya wire ñeñogū yami ī, yiyijarā ña gājerāre gotirā.

²⁹ Cūto gudareco Tróximo wame cutigu rāca Pablo ī ñaja ticōri, ito bajiro gotiyijarā ña. Judio masu meje ñayiju Tróximo. Efeso cūto gagu ñayiju ī. Ito ñnare ti bujacōri, “Judio masu meje ñagūre Dios ya wiju āmi warū ī”, yi tuōayijarā ña. Iti tuōia warā, iti cūto gānare ito bajiro gotiyijarā ña.

³⁰ Ña ito yija tuocōri, iti cūto gāna gāmeri oca riawusayijarā. Ito bajiri ūmaquedi wacōri Dios ya wiju sājayijarā ña. Pablōre ñiacōri weja budi wayijarā ña. Ito bajiri ī budigorijuti sojeri bia jeocōyijarā, mucana tūdi ī sājame yirona. ³¹ Īre sīaboyijarā ña. Ito ña yirā wāna yirocati, masa iti cūto gāna oca riawusarise oca ejayiju Romano masa surara ūjare. ³² Iti oca tuocōri ī ya surara, ito yicōri ī roca gāna ūjarāre cūni miojuyiju ī. Ito bajiri ūmaquedi wacōri, masa ña oca riawusa ñaroju ejayijarā ña. Surara ūjī ya surara rāca eja ja ticōri, Pablōre ja jidicāyijarā ña. ³³ Ito yija surara ūjī ya surarare Pablōre ña rotiyiju ī. Ñia roticōri juā ma come mana sia rotiyiju. Ito yicōri masare senūayiju ī:

—¿Ñimuōcū ñati āni? ¿Ñeoni seti ñati ĩre? yiyiju ī masare.

³⁴ Ricati riti tuōia awasā busiyijarā ña. Ña awasā mucatija tuo masibiticōri, “Iti seti ña”, yi masibisiju ī. Ito yija Pablōre ña surara wiju āmi wa rotiyiju surara ūjī. ³⁵⁻³⁶ Surara wiju ña āmi waja ticōri masa jājarā sūya wayijarā. “Īre sīacōña”, yi awasā sūyayijarā ña. Surara ya wi mujado ña ejaroca, buto busa junisini oca sēoyijarā ña. Ito bajiri Pablōre masa sīame yirona surara āmi muja wayijarā ĩre.

Masa tiro riojo, ñe seti ma yare Pablo ī yire gaye

³⁷ Surara wiju ña āmi sājarā wāna yiroca, ado bajiro surara ūjare busiyiju Pablo griego ocana:

—Mu rāca busi āmoa ū, yiyiju.

Iti tuocōri:

—¿Griego oca masiati mu? yiyiju surara ūjī Pablōre. ³⁸ Griego oca mu busijama, Egipto gagu meje ña mu. ¿Masare oca riawusacōri ūjarāre rētocū āmorā cuatro mil ñarāre baba cuti wacōri yucū manojū wa ucuru meje ñati mu? yi senūayiju ī Pablōre.

³⁹ Ito yija ado yiyiju Pablo ĩre:

—Ī meje ña ū. Judio masu ña ūama. Cilicia sita, Tarso wame cutiri cūto ñasari cūto gagu ña ū. Masare yare busi roticuatī mu, yiyiju Pablo surara ūjare.

⁴⁰Ito i yijare, “Busiya ma”, yiyiju Pablore. Ito bajiri mujado rügöcöri masare oca tagu ämo wamoyiju i. Masa ina oca tadioca hebreo ocana busiyiju Pablo:

22

1—Yu ñarã tuoya maji. “Ñe seti mami”, mua yitoni muare oca gotigu ya maji, yiyiju Pablo.

²Ina oca i busija tuocöri, buto busa oca tadiyaharã ina. Ado bajiro gotiyiju Pablo inare:

³—Yu cani judio masati ña. Cilicia sita, Tarso wame cutiri cuto rujearu ña ya. Ito yicöri ado Jerusalénju busanaru ña ya. Gamaliel wame cutiguna suoriti papera riasoticu ya. Mani ñicusabatia ina rotiyore gayere queno riasoticu ya. Adi ramari mua Diore cudisotiro bajiroti Diore cudi ämosoticu ya cani. ⁴“Diore queno cudigu ña ya”, yi tuoïabojacöri, Jesure tuorünurãre ñeñaro ina töbujaroca yicu ya. Sïacöcu gajere. Eñmua, romiare cani ñia wacöri tubiasoticu ya. ⁵Paia uju ito yicöri mani ñicusabatia ñasari masa, “Ito bajiroti yiqui i”, yi masiama ina yure. Inati papera meni isicã yure, mani ñarã Damasco gånare ya Itoni. Iti papera ämicöri, Jesure tuorünurãre ämacu ya. Ito bajiri Jesure ina tuorünurãre waja inare ämi wadicöri ado Jerusalénju inare tubiaroca yibojacu ya.

Ado bajiro Jesure masisocu ya, Pablo i yi gotire gaye (Hch 9.1-19; 26.12-18)

⁶Ma ya waroca, Damascoju ya cöñaroca, ñajasaroti ämua gudareco ümacāju gaye buto yobusurise yure siaticu. ⁷Ito bajijare quedicoacu ya. Ito bajicöri ado bajiro yure sigü i busija tuocu ya: “Saulo, ¿no yija yure ñeñaro yi ämoati mu?” ⁸Iti tuocöri ado bajiro cudicu ya: “¿Yu Uju ñimu ñati mu?” yicu ya. Ito yija ijuã ado bajiro cudiqui: “Yuti ña Jesús Nazaret gagu. Yuti ña mu ñeñaro yi ämogü”, yiqui i yure. ⁹Iti busurise ticöri ya räca wacana cacacã. Busurisere tubijarãti yure busiacu oca tuobiticã ina. ¹⁰Ito bajiro yure busija tuocöri, ire seniäcu ya. “¿No bajiro ya yire ämoati ya Uju mu?” yicu ya. Yu ito yija yure ado bajiro cudiqui i: “Wamña Damascoju wasa. Itoju sigü mare gotigu yiguji jeyaro moare ya mare cüre”, yiqui i yure. ¹¹Iti busurise ya tija cajea godacoacu yure. Ito bajiri ya räca gãna Damascoju yure tãa ejacã ina.

¹²Itoju sigü Ananias wame cutigu ñaqui. Moisés ñayoru i rotirise gaye ñaro bajiroti cudigu ñaqui i. Ito ñarã judio masa, “Queno yigu ñami i”, yi busicã ina ire. ¹³Iti cuto ya ejaja bero yure tigu ejaqui Ananias. Yu tu ejacöri ado bajiro yiqui i yure: “Yu yagu Saulo, cajea ruyurise boca ämiña mucana”, yiqui yure. Ito i yirocati cajea ticoacu ya mucana. Ito bajiri ire ticyu ya. ¹⁴Ito yija ado bajiro yiqui i yure: “Dios mani ñicusabatia ina rucuboru i beseru ña mu. I ämorise mu masitoni, i macu ñeñaro yilabicure mu titoni, ito yicöri i busirisere mu tuotoni mare cüñi Dios. ¹⁵Jesús ocare goti ucugu yiguja mu. Mu tigure, mu tuogore cani masa catori jeyaro goti ucugu yiguja mu. ¹⁶Sejabesa ija. Cojiti Jesure tuorünacöri, mu ñeñaro yirise i coetoni seniña. Ito yicöri idé gu rotiya”, yiqui Ananias yure.

“Judio masa meje ñarãre goti ucuteña”, yiqui Jesús yure, Pablo i yire gaye

¹⁷Ito i yija tuocöri, ñaro bajiroti ya cudija bero Jerusalénju tudi wacu ya. Ito ejacöri Dios ya wiju Diore busigu ejacu ya. Diore busiguju mani Uju Jesure caiticu ya. ¹⁸Ito ado bajiro yiqui yure: “Cojiti adi cuto Jerusalénre wagoya. Ado gãna masa ya ocare inare mu gotibojaja, tuomena yirãji ina”, yiqui i yure. ¹⁹Ito i yija tuocöri, ado bajiro cudicu ya: “Ado gãna jeyaro ya yigorere masiama ina. Mure tuorünurã minijuara wiju ñarãre ämi wacöri tubiacu ya. Ito yicöri inare jasoticu ya. ²⁰Mu oca gotiri masu Estebanre ina sïaja ito ti rügöcu ya. Ire sïarã ina yutabuju ruacürise coderi masu ñacu ya. Ito bajiri ire sïaja ticöri, ‘Ito bajiroti uja’, yi tuoïacu ya cani. ‘Ito bajiroti yiqui i yure’, yi masiama masa ado gãna”, yicu ya mani Ujure. ²¹Ito bajiri, ijuã yure ado bajiro gotiqui: “Wasa söju judio masa meje ñarãre mu riasotoni. Mare söju cöa ya”, yiqui mani Uju Jesús, yiari gotiyiju Pablo masare.

Surara uju Pablore ñia rotire gaye

²²Ito bajiro i yirocati ire tuosusayijarã masa. Mucana junisinicöri awasã tudiyijarã ina:

—Godacoarujami. Catibitirujami, yiyijarã ina.

²³Tujare mejeti awasayijarã ina. Ito yicöri ina ya yutabujuri ruacöri ümacāju cöamuoyijarã. Ito yicöri sita rünacöri reamuayijarã ina, ina junisinirise iorã. ²⁴Ito ina yija tuocöri, surara uju i ya surarare, Pablore ina ya wiju ämi sãja wa rotiyija: “¿Ñe seti tudiatu masa mare?” yirocu, “Pablore bajeya”, yiyiju surara uju i ya surarare. ²⁵Ire bajerona ina sia rügö tiorocati ado bajiro busiyiju Pablo ito gagu ujare:

—¿Sigü romano masare mua bajeya quena ñarajada? “Itocö seti ña ire”, ujarã ina yibitibojarocati, ¿yure bajerã yati mua? yiyiju Pablo ito ñagü ujare.

²⁶Ito i yija tuocöri, uju tu wacöri ado bajiro ire gotiyiju i:

—Queno tuoïaña mu yiroto riojuã. Äni ämugü mu baje rotigu romano masu ñami, yiyiju i surara ujare.

²⁷ Ito ī yija tuocōri, Pablore seniīayiju surara uju:

—¿Riti űati romano masu mu űarise?

—Īti űa yu, yiyiju Pablo.

²⁸ Ito ī yija, ado bajiro yiyiju surara uju ĩre.

—Jairoguti niyeru waja yicu yu romano masu űarocu.

Ito bajiro ī yija tuocōri:

—Romano masu ruĵearuti űa yu, yiyiju Pablo.

²⁹ Ito ī yija tuocōri, ĩre baje āmoboĵarā ġuirā bata rűgűyijarā. “Romano masu űami”, yi tuo masicōri, “Bűjato romano masure baje rotiyija yu”, yi tuo ġuyiyiju ī, surara uju cuni.

Ījarā űasarā riojo Pablo ī busire gaye

³⁰ Gaje rumu, “¿Ēe setina Pablore tudiyijari masa?” yirocu, paia uĵarā, judio masa uĵarā űasarāre cuni miojuyiju surara uju. Ito yicōri Pablore come mari ōĵacōri, ĩna riojo āmi wacōri ĵidi rűġōyiju.

23

¹ Judio masa uĵarāre tijucōri ado bajiro yiyiju Pablo:

—Yu űarā yu catirocō Dios ī āmoro bajiro yisoticu yu. Ito bajiri ī riojo űe usiriobeto űa yu, yiyiju Pablo ĩnare.

² Iti tuocōri paia uju Ananias wame cutigu Pablo tu rűġōrāre: “Īre rise jabiatēűa”, yiyiju. ³ Ito bajiro ī yijare ado bajiro yiyiju Pablo ĩre:

—“Queno yigu űa yu”, yigu űabojaguti, űeűaro yigu űa mu. Ito bajiri iti waja űeűaro mu tōbűjaroca yigu yiguĵi Dios mure. Dios ī rotirisena suoriti, “Cudigu űa mu. Cudigu meje űa mu”, yi mu yare bese āmoĵa, ¿no yija ī rotirise cudibiticōri yare ja rotiatu mu? yiyiju Pablo paia uĵare.

⁴ Ito ī yija tuocōri, ito űarā ado bajiro yiyijarā Pablore:

—Dios ī beseru paia uju űasagure űeűaro busia mu, yiyijarā ĩna, ito tu űarā.

⁵ ĩna ito yija tuocōri, ado bajiro cudiyiju Pablo:

—“Paia uju űasagu űaguĵi”, yibiju yu űarā yu. Dios oca iti gotija, “Mua uĵarāre busitubesa”, ya ī oca. “Īju űasari masu űami ī”, yu yi masija, ĩre busibitiborűja yu, yiyiju Pablo.

⁶ Judio masa uĵarā ricati riti tuoĳarā űayijarā. Gāĵerā saduceo gaye tuoĳayijarā. Gāĵerā fariseo gaye tuoĳayijarā. Iti masicōri oca sēo busaro busiyiju Pablo:

—Fariseo gaye tuoĳagű űa yu cuni. Yu űarā cuni ito bajiro tuoĳarā űama. “Masa ĩna godaja bero mucana tűdi catirā yirāĵi”, yi tuoĳagű űa yu. Ito bajiro yu tuoĳagű űajare, “Īre seti űa”, yi āmoa mu, yiyiju Pablo ĩnare.

⁷ Ito ī yija tuocōri, saduceo gayere tuoĳarā, fariseo gayere tuoĳarā ĩnamasi tuoĳa gāmeri busiyijarā. Sigűre bajiro tuoĳarā űabojarāti gāmeri bata rűġacoayijarā ĩna. ⁸ Saduceo gaye tuoĳarā ado bajiro yi tuoĳama ĩna: “Masa ĩna godaja mucana tűdi catimenaji, Dios űaro gāna āngel mesa manaji, ito yicōri rűműa cuni manaji”, yi tuoĳarā űama saduceo gaye tuoĳarāma. Fariseo gaye tuoĳarāma ado bajiro tuoĳama ĩna: “Masa ĩna godaja mucana tűdi catirā yirāĵi, Dios űaro gāna āngel mesa űarāĵi, rűműa cuni űarāĵi”, yi tuoĳarā űama fariseo gaye tuoĳarā.

⁹ Ito bajiri ricati riti tuoĳarā űari, ruĵe awasāyijarā ĩna maji. Ito yija judio masa rotirise riasori masa busirona wumu rűġűyijarā. ĩna cuni fariseo gaye tuoĳarā űayijarā:

—űejua űeűarise yigu meje űami āni. Damascoĵu ī waroca āngel ĩre busiru gajea. “Ito bajiro meje bajiyija”, yibitirűja manire, Diore mani cudibitibe maji, yiyijarā ĩna.

¹⁰ Buto ĩna gāmeri tuoĳa busija tuocōri, “Pablore sĳa baterā yirāĵi ĩna”, yi tuoĳayiju surara uju. Ito bajiri ī ya surarare yiyiju ī. ĩnare ĵicōri ado bajiro rotiyiju: “Pablore ĩna watoĵu āmi wacōri mucana mu ya wiju cűűa”, yiyiju surara uju ĩnare.

¹¹ Iti űami mani Īju Jesűs Pablore goaĳoyiju. ĩre goaĳocōri, ado bajiro yiyiju Jesűs:

—Oca sēoűa Pablo mu. Adiju Jerusalén űagű yu gayere mu busiro bajiroti Romaju cuni busigu yigűja mu, yiyiju Pablore.

Pablore sĳarona ĩna cunire gaye

¹² Gaje rumu coriarā judio masa minijuacōri, “Pablore sĳarűja mani”, yi tuoĳayijarā. “Īre mani sĳaroto rioĵua, bamenaji mani, ito yicōri idimenaji maji”, yi tuoĳayijarā ĩna. “Īre mani sĳabeja, manijuare Dios ī sĳaja quena”, yiyijarā ĩna. ¹³ Sigű robo bajiro ito bajiro yi gāmeri busi űarā ĵaarā masacō rēto busaro űayijarā ĩna. ¹⁴ Ito bero paia uĵarā, judio masa bucűrāre cuni busirā wayijarā ĩna. ĩna tu eĵacōri ado bajiro yiyijarā ĩna:

—Gua sigű bajiro riti tuoĳacōri, “Pablore mani sĳaroto rioĵua, babiti, idibiti yiana mani. ĩre mani sĳabeja, manijuare Dios ī sĳaja quena”, yibu gua. ¹⁵ Mu, judio masa uĵarā cuni ado bajiro mu yija quena. Adocāta surara uĵure oca cōaűa, jane busuri Pablore mu tu āmi wadĵaro.

“Riti ĩre seti ĩaja masi āmoa gua. Ado āmi waya Pablöre”, yi ruo oca cōama surara ujure. Maa ĩto yija ado Pablo ĩ ejabeto riti ĩre boca sĭana gua, yiyijarā ĩna. Ito bajiri ujarā cāni, “Baā, ĩto ujaroja maji”, yiyijarā.

¹⁶ Pablo romio macu ĩti oca bajirisere masiyijū. Ito bajiri Pablöre ĩti oca, gotirocū surara wijū wayijū ĩ. ¹⁷ Itoju ejacōri Pablöre gotiyijū ĩ. Ito ĩ yija tuocōri, ĩto gagu surara masare jiyijū Pablo:

—Āni mamure mu uju tuju āmi wasa. Oca gotirocū yiri seyoami ĩ, yiyijū Pablo surara masare.

¹⁸ Ito ĩ yija tuocōri, ĩ uju tuju āmi wayijū ĩ. ĩ ujure ado bajiro gotiyijū ĩ:

—Gua tirānugū Pablo yure ji ĩucacōri, “Āni mamure mu uju tuju āmi wasa”, ĩ yijare āmi wadibū yu. Mure oca gotirocū yiri seyomi ĩ, yiyijū ĩ, ĩ ujure.

¹⁹ Ito ĩ yija tuocōri, gajero busa ĩre tūa wacōri senĭayijū:

—ĶNe yure gotirocū yiri mu? yiyijū surara uju.

²⁰ Ito yija Pablo romio macu ado bajiro gotiyijū:

—Judio masa sigū robo tuōacōri ĩna ujarā riojo Pablöre mu āmi watoni oca cōarā yirāji. “Riti ĩre seti ĩaja masi āmoa gua”, yi ruorā yirāji ĩna. ²¹ ĩna ĩto bajiro mure yija tuobeja mu. ĩna rāca gāna jūarā masacō rēto busaro ma gudareco Pablöre sĭarona bocati ĩnarāji ĩna. “Pablöre mani sĭaroto riojua babiti, idibiti yiana mani. ĩre mani sĭabeja, ĩto bajiroti quenabeto tōbujacōana mani”, yi tuoĭa ĩnarāji ĩna. Mu gotiroti gayere bocaticāma ĩna, yiyijū Pablo romio macu ujure.

²² —Yure mu gotirise gājerāre goti bato yibeja, yi tĭogū, “Wasa”, yiyijū surara uju ĩre.

Félix tu Pablöre ĩna āmi wa rotire gaye

²³ Ito yija surara uju, ĩ bero ĩarā ujarāre jiyijū jūarāre. Ito bero ado bajiro ĩnare rotiyijū ĩ:

—Adi ĩami nueve tujaroca Cesareaju Pablöre āmi warā yirāji maa. Adocō jjarā ĩnarā yirāji maa rāca warā: Doscientos ĩnarā yirāji gubona warā. Ito yicōri setenta ĩnarā yirāji cabaru joena warā. Ito yicōri doscientos ĩnarā ĩnarā yirāji rearebisu yucari ruorā. ²⁴ Ito yicōri Pablo ĩjesa warocū cabarure buja yucāĭna maa. Uju Félix wame cutigū tu cutigūti Pablo ĩ ejare āmoa yu, yiyijū surara uju ĩ bero gāna ujarāre.

²⁵ Ado bajiro ĩna rāca Félixre papera cōayijū surara uju:

²⁶ “Yu Claudio Lisias adi papera cōa. ĶNati uju ĩnasagu Félix mu? ²⁷ Judio masa āni Pablöre ĩnacōri sĭa āmoĭi ĩna. ‘Romano masu ĩami āni’, ĩna yija tuo masicōri, ĩre siame yirona yu ya surara rāca camotacu gua. ²⁸ ‘ĩti seti ĩa ĩre’, ĩna yija tuorocū, judio masa ujarā tu āmi ejacu yu Pablöre. ²⁹ ‘Gua ĩncusatibia ĩna rotire gayere cudibicu ĩami āni’, yirā ĩre junisinicā ĩna. ĩre ĩna sĭa āmoja, ĩre ĩna tubia āmoja, ĩejuu bato seti manicū ĩre. ³⁰ Judio masa Pablöre sĭarona ĩna cunĭre gaye masicōri, mu tu ĩre cōa yu. ĩre oca meniri masare cāni cōa yu, ‘Ado bajiro seti ĩa ĩre’, mure ĩna yitoni. Itocō ĩa”, yi ucayijū surara uju Félixre papera cōagū.

³¹ Ito bajiri surara uju ĩ rotiro bajiroti Pablöre ĩami wacōri Antĭpatris ejayijarā ĩna. ³² Busuri surara gubona wana ĩna ya wijū tudicoayijarā mucana. Cabaru joe wana riti Pablo rāca wayijarā. ³³ Cesarea ejacōri uju Félixre papera ĩsijijarā ĩna. Ito yicōri Pablöre ĩ tu cūyijarā ĩna. ³⁴ ĩti papera boca āmi ti tuocōri ado bajiro Pablöre senĭayijū ĩ:

—ĶNoju gagu ĩati mu? yiyijū uju ĩre.

Ito ĩ yija:

—Cilicia sita gagu ĩa yu, yiyijū Pabloju. “Cilicia sita gagu ĩa yu”, ĩ yija tuocōri, ³⁵ ado bajiro yiyijū Félix ĩre:

—“Mure seti ĩa”, yirā ĩna ejaroca ĩnare mu busija tuocuja yu maji, yiyijū Félix.

Ito yija ĩ ya surarare tirānū rotiyijū ĩ Herodes ĩajacu ya wi jaja wijū.

24

Félix tiro riojo, “Seti ma yure”, Pablo ĩyire gaye

¹ Co dajamocō rāmuri bero paia uju Ananĭas wame cutigū, ĩto yicōri judio masa busarā rāca Cesareaju ejayijarā. ĩnare busi ĩsigū Tértulo wame cutigū ĩna rāca ejayijū. Cesareaju ejacōri uju tuju wayijarā ĩna, “Pablöre seti ĩa”, yirā warā. ² Ito yija uju Félix Pablöre jiwio rotiyijū. “Pablöre seti ĩa”, yirocū ado bajiro yiyijū Tértulo Félixre:

—Queno ya yu uju mu. Mu masirisena suoriti, oca ma manire. Ito bajiri ĩejuu tuo güire ma manire. Ito bajiri jeyaro quena ĩa adi sita. Adi sita gāna masare queno ejabua mu. ³ Ito bajiro mu yisotirise masicōri masa jeyaro mure wanuama. Yu uju bato yu rucubogū, queno ya mu, ya gua. ⁴ Yoari yu busija, mu moaroti mure ruyuriobogūja mucana yu. Ito bajiri yure queno yicōri yoari mejeti yu busija tuoja maji. ⁵ Āni ĩami masare usirioro yi jaigu. Co cuto ruayabeto wa ucucōri judio masare oca riawuso ucuami ĩ. Jesús Nazaret gagure tuorānūrā uju ĩami āni. ⁶ Dios ya wi ĩeño āmogū ĩto ōno sĭjarāona meje rāca sĭajūi āni. Ito bajiri ĩre

ñiacu gua. Gua ñicusabatia ñna rotiado bajiro, “Íre seti ña”, yi ãmbojacu gua. ⁷ Ito bajiro gua yi ãmbojarocati surara uju Lisias gua tu ejacõri sãoro yicõri guare, Pablõre ãmagoquĩ. ⁸ Ado bajiro guare yiquĩ ñ: “ ‘Pablõre seti ña’, mña yi ãmoja, adi sita gagu uju Félix tu wasa”, yiquĩ ñ guare. Ito ñ yija tuocõri, ado bajiro yicu gua: “Mumasiti, ¿ñe seti ñati mure? yi senñiãite mu. Ito bajiro mu senñiãaja bero gua gotirise, ‘Riti ña’, yigu yigujaja mu”, yicu gua Lisiasre, yiyiju Tértulo Félixre.

⁹ Ito ñarã ñ rãca gãna judio masa cãni, “Riti ña”, yiyijarã ñna. ¹⁰ Ito yija Félix Pablõre ãmo buyeyiju, “Busiya”, yirocu. Ito ñ yija ticõri, busisuooyiju Pablo:

—Yu masia, adi sita gagu uju iti rumuju ñasurocu ña mu. Ito bajiri mu riojo wanu quenacõri, “Ñe seti ma yare”, yirocu busigu ya yu. ¹¹ Jua gubojeno rumuriti tujaja maji Jerusalénju Diore rãcubuoqu yu ejaja bero. “¿Riti ñati?” mu yija, gãjerãre senñiãia mu. ¹² Nocãta Dios ya wiju minijuacõri jãjarã rãca yu busi tuoñaja, tibiticã ñna. Ito yicõri minijuara wiriju masare yu riawusojaja, ito yicõri cutoju yu riawusojaja, nocãta yare tibiticã ñna. ¹³ Yure tigoana roboti, “Seti ña ñre”, yi goti masimenaji ñna. ¹⁴ Adi ñasarise mure goti rãtobugu ya yu. Yu ñicusabatia ñna yiado bajiroti, Jesure tuorãnucõri Diore rãcubuoqu yu. Ñna, “Íre seti ña”, yure yirã, Jesús oca bajirisere, “Baroti baja ruore gaye ña”, yama ñna. Diore rãcubuoqu ñari Moisés ñ rotirise gaye rãcubuoqu yu. Ito yicõri Diore goti ñsiri masa ñna ucare gaye cãni rãcubuoqu yu. ¹⁵ “Ñeñaro yirã godarã, queno yirã godarãre cãni tãdi ñna catiroca yigu yiguñi Dios”, yama ñna. Yu cãni ñnare bajiroti tuoñaja. ¹⁶ Ito bajiri quenarise riti ya yu, Dios riojo, masa riojo cãni, “Seti ma yare”, yu yija quenaroti, yiyiju Pablo.

¹⁷ Co rodo meje gaje catoriju wa ucucõri, Jerusalénju tãdi ejacu yu. Jerusalénju tãdi ejacõri bojoro bujarãre niyeru batocu yu. Ito yicõri Diore rãcubuoqu ñre yiarã waibucurã seo ñisicu yu itoju. ¹⁸ Dios ya wiju ito bajiro yu yi ñaroca judio masa Asia sita gãna rãca yare ti bujacã. Gua masa yisotire gaye ñeñaro yirise yu coe ñioroca, yure ti bujacã ñna. Dios ya wi totiju jãjarã masa manicã yu rãca. Ito yicõri riawusarã manicã. ¹⁹ Asia sita gãna Dios ya wiju yu ñaroca yare tigoana, “Íre seti ña”, yirã, gotirã wadirujama. ²⁰ Ñna gotirã wadibeja, ñna ado ñarã, gua judio masa ujarã riojo, “Ado bajiro seti ñacu ñre”, ñna yi gotijaja quena. ²¹ Coji ñna riojo oca seo busaro ado bajiro busicu yu: “Godana mucana tãdi catirã yirãji”, yicu yu. Ito bajiro yu yicati bero ñajare, “Íre seti ña”, yirãji mña yicu yu ñnare, yiyiju Pablo Félixre.

²² Ito ñ yija bero, “Queno yirã ñnaja Jesure tuorãnurã”, yi tuoñacõri, ado bajiro yiyiju Félix judio masare:

—Itocõti tuocujaja maji yu. Surara uju Lisias ñ ejaroca, “Seti ña ñre, seti ma ñre”, yi besecujaja yu, yiyiju Félix judio masare.

²³ Ito bajiri Félix tubiara wiju Pablo ñ tujatoni ñ ya surarare tirãnu rotiyiju. “Tubiara wi tu jabeto ñ ñi ãmoja rãbebeja. Ñ baba mesa ñna ejaja, ticõama. Rãbebeja. Gãjerã ñ baba mesa ñre ejabua ãmoja, ejabua quena”, yiyiju Félix. Ito ñ yija bero wacoayiju ñ.

²⁴ Ito bero yoa busari ejayiju Félix mucana ñ manajo Drusila rãca. Judio maso ñayijo iso. Ito ejacõri Pablõre ñ rotiyiju ñ. Ñ ejaña ticõri, “Jesucristore mu tuorãnurise gaye gotijaja guare”, yiyiju Félix. ²⁵ Pablo ado bajiro gotiyiju ñre: “ ‘Queno corocõ ñaña’, yire gaye gotiami Dios manire. Manire ñeñaro yiroto ãmbojacati ñeñaro yibitirujaja manire. Co rumu mani ñeñaro yigorere waja senigũ yiguñi Dios manire”, yiyiju Pablo. Ito bajiro ñ yija tuocõri, ucayiju Félix.

—Wasa. Yu no yibitiju mucana mure ñ ñucacujaja gaje tuo remorocu, yiyiju Félix Pablõre.

²⁶ “Í yare niyeru ñsija, ñre bucõcujaja yu”, yi tuoñaja wacu, biyaro Pablõre ji ñucayiju ñ, ñ rãca busirocu. Ito bajibojarocati ñ ãmoro bajiro meje yiyiju Pablo. ²⁷ Ito ñ yiroca riti jua rodo rãtayiju. Iti jua rodo bero Félix uju ñ ñarise budiyiju. Ito yicõri Pórcio Festo wame catigũ ñre uju wasoayiju. Félix uju ñ ñarise ñ budiroto riojaja judio masa rãca queno ñarocu, Pablõre bucõabisiju ñ maji.

25

Festo tiro riojo Pablo ñ busire gaye

¹ Festo udiã rumuti ñ uju sãñaja bero Cesareana ñacõri Jerusalénju wa ucugu wayiju. ² Ito ñ ejaroca paia ujarã ito yicõri, judio masa ujarã ñasarã, “Pablõre seti ña”, yirona ñre gotirã ejayijarã:

³ —Guare queno yija mu. Pablo ado Jerusalénju ñ ejatoni ji ñucaña mu, yi josayijarã ñna Festore.

Ñnarioti ado bajiro busicãyijarã itiriojaja: “Pablõre ñ ji ñucajaja ma gudareco ñre sñacõana mani”, yi tuoñabojayijarã ñna.

⁴ Ñna ito yija Festojaja ado bajiro yiyiju ñnare:

—Itoju Cesareaju tubiaru wiju ñacāmi Pablo. Ito bajiri, “Yoari mejeti itoju yumasiti wacuja”, yi tuoia yu. ⁵ Mua rāca gāna coriarā ujarā ñarā yu rāca warujama. Seti ire ñajama, yu rāca wacōri, “Seti ña ire”, yirā warujama ña, yiyiju Festo ñare.

⁶ Jua ñajamocō rumaricō Jerusalénju ñacōri, Cesareaju tuda wayiju Festo mucana. Ī eja busuari rāmu ña oca gāmeri seniāri wiju wayiju Festo. Itoju ejaōri Pablora ji ñucayiju Ī. ⁷ Pablo ĩ sāja ejaroca judio masa Jerusalén wadiana ĩ tu eja rūgūyijarā. “Seti jaje ña ire”, yibojarāti, “Īti ña seti ire ñasarise”, yi goti rētohu masibisijarā ña. ⁸ Ito ña yija tuocōri, “Yure seti ma”, yiroca ado bajiro yiyiju Pablo:

—Gua judio masa rotirise cudibicu meje ña yu. Dios ya wi ñeñogū sājabiticu yu. Ito yicōri Roma gagu ujure cudibiticō yibiticu yu, yiyiju Pablo ito tuo rujirāre.

⁹ Judio masa rāca queno ñaroca, Festojua ado bajiro seniāyiju Pablora:

—ĪJerusalénju wa āmoati mu? Jerusalénju masa tiro riojo, “ĪSeti ñati mure?” yi yu seniāre, ĩāmoati mu? yiyiju Festo Pablora.

¹⁰ Ito bajiro ĩ yija tuocōri, ado bajiro cudiyiju Pablo:

—Meje. Adoju ña yu, “Mure seti ña, mure seti ma”, ujarā ña riojo gotiroju ña yu. Adoju Roma gagu uju ire ejañuari masa, “Mure seti ña, mure seti ma”, yirā taju ña yu maji. Adoju ñaraja yure. “Judio masare ñeñaro yibitiqui ĩ”, yi masia mua. ¹¹ “Īre buto seti ña”, yicōri yure mua sia āmoja, no yicōri mañobicuja yu. “Īre buto seti ña”, yi masibitibojarāti judio masa taju sīgūjua yure cū masibea mua. Roma gagu ujumasiti, “Seti ña mure, seti ma mure”, ĩ yire āmoa yu quenogoroa, yiyiju Pablo Festore.

¹² Pablo ito ĩ yija tuocōri, ire busi ejañuari masa rāca busiyiju Festo. Ito yicōri ado bajiro yiyiju Pablora:

—“Roma gagumasiti, ‘Īto bajia’, ĩ yire āmoa yu”, mu yija tuocōri, mure uju taju cūna gua, yiyiju Festo Pablora.

Īju Agripa tiro riojo Pablo ĩ busire gaye

¹³ Ito bajija bero yoa busari uju ñasagu Agripa wame cutigu ĩ rījoro Berenice wame cutigo rāca, Cesareaju ejayijarā ña. Festo mamu uju ĩ wasoare ñajare, “Queno bajia mu”, yirona wayijarā ña. ¹⁴ Yoa busari ĩ ñaja bero Pablo gayere busiyiju Festo, uju Agripare.

—Yu uju wasaroca Félix budi wacu sigū āmugū ĩ tubiaru ñami ado. ¹⁵ Jerusalénju yu ñaroca paia ujarā ito yicōri judio masa bucarā, “Īre seti ña. Ito bajiri ire sāja quena”, yicā ña yure.

¹⁶ Ado bajiro ñare cudicu yu: “Gua romano masa gua yisotirise ado bajiro bajia. ‘Īre seti ña’, yirā riojo, ‘Ado bajirojua bajia, yure seti ma’, ĩ yiroto riojua siare ma gare, yicu yu”, yiyiju Festo Agripare. ¹⁷ Ito bajiri judio masa ña ejaroca, uju yu sājaja bero, “Īre seti ma, Īre seti ña”, ujarā ña yiroju yoari mejeti wacu yu. Iti wiju ejaōri Pablora āmi roticu yu.

¹⁸ Yu tuoñaja, ado ejarā judio masa, “Īre buto ñeñarise seti ña”, yirā yirāji, yibojacu yu. Ito yibojarocati, “Itocō jaje seti ña”, yi masibiticā ña. ¹⁹ “Gua rūcūbuosotiririse rūcūbuobeami ĩ. ‘Godabojaguti mucana tuda catiami Jesús’, yi ruomi Pablo. Īre seti ña”, yirona iti riti goticā ña. ²⁰ Iti oca bajirisere queno masibiticōri, Pablora ado bajiro seniāacu yu: “Jerusalénju, ‘Īre seti ma, Īre seti ña’, ña yi beseroju, ĩwa āmoati mu?” yibojacu yu Pablora. ²¹ “Meje, Roma gagu uju Augusto wame cutigu, ‘Īre seti ña, ito yicōri Īre seti ma’, ĩ yire āmoa yu”, yiqui Pablo. Ito ĩ yija tuocōri, “No yu cōa āmori rāmu Roma gagu uju taju mure cōacuja. Adocāta tubiara wiju ñatiñagū ya mu maji. No yu cōa āmori rāmu gajero mure cōacuja yu”, yicu yu Pablora, yiyiju Festo Agripare.

²² Ito yija Agripa ado bajiro yiyiju Festore:

—Yu cani Pablo ĩ busirere tuo āmoa yu, yiyiju Agripa, Festore:

—Bau, jane busuriti Pablo ĩ busirere tuogu yiguja mu, yiyiju Festo Agripare.

²³ Ito bajiri, busuriti Agripa ĩ rījoro Berenice, Pablo ĩ busija tuorā ejayijarā ña. Itoju ejaōri sōbajiro ñasagu ña yu, yi tuoia minijua wiju sājayijarā ña. Surara ujarā rāca, ito yicōri iti cuto ujarā ñasarā rāca sājayijarā ña. ña sājaja ticōri, Pablora ji rotiyiju Festo. ²⁴ Pablo ĩ ejaja ticōri, itoju minijua ñarāre ado bajiro yiyiju Festo:

—Yu uju Agripa, ito yicōri gua rāca minijua ñarā, tiya āni ñami Pablo. Jājarā judio masa “Īre seti ña”, yi busiama ña yure, Jerusalénju ito yicōri adoju Cesareaju cani. “Ī godacoarujami”, yire gayere busi tarojobeama ña. ²⁵ Yu tuoñaja, seti ñasarise ma Īre. Ito bajiri, “Godarujami ĩ”, yi masibea yu. “Roma gagu uju riojo, ‘Īti mure seti ma, ito mure seti ña’, ĩ yicato bajiroti uju tu cōacuja”, yi tuoia yu. ²⁶ “Īti ña oca ñasarise Pablora”, yi yu ujure papera uca masibea yu. Ito bajiri Pablora ji ñucamu yu, mua riojo, quenogorama yu uju Agripa mu seniātoni. Ito bajiro mu seniāja bero iti oca tuocōri ucagu yiguja yu Augustore. ²⁷ Rocati, “Īti seti ña Īre”, yi masibitibojaguti, yu Pablora cōaja, rocati mecūri masure bajiro yiguja yu, yiyiju Festo Agripare.

26

Yn gotirise tɔoya, uju Agripare Pablo i yire gaye

¹ Ito i yija tuocōri, Pablore busi rotiyiju Agripa:
—Mumasiti, “Iti seti ma yure”, yi gotiya, yiyiju i.

Ito i yija tuocōri, “Busigu wagu ya yu”, yirocu i ya amo numuoyiju Pablo. Ito yicōri busisuoijiju ija:

²⁻³ —Yu uju Agripa, mu tuoro riojo busigu wagu queno wana quenacōri busigu wagu ya yu. Gna judio masa gna yisotirisere queno masia mu. Gna tuoia busisotirisere cuni queno masia mu. Ito bajiri judio masa, “Ire seti na”, ina yibojarisere mu tiro riojo itire gotigu ya yu. Queno yu gotirisere usiriobicati tuo jeoya, yiyiju Pablo Agripare.

Jesure yn masiroto riojna ado bajiro bajicu yn maji, Pablo i yire gaye

⁴ Yu narā judio masa jeyaro yu nagore cuni queno masiama ina. Yu ya cuto jaibicnacā yu nagore ito yicōri Jerusalénju yu nagore cuni queno masiama ina. “Jaibicu nagūju, mani masa yisotirisere gayere cadiqui i. Ito yicōri iti gayere riasotiqui i”, yi masirāji ina yure. ⁵ Gna masa fariseo gaye tuoīarā, ina nama buto Moisés nayoru i rotirisere gaye rūcubuoā. Macnacā yu nacatijujuti fariseo gaye ina tuoīarise tuoīasotica yu. “Ito bajiro bajiqui i”, ina yi āmoja, riti yirāji ina. ⁶ “Godanare mucana tūdi ina catiroca yigu yigūja yu”, yi goti yucāni Dios gna űncusabatiare. Ito bajiro yu tuoīajare, “Ire seti na”, yicōri yure āmi wadiama ina. ⁷ Dios i yicato bajiroti yirotire bocatirā yama gna masa jua gubojeno buturi narā. Ito bajiri namiri, amuari Diore rūcubuoā nama ina. Ito yicōri Diore cudi nama ina. Yu cuni inare bajiroti rūcubuoā itire. Iti gaye yu tuoīajare, “Ire seti na”, yama ina. ⁸ űNo yija, “Godanare mucana tūdi catiroca yibiquiji Dios”, yi tuoīati mua? yiyiju Pablo uju Agripare.

Jesure masirāre rocati yi amocu yn maji, Pablo i yire gaye

⁹ Gaje ado bajiro busi remoyiju Pablo:
—“Jesús Nazaret gagare tuorūnarājnare ñeñaro yisarūja yure”, yi tuoīabojacu yu maji cajero. ¹⁰ Ito yu tuoīacato bajiroti yicu yu Jerusalénju. Paia ujarā ina rotirisena, Jesure tuorūnarāre tubiara wiju cūcu yu. Jesure masirāre ina sīaja, “Ito bajiroti uja”, yi tuoīacu yu cuni. ¹¹ Coji meje Jesure tuorūnarāre ñeñaro ina tōbujaroca yicu yu. Judio masa minijuari wiju inare āmi sājacōri ñeñaro ina tōbujaroca yicu yu. Ito yicōri, “Jesure masibea gna”, ina yijaro yirocu, inare usirioro yi codecu yu. Inare buto junisinicōri inare sayacu yu, gaje cutoju suacōri, ñeñaro tōbujaroca inare yirocu.

Ado bajiro Jesure masisuoicu yn, mucana Pablo i yire gaye
(Hch 9.1-19; 22.6-16)

¹² Ito bajiro yirocu Damasco cutoju wacu yu. Paia ujarā ina rotija tuocōri, itoju wacu yu. ¹³ Yu uju, ma wacu, buto űmacañi rētoro busurise ticu yu űmua gudareco tujaroca. Iti busurise yure siaticu ito yicōri yn rāca wacanare cuni. ¹⁴ Ito bajijare ñarocōti quediocoacu gna. Ito yija, hebreo ocanā ado bajiro yure busija tuocu yu: “Saulo Saulo, űno yija yure ñeñaro yi āmoati mu?” yire oca ruyucu űmacāju. “Ito bajiro mu yija mumasiti ñeñaro tōbujagu ya mu. Adocāta mu ya ruju jota mu jajuja, juniroja mure cuni. Itioni yigu bajiro ya mu”, yi ruyucu oca yure űmacāju gaye. ¹⁵ Ito yijare, “űNoju gagu yure busiati mu?” yicu yu. Ito yija mani űju ado bajiro yiqui yure: “Yu ña Jesús ñeñaro yi āmogū mu josaguti. ¹⁶ Wumu rūgūña. Yure moa isijaro i yirocu, mure goaīoa yu. Ito bajiri yu oca masare goti batogu yigūja mu. Adocāta mu tūrise, gotigu yigūja mu. Ija mure yu űoroti gaye cuni goti batogu yigūja mu. ¹⁷ Judio masa, ito yicōri judio masa meje narā cuni mure ina sīa āmoja mu rāca ñacuja yu. Masa jeyarore yu oca gotijaro Pablo, yirocu ina tu mure cōa yu. ¹⁸ Ina tu mure cōacuja yu, yu oca ina tuo masitoni. Yu oca mu gotija ñeñaro yi ñabojana, quenarise yi ñarā yirāji ija. Rāitūaroju ñabojana busuroju ñarā yirāji mucana. Yu ñagū yigūja ina uju. Rāmū i rotirisere cudirā meje ñarā yirāji ina. Yure ina tuorūnuja, ñeñaro ina yirisere ācabojocuja yu. Ito bajiri Dios i besecāna rāca catitūnarā yirāji ina”, yi ruyucu oca yure, yiyiju Pablo Agripare.

Jesús i roticataire yiro robo cudicu yn, Pablo i yire gaye

¹⁹ Ito bajiro űmacāju ruyuja tuocōri, yiro bajiroti cudicu yu Jesure. Yu uju Agripa, Jesús i roticataire cudibiticō yibiticu yu. ²⁰ I “Yiba”, yicato bajiroti Damasco gānare Jesús oca gotisuoicu yu. Ito hero Jerusalén gāna Judea sita gāna ñajediro, ito yicōri judio masa mejere cuni, i ocare goti ucucu yu. “Mua ñeñaro yirise jidicācōri, Dios robo bajiro tuoīaña mua. Ito yicōri quenarise yiba, gājerā, ‘Diore masirā nama’, ina yi ti masitoni”, yicu yu inare. ²¹ Ito bajiro yu gotija tuocōri, judio masa yure ñiacā Dios ya wiju. Ito yicōri yure sīa āmocā ina. ²² Ina ito bajiro yi āmobjarocati, Dios ejabuacu yure. Adocāta cuni yure ejabuami Dios. Ito bajiri Dios oca gotia yu ñasari masa ujarāre ito yicōri ñari masa mejere cuni. “Ito bajiro rētoro yiroja”, Moisés nayoru i goticādo bajiroti, ito yicōri Diore goti isiri masa ina goticādo bajiroti

iti gayere muare gotia ya. ²³ Ado bajiro yiñi Moisés ito yicōri Diore goti Isiri masa: “Dios ĩ cōagū quenabeto tōbajagu yiguñi. Ito bero godagu yiguñi. ĩ ñagū yiguñi godabojaguti cajero catisuogū. Мұсана caticōri masa ĩna tuo masiroca yigu yiguñi. Ito yicōri ĩre tuorūnāre masogū yiguñi. Judio masa, judio masa mejere cuni masogū yiguñi”, yi ucañi ĩna, yiyiju Pablo.

Cristore ĩ tuorūnuroca Agripare Pablo ĩ yi āmore gaye

²⁴ Ito bajiro ĩmasiti Pablo ĩ gotija tuocōri, Festo oca sēoro busiyiju:

—Tuo masibeā Pablo mu. Buto mu papera riasotija mu tuoĭarise wisacoayija mare, yiyiju Festo Pablare.

²⁵ Ito ĩ yija tuocōri, ado bajiro cadiyiju Pablo:

—Meje ya uju mecubesame ya. Ado robojuā baja. Ya busirise queno tuoĭacōri busia ya, ito yicōri riti ña, yiyiju Pablo Festore. ²⁶ Ito yija busi remogū ado bajiro yiyiju Pablo uju Agripare: “Yu busirisere queno tuo masia mu. Ito bajiri tuo güibicuti mu tuoro riojo busia ya. Iti jeyaro ya busirisere queno masia mu. Adi Jesús oca yeyo gotire meje ña. Masa ĩna tiro riojo rētare ña. ²⁷ Yu uju Agripa, ¿Diore goti Isiri masa ĩna gotūgore tuorūnūati mu? Tuorūnūa mu, ya tija”, yiyiju Pablo Agripare.

²⁸ —¿Iti jabetacā yare basicōri, “Jesure rācubūogu yigūja mu”, yati mu yare? yiyiju Agripa Pablare.

²⁹ Ito ĩ yija tuocōri, ado bajiro yiyiju Pablo ĩre:

—Oca jairo ya busija jabetacā ya busija cuni, mare yari Diore senigū ya ya. Ito yicōri ado ya busija tuorā jeyarore yari Diore senigū ya ya, Jesure ya tuorūnuro bajiro mua tuorūnūtoni. Yu Jesure tuorūnuro bajiroti mua tuorūnure āmoa ya. Ito bajibojarocati ya robo bajiro tubiara wiju ñacōri meje mua tuorūnure āmoa ya, yiyiju Pablo ĩnare.

³⁰⁻³¹ Ito bajiro Pablo ĩ yija bero Agripa, Festo, Berenice itiju minijua ñana cuni ricati wacōri oca bajirisere itire busirā wayijarā ĩna. Ito bajiri ĩnamasiti ado bajiro gāmeri busiyijarā ĩna.

—Ñe seti ma ānire. Ito bajiri sīabitiruja ĩre. Ito yicōri tubiara wiju ñabitiruja ĩre, yiyijarā ĩna.

³² Ito yija Agripa ado bajiro yiyiju Festore:

—Roma gagū uju, ĩ oca quenore āmoa ya, ĩ yibeto bajija, adocāta jidicā ecocōboñi ĩtja, yiyiju Agripa Festore.

27

Pablare Romaju ujarā ĩna cōare gaye

¹ Ito yija, “Pablo ito yicōri ĩ rāca tubiara wiju ñarāre cuni Italia sitaju cōaruja mani”, yiri seyoni ujarā. Ito bajiro yicōri sigū Julio wame cutigure guare Italiaju āmi wa roticā ĩna. Roma gagū uju ĩ ya surara coderi masu ñaquī Julio. ² Ito bajiri Adramitio wame cutiri cuto gaga cumana wasuocu gūa mucana. Asia sita cūtori majadori ti ucuro warica ñacu itiga cuma. Sigū Aristarco wame cutigū waquī gūa rāca. Macedonia sita Tesalónica wame cutiri cuto gagū ñaquī ĩ. ³ Cesareana wasuocu gūa. Ito bajiri gaje rumu Sidónju ejacu gūa. Itoju ejacōri Pablare queno ti maicōri ĩre queno yiquī Julio. Iti cuto gānare ĩ baba mesare ĩ ti ucu āmoja ĩre rēobitiquī Julio. Ito yicōri ĩ baba mesa ĩre bare eca āmoja, ĩre ĩna ejabua āmoja cuni rēobitiquī Julio. ⁴ Ito Sidónre wacoacu gūa. Ito gūa waroca buto mino wēatucu guare. Ito bajiri riojo wa masibiticu gūa. Chipre wame cutiri yoga gaje dūjare wacu gūa. Ito bajiri gācodūjajuare ñacu iti yoga. Itojuā mino buto wasabiticu. ⁵ Cilicia sita, Panfilia sita, riojo rētacu gūa. Ito rētacōri Licia sita Mira wame cutiri cuto ejacu gūa.

⁶ Ito ejacōri surara uju Julio Italiaju warica coga cuma ti bujañi ĩ. Itiga cuma Alejandría gaga ñayiju. Itiga ĩ bujaja bero warona itigaju sājacu gūa mucana. ⁷ Mino buto iti wēajare, co rumu meje ñacōri, josari Gnido wame cutiri cuto ejacu gūa. Riojo rētacu gūa itore. Gūa waro riojo buto mino iti wēajare, riojo wa masibiticu gūa. Jēa wacōri Salomón wame cutiri cuto rētacu gūa. Ito yicōri Creta wame cutiri yoga rāja wacu gūa. ⁸ Ito gāni rāja wacōri, josari Lasea wame cutiri cuto tu, “Quenari Jetacari”, wame cutiro ejacu gūa.

⁹ Gūa waroca jaje rumari godacu guare. Juebuca iti cōñajare waroto guijo ñacu riaca jajosa ĩja. Ito bajiri: “Ado bajiro mua yija quena”, yiquī Pablo ĩnare.

¹⁰ —Yu ñarā ya tija adi mani warise, guijoro rētarō yiroja manire. Mani ya cuma rujacoaro yiroja. Ito yicōri gajeoni cuni rujacoaro yiroja. Mani cuni godacoarā yirāji gajea. Yu tuoĭaja adoti tujaraja mani maji, yibojaquī Pablo ĩnare.

¹¹ Ito bajiro ĩ yibojarocati Pablare tuorūnūbitiquī surara uju. Iti cuma uju, ito yicōri iti cuma weatugure ĩnare riti queno tuorūnūquī surara uju. ¹² “Guijoro ñaroja”, yi masicōri, iti jetacaju juebuca rēta āmobicā gājerā, gūa rāca warā. Ito bajiri ado bajiro tuoĭacā ĩna: “Iti yoga rāja wacōri Fenice cutoju juebuca rētoruja manire. Rujasōa busa ñajare buto mino wābetoja itoju”, yi tuoĭacā ĩna.

Īnare mino wēare gaye

¹³ Iti buto mino wēabeja ticōri, “Feniceju ejarā yirāji mani”, yi tūoīacā ĩna. Ito bajiro tūoīacōri wasuorāti iti yoga tu rūja wacu gua mūcana. ¹⁴ Ito bero nocō mejeti cumaju buto mino wācu. Ūmacañi ĩ joejea wadiro gaje dūjare gācodūjare wadicu iti mino. ¹⁵ Iti cumare buto wēacoacu mino. Ito bajiri riojo wa masibiticu gua. Ito bajiri mino iti āmi waroti ticōacu gua ĩja. ¹⁶ Ruja yoga jaibiti yoga Cauda wame cutiri yoga totoju wēasabitijū wacu gua. Ito bajiri josari cuma mutacā gua sia yocatiŕe āmicu gua. ¹⁷ Gua mūojeja bero jajoca cuma gua wacatigare, jūgubona siari cūcā moari masa, mino iti wēaja wadirujabe yirona. Ito bero, “Sirte wame cutirijū jaju mino iti wēacoaja queditua rujaboroja”, yi tūoīarā, mino iti wēaturise saya rujiocā ĩna ĩja. Ito bajiri mino iti wēacoaro bajiroti wacu gua ĩja. ¹⁸ Ito bajiri gaje rumu buto iti mino wēa rētocūjare, cuma būsua gaye gajeoni cōaroacu ĩna. ¹⁹ Mūcana gaje rumu ĩnamasiti cuma būsua ñarise gajeoni cōaroacā ĩna. ²⁰ Co rumu meje ide bueri iti bue rētocūjare ñocōa cūni ruyubiti, ūmacañi cūni ruyubiti bajicā. Ito yicōri buto mino wācu guare. Ito bajiri ito bajijare, “Catiado ma mani, catire ma manire”, yi tūoīacu gua.

²¹ Yoari co rumu meje babiticu gua. Ito bajiri iti ticōri wamu rūgūcōri busiqui Pablo:

—Creta yogaju yu busiroca ma tūojama, quenoti ejaboyija, yiqui Pablo. Itojana mani wadibeto bajijama, cuma būsua cūni ñeñabitiboadoja. Ito yicōri gajeoni cūni godabitiboadoja. ²² Adocāta tūoīa oca quedi yibesa. Adi cuma, cuma iti godabojarocati, sigajua goda yimenaji mani. ²³ Dios ñami yu Ūju. Ito yicōri ĩre rūcūbuoa yu. Īju ñami Dios ñaro gagu ángel ĩ cōaru, yure goami. ²⁴ Ī ángel ado bajiro gotimi yure: “Gūibesa. Roma gagu ūjare, ‘Seti ma yure’, yigu yigūja mu. Diore mu senija tūoīi Dios mure. Ito bajiri mu rāca gāna cuma wārā ñarocōti cati jedicōrā yirāji”, yimi ángel yure. ²⁵ Ito bajiri oca sēoña yu ñarā mua. Diore tūoīanua yu. Ito bajiri, “Ángel ĩ gotiro bajiroti rētarō yiroja”, yi tūoīa yu. ²⁶ Gudareco yogaju queditua rujabojarāti godamenaji mani, yiqui Pablo guare.

²⁷ Ito bero juaji semana bero Adiático wame cutirita itajuraju ñacu gua, mino guare iti wēacōajare. Ñami gudareco iti cuma moari masa, “Sitaju ejarā ya mani”, yicā ĩna. ²⁸ Ito yicōri gūtagā yutamana cano yicōri ide ucārisere cōīacā ĩna. Treinta y seis metros ucāro ñacu ito. Yoa busari mūcana ĩna cōīaja veintisiete metros ucāro ñacu. ²⁹ Gūta quedituare gūirā, juariagari come guji cutirise come mana cano yicōri cōaroacā ĩna, cuma iti waja tūatujaro yirona. Cuma usitutujare ito bajiro yicā ĩna. Ito bajiri ejori iti busure āmorā Diore senicā ĩna. ³⁰ Ito bajiroca riti rudire tūoīacā iti cuma moari masa. Ito bajiri cuma ĩguēajua, cuma būsua ñariatire come cōaroarā yama yiado bajiro cuma jaibitigacā rujiocā ĩna. ³¹ Ito bajija ti masicōri, surarare ito yicōri ĩna ūjare ado bajiro gotiqui Pablo:

—Īna adi cuma moari masa ĩna rudija, mani adi cuma tujarā godacoarā yirāji, yiqui Pablo surarare.

³² Ito ĩ yija tūocōri, cuma jaibitiga siara mare yije tacōcā ĩna, “Iti āmoroti wajaro”, yirona.

³³ Busuri ĩju jabeto ba rotiqui Pablo guare:

—Juaji semana rēta, canimenati, bamenati mua ñaroca. ³⁴ Mua jabeto bare āmoa yu. “Catiba”, yiroca muare ba rotia yu. Ñejuā rētabetoja muare. Catirā yirāji mua ñarocōti, yiqui Pablo guare.

³⁵ Ito yi tūocōri ĩ ya āmona naju āmi rūcōcōri, “Queno ya mu”, yiqui Diore gua tiro riojo. Ito yicōri jabetacā igata āmicōri baquī ĩ. ³⁶ Ito ĩ yija ti wanūcōri, oca sēocu gua. Ito bajiri gua ñarocōti bacu itire. ³⁷ Doscientos setenta y seis masa ñarā ñacu gua iti cuma warā. ³⁸ No gua ba āmorocō bacu gua. Ba tūocōri trigo bujuri cōaroacu gua, cuma būsua buto busa jayajaro yirona.

Cuma būsua iti rujare gaye

³⁹ Iti busuroca iti cuma moari masa ruja yogaju jaju iti ruyuja ticā ĩna. “Ito bajiro wame cutia”, yi masibisī ĩna iti yogare. Iti sita wame masibitibojarāti, “Cuma majado iti quenaja tito maji”, yicā ĩna. ⁴⁰ Ito bajiri come gujiro ñariatiti ĩna siarare yije tacā ĩna. Ito bajiri ide watojūti tujacoari seyocu iti. Ito bajiri cuma būsua weatura jāire sā rūgōcā ĩna mūcana. Ito yicōri mino tuaroto ūmatūadoju saya wero mūocā ĩna. Ito bajiri jaju tūjare jāja wacu cuma ĩja. ⁴¹ Ito wasuoroti ūma gāniro jajuju sua queacu cuma būsua. ĩguēajua jajuju jua rūjūcoacu. No yicōri wa masia mano cuma usitutujua buto iti jacūjare wadisuoacu.

⁴² Ito bajija ticōri, surara tubiarona ĩna āmi wanare, “Sīacōrūja mani, ĩna bati rudi wabe yirona”, yi tūoīacā ĩna. ⁴³ Ito bajiro ĩna yibojarocati surara ūjuama Pablo ĩ catire āmoquī. Ito bajiri ĩ ya surarare sia rotibitiqui ĩ: “Mua bati masirā cojiti bati jājā wasa jajuju ejasuoaba”, yiqui surara ūju. ⁴⁴ Ito yicōri gājerāre bati masimenare, “Cumū jāiri cuma ñagorena wasa mua”, yiqui. Ito bajiri sigū godabeto ñarocōti jāja ejacu gua jajuju.

28

Malta wame cutiri yogaju Pablo i wa ucure gaye

¹ Ito maja rügücöri, “Malta wame cutiri yoga ña adi yoga”, yi masicu gua ñja. ² Iti sita gāna queno yicā guare. Ide jairo quediya iti usajare jeame jajame riocā ña. Ito bajiro yicöri, “Sumarā waya mua cuni”, yicā guare. ³ Ito yija Pablo jea cararise jabeto mioquī. Iti i jea tiaroca asijua budi wadiguju Pablo ya āmoju āña cuni ñia yojaquī. ⁴ Iti sita gāna Pablore āña cuni ñia yojaja ticöri, ado bajiro ñnamasi gāmeri busicā ña:

—Wajacu seyoami āni. Riaca jajosaju godabiticöri i ñeñaro yire waja godagu yiguñji ñja, yicā ña.

⁵ Ito ña yibojarocati Pabloama jeameju āñare wējata tiacoquī. Ito bajicöri ñre ñejua rētabiticu. ⁶ Iti sita gāna masa ñarocöti “Mijiro yiroja”, yibojacā ña. “Yoari mejeti usi jedi quediya yiguñji”, yibojacā ña. Ito bero yoari yubojari i godabeja ticöri, ña tuoñarisere gajero bajirojua tuoñacā ña mucana: “Mani rücbuogü masu ruju, ruju cuticöri ejami āni”, yicā ña.

⁷ Ito tu iti yoga uju ñari masu ya sita ñacu. Públio wame cutigu ñaqui i. Guare boca āmicöri uña rumu gua ñacati rumuricö queno yiquī i guare. ⁸ Ito gua ñaroca Públio jacu, jacuari, ñiori cö yosaquī. I tu tirā wacu gua Pablo rāca. I tu ejacöri Diore seniquī Pablo. Ito yicöri cögüre i ya āmo i moa jeorocati i ñarise cutirise iti rētaroca yiquī i. ⁹ Ito iti bajija tuocöri, iti yoga gāna gājerā cōrā i tu ejacā. Ito bajiri ña ñarise cutirise rētacu ñnare cuni. ¹⁰ Guare rücbuorā ñari guare queno yicā ña. Gua waroto rijoja gua ba waroti jeyaro ñe ruyabeto guare ñisicā ña.

Romaju Pablo i ejare gaye

¹¹ Udiarā umacañi iti yoga gua ñaja bero mucana warona cumaju sājacu gua. Itiga juebucu rētagoraga ñacu. Alejandría wame cutiri cuto wadiraga ñacu itiga. Cuma buca ñatūadojuare, masa rijogari bajiro ña menire ñacu iti cuma ujarā ña rücbuorise. Iti wame cuticu, Cástor, ito yicöri Pólux. ¹² Iti cumana wacöri Siracusa wame cutiriju jetaca ejacu gua. Itoju uña rumu tujacu gua. ¹³ Ito tunima busa warā riti Regio cuto ejacu gua. Gācöa sojeju wēarise mino queno ejabuacu guare. Ito bajiri gaje rumati Puteoliju ejacu gua. Ito majacu gua. ¹⁴ Iti cuto gājerā Jesure masirāre ti bujacu gua. “Gua rāca coji semana tujaya”, yicā ña guare. Iti semana bero mucana wasuocu gua, Romaju warā. ¹⁵ Roma gāna Jesure masirā gua ware gaye masi yucāri seyoñi. Ito bajiri maju guare bocarā ejacā ña. Coriarā, Foro de Apio wame cutiri cutoju guare bocacā. Ito yicöri gājerā Tres Tabernas wame cutiri cutoju guare bocacā. Ito ñare ti bujacöri, “Queno ya mu”, yiquī Pablo Diore. Ito bajiri queno wanu quena oca sēoquī i. ¹⁶ Romaju gua ejaja bero tubiarona āmi wacānare surara uju gotiquī, tubiara wi coderi masi uñjere. Pabloreama ricati sigü surara codegu cutiro ñre cücā.

Romaju Pablo i ñare gaye

¹⁷ Gua ejaja bero uña rumu tujaroca, judio masa ñasari masare ji rotiquī Pablo. ña minijua jediroca ado bajiro ñnare gotiquī i:

—Yu ñarā, diseju man i ñarāre ñeñarise yibiticu yu. Mani ñicusabatia ña rücbuore cuni ñeñaro yibiticu yu. Ito yu yibitibojarocati Jerusalénju man i masa yure ñiacöri Romano masare ñisicā ña yure. ¹⁸ Yure boca āmicöri yure jidicā āmobjacā ña. “Ñe setina godado ma mu”, yirona yure jidicā āmobjacā ña. ¹⁹ Ito bajibojarocati man i masa jidicā āmobicā yure. Ito bajiri, “Yu uju Roma gagu, seti ña mure, seti ma mure”, i yi besere āmocu yu. Mani ñarāre junisinicöri meje ito bajiro yicu yu. ²⁰ Ito bajiri iti muare busirocu, muare ji ñucamu yu. Mani judio masa man i bocatigu ejacoami ñja. Iti ñami Jesucristo. ñre tuorānugü yu ñajare, come mana yure siari seyoama ña, yiquī Pablo.

²¹ Ito yija ado bajiro yicā ña ñre:

—Ma oca iti bajirisere Judea sita ña papera cōarere boca āmbiticu gua. Mani ñarā ito wadiana cuni ñejua ñeñarise mu gayere busi ejabiticā ña. ²² “Masa Jesure ña tuorānaja quenarise meje ña”, yire gaye riti tuoja gua. Ito bajiri adi mame tuoñare gaye muāma, cño bajiro tuoñati? Iti gayere tuo āmoa gua, yicā ña Pablore.

²³ “Ito yija iti rumu minijua man i”, yicā ña. Ito yija bero batacā ña. ña wara rumu ejaroca jājarā masa ejacā Pablo i ñaroju. ña minijuaja ticöri, “Ñre tuorānare i rotiroju miojuga yiguñji Dios”, yire gayere gotiquī Pablo. Busuri jiju i goticōaja, rāiocüro goti tarojoquī. Moisés ñayoru i ucarere gotiquī Pablo. Ito yicöri Diore goti ñisiri masa ña ucare cuni gotiquī i. “Jesure tuorānajaro ña”, yirocu ito bajiro gotiquī Pablo ñnare. ²⁴ Coriarā Pablo i busirisere queno tuocā. Gājerāma tuorānabiticā. ²⁵ Gājerāma sigüre bajiro tuoñabiticöri wagocoacā. Ito bajijare ado bajiro gotiquī Pablo ñnare:

—Isaiasna suoriti queno gotiñi Espiritu Santo man i ñicusabatiare. “Ado bajiro yami Dios”, yi gotiñi Espiritu Santo Isaiasre.

²⁶⁻²⁷ Wasa, yure yiari judio masare ado bajiro gotiya: Mua ñeñaro yirisere jidicābiticöri, yure boca āni āmobeja mua. Yu gotirise queno tuo masi āmobeja mua. Yu yigore tibojarāti,

“Iti ña Dios i yigore”, yi amobea mua. Ñeñaro mua yirisere jidicã amobea mua. Mware ya masotoni, yare boca ami amobea mua. Ito bajiri ya busirise tuobojarãti tuo masimena yirãji mua. Ya yigore tibojarãti, “Iti ña Dios i yigore”, yi masimena yirãji mua, yami Dios i oca tutina, yiqui Pablo.

²⁸ Ito bajiri busi tiogã ado bajiro gotiqui Pablo:

—Ado ya busirisere mua tuorunare amoa ya. Jane adi rumana Dios i ñarãre i masore gaye oca, judio masa meje ñarãre gotire ñaro wado yiroja. Iti oca tuocõri wana quenarã yirãji inama, yiqui Pablo inare.

²⁹ Pablo ito i yija tuocõri, inamasiti gãmeri busi wacã judio masa.

³⁰ Ina wasoara wire jua rodo queno ñaño Pablo itojure. Ire tirã ejarãrecõti inare boca amiyiju Pablo. ³¹ Güibicuti oca seocõri, “Ire tuorunurãre i rotiroju miojuga yiguji Dios”, yire gaye gotiyiju Pablo. Ito yicõri mani Uju Jesucristo gaye cani riasoyiju i. Ito bajiro Pablo i goti ñaroca sigujua usirioro yibisijarã ire. Itocõ ña.

La carta de San Pablo a los Romanos

Roma cuto gånare Pablo i papera cõare gaye

¹ Nati Roma gånana mua. Yu ña Pablo, adi muare papera cõagũ. Jesucristore moa ñsiri masu ña yu. Yure besecõri Cristo oca masare yu goti ucutonni yure cũñi Dios. “No Jesucristore tuorånugãre ñre masogũ yiguñji Dios”, yi masare yu goti ucutonni yure cũñi Dios.

² Jane mejeju, “Ado bajiro masare queno ejabuagu yiguja yu”, yirocu iti oca goti yucãyiju Dios. I gotiadi bajiroti i ocare uca rotiyiju ñre goti ñsiri masare. Ito bajiri iti oca quenarise uca warã i oca tuti ucayjarã ñna. ³ Ito oca Jesucristo gaye manire riasoa. Iñi ñami Dios Macu, mani Uju. Adi sitaju masu rujuna rujeayiju i. Ito yicõri David ñayoru janerãbatia janamiti ñayiju Jesucristo. ⁴ Ito bajibojaguti Dios Macuti ñayiju Jesucristo. I godaja bero Espiritu Santo i masirisena, ñre mucana tãdi i catiroca yiyiju. Itire masicõri, “Dios Macuti ñami Jesucristo”, yi tuoia mani ñja.

⁵ Jesucristona suoriti queno yiñi Dios yure. Masa jeyaro Jesure ñna tuorånatonni, ito yicõri yi robo ñna cudtonni, yure cũñi Dios. Ito bajiri, “Rẽtoro quenagã ñami Dios”, yi ñre rucãbuorã yirãji masa. ⁶ Muare cuni beseñi Dios. Jesucristo ñarã mua ñatoni, muare beseñi i. ⁷ Mua Roma gånana ñarocõreti adi papera cõa yu. Buto maiami Dios muare. I ñarã mua ñatoni muare beseñi Dios. Mani Jacu Dios ito yicõri Jesucristo mani Uju muare queno yijaro. Ito yicõri mua ya usiju queno mua wanu quenaroca yijaro ñna.

Roma cuto gånare Pablo i ti ãmore gaye

⁸ Ado bajiro muare gotisnoa yu. Co cuto ruyabeto mua Jesure tuorånare gayere muare busisotiana masa jeyaro. Ito bajiro ñna yija tuocõri, “Queno ya Dios mu”, ya yu. Ito bajiro Diore busia yu, Jesús yure i ejabuarisena. ⁹ Coji ruyabeto Diore yu busija, muare yiari busisotia yu. Buto yu tuoiarise ñarocõnati i yi robo Diore cudia yu. ñre yi robo cudigu, i Macu Jesús oca masare goti ucua yu. “Roma gånare yiari yure senisotiami Pablo”, yi masiguñji Dios yure. ¹⁰ Diore yu busija ito bajiro senisotia yu. I ãmoja mua taju co rumu ejaboguja yu, yirocu ito bajiro senisotia yu. Yoari mua tu warocu tuoiasotiboja yu. ¹¹ Dios gayere muare riaso ãmoa yu, yure i ejabuado bajiro muare cuni i ejabuatonni. Ito bajiro muare i ejabuaja, i ocare masicõri buto busa tuoia oca seõrã yirãji mua. Ito bajiri buto muare ti ãmoa yu. ¹² Jesucristore tuorånurã ña mani. Ito bajiri mua tu ejacõri mua rãca baba cuti ãmoa yu. “Queno Jesure tuorånurã ñna”, yi muare ti masicõri tuoia oca seõgũ yiguja yu. Mua cuni ito bajiroti yu rãca gãmeri busicõri tuoia oca seõrã yirãji.

¹³ Mua tuo masitoni adi muare gotia, yu mairã yu. Coji ruyabeto mua taju wa ãmosotiboja yu. Yoari mua taju wa ãmobjaguti, iti rumuju mua taju eja masibitica yu maji. Gaje cuto gånare yu riasoroca Jesure boca ãmiñi ñna. Mua bajiroti judio masa meje ñarã ñacã ñna cuni. Mua tu ñarã cuni Jesure ñna masitoni ejabuagu wa ãmosotia yu mua taju. Ito bajibojarocati mua taju ejabitica yu maji. ¹⁴ Masa jeyarore riasore ña yure, Dios oca quenarise gayere. Yu ya moare ña, yu oca busirãre riosore, ito yicõri yu oca busimenare cuni riasore gaye. Masirãre cuni riasogu yiguja yu, ito yicõri masimenare cuni. ¹⁵ Ito bajicõri Romaju ejacõri, mua tu gånare cuni Jesús gaye oca quenarise riaso ãmosacõa yu.

Jesucristo oca ñasarise ña, yire gaye

¹⁶ Ito oca masa ñna tuorånurã, jeameju ñna uabore ñaroca, ñnare masoguñji Dios. Ito oca judio masare riti ejasnoyija maji. Ito bajibojarocati adocãtama no itire tuorånugãreti masogũ yiguñji Dios ñja. Ito bajiri itire masicõri, Jesús gayere bojobicuti gotia yu. ¹⁷ Ado bajiro ña iti oca: “Jesure mani tuorånurã, manire boca ãmicõri, ‘Queno yirã ñna. Ñe seti ma ñnare’, yiguñji Dios. Ado bajiro ucare ñayija jane mejeju gaye: No Diore tuorånugãre, ñre boca ãmigũ yiguñji Dios. ‘Ñe seti ma ñre’, yi tigu yiguñji Dios ñre tuorånugãre. Ito bajiri catitĩñagũ yiguñji i”, yi gotia Dios oca tuti.

Masa jeyaro seti cutirã ñna, yire gaye

¹⁸ Ado bajiro ña. Dios macãrucãroju ñagã, masa ñna ñeñaro yirise, ñna riojo cudibitire cuni, itire buto ti teguñji Dios. Ito bajiro ñna ñeñaro yija, Dios oca quenarise gãjerã ñna tuobitiroca yirãji ñna. Itire junisicõri buto teguñji Dios. ¹⁹ “Ito bajiro bajigu ñaguñji Dios”, yi masi jedirãji masa. I masiti ito bajiro ñna masiroca yiñi Dios. “Ñeñaro yu yire waja quenabeto yu tãbujaroca yigu yiguñji Dios”, yi masi jedirãji masa. ²⁰ Diore tibitibojarãti, “Buto masigũ ñami Dios”, yi tuoia mani. Dios mani masiroca yami, ito bajigu ñari. Macãrucãro i rujeoraju, jeyaro i rujeore gaye ticõri, “Ito bajigu ñami Dios. Iti ña i rujeogore”, yi masirãji masa

jeyaro. Ito bajiri, “¿No bajigu ñati Dios? Ìre ti bujabea yu. Ito bajiri yure seti ma”, yi masia ma masare. ²¹ “Ito bajigu ñami Dios”, yi masibojarāti, Diore queno rúcubobisijarā masa. Ito yicōri, “Queno ya ma”, yire gaye yibisijarā ìre. Ado bajirojua yiyijarā ìna. Rocati bajiro, tuoĭabojayijarā masa. Ñeñarise riti ìna tuoĭa rētocūja, quenarise ìna tuoĭabojare gayere ācabojayija ìnare. Ito bajiro bajirā ñari rāitlari usi bajiro usi cutiyijarā ìna. ²² “Buto masirā ña gua”, yibojayijarā ìna. Ito yibojarāti masimena ñayijarā ìna. ²³ Ito bajiro tuoĭabojarāti, Dios catitñagüre queno rúcubobisijarā ìna. Gajero bajirojua yiyijarā ìna. Masu jogaroti ruju robo bajiro meni rujeocōri rúcubobojayijarā ìna. Wutiräre, jinoare, ito yicōri waibacu bajiräre cuni rúcubobojayijarā ìna.

²⁴ Itire ñeñarise gayere ìna rúcubojua, “Yibesa”, yibisiju Dios. Riojoti ticōayiju ìja. “Ìna āmoro bajicōato”, yiyiju Dios ìnare. Ito bajiri ñamasiti ìna ya ruju ñeñaro iti tuoĭaro bajiroti ñeñaro yi uyayijarā ìna. Ito bajiro yicōri ñamasiti gāmeri ñeñaro yiyijarā ìna. ²⁵ Dios oca ñasarisere tuorānabiticōri, tuore ocajua tuorānyujarā ìna. Diore rúcubuoado òno yirā, Dios ì menire gayejua rúcubobojijarā masa. “Dise rujabeto rujeoru ña Dios ma. Mu ña rētoro queno yigu”, yi rúcubotñacōruja manire. Ito bajiro riti bajitñaja quena.

²⁶ “Ìna ñeñaro yirisere jidicā āmobeama”, yi masicōri masare ticōayiju Dios ìja. Romiajua cuni, ùmua rāca ìna yibojarere jidicācōri, ìna romia comasiti yiyijarā ìna ìja. ²⁷ Ito bajiroti ùmua cuni, romia rāca ìna yibojarere wasoayijarā ìna. Ito bajiri, ìna ùmua comasiti, ruje josayijarā ìna ìja. Ito bajiri ìna ùmua comasiti ñeñarise yiyijarā ìna. Ito bajiri ñeñaro ìna yirisere ìna ya rujamasiti quenabisiju ìnare.

²⁸ Diore ìna tuo āmobitiado bajiroti, ñeñarise ìna yijare, “Yibesa ma”, yibisiju Dios. Riojoti ticōayiju. “Ìna āmoro bajicōato”, yiyiju Dios. Ito bajiri ìna yi āmoriseti ñeñaro yiyijarā ìna ìja. ²⁹ Jeyaro ñeñarise, yi uyarā ñama masa. Jeyaro ñeñarise yirāji ìna. Ado bajiro baja. Tuote ma. Dios rotirisere tuo tecōri buto ñeñarise yirāji ìna. Gāji ya gajeoni āmotirā yirāji ìna. Gājire ñeñaro yirona tuoĭarā yirāji ìna. Gāji jai busaro ì rucōja, ìre uorāji ìna. Sīarāji ìna. Gāmeri oca josarāji ìna. Ito yicōri rocati socarāji ìna. Ti tudirā yirāji ìna. Gājeräre oca menirā yirāji ìna. ³⁰ Busiturāji ìna. Diore ti terāji ìna. Junisiorise cudirā yirāji ìna. “Ñasagu ña yu”, yi tuoĭarā yirāji ìna. “Buto masigū ña yu”, yi busirāji ìna. Ñeñarise yirā, buto tuoĭa rujeorā yirāji ìna. Ìna jacusabatiare yiro robo cadimenaji ìna. ³¹ Tuo masimena ñarā yirāji ìna. Ìna busisuoado bajiro yimenaji ìna. Ito yicōri gājeräre ti maimenaji ìna. Gājerā ñeñaro ìna yirisere, ācabojomenaji ìna. ³² “Ito bajiro ñeñaro yiräre jeame ejuroju cōacuja yu”, yicāni Dios, yi tuoĭabojarāti ñeñaro ìna yirisere jidicā āmomenaji ìna. Iti ñeñarise yi uyacōrā yirāji ìna. Ito yicōri ìna robo bajiro gājerā cuni ñeñaro ìna yija ticōri, buto wanarā yirāji. “Quena ña iti”, yi tirā yirāji ìna.

2

Masa ñeñaro ìna yiado bajiroti waja senigū yiguĭji Dios, yire gaye

¹ Gājeräre ti masicōri, “Ìna ñama ñeñaro yirā”, yibesa. Ìna robo bajiroti ñeñarise ya mua cuni. Ito bajiri, “Seti ma guare”, yi masia ma muare. “Ìnare seti ña”, mua yija, “Yure cuni seti ña”, yiado bajiro ya mua. Ìna yiro bajiroti ya mua cuni. ² Ñeñaro yirā ñabojarāti, “Ìna ñama ñeñaro yirā”, mua yija, muare cuni waja senigū yiguĭji Dios. Masa jeyaro ñeñaro ìna yirise waja, Dios ì senija, yiro robo yigu ñami Dios. “Riti baja iti”, yi masi jedia mani. ³ Ìna robo ñeñaro yirā ñabojarāti, “Ìnare seti ña”, mua yija, ìna robo bajiro ñeñaro yirāti ya mua cuni. “Dios mani ñeñaro yirise waja, manire waja senibiquĭji”, yi tuoĭabojarāji mua. Ito bajiro yi tuoĭabojarocati mua ñeñaro yirise waja muare waja senigū yiguĭji Dios. ⁴ Mua ñeñaro yibojarocati, mua ñeñaro yirise waja senirocu usiriobiqūji Dios. ¿Ito bajiri, “Yure waja senibiquĭji”, yi tuoĭabojati mua? Ito bajiro meje baja. Manire ti maicōri, mani ñeñaro yirise waja, waja senirocu usirio yibiquĭji Dios. Ñeñaro yirise mani jidicāre āmoami ì. Itire mani jidicātoni yugu yami Dios. ⁵ Diore tuo āmobeama. Ito bajiri ñeñaro mua yirisere tuoĭa bojori bujabiticōri itire jidicābeama mua maji. Buto busa ñeñarise mua yi rētocūja, buto ñeñarise mua tōbujaroca yigu yiguĭji Dios. Ito bajiro ì yija ticōri, “Yiro robo yigu ñami Dios”, yi masi jedirā yirāji masa jeyaro. ⁶ Masa jeyarore ñeñaro ìna yirise waja ñare waja senigū yiguĭji Dios. Ito yicōri quenaro yigoanare, queno yigu yiguĭji ì. ⁷ “Yu Macure tuorānucōri queno yirā ña mua. Ito bajiri yu rāca catitñarā yirāji mua”, Dios ì yire tuo āmorā, quenarise riti yisotirāji ìna. Ito bajiro ìna yija ticōri, ìnare catitñare gaye ìsigū yiguĭji Dios. ⁸ Gājerāma ito bajirā meje ñarāji. Gājeräre tuo maibiticōri ìna rucorisere buto mairāji ìna. Ito yicōri Dios oca quenarise tuorānumena, ñeñarise yi uyarāji ìna. Ito bajiro ìna yija buto ti junisinicōri, ìnare waja senigū yiguĭji Dios. ⁹ Ñeñaro yirā jeyaro buto tuoĭa bujatobiticōri ñeñaro tōbujarā yirāji ìna. Cajero judio masa ñeñaro ìna yirise waja tōbujasuorā yirāji ìna. Judio masa meje cuni ito bajiroti ñeñaro ìna yirise waja tōbujarā yirāji ìna. ¹⁰ Gājerā quenaro yigoanareama,

“Quenaro yirā ñañi”, yigu yiguñji Dios. Ito bajiri ñnareama gājerā rūcubwōrā yirāji. Ito yicōri ñe usiribeto ñarā yirāji ña. Ña ya usiju queno wanu quenarā yirāji ña. Ito bajiro, bajiro yiroja judio masare, ito yicōri judio masa mejere cuni, Jesucristore tuōrñncōri quenarise riti ña yijama.

¹¹ Mani yi ñasotigore ticōri, manire bese masigū yiguñji Dios. Judio masa, judio masa mejere cuni coro bajiroti ti maiguñji Dios. ¹² Masa jeyaro ñeñaro yirāji ña. Coriarā Dios ï rotirisere masimenati ñeñaro yirāji ña. Ña ñeñaro yija, ña ñeñaro yirise waja, waja senigū yiguñji Dios, ï rotirisere masimena ñabojarocati. Gājerāma Dios ï rotirisere masirā ñabojarāti, ñeñarise yirāji ña. Ito bajiri ña cudibitire waja, ñare waja senigū yiguñji Dios. ¹³ ï rotirise tuōbojarāti ña cudibeja, “Queno yirā ñama”, yibiquñji Dios. “Quenarā ñama ña”, yiguñji Dios, ï rotirise yiro robo cudirāreama. ¹⁴ Judio masa meje cuni, Dios ï rotirisere masibitibojarāti, coriajuri quenarise yisotirāji ña. Ito bajiro ña yisotija, Dios rotirise ucara tuti manibojarocati, ña masirisena Dios rotirise ña ñare. ¹⁵ Ña rūcubwogore ticōri, “Ña masirisena Dios ï rotirise ña ñare”, yi tuoña mani. Ñeñaro ña yija, yoari meje, “Ñeñaro ya yu”, yirāji ña, ña masirisena. “¿No yija ñeñaro yati yu?” yi tuoñarāji ña. Quenarise ña yija, “Quenarise yibu yu”, yi masirāji ña. ¹⁶ Mani tuoñarise masicōguñji Jesucristo. Ito yicōri yeyoroju mani yibojarisere masicōguñji ï. Ito bajiri Dios, Jesure waja senitoni ï cōari ramu, masa quenarāre bese masigū yiguñji Jesús. ï oca quenarise muare yu riasoja, ito bajiroti iti oca muare riasoa yu.

Moisés rotirisere cudirā ñari Dios ñarā ña gua, judio masa ña yire gaye

¹⁷ Ado bajiro tuoñabojarāji judio masa mua: “Judio masa ñari Moisés ñayorure Dios ï rotirise ï cūre rūcubwoa gua. Ito bajiri Dios ñarā ña gua”, yi tuoñabojarāji mua. ¹⁸ Dios ï yiro robo yire gayere masirāji mua. “Dios ï rotirise masicōri, quenarisere yi masia gua”, yirāji mua. ¹⁹ Mua itire tuoñarā, “Dios gaye masimenare riaso masia gua”, yi tuoñarāji mua. “Ñeñaro yirāre quenarise gaye riaso masia gua”, yi tuoñarāji mua. ²⁰ “Tuo masimenare, ito yicōri rīaca bajiro tuoñarāre cuni riaso masia gua”, yi tuoñarāji mua. “Dios rotirise masicōri, jeyaro ñasarise masia gua”, yi tuoñabojarāji mua. ²¹ Gājerāre queno riasobojarāti, ¿no yija ñare mua riasoado bajiroti yibeati mua? “Rinire, quenarise gaye meje ña”, yi riasobojarāti, ¿no yija muamasiti riniati mua? ²² “Manojo cutibojarāti, gājerāre yire meje ñaroja”, yibojarāti, ¿no yija muamasiti itire yati mua? Masa ña meni rujeorare ti tebojarāti, ¿no yija iti wi gaye gajeoni riniati mua? ²³ “Dios ï rotirisere masia gua”, yibojarāti, ñe cudibeja mua. Diore cudimena ñari, ñe rūcubwōrā meje ña mua. Ito bajiro mua yija ticōri, gājerā cuni Diore rūcubwōma yirāji ña. ²⁴ Dios oca gotirise bajiro bajia muare. Ado bajiro goti iti: “Judio masa ñabojarāti, Dios rotirise gayere cudibeja mua. Mua ito bajija ti masicōri, judio masa meje cuni Diore ñeñaro busituama ña. Ito bajiri muare seti ña”, yi gotia Dios oca tuti.

²⁵ “Dios ñarā ña gua”, yi tuoñacōri pī gaja wirotasotirāji judio masa. “Diore mua cudija ï ñarā ñarāji mua”, ya yu. Ito bajibojarocati, wirotagoana ñabojarāti Diore mua cudibeja ï ñarā meje ña mua. ²⁶ No Dios rotirisere cudiguti, wirotaya macu ñabojaguti, “Yu yagu ñami ï”, yigu yiguñji Dios. ²⁷ Mua judio masa Dios rotirise ucara tutire rūcorā ñabojarāti, ito yicōri wirotagoana ñabojarāti Diore cudibeja mua. Coriarā judio masa meje ñarā, wirotamena ñabojarāti Dios ï rotirisere cudirā ñama ña. Ito bajiro ña yija ticōri, “Dios ï tiro riojo ñeñaro yirā ña gua”, yi tuoñarā yirāji mua. ²⁸ Judio masu goro ï ñare muare gotigu ya yu. Sīgū wirotaru ñabojaguti Diore rūcubwobicu, judio masu goro meje ñami ñocū. ²⁹ No Dios bajiro usi cutigu, ito yicōri Dios ï rotirise yiro robo cudigu judio masu goro ñaguñji ñocū. Judio masa bajiro wirotacōcōri, ï ñeñaro yirisere jidicāgū yiguñji ï. Ito bajiro bajigu ñaguñji Dios rotirisere yiro robo cudigu. Ito bajiro bajigure, “Quenagū ñami. Ñe seti ma ñe”, yiguñji Dios. Masa ña, “Quenagū ñami”, ña yibitibojarocati, “Quenagū ñami”, yiguñji Dioama.

3

¹ Itire tuocōri, ¿no bajiro tuoñati mua? Judio masu ñaja, ¿ñasagu ñare ñati? wirotare gaye, ¿ña yiado bajiro yija quenati? “Judio masu ña yu”, ¿sīgū ï yija quenati? ¿no yibeati? ² “Judio masu ña yu”, ï yi tuoñaja quena ña. Jaje gotirena suoriti judio masu ñasagu ñare ña. Cajero goroama judio masare ï oca cōañi Dios. ³ ï oca rūcubwobojarāti judio masa coriarā Diore yiro robo ña cudibeja, ¿no bajirojada? Yiro robo Dios rotirise ña yibitibojarocati Dioama yiro robo yigu ñami. “ÿ yiro robo yibiquñji Dios”, ña yi tuoñaja, ¿ï yiro robo yibiquñjida Dios? ⁴ Meje, bajibeja. ÿ yiro robo yisotigu yiguñji Dios. Masa jeyaro ña sobojarocati, Dioama socagu meje ñami. Jane mejeju Diore goti ñsiri masu ado bajiro ucayoñi: Dios mu ña coji rūyabeto yiro robo yigu. “Ado bajiro yicuja yu”, mu yiro bajiroti ya mu. Ito bajigu mu ñajare, “Diore seti ña”, yi masimenaji masa. “Socagu meje ñami Dios”, yi masi jedirā yirāji masa jeyaro, yi ucayoñi Diore goti ñsiri masu.

⁵ Coriarā ado bajiro tuoīabobarāji: “Buto ñeñarise yu yi rētočūja ticōri, ‘Dios sīgūti ñami quenagū’, yi tuoīarā yirāji gājerā”, yi tuoīabojama coriarā. Ito bajiro tuoīacōri, “Ñeñaro yu yirise waja, waja Dios i senija, ñeñaro yiguūji i cūni”, yi tuoīabobarāji coriarā. ⁶ Ito bajiro meje ña. Masa ña ñeñaro ña yirise waja Dios i senija, ñeñaro yigu meje yami Dios. Ñeñarise ma Diore. Ito bajiro masa jeyarore, ñeñaro ña yirise waja seni masiguūji Dios.

⁷ Gajero bajirojama tuoīabobarāji masa: “Yu ruoja ticōri, ‘Ruogu meje ñami Dios’, yi rūcubuoōrā yirāji gājerā. Ito bajiri, ¿no yija yu ruojati yare waja seniati Dios?” yi tuoīabobarāji coriarā. ⁸ “Ñeñaro mani yija ticōri, ‘Dios sīgūti ñami queno yigu’, yi rūcubuoōrā yirāji gājerā. Ito bajiri ñeñaro yito mani”, yi tuoīabobarāji coriarā. Guare masa tuorānūme yirona, “Ito bajiroti ruore gaye riasoama Pablo mesa cūni”, yi ruoama gājerā guare. Ito ña yire waja, quenabeto ña tōbujaroca yirujami Dios.

Mani ñarocōti seti cutirā ña, yire gaye

⁹ ¿No bajiro tuoīati mua? Mani judio masa, ¿gājerā rēto busaro ñasari masa bajiro bajiatu mani? Ñena suori bajibea mani. Mani judio masa, judio masa meje ñarā cūni, seti cutirā riti ña mani. Ito bajiro riti masare riasoca yu. ¹⁰ Dios oca tuti ado bajiro gotia:

Sīgū quena busagu maquūji.

¹¹ Ñimujua tuoīa masigū maquūji, ito yicōri Dios robo bajiro usi cuti āmogū maquūji.

¹² Masa jeyaro Dios oca quenarisere jidicāñi, ito yicōri ñeñarise riti yirāji. Nijua sīgū quenarisere yigu maquūji.

¹³ Ña ya riseri, masari cuma janado bajiro bajiroja. Ña busija masari cuma āniro bajiro bajiroja, ruore oca riti ña busija. Ña busija, āña rima robo bajiro junirise budiroja, ña ya oca.

¹⁴ Gājerāre busiturā, oca junisiorise busiturā ñarāji ña. Ito bajiro yicōri gājerāre rojarā yirāji ña.

¹⁵ Rocati tuoīamenati, gājire sīarāji ña.

¹⁶ Ña waroju ñeñarise yirāji ña. Ñeñaro yicōri, gājerā bajato mano ña tōbujaroca yirāji ña.

¹⁷ Gājerā rāca queno ñare gaye ña masimenaji ña.

¹⁸ “Sēogū ñami Dios”, yi tuoīabobarāti, ñe ñarocōti ñami Dios, yi gotia Dios oca tuti.

¹⁹ Dios i rotirise gaye, mani judio masare cūni, i rotirise mani cūditoni. Dios i rotirise masibobarāti, itire mani yibeja, “Yure seti ma”, yi masimenaji mani. Ito bajiri, “Masa jeyarore ña ñeñaro yirise waja, waja senigū yiguūji Dios”, yi tuoīa mani. ²⁰ Nijua sīgū maquūji, “Dios i rotirise ñarocōti cūdi jēoa yu”, yi tuoīagū. Ito bajiri, “‘Queno yigu ña mu’, yigu yiguūji Dios yure”, yi tuoīagū maquūji. Dios i rotirise masicōri, “Ñeñaro yigu ña yu”, yi masi jedia mani ña.

Jesucristore mani tuorānūja ticōri, manire masogū yiguūji Dios, yire gaye

²¹ “Yu rotirisere masibitibobarāti queno yirā ñama yure tuorānūrā. Ñe seti ma ñare”, yi gotiami Dios adi rāmuri ña. Jane mejeju cūni ito bajiroti gotisuoijija i rotirise, ñe goti ñisiri masa ña ucare cūni. ²² “No Jesucristore tuorānūgū, i ñami quenagū”, yigu yiguūji Dios. Judio masa, judio masa meje cūni Jesucristore ña tuorānūja ticōri, coro bajiroti ti maiguūji Dios. ²³ Mani jeyaro ñeñarise yiana riti ña mani. Ñimujua maquūji, Dios i āmorise yigu. ²⁴ Ito bajibobarocati manire ti maiguūji Dios. Jesure mani tuorānūja, “Yure waja ruyuriobeama ña, ña ñeñaro yirise waja yi jēocōñi yu Macu”, yigu yiguūji Dios. ²⁵ Dios cōayiju Jesucristore, manire i goda ñisitoni. Mani rūcubuoore rāca, “Ñeñaro yu yiriserere waja yi ñisiti Jesús i ya rīna”, mani yija, mani ñeñaro yiriserere ācabojogu yiguūji Dios. Iti masicōri, “Yiro bajiroti yigu ñami Dios”, yi tuoīa mani. Jane mejeju masa ña ñeñaro yiriserere waja seni usiro yibisiju Dios. “Ña ñeñaro yirise waja goda ñisigū yiguūji yu Macu”, yire gaye masi yucāyiju Dios. ²⁶ Ito bajiro rētayija, “Yiro robo yigu ñami Dios”, mani yitoni. No Jesure tuorānūgūretu, “Queno yigu ñami”, yigu yiguūji Dios, ñeñaro mani yirise Jesús i waja yija bero ñajare.

²⁷ “Queno yigu ña yu”, Dios i tiro riojo yi masibea mani. Adocāta Dios rotirise yiro robo mani cūdija, “Queno yigu ña yu”, ¿yi masiatu mani? Meje itioni yi masimenaji mani. Itire mani yi masibitibobarocati Jesure mani tuorānūja, “Queno yirā ñama”, yi tiguūji Dios manire. ²⁸ Dios rotirise mani cūdi āmorā josabobarocati, “Queno yirā ñama”, yibiquūji Dios. Ito bajibobarocati, “Yu ñeñaro yiriserere waja yi ñisiti Jesús”, mani yi tuoīaja, “Ña ñama quenarā”, yigu yiguūji Dios.

²⁹ Mani judio masa Ūju riti meje ñaguūji Dios. Judio masa mejere cūni ña Ūjuti ñami Dios.

³⁰ Ito bajiri sīgū ñabojaguti masa jeyaro Ūju ñami Dios. Ito bajiri sīgū judio masa, Jesure i tuorānūja ticōri, “Quenagū ñami”, yigu yiguūji Dios. Ito yicōri judio masa meje cūni Jesure i tuorānūja ticōri, “I ñami quenagū”, yigu yiguūji Dios. Wiro mani tabeja, wirowo mani taja

cuni ñasarise meje ña Dios i tija. ³¹ Itire tuoñacõri, ¿Dios i rotirise jidicãrujati mani? No yicõri jidicãmenaji mani. Mani Jesure tuorũnarã bato busa Dios i rotirisere cudirã yirãji mani.

4

Ado bajiro bajiyiju Abraham ñayoru, yire gaye

¹ Mani ñicu Abraham ñayorure tuoñacõri, ¿no bajiro yi tuoñati mani? Ito yicõri, ¿no bajiro i yija ticõri, ire boca ãmiyijari Dios? ² Queno i yirise ticõri, ¿ire boca ãmiyijari Dios? Ito bajiro meje ña. Ito bajiro bajijama, “Queno yigu ña ya”, yiboru Abraham. Dios i tiro riojo, “Queno yigu ña ya”, yi tuoñabisiju Abraham. ³ Dios oca ado bajirojua gotia: “Abraham Diore queno tuorũnyiju. Ito bajiri, ‘Queno yigu ñami’, yi boca ãmiyiju Dios Abrahamre”, yi gotia Dios oca. ⁴ Ado bajiro mure goti masiogũ ya ya. Sīgũ i moaja, ire moare rotigu rocati meje waja yiguñi i. Ito queno ticõri waja yiguñi i. ⁵ Diore tuorũnure gayeama, ito bajiro meje bajia. Ire tuorũnũre queno boca ãmiguñi Dios. Ña queno yire waja, waja yirocu meje ñare boca ãmigũ yiguñi Dios. Ire ña tuorũnũjare, ñare boca ãmigũ yiguñi Dios. Ire ña tuorũnũja ticõri, “Queno yirã ñama”, yigu yiguñi Dios. Ña queno yire waja, waja yirocu meje ito bajiro yigu yiguñi Dios. Ire ña tuorũnũjare, ñare boca ãmigũ yiguñi Dios. ⁶ Itire tuoñagũ David ñayoru cuni ado bajiro yiyiju: “Jeyaro ña yigore tuoñabicuti, ‘Queno yirã ñama. Ñe seti ma ñare’, yigu yiguñi Dios ire tuorũnũre. Ito bajiro Dios ñare i boca ãmija, wana quenarã yirãji ña”, yiyiju David ñayoru. “Wana quenarã yirãji”, yirocu, ⁷ ado bajiro yiyiju David:

Ñeñaro ña yirisere Dios i ãcabojoja, ito yicõri iti ñeñarisere i ruyuroja bero queno wana quenarã yirãji ña.

⁸ No ñeñaro i yirisere waja Dios i senibeja, queno wana quenagũ ñaguñi, yiyiju David ñayoru.

⁹ Iti wana quenare, judio masa wirowo tagoana gaye riti meje ñaroja iti. Judio masa meje ñarã cuni wirowo tabitibojarãti Diore ña tuorũnũja wana quenarã yirãji. Abraham ñayorure mucana tãdi tuoñate maa. “Yure tuorũnũgũ ñami Abraham”, yi ticõri. “Queno yigu ñami i. Ñe seti ma ñe”, yiyiju Dios. ¹⁰ Dios ito bajiro i yija, ¿Abraham i wirowo tãja bero ñayijari? Ito bajirojua meje bajiyija. Abraham i wirowo taroto riojua, “Queno yigu ñami Abraham”, yiyiju Dios. ¹¹ Abraham i tuorũnũja ticõri, “Queno yigu ñami”, yi ire boca ãmiyiju Dios. Ire i boca ãmija berojua ire wirowo ta rotiyiju Dios. “Riti Dios yagu ña ya”, yi tuoñacõri, Dios i rotiaado bajiro yigu wirowo tayiju Abraham ñayoru. Ito bajiri Abrahamre i wirowo tarotiroto riojua, “Queno yigu ñami Abraham”, yiyiju Dios, yi tuoñatia masa mani. No Diore tuorũnũgũ, judio masa meje ñabojaguti, wirowo ta ecoru meje ñabojaguti, “I ñami quenagũ”, yigu yiguñi Dios. Dios i boca ãmiana, Abraham janerãbatia robo bajiro bajirã ñarãji ña ija. ¹² Wirowo tagoana ñicu cuni ñaguñi Abraham. Wirowo taroto riojua Diore tuorũnyiju Abraham. Wirowo tarajuna suori meje ña ñicu ñaguñi Abraham. I robo bajiro, Diore ña tuorũnũjare, judio masa ñicu ñaguñi Abraham. Judio masa ñicu ñaguñi i. Judio masa ña ñare waja meje, Diore ña tuorũnũre waja judio masa ñicu ñaguñi Abraham. Ito bajiri Abraham robo bajiro Diore tuorũnũrã, i janerãbatia robo bajirã ñarãji ña.

Jesure mani tuorũnũja Dios i goticãdo bajiroti rãtarõ yiroja, yire gaye

¹³ Jane mejeju ado bajiro goticãyiju Dios Abrahamre: “Macãrucãro sita ñarocõti mure, mu janerãbatiare cuni isigũ yiguja ya”, yiyiju Dios. Ito bajiro gotiyiju Dios Abrahamre i rotirisere yiro robo i cudija ticõri meje. “Yure tuorũnũcõri, queno yigu ñami Abraham”, yi tuoñacõri ito bajiro cüyiju Dios Abrahamre. ¹⁴ “Dios i rotirisere gua cudire waja, ‘Ado bajiro masare isicuja ya’, i yirowo bajiroti guare isigũ yiguñi Dios”, yi tuoñabojama coriarã. Ire tuorũnũmenareti i rotirise ña cudire waja Dios i isija ire tuorũnũbojarã ya mani. Ito yicõri, “Yure tuorũnũrãre ado bajiro isicuja ya”, yi Dios i goticãre buroti bajiro bajia iti cuni. ¹⁵ Ito bajiro meje ña. “I rotirisere masibojarãti ña cudibeja ticõri, ñare junisinigũ yiguñi Dios”, yi tuoñati mani. Dios i rotirise manija, “Dios i rotirisere cudibeama masa”, yi masibitiboana mani.

¹⁶ Abrahamre ti maicõri, “Yure mu tuorũnũja, rocati waja mano mure isigũ yiguja ya”, yiyiju Dios Abrahamre. Mani Diore tuorũnũja, mani ñicu bajiro bajigu ñaguñi Abraham. Ito bajiri Dios rotirise cudirã riti meje, Abrahamre Dios i goticãre boca ãmirã yirãji ña. No Abraham robo bajiro Diore tuorũnũrã Dios i goticãre boca ãmirã yirãji ña. ¹⁷ Dios Abrahamre i goticãdo bajiroti, ucare ñayiju jane mejeju. Ado bajiro bajiyiju: “Jaje sitari gãna ñicu ñarocu mure cã ya”, yiyiju Dios Abraham ñayorure. Ito bajiro Dios i yija tuocõri, i gotiro bajiroti rãcãbooyiju Abraham. Ito bajiri mani ñicu ñarocu cüyiju Dios Abrahamre. Sãogũ ñami Dios. Iti ñami godanare catiroca yigu, ito yicõri jeyaro rujeoru.

¹⁸ “Mu janerãbatia jãjarã ñarã yirãji”, Abrahamre Dios i yiroca, rã macu ñayiju Abraham maji. “Dios i gotire, rãtarõ yiroja”, yi tuoñatia ñayiju Abraham, rã manibojaguti. ¹⁹ Abraham cien rodoricõ tãjabojaguti, ito yicõri i manojõ Sara, bũco ñabojarocati, “Rã macuja ya”,

yibisijū Abraham. Bwacu rīa cutiado macu űabojaguti, “Ija rīa cutibicaja yu”, yi tuoīabisijū ī. “Dios ī gotirise riti űa”, yi tuoīa jidicābisijū Abraham. ²⁰ “Dios ī gotirise űaro bajiroti rētoro yiroja”, yi tuoīayijū Abraham. “Ī gotiadio bajiro yibicu yiguļi Dios”, yire gaye tuoīabisijū Abraham. Ito bajiri buto busa tuoīa oca sēcōri, “Ī rotiado bajiroti yigu yiguļi Dios”, yi tuoīayijū ī. Ito bajiro tuoīacōri, “Rētoro masigū űami Dios”, yi rūcubwoyijū Abraham, Diore tuorānugū. ²¹ “Dios buto masigū ī űajare, ī goticādo bajiroti yigu yiguļi”, yi tuoīasotiyijū Abraham. ²² Ito bajiro ī yija ticōri, “Queno yure tuorānugū űami Abraham, ito yicōri queno yigu űami ĩ”, yiyijū Dios. Ito bajiro gotia Dios oca tuti.

²³ Abraham ī sīgure yiari meje ucare űayija iti. ²⁴ Manire yiari cuni ucare űayija iti. Diore mani tuorānaja manire boca āmicōri, “Quenarā űama ĩna. űe seti ma ĩnare”, yigu yiguļi Dios. Ī Dioti űami, mani űju Jesure, ī godaroca mūcana tūdi ī catiroca yiru. ²⁵ Mani űeűaro yirise űarocōti waja yi űerocu godaűi Jesūs. Ī godaja bero mūcana tūdi catiűi, “űe waja ruyuriobeama ĩna. Queno yirā űama ĩna”, Dios ī yitoni.

5

Jesure mani tuorānaja űe seti mana űa mani, yire gaye

¹ Jesure mani tuorānaja, “Īna űama quenarā. Yure waja ruyuriobeama ĩna”, yigu boca āmiguļi Dios manire. űarocōreti quenooyijū Jesūs. Ito bajiri Dios rāca queno űare gaye űa manire. ² Jesure mani tuorānaja, manire ti maicōri manire masogū yiguļi Dios. Ito bajiri ĩre tuorānucōri queno wanūrāji mani. “Rētoro quenagū űami Dios. Ī quenaro yirise manire yiari jidicāgū yiguļi ĩ”, yi wanū quenarāji mani. ³ Iti gaye riti meje wanū quenarāji mani. Mani űeűaro tōbujabojariju cuni wanucōrāji mani. “űeűaro yu tōbujabojaja cuni Jesure masicōri buto busa tuoīa oca sēcōgū yigujaja yu”, yi tuoīa mani. ⁴ Ito bajiro mani bajija ticōri, “Queno yure tuorānūrā űama ĩna”, yigu yiguļi Dios. Ito bajiro Dios ī yija, “Yure masogū yiguļi”, yi tuoīa yucārāji mani. ⁵ Ito bajiro tuoīa yucōri, bojori bujare gayere bujamenaji mani. “Dios manire masogū yiguļi”, yi tuoīacōa mani. Manire buto maiami Dios. Ito bajiri manire Espiritu Santore queo sāűi Dios. Espiritu Santo mani rāca ī űatīűajare, “Yure maiami Dios”, yi tuoīa mani ĩja.

⁶ űeűaro mani yirise mani jidicā masibeto, ito yicōri, “No yi masia ma yure”, mani yi tuoīaroca, itocō Dios āmoro bajiro ejayija, Cristo manire ī goda ĩsiriju. ⁷ Sīgū queno yigu űabojarocati, ĩre goda ĩsigū queno maquļi. Sīgū queno yigu ĩre goda ĩsigū űaguļi gajea. ⁸ Cristoama mani űeűaro yirā űabojarocati, manire goda ĩsiűi ī. Ito bajiri, “Manire buto maiami Dios”, yi tuoīa masia mani. ⁹ Jesūs mani űeűaro yirise waja, ī ya rīna waja yi godaűi. Ito bajiri itire ticōri, “Yure waja ruyuriobeama ĩna. űe seti ma ĩnare ĩja”, yiguļi Dios manire. “Yure yiari busigū yiguļi Cristo. Ito bajiri, yure junisinibicu, űeűaro yu tōbujaroca yibicu yiguļi Dios”, yi tuoīa masia mani. ¹⁰ Diore mani wajacu cutibojarocati maji, manire yiari goda ĩsiűi Cristo. Ito bajiro yiűi ī, Dios rāca mani queno űatoni. Dios rāca queno mani űaroca, adocāta Jesūs mūcana caticōri queno busa manire yigu yiguļi. Jeame űjuroju mani wabore űaroca, manire masogū yiguļi Jesūs. ¹¹ “Jeame űjuroju wabore gaye manire masogū yiguļi”, yirona buto wanūrāji mani. Ito yicōri, “Yu űarā űama. űe seti ma ĩnare”, yigu yiguļi Dios. Ito bajiro yiguļi Dios, mani űju Jesucristo manire ī goda ĩsire űajare.

Cristo ito yicōri Adān űayoru ĩna bajire gaye

¹² Dios ī cajero rujeosuru ī űayiju Adān wame catigu. Ī cajero űeűarise yisuooyiju. Ī űeűaro yisuoarajuna, jeyaro macārūcāro gāna űeűaro yisuooyijarā. Ito yicōri godasuooyijarā ĩna. Mani űeűarise yirā űari, goda jedirā yirāji mani jeyaro. ¹³ Dios ī rotirise, Moisesre ĩ jidicāroto riojua, masa űeűarise yicānaju űayijarā ĩja. űeűaro ĩna yibojarocati, Dios ī rotirise manijare maji, “Yu rotirisere tuorānubeama ĩna”, yibisijū Dios maji. ¹⁴ Dios ī rotirise manijare, űeűaro yiyijarā masa. Adān ī űaratāju, ito yicōri Moisés ĩ űarajuju cuni, ito bajiroti bajicōyiju. Ito bajiri goda jedicoayijarā ĩna űarocōti. ĩna űeűaro yire, Adān ī Diore cudibitire gaye bajiro meje yiyijarā ĩna. Adānti űayiju cajero űeűarise yire gayere muocōari masu. Mani ī bero gāna jeyaro űeűaro yirā riti űa. Manire ticōri, “űeűaro yirā riti űama”, yiguļi Dios. Ito bajibojarocati Adān ĩ űaja bero yoari sīgū ĩ robo bajiro bajigu meje quenarise riti yigu űayiju. Ī űayiju Jesucristo. Ī űayiju cajero Dios rotirise cuti jeogu. Mani űeűaro yirise waja ī waja yi ĩsirena suoriti, “Yure waja ruyuriobeama. űe seti ma ĩnare ĩja”, yi tisuoyiju Dios manire.

¹⁵ Adān űeűaro ī yigore, ito yicōri Dios manire queno ī yigore rāca babo masia ma. Masare Dios ī ti mairise, iti űa buto busa quenarise. Adān sīgū űabojaguti űeűaro ī yirajuna suoriti masa jājarā godayijarā. Dioama manire ti maicōri, Jesucristore cōaűi manire ī goda ĩsironi. Jesūs sīgū űabojaguti jājarāre jeameju wabonare masoyiju ī. Ito yicōri Jesūs ī sīgati manire ti maicōri, waja senibicu yiguļi ĩ. ĩama mani catiűaroca yigu yiguļi. ¹⁶ Dios manire ĩ

queno yigore ito yicōri Adán ĩ ñeñaro yigore rāca babo masia ma. Adán sīgū ĩ ñabojarocati ñeñaro ĩ yisuore ticōri, “Masa jeyaro ñeñaro ĩna yirise waja tōbujarā yirāji ĩna”, yiyijū Dios. Ito bajibojarocati, masare ti maicōri, Jesure cōaņi Dios, masare ĩ goda ĩsitoni. Ito bajiri ĩre mani tuorūnuja, ñeñaro mani yirisere ācabojogu yiguļji Dios. Ito bajiri ñeñaro yirā mani ñabojarocati, “Queno yirā ñama. Ñe seti ma ĩnare”, yigu yiguļji Dios. ¹⁷ Adán sīgū ñabojaguti, ĩ ñeñaro yijare, masa jeyaro godarā yirāji. Ito bajibojarocati Jesu manire ĩ goda ĩsirena suoriti mani ñeñaro yirisere ācabojogu yiguļji Dios. Ito yicōri manire ti maicōri, “Quenarā ñama ĩna. Ūmacūju yu Macu Jesucristo rāca catitūñarā yirāji ĩna”, yigu yiguļji Dios.

¹⁸ Adán sīgū ñabojaguti, ñeñaro ĩ yijare masa jeyaro ĩna tōbujaroca yigu yiguļji Dios. Ito bajibojarocati Jesu sīgū ñabojaguti queno ĩ yijare, “Ñeñaro yu yirisere itire ācabojoya Dios mu”, yi masirāji masa jeyaro. Ito bajiro ĩna yi rūcubuoja tuocōri, “Quena ñama. Catitūñarā yirāji”, yigu yiguļji Dios. ¹⁹ Dios ĩ rotiro bajiro cudibisiju Adán. Adán sīgū ñabojaguti, ito bajiro ĩ yija, jājarā masa ñeñaro yisuoyijarā ĩja. Ito bajibojarocati, Jesuama ñaro bajiroti cudiyiju Diore. Ito bajiro ĩ yija jājarā masa ñeñaro ĩna yirise Dios ĩ cōa ĩsigoana ñama ĩja. Ito bajiri, “Queno yirā ñama”, yicōri ĩnare boca āmigū yiguļji Dios.

²⁰ Dios ĩ rotirise jidicāņi Moisésre, “Ñeñaro yirā ña gūa”, mani yi tuoia jeditioni. Ñeñaro mani yibojarocati, “Dioama buto busa manire ti maiguļji”, yi tuoia mani ĩja. ²¹ Mani ñarocōreti ñeñaro mani yirise waja seti ña. Ito bajiri ñarocōti godarā yirāji mani ĩja. Ito bajibojarocati Dioama manire ti maiguļji. Dios manire ti maicōri, Jesucristo mani Ūjure cōaņi, ñeñarise jeyaro ĩ quenotoni. Ito bajiri Dios manire ti maicōri, “Queno yirā ñama ĩna”, yicōri, manire boca āmigū yiguļji. Ito bajiri catitūñarā yirāji mani ĩja.

6

Ñeñarise jidicāna ñari Cristona suoriti catitūñarā yirāji mani, yire gaye

¹ Itire maicōri, ĩñere yirūja, yi tuoia tua adocāta? ĩÑeñaro yirejure yitūñarūjati manire, Dios ĩ mairise buto busa manire ĩ ĩotoni? ² Ñena suori yimenaji mani. Ñeñarise jidicāgoana ña mani. Ito bajiri mani Cristo ñarā ñabojarāti, ĩñeñarise yi uyarājida mani? Meje ñeñarise yi uayamenaji mani. ³ ĩDé gure gayere tuo masiati mua? ĩDé gu roticu mani, “Cristo ñarā ñama”, gājerā ĩna yi ti masitoni. Riti ĩ ñarā ña mani ĩja. Ito bajiri Cristo ĩ godacāre ñajare, ĩ robo bajiroti godacāna ña mani cūni. ⁴ Mani idé gucatiju, Cristo rāca yuje cūdo bajiro bajicu mani. Cristo ĩ godaja bero mucana tūdi ĩ catiroca yiyiju mani Jacu Dios ĩ masirisena. Mani ñeñaro yirise jidicātoni ito bajiro yiyiju Dios. Ito yicōri quenarise mani yitoni, ĩ masirisena manire ejabuagu yiguļji Dios.

⁵ Cristo ñarā mani ñaja, ĩ godaraju ĩ robo bajiro godana ña mani cūni. Ito yicōri ĩ ñarā mani ñaja, mucana tūdi ĩ catiado bajiroti, mani cūni tūdi caticōri ĩ rāca catitūñarā yirāji. ⁶ Cristo yucutēoju ĩ godado bajiroti, mani ñeñaro yi āmorise godayija. Ito bajiri ñeñaro yi āmorā meje ña mani ĩja. Ñeñaro mani yi āmorisere jidicā masia mani. Ito bajiri ñeñarise yi uayamenaji mani ĩja. ⁷ Masa godarā, ñeñaro ĩna yibeto bajiro mani cūni ñeñaro yi uayamenaji. ⁸ Ñeñarise jidicāgoana mani ñaja, Cristo rāca godacāna robo bajiro bajia mani. Ito bajiri, “ĩ tūdi catiado bajiroti, mani cūni tūdi catirā yirāji”, ya mani. ⁹ “Godabojaguti mucana tūdi ĩ catiroca yiyiju Dios Cristore. Mucana tūdi juaji godabiquļji Cristo”, yi tuoia mani. Mucana tūdi juaji godare manoja ĩre. ¹⁰ Cristo cojiti godaņi, mani ñeñaro yirisere cōagū. Mucana tūdi caticōri, Dios ĩ āmoro bajiro yi ñagū ñami ĩ ĩja. ¹¹ Ito bajiro tuoiarūja manire cūni. “Yu ñeñaro yirisere jidicācōri tūdi itire yi uayabicūja yu mucana. Cristo yagu ñacōri, Dios ĩ āmoro bajiro yi ñagū yigūja yu”, yirūja manire.

¹² Ñatūñaroti meje ña mani ya ruju. Ito bajiri mua ya ruju ñeñaro iti tuoaro bajiroti ñeñaro yi uyabesa. Buto ñeñarise yiroto āmobarocati ñemecutirūja manire. ¹³ Mua ya ruju ñeñaro iti tuoaro bajiroti ñeñaro yibitirūja muare. Mua ña, jeame ājuroju mua wabore ñaroca Jesu ĩ masogoana. Ito bajiri Dios ĩ āmoro bajiro riti mua ya rujana quenarise riti mua yitūñaja quena. ¹⁴ ĩre cudirā mani ñaja, ñeñarise yire gaye āmobeto yiroja manire. “Dios ĩ rotirisere yu cudibeja, jeameju yure cōagū yiguļji”, yi tuoia gūirā meje ña mani. “Jesure yu tuorūnuja, yure ti maicōri, yure masogū yiguļji Dios”, yi tuoia wanurā ña mani.

Ñeñarise riti mani yi uyaja mani Ūju robo bajirise ña, yire gaye

¹⁵ “Dios ĩ rotirisere yu cudibeja, jeame ājuroju yure cōagū yiguļji ĩ”, yi tuoia gūicōri, ñeñarise yibitirūja manire. “Yure ti maicōri, yure masogū yiguļji Dios”, yi tuoiarā ñari, Dios ĩ āmoro bajiro riti cudirūja manire. ¹⁶ Gājire mua tuorūnuja, ĩ ñaguļji mua ūju. Ito yicōri ĩre moa ĩsiri masa ñarāji mua. Ito bajiro ñeñarise riti mua yi uyaja, mua ūju robo bajiro tujaroja ñeñarise ĩja. Ito bajiro ñeñarise mua yija, ñeñarise jidicā masimenaji mua. Ito bajiro mua yija, jeame ājuroju warā yirāji mua. Ito bajibojarocati, Diore mua tuorūnuja, “Queno yirā ñama. Seti

ma ñare”, yigu yiguñi Dios. Itire masirāji mua. ¹⁷ Iti rumaju, ñeñarise mua yija, mua uju robo bajiro bajiyija ñeñarise. Ito bajiri ñeñarise yi uyayija mua maji. Adocātama Dios ocare riasoticōri itire cudia mua. Ito bajiri ñe ñacuborā ña mua ña. Iti masicōri, “Queno ya Dios mu”, ya yu ñe. ¹⁸ Ñeñaro yire gaye cudirā meje ña mua ña. Diore cudirā ñari quenarise riti yi ñamorā ña mua ña. ¹⁹ Queno cōia gotire rāca muare goticu yu, queno mua tuo masitoni. Iti rumaju buto ñeñarise yirā ñayija mua maji. Adocātama quenarise riti mua yi ñaja quena. Quenarise riti mua yija, Dios ñeñarise yirā yirāji mua.

²⁰ Iti rumaju ñeñarise riti yirā ñari quenarisere yibisija mua maji. Dios ñeñarise yirā meje ñayija mua maji. ²¹ Itijuju, ñeñarise mua yirāju, çñeoni quenarise bujacati mua? Bujabisija mua. Adocāta, iti rumaju ñeñarise mua yigore, mua tuoñaja, bojoriseti baja ña. No ñeñarise riti yirā, ña godaja bero jeame ujuroju warā yirāji ña. ²² Mua adocāta ñeñarisere cudirā meje ña mua ña. Ñeñarise jidicācōri Diore cudirā ña mua ña. Dios ñeñarise yirā meje ñayija ñari, buto busa ñeñarise yirāji ña. Ito bajiro mani yija, ñeñarise riti ñatñarā yirāji mani. ²³ Mani ñeñaro yirise waja, waja yirā bajiro godarā yirāji mani. Ito bajiri seti cutirā ñari Dios tu queno eja masimenaji mani. Jesucristo mani Ujuroju mani tuorñujama, ñe waja manoti catiñare gaye ñeñarise yiguñi Dios manire.

7

Romio manuju cutigo, iso manuju rāca riti ñaja quena, yire gaye

¹ Yu ñarā, mua ña rotire gaye masirā. Mani catirocō rotire gaye cudirāona ña mani. Mani godaja berojuama, no yicōri itire cudi masia manija manire. ² Rotire gaye ado roboju gotia manire: Romio manuju cutigo, iso manuju rāca riti ñaja quena, ñeñarise, ñeñarise. Iso manuju godaja bero, rotire gaye cudibeco meje yamo iso, gājire iso manuju cutija. ³ Iso manuju ñeñarise catibojarocati, gāji rāca iso ñaja, manuju cutibojagoti ajeri maso ñamo isoocō. Ito bajibojarocati iso manuju godaja bero gāji rāca iso manuju cutija, Dios rotirise cudibeco meje yamo iso. Ito bajiro yigo manuju godagoro ñari ajegocō meje ñamo iso.

⁴ Ito bajiroti yu ñarā Cristo ñarā ña mani ña. Iti rumaju Cristo ñeñarise godaroto riojuama mani uju robo bajirise ñayija rotire gaye maji. Adocātama Jesucristo manire ñeñarise goda ñeñarise suoriti mani uju robo bajirise meje ña ña. Cristo ñeñarise ñami mani Ujuroju ñasagu. Ito yicōri ñeñarise ña mani. Cristo ñeñarise godaja bero ñeñarise catirocō yirā Dios ñeñarise mani queno masi masitoni. ⁵ Jesure mani masiroto riojuama, mani ñeñarise yicu mani maji. Dios ñeñarise masibojarāti itire cudi ñeñarise mani. Ito bajiri mani ya ruju ñeñarise ite tuoñaro bajiroti ñeñarise yicu mani maji. Dios ñeñarise cudimena ñari, buto busa ñeñarise yicu mani. Ito bajiri jeame ujuroju warona ñacu mani maji. ⁶ Adocātama, “Dios ñeñarise yu cudibeca, jeameju yure cōagu yiguñi ñeñarise”, yi tuoña gūirā meje ña mani. Cristore buto tuorñuama mani adocāta. “Cristore yu tuorñuama yure masogū yiguñi Dios”, yi tuoñarā ña mani ña. Espiritu Santo mani ya usiju ñagū, ñeñarise yire jidicāroca yami. Ito yicōri, quenariseju wasoaroca yami ñeñarise.

Manireti ña ñeñarise, yire gaye

⁷ Dios ñeñarise, çno bajiro yirā yati mani? “Ñeñarise ñeñarise ña”, çyirñajati mani? Meje yibitirñaja manire. Dios ñeñarise manire gotia, “Iti ñeñarise yire gaye”, mani yi masitoni. Dios rotirise iti manija, “Iti ñeñarise yire gaye”, yi masibitiboana mani. Adi gaye tuoñate mua: “Gāji ya gajeonireti uobesa”, yi gotia Dios rotirise. Ito bajiro ñeñarise, “Gāji ya gajeoni ñeñarise ñaraja”, yi masibitiborñaja yu. ⁸ Ito bajiri ite rotirise masicōri, ñeñarise yigu ñari buto busa gāji ya gajeoni ñeñarise yu. Iti rotire masibitibōri buto gāji ya gajeoni ñeñarise yu maji. ⁹ Dios ñeñarise yu masiroto riojuama maji, “Buto queno yigu ña yu”, yi tuoñabojacu yu maji. Dios ñeñarise masigū ñabojaguti, buto busa ñeñarise yi ñamocu yu maji. “Ñeñarise yigu ña yu. Ito bajiri jeame ujuroju wacu yiguja yu”, yi masibojacu yu, yi masirena. Ito bajiri buto bojori buja ñacu yu. ¹⁰ ñeñarise cūñi Dios, masa ña queno ñatoni. Yuama Dios ñeñarise masicōri, buto bojori buja ñacu. Ñeñarise yicōri, “Jeame ujuroju wacu yiguja yu”, yi tuoñacu yu. ¹¹ Yu ñeñarise tuoñacōri, buto ñeñarise yi ñamocu yu. Yu ñeñarise tuoñarise yure tuoyija. Dios ñeñarise cudi ñeñarise yu. Iti rotirise masicōri, “Jeame ujuroju wacu yiguja yu”, yi masibojacu yu. Ito bajiri buto bojori buja ñacu yu.

¹² Iti rumaju maji ito bajiro tuoñabojacu yu. Adi rumaju ado bajiro ya yu ña. Jeyaro Dios ñeñarise quenarise ña. Ito bajiri Dios ñeñarise rioju gotirise ñaraja, ito yicōri quenarise. ¹³ Adi rotirise quenarise ñabojaroti, çmani jeame ujuroju waroca yirojada? Meje ito bajiro meje baja. Mani ñeñaro yire, mani jeame ujuroju waroca yiroja. Dios ñeñarise mani masija bero, ñeñarise mani yirise, “Ñeñarise ya yu”, yi tuoña mani. Ñeñarise yire masicōri, “Jeame ujuroju wacu yiguja yu, ñeñarise yigu ñari”, yi tuoña masia mani. Ito yija Dios rotirise masibojarāti, itire mani cudibeca, iti ña buto busa ñeñarise.

¹⁴ Mani masia, Espiritu Santona suoriti ĩ rotirise cūni Dios Moisés ñayorure. Manire Espiritu Santo ĩ ejabuabeja, Dios ĩ rotirisere cudi masimenaji mani. Yu masia, ñeñaro yigu ña ya. Ito bajiri ñeñaro yitĩña ya. ¹⁵ ¿No yija, ito bajiro yiguja yayua ya? Masibea ya itire. Queno ya yi amobojarise gaye yibea ya. Ñeñaro ya yi amobitibojarejare itijure ya ya. Masibea ya. ¿No yija itire yiguja yayua ya? ¹⁶ Ito yija ñeñaro yi amobitibojaguti, ñeñaro ya ya. Ito bajiro ya yija, “Dios ĩ rotirise quenarise ña”, yi tuoia ya. ¹⁷ Ito bajiri adocata, ñeñaro ya yirise yumasimeje ya. Ñeñaro tuoiare yure ñacōri, iti ña ñeñaro yiroca yure yirise. ¹⁸ Yu masia, ya tuoiarise quenarise ma yure. Quenarise ya yi amobojarocati, quenarise yire ma yure. ¹⁹ Quenaro ya yi amorisere, itire yibea ya. Ito bajibojarocati ñeñarise riti ya ya, ya amobitire. ²⁰ Ito yija ñeñaro ya yi amobitire ya yija, yumasi meje ya. Ñeñaro yire gaye yure ñacōri iti ña ñeñaro yiroca yure yirise.

²¹ Ito bajiro riti bajisotia yure. Quenarise ya yi amobojaja, no masia ma yure, ñeñarise yureju ñacōri. ²² Yu ya usinama rujeguti Diore cudi amoboja ya. ²³ “Queno ya yi amoja, ñeñarise yure ñacōri, queno canamubea iti”, yi tuoia ya. Yu ya usinama Diore cudi amoboja ya. Ito bajibojarocati ya ya rujuiti ñeñaro ya yure. Ito bajiri ñeñarise jidicā masibea ya.

²⁴ Bujatoguti bajicōa ya. Yu ya rujuna ñeñaro ya yirise waja jeame ujuroju wacu yiguja ya. ¿Ñimujua yure masogū yiguñida? ²⁵ Ado robojua bajia. Mani Uju Jesucristo yure masocāñi. Yure yari Jesucristore cōañi Dios. Ito bajiri, “Queno ya mu”, ya ya ĩre. Yu ya usi ñarocōnati ruje Diore cudi amoja ya. Ito bajibojarocati ñeñaro tuoiare yure ñacōri, iti ña ñeñaro yiroca yure yirise. Queno yiñi Dios. Ñeñaro ya yibititoni Jesucristore cōañi ĩ.

8

Espiritu Santore mani cudija Dios ñarā ñarā yirāji mani, yire gaye

¹ Cristo ñarā mani ñaja, ito yicōri ĩ rāca sigure bajiro mani usi cutija, manire waja senibicu yiguñi Dios. Cristo ñarā ñari mani ya ruju ñeñaro iti tuoiaro bajiroti yi amomenaji. Ito yicōri Espiritu Santo ĩ rotiro bajirojua yisotirāji mani. ² Mani ñeñaro yirise ñaroja mani godaroca yirise. Ito bajibojarocati Jesucristore mani tuorāñuja, Espiritu Santo mani catitñaroca yigu yiguñi. Cristo yagu ya ñajare, Espiritu Santo yure ejabuagu yiguñi, ñeñaro ya yibititoni. Ito yicōri jeame ujuroju ya wabore ñaroca yure masocāñi. ³ Dios rotirise ñarocōti cudi jeo masia ma manire. Ito bajiri, “Dios ĩ rotirisere ya cūdire waja, yure masogū yiguñi”, yi masibea mani. Ado bajirojua bajia. Dios ĩ Macugorore adi macārucāro cōañi. Mani ñeñaro yiri ruju bajiro ruju cutiñi. Mani robo ruju catibojaguti ñeñarise yibisi ĩ. ĩ ya rujuna ñeñaro yibicū ñari, mani ñeñaro yirisere ñarocōti waja yi jeoñi ĩ. Ito bajiri, “Ī ejabuarisena, ñeñaro yibicūja ya”, yi masirāji mani. ⁴ Ito bajiro manire goda ĩsiñi ĩ, Dios rotirise bajiro quenarise mani yitoni. Adocata ñeñaro mani tuoiarise rāca ñamenaji mani. Espiritu Santo ĩ amoro bajiro yirāji mani.

⁵ Ñeñaro tuoiacōri ĩna ñeñaro yiroti tuoiasotirā yirāji ĩna. Espiritu Santo ĩ amoro bajiro yirāma, ĩ amoro bajiro riti yirona tuoiasotirā yirāji ĩna. ⁶ ĩna ya ruju ñeñaro iti tuoiaro bajiroti tuoiasotirā, ĩna godaja bero jeame ujuroju warā yirāji ĩnaona. Ito bajibojarocati, “Espiritu Santo ĩ amoro bajiro yicūja ya”, yirā, catitñarā yirāji. Ito yicōri ĩna ya usiju queno wanu quenarise rāca ñarā yirāji ĩna. ⁷ Ñeñaro yire tuoiarā, Diore tuo terāji ĩna. Dios rotirise cudi amomenaji ĩna. Ito yicōri, no masia manojā ĩnare. ⁸ Ito bajiri, “Yu ñeñaro yirise riti yi wanu ñacūja ya”, yirā, Dios ĩ amoro bajiro yi masimenaji ĩnaona.

⁹ Mani ya usiju Espiritu Santo ĩ ñaja, ĩ amoro bajiroti yirā yirāji mani. Ito yicōri mani ñeñaro tuoiarise bajiro meje yirāji mani. Espiritu Santo ĩ ya usiju ñabeja Cristo yagu meje ñami ĩocū. ¹⁰ Riti ña, mani ñeñaro yiri ruju godaro yiroja. Ito bajibojarocati Cristo mani ya usiju ĩ ñaja, catitñarā yirāji mani. “Quena ñama ĩna. Ñe seti ma ĩnare”, yi boca amigū yiguñi Dios manire. Ito bajiri catitñarā yirāji mani. ¹¹ Espiritu Santona suoriti Cristo godarure mucana tūdi ĩ catiroca yiñi Dios. Mucana iti ñami mani ya ruju godarotire mucana tūdi catiroca yiroca. Ito bajiro yigu yiguñi ĩ manire. Espiritu Santo mani ya usiju ĩ ñaja, catitñarā gaye ĩsigū yiguñi ĩ manire.

¹² Ito bajiri ya ñarā, juaji ñeñaro yi ayabitirūja manire, iti ramu mani yicato bajiro. Espiritu Santo ĩ amoro bajirojua yirāji mani. ¹³ Ñeñaro mani tuoiarise mani yija, godarā jeame ujuroju warā yirāji mani. Ito bajibojarocati Espiritu Santona suoriti mani ñeñaro yirise mani jidicāja, catitñarā yirāji mani.

¹⁴ No Espiritu Santo ĩ rotiro bajiro yirā, Dios rīa ñama ĩna. ¹⁵ Ado robojua bajia. Espiritu Santo manire queo sāñi Dios. Ito bajiri moari masa ĩna ujure güirā bajiro meje ña mani. Adocata Dios rīa ĩre queno cūdirā ña mani. Ito bajiri, “Yu Jacu, Cuna”, ya mani Diore. ¹⁶ Espiritu Santo mani masiroca yami, “Dios rīa ña mani”, mani yitoni. ¹⁷ ĩ rīati ñacōri,

quenarise ĩ goticãre boca ãmirã yirãji mani. Cristo rãca boca ãmirã yirãji mani, Dios ĩ goticãre gaye. Cristo robo mani tãbujaja, ĩ rãcati mani wanu quenaroca yigu yiguĵi Dios manire.

Ija mani boca ãmiroti wanu quenare ñaro yiroja, yire gaye

¹⁸ Adi ramuri ñeñaro mani tãbujaja, “¿No yicãri bajato tãbujati yu?” yi tuoĩare ma. “Ñeñaro mani tãbujagore rãtoro ñasarise ña ĩja ũmacãju mani wanu quenaroti gaye”, yi tuoĩa yu. ¹⁹ Co ramu Dios ado bajiro yigu yiguĵi: “ãna ñama yu rãa yure queno cadirã”, yigu yiguĵi Dios. ĩ rujeore ñarocãti buto bocatia, ĩ ito bajiro yiroti. ²⁰ Dios cajero gaye, ĩ rujeore gaye bajiro meje baja adi ramuri. Adi ramuri jeyaro jogarise riti ña. Ito bajiro rãtarotire cãsuoyiju Dios, Adãn ĩ ñeñaro yirajuna suori. Ito bajiro riti bajitãña yibetoja. ²¹ Co ramu Dios ĩ rujeore ñarocãti quenogũ yiguĵi ĩ mucana. Ito bajiri ĩ rãa ñari mucana tãdi juaji ñeñaro yimenaji mani. Adi ramuri jeyaro jogarise riti ña. Ija ĩ wasoari ramu mucana tãdi juaji jogabetoja iti. ²² Mani masia, adocãta Dios ĩ rujeore ñarocãti ñeñaro tãbujaja iti. Romio iso macu catiro robo bajiro ñeñaro tãbujaja iti jeyaro. ²³ Mani cãni Jesure masirã, ñeñarise tãbujaja. Ito bajiri Espiritu Santo Dios manire queo sãre ñajare, “Ito bero juaji ñeñarise tãbujaja yibicuja ĩja yu”, yi tuoĩa mani. Ito bajiri Dios mama ruja manire ĩ ĩsroti rujeure, yurã yirãji mani. Iti ruja jogabeto yiroja, ito yicãri ñeñarise tãbujabeto yiroja. Ito bajiro ĩ yiri ramu, “ãna ñama yu rãa”, yigu yiguĵi. ²⁴ Cristore mani tuorãnurajuna suoriti, manire masoñi Dios. Mani tuoĩa yurise rãtagore meje ña. Rãtare gaye tuoĩa yu masimenaji mani. Rãtabiti gayereama tuoĩa yurã yirãji mani. ²⁵ Rãtabiti gayere tuoĩa yurã, “Ito bajiro rãtoro yiroja”, yi tuoĩa yucãri, ñe usirioari meje, bocatirãji mani. Ito yicãri, ñe usirioari meje mani bocatiroca ya iti.

²⁶ Ito bajiroti Espiritu Santo manire ejabuami, mani quenno masimena ñajare. Diore queno seni rãcũbuo masibeã mani. Ito bajiri Espiritu Santo manire yari josa ĩsiguĵi Diore. “Diore yu seni ãmobarise queno goti masibeã yu”, yi mani tuoĩarise masicãri, manire yari busi ĩsigũ yiguĵi ĩ Diore. ²⁷ Mani tuoĩarise tuo masi jeogu ñari, Espiritu Santo gotirisere tuo masi jeogu yiguĵi Dios. Dios ãmoro bajiroti seni masicãri manire yari Diore senigũ yiguĵi Espiritu Santo. Ito bajiri Dios sãgũ tuo masire gaye busi masigũ ñari manire yari queno Diore busigu yiguĵi Espiritu Santo.

Cristore tuorãnurã ñari ñeñarise rãtocũrãji mani, yire gaye

²⁸ Riti Diore mani maija, “ĩ ãmoro bajiro yu yisotitoni yure beseñi Dios”, yi tuoĩa masia mani. “Jeyaro yure rãtarise quenarise ña. Quenarise riti yure rãtaroca yigu ñami Dios”, yi tuoĩa masia mani. ²⁹ Cajerojuti mani ĩre tuorãnurõnare masiñi Dios. Manire beseñi ĩ, ĩ Macu Jesucristo robo mani bajitoni. Ito bajiroti Dios rãa ñarã, mani rãjoru ñami Jesús. ³⁰ Cajerojuti ĩ rãa ñaronare manire beseñi Dios. Manire besecãri, “Queno yirã ñama ĩna. Ñe seti ma ĩnare”, yi boca ãmiñi Dios. Manire boca ãmicãri, ĩ Macure ĩ yiado bajiro ñasarã mani ñaroca yigu yiguĵi Dios manire.

³¹ Iti oca quenarise tuocãri, ¿no bajiro yirãti mani? Ado bajiro yirãja manire: “Dios manire ejabuagu yiguĵi, ito yicãri manire jidicãbicu yiguĵi. Ito bajiri no yibeã gãjerã manire ĩna ti teja”, yirãja manire. ³² ĩ Macure maibojaguti, manire yari goda ĩsi rotĩni Dios. Ito bajiri, “Riti ña. Ñe ruyabeto, jeyaro quenarise manire yi ĩsigũ yiguĵi Dios”, yi tuoĩa masia mani. ³³ Dios manire boca ãmi wacu, “Quenarã ñama ĩna. Ñe seti ma ĩnare”, yiñi Dios. Ito bajiro ĩ yija, noajua gãjerã, “Seti ña ĩnare”, yi masimenaji. ³⁴ Nijua mami, “ĩna ñeñaro yirise waja, waja ruyurioama ĩna”, yigu. Mani ñeñaro yirise waja, waja yi jeoñi Jesús. Ito bajiri, “ĩnare seti ña”, yibiquĩji Jesús. Mucana caticãri, Dios ya riojocaduja rãcũbuoraju ñaguĩji ĩ. Ito yicãri manire yari Diore busi ĩsiguĵi ĩ. ³⁵ Manire buto maiguĩji Cristo. Ito bajiri ñumajua manire ĩ mairise jidicãroca yi masibiquĩji. Mani yija, ñeñaro tãbujarã yirãji gajea. Mani yija, guĩrã yirãji gajea. ĩna yija, gãjerã manire usirioari yi coderã yirãji gajea. Mani yija, ñiojogarã yirãji gajea. Iti yija, sãñare ruyaro yiroja gajea, manire. Mani yija, guijoroju warã yirãji gajea. ĩna yija, gãjerã manire sãrã yirãji gajea. Iti jeyaro manire rãtabojarocati manire jidicãbicu yiguĵi Jesús. Manire mai jidicãbicu yiguĵi. ³⁶ Ado bajiro gotiyiju Dios oca goti ĩsiri masu, ĩ oca tuti uca wacu:

Mu ñarã gua ñajare, co ramu ruyabeto guare gãjerã sãa ãmoama. Ovejare ĩna sãrocu bajiro guare yama, yiyiju Dios oca goti ĩsiri masu.

³⁷ Ñeñaro gua tãbujabojarocati, guare rãtocũmena yirãji gãjerã. Cristo manire maigũ ĩ ejabuaja, jeyaro manire rãtarise ñemecuti seõrã yirãji mani. Cristore tuorãnucãri buto busa tuoĩa oca seõrã yirãji mani. ³⁸ Disejua Dios manire ĩ mairise jidicãroca yibetoja. “Riti ñaroja iti”, yi tuoĩa yu itire. Disejua mani catibojaja, mani godabojaja cãni, Dios ĩ mairise manire camotabetoja. Dios ñaro gãna cãni, rãmua cãni, ũmua ñasari masa cãni, Dios manire ĩ mairise jidicãroca yi masimenaji. Adocãta rãtarise, ĩja rãtaroti cãni, Dios ĩ mairise camotaroca yibetoja manire. ³⁹ Mani jubegu ñabojaja cãni, ũmacãju mani ñabojaja cãni, no

mani ñaroti Dios ĩ manire mairise jidicãroca yibetoja. Disejua Dios ĩ rujeore manire ĩ mairise camota masibetoja. “Cristo mani ʘju manire ĩ yi Isirajuna suoriti buto maiami Dios manire”, yi tuoia mani.

9

Israel sita gãnare Dios ĩ besere gaye

¹ Yu gotirise riti ña. Cristore tuorũngũ ñari ĩ yagu ña yu. Ito bajiri socabea yu. “Espiritu Santo ĩ ejabuarisena riojo oca gotia yu”, yi tuoia yu. ² “Jesucristore tuorũnu ãmobeama yu ñarã”, yi tuoiacõri buto bojori buja yu. ³ Ñare maigũ, jeame ãjuroju ña ware ãmobeaa yu. Ñare jeame ãjuroju Dios ĩ cõame yiroca, yuãure ĩ cõa ãmojama camotabitobugaja yu. ⁴ Ña ñama yu ñarã, Israel ñayoru janerãbatia. Jane mejeju ñare besebojayiju Dios ñarã ña ñatoni. ĩ masirise, ñoyiju Dios ñare. Ito yicõri ĩ rotirise cuni ñare gotibojayiju ĩ. “Ado bajiro yicõri yure mua rucubũore ãmoa yu”, yiyiju Dios yu ñarã ñasuoanare. “Queno muare yigu yigujaja yu”, yiarĩ goti yucãyiju Dios yu ñarãre. ⁵ Yu ñarã bucurã ñasuoana janerãbatia ñama ña. Cristo cuni yu ya butu gaguti rujeaĩ. Cristoti ñami Dios, masa ñarocõreti rotigu. Coji rayabeto ĩre rucubũotĩñaraja manire. Ito bajiro riti bajitĩñajaro.

⁶ Yu ñarã, judio masare, Dios oca quenarise ĩ gotibojarocati coriarãti ñama ĩre bajiro tuoĩarã. “Judio masare Dios ĩ goticãdo bajiroti yibeami”, yi tuoĩabituraja manire. Judio masa rujeabõjarãti jeyaro Dios ñarã meje ñarãji ña. ⁷ Abraham janerãbatia, ña ñarocõti, ĩ janerãbatia goro meje ñama, Dios ĩ tija. Ado bajiro Abrahamre gotiñi Dios: “Mu macu Isaac ĩ rĩa ña ñarã yirãji mu janerãbatia goro”, yiyiju Dios Abraham ñayorure. ⁸ Iti oca tuocõri, “Abraham janerãbatia riti rujearã, Dios rĩa ñama ña, yireoni meje ña iti”, yi tuoia mani. Ado bajirojua bajia: Dios ĩ goti cõrise tuorãnurã, ña ñama macana tãdi rujeana, ito yicõri Dios rĩa. Ito bajicõri Abraham janerãbatia goro bajiro bajiamã ña ĩja. ⁹ Ado bajiro goti yucãyiju Dios Abrahamre: “Ijaca rodo adocõ tujarocati wadigu yigujaja yu. Ito yicõri mu manõjo Sara wame cutigo macu rucogo yigõji iso”, yiyiju Dios Abrahamre.

¹⁰ Adiacã riti meje ña. Ado bajiro bajia gaje. Ña macu Isaac jai tujacõri, Rebecã rãca manõjo cutiyiju ĩ. Rĩa sãrũayijõ iso. Ito bajibõjarocati jacuama sigãti ñayiju. ¹¹⁻¹³ Iso rucoroto riojua, ado bajiro gotiyiju Dios isore: “Mu macu ñasuoãu ĩ ocabajire moã isiri masu ñagũ yiguĩji ĩ”, yiyiju Dios, Rebecare gotigu. Jane mejeju ito bajiroti gotiyiju Dios ĩ oca tutina. Ado bajiro bajiyiju: “Esaũ rẽto busaro maia yu Jacobre”, yiyiju Dios ĩ ocana ña jãarã rujearoto riojua. Quenarise, ñeñarise cuni ña yibetoju, gotiyiju Dios itire maji. Ito bajiri, “Dios ĩ tuoĩaro bajiro beseami masare. Ña yigorena suoriti meje beseãũji Dios. ĩ ãmoro bajiroti beseãũji”, yi tuoia mani.

¹⁴ “Gãjerãre bese, gãjerãre besebiti ĩ yija, ñeñaro yami Dios”, yi tuoĩabojama coriarã. Ito bajirojua meje bajia. ¹⁵ Dios sigãti bese masiguĩji ĩ. Ito bajiri ado bajiro yiyiju Dios, Moissẽ ñayorure: “Yu ãmorãrecõti ñare ti maigũ yigujaja yu”, yiyiju Dios Moissẽ ñayorure. ¹⁶ Dios queno yami masare. ĩ ti mairo roboti yami. Masa ña queno yire ãmoja meje, ito yicõri buto ña moaja meje, ĩ ti mairo bajiro queno yami Dios masare. ¹⁷ Ucara tutina ado bajiro yiyiju Dios Egipto gagu ujure: “ʘju mũre cõcu yu, muna suoriti yu masirise masare ĩoroca. Ito bajiro yicu yu masa jeyaro yu gayere ña tuo jeditoni”, yiyiju Dios, Egipto gagu ujure. ¹⁸ Iti tuocõri, “ĩ ti mairãre riti ti maiguĩji Dios. Ito yicõri, ‘Yure cudibicure ĩre cudibitiroca yigu yigujaja yu’, yicõri, ĩ ãmoro bajiro yigu yiguĩji Dios”, yi tuoia mani.

¹⁹ Ito bajiro bajia tuocõri, “¿No yija, ‘Muare seti ña’, yigu yiguĩjida Dios manire?” yirãji mua coriarã. “Dios ĩ ãmoro bajiro yibicujaja yu”, yi masigũ mami”, yirãji mua. Ito bajiro yure mua busija, ado bajiro muare cudicujaja yu. ²⁰ Ito bajiro busibitiraja muare. “Dios ĩ yire quenabea”, yiado ma muare. Riri sotu, “¿No yija yure ito bajiro yure meniri mu?” yibetoja iti sotu menirore. ²¹ Riri sotu meniri maso iso ãmoro bajiroti menigõji. Iti ririnati quenari sotu iso menĩ ãmoja, menigõji. Itinati ejori iso menĩ ãmoja rocati busa bajiro menigõji iso ãmoro bajiroti.

²² Iso yiado bajiroti ĩ ãmoro bajiro yigu yiguĩji Dios cuni. ĩ masirise ĩo ãmõbojaguti ito yicõri masa ña tõbujaroca yi ãmõbojaguti, itire yibisiju Dios. Ado robojua bajia. “Ñare ruyurioraja yure”, yibõjaguti, ñeñaro ña tõbujaroca yi usiribõbisiju Dios. ²³ Ito bajiro yiñi Dios, mani ĩ ti mairãre, “ĩti ñami rẽtoro masigũ”, mani yi tuoĩatoni. Cajerojuti manire ti maicõri beseñi Dios, ĩ masirise manire ĩsiroca. ²⁴ Mani ĩre tuorãnutoni, manire beseñi Dios. Mani coriarã judio masa ña. Gãjerã judio masa meje ñama. Ito bajibõjarocati mani ñarocõreti beseñi Dios. ²⁵ Ado bajiro bajia Dios ĩ yire, Oseas ñayoru ĩ ucare jane mejeju gaye:

Yu ñarã mejere cuni, “Yu ñarã ña mua”, yigu yigujaja yu. “Cajero muare ti maibitica yu. Adocãta muare ti maia yu”, yigu yigujaja yu.

26 “Yu rīa meje ñama”, Dios ĩ yiadoju, ĩnati Dios rīa ñarā yirāji. Dios catitīñagū rīa ñarā yirāji. Ito bajiro ucayofūi Oseas jane mejeju.

27 Isaíasjua, ado bajiro busiyoyiju, Israel sita gānare tuoīa yugu: “Israel gāna jājarā busa bujuama. Jai rētocūcōri, ja sitacō jājarā ñama ĩna. Jājarā ĩna ñabojarocati coriarāreti masogū yiguji Dios. 28 Dios ĩ goticādo bajiroti yigu yiguji. Jājarā adi macārucāro gāna masa, ĩna ñeñaro yirise waja, ĩnare waja senigū yiguji Dios. Ito yicōri cojisiti ĩnare ruyuriogu yiguji”, yi ucañi Isaías. 29 Ito yicōri, ucaguti ado bajiro yiyiju Isaías:

Dios masa jeyaro uju ñagū, mani rīa sīgūre ĩ masobeto bajija, mani judio masa jeyaro maniboana mani. Dios Sodoma, Gomorra gānare ĩ ruyurioado bajiro, manire yiboru, manire sīgū ĩ masobeto bajija. Ito bajiro yiari ucañi Isaías.

Cristo ocare judio masa ĩna tuo āmobitire gaye

30 Riti ña. Itire tuocōri ado bajiro yi tuoīa masia mani: “¿No bajiro yirujati guare, Dios riojo, ‘Quena ña mua’, ĩ yitoni?” yi tuoīabisijarā judio masa meje ñarā. Ito bajibojarocati, “Queno yirā ñama. Ñe seti ma ĩnare”, yigu yiguji Dios, Cristore ĩna tuorūnja, yi tuoīa masia mani. 31 Yu ñarā, judio masama ado bajiro yi tuoīabojayijarā: “Queno gua yija, ‘Queno yirā ñama’, yigu yiguji Dios guare”, yi tuoīabojayijarā ĩna. Dios ĩ rotirise ñarocōti, ĩna cudibejare, “Queno yirā ñama ĩna”, yi masibisija Dios. 32 Ado bajiro baja. Judio masa Diore tuorūnurā meje ñayijarā. “Quenaro gua yirise ticōri, ‘Queno yirā ñama ĩna’, yigu yiguji Dios”, yi tuoīabojayijarā ĩna. Cristore boca āmimena ñari, masa ĩna camota cūado bajiro Dios tu eja masibisijarā ĩna. Cristore ĩna boca āmi āmobeja, gātagā camotado bajiro bajiami ĩ. 33 Itire ĩ oca tutina ado bajiro busiami Dios:

Sión wame catiri cutoju Cristore cūa yu. Gātagā camotado bajiro bajigu Cristore cūa yu. ĩre ĩna tuorūnubeja camotagu yiguji ĩ. Ito bajiri yu tu eja masimena yirāji ĩna. No Cristore tuorūnugāti bojori bujabicu yiguji. Wanu quenagu yiguji ĩ. Ito bajiroti gotiyiju ĩ oca tutina, jane mejeju.

10

1 Tuoya, Jesure tuorūnurā mua. Gājerā yu ñarā, Dios jeame ūjuroju ĩ cōbore, ĩ masoja, buto itire wanu quenagūja yu. Iti ña Diore yu seni tuoīarise. 2 Yu ñarā, Israel gāna, Dios ĩ āmorise ĩna tuoīarisena buto yi āmobjama ĩna. Ito bajibojarocati, “Iti ña ĩ āmorise”, yi tuoīa masibeama ĩna. 3 “Cristo mani ñeñaro yirise waja yicāñi. Ito bajiri Dios ĩ tija, seti ma manire”, yi tuoīabeama ĩna. “ĩ rotirise gua cudija, ‘Queno yirā ñama ĩna’, yigu yiguji Dios”, yi tuoīabojama ĩna. Ito bajibojarocati Dios ĩ āmoro bajiro yibeama ĩna. Ito yicōri Diore queno tuorūnubeama ĩna. Ito bajiri, “Queno yirā ñama ĩna”, yibiquji Dios. 4 Cristo ĩ ejaja bero, ĩna suoriti manire masogū yiguji Dios. Adi rumuri, no Cristore tuorūnugāti, “ĩ ñami queno yigu. Seti macu ñami”, yiguji Dios. Cristo ĩ goda ĩsrajuna suoriti manire masogūji Dios. Ito bajiri, “Dios rotirise mani cadirajuna suoriti manire masogū yiguji”, yire ma ĩja.

5 Moisés ñayoru jane mejeju ado bajiro busiyiju: “No Dios rotirise ñarocōti cudigu catitīñare bujagu yiguji”, yi ucayiju Moisés ñayoru. 6 Ito bajibojarocati, sigūja mami Dios rotirisere ñarocōti cadigu. Cristore masa ĩna tuorūnaja ticōri, “Queno yirā ñama ĩna. Seti ma ĩnare”, yigu yiguji Dios. Iti ocare ado bajiro gotia manire, Dios oca: “¿Ñimu ūmacūju tigu ejayijari? ‘Itoju gagu wadiru ñami Cristo’, yi masiana”, yirona. Ito bajiro tuoīabitoruja muare. 7 “¿Ñimu godana taju ejarada Cristo ĩ tujaja tirocu?” yi tuoīabiticōruja muare. 8 Dios oca ado bajiro gotia: “Dios riasore gaye ñacā muare. Ito bajiri iti riasore gaye masicā mua. ĩ riasore gayere busiyija mua”, yi gotia Dios oca. “Cristore masa tuorūnare āmoguji Dios”, yire gaye ña iti oca. Ito bajiro masare riasoa gua iti oca. 9 “Jesús ĩ godaja bero mucana tūdi ĩ catiroca yifi Dios”, mani yi tuoīaja, ito yicōri “Jesús ñami yu ūju”, mani yija, jeame ūjuroju mani wabore ñaroca manire masogūji Dios. 10 Cristore mani tuorūnaja ticōri, “Queno yirā ñama ĩna. ĩnare seti ma”, yigu yiguji Dios. Ito yicōri, “Jesure tuorūnugū ña yu”, yi gājerāre mani goti rētojuja, riti Dios ĩ masoana ñarā yirāji mani ĩja.

11 Ado bajiro gotia Dios oca tuti: “No ĩre tuorūnurā, ‘Bujato baja yure’, yirā mama”, yi gotia Dios oca. 12 Dios ĩ tija judio masa, judio masa mejere cūni, coro bajiroti tiguji ĩ. Mani ūju ñami ĩ, ito yicōri jeyaro ūju. No ĩre senigūre queno yigu yiguji Dios. 13 Dios oca tuti ado bajiro gotia: “No Jesure, ‘Yu ūju ña mu. Yu ñeñaro yirisere ācabojoya. Jeame ūjuroju yu wabore ñaroca yure masoña’, yirā masoana ñarā yirāji”, yi gotia Dios oca. 14 Cristore ĩna tuorūnubeja, ĩre seni masimenaji ĩna. Ito yicōri Cristo gayere ĩna tuobeja, ĩre tuorūnu masimenaji ĩna. Sīgū ĩnare Cristo oca riasobeja, masimena yirāji ĩna. 15 ĩ oca gotirona mani cōabeja, ĩ oca riasorā manaji. Ado bajiro gotia Dios oca: “Dios oca quenarise riasorā, no ĩna gotiroju masa ĩna tuoja, wanu quenarā yirāji ĩna”. Ito bajiro ucare ñayija jane mejeju.

¹⁶ Masa jājarā oca quenarise tuobojarāti itire tuorānubeama īna. Jane mejeju Isaías ī ucado bajiroti baja: “Yū ūju, coriarāti űama mu ocare tuorānūrā”, yiyiju Isaías Diore gotigu. ¹⁷ Cristo oca quenarise īna tuobeja, itire tuorānūmenaji īna. Cristo ocajuare tuosuoruja, īna tuorānuroto riojua.

¹⁸ Adire muare seniāgū ya yu: űIsrael sita gāna Dios oca tuobitianada? Tuobojana tuorea. Dios oca tuti ado bajiro gotia:

Dios oca gotiri masa, masa jeyarore goti jeoñi. Ito yicōri īna oca coju ruayabeto, tuore űa.

¹⁹ Mucana muare jabeto seniā tuoga ya yu. űDios oca tuobojarāti, queno tuo masibisijari Israel sita gāna? Tuo masibisijarā īna. Moisés űayoru īti űami cajero iti oca gayere ucasuoru. Dios ī gotiro bajiroti ucayiju ī. Israel sita gānare Dios ī tuoīare gaye gotigu ado bajiro ucayiju Moisés űayoru:

“Tuo rētobubeama īna”, mua yirāre, “Yū űarā űa mua”, yigu yiguja yu īnare. Ito bajiro yu yija, buto rorā yirāji mua. Ito yicōri buto junisinirā yirāji mua”, yiyiju Dios, yi ucayiju Moisés űayoru.

²⁰ Moisés ī ucaja bero buto oca sēcōri, ucayiju Isaías. Dios ī yiro bajiroti ucayiju ī cuni:

“Yure āmabitibojanajua yure bujama. Ito yicōri yure masi āmomenajuare, yure īna masiroca yicu yu”, yiyiju Dios judio masa meje űarāre cuni tuoīagū, yi ucayiju Isaías űayoru.

²¹ Israel sita gāna īna bajirisejua, Dios ī gotirisere ucayiju Isaías: “Co rumu ruayabeto īnare jisotibojaja yu, īna űeñaro yirisere īna jidicātōni. Ito bajibojarocati yiro robo cudirā meje űama īna. Ito yicōri yure ti terā, tudiana īna”, yiyiju Dios, yi ucayiju Isaías űayoru.

11

Coriarā Israel sita gānare Dios ī masore gaye

¹ “Dios űarā Israel sita gāna īnare jidicācōru”, yire űtuoīati mua? Meje īnare jidicābeami. Israel sita gaguti űa yu cuni. Ito bajiri yu űicu űasuoruti űami Abraham űayoru. Ito yicōri Benjamin ya butu gaguti űa yu. Ito yicōri Benjamin janerābatia janamiti űa yu. ² Jane mejeju gua Israel gānare beseñi Dios, ī űarā īna űatōni. Ito yicōri guare jidicābeami ī. Dios oca tutiju Elías űayoru ī oca gayere tijiya mua. Dios rāca busigu, “Israel gānare seti űa”, yire gaye yiyiju Elías űayoru. Tite. Ado bajiro yiyiju ī, Diore busigu: ³ “Yū ūju, mure goti īsiri masare sīayijarā Israel sita gāna. Mure rūcuburā īna soe īsotira casabo cuni ruyurioñi īna. Ito yirā űari, yure cuni sīa āmocā īna. Yū sīgūti mu oca gotiri masu catia maji”, yiyiju Elías Diore. ⁴ Ito bajiro ī yija tuocōri, ado bajiro cudiyiju Dios: “Mu sīgū meje űa. Siete ml űarā masa űama maji yure rūcuburā. Gājerā īna meni rujeoru Baal wame cutigure űini rūjū rūcubuo yibiticā īna”, yiyiju Dios Elías űayorare. ⁵ Elías ī űaratāa, Dios ī beseado bajiroti adocāta cuni Israel gāna coriarāre beseguñi Dios, ī űarā űa űatōni. Īnare ti maicōri īnare beseñi Dios. ⁶ Īna queno yirena suori meje beseñi Dios. Īnare ti maicōri beseñi ī. Īna queno yirena suori ī besero bajija, īnare waja yiroca robo beseborū ī. Quenarise īna yibitibojarocati, īnare ti maicōri beseñi Dios.

⁷ Ado robojua baja. Israel sita gāna, “Queno yirā űama īna”, ī yire īna āmobjarocati, “Queno yirā űama īna”, yibisiju Dios. Coriarāti Dios ī beseana, “Īna űama queno yirā”, yiyiju Dios. Gājerāma Dios oca tuo āmomena űayijarā īna. ⁸ Īna gayere busia Dios oca tuti. Ado bajiro gotia: “Īre āmomenare ī oca īna tuo masibitiroca yiyiju Dios īnare. Ito bajiri gājerā ī ocare īna gotibojarocati tuo masibisijarā īna. Ito bajiroti baja adi ramri cuni”, yi gotia Dios oca tuti. ⁹ Ado bajiro yiñi David űayoru Diore:

Israel gāna wanu quenarā, basa īna menirise bojori bujaroca yiya. Īna tuoīa bujatobitiroca yiya. Ito yicōri īna űeñaro yirise waja, īnare waja seniñā.

¹⁰ Īna tuo masibitiroca yiya. Sīgū rūcurise āmi wacu robo bajiro, īna űeñaro yirise tāniroca yiya mu, yiyiju David űayoru Diore.

Judio masa mejere cuni Dios ī masore gaye

¹¹ űNo bajiro tuoīati mua? Dios judio masare, Īre īna āmobjare, űīnare jidicā ruyuriogu yiguljida? Meje īnare jidicā ruyuriobiquji Dios. Judio masa Diore īna āmobjeja, judio masa mejereama masogū yiguji Dios. Ito bajiro gājerāre ī masoja ti masicōri, āmotirā yirāji judio masa cuni. ¹² Judio masa Diore īna cudibejare, jaje quenarise gaye masa jājarāre ejayiju. Judio masa Cristore īna tuorānubejare judio masa mejere cuni jaje quenarise gaye ejayiju. Ito bajiri Cristore tuorānusooyjarā īna cuni ĩja. Judio masa cuni Cristore īna tuorānūja, buto basa masa jeyarore quenarise ejaro yiroja.

¹³ Mua judio masa mejere cuni busigu ya yu. Muare Dios oca gotire űa yure. Muare yu riasotoni yure cūñi Dios. “Iti űa moare űasarise”, yi tuoīa yu. ¹⁴ Yū űarā judio masa, muare bajiro īna bajire āmogū, itire gotia yu. Dios muare masoja masicōri, āmotirā yirāji īna cuni. Ito yija Cristore tuorānūrā yirāji gajea. Ito bajiro īna yija ticōri, Īnare masogū yiguji Dios. ¹⁵ Judio masare Dios ī jabeto jidicārāju, masa jeyarore oca quenarise cūyiju Dios, ī rāca īna queno

ñatoni. Ito bajiro ĩ oca cūyju Dios judio masa mejere canı. Ito bajiri Cristore ĩna tuorānuja Dios ñarā ñarāji ĩna canı. Buto busa quenaroja, judio masa canı Cristore ĩna tuorānuja. Jeame ũjaroju ĩna wabore ñaroca ĩnare masogū yiguĵi Dios. Ito bajiri godabobarāti mucana tadi catirā robo bajirā yirāji ĩna. ¹⁶ Ado bajiro bajia. Jabeto cıjabura gaye, boca āmicōri, Dios ĩ quenoja, ñarocōti cıjabura quena jedicoaro yiroja. Yucugū ñe, jeyaro iti quenaja, jeyaro ruĵari canı quena jediroja. Ito bajiro bajiyju Abraham ñayoru. Queno yigū ñari, Diore tuorānuju ĩ. Ito bajiri ĩ janerābatia Diore ĩna tuorānuja, queno yirā ñarā yirāji ĩna canı.

¹⁷ Cogu yucugū, olivo wame cutiricu, ruju jatacōacōri, rocati judiragu ruju āmicōri wōja, cogu gaye bajiroti bajiroja. Ito bajiroti Dios canı judio masare cōacōri, judio masa mejere canı, muare ĩ ñarā ñatoni cūñi ĩ. Ito bajiri Dios ye quenarise bujacōri gna judio masa rāca sīgare bajiro bajirā ña mua. ¹⁸ Ito bajiro Dios ĩ yija, “Judio masa rēto busaro queno yirā ña gna”, yi tuoĭabitiruja muare. “Judio masare mani rioĵaju beseñi Dios”, yire gayere tuoĭaña mua. Cristo judio masu ĩ rujearena suoriti muare masoñi Dios. Ito bajiri, “Judio masa rēto busaro queno yirā ña mani”, yiado ma muare.

¹⁹ Mua judio masa meje ñarā, ado bajiro yiborāji gajea: “Judio masare jidicāyju Dios, ĩ ñarā mani ñatoni. Ito bajiri ñasari masa ña mani”, yi tuoĭabobarāji gajea mua. ²⁰ Riti ña, judio masare Dios ĩ jidicāre. Cristore ĩna tuorānubejare, ito bajiro yiñi ĩ, ĩnare. Cristore mua tuorānubeja, muare canı cōacōboru ĩ. Ito bajiri, “Judio masa rēto busaro ñari masa ña mani”, yi tuoĭabesa mua. “Ñasarā meje ña mani”, yi tuoĭaña mua. Ito bajiro tuoĭacōri, “Queno ya Dios mu”, yiya, ĩre rucuburā. ²¹ Dios judio masare, cajero ĩ beseanare ĩ cōaja, muare canı cōa masiguĵi ĩ. ²² “Jaje quenarise gaye yami Dios masare. Ito yicōri masare buto ĩna tōbujaroca canı yami Dios”, yi tuoĭaña mua. Ado bajiro bajia. ĩre rucubwomenaire buto ĩna tōbujaroca yibojaguti muare queno yami. Ito bajiborocati mua ĩre rucubwotñabeja, muare canı cōacōboru ĩ. ²³ Judio masa ĩ cōana, Cristore ĩna tuorānuja ĩ ñarā ñaroca yigu yiguĵi ĩ mucana. ĩ masirisena, ĩ ñarā ñaroca yi masiguĵi mucana. ²⁴ Judio masa meje mua ñabobarocati ĩ ñarā bajiro muare cūñi Dios. Judio masa ñama cajero Dios ĩ beseana. Cajero ĩ beseana meje mua ñabobarocati josari ĩ ñarā ñaroca yiñi Dios. Judio masa cajero ĩ beseana mucana ĩ ñarā ñaroca ĩ yija, josari mejeti ñaroca.

Israel sita gānare Dios ĩ masosware gaye

²⁵ Yu ñarā, masa ĩna masibiticati gayere, muare gotigu ya yu. Dios ĩ beseana ña mani. “Jeyaro masirā ña mani”, mua yi tuoĭabititoni, iti gaye ocare muare gotia yu. Adocāta judio masa jājarā ñama Diore tuo āmomena. Ito bajiro bajitñamenaji ĩna. Judio masa meje ñarā, Dios ĩ beseana, Jesure ĩna tuorānuja ticōri, judio masa canı Diore āmorā yirāji ĩna. ²⁶ Ito bajiro judio masa Diore ĩna āmoja, jeame ũjaroju ĩna wabore ñaroca ĩnare masogū yiguĵi ĩ. Ito bajiro ucare ña Dios oca tutiĵa:

Síon wame cutiri cutoĵu eĵagu yiguĵi masare masori masu. Jacob janerābatiare ĩna ñeñaro yirisere coegu yiguĵi ĩ.

²⁷ Ito bajicōri, ñeñaro ĩna yirise yu ācabojaja, jane mejeju yu goticādo bajiroti yigu yigujaja yu, yi gotia Dios oca tuti.

²⁸ Adocāta judio masa jājarā Cristo oca quenarise rucubwomena jaicoama. Ito bajiri Dios wajana ñama ĩna. Ito bajiro ĩna bajijare, mua judio masa mejeju tuorānusuoā mua. Judio masa ĩna Diore āmōbitiborocati, ĩjuama ĩnare ti maiguĵi maji. ĩna ñicusabatiare canı ti maiñi ĩ. Ito bajiri adi rumari gāna judio masare canı ti maiami ĩ maji. ²⁹ “ĩnare besecu yu. Ito bajiri ĩnare queno yigu yigujaja yu”, yiyju Dios. ĩ goticādo bajiroti yigu yiguĵi ĩ. ĩ goticādo bajiroti jidicābicu yiguĵi Dios. ³⁰ Cajero Diore cudibisija mua. Judio masa Diore ĩna cudibeja ticōri, muajure maicōri, muare masoñi ĩ. ³¹ Adocāta judio masa Diore cudirā meje ñama. Ito bajiro ĩna bajiborocati, muare ĩ ti mairo bajiroti, ĩja ĩnare canı ti maigū yiguĵi ĩ. ³² Mani jeyaro Diore cudimena riti ñacu mani maji. Ñeñaro mani yi āmoja manire camotabis ĩ Dios. Ito bajiro yiñi, ñeñaro mani yija bero, “Buto yure maisacōguĵi Dios. ĩre yu ñeñaro yirise yu goti rētoĵaja, yure ācabojaja yiguĵi”, mani yi tuoĭa masitoni.

³³ Quenasacōa. Quenoguti yigu ñami mani Jacu Dios. Jeyaro masigū ñami ĩ, ito yicōri jeyaro tuo masigū. ĩ tuoĭarisere masibeā mani. Ito yicōri ĩ yirisere ti masibeā mani. ³⁴ Ado bajiro gotia Dios oca tuti: “Ñimujaja Dios ĩ tuoĭarise tuoĭagū mami. Ñimujaja Diore riasogu mami. ³⁵ Ñimujaja mami, ‘Diore ĩsicu yu. Ito bajiri yure waja ruyurioami ĩ’, yigu”. Ito bajiro ucare ñayija jane mejeĵuti. ³⁶ Adi sita ñarotire jeyaro rujeoñi Dios. ĩna suoriti jeyaro ña. Ito yicōri ĩ ye riti ña. Ito bajiro ĩ bajijare ĩre rucubwotñacōruja manire. Ito bajiro riti bajitñajaro.

12

Dios ĩ āmorise riti mani yija quena, yire gaye

¹ Dios manire ti maicōri jaje mani yerotire yiñi. Ito bajiri yu ñarā Dios ī āmorise riti yirā ñañā mua. Quenarise riti yiya, ñeñarise yimenati. Mua ito bajiro yija, Dios wanu quenagū yiguñi mua rāca. Diore mani rācubuarise ĩre ĩrona ito bajiro yiraja mani. Ito bajiro mua yitoni, oca sēoro muare rotia yu. ² Diore masimena ĩna yiro bajiro yibesa. Mame tuoĭare gaye wasoacōri, quenarise riti tuoĭañā mua. Ito bajiro tuoĭacōri Dios ī āmorise masirā yirāji mua. “Diore quena ña”, yire gaye masirā yirāji mua. Ito yicōri ī wanuroti gaye cuni masirā yirāji mua. “Tū ña yure ñasarise”, Dios ye yire gaye masirā yirāji mua.

³ Yure ti maicōri ī oca muare gotirocare yure cūñi Dios. Ito bajiri ado bajiro muare gotia yu. Mani ĩre tuorānurā ñajare manire moare cūñi ī. “Īre yu moa ĩsi masitoni yure ejabuagu yiguñi Dios”, mani yi tuoĭaroca yami Dios. Ito bajiri, “Yumasi queno Diore moa ĩsia yu”, yi tuoĭabitiruja manire. Ado bajirojua mani tuoĭaja quena. “Dios ī ejabuarisena riti queno moa masia yu”, yi tuoĭaruja manire. ⁴ Mani ya ruju jaje ña. Tite mua. Āmo, cajea, gāmoro, gubo jaje ña mani ya ruju. Co ruju gaye ricati riti moare cutia mani ya ruju. Tite mua. Cajeana ti, gāmorona tuo, āmona āmi, gubona wa ya mani. ⁵ Ito bajiroti bajia mani Jesucristore tuorānurā. ĩre tuorānurā ñari ī ya ruju robo bajirā ña mani. Ito bajiri jājarā ñabajarāti sigūre bajiro tuoĭacōri gāmeri ejabua mani. Ito yicōri mani yagu sigū ī manija gāmeri godo cutia mani.

⁶ Ī āmoro bajiro mani jeyarore, ricati riti mani moa masirotire jidicāñi Dios. Dios manire jidicāre mani moa masirisena ĩre queno moa ĩsiruja manire. Dios ī oca gotiroti gayere muare ī jidicāja, Cristore mua tuorānurācō gotija quena. ⁷ Gājerāre ejabuare gaye manire Dios ī jidicāja, gājerāre queno ejabua quena. Ito yicōri, no riasore gaye boca āmigū gājerāre queno riasoja quena. ⁸ Gājerā oca sēoroca yi masigū, queno yija quena. No gājerāre ī ĩsi āmoja, queno wanu quenaro jairo ĩsia quena. No rotigu quenoti rotija quena. No bojori bujarāre ejabuagu, wanu quenare rāca ejabuaja quena.

Cristore tuorānurā ado bajiro ñaja quena, yire gaye.

⁹ Bugati gājerāre mai ruobesa. Gājerāre maisaguti maija quena. Ñeñaro yirere ti tecōri jidicāña. Quenarise riti yi āmoña. ¹⁰ Cristore tuorānurā ñari sigū rīa robo bajiro gāmeri queno ti maiña. Ito bajiro yicōri queno gāmeri rācubuoja mua.

¹¹ Dios moare gaye muare ī cūre tuoĭa wanucōri moaja quena. Diore wanurā ī āmoro bajiroti ĩre queno moa ĩsiña mua.

¹² “Guare queno yigu yiguñi Dios”, yi tuoĭa yurā ñari, queno wanu quenaro ñañā mua. Mua tōbujaja, ñemecutiya. Muare oca ñaja, usiriobeja. Ito yicōri Diore busi jidicābeja mua. ĩre mua busisotija quena.

¹³ Cristore masirā ĩna bojoro bujaja, ĩnare ĩsima. Mua ya wi ejarāre queno boca āmima.

¹⁴ Jesure masirā mua ñajare gājerā ñeñaro muare ĩna yija, ñeñaro ĩnare busitubeja. Dios ĩnare queno yitoni, Diore senima mua.

¹⁵ Gājerā queno ĩna wanu quenaja, queno corocō ĩna rāca wanuma mua cuni. Gājerā ĩna bojori bujaja, cocati bojori bujaba mua cuni.

¹⁶ Gājerā jeyarore queno ti mai ñañā mua. “Īna rēto busaro queno yirā ña mani”, yi tuoĭabesa mua. “Ñasamena ñama ĩna”, gājerā yianare cuni baba cuticōri, queno wanu quena ña mua. “Gājerā rēto busaro masia yu”, yi tuoĭabesa.

¹⁷ Gājerā ñeñaro muare ĩna yija, ĩnare gāmebeja mua. Quenarise riti yiya mua, gājerā, “Ñeñaro yirā ñama”, ĩna yibititoni. ¹⁸ Gājerā rāca gāmeri ti tudibesa mua. Ado bajirojua mua yija quena. Queno mua yi masirise yiya, masa jeyaro rāca queno mua ñatoni. ¹⁹ Queno tuoja yu ñarā mua. Gājerā ñeñaro muare ĩna yibojarocati ĩnare ñeñaro yibeja mua. Muare ñeñaro yirāre ñeñaro ĩna tōbujaroca yi masiami Dios, ĩnaōnare. Ī oca tutina ado bajiro gotiami Dios: “Yu ña, masa ĩna ñeñaro yire waja, ñeñaro ĩna tōbujaroca yiri masu. ĩna ñeñaro yire waja, ĩnare waja senigū yiguja yu”, yiari gotiami mani Ūju ī oca tutina. ²⁰ Gaje ado bajiro gotia Dios oca: “Mua wajacu ī ñiocōja, ĩre bare ecaya. Ī idi āmoja, ĩre ioya. Ito bajiro mua yija, mua wajacu ñeñaro yi āmogū, muare bojobuja tigu yiguñi”, yi gotia Dios oca tuti. ²¹ Gājerā ñeñaro muare ĩna yibojarocati ĩnare ñeñaro yibeja muama. ĩnare quenarise riti yiya mua. Ito bajiro mua yija ticōri, ĩna ñeñaro yirisere jidicārā yirāji gajea.

13

¹ Dioti ñami mani ujarāre cūri masu. Dios ī cūana ñajare, mani ujarāre yiro robo cudiruja manire. ² Ujarāre ti tujabica, ĩna rotitoni Dios ī cūanare cudigūcōcū meje ñami locū. Ito bajiro cudimenare, ĩna tōbujaroca yigu yiguñi Dios. ³ Queno yiri masare gūiri masa meje ñama rotiri masa. Ñeñaro yiri masajare gūiri masa ñama rotiri masa. Ito bajiri quenarise riti yiya mua. Quenarise riti mua yija ticōri, muare ti wanurā yirāji mua ujarā. ⁴ Mani queno ñatoni rotiri masare cūñi Dios. Mani ñeñaro yija, gūirā yirāji mani. “Yu ñeñaro tōbujaroca yigu

yiguŋji”, yi tuoŋacōri gūirā yirāji mani. Ñeñaro yirāre ñna tōbujaroca yironare rotiri masare cūñi Dios. ⁵ Ito bajiri juaji tuoŋare gaye tuoŋacōri rotiri masare ñna yiro bajiroti cūñirona ñna mani. “Yu cūñibeja ticōri, yu tōbujaroca yigu yiguŋji Dios”, yi tuoŋarā cūñija quena. Ito yicōri, “Yu cūñija iti ña queno yire gaye”, yi tuoŋacōri, ñna yiro bajiroti cūñiruja manire. ⁶ Rotiri masa ñna moarise yiro robo ñna moaja, Diore yiari moa ñsirā yama ñna. Ito bajiro ñna yitoni ñnare cūñi Dios. Ito bajiri rotiri masa ñna waja senija, ñnare waja yija quena.

⁷ Mwa waja ruyuriorāre cuni waja yiya. Ujarā ye niyeru seni ñsiri masare waja yiya. Gaje ujarā ñna waja yirotiya, ñna rotiro bajiroti waja yiya. Ito yicōri ñna yiro bajiroti yiya mwa. Mwa ujarā ñnarcōreti rucubuoja. ⁸ Gājerāre waja ruyuriobesa. Sigūre ruyabeto gāmeri ti maisotiya. Ito bajiro gāmeri mwa ti mairise jidicābeja mwa. No ñ tu gānare ti maigū, Dios ñ rotirise cūñiguti ñami ŋocū ŋa. ⁹ Dios ñ rotirise ado bajiro gotia: “Gāji manojore ajebesa. Gājerāre siabesa. Rinibesa. Ito yicōri gāji ya gajeonire ti wobesa”, yi gotia Dios ñ rotire. Dios ñ rotirise ñnarcōti ado bajiro riti gotia: Gājerāre mwa ti maija, ñnare ñeñaro yimenaji mwa. Ito yicōri ñnare mwa ti maija, Dios ñ rotirise cūñi jeorā ñarā yirāji mwa. Ito bajiri muamasiti mwa mairo bajiroti, mwa tu gānare cuni ti maiña. ¹⁰ No ñ tu gānare ti maigū, ñnare ñeñaro yibicu yiguŋji. Ito bajiri mani tu gānare mani ti maija, ñnarcōti Dios ñ rotirise cūñirā ñarā yirāji mani.

¹¹ Dios ñ rotiro bajiro riti yiruja manire. Ñamicaju ña ŋa. Nocō mejeti mani Uju ejaŋu yiguŋji manire āmi warocu. Ito bajiri ña yucāruja manire. Cajero ñ oca mani tuorānuja, “Co rumu tūdi ejaŋu yiguŋji Jesús”, yi tuoŋacu mani. Ito bajibojarocati adi rumu, “Nocō mejeti ruja manire ñ masogū ejaroto”, yi tuoŋa masia mani ŋa. ¹² Adocāta ñami bajiro bajia, masa ñeñaro ñna yija. Ñami rēta waju, nocō mejeti mani Uju ñ tūdi ejaroti rumu ejaro yiroja. Itocōti ejaŋu yiguŋji ñ. Ito bajiri ñeñaro mani yire gayere jidicāruja manire. Gājerā rāitāroju ñeñaro ñna yiro bajiro yibitiruja manire. Ado bajiroju yiruja manire. Quenarise riti yiruja, busuro ñarā queno ñna yiro bajiro. ¹³ Quenarise riti yiruja manire, masa ñna tiro riojo queno mani yiro bajiro. Basa ñna meniroju wabitiruja manire. Ñeñaro ñna ajeroju mecabitiruja manire. Gāji manojore ajebitiruja manire. Mani ya ruju ñeñaro iti tuoŋaro bajiroti ñeñaro yibitiruja manire. Gājerāre tudibitiruja manire. Gājerā mani rētoro ñna masija ticōri, ñnare ti junisinibitiruja manire. ¹⁴ Ado bajiroju mani yija quena. Mani Uju Jesucristore tuorānuja manire. Ñti ñami manire ejabuagu, mani ñeñaro yibitoni. Ito bajiri ñ ejabuarisena mani ya ruju ñeñaro iti tuoŋaro bajiroti yi ujabitiruja manire.

14

Cristore tuorānuarē busitubesa, yire gaye

¹ Queno Jesure tuorānusabicu ñabojaguti sigū mwa rāca ñ ñna āmoja, ñre boca queno āmiña mwa. “Ito bajiro bajigu ñami”, yi ti masicōri ñ rāca gāmeri busi tuoŋabeja ñnasabitire. ² Ado robojuja bajia ñnasabiti gaye. Coriarā Jesure masirā, “Jeyaro mani baja cuni quena ña”, yi tuoŋama ñna. Gājerā queno Jesure masamenama, “Waibucu ri ba jidicāruja. Ote gaye riti mani baja quena”, yi tuoŋama ñna. ³ Ñnarcōti jeyaro barā, gājerā ba jidicāre busitubiticōruja ñnare. Ito bajiroti ba jidicāruja cuni, jeyaro barāre busitubiticōruja. Cristore tuorānuacōri, Dios ñarā ñama ñna ŋa. Ito bajiri ñnare busiture ma. ⁴ Jesure tuorānuarā, Diore moa ñsiri masa ñama ñna ñna. ñna ujarā meje ña mwa. Dios ñami ñna uju. Ito bajiri Dios ñna uju ñari, “Queno ya mwa yare”, ito yicōri, “Queno yibea mwa yare”, yiguŋji ñ. Dios sigūti ñre moa ñsiri masare ñna queno yitoni yi masiami.

⁵ Coriarā Jesure masirā ado bajiro tuoŋama: “Adi rumu Diore rucubuoja rumu ñasari rumu ña gaje rumu rētoro”, yi tuoŋama ñna. Gājerāma ado bajiro tuoŋama: “Co rumu ruyabeto corocō Diore rucubuoja mani”, yi tuoŋama ñna. Mani jeyaro sigū ruyabeto, “Yu yisotire, ñeñarise meje ña”, yi masiruja manire. ⁶ Sigū, “Adi rumu ña ñasari rumu”, yi tuoŋagū, ñto bajiro yami mani Ujure rucubuoja. Gāji, “Co rumu ruyabeto corocōti ña”, yi tuoŋagū, ñ cuni Diore rucubuoje gayeti ito bajiro yami. Gāji jeyaro bagu, Diore rucubuoje bami ŋocū cuni. ñ baja, “Queno ya Dios mu”, yiguŋji ñ. Gāji waibucu ri ñ ba jidicāja, ito bajiro yami ñ cuni Diore rucubuoja. “Queno ya Dios mu”, yiguŋji ñ cuni.

⁷ Mani Cristore masirā, mani tuoŋarise riti yi āmorā meje ña mani. Ito bajiri, “Yu āmori rumu godacuja yu”, yimenaji mani. ⁸ Mani catirocō, mani Uju Cristo ñ āmoro bajiro yirona ña mani. Ito yicōri ñ āmorocō godarāji mani, ñ rāca ñarona. Ito bajiri mani catija cuni, mani godaja cuni Cristo ñarā ña mani. ⁹ Ado robojuja bajia. Cristo godacōri mucana tūdi catiñi godarā uju ñarocu, ito yicōri catirā uju ñarocu cuni.

¹⁰ ¿No yija gājerā Jesure masirāre seti yiati mwa? ¿No yija gājerā Jesure masirāre ñeñaro tuoŋa busiati mwa? Mani ñnarcōti Cristo riojo ñarā yirāji mani, mani queno yigore, mani ñeñaro yigore cuni, ñ cōiatoni. Iti masicōri mani ñarāre, “Ñnare seti ña”, yibitiruja manire. ¹¹ Ado bajiro gotia Dios oca tuti:

Catia yu. Ito bajiri yu gotirise riti ña. Masa jeyaro yu riojo, rijomunigãna ñini rûjûrã yirãji, yure rûcubwona. Sîgû ruyabeto, “Dios ña mu”, yirã yirãji, yi gotia Dios oca tuti.
 12 Ito tuocõri, “Mani jeyaro sîgû ruyabeto, jeyaro mani yigorore Diore goti rêtorã yirãji mani”, yi tuoia mani.

Cristore tuorãnurãre ña jidicãroca yibesa, yire gaye

13 Ito bajiri gãmeri busitubiticõruja manire. Ado bajirojua quenarise riti yiruja manire. Ito yicõri mani rãca gãna Cristore masirã, ña ñeñaro yiroca yimenaji mani. 14 Yuama Cristore masigû ñari, “Jeyaro yu baja quena ña”, yi tuoia yu. “Iti yu baja, ñeñarise ña”, yi tuoia bojaguti i baja, ñeñaro yigu yami ñocû. 15 Sîgû Cristore masigû, “Rẽore gaye ña”, i yi tuoiarise mani baja ticõri, bojori bujagu yigujji gajea. Ito bajiri i bojori bujaroca mani yija, ñe ti mairã meje ña mani. Ñaõnare yiari cuni goda ñiñi Cristo. Ito bajiri sîgû Cristore masigû mani baja ticõri, Cristore i jidicã ãmoja, babitiruja itire. 16 “Gua yirise quena ña”, yi mua tuoia bojarocati, “Ñeñaro yama ña”, yi gãjerã muare ña busituja, yibeja itire. 17 Ñe tuorãnurãre riti i rotiroju miojugu yigujji Dios. Ito bajiri mani barise cuni, mani idirise cuni ñasarise meje ña. Mani Uju i rotiro bajiro mani cudija, iti ña ñasarise. Ito yicõri gãjerã rãca queno mani ñaja, iti ña ñasarise. Espiritu Santo mani wanu quenaroca i yija, iti cuni ñasarise ña. 18 Cristo i ãmoro bajiroti mani yija, “Queno yirã ñama ña”, yigu yigujji Dios. Ito yicõri masa cuni ito bajiroti yirã yirãji.

19 Ito bajiro yiruja mani, gãjerã rãca ñe oca manoti queno mani ñatoni. Ito yicõri gãmeri ejabuato mani, Cristore buto busa tuorãnuana yirona. 20 Sîgû, “Rẽore gaye bama ña”, yi wacu Diore i jidicã ãmoja, babitiruja mani. Bare jeyaro mani baja quenarise ñaroja. Ito bajibojarocati gãji, “Rẽore ña iti”, yi wacu, mani baja ticõri, Cristore i jidicã ãmoja, babitiruja mani itire. 21 Gãji Cristore masigû, rẽore gaye mani baja ticõri, ito yicõri uyé ide mani idija ticõri, Cristore jidicãgû yigujji gajea. Ito bajiri Cristore i jidicãbititoni, jeyaro rẽore gaye babitiruja manire. Ito yicõri idire idibitiruja manire. Mani yirise ticõri, Cristore i jidicã ãmoja, yibitiruja mani itire. 22 “Jeyaro yu baja quenaroja”, mani yi tuoiaja, Diore riti gotija quena. No, “Yu yisotirise quena ña Dios i tiro riojo”, yi masigû, wanu quenagû ñami ñocû. 23 No, “Yu baja quenabetoja iti”, yi masibojaguti, i baja, seti ñaroja ñe. “Yu baja quenabetoja gajea”, yibojaguti, i bajare seti ñaroja ñe. “Yu yija quenabetoja gajea”, yibojarãti, mani yija, seti ñaroja manire.

15

Mani ñaroti gaye riti meje tuoiaja quena, yire gaye

1 Mani Diore queno tuorãnurã, gãjerã queno Diore tuorãnuamenare ejabuaruja manire, ñeñaro ña yibititoni. “Rẽore ña”, ña yi tuoiare gaye yibiticõruja mani. Ito yicõri mani wanuroti gaye riti yibitiruja manire. 2 Ado bajirojua yiruja manire. Mani tu ñarãre ña wanu quenaroca yiruja manire. Ito yicõri ñare queno yiruja mani, Diore buto busa ña tuorãnutoni. 3 Cristo cuni i rioti i wanuroti gayere yibisã i. Ado robojua bajiyija. Dios oca tuti ucare bajiroti rêtayija. Ado bajiro yiyiju Cristo, i Jacure: “Jeyaro ñeñarise muare ña busigoreti, yure rêtacu ña”, yi ucare ñayija jane mejejuti. 4 Jane mejeju Dios i busigore ucare ñayija. Quenarisejua mani yi riasotitoni bajiyija iti. Ito bajiri itire mani riasotija, ñeñaro tãbujabojarãti usiriomenati ñemecaticõrãji mani. Ito yicõri queno wanu quenarã yirãji mani. “Dios i goticãdo bajiroti jeyaro rêtarõ yiroja”, yi tuoia yucõri, queno wanu quenarã yirãji mani. 5 Dios ñami mani ñemecutiroca yigu, ito yicõri mani tuoia oca sãoroca yigu. Sîgure bajiro mua tuoia wanuroca yijaro i, Cristo i ãmoro bajiro. 6 Mani Uju Jesucristo Jacu Diore mua rãcubwotoni, ito bajiro yijaro Dios muare. Ito yicõri sigure bajiro usi cuticõri, “I ñami rêtoro masigû”, mua yi tuoiatoni, ito bajiro yijaro Dios muare.

Judio masa mejere cuni Pablo Cristo oca i gotire gaye

7 Cristo manire i boca ãmiado bajiroti, gãjerãre boca ãmiña mua cuni. Ito bajiro mua yija, masa muare tirã riti. “Queno yigu ñami Dios”, yirã yirãji ña. 8 “Adi macãrucãrojure judio masare ejabuagu wadiñi Cristo”, ya yu muare. Ito bajiro yifi Cristo, “Jane mejeju gãnare Dios i goticãdo bajiroti yifi”, mani yi masitoni. 9 Gaje ado bajiro wadiñi Cristo. “Masare ti maigû ñari rêtoro queno yigu ñami Dios”, judio masa meje cuni ña yi masitoni, ado wadiñi Cristo. Dios oca tuti iti gotiãdo bajiroti ado bajiro gotiñi Cristo Diore: Judio masa meje tuoro riojo, “Mu ña rêtoro masigû”, yi mere rãcubwogu yiguja yu. Mere rãcubwogu mu wame basa sãacuja yu, yiyiju Cristo Diore. Ito bajiro yi ucare ñayija jane mejejuti.

10 Ito yicõri gaje ado bajiro ucare ña:

Mua judio masa meje cuni, Dios ñarã judio masa rãca wanu quena ña mua, yiari ucare ñayija.

11 Ito yicõri ado bajiro ucare ñayija gaje:

Judio masa meje, ito yicōri masa jeyaro, “Rētoro queno masigū ñami Dios, ito yicōri rētoro queno yigū ñami Dios”, yi rācubuojaro ña, yi ucare ñayija.

¹² Isaías ñayorū ado bajiro ucañi:

Isaí ñayorū janerābatia janami sigū rujeagu yiguñi. Judio masa meje uñ ñagū yiguñi i. Īre tuorūnūcōri, “Manire masogū yiguñi”, yirā yirāji ña, yi ucare ñayija.

¹³ “Dioti ñami manire masorocū”, yi tuoña mani. Īre senia yu, mua Īre tuorūnūcōri queno corocō mua wanū quenatoni, ito yicōri queno corocō mua ñatoni. Gaje Īre senia yu. “Espiritu Santona suoriti manire masogū yiguñi”, yi mua tuoña wanūtoni Diore senia yu.

¹⁴ Yu ñarā, queno yirā ña mua, ito yicōri Cristo gayere queno masirā ña mua. Ito bajiri gāmeri riaso masia mua. Yi tuoñasacā yu itire. ¹⁵ Ito bajibojarocati adi paperana muare oca sēo busaro gotia yu. Ito bajiro muare ya yu, mua tuogore mua tuo bajatoni, ito yicōri mua ācabojabitoni. Sēoro muare papera cōa yu, Dios yure ti maicōri ito bajiro i cūjare. ¹⁶ Mua judio masa mejere cūni Cristo oca quenarise riasotoni yure cūni Dios. Cristore tuorūnūjaro ña, yirocū muare riasocū yu. Adocāta Īre tuorūnūrā ñari Espiritu Santona suoriti Dios ñarā ña mua ĩja. Ito bajiri queno wanū quenacōri muare boca āmigū yiguñi Dios. Itire tuoñagū muare riasoa yu.

¹⁷ Jesucristore tuorūnūcōri Diore moa ĩsia yu. Ito bajiri wanū quenacōri, “Jesucristo i ejabuārisena Diore queno moa ĩsia yu”, yi tuoña yu. ¹⁸⁻¹⁹ Iti riti muare gotia yu. Yure ejabuāñi Cristo, mua judio masa mejere cūni Īre mua cūdiroca yu yitoni. Yu riasore gaye tuocōri, queno yu yire gaye ticōri, ito yicōri Espiritu Santona suoriti tiyamani yu yija ticōri, Cristore tuorūnūyija mua ĩja. Ñaro bajiroti Cristo oca quenarise riasocū yu. Jerusalénjuna yu goti wadjia, gaje cutori jeyaro goticōri, Iliriajū goti ejacu yu itire. ²⁰ Cristo gaye ña tuoñamena ñaroju, Cristo masare i masore gaye ĩnare riasogu wasoticū yu. Gājerā ña riasocādjure, riasogu wa āmobicū yu. ²¹ Ito bajiro yu yija, Dios oca tuti iti ucado bajiroti bajicu. Ado bajiro gotia:

Ī oca tuobitiana tuorā yirāji. Ito yicōri tuo rētorurā yirāji, yi ucare ñayija.

Romaju Pablo i wa āmore gaye

²² Jaje cutori yu riaso ucure ñajare mua tu wa āmobjaguti wa masibiticū yu maji. ²³ Adi sitajure moare tōcoa yu ĩja. Canū meje mua tu wa āmobjaguti, wa masibiticū yu maji. Ito bajiri adocāta mua tu wacu ya yu ĩja. ²⁴ Españajū wacu, muare ti rēta wacu yiguja yu. Mua rāca yu wanū quenaja bero yure mua ejabuare āmoa yu, España yu eja masitoni. ²⁵ Ito bajibojarocati cajero Jerusalénjū wacu ya yu maji, Cristore tuorūnūri masare niyeru āmi wacu. ²⁶ Macedonia sita gāna, ito yicōri Acaya sita gāna cūni, ado bajiro tuoñayijarā ña: “Jerusalén gāna Jesure masirā, bojoro bujarā yirāji coriarā. Ito bajiri niyeruna ĩnare ejabuāruja mani”, yi tuoñayijarā ña. Niyeru miojucōri yure ĩsicā ña. Ito bajiri iti niyeru Jerusalén gānare ĩsigū wacu ya yu. ²⁷ Macedonia sita gāna, ito yicōri Acaya sita gāna, judio masa meje ñabobarāti, “Jerusalén gāna judio masare, ĩnare ejabuāruja mani”, yi tuoñayijarā ña. Cajero maji judio masa mejere cūni Dios masare i masore gaye riasoyijarā judio masa maji. Ito bajiri adocāta judio masa meje ñarā judio masa bojoro bujarāre, ejabuaja quena. ²⁸ Jerusalén gāna Jesure masirāre iti niyeru yu ĩsija bero, Españajū wacu muare ti rēta wacu yiguja yu. ²⁹ Mua tu ejacōri Cristo gayere yu riasoja, mua wanūroca yigū yiguñi Cristo.

³⁰ Yu ñarā Cristore tuorūnūrā ña mua. Ito yicōri Espiritu Santona suoriti gāmeri ti maia mua. Ito bajiri yure yiari Diore mua senitoni muare usirio codea yu. ³¹ Judea gāna Jesure masimena yure ñeñaro ĩna yibititoni, Diore busi ĩsiña mua, yure yiari. Ito yicōri gaje ado bajiro Diore seniña, Jerusalén gāna Cristore masirā, buto wanū quenacōri, yu niyeru āmi warise ña boca āmitoni. ³² Ito bajiro yure yiari mua busi ĩsija, Dios i āmoro bajiroti mua tu wanū ejagu yiguja yu. Ito yicōri queno usi cuticōri gāmeri ejabuāra yirāji mani. ³³ Mani sajari oca cutiroca yigū ñami Dios. Mua rāca ñatñajaro Dios, ya yu. Ito bajiro riti bajitñajaro.

16

Quenajaro masa, Pablo i yi ñucare gaye

¹ Mani yago Febe wame cutigo mu tu ejago yigōji. Queno yigo ñamo iso. Cenrea wame cutiri cuto gāna Jesure masirā rāca Diore yiari moa ĩsiri maso ñamo iso. ² Jājarāre ejabuāñi iso. Ito yicōri yure cūni ejabuacō iso. Mani Ūjare tuo mairā ñari, isore queno boca āmima mua. Mani Cristore masirā ñari, gājerā Cristore masirāre mani gāmeri boca āmija quena. Ito bajiri isore boca āmicōri, jeyaro mua ejabuārocō isore ejabuaba.

³ Quenajaro Aquila, ito yicōri i manjo Priscila cūni. Jesucristo gaye yu riasotoni, queno yure ejabuacā ña. ⁴ Yure gājerā sīa āmorā ña josaja, yure ejabuabojari godacobocā ña. Ito bajiri, “Quenoguti yicā ña”, ya yu ĩnare. Yu sigū meje, “Queno yicā”, ya yu. Judio masa meje cūni Cristore masirā, ito bajiroti yama ña cūni. ⁵ Quenajaro, Diore rācubuojarona Aquila ya

wi minijuarã. Quenajaro yu rãca gagu yu baba, Epeneto cuni. Í ñami cajero Asia sita gagu Cristore tuorũnuşuorũ. ⁶ Quenajaro mani yago María cuni. Yoari mua rãca moañi iso. ⁷ Gua comasi ñarã cuni, Andrónico, ito yicõri Junias cuni, Quenajaro. Ìna rãca tubiara wijũ ñacu gua. Ito yicõri yu riojua busa Cristore tuorũnuşuoni ña. “Queno yirã ñama Andrónico, ito yicõri Junias cuni”, yama Cristo i cũana.

⁸ Quenajaro yu baba Ampliato cuni. Mani Uju yagu i ñajare buto ñre maia yu. ⁹ Quenajaro Urbano cuni. Mani rãca Cristore moa ñsigũ ñami i. Quenajaro yu baba yu maigũ Estaquis cuni. ¹⁰ Quenajaro Apeles cuni. Jeyaro i moagore ticõri, “Cristore queno tuorũnũgũ ñami i”, yi tuoia mani. Quenajaro Aristóbulo cuni, i ya wi gãna ñarocõti. ¹¹ Quenajaro gua comasi, Herodiõn cuni. Quenajaro Narciso cuni, i ya wi gãna ñarocõ Cristore masirã cuni. ¹² Quenajaro Trifena, ito yicõri Trifosa cuni. Ìna romia jũarã ruje moacã mani Uju Jesure yiari. Quenajaro mani yago Pársida cuni. Iso cuni ruje mani Ujure yiari moacõ. ¹³ Quenajaro Rufo cuni. Masa jeyaro, “Buto Cristore tuorũnũgũ ñami i”, yama ña. Quenajaro i jaco. Yu jacoõcõti ñamo iso cuni yure. ¹⁴ Quenajaro Asincrito, Flegonte cuni, Hermas cuni, Patrobas cuni, Hermes cuni. Ito yicõri ña rãca Cristore tuorũnũrã ñacõti quenajaro. ¹⁵ Quenajaro Filólogo, Julia cuni, Nereo cuni, ito yicõri i ocabajio cuni, Olimpás cuni. Ito yicõri ña rãca Cristore tuorũnũrã ñacõti quenajaro.

¹⁶ Mani comasi Cristore masirãre queno wanucõri gãmeri boca ñmima mua. Cristore tuorũnũrã ñarocõti, “Quenajaro”, yama muare.

¹⁷ Yu ñarã ado bajiro gaje muare gotigu ya yu. Coriarã ñama masa batatoni oca menirã. Ito yicõri Jesús gayere ña riasoja, mua tuogore bajiro meje riasoama ña. Ìnare mua tuoja, “Roya”, yirocu muare gotia yu. Ìnare camotadiya mua. ¹⁸ Mani Uju Cristore yiari meje moama ña. Ìna tuoiaro bajiroti yama ña. Ìna busija, buroti quenarise bajiro ruyua. Quenarise meje ña iti. Ito bajiri queno tuo masimena ña busirisere tuorũnũbojama ña. ¹⁹ “Dios oca queno cudirã ñama ña”, yama masa jeyaro muare. Ito bajiri muare wanua yu. Quenarise gaye riti mua yire ñmoa yu. Ito yicõri cõjirea ñeñarise mua yimena ñare ñmoa yu. ²⁰ Dioti ñami mani queno corocõ ñaroca yigu. Nocõ mejeti rãmúa uju Satanásre mua rêtocũroca yigu yigũji Dios muare. Mani Uju Jesucristo queno muare yijaro.

²¹ Yu rãca moagũ Timoteo, “Quenajaro”, yami muare. Ito yicõri gua comasi Lucio, Jasón cuni ito yicõri Sosípater, “Quenajaro”, yama ña muare.

²² Yu Tercio, Pablo i rotiro bajiro adi papera menia. Yu Jesure masigũ ñari, mua Jesure masirãre, “Quenajaro”, ya yu.

²³ Gayo cuni, “Quenajaro”, yami muare. Í rãca i ya wijũ ña yu. Ado i ya wijũ Jesure masirã minijuasotiamã ña. Ìna cuni, “Quenajaro”, yama muare. Ito yicõri Erasto, adi cuto gagu niyeru seori masu, “Quenajaro”, yami muare. Ito yicõri mani rãca gagu Cristore masigũ Cuarto wame cutigu “Quenajaro”, yami muare.

²⁴ Mani Uju Jesucristo, mua ñarocõ jeyarore queno mua ñaroca yijaro. Ito bajiro riti bajitũñajaro.

Diore rãcũbuorũja manire, Pablo i yisũsare gaye

²⁵ Diore rãcũbuorã ñari, “Queno yigu ñami i. Rõtoro masigũ ñami i”, Diore yi rãcũbuorũja mani. Í ocare queno mua tuorũnũja, mua tuoia oca sũoroca yi masigũji Dios. Iti oca ña, Cristo masare i masore gaye, yu riasorise. Cajerojuti jane mejeju masare riasore meje ñayija iti. ²⁶ Ito bajibojarocati adocãta masirãji masa itire, Dios oca gotiri masa itire ña ucajare. Masa jeyaro iti oca tuorũnũcõri ña cuditonĩ, Dios catitũñagũ, iti oca riasore gaye cõañi.

²⁷ Jesucristore tuorũnũrã ñari, “Buto masigũ ñami Dios. Í sigũti ñami jeyaro masigũ”, yi rãcũbuotũñarũja manire. Itocõ ña.

Primera carta de San Pablo a los Corintios

Corinto cuto gånare Pablo i papera cõare gaye

¹ Ñati Corinto cuto gånã mua. Yu ñã Pablo. Sóstenes mani yagu rãca, “Quenajaro”, ya gua. Dios i ãmoro bajiroti Jesucristo ocare yu riaso ucutoni yure cũñi i. ² Mũa Corinto cuto gånã cuni Dios ñarã ñã mua. Ito bajiri adi papera cõã yu mũaare. Jesucristore tuorũnarã ñari Dios ñarã ñã mua. Dios mũaare beseñi ñeñarise yimenati mua ñatoni. No mani Uju Jesucristore tuorũnarãiti ito bajiroti ñã ñare ãmoguñi Dios. Mani Uju ñami Jesucristo. No ñre tuorũnarãre ñã Uju ñami Jesucristo. ³ Mani Jacu Dios, ito yicõri mani Uju Jesucristore cuni seni ñsia yu mũaare yiari. Mũaare ñãa queno yijaro yirocu ñãare senia yu. Mũa ya usiju queno mua wanu quenatoni mũaare yiari ñãare senia yu.

Cristore tuorũnarãre Dios i queno yire gaye

⁴ Jesucristo i goda ñsirajuna suoriti queno yami Dios mũaare. Ito bajiro i yijare, “Queno ya Dios mu”, yisotia yu ñre. ⁵ Cristore tuorũnarã mua ñajare queno mũaare ejabuami Dios. I gayere queno mua tuo rõtobutoni ito bajiro yami Dios. Ito bajiri mua busirise, mua masirise cuni queno mua masi rãta budiroca yami i. ⁶ “Jesucristore mua tuorũnarã, mama usi mũaare wasoagu yiguñi i”, yu yiado bajiroti baja mũaare. ⁷ Ito bajiri Jesucristo mani Uju i ejari rãmã mani bocatiroca queno yu ñagũ yiguñi Dios manire. Ito bajiro manire queno i yijare ñejua ruyabeto yiroca manire, ñre mani moa ñsi masitoni. ⁸ Macãrucãro iti jediroto riojua Jesucristore mani tuorũnarã jidicãbititoni manire ejabuagu yiguñi Dios. Ito bajiri Jesucristo mani Uju i tãdi ejari rãmã, “Seti cutirã ñãa ñãa”, sãgũjua yu masimena yirãji ñãa manire. ⁹ “Ado bajiro yigu yigujã yu”, i yiado bajiroti yigu yiguñi Dios. Dios ñti ñami manire beseru. I Macu Jesucristo mani Uju rãca sãgãre bajiro mani queno ñatoni manire beseñi Dios.

Corinto cuto gånã ricati riti ñãa tuoñare gaye

¹⁰ Tuoya yu ñarã mua. Mũaare yu gotitoni yure cũñi mani Uju Jesucristo. ñre tuorũnarã ñãa mua. Ito bajiri sãgãre bajiro mua tuoñãa quena. Ricati riti tuoñabesa mua. Ado bajirojua mua yija quena. Sãgãre bajiro tuoñacõri oca manoti queno mua ñãa quena. ¹¹ “Ricati riti tuoñãa ñãa”, Cloé mesa ñãa yija tuoõri, iti mũaare busia, yu ñarã yu. ¹² Ado bajiro yure goticã Cloé mesa: “Ricati riti tuoñãa Corinto cuto gånã. Tite mu. ‘Pãlore tuo suyãrã ñãa guama’, yama gãjerã. ‘Apolosre tuo suyãrã ñãa guama’, yama gãjerã. ‘Pedrore tuo suyãrã ñãa guama’, yama gãjerã. ‘Cristore tuo suyãrã ñãa guama’, yama gãjerã”, yu goticã Cloé mesa yure. ¹³ Ricati riti masa ñãa tuoñãroca yigu meje ñami Cristo. Mũaare yiari yucutõjũ goda ñsibiticu yu. Yure tuorũnucõri meje idé gu rotiyija mua. Cristojare tuorũnucõri idé gu rotiyija mua. ¹⁴⁻¹⁵ Mũa wato gånãre jãjarã meje idé gucu yu. Crispore ito yicõri Gayore ñãa jãarãre idé gucu yu. Ito bajiri, “Pãlore tuorũnucõri idé gu roticu gua”, yu tuoñãmenaji mua. Mũa jãjarãre idé gubitigoru ñari, “Queno ya Dios mu”, yu tuoñã yu. ¹⁶ Baũ, gãjerã Estéfanã ñãarãre idé gucu yu. “Iti cuto gånã gãjerãre idé gucu yu”, yu masibea yu. ¹⁷ Masare yu idé gutoni meje yure cũñi Cristo. “Masare masogũ yiguñi Cristo”, yure oca yu gotitoni yure cũñi i. Buto masirena masa ñãa tuo seyotoni busibea yu. Buto tuo seyore oca yu busija, yũjare tuorũnucõri Cristore tuorũnucõritiboana masa. “Masare yiari yucutõjũ godañi Cristo”, yu yu masare gotija, iti ñãa ñãarise.

Dios i masirise rucogũ ñãami Cristo, yire gaye

¹⁸ Adi oca iti gotija, “Manire masorocũ yucutõjũ godañi Cristo”, ya iti oca. “Buroti baja iti, mecare oca ñãa iti”, yama jeame ñjũroju warona. Mani Dios i masoanareama oca wanu quenare gaye ñã. Sõorise ñãa Dios oca. Ito bajiri i oca tuorũnucõri, “Cristo i godarena suoriti manire masogũ yiguñi”, yu tuoñã mani. ¹⁹ Dios oca tuti iti gotija ado bajiro gotia:

“Adi sita gånã ñãa masirise buto masire gaye meje ñãa”, masa ñãa yiroca yigu yigujã yu. “Queno masirã ñãa gua”, yibojãrãre, “Queno masirã meje ñãa ñãa”, gãjerã ñãa yu ti masiroca yigu yigujã yu, yu gotiami Dios i oca tutina.

²⁰ “Queno masirã ñãa gua”, yama coriarã adi sita gånã. “Queno riaso masia gua”, yama gãjerã. “Adi macãrucãro gayere queno tuoñã busi masia gua”, yama gãjerã. Ito bajiro ñãa yibojarocati, “Queno masirã meje ñãa ñãa”, gãjerã masa ñãa yu ti masiroca yigu ñami Dios. ²¹ Jeyaro ñejua ruyabeto tuo masi jeogu ñami Dios. Adi sita gånã ñãa tuo masirena meje ñre masire ãmoñi Dios. I ocare tuorũnurena suoriti ñre masire ãmoñi Dios. Ito bajiri i oca tuorũnarãre riti masoami Dios. “Ito bajiro masare masoami Dios”, yure oca tuoõri, “Buroti baja, mecare oca ñãa”, yama Diore masimena.

²² Tiyamani Dios ĩ ĩore ti āmoama judio masa. Masa ĩna masirisejuare tuo suya āmoama griego masa. ²³ “Masare yiari yucutēoju godaņi Cristo”, yire oca gotia maniamā. Iti gayere mani gotija tuo āmobicōri, junisiniama judio masa. Judio masa meje cuni iti oca tuocōri, “Baroti bajia, mecure oca ĩa iti”, yama ĩna cuni. ²⁴ Maniamā Dios ĩ beseana ĩari Cristore tuorānua mani. Mani judio masa, ito yicōri judio masa meje cuni Cristore mani tuorānua Dios ĩ beseana ĩa mani. Ito bajiri ĩre tuorāncōri, “Rētoro sēogū ĩami Dios ito yicōri jeyaro masigū”, yi tuoĭa mani. Ito bajigu ĩari jeame ājuroju mani wabore ĩaroca Cristona suoriti manire masogū yiguĭji Dios. ²⁵ “Masare yiari goda ĩsi rotiņi Dios Cristore”, yire oca tuocōri, “Queno masigū meje ĩami Dios”, yi tuoĭama ĩre masimena. Ito bajibojarocati Dios ĩ masirise masa ĩna masirise rēto busaro ĩasarise ĩa. “Yucutēoju godaņi Cristo”, yire oca tuocōri, “Queno sēogū meje ĩaņi Dios”, yi tuoĭama ĩre masimena. Ito bajibojarocati masa ĩna sēorise rēto busaro sēogū ĩami Dios. ²⁶ Tuoya yu ĩarā mua. Buto masirā meje ĩabojarāti Dios ĩ beseana ĩa mani. Diore masimena ĩna tija buto masirā meje ĩa mani. Mani wato coriarāti ĩama gājerāre rotiri masa. Mani wato coriarāti ĩama ĩasari masa ĩa. Buto ĩasarā meje mani ĩabojarocati manire beseņi Dios. ²⁷ “Buto masirā meje ĩama ĩna”, Diore masimena ĩna yianare beseņi Dios. Ito bajiro yiņi Dios, masimenare ĩ beseja ticōri. “Masirā ĩa gua”, yirā ĩna bojo bujatoni. “Queno sēorā meje ĩama”, Diore masimena ĩna yianare beseņi Dios. Ito bajiro yiņi Dios, sēomenare ĩ beseja ticōri, “Sēorā ĩa gua”, yirā ĩna bojo bujatoni. ²⁸ “ĩasarā meje ĩama ĩna”, Diore masimena ĩna yianare beseņi Dios. ĩre masimena ĩna ti tudianare beseņi Dios. Ito bajiro yiņi Dios, “ĩasarā ĩa gua”, yirā, “ĩasarā meje ĩa gua”, ĩna yi tuoĭa masitoni. ²⁹ Ito bajiro Dios ĩ yijare, ĩ tiro riojo, “ĩasagu ĩa yu”, yi tuoĭa masigū mami. ³⁰ Cristore mani tuorānure āmoņi Dios. Ito bajiri ĩre bajiro mani tuoĭaroca yiņi Dios manire. Jesucristona suoriti ĩ oca mani tuo masiroca yiņi Dios. Jesucristona suoriti manire boca āmicōri mani queno yiroca yiņi Dios. Mani ĩefaro yirisere Cristo ĩ waja yi ĩsicājare, ĩe seti mana ĩa mani Dios ĩ tija. ĩ ĩarā ĩa mani ĩja. Cristona suoriti manire masoņi Dios. ³¹ Ito bajiri ĩ oca tuti iti gotija ado bajiro gotia: “ ĩasarā ĩa gua”, yi tuoĭabitiraja manire. Ado bajiroĭua yiraja: ‘Manire queno yiņi Cristo. ĩĭua ĩami ĩasagu’, yi wanu quenaraja manire”, yi gotia Dios oca tuti.

2

Yucutēoju godaņi Cristo, yire gaye

¹ Tuoya yu ĩarā mua. Dios gaye muare goti āmogū, tuo seyore oca rāca meje muare busi ucucu yu. Ito yicōri buto masire ocana meje Dios oca muare goticu yu. ² Mua tu yu ejacati coji gaye ĩasarise muare goti āmocu yu. “Yucutēoju godaņi Cristo masare yiari”, yire gaye riti muare goti āmocu yu. ³ ĩasagu meje bajiro mua tu ejacu yu. Mua tiro riojo giĭgu nuruo busicu yu. ⁴ Muare yu busija, yu masirisena meje muare busicu yu. Ito yicōri Dios oca muare yu riasoja, yu masirisena meje muare riasocu yu. Cristore mua tuorānure āmogū, masa ĩna masirisena meje muare busicu yu. Ado roboĭua bajicu: ĩ oca muare yu riasoroca ĩ masirisena mua tuorānuroca yiņi Espiritu Santo. ⁵ Ito bajiri masa ĩna masirise tuo seyocōri meje Jesure tuorānuĭja mua. ĩ ocare mua tuo masiroca yiņi Dios. Ito bajiri ĩ masirisena suoriti Jesucristore tuorānuĭja mua.

Espiritu Santona suoriti Diore masia mani, yire gaye

⁶ Jesucristore rūcubucōri queno ĩre tuo rētoĭurāre yu busija queno masire ocana ĩnare busia yu. Ito bajiro yu busija, adi sita gāna ĩna masirisena meje busia yu. Ito yicōri adi sita gāna uĭarā ĩna masirisena meje busia yu. Adi sita gāna uĭarā ĩnabojana ĩna masibojare rācati godarā yirāji ĩna. ⁷ Yu busija, Dios ĩ masirisena busia yu. Ito bajiro yu busija, masa ĩna tuo masiroti gaye ĩa iti. Adi macārcuro ĩ rujeoroto rioĭua, “Ado bajiro masare masogū yiguĭja yu”, yi masicāņi Dios. Iti oca masa ĩna masibitire Dios ĩ masirisena masare riasoa yu. ⁸ Sigūĭua adi sita gāna uĭarā itire tuo masirā mama. “Cristona suoriti masare masogū yiguĭji Dios”, yi ĩna tuo masija, mani ũju ĩasagure yucutēoju sĭabitiboana ĩna. ⁹ Dios oca tuti iti gotiādo bajiroti bajia. Tuote mua:

ĩre tuo mairāre yiari quenarise queno yucāņi Dios. Masa ĩna tiĭabiti, ĩna tuobiti, ĩna tuoĭabiti cuni quenarise queno yucāņi Dios, yi gotia Dios oca tuti.

¹⁰ Espiritu Santo manire queno sācōri, “Quenarise queno yicāņi Dios”, yi mani tuo masiroca yami Dios. Dise ruĭabeto masiami Espiritu Santo. Dios ĩ tuoĭarise masiĭeami Espiritu Santo.

¹¹ Mani masamasiti, “ĩ ito bajiro tuoĭami”, gāmeri yi masibeā mani. ĩmasiti, “ĩto bajiro tuoĭa yu”, yi masiguĭji ĩ. Ito bajiroti Espiritu Santo sĭgūti Dios ĩ masirisere masiguĭji. ¹² Jesucristore tuorānurā ĩari adi sita gāna ĩna masirise boca āmiana meje ĩa mani. Espiritu Santo Dios ĩ cōarureama boca āmiana ĩa mani. Dios queno manire ĩ yire gaye mani tuo masitoni Espiritu Santore cōaņi Dios manire yiari. ¹³ Ito bajiri mani busija, mani tuoĭa rujeorisena meje busia

mani. Espiritu Santo manire ĩ riasorise busia mani. Mani tuoĭa rujeorisena meje busia mani. Espiritu Santore boca amigoana ĩari, gajerā ĩre boca amigoanare ĩ gayere goti rētoĭu masia mani.

¹⁴ Adi sita gāna Espiritu Santore boca amimena Dios gayere tuo masimenaji ĩna. “Baroti bajia, mecare oca ĩa”, yi tuoĭaraji ĩna. Ito bajiri itire tuo amomenaji ĩna. Espiritu Santore boca amimena ĩari Dios gayere tuo masimenaji ĩna. ĩna tuo masiroca Espiritu Santo ĩ yibeja tuo masimenaji ĩna. ¹⁵ Espiritu Santore boca amianama Dios gayere tuo masiraji ĩna. Ito bajiri, “Dios gayere tuo masirā meje ĩama ĩna”, sigūjua yigu maquĭji ĩnare. ¹⁶ Dios oca tuti iti gotija, ado bajiro gotia: “Mani Uju ĩ tuoĭarise masigū maquĭji. Nĭmujua Diore riasogu maquĭji”, yi gotia Dios oca tuti. Ito bajibojarocati Espiritu Santo quedi sāja ecoana mani ĩajare, Cristo tuoĭarise mani tuo masitoni manire ejabuami ĩ.

3

Diore mani moa ĩsiroti gaye

¹ Tuoĭa yu ĩarā mua. Espiritu Santore queno tuorūnūsamena mua ĩajare, josari gaye muare busibiticu yu maji. Adi sita gāna Espiritu Santore boca amimena bajiro josarise gaye meje muare busicu yu. Iti rumuju Cristore boca amiana ĩabojarāti ĩre mua queno tuo suyabebare, rĭacare busigū bajiro muare busicu yu. Queno mua tuo masibebare rĭaca robo bajiro muare busicu yu. ² Josabitire muare riasocu yu. Macuacā ũjugū, ōjegōa riti ũjugūji. Bare butirise ĩre ecamenaji. Iti robo bajiroti Cristore mua tuorūnūsamena ĩajare, josarise gaye muare busibiticu yu maji. Adocāta cuni josarise gaye muare riaso masibeja yu maji. ³ Adi sita gāna Jesure boca amibitiana bajiro mua ĩajare, josarise gaye muare riasobeja yu maji. Gajerāre ti uorā ĩa mua maji. Gāmeri busitua mua. Ricati riti tuoĭa mua. Diore masimenare bajiro tuoĭacōri ĩna yiado bajiroti ya mua maji. ⁴ Mua coriarā ado bajiro ya: “Pablora tuo suyagu ĩa yuama. Ito yicōri Apolosre tuo suyagu ĩa yuama”, ya mua. Ito bajiro mua yija, adi sita gāna Diore masimena ĩna yiado bajiroti ya mua maji.

⁵ Yu Pablo ĩasagu meje ĩa. Apolos cuni ĩasagu meje ĩami. Diore moa ĩsirā ĩa gua. Gua riasorisere tuorūnūcōri Cristore tuorūnūyija mua. Gua Apolos rāca mani Uju ĩ moare cūado bajiroti moa gua. ⁶ Yu muare cajero riasosuoca. Ito bajiri aje otesuogu robo bajiro bajia yu. Yu bero Apolos jai busara muare riaso remoĭi. ĩ ĩami aje juditoni ide jio gugū bajiro yigu. Dios ĩami Cristore mua masiroca yigu. Ito bajiri gua otere judiroca yigu bajiro yigu ĩami Dios. ⁷ Aje otesuogu, aje ide jio gugū cuni ĩasarā meje ĩama ĩna. Dios ĩami ĩasagu. ĩ ĩami iti judi mĭjaroca yigu. Ito bajiroti ĩ oca riasorā, ito bero gajerā goti quenorā cuni ĩasarā meje ĩama ĩna. Dios ĩami ĩasagu. ĩ ĩami Cristore mani masiroca yigu. ⁸ Aje oterā, otere ide jio gurā cuni corocō moama ĩna. Ito bajiroti Dios oca riasorā, ito bero gajerā goti quenorā corocōti moama ĩna. ĩna moado bajiroti ĩnare waja yigu yiguĭji Dios. ⁹ Gua Apolos rāca sigūre bajiro tuoĭacōri Diore moa ĩsirā ĩa gua. Mua ĩa sita Dios ĩ coderiji robo bajirā. Gaje Dios ĩ wi menisuori wi robo bajirā ĩa mua, ĩre cadisuorā mua ĩajare. ¹⁰ Dios oca muare riasosuogu ĩari, wi menirotiyu wi godo gosuogu robo bajiro bajigu ĩa yu. Yure ti maicōri muare ĩ oca yu gotitoni yure cūĭi Dios. Gajerā yu bero riasorā wi godu yu goraju wi menisuorā robo bajirā ĩama ĩna. Wi queno riojo ĩari wi menirā bajiro Dios ocare queno riojo ĩna riasoja quena. ¹¹ Wi meniri masa cajero botari ĩna amĭ cūbeja menimenaji. Ito bajiroti Dios oca gotiri masa cajero Cristo gaye ĩna goti rētoĭubebaja tuo masimenaji. “Mani ĩeĭaro yirise waja, waja yi ĩsiroca godaĭi Cristo”, yi muare riasocācu yu. Iti ĩa ĩasarise. “Ado bajiro Dios ĩarā ĩarā yirāji masa”, yire gaye oca riojua gaye ĩe gaje oca ĩasarise gotisuore manoja. ¹² Wi menirotiyu gorajure quenari wi menirona gūta queno butirisena, orona, plata wame cutirisena menirāji ĩna. Gajerā buto butiri wi meje ĩna menija, yucu jidirisena, muji yoari meje jogarisenā, ito yicōri ĩicojāi jidirisena menibojarāji ĩna. Queno Dios oca riojo riasorā ĩna ĩama butiri wi bajiro menirā. Riojo ĩasarise queno riasomenā ĩna ĩama jidiri wiacā bajiro menirā. ¹³ Masa tiro riojo Dios ĩ beseri rumu mani moagoado bajiroti waja senigū yiguĭji Dios. Iti rumu jea ũjarise ejaro yiroja. Mani moagore quesolaro ejaro yiroja iti. Mani moagore quenarise iti ĩaja, uabeto yiroja. Neĭarise iti ĩaja, u jedicaro yiroja. ¹⁴ Dios oca queno riojo riasoanare ĩna moagore jedibeto yiroja. Gūta wi uabeto bajiro, ĩna moagore jedibeto yiroja. Ito bajiri ĩnare waja yigu yiguĭji Dios. ¹⁵ Dios oca queno riasobitianare ĩna moabojare jediro yiroja. Yucu wi iti u godaro bajiroti jediro yiroja. ĩna ya wi waja budigoana robo bajirā yirāji ĩna. Jeyaro ĩna moabojare u godacoaro yiroja. Ito bajibojarocati jeame ũjuroju cōabicu yiguĭji Dios ĩnare. ĩnare masogū yiguĭji Dios Jesucristore ĩna tuorūnūja.

¹⁶ Espiritu Santo queda sãja ecoana ñari Dios ya wi robo bajirã ña mani. ¿Iti gayere masibeati mua? ¹⁷ Dios ya wi robo bajirã ñari i ñarã ña mani Ija. Ito bajiri sigũ manire i ñeñoja manire i ñeñore waja ire waja senigũ yiguũji Dios. Ito yicõri ire ruyuriogu yiguũji Dios.

¹⁸ Muamasiti mua rujurire ruobesa. “Adi sita gãna ña masirise masi jeocõri buto masigũ ña ya”, yibitiruja muare. Ado bajirojua mua yija quena. “Buto ñasagu meje, buto masigũ meje ña ya”, yiruja muare. Ito bajiro mua yija queno masirã ñarã yirãji mua. ¹⁹ “Queno masirã ña gua”, adi sita gãna ña yibojarocati ñe ma Dios i tija. Dios oca tuti iti gotija ado bajiro gotia: “Queno masirã ña mani. Ado bajiro yirã yirãji mani”, ña yi tuoïabojarocati ñare camotagu yiguũji Dios, yi gotia Dios oca tuti. ²⁰ Gaje iti gotija ado bajiro gotia: Adi sita gãna queno masirã ña masirise masi jeocõami Dios. “Queno masibeama ña”, yami Dios, yi gotia i oca tuti. ²¹ Ito bajiri, “Ya tuo sayagujua ñami buto masigũ”, yi tuoïa wanure ma muare. Dios oca muare riasorãre ña oca mua tuo masitoni ñare cũi Dios. ²² Gua, ya, Apolos, Pedrore cuni i oca muare riasotoni guare cũi Dios. Adi sitaju mani catiroti, mani godaroti cuni cũi Dios. Jane gaye, ija rëtaroti gaye cuni manire cũi ñiñi Dios manire ejabuaroti gaye. ²³ Cristo ñarã ña mani. I Cristo Dios yagu ñami. Ito bajiri mani cuni Dios ñarã ña Ija.

4

Jesucristo oca goti ucuri masa ña moare gaye

¹ Ado bajirojua guare mua tuoïaja quena: “Cristore moa ñsira ñama ña”, guare mua yi tuoïaja quena. Guare cũi Dios i oca masa ña masibitire gua riasotoni. ² Moare cũi ecoana mani ñaja, queno mani moaja quena. Ito bajiro mani queno yija ticõri, manire tuorãnurã yirãji gãjerã. ³ “Cristore queno moa ñsigũ ñami Pablo”, mua yija, mua yibeja cuni, tuoïa usirio yibeja ya. “Cristore queno moa ñsigũ ñami Pablo”, masa ujarã ña yija, ña yibeja cuni, tuoïa usirio yibeja ya. “¿Cristore queno moa ñsicati ya? Queno moa ñsibitiruja gajeya ya”, yi masibeja ya. Cristo sigũti “I ñami queno yure moa ñsigoru”, yi masiguũji. ⁴ Ya tuoïaja Cristore queno moa ñsica ya. Ito bajibojarocati, “Seti macu ñami I”, yireoni meje ña iti. Mani Uju Cristo riti ñaguũji, “Queno moa ñsiqui Pablo yare”, yigu. ⁵ Mani Uju i ejaroto riojua, gãjerã ña yirise ticõri, “Ñeñaro yirã ña mua”, yibitiruja manire. Mani Uju i tãdi ejari rumu, yeyorojua masa ña yibojare gãjerã masa ña tiro riojo itire gotigu yiguũji i. “Ado bajiro moa ñsibitiruja, guamasiti queno tuo rëto bua gua”, yire ma muare. “Dios i ejabuarisena queno tuo rëto bua gua”, mua yija quena.

⁶ Tuoja ya ñarã mua. Queno mua ñatoni iti gaye muare busia ya. Ya gaye, Apolos gaye cuni muare gotia ya. “Ado bajiro yami Pablo, Apolos cuni”, mua yi masitoni iti gaye muare gotia ya. Itire masicõri adi tuti iti rotiro bajiro ricati yibitiruja muare. Ito yicõri, “Guajuare riasori masa, muare riasori masa rëto busaro masirã ñama ña”, gãmeri yibitiruja muare. ⁷ “Gãjerã rëtoro masirã ña gua”, yire ma muare. Jeyaro mua masirise Dios i muare jidicãre ña. Mua masirise muamasiti mua bujare meje ña. Dios i jidicãre ña. “Dios oca riasoticõri, guamasiti queno tuo rëto bua gua”, yire ma muare. “Dios i ejabuarisena queno tuo rëto bua gua”, mua yija quena.

⁸ “Dios oca queno masia gua. Dise ruayabeto jeyaro masi jeoa gua”, yi tuoïa mua, ya tija. “Ujarã robo bajiro bajicã gua Ija”, yi tuoïabojacõri guare jidicã mua Ija. Ito bajiro mua yija, “Queno tuoïarã meje ñama ña”, yi tuoïa ya muare. Riti ujarã mua ñaja, quena ñaboadoja. Ujarã mua ñaja mua rãcati rotiboana gua cuni. ⁹ Ado bajiro tuoïa yaama. Gua Jesucristo ocare riaso ucurã, “Bero gãna manire cũi Dios”, yiado bajiro tuoïa gua. “Ñare ñsacõrã yirãji mani”, ña yiana bajiro tuoïa gua. “No bajiro ñare rëtaja tiana mani”, yi tiana masa guare. Adi sita gãna, umacãju ángel mesa cuni guare rëtarotire ti ñarãji ña. ¹⁰ Jesucristo oca gua riasojare, “Mecuri masa ñama ña”, yi tuoïama masa guare. Ito bajiro guare ña yiroca, “Queno masirã ña guama”, yi tuoïa mua. “Dios oca queno goti masirã meje ñama”, yi tuoïama masa guare. Ito bajiro guare ña yiroca, “Dios ocare queno goti masia gua”, ya muama. Guareama masa ti te ñama. “Masa ña ti rãcubuoana ña mani”, ya muama. ¹¹ Iti rumuju gua ñiocõcato bajiroti ñiocõa gua adocãta cuni. Ide ma guare. Yutabujuri cuni ma guare. Masa ñeñaro yama guare. Wi ma guare. ¹² Ruje moacõri boga gua. Masa ña ñeñaro guare ña busitubojarocati, “Dios queno yijaro muare”, yire gaye rãca ñare cãdia gua. Guare ña usirioro ña yi codebojarocati ñare gãmebea gua. ¹³ Guare ñeñaro ña busitubojarocati, usiriomenati ñajuare oca goti quenoa gua. Guare ti wanubeama ña. Adi sita gãna ña ñmobitire, ña cãdo robo bajiro guare tiana ña. Iti rumuju cuni, adocãta cuni ñaro bajiroti guare ti teama ña.

¹⁴ Mua bojo bujatoni meje ito bajiro muare uca ya. Ya ña ya mairã robo bajiro muare tuoïa ya. Ito bajiri muare goti riasogu adi muare uca ya. ¹⁵ Diez mil ñarã Jesús oca riasori masa ñabojarocati sigũ ñami muare Jesús oca riasosõocu. Ya ña muare cajero riasosõocasu. Ito bajiri mua jacu robo bajigu ña ya. “Jesucristore mua tuorãnuja, muare masogũ yiguũji Dios”, ya yija tuocõri, ire tuorãnusõocu mua. ¹⁶ Ya yiado bajiroti mua yitoni muare josa ya.

¹⁷ Ito bajiro mua yire amoa ya. Ito bajiri Timoteore mua tu cõa ya. Ì ñami mani Ujare queno tuorãñugã. Ito bajiri yu macare bajiro Ìre tuo maia ya. “Cristore tuorãñugã ñari ado bajiro ñasotiami Pablo”, mua yi masitoni muare gotigu yiguñji Timoteo. Jesucristore masirãre jeyaro yu riaso ucure gaye muare goti rëtobugu yiguñji Ì. ¹⁸ “Mani tu ejabicu yiguñji Pablo. Ito bajiri mani amoro bajiroti yiana”, yi tuoia wanubojua mua coriarã. ¹⁹ “Dios Ì amoja, yoari mejeti muare tigu wacu yiguja yu”, yi tuoia ya. Mua tu yu ejaja, ito bajiro tuoia wanubojarãre tigu yiguja ya. Mua tu ejacõri, no bajiro Ìna yija tigu yiguja ya. Ito yicõri, riti Dios Ì masirisena Ìna moaja ti ejagu yiguja ya. ²⁰ “Ìre tuorãñurãre Ì rotiroju miojugu yiguñji Dios”, mani yi masija, oca riti meje busirãji mani. Ì ejabusarisena queno Ìre moa Ìsirã yirãji mani. ²¹ ¿No bajiro amoati mua? Ñeñaro mua yisotire mua jidicãbeja, “Quenabea mua”, ¿yu yi tãdi ejare amoatite mua? Ñeñaro mua yirise mua jidicãja, ¿mua tu ejacõri yu wanarejare amoatite mua?

5

Rocati romiare ajere quenabea, yi Pablo Ì gotire gaye

¹ Sigu mua rãca gagu ado bajiro oca ruyuami: “Ì jacu manajo rãca quenabeto aje ñayiju”, yire oca ruyua. Iti ña buto ñeñaro yire. Gãjerãma Diore masimena ñabojarãti itioniregorama yimenaji. ² Iti ñeñarise mua wato Ì yi ñabojarocati, “Queno yirã ña gua”, ¿yi tuoia wanubojati mua? Masa Ìna godaja bojori bujaro bajiro bojori buja ñaruja muare. Ñeñaro yigure Ìre mua bucõaja quena. ³ Reco mua rãca ñabitibojaguti, yu tuoiarisena mua taju ña ya. Mua rãca ñabitibojaguti, “Ado bajiro yiroja Ì ñeñaro yirise waja”, yi masicã ya. ⁴ “Ado bajiro amoami mani Uju Cristo”, yirona mua minjuaire amoa ya. Ito bajiro mua minjua ñaroca yu tuoiarisena mua rãca ñagũ yiguja ya. Mani Uju Jesucristo cuni Ì masirisena mua rãca ñagũ yiguñji Ì, “Ado bajiro gua yija quena”, mua yi tuoiatoni. ⁵ Minjuacõri ñeñaro yigure bucõaña mua, rãmua uju Satanãs Ì amoro bajiro Ìre Ì yitoni. Ito bajiro mua yija, Ì amoro bajiroti Ì tãbujaroca yigu yiguñji Satanãs Ìre. Ito bajiro mua yija Ì ñeñaro yirisere jidicãgũ yiguñji gajea. Ito bajiro ñeñaro Ì yirise Ì jidicãja, mani Uju Jesucristo Ì tãdi ejari ramu Ìre masogũ yiguñji.

⁶ Ito bajiro ñeñarise mua wato Ì yi ñaja, “Queno yirã ña gua”, yire ma muare. Wadarise uco jabeto mani wuoja, ñarocõti wusa jediroja. Ito bajiroti ñeñaro yigu mua wato Ì wasaja ñeñaro yirã riti ñarã yirãji mua. ¿Iti gayere masibeati mua? ⁷ Ito bajiri mua wato ñeñaro yigure bucõaña, gãjerã cuni ñeñaro Ìna yibe yirona. Ìre bajiro ñeñaro yibeama gãjerã maji. Ito bajiri ñeñaro yisuogure bucõaja quena. Mani ñeñaro yirise waja, waja yirocu manire yiari goda Ìsirã Cristo. Pascua basa menirã oveja macure siasotiamã Ìna. Ì robo bajiroti manire goda Ìsirã ñari, oveja macu robo bajiro bajigu ñami Cristo. Ito bajiri mani ñeñaro yirise Cristo Ì waja yicãre ñajare, mani wato ñeñaro yirãre bucõaja quena. ⁸ Ñeñarisere camotadigoroja manire. Ito bajiro mani bajija naju wadarise uco wuoya mana robo bajirãji mani. Gãjerãre ti tudibitirãja manire. Ito yicõri jeyaro ñeñaro yirise jidicãcõri quenarise rioti yisotirãja manire.

⁹ Iti rãmujũ muare yu papera cõasucati ado bajiro muare goticu yu: “Rocati romia ajerã rãca baba cutibeja mua”, yi muare goti ñucacu yu iti rãmujũ. ¹⁰ Ito bajiro yu yicati, “Adi sita gãna Jesure masimenare camotadiya mua”, yirocu meje yicu yu. Ìna Jesure masimena rocati romiare ajerã ñama Ìna. Jai busaro niyeru buja amora ruorã ñama Ìna. Riniri masa ñama Ìna. Ito yicõri Ìna meni rujeorãre rucubuoama Ìna. “Adi sita gãnare camotadiya”, yu yija, adi sitare wagoboana mua. “Ito bajiro yiba”, yirocu meje yicu yu. ¹¹ “Ado bajirojua yiba mua”, yirocu muare goticu yu. “Jesure tuorãñugã ña ya”, yibojaguti, rocati romiare ajegu rãca baba cutibeja. Jai busaro bujarocu ruogure baba cutibeja. Ìna meni rujeorãre rucubuarãre baba cutibeja. Rocati ruocõri oca menigũ rãca baba cutibeja. Mecu jaigu rãca baba cutibeja. Ito yicõri, “Jesure tuorãñugã ña ya”, yibojaguti rinire jaigure baba cutibeja, yirocu muare gotisucocu yu iti rãmujũ. Ito bajiro ñeñaro yirã rãca baba cutibeja. ¹²⁻¹³ Dios riti ñami Jesure tuorãñamenare Ìna ñeñaro yirise waja, waja seni masigũ. Maniama Ìna ñeñaro yirise waja, waja seniri masa meje ña mani. Ito bajirojurocati mani robo bajiro Jesucristore tuorãñurã ñabojarãti ñeñaro yirise Ìna jidicã amobeja mani bucõaja quena. Dios oca tuti iti gotija ado bajiro gotia: “Mua rãca gagu ñeñaro yigure bucõaña”, yi gotia Dios oca tuti.

6

Gãji Jesure masigũ rãca mani oca cutire gaye

¹ Gãji Jesucristore masigũ rãca mua oca josaja, iti oca quenorona Jesure masimena oca quenori masa tu wabeja. Ado bajirojua mua yija quena. Jesure masirã oca quenori masa tãjua mua waja quena. ² Mani Dios ñarã Ì rãcati adi sita gãnare beserã yirãji. ¿Itire masibeati mua? Riti Ì rãca beserã yirãji mani. Ito bajiro Dios rãca adi sita gãnare mani bese masija, oca jabeto iti ñaja queno masirãja manire. ³ “Umacũju angel mesare Dios rãca beserã yirãji

mani”, ¿yi masibeati mua? Ñnare mani bese masija, adocãta mani wato oca jabeto ñariseru queno masiruja manire. ⁴Ito bajiri mua wato oca ñaja, Jesure masimena oca quenori masa tu wabeja. Ñnaõna tu mua waja quenabea. ⁵Mua bojo bujatonu itire muare gotia yu. ¿Mua wato queno tuo masigũ Jesure tuorũngũ oca quenori masũ ñabiquũjida? Ñaguũji gajea. ⁶Ito bajijobarocati gãji Jesure masigũ rãca mua oca josaja, Jesure masimena oca quenori masa tu warãji mua. Ito bajiro mua yija quenabea.

⁷Jesure masirã ñabobarãti mua gãmeri tudija, “Jesure queno cudirã meje ñama ña maji”, yi tuoĩagũja yu muare. Gãjire mua seti yija quenabea. Sigũ muare ñeñaro i yibobarocati, mua gãmebeja, itijua ña buto busa quenarise. Gãji muare i rinija, riojoti tibojaja quena. Ñre gãmebeja. ⁸Ito bajiro yibesa mua. Muamasiti ñeñaro yicõri mua ñarãre rinia mua.

⁹⁻¹⁰“Dios i rotiroju ejaмена yirãji ñeñaro yiri masa”, yi masicãrã ñabaja mua. “Ñeñaro yirã ñabobarãti Dios tu ejarã yirãji mani”, yi tuoĩabaja mua. Ado bajiro ñeñaro yirã Dios tu wamenaji. Tuote mua. Rocati romiare ajerã Dios tu wamenaji. Ñna meni rujeorũre rucuborã cuni wamena yirãji. Manujo cutirã ñabobarãti gãjerã romiare ajerã, ñna comasiti yirã cuni, riniri masa cuni, jai busaro bujarona ruorã cuni, mecũ jairã cuni, rocati socacõri ruo gotirã cuni, rini ucurã cuni Dios tu wamenaji. “Ña robo bajiro ñeñaro mani yibobarocati Dios tu ejarã yirãji mani”, yi tuoĩabojabesa mua. ¹¹Iti rumaju ña robo bajirã ñayija mua maji. Mua ñeñaro yirisere waja yi ecoana ña mua ñja. Ito bajiri Jesucristore tuorũnacõri Dios ñarã ña mua ñja. Espiritu Santona suoriti Dios i boca ãmiana ña mani. “Ñna ñama quenarã. Yũre waja ruyuriobeama ñna”, Dios i yi tuoĩarã ña mani.

Mani ya ruja Dios yeti ña, yire gaye

¹²Ado bajiro yama coriarã: “Rẽore ma guare. Gua ãmoro bajiroti yi masia gua ñja”, yama coriarã. Riti ña, ito bajijobarocati jeyaro mani yi ãmorise quenarise meje ña. Mani yi ãmorise gãjerãre iti ejabuabeja, yibitiruja manire. Mani ãmoro bajiro yi masirã ñabobarãti, ñeñaro mani yi uyabobariseru yibe yirona, mani ya rujare rẽoja quena. ¹³Gãjerã ado bajiro yama: “Jeraga mani sãroti ña bare. Bare sãñariju ña jeraga. Ito bajiro manire meniñi Dios”, yama gãjerã. Ito bajijobarocati, mani ya jeraga, bare cuni ñatũñaroti meje ña. Mani babobarise, mani ya jeraga cuni jediroca yigu yiguũji Dios ãmacũju. Gãjerã ado bajiro yibojama ñna: “Romia rãca mani ajetonu ruju manire ñsiñi Dios”, yibojama ñna. Ado robojua bajia: Mani Ñjare mani moa ñsitoni ruju ña manire. Ñ ñami mani ya rujare tirũngũ. ¹⁴Mani Ñju Jesucristore tãdi catiroca Dios i yado bajiroti mani tãdi catiroca yigu yiguũji Dios. Ñ masirisena manire ãmi mujagũ yiguũji Dios.

¹⁵Mani ya usiju quedi sãjacõri mani ya rujuju ñaguũji Cristo. “Ito bajiro bajiguũji”, ¿yi masibeati mua? ¿Mani ya usiju i ñabobarocati wedi maso rãca mani waja quenati? Meje, quenabetoja. Ito bajiri itire yibitiruja manire. ¹⁶Sigũ wedi maso rãca i ajeja co ruju bajiroti ruju cutirã ñama ñna. “Ito bajiro bajiroja”, ¿yi masibeati mua itire? Dios oca tuti ado bajiro gotia: “Manujo cutigu co ruju bajiroti ruju cutirã ñama ñna”, yi gotia Dios oca tuti. ¹⁷Sigũ Cristore boca ãmigũ i ya usiju i quedi sãjaroca sigũ robo bajiro bajiamã ñna juarã.

¹⁸Ito bajiri muamasiti mua ya ruju ñeñaro iti tuoĩaro bajiroti ñeñaro yibesa. Gaje ñeñaro mani yirise mani ya rujuna meje ya mani. No ñmasiti i ya ruju ñeñaro iti tuoĩaro bajiroti ñeñaro i yija, i ya rujare ñeñogũ yami i. ¹⁹Manire Espiritu Santo queo sãñi Dios. Ito bajiri Espiritu Santo mani rãca ñami ñja. Manire i quedi sãjaja bero mani ya rujuti ñaroja i ya wi ñja. Mani ya ruju Dios yeti ña. ¿Itire masibeati mua? Ñ ñami mani Ñju. ²⁰Ito bajiroti bajia. Ñ ñarã mani ñatonu waja rucũro manire waja yi ãmiñi i. Mani ya ruju, mani tuoĩarise cuni Dios yeti ña. Mani ya rujuna, mani ya usina cuni Dios i ãmoro bajiro riti yiruja manire.

7

Manujo cutire gaye

¹Paperana yure mua senũa ñucare adocãta itire cudigu ya yu. ¿Sigũ manujo macũ i ña ãmoja quena ñati? yure mua yi senũa ñucare, “Quena ña”, ya yu itire. ²Ito bajijobarocati, “Ñna manujo cutibeja rocati ajerã yirãji gajea”, yi masicõri, “Ñna manujo cutija quena”, ya yu. Romia cuni ñna manuju cutibeja rocati ajerã yirãji gajea. Ito bajiri ñna manuju cutija quena. ³Manujo cuticõri iso ãmoro bajiro cudija quena. Isojua cuni ito bajiroti manuju i ãmoro bajiro cudija quena. ⁴Manuju cuticõri, “Yu ãmoro bajiro yicoja yu”, yire ma romiore. Iso manuju yago ñamo iso ñja. Manujo cuticõri, “Yu ãmoro bajiro yicoja yu”, yire ma ãmugũre cuni. Ñ manujo yagu ñami i ñja. ⁵Ito bajiri manuju cutirã, manuju i yi ãmoja, “Yibesa”, yire ma romiore. Ñmugũre ito bajiroti, manujo iso yi ãmoja, “Yibesa”, yire ma ãmugũre. Diore rucuborona, “Yibitiruja mani maji”, yi ñna juarãju ñna tuoĩaja, quena ña. Diore rucubuo tiorã ñna yisotiãdo bajiroti ñna yija quena ña mucana. “Yoari ñna yibeja ñemecuti masimenaji”, yi

tuoġagū ñami Satanás. Ito bajiri yoari ĩna yibeja, gājerā rāca ĩna aje āmoroca yi codegu yiguġi rāmáa uġu.

⁶ Itire muare rotirocu meje ya yu. Yu gotiro bajiroti mua yija, “Quena ña”, yirocu muare ya yu itire. ⁷ Yumasiti yu tuoġaja, yu bajiro riti mua bajija quena. Manoyo macu ña yuama. Ito bajibojarocati sġgū robo bajirā meje ña mani. Gājerāre ĩna manoyo cutiroca yami Dios. Gājerāre manoyo mana ñabojarāti ĩna wanuroca yami Dios.

⁸ Mua manoyo manare, manoyo godagoanare cuni ado bajiro ya yu muare: Yu robo bajiro manoyo mana mua ñacōaja quena ña. ⁹ Ito bajibojarocati sġgū ĩ ñemecuti masibeja, manoyo cutija quena. Sġgū romiare buto ĩ tuoġaja, ĩ manoyo cutija quena ĩocüre. Romio cuni ũmugäre buto iso tuoġaja, iso manuju cutija quena isore.

¹⁰ Ado bajiro rotia yu muare. Mua manuju cuticāna gāmeri jidicäre ma. Iti ña mani Uġu ĩ rotire. Yumasiti yu tuoġa rujeore meje ña iti. ¹¹ Sġgō manuju jidicāro iso ñaja, gāji manuju cutire ma isore. Iso manuju ñacāru rāca oca quenoja quena mucana. Ito bajiroti ũmugū cuni ĩ manoyo cutija, jidicäre ma.

¹² Adocāta yu tuoġarisere muare gotigu ya yu. Mani Uġu ĩ gotigore meje ña iti. ĩ cūru ñari ado bajiro gotia yu: Mua coriarā Jesure masimena rāca manoyo cutirā ñarāji mua. Mua manojosāromia mua rāca ĩna ña jidicā āmobeja, jidicäre ma muare. ¹³ Mua coriarā Jesure masimena rāca manuju cutirāji mua. Mua manujusabatia mua rāca ĩna ña jidicā āmobeja, jidicäre ma muare. ¹⁴ Mua manujusabatia Jesure masimena ñabojarāti muare ĩna manoyo cutija, ĩnare cuni ti maigū yiguġi Dios. Dios muare ĩ queno yġado bajiroti mua manujusabatiare cuni queno yigu yiguġi Dios. Ito bajiroti mua manojosāromiare Jesucristore masimena ñabojarāti ĩnare ti maigū yiguġi Dios. Mua rġare cuni ti maigū yiguġi Dios. Jesure tuorūnurā mua ñajare, mua rġare cuni queno yigu yiguġi Dios. “Yure tuorūnumena rġa meje ñama”, yi tuoġacōri mua rġare cuni queno yigu yiguġi Dios. ¹⁵ Sġgū Jesure masigū ĩ manoyo Jesure tuorūnubeco ñari iso jidicā āmogō iso josaja, jidicāja quena. Sġgū mua manuju Jesure masibicu ñari ĩ jidicā āmogū ĩ josaja, jidicāja quena. Ne oca manoti queno mani ñare āmogūji Dios. Ito bajiri jidicā āmorā ĩna josaja, ĩnare mai cūbeja quena. ¹⁶ “Jesure masigō yu ñajare yu rāca ĩ ñaja, Jesure boca āmigū yiguġi ĩ cuni”, yi tuoġa masibeja mua. “Jesure masigū yu ñajare yu rāca iso ñaja, Jesure boca āmigō yigōji iso cuni”, yi tuoġa masibeja mua.

¹⁷ Mani ñaroto bajiroti manire cūni Dios. Jesure boca āmicōri mani ñasuoado bajiroti mani ñaja quena. No Jesure tuorūnurā ĩna minijuaja, ito bajiro gotisotia yu ĩnare. ¹⁸ Sġgū wirotagoru Cristore ĩ boca āmija, “Bujato bajia tagoru ña yu”, yire ma muare. Sġgū wirotaya macu Jesure ĩ boca āmija, ĩ ñado bajiroti ĩ ñaja quena. ¹⁹ Wirotana mani ñaja, taya mana mani ñaja cuni, no yibeja. Nasarise meje ña. Ado robojua bajia ñasarise: Dios ĩ āmoru bajiro mani yija, iti ña ñasarise. ²⁰ Cristore boca āmicōri mani ñasuoado bajiroti mani ñaja quena. ²¹ Gājerāre moa ĩsi ñarā Jesure mua boca āmija, “Bujato bajia ĩna josu ña yu”, yire ma muare. Ito bajibojarocati muajuare ĩna bucōa āmoja budija quena. ²² Gājerāre moa ĩsi ñarā Jesure mua boca āmija, mua uġu josa meje ña mua adocāta. Cristo ñami mua uġu adocāta, ito yicōri ĩre moa ĩsirā ña mua ĩja. Gājerāre moa ĩsirā meje mua ĩja, Cristore boca āmicōri, adocāta Cristore moa ĩsirā ña mua ĩja. ²³ ĩ ñarā mani ñatoni waja rūrurisena manire waja yi ĩsiñi Dios. ĩ sġgūti ñami mani Uġu. Ito bajiri adocāta ĩre moa ĩsia mani. ĩ āmoru bajiro riti yirūja manire. Adi macārucāro ñeñaro yire mani yitoni gājerā ĩna yi codebojaja ĩnare cudibitirūja manire. ²⁴ Tuoya yu ñarā mua. Cristore boca āmicōri, mani ñasuoado bajiroti mani ñaja quena. Ito yicōri Diore mani tuorūnusotija quena.

²⁵ “Manuju mana, manoyo manare cuni, ado bajiro rotiami mani Uġu”, yire ma yure. Ito bajibojarocati yu tuoġarise muare gotigu ya yu. Yure ti maicōri ĩ cūru ñari busia yu. Ito bajiri yure mua tuorūnūja quena. ²⁶ Ado bajiro tuoġa yu: “Adi rumuri ñare gaye josari ña. Ito bajiri mua manoyo mana mua ñado bajiroti ñaja quena”, yi tuoġa yu. ²⁷ “Mua manoyo cuticārā jidicäre ma ĩja. Mua manoyo mana ñarā āmabeja quena”, ya yu muare. ²⁸ Ito bajiro yu yibojarocati, sġgū ũmugū ĩ manoyo cuti āmoja, ito yicōri romio cuni iso manuju cuti āmoja, ĩna manuju cutija ñeñaro yirā meje yama ĩna. Manoyo cutirā buto oca ña codero bajiro usiriroto bujarā yirāji. Iti muare bajibe yirocu iti muare goti camota yu. Adi rumuri josari ña manire. Ito bajiri manoyo cuticōri, manuju cuticōri buto busa josari ñaro yirōja muare.

²⁹ Tuoya yu ñarā mua. “Nocō mejeti ruya manire”, yirocu iti muare gotia yu. Mua manoyo cutirā, manoyo mana bajiro Diore moa ĩsiña. ³⁰ Mua godago ecoana, godago ecobitiana bajiro ĩre moa ĩsiña. Mua basa ñarā, basamena bajiro Diore moa ĩsiña. Mua gajeoni bujarā, “Iti ña yu ye”, yimenati Diore moa ĩsiña. ³¹ Mua adi sitajure queno bujarā, queno bujamena bajiro Diore moa ĩsiña. Adi sita gaye mani tirise jedi waja.

³² Tuoġa usiriomenati mua ñare āmoa yu. Sġgū manoyo macu mani Uġu ye moarocu, tuoġagū yiguġi ĩ. Mani Uġu ĩ wanutoni tuoġagū yiguġi ĩ. ³³ Manoyo cutigu ĩ manoyo queno ñatoni adi sita gayere tuoġagū yiguġi. Ito yicōri ĩ manoyo wanutoni tuoġa usirirogu yiguġi. ³⁴ Diore moa

İsire, manojore moa İsire juaji tuoİare gaye ñaroja İre. Manuju cutigo, manuju maco cuni ito bajiroti bajiraji İna cuni. Manuju maco ito bajiroti mani Ujare moa İsiroco tuoİa usiriogo yigõji. “Yu ya rujuna, yu ya usina cuni Diore moa İsigõ yigoja yu”, yi tuoİagõ yigõji iso. Manuju cutigoama iso manuju queno ñatoni adi umuari gayere tuoİa usiriogo yigõji. Ito yicõri iso manuju wanutoni tuoİa usiriogo yigõji.

³⁵ Mũare r̄erocu meje iti gotia yu. Mũa queno ñatoni itire gotia yu. Mũa queno yi ñare amoa yu. “Mani Uju Jesucristore riti moa İsigõ yigujaja yu”, yi mũa r̄acubũore amoa yu.

³⁶ “Yu manoyo ñaroco bucuacoamo İja. Butoguti isore amocõa yu. Ito bajiri ñemecuti masibea yu”, yi tuoİacõri sigũ İ manoyo cutija quena. Ito bajiro İ amogõre İ manoyo cutija, ñeñaro yigu meje yami İ. ³⁷ Gãjiama, “Manoyo macu ñagũ yigujaja yu”, yi tuoİacõri İ tuoİaro bajiro İ manoyo cutibeja quena. “Manoyo macu ñabojaguti ñemecuti masia yu”, İ ya usiju İ yi tuoİa masija, manoyo macu İ ñaja quenaña İocãre. ³⁸ Sigũ ito bajiro buto İ amogõre İ manoyo cutija queno yami. Ito bajibojarocati gãjiama İ manoyo cutibeja queno busa yami İ.

³⁹ Sigõ manuju cuticõro, manuju İ catiroca riti gãji r̄aca manuju cutire ma isore. Iso manuju godagoja, gãji iso amogũ r̄aca iso manuju cutija quena ña. Gãji Jesure masigũ r̄aca iso manuju cutija quena. ⁴⁰ Ito bajibojarocati mũcana tũdi iso manuju cuti amobeja, “Buto busa wanugõ yigõji iso”, yi tuoİa yu. “Espiritu Santo yure İ ejabuajare, ito bajiro busia yu”, yi tuoİa yu.

8

İna meni rujeoanare ecare gaye

¹ İna meni rujeoanare r̄acubũorã waibucurã siacõri ecare gaye mũare busigu ya yu adocãta. “İtire mani baja, quena ña. Neñaro yibea mani”, yi masi jedirãji mũa. Ito bajibojarocati, “Gãjerã r̄etoro masirã ña gũa”, mũa yibojaja, masirã meje ña mũa. Gãmeri mani ti maija itijua ña ñasarise. Gãmeri mani ti maija, gãmeri tuoİa oca s̄eroca yirãji mani. ² “Queno masigũ ña yu”, sigũ İ yibojaja, queno masigũ meje ñami İocã. İ masiriseonijũare masibeami İ. ³ No Diore ti maigãre, İre ti masicõri İre maigũ yiguĩji Dios.

⁴ İna meni rujeoanare waibucu siacõri İna ecare gaye mũare busigu ya yu. “Masa İna meni rujeoana ñasarã meje ñama”, yi tuoİa mani. “Dios sigũti ñami ñasagu”, yi tuoİa mani. ⁵ Adi sita gãna Diore masimena İna gotija, “Umacuũu, jacaũu cuni mani r̄acubũorona ñama İna. Jãjarã ñarãji mani r̄acubũorona, mani ujarã”, yi tuoİabojama Diore masimena. ⁶ Ito bajiro İna yi tuoİabojarocati, jãjarã meje ñama mani r̄acubũorona. Dios mani Jacu sigũti ñami mani r̄acubũosarocu. İti ñami jeyarore rujeoru. İre moa İsirona ña mani. Sigũ ñami mani Uju. İ ñami Jesucristo. İna suoriti jeyaro ña. “Mani cuni İna suoriti ña”, yi tuoİa mani.

⁷ Ito bajiro mani yi tuoİabojarocati gãjerã Jesure masirã ñabojarãti masimenaji iti gayere. Jesure İna masiroto riojua İna meni rujeoanare r̄acubũorã ñayijarã İna maji. Ito bajiri, “Masa İna meni rujeorure bare İna ecare mani baja, quenabetoja manire, ñeñaro ya mani”, yi tuoİarãji İna. Ito bajiro tuoİabojarãti İna baja, tuoİa oca s̄omena yirãji İna. Ito yicõri queno Diore cudimenaji İna. ⁸ Mani baja, mani babeja cuni ñasarise meje ña iti Dios İ tija. “İtire mani babeja, manire ti wanugũ yiguĩji Dios”, yire ma. Ito yicõri, “İtire mani baja, manire ti wanubicu yiguĩji Dios”, yire cuni ma. ⁹ “Mani baja, mani babeja cuni no yibea”, yi masibojarãti mani baroto riojua queno tuoİaja quena. İtire mani baja ticõri, “Diore masibojarãti queno cudibeama İna”, yi tuoİagũ yiguĩji Jesure tuorũnũsuogu gajea. Ito bajiro tuoİa wisacõri Jesure tuoİa jidicãgũ yiguĩji. ¹⁰ Ado bajiro r̄etaroja gajea. Sigũ Jesure tuorũnũsuogu İna meni rujeorure İna ecare mani baja tigu yiguĩji gajea. İtire mani baja, “Quena ña. No yibea”, yi tuoİa mani. Ito bajibojarocati İjũama masibiquĩji itire. Mani baja ticõri, “Yu baja quenabetoja”, yi tuoİabojaguti bagu yiguĩji İ cuni. ¹¹ “R̄eore ma”, yi masibojarãti mani baja, Jesure tuorũnũsuogu İ tuoİa jidicãroca yirã yirãji gajea mani. İre yiari cuni goda İsiñi Cristo. Mani baja ticõri, Jesucristore jidicãgũ yiguĩji. Ito bajiri, “R̄eore ma”, yi masibojarãti babitirujaja manire. ¹² İtire mani baja ticõri, sigũ Jesure tuorũnũsuogure İ tuoİa wisaroca yirãji mani. Ito bajiro mani yija İre riti meje ñeñaro ya mani. Cristore cuni ñeñaro yirã ya mani. ¹³ Ito bajiri waibucu ya baja ticõri sigũ Jesure tuorũnũsuogu İ tuoİa wisaroca yu yija, waibucu ri babitirujaja yure. Jesure İ tuoİa jidicãroca yibe yirocu itire babitirujaja yure.

9

Jesucristo İ cũana ñari, “Ado bajiro yiana mani”, İna yire gaye

¹ Yu amoro bajiro yi masibojaguti Jesucristo amoro bajiro cudirocu ña yu. İ oca yu goti ucutoni yure cũni Dios. İre moa İsigũ mũare riasocu yu. “Pablo İ riasorisere tuocõri, Jesure tuorũnũsuocu mani”, yi tuoİarãji mũa. ² “Jesús İ cũru meje ñami Pablo”, yirã yirãji gajea gãjerã. Yu riasorisere tuocõri Jesure tuorũnũcu mũa. Ito bajiri itina, “Jesús İ cũru ñami Pablo”, yi tuoİarã yirãji mũa.

³ “Jesús í cūrū meje ñami Pablo”, ña yija, ado bajiro cūdia yu: ⁴ Jesús í cūrū ña yu. Ito bajiri yu riasore waja yure ña ecaja, yure ña ioja cūni boca ñamire ña yure. ⁵ Gājerā Jesús í cūana masare riaso ucurā ña waja, ña manojosāromia rāca wa ucuama. Ito bajiroti ña manojosāromia rāca riaso ucurā wama Jesús ocabaji mesa, ito yicōri Pedro cūni. ña manojocutiado bajiroti sīgō Jesure tuorūnugō rāca yu manojocuti amoja, manojocuti masia yu cūni. ⁶ Jesucristo oca goti ucuri masa ña ña masitoni jeyaro ejabua mua ñareama. “Bernabé, Pablo rāca Jesucristo oca goti ucurā ña ña masitoni ña moaja quena”, ¿yi tuoñati mua guareama? ⁷ Gājerāre moa ñisira ñari waja bujarā yirāji surara. Rocati ñamena yirāji. Uyé otegu iti ricare bagu yigūji. Oveja coderi masu cūni ña ya ojegōa bijecōri idigu yigūji í. ⁸ Iti yu gotirise, “Í tuoñare busiami Pablo”, ¿yi tuoñati mua yure? Bajibe. Ito bajiroti gotia Moisés ñayoru í rotire cūni. ⁹ Dios rotirise ucagu ado bajiro ucañi Moisés ñayoru: “Ta wecu trigo ajere í wi cūda codaja, ‘Bajaro í cūni jabeto’, yirona í ya rise sia biabesa”, yi gotia Dios oca tuti. Ta wecu í batoni tuoña usiriogu meje itire yíni Dios. ¹⁰ Gua í oca riaso ucurāre tuoñacōri ito bajiro gotiñi Dios. Guare masa ejabuati itire gotiñi í. Weseca moagū, trigo ajeri codagu cūni, “Íto bajiro bujagu yigūja yu”, yi tuoña wanucōri moama ña. ¹¹ Dios oca muare riasosorā, wesecaju oterā bajiro moacu gua. ¿Weseca oteri masa ña bujado bajiro muare gua bujaja, no bajirojada? ¿Gua riasore waja guare mua ejabuaja, no bajirojada? ¹² Gājerā Dios oca muare riasoanare ña ñatoni ña ñamirise Isiyija mua. ñare mua ñisija, gua muare riasosuoanajuare queno busa mua ñisija quena. “Muare riasocu gua. Ito bajiri gua ñatoni gua bojoro bujarise ñisíña”, yi tuoñabojarāti muare senibiticu gua.

Ado robojua bajicu gua. Guare bare manija, yutabujuri manija, riojoti ñemecuticu gua. “Cristo oca mani riasoroca ñare mani senija, í ocare boca ñamimenaji ña”, yi tuoñacōri muare senibiticu gua. Riojoti ñemecuticu gua. ¹³ Judio masa ña minijuara wi ña moaja iti wi gayeti bocatirāji. Ado bajiro baja ití. Diore rācuburona ña menira casabo waiñacurā siacōri ña soeriseti bama itijū moari masa. Itire masia mua. ¹⁴ Ito bajiroti baja Cristo oca riasorāre cūni. ña riasore waja ña riasoana ñare ejabuaja quena. Ito bajiro rotiñi mani Uju Cristo. ¹⁵ Muare seni masibojaguti coji muare senibiticu yu. Adi yu muare ucarise cūni yure mua ñisitoni meje uca yu. Niocō goda wabojaguti muare senibicu yigūja yu. “Senibiticu masare riasocu yu”, yi tuoñacōri wanua yu.

¹⁶ “Íre tuorūnarāre masogū yigūji Cristo”, yu yi masare riasoja, “Queno yigu ña yu”, yi tuoñabea yu. Ito bajiro yu goti ucutoni yure cūni Jesucristo. Masare í oca yu riasobeja, quenabeto rētaraja yure. Iti yu riasobeja, wanubicu yigūja yu. ¹⁷ Waja bujarocu yu riasoja, “Waja bujagu yigūja yu”, yibogūja yu. Ito bajiro meje baja. Yu tuoñare meje riasoa yu. Dios í yure cūado bajiroti riasoa yu. ¹⁸ Ado robojua baja yu waja bujarise. Masare waja senibiticu, “Íre tuorūnarāre masogū yigūji Dios”, yi riasoa yu. Waja bujarocu meje í ocare riasoa yu. Itire masicōri wanua yu. Iti ña yu bujarise. “Muare yu riasore waja yure mua ñisija quena”, yi masibojaguti muare senibiticu yu.

¹⁹ Gājerā meje ñisiri masu meje ña yu. Ito bajibojarocati mua jeyarore moa ñisigū bajiro ña yu. Jājarā busa Jesucristore tuorūnarajo, yirocu ito bajiro moa yu. ²⁰ Judio masa rāca yu ñaja, ñare bajiroti ña yu cūni. Jesure ña tuorūnare ñmogū ito bajiro ya yu. Moisés ñayoru rotire cudirā rāca yu ñaja, ña robo bajiroti ña yu. Itire cudibitirocu ñabojaguti Jesure ña tuorūnare ñmogū ña bajiroti ña yu. ²¹ Gājerā Moisés ñayoru rotire cudimena rāca yu ñaja, ña bajiroti ña yu. Ito bajibojarocati, “Dios í rotire cudigu meje ña yu”, yibea yu ñare. Jesure ña tuorūnare ñmogū ito bajiroti ya yu. Cristore cudigu ñari Dios í rotire ña yu cudiroti. ²² Jesucristore tuorūnare rāca yu ñaja, ña bajiroti ña yu. Ito bajiro ya yu bato busa Jesucristore ña tuorūnati. No masa rāca yu ñaja, ña rāca gagu bajiro ya yu. Ito bajiro ya yu, “Íre tuorūnarāre masogū yigūji Cristo”, yi yu riasore tuoñacōri Cristore ña boca ñamitoni. ²³ “Íre tuorūnarāre masogū yigūji Cristo”, yire gaye masa ña tuo jeditoni ití gayere moa yu. Jesucristore boca ñamitoni masa ña wanue ti ñmogū itire moa yu.

²⁴ Masa ña ũmaquedija, sīgū ruyabeto ũmaquedicā. Ito bajibojarocati sīguti ñaquí ejasuogu. Í ñaquí ejasore waja, waja bujagu. Itire masia mua. Cajero ejasurocu í ũmaquedisuado bajiro Diore queno moa ñisíña mua. Dios tu bujarona ñe queno moa ñisíña mua. ²⁵ No cajero ũmaquedi rētocū ñamōrā dise ña ya rujuri ñeñorise gayere rēoama ña. Ito bajiro josari moama ña jū suara bedo nocō mejeti jogari bedore bujarona. Maniama jogabiti gayere bujarona bato Diore moa ñisija. ²⁶ “Ado bajiro yu yire ñmogūji Dios”, yi tuoñamasicōri, Diore moa ñisija yu. Sīgū rocati í roca wuebojaro bajiro meje ya yu. “Ado bajiro ñmogūji Dios”, yi masibiticōri meje ñe moa ñisija yu. ²⁷ Ado robojua baja. Diore moa ñisija ñari, yu ñamirise meje ya yu. Yu ya rujuri ñeñaro ití tuoñabojarocati ito bajiro yibea yu. Yu ya rujure rēocōri Diore riti moa ñisija yu. Ito bajiro yu ya rujure yu rēobeja, masare Dios oca riasoru yu ñabojarocati, “Queno yicu mu”, yi boca ñamibiquji Dios yure.

10

Masa ña meni rujeorure rucubobesa, yire gaye

¹ Tuoya yu ñarã mua. Mani ñicusabatiare ña wa masi jeditioni ide buerina ñare ñoyiju Dios. Riaca jajosa Ide Sũarise wame cutirisa ña jãa masi jediroca yiyiju Dios. Itire tuoia ñacabobesa mua. ² Moisés ñayorure tuorũncõri ide buerire sũya wayijarã ña. Ito yicõri riaca jajosa jãayijarã ña. Moisés ñayorure tuorũncõri ñe sũya jediyijarã ña. ³ Ũmacũju gaye manã wame cutirise Dios ñ queore ba jediyijarã ña. ⁴ Ña idi catitoni gãtagã ide buero ca yiyiju Dios. Iti gãtana suoriti meje catiyijarã ña. Cristo ñare tirũnjare catiyijarã ña. No ña waroti ñare tirũnsotiyiju Cristo. ⁵ Ito bajijorocati ña jãjarã Diore cudibisijarã. Ña cudibeja ticõri, ñare wanubisiju Dios. Ito bajiri Diore ña cudibitire waja yucu manõju goda jediyijarã ña.

⁶ “ Ito bajiro rãtayiju ñare”, yi masibõjarãti mani ñeñaro yi ñmoja, ito bajiroti rãtorõja manire cunã”, mani yi tuo gãijã quena. ⁷ Ito bajiri ña meni rujeoana ña rucubuoado bajiro rucubobesa mua. Jeyaro ñare bajigore gaye Dios oca tuti iti gotija, ado bajiro gotia: “Ba rujiyijarã. Ito yicõri jiarise idiyijarã ña. Ito yicõri ña meni rujeorure rucuborona basayijarã ña”, yi gotia Dios oca tuti. ⁸ Rocati romiare ña ajeado bajiro yibitirũja manire. Ito bajiro ñeñaro yicõri veintitrãs mil ñarã co ramati goda jediyijarã ña. ⁹ “Mani ñeñaro yibõjarocati manire waja senibiquũji Dios”, yi mani ñicusabatia ña yibõjado bajiro yibitirũja manire. Ito bajiro ñeñaro yicõri ñãa ocana jãjarã godayijarã ña. ¹⁰ Diore ña busitu ñado bajiro yibitirũja manire. Ito bajiro ña yijare, sigũ ñangel jãjarãre ñ sãa batetoni cõayiju Dios.

¹¹ Jeyaro mani ñicusabatiare rãtagore oca ña jedia Dios oca tutiju. Mani Jesũs ñ ejarotire tuoia yurã, mani tiroti ña iti oca. Ñare bajiro ñeñaro mani yibititoni, Dios oca tutiju ña iti oca. Ñare bajiro mani yija, tõbujarã yirãji mani cunã. ¹² No “Ñeñaro yibicũja yu”, yi tuoiaõboguti, ñeñaro yigu yiguũji gajea. Ito bajiri ñeñaro yibe yirocu queno ñ tuoiaja quena. ¹³ Manire riti mani ñeñaro yitoni meje usirioro yi codeami rãmãa uju. Mani riojua gãnare cunã, masa jeyarore cunã usirioro yi codeami ñ. Manire ñ usirioro yi codebojarocati, mani ñeñaro yibititoni Diore mani tuorũnjã, manire ejabuãgu yiguũji ñ. “Mua ñeñaro yibititoni muare ejabuãgu yigũja yu”, Dios ñ yiado bajiroti manire ejabuãgu yiguũji ñ. Rãmãa uju Satanãs bato usirioro manire ñeñaro ñ yi rotibõjarocati, Diore mani tuorũnjã, itire mani ñemecutiroca yigu yiguũji Dios manire. Mani ñeñaro yi ñmorise mani yibititoni manire ejabuãgu yiguũji Dios.

¹⁴ Ito bajiri yu ñarã mua, ña meni rujeorure rucubobesa mua. ¹⁵ Yu busirisere tuo masirã ña mua. “Riti gotiami Pablo”, yi tuoiarã ña mua. ¹⁶ “Queno ya Dios mu. Gũa ñeñaro yirise waja, waja yi ñsirocure mu Macu Cristore cõayija mu”, yicõri uyé ide bato idia mani. Itire tuoiarã, “Yucutõõju manire yiarã goda ñsiñi Cristo”, yi tuoia jedia mani. Cristo ya rujure tuoiarã, najure bato ba mani. “Yucutõõju manire yiarã goda ñsiñi Cristo”, yi tuoia jedicõri bato ba mani. ¹⁷ Jãjarã ñabõjarãti sigũre bajiro riti tuoiarã ña mani. Jesure tuoiarã najuro corona bato ba mani. Ito bajiro yicõri Cristore riti tuorũnãa mani. Sigũre bajiro riti tuoiarã ña mani. Ito bajiri jãjarã ñabõjarãti co ruju robo bajiro bajirã ña mani.

¹⁸ Israel sita gãnare tuoiate mua. Ña ñeñaro yirise waja, waja yirona waibucu ri soerãji ña Diore rucubõarã. Sigũre bajiro riti tuoiacõri ña soe ñsirere barãji ña. ¹⁹ “Masa ña meni rujeorure rucubõaja quena ña”, yirocu meje ya yu itire. Ito yicõri, “Ña meni rujeorure waibucu ri ñsire gaje waibucu ri rãtoro ñasarise ña”, yirocu meje ya yu itire. ²⁰ Ado bajirojua muare yirocu ya yu: Diore masimena ña meni rujeorure ña ecaja, Diore ecarã meje yama ña. Rãmãare ecarã yama ña. Ito bajiri ña rãca baba cuticõri mua baja rãmãare rucubõarã bajiro yirãji mua. Ito bajiro mua yire ñmobeã yu. ²¹ Rãmãare mani cudija, Jesũs mani tũjre cudirã meje ña mani. Ito bajiro mani yija, Jesure tuoiarã idisusare gaye uyé ide idibitirũja manire. Ito yicõri Jesure tuoiarã basusare gaye babitirũja manire.

²² “Yu ñarã ñabõjarãti rãmãre cudiamã ña”, Jesũs ñ yi junisiniroca yibitirũja manire. Ñ rãtoro masirã meje ña mani.

Mani gãmeri ti maija quena, yire gaye

²³ “Dios ñ rãobeja mani ñmoro bajiro mani yija quena”, yi tuoia gãjerã. Ito bajiro ña yi tuoiaõbojarocati ado bajirojua ya yuãa. Jeyaro mani yi ñmoro bajiro mani yibõjarocati queno ejabuãbetoja manire. Mani ñmoro bajiro mani yija, Jesure tuorũnsũõgu ñ tuorũnũ jidicãroca yirã yirãji gajea mani. ²⁴ Mani queno ñaroti gaye riti tuoiaõbitirũja manire. Gãjerã ña queno ñatoni, ñare ejabuãrona tuoiaõruja manire. Jesure tuorũnũ jidicãbitjaro ña, yirona tuoiaõruja manire.

²⁵ Waibucu ri ña ñsiriju waja yicõri mua baja quena. “¿Ña meni rujeorure ecagore meje ñati adi?” yi senũabesa. Riojoti waja yicõri mua baja quena. ²⁶ Adi sita gaye jeyaro Dios ñ rujeore ña. Ito bajiri disejua rãyabeto ñ ye riti ña. Ñ rujeore iti ñajare, mani baja quena.

²⁷ Sīgū Jesure tuorūnugū meje ñagū, “Yū tū barā waya”, ī yija, ī ecaro bajiroti baja quena. “Ķīna meni rujeorūre īna ecagore meje ñati?” yi seniāmenati baja quena. ²⁸ Gāji itire ba gūigū, “Ķīna meni rujeorūre īna ecagore ña adi”, ī yi goti masioja, babeja itire. Itire mūa baja ticōri, ī tuoīariseju tuoīa bujatobicu yiguīji ī. “Ñeñaro yama īna”, yi tuoīacōri bujatobicu yuguīji. Ito bajiri Jesure ī jidicāme yirona, babeja itire. ²⁹ “Jeyaro waibūcu ri mani baja quena ña”, yi tuoīabojarāti, “Iti gaye mani baja quenabea”, gājerā īna yi tuoīariserē babitirūja manire.

Mua coriarā ado bajiro yirā yirāji gajea: “Itire baja quenabea”, gājerā īna yi tuoīabojarocati, Ķitire ba jidicāgū yigujada yū? yi tuoīarāji mūa coriarā. ³⁰ Gaje ado bajiro yirāji mūa: Yū baroto riojua, “Queno ya Dios mū”, yū yibojarocati gājerā, “Babitirūja muare”, yi codebitirūja īnare, yirāji mūa. ³¹ Ado robojua baja: No mani bariseti, mani idirise, mani moarise cūni Diore masa īna rūcūbuoroca yirūja manire. ³² Gājerā īna ñeñaro yi āmoroca yibe yirona, quenarise riti yirūja manire. Judio masa, judio masa meje cūni Jesure tuorūnugūre cūni īna ñeñaro yi āmoroca yibitirūja manire. ³³ Yūama ado bajiro tuoīa yū: Jeyaro yū yirise masa īna ti wanū jedire āmoa yū. Sīgūti queno yū ñaroti gayere tuoīabea yū. Jesure īna tuorūnugūre āmogū īna queno ñaroti gayejuare tuoīa yū. Jeame ājuroju īna wabore ñaroca īnare Dios masore āmoa yū.

11

¹ Cristo ī yiado bajiroti ya yū cūni. Ito bajiri yū yiro bajiroti yija mūa cūni.

Mani minijuaja romia ado bajiro īna yija quena, yire gaye

² Tuoya yū ñarā mūa. Muare yū riasocati yiro robo yirā ña mūa. Ito bajiri yare mūa ācabojabere muare queno wanua yū. ³ Gaje mūa tuo masire āmoa yū. Ado bajiro baja iti. Manojō cutigu ī manojō rijoga ñami āmugū. Mani āmua rijoga ñami Cristo. Ito bajiroti Cristo rijoga ñami Dios. ⁴ Sīgū minijuara wiju ī ya rijoga buagu Diore ī senija, Dios oca ī busija cūni, Diore rūcūbuobicu bajiro yami iocū. ⁵ Minijuara wiju sīgō rijoga buabeco Diore iso senija, Dios oca iso riasoja cūni, iso manūjare rūcūbuobeco bajiro yamo iso. Rijoga iso buabeja, jōa suagoro bajiro bajigōji iso. ⁶ Sīgō iso rijoga bua āmobeja, cojisiti jōa sua jeocōja quena isoōcōreama. “Rijoga jōa suagōja bojo ña yū”, yi iso tuoīaja, rijoga iso buaja quena. ⁷ Mani āmuare minijuara wiju rijoga buare ma manire. Ķī robo bajigu manire rujeoñi Dios. Manimasi gāmeri ticōri, “Queno masigū ñami Dios”, yi tuoīa mani. Ito bajiri Ķire wanūcōri Ķire rūcūbuoa mani. Romiama mani āmuare rūcūbuorā ñama. Ito bajiri, “Ķmuare rūcūbuoa gūa”, yirona rijoga īna buaja quena. ⁸ Ado robojua baja: Ķmugūre rujeogo romio ya gōana meje rujeoyiju Dios. Romiare rujeogo āmugū ya gōana rujeoyiju. ⁹ Romiore ejabuarocure meje āmugūre rujeoñi Dios. Ķmugūjare ejabuarocore romiore rujeoñi Dios. ¹⁰ Ito bajiri, “Yure ūmatā ñagū ñari yū ya rijoga bajiro bajigu ñami yū manūju”, yiroco iso ya rijoga buaja quena romiore. Ito bajiro īna yija ticōri, īnare ti wanurā yirāji āngel mesa. ¹¹ Ķmua cūni, romia cūni īna ñare āmoñi Dios. Romia īna manija, queno ña masimenaji āmua. Romia ito bajiroti āmua īna manija, queno ña masimenaji romia. Ito bajiri mani Jesús ñarā, “Ñe waja mama āmua, ñe waja mama romia”, yire ma manire. ¹² Ado robojua baja: Ķmugū ya gōana romiore rujeoñi Dios. Ito bajibojarocati romiana rujeana ñama āmua. Mani āmua, romia cūni Dios ī rujeoana riti ña mani.

¹³ Adi muare yū gotirise queno tuoīa ña mūa. Minijuara wiju rijoga buabecoti, ĶDiore iso senija quenati? Quenabea. ¹⁴ “Ķmua jōa yoarise īna ūmaja, bojorise ña”, yi tuoīa jedia mani. ¹⁵ Romiareama jōa yoarise īna ūmaja, queno ti wanua mani. Jōa yoarise iso ūmaja, iso ya rijoga buago bajiro yamo iso. ¹⁶ Sīgū adi yū gotiriserē ī tuoīa busi āmoja, ado bajiro Ķre gotija quena: “Gūa, gājerā Jesure tuorūnugū cūni, ito bajiro riti yisotia gūa”, yi gotija quena Ķre.

Jesús ī basusare gaye barā queno īna yibitire gaye

¹⁷ Adocāta muare yū ucarise, muare wanugū meje uca yū. Jesús basusare gaye minijua barona queno yibe mūa. Mani Ķju ī basusare gayere ñeñoa mūa. ¹⁸ “Ķīna minijuaja, ricati riti tuoīama”, yire gaye tuo ya mūa. “Riti bajiroja”, yi tuoīa yū itire. ¹⁹ “Mani tuoīa busija, Ķñati ñama Jesure tuorūnugūsarā”, yi tuoīarā yirāji gājerā manire”, yi tuoīa busibōja mūa. ²⁰ Ricati riti tuoīa basicōri, Jesús basusare gaye mūa minijua baja, mani Ķjure rūcūbuorā meje yirāji mūa. ²¹ Baraju iti ejaroca mūa āmoro bajiroti ba āmorāji mūa yajirona. Cocati bare bato bamenaji mūa. Ito bajiro mūa yija, gājerā ñiocōrāji. Gājerāma idi mecurāji īna. ²² Wiri cutirā ña mūa. Mūa ya wiriju mūa ba, idi, yija quena. Ito bajiro queno mūa yibeja, Jesús basusare gaye barā gājerā queno ba bujamena, bujato īna bujaroca ya mūa. Ito bajiro mūa yija gājerā Jesure tuorūnugūre ti tudirā bajiro ya mūa. “Queno ya mūa”, Ķyiguti yū muare? Meje yi āmobeja yū. Muare wanubea yū.

Mani Ķju ī basusare gaye

(Mt 26.26-29; Mr 14.22-25; Lc 22.14-20)

²³ Adi muare yu riasorise mani Ʋju i basusare gaye muare yu riaso masitoni yu masiroca yiñi i. Ado bajiro baja: Mani Ʋjare i wajana ñiatoni Judas i gotira ñami, i ya ãmona naju ãmi rucoyiju Jesús. ²⁴ ãmi rucocõri, “Queno ya Dios mu”, yiyiju i. Igata batocõri ado bajiro yiyiju i, i rãca riasotirãre: “Ímo baya. Adi ña yu ya ruju robo bajiro bajirise. Muare yiari goda ísigu yiguja yu. Yu godaja bero yu muare íogore tuoíacõri yure rucubworã ado bajiroti minijua basotiba”, yiyiju Jesús i rãca riasotirãre. ²⁵ Ìna baja bero uyé ide tẽro ãmi rucoyiju Jesús. Ito yicõri ado bajiro Ìnare gotiyiju i: “Ímo idiya. Muare yiari yu ya ri budiro yiroja yure. Yu ya rina suoriti, ‘Ado bajiro masare queno yigu yiguja yu’, Dios i yiado bajiroti ñasoro yiroja Ìja. Yu godaja bero yu muare íogore tuoíacõri, yure rucubworã ado bajiroti minijua idisotiba”, yiyiju Jesús i rãca riasotirãre. ²⁶ Mani Ʋju i rotiado bajiroti mani baja, mani idija cuni, “Manire yiari goda ísiñi Cristo”, yirona ito bajiro basotia mani. Mani Ʋju i ejarocaju ito bajiro yisusarã yirãji mani.

Mani Ʋju i basusare gaye mani baja, ado bajiro mani baja quena, yire gaye

²⁷ Ado robojuã baja: No Diore rucubwobicati rocati mani Ʋju i basusare gaye i baja, i idija cuni ñeñaro yigu yiguji íocã. Ito bajiro i yija, “Ñe waja ma Jesús ya ruju, i ya rí cuni”, yigure bajiro yami íocã. No ito bajiro yigu seti cutigu yiguji. ²⁸ Ito bajiri mani Ʋju i basusare gaye ba ãmorã, mani baroto riojuã, mani idiroto riojuã cuni ado bajiro mani yija quena: Mani ñeñaro yirise tuoía bojori bujacõri Diore mani goti rõtobuja quena. Ito bajiro mani yija bero mani Ʋju godare tuoíacõri mani baja quena. ²⁹ “Yu ñeñaro yirisere yure waja yi ísiroca godaíni Cristo”, yi mani tuoíaja quena. Jesure tuoíamenati rocati mani baja, mani tóbujaroca yigu yiguji Dios manire. ³⁰ Ito bajiro rocati bacõri jãjarã ñaris cutia mua. Gãjerã wisia mua. Ito bajicõri gãjerã godaíni Ìna. ³¹ Mani baroto riojuã queno mani tuoíaja, mani tóbujaroca yibicu yiguji Dios. ³² Mani ñeñaro yirise waja mani tóbujaroca Dios i yija, mani queno yitoni ito bajiro yami i. Íre masimena jeame ãjuroju wana rãca mani ware ãmobeami Dios. Ito bajiri ñeñaro mani yirisere jidicãtoni mani tóbujaroca yami i.

³³ Ito bajiri Jesús i basusare gaye barã wana mua minijua, sîgũ ruayabeto corocõ barona ejori mejeti baya yu ñarã mua. ³⁴ Mua ñiocõja, mua minijuaroto riojuã mua ya wiju baja quena. Ito bajiri minijuarã wiju mua baja, jairo ba yajirona meje barã yirãji mua. “Ito bajiro mua yijare mua tóbujaroca yibicu yiguji Dios”, yi gotia yu muare. Gaje oca ñarisere mua tu ejacõri quenogũ yiguja yu.

12

Jeyaro mani moa masitoni Espiritu Santo manire i jidicãre gaye

¹ Queno tuoíaña yu ñarã mua. Ricati riti mani moa masi sosatoni Espiritu Santo i cũre gaye mua masire ãmoa yu.

² “Jesure mani masiroto riojuã mani meni rujeoana busimenare rucubwocã mani”, yi tuoíarãji mua. Gajero bajiro tuoíacõri jãjarã mua meni rujeoanare rucubwobojayija mua maji. ³ Ito bajiri, “Ìna ñama Espiritu Santo rotirise meje busirã. Í ñami Espiritu Santo rotirise busigu”, mua yi tuoíare ãmoa yu. No Jesure busitugu, Espiritu Santo i rotirise meje busiami íocã. No, “Rõtoro masigũ ñami Jesús yu Ʋju”, yi busigu, Espiritu Santo rotirise busiami íocã.

⁴ Diore mani moa ísitoni, ricati riti mani moa masiroca yami Espiritu Santo. Ricati riti mani moa masiroca yibojaguti sîgũti ñami Espiritu Santo. ⁵ Ricati riti mani Ʋjare moa ísia mani. Ricati riti moabojarãti i sîgũreti moa ísia mani. ⁶ Ricati riti moare cũni Dios manire. Ito yicõri i sîgũti ñami mani moa masiroca yigu. ⁷ Espiritu Santo quedi sãja ecoana ñari, Diore mani moa ísi masiroca yami i. Ito bajiri, “Espiritu Santo quedi sãja ecoru ña yu”, yi tuoía mani. Gãmeri mani ejabuatonu ricati riti moare cũni Espiritu Santo manire. ⁸ Coriarã Espiritu Santona suoriti queno tuoíacõri goti masiama Ìna. Gãjerã cuni Dios oca josarise gaye riasoticõri goti masiama Ìna, Espiritu Santo ejabuarisena. ⁹ “Yu seniro bajiroti cudigu yiguji Dios”, gãjerã Ìna queno tuorãnuroca yami Espiritu Santo. Cõrãre Ìna yisio masiroca yami Espiritu Santo gãjerãre. ¹⁰ Tiyamani Ìna ío masiroca yami Espiritu Santo gãjerãre. Gãjerãre Dios oca Ìna goti masiroca yami Espiritu Santo. “Í ñami Espiritu Santo rotirise busigu. Ìna ñama Espiritu Santo rotirise meje busirã”, Ìna yi masiroca yami Espiritu Santo gãjerãre. Ìna busi masibiti oca ñabojareti Ìna busi masiroca yami Espiritu Santo gãjerãre. Iti gaye oca Ìna busigore Ìna rogoti masiroca yami Espiritu Santo gãjerãreama. ¹¹ Ricati gaye riti manire moare cũru sîgũti ñami Espiritu Santo. Í ãmoro bajiro riti ricati mani moa masiroca yami Espiritu Santo.

Co ruju bajiroti ruju cutirã ña mani, yire gaye

¹² Mani ya ruju jeyaro ñabojarocati co rujuti ña. Tite mua. ãmo, cajea, gãmoro, gubo jaje ña mani ya ruju. Ito bajiro bajirã ña mani Jesucristore tuorãnuã cuni. Jãjarã ñabojarãti

Cristore riti tuorünurã ñari co ruju bajiro bajirã ña mani. Ìre tuorünurã ñari gãmeri ejabua mani. ¹³ Jeyaro ña mani. Tuote mua. Judio masa, judio masa meje cuni, gãjerãre moa isirã, gãjerãre moa isimena cuni ña mani. Jesucristore tuorünucõri idé gu rotica mani. Mani sigũ ruyabeto Espiritu Santo quedi sãja ecoana riti ña mani. Ì sigũti ñami mani ya usiju quedi sãjaru. Ito bajiri ña suoriti co ruju bajiroti ruju cutia mani.

¹⁴ Co ruju ñabojaroti jeyaro ña mani ya ruju. Coju gaye meje ña mani ya ruju. Jeyaro ña. ¹⁵ Gubo iti busija, “Àmo meje ña yua, ito bajiri ruju gaye meje ña”, yibojarocati ruju gayeti ña. ¹⁶ Gãmore iti busija, “Cajea meje ña yu, ito bajiri ruju gaye meje ña”, yibojarocati ruju gayeti ña iti. ¹⁷ Mani ya ruju cajea bucucagoti iti ñaja, çñena tuoboanada mani? Mani ya ruju gãmore bucurogoti iti ñaja, çñena wjibooanada mani? ¹⁸ Meje ado robojua baja. Mani ya ruju iti ñaroto bajiroti Ìãmore bajiro rujeoñi Dios manire. ¹⁹ Mani ya ruju coju gaye iti ñaja, jeyaro ñabitiboadoja. ²⁰ Ado robojua baja: Mani ya ruju jeyaro ñabojarocati co ruju ña. Ito bajiro bajirã ña mani Jesure tuorünurã. Jãjarã ñabojarãti sigũre bajiro riti tuoãacõri gãmeri ejabua mani.

²¹ Mani ya cajea iti busija, “Ñe waja ma ãmo”, yi masibitiboadoja. Mani ya rijoga iti busija, “Ñe waja ma gubori”, yi masibitiboadoja iti. ²² Ado robojua baja: Mani ya ruju gaye, “Adi gaye queno waja ma yure”, mani yi tuoãbojarocati ñasarise ña iti cuni. ²³ Mani ya ruju gaye, “Adi gaye queno waja ma yure”, mani yibojarise cuni queno tirũna mani. Gaje mani ya ruju gaye masa jeyarore mani Iobiti yutabujuna sãña bia mani. ²⁴ Gajejari mani ya ruju bojobea mani. Ito bajiri itire buabea mani. Mani ya ruju ña Ìãmore bajiroti quenoñi Dios. Mani ya ruju gaye, “Ñasarise meje ña”, mani yirise itijua ña buto busa ñasarise. ²⁵ Mani ya ruju jeyaro ñabojarocati corocõti ñasarise ña. Mani Jesure tuorünurã ito bajiro bajirãti ña. Jãjarã ñabojarãti ñasarã riti ña mani. Ito bajiri wanure rãca gãmeri ejabua mani. ²⁶ Mani ya ruju coju iti junija, ruju ñarocõti juni wisia. Mani ya ruju coju masa ña ti wanuja, mani ya ruju ñarocõreti wanujeacoa mani. Ito gaye robo bajiroti baja mani Jesure tuorünurã cuni. Mani wato sigũ Ì bojori bujaja, mani ñarocõti Ì rãca bojori bujarãji mani. Ito yicõri sigũ mani wato Ì wanu quenaja, mani ñarocõti wanu quenarãji mani.

²⁷ Ado robojua baja: Mani Jesure tuorünurã Ìre moa isirã ñari Ì ya ruju robo bajirã ña mani. Mani sigũ ruyabeto ñasarã ña mani. Mani rãca gagu sigũ Ì manija, Ìre godo cutia mani cocati Jesure moa isirã ñari. ²⁸ Mani Jesure tuorünurã ñaja sigũ ruyabeto moare cũni Dios manire. Cajero mani coriarãre Jesu oca goti ucuronare cũni Ì. Ito bero gãjerã Ìre goti isironare cũni. Gãjerã Ì oca riasoronare cũni. Gãjerãre tiyamani ña Iorotire cũni. Gãjerã corãre yisioronare cũni. Gãjerã ejabuaronare cũni. Gãjerã tirũnaronare cũni. Ito bero gãjerã ña busi masibiti oca ñabojareti busi masironare cũni Dios. ²⁹ Corocõti Ìre moa isirona meje cũni Dios manire. Mani jeyaro Jesucristo oca gotirona Ì cũana meje ña mani. Mani jeyaro Diore goti isiri masa meje ña mani. Mani jeyaro Ì oca riasori masa meje ña mani. Mani jeyaro tiyamani Ìori masa meje ña mani. ³⁰ Mani jeyaro cori masare yisiori masa meje ña mani. Mani jeyaro mani busi masibiti oca ñabojareti busi masirona meje ña mani. Mani jeyaro ña busija tuocõri, “Ado bajiro busiru ña”, yi masirã meje ña mani. Mani jeyaro ña busirisere rogoti masirã meje ña mani. ³¹ “Ñasarise yu yiroca, Dios Ì yire ãmo yu”, yiruja muare. Ito bajiro mua yijama quena ña. Ito bajiro mua yibojarocati adocãta buto ñasarisejuare muare riasogu ya yu.

13

Gãjerãre mani ti maija, iti ña ñasarise, yire gaye

¹ Co oca ruyabeto mani busi masibojarocati, ito yicõri ángel mesa oca mani busi masibojarocati, gãjerãre mani ti maibeja, ñe waja mana ña mani. Gãjerãre mani ti maibeja, jeyaro busirã ñabojarãti, rocati yuca toti iti busiro bajiroti, ito yicõri cometiro iti busiro bajiro, rocati oca godacoaju. Gãjerãre ti maimenati mani busibojaja manire tuomenaji ña. ² Diore goti isiri masa ñabojarãti, ito yicõri goti rudire jeyaro masibojarãti, gãjerãre mani ti maibeja, ñe waja mana ña mani. Jeyaro tuo masirã ñabojarãti, ito yicõri “Gũta yucurire cão rãgõña Dios mu”, yu yija, ñaro bajiroti cudiguñi Ì”, yi tuoãa masirã ñabojarãti, gãjerãre mani ti maibeja, ñe waja mana ña mani. ³ Mani rucorise ñarocõti batorã ñabojarãti, gãjerãre mani ti maibeja ñe waja bujamenaji mani. “Yure ña soe ãmbojarocati Dios oca goti jidicãbicuja yu”, yi tuoãarã ñabojarãti gãjerãre mani ti maibeja ñe waja bujamenaji mani.

⁴ Gãjerãre mani ti maija, ado robojua bajirã yirãji mani: Gãjerãre usirioro yimenaji mani. Gãjerãre queno yirã yirãji mani. Gãjerãre ti uomena yirãji mani. Gãjerãre rucuboorã yirãji mani. “Gãjerã rëtoro ñasagu ña yu”, yimenaji mani. ⁵ Mani queno ñaroti gaye riti tuoãamena yirãji mani. Gãjerãjuare ña queno ñaroti gaye tuoãarã yirãji mani. Gãjerãre ti junisinimena yirãji mani. Gãji manire ñeñaro Ì yibojarocati yoari junisinimenaji mani. Itire acaborã yirãji mani. ⁶ Gãji Ì ñeñaro yija, ti wanumenaji mani. Gãji Ì queno yijajua Ìre ti wanurã yirãji mani. ⁷ Gãjerãre mani ti maibojarocati ñeñaro manire ña yija, ñare ti mai jidicãmenaji mani.

Ito yicōri ĩnare busitumenaji mani. ĩnare mani ti maija, ĩnare tuorānūrā yirāji mani. Gājerāre mani ti maibojarocati, manire ĩna ñeñaro yija, ĩnare usiriomenaji mani. Ito yicōri ĩnare ti mai jidicāmenaji mani.

⁸ Gājerāre mani ti maija, ĩnare ti mai jidicāre ma manire. ĩnare ti maisotirā yirāji mani. Gājerāre mani ti mairise jedirise meje ña. Co rumu Dios ĩ manire moare cūre jediro yiroja. Iti rumu iti ejaja Diore queno masirā yirāji mani. Ito bajiri ĩre goti ĩsire mano yiroja ĩja. Ito yicōri mani masibiti oca jeyaro mani busiroca yibicu yiguĵi Dios. Gaje ĩ oca josarisere mani goti masiroca yibicu yiguĵi ĩ ĩja. ⁹ Ado robojua bajia: Adocāta jeyaro Dios ye masi jeobeja mani. Dios ocare goti jeo masibeja mani. ¹⁰ Ija co rumu Dios gayere masi jeocōrā yirāji mani maji. Ito bajiri iti rumu jaroca ĩ oca manire goti rētohuri masa mana yirāji ĩja. Manimasiti tuo masi jeocōrā yirāji.

¹¹ Ado bajiro bajia. Macuacā yu ñaja, macuacā oca busicu yu. Macuacā yu ñaja, macuacā robo riti tuoĭacu yu. Macuacā yu ñaja, macuacā bajiro riti tuoĭa besecu yu. Busua wacu macuacā yu ñagore gaye jidicācu yu. ¹² Adocāta jeyaro Dios gayere tuo masi jeobeja mani. Ĕoro queno ruyubeto bajiro Dios oca queno tuo masi jeobeja mani. Ito bajibojarocati co rumu Dios tu ejacōri ĩ gayere tuo masi jeorā yirāji mani. Adocāta coriajeriti ĩ oca masia mani. Ija co rumu Dios ĩ manire ti masi jeoado bajiroti ĩ gaye tuo masi jeorā yirāji mani cuni.

¹³ Ũdiaji gaye ña mani yisotiroti: Diore tuorānusotirūja manire. “Dios ĩ yiro bajiroti yigu yiguĵi”, yi tuoĭasotirūja manire. Ito yicōri gājerāre ti maisotirūja manire. Iti ũdiaji gaye gājerāre mani ti mairise iti ña ñasarise.

14

Oca masibitibojarāti gājerā oca busire gaye

¹ Gājerāre ti maisotirūja manire. Iti ña mani cudiroti ñasarise. ĩre mani moa ĩsitori Dios ĩ cūre gayere āmoana mani. “Yure goti ĩsiri masa ñama mua”, manire ĩ yire gaye, āmoana mani. ĩ cuni ñasarise ña. ² No gājerā oca ĩ masibiti ĩ busija, Diore rūcuboguti yami, ito bajiro ĩ yija. Ito bajiro ĩ busija, masa tuomenaji ĩre. Ito bajiri ĩnare meje busiguĵi ĩ. Diojua busiguĵi. Ito bajiro ĩ busija Espiritu Santo ejabuarisena busiguĵi ĩ. Ito yicōri gājerā ĩna tuoroti meje busiguĵi ĩ. ³ Gājiaa Diore goti ĩsigū ĩ busija, masareti busiguĵi. Buto busa Diore ĩna tuorānutoni ito bajiro busiguĵi ĩ. ĩna tuoĭa oca sētoni ito yicōri ĩna wanutoni ito bajiro busiguĵi ĩ. ⁴ No gājerā oca ĩ masibiti Diore ĩ busija, buto busa ĩmasiti Diore masi waguĵi. Ito bajiro tuoyamani ĩ busija, tuobiticōri buto busa Diore masimenaji ĩna ĩja. Gājiaa Dios oca gotigu ĩna tuorisena ĩ gotija tuocōri, gājerā Jesure tuorānūrā buto busa ĩna tuorānuroca yami ĩ.

⁵ Sīgū rayabeto gājerā oca mua masibiti oca ñabojareti mua busija, quena ñaboroja yure. Ito bajibojarocati ĩ masibiti oca ñabojareti busigu rēto busaro ñasarise moami Dios oca gotiri masu. ĩ masibiti oca ñabojare busigu ĩ busirise masa ĩna tuo masitoni ĩ rogotija, ñasarise moami ĩ cuni. Ito bajiro ĩ yija Jesure masirā buto busa ĩre ĩna tuorānu waroca yami ĩ. Busi tiocōri ĩ rogotibejama tuo masimenaji ĩna. ⁶ Tuoya yu ñarā mua. Mua tu ejacōri mua tuobiti yu busija, ñe waja ma. Ñeja ejabuabetoja muare. Yu masiroca Dios ĩ yirise muare yu busija, muare ejabuaroja itiamā. Dios oca riojo ñasarise muare yu riasoja, iti cuni muare ejabuaroja.

⁷ Goti masiore ocana muare gotigu ya yu: Sīgū tērora ĩ jutū masibeja, “Iti basa menigū yami”, yi masimenaji mani. Arpa wame cutirisena queno ĩ basa meni masibeja, “Iti gaye basa menigū yami”, yi masimenaji mani. ⁸ Surarare jigū trompeta wame cutirica queno ĩ jutū masibeja, gājerā rāca gāmeri sīarona ña yucāmenaji ĩna. “Wadiru ĩna”, yi masibiticōri ña yucāmenaji ĩna. ⁹ Iti bajiroti bajia, gājerā oca mua masibiti mua busibojaja. Mua masibiti mua busija tuo masibiticōri, “Iti bajiro yireoni ña”, yi masimena yirāji gājerā. Ito bajiro mua busibojaja, mino bajiroti godacoaro yiroja. ¹⁰ Riti ña, adi macārūcārore jaje oca busia mani. Mani busirisere tuorā yirāji gājerā. ¹¹ Ito bajibojarocati sīgū yu tuobiti yure ĩ busibojaja jua daja gāmeri tuomenaji gua. ĩre tuo masibiticōri, “Gaje masu ñaguĵi”, yi tuoĭagū yiguĵa yu. Yure tuo masibiticōri ito bajiroti tuoĭagū yiguĵi ĩ cuni. ¹² Diore moa ĩsiroca Espiritu Santo ĩ yire āmorā ña mua. Ito bajiro āmorā ñari, “Gājerā Jesure tuorānūrāre gua ejabuaroja yiya”, yirona Espiritu Santore seniña.

¹³ Ito bajiri sīgū gājerā oca ĩ masibiti ĩ busija, ĩ rogoti masitoni Diore ĩsenija quena. ¹⁴ Diore rūcubogu gaje oca yu masibiti yu busija, Espiritu Santo ĩ ejabuarisena ito bajiro busiguĵa yu. Ito bajibojarocati, “Iti gayere busia yu”, yi masibicuja yu. Ito bajiri gājerā ĩna tuo masiroca yi masibicu yiguĵa yu. ¹⁵ Ado bajiro juaji gayena Diore yu busija quena. Espiritu Santona suoriti yu masibiti oca ñabojareti Diore yu busija quena. Ito yicōri gājerā ĩna tuotoni ĩna tuorisena Diore yu busija quena. Juaji gayena Diore yu basaja quena. Espiritu Santona suoriti yu masibiti oca ñabojareti Diore yu basaja quena, ito yicōri gājerā ĩna tuorisena Diore

yu basaja quena. ¹⁶ Diore rucubworã Espiritu Santona suoriti gãjerã ñna tuobiti riti mani busibojaja, “Iti gaye busirãji ñna”, yi masimenaji ñna. Ito bajiri ñna tuobeja, mani rãca cocati Diore rucubwo masimenaji ñna. ¹⁷ Manire tuobiticõri mani rãca cocati, “Queno ya Dios mu”, yi masimena yirãji ñna. Diore rucubworã, “Queno ya Dios mu”, mani queno yibojarocati, manire tuobiticõri buto busa Diore masibiti warã yirãji ñna. ¹⁸ Maa rëtoro gãjerã oca yu masibiti busia yu. Ito bajiri, “Queno ya Dios mu. Yu masibiti oca ñabojareti yu busiroca ya mu”, ya yu ñre. ¹⁹ Ito bajibojarocati Dios ya wi minijuacõri jaje maa tuobiti yu gotibojaja, ñe waja ma iti. Yu gotirisere tuomenaji maa. Maa ocana maa tuorise jabetacã yu gotibojarocati maa tuoja, iti ña yure buto busa quenarise.

²⁰ Rãca bajiro tuoñabesa yu ñarã maa. Ito bajibojarocati mutarãcã ñeñaro yibitiana bajiro maa ñaja quena. Bucurã bajiro queno maa tuoñaja quena. Bucurã maa ñajare, ito bajiro tuoñaja quena. ²¹ Dios oca tuti iti gotija, ado bajiro gotia: “Yu ñarãre gaje ocana ñnare busigu yiguja yu. Gaje masa yu ñarãre gaje ocana busironare cõagũ yiguja yu. Ito bajiro yu yibojarocati yure tuorñumena yirãji ñna”, yi gotia Dios oca tuti. ²² Diore ñna tuo ãmobetõ bajiroti tuo ãmomenaji Jesure tuorñumena cuni. Sigũ gãjerã oca ñ masibiti ñ busiroca Dios ñ yija, “Masigũ ñari manire waja senigũ yiguñi Dios”, Jesure tuorñumena ñna yitoni ito bajiro ñoguñi Dios. Gãjiama ñ oca goti masiroca Dios ñ yija, “Masigũ ñari manire ejabuaga yiguñi Dios”, Jesure tuorñurã ñna yitoni ito bajiro ñoguñi Dios. ²³ Ado robojua baja: Diore rucubworona minijua ñaraju, gãjerã oca maa masibiti maa busi ñaroca Dios ocare riasotimena, ito yicõri Diore tuorñumena cuni ñna ejaja, “Mecuri masaguti ñacõyijari ñna”, yirã yirãji ñna muare. ²⁴ Diore rucubworã maa minijua ñariju gãjerã Diore masimena ñna ejaja, Dios oca maa gotijama tuo masirã yirãji. Ito bajiri queno tuo masicõri, “Ñeñaro yigugo ñada yu cuni”, yi tuoñarã yirãji ñna. ²⁵ “Yu tuoñarã rudibojarisere masicõami Dios”, yirã yirãji ñna. Ito yicõri Diore rucubworona rijomunigãna ñini rufurã yirãji ñna. “Ñna rãca ñasacõami Dios”, yirã yirãji ñna muare.

Minijuacõri ado bajiro queno yiruja manire, yire gaye

²⁶ Tuoya yu ñarã maa. Ado bajiro baja: Maa coriarã minijuacõri basa ãmoa maa. Gãjerã riaso ãmoa maa. Gãjerã maa masiroca Dios ñ yirere goti ãmoa maa. Maa coriarã gãjerã oca maa masibitire busi ãmoa maa. Gãjerãre rogoti ãmoa maa. Quena ña ito bajiro maa yija. Dise ruyabeto maa yisotija, Diore tuorñurã buto busa ñna tuorñu waroca maa yija quena. ²⁷ Gãjerã oca maa masibiti maa busi ãmoja, jaarõna udiarõonati maa busija quena. Sigũ ñ busija bero, ito bero gãji, ito bero gãji maa busija quenaroja. Maa busija bero gãji ñ rogotija quena, gãjerã ñna tuotoni. ²⁸ Sigũ rogotigu ñ manija, minijuacõri gãjerã oca maa masibiti busibitiruja muare. Sigũ rogotigu ñ manija, masa ñna tiro riojo meje maa busija quena. Maa tuoñarise Diore maa busija quena. ²⁹ Maa masiroca Dios ñ yire maa goti ãmoja, jaarõna, udiarõonati busija quena. Sigũ ñ busija bero, ito bero gãji, ito bero gãji busija quena. Gãjerã muare tuo rujirã, “Riti Dios ocare busiama ñna”, yi tuoñarã bese rujirã yirãji ñna. ³⁰ Sigũ ñ busiroca gãji tuo rujigure ñ busiroti gaye tuoñarã bujaroca Dios ñ yija, busisõgu busi jidicãja quena, gãji ñ busitoni. ³¹ Queno gãji bero, gãji bero maa busija, maa Diore goti ñna masa sigũ ruyabeto busi masirã yirãji maa. Ito bajiro maa yija, sigũ ruyabeto busi masirã yirãji maa. Ito bajiro maa yija, buto busa Dios ocare masicõri tuoñarã oca são wanu jedirã yirãji maa. ³² Maa Dios oca goti ñsiri masa ñ oca maa gotija, rocati meje gotirã yirãji maa. “Ado bajiro goticaja yu”, yi tuoñarã maa gotija quena. Gãjerã ñna busiroca busibitiruja muare. Maa yuja quena. ³³ Ñe oca manoti mani minijua ticõri, manire wanugũ yiguñi Dios. Ito bajibojarocati mani busi riawusaja ticõri, wanubicu yiguñi Dios.

Ito bajiri gãjerã Jesure tuorñurã ñna minijua bajiro, ñe oca mano busi riawusare mano maa minijuasotija quena. ³⁴ Dios ya wi maa minijuaroca busire ma romiare. Ñna ñama ñna manujusabatiare cudirona. Umua ñama ñnare umatãrã. Ito bajiroti gotia Dios oca tuti. ³⁵ Ñna senña ãmoja, ñna ya wiju tudu ejacõri ñna manujusabatiare senñaja quena. Maa minijuari wiju romio sigõ iso busija, queno ejasabea.

³⁶ “Ado bajiro gotia Dios oca, yi goti rëtobu masirã ña gaa”, ¿yi tuoñarã maa? Ito bajirojua meje baja. Maa riti meje ña Dios oca boca ãmisoana. ³⁷ “Diore goti ñsiri masu ña yu”, sigũ ñ yija, “Mani Uju ñ rotiado bajiroti gotiami Pablo”, yi masigũ yiguñi ñ. Ito bajiroti yigu yiguñi gãji cuni, “Espiritu Santo rotirise busia yu”, ñ yi masija. ³⁸ “Dios oca gotigu meje ñami Pablo”, sigũ ñ yija, ñre cuni tuorñubeja quena.

³⁹ Tuoya yu ñarã maa. Ado bajirojua maa yija quena: “Dios oca yu goti masiroca ñ yire ãmoa yu”, maa yija quena. No gãjerã oca ñna tuobiti ñna busija, rëore ma. ⁴⁰ Ito bajibojarocati maa minijua ñari wiju gãjerãre rucubwoacõri sigũ ñ busiroca gãjerã busire ma. No maa yisotirise dise ruyabeto queno tuoñarã maa busija quena.

15

Mucana tãdi Cristo catire gaye

¹ “Masare masoroca goda İsiñi Cristo”, yi muare yu riasocatire itire tãdi mua tũoĩare ãmoa yu. Iti ocare iti ramuju boca ãmicãcu mua. Iti ocare boca ãmicõri Cristore tuorãnuu mua. ² Muare yu riasocatire mua tuorãnu jidicãbeja, Dios İ masoana ña mua İja. “Dios ocare tuorãnurã ña gua”, yibojarãti iti ocare queno tuorãnusamena mua ñaja, Dios İ masoana meje ña mua.

³ Oca buto ñasarise yu masiroca Dios İ yirere muare riasoca yu. Dios oca tuti iti gotiro bajiroti, “Mani ñeñaro yirise waja goda İsiñi Cristo”, yi muare riasoca yu. ⁴ “İre İna yujebojarocati udia ramu bero mucana tãdi catiñi Cristo”, yi muare riasoca yu. Dios oca tuti iti gotiro bajiroti muare riasoca yu. ⁵ Tãdi caticõri Pedrore goaioyiju Jesũs. Ito bero İ cũana jua gubojeno ñarãre goaioyiju. ⁶ Ito bero gãjerã quinientos ñarã rãto busaro İre tuorãnurãre goaioyiju Jesũs. İ goaioana jãjarã catiama maji. Gãjerãma godacoaõi. ⁷ Ito bero Santiagore goaioyiju. Ito bero İ oca goti ucutoni İ cũanare ñarocõreti goaioyiju.

⁸ İnare İ goaioja bero yure cuni susari goaioquĩ. İna bajiro ñasagu meje ña yu. Ñasagu meje yu ñajare İna bero yure cuni goaioşusaguĩ İ. ⁹ İ oca goti ucuroña İ cũana rãca corocõ ñasagu meje ña yu. Iti ramu Cristore tuorãnurãre queno yibiticu yu maji. İ ñarãre yu usirioro yi codejama İ oca yu goti ucuroca yibitiboru Dios. “Queno yu yigu ñajare yure beseñi Dios”, yi tũoĩabea yu. ¹⁰ Yure ti maicõri yure beseñi Dios, İre yu moa İsitoni. Quenoguti Dios İ yure yijare İre queno moa İsia yu. Ito bajiri, “Bujato baja. İre besebojacu yu”, yibeami Dios yure. Gãjerã Jesũs İ cũana rãto busaro Diore moa İsia yu. Ito bajibojarocati yuması meje Diore moa İsia yu. Yure ti maicõri İre yu moa İsi masiroca yami Dios yure. ¹¹ “Gãjerã rãto busaro Dios oca muare riasoca yu”, yu yija no yibea iti. Ado robojua ña ñasarise. Dios ocare tuocõri Jesure tuorãnujija mua. Itijua ña ñasarise.

Godabojarãti mucana tãdi mani catire gaye

¹² Gua Jesũs İ cũana sigũ ruyabeto corocõ gotia gua. “Godabojaguti mucana tãdi catiñi Cristo”, yi gotia gua. Muare ito bajiro gua yibojarocati, ¿no yija mua coriarã, “Godabojarãti mucana tãdi catiya ma”, yati mua? ¹³ Godabojarãti tãdi catire iti manija, Cristo cuni tãdi catibitiboru. ¹⁴ Tãdi İ catibeja, İ oca gua riasobojarise ñe waja manoja. İ tãdi catibeja, İre tuorãnubojarãti ya mua. İ manija İ manibojarocati İre tuorãnuboana mua. ¹⁵ İ tãdi catibeja, burãti Dios oca riasoboyija gua. “Tãdi Cristo İ catiroca yiñi Dios”, yicãcu gua. Godana mucana tãdi İna catibeja, Jesure cuni tãdi İ catiroca yibitiboru Dios. ¹⁶ Godana mucana tãdi İna catibeja, ito bajiroti Cristo cuni tãdi catibitiboru. ¹⁷ Cristo tãdi İ catibeja, İre tuorãnubojarãti ya mua. İ manija İ manibojarocati İre tuorãnuboana mua. Mani ñeñaro yirise waja, waja yi İsiroca godacõri İ tãdi catibeja, seti cutirã ñaboana mani maji. ¹⁸ Ito bajiro iti bajija, Jesucristore tuorãnucõri godana jeame ajuroju waboana İna. ¹⁹ Cristore tuorãnubojarãti tãdi mani catibeja, İre tuorãnumena rãtoro bojori bujarã ñaboana mani.

²⁰ Ado robojua baja: Cristo İ godabojarocati mucana tãdi İ catiroca yiñi Dios İja. Ito bajiri İ ñami cajero godabojaguti mucana tãdi catişoru. İna suoriti godana ñarocõti mucana tãdi cati jedirã yirãji. ²¹ Adãn ñayoru İ ñeñaro yirajuna suoriti godasuoñi adi sita gãna. Ito bajibojarocati Cristo tãdi İ catirajuna suoriti godabojarãti tãdi catirãji mani cuni. ²² Adãn ñayoru janerãbatia ñari goda jedirã yirãji mani. Ito bajibojarocati Cristore tuorãnurã ñari İna suoriti mucana mani catiroca yigu yiguji Dios. ²³ Dios İ amoro bajiroti mucana tãdi catirã yirãji masa. Cristo ñami cajero godabojaguti mucana tãdi catişoru. İja Cristo İ tãdi ejaroca İre tuorãnuoana mucana tãdi catirã yirãji. ²⁴ Ito baji ñaroca adi umuari jediro yiroja. İ wajana ñarocõreti rãtocũgã yiguji Cristo. Adi sita gãna ujarã, ito yicõri umacãju gãna ujarãre cuni rãtocũgã yiguji Cristo. Ito bajiro yicõri İre tuorãnurãre miojugu yiguji Cristo. “İna Uju ñasagu ñatiñama mu”, yirocu İ Jacu Diojuare İsigũ yiguji Cristo İre tuorãnuoanare. ²⁵ İ wajanare İ rãtocũroto riojua Uju İ ñaroca yigu yiguji Dios Cristore. Ito bajiro İ baji ñare amoguji Dios. ²⁶ İ wajana ñarocõreti rãtocũcõri masa İna godarise gaye itocõti gajanoagũ yiguji Cristo. Ito bajiri mucana tãdi godare mano yiroja. ²⁷ Dios oca tuti iti gotiro bajiroti jeyaro Uju ñarocure cũni Dios Cristore. “İ Jacu Uju ñami Cristo”, yireoni meje ña iti. İ Jacujua jeyaro Uju ñarocure cũni. ²⁸ Co ramu İ wajana jeyarore, ito yicõri ujarã jeyarore cuni İnare rãtocũgã yiguji Cristo. Ito bajiro yicõri jeyarore rotigu ñagũ yiguji Cristo. Iti ramuti İ roti masitoni Dios İ jidicãre tãdi İsigũ yiguji Diore. Ito bajiro İ yijare Dios İre cũru jeyaro, dise ruyabeto Uju ñagũ yiguji.

²⁹ “Godana mucana tãdi catimenaji”, gãjerã İna yibojarise gaye muare goti masio amoa yu. ¿No yija, “Godana mucana tãdi catimenaji”, yi tũoĩabojarãti idẽ guya mana godanare

yiarí idé gu Ísirá yati gâjerâ? Godana mucana tûdi İna catibejama, rocati bajiro İnare idé gu İsubojarâji İna.

³⁰ Dios oca yu riasoja, buto guijosotia yure, jâjarâ yure sİa âmorâ İna cunÿjare. “Riti godana tûdi catirâ yirâji İja”, yi tuoİacõri Dios oca riaso jidicâbea yu. ³¹ Riti muare gotia yu ñarâ yu. Co rumu ruyabeto yure sİa âmorâ cunİsotiamâ İna. Riti bajia iti. Gaje riojo gotia yu muare. “Yu riasocaire tuoõõri Cristore tuorûnûni Corinto cuto gâna”, yi muare tuoİacõri wanua yu. ³² Efeso cuto gâna yaiare bajiro guacõri yu tõbujaroca yicâ İna. Godabojarâti mucana tûdi mani catibeja, rocati Diore moa İsubocu yu. Ito yicõri tõbujabojagati, ñe bujabitibogaja yu. Godana mucana tûdi İna catibeja, Jesure tuorûnûmena İna tuoİado bajiro mani cunİ tuoİaja quenabo. Ado bajiro yi tuoİama İna: “Yoari mejeti godarâ yirâji mani. Ito bajiri mani âmore bajiroti wanuraja mani, baraja mani, idiraja mani”, yi tuoİabojama İna.

³³ Ito bajiro ruo gotirâre tuorûnûbesa. Ado bajirojua ya yu muare: “Ñeñaro yirâ râca mua baba cutija, queno yirâ ñabojarâti İna bajiroti ñeñaro yirâ yirâji mua cunİ”, ya yu muare.

³⁴ Tûdi queno tuoİa quenocõri quenarise riti yiya mua. Mua ñeñaro yirisere jidicâña. Mua coriarâ Diore masirâ meje ña mua. Mua bojo bujatoni ito bajiro ya yu.

Godabojarâti mucana tûdi İna catire gaye

³⁵ Ado bajiro yure seniârâ yirâji gajea coriarâ: “Godana ñabojarâti, ¿no bajiro tûdi catirâ yirâjida? Ito yicõri, ¿no bajiro ruju catirâ yirâjida İna?” yi yure seniârâ yirâji gajea coriarâ.

³⁶ Ito bajiro yure seniârâ queno tuoİamena ñama İna. Ado robojua baja: Aje mani oteja, joe gayeti jogaro yiroja. Ito bajibojarocati gudajubero gaye judi mujaroja. ³⁷⁻³⁸ Trigo ajeri, gaje ote ajeri mani oteja, rujagu meje otea mani. Mani oteja bero rujagu iti ñatoni Dios İ âmore bajiroti menigû yiguÿji İ. Ote ajeri iti ñaro bajiroti iti judiroca yigu yiguÿji Dios. Maniama ajerigoti otea mani. Dios ñami iti judiroca yigu. ³⁹ Mani catirâ jeyaro ricati riti ruju cutia mani. Tite mua. Wai, waiucurâ, wutirâ, mani masa cunİ ricati riti ruju cutia. ⁴⁰ Ito bajiroti ûmacûju gâna cunİ ricati riti ruju cutirâji. Mani adi sita gâna ricati riti ruju cutia mani. Mani adi sita ñarâ quenari ruju, ruju cutia mani. ûmacûju gâna cunİ manire bajiro ruju cutibitibojarâti quenari ruju, ruju cutirâji İna cunİ. ⁴¹ ûmua gagu İ busurise bajirise meje busuami ñami gagu cunİ. Ricati busuami. Ito bajiroti ñocõa cunİ ricati busuama. İna ñocõa comasi cunİ ricati riti busuama. ⁴² Ito bajiroti bajirâ yirâji mani. Godabojarâti mucana tûdi caticõri ricati ruju cutirâ yirâji mani. Sigû godarure mani yujeja, İ ya ruju jogacoaro yiroja. Tûdi catiroca Dios İ yija, tûdi godare mano yiroja İre. ⁴³ Sigû godarure mani yujeja, jogari rujare yujea mani. İ tûdi catiroca Dios İ yija, seyori ruju, ruju cutigu yiguÿji. Queno ruju seõgure meje yujea mani. Ruju seõbiti ruju yujea mani. Ito bajibojarocati tûdi catiroca Dios İ yija, seõri ruju, ruju cutigu yiguÿji İ. ⁴⁴ Adi sita ñarâ mani ruju cutirisere İna yujeja, jogari rujare yujerâ yirâji İna. Ito bajibojarocati mani tûdi catiroca Dios İ yija, jogabiti ruju bujarâ yirâji mani. Adi sita ñarâ jogari ruju, ruju cutia mani. Mani godabojarocati mani ya usiama godabetoja. ûmacûju Dios tu ejacõri jogabiti ruju, ruju cutirâ yirâji mani.

⁴⁵ Ado bajiro gotia Dios oca tuti: “Cajero ûmugû ñasurõu, Adân ñayorõ Dios İ rujeorõ ñayiju. İ catiroca yiyiju Dios”, yi gotia Dios oca tuti. Adân bero gagu ñabojagati İ rëtoro ñasagu ñami Cristo. İ ñami mani catiÿñaroca yigu. ⁴⁶ Adocâta mani ruju cutirise jogari ruju ña. Ito bajibojarocati ûmacûju Dios tu ejacõri jogabiti ruju bujarâ yirâji mani. ⁴⁷ ûmugû ñasurure sitana rujeoyiju Dios. Ito bajiri adi sita gagu ñayiju İ. İ bero gagu Cristoama ûmacûju gagu wadiru ñayiju. ⁴⁸ Adi sita ñarâ cajero ñasurõu sitana rujearu robo bajiro ruju cutia mani. ûmacûju Dios tu mani waja ito gagu wadiru Cristo robo bajiro ruju cutirâ yirâji mani. ⁴⁹ Adi rumari Adân ñayorõ bajiro ruju cutia mani. Ito bajibojarocati Dios tu ejacõri Cristo bajiroti ruju cutirâ ñarâ yirâji mani İja.

⁵⁰ Ado bajiro goti âmoa yu ñarâ yu muare: Adocâta mani ya ruju wirowi, rí cunİ ña manire. Ito bajiri ruju ûmacûju Dios İ rotiroju ña masibetoja. Adocâta mani ruju cutiri ruju yoari ñabetoja. Ito bajiri Dios râca catiÿñarona ruju jogabiti ruju mani ruju cutija quena. ⁵¹ Gâjerâ İna masibitire muare gotigu ya yu. Jeyaro meje godarâ yirâji. Ito bajibojarocati mani sigû ruyabeto ruju wasoarâ yirâji mani. ⁵² Cajea mani yabi yiro bajiro ejaroti rujare wasoagu yiguÿji Dios. Ito bajiro bajiro yiroja sasari rumu. Trompeta wame cutirica jutiraga oca ruyuro yiroja. Iti oca ruyuroca godana tûdi catirâ yirâji. Ito yicõri tûdi godare mano yiroja İnare. Iti rumari cati ruyarâre İna ya rujarire wasoagu yiguÿji Dios. ⁵³ Mani ruju cutirise jogarise ña. Ito bajiri Dios râca mani catiÿñatoni manire ruju wasoagu yiguÿji Dios. Adocâta mani ruju cutirise godacoaro yiroja. Ito bajiri tûdi mani godabitiõni mani ya rujare wasoagu yiguÿji Dios. ⁵⁴⁻⁵⁵ Adocâta mani ruju cutiri ruju godacoaro yiroja. Mucana tûdi godabiti ruju Dios İ manire wasoaja, Dios oca tuti iti gotiãdo bajiroti rëtarõ yiroja. Ado bajiro gotia iti: Mani godarise jediroca yami Dios İja. Ito bajiri mucana tûdi godamenaji mani. “Tõbujacõri goda wacu ya yu”, yi tuoİa guire ma İja. ⁵⁶ Ñeñaro yisotirâ ñari godarâ

yirāji mani. Dios ĩ rotirisere cādimena ñari, “Ñeñaro yirā ña gua”, yi tuoĭa mani. Ñeñaro mani yirisere mani coe rotibeja godacōri, bũto tōbujarā yirāji mani. ⁵⁷ Ito bajibojarocati mani Ũju Jesucristore mani tuorānũja, ĩ godarena suoriti jeame ũjuroju mani waborere rētogũ yiguũji Dios. Godabojarāti caticoarā yirāji mani. Itire tuoĭa wanucōri, “Queno ya Dios mu”, ya mani.

⁵⁸ Ito bajiri Jesucristore tuorānũ jidicābitiruja yu ñarā manire. Ito yicōri ĩre moa ĩsi jidicābitiruja manire. “ĩre mani moa ĩsija queno manire waja yigu yiguũji Dios”, yi tuoĭa mani. Ito bajiri mani Ũjũre mani moa ĩsija rocati meje moarā yirāji mani.

16

Gājerāre ejabuaronā mani niyeru miojure gaye

¹ Gājerā Jesure tuorānũrāre ejabuaronā niyeru mua miojuroti gaye muare busigu ya yu adocāta. Jesure rūcubũorona ĩna minijua ñaroca, Galicia sita gānare niyeru yu mioju rotiado bajiroti muare cuni niyeru mioju rotia yu. ² Ado bajiro muare mioju rotia yu: Coji tujacāra rumu ruyabeto mua buja sosaro bajiroti jabetacā ĩsija quena. Itire miojucōri cojati seoba. Ito bajiro mua yija, yu ejari rumu ñacāro yiroja. ³ Mua tu ejacōri niyeru āmi warona mua beseanare, “Jerusalén gānare niyeru ĩsitēña”, yirocu ĩnare wa rotigu yiguja yu. Ito bajiri mua miojure gaye āmi wacōri ito gāna Jesure tuorānũrā bojoro bujarāre ĩsirā yirāji ĩna. “Āna ñama queno yirā. ĩnare boca āmiña mua”, yi papera uca ĩsigũ yiguja yu Jerusalén gānare ĩna ĩo ejatoni. ⁴ “ĩna rāca waruja yure”, yu yi tuoĭaja, ĩnare ũmatā wacu yiguja yu.

Waroca Pablo ĩ tuoĭare gaye

⁵ Adona wacōri Macedonia sitaju ejagu yiguja yu. Itona wacōri mua cuto Corintoju ejagu yiguja yu. ⁶ Yoari mua rāca ñagũ yiguja gajea yu. Juebucu ñarocōti mua rāca ñagũ yiguja gajea yu. Ito bero gaje cuto yu wa masitoni yure mani gaye yure mua ĩsi ejabuaja quena ñaroja yure. ⁷ Ejori oca mua tu ti rēta āmobeja yu. Mani Ũju ĩ āmoja, yoari mua tu ña āmoja yu. ⁸ Ito bajibojaguti coji wabeja yu maji. Adi cuto Efeso, itiri Pentecostés basa ito rētaja bero wacu yiguja yu. ⁹ Ado ñacōa āmoja yu maji. Jājarā yure ti tudirā ñabojarāti, Dios oca yu riasoja jājarā ñama queno tuo āmorā.

¹⁰ Timoteo mua tu ĩ ejaja, queno boca āmima ĩre. Mua rāca ĩ wanatoni, ĩ tuoĭa oca jaibe yirona, queno ĩre boca āmima. Mani Ũjũre moa ĩsiguti ñami ĩ cuni, yu robo bajiroti. ¹¹ Ito bajiri ĩre mua rūcubũore āmoja yu. ĩre bocatia yu, ito yicōri Jesure tuorānũrā ĩ rāca gānare cuni. Ito bajiri mua tu ĩ ejaja, ĩre ejabuaya, yure rēta tigu ĩ ejatoni.

¹² Mani yagu Apolosre gājerā Jesure tuorānũrā rāca ĩre josabojacu yu, mua tu ĩ tigu watoni. Ito bajiro yu yibojarocati “Adocāta yu ware āmoguũji Dios”, yi tuoĭabeami maji. Ito bajiri, “Yu ware quena”, ĩ yi tuoĭari rumu mua tu tigu wacu yiguũji ĩ.

Quenajaro masa, Pablo ĩ yi ñucare gaye

¹³ Queno tuoĭacōri ña yucāña mua. Ito yicōri mani Ũju Jesucristore tuorānũ jidicābesa mua. Ũmua seoro queno mua usi cuti ñaja quena. Ito yicōri tuoĭa oca seoña mua. ¹⁴ Dise ruyabeto Diore mua moa ĩsitorise gājerāre ti maicōri ĩre moa ĩsija quena.

¹⁵ Acaya sita gagu Estéfanos ĩ ñarā rāca cajero Dios oca yu riasocaire boca āmisuocu ĩ. “Ito bajiroti bajicu”, yi tuoĭarāji mua. Adi rumuri gājerā Jesure tuorānũrāre ejabuaronā Diore moa ĩsirā yama ĩna. ¹⁶ ĩnare mua rūcubũo cadire āmoja yu. Ito yicōri no ĩna bajiro Diore moa ĩsicōri mua rāca moarāre mua rūcubũo cadire āmoja yu. ¹⁷ Mua ñarā Estéfanos, Fortunato ito yicōri Acaico ĩna ejaja bũto wanua yu. Sōju ñacōri yure ejabuā masibeja mua. Ito bajiri muare yiari yu tu ejacōri yure ejabuama ĩna. ¹⁸ Mua oca seoroca ĩna yiado bajiroti yu tu ejacōri yu oca seoroca yama ĩna. Ito bajiro yirāre mani rūcubũoja quena.

¹⁹ Asia sita gāna Jesure tuorānũrā, “Quenajaro”, yi ñucama muare. Aquila ĩ manajo Priscila ĩna ya wi minijuarā cuni mani Ũjũre tuorānũrā ñari, “Quenajaro”, yi ñucama ĩna muare. ²⁰ Ado gāna manire bajiro Jesure tuorānũrā, “Quenajaro”, yi ñucama muare. Diore rūcubũorā ñari, “¿Nati mua?” yicōri gāmeri mua jababare āmoja yu.

²¹ Yumasiti, “Quenajaro”, yi uca ñuca yu muare.

²² No mani Ũju Jesucristore maimena jeame ũjuroju warā yirāji. Mani Ũju ĩ tũdi ejare āmosacōa yu.

²³ Mani Ũju Jesure senia yu muare queno ĩ yitoni. ²⁴ “Jesucristore tuorānũrā mua ñajare, muare bũto tuo mala yu”, yi ñuca yu muare. Itocō ña.

Segunda carta de San Pablo a los Corintios

Corinto cuto gånare Pablo i papera cõare gaye

¹ Ñati yu ñarã mua. Yu robo bajiroti Jesucristore tuorũnurã ña mua cuni. Yu ña Pablo adi papera muare cõagũ. Jesucristo ocare yu goti ucutoni i cũru ña yu. Dios i ãmojare ito bajiro yure cũquĩ Jesucristo. Mua Corinto cuto gãna Diore rucũbuorã minijuasotia mua. Adi papera cõa yu muare. Mua Acaya sita gånare cuni Diore rucũbuorã mua ñajare adi papera cõa yu. Mani yagu Timoteo rãca adi papera muare cõa yu. ² Muare yiari mani Jacu Dios, ito yicõri mani Eju Jesucristore cuni seni isia yu. Muare ña queno yitoni ñnare senia yu. Mua ya usiju queno mua wanu quenatoni muare yiari ñnare seni isia yu.

Pablo i tuoia bujatobitire gaye

³ Mani Eju Jesucristo Jacure rucũbuoraju manire. Mani Jacu ñari manire ti maigũ yiguuji Dios. Ito bajiri mua tuoia bujatobitibe yirocu mani rãca ñatĩñagũ yiguuji i. Ito bajiro bajigu i ñajare ire rucũbuoa mani. ⁴ Disejua ruyabeto mani bujatobitija i tuoiarisena mani rãca ñatĩñagũ yiguuji Dios. Ito bajiroti manire yigu yiguuji Dios, “Gãjerã ña tuoia bujatobitija ñnare ejabuajaro”, yirocu. Mani tuoia bujatobitija manire Dios i ejabuarõ robo bajiro gãjerãre mani ejabuaja quena. ⁵ Mani ye waja buto tuoia bujatobisiju Cristo. Manire cuni tuoia bujatobitiroca yirã yirãji masa. Ito bajibojarocati Cristo i goda isiana mani ñajare mani tuoia bujatobitija, i tuoiarisena mani rãca ñatĩñagũ yiguuji Dios. ⁶ “Jesucristore mua tuorũnaja, muare masogũ yiguuji Dios”, yi masare yu riasojare buto yu tuoia bujatobitiroca yama gãjerã. Ito bajiro yure ña yibojarocati masare yu riaso jidicãbititoni yure ejabuami Dios. Ito bajiri tuoia bujatobitigoru ñari mua tuoia bujatobitija muare ejabuã masigũja yu. “Yu ñemecutiroca Dios i yure yiado bajiroti mua ñemecutiroca yigu yiguuji Dios”, yi tuoia yu. ⁷ “Diore queno tuorũnurã ñama Corinto cuto gãna”, yi tuoia yu muare. Yu tuoia bujatobitiado bajiroti tuoia bujatomena yirãji mua cuni. Ito bajibojarocati, “Yure i ejabuado bajiroti muare cuni ejabuagu yiguuji Dios”, yi tuoia yu. “Diore jidicãmena yirãji ña”, yi tuoia yu muare.

⁸ Tuoya yu ñarã mua. “Asia sitaju ñagũ jaje oca josarise gaye rãtañi Pablo”, mua yi tuoiare ãmoa yu. Ado bajiro bajicu. Itoju buto tuoia bujatobiticu yu. “Ñemecutiado ma yu”, yi tuoia yu. “Catigu yigũja yu”, yi tuoiare manicu yure. ⁹ “Pablõre siana mani”, ña yire masicãcu yu. “Yure ña sãroti yumasiti camota masibeã yu”, yi tuoia yu. Ito bajiro rãtacu yure, Diore riti yu tuorũnãtoni. “Dios ñami godarãre mucana tãdi catiroca yigu. Ito bajiri i sigũti ñami yure maso masigũ”, yu yi masitoni, ito bajiro rãtacu yure. ¹⁰ Yure ña sã ãmobarocati yure queno ejabuãquĩ Dios. Ito bajiri yure sã masibiticã ña. “Ito bajiro riti yure ejabuãsotigu yiguuji Dios”, yi tuoia yu. Yu tuoiarise Diore riti ña yure. “Yure ejabuãsotigu yiguuji Dios”, yi tuoia yu. ¹¹ Yure yiari Diore seni isia. Ito bajiro yure mua ejabuãre ãmoa yu. Ito bajiro mua yija queno yure ejabuãgu yiguuji Dios. Mua jãjarã yure seni isirena suoriti yure ejabuãgu yiguuji Dios. “Pablõre queno ejabuãmi Dios”, yi ti masicõri jãjarã masa, “Queno ya Dios mu”, yirã yirãji ña ire.

Corinto cutoju Pablo i wabitire gaye

¹² Gaje gaye tuoiaõri wanuã yu. Ado bajiro baja ito yu wanurise. “Dios i ãmoro bajiro masare queno yicu yu”, yi tuoiaõri wanuã yu. “Masare ruogu meje ña yu. Corinto cuto gãna rãca ñagũ ñnare queno Dios oca riasocu yu”, yi tuoia yu. Yure queno yicõri, gãjerãre yu queno yi masiroca yĩni Dios. Yu masirisena meje ito bajiro yicu yu. Dios i masirisena ito bajiro yicu yu. ¹³ Adi papera yu ucarise riojo gotia yu. Ruore ocana meje muare uca yu. Mua tuo masirotire uca yu. Ito bajiri queno mua tuo masi jeore ãmoa yu. ¹⁴ Ado yu yirisere queno tuo masi jeobeã mua maji. “Ado bajiro bajigu ñami Pablo”, queno yi masi jeobeã mua maji. Yure mua queno masija, mani Eju Jesucristo i tãdi ejari ramu, “Guare queno riasoquĩ Pablo”, yi tuoia wanurã yirã yirãji mua. Muare ito bajiroti wanugũ yigũja yu cuni. “Queno cudirã ñama ña”, muare yi tuoiaõri queno wanugũ yigũja yu.

¹⁵ “Yure wanurã yirãji”, yi tuoiaõri, “Juaji ña tu tigu warũja yu”, yi tuoia yu muare. Ito bajiri juaji yure ti wanurã yirãji mua. ¹⁶ Ado bajiro tuoiaõcu yu: “Macedonia sitaju wacu, ñnare ti rãta wacuja yu. Mucana tãdi wadigu ñnare ti rãta wadicuja yu”, yi tuoiaõcu yu. “Ña tu ejacõri, Judeã wame cutiri sita yu ejatoni yure ejabuãrã yirãji ña”, yi tuoiaõcu yu muare. Ito bajiro tuoiaõjaguti mua tu eja masibiticu yu. ¹⁷ Mua tu yu eja masibejare, “Buguti yami Pablo”, yure mua yire tuoã yu. Diore masimena ña ruoro bajiro yibeã yu. “Ito bajiro yigu ya yu”, yibojaguti gajero bajiro yigu meje ña yu. “Ado bajiro yicuja yu”, yu yija ñaro bajiroti yigũja yu itire. ¹⁸ Mani Jacu Dios riojo gotigu ñami. Yu cuni riojo gotigu ña. “Ado bajiro yicuja”, yu

yija, gajero bajiro yibe ya. “Ito bajiro bajigu ñami”, yi tuoŋaguŋi Dios yure. ¹⁹ Jesucristo Dios Macare cudigu ñari ito bajiro ya ya. Yu Pablo, Silvano cuni, Timoteo cuni, Jesucristo gayere muare goticu gua. “Ado bajiro yicaja ya”, Cristo i yija, ito bajiro ti yiyija. Riojo gotisotiyija i. ²⁰ “Ado bajiro queno masare yicaja ya”, Dios i yire, i Macu Jesucristona suoriti rētayiju iti. Itire masicōri, “I yiro bajiro ti yisotigu yiguŋi Dios”, yi wanua mani. Ito bajiro mani tuoŋaja, Diore rucuborā ya mani. ²¹ Jesucristore mani tuorānu jidicābete yigu ñami Dios. I ñarā mani ñaroca yami Dios. Jesucristo oca mani gājerāre gotitoni manire cūni Dios. ²² “Dios ñarā ñama ña”, gājerā ña manire yi ti masiroca ñare yigu ñami Dios. Mani ya usiju Espiritu Santo queo sāni Dios. Ito bajiro i yija, “I ñarā ña mani”, yi tuoŋa mani ija. “Masare queno yicaja ya”, i yiado bajiro ti manire queno yigu yiguŋi Dios”, yi tuoŋa mani.

²³ “Yu tiro riojo ña bojobe yirocu ña tu wabiritaja yure”, yi tuoŋacōri mua tu wabiticu ya maji. “Diore queno cudibea mua”, yi amobiticu ya. Ito bajiri muare tigu wabiticu ya maji. Riojo muare ya gotibeja cuni, “Tuoŋa bujatobitijaro”, Dios i yija cuni quena ñaboroja yure. ²⁴ “Ado bajiro Diore rucubore ña iti”, muare yi roti amobea ya. “Diore queno tuorānurā ñama ña”, yi tuoŋa ya muare. Mua bojori bujaroca yi amobea ya. Buto busa wanu quenajaro ña, yirocu muare riaso ya.

2

¹ Itire tuoŋagū, “ña bojori bujabe yirocu ña tu tigu wabea ya”, yi tuoŋacu ya. ² Mua bojori bujaroca ya yija, mua sigūjama ya wanuroca yigu maniboguŋi. Mua ña ya queno wanu quenaroca yirā. Ito bajiri mua bojori bujaroca yi amobea ya. ³ Mua bojori bujabe yirocu mua tu wabiticu ya. Papera riti muare cōacu ya maji. Mua tu ya ejaroto riojua oca queno amogū, “Ado bajiro mua yire amoa ya”, yi papera cōacu ya muare. Mua tu ejacōri mua bojori bujare ti amobea ya. Mua tu ejacōri mua wanure ti amoa ya. “Yu wanuja ticōri, wanurā yirāji ña cuni”, yi tuoŋa ya. Ito bajiri mua tu ya waroto riojua oca quenogū muare papera cōacu ya. ⁴ Iti rāmu ti muare papera cōagū buto tuoŋacu ya. Yu ya usiju bojori bujacōri, buto oticu ya. Mua bojori bujajaro, yirocu meje ti muare papera cōacu ya. “Manire ti mai ñaŋi Pablo”, mua yi masitoni muare papera cōacu ya iti rāmu.

Ñeñaro yire ācabojoja, Pablo i yire gaye

⁵ Mua wato gagu ñeñaro i yire tuoŋacōri bojori bujacu ya. Yu sigū meje bojori bujacu. I ñeñaro yire ticōri bojori bujana mua cuni. Buto busa i bujatobitiroca mua yire amobea ya. ⁶ Minijuacōri i ñeñaro yire waja i tuo bujatobitiroca yiyija mua. Ito bajiro yicōri ire bucōayija mua. Itocōti i bujatobitiroca mua yire amoa ya. ⁷ Ito bajiri adocāta i ñeñaro yirisere mua ācabojoje amoa ya. “Mu ñeñaro yirise mare ācabojoa gua. Macana gua rāca mu ñare amoa gua ija”, ire yi mua baba cūtre amoa ya. Ito bajiro mua yibeja, yoari bojori bujacōri Cristore suya jidicāgū yiguŋi gajea. ⁸ Ito bajiri macana ire mua ti maire amoa ya. “Gua rāca mu ñare amoa gua”, yi ire mua baba cūtre amoa ya ija. ⁹ Iti rāmuju iti gaye muare papera cōacu ya. “Yu rotirise ña cudi jeoja ticaja ya”, yi tuoŋacōri papera cōacu ya muare. ¹⁰ I ñeñaro yirise mua ācabojoja, ya cuni ire ito bajiro ti ācabojoja yiguja ya. Iti rāmu i yure ñeñaro yibojarocati, ito bajiro yicaja ya, sigūre bajiro mua tuoŋa wanutoni. Ito bajiro ya ya Cristo i tiro riojo. ¹¹ “Sigūre bajiro mani tuoŋabitiroca yi amoami rāmāa ŋu Satanās manire”, yi tuoŋa mani. Ito bajiri sigūre bajiro tuoŋacōri mani gāmeri ācabojoja quena. Ito bajiro mani yija, manire rētoču masibiquŋi Satanās.

Troas cuto ejacōri Pablo i bujatobitire gaye

¹² Gaje gaye muare goti amoa ya. Ado bajiro baja iti. Troas wame cūtri cuto ejacōri queno Cristo oca masare riasocu ya. “Guare gotibesa”, yibiticā masa. Queno yure boca amicā ña. Ito bajiri Jesucristo i ejabuarisena suoriti masare queno riaso masicu ya. ¹³ Masare queno riasobojaguti ya ya usiju buto tuoŋacu ya. Mani yagu Titore ti bujabiticōri ya ya usiju buto tuoŋacu ya. Ito bajiri Titore amarocu ñare ware goticōri Macedonia sitaju wacu ya.

Cristore mani tuorānurā rētočurā mani ñaroca Dios i yire gaye

¹⁴ Jesucristore tuorānucōri ya ñeñaro yirisere rētoču masia ya. Ito bajiro ya baji ñaroca Jesucristo rāca ya baba cūti wanuroca yini Dios. Ito bajiro Dios i yijare, “Queno ya Dios mu”, ya ya ire. Adi rāmari no ya riaso ucurijati, Jesure masa ña tuorānuroca yami Dios. Suti quenarise iti suti bataro bajiro coju ruyabeto Dios oca bata ejaro ya. ¹⁵ “Masa ña ñeñaro yirise waja goda isigū yami ya Macu”, yi ticōri wanuyija Dios. Jesucristo oca masare mani riasoja ticōri, manire wanagū yiguŋi Dios. Coji ruyabeto masare mani Dios oca riasoja, masa jeyaro i oca masirā yirāji. Jeame ŋjuroju warona cuni, jeame ŋjuroju ña wabore ñaroca Dios i masoana cuni i oca masirā yirāji ija. Masare Dios oca mani riasoja queno sutiro bajiro baja ire. Ito bajiro masare mani gotija ticōri, wanagū yiguŋi Dios. ¹⁶ Jeame ŋjuroju warone Dios oca ya riasoja, ŋnirise queno suti quenabiti robo baja ñare. Jeame

ajuroju ina wabore naroca Dios i masoana i oca yu riasoja, Inareama queno suti quenaro robo bajiro bajia. “Dios ocare yu tuorunuja catitfifagū yiguja yu”, yi tuoīama Inama. Yure Dios i ejabuabojama i oca gotiada ma yu. ¹⁷ Niyeru bujarona riti masare Dios oca riasorā jājarā ņama Ina. Dios oca ņasarise meje riasoama Inaona. Riojo meje riasoama Ina. Ina amoro bajiroti riasobojama. Inare bajiro meje riasoa yuama. Dios i tiro riojo queno tuoīacōri masare riasoa yu. Cristo oca yu riasotoni Dios i cūru ņa yu. I oca queno masare riasoa yu. “Queno masare riasoami Pablo”, yi tiguji Dios yure.

3

Ado bajiro bajia mame oca, Pablo i yire gaye

¹ Yure queno busijaro, yirocu meje iti gotia yu muare. “Āni ņami queno Dios oca riaso masigū”, yi gāji i papera ucaja, “Guare iogū yiguji Pablo”, ŷyire masiati mua? Yure masicā mua. Ito bajiri muare ioado ma yu. Gājerā ire boca amitoni, “ Āni ņami queno Dios oca riaso masigū”, manire yi uca rotigū yiguji Pablo”, ŷyire masiati mua? “Queno Dios oca riaso masiati”, yi masicārāji masa yure. ² Ado bajiro bajia: Mua ņeņaro yirisere jidicācōri gaje mua wasoaja ticōri, “Dios oca Inare queno riasoņi Pablo”, yi tuoīarā yirāji masa jeyaro. “Pablo i riasore tuorunucōri gaje wasoani Ina”, yi ti masirā yirāji masa muare. ³ Mua tu gāna masa, “Ito bajiro bajirā ņama Ina”, yi ti masirā yirāji Ina muare. “Pablo i riasore tuorunucōri gaje tuoīare wasoani Ina”, yi masa Ina tire amoguji Cristo. Ito bajiro Ina yi masitoni papera cōabisī Cristo Inare. Gūta jāina ucacōri cūni Inare cōabisī i. Ado bajirojua bajia: Mua ya usiju Espiritu Santo queo sāni Dios catitfifagū. Ito yicōri gaje tuoīare wasoani Dios muare. Ito bajiro yiņi Dios, “Cristo ņarā ņama Ina”, yi masa Ina muare ti masitoni.

⁴ Masare Dios oca yu riasoja, Jesucristo i ejabuarisena ito bajiro riasoa yu. Ito bajiri, “Masare queno riasoa yu”, yi tuoīa yu Dios i tiro riojo. ⁵ Ito bajiro yibojaguti, “Yurio yu masirise masare riasocu yu”, yibea yu. Ado robojua bajia: Dios i ejabuarisena riti masare queno riaso masicū yu. ⁶ Dios ņami i ye yu tuo masiroca yigu. Ito bajiri Dios oca i mame wasoare goti rēto bu masia yu. “No yu rotirisere cudi jeobicuti i godaja jeame ajuroju wacu yiguji”, yi gotia bucu oca. Mame oca i wasoare bucu oca ucare bajiro meje bajia. Mame oca i wasoareama ado bajiro bajia: “No Espiritu Santore boca amirā yure cudi masirā yirāji Ina”, yi gotia Dios oca mame i wasoare. “Espiritu Santona suoriti catitfifarā yirāji Ina”, yi gotia Dios oca.

⁷ Jane mejeju i rotirise jidicāyiju Dios Moisés ņayorure. I rotirise gūta jāiriju ucare ņayiju. Iti i isiri rumu buto guijorise rāca ejayiju. Ado bajiro bajiyiju iti: Dios rotirise boca amicōri Moisés ya rio buto yoyiju. Buto i ya rio iti yojare i ya rio ti masia mano bajiyiju Israel sita gānare. I ya rio buto yobojaguti yolari mejeti macana yo jidicāsuoyiju. Dios rotirisere cudi jeo masibiticōri bojori bujayijarā Ina. “Goda warā ya mani”, yire masiyijarā Ina. ⁸ Espiritu Santo quedi sāja ecoana mani ņajare ņeņaro mani yirisere ācabojoru Dios. Ito bajiri, “Bucu oca rēto busaro ņasarise ņa mame oca Dios i wasoare”, yi tuoīa mani. ⁹ Buto guijorise rāca bucu oca iti ejabojarocati iti oca queno cudi jeo masibisijarā masa. Itire cudi jeo masibiticōri, “Godarā ya mani”, yiyijarā Ina. Bucu oca rēto busaro ņasarise ņa mame oca Dios i wasoare. Mame oca i wasoarena ado bajiro gotiami Dios: “No Espiritu Santo quedi sāja ecogu ņe seti macu ņami i”, yi gotiami Dios i ocana. ¹⁰ Jane mejeju Moisés ņayoru i rotirise buto rucubuo yijarā masa. Buto iti rucubuo ņabojarocati, rētoro rucubuo ņa mame oca Dios i wasoare. Moisés ņayoru i rotigore jedi wayiju Ija. Ito bajiri mame oca Dios i wasoare ņa buto mani rucuburoti. ¹¹ Moisés ņayoru i rotirise buto rucubuo ņabojaroti yolari sejabisiju. Mame oca Dios i wasoareama jedibeto yiroja. ņatfifaro yiroja. Mame oca Dios i wasoare mani tuorunuja, catitfifarā yirāji mani. Ito bajiri bucu oca rētoro ņasarise ņa mame oca Dios i wasoare.

¹² “Buto ņasarise ņa Dios oca”, yi tuoīa yu. Ito bajiri guigu meje Dios oca masare buto riasoa yu. ¹³ Moisés ņayoru bajiro meje bajia yu. Dios rāca i busija bero i ya rio sayana camotayiju Moisés ņayoru. I ya rio yorise iti jedi waja tibe yirocu camotayiju Moisés ņayoru. ¹⁴ Jane mejeju cūni Dios oca tuorunū amobisijarā judio masa. Ito bajiri i oca tibojarāti tuo masibisijarā. Adi rumari cūni ito bajiroti bajicōama Ina. Moisés ņayoru i ucare Ina tibojaja cūni tuo masibeama Ina. Cristore tuorunurā riti Dios oca ticōri ti masiama Ina. ¹⁵ Ito bajiri Cristore tuorunūbiticōri Dios ocare tuo masibeama judio masa. Ito yicōri Moisés ņayoru i ucare riasotibojarāti itire tuo masibeama Ina maji. ¹⁶ No mani ņju Jesucristore boca amigūti, Dios ocare tuo masigū yiguji. ¹⁷ Jesucristo mani ņju, ito yicōri Espiritu Santo cūni coro bajiroti bajirā ņama Ina. Ito bajiri Espiritu Santo quedi sāja ecoana ņari, “Jesucristore mani tuorunuja, catitfifarā yirāji”, yi tuoīa mani. “Moisés ņayoru i rotirise yu cūdia, yure masogū yiguji Dios”, yi tuoīabea mani. ¹⁸ Jesucristore tuorunurā ņari, “Iti ņami rētoro quenagū”, yi tuo

masia mani. Itire tuo masicōri ĩre riti tuoĭa mani. Ito bajiro ĩre tuoĭasoticōri co rumu ruayabeto buto busa ĩre bajiro haji waju mani. Espiritu Santo quedi sãja ecoana ñari Jesucristo bajiro mani haji waroca yami.

4

¹ Yure ti maicōri ĩ oca masare yu riasotoni yure cūñi Dios. Ito bajiro yure ĩ yija, oca sēoa yu. Ito bajiri ĩ oca riaso jidicābea yu. ² “Ruore ocana meje masare Dios oca ñasarise riasocuja yu”, yicācu yu. Yumasi yu tuoĭa rujeore meje riasoa yu. Dios oca iti riasoro bajiroti riasoa yu masare. Dios ĩ tiro riojo ñasarise riti riasoa yu masare. Ito bajiri, “Riojo ñasarise masare riasoami Pablo”, yi masi jedirãji masa yure. ³ Jãjarã ñama Cristo oca yu riasoja, tuo masimena. ĩ oca ĩna tuo ãmobejare, ĩna tuo masiroca yibeami ĩ. Ito bajiri ĩ oca tuorãnubiticōri jeame ãjuroju warona ñama ĩna. ⁴ Cristore ĩna tuorãnubeja, ĩna tuoĭa wisaroca yami Satanás wame cutigu. ĩ ñami adi macãrucuro ñeñaro yirã uju. Cristo rucubogru ĩ oca quenarisere ĩna tuorãnure ãmobeami Satanás. Dioti ñami Cristo. Ito bajiri ĩ ocare ĩna tuo masime yirocu ĩna tuoĭa wisaroca yĩñi Satanás. ⁵ Masare yu riasoja, yumasi gaye meje riasoa yu. “Jesucristo ñami mani Uju”, yire oca riasoa yu masare. Cristore tuo maicōri ĩre moa ĩsigũ ña yu. ĩre cudicōri ĩ oca muare riasoa yu, quenarise muare ejatoni. ⁶ Adi macãrucuro rujeo wacu, “Rãitãaroju busuya”, yigoru ñami Dios. ĩti ñami ĩ ocare mani ya usiju tuo masiroca yigu. Ito bajiri, “Rãcubogru ñami Cristo”, yi tuoĭa mani. Cristore ti masicōri, “ĩ robo bajiro rãcubogru ñami Dios”, yi tuoĭa mani.

Cristore tuorãnucōri queno ñare gaye

⁷ Gna ĩ cūana ñasarã meje ña. ĩ ocajuã ña rëtoro ñasarise. Yu masirisena meje masare ĩ oca riasoa yu. Buto tuoĭa masigũ meje ña yu. Ito bajiri yu riasoja tuocōri, “Dios ĩ masirisena queno riasoami Pablo”, yi ti masiama masa yure. ⁸ Masare Dios oca yu riasoja, coji meje tuoĭa bujatobiticu yu. Ito bajiro tuoĭa bujatobitibojaguti Dios ocare riaso jidicābea yu. “¿Disejua yisagu yigujada yu?” yi tuoĭare jaia yu cojire. Ito bajibojaguti bojori bujabea yu. ⁹ Jãjarã yure ti tudirã ñabojarocati Dioama yure jidicābeami. Coji meje yure ñeñaro yicã masa. Ito yicōri yure jacaju tumecãcõacã masa. Ito bajiro yure ĩna yibojarocati mucana tudi wumu rügãcōri masare Dios oca riaso ucucu yu. ¹⁰ No yu wa ucuroju ñama masa coriarã yure sã ãmorã. Jesure ĩna sãdo bajiroti yure cuni sã ãmoama masa. Yure ĩna sãme yirocu tirãnusotiami Jesús yure. Yure ĩ tirũnaja ticōri, “Catigu ñami Jesús. ĩ ñarãre queno tirũnãami”, yi tuoĭama masa. ¹¹⁻¹² Jesús oca yu riasojare, coriarã masa sã ãmosotiamã yure. Yure ĩna sã ãmobjarocati Jesuama yure tirũnãami. “Catigu ñami Jesús. Ito bajiri ĩ ñarãre tirũnãami ĩ”, yi muare yu riasojare, yure sãrona cunãma masa. Ito bajiro ĩna yibojarocati Dios oca riaso jidicābea yu. Jesure tuorãnucōri, mua catitĩñare ãmogũ muare riasoa yu.

¹³ Dios oca tutiju ado bajiro gotiami sigũ: “Diore tuorãnua yu. Ito bajiri ĩ oca masare gotia yu”, yi gotiami sigũ Dios oca tutiju. Ito bajiro tuoĭa yu cuni. Diore tuorãnucōri ĩ oca riaso jidicābea yu. ¹⁴ Yure masa ĩna sã ãmoja güibeã yu. Mani Uju Jesucristo ĩ godabojarocati mucana tudi ĩ catiroca yĩñi Dios. Ito bajiri Jesús yagu ñari, “Yu tudi catiroca yigu yigujĩ Dios”, yi tuoĭa yu. “Mua rãca cocati ĩ ñaroju ãmacãju manire ãmi wacu yigujĩ Dios”, yi tuoĭa yu. ¹⁵ Quenarise gaye mua boca ãmitoni ito bajiro jeyaro rëtaçu yure. Jãjarã Jesucristore tuorãnũjaro, yirocu ĩ oca riasoa yu. “Manire ti maicōri manire queno yami Dios”, yi warã yirãji masa jãjarã busa. “Mu ña rëtoro rãcubogru”, yi rãcubuo warã yirãji masa jãjarã busa Diore.

¹⁶ Itire masicōri oca sēoa yu. Jesús oca riaso jidicābea yu. Yu yu ruju bucna jedi wabojarocati yu ya usijuama oca sēo ña yu. Co rumu ruayabeto yu oca sëoroca yami Dios. ¹⁷ Adi sita ñagũ yu bujatobitire ñabojarocati yoari mejeti tuoĭa wanu quenagũ yigujã yu. Yu tuoĭa bujatobitire ñaja yure queno yigu yigujĩ Dios. ĩ rãca yu catitĩñaroca yure queno yisotigu yigujĩ Dios. Masare riasogu yu tuoĭa bujatobitire waja yure queno yigu yigujĩ Dios. ¹⁸ Ito bajiri yu tuoĭa bujatobitire itire buto tuoĭa yibeã yu. ãmacãju Dios queno ĩ yirotiyuare buto tuoĭa yu. Mani ya ruju ñatĩñaroti meje ña. Ito bajibojarocati mani ya usijuama ñatĩñaroti ña. Ito bajiri ãmacãju Dios queno ĩ yirotiyuare buto tuoĭa yu.

5

¹ “Ado mani reco ñari ruju godaroca gaje mama ruju wasoagu yigujĩ Dios”, yi tuoĭa yu. ĩ masirisena mama ruju wasoagu yigujĩ manire. Mama ruju manire ĩ wasoaja, tudi godabiti ruju ñaro yiroja iti ruju. Ito bajiri catitĩñarã yirãji manĩ, manire ĩ queno yurajuju. ² Adi sita ñarã buto Dios tu ware tuoĭa mani. “Mama ruju Dios ĩ wasoara rujuãa ña ãmoã yu”, yi tuoĭa yua mani adi sita ñarã. ³ Co rumu Dios tu ejacōri mama rujuãa ñarã yirãji manĩ. Ito bajiri, “Yu ya usi mama ruju ña yure”, yirã yirãji manĩ Dios tu ejacōri. ⁴ Adi sita ruju cuti ñarã tuoĭa

oca jaia mani. Ito yicōri tuoīa bujatobea mani. Goda āmōbitibojarāti ūmacāju űari rujure āmoa mani. Dios ī űaro godaya manōju űa āmoa mani. ⁵ Queno tuoīacōri manire queno rujeoűi Dios. Gaje ruju wasoarā mani űatoni manire rujeoűi ī. Espīritu Santo queo sāűi Dios mani ya űsīju. Ito bajiro ī yijare, “Jeyaro Dios ī gotire ito bajiro riti rētarō yiroja”, yi tuoīa mani.

⁶ Itire masicōri oca sēsotia yu. Adi sita ruju, ruju cutigu űari mani űju Jesucristo tu wa masibe ya maji. Ito bajiri īja rētaroti gayere tuoīa yugu wanua yu. ⁷ Ija rētaroti gaye tibitibojaguti, Cristore tuorūnucōri, “Ito bajiro rētarō yiroja”, yi tuoīa yu. ⁸ Ito bajiro tuoīagū űari oca sēoa yu. Yu godarotire gūibe ya yu. Yu godaroti gaye tuoīagū wanua yu. Mani űju Jesucristo tujua űagū wa āmoa. ⁹ Adi sita yu űaja cuni, ūmacāju yu űaja cuni Dios ī ti wanurise riti yi āmoa yu. Disejua gaje űasarise ma yureama. Dios ī ti wanurise riti yi āmoa yu. ¹⁰ Ado bajirojua bajaia: Co rumu rotira cumuro Cristo ī rujiro riojo masa jeyaro rāgōrā yirāji ī riojo. Iti rumu mani űeűaro yigore, mani quenaro yigore cuni manire waja yigu yiguji Cristo. Ito bajiro yicōri manire besegu yiguji Cristo.

Cristona suoriti oca ma manire, yire gaye

¹¹ Itire masicōri ire gūi rucuboa yu. Ito bajiri Cristore masa űa tuorūnure āmogū űnare gotisotia yu. “Yure rucubucōri queno masare riasoami Pablo”, yi masiguji Dios yure. Maa cuni ito bajiro maa yi masire āmoa yu. ¹² Iti muare yu gotija, yure ti wanure āmogū meje ya yu itire. Ado bajirojua bajaia: Yure busiturāre maa cudi masitoni, yu yigore muare queno goti rētobua yu. Yure oca menirā űa űama, “Gājerā rētoro űasarā űa gua”, yibojarāti quenarise tuoīamena. “űasarise masare oca riasoűi Pablo”, yure maa yire āmoa yu. ¹³ “Queno tuo masibicu űami Pablo”, masa űa yure yibojaja cuni, no yibe ya yure. Diore rucubojaro űa, yirocu masare riasoa yu. “Buto masigū űami Pablo”, masa űa yure yibojaja cuni, no yibe ya yure. Maa queno űatoni muare Dios oca riasoa yu. ¹⁴ “Yure maiami Cristo”, yicōri ire cudi āmoa mani. Manire buto ti maiami Cristo. Ito bajiri mani űeűaro yirise waja, waja yi īsigū godaűi ī. Mani űeűaro yirise waja tuoīa bujatobisī Cristo. Ito bajiri mani āmorise yirāona Cristo ī āmorisejuare yiraja manire. ¹⁵ Yure cudijaro űa, yirocu manire goda īsiűi Cristo. Ito bajiri adi rumari cuni Cristo ī āmoro bajiroti yi űasotia mani. Iti űami godabojaguti mucana tūdi catira. Manire yiari ito bajiro yiűi ī. ¹⁶ Gājire tibojarāti, “Ito bajiro tuoīami ī ya űsīju”, yi masibe mani. Ito bajiri Diore masimena gājerā űeűaro űa tuoīaro bajiro tuoīabea maniam. Cristore yu masiroto riojua, “Yu roboti adi sita gagu űagūji ī cuni”, yi tuoīabojacu yu. Ire masicōri gajero bajiro tuoīa yu īja Cristore. ¹⁷ No Cristore tuorūnugūti ī űeűaro tuoīarise jidicācōri gaje tuoīare wasoagu yiguji. ī űeűaro yirisere jidicācōri mucana itire yi āmobiqūji ī. Gaje ī tuoīarise wasoacōri quenarise riti yi āmoguji īja.

¹⁸ Dios űami mani tuoīarise wasoagu. Iti rumaju ī wajana űabojarocati Jesucristo ī goda īsirena suoriti ī űarā mani űaroca yiűi Dios. “Dios rāca oca quenocōri ī rāca baba cutiya maa”, masare mani yitoni manire cūűi Dios. ¹⁹ Ado bajiro bajaia: Jesucristo ī goda īsirena suoriti mani ye waja oca quenofni Dios. ī űarā mani űaroca yiűi ī. Mani űeűaro yirise ācabojacōri, “űe seti mana űama űa īja”, yiyiju Dios. “Oca quenofni Dios”, yu yitoni yure cūűi ī. ²⁰ Muare yu goti rētoburisenā suoriti muare busiami Dios. Cristo oca goti īsiri masuti űa yu. Cristore goti īsiri masu űari, ado bajiro muare josa yu: “Dios rāca oca quenofna maa”, yi josa yu muare. ²¹ Cojireama űeűaro yīābicu űami Cristo. Cojireama űeűaro yīābicu űari ī sīgūti mani űeűaro yirise waja, waja yi masigū űami. Ito bajiro bajigu ī űajare manire goda īsi rotifni Dios. Ito bajiri Cristore mani tuorūnaja, “űe seti mama űa”, yi tiami Dios manire.

6

¹ Diore moa īsigū űari ado bajiro goti josa yu: Muare ti maicōri muare maso āmoami Dios. Muare ī maso āmoja rēobesa. “Yure masofna”, maa yijaro yirocu ito bajiro muare goti josa yu.

² ű oca tutiju ado bajiro gotiami Dios:

Muare yu maso āmori rumu yure maa senija, cudicuja yu. Ito bajiri yure maa senija, muare masocuja yu. Ito yicōri muare ejabuacuja, yi gotiami Dios ī oca tutiju.

Tuoya yu űarā maa. Adocāta űa muare Dios ī maso āmori rumu. Ito bajiri maa ire senija, muare masogū yiguji ī.

³ Quenarise riti yīāsotia yu. Dios oca riasogu űabojaguti űeűarise yu yija, yure tuorūnūmena yirāji masa. Ito bajiri űeűarise ye āmōbiticōri quenarise riti yīāsotia yu. ⁴ Ado bajirojua ya yu. “Diore queno moa īsigū űami Pablo”, yure masa yijaro yirocu quenarise riti yīāsotia yu. Ito bajiri tuoīa bujatobitibojaguti űemecutia yu. Yure masa űa űeűaro yi codebojarocati űemecutia yu. Diore tuorūnucōri ī ocare jidicābea yu. ⁵ Coji meje yure bajecā űa. Coji meje yure tubia, yure tūdi yicā űa. Bogabojaguti ito bajiroti moa űacōa yu maji. Cojireama űami canibicuti, busuasoticu yu. Ito yicōri coji meje űiocōsoticu yu. ⁶ Yu queno yirise ticōri, “Diore queno moa īsigū űami Pablo”, yirāji masa yure. Quenarise tuoīagū űari űeűaro yibe ya yu. Dios

ocare riasoticōri ñasarisere masia yu. Masa ña yure ñeñaro yibojarocati tudibea yu ñare. Masare usiriro yigu meje ña yu. Gãjerãre ejabua yu. Espiritu Santo quedi sãjacōri yure ejabuami ñ, Diore yu cadi masitoni. Gãjerãre buto maia yu. ⁷ Oca ñasarise riasogu ña yu. Quenarise yu yija, Dios ñ ejabuarisena ya yu itire. Jesucristore tuorãnuçōri quenarise riti yĩasotia yu. Yu ñeñaro yijaro yirocu rãmú ñ yibojarocati yu ñeñaro yiroca yi masibeami ñ. ⁸ Coriarã ñama yure rucabuorã. Gãjerãma rucabuobeama. Yure queno busirã ñama coriarã. Gãjerãma yure busiturã ñama. “Socari masu ñami Pablo”, masa ña yure yitubojarocati, oca ñasarise riti riasoa yu. ⁹ “¿Ñimu ñaguñjida Pablo? Ñre masibea gua”, yama coriarã. “Ñasagu ñami Pablo. Ñre masia gua”, yirã ñama gãjerã. Coji meje yure masa ña siaboroca, catia yu maji. Jãjarã yure ñeñaro ña yi codebojarocati, Dios yure ñ ejabuarisena catia yu maji. ¹⁰ Cojireama buto bojori buja yu. Ito bajibojarocati Jesucristore yu tuorãnuçama wanusotia yu. Bojoro bujagu ña yu. Ito bajibojarocati masare Dios oca yu riasoja, ña queno ñaroca ya yu. “Ñe macati ñami Pablo”, yama gãjerã yure. Ito bajibojarocati yu wanu quenaroca yami Dios yure. Ititi ña yu ãmorise. Ito bajiri disejua gaje yu ãmorise ruyabea yure.

¹¹ Corinto cuto gãna tuoya yu ñarã mua. Yu ya usiju yu tuoïarise goti jeoa yu muare. Muare buto tuo maia yu. ¹² Muare yu buto tuo maibojarocati muajama yure tuo maimenaji. Sīgũ robo bajiro mani baba cutibeja yure seti ma. Muajua yure tuo maimenaji. Yuama buto mua baba ña ãmoboja. ¹³ Jacu ñ rĩare maigũ busiada bajiro muare busia yu. Muare yu tuo mairo bajiroti yure tuo maiña mua cuni.

Mani ya usiju Dios ñ ñajare ñ ya wi robo bajirã ña mani, yire gaye

¹⁴ Cristore tuorãnumena rãca baba cutibesa mua. Diore tuorãnurã bajiro meje tuoïama Diore masimena. Sīgũre bajiro tuoïarã meje ñama ña. Quenaro yirã, ñeñaro yirã ña tuoïaro bajiro meje tuoïama ña. Busurise robo bajirise meje ña rãitãrise. Iti bajiroti Diore tuorãnurã cuni Diore tuorãnumena bajiro tuoïarã meje ñama ña. ¹⁵ Cristo, Satanã rãca coro bajiro tuoïarã meje ñama. Ito bajiro bujama Cristore tuorãnurã. Ñre tuorãnumena rãca coro bajiro tuoïabeama ña. Ito bajiri coro bajiro tuoïabiticōri gãmeri baba cuti masimenaji ña. ¹⁶ Dios catiñagũ ya wi ejacōri Ñre riti rucabuorã yirãji. Ito bajiri masa ña meni rujeoanare mani rucabuoja quenabetoja. Masa ña meni rujeoanare Dios ya wiju mani ãmi sãjaja buto quenabetoja. Ito bajiroti Diore tuorãnumena rãca mani baba cutija quenabetoja. Mani ya usiju Dios ñ ñajare ñ ya wi bajiro baja mani. Ito bajiroti gotiami Dios ñ oca tutija. Ado bajiro gotia iti:

Yu ñarã ya usiju ñasotigu yigujua yu. No ña ñariju ña ñaja, ña rãca ñagũ yigujua yu. Ña rucabuogu ñagũ yigujua yu. Yu ñarã ñarã yirãji ña, yi gotiami Dios ñ oca tutija.

¹⁷ Gaje ado bajiro gotiami mani Uju:

Ñeñaro yirãre baba cutibesa. Ña tu ñabobarãti sō busa ñacōña. Ña ñeñaro yiro robo yibesa mua. Yu yiro bajiro mua yija, muare boca ãmigũ yigujua yu, yi gotiami mani Uju.

¹⁸ Mua Jacu ñagũ yigujua yu. Yu rĩa ñarã yirãji mua, yi gotiami rētoro masigũ mani Uju, ñ oca tutina.

7

¹ Tuoya yu ñarã mua. Adi muare yu gotirise Dios ñ gotire ña. Ñ yiro bajiro riti yisotiami Dios. Ito bajiri ñeñarise jeyaro jidicãruja manire. Manimasiti mani ya ruju ñeñaro iti tuoïaro bajiro yibitãruja manire. Mani ya usiju mani ñeñaro tuoïarise cuni jidicãruja manire. Diore rucabuocōri ñ ãmorise riti yirãja manire. Quenarise riti yirãja manire.

Ñeñarise jidicãcōri quenariseña tuoïaja quena, Pablo ñ yire gaye

² Gaje ado bajiro muare gotia yu. Yure ti tebesa. Tuo maiña yure. Ñimujuare ñeñaro yibiticu yu. Ñimujuare ñeñarise yi rotibiticu yu. Yumasirio bujorocu ruobiticu yu masare. Ito bajiri yure tuo maiña. ³ Adi muare yu gotija, muare busiturocu meje ya yu. Muare buto tuo maia yu. Mani catija, mani godaja cuni Jesucristo ñarã ñari sīgũre bajiro riti tuoïarã yirãji mani. Muare yu gotiada bajiroti tuo mai jidicãbicuja yu. ⁴ “Yu gotiro bajiroti cadirã yirãji”, yi tuoïa yu muare. Ito bajiri muare buto wanaa yu. “Queno yirã ñama Corinto cuto gãna”, muare yi tuoïacōri buto wanaa yu. “Ito bajiro bajirã ñama Corinto cuto gãna”, muare yi tuoïacōri oca sēoa yu. Tuoïa bujatobitibojaguti mua queno yirisere tuoïacōri wanaa yu ñja.

⁵ Ado Macedonia sita yu ejaja tujacãre manicu yure. Oca jaje ñacu ado. Jãjarã ñacã yure ti tudirã. Adi cuto gãna sīgũ robo bajiro ña tuoïabeja, jaje gãmeri tudire ñacu. “Dios ocare queno cadibeamia ña”, yi tuoïacōri yu ya usiju bojori bujacu yu. ⁶ Oca sēomenare oca sēoroca yigu ñami Dios. Ito bajiri yu bojori bujabojarocati yu oca sēoroca yiqui ñ. Tito ñ ejaja ticōri, yu oca sēoroca yiqui Dios. ⁷ Tito ñ ejare gayena riti meje wanaa yu. Mua gaye ñ gotija tuocōri, wanaa yu itire cuni. “Yure tuorãnacã Corinto cuto gãna, ito yicōri yu oca sēoroca yicã”, ñ yija tuocōri wanaa yu. Gaje ado bajiro gotiqui Tito yure: “Mare buto ti ãmoama Corinto cuto gãna.

Īna ñeñaro yirisere tuoñacōri buto bojori bujama Īna. Mure rūcūbuocōri buto tuo maiama Īna”, yi goti ejaquī Tito yure. Ito bajiro ī yija tuoōcōri, buto busa muare wanūcū yu.

⁸Iti rūmū muare papera cōagū, “Iti papera ticōri jabeto bojori bujarā yirāji Īna”, yi tuoñacōri bojori bujacū yu. “Ñeñaro yirā ña mani”, mua yijaro yirocū, iti papera muare cōacū yu. Ito bajiri, “Iti papera cōabitirūjabojayija yure”, yi tuoñabea yu. ⁹Iti papera muare yu cōacati tuoñacōri wanūa yu ĩja. Iti papera ticōri mua bojori bujare gaye meje wanūa yu. Ado robojua baja: “Īna ñeñaro yirise jidicācōri gaje tuoñare wasoama Īna ĩja”, yure ī yija tuoōcōri, wanūcū yu muare. Iti papera yu cōare ticōri bojori bujayija mua. Īna ñeñaro yirisere jidicājaro yirocū, mua bojori bujaroca yiñi Dios. Ito bajiri iti rūmū muare yu papera cōacati quenarise gaye ñacu iti. ¹⁰Mani ñeñaro yirise mani tuoñaja, mani bojori bujaroca yami Dios. Gaje tuoñare mani wasoaja ticōri, manire wanūgū yiguñji Dios. Ito yicōri manire masogū yiguñji. “Yu ñeñaro yirisere tuoñacōri yu bojori bujaroca yibitirūjabojañi Dios”, yibea mani. “Ito bajiro yi masigū ñami Dios”, yi tuoñacōri, buto wanūa mani. Īna ñeñaro yirise tuo bojori bujabojarāti itire jidicā āmobeama gājerāma. Ito bajiri goda warā jeame ūjuroju warā yirāji Īna. ¹¹Mua bojori bujaroca Dios ī yija, muare queno yigu yiñi ī. Tuoñate mua: Ito bajiro muare Dios ī yija, rūcūbuo quenaro tuoñasuoijya mua ĩja. “Oca ña mani wato. Itire quenorūja manire”, yi tuoñana mua. “Iti mani oca quenobeja mani tuoñaja bujatobitiroca yigu yiguñji Dios”, yi tuoñaja gūiana mua. Ito bajiro tuoñacōri, ñeñaro yigu ī tuoñaja bujatobitiroca yiana mua, itire jidicājaro yirona. Ito bajiro yicōri oca quenoyija mua. Ito bajiri, “Queno yama Īna. Ñe seti ma ĩnare”, yi tuoñaja yu muare. ¹²Iti rūmū muare papera yu cōacati, “Īna wato ñeñaro yigu ī tuoñaja bujatobitiroca yijaro”, yirocū meje papera cōacū yu. Ito yicōri, “Ī ñeñaro yirure ejabuaya mua”, yirocū meje papera cōacū yu muare. Ado bajirojua yicū yu. Pablore tuo mairā ña mani. Ito bajiro Dios ī tiro riojo Pablore cudirūja manire yijaro Īna, yirocū iti papera cōacū yu muare. ¹³Ito bajiri queno mua yire tuoñacōri oca sēoa yu.

“Queno yama Īna”, Tito ī yija tuoōcōri, buto busa wanūa yu muare. Ado bajiro yure yiquī ī: “Corinto cuto gāna queno Īna yija ticōri, oca sēocū yu”, yi goti ejaquī Tito yure. Ito bajiro ī wanūja ticōri, yu cūni muare buto wanūa. ¹⁴Mua tu Titore yu cōaroto riojua ado bajiro yicu yu ĩre: “Īnare yu oca cōaja, queno cudirā yirāji Corinto cuto gāna”, yicu yu Titore. ĩre yu yicato bajiroti queno cūdiyija mua. Ito bajiri Tito tūdi ejacōri ī tiro riojo bojobeaa yu. “Cudirā yirāji Īna”, yu yiado bajiroti cūdiyija mua. Coji rūyabeto ñasarise muare busicu yu. ¹⁵ĩre mua cudigore tuoñaja bujacōri buto busa tuo maiami Tito muare. “Yure tuoōcōri rūcūbuore rāca cudicā ĩna”, yi masicōri muare buto wanūami Tito. ¹⁶“Yu gotirise jeyaro cūdi jeorā yirāji Īna”, yi tuoñaja yu muare. Ito bajiri mua rāca buto wanūa yu.

8

Bojoro bujarāre wanūre rāca ejabuaja quena, yire gaye

¹Tuoja yu ñarā mua. Ado Macedonia sita gāna Jesucristore tuorūnurā Dios ī queno yire gaye muare goti āmoa yu. ĩnare ti maicōri queno yiñi Dios. ²Jaje oca tuoñaja bujatobitibojarāti wanūama Īna. Bojoro bujarā ñabojarāti gājerāre ejabuaronaa jaje niyeru miojuama Īna. ³Īna miojuja ticōri, “Maibiticōri queno wanūre rāca ĩsiamaa Īna”, yi tuoñaja yu. Īna rucorocō ĩsibojarāti bojoro bujarāre tuo maicōri, jai busaro ĩsiamaa Īna mucana. Yu senibitibojarocati queno ĩsiamaa Īna. ⁴“Jerusalén gāna Jesure tuorūnurā bojoro bujarāre ejabuā āmoa gaa. Ito bajiri adi niyeru āmi wa ĩsiña ĩnare”, yi josama ĩna yure. ⁵“Adocō queno yirā yirāji ĩna”, yi yu tuoñaja yuado rētoro queno yama ĩna. “Dios ī āmoro bajiro riti yi āmoa gaa”, yama ĩna. “Diore cudicōri mure cūni cūdi āmoa gaa”, yama ĩna yure. “Niyeru miojucōri Jerusalén gāna bojoro bujarāre ejabuā āmoa gaa”, yama ĩna yure. ⁶Īna ito yija ticōri, “Corinto cuto gāna tūju tūdi wasa mu”, ya yu Titore. “Mu ña bojoro bujarāre yari niyeru mioju rotiru. Itoju tūdi wacōri ito bajiroti niyeru mioju ñama mu”, ya yu Titore. ⁷Gājerā rētoro masirā ña mua. Jesucristore queno tuorūnurā ña mua. Queno masirā ñari Dios oca goti rētoju masia mua. Gājerāre buto ejabuā āmorā ña mua. Yure buto ti mairā ña mua. Ito bajiri bojoro bujarāre ejabuaronaa gājerā rētoro niyeru mua miojuja quena. Ito yicōri wanū quenaro mua miojuja quena.

⁸Ito bajiro muare yu yija, rotigu meje ya yu. Queno wanū quenaro bojoro bujarāre ejabuaronaa niyeru ĩsiamaa coriarā. “¿Riti gājerāre tuo maiati ĩna?” yirocū ya yu muare. Bojoro bujarāre mua tuo maija, ĩnare ejabuaronaa niyeru miojurā yirāji mua. ⁹“Manire ti maicōri manire goda ĩsiñi mani ūju Jesucristo”, yi tuoñarā ña mua. Dise rūyabeto rucogu ñabojaguti manire ti maicōri ī rucorise jidicāyiju. Adi sita ejaquī bojoro bujagu robo bajiro ñayiju ī. Ito bajiro ī bajijare catitiñarā yirāji mani. Manire ī queno yirajuna suoriti ñejuja rūyabetoja manire.

¹⁰Mua queno ñare āmogū yu tuoñarise muare gotigu ya yu. Iti rūmūcā rodo mua yisnore mua tuoñare āmoa yu. Iti rūmūcā rodo bojoro bujarāre ejabuaronaa niyeru miojusuoijya mua. Mua

miojusuore mua tfore amoia yu. “Bojoro bujaräre ejabuaroni niyeru miojuto mani”, yirä, wanure räca niyeru miojusuoyija mua. ¹¹ Adocäta cuni ito bajiroti niyeru miojutifnacöña mua. Mioju ticöri mua cöaja quena. Iti rumu wana quenaro mua miojuado bajiroti yija quena adocäta cuni. Maimenati mua isija quena. ¹² Ado robojua baja: Jairo mua rucöja jairo isija quena. Jabeto mua rucöja jabetoti isija quena. Maimenati wanure räca mua isi ämoja muare wanugü yiguji Dios.

¹³ “Bojoro bujaräre ejabuaya”, yu yija, “Isi jeocöña”, yigu meje ya yu muare. “Bojoro bujaräre niyeru isi jeocöri, bojoro bujaya mua”, yigu meje ya yu muare. ¹⁴ Coro bajiro ñarejua mua ñaja quena. Mua ña jaje rucorä. Ito bajiri, “Bojoro bujarä ñama ina”, yi ti masicöri ñare mua isija quena. Mua ämorise iti manija, muare isirä yiräji ina cuni. Ito bajiri ñejua ruyabetoja ñare, muare cuni. Ito yija corocö ñarä yiräji mua. ¹⁵ Dios oca tuti ado bajiro gotia: “Jairo mioju ämorä ñabobaräti ina ämoro rëtoro bujabisijarä ina. Gäjeräma jabetacä miorä ñabobaräti ina ämorocö bujayijarä inama”, yi gotia Dios oca tuti.

Tito mesare queno boca ämiña mua, Pablo i yi ñucare gaye

¹⁶ Muare yu tuo mairo bajiroti muare tuo maiami Tito cuni. Muare ejabua ämoami i cuni. Muare i tuo mairoca yiñi Dios. Ito bajiro i yija, “Queno yu Dios mu”, ya yu ire. ¹⁷ “Corinto cuto gänare ejabuätëña”, yu yi gotija, queno wana quenaro cudiqui Tito. “Bau, wacuja yu”, yi cudiqui i. Muare buto tuo maigü ñari imasiti, “Ina tu wacuja yu”, yi tuoiaqu i.

¹⁸ Titore baba cuti warocu mani bajiro Cristore tuoränugäre mua tu cöa yu. Masa jeyaro ina rucabuogu ñami i. “Dios ocare queno goti rëto bu masigü ñami i”, yi gotiama jeyaro Jesure tuoränurä. ¹⁹ Ñare niyeru mioju ejabuajaro yirona, ire besecä Jesure tuoränurä. “Bojoro bujaräre niyeru isi ejabuätëña”, yicä ina ire. Bojoro bujaräre isirona niyeru ina miojure gua isi bateja ticöri, “Bojoro bujaräre queno ejabuama Jesure tuoränurä”, yi tuoiarä yiräji masa jeyaro. Ito yicöri mani Uju Jesucristore rucabuorä yiräji ina. ²⁰ “Adi gayeti niyeru ämi ruogüji Pablo”, yi masa ina yure busiture ämobeja yu. Ito bajiro ina tuoime yirocu queno tuoicöri niyeru isi ñuca yu. ²¹ “Niyerure ämi ruobiqüji Pablo. Ñarocöti bojoro bujaräre isi ñucacögü yiguji”, yi tiguji Dios yare. “Niyeru ñarocöti isi ñucacöñi Pablo”, masa ina yijaro yirocu, masa ina rucabuogu Titore baba cuti ware ämoia yu.

²² Ito yicöri ina räca ado gäna ina beseru, gäji mua tu cöagü ya yu. Cristore tuoränugä ñari mani yagu ñami i cuni. Ire ti masigü ñari, “Queno yigu ñami i”, yi tuoia yu ire. Coji ruyabeto ejabua ämosotiami i. “Corinto cuto gäna queno cudiama ina”, yu yija tuocöri, muare ejabua ämoami i. ²³ Mua tu gäna, “¿Ñimu ñaguñida Tito?” ina yi seniñaja, ado bajiro mua cudija quena: “Pablo baba ñami i. Pablo robo bajiro manire Dios oca goti rëto bugu ñaguñi i cuni”, mua yija quena. Gäjerä jiarä Titore baba cuti warä Jesucristore tuoränurä ñama ina cuni. Ito bajiri mani ñarä ñama ina. Ina queno yire ticöri, “Queno yirä ñama Jesucristo ñarä”, yi tuo masiama ado gäna ñare. Ado gäna Jesucristore tuoränurä mua tu ina watoni ñare besecä. ²⁴ Mua tu ina ejaja, rucabuore räca ñare boca ämiña. “Queno yirä ñama Corinto cuto gäna. Gäjeräre rucabuorä ñama ina”, ya yu masa jeyarore. “Riti yami Pablo”, gäjerä Jesucristore tuoränurä ina yi masitoni, yu gotiro bajiroti rucabuore räca ñare boca ämiña mua.

9

Mani ñarä bojoro bujaräre ejabuaja quena, yire gaye

¹ “Mani ñarä bojoro bujaräre ejabuaroni niyeru mioju quena”, yi tuoiarä ña mua. Ito bajiri, “Masicaräji ina”, yibogaguti uca yu muare. ² “Bojoro bujaräre ejabua ämoama ina”, yi tuoia yu muare. Ado Macedonia sita yu wa ucuja, “Iti rumuca rodo bojoro bujaräre ejabuaroni niyeru miojusuoti Corinto cuto gäna”, ya yu masare. Muare wanugü ito bajiro masare ya yu. Ito bajiro yu yija tuo oca seocöri, “Mani cuni ito bajiroti bojoro bujaräre yiari niyeru miojuto mani”, yama adi cuto gäna cuni. ³ Yu waroto riojua Tito mesare cöa yu. “Yu ejari rumu niyeru räca minijua yucärä yiräji ina”, yirocu cöa yu ñare. “Niyeru mioju yucäräji ina”, ya yu ado gänare. Ito bajiri mua tu ejacöri, “Niyeru mioju tibeama ina maji”, ina yire tuo ämobeja yu. “Niyeru mioju yucärä yiräji”, yi tuoia yu muare. ⁴ Ado gäna Macedonia sita gäna yure ina baba cuti waja, niyeru manoti muare ina ti bujare ämobeja. “Corinto cuto gäna bojoro bujaräre ejabuaroni niyeru mioju ticöcärä yiräji ina”, ya yu ado gänare. Ito bajiri mua rucö yubeja, bojori bujagu yigaja yu. Mua cuni bojori bujarä yiräji mioju ticöbiticöri. ⁵ Ito bajiri mani ñarä Tito mesa yu waroto riojua mua tu ina waja quena yure. “Adocö isiana gua”, mua yire mioju tuo masitoni muare ejabuorä yiräji ina. Ito bajiri yu ejaroca tñacäre ñaro yiroja iti mua miojure. Ito bajiri yu ejaroto riojua sigü ruyabeto mua isi ämorocö isirä yiräji mua. Ito bajiri, “Pablo ñare i josajare isifi ina”, yi tuoiamenaji gäjerä.

⁶ Ado yu busirise tuoya mua. No jabeto otegu i oterocöti bujagu yiguji. Jairo oteguama jairo bujagu yiguji. No jabeto isigü itocöti boca ämigü yiguji. Jairo isigü jairo bujagu yiguji.

⁷ “Adocō isigū yigujā yu”, mua ya usiju yi mua tuoīadocō mua isija quena. Maibojarāti mua isija quenabea. Isi āmōbitibojarāti gāji ī josaja tuocōri, mua isija quenabea. Muamasiti isi āmoro mua isija quena. Wanu quenaro isirāre ti wanuami Dios. ⁸ Ito bajiro mua yija ticōri, muare queno yigu yiguji Dios. Mua āmoro rēto busaro isi remogū yiguji Dios. Ito bajiri ñejuā ruyabetoja muare. Ito bajiro muare yigu yami Dios, bojoro bujarāre mua ejabuatonī. ⁹ Ado bajiro gotia Dios oca tuti:

Maibicati bojoro bujarāre isigū yiguji Diore rūcūbuogu. Ito bajiri ī queno yigore ācabojobicu yiguji Dios, yi gotia Dios oca tuti.

¹⁰ Dios ñami, otejaro yirocu, aje isigū. Iti ñami, bajaro yirocu, bare isigū. Mua āmorise ñarocōti muare isigū yiguji Dios. Gājerāre mua ejabuatonī muare isigū yiguji Dios. ¹¹ Jairo muare isigū yiguji Dios, bojoro bujarāre mua ejabuatonī. Ito bajiro mua yijare, “Queno ya Dios mu”, yi rūcūbuorā yirāji masa ire. Jerusalén gāna Jesucristore tuorūnūrāre mua miojure yu āmi ejaja ticōri, “Queno ya Dios mu”, yi rūcūbuorā yirāji ina ire. ¹² Mani ñarā bojoro bujarāre adi mua isija, queno ejabuaro ya inare ina queno ñatoni. Ito bajiro mua yija, “Queno ya Dios mu”, yi rūcūbuorā yirāji ina. ¹³ Inare mua isijare, “Cristo ocare queno cūdiama Corinto cato gāna”, yirā yirāji ina muare. Ito yicōri Diore rūcūbuorā yirāji ina. “Manire ejabuacōri gājerāre cūni buto ejabuama ina”, yirā yirāji ina. Ito bajiri Diore rūcūbuorā yirāji ina. ¹⁴ “Manire ina queno ejabuaro cato yini Dios”, yirā yirāji muare tuo wanūcōri. Ito mua yire tuoīacōri muare yari buto Diore seni isirā yirāji ina. ¹⁵ “Queno ya Dios mu”, yirūja manire. Rētoro quenarise manire isini Dios. Ina ñeñaro yirise waja yi isjaro yirocu, ī Macure cōañi Dios. Iti ña rētoro ñasarise. Ito bajiri, “Queno ya Dios mu”, yirūja manire.

10

Dios ī rotirisena riasoa yu, Pablo ī yire gaye

¹ Yu ña Pablo. Yure jabeto ña muare yu gotiroti. Ado bajiro baja iti: Masare busigu inare ti maicōri quenoti busiyija Cristo. Ire bajiro muare goti āmoa yu cūni. Ito gāna coriarā yure busituyijarā. “Mani rāca ī ñajama quenoti manire busiami Pablo. Sōju ī ñajama manire oca sēoro busiami”, yiyijarā mua coriarā yure busiturā. ² Ñeñaro yirāre goti queno masia yu. Ito bajibojarocati mua tu yu ejaja, sēoro busi āmobeā yu. Ito bajiri ñeñaro mua yirise jidicāña, mua tu ejacōri yu oca sēoro busibe yirona. “Adi sita ñeñaro yirā robo yigu ñami Pablo”, yi yure busiturāreama oca sēoro busicuja yu. ³ Ito bajiroti baja. Muare bajiroti masu ña yu cūni. Ito bajibojarocati Dios oca yu riasoja ī masirisena riasoa yu. ⁴ Yumasi tuoīarisena yu riasojama, queno riasobitiboguja yu. Dios ī masirisena riasoa yu. Ito bajiro bajigu ñari ñeñaro yirāre rētocū masia yu. ⁵ Jesure gājerā tuorūnūme yirona, “Ñasarise riasobeā mu”, yure ina yija, Dios ī ejabuārisena inare busi rētocūa yu. Cristo oca yu riasorise gājerā ina riasobojarise rēto busaro ñasarise ña. Ito bajiri Cristo oca yu riasoja tuorūnūcōri, ire cūdi āmorāji ina ija. Dios ī masirisena ito bajiro ya yu. ⁶ Ito bajigu ñari mua wato yu riasorise cūdimenare goti queno masia yu. Sigū ruyabeto mua cūdija, gājerā cūdimenare riasogu yigujā yu.

⁷ Yure tibojarāti yu tuoīarise masibeā mua. Ito bajiri queno tuoīañā mua, “Riti Cristo ñarā ña gua”, mua yijama, “Riti Cristo yagu ñami Pablo”, yi ti masiborāji mua yure. ⁸ Muare yu riasotoni yure cūñi Dios. Muare biyaro yu gotija cūni, bojobea yu. “Mani ũju, ‘Yu oca riasojaro inare’, yirocu yure cūñi ĩ”, yi tuoīa yu. Bojori bujajaro ina, yirocu meje yure cūñi Dios. Ado bajirojua baja: Oca sēoro mua ñatoni yure cūñi Dios. ⁹ “Manire papera ī cōaja, ‘Sēoro busiami Pablo mani gūjaro’, yirocu”, yi tuoīabitiruja muare. Ito bajiro mua tuoīare āmobeā yu. ¹⁰ Mua coriarā yure busiturā, ado bajiro ya mua: “Papera jūjuna oca sēoro busibojaguti mani tu ī ejajama oca sēoro busibiquji ī. Oca sēogu meje ñami ī. Rojogu ñami. Ñe waja ma ī busirise”, yi yure busiturāji mua coriarā. ¹¹ Ito bajiro yure ina yibojarocati ito bajiro bajigu meje ña yu. Papera jūjuna oca sēoro yu busiro bajiroti busigu yigujā yu, yure busiturā tu ejaḡu cūni. “Iti masi yuya mua”, ya yu muare.

¹² Ado bajiro yirāji mua rāca gāna coriarā: “¿Ñimu ñati mani wato buto busa tuoīagū? Yu ña buto busa tuoīagū”, yi gāmeri busirāji ina. “Gājerā rētoro masirā ña mani”, yi tuoīarāji ina. Ito bajiro ina yija, tuoīa wisarā yirāji ina. Ina robo bajiro tuoīagū meje ña yu. ¹³ “Masigū ña yu”, yibeā yu. Ado bajirojua ya yu: Mua Corinto cato gānare yu riasotoni yure cūñi Dios. Ito bajiri, “Ī masirisena muare riasoa yu”, yu yija, riti muare gotia yu. ¹⁴ Gājerā riojua Cristo oca quenarise muare riasocu yu. Iti oca yu muare riasotoni yure cūñi Dios. Yumasi tuoīa rujeocōri meje muare riasocu yu. ¹⁵ Gājerā riasoanare, “Yu riasoana ñama ina”, yibeā yu. Yumasi yu moagore riti muare busia yu. Ado bajiro baja: Buto busa Jesucristore mua tuorūnūre āmoa yu. Ito bajiri jai busaro muare riaso āmoa yu. Riasojaro yirocu, Dios yure ī cūre riti riaso āmoa yu. ¹⁶ Ito bajiro yicōri mua sōjua ñarāre riasogu wa āmoa yu macana. Ina tu ejacōri Jesucristo oca quenarise inare riaso āmoa yu. Gājerā ina riasogobitanare riaso

ãmoa yu. Ito bajiro yu yija, gãjerã riasogoana ñabojarocati, “Yu riasoana ñama ãna”, yi goti wanu ãmobeaa yu.

¹⁷ Ado bajiro gotia Dios oca tuti: “Diore rãcãbuojaro masa yirocu, ‘Dios ï masirisena yicu yu’”, mani yija quena. “Yumasi tuoïarisena yicu yu”, yibitiruja manire, yi gotia Dios oca tuti. ¹⁸ Sigũ ïmasiti “Queno yigu ña yu”, ï yibojaja, waja ma iti. Dios ï boca ãmirocu meje ñami ï. “Ãni ñami queno yigu”, Dios ï yijama, ï ñami ï boca ãmirocu.

11

Ruore oca riasorã Dios ï cãana meje ñama, Pablo ï yire gaye

¹ Tuo masibicure bajiro yu busibojarocati yure mua tuorãnure ãmoa yu. Adi yu busirise tuoia mua. ² Romio gãji rãca ajebeco iso manuju ñarocure riti tuoïagõ yigõji. Isore bajiro Cristore riti mua tuorãnure ãmoa yu. Yu ña cajero muare riasosocaco. Cristore tuorãnujaro ña, yirocu muare riasocu yu. Ito bajiri buto muare Dios ï tuoïaro bajiroti tuoïa yu cuni. Cristore tuoïa jidicãme ña, yirocu muare buto tuoïa yu. ³ Jane mejeju rãmãa uju jinona quedi sãjacõri Eva ñayorore ruoyiju ï. “Ito bajiroti ñare ruogu yiguji ï”, yi tuoïa yu muare. “Buto Cristore masirã ñabojarãti rãmã ï ruorise tuorãnucõri Cristo oca jidicãrã yirãji ña”, yi tuoïa yu. Ito bajiri buto tuoïa yu muare. ⁴ Ado bajirojua bajia: Gãjerã ricati riasorã ña ejaja, wanure rãca ñare boca ãmirãji mua. Jesús oca yu riasoado bajiro meje ña riasobojarocati ñare tuorãnurãji mua. “Ado bajiro masare masogũ yiguji Dios”, yu yiado bajiro meje ña riasobojarocati ñare tuorãnurãji mua. Ito bajiro ñare mua tuorãnuja quenabea. ⁵ “Dios ï cãana ña gua. Gãjerã rãtoro masirã ña gua”, yirãji ña. “Dios ï cãna ña yuama. ña ruja busaro meje ñagũja yu ñarea”, yi tuoïa yu. ⁶ Queno busi masibitibojaguti Dios ocare queno masia yu. Ito bajiri ï ocare queno muare goti rãtobucu yu. Coji meje yure tuogoana ñari, “Queno Dios ocare masiami Pablo”, yi tuoïarãji mua yure.

⁷ Dios oca quenarise yu muare riasoja, waja senibiticu yu. Bojoro bujagu ñabojaguti, Dios ocare riti tuorãnujaro ña, yirocu muare waja senibiticu yu. ¿Quenabisijari ito bajiro yu yija? Meje, queno yicu yu. ⁸ Gãjerã Jesure tuorãnurã yure niyeru ïsi ñucañi. ña ejabuarse boca ãmicõri mua tu riaso ñacu yu. Yure mua ïsi ãmobejare ñajua yure ïsi ñucañi. ⁹ Mua tu ñagũ bojoro bujagu yu. Ito bajiro bajibojaguti mua tu yu ña masitoni, “Yure ejabuaya mua”, yibiticu yu. Macedonia sita gãna ejacõri mua tu yu ña masitoni yu bojoro bujarise yure ïsicã ña. Mua tu ñagũ, “Yure ejabuaya”, yibiticu yu. Coji muare niyeru senibiticu yu. Ija cuni senibiticu yu. ¹⁰ Cristo oca yu riojo gotiado bajiro muare riojo gotigu yiguja yu. “Yu ña masitoni yure niyeru ïsiña mua”, yibiticu yu. “Guare niyeru senĩabeami Pablo”, yi tuoïarã yirãji mua Acaya sita gãna jeyaro. ¹¹ Ado bajiro yu busija, ¿muare maigũ meje yati yu? Bajibeaa. Muare buto maia yu. “Ñare buto maiami Pablo”, yi tuoïaguji Dios yure.

¹² Muare waja senibiticu riasosotigu yiguja yu. “Pablöre bajiro Dios ï cãana ña gua cuni”, yirã muare ña riasoja, waja senirã yirãji ña. “Pablöre bajiro waja senia gua”, ña yibe yirocu, muare waja senibiticu yu. ¹³ Diore moa ïsirã meje ñama ñaõna. “Dios ï cãana ña gua”, yibojama ña. Ruo jairã ñama ña. “Cristo oca riasotoni ï cãana ña gua”, yi ruoama ña. ¹⁴ Ito bajiro ña yija tuo ucabea yu. Rãmãa uju Satanãs cuni cõreama ãngel queno yigure bajiro godo wediguji. ¹⁵ Satanãre cudirã ña ñama ï ñarã. “Muare ejabuã ãmoa gua”, yi ruoama ña. ña uju Satanãs masare ruorocu queno yigure bajiro ï godo wedi ruoado robo bajiro yirãji ña cuni. ña ñeñaro yire waja yirãonati co rãmã tuoïa bujatomena yirãji ña.

Cristore moa ïsigũ ñari ñeñaro tõbujacu yu, Pablo ï yire gaye

¹⁶ Ito bajiro yu yibojarocati, “Queno tuo masibicu ñami Pablo”, yi tuoïabesa mua yure. “Mecuri masu bajiro busiami Pablo”, yure yibojarãti, “Busijaro maji”, yija yure, yumasi gaye yu busitoni. ¹⁷ Adocãta yu muare gotiroti mani Uju Jesucristo ï goti rotire meje ña. Yu gaye riti busigu yiguja yu. Mecuri masa ñama ña ye riti busirã. ¹⁸ Mua wato gãna coriarã ñamasiti, “Queno yirã ña gua”, yirãji ña. ñare bajiro yigu yiguja yu jabeto. ¹⁹ “Queno masirã ña gua”, yirãji mua. Ito yibojarãti mecuri masa ña busirisere tuorãnurãji mua. ña ñarãji, “Dios ï cãana ña gua”, yi ruorã. ²⁰ ña josare bajiro muare ña yibojarocati ñare boca ãmirã yirãji mua. Mua ye ruorona muare ruorãji ña. Manire moa ïsijaro ña yirona, muare ruorãji. Mua ya rioju jarãji. Ito bajiro ña yibojarocati ña yirisere tuorãnurã yirãji mua. ²¹ Muare ñeñaro ña yiado bajiro yi masibeaa yu. ¿Ito bajiro muare yu yibeja quenabeati? Meje, muare queno ya yu.

Mucana queno tuo masibicure bajiro busigu ya yu. Yumasi gaye muare gotigu ya yu. “Jaje quenarise yicu gua”, ña yi masija, “Ito bajiro jaje quenarise yicu yu cuni”, yi tuo masia yu. ²² “Hebreo oca busirã ñari gãjerã rãtoro ñasarã ña gua”, yama ña. Hebreo oca busiguti ña yu cuni. “Israel sita gãna ñari gãjerã rãtoro ñasarã ña gua”, yama ña. Yu cuni Israel sita gaguti ña. “Abraham ñayoru janerãbatia ñari gãjerã rãtoro ñasarã ña gua”, yama ña. Abraham ñayoru

janerābatia janamiti ña yu cuni. ²³ “Cristore moa İsirā ñari gājerā rētoro ñasarā ña gua”, yama İna. İna rēto busaro Cristore moa İsigū ña yu. Yumasi gaye busigu queno tuo masibicure bajiro busia yu. Ito bajibojarocati yu gaye yu gotija quena. İna rēto busaro masotia yu. Coji meje yure tubiacā masa, Dios oca yu riasoja ticōri. Coji meje yure bajecā. Coji meje yure sıabocā İna. ²⁴ Co rumu treinta y nueve jiri yure bajecā İna. Mucana yure ñiacōri juaria rumuri ito bajiro bajecā İna. ²⁵ Udiayi yucu jaina yure jacā İna. Yure sıarona coji gātana reacā İna. Yu wabojacati cuma, cuma bucna udiayi rujacu. Coji rujagu ũmuasaro, ñamiasaro baticu yu riaca jajosaju. ²⁶ Dios oca riasogu sōju wa ucucu yu. Ito bajiro wa ucugu guijorise ticu yu. Riaca guijoro wa ucucu yu. Riniri masa İna guijoro, yu ñarā ñabojarāti guijoro, ito yicōri gājerā masa guijoro wa ucucu yu. Cuto jaja cuto guijori cuto, cuto meje cuni guijoro riaca jajosa cuni, ito yicōri “Cristore tuorānurā ña gua”, yibojarāti guijorā wato wa ucucu yu. ²⁷ Josari moacōri tuoİa bujatobiticu yu. Coji meje canibicuti busuasoticu yu. Coji meje bare, ide cuni manicu yure. Ito yicōri coji meje ñiocōcu yu. Coji meje usarise tuoİa bujatobiticu yu, yutabujuri yure iti manijare.

²⁸ İti riti meje tuoİa bujatobiticu yu. “¿No bajiro ñarājida gaje cuto gāna Jesure tuorānurā?” yi tuoİacōri ruje tuoİasotia yu. ²⁹ Jesucristore tuorānurā ñabojarāti ñeñaro yicōri bojori bujarāre yu ti bujaja, İna rāca bojori buja yu cuni. Jesure tuorānugūre gājerā İ ñeñaro yiroca İna yija, bojori buja yu. Ito bajiro İna İre yija, İna rāca junisinia yu. ³⁰ Yu gaye masijaro yirocu, muare busia yu. “Buto sēogu meje ñami Pablo”, mua yi tuoİatoni yu gaye muare busia yu. ³¹ Adi yu muare gotirise, “Riojo gotiami Pablo”, yi masiami mani Uju Jesucristo Jacu Dios yure. İti ñami mani rucabuotİİarocu. ³² Damasco wame cutiri cuto yu ñaroca, “Pablöre ñiacōri tubijaro”, yirocu iti cuto tunima ñari sojeriju surara cūquİ, iti cuto uju. İti sita uju Aretas wame cutigu roca gagu ñaquİ İ iti cuto uju. ³³ Yure tubia āmbojaguti yure ñia masibitiquİ İ. Ito cuto tunima ñari cunİju ñari sojena jibuju sācōri yure rujiočā İna. Ito bajiro yure İna ejabujare rudicu yu.

12

Dios ñaroju Pablo İ cāire gaye

¹ Yumasi gaye yu busijama, “Quenabea iti. Rocati busiboja yu”, yi tuoİa yu. Ito bajibojarocati mani Uju yure İ İogore busicuja yu. Ito yicōri yu cāiroju İ gotire cuni muare goticuja yu. ² İti rumuju Jesucristore tuorānusocu yu. Ūmacūju susari tutiju Dios ñaroju yure İ āmi ejaja bero catorce rodori taja adocāta İja. Yure ito İ āmi ejaja, “İto bajiro āmi ejaru”, yibeja yu. Yu ya rujuı, yu ya usigoti āmi ejaru gajea. Dios sıgūti masiami itire. ³ Riti, “Quenari cutoju Dios İ ñaro yure āmi ejañi”, ya yu mucana. Ito bajibojarocati, “İto bajiro ejacu yu”, yi masibeja yu. Yu ya usigoti, yu ya ruju cuni āmi mujari seyoñi Dios gajea. İ sıgūti masiami itire. ⁴ İto ejacōri masare Dios İ gotibitire tuocu yu. Ito yu tuogore goti rotibeami Dios yure. ⁵ İti gaye yure Dios İ gotija, “Ñasagu ña yu”, yiboguja yu. Ito bajibojarocati itire yibicuja. Yumasi gaye yu busija, “Buto sēogu meje ña yu. Yu cuni tuoİa bujatobea yu”, yicuja yu. ⁶ “Queno yigu ña yu”, yu yi āmoja, yi masia yu itire. Riojo yu gotigu ñajare, “Buguti yami Pablo”, yi masimenaji gājerā. İto bajibojarocati, “Queno yigu ña yu”, yi āmobeja yu. Yu yigore tibojarāti, ito yicōri yu busigore tuobojarā cuni, “Queno yigu ñami Pablo”, mua yi masibeja, “Queno yigu ñami Pablo”, mua yire āmobitiboruja yu. ⁷ Yu cāiroju Dios yure İ İocati quenarise İacu. İto bajiro İbojaguti, “Gājerā rētoro ñasagu ña yu”, yu yire āmobeami Dios. İto bajiri yu ya ruju, yu ñarise cutiroca yuİni Dios. Jota iti juniro bajiro baja iti yure. Yure iti ñaja ticōri, “Gājerā rētoro ñasagu meje ña yu”, yami Satanás yure. ⁸ Yu ñarise cutirise yisijaro yirocu, udiayi Diore senibojacu yu. ⁹ İto bajiro İre yu senibojarocati ado bajiro yure cudiquİ İ: “Yure ti maiami Dios’, mu yi masija, ñe ruyabea mre. Rojo busagu mu ñaja ticōri, ‘Dios İ masirisena, riasoguİi Pablo’, yi tuoİarā yirāji masa”, yiquİ mani Uju yure. İto bajiri ñarise cuticōri wanua yu. İto bajigu yu ñaja ticōri, “Cristo masirisena riasoİi Pablo”, yure yi tuoİarā yirāji masa. ¹⁰ İto bajiri yu ñarise cutija, wanua yu. Coji meje yure busitucā masa. Coji meje yu āmorise ruyasoticu yure. Coji meje usirioro yi codecā masa yure. Cristo oca yu riasojare coji meje yu tuoİa bujatobitiroca yicā masa yure. İto bajibojarocati wanua yu. Yu tuoİa bujatobitija, Cristore riti tuoİa yu. İto bajiri, “İ masirisena ña yu”, yi tuoİa yu.

Corinto cuto gānare Pablo İ tuoİa oca jaire gaye

¹¹ Yumasi gaye gotigu, queno tuo masibicure bajiro busia yu. “Queno yigu ñami Pablo”, mua yibejare, yumasiti ito bajiro ya yu. İto bajibojarocati, “Queno yigu ñami Pablo”, yirujabaja muare. Mua tu gāna, “Dios İ cūana ñasarā ña gua”, yirā rētoro ñasagu ña yu. No yigu meje ñabojaguti İna rētoro ñasagu ña yu. ¹² Dios İ cūru ñami Pablo, yijaro İna yirocu, tiyamani jaje yi İocu yu muare mua tu ñagū. Mua yure ñeñaro yibojarocati usiriobicuti Dios oca muare goti rētocu yu. Jaje tiyamani muare İocu yu. “Riti Dios İ cūru ñami

Pablo”, yi tuoŋaraja mua yure. ¹³ “Gājerā Jesucristore tuorānūrāreama buto rācubuoami Pablo. Manireama rācubuoameami”, ɔyi tuoŋati mua? Corocōti muare rācubuoā yu. Gājerā Jesucristore tuorānūrāre, “Yure ejabuaya mua, yu ŋa masitoni”, ŋnare yu yiado bajiro yibiticu yu muare. Ito bajiro muare yibiticōri, “Yu ŋeŋaro yirisere ācabojoya”, ɔyigu yigujada yu muare? Yibicuja. ŋeŋaro yibiticu yu muare.

¹⁴ Juaji mua tu ejasuoca yu. Ito bajiri udiayi mua tu ejagu warocu jane quenosuoa yu mɔcana. Mua tu yu ŋaja, muare josabicu yiguja yu. Mua yure ti maire āmoa yu. Mua ya niyeru āmogū meje mua tu ejagu yiguja yu. Ado bajirojua baja: ŋna riare ejabuarona niyerure āmoama ŋna jacusabatia. Riā meje ŋama ŋna jacusabatiaare ejabuarona niyeru āmarā. Yu riare bajiro baja mua. Ito bajiri muare josabicu yiguja yu. ¹⁵ Muare ti maicōri muare ejabua āmoa yu. Cristore tuorānūjaro ŋna, yirodu yu rucorise ŋarocōti wanure rāca jidicāɔuja yu. Cristore tuorānūjaro Corinto cuto gāna, yirodu bucu wabojaguti muare ejabusoticuja yu. Muare yu buto ti maibojarocati yu tuoŋaja yure queno ti maibeā mua.

¹⁶ “Mani rāca ŋagū manire josabitiqū Pablo”, yi tuoŋarāji mua yure. Ito bajibojarocati, “Queno tuoŋagū ŋari manire ruoŋi Pablo”, yirāji mua coriarā. ¹⁷ “Manire ŋ oca cōana rāca manire ruoŋi Pablo”, ɔyi tuoŋati mua? Ruobiticu yu muare. ¹⁸ “ŋnare titēŋa”, yirodu iti rumu Titore cōacu yu mua tu. Gāji ŋ rāca Cristore tuorānūgū cōacu yu. “Manire ruoŋi Tito”, ɔyi tuoŋati mua? Ruobitiru ŋ. “Queno yiqū Tito”, yi tuoŋarāji mua. Yure bajiro Espiritu Santo quedi sāja ecogu ŋari, muare ejabua āmogū Dios oca queno riasoŋi ŋ. Muare niyeru josabisī ŋ.

¹⁹ “ŋre wanujaro ŋna, yirodu iti manire gotiami Pablo”, ɔyi tuoŋati mua? Ito bajiro meje baja. Ado bajirojua baja: Muare yu busija, Cristo ŋ āmoro bajiro muare busia yu, Dios ŋ tiro riojo. Tuoya yu mairā yu ŋarā mua. Jeyaro yu muare gotirise, “Cristore tuorānū wajaro ŋna”, yirodu muare ya yu. ²⁰ “Mua tu ejacōri, Cristore cūdititicōri ŋeŋarise riti mua yi ŋaroca ti ejagu yiguja yu gajea”, yi tuoŋa yu muare. “Mua tu ejacōri mua oca josa ŋaroca ti ejagu yiguja yu gajea. Gājerā ya gajeoni mua uoroca, mua junisini ŋaroca ito yicōri gāmeri queno mua baba cuti ŋabitiroca, oca menirā cuni, busiturā, gāmeri tārā, ito bajiro yibojarāti, ‘Gājerā rētoro tuoŋarā ŋa gua’, mua yi ŋaroca ti ejagu yiguja yu gajea”, yi tuoŋa yu muare. Ito bajiro mua yi ŋaroca yu ti ejaja, mua āmoro bajiro muare wanu ejabicuja yu. Ito bajiro mua ŋeŋaro yirise ticōri muare junisini tigu yiguja yu. Ito bajiri yu junisinija ticōri, wanumenaji mua. ²¹ “Mua tu ejagu mua ŋeŋaro yire ticōri yu bojo bujaroca yigu yiguŋi Dios”, yi tuoŋa guia yu. Iti rumu mua ŋeŋaro yiado bajiroti mua yija ticōri, mua tiro riojo otigu yiguja yu. Itire āmobeā yu. Mua tu ejacōri, “ŋna ŋeŋaro yirisere jidicā āmobeā ŋna. Rocati romiare ŋna ajerise jidicā āmobeā ŋna. ŋnamasiti ŋna ya ruju ŋeŋaro iti tuoŋaro bajiroti ŋeŋaro yi uyarāji maji”, yi yu ti ejaja, otigu yiguja yu. Itire āmobeā yu.

13

Pablo ŋ goti quenosuare gaye

¹ Adi yu warisena udiayi muare tigu yiguja yu. Yu ejaroti bocati yucāna mua. Ado bajiro gotia Dios oca tuti: Gājire sīgū ŋ seti yi āmoja, ŋre busi ejabuarā, “Riti yami. Ticu gua cuni. Ito bajiroti bajicu”, yirā jūarā, udiarā ŋaja cuni quena, yi gotia Dios oca tuti. ² Iti rumu mua tu ŋagū ŋeŋaro yirāre goti quenocu yu, ŋna ŋeŋaro yirise jidicājaro yirodu. Mua tu ŋabitibojaguti gājerā ŋeŋaro yirāre cuni goti quenoa yu, jidicājaro yirodu. ŋeŋaro yirā ŋna ŋaja ti ejacōri, buto ŋna tuoŋa bujatobitiroca yigu yiguja yu. ³ ŋnare ito bajiro yu yija ticōri, “Cristo ŋ āmoro bajiro gotiami Pablo”, yi tuoŋarāji mua. ŋna ŋeŋaro yirise jidicājaro yirodu, oca sēoro yigu yiguŋi Cristo. Ito yicōri ŋ masirise muare ŋogū yiguŋi. ⁴ Manire bajiro ruju cūticōri yucutēoju ŋna jajuja godaŋi Cristo. Ito bajiro ŋna yibojarocati adocāta Dios ŋ masirisena ŋami ŋ ŋja. Cristore yu tuorānūja ticōri, “Rojogu ŋami Pablo”, yama masa yure. Ito bajiro ŋna yibojarocati Cristore tuorānūgū yu ŋajare, yu oca sēoro ca yigu yiguŋi Dios. Ito bajiri mua tu ejacōri, ŋna ŋeŋaro yirisere jidicājaro yirodu, oca sēoro muare goti quenocuja yu.

⁵ “ɔRiti Cristore tuorānūgū ŋati yu?” yi tuoŋaŋa mua. “ɔRiti Cristo yu ya asiju quedi sāja ecoru ŋati yu?” yi tuoŋaŋa mua. “Cristo yu ya asiju quedi sāja ecoru ŋa yu”, mua yi tuoŋabeja, Cristore tuorānūrā meje ŋna mua. ⁶ “Riti Cristore tuorānūgū ŋami Pablo”, yure yirāji mua”, ya yu. ⁷ Mua ŋeŋaro yibititoni mure yiari Diore seni ŋisotia yu. “ŋnare queno Dios oca riasoŋi Pablo”, yure ŋna masa yi wanujaro yirodu meje Diore senia yu. Quenarise riti mua yire āmoa yu. Ito bajiri mua queno yitoni Diore seni ŋsia yu. “ŋnare queno riasobisī Pablo”, masa ŋna yibojaja cuni, no yibeā yure. ⁸ Oca ŋasarise tuorānūjaro ŋna yirodu, Dios oca riasoa yu. Oca ŋasarise ŋna tuorānū jidicāroca yi āmobeā yu. ⁹ Ito bajiri mua tu ejacōri, “Queno Cristore tuorānūrā ŋama ŋna”, yi yu ti masija, sēoro muare busibicuja yu. Ito bajiro iti bajija, ticōri buto wanūgū yiguja yu. Cristore tuorānūcōri ŋ āmoro bajiro riti yijaro ŋna, yirodu muare Diore seni ŋsia yu. ¹⁰ Mua tu ejacōri sēoro muare busi āmobeā yu. Ito bajiri yu waroto riojua adi papera muare cōa yu. Mua

oca sēoroca yu yitoni yure cūñi mani ʘju. Oca sēobitjaro ĩna, yirocu meje yare cūñi ĩ. Ito bajiri mua tu ejacōri mua oca sēoroca yi āmoa yu.

¹¹ Itocō uca yu ĩarā yu muare. Queno ĩaĩa mua. Cristo ĩ āmoro bajiro riti yiya mua. Yu muare gotirise tuorūnaĩa. Sigūre bajiro tuoĩacōri ĩaĩa mua. Oca ĩaja itire quenoĩa. Ito bajiro mua yija, muare ti maicōri mua rāca ĩatĩĩagū yiguĭji Dios. Ito yicōri mua ya usiju queno mua wanu quenaroca yigu yiguĭji ĩ. ¹² Cristore tuorūnūrā ĩari queno wanure rāca gāmeri seniĩa ĩasotiya mua. ¹³ Ado gāna Cristore tuorūnūrā, “Quenajaro”, yi ĩucama muare.

¹⁴ “Īnare queno yiya Cristo mu”, yirocu muare yiari mani ʘju Jesucristore senia yu. “Īnare maiĩa Dios mu, ito yicōri ĩna rāca ĩaĩa Espiritu Santo mu”, yi seni ĩsisotia yu ĩarā yu, mua jeyarore yiari. Itocō ĩa.

La carta de San Pablo a los Gálatas

Galacia sita gānare Pablo ī papera cōare gaye

¹⁻² Nati Galacia gāna m̄ua. Jesucristore tuorān̄u s̄uyarā ŋari, ī ocare riasotirona minijua-sotirā yirāji m̄ua. Yū ŋa Pablo adi papera m̄uare cōagū. Ī oca yū goti ucutoni yure cūñi Jesucristo. Masa ŋa cūr̄u meje ŋa yū. Dios oca yū goti ucutoni yure cūbiticā masa. Dios, Jesucristo Jacūjua yure cūñi. Īti ŋami Jesús ī t̄uđi catiroca yir̄u. Yū sigū meje adi papera m̄uare cōa yū. Yū rāca gāna, adoju Jesucristore tuorān̄urā cūni, “Quenajaro”, yī ŋucama ŋa m̄uare. ³ Queno m̄uare yijaro mani Jacū Dios. Mani Ūju Jesucristo cūni queno m̄uare yijaro ī. Ito yicōri m̄ua ya usi queno wan̄u quenaroca yijaro ŋa. Ito bajiro m̄uare yijaro yirocū Diore seni ĩsia yū. ⁴ Mani Jacū Dios ī āmoro bajiro yigū ŋari, mani ŋeñaro yirise waja, waja yirocū manire goda ĩsiñi Jesucristo. Ito bajiri adi rum̄uri cūni ŋeñaro yirā robo bajiro mani bajibe yirocū, manire ejabua masiguji Jesús. ⁵ “Ito bajiro yami ĩ”, yī masicōri, Diore rūcub̄uot̄iñarūja manire. “Rētoro quenagū ŋami Dios”, yī tuoīarūja manire. Ito bajiroti tuoīat̄iñarūja manire.

Jesucristore mani tuorān̄urena s̄uoriti manire masogū yiguji Dios, yire oca

⁶ Manire ti maicōri manire beseñi Dios. Cristore mani tuorān̄uja ticōri, manire masoñi ĩ. Ito bajiro manire ī yire ŋabobarocati, yoari mejeti ĩre jidicā āmoa m̄ua. Ito yicōri gaje ocajua-re tuorān̄ua m̄ua. “Ito bajiro bajicā Galacia gāna”, masa ŋa yija tuoōri, ucacu yū jabeto. ⁷ Dios oca riti ŋa riojo gotire gaye. Ŋe gaje oca b̄uto busa quenarise manija. Jesucristore mani tuorān̄urena s̄uoriti manire masogū yiguji Dios. Ŋejuana gaje manire maso masibiquji Dios. Ito bajibobarocati m̄ua t̄u gāna ricati m̄uare oca riasorā yirāji ŋa. Ito yicōri ŋa robo bajiro m̄ua tuoīajaro yirona, m̄uare usirio coderā yirāji ŋa. ⁸ M̄ua t̄uju yū ŋaja, quenarise Dios ocare, ŋaro bajiroti m̄uare riasocū yū. Ricati ruore oca m̄uare yū riasoja, jeame ūjuroju yure cōa masiguji Dios. No adi tuti gagū, ito yicōri ūmacajū Dios ŋaro gagū cūni ricati ruore oca ŋa riasoja, jeame ūjuroju ĩnare cōaguji Dios. ⁹ Yū gotisuro bajiroti m̄ucana juaji goti quenogū ya yū. No Dios oca quenariserere jidicācōri gaje oca ŋa riasoja, jeame ūjuroju ĩnare cōa masiguji Dios.

¹⁰ Ito bajiro yū riasoja, masa yure ŋa wan̄utoni meje riasoa yū. Yure Dios wan̄ujaro yirocū, ito bajiro riasoa yū. Iti rum̄uju masa yure ŋa wan̄utoni gaje oca riasocū yū maji. Iti rum̄uju masa ŋa wan̄utoni yū goticadi bajiro yū gotibojaja, Cristo ī āmoro bajiro meje yigū ŋabogūja yū. Ito yicōri ĩre moa ĩsiri masū meje ŋabogūja yū.

Ado bajiro apōstol ŋasucū yū, Pablo ī yire gaye

¹¹ Queno tuoja yū ŋarā m̄ua. Riti m̄uare gotia yū. Jesucristo oca yū riasorise masa ŋa tuoīa rujeore meje ŋa. ¹² Iti oca quenarise yū masiroca yibiticā masa. Ito yicōri iti oca yure riasobiticā masa. Jesucristoama ĩmasiti yū masiroca yiqui ĩ.

¹³ Iti rum̄uju gua judio masa tuoīare gaye riti rūcub̄uocū yū maji. Ito yū bajigore tuogoana ŋa m̄ua. Iti rum̄uju Jesure tuorān̄urāre ŋeñaro ŋa t̄obujaroca yicu yū. Ito bajiri ĩnare ti maicōri meje, ĩnare s̄uyacu yū. Ito yicōri ĩnare ruyurio āmogū yibojacu yū. ¹⁴ Yū mamū ŋagū, gua judio masa tuoīare gaye queno rūcub̄uocū yū. Gua masa bucārā ŋa rotire gayere yū rāca corocō t̄ujarā rēto busaro queno cudicu yū. ¹⁵ Ito bajiro yū bajibobarocati, yure āmogū beseñi Dios. Iti rum̄uju yū rujearoto riojuaju yure beseñi Dios. Yure ti maicōri, “Āni Pablo ī bucūaja, yū yagu ŋagū yiguji ĩ”, yī tuoīacōri yure beseñi Dios. ¹⁶ Ito bajiroti Dios ī āmori rum̄u, ĩ Macū Cristore yū masiroca yini ĩ ĩja. Ito bajiri adocāta, “Dios Macūti ŋami Cristo”, yī tuoīa masia yū ĩja. Ito bajiro yū masiroca yini Dios, judio masa mejere cūni ĩ oca yū goti ucutoni. Iti tuo masicōri, “¿No bajiro yigū yujada yū?” yī seniābiticu yū gājerāre. ¹⁷ Ito yicōri yū riojuā Jesucristo ī cūanare cūni seniāroca, Jerusalēnju wabiticū yū. Ado bajirojuā yicu yū. Yoari mejeti Arabia wame cutiri sitaju masa manojū tuoīarocū wacu yū. Ito bero Damasco cutojū t̄uđi ejacu yū.

¹⁸ Itoju ūđia rodo ŋacōri, Pedro rāca busirocū Jerusalēnju wacu yū ĩja. Itoju ejacōri quince rum̄uri ĩ rāca ŋacu yū. ¹⁹ Itoju ŋagū gājerā Jesús ī cūanare tibiticū yū. Pedro, mani Ūju ocabaji Santiagore cūni, ŋa jūarāti ticu yū. ²⁰ Dios ī tiro riojo adire uca yū. Ruobeā yū m̄uare. Ado yū ucarise riti ŋa.

²¹ Jerusalēnju yū ŋaja bero Siria wame cutiri sitaju wa ucucu yū. Ito yicōri Cilicia wame cutiri sitaju cūni wa ucucu yū. ²² Yoari mejeti Judea sitaju yū ŋajare, yure queno masi jedibiticā ito gāna maji. Ito bajiri ito gāna Jesure tuorān̄urā, yure queno masibiticā ŋa maji. ²³ Gājerā ŋa busire riti tuori seyoñi ŋa. “Manire ŋeñaro ĩ yī āmorise jidicācōri gaje mame tuoīare ŋa ĩre ĩja. Iti rum̄uju Jesure mani tuorān̄uja ticōri, manire s̄ia āmoñi ĩ maji. Adi

ramuriama manire bajiroti Jesucristore tuorünugū yiguñji i cuni", masa ña yija, tuori seyoñi Judea sita gāna. ²⁴ "Jesucristore tuorünugū ñami Pablo ñja", masa ña yija tuocōri, Diore queno rācubuoere ocana busiñi ña.

2

Apóstol mesa Pablore ña boca ãmire gaye

¹ Catorce rodori bero mucana Jerusalénju wacu yu, Bernabé rāca. Ito yicōri Tito wame cutigu cuni baba cuti waquĩ gua rāca. ² Dios yure ito bajiro i wa rotijare Jerusalénju wacu yu. Itoju ejacōri Jesure tuorünurāre ũmatā ñarā rāca riti busirocu, ña rāca minijuacu yu. Ado bajiro ñare goticu yu: "Masa ñajedirore maso ãmoguñji Dios. Ito bajiri judio masa mejere cuni i oca quenarise goti ucuu yu", yicu yu Jesure tuorünurāre ũmatā ñarāre. Ito bajiro goticu yu ñare, yu tuoñaro bajiro tuoñacōri, "Riti oca quenarise goti ucuami Pablo", yure ña yitoni. ³ Ito bajiro yu gotija bero sigūre bajiro riti tuoñacu gua ñja. Ito bajiri sigūre bajiro tuoñacōri, yu rāca gagu Titore wiroti ta rotibiticā ña ñja. Judio masu meje Tito i ñabojarocati, "Gua judio masa yisotiro bajiro wiroti tarūja mure", yibiticā ña ñre. ⁴ Gājerāma, "Jesure tuorünurā ña gua", yi tuorā Titore wiroti ta rotibojacā ña. "¿No bajiro yati, Jesure tuorünurā? Ito yicōri, ¿bucurā masa rotire cudiatu ña?" yi seniñarona, guare tuorā gua rāca minijuacā ña. Gua rāca minijuacōri, "Bucurā masa ña yisotiro bajiro yirūja manire", yibojacā ña guare. ⁵ Ito bajiro ña yibojarocati ñare cudibiticu gua. Ito yicōri ña rotibojarisere cuni cudibiticu gua. Jesure riti mani tuorünuja manire masogū yiguñji i. "Bucurā rotirisere mani cudija, manire masogū yiguñji Dios", mua yi tuoñabitoni, guare ña rotibojarocati cudibiticu gua.

⁶ "Ito bajiro riasoami Pablo", yicōri, "Gaje ado bajiro mu riasoja quena", yure yibiticā Jesure tuorünurāre ũmatā ñari masa. "Ujarā ñasarā ñarāji ña", yi tuoña güibiticu yu. Ñare i beseado bajiroti yure cuni beseñi Dios. Coro bajiroti manire ti maiami Dios. ⁷ Ujarā ado bajiro yicā yure: "Dios i cūru ña mu cuni. Judio masa mejere cuni Jesús oca quenarise mu goti ucutoni mure cūri seyoñi Dios", ya gua. "Iti ramūju Pedrore cūñi Dios, judio masare oca quenarise i gotitoni. Ito bajiroti mure cuni cūri seyoñi Dios, judio masa mejere cuni mu goti ucutoni", yi tuoña gua, yicā ujarā yure. ⁸ Riti ña. Pedrore cūñi Dios, judio masare oca quenarise i goti ucutoni. Ito bajiroti cūñi Dios yure cuni, judio masa mejere yu riaso ucutoni.

⁹ Ito gāna Jesure tuorünurā ujarā Santiago, Pedro, Juan cuni ado bajiro yicā ña yure: "Dios ñmasiti mure queno yirocu cūri seyoñi, i oca judio masa mejere cuni mu riaso ucutoni. Ito bajiri ñare riaso ucurūja mu. Guareama judio masare i oca riasotoni guare cūñi Dios. Ito bajiri ñare riasorāona ña gua. Ito yicōri coro bajiroti Diore moa ñsirūja mani", yicā ña yure. Ña ito yija tuocōri, sigūre bajiro riti tuoñacu gua ñja. Ito bajiri yure, yu rāca gagu Bernabé cuni ãmo ñia wanucā ña. ¹⁰ "Bojoro bujarāre queno ejabuaya mua", yicā ña guare. Ito bajiro ña yija tuocōri, wanure rāca cudicu gua ñja. Iti riti roticā ña guare.

Pedrore Pablo i goti quenore gaye

¹¹ Antioquāju yu ñaroca Pedro cuni ejaquĩ. Itoju ejacōri queno yibitiquĩ i. Ito bajiri "Iti seti ña mure", yirocu masa tiro riojo ñre goticu yu. ¹² Ado bajiro bajicu ñre seti. Cajero Antioquāju ejacōri queno yiquĩ Pedro maji. Judio masa meje ñarā rāca baba cuticōri, ña rāca baquĩ Pedro. Ito bajiro i yi ñaroca Jerusalén gāna Santiago i cōana ti ucurā ejacā ña cuni. "Judio masa meje ñarā rāca babitirūja mani. Ito yicōri Diore mani cudli ãmoja, wiroti tarūjarāji mani", yi tuoñarā ñacā ña. Ña ejaja ticōri, güiquĩ Pedro. "Yure tudirā yirāji", yirocu judio masa meje ñarā rāca tui babitiquĩ Pedro ñja. ¹³ Gājerā judio masa ñarā, Pedro i güija ticōri, ñre bajiroti judio masa meje ñarā rāca juaji babititicā ña cuni. Ito bajiro ña yija tuocōri, "Ñare bajiroti yirūja yure cuni", yi tuoñaquĩ Bernabé. ¹⁴ "Jesure riti mani tuorünuja manire masogū yiguñji Dios", yi tuoña masibojarāti, bucurā rotirisejuare rācubuoerā bajiro yicā ña. Ito bajiro ña yija ticōri, gājerā Jesure tuorünurā ña tiro riojo Pedrore tudicu yu. Ado bajiro ñre tudicu yu: "Judio masu ñabojaguti, Jesure mu tuorünuja bero, mani bucurā ña yisotirere jidicāyija mu. Ito bajiro mu yijama queno tuoñayija mu maji. Ito bajibojarocati mucana adocāta bucurā ña yisotire gayere rācubuoegu bajiro ya mu. Ito yicōri judio masa mejere cuni rotiboja mu. Bucurā masa yisotire bajiro yija mua cuni", yirocu ito bajiro ñare rotiboja mu. Ito bajiro yibitirūja mure", yi goticu yu Pedrore. Gaje ado bajiro ñre goticu yu:

Jesucristore mani tuorünuja ticōri, mani jeyarore masogū yiguñji Dios, yire gaye

¹⁵ "Mani jūarā judio masa rujeana ña mani. Gājerā masa, mani bucurā rotire gayere ñeñaro aja tudiana ña. Ña robo ñeñaro yirā meje ña maniamu. ¹⁶ Ito bajibojarocati, Moisés ñayoru rotire ñarocōti mani cudija cuni, 'Queno yirā ñama. Seti ma ñare', yibiquñji Dios manire. Jesucristore riti mani tuorünujama, 'Queno yirā ñama ña', yigu yiguñji Dios manire. Itire masicōri Dios manire i boca ãmitoni Jesucristore riti tuorünuja mani. 'Jeyaro bucurā

rotirise mani cudi ñabojarocati, Jesure mani tuorünubeja, manire boca ãmibiquĩji Dios, yi tuoĩa mani. No bucurã rotire riti cudigũre, 'Queno yigu ñami T, yibiquĩji Dios. Ito yicõri ñe boca ãmibiquĩji Dios', yi goticu yu Pedrore.

¹⁷ "Mani Jesure riti tuorünuja, manire boca ãmigũ yiguĩji Dios", mani yija tuocõri, "Ñeñaro ya mua", yirã yirãji mani masa. "Mani bucurã rotire gayere mua cudibeja, gaje masa ñeñaro ña yiro bajiro ya mua cani", yirã yirãji mani masa. Ado bajiro mre senĩa ãmoa yu. ¿Mani ñeñaro yiroca, yigu yiguĩjida Cristo? "Yibiquĩji", yi tuoĩa yuama. Ñe riti mani tuorünuja, Dios rotiriserẽ manu cudiroca yigu yiguĩji Jesucristo. ¹⁸ Ado robojua baja. "Jesure riti mani tuorünuja, manire masogũ yiguĩji Dios", yi tuoĩa yu. Ito bajibojarocati, iti ocare jidicãcõri, "Mani bucurã ña rotire gayere mani rãcubwoja, manire masogũ yiguĩji Dios", yu yi gotija, ñeñaro yiborujaja yu. ¹⁹ Iti rumũju ado bajiro tuoĩabojacu yu maji. "Mani bucurã ña rotiriserẽ ñarocõti mani cudija, yure boca ãmigũ yiguĩji Dios", yi tuoĩabojacu yu maji. Ito bajiro tuoĩabojaguti, ñarocõti cudi jeo masibiticu yu. Adocãta, "Jesure riti yu tuorünuja, yure boca ãmigũ yiguĩji Dios", yi tuoĩa yu ña. ²⁰ Adi rumũriama Jesucristo, iti ñami yu Uju ña. Ito bajiri ñ amorise yu yi ñatoni yure gotiami ñ. Adocãta yu ñamoro bajiro meje ya yu. Jesucristo, Dios Macu yure ti maicõri, yu ñeñaro yirise waja, waja yirocu yure goda ñsiñi ñ. Ito bajiri adi rumuri ñe tuorünugũ ñari, ñ amorõ bajiro riti yi ñasotia yu ña. ²¹ "Rocati masare yiari ñ Macure cõabojaji Dios", yi tuoĩagũ meje ña yuama. "Rẽtoro ñasarise ña iti", yi tuoĩagũ ña yu. Bucurã ña rotirise mani cadire waja Dios ñ masoja, Cristo goda ñsibitoru manire.

3

Diore tuorünure meje ña bucurã ña rotire gaye

¹ Tuoya Galacia gãna mua. Jesucristore jidicãcõri gaje ocajua tuorünurã ñari queno tuoĩamena ña mua ña. ¿Ñimu ruore oca goticati muare? Yu goroama muare gotibiticu yu. Iti rumũju mua rãca ñagũ, yucutõju Jesucristo godare gaye oca muare queno goticu yu. Iti oca tuocõri queno rãcubwocu mua maji. Ito bajibojarocati ruore oca riasori masare tuorünucõri, Jesucristore jidicã ãmoa mua. Ito bajiro mua yija, queno tuoĩamena ña mua. ² Coji gaye muare senĩa ãmoa yu: ¿Moisẽs ñayoru ñ rotire gaye mua cudija ticõri, Espiritu Santo quedi sãjacati muare? Ito bajirojua meje baja. Jesucristo oca tuocõri, ñe mua tuorünujaja bero, muare quedi sãjaji Espiritu Santo. ³ ¿No bajiatĩ, mua tuoĩarise jedicoati muare? Iti rumũju Jesucristore mua tuorünuja ticõri, mua ya usiju quedi sãjaji Espiritu Santo. Ito bajibojarocati, "Bucurã rotire gaye mani tuorünuja ticõri, manire masogũ yiguĩji Dios", yi tuoĩabojaja mua adi rumuri. Itire tuoĩabesa mua. ⁴ ¿Muare rãtagore ñajediroti ñcabojocati mua? Ito yicõri, ¿Mua tõbujare gaye cani ñcabojocati mua? "Itire ñcabojamenaji ña", yi tuoĩa yu muare. Itire tãdi tuoĩacõri queno tuoĩarã yirãji mua mucana. ⁵ Espiritu Santo queo sãni Dios muare. Ito yicõri jaje tiyamani, mua tiro riojo ioñi Dios. Judio masa bucurã ña rotire gaye mua tuorünujare ¿ito bajiro yicati Dios? Ito bajiro meje baja. Jesucristo oca mua tuorünujare, ito bajiro yini Dios.

⁶ Abraham ñayorure tuoĩate mua. Ñama Dios busiriserẽ tuorünuyiju. Ito bajiro ñ yija ticõri, "Queno yigu ñami Abraham", yiyiju Dios. ⁷ Iti ocare tuocõri, ado bajiro yi tuoĩa mani: "Mani Abraham ñayoru bajiro Diore tuorünurã ñari, ñ janerãbatia robo bajirã ña mani ña", yi tuoĩa mani. ⁸ Jane mejeju iti gaye gotisũoyiju Dios ñ oca tutina. Ito yicõri judio masa meje ñarã Diore ña rãcubworoti gaye gotisũoyiju Dios. "Judio masa mejere cani masogũ yiguĩja yu", yirocu ado bajiro yiyiju Dios Abrahamre: "No gãji mu robo bajiro yure ñ tuorünuja ticõri, ñeñaro ñ yiriserẽ ñcabojogu yiguĩja yu", yiyiju Dios Abraham ñayorure. ⁹ Diore queno tuorünuyiju Abraham. Ito bajiri ñe queno yiyiju Dios. Adi rumuri cani, no Jesucristore tuorünugũre queno yigu yiguĩji Dios.

¹⁰ "Moisẽs ñayoru ñ rotiriserẽ yu cudi jeoja ticõri, yure masogũ yiguĩji Dios", yi tuoĩabojagure, seti ña ñe maji. Ito bajiri ñe masobiquĩji Dios. Ito yicõri ñe waja senigũ yiguĩji Dios. Ado bajiro yi ucañi Moisẽs ñayoru: "No adi pãpera tuti rotiriserẽ cudi jeobicure, seti ña ñe maji. Ito bajiri ñe waja senigũ yiguĩji Dios", yi ucañi Moisẽs ñayoru. ¹¹ Iti oca tuocõri, "Judio masa bucurã rotire gaye cudi jeo masibeja mani. Ito bajiri, 'Queno cudi jeorã ña mua', yibiquĩji Dios manire. Sigu ñarocõti cudi jeogu maquĩji", yi tuoĩa masia mani. Ado bajiro yi gotia Dios oca tuti: "No Diore tuorünugũre, 'Queno yigu ña mu', yigu yiguĩji Dios ñe. Ito yicõri ñ catitũñaroca yigu yiguĩji Dios", yi gotia Dios oca tuti. ¹² Ito bajibojarocati, "Bucurã rotire gaye yu cudi jeoja, yure seti manojaja", yirã, Diore tuorünurã meje ñama ñaõna. Diore tuorünure meje ña bucurã rotire gaye mani tuorünuja. Ado bajiro yi ucañi Moisẽs ñayoru: "No adi tuti rotirise cudi jeoguti, seti manicõri Dios rãca queno ñagũ yiguĩji T", yi ucañi Moisẽs ñayoru.

¹³ Ito bajibojarocati ñarocõti bucurã rotire gaye cudi jeo masibeja mani. Ito bajiri seti jaje ña manire. Ito yicõri jairo ñeñaro yirise waja, waja ruyurioa mani. Itire masicõri, mani ñeñaro yirise waja, waja yi ñsirocu goda ñsiñi Cristo. Ado bajiro yi gotia Dios oca: "Yucũgũju sigũre ña sãa yojaja, seti cutigu ñagũji locã", yi gotia Dios oca tuti. Mani ñeñaro yirise waja,

manire waja yi İsirocü yucutêojü goda İsiñi Cristo. ¹⁴ Jane mejeju ado bajiro goticâyijü Dios Abraham ñayorare: “No mare bajiro yare tuorünugäre, queno yigü yigüja yu”, yijü Dios Abraham ñayorare. Judio masa mani ñaja, judio masa meje mani ñaja cuni, Jesucristore mani tuorünuja manire masogü yigüji Dios. Ito yicöri i goticato bajiroti Espiritu Santo queo sägü yigüji Dios manire.

Ado bajiro yicuja yu, Dios i yire gaye

¹⁵ Queno tuoja yu ñarä mua. Goti masiore ocana muare gotigü ya yu. “İ yiro robo yibisi İ”, gäjerä yibe yirona, “Ado bajiro yicuja yu”, yi ucasotia mani. Ito bajiro mani yi ucajare, “Meje i yiro bajiro yibisi İ”, yi masimenaji gäjerä. Mani ucacäre ñajare, busi remo masimenaji İna İja. ¹⁶ Jane mejeju cuni, “Ado bajiro yicuja yu”, Abrahamre Dios i yija, ucare İa İti cuni. Ado bajiro Abraham ñayorare goticäni Dios: “Sİgü mü janamina suoriti masa jeyarore queno yigü yigüja yu”, yiñi Dios Abraham ñayorare. “Mü janeräbatiana suoriti masa jeyarore queno yigü yigüja yu”, yibisi Dios. “Sİgü mü janamina suoriti”, i yija, “Jesucristona suoriti”, yireoni İa İti. ¹⁷ Mua queno tuo masitoni muare goti rëtobugü ya yu. Ado bajiro goticäni Dios Abrahamre. “No mü robo yare tuorünugäre, İre masogü yigüja yu”, yi goticäni Dios İre. Ito yija cuatrocientos treinta rodori bero i rotirise Moisésna cüyüjü Dios, judio masa İna cudijaro yirocu. Ito bajiro yigü, “Jane mejeju Abrahamre yu gotiyocature jidicäcöri gaje wasoagu ya yu”, yirocu meje yijüjü Dios itire. Ito bajiri, “Abrahamre i gotiyore jidicäcöni Dios”, yi tuoİabea mani. ¹⁸ Moisés rotirise mani cudi jeore waja meje manire masogü yigüji Dios. Narocöti Moisés rotirise cudi jeo masibe a mani. İ rotirise mani cadije wajana suoriti manire Dios i masoja, Abraham ñayorare Dios i goticäre rocati bajiro İbaroja İti. “Yure mü tuorünuja, mare queno yicuja yu”, yicäni Dios Abrahamre. Ito bajiri Abraham ñayoru robo bajiro Diore mani tuorünuja manire masogü yigüji İ.

¹⁹ Ito bajicöri, İno yija i rotirisere cüyijari Dios manire? Ado robojua bajia. “Dios rotirisere cudi jeo masibe a yu. Neñaro yi jaigu İa yu”, mani yitoni i rotirisere cüni Dios manire. Ito bajiri, “Sİgü mü janamina suoriti masare masogü yigüja yu”, Abrahamre yire i ejaroto riojua i rotire İacâyijü manire. Dios İmasiti, Moisésre gotibisijü i rotirise. İ İaro gäna ängel mesare Moisésre goti rotiyijü Dios. İna gotija tuocöri, judio masajare gotiyijü Moisés mucana. ²⁰ “Sİgü mü janamina suoriti masare masogü yigüja yu”, Dios i yija, İmasiti Abrahamre gotiyijü. İti gayereama ängel mesare goti rotibisijü Dios. İmasiti Abraham ñayorare gotiyijü Dios.

“Neñaro yigü İa yu”, mani yi tuoİatoni, i rotirise manire cüni Dios, yire gaye

²¹ İ Moisésre i rotire gaye i cüroca Abrahamre i goticäre jidicâyijari Dios? Meje i goticäre jidicäbisijü Dios. Ado robojua bajia. Catitİfare gaye mani bujatoni meje i rotirise cüyijü Dios. İ rotirisere cudi jeo masibe a mani. Ito bajiri, “Cudi jeorä İa mua. Queno yirä İa mua”, yibiquji Dios manire. İ rotirise mani cudi jeoja ticöri, “Queno yirä İa mua”, yibogüji gajea. ²² Ito bajibojarocati cudi jeo masibe a mani. Dios oca tuti gotiädo bajiroti bajia İti. “Masa jeyaro neñaro yama İna. Sİgü ruyabeto seti cutirä İama İna”, yi gotia Dios oca. İ rotirise cudi jeo masibe a mani. Ito bajibojarocati jane mejeju Abrahamre Dios i goticäre na suoriti manire maso masigüji Dios. Jesucristore mani tuorünuja ticöri, manire masogü yigüji Dios, i goticädo bajiroti.

²³ İti rama, “Jesucristore yu tuorünuja ticöri, yare masogü yigüji Dios”, yi masibitücu mani maji. İtire mani masiroto riojua, “Dios i rotirise riti İa mani cudiroti”, yi tuoİacu mani maji. Ito bajibojarocati Dios i rotirise cudi ämbojaräti, cudi jeo masibitücu mani. ²⁴ Jesucristo ejaroto riojua Dios i rotirisere riasotücu mani. İtire riasoticöri, “Neñaro yigü İa yu. No bajiro neñaro yu yirise jidicä masibe a yu”, yi tuoİacu mani maji. Ito bajiro tuoİacu mani maji Jesucristo i ejaroto riojua. Adı rumariama, “Jesucristore yu tuorünuja, yare masogü yigüji Dios. Ito bajiri i räca queno wana catitİngü yigüja yu”, yi tuoİa mani İja. ²⁵ Adı rumariama Jesucristore riti tuorünuja manire. Ito bajiri, “Judio masa bucarä rotire gaye yu cudi jeoja, yure masogü yigüji Dios”, yi tuoİabiturä manire İja.

²⁶ Tuoja mua. Jesucristore tuorünurä İacöri adocäta Dios İra İa mua cuni İja. ²⁷ Jesucristore tuorünucöri, idé gu rotiyija mua cuni. Ito bajiro mua yija ticöri, Jesucristo queno i yi İado bajiro mua queno yi İaroca yami Dios muare. ²⁸ Sİgü robo bajiro ti maigüji Dios manire. Sİgäre bajiro tuoİacöri Jesucristore tuorünua mani. Ito bajiro mani yija ticöri, İtina suoriti manire masoñi Dios. Co masa bajiroti masoñi Dios manire. Tite mua, jeyaro İa mani. Judio masa, judio masa meje cuni İa mani. Moa İsiri masa, moa İsiri masa meje cuni İa mani. Romia, İma cuni İa mani. Jeyaro mani masa wısbajocati Jesucristore mani tuorünuja ticöri, co masa bajiroti masoñi Dios manire. ²⁹ Ito yicöri, judio masa meje İabojaräti, Jesucristore mua tuorünuja Dios İarä İa mua cuni İja. Ito bajiri i İarä mua İaja,

yu bajiroti, Abraham ñayoru janerābatia ña mua cuni İja. Ito bajiri, “Mu janerābatiare queno yigu yigujā yu”, Dios Abrahamre İ goticādo bajiroti mware cuni queno yigu yiguİji Dios İja.

4

¹ Mucana gaje mware goti remoa yu. Coriarā ado bajiro yama İna macu ñasuoğure: “Macu, mu jai tujaroca jeyaro yu rucorise mu yeti ñaro yiroja”, yama coriarā, İna macu ñasuoğure. Macuacā ñagū, jai tujabicu İ jacu ye gajeonire raco masibiquİji maji. Ito bajiri İja rucorocu ñabojaguti, İ rucoroto riojua İ jacure moa İsiri masu bajiro bajiami İ maji. ² Macuacā İ ñaroca İ jacure moa İsiri masa İre coderā yirāji. Ito yicōri İja İ rucorotire cuni coderā yirāji İna. “Yu macu İ jai tujaroca jeyaro yu rucorise İre İsima”, jacu İ yiri rumu ejaroca İre İsirā yirāji İna. Ito bajiri moa İsiri masu bajiro meje bajigu yiguİji İ İja. ³ Mani cuni Jesucristore mani tuorānuroto riojuaju ito bajiroti bajibojacu maji. “Bucurā rotire yu cudi jeobeja quenabeto tōbujagu yigujā yu”, yi tuoİabojacu mani. Ito bajiri Cristore masibiticōri rāmūare moa İsirā bajiro bajirā ñacu mani maji. ⁴ Ito bajiro mani bajibojarocati, “Masare yari yu Macure cōagū yigujā yu”, Dios İ yiri rumu ejayija İja. Ito bajiri Dios Macu ñabojaguti, romiona rujeaİni Jesucristo. Ito yicōri judio masu rujeaİni İ. ⁵ “Bucurā masa İna rotire gaye yu cudibeja, quenabeto tōbujagu yigujā yu”, yi gua masa tuoİabojarocati, manire yiari İ Macure cōaİni Dios. İ rİa mani ñatoni manire masorocu İ Macure cōaİni Dios.

⁶ Ito bajiri Jesucristore mani tuorānaja, Dios rİa ña mani İja. İ rİa mani ñajare İ Macu Jesucristona suoriti, manire EspİRitu Santo queo sāİni Dios. Ito bajiri, “Cuna, yu Jacu”, ya mani Diore. ⁷ Diore tuorānucōri, “Bucurā rotire gaye yu cudibeja, quenabeto tōbujagu yigujā yu”, yi tuoİabea mani İja. Dios rİa ña mani İja. Ito bajiri, Abraham ñayorare, Dios İ gotiādo bajiroti manire masocōri, manire queno yigu yiguİji Dios.

Jesure masirāre Pablo İ tuoİa oca jaire gaye

⁸ Tuoya mua. İti rumaju Diore masibisija mua maji. Diore masibiticōri, bucurā masare rācabuoyija mua. Dios meje İna ñabojarocati bucurā ñayoanare rācabuobojayija mua. “İna rotirise mani cudibeja, quenabeto tōbujarā yirāji mani”, yi tuoİa güiyija mua maji. ⁹ Adi rumariama Diore masirā ña mua cuni İja. Ito bajijare Dios İmasiti mware ti masiami İja. Diore tuorānucōri bucurā rotire gaye jidicācu mua. Ito bajibojarocati yu tuoİa, bucurā İna rotire gaye rācabuoyija mua mucana. “Bucurā rotire gaye mani cudibeja, quenabeto tōbujarā yirāji mani”, İyi tuoİa güi āmoati mua mucana? ¹⁰ Ado bajiro tuoİabojarāji mua mucana: “Judio masa İna rotirere mani rācabuojā, manire masogū yiguİji Dios”, yi tuoİabojarāji mua. Ito bajiro tuoİabojacōri, “Adi rumu rācabuora rumu İna, adocō İami gagu İ tujaroca adocō jue İti tujaroca, İto yicōri adocō cuma İti tujaroca rācabuoroti İna”, yi tuoİabojarāji mua. ¹¹ “Mware riasobojacu yu”, yiadoti baja yure İja. Ito bajiro mua bajija tuocōri, bojori buja yu.

¹² Yu mairā, mware queno gotia āmoa yu. Jesucristore tuorānucōri, gua judio masa bucurā tuoİare gaye jidicācu yu. Yu robo yiya mua cuni. Jesucristore riti tuorānuİna mua. Ito yicōri bucurā tuoİare gaye jidicāİna mua. İti rumaju İto bajiro mware yu riasoja, queno yure boca āmicu mua maji. ¹³ Mua masia, cajero Jesucristo oca mware yu riasoja cō ñacu yu. ¹⁴ Cōgū, yu ñabojarocati, yure ti tebiticu mua. “Cōgū wadiami”, yibojarāti, queno yure boca āmicu mua. Ado bajiro yicu mua. Dios ñaro gagu āngelre boca āmirā robo bajiro, queno yure boca āmicu mua. Ito yicōri Jesucristore boca āmirā robo bajiro queno yure boca āmicu mua. ¹⁵ Mua taju yu ñaroca queno wanu quenacu mani maji. “Queno wanumenaji İna”, yi tuoİa yu mware. İti rumaju yure ti maicōri, queno yure ejabua āmocu mua maji. “Mua ya cajea mua rua masija, yure İsibocu mua”, yi tuoİa yu mware. ¹⁶ Oca quenarise riti riojo mware goticu yu. İti yu gotijare İyure ti teati mua İja?

¹⁷ Judio masa rotire gaye oca mware riasoana, mware queno yi āmorā meje ñarā yirāji İna. Mware queno yirona meje baba cutirāji İna. Ito bajiro mware ruorāji İna, yure mua jidicātōni. Ito yicōri İnare riti mua tuorānure āmorāji İna. ¹⁸ Riti, mware queno yi āmorā İna İnajama, mware baba cutirona wanure oca rāca İna busija, quena ñaroja. Ito bajirojua yiruja İnare. Mua taju yu İnaja, mua taju meje yu İnaja cuni, İto bajiro riti yiruja İnare. ¹⁹ Yu mairā, yu rİa robo bajirā İna mua. Mware buto tuoİa İna yu. Romia İna rucoroto riojua buto tuoİa bujatōmenaji İna. Ito bajiroti mware tuoİacōri, bujato baja yu cuni. Gaje mua tuoİasore jidicācōri, Jesucristore riti mua tuorānuroto riojua, mware tuoİa ñagū yigujā yu. ²⁰ Mua taju oca quenorocu mua rāca İna āmboja yu. Mware buto tuoİa usirioa yu. Ito bajibojarocati sōju ñacōri İe gaje mware goti ejabua masibeja yu İja.

Sara, Agar İna bajire gaye

²¹ Tuoya yu ñarā mua. “Moisēs ñayoru İ rotire mani cudiya, manire masogū yiguİji Dios”, yi tuoİabojarāji mua. İ rotiyorere queno tuo masibeja mua. ²² Ado bajiro yi ucare İna: “İmua İjarā rİa cutiyİju Abraham ñayoru. İ manojore moa İsiri maso, Agar wame cutigo, sİgū macu

cutiyijo iso. Í manojõ ñasago cuni sîgũ macu cutiyijo iso”, yi ucare ña iti gaye. ²³ Romia gãjerã ña macu ñcoro bajiroti macu cutiyijo Agar cuni. Sara bucojũama, Dios í gotiado bajiroti, rĩa mani waro ñabojagoti, sîgũ macu cutiyijo iso cuni ñja. ²⁴⁻²⁵ Iti oca muare goticõri, iti oca gayere queno muare goti masio amoa yu. Ado bajiro bajia iti oca. Ña romia jũarãre rêtare gaye tuoĩacõri, juaji Dios í goticãre gaye cuni tuoĩarã yirãji mani. Arabia sitaju, Sinaĩ wame cutirica gãtagũ jõeju Moisés í rotirotire ñsiyiju Dios. Iti gãtagũ judo gago ñayijo Agar ñayoro. Gãjerãre moa ñsiri maso ñayijo iso. Iso janerãbatia cuni gãjerãre moa ñsiri masa riti ñayijarã ña. Noa, “Moisés í rotirere mani cudi jeoja, manire masogũ yiguĩji Dios”, yi tuoĩarã ña ñama Agar janerãbatia ñayoana robo bajiro tuoĩarã. Rãmũare moa ñsiri masa bajiro bajiamã ña. Ito bajiro bajibojama yu ñarã judio masa. Moisés rotiriserẽ cudi amobojarãti, cudi jeo masibeama ña. Ito bajiro Diore tuorũnũmena ñari, Agar janerãbatia ñayoana robo bajirã ñama, yu ñarã Jerusalén gãna. ²⁶ Maniamã Sara janerãbatia ñayoana robo bajirã ña mani. Gãjerãre moa ñsiri maso meje ñayoyijo Sara. Jesucristore tuorũnũcõri, rãmũare moa ñsiri meje ñarãji mani ñja. “Judio masa bucarã rotire gaye yu cudi jeobeja, yure masobiquĩji Dios”, yi tuoĩã giũrã meje ña mani ñja. “Jesucristore yu tuorũnũja, yure masogũ yiguĩji Dios”, yi tuoĩã wanarã ña maniamã ñja. ²⁷ Sarare tuoĩã yugu ado bajiro ucañi Diore goti ñsiri masu:

Rĩa mani waro tuoya mu. Rĩa maco ñabojagoti, queno wanũ quenaña mu. Junirise tuoĩabiticõri, wanũ quenaña mu. Jãjarã mu janerãbatia cutiroca yigu yigujã yu. Mure moa ñsiri maso rêtaro janerãbatia cutigo yigoja mu, yiyiju Dios í oca tutũna.

²⁸ Yu ñarã, Dios í gotiado bajiroti macu cutiyijo Sara, Abraham manojõ. Isaac wame cutigu ñayiju iso macu. Mani cuni Jesucristore tuorũnũcõri, Dios rĩa ña mani ñja. Abraham Dios í gotiado bajiroti í rĩa ña mani cuni ñja. ²⁹ “Espíritu Santona suoriti macu cutigo yigõji Sara”, Dios í gotiado bajiroti Isaac wame cutigu macu cutiyijo iso. Isore moa ñsiri maso macu buto ti tudiyiju Isaacre. Adi rãmuri ito bajiroti bajia manire cuni. Jesucristore mani tuorũnũja ticõri, manire ti tudirã yirãji Moisés rotiyore rucubũorã. ³⁰ Abrahamre Dios í busiyore gotia Dios oca tuti. Abrahamre ado bajiro yiyiju Dios: “Mu manojore moa ñsiri masona mu macu cutigu mu yu gajeonire rucobicu yiguĩji í. Mu manojona mu macu cutirujua í ñagũ yiguĩji mu yu gajeoni ñcoroca. Ito bajiri mu manojore moa ñsiri maso, iso macure cuni bucoña mu”, yi gotiyiju Dios Abrahamre. ³¹ Yu ñarã, moa ñsiri maso janerãbatia meje ña mani. “Judio masa bucarã rotire gaye yu cudi jeobeja, yure masobiquĩji Dios”, yi tuoĩã giũrã meje ña mani ñja. “Jesucristore yu tuorũnũja, yure masogũ yiguĩji Dios”, yi tuoĩã masirã ña mani ñja. Ito bajiri Sara ñayoro janerãbatia robo bajirã ña mani cuni.

5

Ñeñarise mano quenarisena riti ñaña mua, yire gaye

¹ Iti rãmujũ rãmũre moa ñsiri masare bajiro mani bajibojarocati, manire masoñi Cristo. Ñre mani tuorũnũja ticõri, manire masoñi í. Ito bajiri buto busã ñre tuorũnũnũja manire. Ito yicõri, “Bucarã ña rotire gaye yu cudi jeobeja, yure masobiquĩji Dios”, yi tuoĩã giũbitirujã manire. Ito bajiro mani tuoĩabojaja, mucana rãmũre moa ñsiri masa bajiro bajirã ñarã yirãji mani.

² Tuoya mua. Muare ado bajiro gotisagu ya yu: “Bucarã rotiro bajiro, wiro yu ta rotija, yure masogũ yiguĩji Dios”, çyi tuoĩati mua? Ito bajiro mua tuoĩabojaja muare maso masobiquĩji Cristo. ³ Mucana muare goti quenogũ ya yu. No, “Bucarã rotiro bajiro wiro yu ta rotija, yure masogũ yiguĩji Dios”, yi tuoĩagũ, ñarocõti rotirise gaye cudi jeorujami locu. Ito bajibojarocati ñimujua cudi jeogu maquĩji. ⁴ “Yu ñeñaro yirise waja, waja yirocu judio masa bucarã rotire gaye cudicujã yu”, yi tuoĩabojarãji coriarã. Ito bajiro tuoĩarã, Jesucristore jidicãcõri ñre tuorũnũrã meje ñama ñaðna. Ito yicõri Dios ñnare masoroca, í queno yi amobojarise boca amimenaji ña. ⁵ Espiritu Santo í ejabuarisena Jesucristore tuorũnũna maniamã. Ito bajiro Jesucristore mani tuorũnũja ticõri, “Queno yirã ña mua”, yigu yiguĩji Dios manire. Ito bajiro í yija, “Manire masogũ yiguĩji Dios”, yi tuoĩã mani ñja. ⁶ Wiro mani taja, mani tabeja cuni ñsarise meje ña iti. Itina suoriti meje manire masogũ yiguĩji Dios. Cristore mani tuorũnũja, ito yicõri gãjerãre mani ti maija, iti ña ñsarise. Ito bajiro mani yija ticõri, manire masogũ yiguĩji Dios.

⁷ Jesucristore tuorũnũnũcõri, í amoro bajiroti queno cudiyija mua maji. Adi rãmuriama ñja, í oca ñsariserẽ queno cudibeã mua. çÑimũ Jesucristo ocare mua jidicãroca yicati muare? ⁸ “Dios meje í ocare ña jidicãroca yirũ”, ya yu muare. Dioti ñami manire besecõri Jesucristo ocare mani tuorũnũroca yiru. ⁹ Naju wadarise uco gayere tuoĩate mua. Naju cujare jabeto uco mani wũoja, queno wusa quenaroja. Ito bajiroti bajia ruore oca cuni. Ruore ocare tuorũnũcõri, jãjarã itire tuorũnũrã yirãji. Ito bajiri ruore ocare tuorũnũcõri jãjarã busã cudi warã yirãji masa. ¹⁰ “Gãjerã muare ruore oca ña gotija, ñnare mua tuorũnũme yirocu, muare

ejabuagu yiguiji Cristo. Ito bajiri i oca muare yu riasorisere jidicāmenaji ina”, yi tuoia yu muare. “No muare ruore oca gotirāre waja senigū yiguiji Dios Inare”, yi tuoia yu.

¹¹ Ado bajiro ruorāji ina muare: “Dios rāca queno mani ña āmoja, judio masa ina rotiado bajiro wiro taruja mani”, yami Pablo manire, yi goti ruorāji ina muare. Ito bajiro masare riasobea yu. Ito bajiro yu riasoja, yure ti tudibitiboana judio masa. Yuama ado bajirojua riasoa: “Mani ñeñaro yirise waja, waja yigu yucutēoja godaño Cristo. Ire mani tuorānuja ticōri, manire masogū yiguiji Dios”, yi riasoa yuama. Ito bajiro yu riasoja ticōri, yure ti tudiana judio masa. ¹² Muare ruore oca gotirā, buoro usirioro muare wiro ta rotirāji ina. Yu tuoiaja, inamasiti rutaja quenaboyija yureama. Ito yicōri, “Gajeroju ina waja, quena ñaboroja”, yi tuoia yu.

¹³ Yu ñarā, muare besefi Dios, i ñarā mua ñatoni. Judio masa bucarā rotire gaye muare cudi rotibisiju Dios. I rotibitibojarocati, “Yu ya ruju iti tuoiaro bajiro yicuja yu”, yi tuoibitiruja muare. Ado bajirojua mua yi ñaja quena. Gājerāre ti maicōri Inare ejabuaya mua. ¹⁴ Jaje rotire gaye ñaborajocati coji gayeti ña buto busa ñasarise. Ado bajiro baja iti. “Mu ya rujure mu ti mairo bajiroti mu ñarāre cuni ti maiña”, yi gotia iti. Disejua gaje Dios i rotirisere rētocūrise manoja. ¹⁵ Mua ñarāre mua ti tudija, ito yicōri Inare mua oca menija, queno ina rāca ña masimenaji mua. Ito bajiri ruore oca riasorāre tuorānuhesa. Mua ñarā rāca queno mua ña masitoni queno tuoiaña.

Espíritu Santo i āmoro bajiro mani cudiya quena, yire gaye

¹⁶ Ado bajiro gotia yu muare. Manire Espiritu Santo i rotiro bajiroti mani cudiya quena. Ito bajiro mani yija, manimāsiti mani ya ruju ñeñaro iti tuoiaro bajiro yimenaji mani. ¹⁷ Mani ya rujuna ñeñaro mani yi āmorise ito yicōri Espiritu Santo i tuoiarise rāca corocō meje ñaroja iti. Mani ya rujuna buto ñeñaro yi āmoa mani. Ito bajibojarocati mani queno yire āmoguji Espiritu Santo. Espiritu Santo i āmoro bajiro mani yija, mani ya ruju ñeñaro yire gaye yimenaji mani ija. Ito bajiri mani queno yijaro yirocu, manire ejabuagu yiguiji i. ¹⁸ Espiritu Santo i āmoro bajiro mani yi ñaja, “Judio masa bucarā rotire gaye mani cudiya manire masogū yiguiji Dios”, yi tuoiamenaji mani.

¹⁹ “Ito bajiro ñeñaro yama ina ñeñaro tuoiaro bajiro yirā”, yi ti masirā yirāji mani. Ado bajiro yirāji ina. Tite. Manojō cutirā ñaborarāti, gāji manojore ajerāji ina. Romia cuni ito bajiroti yirāji. Manuju cutirā ñaborarāti, gajeo manujore ajarāji ina. Jaje ñeñarise tuoiarāji ina. Ito bajiri jeyaro ñeñaro ina yi āmorise yisotirāji ina. ²⁰ Ito bajicōri ina meni rujeoanareama rūcuborāji ina. Gājerāre rojarāji ina. Gājerāre terāji ina. Gāmeri tudirāji ina. Ito yicōri gājerāre ti tudirāji ina. Junisinirāji ina. Ina āmoro bajiro riti yirāji ina. Sigāre bajiro tuoia āmomenaji ina. Rocati oca rujeocōri, gājerā ina ña masibeto yirāji ina. ²¹ Gājerā ya gajeonire ti uorāji ina. Gājerāre sjarāji ina. Idire idicōri mecurāji ina. Mecucōri rocati yirāji ina. Ito yicōri jeyaro ñeñarise yirāji ina. Ito ramuju muare yu goticato bajiro muare gotisaga ya yu. No ito bajiro ñeñaro yi uyagu, ūmacūju Dios i rotiroju ejabicu yiguiji i.

²² Espiritu Santo i āmoro bajiro mani yija, ñeñarise yi uyamenaji mani. Ado bajirojua yirāji mani. Gājerāre ti mairāji mani. Diore tuoiacōri queno wanu quenarāji mani. Ito yicōri mani ya usi queno ñaroja manire. Gājerā manire ñeñaro ina yibojarocati Inare tudimenaji mani. Inare queno yirāji mani. Ito yicōri Dios i āmoro bajiroti yirāji mani. (Ado bajiro yicuja yu”, mani yicāre ñajare ito bajiroti yirāji mani ija. ²³ “Gājerā rētoro queno yigu ña yu”, yi tuoiamenaji mani. Ito yicōri mani ya ruju ñeñaro yi āmorisere yimenaji mani. Ito bajiro yirāji mani, Espiritu Santo i āmoro bajiro mani tuoiaja. Ito bajiro mani yija ticōri, “Rotirisere cudirā meje ña mua”, yimenaji gājerā manire. ²⁴ Jesucristo ñarā ñari ado bajiro yi tuoiarāji mani. “Yu ñeñaro yirise waja, waja yigu godaño Cristo. Ito bajiri yu ya ruju ñeñaro yi āmorisere jidicācuja yu. Ito bajiri i ejabuajare, mucana ñeñarisere yi uyabicuja yu”, yi tuoiarāji mani. ²⁵ Catitiñare mani bujatonē, Jesucristore mani tuorānuroca yiñi Espiritu Santo. Ito bajiri i āmoro bajiro yirāja manire.

²⁶ “Gājerā rētoro masigū ña yu”, yibitirāja manire. Ito bajiro mani yibeja, manire ti tudimenaji gājerā. Ito yicōri mani rāca junisinimenaji ina.

6

Gāmeri ejabuaja quena, yire gaye

¹ Yu ñarā, Espiritu Santo i quedi sājana ña mua. Ito bajiri sigū mua rāca gagu i ñeñaro yija, ire ejabuaya, i ñeñaro yirise i jidicātoni. Ire ti maicōri, ire ejabuajare muare. Ito yicōri queno tuoiaña mua, ire bajiro mua ñeñaro yibe yirona. ² Mua rāca gānare oca iti ñaja, Inare ejabuaya mua. Ito bajiro mua yija, Jesucristo i rotiro bajiroti cudirā yirāji mua.

³ Sigū “Ñeñaro yigu meje ña yuama. Ñasari masu ña yu”, i yi tuoiaja, imāsiti ruoami Iocū. ⁴ Ado bajiro mani tuoiaja quena: “¿Yu yirise quena ñarajada? Quenabetojada gajea”, yi tuoiarāja

manire. Ito bajiro tuoĩacõri, “Yu yirise quena ñaroja, Dios ĩ tija”, mani yi masija, wanurã yirãji mani. “Yu sigãti ña queno yigu. ĩnama queno yirã meje ñama”, yi tuoĩabitiruja manire.⁵ Masa jeyarore ĩna ñeñaro yirise waja, waja senigũ yiguĩji Dios. Ito bajiri ñeñaro mani yija iti waja manimasiti quenabeto tõbujarã yirãji mani.

⁶ No Jesucristo oca muare riasogure ĩre ejabuaruja muare. Ito yicõri mua rucorise ĩre cani jabeto ĩsiña.

⁷ Queno tuoĩaña mua. Jeyaro mani yirise masiguĩji Dios. “Ñeñaro yu yija, masibiquĩji Dios”, mani yi tuoĩabojarocati, masi jeocõguĩji Dios. Ñe ĩ masibiti manoja. Queno tuoia. Goti masiore ocana muare gotigu ya yu. Bia aje mani oteja, bia judiro yiroja. Mani otero bajiroti judiro yiroja. ⁸ Ito bajiroti baja mani yirise cani. Mani ya rujũ ñeñaro yi amorise mani yija, itire waja yirãonati jeame ujuroju warã yirãji mani. Gajereama, Espiritu Santo ĩ amoris bajiro mani yija, mani wanuroca yigu yiguĩji ĩ. Ito yicõri Dios rãca catitũnarã yirãji mani ĩja. ⁹ Ito bajiri quenarise yi jidicãmenati itire yitũnaruja manire. Quenarise mani yi jidicãbeja, Dios ĩ amoris rumũ ĩ goticato bajiroti manire queno yigu yiguĩji ĩ. ¹⁰ Ito bajiri mani queno yi masirocõ, masa jeyarore queno ejabuaruja manire. Ito yicõri manire bajiro Jesucristore tuorũnarãre cani buto busa mani ejabuaruja quena.

Pablo ĩ goti quenosusare gaye

¹¹ Adi yu gotisusarise, yamasiti uca yu. Tiya, wame carisena uca yu. ¹² Wiro muare ta rotirã, gãjerã judio masa rãca queno ñarona, muare rotirãji ĩna. “Jesucristona suoriti masare masogũ yiguĩji Dios, yi gua riasoja, guare ti tudirã yirãji gãjerã judio masa. Ito bajiri gua tõbujaroca yirãji ĩna”, yi tuoĩa güirã ñama, muare wiro ta rotirã. Itire güirã ito bajiro muare wiro ta rotirãji ĩna. ¹³ Wiro tagoana ñabojarãti, judio masa bucarã ĩna rotire gaye queno cudi jeomenaji ĩna. Cudi jeomena ñabojarãti muare wiro ta rotirãji ĩna. “Galacia gãnare wiro gua ta rotija tuocõri, guare wanurã yirãji masa”, yi tuoĩacõri, ito bajiro muare rotibojarãji ĩna. ¹⁴ ĩna robo riasobea yuama. Yucutõju Jesucristo ĩ godare oca yu riasoja, iti gayere riti wanua yu. Yure ĩ ejabuarisena suoriti adi macãrucãro gaye gajeonire buto tuoĩabea yu ĩja. Ito yicõri, ĩre masicõri adi macãrucãro gaye ñeñarise yi amobea yu. ¹⁵ Mani wiro taja, mani tabeja cani ñasarise meje ña iti. Itina suori meje manire masogũ yiguĩji Dios. Jesucristore tuorũnacõri mani ñeñaro yirise mani jidicãja, mame tuoĩare gaye ñaroja manire. Iti ña ñasarise. ¹⁶ Ñeñaro mani yirise jidicãcõri, Jesucristore mani tuorũnaja, Dios ñarã ñarãji mani ĩja. No ito bajiro tuoĩagũre yiari Diore busi ĩsia yu. ĩna ya usiju queno wanu quenajaro, yirocu muare yiari Diore senisotia yu. Ito yicõri muare ĩ ti maitoni, muare yiari ĩre busia yu.

¹⁷ Jesucristo oca yu goti ucujare yure ñeñaro yicã masa. Ito bajiro yure ĩna yigore jaje camigodo ña yure. Ito bajiri itire ticõri, “Jesucristo oca goti ucuri masu meje ñami Pablo”, yibeja mua ĩja.

¹⁸ Yu ñarã bajiroti muare maia yu. Mua ya usiju ñacõri muare queno yijaro mani Hju Jesucristo, yisusa yu. Itocõ ña.

La carta de San Pablo a los Efesios

Efeso cuto gānare Pablo ī papera cōare gaye

¹ Nati Efeso gāna mua. Yu űa Pablo adi papera muare cōagū. Jesucristore queno tuorānūcōri ĩre jidicārā meje űa mua. Jesucristo oca yu goti ucure āmoűi Dios. Ito bajiri masare yu riaso ucutoni yure cūűi ĩ. ² Muare yiari mani Jacu Diore, ito yicōri Jesucristore cūni senia yu. Muare ti maicōri queno yijaro Dios. Ito yicōri mua ya űsiju queno sajari oca cūti quenaro űajaro, yirocu Diore senia yu muare yiari.

Cristona sūoriti quenarise manire cōaűi Dios, yire gaye

³ “Rētoro queno yigu űa Dios mu”, mani űju Jesucristo Jacure yi rācūbuorūja manire. Cristo űarā mani űajare, quenoguti yīűi Dios manire. Ito bajiro yicōri jeyaro űmacūju gaye mani tuoĳa wanūroca yami Dios, mani ya űsiju queno mani űatoni. ⁴ Adi macārūcāro ĩ rujeoroto riojua manire beseűi Dios, ĩ űarā mani űatoni. “Cristore tuorānūrā yirāji ĩna”, yi tuoĳa masicōri, manire beseűi Dios. Ito bajiri manire ti maicōri, “űe seti ma ĩnare. Yu āmoro bajiro queno yirā űama ĩna”, yi tiguĳi Dios manire. ⁵ Jane mejeju manire ti maicōri, manire beseűi Dios. “Yu űarā ĩna űatoni, yu Macu Jesucristore cōagū yiguja yu”, yi tuoĳayiju Dios. Ito bajiro yi tuoĳacōri ĩ rĳa mani űaroca yīűi Dios manire. ⁶ Ito bajiro manire ĩ queno yijare, ado bajiro ĩre yi rācūbuorūja manire: “Guare quenoguti ya Dios mu. Mu Macu Jesure buto maibojaguti gua űeűaro yirise waja, ĩ waja yi ĩsitioni ĩre cōayija mu. Ito bajiro yicōri guare masoyija mu. Rētoro queno yigu űa mu”, Diore yi rācūbuorūja manire. ⁷ Manire ti maicōri ado bajiro quenoűi Dios. “Mu ya rĳnati masa űeűaro yirise waja, waja yi ĩsigū yiguja mu”, yigu ĩ Macure cōayiju Dios. Ito bajiri Cristore mani tuorānūja ticōri, mani űeűaro yirisere ācabojoűi Dios. Ito yicōri manire masoűi ĩ. ⁸ Manire ti maicōri buto queno yīűi Dios manire. ĩ gaye queno mani tuo masiroca yīűi. Ito bajiri ĩ ejaburisenia ĩ ocare queno tuo masirā yirāji mani. ⁹ Jane mejeju, “Ado bajiro yigu yiguĳi Dios”, yi masibisjarā masa maji. Adi rumariama Jesucristo űarā mani űajare, “Ado bajiro queno yigu yiguĳi Dios”, mani yi tuo masiroca yigu yiguĳi Dios. Ado bajiro yigu yiguĳi ĩ. ¹⁰ Dios ĩ āmori rumu, manire miojugū yiguĳi ĩ. No mani űaroti, manire āmigū yiguĳi Dios. Ito yicōri űmacūju gāna, jaca gāna jeyaro adi sita gaye cūni Jesūs sigūti ĩ rotiroca yigu yiguĳi Dios. Ito bajiro yigu yiguĳi Dios, Jesūs sigūti űju ĩ űatĳatoni.

¹¹ Dios ĩ tuoĳaro bajiroti jeyaro rētarō yiroja. Cristo űarā mani űatoni, jane mejeju ĩ āmoro bajiroti manire beseűi Dios. “Ado bajiro yigu yiguja yu”, yi tuoĳacōri, ito bajiro yiyiju Dios. Ito bajiri Cristo űarā mani űaja ticōri, wanūgū yiguĳi Dios ĩja. ¹² Gua judio masama, mua riojuaju Cristore tuorānūsooca gua. Guare beseōri, Jesucristore gua rācūbuoroca yīűi Dios. “Rētoro queno yigu űami Dios. ĩre mani tuorānūja manire masogū yiguĳi ĩ”, gua yi rācūbuotoni guare cūűi Dios. ¹³ Jesucristore tuorānūrā űa mua cūni. ĩ oca quenarise tuoōri, “Cristore mani tuorānūja, manire masogū yiguĳi Dios”, yi tuorānūyija mua cūni. Ito bajiri Dios ĩ goticādo bajiroti, Espiritu Santo queo sāyiju Dios mua ya űsiju. Ito bajiro ĩ yijare, “Dios űarā űa mani”, yi tuoĳa masia mua cūni ĩja. ¹⁴ Mani ya űsiju ĩ űaja, ado bajiro ya mani: “Yu űeűaro yirise waja, waja yi ĩsicāűi Dios. Ito bajiri ĩ rāca catitĳűagū yiguja yu. Ito yicōri jeyaro űmacūju ĩ goticādo bajiroti bujagu yiguja yu”, yi tuoĳa mani. Ito bajiri, “Rētoro queno yīűi Dios”, yi rācūbuoariti űarūja manire.

Diore tuorānūrāre ĩ masirise ĩsijaro yirocu, Pablo Diore ĩ seni ĩsire gaye

¹⁵ “Mani űju Jesure tuorānūcōri gājerā Jesure tuorānūrāre tuo mairā űama Efeso gāna”, muare masa ĩna yija tuocu yu. Ito bajiro ĩna yija tuoōri, wanua yu. ¹⁶ Muare wanūcōri, “Queno ya Dios mu”, yisotia yu Diore. Ito bajiri muare tuoĳacōri muare yiari Diore seni jidicābea yu. ¹⁷ Rētoro űasagu űami mani Jacu Dios. ĩti űami mani űju Jesucristo Jacu. ĩre senisotia yu, muare yiari. ĩ gaye queno mua tuo masitoni, muare yiari Diore busi ĩsisotia yu. Ito yicōri ĩre mua queno masitoni ĩre senisotia yu. ¹⁸ Manire beseōri mani űeűaro yirisere coe jeoűi Dios. Ito yicōri ĩ űarā mani űatoni, manire cūűi Dios. ĩ űarā űacōri, űmacūju catitĳűare gaye boca āmirā yirāji mani. ĩti űa oca rētoro quenarise. ĩtire queno mua tuo masitoni, Diore busisotia yu. ¹⁹⁻²⁰ Ado bajiro manire ĩ masirise ĩoűi Dios. ĩ masirise ĩogū, Jesūs ĩ godaja bero macana tūdi ĩ catiroca yīűi Dios. Ito bajiro yicōri ĩ ya riojocadūja, rācūbuoraju, Jesūs ĩ rujiroca yiyiju Dios. Rētoro masigū űami ĩ. Ito bajiri queno manire ejabuaguĳi, ĩre mani tuorānūja. ĩtire mua tuo masitoni muare yiari Diore busisotia yu. ²¹ Ito bajiro rācūbuoraju Cristore ruji rotiyiju Dios adi macārūcāro rotiri masu ĩ űatĳatoni. Ito bajiri űju űasagu űami

Ī. Gājerā rotiri masa rētoro roti masigū űami Jesús. űimū gāji Ī robo roti masigū maquűji. Ī űami űari masa rētoro mani rūcubūoroca. Ito bajiro cūyiju Dios Jesucristore űju űasagu Ī űatűatoni. Ito bajiri adi macārūcāro iti jedija bero űju űasagu űatűatōgū yiguűji Ī. Ito bajiroti űatűatōgū yiguűji Cristo. ²² Adi macārūcāro jeyaro Ī rotiroti cūyiju Dios Jesucristore. Ito bajiri Cristore mani tūorūnūja, Īti űami mani űju. Manire űmatā űagū űari mani rijoga űami Ī. ²³ Cristore tūorūnūcōri sigū bajiro riti űsi cuti űarā űa mani űja. Mani ya űsiju űaguűji Cristo. Ito bajiri Ī ya ruűu robo bajirā űa mani cūni űja. No mani űarijuti mani rāca űagū yiguűji Cristo. Cristo Ī manija űe gaje manija. Ito bajiri mani rāca Ī űajare űe ruűabea manire.

2

Manire ti maicōri manire Dios Ī masore gaye

¹ Iti rūmūju Diore tūorūnūbiticōri, űeűaro yirā űacu mani maji. Ito bajirā űari jeame űjuroűu warona űabojacu mani. Ito bajiri godacāna robo bajirā űacu mani maji, Diore masibiticōri. ² Iti rūmū adi macārūcāro gāna űeűaro yirā bajiro yibojacu mani cūni maji. Ito yicōri rūmūa űjare cūdibojacu mani maji. Īti űami Diore cūdimena űju, Satanās wame cutigu. Ī űami űeűaro Īna yiroca yigu. ³ Iti rūmū Diore cūdibitiana űeűaro Īna yiado bajiro yibojacu mani cūni maji. Mani tūoűaro bajiroti űeűaro yicu mani maji, Diore masibiticōri. Manimasiti mani ya ruűu űeűaro iti tūoűaro bajiro űeűaro yibojacu mani maji. Diore cūdirā meje űacu mani. Mani űeűaro yirise waja Diore waja ruűurioca mani maji. Ito bajiri jeame űjuroűu warona űabojacu mani maji. ⁴ Ito bajibojarocati manire buto ti maicōri, manire āmosacōyiju Dios. Ito bajiri manire yari queno yiűi Ī. ⁵ űeűaro yirā mani űaja, Dios Ī tija, godacāna bajiro bajirā űacu mani. Ito bajibojarocati Jesucristore mani tūorūnūja ticōri, Cristore mūcana tūdi Ī catiroca Dios Ī yiado bajiroti, tūdi mani catiroca yiyiju Dios. Mani queno yirise ticōri meje manire masoűi Dios. Manire ti maicōri, “űu Macure tūorūnūrā űama Īna”, yicōri manire masoűi Dios. ⁶ Cristo Ī godaja bero mūcana tūdi Ī catiroca yiyiju Dios. Ito yicōri űmacūju Īre āmi waja wacōri Ī tūju rūcubūoraju Cristore ruji rotiyiju Dios. Ito bajiri Cristo űarā űacōri rūmūa űjare cūdirā meje űa mani űja. űmacūju Cristo rāca ruűirā bajiro tiguűji Dios manire. ⁷ Ito bajiro yiyiju Dios, queno Ī yirise manire Īoroca. “Jesucristo űarā mani űajare, manire ti maicōri quenoguti yiűi Dios”, mani yi tūoűatűatoni, manire Ī queno yirise Īoűi Dios. ⁸ Manire ti maicōri quenoguti yiűi Dios. Ī Macu Jesucristore mani tūorūnūja ticōri, manire masoűi Dios. Mani queno yigorise waja yiroca meje manire masoűi Ī. Manire ti maicōri rocati waja senibicūti manire masoűi Dios. ⁹ Mani queno yigorise ticōri meje manire masoűi Dios. Ito bajiri, “űu queno yigorise ticōri, űare masoűi Dios”, yi masibea mani űja. ¹⁰ Dios Ī rujeoana űa mani. Jane mejeűu Ī tūoűa yucādo bajiroti menıi Dios manire. Ī Macu Jesucristo űarā mani űatoni manire rujeoűi Dios. “űu Macure Īna tūorūnūja, Ī ejabūarisena quenarise riti yirāji Īna”, yi tūoűacōri, manire rujeoűi Dios.

Dios rāca mani oca cutirise quenoűi Cristo, yire gaye

¹¹ Iti rūmū Diore masirā meje űayija mūa maji. Ito bajiri mūare ti tudicu gua masa. “Judio masa meje űama Īna. Ito bajiri Diore cūdibiticōri, gua yisotiado bajiro wiűo tabeama Īna”, yicu gua masa mūare. “Diore cūdirā űari wiűo tagoana űa guama”, yi ti tudicu gua mūare. “Ito bajiro yi tūoűayjarā judio masa guare”, yi ācabojabesa mūa. ¹² Iti rūmūju Jesucristore masirā meje űayija mūa maji. Dios űarā meje űari Ī rāca sigūre bajiro tūoűabisija mūa maji. Ito bajiri, “Ī űami mani wajacu”, yiado bajiro tūoűayija mūa maji, Īre masibiticōri. “Dios űarā mani űajare Ī yiado bajiroti manire masogū yiguűji Ī”, yi tūoűa yurā meje űayija mūa maji. “Ito bajiro yigu yiguűji Dios”, yi tūoűabisija mūa. Adi macārūcāro gaye űeűaro yire tūoűa wanūcōri, Diore masirā meje űayija mūa maji. “Ito bajirā űabojacu gua maji”, yi tūoűaűa mūa. ¹³ Adi rūmūriama Jesucristore tūorūnūrā űari Dios űarā űa mūa űja. Manire goda Īsicōri, Dios űarā mani űaroca yiyiju Cristo. Ito bajiri Ī rāca sigū bajiro riti tūoűarā űa mani űja. ¹⁴ Cristo űami oca quenori masu. Iti rūmūju sigūre bajiro meje tūoűacu mani maji. Iti rūmūju gua judio masa rāca oca űacu maji. Ito bajibojarocati mani jeyarore goda Īsicōri oca quenoűi Cristo. Ito bajiri sigū bajiro riti tūoűarā űa mani űja. Cristo oca Ī quenoűa bero wajana robo bajirā meje űa mani űja. ¹⁵ Manire Cristo goda Īsijare, “No Moisés űayoru rotiriserse cūdi jebicūti jeame űjuroűu wacu yiguűji”, yire mā űja. Manire goda Īsicōri mani gāmeri ti tudirise jediroca yiűi Cristo. űa butu mani űabojarocati, co masa bajiroti mani űaroca yiűi Cristo. Ito bajiri gāmeri mani ti tudirise mā űja. Oca quenoűi Cristo űja. ¹⁶ Yucutōju manire goda Īsicōri, Dios rāca mani queno űaroca yiyiju Cristo. Ito bajiri, “űe seti mā Īnare. űare waja ruűuriobeama Īna űja”, yi tiguűji Dios manire. Manire goda Īsicōri, mani gāmeri ti tudirise jediroca yiűi Cristo. Ito bajiri űa butu gāna mani űabojarocati, Cristore tūorūnūcōri, co masa bajiroti űa mani űja.

¹⁷ Oca quenarise gotiroca adi macārūcāroűu wadiyiju Cristo. Dios űarā meje mūa űabojarocati Dios rāca mūa oca cutirise quenoroca adi sitaju wadiyiju Cristo. Gua judio

masa, Dios ñarã ñabojarãti ĩ rãca oca caticu gwa cuni. Ito bajiri Dios rãca gwa oca cutirise quenorocu adi sitaju wadiyiju Cristo. ¹⁸ Mani ñajedirore goda ĩsiyiju Cristo. Ito bajiri judio masa mani ñaja, mani ñabeja cuni, Espiritu Santo ĩ ejabuarisena Diore busi masia mani ĩja. ¹⁹ Ito bajiri judio masa meje mua ñabojarocati, “Yu ñarã ñama ĩna ĩja”, yigu yiguĵi Dios muare. “Yu Macu Jesucristore tuorãncõri yu ñarã ñama ĩna ĩja”, yi tiguĵi Dios muare. Ito bajiri Cristore tuorãncõri co masa ña mani ĩja. Dios ñarã riti ñacõri cojuti ñatĩnarona warã ya mani. ²⁰ Gũta wi masa ĩna meni ãmoja, sita butirise ãmarã yirãji ĩna, wi iti jujabe yirona. Sita quenarise bujacõri, gũta ajeri quenarise ãmarã yirãji ĩna, yoari iti wi ñatoni. Jesucristo ĩ cũana ito yicõri Diore goti ĩsiri masa, sita queno buti quenarise robo bajirã ñama ĩna. ĩna riasorisere tuocõri, Cristore tuorãnu jidicãmenaji mani ĩja. Gũta wi meniroti bajiro bajirã ña mani. Ito yicõri gũtagã ñasarica ĩna cõiaraga robo bajigu ñami Jesucristo. ĩ ñami manire ũmatã ñagũ. ĩre mani tuorãnuja, catitĩnarã yirãji mani. ²¹ Cristore tuorãncõri, sigũ robo bajiro riti tuoĩarã yirãji mani. Ito bajiri Dios ñarã ñari queno ĩre moa ĩsirã yirãji mani. Ito bajiro mani yija ticõri, gãjerã cuni Diore rucubworã yirãji. Jesure tuorãncõri, ĩ rãca Diore wi meni ĩsirona bajiro bajirã yirãji mani. Mani ya usiju Dios ĩ ñaja, ĩ ya wi robo bajiro yiroja mani ya ruju. Ito bajiri Jesure riti mani tuorãnuja, quenari wi Diore meni ĩsiado bajiro bajirã ñarã yirãji mani. ²² Gwa masa meje ñabojarãti Jesucristore tuorãncõri Dios ñarã ña mua cuni ĩja. Ito bajiri cocati ĩre moa ĩsicõri, ĩ ñarã riti ña mani. ĩ ya ũsi manire ĩ queo sãjare, ĩ ya wi robo bajirã ña mani ĩja.

3

Judio masa mejere cuni Dios oca Pablo ĩ gotire gaye

¹ Yu ña Pablo, Jesucristore moa ĩsiri masu. Mua judio masa meje ñarãre Jesucristo oca yu riasoja ticõri, ado tubiara wiju yure cũama ĩna. Adocãta Dios ñarã mua ñajare muare yiari Diore seni ĩsisotia yu. ² “Judio masa meje mua ñabojarocati, muare ti maicõri, muare queno yiĩ Dios”, yi riasoa yu muare. Yure queno yijaro yirocu, ito bajiro muare riasorocu yure cũni Dios. “Itire masirãji ĩna”, yi tuoĩa yu muare. ³ “Judio masa meje ñarãre cuni ti maicõri, ĩnare masogũ yiguĵi Dios”, yi yu tuoĩa masiroca yiĩ Dios yure. Iti rumaju iti ocare masibisijarã masa. Ito bajiri iti paperana jabeto muare gotisuoã yu itire ⁴ Yu ucare ticõri, “Guare cuni goda ĩsiĩ Cristo. Iti oca gãjerã ĩna masibitire, queno masiami Pablo”, yirãji mua yu ucare ticõri. ⁵ Bucurã ñayoana iti ocare masibisijarã ĩna. Adi rumariama gwa Jesus ĩ cũana, Diore goti ĩsiri masare cuni, ĩ ya ũsi ĩnare queo sãcõri iti ocare ĩna masiroca yiyiju Dios. ⁶ Ado bajiro bajia iti oca: Judio masa, judio masa mejere cuni, Cristo oca quenarisere mani tuorãnuja, manire masogũ yiguĵi Dios. Ito bajiri ĩ ñarã ñacõri, co masa bajiroti ñarã yirãji mani. Ito bajiro Cristore tuorãncõri Dios ĩ goticãdo bajiroti ĩ ĩsirotire boca ãmirã yirãji mani.

⁷ Yure ti maicõri, iti oca quenarise masare yu goti ucutoni yure cũni Dios. Ito yicõri ĩ oca queno yu goti masitoni yure ejabuami Dios ĩ masirisena. ⁸ “Queno yigu meje yu ñabojarocati yure beseĩi Dios”, yi tuoĩa yu. Gãjerã Cristore masirã berojua gagu ña yu. Yu tija ñasagu meje ña yu. Ito bajibojarocati yure ti maicõri, yure beseĩi Dios. Yure beseõri, judio masa meje ñarãre cuni Cristo oca yu gotitoni yure cũni Dios. “Cristore mua tuorãnuja, rãtoro queno yigu yiguĵi Dios muare”, yu yi goti ucutoni yure cũni Dios. ⁹ “Judio masa meje ñarãre cuni masogũ yiguĵi Dios”, yu gotire ãmoguĵi Dios, ñajediro masa ĩna masitoni. Adi macãrucũro ĩ rujeoroto riojua, “Yu Macure ĩna tuorãnuja, judio masa meje ñarãre cuni masogũ yiguja yu”, yi tuoĩayiju Dios. Ito bajibojarocati iti oca masa ĩna masiroca yibisiju Dios maji. ¹⁰ Judio masa meje ñarãre cuni masocõri, ĩ masirise ĩoyiju Dios. Ito bajiri adi rumari ĩja ãngel mesa, ũmacũju rotiri masa cuni ado bajiro yirã yirãji ĩna: “Jeyaro masigũ ñami Dios. Quenarise riti tuoĩagũ ñami ĩ. Judio masa, judio masa mejere cuni ĩ masoja bero, sigũ bajiro riti tuoĩarã ñama ĩna ĩja”, yirã yirãji ũmacũju gãna. ¹¹ Jane mejeju adi macãrucũro ĩ rujeoroto riojua, “No yu Macu Jesucristore tuorãnurã yu ñarã riti ñarã yirãji ĩna”, yi tuoĩasotiyiju Dios. ĩ tuoĩasotiro bajiroti rãta adi rumari ĩja. No mani ũju Cristore tuorãngũti Dios yagu ñagũji. ¹² Jesucristore tuorãncõri, “Yure masogũ yiguĵi Dios”, yi tuoĩa mani ĩja. Ito bajiri ĩre masicõri gũimenati Diore busia mani. ¹³ Mua judio masa meje ñarãre Cristo oca yu riasoja ticõri, tubiara wiju yu ñeñaro tõbujaroca yama ĩna. Itire masicõri, “Bujato bajia”, yi tuoĩa bojori bujabesa mua. “Pablo gotija tuocõri, Jesucristore tuorãncõri gwa. Ito bajiri Dios ñarã ña gwa ĩja”, yi wanaraja muare.

Cristo manire ĩ maire gaye

¹⁴ Rãtoro queno tuoĩagũ ñari judio masa mejere cuni masogũ yiguĵi Dios. Ito bajiri itire tuoĩacõri, rijomunigãna ñini rũjuã yu, Mani Jacu Diore rucubworocu. ¹⁵ Jeyaro Dios ñarã, ũmacũju cuni, adi sitaju cuni ĩ rujeoana riti ña mani. Ito bajiri ĩti ñami mani Jacu ñasagu. ¹⁶ Rãtoro masigũ ñari, manire queno ejabua masiguĵi Dios. Ito bajiri muare yiari ado bajiro

Diore senia yu, “Mu ya usi Inare queo sãcõri queno Ìna tuoïa oca sãoroca yiya”, yi senia yu Diore muare yiari. ¹⁷ “Jesucristore tuorãnurã Ìna ñajare Ìre riti Ìna cudiroca yiya”, ya yu Diore muare yiari. Manire Ì maiado bajiroti gãjerãre mua maire ãmoa yu. ¹⁸ No mani ñaroti manire tuo maigũ yiguïji Cristo. Ûmacãju, jacaju cani no mani ñaroti manire maigũ yiguïji Ì. Wesicaju, rocaju cani no mani ñaroti manire maigũ yiguïji Cristo. “Manire maisaguïji Cristo”, yi tuoïarã rãca sigũre bajiro mua tuoïare ãmoa yu. Ito bajiro mua tuoïatoni muare yiari Diore senia yu. ¹⁹ Manire maisacõami Cristo. “Adocõ manire maiguïji”, yi mani tuoïaro rãto busaro manire maiguïji Cristo. “Riti baja itì”, mua yitoni, Diore senia yu. Ito bajiri Diore tuorãna rãtocũcõri Ì ãmoro bajiro riti mua yire ãmoa yu.

²⁰ Mani ya usiju Dios Ì ñajare, Ì masirisena manire queno ejabua masiguïji Dios. Ìre mani seniro rãto busaro ejabuaguïji Dios manire. Ito yicõri mani tuoïaro rãto busaro ejabua masiguïji Ì manire. Itire tuoõcõri, “Rãtoro queno yigu ña Dios mu”, yi Ìre rãcubutoïñaruja manire. ²¹ Jesucristona suoriti manire masoñi Dios, Ì ñarã mani ñatoni. Ito bajiri Ìre rãcubutoïñaruja manire. “Rãtoro masigũ ña Dios mu”, yi rãcubutoïñaruja mani Ìre. Ito bajiro riti bajitïñajaro.

4

Sigũre bajiro mani tuoïaroca yigu ñami Espiritu Santo, yire gaye

¹ Mani Ùju Jesucristo oca masare yu riasoja ticõri, adoju tubiara wi yure tubiacã Ìna. Muare yu riasogore tuoïacõri ado bajiro muare riasoa yu mucana. “Quenarise riti mani yi ñatoni manire beseñi Dios”, yi tuoïarã ña mua. Ito bajiri, “Ì ãmoro bajiro riti cudisotiya mua”, yi josa yu muare. ² “Gãjerã rãtoro ñasagu ña yu”, yi tuoïabesa mua. Quenoti gãjerãre mua rotija quena. Ito yicõri gãjerãre usirioro yi codebesa. Gãjerã Ìna muare ñeñaro yija, Ìnare ti tudibesa. Ìnare ti maicõri, Ìnare ejabuaya mua. ³ Gãmeri ejabuacõri oca mano ñaña mua. Sigũ bajiro riti mani tuoïaroca yigu ñami Espiritu Santo. Ito bajiri wanare rãca Ìre cudisotiya mua. Ito bajiro mua yija ticõri, sigũre bajiroti mua tuoïaroca yigu yiguïji Ì. ⁴ Sigũ ñabojaguti mani jeyarore quedi sãjañi Espiritu Santo. Ito bajiri Jesucristore tuorãnucõri sigũ bajiro riti tuoïarã ña mani Ìja. Ito yicõri co masa bajiro ña mani Ìja. Dios Ì beseana ñari, “Dios rãca catiũñagũ yiguja yu”, yi tuoïa mani. ⁵ Sigũti ñami Jesucristo mani Ùju. Ito bajiri Ì sigũreti tuorãna mani. “Cristore tuorãnugã ñaguïji Ì cani”, yi gãjerã Ìna ti masitoni idẽ gu rotia mani. ⁶ Mani Jacu Dios sigũreti rãcubuoã mani. Ì sigũti ñami mani jeyarore roti masigũ. Mani ya usiju ñacõri, manire ejabuaguïji Dios. Ito bajiri Ìre mani moa Ìsi masitoni mani jeyarore ejabuagu yiguïji Ì.

⁷ Ìre mani moa Ìsisatoni mani masiroca yigu ñami Cristo. Manire ti maicõri, Ì ãmoro bajiro mani moa Ìsisaroca yami Cristo. ⁸ Ito bajiri ado bajiro gotia Dios oca tuti: Ûmacãju Ì tãdi waroto riojua Ì wajanare rãtocũgũ yiguïji Cristo. Ito bajiro yicõri jaje quenarise Ì ñarãre Ìsigũ yiguïji Cristo, yi gotia Dios oca tuti.

⁹ Tite mua: “Ûmacãju tãdi wacu yiguïji Ì”, yi gotia Dios oca. “Ûmacãju Ì tãdi waroto riojua, cajero jacaju adi sitaju ruji ejañi Ì”, yi tuoïa mani. ¹⁰ Adi sita rocajuga tuti ejaru Ìti ñami mucana Ûmacãjuga weca tuti mujã waru. “Coju rayabeto roticaja yu”, yiroca ito bajiro yiyiju Jesucristo Ì masirisena. Ito bajiri jeyaro roti masiguïji Cristo. ¹¹ Ìti ñami queno mani moa masiroca yigu. Tite mua. Mani coriarãre Ì oca mani goti ucutoni cũñi. Gãjerã Diore goti Ìsiri masa mani ñatoni cũñi Cristo. Gãjerã Ìre Ìna tuorãnutoni, ejabua masiama Ìna. Gãjerã queno Jesucristore masirãre ùmatã ña masiama Ìna. Ito yicõri gãjerã queno masare Ìna riaso masiroca yiñi Cristo. ¹² Ito bajiro mani masiroca yiñi Cristo, Diore yiari queno mani moa Ìsitoni. Ito yicõri mani oca sãotoni, cocati mani gãmeri ejabua masiroca yiñi Cristo. Ito bajiro Ì yijare Ì ñarã ñari, sigũ bajiro riti tuoïarã ña mani Ìja. ¹³ Ito bajiri sigũre bajiro tuoïacõri corõ bajiroti Cristore tuorãnurã yirãji mani. Ito bajiro yicõri, Dios Macure queno masirã yirãji mani. Mani ya usiju Ì ñajare, Ìre bajiroti tuoïarã yirãji mani cani. Yoari Ìre masicõri, queno cudirã yirãji mani. ¹⁴ Rãca bajiro mani tuoïare ãmobiqũji Cristo. Biyaro mani tuoïarise wasoare ãmobiqũji Cristo. Ì sigũreti mani tuorãnure ãmoguïji Ì. Ito bajiri gãjerã ricati tuoïarã, queno oca Ìna gotibojarocati, Ìnare tuorãnumenaji mani. ¹⁵ Ado bajirojua yirãji mani. Gãjerãre ti maicõri, riojo oca gotirã yirãji mani. Ito yicõri, buto busa Cristore tuorãnucõri, Ì ãmoro bajiro riti cudirã yirãji mani. Ìti ñami mani Ùju. Ito yicõri, Ì ñarã ña mani. ¹⁶ Jãjarã mani ñabojarocati sigũre bajiro tuoïacõri Ìre mani moa Ìsiroca yami Cristo. Manire ùmatã ñagũ ñari, mani rijoga ñami Cristo. Ito yicõri Ìre moa Ìsirã ñari Ì ya ruju robo bajirã ña mani. Riojo Ìre mani cudija, cocati queno moarã yirãji mani. Gãmeri ti maicõri, gãmeri queno ejabuarã yirãji mani. Ito yicõri buto busa Cristore tuorãnurã yirãji mani.

Cristona suoriti mame tuoïare ña manire, yire gaye

¹⁷ Mani Eju Cristo i yure rotijare, ado bajiro busia yu muare: Diore masimena ina yiro bajiro mucana tudi ñeñaro yibesa mua. Ina tuoñaro bajiroti yibojama ina. Inare bajiro yibesa muama. ¹⁸ Dios ocare tuo amobiticōri, “Ado bajiro yu yi ñare amoguñi Dios”, yi masimenaji ina. Ito bajiri Dios ñarā meje ñari i rāca sigū bajiro tuoñamenaji ina. Ito bajiro bajirā ñari Dios ocare tuo masimena yirāji ina ija. I ocare tuo masibiticōri, rāitñaroju ñarā bajiro bajirāji ina. ¹⁹ “Iti ña ñeñarise”, yi masibojarāti ñeñaro yi uyacōrāji ina. Ito yicōri ñeñaro ina yija bero ñabojarocati, “No yibea”, yirāji ina. Ina amoro bajiroti romia rāca, umua rāca cuni jeyaro ñeñaro ina yirise yirāji ina. Ina tuoñaro bajiroti buto ñeñarise yi uyarā yirāji ina. ²⁰ Jesucristo ocare masibojarāti, “Ire masimena bajiro ñeñaro gua yire, amobiquñi Cristo”, ¿yi masibeati mua? ²¹ Jesucristo oca quenarise i riasore gaye tuogoana ña mua. I ocare tuorñunurā mua ñaja, “I oca ñasarise ña”, yi tuoñarā yirāji mua. ²² Iti rumu Jesucristore mua masiroto riojua, ñeñarise yi ñayija mua. Ñeñaro tuoñacōri, buto busa ñeñaro yi ñayija mua maji. Ito bajiri ñeñaro tuoñarise mucana itire tudi tuoñabesa mua. Itire jidicāña mua ija. ²³ Ñeñaro tuoñarise jidicācōri, Dios i tuoñaro bajirojua mame tuoñare wasoaya mua. ²⁴ Mame tuoñare wasoacōri, Dios i amoro bajiro yiya mua. Ire bajiro quenarise riti mani yitoni mame tuoñare gaye manire wasoacōñi Dios. Ito bajiro i yijare ñeñarise tuoñamenati quenarise riti mani yija quena.

²⁵ Ito bajiri mua socare oca cuni jidicāña. Ñasarise riti gāmeri oca gotiya mua. Cristo ñarā ñari, co masa robo bajirā ña mani ija.

²⁶ Gājire junisinibojarāti, ire ñeñaro yibesa mua. Ito yicōri umacāñi i quedi sājaro to riojua oca quenocōri, mua junisinirise jidicāma. ²⁷ Mua junisinirise mua jidicābeja, rūmua ujire cudirā yirāji mua. Ito bajiri itire yibesa mua.

²⁸ Rinigoana mua ñaja, tudi mucana rinibesa. Ado bajirojua mua yija quena. Waja bujarona queno moaña. Waja bujacōri, bojoro bujarāre ejabuaya.

²⁹ Oca ñeñarise busibesa mua. Ado bajirojua mua yija quena. Gājerāre ejabuarona oca quenarise riti busiya. Ito bajiro mua busija tuocōri, tuoña oca seōrā yirāji ina. Ito yicōri buto busa Diore tuorñu amōrā yirāji ina. ³⁰ Ñeñaro mani yija ticōri, bojori bujagu yiguñi Espiritu Santo. Ito bajiri itire yibitiruja manire. I ñami mani ya usiju quedi sājaru. Manire i quedi sājaja bero, “Dios yagu ña yu. Ito bajiri masa ina ñeñaro yirise waja Dios i waja seniri rumu yure masogū yiguñi i”, yi tuoña mani.

³¹ Gājire ñeñaro mua tuoñaja, jidicāña itire. Gājire mua ti tudija, jidicāña. Gājerāre mua junisinirise jidicāña. Gājerāre ñeñaro busitubesa. Gājire oca menibesa. Gāmeri tudirisere jidicāña mua. Ito yicōri gājerāre ti tudibesa mua. ³² Ado bajirojua mani yija quena. Gājerāre ti maicōri, inare queno yiruja manire. Manire ñeñaro ina yibojarocati, inare mani acabojoja quena. Dios cuni mani ñeñaro yirisere acabojoñi i, Jesucristore tuorñunurā mani ñajare. Ito bajiri gājerā ñeñaro manire ina yibojarocati itire mani acabojoja quena.

5

Dios rña mani ñaja ado bajiro ñaruja, yire gaye

¹ Dios rña, i mairā ñari, queno i yiado bajiroti queno yñana mani cuni. ² Manire Cristo i mairo bajiro gājerāre cuni mairuja manire. Manire ti maicōri, mani ñeñaro yirise waja, waja yi isirocu goda isini Cristo. Manire Cristo i queno yigore ticōri, buto wanuyiju Dios.

³ Dios ñarā ña mani ija. Ito bajiri mani umua romiare ajebitiruja manire. E muare ajebesa romia mua cuni. Ñeñarise ñarocōti yibitiruja manire. Ito yicōri gāji ya gajeonire ti uobitiruja manire. Ñeñaro yibitiruja manire, “Ñeñaro yirā ñama ina”, gājerā ina yibe yirona. ⁴ Oca ñeñarise busibitiruja manire. Tuoñamenati busibitiruja manire. Ito yicōri romia rāca ajere gaye busibitiruja manire. Quenarise meje ña iti. Ado bajirojua busiruja manire. “Manire queno yami Dios”, yi gāmeri busi wanuraja manire. ⁵ Tuoya mua. Riti muare gotia yu. Ñeñaro yirā Cristo ñarā meje ñama ina. Ito bajiri Dios i rotiroju ejamenaji ina. No rocati romiare ajegu, Dios taju ejabiquñi i. Coriarā Diore mairo rēto busaro gajeonire mairāji ina. Dios i tija ire rācuborā meje ñarāji ina. Ito bajiri inaōna Dios i rotiroju ejamenaji. ⁶ “Ñeñarise meje ña iti”, yi ruorāre tuobesa mua. Ñeñaro yirāre ti tudiguñi Dios. Ina cudibitire waja tōbujarā yirāji ina. ⁷ Ito bajiri inare bajiro yibe yirona, ina rāca baba cutibesa mua.

⁸ Iti rumu ñeñaro yisotiticōri, rāitñaroju ñarā robo bajiro ñayija mani maji. Adi rumariama Jesucristore masicōri, busuroju ñarā robo bajiro ña mani ija. “Iti ña ñeñarise. Iti ña quenarise”, mani yi masiroca yami mani Eju Jesucristo. Ito bajiri i ñarā ñari queno yi ñaruja manire. ⁹ Mani ya usiju Espiritu Santo i ñajare, busuroju ñarā bajiro ña mani ija. Ito bajiri quenarise riti yiruja manire. Ñeñarise yimenati, Dios i amoro bajiro riti yiruja manire. Mani busija ñasarise gotiruja manire. ¹⁰ “Ado bajiro yu yija, wanugū yiguñi Dios”, yi masirona, quenarise riti yñaruja manire. ¹¹ Diore masimena, rāitñaroju ñarā bajiro ñarāji ina. Ina ñeñaro

yirisere ti wanabiquíj Dios. Í tu waja bajamenaji ina. Ito bajiri ina rāca ñeñaro yibesa mua. Ado bajirojua mua yija quena. Ñeñaro yirāre Dios oca inare goti masioña, “¿Ñeñaro yirā ñayijari gua?” ina yi tuo masitoni. ¹² Masa gājerā ina tibeto buto ñeñarise yirā ñarāji ina. Ina ñeñaro yigore mani busija, buto bojorise ña. Ito bajiri itire busibitiruja manire. ¹³ Ado robojua mani yija quena. Dios oca inare mani goti masioja, busuro queno ruyuroju ñarā bajiro ñacōri, ina ñeñaro yirisere ti masirā yirāji ina. “¿Ñeñaro yirā ñayijari gua?” yi tuo masirā yirāji ina ija. Ito bajiro tuoīacōri, coriarā Jesucristore boca āmirā yirāji gajea. ¹⁴ Ito bajiri ado bajiro gotia Dios oca:

Caniana, godacāna bajiro bajirā ña mua. Ñeñaro yibojarāti, “Ñeñaro yirā ña gua”, yibea mua. Ito bajiri yujiya, Cristore tuorāñña mua. Busuroju ñarā bajiro mua ñaroca yigu yiguji Cristo, yi gotia Dios oca.

¹⁵ Diore masirā ñari, queno tuoīaña, Dios í āmoro bajiro mua yi ña masitoni. Diore masimena bajiro yi ñabesa mua. Diore masirā ñari í āmoro bajiro riti yi ñaña mua. ¹⁶ Adi rāmuri buto ñeñarise yama masa. Ito bajiro ina yibojarocati quenarise yi ñaña mua. “Tudi ejaḡu yiguji Cristo”, yi tuoīacōri, Diore moa isiña mua. ¹⁷ Rocati queno tuoīamena bajiro bajibesa mua. Dios ocare queno tuo masiña, í āmoro bajiro mua yi masitoni. ¹⁸ “Idire queacōri, wanugū yiguja ya”, yi tuoīabesa mua. Ito bajiro mua queaja, ñeñaro yirā yirāji mua. Ado bajirojua yija. Espiritu Santo mua ya usiḡu í ñajare, í robo tuoīacōri í āmoro bajiroti yija. ¹⁹ Espiritu Santo rāca sīgū bajiro riti tuoīacōri, mani Ūju Jesucristo ocare gāmeri busi wanaña mua. Ito bajiro busi wanacōri, í ocare basa sēaña. Ito yicōri ire wanarā, mua ya usina ire basa rācubuoja mua. ²⁰ Cristo ñarā mani ñajare, “Queno ya Dios mu”, yirāja manire mani Jacre. “Queno ya Dios mu. Dise ruyabeto mu yisotirise quenarise riti ña”, mani yija, mani Ūju Jesucristo wamenati yisotiruja manire.

Cristore tuorāññarā ñari ado bajiro mani ñaja quena, yire gaye

²¹ Cristore rācubuoarā ñari, gājerā ire masirāre cuni rācubuoja quena. Ito yicōri rācubuoere rāca gāmeri cudiya mua.

²² Tuoya romia mua, muare busigu ya yu. Mani Ūju Cristore mani cūdiro bajiroti mua manujusabatiare queno cūdija quena. ²³ Mua manuju cutija bero, iti ñami mua uju. Ito bajiroti Cristo ñarā mani ñaja, iti ñami mani Ūju. Manire ūmatā ñagū ñari mani rijoga bajiro bajigu ñami Cristo. Ito yicōri ire moa isirā ñari í ya ruju robo bajirā ña mani. Manire masoroca manire goda isiñi í. ²⁴ Ito bajiri mani Cristo ñarā, ire mani cūdiro bajiroti mua manujusabatiare cuni cūdisotiya mua.

²⁵ Tuoya imua mua, muare busigu ya yu. Mua manojosāromiare buto maiña mua. Manire cuni buto maiguji Cristo. Ito bajiri í ñarā mani ñatoni, manire yari goda isiñi í. Manire í mairo bajiroti mua manojosāromiare maiña mua cuni. ²⁶ Manire goda isiñi Cristo mani ñeñaro yirise coeroca. Ito yicōri manire beseñi í ñarā riti mani ñatoni. Dios ocare mani tuorāñña ticōri, mani ñeñaro yirise coeñi Cristo. Mani ñeñaro yirise jidicācōri, idé gu roticu mani. Ito bajiro ire mani tuorāñña ticōri, mani ñeñaro yirise coeñi Cristo. ²⁷ Ito bajiro manire coeñi Cristo, í riojo seti mana mani ejatoni. Ito bajiro manire í yicāre ñajare, í riojo ñeñaro yimena bajiroti ejarā yirāji mani. Ito yicōri seti mana bajiro ejarā yirāji mani, í riojo. “Queno yirā ña mua”, yi manire boca āmigū yiguji í. ²⁸ Mua manajo cutirā ito bajiroti mua manojosāromiare queno tuoīaja quena. Mua ya rujuri mua mairo bajiroti mua manojosāromiare cuni maiña. Mua manajo cutija bero, jūarā ñabojarāti co ruju bajiroti ruju cutirā ña mua. Ito bajiri mua manojosāromiare mua maija, mua ya rujuri mairo bajiroti maia mua. ²⁹⁻³⁰ Mani ya rujure ti tebea mani. Mani ya rujure maicōri, itire queno tirāññarā yirāji mani. Ito bajiroti Cristo cuni queno tirāññagū yiguji í ñarāre. Í ñarā ñari, í ya ruju robo bajirā ña mani. Ito bajiri manire queno tirāññagū yiguji Cristo. ³¹ Ado bajiro gotia Dios oca: “Sīgū manajo cuticōri jūarā ñabojarāti, co ruju bajiroti ruju cutirā ñarāji ina. Í manajo cutija, í jacu í jaco rāca cuni ñabiquíji ija. Ito yicōri jūarā ñabojarāti co ruju bajiroti ruju cutirā yirāji ina”, yi gotia Dios oca. ³² Iti ocare mani tuo masi āmoja, josari ña. Ito bajibojarocati iti oca queno manire goti masioa. “Cristo ñarā í ya ruju robo bajirā ñama”, yi riasoa iti oca. ³³ Manajo cutire gaye cuni queno riasoa iti oca. Ito bajiri mucana muare gotia yu. Mua manojosāromiare queno maiña. Mua ya rujure mua mairo bajiroti queno mua manojosāromiare maiña. Romia mua cuni, queno rācubuoōcōri, mua manujusabatiare cudiya.

6

¹ Rīaca tuoya mua cuni, muare busigu ya yu. Mua jacusabatiare yiro robo cūdiya. Mani Ūju Jesucristo ñarā ñari, mua jacusabatiare queno cūdiruja muare. Ito bajiro mua yija Cristo āmoro bajiro queno yirā yirāji mua. ²⁻³ “Yare mua cūdija ado bajiro yicuja ya”, yi tuoīa wacu ado bajiro rotisuojiyu Dios. “Mua jacu, mua jacore cuni rācubuoja”, yi gotiyija Dios.

Ito bajiro i rotija bero, gaje ado bajiro goticâyju Dios: “Maa jacusbatiare maa queno rãcubwoja, adi sita ñarã yoari wanũ quena cati ñarã yirãji maa”, yi goticâyju Dios.

⁴ Rãa cutirã tuoya maa, muare busigu ya ya. Biyaro maa rãa junisiniroca yibesa. Ado bajirojua maa yija quena. Mani Uju i ãmoro bajiro ñare ti maicõri, queno ñare masoña. Ñeñaro ña yija, ñare gotiya ña tuo masitoni. Ito yicõri queno ñare riasoya maa, Cristore queno ña tuorũntoni.

⁵ Gãjerãre moa ñsiri masa tuoya maa, muare busigu ya ya. Wanũre rãca maa ujarãre queno cãdiya maa. Ito yicõri ñare gãi rãcubwoya. Cristore tuorũnacõri, ñre queno cãdiya maa. Ito bajiroti maa ujarãre cãni queno cãdiya quena. ⁶ “Yu ujarã yure ña wanũtoni ña tiroca riti queno moagũ yiguja ya”, yi tuoĩabesa maa. Ña tiroca, ña tibeja cãni queno ñare moa ñsija quena. Cristore maa moa ñsiri bajiroti queno maa ujarãre cãni moa ñsija quena. Maa ya usina Diore maicõri, i ãmoro bajiro queno moa ñsina maa ujarãre. ⁷ Wanũre rãca queno maa ujarãre moa ñsina maa. “Ñare ya queno cãdiya, Cristore cãni queno cãdiya ya”, yi tuoĩacõri, maa ujarãre cãni queno moa ñsina. ⁸ “Mani yiro bajiroti, manire waja yigu yigũji Dios”, yi tuoĩa mani. Moa ñsiri masa mani ñaja, moa ñsiri masa meje mani ñaja cãni, mani queno yiro bajiroti manire waja yigu yigũji Dios.

⁹ Moari masa ujarã tuoya maa, muare busigu ya ya. Muare moa ñsiri masare queno yiya maa. Ñare cãni queno muare cãdi rotibu ya. Muare moa ñsiri masare usirioro yicõri, ña gãuiroca yibesa. Sigu ñami ùmacũju gagũ mani Uju. Muare moa ñsiri masa Uju cãni ñagũji i. “Mani yigore ti cõiacõri, ito bajiroti manire waja senigũ yigũji Dios”, yi tuoĩa masiña maa.

Rãmure mani rãtocũtoni manire ejabuagu yigũji Cristo, yire gaye

¹⁰ Yu ñarã susari muare ado bajiro gotisusa ya. Mani Uju rãca sigũ bajiro riti tuoĩacõri, i masirisena buto busa ñre tuorũnũña maa. Ito bajiro yicõri buto oca sãoña maa. ¹¹ Surarare tuoĩate maa. Ña ya rujure camotarona ña sãñarise gaye sãñarã yirãji ña. Maa cãni ito bajiroti Dios ocare queno tuorũnacõri, tuoĩa oca sãoña, rãmúa uju muare ruobe yirona. Ito bajiro maa yija, muare ruo masibiquji rãmúa uju. ¹² Mani bajiro rujũ cutirã rãca meje gãmeri tãrã ya mani. Rãmúa tiyamana rãca gãmeri tãrã ya mani. Ñati ñama adi macãrucũro rãitãaroju ñeñaro yirã ujarã. Ña ñama ñeñaro mani yitoni manire usirioro yi coderã. ¹³ Ija buto ñeñari ramari ejaro yiroja. Mani ñeñaro yitoni, ruje manire usirioju yigũji rãmúa uju. Manire i usirio codebojarocati, mani oca sãotoni ado bajiro yirãja manire. Ñeñari ramũ ito ejaroto riojua, Dios ocare queno riasotirãja manire iti ejaroca oca sãorona. Ito bajiri oca sãocõri, Jesure jidicãmenaji mani. Ito bajiro mani yija, surara ña ya rujari ña camotado bajiro bajirã yirãji mani ñja.

¹⁴ Jesucristore tuorũnacõri, oca sãoña. Ito yicõri ñasarise riti busisotiba. Ito bajiro maa yija, sigũ surara masũ wecu wirowẽñucõri, i ñacãdo bajiroti ñacãrã yirãji maa cãni. Quenarise riti yisotiba. Ito bajiro maa yija, surara masũ usi riojo camotaro bajiro bajirã yirãji maa. ¹⁵ “Dios rãca mani oca cutirise quenoñi Cristo. Iti ña oca quenarise”, yi masare gotirona masi yucãña. Ito bajiro maa yija, surara masũ i ya guboco sãñacõri, i ñacãro bajiro ñarã yirãji maa. ¹⁶ Queno Jesucristore tuorũnũña maa. Iti ña ñasarise. Ito bajiro maa yija, camotare gaye rãcorã bajiro ñarã yirãji maa. Mani tuoĩa oca sãome yirocu, yirugũ ujaricu manire jatucõagũ bajiro yami rãmúa uju. Ito bajiro manire i yi codebojarocati Cristore mani tuorũnũja manire rãtocũ masibiquji rãmúa. ¹⁷ “Jesucristore ya tuorũnũja ticõri, yure masoñi Dios”, yi tuoĩacõri, oca sãoña maa. Ito bajiro maa oca sãoja, surara masũ i jesari coro jesarã bajiro ñarãji maa cãni. Dios oca Espiritu Santo mani masiroca i yirisere queno tuo masiña maa. Ito bajiro maa tuoĩaja, sigũ sarera jãi rãcogu bajiro ñarã yirãji maa. Ito bajiri rãmúa uju muare i usirioro yi codebojarocati Dios ocare masicãcõri ñjuare rãtocũrã yirãji maa. ¹⁸ Ito bajiro yirona Diore busisotiya maa. Coji ruayabeto Espiritu Santo i ejabuãrisena, Diore busisotiya maa. I ãmoro bajiro yirona queno oca sãoro ña yucãña. Ito yicõri ñre busi jidicãbesa. Ito bajiro yicõri i ñarãre yiari, Diore senisotiya maa. ¹⁹ Yure yiari cãni Diore senisotiya. Dios oca ya gotiroca, Diore busiya maa, i oca queno ya goti masitoni. “Masa jeyarore maso ãmoguji Dios”, yi masibisjarã masa maji. Gũbicuti iti oca masare ya gotitoni yure yiari Diore busiya maa. ²⁰ Iti oca ya gotitoni yure cũni Dios. Iti oca masare ya gotija ticõri, ado tubiara wiju yure tubiacã ña. Dios i ãmoro bajiro gũbicuti iti oca ya gotitoni, yure yiari Diore seniña maa.

Queno ñaña maa, Pablo i yi ñucare gaye

²¹ Tiqico, mani yagu, maa tu wacu yami. I ñami mani Uju gaye ya moaroca queno ejabuagu. Maa tu ejaõri, ya gaye, yure rãtagore, muare goti jeogu yigũji i. Ito yicõri ado ya moarise gaye muare gotigu yigũji i. ²² Ito bajiri ñre cõa ya, ya gaye muare i gotitoni. “Queno ñagũji Pablo”, yi tuo masicõri maa ya usiju tuoĩa oca sãorã yirãji maa. Ito bajiro maa oca sãotoni maa tãju ñre cõa ya.

²³ Mani Jacu Dios, ito yicōri mani Uju Jesucristore cāni queno t̄or̄ān̄ā ña m̄a. Ito bajiri m̄a ya ʼsij̄ queno m̄a wan̄ quenaroca yijaro ña. Ito yicōri m̄a ḡāmeri ti mairoca yijaro ña. ²⁴ Mani Uju Jesucristore mai jidicāmenare queno yijaro Dios m̄are. Itocō ña.

La carta de San Pablo a los Filipenses

Filipos cuto gānare Pablo ī papera cōare gaye

¹ Nati Filipos gāna mua. Yu Pablo Timoteo rāca adi papera uca gua. Jesucristore moa ĩsiri masa űa gua. Cristore tuorānucōri Dios űarā űa mua cuni. “Queno űaűa mua”, yi űuca gua muare. Dios oca riasori masa ito yicōri ĩnare ejabuari masare cuni, “Quenajaro”, yi űuca gua. ² Muare queno yijaro mani Jacu Dios. Ito yicōri mua ya usiju sajari oca cutiroca yijaro ĩ. Ito bajiro muare yijaro yirocu, Diore ito yicōri mani űju Jesucristore cuni muare yjari seni ĩsistia yu.

Jesucristore rācuborāre yjari Pablo ī seni ĩsire gaye

³ Muare tuoĭa wanucōri, “Queno ya Dios mu”, yisotia yu. ⁴ Muare yjari Diore yu busisotija, yu ya usiju queno wanu quenasotia yure. ⁵ Cajero Cristo ocare boca āmisuorāti yure ejabusuocu mua. Adocāta cuni yure ejabusocā mua maji. Ito bajiri muare yjari Diore yu senisotija yu ya usiju queno wanu quenasotia yure. ⁶ Jesucristore mua tuorānusuorajuti queno mua yi űaroca yisuoűi Dios. Mani űju Jesucristo ĩ tūdi ejaroti ramujuti, “Queno yi masijaro ĩna”, yirocu manire ejabuagu yiguiji Dios. ĩ űarā mani űatűatoni ito bajiro manire yigu yiguiji ĩ. “Riti baja ito”, yi masia yu. ⁷ Yure ti maicōri ĩ oca gājerāre yu goti ucutoni yure cūni Dios. ĩ ocare yu riaso ucuroca queno yure ejabusoticu mua. Jesucristo oca masare yu riasoja ticōri, yure tubiacā ĩna. Ito bajiro yure ĩna yibojarocati, “ĩna cuni Cristore tuorānujaro”, yirocu, “Nasarise űa Cristo oca”, yi jidicābea yu. Tubia ecoru yu űabojarocati queno yure ejabusotia mua. Ito bajiri yu ya usiju muare tuo maia yu. Ito bajiro muare yu tuoĭaja quena űa yure. ⁸ Jesucristo muare ĩ tuo mairo bajiroti buto muare tuo maia yu cuni. “ĩnare buto ti āmoami Pablo”, yi masiami Dios yure. ⁹ Gājerāre buto busa ti maijaro ĩna, yirocu Diore seni ĩsistia yu muare yjari. Queno tuoĭare gaye Dios muare jidicājaro, yirocu ĩre senisotia yu. Ito yicōri ĩ āmorise mua tuo masi jeotoni muare yjari Diore seni ĩsistia yu. ¹⁰ Nasarise riti mua tuoĭa besere āmoa yu. Ito bajiro mua yija, queno yirā űari Cristo ĩ tūdi ejari ramu űe seti mana űarā yirāji mua. ¹¹ Jesucristo sigūti űami quenarise riti mani yi masiroca yigu. Quenarise riti yisotijaro ĩna, yirocu muare yjari ĩre seni ĩsistia yu. Ito bajiro queno mua yija ticōri, “Rētoro masigū űami Dios”, yi rācuborā yirāji gājerā cuni.

Cristore riti mani moa ĩsi suyaja quena, Pablo ĩyire gaye

¹² Tuoya yu űarā mua. “Quenabiti jaje Pablore rētabojarocati jājarā busa Jesucristo oca tuorānu wama masa”, mua yire āmoa yu. ¹³ “Cristore ĩ tuorānuja ticōri, ĩre tubiyajarā ĩna”, yi masiama adi cuto gagu űju ya wi coderi masa. Ito bajiro riti yi masi jediama ado gāna yure. ¹⁴ “Tubia ecoru űabojaguti Cristore jidicābeami Pablo”, yi tuoĭacōri ado gāna mani űarā jājarā, buto busa Cristore tuorānu wama. Ito bajiri oca sēcōri gūimenati Dios ocare riasoama ĩna.

¹⁵ Cristo ocare queno yu riaso masijare, yure ti uoama coriarā. “Pablo rēto busaro queno riasorāji guama”, yicōri riasobojama ĩna. Gājerāma Dios oca tuorānurā űari, wanure rāca riasoama. ¹⁶ Yure tuo maicōri Cristo oca masare riasoama ĩna. “Tubia ecoanare cuni Cristo oca űasarise gotijaro Pablo, yirocu Pablore tubiaroca yiűi Dios”, yi masiama ĩna yure. Ito bajiri yure tuoĭacōri Cristo oca masare riasoama ĩna. ¹⁷ Yu riasorise ti uocōri, “Manire cuni ti wanujaro masa”, yirona riasobojama yure ti tudiri masa. Dios ocare tuorānurā meje űabojarāti ĩ oca masare riasoama ĩna. “ ĩnajuare tuorānu wama masa’, yire oca Pablo ĩ tuoja, buto busa bojori bujagu yiguiji ĩ tubiara wi űagū”, yi tuoĭabojarāji ĩna yure. ¹⁸ Ito bajiro ĩna yibojaja cuni no yibeja yure. Cristo oca masare ĩna riasoja ito űa yure quenarise. Yure ĩna ti maija, ĩna ti maibeja cuni Cristo oca masare ĩna riasoja ito űa yu ya usiju yu wanuroca yirise. Ito bajiri buto busa wanu wacu yiguija yu.

¹⁹ “Yure yjari Diore senirā yama ĩna”, yi tuoĭa yu muare. “Yure ejabuarocu Espiritu Santore cōaűi Jesucristo”, yi tuoĭa yu. Ito bajiri tubia ecoru yu űabojarocati, “Quenarise rētaru yiroja yure”, yi tuoĭa yu. ²⁰ Jesucristo ĩ cūru űari, ija ĩ tiro riojo bojo āmobeja yu. Yu tuoĭa yurise, yu āmorise cuni yu tuoĭa yuja, ado bajiro baja. Oca sēcōri Cristo ocare riti riasosoti āmoa yu. Tubia ecoru yu űaja, tubia ecoru meje yu űaja cuni, yure ticōri Cristore masa ĩna rācubore āmoa yu. Yure ĩna bucōaja cuni yure ĩna sĭaja cuni no yibeja yure. Cristore masa ĩna rācubojaja ito űa yure űasarise. ²¹ Cristore riti moa ĩsirocu űa āmoa yu. Iti űa yure űasarise. Yu godaja, buto busa quenarise bujagu yiguija yu. ²² Adi sita űagū, Cristore tuorānujaro masa, yirocu ĩnare riasoa yu. Catigu yu űaja, quena űa yure. Yu godaja cuni quena űa. Ito bajiri, “Godarejua āmoa yu, catirejua āmoa yu”, yi bese masibeja yu. Juaji gayejuti quenacōa yure. ²³ Ito bajiri josari űa yure ito juaji gaye yu beseja. Cristo rāca űa āmogū, godare āmoa yu. ĩ tu yu waja,

buto busa wanu quenaro ñagū yiguja. ²⁴ Ito bajibojarocati adi sita yu ñaja buto busa muare riasogu yiguja yu. Muare yu riasoja iti ña buto busa ñasarise. ²⁵ “Riti baja iti”, yi tuoia yu. Ito bajiri, buto busa Cristore tuorānucōri wajaro ña, yirocu, “Maa rāca ñagū yiguja yu maji”, yi tuoia yu. Cristore tuorānucōri buto busa wanujaro ña, yirocu maa rāca ñagū yiguja yu maji. ²⁶ Ito bajiri macana yure maa tija, wanurā yirāji maa. Cristo yure i codeja ticōri, “Queno ya Dios mu”, yi rācubworā yirāji maa.

²⁷ Cristo oca iti gotiro bajiroti maa cudija iti ña ñasarise. Maa taju yu waja, yu wabeja cuni yu yiroti bajiroti maa yire āmoa yu. “Cristore tuorānucōri sigū bajiro riti tuoiarā ñama ña. Ito yicōri, Cristore tuorānucōri gājerā cuni yirona, i oca riti riasoama ña”, masa ña muare yire, tuo āmoa yu. ²⁸ Maa wajana Dios oca ti terā ña ñaja, guibesa ñare. Oca sēoña. Ito bajiro maa yija ticōri, “Jeame ujuroju cōagū yiguji Dios manire”, yi masirā yirāji ña. Gaje gaye cuni ado bajiro muare tuoiarā yirāji ña. “Ñare ejabuami Dios. Ito bajiri ñare masogū yiguji i”, yi tuoiarā yirāji ña, maa queno yirise ticōri. ²⁹ Manire ti maicōri Cristore mani tuorānucōri yifi Dios. Iti ña mani wanurise. Ito bajibojarocati Cristore mani tuorānucōri ticōri, quenabeto mani tōbujaroca yirā yirāji gājerā. Ito bajiro cūni Dios manire. Ito bajiri mani wanuroti ña iti cuni. ³⁰ Sigūre bajiro tuoiacōri, Cristore tuorānucōri masa yirona, josari moa mani. Iti rumu Cristo oca yu riasoja ticōri, quenabeto yu tōbujaroca yure masa ña yija ticu maa. “Adocāta cuni ñeñaro tōbujagu yiguji”, yire oca tuorāji maa.

2

Buto ñasagu ñabojaguti, “Ñasagu ña yu”, yibisiju Cristo yire oca

¹ Cristoti ñami mani tuoia oca sēoroca yigu. Manire ti maigū ñari mani bojori bujaja, “Bojori bujabesa maa”, yigu yiguji i. Espiritu Santo rāca mani baba cutiroca yami i. Gājerāre mani ti mairoca ito yicōri ñare queno mani yiroca yami Cristo. ² Ito bajiri, “Queno wanu quenaro ñajaro i”, yirona sigū bajiro riti tuoiaña maa. Sigūre bajiro gāmeri ti maiña. Sigū bajiro riti tuoiacōri Cristore moa isaña maa. ³ “Yumasi bujagu yiguja yu”, yi oca jaimenati maa moaja quena. “Yure ti seyojaro gājerā”, yi tuoiamenati moaja quena. “Gājerā rētoro ñasagu ña yu”, yi tuoiabesa. “Ñama yu rētoro ñasarā ñama”, maa yi tuoiaja quena. ⁴ Maa ñaroti riti meje tuoiaña. Gājerā ña queno ñaroti gaye cuni tuoiaja quena.

⁵ Jesucristo i tuoia do bajiroti maa tuoiaja quena. ⁶ Ūmacūju ñagū, Diocō masigū ñabojaguti adi sitaju wadigu i masirise jidicāyiju Cristo maji. ⁷ Dios ñabojaguti i masirise jidicācōri manire bajiroti rujeayiju Cristo. Ito bajiro rujeacōri bucua wacu masare moare ejabuagu ñasotiyiju i. ⁸ Adi sita wadicōri, “Gājerā rētoro ñasagu ña yu”, yi tuoiaibisiju i. I Jacu Diore cudigu yucutēoju masa ñe jaju sīabojarocati ñare camotabisiju i. Ñeñaro yiri masure ña sīaro bajiro ña sīabojarocati camotabisiju i. ⁹ Ito bajiri i tūdi catiroca yicōri buto rācubworu i ñaroca yifi Dios. Ñimu gāji i robo rācubworu maquji. Ito bajiri wame ñasarise ñe wōñi Dios. ¹⁰ Jesús wame tuocōri ñe rācubworā, rijomunigāna ñini rūjū jedijaro masa, yirocu wame ñasarise ñe wōñi Dios. Ito bajiri i wame tuocōri ūmacūju gāna, adi sita gāna, ito yicōri adi sita rocaja gāna cuni rijomunigāna ñini rūjū jedirā yirāji. ¹¹ “Jesucristo ñami Ūju ñasagu”, yi jedirā yirāji masa. Ito bajiro ña yija, mani Jacu Diore cuni rācubworā yirāji ña.

Quenarise mani yi āmoroca yigu ñami Dios, Pablo i yire gaye

¹² Tuoya yu mairā maa. Yu maa rāca ñaroca yure cudisoticu maa. Maa tu yu ñabitibojarocati buto busa maa yure tuorānucōri āmoa yu. “Dios i masoana ña mani”, yi masicōri ñe buto rācubwoya maa. “Ñe yu cudibeja, yure ti wanubicu yiguji Dios”, yi tuoia guirā ñe riti cūdiya. ¹³ Quenarise mani yi āmoroca yigu ñami Dios. Ito bajiri i āmorō bajiro maa yi masi jeotoni muare ejabuaguji Dios.

¹⁴ Dise ruyabeto maa moaja wanure rāca riti moaja quena. Ito yicōri gāmeri oca josamenati moaña. ¹⁵ Ito bajiro maa yija ticōri, “Ñeñaro yirā ñama ña. Seti cutirā ñama”, ñimujua muare yi masibiquji ija. Dios ñarā ña maa. Ito bajiri adi sita gāna Diore ti tecōri ñeñaro yirā ña tiro riojo, quenarise riti maa yija quena. Diore maa cudija ticōri, “Ñeñaro yirā ña guama”, yi tuoiarā yirāji ña. ¹⁶ Catitñare gaye Dios taju ña baja masitoni Jesucristo oca ñare gotiya. Ito bajiro maa yija ticōri, Cristo i tūdi ejari rumu buto muare wanugū yiguja yu. “Ñare riasobojabisija yu. Yu ñare riasocato bajiroti yama ña”, yi tuoia gū yiguja yu muare. Ito bajiro wanure rāca yigu yiguja yu. ¹⁷ Cristore tuorānucōri yirocu, muare riasocu yu. Ito bajiro muare yu riasoja ticōri, yure sīarā yirāji gajea. Ito bajiro yure ña sīabojarocati wanu quenaro ñagū yiguja yu. “Cristore tuorānucōri wanurā yirāji yu riasogoana”, yi tuoiacōri wanua yu cuni. ¹⁸ Ito bajiroti maa cuni itire wanuja quena. “Quenabeto tōbujabojaguti wanuami Pablo”, yi tuoia wanuña maa cuni.

Timoteo, Epafrodito oca

¹⁹ Mani Ɖju Jesús ĩ ămoja yoari mejeti mua tu Timoteore cđare tuoĳa yu. Mua tu ejaru ĩ tđdi ejaroca mua oca tuoćori wanuĳu yiguja yu. ²⁰ ĩ sigăti űami yu tuoĳaro bajiro tuoĳagŭ. Yure bajiroti mua queno űaroti gaye tuoĳa usirioami Timoteo cuni. ²¹ Găjerăma ĩna queno űaroti riti tuoĳama. “ĳNo bajiro Jesucristore yu moa ĩsija quenati?” yĳ tuoĳabeama ĩnađna. ²² “Queno yigu űami Timoteo”, yĳ masia mua ĩre. Ito yicđori, “Pablo răca queno Jesucristo oca riasoami Timoteo”, yĳ tuoĳa masia mua. Riti bajaia. Yu macu bajiroti queno yure ejabuami ĩ. ²³ Ito bajiri, “Ado bajiro rĕtaro yiroja yure”, yu yĳ masija, mua tu ĩre cđagŭ yiguja yu. ²⁴ Mani Ɖjare riti tuorănuă yu. Ito bajiri, “Ī ămoja yoari mejeti muare tigu wacu yiguja yu”, yĳ tuoĳa yu.

²⁵ “Mani bajiro Cristore tuorănuĳu Epafroditore mucana cđagŭ yiguja mua tu”, yĳ tuoĳa űa yu. Yure ĩ ejabuatonĳi, ĩre cđayĳa mua. Ado ejaćori yu răca moami ĩ. Quenabeto tđbujabojarăti Jesucristo oca riaso jidicăbea gua. ²⁶ Mua űajedirore buto ti ămoami ĩ. “Epafrodito cđu űami”, mua yĳa tuo masicđori, tuoĳa oca jaiquĳ ĩ. ²⁷ Riti bajiquĳ, buto cđquĳ ĩ. Goda waru űaquĳ. ĩre ti maiűi Dios. Ito bajiri godabitiquĳ. Tuoĳa bujatobicu űari, ĩ godaja buto busa bojori bujaboruja yu. Ito bajiri yure ti maicđori ĩre yisioűi Dios, yu buto bojori bujare ămobicu. ²⁸ Epafrodito sĕo quenagŭ ĩ űaja ticđori, wanură yirăji mua. Ito bajiri, wanujaro ĩna, yirocu mua tu buto ĩre cđa ămoa yu. “Wanură yirăji ĩna”, muare yĳ tuoĳacđori wanuĳu yiguja yu cuni. ²⁹ ĩre bajiro mani Ɖjare tuorănură űari ĩ ejaia wanure răca boca ămiűa ĩre. ĩre bajiro bajirăre răcabuoya mua. ³⁰ Yure ejabua űagŭ Cristore moa ĩsiquĳ ĩ. Yure ejabuagati bujato tđbujaquĳ ĩ cuni. Ito yicđori godaboquĳ. Sđju űacđori yure mua ejabua masibitire yure ejabuacquĳ ĩ.

3

Cristore mani tuorănuja iti űa űasarise, yire gaye

¹ Tuoja yu űară mua. Ado bajiro gotisusa yu muare. Mani Ɖju Jesucristore tuorănură űari wanuűa mua. Iti rumu yu gotigore mucana yu muare gotĳa, quena űa yure. Mucana tđdi itire mua tuoja, quena űaro yiroja muare. ² Ecaru yai cunigăre gŭi űa mani. Ito bajiroti ricati riasorăre cuni mani gŭĳa quena. ĩna űama űeűaro yiră. “Dios rĳa mani űa ămoja, wirotară yirăji mani”, yĳ riaso tuorăre cuni mani cđdibeja quena. ³ Diore mani tuorănujare mani ya usĳu Espĳritu Santo queo săűi Dios. Ito bajiri manire ticđori, “Dios űară űama ĩnama”, yĳ masiră yirăji găjeră. “Wiro mani taja ticđori, manire masogŭ yiguĳi Dios”, yĳ tuorănură meje űa mani. “Cristore mani tuorănuja, ĩ răca catiűűară yirăji mani”, yĳ tuoĳa wanu quenarăji mani. ⁴ “űasară űa mani. Mani queno yigore ticđori manire masogŭ yiguĳi Dios”, găjeră ĩna yĳ masija, ĩna rĕto busaro yiboruja yu. “űasagu űami Pablo”, yire gaye ĩna rĕto busaro buto busa űa yure. Tite mua: ⁵ Ɖdia ămojeno rumuri yu rujeaja bero yure wirotară ĩna. Judio masu űa yu. Benjamĳn űayoru janerăbatia janami űa yu. Judio masu rujearu hebreo oca busigu űa yu. Fariseo gaye tuoĳagoru űari, ĩna robo buto judio masa rotirise răcabuocu yu cuni maji. ⁶ Judio masa rotirise buto cđdi ămogŭ, Jesucristore tuorănurăre usirioro yĳ codecu yu. “Bucură rotire cđdibeami ĩ. Seti catigu űami ĩ”, yure yiră manică. ⁷ “Iti gaye űa űasarise”, yirocu itire buto răcabuocu yu maji. “Ne waja ma iti”, yĳ tuoĳa yu ĳa adocăta. Jesucristore riti răcabuocu yu adi rumuri ĳa. ⁸ “Bucură rotire űasarise űaroja”, yigobojaru űari, mani Ɖju Jesucristore yu masija bero, “űasarise űa iti”, yĳ tuoĳabea yu adocăta ĳa. ĩre mani tuorănuja, űejuă gaje űasarise ma. Iti rumu yu tuorănujare jidică jeocđcu yu. “Jesucristore riti tuorănuja yu ĳa”, yirocu iti rumu yu tuorănujare jidicăcŭ yu. ⁹ ĩ yagu űa ămogŭ ĩre riti tuorănuă yu ĳa. “Judio masa rotirise yu cđdĳa ticđori, yure masogŭ yiguĳi Dios”, yĳ tuoĳabojacu yu maji. Cristore yu tuorănuja ticđori, yu űeűaro yirise ăcabojuűi Dios. Ito bajiri adi rumuri ĩ tiro riojo űe seti macu űa yu ĳa. Ado bajiro bajaia iti. No Cristore tuorănuĳureti ĩ űeűaro yirise ăcaboju yiguĳi Dios. Ito bajiri ĩre riti tuorănuă yu ĳa. ¹⁰ Buto busa Cristore masi ămoa yu. Iti űa yure űasarise. ĩ godaja bero mucana tđdi ĩ catiroca yicđori, ĩ masirise ĳoűi Dios. Yu ĩre cđdi masitoni, ĩ masirisena yure ĩ ejabuare ămoa yu. Diore cđdi ămogŭ, ĩ tuoĳa bujatobitiroca masa ĩna yibojarocati, ĩnare camotabisĳu Jesucristo. ĩre ĩna sĳabojarocati, camotabisĳu. Diore riti cđdi ămoyĳu ĩ. Ito bajiri masa yure ĩna sĳa ămobjarocati, ĩre bajiro Diore riti cđdi ămoa yu cuni. ¹¹ Ito bajiro ya yu, “Godanare mucana tđdi catiroca Dios ĩ yiri rumu, yure cuni yu catiroca yigu yiguĳi Dios”, yĳ tuoĳacđori wanuă yu.

Mani moaroti Cristo ĩ cŭre mani jeoja quena, Pablo ĩ yire gaye

¹² “Jeyaro masigŭ űa yu. Quenarise riti yigu űa yu”, yĳ masibeă yu. Yu masibiti jaje ruja maji. Ito bajibojarocati Jesucristo yagu yu űaroca yicăűi ĩ. Ito bajiri yu moaroti ĩ cŭre, itire jeorocu ĩre moa ĩsotia yu. ¹³ Tuoja yu űară mua. “Cristo ĩ ămoro bajiro quenarise riti yigu űa yu”, yibeă yu. Ado bajirojuă bajaia yu yirise. Iti rumuju rĕtagore gaye buto tuoĳabea yu. Yu moaroti Cristo ĩ cŭcăja bero űajare, “Ītĳe yicăja yu”, yirocu josa yu ĳa. ¹⁴ Cristore tuorănuűă

mani ñajare, ùmacáju manire ámi wacõri waja yigu yiguñji Dios. Mani catitññaroca yigu yiguñji Ì. Ito bajiro moare Ì cùre ñajare, itire jeo ámoa yu maji.

¹⁵ Mani Cristore tuoránuñoana itire sigü bajiro riti tuoña mani. “Mani moaroti Dios Ì cùrere jeoana mani”, yi tuoñarã ña mani. Ito bajibojarocati coriarã mua yu bajiro tuoñabeja, mua tuo masibitire mua tuo masiroca yigu yiguñji Dios. ¹⁶ Dios oca ñarocõ tuo masi jeobitibojarãti mani tuo masiriseti mani cudi ñaja quena.

¹⁷ Tuoya yu ñarã mua. “Ado bajiro ñami Pablo”, yi tuoñacõri, yu yiado bajiroti yiya mua cuni. Yu yiado bajiro yirãre tuorãnuña mua. ¹⁸ Adocãta yu muare gotirise coji meje muare goticu yu. “Cristore tuorãnurã ña gua”, yibojarãti, “Yucutõjoju Ì godaja, ñe waja ma”, yirã jãjarã ñama maji. “Ito bajiro yama ña”, yi tuoñacõri oti ámoa yu. Ito bajiro tuoñarã Cristo wajana ñama ñaõna. ¹⁹ Ito bajiro yirã jeame ñjuroju warã yirãji. Ña ya usiju maquñji Dios. Adi sita gaye riti tuoñarãji ña. Ña ñeñaro yi ámoriseti tuoña wanuama ña. Ña ñeñaro yija, bojo bujaro õno yirã itire wanuama ña. ²⁰ Maniama ùmacáju Dios tuju warona ña. Dios Ì ñarõju ña mani ñatññaro. “Manire masorocu tãdi ejagu yiguñji Jesucristo”, yi tuoñacõri Ìre bocatia mani. ²¹ Mani ya ruju godari rujure gaje ruju godabiti rujana manire wasoagu yiguñji Cristo. Ì ya ruju ñasari ruju bajiri rujana manire wasoagu yiguñji Ì. Buto masigü ñari, ñejuã Ì roti masibiti ma Ìre. “Ì masirisena mani ya rujure wasoagu yiguñji Ì”, yi tuoñacõri wanuã mani.

4

Mani Hjure tuorãnurã ñari wanu quenatññaja quena, Pablo Ì yire gaye

¹ Tuoya yu ñarã mua. Muare buto tuo maia yu. Muare tuoñagü, buto ti ámoa yu muare. Muare tuoñacõri buto wanuã yu. “Yu riasorise tuocõri Diore cudiama ña”, yi tuoñacõri wanuã yu muare. Ito bajiri mani Hju Jesucristore tuorãnurã ñari, ito bajiroti Ìre tuorãnu jidicãbesa mua.

² Evodia ito yicõri Sintiquere cuni busi ámoa yu adocãta. Mani Hjure tuorãnurã ñari, sigü rãa robo bajiro baja mua. Ito bajiri, “Sigõ robo bajiroti mua tuoñaja quena”, yi goti queno ámoa yu muare. ³ Ito gagu queno yu rãca moare baba cutigõre busigu ya yu adocãta. Ña romia jãarãre ña ya oca queno ejabuaya. Ito yu ñaroca queno ejabuacã ña Cristo oca yu riasoroca. Clemente wame cutigure cuni ejabuacã ña. Gãjerã yu rãca cocati Jesucristo oca riasorãre cuni ejabuacã ña. Yu rãca moagoanare, “Adocõ ñama yu rãca catitññarona”, yirocu Ì ya papera tutiju ña wame wõcãyiju Dios.

⁴ Mani Hjure tuorãnurã ñari, wanu quenatññaña mua cuni. “Wanu quenaña mua”, ya yu mucana. ⁵ “Ña ñama rucubõorã”, gãjerã muare ña yijaro yirona, quenarise riti gãjerãre yisotiya mua. Mani Hju yoari mejeti tãdi ejagu yiguñji. Itire ácabojabesa mua.

⁶ Ñejuare tuoña usirio yibesa. Muare oca iti ñaja, Diore gotiba. Gaje muare iti ruayaja, Diore gotija quena. Ñajediro Diore mua gotija, quenaro yiroja. Ito bajiri Ì cudiã ticõri, “Queno ya Dios mua”, yi jidicãbesa mua. ⁷ Ito bajiro mua yija tuocõri, mua ya usiju queno mua wanu quenaroca yigu yiguñji Dios. Mani queno wanu quenaroca Ì yija, iti ña rëtoro quenarise. “Ito bajiro mani queno wanu quenaroca yami Dios”, yi tuoña masibeã mani. Jesucristo ñarã mani ñaja ticõri, mani ya usiju queno wanu quenaroca yami Dios. Ito yicõri mani tuoña gübitiroca yami Ì.

Quenarise riti tuoñaja quena, Pablo Ì yire gaye

⁸ Ado bajiro gotisusa, yu ñarã yu muare. Quenarise gaye riti mani tuoñaja quena. Rucubõore gaye, riojo ñasarise, queno yire gaye, seyorise gaye, ito yicõri gãjerã queno ña yigore cuni mani tuoñaja quena. Quenarise riti mani tuoñaja quena. Ito yicõri, “Iti ña quenarise”, Dios Ì yirise, mani yi tuoñaja quena.

⁹ Muare yu riasocato bajiroti yisotiba mua. Yure mua tuogore, mua tigure cuni ito bajiro mua yija quena. Ito bajiro mua yija ticõri, mua rãca ñatññagü yiguñji Dios mani queno wanu quenaroca yigu.

Filipo cuto gãna Pablõre niyeru ña Ìsi cõare gaye

¹⁰ Yure tãdi tuoñacõri yu ámorise yure cõayija mua. Ito bajiri muare wanucõri, “Queno ya Dios mua”, ya yu mani Hjure. Ñejuã yoari mua yure cõabitibojarocati, “Yure jidicãbeama ña maji”, yi masicu yu. “Ñejuã yure ña cõabeja, cõa ámõbojarãti cõa masimenaji ña”, yi tuoñacu yu. ¹¹ “Jai busaro ámoa yu”, yigu meje ya yu. No yu ñaro bajiroti yu ñaja quena. Yu rucõja, yu rucõbeja cuni, “Quena ña”, yi tuoñacõri wanuã yu. ¹² Cojireama bojoro bujagu ñacu yu. Cojireama jaje rucõcu yu. No yu ñaro bajiroti yu rucõja, yu rucõbeja cuni, “Quena ña”, yi tuoña wanuã yu. Yu yajija, yu yajibeja cuni wanusotia yu. Jaje yu rucõja, ñe yu rucõbeja cuni, “Quena ña”, yi tuoñacõri wanuã yu. ¹³ Yu seoroca Cristo Ì yijare no ñarijati moare yure Dios

ĩ cūja, moagū yigujā yu. Ito bajiri yure rētaroti gaye cūni güibeā yu. ¹⁴ Ito bajibojarocati yu bojoro bujaroca mña yure ejabuaja queno yiyija mña.

¹⁵ Macedonia sita ñacōri Cristo oca yu riaso ucugu waroca, mña Filipos cuto gāna riti niyeru miojucōri, yure ĩsi ñucayija mña. Muare yu riasogore ñajare yure wanurā, niyeru ĩsi ñucayija mña. Gājerāma Jesure tuorūnūrā ñabojarāti, yure ĩsi ñucabisĩ ĩna. “Riti bajia”, yirāji mña. ¹⁶ Tesalónica cuto yu ñaroca maji, “Pablo ĩ amorise bujajaro”, yirona coji meje niyeru miojucōri, yure ĩsi ñucayija mña. ¹⁷ Yu amorise mña ĩsi ñucare riti meje muare wanua yu. Ado robojua bajia: “Mña queno yirise ticōri, buto busa queno muare waja yigu yiguĩji Dios”, yi tuoiacōri, wanua yu muare. ¹⁸ Epafrodito rāca mña yure cōare ñarocōti boca āmicu yu. Yure queno ĩsiyija mña. Ito bajiri yu amorise rēto busaro rucoa yu. Yure mña ĩsi ñucare quenarise ña. Diore rācubuoḡā queno sutirise masa ĩna soe mure bajiro bajia, ito bajiro mña yure yija. Yure mña queno yirise ticōri, muare ti wanugū yiguĩji Dios. ¹⁹ Mña amorise ñajediro ĩsigū yiguĩji mani Ũju Dios. Jeyaro rucogu ñari, Jesucristo ñarā mani ñaja ticōri, manire queno yisotigu yiguĩji Dios. ²⁰ “Mu ña rētoro masigū”, yi mani Jacu Diore rācubuosotirija manire. ĩjariju cūni ito bajiroti ñatĩñajaro, yi gotia yu muare. Itocō ña.

Quenajaro masa, Pablo ĩyi ñucare gaye

²¹ “Quenajaro Dios ñarā Jesucristore tuorūnūrā”, yi ñuca yu. Ado gāna Jesure tuorūnūrā yu rāca gāna, “Quenajaro”, yi ñucama muare. ²² Ado gāna Dios ñarā ñajediro “Quenajaro”, yi ñucama muare. Jesure tuorūnūrā, “Buto quenajaro”, yi ñucama Roma cuto gagu ajare moa ĩsiri masa.

²³ Queno yijaro ĩna ñajedirore, yirocu mani Ũju Jesucristore muare yiari seni ĩsia yu. Itocō ña.

La carta de San Pablo a los Colosenses

Colosas cuto gånare Pablo i papera cõare gaye

¹⁻² Nati Colosas cuto gånã mua. Yu ñã Pablo. Adi papera muare cõã yu. Jesucristo ocare yu riaso ucutoni i cõru ñã yu. Ito bajiro yure i cõre ãmoñi Dios. Adoju mani yagu Timoteo rãca tubia ecoana ñã gua. “Quenajaro”, yami i cuni. “Dios rãã ñã mua, ito yicõri Jesucristore queno tuorãnurã ñã mua”, yi masia gua muare. Muare queno i yitoni, mani Jacu Diore seni Ìsisotia gua. Mua ya usiju queno sajari oca cuti quenaroca Dios i yire ãmoã gua.

Cristore tuorãnurãre yiari Diore Pablo i seni Ìsisotire gaye

³⁻⁴ “Jesucristore queno tuorãnurã ñãã ñã, ito yicõri Dios ñãrãre queno ti mairã ñãã ñã”, muare masa ñãã yija tuocu gua. Ito bajiro ñãã yija tuocõri, wanua gua. Ito bajiri muare yiari Diore gua senija, “Queno ya Dios mu”, yisotia gua, mani Uju Jesucristo Jacure busirã. ⁵ “Umãcãju Dios tãju ejacõri queno wanu quenarã yirãji mani”, yi tuoia wanu yurã ñãã mua cuni. Ito bajiro tuoiasuoyija mua cajero Cristo oca mua tuorãnurã rãmu. Cristo oca iti ñãã oca riojo ñasarise. ⁶ Cristo oca tuo masisuocõri, “Iti ñãã oca riojo ñasarise”, yiyija mua. “Ñeñaro yirã ñãbojarãti manire ti maicõri manire queno yifni Dios”, yi tuorãnurã yija mua. I oca quenarise mua tuogore masa jeyaro tuorã yirãji adi rumari ñãã. Ito yicõri mua yiado bajiro ti ñãã ñeñaro yirise jidicãcõri mama usi wasoarã yirãji ñãã cuni. ⁷ Mani yagu Epafras wame cutigu, i ñãã mani maigũ. Muare Dios oca riasoñi i. Jesucristore moã Ìsigã ñããri queno adoju guare ejabuami i. ⁸ “Espiritu Santona suoriti gãmeri ti maiaama ñãã Colosas cuto gånã”, yi goti ejaquã Epafras guare.

⁹ Ito bajiro i yija tuocõri, muare yiari Diore seni Ìsisocu gua. Nãro bajiro ti muare yiari Diore senisusabea gua. I ocare queno mua tuo masi jeotoni, ñãã senia gua. Ito yicõri i masirise muare jidicãtoni Diore senia gua. “Ado bajiro mani yire ãmoñi Dios”, mua yi masitoni, ñãã seni Ìsisotia gua. ¹⁰ Ito bajiro mua yi masija, mani Uju i ãmoro bajiro yi ñãã yirãji mua. Ito yicõri i wanutoni ñãã cudisotirã yirãji mua. ñãã moã Ìsirã gãjerãre queno ejabuãrã yirãji mua, ñãã Diore masitoni. Ito bajiro yirã Dios gaye masi remocõri buto busã ñããre tuorãnu warã yirãji mua. ¹¹ Rẽtoro masigũ Dios i ñããre, ñãã senia gua i masirise muare i jidicãtoni. Ito bajiro muare i yirise ñããre, ñeñaro mua tõbujabojaja cuni ñemecuti masirã yirãji mua. Ito yicõri tuoia usirio yimenati wanu quenarã yirãji mua. ¹² Mani Jacu Diore wanucõri ado bajiro ñãã busisotirã yirãji mani ñãã. “Queno ya Dios mu. Mu ñããrã gua ñããtoni guare masoyija mu. Ito bajiri mu ñããro queno busuroju ejacõri, gãjerã mu ñããrã rãca mu Ìsiroti bujarã yirãji gua cuni”, yi wanurã yirãji mani, Diore busirã. ¹³ Ñeñaro yirã uju i ñããrã mani ñããre yirocu manire masoñi Dios. Manire masocõri i Macu i maigũ ñããrã mani ñããtoni manire cõñi Dios. ¹⁴ Manire yiari i Macu godarena suoriti manire masoñi Dios. Ito bajiro yicõri mani ñeñaro yirise ãbojofni Dios.

Cristo i godã Ìsirena suoriti Dios rãca oca mano queno mani ñããre gaye

¹⁵ Nãmujã Diore tigoru maquñi. Ruyugu meje ñããri Dios. Ito bajibojarocati Cristore mani masija, “Ito bajiguti ñããgũ Dios”, yi masirãji mani. Nãtãgũ ñããri Cristo. Adi macãrucãro Dios i rujeoroto riojuã ñããcãyiju Cristo. ¹⁶ ñãã suoriti dise ruyabeto umãcãju gaye cuni, adi sita gaye cuni rujeoyiju Dios. Ruyubiti cuni, ruyurise cuni i Macu rãcati rujeoyiju Dios. Ruyumenare, ñãã ujarãre cuni rujeoyiju Dios, i Macu rãcati. Ito bajiri ñããre rujeorã ñããri, ñãã uju ñããri Dios Macu. Ito bajiro yicõri ñãã Uju ñããsagu i Macure cõyiju Dios. ¹⁷ Adi macãrucãro Dios i rujeoroto riojuã i Macu ñããcãyiju. ñãã suoriti jeyaro ñãã. I manijama disejuã maniboboja. ¹⁸ Jesucristo sigũti ñããri ñããre tuorãnurãre ñããtã ñããri masu. I ñããrã mani ñããre i ñããri mani rijoga. I godarena suoriti i ñããrã mani ñããsuoroca yiyiju Dios. I ñããri cajero godabojaguti mucana tudã catiru. Ito bajigu ñããri, manire cuni tudã catiroca yi masiguñi i. Iti ñããri masa jeyaro Uju ñããsagu. ¹⁹ I Jacu Dios robo bajiro bajiguti ñããri Jesucristo cuni. Ito bajiro i bajijare ãmoñi Dios. ²⁰ Masa jeyaro adi sita gånã, umãcãju gånã cuni ñeñaro yirã ñããyijãrã. Ito bajiri masa ñãã oca cutirise oca queno ãmoñi i Macure waja yi Ìsirotiyiju Dios. Yucãtõju i Macu ya ri budirena suoriti masa rãca oca quenoyiju Dios.

²¹ Iti rãmujã ñeñaro tuoãrã ñããbojacu mani maji. Ñeñarise yisoticu mani maji. Diore ti tudirã ñããri, mani wãjacure bajiro ñããre tuoãacu mani maji. ²² Adi rãmuriama mani wãjacure bajiro ñããre tuoãabea mani ñãã. Ijuã oca quenoñi. Ñeñaro mani yirise waja, waja yirocu manire godã Ìsiñi Cristo. Ito bajiro i yijare Dios i tiro riojo ñããre seti mana ñãã mani ñãã. Ñeñaro yilãmena robo

bajirā ña mani ñja, Dios ñ tija. “Ína ñama yu waja yi Ísiana, ito bajiri seti ma ñnare”, yigu yiguñji Cristo, Diore gotigu. ²³ Ito bajiro manire yiari Diore busi ejabuagu yiguñji Cristo, Dios oca mani tuorñu jidicãbeja. Í oca mani tuosucotire tuorñusotirã yirãji mani. Gaje oca manire gãjerã ñna gotibojaja cuni, ñnare tuorñumenaji mani. “Jesucristore mani tuorñuñja, manire masogũ yiguñji”, yire oca jidicãmenaji mani. Iti ña oca quenarise. Adi rumuri co sita gãna ruyabeto iti ocare tuorãji. Yu Pablo Diore moa isigũ ñari iti oca riaso ucuri masu ña yu.

Diore tuorñurãre Pablo ñ ejabuare gaye

²⁴ Dios oca riaso ucuri masu ñari, buto wanua yu. Ito bajibojarocati ñ oca yu muare riasoja, yu tuoña bujatobitiroca yama gãjerã. Tuoña bujatobitibojaguti wanua yu. Manire yiari tuoña bujatobisí Cristo cuni. Ito bajiri Dios oca Cristore tuorñurãre riasoguti yu tuoña bujatobitibojaja, no yíbea yure. Tuoña oca jaíbea yu. Wanua yu. Mani ñ ñarãre yiari tuoña bujatobisí Cristo cuni. ²⁵ Íre tuorñurãre ñ oca riaso ucutoni yure cũñi Dios. Maa oca s̃otoni yure cũñi Dios. Co masa ruyabeto ñ oca ñna tuobitire riaso ucutoni yure cũñi Dios. ²⁶⁻²⁷ “Judio masa mejere cuni masogũ yiguñji Cristo”, yire gaye gotibisiju Dios maji jane mejeju. Ito bajiri mani riojua gãna iti ocare masibisijarã maji. Adi rumuriama ñ ñarã ñarocõti ñ oca quenarise mani tuo jedire amogũji ñ. Ado bajiro bajia iti oca wanu quenarise. Tite. Mani ya usiju quedi sãjacõri mani rãcati ñatññagũ yiguñji Cristo. Ito bajiri, “Umacũju Dios ñ ñaroju Cristo rãca catitññagũ yiguja yu”, yi tuoãcõri wanua mani.

²⁸ No yu wa ucuriãcõ masa jeyarore Cristo oca yu masiadocõ riaso ucua yu. “Cristore mua tuorñubeja muare masobicu yiguñji ñ”, yi goti quenoa yu masore. Ito bajiro masare riasoa yu, Dios ñ tiro riojo, Cristore tuorñucõri ñe seti mana ñna ñatoni. ²⁹ Jesucristore queno masa masitoni josari moa yu. Yumasirio meje moasotia yu. Cristo yure ñ ejabuarisena moasotia yu.

2

¹ Muare yiari ruje Diore seni Ísisotia yu. Laodicea cuto gãna, yare tñamenare yiari ito bajiroti Diore seni Ísia yu. “Manire yiari ruje Diore seni Ísisotiami Pablo”, mua yi tuoñare amoa yu. Ito bajiri adi pãpera muare cõa yu. ²⁻³ Muare yiari ito bajiro Diore seni Ísisotia yu, mua ya usiju tuoña oca s̃otoni. Sigũ usi bajiro riti tuoãcõri mua gãmeri maitoni muare yiari Diore seni Ísisotia yu. Í ocare queno tuo masicõri, “Riti ña iti. Jesucristo masoana ña gua”, yi mua tuoñare amoa yu. Iti rumuri Jesucristo gaye ñarocõti goti jeobisiju Dios maji. Adi rumuri ñja ñ goti jeobitire gotigu yami Dios manire. Cristo sigũti ñami jeyaro tuo masire rucogu. Dise ruyabeto tuo masigũ ñami ñ. Íre mani tuorñuñja queno tuo masirã ñarã yirãji mani cuni. ⁴ Queno goti ruorãre mua tuorñuame yiroca, adi muare gotia yu. ⁵ Maa tu ñabitibojaguti muare tuo maicõri mua tu ñagũ bajiro bajia yu. “Sigũre bajiro riti usi caticõri, queno Jesucristore tuorñurã ñna Colosas cuto gãna”, muare masa ñna yija tuocõri, buto wanua yu.

Cristore boca amigoana ñari, ñ amoro bajiro riti yija quena, yire gaye

⁶ Cristore boca amicõri, “Íti ñami yu Uju ñja”, yigoana ña mua. Ito bajiro yiana ñari, ñ amoro bajiro riti yi ñasotia mua. ⁷ Buto busa Cristore tuorñu warona Dios ocare riasotiya mua. Íre queno tuorñucõri ñre cudisotiya mua. Muare riasogoana yiado bajiroti buto busa Jesucristore tuorñuñna mua. Ito yicõri, “Queno ya Dios mu”, yi wanusotiba mua.

⁸ “Oca ñasarise riasoa gua”, Jesure masimena ñna yibojaja, ñnare tuorñubesa mua. Jesucristo oca meje ña ñna riasorise. Ína riojua gãna ñnamasi tuoña rujeore gaye riasoama ñna. “Ado bajiro bajia adi macãrucõro”, ñna yi tuoña rujeore gaye riasoama ñna. Cristo oca meje ña ñna riasorise.

⁹ Riojo muare oca gotia yu. Cristo sigũti ñami jeyaro Dios gaye rucogu. Dios ñ masirise, ñ s̃eorise, ñ ñasarise Dios gaye disejua ruyabeto rucogu ñami Cristo. Manire bajiro ruju cutibojaguti Dioti ñami Cristo. ¹⁰ Ito bajiri Cristore boca amigoana ñari queno usi cutia mani ñja. Íre boca amicõri Diore cuni boca amigoana ña mani ñja. Cristoti ñami Uju ñasagu. Nimujua ñre roti masigũ maquñji. Iti ñami umacũju gãna ujarãre, adi sita gãna ujarãre cuni roti masigũ. ¹¹ Dios ñarã ñarona judio masa wiro tabojare bajiro yibisija mua. Dios ñarã ñarona Cristore tuorñuñija mua. Ito bajiri mua ñeñaro yi uyarisere mua jidicãtoni, muare ejabuãñi Cristo. ¹² “Riti bajia. Cristo ñ godabojarocati tãdi ñ catiroca yifñi Dios. Ito bajiroti yure cuni tãdi catiroca yigu yiguñji Dios”, yi tuorñuñija mua. Ito bajiro yi tuorñucõri idé gu rotiyija mua. “Cristore tuorñurã ñari gua ñeñaro yirisere jidicã amoa gua. Mama usi wasoa amoa gua”, yi tuoãcõri idé gu rotiyija mua. ¹³ Iti rumuju ñeñaro yirã ñari, ito yicõri ñeñaro yirise jidicã amomena ñari, godana robo bajirã ñabojacu mani maji. Diore masirã meje ñacu mani. Cristore mani tuorñuñjare manire masofñi Dios. Ito yicõri mani ñeñaro yirise acabojo jeofñi ñ. ¹⁴ Dios ñ rotirise cudibiticõri seti cutirã ñacu mani maji. Yucutẽoju masare yiari Cristo ñ goda ñsirena suoriti mani ñeñaro yirise acabojo jeofñi Dios. Ito yicõri mame oca gotiroca cajero ñ

rotiswore jidicãcõri gaje wasoayijũ Dios İja. ¹⁵ Ito bajiro Dios İ yijare, “Seti cutirã ñama İna”, yi masibeami rãmũa uju Satanãs İja. Yucutẽõju manire yiari goda İsicõri, rãmũare ruyumena ñarocõreti rẽtocũyijũ Cristo. Ito bajiro İ yijare, “Rẽtoro masigũ ñami Cristo. İ masirise İorocu, rãmũa uju İ ñarãre cuni rẽtocũyijũ Cristo”, yi tuoİa mani.

Dios İ ãmoro bajiro riti mani yija quena, Pablo İ yire gaye

¹⁶ Ito bajiri, “Rẽore ña, babesa, idibesa”, yire ma İja. “Bucurã rotire cudibea mua”, muare İna yibojaja, bojori bujare ma muare. “Gua ya basa rumu, gua ya tujacãra rumu cuni rucubuohea mua. Mamũ ũmacañi İ joeari rumu rucubuohea mua”, muare İna yibojaja bojori bujare ma muare. ¹⁷ Cristo İ godaroto riojua jaje rotire gaye ñayiju maji. “Cristo İ ejaja queno manire ejabuagu yiguĩji İ”, judio masa İna yitoni jaje rotire gaye cũyijũ Dios maji. Manire Cristo İ goda İsija bero bucurã İna yisotire mani yiroti meje İna İja. Adi rumuri Cristo İ rotiro bajiro riti cudi warã yirãji mani İja. ¹⁸ Coriarã ado bajiro goti ruoama muare: “Gua cãiroju ticõri queno Dios İ rotirise goti masia gua. Manimasiti mani ya rujure camĩ menija quena”, yi goti ruoama İna muare. “Ángel mesare gua rucubuoado bajiro mua rucubuoheja, muare masobiquĩji Dios”, yi goti ruoama İna muare. İnamasiti tuoİa rujeocõri, ito bajiro goti ruoama İna. “Gua robo bajiro mua yibeja, muare masobicũ yiguĩji Dios”, yi ruoama İna. Ito bajiro muare İna yibojarocati, İnare tuorũnubeja. ¹⁹ Mani Uju Cristo bajiro tuoİarã meje ñama İnaõna. Mani Uju ñari, Cristo sigũti ñami mani rijoga bajiro bajigu. İre boca ãmigoana ñari İ ya rujũ robo bajirã İna mani. İre riti mani tuorũnuba, sigũ bajiro riti tuoİarã yirãji mani. Ito yicõri Dios İ ãmoro bajiroti buto busa Cristore tuorũnu warã yirãji mani İja.

²⁰ Manire goda İsicõri bucurã rotire jidicãcõri mame oca wasoayijũ Cristo. Ito bajiri adi sita gãna İna tuoİa rujeore mani cudiroti meje İna. “Bucurã masa İna rotire mani cudija, manire masogũ yiguĩji Dios”, İna yibojaja, mani cudiroti meje İna. ¿No yija ito bajibojarocati adi sita gãna İna tuoİa rujeorise cudiati mua maji? ²¹ Ado bajiro rotiamã İna. Tite: “İtire bare meje İna. Babesa, moİabesa”, yama İna. ²² Ito bajiro İna riasoja, adi macãrucũro gãna İna tuoİa rujeorise İna. Bare jedirise İna, ito yicõri mani ba jeoroti İna iti. ²³ İna tuo seyorise İna riasoja tuocõri, “Queno tuoİarã ñama”, yi tuoİabojama coriarã. Ito bajibojarocati queno tuoİarã meje İna İna. Ado bajiro riasobojama İna. Tite: “Gua rucubuoanare rucubuoja quena. ‘Masigũ meje İna yu’, mani yija quena. Mani tuoİa bujatobeja quena. Manimasiti mani ya rujure camĩ menija quena. Ito bajiro mani yija, mani ñeñaro yirise jidicã masirã yirãji mani”, yi tuoİabojama. Ito bajiro meje baja.

3

¹ Cristore İna sİabojarocati tudĩ İ catiroca yiñi Dios. İre mucana tudĩ catiroca yicõri ũmacãju İ ya riojocadũja rucubuoaraju ruji rotiyijũ Dios. Cristore mani tuorũnuroto riojua Diore masibiticõri godacãna robo bajirã ñacu mani maji. Ito bajiri ñeñaro yirise jidicãcõri Cristore mani tuorũnũsõcati rumu tudĩ catirã robo bajiro mani bajiroca yiyijũ Dios manire. Ito bajiri ũmacãju Dios rãca catitũñarã yirãji mani. Ito bajiri İre wanurã ũmacãju İ gaye mani tuoİaja quena. ² Adi sita gayere tuoİa wanusabitiruja manire. ũmacãju Cristo gaye buto busa mani tuoİa wanuja quena. ³ Jesucristo İ goda İsirena suoriti mani ñeñaro yirise ãcabojofi Dios. Ito bajiri mucana tudĩ ñeñaro yi uyabitiruja manire. Mucana tudĩ mani ñeñaro yi uyabe yirocu, manire tirũnũgũ yiguĩji Cristo. Ito yicõri ũmacãju Dios rãca mani catitũñatoni manire tirũnũgũ yiguĩji Cristo. ⁴ Mani ya usiju Cristo İ quedi sãjagoana ñari İna suoriti catia mani. İti ñami catitũñare ñasarise rucõgu. Tudĩ İ goañori rumu masa jeyaro İre rucubuoarã yirãji. İ ñarã ñari, ũmacãju İ rãcati wanurã yirãji mani cuni.

Cristore boca ãmicõri mama usi wasoare gaye

⁵ Ito bajiri adi macãrucũro ñeñaro mani yirise jidicãgoruja manire. Rocati romiare yibitiruja manire. “İsore ãmoa yu”, yi tuoİabitiruja manire. Mani ya rujuna ñeñaro mani yirise jidicãrãja manire. Gãji ya gajeonire uobitiruja manire. Gajeonire mani tuoİa wanuja, Diore rucubuoarã meje İna mani. ⁶ Ito bajiro ñeñaro yirãre junisinicõri, İna cudibitire waja, İnare buto waja senigũ yiguĩji Dios. ⁷ İti rumuju adi sita gãna bajiro tuoİacõri İnare bajiroti ñeñaro yicu mani cuni maji. ⁸ Adi rumuri jeyaro mani ñeñaro yirise jidicãja quena. Junisinibitiruja manire. Ti tebitiruja manire. Ti tudibitiruja manire. Gãjerãre busitubitiruja manire. Mani ya risena oca ñeñarise busibitiruja manire. ⁹⁻¹⁰ Ñeñaro mani yi uyarise jidicãcõri mama usi wasoana İna mani İja. Ito bajiri mucana tudĩ gãjerãre sobabitiruja manire. Dios manire rujeoru ejabusotiami manire İ ãmoro bajiro mani yitoni. Buto busa İre mani masiroca yami Dios, Cristo İ queno yiado bajiro mani yitoni. ¹¹ Cristo İ quedi sãjana ñari sigũ rİa İna mani İja. Ito bajiri, “Judio masa İna gua. Judio masa meje İna muama”, yire ma İja. “Wiro tagoana İna gua. Wiro tagoana meje İna muama. Riasotigoana İna gua. Riasotigoana

meje ña muama. Gãjerãre moa Ìsirãona meje ña gua. Gãjerãre moa Ìsirãona ña muama”, yire ma Ìja. Sīgũti ñami mani Ʋju, Ì ñami Cristo. Ito bajiri Dios Ì tija sīgũ rã bajiro bajirã ña mani.

¹² Dios ñarã ña mani Ìja. Manire ti maicõri, manire beseñi Dios, Ì ñarã mani ñatoni. Ito bajiri mani cuni gãjerãre mani ti maija quena. Ito yicõri ñare mani ejabuaja quena. “Gãjerã rëtoro quenagũ ña yu”, yi tuoñabitiruja manire. Gãjerãre sëoro rotibitiruja manire. Manire gãjerãrã usirioro ña yibojarocati junisinibitiruja manire. ¹³ Mani gãmeri ejabuaja quena. Manire gãjerã ña ñeñaro yibojarocati ñare junisinibitiruja manire. Itire mani ãcabojoja quena. Mani ñeñaro yirise Jesucristo Ì ãcabojado bajiroti gãjerãre cuni mani ãcabojoja quena. ¹⁴ Gãmeri mani ti maija, iti ña rëtoro ñasarise. Dise gaje rotire rëtoro ñasarise manoja. Mani gãmeri ti maija, sigũ bajiro riti tuoñarã yirãji mani, Dios Ì ãmoro bajiroti. ¹⁵ Cristo Ì ãmoro bajiro riti mani yija, ñe oca manoti mani ya usiju queno wanu quenarã ñarã yirãji mani. “Ìre cudia yu”, yi masicõri, mani ya usiju queno wanu quenarise rãca ñarã yirãji mani. Ito bajiro mani ñatoni Ì ñarã sigũre bajiro mani tuoñaroca yicãni Dios. Ito bajiri, “Queno ya Dios mu”, yitũñaruja manire, Diore rãcubhorã.

¹⁶ Mani ya usina Cristo ocare tuorãncõri wanure rãca Ìre cudi ñasotiruja manire. Ì ocare queno masicõri gãmeri mani riasoja quena. Ito yicõri mani goti rëtobuja quena. Diore wanurã, Ìre basa sëato mani. Ì oca tutire ticõri sëato mani. “Queno ya Dios mu”, Ìre yi rãcubho sëato mani. ¹⁷ Dise ruyabeto mani busija cuni, mani moaja cuni, “Jesucristo ñami yu Ʋju”, yi tuoñacõri, ito bajiro yiruja manire. Cristore tuorãncõri Ì ejabuarisena, “Queno ya Dios mu”, mani Jacu Diore yi rãcubhoruja manire.

Cristore tuorãnurã ñari mani bajire gaye

¹⁸ Tuoya romia mua, muare busigu ya yu. Mua manujusabatia yiro bajiroti cudiya. Mani Ʋju Jesucristore tuorãnurã ñari, ito bajiroti mua yija quena.

¹⁹ Tuoya ãmua mua, muare cuni busigu ya yu. Mua manojosãromiare queno ti maiña. Ito yicõri sëorise rãca rotibesa mua. Quenoti ñare rotija quena.

²⁰ Tuoya rãca mua, muare busigu ya yu. Mua jacusabatia yiro bajiroti cudisotiba mua. Ito bajiro mua yija ticõri, wanugũ yiguñi Dios.

²¹ Tuoya rãa cutirã mua, muare busigu ya yu. Mua rãare usirioro tudibesa mua. Biyaro ñare mua tudija tuocõri, tuo oca sëomenaji ña. Ito bajiri muare cudi ãmomenaji ña.

²² Tuoya gãjerãre moa Ìsirã mua, muare busigu ya yu. Mua ujarãre queno cudiya mua. Ìna tiroca cuni, ña tibeto cuni ñare queno cudisotiba mua. Mua ujarã ña tiroca riti mua moaja, “Guare ti wanujaro Ì”, yi tuoña mua. Ito bajiro mua yija queno moa Ìsirã meje ña mua. Mani Ʋju Jesucristore tuorãnurã ñari, mua ujarãre queno moa Ìsija quena. ²³ Dise ruyabeto mua ujarã ña rotirise wanure rãca moa Ìsija quena. Temenati moaja quena. “Yu moarise tiami Cristo”, yi tuoñacõri, Ìre moa Ìsirã robo bajiro mua ujarãre cuni queno moa Ìsiña mua. ²⁴ Cristo sīgũti ñami mani Ʋju ñasagu. Ìre moa Ìsirã ya mani. Itire ãcabojabesa. Manire queno waja yigu yiguñi. Mani catiñaroca yigu yiguñi Cristo. ²⁵ No ñeñaro yigureti waja senigũ yiguñi Dios. Queno ti bese masigũ ñari, masa ña ñeñaro yigoadocõti waja senigũ yiguñi Dios.

4

¹ Tuoya moa Ìsiri masa cutirã mua, muare busigu ya yu. Mua ya moari masare quenoti rotiya. Ito yicõri ña moaro bajiroti ñare queno yija. Ado bajiro mua tuoñaja quena, “Umacũju ñami yu Ʋju, yare queno yigu. Ito bajiri yu ya moari masare queno yicaja yu cuni”, yi tuoñaja quena.

² Diore busi jidicãbeja. Ìre mua basisotija quena. Ì cudiya ticõri, “Queno ya Dios mu”, yi ñaña mua. ³ Diore mua busija guare yiarì seni Ìsisotiya mua. Ito bajiro mua senija tuocõri, guare queno ejabuagu yiguñi Dios, gaje masare Cristo oca gua riaso ucu masitoni. Cristo oca masa ña masibitire yu riasojare ado tubia ecoru ña yu. ⁴ Yure yiarì Diore seni Ìsiña, masare yu riasoja queno ña tuo masitoni. Ito bajiro ña queno tuo masiroca ñare riasoruja yure.

⁵ Jesucristore tuorãnumena tu mua waja, rocati ñacãbesa. Ì ocare ña tuo ãmoja ñare gotiba. “Queno yirã meje ña mua”, muare ña yibe yirona, queno tuoñacõri ñare Ì oca goti rëtobuja quena. ⁶ Queno tuoñacõri ñare Cristo oca gotiruja muare. Queno wanu quenacõri mua busija quena, Cristo ocare ña boca ãmitoni. Dios ocare queno riasotiya, gãjerã muare ña seniñaja, riojo mua cuditoni.

Quenajaro masa, Pablo Ì yi ñucare gaye

⁷ Adoju yu rãca mani Ʋjure moa Ìsigũ ñami Tiquico wame cutigu. Manire bajiroti Jesucristore tuorãnugũ ñami Ì cuni. Ito bajiri mani rãca gagu mani maigũ ñami Ì. Mua tu ejaçõri yure rëtare gaye muare gotigu yiguñi Ì. ⁸ Mua taju Ìre wa rotigu, ado bajiro Ìre gotia yu: “Ìna ya usiju ña tuo oca sëotoni, ‘Queno ñama Pablo mesa’, yi gotitëña”, yi gotia yu Tiquicore. ⁹ Tiquicore

baba cuti wasa”, yi gotia yu Onésimore. Manire bajiroti Jesucristore queno tuorunugū ñami Onésimo cuni. Í ñami mani rāca gagu, mani maigū. Mña rāca ñagoru ñami Onésimo. Mña tu ejacōri guare rētare gaye gotirā yirāji ina jūarā.

¹⁰ Adoju yu rāca tubia ecoru ñami Aristarco wame cutigu. “Quenajaro”, yami mñare. “Quenajaro”, yami Marcos cuni. Í ñami Bernabé teñu. “Mña tu Marcos í ejaja, wanure rāca ire boca āmiña”, mñare oca goti ñucacācu yu. ¹¹ Jesús Justo wame cutigu cuni, “Quenajaro”, yami. Ina ũdiarāti ñama judio masa yu rāca Diore moa isirā. Jesucristore boca āmicōri Diore moa isirā ñama ina cuni. Ina yure ejabuajare, queno wanu quenacōri oca sēoa yu ĩja. ¹² Mña yagu Epafras wame cutigu, “Quenajaro”, yami. Jesucristore moa isigū ñami ĩ cuni. Co rumu ruyabeto mñare yiari Diore seni isisotiami ĩ. Queno Diore tuorunurā ire mña cudi ñatoni mñare yiari Diore seni isisotiami ĩ. Ito yicōri ĩ āmoro bajiro mña cudi jeotoni mñare yiari Diore seni isisotiami ĩ. ¹³ “Riti mñare yiari Diore senisotiami Epafras”, ya yu, ire tisotigu ñari. Laodicea cuto gānare, Hierápolis cuto gānare yiari cuni Diore senisotiami ĩ. ¹⁴ Lucas ũco yiri masu mani maigū, “Quenajaro”, yami. Demas wame cutigu, “Quenajaro”, yami ĩ cuni.

¹⁵ “Quenajaro Laodicea cuto gāna”, ya yu. “Quenajaro Ninfa. Quenajaro Cristore tuorunucōri iso ya wiju minijuasotirā cuni”, ya yu. ¹⁶ Adi papera mñare yu cōare mña ti jeoja bero Laodicea cuto gāna Jesure tuorunurāre wasoaba, ina titoni. Ito yicōri ĩnare yu papera cōacatiñare wasoacōri tiba mña cuni. ¹⁷ Ado bajiro Arquipore mña gotire āmoa yu: “Mani ũju Jesucristo mñare ĩ rotiado bajiroti queno gajanoaña”, yiya Arquipore.

¹⁸ “Quenajaro”, yi uca yu, ymasiti. Adoju tubia ecoru ña yu. Yure ācabojabesa. Yure yiari Diore seni isisotiya mña. Mñare yiari Dios ĩ queno yitoni ire seni isisotia yu cuni. Itocō ña.

Primera carta de San Pablo a los Tesalonicenses

Tesalónica cuto gånare Pablo i papera cõare gaye

¹ Nati Tesalónica gāna mua. Yu ña Pablo. Mani ñarā Silvano, Timoteo mesa rāca adi papera uca gua. Mani Jacu Dios ñarā ña mani. Mani Uju Jesucristo ñarā cuni ña mani. Ñare tuorānurā ñari minijuasotia mani, ñare rācubuoirona. Mani Jacu Dios queno yijaro muare ito yicõri mua ya usiju queno sajari oca cuti quenaroca yijaro i.

Tesalónica gāna queno Jesure ña tuorānure gaye

² Muare tuoĩacõri, “Queno ya Dios mu”, yisotia gua. Muare yari coji rayabeto Diore busisotia gua. ³ Mani Jacu Diore gua busija, “Cristore tuorānurā ñari queno ñre moa ñsiamā Tesalónica gāna”, yi tuoĩa gua. “Gāmeri ti mairā ñari queno gāmeri ejabuama ña”, yi tuoĩa gua muare. “Mani Uju Jesucristore tuorānūsarā ñari, ‘Riti macana tũdi ejagu yiguĩji’, yi tuoĩarā ñama ña”, yi tuoĩa gua muare. ⁴ Tuoya gua ñarā mua. Dios i ti mairā ña mua. “Dios i beseana ñama ña”, ya gua muare. ⁵ Jesucristo oca gua muare riasosuoja, rocati goti ajere gaye meje muare riasocu gua. Dios i rotirise rāca muare riasocu gua. “Riti bajia iti oca”, mua yi masiroca yĩñi Espiritu Santo. Mua tu gua ñacatiju, “Ito bajiro ñacā ña”, yi masirāji mua guare. Ito bajiro gua ñacatire ticõri, “Mani queno ñatoni mani tu ejañi ña”, yi masirāji mua guare.

⁶ Guare ticõri, gua ñado bajiroti ñacu mua cuni. Jesucristo ocare boca āmicõri, i queno yigoado bajiroti queno yi āmocũ mua cuni. Muare tuoĩa bujatobitiroca gājerā ña yibojarocati, wanare rāca Jesucristo ocare boca āmicũ mua. Espiritu Santoti ñañi mua tuoĩa manu quenaroca yigu. ⁷ Ito bajiro muare i yijare Macedonia sita gāna ito yicõri Acaya sita gånare ña tiro riojo queno iyijija mua. Ito bajiro queno mua yi Iõja ticõri, “Ña robo bajiro queno yirũja manire cuni”, yi tuoĩa jedirā yirāji ito gāna Cristore tuorānurā. ⁸ Jesucristo ocare boca āmicõri Macedonia sita gāna, Acaya sita gånare riti meje goti batoyija mua. Masa jeyareore Cristo ocare goti batoyija mua. Queno mua yigore tuocõri, “Cristore queno tuorānurā ñama Tesalónica cuto gāna”, yama masa jeyaro muare. Ito bajiri gua wa ucuja mua gayere masare gotibea gua. Muare masicāma ña. ⁹ “Oca mua riasorise gayere queno boca āmijijarā Tesalónica gāna”, yire gaye tuoia gua, yama ña guajuare. “Diore queno tuorānucõri ñamasi meni rujeoanare rācubuo jidicāma ña”, yama ña guare. “Dios ñasagu catitĩñagũre moa ñsirā yama Tesalónica gāna”, yama ña guare muare tuoĩarā. ¹⁰ Gaje mua gaye ado bajiro gotiama ña guare: “Dios Macu ũmacũju gagu i tũdi ejare bocatirā yama Tesalónica gāna”, yama ña guare. Jesuti ñami Dios Macu. Masa ñre ña slabojarocati macana tũdi catiroca yĩñi Dios. Mani ñeñaro yiriserẽ buto ti teami Dios. Ito bajiri mani ñeñaro yirise waja yigu, manire goda ñsiñi Jesucristo. Masa ña ñeñaro yirise waja Dios i seniri ramu Jesucristo ñami manire masorocu.

2

Tesalónica cutoju Pablo i moare gaye

¹ “Riasobjarā meje yicā Pablo mesa. Mani tu ña ñaja jārjār Jesucristo ocare boca āmicā”, yi tuorāji mua guare. ² Filipos cuto gua ñaroca ña guare busiture, gua tuoĩa bujatobitiroca guare ña yire, masirāji mua. Mua ya cuto gua ejaja ito bajiroti yicā masa guare. Ito bajiro guare ña yibojarocati i oca gua goti gũibitoni gua oca sēoroca yĩñi Dios. ³ Muare gua riasocati wisare oca meje muare riasocu gua. Queno ñajaro ña yirona, muare riasocu gua. Muare ruorona meje muare riasocu gua. Muare gua riasocati ñasarise queno riojo muare riasocu gua. ⁴ Jesucristo oca riasorona yari guare cũñi Dios. Ito bajiri i oca ñasarise riti i āmoro bajiro riasoa gua. Masa guare ti seyojaro yirona meje Dios ocare riasoa gua. Dios sigũti i guare wanare āmoa gua. Dios sigũti ñami gua tuoĩariserẽ ti masigũ. ⁵ Tuo seyore bajiro bajijaro yirā meje muare goticũ gua. “Riti bajia iti”, yi tuoĩarāji mua. “Niyeru bujarona meje yu ocare riasoama ña”, yiguĩji Dios guare. ⁶ Gua muare riasogooanare buto rācubuojarõ yirona meje riasocu gua. Diore rācubuojarõ yirona muare goticũ gua. Gājerāre cuni guare ña rācubuo-toni meje ñare riasocu gua. Ito bajibojarocati Cristo i cũana ñari, “Guare rācubuoia”, gua yi āmoja yiboana gua. ⁷ Ado bajirojua yicũ gua. Sigõ jaco iso riare tirānu masoado bajiro yicũ gua, muare ti maicõri. ⁸ Muare buto tuo maia gua. Muare ti mairā ñari Dios oca muare riaso āmocũ gua. Muare ti maicõri queno mua ñare āmocũ gua. Ito bajiri muare yari godarona ñacācu gua. Muare masicõri buto muare ti maia gua. ⁹ Tuoya gua ñarā mua. Mua tu ñarā gua buto moagorere ācabojabeja mua. Dios oca muare riasorā ñami, āmua cuni moasoticu

gua. Sīgājua mua guare yiari mua waja yi Isire āmobitica gua. Ito bajiri queno ña masirona guamasiti moacu gua.

¹⁰ Mani Cristore tuorānūrā ñari mua rāca gua ñaja ñeñaro yiābitica gua muare. Dios ī āmoro bajiro riti yisotica gua. Ito bajiro gua bajija ticōri, “Ñe seti mana ñama ĩna”, yi tuoīacu mua guare. Dios cūni ito bajiroti masiguļi guare. ¹¹ “Manire goti quenočā ĩna”, yi masirāji mua guare. “Mani bojori bujaja mani oca sēoroca yicā ĩna”, yi masirāji mua guare. Sīgū ī rīare maigū ī goti quenoado robo bajiro muare goti quenočā gua. ¹² Mua oca sēojaro yirona ado bajiro muare gotica gua. “Dios ī āmoro bajiro riti yisotiya, Dios muare ī wanutoni”, yi goti quenočā gua muare. Muare beseñi Dios ī rotiroju ī rāca mua ñatīñatoni.

¹³ Dios oca muare gua goti rētobuja, “Īna tuoīa rujeoreti gotiama ĩna”, yi tuoīabitica mua. “Riti Dios ocare riasoama ĩna”, yi tuoīacōri itire boca āmicu mua. Dios ocare mua tuorānūjare mua ñeñaro yiriseere mua jidicāroca yiñi Dios muare. Īre mua cuditīñaroca yami Dios. Ito bajiri iti gaye tuoīacōri, “Queno ya Dios mu”, yisotia gua ĩre. ¹⁴ Mua ya cuto gāna muare usirioro yi codejare tuoīa bujatobisija mua. Judea sita gānare cūni ito bajiroti rētayiju. ĩna comasiti usirioro ĩnare yi codeyijarā. ĩna tuoīa bujatobitiado bajiroti tuoīa bujatobisija mua cūni. ¹⁵ Judio masati ñama mani Ūju Jesucristore sīana. Diore goti ĩsiri masare cūni ito bajiroti sīayijarā ĩna. ĩnati ñama guare bucōana. Ito bajiro ĩna yijare ĩnare ti wanubeami Dios. ĩna ñama masa jeyarore ti terā. ¹⁶ “Muare cūni maso āmoami Cristo”, judio masa mejere cūni gua goti āmobojarocati guare camotacā judio masa. Ito bajiro ĩna yija buto busa seti cutirā ñama ĩna. Ito bajiro ĩna yija ti junisinicōri, “Īna ñeñaro yirise waja, waja yirā tuoīa bujatomena yirāji ĩna”, yi tuoīacāguļi Dios.

Tesalónica gānare mucana tūdi Pablo ī ti āmore gaye

¹⁷ Tuoya gua ñarā mua. Muare gua wagoja bero nocō mejeti muare tuoīa riuču gua mucana. Mua tu ñabitobjarāti mua tuoīariseju mua tuju ñacu gua. Muare tūdi ti āmorā ruje josabojacu gua. ¹⁸ Buto muare ti āmosabojacu gua. Yu Pablo coji meje muare tigu wa āmobojacu yu. Coji ruyabeto mua tu yu tigu wa āmoja, rāmūa ūju Satanās camotasotiñi yare. ¹⁹ Gājerā rētoro muare tuoīa wanūa gua. “Tesalónica cuto gāna mu oca gua riasoja, queno boca āmicā ĩna”, wanū quenare rāca gotirā yirāji gua mani Ūju Jesucristore ī ejaroca. ²⁰ “Īna ñama mani riasogoana”, yi tuoīarā, muare wanū ñuca gua. Riti ña iti gaye.

3

¹⁻² Muare buto ti āmorā ñemecuti masibitica gua. Ito bajiri mani yagu Timoteore muare ī titoni cōacu gua. Guama Atenas wame cutiri cutoju tujacu. Guare bajiro Diore moa ĩsigū ñari Jesucristo oca masare goti rētobuami ī cūni. Mua oca sēoroca ī yitoni ĩre mua tuju cōacu gua. Ito yicōri Jesucristo ocare mua tuorānu waroca ī yitoni ĩre mua tuju cōacu gua. ³ Tuoīa bujatomena mua ñajare Cristo ocare mua tuorānu jidicāre āmobitica gua. Ito bajiri mua oca sēotoni Timoteore mua tuju cōacu gua. “Cristore mani tuorānūrā ñajare gājerāma mani tuoīa bujatobitiroca yirā yirāji. Ito bajiro manire rētare āmoguļi Dios buto busa ĩre mani tuorānutoni”, yi tuoīa jedia mani. ⁴ Mua rāca ñarāju maji muare goti cūcācu gua. “Mua tuoīa bujatobitiroca yirā yirāji gājerā”, yi goti cūcācu gua muare. Muare gua gotiadi bajiroti rētayija. ⁵ Ito bajiri muare buto ti āmorā ñemecuti masibitica gua. Ito bajiri Timoteore cōacu gua, “ĶJesucristore tuorānucuatī ĩna maji?” yirona. “Ñeñaro ĩna yitoni ĩnare usirioro yi rētocūguļi gajea rāmūa ūju”, yi tuoīacu gua. “Īnare ī rētocūja mani moagorere ñeñogū yiguļi gajea”, yi tuoīacu gua. Ito bajiro tuoīacōri Timoteore ti rotī ñucacu gua.

⁶ Mua tu ejarā adoju tūdi ejacoami Timoteo mucana. Adoju ejacōri mua gayere oca quenariseere goti tūdi ejami ĩ. “Cristore queno tuorānūrā ñama ĩna, ito yicōri gāmeri ti mairā ñama ĩna”, yi goti ejami ĩ. “Muare queno tuoīa gua”, yima ĩna, yi goti ejami guare. “Guare mua ti āmoro bajiroti muare cūni ti āmoboja gua”, yima ĩna, yi goti ejami ĩ. ⁷ Ito bajiro ī gotija tuocōri, tuoīa bujatobitobjarāti gua ya usiujama queno tuoīa oca sēoa gua. “Cristore tuorānu jidicābeama ĩna”, ī yija tuocōri, queno muare wanū ñuca gua ñarā gua. ⁸ “Cristore tuorānu warā yama ĩna”, ī yija tuocōri, tuoīa oca sēoa gua, ito yicōri mama usi buja gua. ⁹ Muare tuoīacōri, “Queno ya Dios mu”, yi jidicā masibea gua. Diore gua busija, “Cristore queno tuorānuama ĩna”, yi tuoīa masicōri buto wanūa gua. ¹⁰ ĩnami, āmua cūni Diore senisotia gua, mua tuju gua ejaroca ī yitoni. Buto busa Cristore mua tuorānutoni mua masibitire muare riaso āmoa gua maji.

¹¹ Mua tu gua tirā watoni mani Jacu Dios, ito yicōri mani Ūju Jesucristo guare ejabuajaro. ¹² Muare buto ti mai waju gua. Muare gua ti mairo bajiroti buto busa mua gāmeri ti mairoca yijaro mani Ūju muare. Ito yicōri buto busa masa jeyarore mua ti mairoca yijaro ī. ¹³ Mua ya usiju mua oca sēo waroca yijaro mani Ūju. Ñeñariseere jidicācōri quenarisejua riti mua yiroca

yijaro ĩ. Ito bajiro muare ĩ yija bero mani Ʋju ĩ ƚarā rāca ĩ tudi ejari rumu mani Jacu Dios ĩ tiro riojo ƚe seti mana ƚarā yirāji mua.

4

Dios ĩ ti wanre gaye

¹ Gua ƚarā gaje muare goti āmoa gua. “Ado bajiro mua ƚaja muare ti wanugā yiguĵi Dios”, yi muare riasocu gua. “Ito bajiro ƚama ĩna”, yi tuoĶa gua muare. Dios muare ti wanujaro yirona, ĩ āmorise riti buto busa mua yire āmoa gua. Ito bajiro josa gua, muare riasotoni mani Ʋju cūana ƚari.

² “Cristo ĩ riaso rotiado bajiroti guare riasocā ĩna” yi masirāji mua guare. ³ Ado bajiro bajia mua yiroti Dios ĩ āmorise. Dios ƚarā mua ƚajare quenarise riti mua yire āmoami ĩ. Mua manoyo mana gājerā romia rāca ajere āmobeami ĩ. ⁴ Mua manoyo bujaroto riojua romiare ajeĶamena mua ƚare āmoami Dios. Ito bajiri isore bujacōri Dios ĩ āmoro bajiro isore mua rācubuoja quena. Mua manojosāromiare riti ti maicōri gājerā romiare ajebeja quena. ⁵ Isore ti seycōri isore ajerocu meje manoyo catija quena. Gājerā Dios gayere masimena ƚari ito bajiro yi āmorāji ĩnaōna. ĩna robo bajiro yibitruja manire. ⁶ Gāji manoyo rāca ajebeja. Gāji manojore ti uobeja mua. “Ito bajiro yirāre buto ĩna tuoĶa bujatobitiroca yigu yiguĵi Dios”, sēoro muare goti cūcācu gua. ⁷ Quenarise mani yitoni manire beseĶi Dios. ƚeĶaro mani yitoni meje manire beseĶi ĩ. ⁸ Adi gua riasorisere ti terā guare riti meje ti terā yama ĩna. Diore cuni ti terā yama ĩna. ƚeĶaro mani yirisere jidicātōni EspĶritu Santo manire queo sāgū ƚami Dios.

⁹ Tuoya, gāmeri ti maire gaye muare busigu ya ya. “Gāmeri ti mairuja manire”, mua yi masiroca yicāĶi Dios muare. Ito bajiri guama, “Gāmeri ti maĶna mua”, yi ucabea gua muare. ¹⁰ Riti queno yirā ƚa mua. Macedonia sita gāna Cristore masirāre ti maisotirā ƚa mua. “ĩnare ti maicōri buto busa ĩnare ti mairuja mua”, sēoro muare gotia gua. ¹¹ Ado bajiro mua yi josaja quena. ƚe oca manoti queno ƚaĶna mua. Gājerā ĩna busirise tuoĶōri coca oca cutibeja. Mua ƚa masitoni muamasiti moaĶa. Gua rotiado bajiroti yisotiba mua. ¹² Ito bajiro queno mua moaja, ƚeĶua ruyabeto yiroja muare. Ito bajiri gājerāre josamena yirāji mua. Ito bajiro queno mua moaja ticōri, Jesure tuorūnūmena cuni queno muare rācubuoarā yirāji.

Mani Ʋju ĩ tudi ejare gaye

¹³ Tuoya gua ƚarā mua. Jesure tuorūnūrā godana ĩna bajire gaye muare goti āmoa gua. ĩna bajire gaye muare goti rētoĶu āmoa gua, mua bojori bujabe yirona. “Godabojana mucana tudi caticoarā yirāji”, yi tuoĶa yurā meje ƚama Diore tuorūnūmena. ĩnare bajiro tuoĶarā meje ƚa mua. “Godabojana caticoarā yirāji”, yi tuoĶarā ƚa mani. ¹⁴ “GodacoaboĶaĶi Cristo. Ito bajibojarcoti mucana tudi ĩ catiroca yĶi Dios”, yi tuoĶa masirā ƚa mani. Iti masicōri gaje ado bajiro yi tuorūnūna mani: “Jesús ĩ tudi ejari rumu ĩre tuorūnugoana ĩ rācati baba cuti ejaroca yigu yiguĵi Dios ĩnare”, yi tuoĶa mani.

¹⁵ Iti muare gua gotirise mani Ʋju guare masiroca ĩ yirise gayere muare gotia gua. Mani Ʋju ĩ tudi ejari rumu godanajua mujasorā yirāji. ĩna riojua mujamena yirāji adi sita gāna cati ƚarā. ¹⁶ Ado bajiro rētaro yiroja. Dios ĩ rotirisena sēoro busi ruji wadigu yiguĵi ũmacūjuana. Dios ƚaro gāna āngel mesa uju ĩ busirise cuni sēoro ruyuro yiroja. Dios yaga jutiraga cuni sēoro ruyuro yiroja. Ito yija Jesure tuorūnūgoana tudi caticōri muja ejasorā yirāji. ¹⁷ Ito bajiro iti ruyuroca riti Jesure tuorūnū ƚarāre miojuga yiguĵi Dios. ĩnare miojucōri tudi catisuona rāca ide buerina ĩna muja waroca yigu yiguĵi Dios. Muja wacōri mani Ʋjare canamurā yirāji mani. Ito bajiri ĩ rāca catitĶarā yirāji mani Ķa. Ito bajiroti bajiro yiroja. ¹⁸ Iti gaye gāmeri busicōri oca sēoĶa mua.

5

Jesús ĩ ejarotire mani bocatija quena, yire gaye

¹ “Iti rumu ejagu yiguĵi mani Ʋju. Itocō tujaroca ejagu yiguĵi”, yi ucabea gua muare. ² “Iti rumu ejagu yiguĵi Jesús”, yi masibea mani, yi tuoĶa masirāji mua cuni. “Iti rumu ejagu yiguĵi”, masa ĩna yi masibiti rumu ejagu yiguĵi ĩ. Riniri masu ƚami ĩ ejaja cuni. “Itocō ejagu yiguĵi”, yi masibea mani. Ito bajiroti, “Iti rumu ejagu yiguĵi Cristo”, yi masimena yirāji mani. ³ “Ĕe oca mano queno ƚacā mani”, yi masa ĩna tuoĶari rumu ƚajasaroti guijorise ejaro yiroja ĩnare. Iti guijorisere sigūjua rudi masimena yirāji masa. Coju rudiraju mano yiroja ĩnare. Romio macu rucoroco ƚajasaroti iso cōro robo bajiro bajiro yiroja iti. ⁴ Iti ocare tuo masimena meje ƚa gua ƚarā mua. Ito bajiri mani Ʋju ĩ tudi ejari rumu ti ucamena yirāji mani. Riniri masu ĩ ejaja masa ĩna ucaro bajiro ucamena yirāji mani. Mani Ʋju ĩ ejarotire bocaticārā yirāji mani. ⁵ Mani ƚa Dios ƚarā. Ito bajiri tuo masirā ƚari quenarise yi āmoa mani. Mani ƚeĶaro yirisere jidicāna ƚari rāitĶarise uju ƚarā meje ƚa mani. ⁶ Ito bajiri queno

tuoĩacõri mani Uju ĩ ejaroti gaye bocaticãruja manire. Ĩ tãdi ejaroti rumu canicãna robo bajiro bajibitiruja manire. ⁷ Namire canicã masa. Namijuati idire idi mecucã ĩna. ⁸ Queno tuoĩacõri mani Uju ĩ tãdi ejarotire bocaticãruja manire. Cristo ñarã mani ñajare mani tuo masiroca yami ĩ. Ito bajiri ñeñaro yi ãmomena quenaro tuoĩaruja manire. Cristore mani tuorũnuja ito yicõri gãmeri mani ti maija rãmúa uju manire ejabe yirocu, manire camotagu yiguĩji ĩ. “Cristore mani tuorũnuja ticõri, manire masogũ yiguĩji Dios”, yi tuoĩa yucãruja manire. ⁹ “Ĩna tuoĩa bujatobitiroca yigu yiguja yu”, yirocu meje manire beseñi Dios. Ito bajiro meje baja. Mani Uju Jesucristo ĩ godarisena suoriti manire masorocu manire beseñi Dios. ¹⁰ Manire yiari godañi ĩ, ĩ rãca mani ñatĩñatoni. Ito bajiri tãdi ĩ ejaja mani catija cãni, mani godaja bero cãni manire ãmi wacu yiguĩji ĩ, ĩ rãca mani ñatĩñatoni. ¹¹ Itire gãmeri basicõri wanu oca seõña mua. “Ito bajiro yirã yirãji ĩna”, yi tuoĩa masi ña gua muare.

Pablo ĩ goti quenore gaye

¹² Tuoya gua ñarã mua. Mua wato gãna Diore moa ĩsirãre queno mua rãcubuore ãmoa gua. Muare riasorona ito yicõri muare goti quenoronare cãni cũñi Dios. Ito bajiri ĩnare rãcubuoya mua. ¹³ Queno ĩna muare ejabuaja ticõri, queno rãcubuoya mua ĩnare. Mua ya usina ĩnare tuo maiña mua. Ne oca mano gãmeri baba cutiua mua.

¹⁴ Gua ñarã gaje ado bajiro muare rotia gua. Mua tu gãna moamenare queno ĩnare gotiua. Mua tu gãna tuoĩa oca seõmenare ĩna oca seõroca yiya mua. Cristore queno tuorũnusamenare queno ejabuaya mua. ĩna jeyarore usirioro yimenati ñacõaña mua.

¹⁵ Queno tuoĩaña mua. Gãjerã ĩna muare ñeñaro yibojarocati ĩnare gãmebeja mua. Ado bajirojua yiba. Coji ruyabeto queno gãmeri yisotiba mua. Masa jeyarore ito bajiro riti yiba.

¹⁶ Diore tuoĩacõri wanusotiba mua. ¹⁷ Diore busi jidicãbeja. ĩre busitĩñasotiba. ¹⁸ Quenarise, quenabiti cãni muare rõtaja, “Queno ya Dios mu”, yisotiba mua. Jesucristore mua tuorũnurã ñajare ñajediro muare rõtarse, “Queno ya Dios mu”, yire ãmoami ĩ.

¹⁹ Diore mani cãdi masitoni manire ejabua ãmoami Espĩritu Santo. Ito bajiri ĩre tuo tebesa mua. ²⁰ Dios gaye busirã ĩna busija ĩnare tuo tebesa. ²¹ “¿Dios gayere busirã ñati ĩna? ĩnamasi tuoĩa rujeocõri busirãji gajea”, yirona queno tuoya maji. Dios gayere ĩna busija itire boca ãmicõri tuorũnuma mua. ²² Jeyaro ñeñarisere tuoĩa jidicãña mua.

²³ Dioti ñami ñe oca mano mani ñaroca yigu. “Mure riti rãcubworã mu ñarã ĩna ñaroca yiya mu”, muare yiari Diore seni ĩsotia gua. “Quenarise riti tuoĩajaro, Cristore riti tuorũnujaro, quenarise riti yijaro”, yirona Diore senia gua, muare yiari. Mani Uju Jesucristo ĩ tãdi ejari rumu ñe seti mana mua ñare ãmoa gua. Ito bajiri muare yiari Diore seni ĩsotia gua. ²⁴ ĩ ñarã mani ñatoni manire beseñi Dios. Jidicãre mano manire tirũngũ yiguĩji ĩ. Ito bajiri ĩ ãmore bajiro mani yi masitoni manire ejabuagu yiguĩji.

Quenajaro masa, Pablo ĩ yi ñucare gaye

²⁵ Guare yiari Diore seni ĩsiña gua ñarã mua cãni.

²⁶ Guare yiari gãjerã Jesure tuorũnurãre jababa ĩsiña mua.

²⁷ Mani Uju ĩ cũana ñari ado bajiro muare rotia gua. Ito gãna Jesure tuorũnurã ñarocõti minijuacõri adi paperare tiya gua ñarã mua.

²⁸ Mani Uju Jesucristo queno yijaro muare. Itocõ ña.

Segunda carta de San Pablo a los Tesalonicenses

Tesalónica cuto gānare Pablo ī papera cōare gaye

¹ Nāti Tesalónica cuto gāna mua. Yu Pablo mani nārā Silvano, Timoteo mesa rāca adi papera muare uca yu. Mani Jacu Dios nārā nā mani, ito yicōri mani Ūju Jesucristo nārā cuni nā mani. Inare tuorūnūrā nari minijuasotia mua cuni, inare rucubworona. ² Muare queno ī yitoni Mani Jacu Diore senisotia gua. Ito yicōri nē oca manoti mua ya usiju queno mua wanu quenaroca ī yitoni ire senisotia gua. Mani Ūju Jesucristore cuni ito bajiroti seni isisotia gua muare yiri.

Cristo ī tūdi ejari rumu ñeñaro masa ina yire waja Dios ī seniroti gaye

³ Tuoya yu nārā mua. Coji ruyabeto gua muare tuoiasotija, “Queno ya Dios mu”, yisotia gua ire. Queno busa Jesucristore tuorūnu warā ya mua, ito yicōri buto busa gāmeri ti mai warā ya mua. Itire tuoīacōri, “Queno ya Dios mu”, yisotia gua ire. ⁴ Ito bajiro bajirā mua ñajare gājerā Jesucristore tuorūnūrāre mua gaye gua busija, wanure rāca busia gua. Ado bajiro wanure rāca busia gua inare: “Tesalónica cuto gāna Diore queno tuorūnūrācōri, tuo jidicābeama ina. Tuoīa bujatobitibojarāti ñemecutiamā ina. Gājerā inare usiroro yī codebojarocati ñemecutiamā ina”, yī gotia gua gājerā Jesucristore tuorūnūrāre. ⁵ Mua Dios ocare cudiija ticōri, mua tuoīa bujatobitiroca yama gājerā. Ito bajiro ina yibojarocati ī rotiroju mua eja masiroca quenarise mua yī masitoni muare yigu yiguji. Itire masicōri, “Masa ina yigoado bajiroti inare ti besegu yiguji Dios. Quenarise riti yigu ñami ī”, yī tuoīa masia mani.

⁶ Mua tuoīa bujatobitiroca yirāre ina tuoīa bujatobitiroca yigu yiguji Dios. Ito bajiro inare ī yija, ina ñeñaro yirise waja senigū yigu yiguji. Ī ito bajiro yija quena. ⁷ Adocāta tuoīa bujatobitibojarāti itire ito bajiro bajitūñamenaji mani. Co rumu mua tujacāroca yigu yiguji Dios. Guare cuni ito bajiroti yigu yiguji. Ito bajiro yigu yiguji mani Ūju ūmacūju ī goāori rumu. Ūmacūju goāocōri jājarā āngel mesa rāca wadigu yiguji ī. Jea ūjuro yorise bajiro buto busurise wato wadirā yirāji ina. ⁸ Diore tuorūnūbitigoanare mani Ūju Jesucristo gaye oca cudimenare waja senigū wadigu yiguji ī. ⁹ Jesucristore ina tuorūnūbitire waja, jeame ūjuroju tuoīa bujatobiti ñasotirā yirāji. Ito yicōri wisa godana bajiro ñatīñārā yirāji ina. Mani Ūju ñaro camotado ñatīñaro yiroja inare. Ī masirise ī ūoriju timena yirāji ina. ¹⁰ Iti rumu Jesucristo ī tūdi ejari rumu ī nārā ire tuorūnūrā ire ti wanurā yirāji ina. Ito yicōri, “Ī ñami rētoro masigū”, ire yī rucubworā yirāji ina. Muare gua riasorise tuorūnūrā nari ina rāca ire ti wanurā yirāji mua cuni.

¹¹ Itire tuoīarā, muare yiri Diore seni isisotia gua. Ī nārā mua ñatoni muare beseñi mani Ūju Dios. Ito bajiri, Tesalónica cuto gāna mu āmorise yī masijaro yirona, Diore senisotia gua. Gaje muare yiri ado bajiro Diore seni isisotia gua: “Quenarise ina yī āmorise ina yī masitoni mu masirisena inare ejabuaya”, yī seni isisotia gua. “Cristore tuorūnūrā nari ñajediro moare ī cūre gayere ito bajiroti yijaro ina”, yirona Diore senia gua muare yiri. ¹² Ito bajiro queno mua yirise ticōri, mani Ūju Jesucristore rucubworā yirāji masa jeyaro. Ī nārā mua ñajare muare cuni rucubworā yirāji ina. Manire ti maicōri Jesucristore Dios ī goda īsi rotijare, ito bajiro rētoro yiroja.

2

Jesucristo ī tūdi ejaroto riojua bajiroti gaye

¹ Tuoya yu nārā mua. Mucana mani Ūju Jesucristo ī tūdi wadiroti rumu gaye muare busi āmoa yu. Manire miojucōri ī rāca mani ñatīñatoni manire āmi wadigu yiguji ī. ² “Ejacāñi Jesús”, gājerā ina yibojaja, giubesa mua. Inare tuocōri, tuoīa wisabesa. “Riti nā, yu cāiroju ito bajiro gotiqui Dios yare”, ina yibojaja cuni inare tuorūnūbesa. “Ejacāñi Jesús, yī gotiamī Pablo yare paperana”, ina yibojarocati inare tuorūnūbesa. ³ Jājarā ina muare ruobojaja cuni tuorūnūbesa. Jesús ī tūdi wadiroto riojua, juaji gaye rētoro yiroja. Ī wadiroto riojua Diore buto ti tecōri cudimenaji masa. Ito bajiro ina baji ñaroca rētoro ñeñaro yigu goāogū yiguji. “Jeame ūjuroju ire cōagū yigujā yu”, Dios ī yicāru ñami ī. ⁴ Jeyaro masa ina rucubworise ti tegu ñagū yiguji ī. Dios gayere ti tegu nari ī wajacu ñami ī. “Yu sīgūti nā masa jeyaro ūju”, yigu yiguji ī. Diore rucubworā masa ina minijuari wiju rujigu yiguji ī. Dios robo bajiro ña ruogu yiguji. “Dios nā yu”, yī ruogu yiguji ī.

⁵ Iti rumu mua rāca ñagū itī goti jeocu yu muare. Ľitire masibeati mua? ⁶ “Rētoro ñeñaro yigu ī goāome yirocu, ire camotami Dios maji”, yī tuoīarā nā mani. Dios ī rotibetoti goāobiquji ī. ⁷ Jeyaro ñeñaro ī yiroti masibitibojarāti, “Masa ina ñeñaro yiroca yicāmi?”, yī tuoīarā nā mani.

Dios Ìre camotagu Ì rotibetoti goaìbocü yiguìji Ì. ⁸ Dios Ì camotabeja goaìogü yiguìji rëtoro ñeñaro yigu. Ito bajibojarocati Jesús Ì tadi ejari rümu Ì jutirisenati slacögü yiguìji ñeñaro yigüre. Rëtoro masigü ñari josari mejeti Ìre ruyuriogü yiguìji Jesús Ì tadi ejari rümu. Ito bajiro Ì yija ticöri, “Rëtoro masigü ñami Jesús”, yi masirä yiräji masa jeyaro. ⁹ Rëtoro ñeñaro yigu Ì goaìoja rümuá uju Satanás Ì masirise jidicägü yiguìji Ìre. Ito bajiri buto Ì masirisena ejagu yiguìji Ì. Tiyamani Ìocöri masare ruogü yiguìji Ì. ¹⁰ Wisä godasotianare ruorocü dise ruyabeto ñeñaro yigu yiguìji Ì. Ìnare Dios Ì maso ämbojarocati Ì oca ñasarise boca ämimenaji Ìna. Ito bajiri wisä godana ñatñarä yiräji Ìna. ¹¹ Ì oca riojo ñasarise Ìna boca ämbitire waja Ìna tuoia wisaroca yigu yiguìji Dios. Ito bajiri ruore gaye oca tuorünurä yiräji Ìna. ¹² Ito bajiro yigu yiguìji Dios, Ì oca ñasarisere tuorünabiticöri ñeñarise yi wanaräre jeame äjuroju Ìna watoni.

Manire masorocü Dios Ì besere gaye

¹³ Tuoya yu ñarä müa. Mani Uju buto manire tuo maiami. Jane mejeju müare masorocü müare beseni Dios. “Ñeñaro yirä ña mani, mani ñeñaro yirise jidicärüja manire”, müa yi tuoia masiroca yiñi Dios Espiritu Santana suoriti. Ito bajiro Ì yija, Ì oca ñasarisere tuorünuyija müa. Itire tuoicöri “Queno ya Dios mü”, yi jidicäbitirüja guare. ¹⁴ Ì ñarä müa ñatoni Ì oca ñasarise guä müare goti rëtojuaro yirocü, guare cüñi Dios. Ì ocare müa tuorünüja ticöri, Cristore Ì tadi catiroca Ì yiado bajiroti müa tadi catiroca yigu yiguìji müare cüni.

¹⁵ Jesucristore tuorünü jidicäbesa yu ñarä müa. Müare oca riojo ñasarise guä riasogocaire itire jidicäbesa. Iti oca müa tiro riojo goticü guä. Paperana cüni müare goticü. ¹⁶⁻¹⁷ Manire ti maicöri queno yiñi Dios manire. Mani tuo wanüjaro yirocü, manire baba cutitñagü yiguìji Ì. “Ì räca cutitñagü yigüja yu”, mani yi tuoia wanü yuroca yigu ñami Ì. Mani Jacü Dios, mani Uju Jesucristo cüni queno yitñajaro müare. Müa ya usiju oca sëoroca yijaro Dios. Quenarise riti müa busitoni, ito yicöri quenarise riti müa moatoni müare ejabuajaro Dios.

3

Guare yiari Diore seni Ìsiña, Pablo Ì yire gaye

¹ Susari coji gaye müare goti ämoa yu ñarä yu maji. Guare yiari Diore seniña. Coju ruyabeto mani Uju oca iti bata watoni Diore seniña. Ì oca tuo wanücöri müa boca ämiado bajiro jäjarä Ìna boca ämitoni Diore seniña. ² Guare ñeñaro yi ämoräre Ìnare camotajaro Dios yirona, Ìre seniña. Guä riasorise ocare tuorünü ämomena jäjarä ñama. ³ Ito bajibojarocati guare jidicäbicü yiguìji Dios, müare cüni ito bajiroti. Müa oca sëoroca yicöri queno büsa Cristore müa tuorünüroca yigu yiguìji Ì. Rämüá uju müare ñeñaro yibe yirocü, müare camotagu yiguìji Dios. ⁴ Cristore tuorünücöri, “Tsalónica cuto gänare Ìna queno yi masitoni ejabuagu yiguìji Ì”, yi tuoia guä. Ito bajiri, “Guä rotirise cüdirä yiräji Ìna. Ito yicöri ñaro bajiroti yisotirä yiräji”, yi tuoia guä müare. ⁵ “Queno manire ti maiami Dios”, müa yi masijaro yirona, Diore senia guä. Tuoia bujatobitibojagati ñemecutiñi Cristo. Ì ñemecutiado bajiroti müare cüni ñemecuti masiroca yijaro Dios.

Sigü ruyabeto moaja quena, yire gaye

⁶ Tuoya yu ñarä müa. Adi müare rotijaro yirocü, guare cüñi mani Uju Jesucristo. Sigü Jesure tuorünügü ñabojaguti Ì moa ämobeja, ito guä riasoado bajiro Ì yi ämobeja Ì räca baba cutibeja. ⁷ Müa tu guä ñaja rocati ñacöbabiticü guä, moacu. Guare tigoana ñari, “Ìnare bajiro mani yija quena”, yirüja müare. ⁸ Müa tu guä ñaja waja yimenati müa ya najure babiticü guä. Ado robojuä yicü guä. Umuari ñami cüni josari moacu guä. Ito bajiro yicü guä bare waja yirona. Müare usirioro yibe yirona, müa guare waja yi Ìsire ämobiticü guä. ⁹ Müare riasori masa ñari, “Guare ejabuaya müa”, guä yija quena ñaboadoja. Ito bajibojarocati müare josabiticü guä. Ado robojuä yicü. Moacu guä, “Ìna robo bajiro yirüja manire cüni”, müa yi masitoni. ¹⁰ Müa räca ñarä ado bajiro roticü guä: “No moa ämobicü babitijaro”, yicü guä müare. ¹¹ “Ìna wato coriarä moamenati ñama”, yire oca tuoä guä müare. “Coriarä moamena Ìna wato gäjerä ye oca tuocöri rocati busi batörä yiräji”, yire oca tuoä guä müare. ¹² Mani Uju Jesucristo Ì cüana ñari, ado bajiro rocati moamena ñaräre rotisotia guä: “Moaña, queno ñana yirona. Ito yicöri gäjerä ye oca tuocöri busi batobesa”, yi rotisotia guä.

¹³ Tuoya yu ñarä müa. Queno yirä ñari queno müa yirise jidicäbesa. ¹⁴ Sigü adi papera guä ucarise tuorünübicure ti masicöri Ìre baba cutibesa. Ito bajiro müa yija Ì ñeñaro yirise tuoäbojogu yiguìji Ì. ¹⁵ Ñeñaro Ì yibojarocati Ìre ti tebesa. Mani yagu Ì ñajare Ìre goti quenoña müa.

Quenajaro masa, Pablo Ì yi ñucare gaye

¹⁶ Mani Ʋju ĩ ñami ñe oca manoti mani ñaroca yigu. Ñe oca manoti mña ya usiju queno wanu quenaroca yitĩñajaro Dios. Dise ruyabeto mñare iti rētabojarocati ñe oca manoti mña ñaroca yijaro Dios. Mña ñarocō rāca ñatĩñajaro mani Ʋju.

¹⁷ “‘Quenajaro’, yami Pablo”, yi uca yu, yumasiti. Ito bajiro riti gajanoa papera yu ucarise. Ito bajiro ya yu, “Riti ucañi Pablo”, mña yi masitoni. ¹⁸ Mani ñajediroreti queno yitĩñajaro mani Ʋju Jesucristo. Itocō ña.

Primera carta de San Pablo a Timoteo

Timoteore Pablo i papera cõare gaye

¹⁻² Nati yu baba Timoteo mu. “Quenajaro”, ya yu mure. Yu ña Pablo adi papera mure uca ñucagã. “Yure masogã yiguñi Jesucristo”, yi mani tuoia yugu, i cõru ña yu. Dios yure i rotijare Jesucristo ocare goti ucuri masu ña yu. Tõoya Timoteo mu. Jesucristore tuorãnujaro yirocu, mure riasocu ya. Ito bajiri yu macu robo bajiro baja mu. Mani Jacu Diore mure yari senia yu. “I queno ñaroca yiya. Ire ti maiña. Ito yicõri ñe oca manoti i ñaroca yiya”, yi Diore seni ñisotia yu mure yari. Mani Uju Jesucristore cuni ito bajiroti seni ñisotia yu mure yari.

Rhore oca riasorãre tuorãnuhesa, Pablo iyire gaye

³ Macedonia sita wacu, “Ado Efeso cuto tujaya mu”, yicu yu mure. Ito gãnare oca riojo riasomenare, “ ‘Jidicãña mua’, yiya”, yirocu ito mu tujare ãmoa yu. Ña ñama, “Dios oca ñasarise riasorã ña gua”, yibojarãti i oca riojo riasomena. ⁴ “Bucurã oca riaso jidicãña mua”, yiya mu ñare. Ito yicõri, “ ‘Ado bajiro yiyijarã mani ñicusabatia’, mua yi gotiriser jidicãña mua”, yi gotiya mu ñare. Iti oca ña gotija jaje ñacõri jedirise meje ña. Ito bajiri iti oca masare ña riasoja ricati riti ña tuoiaroca yirãji ña. “Cristore mani tuorãnuja ticõri, manire masogũ yiguñi Dios”, yi masare mani riasore ãmoami Dios.

⁵ Ito gãna gãmeri ña ti maire ãmogũ ito bajiro rotia yu. Mani ñeñaro yirise jidicãcõri Cristo sãgãreti mani bũto tuorãnuja, “Ñe seti ma yure”, yi masirãji mani. Ito bajiro mani yi masija gãmeri ti mairã yirãji mani. ⁶ Dios oca ñasarisere jidicãrã ñari, ñe waja mani gayejare tuoia busiama ña. Ito bajiro yicõri tuoia wisama. ⁷ Moisés ñayoru rotirise riasori masa ña ãmoama ña. Ito bajibojarãti ñamasi ña tuoia busirise, ña oca riasorisere cuni tuo masibeama. “Queno riasorã ña gua”, yibojarãti ñamasi ña riasorisere tuo masibeama ña.

⁸ “Moisés ñayoru i rotirise quenarise ña”, yi tuoia mani. I rotirisere masicõri, “Queno Diore cudibe yu”, yirãji mani. ⁹ Queno yisotirãre meje i rotirise cõni Dios. Ñeñaro yirãjuare i rotirise cõni. Cudimene, Diore ti terã, ñeñaro yirã, ñeñaro busirã, jacusabatiare sãrã, ito yicõri sãri masare cuni i rotirise cõni Dios. “Ñeñaro yirã ña mani”, ña yi masijaro yirocu, i rotirise cõni Dios. ¹⁰ Romiare ajerãre, ãmua comasiti ñeñaro yirã, gãjerãre ñiacõri ãmi warãre cuni, ito yicõri ruori masa, “Dios i tiro riojo riojo gotia gua”, yi ruorã, ito yicõri oca ñasarise cudi ãmomenare cuni i rotirise cõni Dios, “Ñeñaro yirã ña mani”, ña yi masitoni. ¹¹ Jesucristo oca quenarise iti ña ñasarise. Iti oca yu riaso ucutoni yure cõni mani Uju Dios. I sãgũti ñami rãtoro rãcubõroga.

Yure queno yĩni Cristo, Pablo iyire gaye

¹² I oca yu riasotoni yu oca sãoroca yami mani Uju Jesucristo. “Yure tuorãnuã ñami Pablo”, yicõri “Yure moa isijaro”, yirocu yure cõni Cristo. Ito bajiri, “Queno ya mu”, ya yu ire. ¹³ Iti rumuju yu ñeñaro ire busibojarocati yure beseni i, ire yu moa isitoni. Iti rumuju Jesure tuorãnuãre usirioro yisotica yu maji, ito yicõri Jesure busitusotica. Ito bajiro ire yu yibojarocati yure ti maiñi Dios. “Yu Macure tuorãnuhicu ñari ire i ñeñaro yirisere masibeami Pablo maji”, yi masiñi Dios yure. Ito bajiro yi masicõri yure ti maiñi Dios. ¹⁴ Yure ti maicõri jaje queno yĩni mani Uju yure. Ire yu tuorãnuroca yĩni i. Gãjerãre yu ti mairoca yĩni. Riti yure queno yĩni i.

¹⁵ Ado yu mure gotiroti riti baja. Ito bajiri mua tuorãnuja quena. Ado bajiro baja. Ñeñaro yirãre masorocu adi sita wadiñi Cristo. Yu ñacu gãjerã ñeñaro yirã rãtoro ñeñaro yicacu. ¹⁶ Ito bajiro yu bajibojarocati yure ti maicõri yure masoñi Dios. Ito bajiro yure yĩni Dios. “Gãjerã rãtoro ñeñaro yigu Pablo i ñabojarcati ire ti mai jidicãbisija Cristo. Ire ti maicõri ire masoñi i”, masa jeyaro ña yi masitoni yure masoñi i. Ito bajiro i yijare, “No Cristore tuorãnuãreti ña ñeñaro yirisere ãcabõjogu yiguñi Dios. Ñare masocõri ña catitãnuroca yigu yiguñi Dios”, yi tuoia mani. ¹⁷ Ito bajiri ire rãcubõrotiñaraja manire. Ado bajiro ire yi rãcubõroguja manire: “Mutu ña gua Uju catitãnuãgũ. Godaroca meje ña mu. Sãgũ mure tigorũ maquñi. Nima mu robo bajigu maquñi. Mu sãgũti ña rãtoro masigũ”, yi rãcubõrotiñaraja mani Diore. “Ito bajiro bajitãnujaro”, ya yu.

¹⁸ Tõoya yu maigũ Timoteo mu. Yu macu robo bajiro tuoia yu mure. Ado bajiro rotia yu mure: Ñarocõti Dios i mure cõre ito bajiroti yiya mu itire. “Diore queno cudigu yiguñi”, yiyijarã Diore goti isiri masa mure tuoia yurã. Ña goti yuado bajiroti ramãre cudibe yirocu, Diore queno moa ñsiña. ¹⁹ Diore tuorãnu jidicãbesa. Mu tuoiarise quenarise mure iti gotija, tuorãnuña mu itire. Coriarã ñama ña tuoiarise iti gotibojarocati tuorãnumena. Ito bajiro

yicōri Diore tuorānu jidicāma ĩna. ²⁰ Ito bajiro yicā Himeneo ito yicōri Alejandro cuni. Diore tuorānu jidicācōri ñeñaro busicā ĩna ĩre. Ito bajiri, Diore ñeñaro ĩna busirise jidicājaro yirocu, rāmú ĩnare usirioro ĩ yi codeja camotabitica yu.

2

Mani Diore senire gaye

¹ Cajero ado bajiro mure rotia yu. Masa jeyarore yiari Diore seni ĩsiña. “Masare ti maiña”, yirocu Diore seniña. ĩ masare queno yija ticōri, “Queno ya Dios mu”, yiya. ² Gobierno masare yiari Diore seni ĩsiruja manire. Ito yicōri ujarā jeyarore Diore seni ĩsiruja manire. Ito bajiro mani yija queno ñe oca mano ñarā yirāji mani. Ito yicōri Diore cudi āmorā ñari quenarise riti yirā yirāji mani. ³ Masa jeyarore yiari Diore seniruja manire. Iti ña quenarise. Ito bajiro mani yija, manire ti wanugū yiguūji Dios, manire masoru. ⁴ Masa jeyarore maso āmogū ĩna ñeñaro yirisere jidicāre āmoami Dios. “Riojo ñasarise ña Dios oca”, masa jeyaro ĩna yire āmoami Dios. ⁵ Sigūti ñami Dios. Nimu gāji ĩ robo bajigu mami. Sigūti ñami manire yiari Diore busi ĩsigū. ĩti ñami Jesucristo. ĩ sigūti ñami Dios ñarā mani ñaroca yi masigū. ⁶ Jesús godaño mani ñeñaro yirise waja yi ĩsirocu, mani jeyaroreti. Ito bajiro ĩ yijare, “Masa jeyarore maso āmoami Dios”, yi tuoia masirā ña mani. ⁷ Iti oca yu masare riaso ucutoni yare cūñi Dios. Iti Cristo oca ñasarise judio masa mejere cuni yu riasotoni yare cūñi Dios. Cristore tuorānujaro yirocu, ĩnare yu riasotoni yare cūñi Dios. Cristore tuorānugū ñari riojo gotia yu. Socabea yu.

⁸ Coju rayabeto masa Diore ĩna busire āmoa yu. Diore rūcubuořā āmo ĩna ñumuoja, ĩna ya usiju Diore tuoia rūcubuořā ĩna yija quena. ĩna ya usiju gājerāre tuoia junisinicōri meje yija quena. ⁹ Queno tuoia cōri romia ĩna saya sãñare āmoa yu. “¿No bajirojua yu sãñaja yure ti seyorā yirājida āmua?” yirā mejeti ĩna sãñaja quena. Jaje ti seyore gaye busabitiruja ĩnare. “¿No bajirojua yu joa quenoja ti seyorā yirājida āmua?” yimenati ĩna joa quenoja quena. Yure ti seyojaro yirona, perla wame cutirise, oro wame cutirise cuni busabitiruja ĩnare. Yure ti seyojaro yirona meje, saya buto waja cutirise ĩna sãñaja quena. ¹⁰ No romia quenarise yirā riti gājerā ĩna tiro riojo seyorā ñarā yirāji ĩna. Romia Diore tuorānuřā quenarise riti yirā ñari seyorā ñarā yirāji ĩna. ¹¹ Dios oca tuorona mua minijuaja romia busimenati ĩna tuo rujija quena. Riasori masure ĩna rūcubuoja quena. ¹² Mua minijuari wi āmuare romia ĩna riasore āmobeja yu. Mua minijuaja romia busimenati ĩna ñaja quena. Romia āmuare rotimenati rūcubuoja quena. ¹³ Ado bajiro baja. Cajero Adán ñayorare rujeosoyiju Dios. Ito bero ĩ manujo Evare rujeoyiju. ¹⁴ Adán meje ñayiju rāmú ĩ ruorisere tuorānuoro. ĩ manojouja ñayijo rāmure tuorānuoro. Rāmú ĩ ruorisere tuorānu cōri ñeñaro yiyijo iso. ¹⁵ Ito bajiri romia ĩna macu cutija ĩna tuoia bujatobitiroca yami Dios. Ito bajibojarocati sigū Jesucristore tuorānu jidicābeco gājerāre iso ti maija, Dios āmoro bajiro iso yija, ito yicōri ñeñarise iso ñemecutija isore masogū yiguūji Dios.

3

Dios oca riasori masa bajire gaye

¹ Ado yu muare gotiroti, riti ña. No Dios oca riaso āmorā ito bajiro ĩna yija quena ña. ² Sigū Dios oca riasori masu ĩ ña āmoja ñe seti macu ĩ ñaja quena. Sigūti ĩ manujo cuti, ñeñaro yire ñemecuti, queno tuoia gū ĩ ñaja quena. Ejarāre boca āmi tēbicu ĩ ñaja quena. Ito yicōri queno riaso masigū ĩ ñaja quena. ³ Idire queagu meje, gājerā rāca gāmeri tā āmogū meje, ito yicōri niyerure tuorānugū meje ĩ ñaja quena. Ado robojua ĩ bajija quena: Gājerāre queno yigu, oca queno masigū, ito yicōri niyerure tuo maibicu ĩ ñaja quena. ⁴ ĩ ñarāre queno goti masigū, ĩ rīa queno cadiroca ĩ yi masigū ñaja, ito yicōri ĩ rīa gājerāre ĩna rūcubuořā ĩ yija quena. ⁵ Sigū ĩ ñarāre ĩ tirānu masibeja, Diore rūcubuořā minijuarāre cuni tirānu masibicu yiguūji ĩ. ⁶ Gājerāre Dios oca riaso ñarocu mame Cristore tuorānuoro meje ĩ ñaja quena. Cristore tuorānuogureti mani cūjama, “Yu sigūti ña gājerā rētoro masigū”, yi tuoia gūji ĩocū. Ito bajiro ĩ yija ĩ tuoia bujatobitiroca yigu yiguūji Dios. Ito bajiro Satanás ĩ tuoia bujatobitiroca yiyiju Dios, “Dios rētoro ñasagu ña yu”, yi ĩ tuoia waja. ⁷ Dios oca riasori masure masa ĩna tuorānuare āmobeami Satanás. Ito bajiri gājerā Jesure tuorānumena cuni ĩna rūcubuořā ĩ ñaja quena. Ito bajiro bajigu ĩ ñaja gājerā busitu masimenaji ĩre.

Dios oca riasori masure ejabuarā masa bajire gaye

⁸ Dios oca riasori masure ejabuarā cuni ito bajiroti gājerā ĩna rūcubuořā ñaja quena. “Ado robojua yiana mani”, ĩna yiro bajiroti ĩna yirā ñaja quena. Idire quearā meje, niyerure tuo mairā meje ñaja quena. ⁹ Iti ramuju Cristo oca masa ĩna masibitire queno ĩna tuorānuja quena. Ito bajiro tuorānu cōri, “Dios āmoro bajiro mani yijare ĩ tiro riojo ñe seti mana ña mani”, ĩna yija quena. Ito bajiro bajirā ñacōri Dios oca riasori masure ejabuarā ĩna ñaja

quena. ¹⁰ Īnare mu beseroto riojua, “Āna ñama queno yirā. Ñe seti ma ĩnare”, mu yi ti masija quena. Queno ĩna yija ticōri, ĩnare besegu yiguja mu ĩja. ¹¹ Romia cuni Dios oca riasori masure ejabuarā gājerā rūcubworā ĩna ñaja quena. Ñeñarise ñemecutirā oca menimena, ĩdire queamena ĩna ñaja quena. Ito yicōri, “Ado bajirojua yiana mani”, ĩna yiro bajiroti ĩna yirā ñaja quena. ¹² Dios oca riasori masure ejabuarā sīgōreti ĩna manoyo cutija quena. ĩna rīa queno cadiroca ĩna yija quena. Ito yicōri ĩna ñarāre cuni queno ĩna goti masirā ĩna ñaja quena. ¹³ ĩna moarise queno ĩna yija gājerā rūcubworā yirāji. “Jesure tuorānūrā ña mani”, yirā ñari oca sēorā yirāji ĩna. Ito bajiri Jesucristore ĩna tuorānure gaye, gūimenati gājerāre gotirā yirāji ĩna.

Gājerā ĩna tuo masibiti gaye

¹⁴ “Yoari mejeti mu tu wacu yiguja yu”, yi tuoīacōri adi papera mure cōa yu. ¹⁵ Ito bajibojarocati coji mu tu yu ejabeja, Dios ñarāre ado bajiro mu yi goti masitoni adi papera mure cōa yu. Mani minijua Dios catitīñagūre rūcubworona minijua mani. Dios oca ñasarise rūcubworā ñari, “Riojo gotia Dios oca”, yirā ña mani. ¹⁶ Ñasarise ña Dios oca gājerā ĩna tuorānubitibojarocati mani tuorānūsotirise. Ī oca mani tuo masiroca yiñi Dios. Ado bajiro bajia:

Manire bajiro rujū caticōri adi sitaju wadiñi Cristo. Espiritu Santo ĩ rotiro bajiro riti yisotiyuju Cristo. Ito bajiri, “Ñeñaro ĩ yire ma ĩre”, masa ĩna yiroca yiñi Espiritu Santo. Angel mesa cuni ĩre ti rūcubwoyijarā. Co sita rūyabeto ĩ ocare riasoyijarā ĩna. Ito yicōri co sita rūyabeto ĩre tuorānuyijarā coriarā. Ito bajiro bajija bero ūmacāju ĩre boca āmijuju Dios. ĩtire mani tuo masiroca yiñi Dios.

4

Jesure tuorānū jidicāre gaye

¹ “Adi macārucōri ito jedi wari rumuri coriarā Jesucristore tuorānūrā ñabojarāti ĩre tuorānū jidicārā yirāji”, recoti manire gotiami Espiritu Santo. Ado bajiro ñaro yiroja: Cristore tuorānū jidicācōri rāmā ĩ ruorise riasorāre tuo sayarā yirāji ĩna. ² ĩnare riasori masa ado bajiro bajirā ñarā yirāji ĩna. “Ruorā ya mani”, yi masibojarāti ĩnare ruorā yirāji ĩna. “Ñeñaro yirā ña mani”, yi masibojarāti ĩtire tuoīacōri bojori bujamenaji ĩna. ³ Manoyo cutire gaye rēorā yirāji ĩna. Coji gaye bare rēorā yirāji ĩna. Ito bajibojarocati Jesure tuorānūrā mani baroti bare cūñi Dios. Dios oca ñasarise tuorānūcōri, “Queno ya Dios mu”, mani yijaro yiroca barere cūñi Dios. ⁴ Ado robojua bajia: Ñarocōti Dios ĩ rujeore quenarise ña. Ito bajiri, “Adijua ña bare. Adi ña bare meje”, yi rēobitiraja manire. Ado bajirojua mani yija quena: Bare bujacōri, “Queno ya Dios mu”, yiraja manire. ⁵ “Bare dise rūyabeto ña mani baroti”, yi gotia Dios oca tuti manire. Ito bajiri, mani baroto riojua “Queno ya Dios mu”, mani ĩre yija, “Baya quenarise ña”, yigu yiguñi Dios.

Queno Jesucristore moa ĩsire gaye

⁶ ĩti oca gājerā Jesucristore tuorānūrāre mu gotija, queno ĩre moa ĩsigū ñagū yiguja mu. Dios oca ñasarise mani tuorānūrisere mu riasoti jidicābeja buto busa Jesucristore tuorānū wacu yiguja mu. ⁷ Bucarā oca ĩna tuoīa rujeorere tuorānūbesa. Dios ĩ cūre meje ña ĩti. Ito bajiri waja ma. Diore queno cudi āmogū ĩ gayere riasotiya. ⁸ Mani moaja mani ya rujū sēoroca ya mani. Ito bajibojarocati Dios gaye mani riasotija rēto busaro quena ĩti. Ī gaye riasoticoi mani ĩre cudiya adi sita mani ñaroca, ito yicōri ūmacāju ĩ tu mani ñaroca cuni manire queno yigu yiguñi Dios. ⁹ Adi mure yu gotirise riti ña. Ito bajiri masa jeyaro ĩna tuorānuroti ña adi. ¹⁰ “Catitīñagū ñami Dios”, yicōri ĩre tuorānua mani. Masa jeyarore maso masigū ñami Cristo. No ĩre tuorānūrāre masogū yiguñi. Ito bajiri gājerā ĩna manire ūsiriore yi codebojarocati mani moaroti Dios ĩ cūre moaraja manire.

¹¹ Adi oca yu busirise masare riasocōri ĩnare cudi rotiya. ¹² Mu tu ñarā Jesure tuorānūrā ĩna queno yitoni ĩna tiro riojo quenarise riti yija. Quenarise riti busiya. Gājerāre ti mañā. Cristore queno tuorānūñā. Queno tuoīacōri quenarise riti yija. Ito bajiro mu yija ticōri, mamū mu ñabojarocati mure rūcubworā yirāji ĩna. ¹³ Yu ejaroto riojua masa ĩna tuoro riojo Dios oca tuti ti gotiya ĩnare. Ito yicōri ĩna oca sēoroca yiroca Dios oca riasoya masare. ¹⁴ Mu queno yi masiroca Dios ĩ mure yire ĩtire jidicābesa mu. Ito yu ñaroca ĩna ya āmo moa jeocōri, “Adi ña mu moaroti Dios ĩ cūre”, yicā Jesure tuorānūsoana. Ito bajiri mu masiroca Dios ĩ mure yire gaye yija mu.

¹⁵ Adi oca yu mure gotirise cadiroca tuorānūñā. Ito bajiro mu yija ticōri, “Dios ocare buto busa cadi masi wacu yami ĩ”, yirā yirāji ĩna mure. ¹⁶ Dise rūyabeto mu yiroto riojua queno tuoīacōri mu yisotija quena. Queno riasoroca queno tuoīañā. Dios ocare jidicābesa mu. Ito

bajiro mu yija mare masogū yiguŋi Dios. Ito yicōri mu riasorise tuorānūrāre cūni masogū yiguŋi Dios.

5

Jesure tuorānūrāre ūmatā űnare gaye

¹ Sīgū bucuḡu ñeñaro ī yibojarocati buto sēoro yicōri goti quenobesa. Ado bajiroḡua mu yija quena: Rācubuoire rāca ire goti quenoma. Mu jacure bajiro ire rācubuoiba. Mamarāre mu ocabaji mesa bajiroti tuoīama. ² Romia bucurāre mu jacore bajiro rācubuoiba. Ito yicōri mamarā romiare cūni mu ocabajio mesa bajiroti tuoīama. Quenarise riti tuoīacōri ĩnare rācubuoiba.

³ Manūju godagoanare rācubuoiba. ĩna bojoro bujaja gājerā Jesure tuorānūrā ĩnare ejabuaja quena. ⁴ Ito bajibojarocati sīgō manūju godagoro iso rāa ñaja, ito yicōri janerābatia ñaja cūni ĩna isore ejabuaja quenaro yiroja. Ito bajiro rotiyiju Dios. Mani jacusabatia manire ti maicōri ĩna masore waja ĩnare mani ejabuaja quena. Iti ña quenarise, ito yicōri Dios ī ti wanurise. ⁵ Manūju godagoro sīgōti iso ñaja ito yicōri isore ejabuarā manija gājerā Cristore tuorānūrā ejabuaja quena. Diore riti tuorānucōri ūmua, ñami cūni ĩre senigō yigōji iso. Ito bajiri gājerā Jesucristore tuorānūrā isore ejabuaja quena. ⁶ Manūju godagoro iso tuoīa wanu quenarise riti yigo ñajama, ejabuare ma isoōcōre. Catigo ñabojagoti godacāro bajiro bajiamo iso ñeñaro yigo ñari. ⁷ Adi yu mare rotirise mu tu ñarā Jesure tuorānūrāre gotiya. ĩna cudija ticōri, “Ñeñaro yama ĩna”, yu busitu masimenaji gājerā. ⁸ Sīgū ĩ ñarāre, ī jacusabatiare cūni ī ejabuabeja, “Diore tuorānugū ña yu”, yibojaguti ĩre tuorānu jidicāru ñami ĩocā. Gājerāma Diore tuorānumena ñabojarāti ĩna ñarāre ejabuarāji.

⁹ Sīgō manūju godagoro Dios oca riasori masure gājerā romia rāca iso ejabua āmoja sesenta rodori rēto busaro iso tujago ñaja quena. Sīgūti manūju cutigoro iso ñaja quena. ¹⁰ “Queno yigoro ñamo iso”, masa jeyaro ĩna yigo ñaja quena. Iso rāre queno masogoro ñaja quena. Iso ya wi ejarāre queno boca āmigoiso iso ñaja quena. Gājerā Jesure tuorānūrāre wanure rāca iso ejabuagoro ñaja, bojoro bujarāre cūni ejabua, ito yicōri quenarise riti iso yigo ñaja quena.

¹¹ Dios oca riasori masure ejabuarona mamarā busa manūju godagoanare cūbesa. Mamarā busa mu cūja mucana tūdi buto manūju cuti āmoboacōri ĩna moaroti Cristo ī cūre jidicā āmorā yirāji gajea. ¹² Ito bajiro ĩna yija, “Dios oca riasori masure ejabua āmosotia gua”, ĩna yiro bajiro yi tiomenaji ĩna. ¹³ Gaje mare gotia yu. Jājarā masa tu ña ucucōri teri jairā ñarā yirāji ĩna. Iti riti meje yirā ñarāji ĩnaōna. Oca socari masa cūni ñarā yirāji. Gājerā ĩna busija tuocōri, rocati busi buto āmorā yirāji ĩna. ĩna busirotoni meje busirā yirāji. ¹⁴ Ito bajiri mamarā busa manūju godagoana mucana ĩna tūdi manūju cutire āmoa yu. Rāa cuti, ĩna ya wi tirānu, ĩna yi ñare āmoa yu. Ito bajiro ĩna bajija ticōri, gājerā manire busitu āmorā, “Ñeñaro yirā ñama Cristore tuorānūrā”, yi masimenaji ĩna manire. ¹⁵ Coriarā manūju godagoana Cristore tuorānu jidicācōri Satanāsjuare tuorānu suyama ĩna.

¹⁶ Jesure tuorānūrā ĩna ñarā wato manūju godagoro iso ñaja ĩna isore ejabuaja quena. Gājerā Jesure tuorānūrā ejabuamenaji isore iso ñarā ĩna ejabuacājare. Manūju godagoana bojoro bujarāre ito yicōri ñimujua ĩnare ejabuagu manija ticōri, ĩnare ejabuarā yirāji gājerā Jesure tuorānūrā.

¹⁷ Ito mu tu ñarā bucurā queno Jesure masirāre buto rācubuoja quena. Ito yicōri gājerā Jesure masirāre ĩna queno ūmatā ñaja ticōri, ĩnare rācubuoicōri waja yija quena. ¹⁸ Ado bajiro gotia Dios oca tuti: “Ta wecu trigo ajere ī wi cūda codaja, ‘Bajaro ī cūni jabeto’, yirona ī ya rise sia biabesa”, yi gotia Dios oca tuti. Gaje ado bajiro gotia: “No moarāti waja bujarā yirāji”, yi gotia Dios oca tuti.

¹⁹ Jesure tuorānūrāre ūmatā ñagūre gāji ī oca menija, gājerā ī baba mesa ī robo yirā manija cudibeja quena. ²⁰ No ñeñaro yisotirāreama gājerā ĩna tiro riojo oca sēoro yicōri jidicā rotiya. Ito bajiro mu yija ti güicōri ñeñaro yimenaji ĩna cūni. ²¹ Ado bajiro mare rotia yu Dios ī tiro riojo, Jesucristo, ito yicōri āngel mesa cūni ī beseana rāca: Sīgū mu baba ī ñabojarocati ñeñaro ī yija oca sēoro yicōri ĩre jidicā rotiya. Masa jeyarore coro bajiro mu rācubuoja quena. ²² Dios oca riaso ñarocu mu cū āmoja usiriobicuti mu beseja quena. Queno yigu ī ñaja tirocu usiriobesa mu maji. Ñeñaro yigure mu cūjama, “Ñeñaro ī yigu ñabojarocati ĩre cūami Timoteo”, yirā yirāji masa mare. Ñeñaro yibe yirocu, ñeñaro yirā rāca baba catibesa mu. Gājerā ñeñaro ĩna yibojarocati coca ĩna rāca ñeñaro yibeja mu.

²³ Tuoya Timoteo mu. “Coji meje jeraga juni cōsotigu mu ñajama ide goti idibesa. Uyé ide cūni jabeto idiya”, ya yu mare.

²⁴ Coriarā ñeñaro ĩna yirise recoti tia mani. “Masa ĩna ñeñaro yirise waja Dios ī seniri ramu ĩnare waja senigū yiguŋi”, yi tuoīa mani. Gājerāreama ñeñaro yirā ĩna ñabojarocati recoti ĩna ñeñaro yija tibeja mani. Ito bajibojarocati masa ĩna ñeñaro yirise waja Dios ī seniri ramu,

“Ñeñaro yirã ñama ña”, yi ti masirã yirãji masa jeyaro. ²⁵ Coriarã queno ña yirise recoti tia mani. Gãjerãma queno ña yibojarocati recoti tibea mani. Ito bajibojarocati masare Dios ñ waja yiri rumu “Queno yirã ñama ña”, yi masirã yirãji masa jeyaro.

6

Gãjerãre moa ñsirã bajire gaye

¹ Jesucristore tuorũnarã gãjerãre moa ñsirã ñari ña ujarãre ña rucubuoja quena. Ña ujarãre rucubuoja ticõri, “Ñeñaro yirã ñama Jesure tuorũnarã. Ñe waja ma ña riasorise”, yirã yirãji gãjerã. ² Cristore tuorũnarãre moa ñsirã ñari ña ujarãre ña rucubuoja quena. “Mani robo bajirãti ñama ña. Ñare rucubuoja mani”, yibitirãja ñare. Ado bajirojua ña yija quena. Ña uju Jesucristore ñ tuorũnãgũ ñajare buto busa ña moa ñsija quena. Jesucristore tuorũnãgũ ñajare ñ ñarã bajiroti ña ñe ti maija quena. Ito bajiri buto busa ña ñe moa ñsija quena. Adi ito mo tu ñarãre mu riasore ñmoa yu.

Niyerure tuo maire gaye

Ado bajiro ñare mu cadi rotire ñmoa yu: ³ Mani Uju Jesucristo oca ñasarise iti ña mani tuorũnãotirise. Mu tu gãna coriarã manire bajiro tuoñarã meje ñama ña. Ricati tuoñama. Ito bajiro tuoñacõri ruore gaye oca riasoama. ⁴ Ito bajiro riasorã ñama, “Gãjerã rãtoro masirã ña gua”, yirã. Ito bajibojarocati masirã meje ñama ña. Cristo gaye gãmeri busi tobua ñmosotiamã. Gãmeri oca josama ña. Ito bajiro ña yija, masa ricati tuoñaroca yama. Masa ña gãmeri ti tudiroca yama. Masa ña gãmeri busituroca yama. Ito yicõri masa ña gãmeri tuo rucububotiroca yama. ⁵ Ñeñarise tuoñarã ñari masa rãca oca josasotiamã ñaõna. Oca riojo ñasarise masirã meje ñama ña. “Dios oca masare mani riasoja niyeru jairo bujarã yirãji mani”, yi tuoñama ña. Ito bajiro yirã rãca baba cutibesa. ⁶ Jesucristore mani tuorũnarise buto ñasarise ña. Jairo rucomena ñabojarãti Cristore tuorũnãcõri mani wanãja gajeoni jairã robo bajiro baja mani. ⁷ Adi sita mani rujeaja ñe rucomenati rujeayija mani. Ito bajiroti mani godaja cuni ñe ña wamenaji mani. ⁸ Mani bare cuti, yutabuju cuti, mani yijama, “Ñejuã ruyabea”, yi tuoñacõã mani. Ito bajiri wanã quena mani. ⁹ Gãjerãma niyeru jairo bujarona ñeñarise ñemecati masibeama ña. “Ado bajiro ñeñaro yicuja yu”, yi tuoñabitibojarãti ñeñaro yisuoama ña. Ito bajiri ñeñaro yisuoõcõri rocati quenabiti yi aya ñmorãji ña. Ñeñaro yi uyacõri itire jidicã masimenaji ña. Ito bajiri jeame ujuorojã warã yirãji. ¹⁰ Niyerure riti tuo mairã ñeñaro yirã yirãji itire bujarona. Niyerure mani tuo maija dise ruyabeto ñeñarise yisuoarã yirãji mani. Coriarã ñama buto niyerure buja ñmocõri Jesucristore tuorũnã jidicãrã. Ito bajiro yicõri ña ya usijã bojori bujama ña.

Timoteore Pablo ñ rotire gaye

¹¹ Ito bajiro ña yibojarocati ña robo yibesa muãma. Dios yagu ñari quenarise riti buto yiya mu. Diore riti rucubuoja. Ito yicõri ñe riti tuorũnãña. Gãjerãre tuo maiña. Tuoña bujatobitibojaguti Cristore tuorũnã jidicãbesa. Gãjerãre rucubuoõcõri ñare quenoti yiya. ¹² Ñeñaro yijaro yiroca, rãmã ña ñe mure usirioro yibojarocati Jesucristore tuorũnãcõri quenarise riti yiya. Ito bajiro mu yija ticõri, mure waja yigu mu catifñaroca yigu yiguji Dios. Dios oca riasori masu mure ñ cõri rumu gua jãjarã tuoro riojo, “Cristore tuorũnãgũ ñari quenarise riti yi ñmoa yu”, yicu mu. ¹³ Dios dise ruyabeto iti ñasotiroca yigu mure yu rotirise tuoguñi ñ. Jesucristo mani Uju cuni yu mure rotirise tuoguñi ñ. Ñ ñami guibicati Poncio Pilato wame cutigu ñ tiro riojo, “Dios ñ cõarã ña yu”, yigu. Ado bajiro mure rotira yu: ¹⁴ Yis mure rotirise ñarocõti cadiya. “Ñeñaro yami ñ”, gãjerã mure yi busitube yiroca, yu rotirise ñarocõti cadiya. Ito bajiro yisotiba mani Uju Jesucristo ñ ejarocõjuti. ¹⁵ Dios ñ ñmori rumuti tãdi ejaigu yiguji Cristo. Rãtoro rucubuoõgn ñami Dios. Rãtoro masigũ ñami ñ. Ñimũ gãji ñ robo bajigu uju mami. Ñimũ gãji ñ robo rucubuoõra mami. ¹⁶ ñ sigũti ñami godabica. Buto busurojã masa ña ejabetoju ñasotiamã ñ. Sigũ ñe tigorũ maquñi. Ito yicõri sigũ ñe tibicu yiguji. ñe rucubuoñarãja manire. Ñimũ gãji ñ robo rãtoro masigũ mami. Ito bajiro riti bajitñajarõ ijariju cuni.

¹⁷ Adi sita gaye gajeoni jairo rucorãre, “ ‘Gãjerã rãtoro ñasarã ña gua’, yibesa”, yiya ñare. “ ‘Jaje niyeru ruoca yu. Ito bajiri ñe rãbetõja yure’, yi tuoñabesa muã”, yiya ñare. Yoari mejeti jidirise ña niyeru. Dios catifñagũre tuorũnãcõri, “Ñti ñami manire tirãnãgũ”, yiruja ñare. Mani queno wanã quena ñatoni manire queno yigu yiguji Dios. ¹⁸ Gajeoni jairãre, “Quenarisejua yiya muã”, yi rotiya ñare. Gajeoni buja ñmore rãto busaro quenarise ña queno yire. Ña ya niyerure tuo maimenati gãjerãre ejabuarona ña ñsija quena. ¹⁹ Ito bajiro ña yija ticõri, masare Dios ñ waja yiri rumu ñare queno waja yigu yiguji ñ. Jogabiti gaye ñare ñsigũ yiguji ñ. Ito yicõri ña catifñaroca yigu yiguji.

Timoteore Pablo ĩ rotisusare gaye

²⁰ Tuoŷa Timoteo ma. ĩ oca riasojaro yiroca, mare cūñi Dios. Ito bajiri ĩ mare cūru ñari queno riasoya. Rocati masa ĩna tuoĭa rujeorere tuorūnubesa. Ñe waja ma iti. Ito bajiro busirā rāca gāmeri tuoĭa busibesa. “Buto masire gaye riasorā ya gua”, yirāre tuorūnubesa. Ito bajiro yibojarāti oca ñasarise meje riasoama ĩna. ²¹ “Buto masire gaye riasoa gua”, yirāre tuo sūyama coriarā. Ito bajiri ĩnajuare tuo sūyacōri Diore tuorūnubeama ĩna. Dios queno yisotijaro mare. Itocō ña.

Segunda carta de San Pablo a Timoteo

Timoteore Pablo i papera cõare gaye

1-2 Ñati yu baba Timoteo mu. “Quenajaro”, ya yu mure. Yu ña Pablo. Adi papera mure cõa yu. Jesucristo i cõru ña yu. Jane mejeju ado bajiro yicâyiju Dios: “No yu Macare tuorânurâreti ña catitñaroca yigu yiguja yu”, yicâyiju Dios. Iti oca yu riaso ucutoni yure cõni Dios, i ãmoro bajiroti. Tuoya Timoteo mu. Mure buto tuo maicõri yu macare bajiro mure tuoia yu. Mani Jacu Diore mure yari seni ñisotia yu. “I queno ñaroca yiya. Ñe ti maiña ito yicõri ñe oca manoti i ñaroca yiya”, yu Diore seni ñisotia yu mure yari. Ito bajiroti mani Uju Jesucristore cani seni ñisotia yu mure yari.

Masare Cristo oca goti batoya, Pablo i yire gaye

3 Yu ñicusatia Diore ña rucubõoado bajiroti rucubõoa yu cani. “Yu ñeñaro yirisere coe jeõni Dios”, yu tuoicõri i tiro riojo queno ñe moa ñia yu. Umu ñami cani mure yari Diore seni ñisotia yu. Mure tuoia bujacõri, “Queno ya Dios mu”, yisotia yu ñe. 4 Yu wacati rumu mu oticati masia yu. Mucana mure buto ti ãmoa yu queno wanu quenaroca. 5 “Cristore queno tuorânugũ ñami Timoteo”, yu tuoia yu mure. Mu ñico Loida, mu jaco Eunice cani mu riojuaju ito bajiro Cristore tuorânuyijarã ña. “Mu cani ito bajiroti Cristore tuorânugũ ñagũja mu”, yu tuoia yu mure.

6 Ito bajiri yu ãmo mure moa jeocati rumu mucana mu tãdi tuoia ãmoa yu. Ito bajiro yu yicati rumu Diore mu moa ñi masiroca yini i. Itire acobojabesa. Wanucõri queno busa ñe mu moa ñire ãmoa yu. 7 Mani ya usiju mani tuoia gũ ñatoni meje yini Dios. Ado bajiroja yini. Mani tuoia oca seõroca yini i. Espiritu Santo manire queo sacõri queno mani ñe moa ñiroca yini. Gãjerãre mani ti mairoca yini. Ito yicõri ñeñarise mani ñemecuti masiroca yini Dios. 8 Mani Uju Jesucristore busi ejabuagu, “Masare masogũ ñami i. Ñe riti tuorãna yu”, yibojobesa. Masare Jesucristo oca yu riasore waja ado tubia ecoru ña yu. Ito bajiro yu bajibojarocati, “Pablo ñami yu baba”, yibojobesa. “Pablo i tuoia bujatobituro bajiro bujagu yiguja yu cani”, yu tuoia güibesa. Jesucristo oca quenarise mu masare riasobojarocati co rumu mu tuoia bujatobituroca yirã yirãji gãjerã. Ito bajiro ña yibojarocati mu ñemecuti masitoni mure ejabuagu yiguji Dios. 9 Manire masoñi Dios. I ñarã queno yirã mani ñatoni manire beseñi i. Mani queno yirise ticõri meje manire masoñi Dios. Ñeñaro yirã mani ñabojarocati manire masoñi i. Manire ti maicõri i ãmoro bajiroti manire masoñi Dios. Adi macãrucãro i rujeoroto riojua manire masi yucõri manire ti maiyiju Dios. “Yu Macu Jesucristo i godarotina suoriti ñare masogũ yiguja yu”, yu tuoia yucâyiju Dios. 10 Adi sitaju wadicõri mani Uju Jesucristo i manire goda ñirena suoriti, “Manire ti maiami Dios”, yu tuoia masia mani, adi rumuri ña. Godabojaguti tãdi Jesucristo catijare, ña mani godarotire güibesa mani. “Cristo oca quenarise mani tuorãña mani catitñaroca yigu yiguji”, mani yu masiroca yami i.

11 Iti oca yu masare goti rãtobutoni yure cõni Dios. Judio masare meje Cristo oca yu riaso ucutoni yure cõni i. 12 Iti oca yu riasore waja ado tuoia bujatobiti ña yu. Yu tuorãnugãre ñe queno masia yu. Ito bajiri ado tubia ecobojaguti bojori bujabea yu. Yure tirãnugũ yiguji i. Ito yicõri, “Masa ñeñaro yirise waja i seniri rumu yure masogũ yiguji”, yu masia yu.

13 Oca ñarise muare riasocu yu. Iti oca yu muare riasocati riaso jidicãbesa masare. Jesucristore tuorãnu jidicãbesa. Jesucristo ñarã ñacõri ñe tuo mairuja manire. Ito bajiroti gãjerã ñe tuorãnurãre cani mani maija quena. 14 I oca masare mu riasotoni mure cõni Dios. Mani ya usiju quedi sãjaru Espiritu Santo i ejabuarisena masare riasoya.

15 “Asia sita gãna Pablora jidicãni ña”, yu masigãja mu. ña wato ñama yure jidicãrã Figelo ito yicõri Hermógenes. 16 Yure ña jidicãbojarocati Onesiforo wame cutiguama yure ejabuquã. Ito yicõri yu oca seõroca yiqui i. Tubiara wi yu ñabojarocati “Ñe ti ãmoba yu”, yibitiqui yure. Ito bajiri ñe mani Uju Dios queno i yire ãmoa yu. I ñarãre cani ito bajiroti Dios i yire ãmoa yu. 17 Ado Roma wame cutiri cuto ejacõri yure bujarocu ãma jidicãbisã i. 18 “Ado Efesoju Pablo i ñaroca queno ejabuquã Onesiforo”, yu masigãja mu. Yure i queno yire waja ñe queno yijaro mani Uju. Masa ña ñeñaro yirise waja i seniri rumu ñe ti maijaro Dios.

2

Ñemecutiya Timoteo mu, Pablo i yire gaye

¹ Tuoya yu macu Timoteo mu. Manire ti maicōri ī nārā mani nāroca yiñi Jesucristo. Ito bajiri itire tuoīacōri oca sēoña mu. ² Jājarā masare oca yu riasoroca tuogocacu nācu mu. Ito bajiri yu mare riasogocati Jesure masirāre riasoya, gājerāre īna riaso masitoni. Ito bajiro mu yija gājerāre Cristo oca nāsarisie riasorā yirāji īna cuni.

³ Jesucristore queno tuorānugū nā mu. Ito bajiri tuoīa bujatobitibojaguti surara masu bajiro nēmecutiya mu. ⁴ Īna uju rotirise riti tuorānurāji surara. Gājerā īna yisotiriseama tuorānumenaji īna. Īna uju rotirise riti cudi āmorāji īna. ⁵ Ito bajiroti no ajere gaye rētocū āmogū, ajere ujarā īna rotiro bajiro ī cudiya quena. Itire ī cudibeja ī ajere waja bujabiquūji ī. ⁶ Ito bajiroti no weseca moagū ī moare waja cajero iti wese rica bujagu yiguūji ī. Gājerā rijoju bujasuogū yiguūji ī. Ito bajiroti bajija quena. ⁷ Iti oca mare yu gotirise queno tuoīāna. Itire mu queno tuoīaja mu tuoīa masiroca yigu yiguūji mani Ūju.

⁸ Jesucristo ī nare gaye tuoīate mu. Ūju nayarū David wame cutigu janerābatia janami nāyiju ī. Īre īna sīabojarocati ī tūdi catiroca yiyiju Dios. Iti nā oca quenarise. Ito yicōri iti nā masare yu oca goti rēto bure. ⁹ Iti oca masare yu riasore waja ado tubiara wiju tuoīa bujatobiti nā yu. Nēnaro yigure bajiro come mana yure siacā īna. Come mana yure īna siabojarocati Dios ocareama camota masimenaji īna. ¹⁰ Ito bajiri ado robojua baja. Dise ruyabeto yu tuoīa bujatobitiroca īna yibojarocati nēmecutigu yiguja yu. Dios ī beseana Jesucristore īna tuorānure āmoa yu. Īre īna tuorānuja nare masogū yiguūji. Ito bajiri ī rāca ūmacāju catitīnārā yirāji īna. Itire tuoīacōri yu tuoīa bujatobitiroca masa īna yibojarocati itire nēmecutigu yiguja yu.

¹¹ Oca riojo nāsarisie ado bajiro gotia:

Cristore tuorānurā nari mani godaja ī rāca catitīnārā yirāji mani.

¹² Tuoīa bujatobitibojarāti mani nēmecutija, co rumu ī rāca rotirā yirāji mani cuni. “Masibea yu Jesure”, mani yija co rumu, “Masibea yu mare”, yigu yiguūji ī cuni manire.

¹³ “Ado bajiro yiana mani”, mani yiro robo yi jeobitibojarocati ūjama, “Ado robo yicuja yu”, ī yiado bajiroti yi jeogu yiguūji. Riojo gotisitigu nari ruore oca goti masibeami ī.

Queno Diore moa īsiña, Pablo ūyire gaye

¹⁴ Mare yu gotirise ito gāna mucana tūdi īna tuoīaroca yiya. Ado bajiro nare mu gotire āmoa yu: “Biyaro mua oca josarisie jidicātoni yure cūñi Dios. Ito bajiri nāsabitire mua tuoīa jidicāja quena. Nāsabiti mua tuoīa busija, nē waja ma iti. Ito bajiro mua busija tuocōri, tuo wisarā yirāji muare tuo coderā cuni”, yiya ito gānare. ¹⁵ Dios ī mare ti wanutoni yiro robo queno Īre moa īsiña Timoteo mu. Ito bajiro mu yija ticōri, queno mare wanugū yiguūji Dios. Ī ocare queno riasotiya, masare queno mu goti rēto bu masitoni. “Diore queno moa īsia yu”, mu yi masija ī tiro riojo bojobicu yiguja mu. ¹⁶ Adi sita gaye riti tuoīacōri ruore oca riasorā rāca tuoīa busibesa. Ito bajiro masare riasocōri bato busa īna nēnaro yi waroca yirā yirāji īna. ¹⁷ Ruore oca riasorā īna ruorise camī jogare robo bajiro baja. Īna ruorise camī joga waro bajiro baji waju iti. Gājerāre īna tuoīa wisaroca ya iti. Jārā ruore oca riasorā ado bajiro wame cutirā nāma, Himeneo, ito yicōri Fileto. ¹⁸ Oca riojo nāsarisie jidicācōri ruore ocajua riasoama īna. “Godarāre mucana tūdi catiroca Dios ī yiri rumu rētaoaju”, yi riasoama īna. Ito bajiro īna riasoja tuocōri, coriarā Jesucristore tuorānurā tuoīa wisama īna. ¹⁹ Ito bajiro īna riasobojarocati Dios ocama nēñabetoja iti. Ī oca ito bajiro nātīnaro yiroja. Ī oca ado bajiro gotia: “Ī nārāre ti masiami mani Ūju”, yi gotia Dios oca. Gaje ado bajiro gotia iti: “No, Jesucristore tuorānurā nā gua’, yirā, īna nēnaro yirisere jidicāja quena”, yi gotia Dios oca.

²⁰ Queno tuoya, goti masiore ocana mare gotigu ya yu. Wi jajo wiju somotōrori jaje nāro yiroja. Quenari tōrori nāro yiroja. Oro wame cutirisena ito yicōri plata wame cutirisena īna menire nāro yiroja iti somotōrori. Somotōrori gaje bato quenarise meje nāro yiroja. Yucuna, ririna īna menire nāroja gaje. Iti wi uju nāsari masa īna eja ja ticōri, somotōrori quenarisena bare jeogu yiguūji nare. Iti tōrorire wanugū queno codegu yiguūji ī. Gaje somotōrorireama quenāsabitire co rumu ruyabeto bare jeo bagu yiguūji. ²¹ No nāsarisie Diore moa īsi āmogū nārocōti nēnaro ī yirise jidicāja quena. Nēnarisie jidicācōri Diore riti ī rācabuoja quena. No ito bajiro yiguti quenarise Diore moa īsigū nā yucāgū yiguūji.

²² Mamū nābojaguti gājerā mamarā īna nēnaro yi ayarisere ti cūbesa muāma. Quenarisie jua riti yisotiya mu. Diore riti tuorānu nāsotiya. Gājerāre ti maicōri queno nē oca manoti, nāña mu. Īna nēnaro yirise jidicānjua Cristore riti tuorānurā rācajua baba cutiya. ²³ Nēnaro tuoīa busirā rāca baba cutibesa. Īna tuoīa busirise rocati gaye nācōri nē waja ma. “Masa īna oca josaroca yama īna”, yi masigūja mu nare. Mare īna senīa josobojarocati nare tuorānubesa. ²⁴ No mani Ūjare moa īsi āmogūti oca josagu meje ī nāja quena. Ado robojua ī bajija quena: Masa jeyarore queno yigu nāja quena. Queno riasogu nāja quena. Īre bajiro īna tuoīabitibojarocati usiroro nare yi codebicu ī nāja quena. ²⁵ Dios oca ti tudirāre quenoti

Ī goti quenoja quena. Ito bajiro ĩnare Ī gotija ĩna ĩneńaro yirise jidicāroca yigu yiguĵi Dios gajea. Ito bajiri Dios oca ĩnasarise tuorā yirāji gajea. ²⁶ Oca ĩnasarise tuorānucōri quenarisere tuoĩarā yirāji ĩna. ĩna ĩneńaro yirisejuare jidicācōri rāmúa ujure rētocūrā yirāji ĩna. Rāmúa ujure cudigoana ĩbajarāti ĩre rētocūrā yirāji.

3

Adi macārucāro iti jedi wariju gaye

¹ “Adi macārucāro iti jedi wariju buto josari rumari ĩaro yiroja”, mu yi masire āmoa yu. ² Ado bajiro bajiro yiroja. ĩna ya rujure maicōri ĩna ya gajeonire cuni tuo mairā ĩarā yirāji adi sita gāna. Ito bajiroti ĩna ya niyerure cuni tuo mairā yirāji. “Gājerā rētoro ĩasarā ĩa gua. ĩejua ruayabea guare”, yi tuoĩarā yirāji masa. Gājerāre busiturā yirāji. ĩna jacusabatiare cudimena yirāji. ĩnare queno gājerā yibojarocati, “Queno ya mua”, yimenaji ĩna. ĩneńaro yirā ĩari Dios ocare cuni rūcubuomena yirāji ĩna. ³ Gājerāre ti malbiticōri ĩnare ĩneńaro yirā yirāji ĩna. Gāmeri ti tudirā yirāji. Oca ruo gotiri masa ĩarā yirāji ĩna. ĩna ĩneńaro yi āmorise ĩemecutimenaji. Gājerāre ĩneńaro yi coderā yirāji. Queno yirāre ti tudirā yirāji. ⁴ “Mu babaguti ĩagū yiguja yu”, yi ruocōri, oca menirā yirāji ĩna. ĩna āmoro bajiroti ĩneńaro yirā yirāji ĩna. “Gājerā rētoro ĩasarāguti ĩa gua”, yirā yirāji ĩna. Dios ĩ āmorisejua yiro ōno yirā ĩna yi āmorisejua yirā yirāji ĩna. ⁵ “Dios ocare rūcubuorā ĩa gua”, yirā yirāji ĩna. Ito bajibojarocati, “Dios sīgūti ĩami rētoro masigā”, yi rūcubuomenaji ĩna.

Ito bajiro yirā rāca baba cutibesa. ⁶ Romia queno tuoĩamenare, “Dios oca mware goti rētobuana gua”, yama ĩna coriarā. “Bujato baja ĩneńaro yirā romia ĩa gua”, yibojarāti ĩneńaro ĩna yirise jidicā masimena romiare āmarā yirāji ruori masa. Ito bajiro bajirā romiare ruorona āmarā yirāji ĩna. ⁷ Dise ruayabeto gājerā ĩna riasobojarisere tuorānu āmoama romia ĩaōna. Ito bajiro yicōri Dios oca ĩnasarise tuo masibeama ĩna. ⁸ Jane mejeju Janes wame cutigu ito yicōri Jambres wame cutigu cuni Moisés ĩayorure ti tudicōri ĩre cudā āmobisjarā ĩna. Ito bajiro bajirā ĩama ruori masa. Dios oca riojo ĩnasarise ti tudiamā ĩna. ĩneńarise riti tuoĩama ĩna. “Diore tuorānurā ĩa gua”, yibojarāti ĩre tuorānurā meje ĩama ĩna. ⁹ Ito bajiro ĩna bajijare, “Rocati ruore oca riasoama ĩna”, yi masirāji masa jeyaro. Jane mejeju Janes ito yicōri Jambres cuni ĩna ruore ti masiado bajiroti adi rumari ruorāre cuni ti masirā yirāji masa.

Timoteore Pablo ĩ rotire gaye

¹⁰ ĩna robo bajigu meje ĩa Timoteo muāma. Masare yu riasorise gaye queno masia mu. “Īto bajiro ĩnasotigu ĩami Pablo”, yure yi masia mu. “Jesucristore tuorānugū ĩari ĩ āmorise riti yi āmoami Pablo”, yi masigūja mu yure. “Masare usirioro yigu meje, ĩnare ti maigū ĩami Pablo”, yure yiguja mu. “Tuoĩa bujatobitibojaguti Dios oca masare riaso jidicābisĩ Pablo”, yure yi masigūja mu. ¹¹ Cristo oca yu riasojare masa ĩna yure usirioro yi codeja ticu mu. Yu tuoĩa bujatobitija ticu mu. Antioquia, Iconio ito yicōri Listra wame cutiri cutoju cuni yure rētare ĩnarocōti masigūja mu. Iti cutoriju yu tuoĩa bujatobitiroca masa ĩna yure yire masigūja mu. Ito bajiro ĩna yibojarocati mani Uju yure codeņi ĩ. ¹² No Jesucristore tuorānurā queno yi āmorāre usirioro yi coderā yirāji gājerā. ¹³ ĩneńaro yirā ito yicōri ruo jairā cuni buto busa ĩneńaro yi warā yirāji. Ruore oca gotisotirā yirāji. Gājerā cuni ito bajiroti ruorā yirāji ĩna ruorā ĩajare.

¹⁴ ĩna bajiro yibesa muāma. Dios oca mu riasotire tuorānu jidicābesa. “Yure riasogoana oca riojo ĩnasarise riasocā ĩna”, yi masigūja mu. ¹⁵ Dios oca tutire macuacā ĩagūju riasotisuojija mu. Dios oca riasotigu ĩari, “No Jesucristore tuorānugūti, ĩre masogū yiguĵi Dios”, yi masigūja mu. ¹⁶ Dios oca tuti ucagoana ĩna tuoĩa rujeore meje ucayijarā ĩna. ĩna tuoĩariseju Dios ĩ gotire riti ucayijarā. ĩ oca tuti ĩa mani riasotiroti. Itire riasoticōri oca riojo ĩnasarise masia mani. Itire riasoticōri, “ĩneńaro yigu ĩa yu cuni”, yi masia mani. “Yu ĩneńaro yirise jidicācōri, queno ĩagū yiguja yu”, yi masia mani. ĩ ocare riasoticōri Dios ĩ āmorise quenarise moa masia mani. ¹⁷ “Ado bajiro Diore mani moa ĩsija quena”, mani yi masire āmoami Dios. Gājerāre quenarise yirona mani ĩa yucāre āmoami Dios. Ito bajiri ĩ āmorise mani yi masitoni ĩ oca tuti manire cūfi ĩ.

4

Timoteore Pablo rotisusare gaye

¹ Tuoya Timoteo mu. Yu mure rotirise tuoami Dios. Cristo masa jeyarore ti beserocu cuni yu mure rotirise tuoami. Jesucristo ĩ tudā ejari rumu catirāre, godanare cuni ti besegu yiguĵi. ĩneńaro yigoana tuoĩa bujatomena yirāji ĩna. Jesucristore tuorānurāma ĩ rotiroju ĩ rāca ĩatĩnarā yirāji mani. Itire masigūja mu. Ito bajiri ado bajiro mure rotia yu. ² Dios

oca masare riaso ñasotiya. Masa ña tuo ãmoja, ña tuo ãmobeja cuni oca ñasarise riaso jidicãbesa. “Ñeñaro yirã ña gua”, masa ña yi masitoni ñare riasoya. Ña ñeñaro yirise jidicã ãmomenare goti quenoña. Dios oca masare riasocõri ña oca sãoroca yiya. Coji Dios ocare ña tuo masibitibojarocati ñare junisinibesa mu. Æsiribicuti ñare Dios oca riasosotiya. ³ Oca riojo ñasarisere ti tecõri itire masa ña tuo ãmobiti rumu ejaro yiroja co rumu. Ña ñeñaro yi ãmorise riti yirã yirãji ña. Ito bajiri ña tuo ãmorise riasorãre riti ãmarã yirãji ña. Oca riojo ñasarise riasorãjuare tuo ãmomenaji ña. ⁴ Oca riojo ñasarisere jidicãrã yirãji ña. Masa ña tuo gotirisereama tuorãnurã yirãji ña. ⁵ Muãma ña bajiro yibeja mu. Queno tuoïarise jidicãbesa mu. Tuoïa bujatobitibojaguti ñemecutiya mu. Cristo oca tuoïamenare riaso ucuya mu. Mu moaroti Dios i cõre ñaro bajiroti yiya.

⁶ Yure ña sãaroti rumu jabeto ruya. Jesucristo oca masare yu riasojare yure sãarã yirãji ña. Ito bajiri yoari mejeti Dios tu wacu yiguja yu. ⁷ “Ña ñeñaro yirise jidicãjaro”, yiroca Cristo oca masare riaso josacu yu. Jeyaro moare yure Dios i cõre ito bajiroti jeoa yu. Diore tuorãnu jidicãbiticu yu. ⁸ Ito bajiri ñe yu tuorãnu jidicãbitire waja yure queno yigu yiguji Dios. Queno yigoana ña jesari bedo bujagu yiguja yu cuni. Masare i ti beseri rumu yure waja yigu yiguji i. Masa ña yigoado bajiroti ñare ti besegu yiguji i. Yure riti meje waja yigu yiguji i. No Jesucristore tuo maicõri i tadi ejari rumu bocatirãre cuni queno waja yigu yiguji i.

Timoteore Pablo i ti ãmore gaye

⁹ Tuoya Timoteo mu. Yoari mejeti yure tigu waya. Sejabesa mu. ¹⁰ Yu rãca ñabojagu yure jidicãquĩ Demas wame cutigu. Dios gaye rãtoro adi sita gayejuare ãmoquĩ i. Ito bajiri yure jidicãcõri Tesalónica wame cutiri cutoju waquĩ i. Galicia sita gãnare Dios oca riasogu waquĩ Crescenteama. Ito yicõri Dalmacia sita gãnare riasogu waquĩ Tito cuni. ¹¹ Lucas sigũti ñami yu rãca. Ito bajiri Marcosre ãmacõri ñe ãmi waya. Yu moarise yure ejabuã masiguji i. ¹² Tiquico wame cutigure Efeso cutoju cõacu yu. ¹³ Wadigu joe sãñado yu yaro ãmi wadiba. Troas gagu Carpo wame cutigu ya wiju cõcu yu. ãmi wadi isifa yure. Papera tutiri cuni ãmi wadiba. Yu ya papera tunare mu ãmi wadisacõre ãmoa yu.

¹⁴ Alejandro come moari masu jaje ñeñaro yiquĩ yure. Yure i ñeñaro yiadocõti ñe waja senigũ yiguji mani Uju. ¹⁵ Roya ñe, mare cuni ñeñaro yigu yiguji gajea. Oca ñasarise mani riasorisere bato ti teami i.

¹⁶ Oca quenori masa tiro riojo, “Ñe seti ma yure”, yu yi ejasucati rumu sigũ yure busi ejabuagu maniquĩ. Yu rãca ñabojarã yure jidicãcã. Ito bajiro yure ña ñeñaro yibojarocati, “Ñare waja senibitijaro Dios”, yi tuoïa yu. ¹⁷ Yu baba mesama ña yure jidicãbojarocati mani Ujuama yure jidicãbisĩ. Yu oca sãoroca yifi. Ito bajiro yure i yijare judio masa meje ñarãre oca riojo ñasarise goti rãtobu jeoca yu. Yure ña sãa ãmobjarocati camotañi Dios. ¹⁸ Umacãju Dios i rotiroju yu ejare ãmoami i. Ito bajiri ñeñarise yu yibe yiroca yure ejabuagu yiguji i. Ito yicõri yure masa ñeñaro yi ãmobjarocati yure codegu yiguji i. Ñe rucubuoñaraja manire, “Rãtoro masigũ ñami”, yirã. Ito bajiro riti ñatĩñajaro.

Quenajaro masa, Pablo i yi ñucare gaye

¹⁹ Quenajaro Aquila i manajo Priscila cuni. Quenajaro Onesiforo ñarã cuni. ²⁰ Mani yagu Erasto Corinto cutoju tujacoami. Mileto wame cutiri cutoju mani yagu Trõfimore cõcu yu, i cõja ticõri. ²¹ “Juebucu riojua busa i tu ejacuja”, yiroca ejori busa waya. Eubulo, Pudente, Lino ito yicõri Claudia cuni, “Quenajaro”, yi ñucama mare. Ado gãna mani ñarã Jesucristore tuorãnurã cuni, “Quenajaro”, yi ñucama.

²² Mu rãca ñatĩñajaro Jesucristo. Mu ya usiju oca sãoroca yijaro i. Mu rãca ñarã ñarocõreti queno yijaro Dios. Itocõ ña.

La carta de San Pablo a Tito

Titore Pablo i papera cõare gaye

¹ Ñati Tito mu. Yu ña Pablo. Adi mure papera cõa yu. Diore moa ñsiri masu ña yu. Ito yicõri Jesucristo oca riaso ucutoni i cõru ña yu. Ito bajiri Dios ñarã i beseanare riasogu ya yu, Jesure buto busa tuorãnu wajaro, yirocu. “Iti ña oca riojo ñasarise”, mani yi tuo rãcubõorise masare yu riasotoni yure cõñi Dios. ² Ito bajiri “Diore mani tuorãnuja, catitũñarã yirãji mani”, masa ña yi tuoia wanu yutoni ñnare Dios oca riasoa yu. Jane mejeju adi macãrucãro i rujeoroto riojua ado bajiro yicãyiju Dios: “No yure tuorãnurãti catitũñarã yirãji”, yicãyiju Dios, socabicu ñari. ³ Adi ramuri ñja i oca masare ñna masiroca yi ãmoguji Dios. Ito bajiri i oca masare riaso ucu rotiñi Dios yure. Iti ñami jeame ãjuroju mani wabore ñaroca manire masoru. ⁴ Tuoya Tito mu. “Yu macu robo bajigu ñami”, yi tuoia yu mure. “Yu riasocatina suoriti Jesure tuorãnuami Tito”, yi ticu yu mure. Ito bajiri, “macu”, ya yu mure, adi papera cõagũ. Sígure bajiro tuoiarã ña mani ñja. Mani Jacu Diore, ito yicõri Jesucristo manire masorure cãni senia yu, mure ñna queno yitoni. Ñe oca manoti mu ya usiju queno wanu quenaroca ñna yire ãmoa yu. Ito bajiroti ñnare senisotia yu mure yiari.

Jesure tuorãnurãre ãmatã ñarãre Tito i besere gaye

⁵ Iti ramuju Creta wame cutiri yogaju mure cõcu yu. “Adoju yu riasobore Jesure tuorãnurãre yure riaso ñsima”, yicõri waga goticu yu mure. Yu waroto riojua ado bajiro gaje mure roticu yu: “Co cuto ruayabeto Jesure tuorãnurãre ãmatã ñarona bucãrãre beseya mu”, yi roticu yu mure. ⁶ Ito bajiri, “Ñni ñagũ yiguji ñnare ãmatã ñagũ”, mu yi bese masitoni adi mure gotia yu. Sígũ mu besegure ado bajiro i ñaja quena: Ñe seti macu i ñaja quena. Manajo cuticõri gãjerã romiare ajebicu i ñaja quena. I rã cãni Jesure tuorãnurã ñna ñaja quena. Jesure tuorãnurã ñari, ñeñaro yimenati, ñna jacusabatiare queno cudirã yirãji i rã. Ito bajiro bajigu i ñaja quena, Jesure tuorãnurãre ãmatã ñaroca mu besegu. ⁷ Jesure tuorãnurãre ãmatã ñagũ Diore moa ñsigu, ñe seti macu i ñaja quena. “Gãjerã rãtoro masigũ ña yu”, yi tuoia gãje i ñaja quena. Gãjerãre ejori tuo junisinigũ meje i ñaja quena. Idire cãni queagu meje i ñaja quena. Gãjerã rãca i gãmeri jagu meje i ñaja quena. Niyerure tuoia ãmosabicu i ñaja quena. ⁸ Ado bajirojua bajigu ñaguji mu besegu. Wa ucurã ejarãre wanu quenaro i boca ãmija quena. Quenarise tuoiağũ ñari, quenarise riti i yi ñaja quena. Queno tuoiağũ ñari, ñeñaro yire ñemecutigu i ñaja quena. Gãjerãre queno yigu i ñaja quena. Diore queno tuorãnuğũ i ñaja quena. Ñeñarise yi ãmobicu ñari, ñeñaro yire ñemecutigu yiguji i. ⁹ Dios oca riojo ñasarise yu riasocatire tuorãnu jidicãbicu i ñaja quena. Ito bajigu ñari gãjerãre riasocõri ñna oca seoroca yigu yiguji i. Ito yicõri gãjerã Dios oca tuo terã ñabobarãti i queno gotija tuocõri, “Wisa mani. Diore mani tuorãnuja quena”, yi tuoiarã yirãji ñna cãni.

¹⁰ “Jãjarã ñarãji mua tu ricati riti tuoiaçõri mure cudi ãmomena”, yi tuoia yu. Rocati basicõri gãjerãre tuorãji ñna. “Judio masa bucãrã rotire mani cudija, manire masogu yiguji Dios”, yi tuoiarã ñama buto busa masare ruorã. ¹¹ Ito bajiro ruore oca riasocõri, jãjarã co wi gãna ñabobarãti ñna gãmeri tudiroca yirãji ñna. Ito bajiro ñna yija quenabea. “Waja bujarãji mani”, yi tuoiaçõri masare riasorãji ñna. Ruore oca riasorãji ñna. Ito bajiri ñna busirisere mu busi camotare ãmoa yu.

¹² “Ñeñaro yama ñna”, yu yiado bajiroti, yi gotiyiju Creta wame cutiri yoga gagu cãni. Ñna rãcubõogu ñayiju i. I ñarãre busigu ado bajiro yiyiju i: “Mani Creta gãna jãjarã ña soca jairã, ito yicõri rocati ñeñaro yirã. Mani wato jãjarã ñama moamenati rocati jairo barã”, yi gotiyiju Creta wame cutiri yoga gagu, i ñarãre. ¹³ Riti gotiñi i itire. Ito bajiri mu tu gãna ricati riti tuoiarãre oca seoro goti quenoña, itire ñna jidicãtoni. Ito bajiro mu yija tuocõri, queno Dios ocare tuorãnurã yirãji ñna. ¹⁴ Judio masa ñna tuoia rujeoyorer mu tu gãna ñna tuorãnabititoni, ñnare oca seoro goti quenoña mu. Ito yicõri Jesure tuorãnumena ñna rotirisere mu tu gãna ñna tuorãnabititoni, ñnare oca seoro busiya mu.

¹⁵ Mu tu yu ñaja, ricati riti tuoiarãre ado bajiro gotiboruja yu: No quenarise riti yigu quenarise riti tuoiağũ yiguji i. No Diore tuorãnabicu ñeñarise riti yiguama quenarise i tibojaja cãni ñeñarise riti tuoiağũ yiguji i. Ñeñarise riti tuoiağũ, ito bajiro riti ñeñarise tuoiağũ yiguji i. ¹⁶ “Diore masirã ña gua”, yibobarãti, gãjerãre ti terãji ñna. Diore cudimenaji ñna. Ito bajirã ñari disejua quenarise yimenaji ñna. Ito bajiro ñna bajija ticõri, “Diore masirã meje ñama ñna”, yi ti masia mani.

2

Oca riojo ñasarise gaye

¹ Tuoŷa Tito m̄. Dios yere queno riasoticōri riojo ñnare riasoya m̄, queno yijaro ña yiroc̄u. ² Ado bajiro ãmua bucurãre m̄ gotire ãmoa yu: Idire idi mecubesa m̄. Gãjerã ña rucuborã ñaña m̄. Queno tuoĩacōri ñeñarisere ñemecutiya m̄. Dios oca riti tuorãnurã ñaña m̄. Gãjerãre ti maicōri ejabuarã ñaña m̄. Dios ocare riasoticōri itire jidicãmena ñaña m̄, yì m̄ gotire ãmoa yu ãmua bucurãre. ³ Romia bucurãre cunì ado bajiro m̄ gotire ãmoa yu: Diore tuorãnurã ñari, queno yirã ñaña m̄. Gãjerãre busitubesa. Idire riarise idi mecubesa. Quenarise gãjerãre riasoya. ⁴ Ito bajiro yirã riti ado bajiro mame manuj̄u cutirã romiare m̄ riasoja quena: M̄ manuj̄usabatiare queno maña m̄, m̄ r̄are ito bajiro. ⁵ Queno tuoĩacōri, ñeñarisere ñemecutiya m̄. Quenarise riti tuoĩacōri, ãmua rãca ajebesa. M̄ rãca gãnare queno tirãnuña. Masa jeyarore queno yiya. M̄ manuj̄usabatiare tuo rucuboyu. Ito bajiro yiba m̄, Dios ocare gãjerã ñeñaro busibe yirona. Ito bajiro m̄ r̄a romiare riasoya m̄, m̄ yì gotire ãmoa yu romia bucurãre.

⁶ Mamarã ãmua cunì ado bajiro m̄ gotire ãmoa yu: Queno tuoĩacōri, ñeñarisere ñemecutiya m̄, yì gotiya m̄ ñnare cunì. ⁷ Mureama ado bajiro gotia yu: Quenarise riti yisotiya. Ito bajiro m̄ yija ticōri, “Ïre bajiro yiruja mani cunì”, yirã yirãji m̄ tu gãna. Gaje tuoĩa wanucuti Dios oca riojo gotiya m̄. Rucubore rãca ñnare m̄ riasoja quena. ⁸ Yu mure riasocato bajiro ñnare gotiya. Ito bajiro riojo Dios oca m̄ gotija tuocōri, bojorã yirãji m̄ wajana. Ito bajiro, “Socagũ ñami”, yì masimenaji ña mure. Ito yicōri mure busitu masimena yirãji ña.

⁹ Jesure tuorãnurã gãjerãre moa ñsirãre ado bajiro m̄ gotire ãmoa yu: M̄ ujarãre queno cudisotiya. “Dise ruyabeto mani moa ñsirise ticōri wana quenajaro”, yì tuoĩarã moa ñisja quena. M̄ ujarãre tudibesa. ¹⁰ M̄ ujarã yere ãmi rudibesa. Ito bajiro m̄ yija mure queno tuoĩa wanurã yirãji ña. M̄ ujarãre rucubucōri queno ñnare cudisotiya m̄. Mure queno masicōri, “Dios oca queno tuorãnurã ñama ña”, yirã yirãji ña mure. Ito bajiro Dios jeame ãjuroju mani wabore ñaroca manire masorũ ñ gayere queno rucuborã yirãji m̄ ujarã cunì, yì gotiya m̄ tu gãna gãjerãre moa ñsiri masare.

¹¹ Jeame ãjuroju mani wabe yiroc̄u ñ oca mani masiroca yiñi Dios. Ito bajiro ñ yijare, “Masa jeyarore ti maigũ ñari manire maso ãmogũji Dios”, yì tuoĩa mani. ¹² Itire masicōri ado bajiro yiruja manire: Ñeñarisere ñarocōti mani jidicãja quena. Adi sita gãna ñeñaro ña yiado bajiro yibitiruja manire. Ado bajiroju mani yija quena: Queno tuoĩacōri, ñeñarisere ñemecutiruja manire. Gãjerãre queno yiruja manire. Ito yicōri Dios ñarã ñari ñ yiro bajiroti cudirã yirãji mani. ¹³ Co rumu mani Eju Jesucristo tãdi ejaɣu yiguũji. ñ goticato bajiroti tãdi ejaɣu yiguũji. Ito bajiro ñ tãdi ejaroti rumu tuoĩa wana yurã, quenarise riti yì ñaruja manire. ñ tãdi ejaroti rumu, “Ïti ñami Dios mani rucubuc̄u, ito yicōri manire masorũ”, yì wanurã yirãji mani. ¹⁴ Manire yiarì goda ñsiñi Jesucristo. Ñeñarisere mani ñemecuti masitoni, ito yicōri quenarise mani yì masitoni, manire yiarì ito bajiro godañi ñ. Ito bajiro yicōri mani ñeñaro yirisere coe jeoñi ñ. ñ ñarã mani ñatoni, ito yicōri quenariseju mani yì ãmotoni, manire yiarì ito bajiro godañi Cristo.

¹⁵ Ito bajiro mure yu gotirisere queno masare riasosotiya m̄. Dios ocare queno cudijaro ña yiroc̄u, oca seoro gotisotiya. “Dios ñ c̄ru ña yu”, yicōri, “Ado bajiro ñeñaro ya m̄”, yì goti quenoña ñnare. Ito bajiro gotiya ñnare, “Ï riasobojarise ñasarise meje ña”, mure ña yì tuoĩame yiroc̄u.

3

Jesure tuorãnurãre ado bajiro yì ñaraja, Pablo ñ yire gaye

¹ M̄ tu gãna Jesure tuorãnurãre ado bajiro tãdi mucana goti quenoña, ña ãcabojabitoni: M̄ ujarã ñarocōreti, gobierno masare cunì queno ñnare tuo rucuboyu. ña rotirise masicōri queno cudiya m̄. “Diseju ruyabeto quenarise yiana mani”, yirona ña yucãña m̄. ² Gãjerãre ñeñaro busitubesa. Gãjerãre tuo junisinibesa, m̄ oca josabe yirona. “Gãmeri tãdi ãmobeaga”, yirã, ado bajiroju m̄ yija quena: Gãjerãre corocō ti maicōri queno yiya. Mure ñeñaro ña yibojaja cunì m̄ajama queno ñnare yiba, yì gotiya Tito m̄, m̄ tu gãna Jesure tuorãnurãre.

³ Jesure mani masiroto rioju, ñeñaro yirã bajiroti ñabojacu mani cunì maji. Tite. Tuoĩa masimena ñabojacu mani maji. Diore cudimena ñabojacu mani. Ito bajiro bajirã ñari socarãre tuorãnubojacu mani. Ñeñarise riti yì ãmosotibojacu mani maji. Ito bajiro yirã riti, “¿Ñe ñeñarise yirãti mani?” yì tuoĩacu mani. Gãjerã ña rucorise ticōri uocu mani. Gãjerãre ti tecu mani. Ito yicōri manimasi cunì gãmeri ti terã ñabojacu mani maji. ⁴⁻⁶ Ito bajirã mani ñabojarocati Dioama quenarise manire yì ñsiñi, manire ti maicōri. Ito bajiro quenarise

manire yi İsigü ñari, mani Jesure tuorănurã jeame ajuroju mani wabore ñaroca manire masoñi İ. İre mani tuorănujare jeame ajuroju mani wabore ñaroca manire masoñi Dios. Quenarise mani yirã meje ñabojarocati manire masoñi İ. İjuama masare ti maigü ñari, Jesure mani tuorănujare manire masoñi İ. Manire queno yigu, Espiritu Santo manire queo sañi Dios. Jesuna suoriti ito bajiro Espiritu Santo manire queo sañi Dios. ⁷ Ito bajiroti manire ti maicõri mani Jesure tuorănurã jeame ajuroju mani wabore ñaroca manire masoñi İ. Ito bajiro manire İ yicãre ñajare, manire ticõri, “Ñe seti mana ñama İna”, yi tigü yiguñi İ manire. Ito bajiro manire İ yicãre ñajare, mani godaja bero wanu quena ñarã yirãji mani. “İ robo catitñarã yirãji mani”, yi tuoia wanu yua mani.

⁸ İti mure yu gotirise riojo gotia Tito yu mure. Ito bajiri ito gãna Diore tuorănurã adi ocare İnare mu cudi rotire amoa yu. Quenarise ña adi oca. İtire tuorănucõri, quenarise yi amora yirãji İna. İti oca mu cudiya, quena ñaro yiroja muare. Ejabuatiñarise ña iti oca. ⁹ Rocati masa İna tuoia busirisere coca tuoia busibitiruja manire. “Ado bajiro wame cutiyjarã bucarã masa, ito yicõri ado bajiro yisotiyjarã İna”, yi tuoia busibitiruja manire. “Ado bajiro rotiyoyiju Moises ñayora”, yi tuoia gãmeri busibitiruja manire. Ito bajiro mani tuoia busibojaja, oca ñasarise meje ña iti. İtioni mani tuoia busibojaja, quenabetoja manire.

¹⁰ Sigü Jesure tuorănurã ricati İna tuoia batoroca yigure oca seoro, “Yibesa”, yiya İre. Juaji mu gotibojaja bero, İ cudiyeja, İre bucamã. ¹¹ Ito bajiro mu gotiroca cudibicare, “Ñeñaro yigu ñami”, yi masigü yiguja mu İre. Ito yicõri İmasiti, “Ñeñaro yigu ña yu”, yi tuoia masigü yiguñi İ cani. Ito bajiri İre waja senigü yiguñi Dios.

Titore Pablo İ goti ñucare gaye

¹² Nicópolis wame cutiri cutoju juebucu rëtare tuoia yu. Sigü mure amirocu Artemasre cõagü yiguja, yu yija, Tiquicojuare cõagü yiguja gajea. Mu tu İ ejaja cojiti İ rãca wadiba. Nicópolisju canamuorã yirãji mani. ¹³ Apolosre ito yicõri masare oca quenori masu Zenasre mu masirocõ İnare ejabuaba. İna rëta wa masitoni İnare ruyarise ejabuaba. ¹⁴ Mu tu ñarã Jesure tuorănurã gãjerãre İna ejabuare amoa yu. Ito yicõri gãjerã İna bojoro bujaja ticõri, İnare ejabuaja quena. Gãjerãre mani ejabuaja, iti ña queno ñare gaye.

Quenajaro masa, Pablo İ yi ñucare gaye

¹⁵ Yu rãca gãna ñarocõti, “Quenajaro”, yi ñucama mure. Mu tu ñarã Jesure tuorănucõri guare tuo mairãre, “Quenajaro”, ya yu. Muacõreti Dios İ queno yitoni muare yiari seni İsisotia yu. Itocõ ña.

La carta de San Pablo a Filemón

Filemónre Pablo ï papera cõare gaye

¹ Ñati gua baba Filemón mu. Mu ña gua queno maigü, ito yicõri mu ña gua robo bajiro Diore moa ïsigü. Yu Pablo, mani yagu Timoteo räca adi papera mure cõa gua. Manire bajiro Jesucristore tuorünugü ñari mani yagu ñami Timoteo. Masare Jesucristo oca yu riasojare ado tubiara wiju ña yu. ² “Cristore räcubõorona mu ya wi minijua ñarä, quenajaro”, ya yu. “Mani yago Apia, quenajaro. Arquipo cuni quenajaro”, ya yu. Mani bajiroti Diore queno moa ïsistigü ñami ï cuni. ³ Mure yiari mani Jacu Diore, mani Uju Jesucristore cuni seni ïsistia yu. “Filemónre queno yiya, ito yicõri ï ya usiju ñe oca mano ï ñaroca yiya”, ya yu Diore. Ito bajiroti ya yu Jesucristore cuni, mure yiari.

Jesucristore queno tuorünugü Filemón ï ñare gaye

⁴ Yu baba Filemón mure yiari Diore seni ïsistia yu. Co rumu ruyabeto Diore basisotia yu. Ìre busiguju, “Filemónre queno yiñi Dios”, yi tuoia bujacõri, “Queno ya Dios mu”, yisotia yu ïre. ⁵ “Mani Uju Jesucristore queno tuorünugü ñami Filemón. Dios ñaräre buto tuo maigü ñami ï”, yama masa mure. Ito bajiro ña yija tuocõri, wanua yu. Ito bajiri, “Queno ya Dios mu”, ya yu. ⁶ “Jesucristore mani tuorünuja quena”, yi masare mu riaso masitoni, mure yiari Diore senisotia yu. Ito yicõri, “Cristore mani tuorünuja, ï ñaräre ï queno yiado bajiroti manire cuni queno yigu yiguiji”, mu riasoana ña yi masitoni Diore senia yu. ⁷ Dios ñaräre buto ti maigü mu ñajare, yu ya usiju oca seõcõri wanusacoa yu. Dios ñarä jeyaro mu queno yirise tuoïacõri ña ya usiju oca seõama ña cuni. Itire tuocõri buto wanua yu mure.

Onésimore yiari Pablo ï busi ejabware gaye

⁸ Ito bajigu mu ñajare yure mu queno yitoni mure senigü ya yu. Cristo ï cürü ña yu. Ito bajiri mure yu roti ämoja mure roti masia yu. Mure roti masigü ñabojaguti buto mure roti ämobeja yu. ⁹ Mure tuo maicõri mure senia yu, yure mu queno yitoni. Bucugu ña yu ïja. Ito yicõri masare Jesucristo oca yu riasojare ado tubiara wiju ña yu. ¹⁰ Ado bajiro mure senia yu. Queno tuoja Filemón mu. Onésimo mu moa ïsiri masu ñabojarure tudi mu ämire ämoa yu mucana. Adoju tubiara wi ñagüre Dios oca goticu ya ïre. Dios oca tuorünucõri Jesucristore boca ämiqü ï ya usiju. Ito bajiri yu macu bajiro bajigu ñami ï ïja.

¹¹ Iti rumuju mure moa ïsiri masu ñabojaguti mure queno moa ïsibis ï. Adi rumuriamama mani juaräre queno ejabuagu yiguiji ï. ¹² Mu tu ïre tudi wa rotia yu. ï ñami buto yu maigü. Mu tu ï waja bero, ïre tuoïagü yiguja yu. Yure mu boca ämiro bajiroti ïre boca ämiña mu. ¹³ Masare Dios oca riasocõri tubiara wiju tuoia bujatobeja yu. Yure Onésimo ï ejabuatonni ado yu tu ï tujare ämobeja yu. Mu tu ïre yu cõabeja adoju yure ejabuaboguïji. Sõju ñacõri yure ejabuä masibeja mu. Onésimore mu tu yu cõabeja ïjua yure ejabuaboguïji. ¹⁴ Ito bajibojarocati, “Quena ña. Mu tu ï tujare ämoa yu cuni”, mu yiroto riojua, “Adoju tujaya Onésimo mu”, yi masibeja yu. Ito bajiri ïre ämogü ñabojaguti, mu tu ïre tudi wa rotia yu. Mu tu ï tudi ejaroca, “Pablöre ejabuätëña”, mu yi tuoïaja, quena ñaro yiroja yure. ¹⁵ Iti rumuju Onésimo mure ï rudire ñabojarocati, quenarise rëtacu. Tite mu. Ado bajiro baja: Adocãta Jesucristore tuorünugü ñari tudi mure rudibiquïji. Mure ejabuätëñagü yiguiji ï. ¹⁶ “Yure moa ïsigoru ñami ï”, yi tuoïabesa mu Onésimore ïja. “Yu ocabaji robo bajiro bajiami ï”, mu yi tuoïaja quena. ïre buto maia yu. Mure moa ïsigoru ñabojaguti Jesucristore ï tuorünujare sigü rãa robo bajirä ña mua ïja. Ito bajiri buto basa ïre mu maïja quena.

¹⁷ ïre mu tudi boca ämire ämoa yu. “Yu baba ñami Pablo”, mu yi tuoïaja, yure mu boca ämiro bajiroti ïre boca ämiña. ¹⁸ Iti rumu mure ñeñaro ï yija, ito yicõri mure ï waja ruyurioja cuni, yujare waja senïña. ¹⁹ Yummasiti adi uca yu. “Yu Pablo, mure waja yicuja yu”, ya yu. Yu ña, “Jesucristore mu tuorünuja, mure masogü yiguiji Dios”, mure yi gotigoru. Mure Dios oca riasoru ñari, yure cuni waja ruyurioa mu. “Itire äcabojabesa mu”, yi josabeja yu mure. ²⁰ Jesucristore tuorünurä ñari sigü rãa robo bajirä ña mani. ïre mu tuorünujare yu ocabaji robo bajigu ña mu. Mu cuni Cristore cadi ämogü ñari yure queno yipa mu. Wanure räca Onésimore boca ämiña. Ito bajiro mu yija tuocõri, yu ya usiju oca seõ wanugü yiguja yu.

²¹ “Yu seniro bajiroti cadigu yiguiji Filemón”, yi tuoïacõri adi papera mure cõa yu. “Yu seniro rëto busaro yure queno yigu yiguiji Filemón”, yi tuoia masia yu mure. ²² Mu tu warocu tuoïasotia yu. Yure yiari Diore mu senija mu tu ejaçu yiguja yu. Ito bajiri yu caniroti sõa queno yuya.

Quenajaro masa, Pablo ï yi ñucare gaye

²³ Mani yagu Epafraſ cuni ado tubiara wiju ñami. Masare Jesucristo oca i riasore waja tubia ecoru ñami i cuni. “Quenajaro”, yami mre. ²⁴ Yu rāca masare riasorā adocō jājarā ñama, Marcos, Aristarco, Demas, ito yicōri Lucas. “Quenajaro”, yama ina cuni.

²⁵ Mre yari mani Eju Jesucristore seni İsisotia yu, mre i queno yitoni. Itocō ña.

La carta a los Hebreos

Ī Macuna suoriti ĩ oca cōayiju Dios, yire gaye

¹ Jane mejeju mani jacusabatiare ĩ oca goti ĩsiri masana suoriti coji meje oca cōayiju Dios. Jeyaro ĩ āmoro bajiro ĩ oca goti ĩsiri masana suoriti ĩ oca cōayiju Dios masare. ² Ito bero canu busati ĩ Macuna suoriti ĩ oca manire cōayiju Dios. Ūmacūjuga tuti, jacajuga tuti cuni meniiju Dios. Ito yicōri ĩ Macuna suoriti jeyaro adi sita gaye rujeoyiju Dios. Jeyaro dise ruyabeto ĩ rucotoni cūyiju Dios ĩ Macure. ³ Ūmacañi ĩ busuja ticōri, “Ito bajigu ñaguñi ūmacañi”, yirāji mani. Iti bajiroti, Dios Macu ñasagure mani tija, “Ito bajiguti ñaguñi Dios cuni”, yirāji mani. Ī Jacu robo bajiguti ñami Jesús. Ī oca buto masire gaye ña. Ito bajiri ĩ ocana suoriti adi macārucāro gaye jeyaro ña jedia ĩja. Īti mani ñeñaro yirise waja, waja yi ĩsiyiju. Ito bajiro ĩ yija bero, ūmacūju mija wacōri Dios ya riojocaduja rucuburoju rujijiju ĩ.

Ángel mesa rētoro ñasagu ñami Dios Macu, yire gaye

⁴ Dios rāca rotigu ñari, ángel mesa rētoro ñasagu ñami Dios Macu. Ángel mesa rēto busaro ĩ ñatoni ĩ Macure cūyiju Dios. Ito yicōri ĩna wame rēto busaro wame ñasaris ĩ Macure wōyiju Dios. ⁵ Ito bajiri ĩ Macure riti ado bajiro gotiyiju Dios:

Yu Macu ña mu. Adi rumu masa ĩna tuoro riojo, “Āni yu Macu mua Ūju ñami”, yigu yiguja yu, yiyiju Dios ĩ Macure.

Ángel mesareama, “Ito bajiro bajirā yirāji mua”, yibisiju Dios. Ī Macure riti tuoñagū mucana ado bajiro gotiyiju Dios:

Ī Jacu ñagū yiguja yu. Ito yicōri yu Macu ñagū yiguñi ĩ, yi gotiyiju Dios, ĩ Macure tuoñagū. Ángel mesareama ito bajiro yibisiju Dios.

⁶ Ī Macu ñasagure ĩ cōara rumu ado bajiro busiyiju Dios mucana:

Ángel mesa ñarocōti mure rucubuo jedicoajaro, yi gotiyiju Dios.

⁷ Ángel mesare tuoñagū ado bajiro busiyiju Dios:

Ángel mesare yu rotija, ejori mino iti wēaro bajiro ejori yare cūdirā yirāji. Jea queno ājurise bajiro sēo quenaro yare moa ĩsirā yirāji ĩna, yi gotiyiju Dios, ángel mesare tuoñagū.

⁸ Ī Macure busigu ado bajiro yiyiju Dios:

Dios ña mu. Masare rotitñagū yiguja mu. Īnare mu rotija queno yigu ñari riojo rotigu yiguja mu.

⁹ Queno yire gayere riti queno wanua mu. Ñeñarisereama tuo te ña mu. Ito bajigu mu ñajare Ūju ñasagu mure cūa yu. Mu baba mesa rētoro rucuburoju mu ñaroca ya yu. Ito yicōri buto mu wanuroca ya yu, yi gotiyiju Dios ĩ Macure.

¹⁰ Gaje ado bajiro busiyiju Dios ĩ Macure:

Yure bajiroti Ūju ñasagu ña mu cuni. Cajerojuti adi sita ñarocōti rujeocu mu. Ito yicōri ūmacūju gāna jeyarore rujeocu.

¹¹ Iti mu rujeore ñarocōti jedicoaro yiroja. Yutabuju iti bucuaro bajiro, bajiro yiroja iti ñarocōti. Ito bajilbojarocati muáma ñatñacōgū yiguja.

¹² Yutabuju ruacūcōri gaje ĩna wasaro bajiro iti jeyarore wasoagu yiguja mu. Muáma ñaro bajiguti ñagū yiguja. Mureama godare gaye mano yiroja. Ito bajiri ñatñacōgū yiguja mu, yi gotiyiju Dios ĩ Macure.

¹³ Ī Macure riti ado bajiro gotiyiju Dios:

Ado yu ya riojocaduja rucuburoju rujiya. Mu wajanare mu roti masiroca yigu yiguja yu, yi gotiyiju Dios ĩ Macure. Ángel mesareama ito bajiro yibisiju Dios.

¹⁴ Ī Macu bajiro roti masirā meje ñama ĩna. Ūsire bajiro ruyumena ñama ángel mesa. Diore moa ĩsiri masa ñama ĩna. Ī masoana mani ñajare jaje quenarise manire yigu yiguñi Dios. Ito bajiri manire ĩna ejabuaton ĩ ángel mesare cōayiju Dios.

2

Ñasaris ña masare Dios ĩ maso āmorise, yire gaye

¹ Ito bajiri ángel mesa rētoro ñasagu Dios Macu ĩ ñaja, ĩ gotirise buto busa mani tuorānuja quena. Īre mani queno tuobeja, ācabojarā yirāji mani. Ito yicōri Dios ĩ rotiro bajiro cūdibiticōri ĩre jidicārā yirāji mani. ² Jane mejeju Dios ĩ rotirise Moisés ñayore gotiyijarā ángel mesa. Mani ñicusabatia ĩna cūdiroti ñayiju Dios rotirise. Ī ocare cūdibiticōri ñeñaro yirāreama ĩna tōbujaroca yiyiju Dios, ĩ goticādo bajiroti. ³ Manire ti maicōri buto manire

maso amogũji Dios. Ito bajiri i oca ñasarisere mani t̄or̄ãñabeja, mani t̄ob̄jarooca yigu yiguĩji Dios. “Ire t̄or̄ãñar̄e masogũ yiguĩji Dios”, yire oca cajerojuti goticãñi mani Uju Jesucristo. Ire t̄uogoa, “Riti bajaia iti oca”, yirona manire goticã ña. Ito bajiri, “Riti bajaia iti oca”, yi t̄oĩa mani c̄ni. ⁴ “Riti bajaia iti oca”, mani yitoni, jaje tiyamani ioyiju Dios manire. Espiritu Santona suoriti jaje quenarise mani yi masiroca yami Dios. I amoro bajiro ricati riti ire mani moa ñi masiroca yami Dios.

Dios r̄ia mani ñajare, “yu ocabajirã”, yami Jesús manire, yire gaye

⁵ Ijariju bajiroti gaye m̄are busigu ya yu. Ijariju gayere ángel mesare rotibisiju Dios. Ado bajirojua yiyiju Dios. Ijariju masa ña rotiroti c̄ñi Dios. ⁶ Tite m̄a. Dios oca tutiju ado bajiro ucañi s̄igũ:

¿Dios, no yija gua ñasamena ñabojarocati, guare acabojabeati mu? Ito yic̄ori, ¿no yija ñasamena gua ñabojarocati, guare tir̄nuati mu? Ñasamena gua ñabojarocati guare buto t̄oĩa mu.

⁷ Adi sita gua ñaroca ángel mesa bero ḡañajuare c̄yija mu maji. Ito bajibojarocati ija r̄uc̄buore gaye ujar̄re bajiro guare c̄gũ yiguja mu.

⁸ Jeyaro mu rujeore gaye, jeyaro mu rujeoanare c̄ni gua roti masiroca yigu yiguja mu, yi ucañi s̄igũ Diore goti Isiri masu.

Ito bajiri, “Yu rujeore masa ña rotiroca yigu yiguja yu”, Dios i yija t̄uoc̄ori, “Dise r̄uyabeto gua rotiroca yigu yiguĩji Dios”, yi t̄oĩa masia mani. Ito bajibojarocati jeyaro goroama manire c̄adi jedibea maji. ⁹ Jesure masia mani. “Ito bajiro bajiji Jesús”, yi t̄oĩa mani. Adi sita Jesús i ñaroca maji ángel mesa berojua ire c̄ñi Dios. Manire ti maic̄ori i Macure goda ñi rotiyiju Dios. Manire yari t̄ob̄jac̄ori i goda Isire ñajare, Uju ñasagu ire c̄ñi Dios. Ito yic̄ori masa jeyaro ire r̄uc̄buotoni i Macure c̄ñi Dios.

¹⁰ Ito bajiro Dios i yija queno yiñi. I amoro bajiroti yiñi i. Jeyaro Dios i menire ña. Jeyaro i wan̄toni ña iti i rujeore. Mani Dios ñarã i r̄aca mani roti ñare amofi Dios. Ito bajiri i tu mani eja masitoni i Macu Jesucristore goda ñi rotiyiju Dios. Jesucristo ñami manire masori masu. Ñimũ ḡaji manire maso masigũ maquĩji. Ito bajiri ña suoriti umac̄uju ejarã yirãji mani.

¹¹ Dios Macu ñami mani ñeñaro yirise waja, waja yi Isiri masu. Dios ñarã mani ñaroca yigu ñami Jesús. Ito bajiri Jesús r̄aca s̄igũ r̄ia ña mani. Dios r̄ia mani ñajare, “yu ocabajirã”, yi bojobeami Jesucristo. ¹² Ito bajiro yiñi Jesús Dios oca tutina. Ado bajiro bajaia iti. T̄oĩa te m̄a:

Mu ñarise gayere yu ocabajir̄re gotigu yiguja yu. Ña minijuaroca m̄are wan̄gũ, m̄are basa s̄ea ñucagũ yiguja yu, yiñi Jesús, Dios oca tutina

¹³ Gaje ado bajiro yiñi Jesús:

Yu c̄ni Diore riti buto t̄or̄ãñac̄uja yu, yiñi Jesús, Dios oca tutina.

Gaje ado bajiro yiñi Jesús:

I r̄iare yare isiqui Dios. Ito bajiri ado ña r̄aca ña yu, yiñi Jesús, Dios oca tutina.

¹⁴ Dios ñarã ñari, s̄igũ r̄uyabeto ruju c̄tirã ña mani. Mani r̄aca ña amogũ, manire bajiroti ruju c̄titiñi Jesús c̄ni. Ito bajigu ñari manire goda isini i. Ito bajiri r̄am̄ua uju manire ruyuriobor̄are ruyuriogu yiguĩji Jesús. ¹⁵ Ito bajiro Jesús i yijare, mani godaroti güire ma manire. Ito bajiri ire mani t̄or̄ãñaja, “Yu ñeñaro yirise waja yu t̄ob̄jarooca yigu yiguĩji Dios”, yi t̄oĩa güirã meje ña mani ija. ¹⁶ Riti bajaia. Adi sita Jesús i wadija, ángel mesare ejabuarooca meje wadiñi i. Mani Abraham ñayoru bajiro Diore t̄or̄ãñar̄e ejabuagu wadiñi i. ¹⁷ Ito bajiri mani i ocabajir̄re ejabuarooca Dios i rotiro bajiroti yiñi Jesús. Manire bajiro ruju rujeac̄ori, manire goda isini Jesús. Ito bajiri manire ti maic̄ori manire yari Diore busi isisotiguĩji i. Masare yari paia mesa ña busirise r̄etoro manire yari busi ejabuasotigu yiguĩji Jesús. Mani ñeñaro yirise Dios i acabojatoni, manire yari busi isisotiguĩji Jesús. ¹⁸ Mani robo ruju c̄tic̄ori t̄ob̄jajiñi Jesús. Ire c̄ni, ñeñaro i yitoni ire rotiiabojañi r̄am̄ua uju Satanás. Ito bajiro i yibojarocati ñeñaro yibisiju Jesús. Ito bajiri mani t̄ob̄jaja manire ejabuaguĩji Jesús. Ito yic̄ori mani ñeñaro yitoni r̄am̄u manire i roti amoja manire ejabuaguĩji Jesús.

3

Moisés ñayoru r̄etoro ñasagu ñami Jesús, yire gaye

¹ Yu ñarã, Jesucristore t̄or̄ãñar̄ã ñari Dios ñarã ña mani ija. I ñarã mani ñatoni manire beseni Dios. Ito bajiri Jesucristore riti mani t̄or̄ãñaja quena. Dios oca goti ucuroña i c̄orã r̄etoro ñasagu ñami Jesucristo. Ito yic̄ori paia ujarã masare yari Diore ña busi isire r̄etoro manire busi isigũ ñami Jesucristo. Ito bajiri Jesucristore riti t̄or̄ãñar̄aja manire. ² Dios i beseru ñari i rotiado bajiroti yi ñañi Jesús. Dios ñarãre queno ejabuãñi i. Moisés ñayoru c̄ni Dios i rotiado bajiroti yiyiju. Dios ñarãre queno ejabuayiju i. ³ Ito bajibojarocati Moisés ñayor̄are r̄eto busaro Jesure mani r̄uc̄buoja quena. Ado bajiro bajaia. S̄igũ i wi menija, i menira wi r̄etoro ire r̄uc̄buorã yirãji mani. Ito bajiri Moisés ñayorure r̄eto busaro Jesús

manire ruceorare rãcubwoja quena. ⁴ Wigoti iti ñaja, sīgū iti wire meniru ñaguļi. Dios sīgūti ñaguļi jeyarore rujeori masu. ⁵ Diore queno cudigu ñayiju Moisés ñayoru. Diore moa isigū, Dios ñarãre queno ejabuayiju Moisés ñayoru. Moisés ñayorure tuocōri, “Ito bajiro yigu yiguļi Dios”, yi tuoļayjarã masa. Diore moa isiri masu ñayiju Moisés ñayoru. ⁶ Cristoama Diore moa isiri masure bajiro meje bajiñi ĩ. ĩ ñami Dios Macu, queno ire cudigu. Ito bajicōri Dios ñarã ũju ñami Jesucristo. “Tudi eǵaju yiguļi Cristo”, yi mani tuoļa wanaǵa, ire tuorãnucōri mani ire jidicãbeja, Dios ñarã, ñarã yirãji mani ũja.

Yure mua tuorãnubeja quenari cutoju ware ma muare, Israel sita gãnare Dios ĩyire gaye

⁷ Ito bajiri Jesucristore jidicãbituraja manire. Ito yicōri Espiritu Santo ĩ gotirere tuorãnuraja manire. Ado bajiro gotiami ĩ, Dios oca tutina:

Adocãta muare Dios ĩ busija, ĩ yiro bajiroti cudija quena.

⁸ Mua ñicusabatia ĩna ya usiju Diore junisinicōri, ĩna cudibitiado bajiro bajibeja. Yucu manojũ ñarã, “Mani ñeñaro yija, ĩno bajiro yigu yiguļida Dios manire?” yi tuoļa ñayijarã ĩna.

⁹ Mua ñicusabatiare jũarã masacō rodori jaje quenarise yicu yu. Ito yu yibojarocati, “Mani ñeñaro yija, ĩno bajiro yigu yiguļida Dios manire?” yi tuoļañi ĩna.

¹⁰ Ito bajiri ĩnare junisinicu yu. Ado bajiro yicu yu ĩnare. “Mua ya usiju yure bajiro tuoļabitisotia mua. Ito yicōri yu rotiro bajiro cudi ãmobeja mua”, yicu yu ĩnare.

¹¹ Ito bajiri ĩnare junisinigũ ado bajiro yicu yu: “Quenari cutoju yu muare ĩsi ãmobjacatoju juaji ejare ma muare. Yu rãca tujacãre mano yiroja muare”, yiri goticu yu ĩnare, yure ĩna tuobejare, yu gotiami Espiritu Santo, Dios oca tutina.

¹² Queno tuoļañi yu ñarã mua. ĩna bajiro ñeñaro mua yibe yirona, queno tuoļañi. Mua ya usiju queno tuoļañi mua. Mua ya usiju ñeñaro tuoļaja, Dios ñatĩñagũre jidicãrã yirãji mua. Ito yicōri ire tuorãnmenajiji mua. ¹³ Ado bajiroja manu yija quena. Dios oca mani gãmeri gotija, corocō oca sãorãji mani ũja. Co rãmu rãyabeto ito bajiro riti yitĩñaraja manire. Dios gayere mani busija, mani ñeñaro yitoni rãmũ ĩ rotibojaja, ire tuorãnmenajiji mani. Ito yicōri, “Yu ãmoro yicũja yu. Diore cudibicũja yu”, yimenajiji mani. Dios oca mani gãmeri busija, oca sãocōri corocō wanãrã yirãji mani. ¹⁴ Cajeroju Jesucristore mani tuorãnucato bajiroti, mani godaroto rioja ire tuorãnutĩñaraja manire. Ito bajiro mani yija ũmacũju Cristo rãca wanu quenarã yirãji mani.

¹⁵ Tite mua. Ado bajiro gotia Dios oca:

Adocãta muare Dios ĩ busija, ĩ yiro bajiroti cudija quena. Mua ñicusabatia ĩna ya usiju Diore junisinicōri, ĩna cudibitiado bajiro bajibeja, yi gotia Dios oca.

¹⁶ Mua tija, ĩnoa ñayijari Dios oca tuoana ñabojarãti ĩna ãmoro bajiro yi ãmorã Diore cudibitiana? ĩna ñayijarã Egipto sitaju ñarãre Moisés ĩ tãa wana. ¹⁷ Diore cudi ãmobicōri ñeñarise riti yiyijarã ĩna. Ito bajiro ĩna yijare jũarã masacō rodori ĩnare junisinijiju Dios. Ito bajiri yucu manojũ ĩna ña ucuroca yiyiju Dios. Itoju ña ucurã riti goda jedicoayijarã ĩna. ¹⁸ Ire ĩna cudibejare, ado bajiro yiyiju Dios. “Quenari cutoju muare yu ĩsi ãmobjacatoju juaji ejare ma muare. Yu rãca tujacãre mano yiroja muare”, yiyiju Dios mani ñicusabatiare. ¹⁹ Itire tuocōri, “Diore ĩna tuorãnubitiare waja, quenari cuto ĩnare ĩ cũ ãmobjara cuto ejabisĩ ĩna”, yi tuoļa mani.

4

¹ “Mua tujacãroto muare meni ĩsicu yu”, mani ñicusabatiare Dios ĩ yiado bajiroti yami Dios adi rãmuri cuni. Adi rãmuri manire cuni tujacãre ñaroja. Ito bajiri itoju mani ejaroto rioja queno tuoļaraja manire, mani eja jeditonĩ. Mua coriarã ire queno tuorãnubiticōri queno ejaminajiji. ² “Ire tuorãnurãre riti masogũ yiguļi Dios”, yire oca tuogoana ña mani. Mani tujaroto mani eja ãmoja, ire queno tuorãnurãji mani. Itire tuogoana ñayijarã mani ñicusabatia cuni. Itire tuogoana ñabojarãti queno tuorãnubisijarã ĩna. Ito bajiri Dios ĩ tujã rotiadoju ejabisijarã ĩna. ³ Ire tuorãnurã riti, Dios ĩ tujacã rotiadoju ejarã yirãji mani. Ado bajiro gotiñi Dios mani ñicusabatiare tuoļa yugu:

Yure ĩna tuorãnubejare ĩnare junisinicu yu. “ĩnare yu tujacãrotirajau ejaminajiji yirãji ĩna”, yi goticã yu, yitĩ Dios, mani ñicusabatiare tuoļa yugu.

Adi macãrucãro meni wacu, coju tujacãrajũ meniñi Dios. Ito ĩ yija bero mucana tũdi gaje rujeobisiju Dios ũja. Tujacãrajũ ĩ menicãre ñabojarocati, ĩnare sãja rotibisiju ĩ, ire ĩna tuorãnubejare. ⁴ Dios oca ado bajiro gotia, jua ãmojeno ñari rãmũ gaye:

Co ãmojeno ñari rãmuri moacōri, jua ãmojeno ñari rãmuna tujacãyiju Dios, yi gotia Dios oca.

⁵ Mucana gaje ado bajiro gotia Dios oca:

Yu rãca tujacãdoju tujacãmenajiji ĩna, yitĩ Dios, mani ñicusabatiare tuoļagũ.

⁶ “Ire tuorãnurãre riti masogũ yiguļi Dios”, yire oca tuosũgoana ñabojarãti ire tuorãnubiticōri tujacãdoju ejabisijarã mani ñicusabatia. Diore tuorãnurã riti ejarã yirãji. Tujacãdoju ejarona eja jedibeamã maji. ⁷ Ito bajiri adocãta ire tuorãnurãre ãmagũ yiguļi

Dios maji. Adocāta mani ĩre tuorānuja, iti ña ñasarise. Yoari mani ñicusabatia ĩna cudibitija bero, Diore tuocōri ucañi David ñayoru. Jjũ yũ muare gotigoriseti, David ñayoru ĩ ucare mucana muare gotia yũ:

Adocāta muare Dios ĩ busija, ĩ yiro bajiroti cudija quena. Mũa ñicusabatia ĩna ya usiju Diore junisinicōri, ĩna cudibitiado bajiro bajibeja, yi ucañi David ñayoru.

⁸ Mani ñicusabatia rĩa masa ñayoanre tujacāraju tũa wayiju Josué ñayoru. Ito bajiri tujacāre gaye Dios ĩ busija, Josué ñayoru mani ñicusabatia rĩare ĩ tujacāre āmi ejare gaye meje busiguñi ĩ. Ito bajiro iti bajijama, “Jane adi ramu yũ tũju tujacārā ejarā ya mũa”, yibitiboru Dios.

⁹ Ito bajiri Diore mani tuorānuja, ĩ ñarā ñacōri, ĩ tũju ñaroja mani tujacārotiju. ¹⁰ No Diore tuorānrāti adi macārucārore meni tũo wacu ĩ tujacādo bajiroti ĩ rāca tujacārā yirāji ĩna cuni.

¹¹ Ito bajiri bũto busa oca sēcōri Diore tuorānuja manire, tujacādo mani eja masitoni. Mani ñicusabatiare bajiro Diore cudimena robo bajiro bajimenaji mani.

¹² Sēorise ña Dios oca. Ito yicōri adi ramuri mani tuoroti ña Dios oca. Sarera jāi jua dũja odiri jāi robo bajiro bajia Dios oca. Ito bajicōri, “Mani ya usiju quedi sājaroja Dios oca mani tuorānuja. Jeyaro mani ya usiju mani tuōiarisere masiguñi Dios. Mani yeyoro mani tuōiarisere cuni masiguñi Dios. ‘Jja ito bajiro yicuja yũ’, mani yirise cuni masi joeguñi Dios. Dios ocare mani tuorānuja, ‘Ito bajiro bajia yũ’”, yi tuoĩa mani. ¹³ Disejua Dios ĩ rujeore yeyo masiña ma. Dise ĩ ti masibiti ruyabetoja Diore. Ñe mani yigore ĩ masibiti ma. Ito yicōri ñe mani tuoĩagore ĩ masibiti ma. Ito bajiri jeyaro masiguñi ĩ. Dios ĩ tiro riojo, “Adocō jaje ñeñarise yicu yũ”, yi goti rēto bu jedirā yirāji mani.

Paia uju rētoro ñasagu ñami Jesús, yire gaye

¹⁴ Paia uju rētoro ñasagu ñami Jesús, Dios Macu. Ūmacāju Dios tu ñaguñi ĩ, manire yiari ĩre busi ĩsotigu. Ito bajiri, “Diore tuorānugũ ña yũ”, mani yija, bũto busa ĩre mani tuorānuja quena. ĩre jidicābitiraja manire. ¹⁵ ĩ ñami paia uju rētoro manire ejabua masigũ. Mani tōbujaja, manire ti maiguñi ĩ. Mani ñeñaro yija, “Yũre queno masibeama. Ito bajiri ñeñaro yama maji”, yi tuoĩacōri, manire ti maiguñi Jesús. Mani ñeñaro yitoni, rāmũ usirioro ĩ yi codero bajiro, Jesucristore cuni ito bajiroti yibojayija. Ito bajibojarocati ñeñarise yibisiju Cristo. Ito bajiri manire rāmũ usirioro yija, manire ejabua masiguñi Cristo. ¹⁶ Ito bajiri Diore mani busija, gũire mano busirāji mani. Manire bũto ti maiguñi Dios. Ito bajiri mani ĩre busija, manire ti maiguñi ĩ. No mani ejabũare āmoriju manire queno ejabũagu yiguñi Dios.

5

¹ Masare yiari paia uju Diore ĩ busi ĩsiado bajiro manire busi ejabũarocu Cristore cũni Dios. “Riti baja iti”, mũa yi tuoĩatoni adi muare gotia yũ. Mani ñicusabatia ñayoana ĩna rāca gagu sigũre besecōri, “Mũ ñagũ yiguja pai guare busi ĩsiri masa”, yi cũni ĩna ĩre. ĩ ya moare ado bajiro bajiyija. Masa Diore ĩna ĩsiroti boca āmicōri, itire Diore soe ĩsiyija ĩ, masa ĩna ñeñaro yire waja, waja yi ĩsiroca. ² Pai mani robo bajigu ñari, Dios ĩ rotirise ñarocōti cudĩ jeo masibiquñi ĩ cuni. Ito bajiri queno tuoĩamenati ñeñaro masa ĩna yija, ĩnare junisinibiquñi ĩ. Quenoti ĩnare goti quenogũ yiguñi ĩ. ³ Ito bajiri Diore masa ĩna ĩsiroti soe ĩsi wacu, “Masa ĩna ñeñaro yirise ĩnare ācabojaya”, yiguñi ĩ Diore. Ito bajiroti yigu yiguñi ĩ cuni, ñeñaro ĩ yirise waja.

⁴ No paia uju ña āmobjagu ĩmasiti ña masibiquñi ĩ. Dios sigũti ñami, sigũre ti besecōri, “Mũ ñama paia uju”, ĩre yigu. Ito bajiroti Aarón ñayorare cũni Dios. ⁵ Ito bajiroti bajiyija Cristore cuni. ĩmasiti, “Paia uju rētoro ñasagu ñacuja yũ”, yibisiju ĩ. Dioti ĩre cũyiju, ito bajigu ĩ ñatoni. Ado bajiro ĩre gotiyija Dios:

Yũ Macu ña mũ. Adi ramu masa ĩna tuoro riojo, “Āni yũ Macu mũa uju ñami”, yigu yiguja yũ, yiyiju Dios ĩ Macu Cristore.

⁶ ĩ oca tutina gaje ado bajiro gotiñi Dios ĩ Macure:

Masare yiari mũ busi ĩsitoni mure cũa yũ. Paia uju Melquisedec ñayorare bajiro ñasagu mure cũa yũ, yiyiju Dios ĩ Macure.

⁷ Adi macārucāro Jesús ĩ ñaroca ĩre ĩna sīaroti ñami riojua Diore busigu josayija. Yago rāca oca sēoro busiyija ĩ Jacure. “Cuna, goda wacu ya yũ. Yũ catire mũ āmoja, camota masigũja mũ. Ito bajibojarocati mũ āmoro bajiro bajiatoja”, yiyiju Jesús ĩ Jacure. “Mure cudĩ āmoa yũ”, Jesucristo ĩ yijare tuoijija Dios. ⁸ Dios Macu ñabojaguti tōbujayija Cristo. Tōbujaja wacu jeyaro Dios ĩ rotiado bajiroti yiyiju Cristo. ĩ Jacure queno cudigu ñari, manire yiari tōbujaja ĩsiyija Cristo. ⁹ ĩ Jacu ĩre rotiado bajiroti manire yiari goda ĩsiyija Cristo. Ñimũ gāji manire goda ĩsigũ maquñi. Ito bajiri ĩre mani tuorānuja ticōri, manire masogũ yiguñi ĩ. Ito yicōri mani catiñaroca yigu yiguñi ĩ. ¹⁰ Paia uju ñasagu Melquisedec ñayoru ĩ ñado bajiro ĩ Macu Jesucristore cũyija Dios. Ito bajiri manire maso masiguñi Cristo.

Jesu cristore masirā ñabojarāti ĩre mani jidicāja guijo ña, yire gaye

¹¹ Ito oca gotiroti jaje ruya maji. Ito bajibojarocati iti ocare tuo masi âmobeaa mua. Ito bajiri josari ña iti muare gua goti rêto âmobojaja. ¹² Yoari Cristore mua tuorûnûja bero î oca riasori masa ñaboyija mua. Ito bajibojarocati Dios oca josari meje busa gayere mucana tûdi muare goti rêtoburujaja gua. Waibucu ri ba masi wana ñabojarâti, mucana tûdi ûjurare bajiro bajirâ ña mua. Macuacâ ûjugare bajiro waibucu ri î ba masibeto bajiro Dios oca josari ñarisere tuo rêtobu masibeaa mua. ¹³ Ôjegôa idirâ, macuacâ ûjugare bajiro bajirâ ña mua. Dios ocare queno masirâ meje ña mua. Î oca masibiticôri Dios î âmoro bajiro queno yire gayere masibeaa mua. ¹⁴ Bare jeyaro buti quenarise ña bucûrâ bare. Îna ñama queno sêo quenarâ. Ito bajiroti bajiamaa Dios oca queno tuo masirâ cûni. Dios oca queno masicôri, “Iti ña ñeñarise, iti ña quenarise”, yi ti beserâ yirâji îna.

6

¹ Bucûrâre bajiro Cristore mani queno masi âmoja, î oca josari ñarisere mani riasotija quena. Josabiti gayere riasoticâcu mani. “Ñeñarise jidicâcôri, quenarise tuoîarûja manire”, yire gaye riasoticâcu mani. “Queno yibojarâti Diore manaa tuorûnubeja jeame ûjuroju warâ yirâji mani”, yire gaye riasoticâcu mani. ² Idé gure gaye cûni riasoticâcu mani. Gâjerâ Diore masirare yiari Diore busirâ wana ñare âmoo moa jeore gaye riasoticâcu mani. “Godabojarâti mucana tûdi catirâ yirâji mani”, yire gaye riasoticâcu mani. “Ñeñaro yirâ ña ñeñaro yirise waja, tûbujatûnarâ yirâji îna”, yire gayere riasoticâcu mani. ³ Dios î ejabuarisena, josari gayere riasoti ûmatûarâ yirâji mani.

⁴ Dios oca tuogoana ña mani, ito yicôri Jesucristo ûmacâju wadirure boca âmiana ña mani. Espîritu Santo î queo sâna ña mani îja. Ito bajiri Dios oca mani riasoti ûmatûabeja âcabojarâ yirâji mani. Î ocare âcabojacôri tûdi ñeñaro yirâji mani. Ito bajiri mucana tûdi îre tuorûnu âmomenaji mani. ⁵ Dios oca quenarise tuogoana ña mani. Tiyamani Dios gayere tigoana ña mani. “Adi sita tûdi ejaçu yigûji Jesús”, yi tuoîarâ ña mani. ⁶ Iti jeyarore masi jedirâ ñabojarâti, Jesucristore mani jidicâja, tûdi mani ñeñaro yiriserere jidicâ masimenaji mani. Dios Macure tuorûnubojarâti mani jidicâja mucana tûdi yucutêoju îre jajurâre bajiro ya mani. Ito yicôri masa tiro riojo îre aja tudirare bajiro ya mani. ⁷ Ado bajiro bajira sitare tuoiate mua. Sita joe ide iti quedija, sitajuare ide sâjaroja. Iti sita ote queno judi, iti rica cutija ticôri, “Quenari sita ña adi sita”, yirâ yirâji îna iti sita moari masa. “Queno yifi Dios iti sitare”, yirâ yirâji îna. Ito bajiroti Diore jidicâmenare cûni queno yigu yigûji î ñare. ⁸ Iti sita jota, ito yicôri ta widirise jeyaro iti judija, ñe waja ma iti wese. Ito bajiri sita iti ûjarâ itire soecôrâ yirâji îna. “Adi sitare queno yibisî Dios”, yirâ yirâji îna. Ito bajiroti îre jidicârare jeame ûjuroju cûgû yigûji Dios.

“Yure masogû yigûji Cristo”, mani yi tuoîaja oca sêoa mani, yire gaye

⁹ Yu mairâ, “Mua ña Jesucristore jidicârâ”, yirocu meje muare itire basia yu. “Mua ña Jesucristo î masoana”, ya yu muare. Mua ña Dios î âmoro bajiro yirâ. Ito bajiri, “Queno yami Dios muare”, yi tuoîa yu. ¹⁰ Riojo yigu ñami Dios, ito bajiri mua queno yigorere âcabojabicu yigûji î. Gâjerâ Jesure tuorûnurâre ti maicôri, ñare mua ejabuagorisere âcabojabicu yigûji î. Ñaro bajiroti gâjerâre ejabuarâji mua maji. Ito bajiro mua yiriserere âcabojabicu yigûji Dios. ¹¹ Mua sîgû ruyabeto wanu oca sêocôri Diore mua cuditûñare âmoo gua. Mua catirocô mua ito bajiro yi ñaja, mua bocatiriserere ñarocôti boca âmîrâ yirâji mua. ¹² Jesure mua tuorûnu jidicâre âmobeaa gua. Ito yicôri Dios oca tutire mua jidicâre âmobeaa gua. Yoari Jesucristo î tûdi ejaroti bocaticôri, îre jidicâbisî coriarâ. Ito bajiri ñare bajiro mua bajire âmoo gua. ñare bajiro mua yija, Dios î goticâdo bajiro ñarocôti boca âmîrâji mua.

¹³⁻¹⁴ Abraham ñayorure tuoiate mua. Ado bajiro îre goti yucâyiju Dios: “Riti queno mure yisacôgû yigûja yu. Jâjarâ mu janerâbatia cutiroca yigu yigûja yu. ‘Ito bajiroti yicûja yu’, yirocu yu wamena ya yu”, yiyiju Dios Abraham ñayorure. Î wamenati yiyiju Dios. Gâji wamena meje ito bajiro yiyiju Dios Abrahamre. Ñimujua gâji Diore rêtocûgû maquûji. Ito bajiri î wamenati yiyiju Dios. ¹⁵ “Î yiro robo bajiro yigu yigûji Dios”, yirocu usirioro meje yuyiju Abraham ñayorure. Ito bajiri Dios î goticâdo bajiroti rêtayiju Abrahamre. ¹⁶ “Ado bajiro yicûja yu”, ña yija, Dios wamena yama coriarâ masa. Î wamena yama ña, masa rêtoro ñasagu î ñajare. “Riti muare Dios wamena gotia yu”, ña yija, nojua gâjerâ, “Bûrâti yama”, yi masimenaji. ¹⁷ Ito bajiroti mani ñicusabatiare, “Ito bajiro yicûja yu”, î yire ñajare, yisacôyiju Dios. “Riti manire î goticâdo bajiro îsigû yigûji Dios. Î goticâdo bajiroti gajero bajiro wasoabicu yigûji î”, ña yi masitonî, ñare yisacôyiju Dios. “Muare socabea yu. Riojo yu wamena muare gotia yu”, yiyiju Dios mani ñicusabatiare. ¹⁸ “Riti muare queno yisagu yigûja yu”, yiyiju Dios. Gaje ado bajiro yiyiju Dios: “Ito bajiroti yicûja yu, yirocu yu wamena ya yu”, yiyiju Dios. Juaji Dios î yijare, gajero bajirojua wasoabicu yigûji î. Ito bajiri, “Ado bajiro yicûja yu”, î yicâre ñajare manire masogû yigûji î. Ito yicôri, “Î râca catitûnarâ yirâji

mani”, yi tuoia mani. Í goticãre mani tuorãnuja wana oca sêorã yirãji mani. ¹⁹ Dios í goticãre ñarocõti tuorãnuuja manire. “Maare masogũ yigujaja yu”, yiñi Dios manire. “Í rãca catifñagũ yigujaja yu”, yi mani tuo masija, mani ya usi gũibeto yiroja manire. Ito yicõri oca sêorã yirãji mani. Jane mejeju masare yiari Diore senirona Dios ñari wi yobiado wajajua Dios ñari sãa wasotiyijarã paia mesa. ²⁰ Ito bajiro yiñi Jesús cuni. Úmacãju mũjacõri manire yiari Diore busiñi í. Ito bajiri, “Manire masogũ yigujiji Dios”, yi tuoia mani. Paia uju Melquisedec ñayoru í ñasado bajiro ñasagu ñatññagũ yigujiji Jesús. Manire yiari Diore busi ísitññagũ yigujiji Jesús. Ito bajiro í busi ísitññatoni cũñi Dios ñre.

7

Paia uju Melquisedec bajiro bajiguti ñami Jesús cuni, yire gaye

¹ Í Melquisedec, Salem cuto gagu uju ñayiju. Ito yicõri Dios úmacãju gagure moa ísiri masu ñayiju í paí. Abraham ñayoru gaje cãtori gãna ujarãre rêtocũcõri, tuda wayiju í ya cutojuare. Ito bajiri í tuda waroca ñre boca wayiju Melquisedec. Ñre bocacõri ñre yiari Diore busigu, “Dios queno yijaro mũre”, yiyiju Melquisedec Abrahamre. ² Gãjerã ujarãre rêtocũcõri, í bujare gayere cõiacõri Dios í rotiado bajiro Melquisedecre jabeto ísiyiju Abraham. “Uju queno yigu”, yireoni ña iti Melquisedec yire. Salem cuto gagu uju ñayiju Melquisedec. Ñe oca mani cuto, yireoni ñayiju Salem yireoni. Ñe oca mana uju ñayiju Melquisedec. ³ Melquisedec jacusabatia wame, í ñarã wame cuni ucare ma Dios oca tutiju. Ito yicõri í rujeare, í godare cuni ucare goabea. “Í godaja bero masare yiari Diore busi jidicãyiju”, yire ma. Melquisedecre mani tuoiaja, “Masare yiari Diore í busi ísiado bajiro masare yiari Diore busi ísitññagũ yigujiji Cristo cuni”, yi tuoia mani.

⁴ Mani ñicu Abraham ñayoru rêtoro ñasagu ñayiju Melquisedec. Tuoiate mua. Gaje cuto gãna ujarãre rêtocũcõri, í bujarere cõiacõri jabeto ísiyiju Abraham Melquisedecre. ⁵ Ito bajiro Abraham janerãbatia judio masa jeyaro ñna rucorisere cõiacõri jabeto ísiyijarã paia. Leví wame cutigu janerãbatia ñayijarã ñna paia mesa. Ñna ñarã judio masare jeyaro ñna rucorisere cõiacõri jabeto ñayijarã ñna, Moisés í rotiado bajiro. Ñna ñarã ñabojarocati ito bajiro yiyijarã ñna, Moisés í rotijare. ⁶ Leví janami meje ñabojaguti, Abraham bujarere jabeto seniyiju í Melquisedec. Itire boca ñmicõri ñre yiari Diore busiyiju Melquisedec. Abraham ñayiju, “Queno mũre yigu yigujaja yu”, Dios í yiru. Ñasagu ñayiju Abraham ñayoru. ⁷ “Dios mũre queno yijaro”, yi ecoru rêtoro ñami, “Dios mũre queno yijaro”, yiru. Melquisedec í, “Queno Dios mũre yijaro”, yi ecoru ñayiju Abraham. Ito bajiri, “Abraham rêtoro ñasagu ñayiju Melquisedec”, yi tuoia mani. ⁸ Mani wato ñarã paia gãjerã rucorisere cõiacõri jabeto ñmirã, manire bajiroti godarãji ñna cuni. Melquisedecreama Dios oca tuti iti gotija, “Itocõ godañi Melquisedec”, yire oca ma. Ito bajiri godabicu robo bajiro bajigujiji í. ⁹⁻¹⁰ Melquisedecre jabeto ísiroca í janerãbatia ñarona ñna rujeabitibojarocati í ya rujuju ñayijarã ñna maji Abrahamre. Abraham janami Leví wame cutigu janerãbatia ñayijarã, masa ñna rucorisere cõiacõri jabeto ñmirã. Abraham ya rujuju ñacõri Melquisedecre Abraham í waja yija, ñna cuni waja yirãre bajiro yiyijarã, Abraham ya ruju ñacõri. Ito bajiri, “Ñna ñarocõ rêto busaro ñasagu ñañi Melquisedec”, yi tuoia mani.

¹¹ Leví janerãbatiana suoriti í rotirise cüyiju Dios, judio masare. Leví janerãbatiare paia ñna ñaroca yiñi Dios. Sígũ Leví janami ñayiju paí ñasagu, Aaron wame cutigu. Aaron í janerãbatia rãca masa ñna Diore ísiroti boca ñayijarã ñna. Boca ñmicõri Diore soe ísiyijarã ñna, masa ñna ñeñaro yirise waja yirã. Ito bajiro ñna yibojarocati, “Seti ma mũare. Queno yirã ña mua”, yibisiju Dios ñnare. Ito bajiri Melquisedec ñasagure bajiro bajigure cõayiju Dios, masare í goda ísitori. Aaron mesa waiðucũrãre soe ísicõri, masa ñna ñeñaro yirise waja, waja yi jeocõajama gãji masare busi ísirocu cõabitiboru Dios. ¹² Masare busi ísirocu Jesure Dios í cõaja bero mucana tuda paia mesare masare yiari busi ísi rotibisiju Dios. Ito yicõri bucu oca jidicãcõri í oca mame wasoa rotiyiju Dios paia mesare. ¹³ Mani Uju Jesucristore cũñi Dios, paia uju ñasagu í ñatoni. Ito bajiri í ñami manire yiari Diore busi ísigũ. Leví janerãbatia janami meje ñayiju Cristo. Judá janerãbatia janami ñayiju Cristo. Judá janerãbatia Cristo riojua sígũ paí mañiju. ¹⁴ Mani Uju Jesucristo, Judá janerãbatia janami ñayiju Dios. Leví janerãbatiare paia cũ wacu Judá janerãbatiareama ito bajiro yibisiju Moisés ñayoru. Itire queno tuo masia mani.

¹⁵ Itire tuocõri, “Bucu oca jidicãcõri oca mame wasocõñi Dios”, yi tuoia mani. Paia uju Melquisedec ñasagu í ñado bajiro manire yiari busi ísigũre cũñi Dios. ¹⁶ Leví janerãbatiare riti, “Paia ñarã yirãji ñna”, yi rotiyiju Moisés. Ito bajiri Moisés í rotirena meje paia uju Cristo í ñaroca yiñi Dios. Tuda í catija ticõri, í Macure cũñi Dios manire yiari í busi ísitori. Buto masigũ ñari juaji godabicu yigujiji Cristo. ¹⁷ Ado bajiro gotiyiju Dios í Macure: Masare mu busi ísitññatoni mũre cúa yu. Paia uju Melquisedec ñasagu í ñado bajiro ñatññagũ yigujaja mu, yiyiju Dios í Macure.

18 ВУСУ оца ити ротиро bajiro queno суди jeo masibisijarā mani ñicusabatia. Ito bajiri ñare seti ñayiju maji. Ito bajija ticōri, “ВУСУ оца quenabea. Ñe waja ma iti”, yi tuoĭa wacu itire jidicāyiju Dios. 19 ВУСУ оца ña суди jeoja ticōri, “Ñare seti ña maji”, yiyiju Dios. Ito bajiri ВУСУ оца jidicācōri, mame оца сūyiju Dios ĩja. Ado bajiro yiyiju Dios. Ī Macu Cristore cōayiju, mani ñeñaro yirisere ĩ waja yi ĩsitioni. Ito bajiri Cristore mani tuorānuja ticōri, “Ñe seti ma mware”, yigu yiguĭji Dios ĩ tu mani eĭari rumu. Ito mame оца tuocōri, “ВУСУ оца ñasore rētoro quena mame оца”, yi tuoĭa mani.

20 “Yu Macure cūa yu, masare yiari ĩ busi ĩsitĭñatoni. Riti ya yu”, yi goticāyiju Dios. 21 Cristore Dios ĩ cūroto rioĭua, gājerā paire ĩ cūja, “Ñasagu ānire cūa yu”, yibisiju Dios. Ī Macureama paia uĭu cū wacu, “Riti, āni ñasagure cūa yu”, yiyiju Dios. Ī Macure ado bajiro gotiyiju Dios ĩ oca tutina:

Yu ña Dios mu Ėju. “Ado bajiro yigu yiguja yu”, yicōri ya tuoĭarise tuo riawusobicuja yu. Masare yiari mu busi ĩsitĭñatoni mure cūa yu. Paia uĭu Melquisedec ñasagu ĩ ñado bajiro ñatĭñagū yiguja mu cuni, yiñi Dios ĩ Macure, yi gotia Dios оца tutiju.

22 Ito mani tuoĭa, “Riti manire masogū yiguĭji Jesucristo. ВУСУ оца rētoro quenarise ña iti mame оца”, yi tuoĭa mani. 23 ВУСУ оца ити ñaroca jājarā paia ñayijarā. Īna godaja gājerā ñare wasoarona ñayijarā. 24 Ito bajiro ña godabojarocati, Jesuama godagu meje ñami. Ñimujua gāji Jesure wasoarocu maquĭji. 25 Catitĭñagū ñari manire yiari Diore busi ĩsitĭñagū yiguĭji ĩ. “Mu Macu yure goda ĩsiñi. Ito bajiri ña suoriti mu yagu ña āmoa yu”, Diore mani yija, manire masogū yiguĭji Cristo. Manire ĩ masoja bero ĩ rāca catitĭñarā yirāji mani.

26 Jesucristo ruyabojaji maji, manire busi ĩsirocu. Manire yiari Diore ĩ busi ĩsibeja, Dios tu eĭamenaji mani. Dios ĩ ñajare, ñeñarise ma ĩre. Ñeñaro yigu meje ñayiju ĩ. Ñe seti macu ñayiju ĩ. Masa ñeñaro yirāre bajiro meje bajigu ñami ĩ. Ūmacāju gāna rētoro ñasagu ĩ ñaroca yiyiju Dios Jesure. 27 Gājerā paia uĭure bajiro bajigu meje ñaguĭji ĩ. Co rumu ruyabeto waibucurāre śayijarā ña, Diore soe ĩsirona. Ito bajiro yicōri, “Gua ñeñaro yirisere ācabojoya. Ito yicōri masa ña ñeñaro yirisere cuni ācabojoya”, yiyijarā ña. Coji meje ito bajiro yiyijarā ña. Jesuama cojiti godañi, masa ña ñeñaro yirise waja, waja yi ĩsigū. Mucana tudu waja yibicu yiguĭji ĩ, ĩ ya rina ĩ waja yi tiocāre ñajare. 28 Moisés ñayoru ĩ rotirena suoriti manire bajirāreti paia uĭarā ña rotiyijarā ña. ВУСУ оца jidicācōri mame оца сūyiju Dios. “Riti ado bajiro yicuja yu”, yirocu mame оца сūyiju Dios. “Yu Macu ñeñaro yibicure cūa yu, masare yiari ĩ busi ĩsitioni”, yiyiju Dios ĩ oca tutina.

8

Mame оца goticōri manire busi ĩsiri masu ñami Jesús, yire gaye

1 Yu gotisurise ado bajiro baja ñasarise. Sigū ñami manire yiari Diore busi ĩsigū. Ī ñami ñasagu. Ūmacāju Dios ya riojocadaja rucuburoja ruĭguĭji ĩ. 2 Dios ya wi ñasari wi ñacōri manire yiari busi ĩsigū yiguĭji ĩ. Masa ña menira wi meje ñaroja iti wi. Dios ĩ menira wi ñaroja iti wi.

3 Masa ña ñeñaro yirise waja, waja yirona Diore waibucurā soe ĩsiri masa ñama paia uĭarā. Ito bajiro ña yitoni ñare cūrā yirāji masa. Manire yiari ito bajiro yiñi mani Ėju Jesucristo cuni. Mani ñeñaro yirise waja, waja yirocu manire goda ĩsiñi ĩ. Ito bajiro yicōri Diore busi wacu ĩ ya ruĭu ĩsigūre bajiro yiñi ĩ. 4 Adi tuti ñarā paia, Moisés ñayoru ĩ rotiado bajiroti soe ĩsima maji. Ito bajiri Cristo adi sita ĩ ñajama ñare bajiro yibitiboguĭji. Adocāta manire yiari ūmacāju Diore busi ĩsigū yiguĭji ĩ. 5 Adoju paia ña moari wi ūmacāju gagu Dios ya wi robo bajiro baja. Moisés ñayoru Dios ya wi ĩ menigū wagu yiroca, ado bajiro rotiyiju Dios ĩre: “Gūtagū joeju yu mure goticado bajiroti tuoĭacōri, ito bajiro menima”, yiyiju Dios Moisés ñayorure. Adi sita gāna paia ña moaja ūmacāju gagu Dios ya wi robo bajiro quesoĭarā yirāji ña. 6 Cristo manire busi ĩsiri masure moare ñasarise cūñi Dios. Paia ñayoana bucūrā rotirere cudigoana ña yiado rētoro yigu ñami Cristo. “Masa yu Macure ña tuorānuja, ñare queno yigu yiguja yu. Īna ñeñaro yirisere ācaboĭcōri, ñare masogū yiguja yu”, yami Dios ĩ oca tutina.

7 ВУСУ оца rētoro ñasarise ña mame оца. ВУСУ оца tuo suycōri Dios ñaro mani eĭajama gaje mame оца cūbitiboru ĩ. 8 ВУСУ ocare masa ña суди jeo masibeja tiyiju Dios. Ito bajiri ado bajiro yiyiju ĩ:

Israel sita gāna rāca, Judā gāna rāca ija mame оца quenogū yiguja yu maji.

9 Īna ñicusabatiare yu goticado bajiro meje bajiro yiroja. Egiptoju ña ñaroca gajeroju ñare cū wacu ñare gotibojacu yu. Yu goticado bajiro cudibiticā ña. Ito bajiri ñare tuorānubiticu yu.

10 Ija Israel sita gānare yu оца quenoja, ado bajiro yigu yiguja yu: Yu rotirise ña tuoĭaroca yigu yiguja yu. Ito bajiri ña ya usiju yu rotirisere суди āmorā yirāji ña. Ito yicōri ña uĭu ñagū yiguja yu. Ito bajiri ña ñarā yirāji yu ñarā.

11 Yu ñarã ñari ñarocõti yure ti masirã yirãji ña. Ito bajiri yure masirã riti ña ñajare ña baba mesare cuni yure ña ti masitoni riasomena yirãji ña. Ña jeyaro yure ti masirã yirãji ña. Mutarã cuni, bucarã cuni yure ti masirã yirãji ña. Ito bajiri yure ña ti masitoni riasomena yirãji ña.

12 Ñare ti maicõri ña ñeñaro yirisere ácabojogu yiguja ya. Ito yicõri juaji ña ñeñaro yirisere tuobicu yiguja ya ña, yami mani Uju Dios i oca tutina.

13 Mame oca Dios manire i busija, “Bucu ocare jidicãcõgũ yiguũji”, yi tuoia mani. Bucua warise jedi wato ya. Ito bajiroti manire mame oca i gotija, “Iti ramu gaye bucu oca jedi waro ya”, yi tuoia masia mani.

9

Diore rucubworã ado bajiro yiyjarã bucarã, yire gaye

1 Cajero Dios Moisés rotirore cõgũ masa ñe rucubworoti gayere ñe cõyiju Dios. “Adi sitaju yure rucubworona mua minijuaroti wi menire ámoa ya”, yi rotiyiju Dios Moisésre.

2 Ito bajiri i rotiado bajiroti wi jua sõa, sõa cutiri wi meni ñisyijarã ña. Wi gudareco saya webutirona yobiara wi ñayiju iti wi. Cajero ejasuraju Diore rucubwora sõa ñayiju iti sõa. Iti sõaju jeobusora tutu ñayiju. Ito yicõri casabo ñayiju, naju Diore ñsroti jesarì casabo.

3 Yobiado gaje duja ñari sõa, Dios i ñasari sõa wame cutiyiju iti sõa. 4 Itoju orona ña menira casabo ñayiju. Iti ñayiju Diore yiari queno suti quenarise ña soe ñisotira casabo. Ito yicõri orona ña menira jedo ñayiju. Dios i busigore ñari jedo ñayiju iti jedo. Iti jedo totiju adocõ jaje ñayiju. Iti jedoju oro sota sõñayiju. Iti sotaju bare manã wame cutirise sõñayiju. Ito yicõri iti jedoju Aarõn ñayoru ya turigu ñasãturagu sõñayiju. Ito yicõri iti jedoju gũta jãiri Dios i rotirise ucare ñayiju. 5 Iti jedo joe ángel mesa bajirã ña meni rujeoana jesayjarã. Ña ñayjarã masa ña ñeñaro yirise waja soe ñsiru weca caero ñujeorã. Ñare ticõri, “Adi sõa ña Dios i ñasari sõa”, yi tuoñayjarã paia. Adocãta iti gaye ñarocõti goti masia ma maji.

6 Ito bajiro bajiyiju mani ñicusabatia Diore ña rucubwore gaye. Co ramu ruyabeto ña moasotire ñajare, Diore rucubworaju ñasuri sõa ejasotiyjarã ña. 7 Ito bajibojarocati Dios i ñasari sõareama paia uju co rodo ruyabeto coiti sõayiju i co rodore. Itoju i sõa waja, waibucarã rí rãca ãmi sõa wayiju i. Iti ñayiju i ñeñaro yirise waja, waja yiroti, ito yicõri masa ñeñaro yirise waja, waja yiroti. 8 “Mani ñicusabatia cajero Dios i rotisore ña rucubwosoroca paia uju sigũti Dios i ñasari sõa sõajasotiyiju. Masama ejasura sõa riti sõajasotiyjarã ña. Ito bajiri Dios i ñaroju eja masibisjarã masa maji”, mani yi masiroca yami Espiritu Santo. 9 “Ricati baja adi rumuri”, mani yi tuoiaroca yami Espiritu Santo. Mani ñicusabatia Diore rucubworona waibucarãre soe ñisyijarã ña. Ito bajiro yibojarãti ña tuoiarise, “Seti cuti ña ya maji”, yi tuoñayjarã ña. 10 Bucurã rotire gaye ado bajiro bajiyija: “Adi ña bare, adi ña bare meje. Adi ña idiroti, adi ña idire meje. Ado bajiro guaja quena. Ado bajiro coeja quena. Ito yicõri ado bajiro rujare tirãñaja quena”, yire gaye ñayiju bucarã ña rotire. Mani ñicusabatia itire cudi ámorã ñabojarãti, ñarocõti cudi jeo masibisjarã ña. Mame oca Dios i wasoaroto riojua bucu oca ñasarise ñayiju maji.

11 Ijama Cristo ejacoami. Iti ñami manire yiari Diore busi ñsigũ ñasagu. Iti ñami manire quenarise rëtaroca yigu. Manire i goda ñsija bero umacãju Dios ya wiju muja wayiju i. Itoju Dios ya wi ñacõri manire yiari busi ñsotiguũji i. Umua ña menira wi rëtoro quenari wi ñaroja Dios ya wi. Adi sitaga wi meje ñaroja Dios ya wi. 12 Umacãju Dios i ñasari sõaju ñagũji Cristo adocãta. Itoju sõajacõri cabra macu rí, ta wecu macu rína Diore ñsirocu meje sõajaru i. I ya rínati Diore ñsirocu sõajaru i. Manire goda ñsicõri mani ñeñaro yirise waja, waja yi ñoru i. Ito bajiri mucana juaji i ya ríre Diore ñsibiquji i. I rãca mani ñatñatoni ñarocõti waja yini i. 13 Ado bajiro bajiyiju Dios i rotisore: Sigũ godarure i moaaja ito yicõri rëore gayere i moaaja, i ya ruju ueri jaigure bajiro bajiyiju i. Ito bajiri itire coerona ta wecu rí, cabra macu rí cuni, ito yicõri ta wecu macu rí ña soe abore riti ña ya rujare paiare wëjabate gu rotiyjarã ña. Ito bajiro ña yija joe ueri coero bajiro bajiyiju iti. 14 Waibucarã rí rëto busaro ñasarise ña Cristo ya rí. Waibucarã ríama joe gayeti coeroja. Jesús ya ríama mani ñeñaro yirisere coe jeocõroja. Cojirena ñeñaro yilabicũ ñari manire goda ñsini i, mani ñeñaro yirisere waja yi ñsirocu. Ito bajiro yini Cristo manire, Espiritu Santo ñatñagũre tuocõri. Jesús ya rína suoriti mani ñeñaro yirisere ácabojogu yiguũji Dios. Ito bajiri, “Yu queno yirise ticõri yure masogũ yiguũji Dios”, yi tuoãbea mani. “Jesús ya ríre ticõri ya ñeñaro yirisere ácabojoni Dios”, yi tuoãa mani. Ito bajiri Dios catitñagũre wanurã ñe moa ñsitiñarã yirãji mani.

15 Ito bajiri iti oca tuocõri, “Jesucristo ñti ñami mame oca manire gotitoni Dios i cõaru”, ya mani. Cajero Dios i rotisore gaye cudi jeo masibisija mani. Ito bajiri Dios i rotisore mani cudi jeo masibejare, itire waja yi ñsirocu manire yiari goda ñsini Cristo. Ito bajiro Cristo i yija ticõri, Dios i goticãdo bajiroti yigu yiguũji i. Mani ñeñaro yirisere ácabojocõri, i rãca mani

ñatĩñatoni manire ãmigũ yiguĩji Dios. ¹⁶ Ado robojua baja. Tite. Sīgũ ĩ godaroto riojua, “Yũ ya gajeoni ruco wasoarã yirãji yu ñarã”, yi menigũ yiguĩji ĩ. Ito bajiro ĩ yija bero, “Riti ña. Adi papera ĩ ucaja bero godacoañi”, oca quenori masũ ĩ yiroto riojua, godarũ ya gajeonire boca ãmi masimenaji ĩ ñarã. ¹⁷ Iti papera ucarũ ĩ catija maji, ĩ ñarã ĩ ya gajeonire boca ãmi masimenaji maji. ĩ godaja bero riti, ĩ uca gotiado bajiro boca ãmirã yirãji ĩna. ¹⁸ Ito bajiroti cajero ĩ rotire gotigu, Moisés ñayoru waibucũ rĩ wẽjabate rotiyiju Dios. “Iti rĩre ticõri, ĩja sīgũ manire goda ĩsigũ yiguĩji”, yi tuoĩarã yirãji masa”, yĩni Dios Moisésre. ¹⁹ Ito bajiro ĩ gotija tuocõri, ñarocõti Dios ĩ rotire gaye masare goti jeoyiju Moisés ñayoru. Itire goti tuocõri cabra macũ rĩ, ta wecũ macũ rĩ idena jabeto wũoyiju. Ito yicõri oveja joa sũarise ãmicõri hisopo wame cutiricũ rujure siayiju. Iti gocore riju yosecõri, Dios ĩ rotira tutire ito yicõri masare cuni rĩna wẽjabate guyiju Moisés ñayoru. ²⁰ Ito yicõri masare ado bajiro yiyiju ĩ: “Adi rĩre ticõri, ĩto bajiro yicuja ya”, Dios ĩ yiado bajiroti yigu yiguĩji, yi tuoĩa mani”, yiyiju Moisés masare. ²¹ ĩna minijuara wiju cuni rĩna wẽjabate guyiju Moisés ñayoru. Ito yicõri itiju minijuara wi ñarise ñarocõreti rĩna wẽjabate guyiju ĩ. ²² Ado bajiro gotia bucũ oca: “Ueri cutirise jeyaro, rĩna coeja quenaroja. Sīgũ ĩ rĩ budibeya mani ñeñaro yirise coeya manibodoja”, yi gotia bucũ oca.

Cristo ĩ godarena suoriti mani ñeñaro yirise coeyiju, yire gaye

²³ Ito bajiro mani ñicusabatia Dios ya wiju ĩna sãjaroto riojua, ĩna ya rujure ĩna ya gajeonire cuni rĩ wẽjabate guyijarã ĩna. Rĩ wẽjabatecõri, “Ueri ma manire. Sãjaruja manire”, yiyijarã ĩna. Ito bajiro ĩna yija, umacũju Dios ĩ ñaro bajiro quesoĩayijarã ĩna. ĩna yisotiado bajiro waibucurã rẽtoro ñasagu manire goda ĩsiñi Cristo. ĩ ya rĩna suoriti Dios ya wiju ejarã yirãji mani. ²⁴ Mani ñicusabatia ĩna menira wiju sãjabisiju Cristo. “Ado bajiro bajiroja Dios ya wi”, yiariti ĩna menira wi ñayiju itĩ wi. Cristoama umacũju Dios ĩ ñaroju sãjañi. Ito bajiro adocãta itona ñacõri, manire yari Diore busi ĩsigũji ĩ. ²⁵ Judio masa paia uju co rodo ruwabeto cojiti sãjayiju ĩ co rodore. Itoju sãjacõri, Diore yari waibucũ rĩ wẽjabateyiju ĩ. Cristoama cojiti ĩ ya rĩ ĩsiyiju Diore, masa ĩna ñeñaro yirise waja, waja yi ĩsirocu. ²⁶ Co rodo ruwabeto Cristo godare Dios ĩ ãmoja, biyaro godoboru, adi macãrucãro iti rujearocajuti. Ado bajirojua baja. Adocãta macãrucãro iti jediroto riojua, manire yari cojiti goda ĩsiñi Cristo. Mani ñeñaro yirisere goda ĩsiñi ĩ. Ito bajiro ĩre mani tuorũnuja, manire ĩ yi ĩsigore ticõri, mani ñeñaro yirisere ãcabojoju yiguĩji Dios. ²⁷ Sīgũ ruwabeto cojiti godarã yirãji mani. Ito yicõri mani queno yire, mani ñeñarise yire cuni cõtagũ yiguĩji Dios. ²⁸ Cristo cuni masa jeyarore ĩna ñeñaro yirise waja, waja yi ĩsirocu cojiti godañi. Mucana tudĩ ĩ goaja, masa ĩna ñeñaro yirisere waja yi ĩsirocu meje ejagu yiguĩji. ĩre bocatirãre masorocu ejagu yiguĩji ĩ.

10

¹ Bucũ ocana suoriti quenaro ĩnare Cristo ĩ yiroti gayere masisũoyijarã masa. Ñarocõti ĩ queno yiroti masi jeobisijarã ĩna maji. Bucũ oca cudirã co rodo ruwabeto waibucurã siacõri Diore soe ĩsotiyijarã ĩna. Ito bajiro ĩna yibojarocati, “Yũ tija, seti ma ñare”, yibisiju Dios. Ito bajiro bucũ ocare mani tuo sũyabojaja Dios tu ejamana yirãji mani. ² Diore yari waibucurã ĩna soe ĩsija bero ĩna ñeñaro yirisere ĩ coe jeoja, mucana waibucurã soe ĩsibitiboana ĩna. “Waja yi tuomu yu. Yare seti ma ĩja”, yi boana. ³ Ito bajiro meje bajiyija. Co rodo ruwabeto Diore waibucurã ĩna soe ĩsija, “Ñeñaro yigu ña yu”, yi tuoĩa bujayijarã ĩna. ⁴ Ta wecũ rĩ, cabra rĩ, masa ĩna ñeñaro yirisere coeroti meje ñaroja.

⁵ Ito bajiro adi sitaju wadigu, ado bajiro yiyiju Cristo Diore:

Masa ĩna waibucurã soe ĩsire ãmobeja mu. Ito bajiro ĩna ñeñaro yirise yu waja yi ĩsitori, ĩna tu yu ruju cutiroca ya mu.

⁶ Masa ĩna ñeñaro yirise waja yirona waibucurã ĩna soe ĩsija queno wanubea mu, ya yu.

⁷ Gaje ado bajiro mure gotia yu: Dios mu ãmoro bajiro yirocu masa taju wacu ya yu. “Dios ĩ rotiro bajiro yigu yiguĩji ĩ”, mu oca tuti itĩ gotiroto bajiroti, masa taju wacu ya yu, yiyiju Cristo Diore.

⁸ Queno tuoya yu ñarã mu. Ado bajiro gotiyiju Cristo: “Masa ĩna ñeñaro yirise waja yirona Diore yari waibucurã ĩna soe ĩsi ãmobjaja, queno wanubeami. Moisés ñayoru ĩ rotire ñabojarocati, queno wanubeami Dios”, yi gotiyiju Cristo. ⁹ Gaje ado bajiro gotiyiju Cristo: “Dios, mu ãmoro bajiro yirocu, masa taju wacu ya yu”, yiyiju Cristo Diore. ĩ ito yija tuocõri, “Bucurã waibucurã soe ĩsire jidicãcõri, ĩmasiti manire goda ĩsiñi”, yi tuoĩa mani. ¹⁰ Dios ĩ ãmoro bajiro yĩni Jesucristo. Cojiti manire yari goda ĩsiñi ĩ, ĩ ya rĩna mani ñeñaro yirisere waja yirocu. Ito bajiro ĩ yire ñajare, mani ñeñaro yirisere ãcabojoõcõri, “Seti ma muare”, yigu yiguĩji Dios manire.

¹¹ Judio masa paia co ruwu ruwabeto ĩna ya moare ñajare, biyaro Diore waibucurã soe ĩsotiamã ĩna. Ito bajiro ĩna yibojarocati masa ĩna ñeñaro yirisere coebetoja. ¹² Cristoama cojiti mani ñeñaro yirisere waja yi tuorocu manire yari goda ĩsiñi ĩ. Mani ñeñaro yirise waja

yi t̄icōri ūmac̄aju Dios ya riojocaduja r̄ucub̄uoraju rujigūji ī ĩja. ¹³ Itoju ñac̄ōri ī wajanare r̄etoc̄uroca Dios ī yitoni bocatigū yigūji maji. ¹⁴ Manire yiari cojiti goda ĩsiñi Cristo. Ito bajiro ī yijare manire tic̄ōri, “Seti ma muare”, yigū yigūji Dios. Ito bajiri ī r̄aca catit̄iñar̄a yir̄aji mani. ¹⁵ “Riti baja it̄i oca”, mani yi masitoni, ado bajiro gotiñi Esp̄iritu Santo:

¹⁶ Masa r̄aca mame oca quenoḡu yigūja yu. Ado robojuaj bajiro yiroja:

Yu rotirise ĩna tuōiaroca yigūja yu. Ito bajiri ĩna ya usiju yu rotirisere cudi āmor̄a yir̄aji ĩna.

¹⁷ Cristore ĩna tuor̄anuja tic̄ōri, ĩna ñeñaro yirise, ĩna seti cutirise juaji t̄adi tuōiabic̄uja yu, yi gotiñi Esp̄iritu Santo Dios oca tutina.

¹⁸ Ito bajiri mani ñeñaro yirisere Dios ī ācabojaja bero, juaji mani ñeñaro yirisere waja yi masia ma.

Diore mani tuor̄anuja quena, yire gaye

¹⁹⁻²⁰ Ito bajiri yu mair̄a, ado robojuaj baja mame oca, adi rum̄ari. Mani ñeñaro yirise waja, waja yi t̄ioñi Cristo, ī ya r̄ina. Godaru ñabojaguti muc̄ana catic̄ōri ūmac̄aju Dios ī ñaroju ñaguj̄i manire yiari. Ito bajiri ĩre mani tuor̄anuja ūmac̄aju Dios ī ñasari s̄oaju gūimenati s̄ajar̄a yir̄aji mani. Mani ñic̄usabatia Dios ī ñasari s̄oa yobiadore r̄eta masibisijar̄a ĩna. Ito bajiro meje baja adoc̄ata. ²¹ Jesucristo s̄iḡuti ñami paia uju ñasagu. Manire yiari Diore busi ĩsotigū yigūji. Ito bajiro yisotigūji Cristo, Dios ya wina ñac̄ōri. ²² Ito bajiri gūimenati Diore r̄ucub̄uorona ī tu war̄aja manire. Ito yic̄ōri, “Yure boca āmiḡu yigūji”, yi tuōia r̄ucub̄uoruja manire. Mani ñeñaro yirisere coeñi Dios, Jesucristo ya r̄ina. Ado bajiro baja it̄i. Ide quenarisena mani guaja bero mani ya ruju ueri manoja ĩja. Iti bajiroti Jesucristo ya r̄ina suor̄iti mani ñeñaro yirise Dios ī coeja bero, ueri mana bajiro ñar̄aji mani ĩja. Ito bajiri, “Ñeñaro ya yu. Seti ña yure”, yi tuōiabea mani. ²³ ĩre tuor̄anuc̄ōri, “Yure masoḡu yigūji ĩ”, yir̄a ñari, ĩre tuor̄anu s̄uyar̄aja manire. Gajero bajiro tuōiabitir̄aja manire. Dios manire ī gotic̄ado bajiroti yigū yigūji ī. ²⁴ Ḡajer̄are mani queno yitoni, ito yic̄ōri ĩnare mani ti maitoni, ḡameri ejabuar̄aja manire. ²⁵ Jesucristore tuor̄anur̄a ñari, ĩre r̄ucub̄uorona minijuat̄iñar̄aja manire. Coriar̄a minijua jidic̄añi ĩna. ĩnare bajiro yibitir̄aja manireama. Jesucristore mani jidic̄abititoni, buto busa ḡameri oca s̄eo rotir̄aja manire. Ito bajiri adi rum̄ari buto busa oca s̄eor̄aja manire, yoari mejeti mani ũju ī ejaroti ñajare.

²⁶ Dios ocare masir̄a ñabojar̄ati, ñeñaro mani yi uaja ñe waja yi remore manoja. Waja yic̄añi Cristo. Ito bajiri ĩre mani tuor̄anubeja, t̄adi waja yibiqūji ī ĩja. ²⁷ Ito bajiri Cristore mani tuor̄anubeja tic̄ōri, gūijorise riti manire waja seniḡu yigūji Dios. Ito yic̄ōri jeame ũjar̄oju ī wajanare ruyur̄ior̄ijuju manire c̄oḡu yigūji Dios. ²⁸ Moisés ñayoru ī rotire gayere s̄iḡu ī cudibeja ado bajiro bajijiju. Juar̄a, udiar̄a, “Riti cudibeami ĩ”, ĩre yi coder̄a ñaja, jabeto ĩre ti mair̄a mejeti ĩre siac̄oyjar̄a ĩna. ²⁹ Iti gayere mani tuōiaja, “S̄iḡu Dios Macare ti tec̄ōri ī r̄ucub̄uobeja, buto busa ī t̄ob̄ujaroca yigū yigūji Dios ĩre”, yi tuōia mani. Masa jeyaro yiari Jesucristo ya r̄i budijiju. ĩ ya r̄ina suor̄iti mani ñeñaro yirisere ācabojogūji Dios. Iti ña oca mame Dios ī c̄ure. Ito bajiri, “Masare yiari ī goda ĩsibore ñe waja ma ī ya r̄i”, yigure buto ī t̄ob̄ujaroca yigū yigūji Dios. Manire ti maiḡu ñari queno manire ejabuami Esp̄iritu Santo. Ito bajiri no Esp̄iritu Santore busitugureti buto ī t̄ob̄ujaroca yigū yigūji Dios. ³⁰ Ado bajiro yiñi Dios: “Yu ña masa ĩna ñeñaro yirisere waja seniroca. Ito yic̄ōri yuti ña ĩna t̄ob̄ujaroca yiroca”, yiñi Dios. Itire masia mani. Gaje ado bajiro gotia Dios oca: “Dios ñami ī ñar̄are ĩna ñeñaro yirise waja, waja seniroca”, yi gotia Dios oca. ³¹ Ñeñaro yir̄are ñiac̄ōri Dios catit̄iñaḡu ī waja senija, buto gūijorise ñaroja.

³² Ito bajiri, “ĩre jidic̄aḡu yigūja yu”, yi tuōiabea mua. Jesucristo oca tuoc̄ōri ĩre mua boca āmicato bajiroti ĩre riti mua tuor̄anu s̄uyaja quena. ĩre mua tuor̄anuja tic̄ōri, muare t̄udiñi ḡajer̄a. Mua t̄ob̄ujaroca ĩna muare yibojarocati Cristore tuor̄anu jidic̄abisija mua. ³³ Mua coriar̄are masa busi t̄udiñi. Ito yic̄ōri mua coriar̄are masa ĩna tiro riojo ñeñaro yiñi ĩna. Mua baba mesare ñeñaro ĩna yija tic̄ōri, ĩna r̄aca t̄ob̄ujayija mua c̄ani. ³⁴ Mua baba mesare ĩna tubiaja ĩnare tuo māiyija mua. Mua ya gajeonire ĩna emabojaja c̄ani buto bojori bujabisija mua. “Ūmac̄aju Dios ī ñaroju jogabitire boca āmir̄a yir̄aji mani. ĩna manire emarise r̄etoro quenarise bujar̄a yir̄aji mani”, yi wanure r̄aca tuōiyija mua. ³⁵ Ito bajiro ñeñaro t̄ob̄ujar̄ati Diore tuor̄anu jidic̄abeja mua. Oca s̄eoro wanure r̄aca buto busa Diore tuor̄anuja mua. Ito bajiro mua yija, iti waja queno yigū yigūji Dios muare. ³⁶ Dios ī āmoro bajiro mua yi āmoja, us̄ir̄obeja mua. Ito bajiro mua yija tic̄ōri, ī gotiado bajiroti muare ī ĩs̄iroti ĩsiḡu yigūji Dios. ³⁷ Yoari goroama bocati yimenaji mua. Ado bajiro gotiami Dios ī oca tutina:

Yoari mejeti yu c̄uru ejaḡu yigūji. Yoari goroama godabetoja ī ejaroti.

³⁸ No ī ñeñaro yirisere jidic̄ac̄ōri Cristore tuor̄anuḡureti ti wanuḡu yigūja yu. Ito bajiri ī catit̄iñaroca yigū yigūja yu. Yure jidic̄ar̄areama ĩna r̄aca wanub̄icu yigūja yu, yiñi Dios ī ocana.

³⁹ Diore jidicārã meje ña mani. Ito yicõri i ruyuriorona meje ña mani. Diore tuorãnurã ña mani. Ito bajiri i masoana ñari i rãca catitñarã yirãji mani.

11

Diore mani tuorãnuja catitñarã yirãji mani, yire gaye

¹ Diore mani tuorãnuja ado bajiro tuoñarã yirãji mani. “Dios i yiro bajiroti yure masogũ yiguñi i. Ija yure i isiroti itire tibitibojagati boca ãmigũ yiguja yu”, ya mani Diore mani tuorãnuja. ² Jane mejeju ãre ña tuorãnuja ticõri, mani ñicõsabatiare wanuyiju Dios.

³ “I ya ocanati adi macãrucãrore rujeoñi Dios”, ya mani, ãre mani tuorãnuja. “Rocati mani tigorena meje adi macãrucãrore rujeoñi Dios. I ya ocanati adi macãrucãrore rujeoñi Dios”, ya mani, ãre mani tuorãnuja.

⁴ Mani ñicõsabatia Diore ña tuorãnugore gaye muare gotigu ya yu. Abel ñayoru Diore tuorãnucõri i rñjoru Caín, Diore i isiroti rãtoro quenarise ãsiyiju Abel ñayoru. Ito bajiri, “Yu rotiro bajiroti yami”, yicõri i isiro bajiroti boca ãmiyiju Dios. Jane mejeju Abel ñayoru i godabojarocati Diore i tuorãnure mani tuoñaja, buto busa Dios gayere tuo masirã yirãji mani.

⁵ Enoc ñayoru Diore i tuorãnujare ãre wanuyiju Dios. ãre ti wanucõri, catigureti ãre ãmicoayiju Dios. Ito bajiri ãre ãmabojarãti bujabisijarã masa, Dios ãre ãmire ñajare. Dios oca tuti iti gotija, “Enoc ñayoru i ãmi ecoroto riojua, ãre queno wanuyiju Dios”, yi gotia Dios oca tuti. ⁶ Diore mani tuorãnubeja, manire wanubiguñi i. Dios rãca mani baba cuti ãmoja, ado bajiro tuoñarãja manire: “Riti bajia, ñasacõguñi Dios. No Diore masi ãmogũ i ãmaja, ãre boca ãmigũ yiguñi Dios”, yirãja manire, Dios rãca mani baba cuti ãmoja.

⁷ Noẽ ñayoru cuni Diore tuorãnuyiju. “Mu tiñabiti rãtoro yiroja mure”, Dios i yija tuocõri, Dios i yiro bajiroti cudiyiju Noẽ ñayoru. Ito bajiri cuma bucua jajoca meniyiju Noẽ ñayoru, i ñarã rãca rujabe yirocu. Diore tuorãnucõri adi macãrucãro gãna Diore tuorãnubitanare bajiro meje yiyiju i. Ito bajiro Noẽ i yija ticõri, “Manire waja senigũ yiguñi Dios”, yi tuoñayijarã masa. “Yure i tuorãnujare seti ma Noẽre”, yi wacu ãre masoyiju Dios.

⁸ Abraham ñayoru cuni Diore tuorãnuyiju. Dios i busija tuocõri, i yiro bajiro cudiyiju Abraham ñayoru. “Gaje sita mure ãsigũ yiguja yu”, Dios i yija tuocõri, i ya sitare wagoyiju Abraham. “Itoju ejaqu yiguja yu”, yi masibicati wayiju Abraham cajero wasuogu. ⁹ Diore tuorãnucõri, Dios ãre isiroti sita ñagũ wayiju Abraham, gãjerã ya sita ñabojarocati. Wijãi menicõri, ito yicõri waibucu wirorina wi menicõri ñayiju i. “Yoari mejeti ñagũ yiguja yu”, yirocu itina meniyiju i. Ito bajiro yiyiju i macu Isaac cuni, ito yicõri i janami Jacob cuni. “Adi sita manire ãsigũ yiguñi Dios”, yi tuoña masirã ñayijarã ña cuni. ¹⁰ Diore tuorãnucõri, Dios i ñasari cutore tuoñayiju Abraham ñayoru. Iti cuto Dios i menicãra cuto ñaroja. Ito bajiri iti cuto jajanoabeto yiroja.

¹¹ Abraham manoyo Sara ñayoru Diore tuorãnugõ ñayiju. Buce rãa mani waro ñabojarocati iso macu cutiroca yiyiju Dios isore. Ito bajiri, “Dios i yiro bajiro yigu yiguñi”, yi waco macu cutiyiju iso. ¹² Ito bajiroti Abraham ñayoru cuni i godaroto riojuati macu cutiyiju i. I ñayiju jãjarã janerãbatia cutirocu. Jãjarã ñocõa, jaje ja sitacõ janerãbatia cutirocu ñayiju i, cõtiado mana.

¹³ Ña muare yu gotirã ña godaroto riojua, “Adi sita muare ãsigũ yiguja yu”, Dios i yira sitare boca ãmibisijarã ña maji. “Ito bajiro yigu yiguñi Dios manire”, yi jidicãbisijarã ña. “Adi macãrucãro ñatñaronona meje ña mani. Adoju ña ucurãre bajiro bajirã ña mani. Umacũju ñaroja mani ñatñaroti cuto”, yi tuoñayijarã ña. ¹⁴ Iti gayere mani tuoja, “Umacũju Dios tãju ña catitñaroti cutoju tuoña ñayijarã ña”, yi tuoña mani. ¹⁵ Ña ya sita ña wagoraju ña tuoñaja, iti sitaju mucana tãdi waboana ña. ¹⁶ Ña wagora sita rãtoro quenarise sita umacũju Dios i ñaroju tuoña ñayijarã ña. Ña ñaroti cuto meni yucãñi Dios. Ito bajiri ñare cuto queno ãsicõri, bojobicati, “Yu ñarã ñama ña. Ña Eju ña yu”, yi wanugũ yiguñi Dios.

¹⁷ “Yure i tuorãnuja ticuja yu”, Dios i yiro bajiroti cudiyiju Abraham ñayoru. Ito bajiri Diore tuorãnucõri, i macu Isaacre Diore soe isirocu ãmi wayiju. I macu sãgũ ñagũre sãgũti yibojayiju Abraham. ¹⁸ “Isaacna suoriti jãjarã janerãbatia cutigu yiguja mu”, Dios i yicãre ñabojarocati, ãre sãbooyiju Abraham, Diore tuorãnucõri. ¹⁹ “Godarãre mucana tãdi ña cutiroca yi masiguñi Dios”, yi tuoñayiju Abraham ñayoru. I macure i sãbore ñabojarocati, mucana i macure judacõayiju Dios. Ito bajiri, “Mu macure sãbasa”, yicõri i macure judacõagũ robo bajiro yĩni Dios Abrahamre. “Yure queno tuorãnuami i”, yi tuoñacõri Abrahamre ti wanuyiju Dios.

²⁰ Isaac ñayoru cuni Diore tuorãnugũ ñayiju. Diore tuorãnucõri, “Ado bajiro queno yigu yiguñi Dios muare”, yiyiju Isaac, i rãre Jacob, Esãure cuni. ²¹ Jacob ñayoru cuni Diore tuorãnuyiju. I godaroto riojua, “Ado bajiro queno yigu yiguñi Dios muare”, yiyiju i, i janerãbatia José rãre. Bucũgu ñari i ya turiguna tue wacuti Diore rãcubuooyiju maji. ²² José

ñayoru cuni Diore tuoränugü ñayiju. Ī godaroto riojua, Israel sita gānare ado bajiro gotiyiju José: “Īja adi sita Egipto sitare wagorā yirāji mua. Ito mua waja, yu ya gōarire āmi warā yirāji mua”, yiyiju Ī.

²³ Moisés ñayoru jacusabatia Diore tuoränucōri, Ī rujeaja bero udiarā ūmacañi Īre yeyoyijarā. “Quenagü ñami manī macuacā”, yiyijarā Īna. Ito bajiri iti sita gagu uju Ī sia rotibojarocati, Īre güibiticōri cudibisijarā Īna. Diojuare tuoränuyijarā Īna. ²⁴ Moisés ñayoru cuni Diore tuoränugü ñayiju. Egipto gagu uju maco iso masoru ñabojaguti bucua wacu, “Iso macu ñami”, masa Īna yire āmobišiju Ī. ²⁵ “Egipto gāna rāca ñeñaro yu yija, wanuñābicuja yu. Ito bajiri Dios ñarā rāca baba cutigu yiguja yu, Egipto gāna ñeñaro yure Īna yibojarocati”, yiyiju Moisés ñayoru, Diore tuoränucōri. ²⁶ “Egipto sitaju gajeoni jeyaro yu rucjoja, ñasarise meje ña. Dios cōarocu Ī tōbujaroto bajiro yu tōbujaja, iti ña ñasarise”, yī tuoñayiju Moisés ñayoru. “Yu tōbujabojarocati, Īja queno yigu yiguñi Dios yure”, yī tuoñacōri Diore tuoränuyiju Ī. ²⁷ Diore tuoränugü ñari Egipto gagu ujure güibiticōri, gaje sita wacu Ī ñarāre Īi wayiju Moisés ñayoru. Diore tibitibojaguti, “Yu rāca ñaguñi Ī”, yī tuoñacōri Diore cudiyiju Moisés.

²⁸ Diore tuoränucōri Ī ñarā Israel sita gānare pascua basa meni rotiyiju Moisés. Ado bajiro masare gotiyiju Ī: “Sīgü āngel cōagü yiguñi Dios, co wi ruayabeto macu ñasuogure Ī sīatoni. Dios Ī rotiro bajiro soje weca manī ri tuja, āngel rētagü yiguñi”, yī rotiyiju Moisés Israel sita gānare. Ito bajiro Moisés Ī rotire ñajare Israel sita gānare sīgü macure sīabisiju āngel. ²⁹ Diore tuoränucōri Israel sita gāna Ide Sūarise wame cutirisa Īna jēatoni ide jua daja bata rügüyiju. Ito bajiri sita butirise cudado bajiroti cada jēacoayijarā Īna Īja. Egipto gāna Īnare suyará Īnare bajiroti jēa āmorā, yibojayijarā Īna. No bajiro jēa masibiticōri ruja godacoayijarā Īna.

³⁰ Diore tuoränucōri Israel sita gāna jua āmojeno rumuri gāni biayijarā Jericō wame cutiri cutore. Jua āmojeno rumuri Īna rüja gāni biaja bero, iti cutore Īna camotara cuni juja quediyyiju. ³¹ Rahab wedi maso ñagoro Diore tuoränugü ñayiju iso cuni. Israel gāna jūarā gānitirā ejarāre queno boca āmiyiju iso. Ito bajiri Israel sita gāna iso ya cuto gāna Diore cudimēnare Īna sīaja, isore sīaruayijarā Īna.

³² Jaje muare goti āmboja yu. Gedeōn, Barac, Sansón, Jefté, David, Samuel ito yicōri Diore goti Īsiri masa Īna jeyaro gayere goti jeo masibeja yu adocāta. ³³ Diore tuoränucōri coriarā gaje sita gānare rētocūyijarā Īna. Gājerā queno masare roti masiyijarā. Dios Ī gotiādo bajiroti Ī Īsire boca āmiyijarā Īna. Gājerā yaia riserire biayijarā. ³⁴ Gājerā jeame buto ūjaroju cōa tīabojaja uabisijarā Īna. Gājerā Īna wajana sarera jāina sīa āmoja, rudi masiyijarā. Gājerāre Īna bogaja mucana tūdi Īna sēoroca yiyiju Dios Īnare. Ito bajiri Īna wajanare surarare rētocū masiyijarā Īna. ³⁵ Coriarā romia cuni Diore tuoränurā ñayijarā. Ito bajiri Diore tuoränucōri Īna ñarā godabojanare tūdi Īna catija tiyijarā Īna.

Gājerā Diore tuoränurā ado bajiro bajiñi. Coriarā ñeñaro tōbujacōri godayijarā Īna. “Diore manī jidicāja manire bucōarā yirāji Īna. Ito yicōri manire sīamenaji”, yī tuoñabojarāti Diore tuoränu jidicābisijarā Īna. “Mucana tūdi caticōri Dios tuju buto busa queno ñarā yirāji manī”, yī tuoñayijarā Īna. ³⁶ Gājerāma Īnare aja tudicōri baje ecoyijarā. Gājerā Īna ya āmori come misina siacōri tubia ecoyijarā. ³⁷ Gājerā gātana rea sīa ecoyijarā. Gājerāma Īna ya ruju gudareco yijeta ecoyijarā. Gājerā ñeñaro yī ecoyijarā. Gājerā sarera jāina sīa ecoyijarā. Gājerā queno cuto bujamenati wa ucuyijarā. Waibucu wirona riti wasoyoyijarā Īna. Bojoro bujarā ñayijarā Īna. Gājerā usirio code ecoyijarā. Īnare queno yibisijarā gājerā. ³⁸ Īna ñaro queno buja masinenati yucu manojū, ito yicōri gūta yucuri watoju gāni sāyijarā Īna. Gūta gojeriju, sita gojeriju cuni caniyijarā Īna. Diore tuoränumena rētoro queno yirā ñayijarā Īna. Ito bajiri adi macārucōro rētoro quenari cuto Īna ñatñarotiju meniyiju Dios Īnare yiari. ³⁹ Īre Īna tuoränuja ticōri, Īnare ti wanuyiju Dios. Adi sita Īna ñaroca, “Ado bajiro muare Īsigü yiguja yu”, Dios Ī yirere boca āmibisijarā Īna maji. ⁴⁰ Buto busa quenarise Īsirocū Īna yure āmoyiju Dios. Dios quenarise Ī quencāre manī rāca boca āmirā yirāji Īna cuni.

12

Jesure riti manī tuoränuja quena, yire gaye

¹ Itire manī tuoja, “Mani riojua gāna jājarā Diore tuoränurā ñañi”, ya manī. Josari ñabojarocati Dios Ī āmoro bajiro yiyijarā Īna. Īnare tuoñarā, Dios Ī āmoro bajiro yiruja manire cuni. Diore manī tuoränu āmoroca gaje manī usirioro iti camotaja itire jidicāruja manire. Manī ñeñaro yiroca tuoñā wisarisere cuni jidicāruja manire. Josare ñabojarocati usirioromenati Dios āmoro bajiro yiruja manire. Ado robojua baja. Sīgü ūmaquediri masu gājerāre Ī rētocū āmoja, rūcurisere cūcōgü yiguñi Ī. Ito bajiroti yiruja manire cuni. Diore manī tuoränuroca gaje usirioro ñeñaro manire iti camotaja, itire jidicāruja manire. ² Jesure buto tuoñaraja manire. Manire goda Īsicōri, iti ñami manī tuoränuroca yigu. Ī godare gaye bojobiticōri, yucutēoju tōbujayiju Jesús. “Yu tōbujaja bero buto busa wanagü yiguja yu”, yicōri ñeñaro yirā

Īna godado bajiro godagu bojobisiju Ī. Mucana tūdi caticōri Dios ya riojocaduĵa rūcubuoĵaju ruĵiyiju Ī. Adocāta cūni itoti ruĵitūnaguĵi Ī.

³ Mani bogaja mani oca sēobeja, manire Jesús ĩ goda ĩsire gayere tuoĵaruĵa manire. Ņeĵaro yirā Jesure ĩna ti tudĵobarocati ĩ tōbujaroca ĩna yĵobarocati űemecutiŵiju ĩ. Ito bajiri ĩre mani tuoĵaja, űemecuti masirā yirāĵi mani cūni. ⁴ Cristo ĩ tōbujado bajiro goroama tōbujabea mani. “Mua űeĵaro yirisere jidicāĵa”, masare mani yĵobarocati manire sĵabiticā ĩna. ⁵ Ī rĵa bajiro űarāre, muare ĩ goti quenore ācaboĵati mua? Ado bajiro gotiĵi Dios ĩ oca tutina: Yu macu, mu masitoni yu mare gotirisere ti tebesa. Yu mare goti quenore oca sēo jidicābeja mu.

⁶ Yu mairāre ĩnare oca quenocuĵa yu. Ito yicōri yu rĵa űarāre ĩna tōbujaroca yĵuĵa yu, ĩna masitoni, yi gotiĵi Dios ĩ oca tutina.

⁷ Ito bajiri mua tōbujaja űemecutiba. Ī rĵa mani űajare ito bajiro yĵu yĵuĵi ĩ. Sĵgū ruĵabeto jacusabatia ĩna rĵare goti quenorāĵi ĩna masitoni. ⁸ Dios cūni ĩ űarā űarocōreti goti quenoguĵi, ĩna queno yitoni. Muare Dios ĩ goti quenobeja ĩ rĵa meje űarāĵi mua. Ī rĵa meje mua űaja, gāĵi rĵa űarāĵi mua. ⁹ Mani rĵaca űaroca mani jacusabatia manire goti quenofi. Ito bajiro ĩna yĵare ĩnare rūcubuoĵija mani. Ito bajiri mani Jacu űmacūĵu gagure buto busa rūcubuoĵija manire. Ito bajiro mani yĵa catitūĵarā yirāĵi mani. ¹⁰ Yoari meĵeti ĩna āmorocō manire riasofi mani jacusabatia. Dioama manire queno yĵocū sēoro riasogu yĵuĵi. ĩre bajiro mani queno yi űatoni, ito bajiro yami ĩ. ¹¹ Mani tōbujaroca Dios ĩ yĵa, queno wanamenaji mani. Manire ĵuniro yĵoĵa iti. Mani tōbujarisena suoriti mani riasotija, queno yirāĵi mani. Ito yicōri oca mano queno űarā yirāĵi mani.

Dios ocare mani tuorānubeja guĵjorise űa, yire gaye

¹² Ito bajiri tōbujarocati oca sēoma mua. Diore tuorānu jidicābeja mua. ¹³ Dios ĩ āmoro bajiro yirona queno tuoĵama mua. Mua baba mesare Diore masisuoĵare queno eĵabuaya. ĩnare mua eĵabuaja buto busa Diore tuorānu oca sēorā yirāĵi ĩna. Ito yicōri Dios ĩ āmoro bajiro yirā yirāĵi ĩna.

¹⁴ Gāĵerā rāca queno oca mano corocō űama mua. Mani űĵu queno ĩ yĵado bajiro ti queno yi űama mua cūni. Mani űĵu Dios ĩ queno yi űado bajiro yirā riti ĩ tu eĵarā yirāĵi mani. ¹⁵ Muare Dios ĩ ĩsiritire boca āmirona sĵgū ruĵabeto gāmeri mua eĵabuaja quena. Sĵgū mua rāca gagu űeĵaro ĩ yĵa, gāĵerāre űeĵogū yĵuĵi iocū. Ote quenarise wato widirise iti judija, biaro yĵoĵa iti. Ito yicōri sĵaro yĵoĵa. Ito bajiro bajĵu űami iocū, gāĵerāre űeĵogū. ¹⁶ Mua manoĵo catiroto rioĵua cūni romiare aĵebeja. Ito yicōri Dios jeyaro ĩ yire gayere ti tebesa. Esaū űayoru űafi itire ti tudiru. Esaū ba āmogū ado bajiro yĵiju ĩ ocabajire: “Yure mu eĵaja, mu űagū yĵuĵa, “Yu macu űasogū yu maigū, cūni ĩ yiru”, yĵiju Esaū ĩ ocabajire. ¹⁷ Ito bajiri ĩ jacu ĩ godaroto rioĵua, “Ado bajiro queno yĵu yĵuĵi Dios mare”, jacu ĩ yire gaye tuo āmobarocati gotibisiju jacu Esaure. ĩ ocabajĵuare ito bajiro queno gotiyĵu ĩna jacu. “Queno yibiticu yu”, yi tuoĵa otiyĵu Esaū űayoru. Ito bajĵobarocati jacu ĩ gotigoĵa bero űajare, no roboĵua ĩ gotigore wasoa masibisiju Esaū űayoru.

¹⁸ Diore mua rūcubuoĵa, Israel sita gāna űayoanare bajiro meje ya mua adocāta. Gūtagū Moisésre Dios ĩ rotire ĩ ĩsiragu judoĵu eĵajĵarā ĩna, Diore rūcubuoĵona. Itoĵu eĵacōri guĵjorise tiĵĵarā ĩna. Iti gūtagū buto űĵuyĵu. Ide bueri buto iti űajare, buto rāitĵayĵu. Ito yicōri mino buto wēayĵu. ¹⁹ Ito yicōri trompeta iti ruyĵa tuoĵĵarā ĩna. Ito yicōri Dios ĩnare ĩ busirise ruyuyĵu. Guĵjorise oca iti ruyĵa tuocōri, ĩ busi jidicāre āmoyĵarā ĩna. ²⁰ Gūirā űemecuti masibisĵarā ĩna. Ado bajiro ĩ rotirise ruyuyĵu: “Sĵgū masu, waiĵucu cūni gūtagūre ĩ cūoĵa, gūtagāĵina rea sĵacōĵuĵa iocāre”, yire oca ruyuyĵu. ²¹ Buto guĵjorise iti űajare, Moisés cūni ado bajiro yĵijĵu: “Iti guĵjore ruĵuoĵa yu”, yĵijĵu Moisés.

²² Gajero bajiroĵua bajia adocāta Diore mua rūcubuoĵa. Mani űicusabatia űayoanare bajiro guĵjoro tōbujabea mua adi rumari gānama. Dios catitūnaguĵi tuĵu eĵacōri busirā bajiro Diore busia mua adi rumari. ĩ cutoĵu űmacūĵu Jerusalén wame cutiri cuto űa. Itoĵu Sĵon wame cutiricu gūtagū űaroĵa. Itoĵu eĵacōri busirā bajiro busia mua, Diore mua busija. Diore rūcubuoĵona ĵāĵarā ĩ űarā minĵua űarāĵi. ²³ Ito yicōri ĩ űarā ĩre rūcubuoĵona minĵua űarāĵi itoĵu. Itoĵu ĩ űarā wame wōĵi Dios. Itoĵu ĩna rāca minĵua űarāre bajiro Diore busia mua adocāta. Masa jeyarore bese masigūre busirā űa mua adocāta. Itoĵu űarāĵi queno yĵoĵana. Ito bajiri, “Mua űama seti mana”, yĵuĵi Dios ĩnare. ĩna rāca űacōri Diore busirā bajiro busia mua. ²⁴ Mua űa Jesure masirā. ĩ űami mame oca quenoru. Mua űa, “Yu űeĵaro yirisere mu ya rĵa yure coeya”, yĵana. Abel űayoru ya rĵe mani tuoĵaja, “Ī rĵoro ĩre sĵayĵu”, yi tuoĵa mani. Jesús ya rĵe mani tuoĵaja, “Ī ya rĵa suoriti mani űeĵaro yirisere ācaboĵoĵi Dios”, yi tuoĵa mani.

²⁵ Ito bajiri Dios manire ĩ busija, queno tuorānuĵa manire. Ito yicōri ĩ gotiro bajiro cudija quena manire. Moisés űayoru adi sita gagu Dios ĩ rotirise masare ĩ goti āmobaraja, ĩre cudibisĵarā ĩna. Ito bajiri ĩna tōbujaroca yĵiju Dios ĩnare. Jesuama űmacūĵu wadicōri

manire oca quenarise āmi wadiñi. Īre mani tuorānubeja, Moisés ñayorare tuorānubitiona rētoro tōbujarā yirāji mani. ²⁶ Jane mejeju mani ñicusabatiare ĩ busija sita ueroca yiyiju Dios. Mucana ado bajiro gotiami Dios ĩ oca tutina: “Mucana tūdi iti ueroca yu yija, sita riti ueroca yibicuja yu. Ūmacūju cūni ueroca yigu yiguja yu”, yi gotiami Dios ĩ oca tutina. ²⁷ “Ito bajiro, bajiro yiroja”, Dios ĩ yija, “Ija bajiroti gayere busiami Dios”, yi tuoia mani. Adi macārucāro gaye jeyaro ĩ rujeore ruyuriogu yiguji ĩ. Ito bajibojarocati mani ya usi, mani tuoiarise, ito yicōri mani catitñarotijare ruyuriobicu yiguji Dios. ²⁸⁻²⁹ Dios ĩ rotiroju mani catitñarotiju jediroto meje ñaroja. Itire masicōri, “Queno ya Dios mu”, yiruja manire. Ito yicōri ĩre tuo güirā ĩre rucubworuja manire. Yiro bajiro cudiruja manire ĩ wanūtoni. Jeame iti ūju ruyurioro bajiro guijoro ruyuriogu yiguji Dios, ĩre cudimenare. Ito bajiri ĩ āmoro bajiro cudicōri ĩre rucubworuja manire.

13

Gājerāre mani maija ticōri, manire wanugū yiguji Dios, yire gaye

¹ Jesure tuorānurā ñari, sigū rīare bajiro mua gāmeri ti mairisere jidicābeja mua. ² Mua tu gājerā Jesure masirā ĩna ejaja, wanure rāca ĩnare boca āmiña. “Angel mesa ñarāji ĩna”, yi tuoābitibojarāti ĩnare boca āmifi gājerā. Mua masibiti rumu mua tu cūni āngel mesa ejarā yirāji gajea. Ito bajiri mua tu ejarāre wanure rāca boca āmija quena.

³ Gājerā Jesure masirā tubiara wiju ñarāre ācabojabesa. ĩna rāca tubiara wiju ñarā bajiro, ĩnare tuo maiña mua. Gājerā ñeñaro tōbujarāre mua tuoiaja, ĩna rāca ñeñaro tōbujarā bajiro, ĩnare tuo maiña mua. Muare cūni ruju ña. Ito bajiri ñeñaro tōbujarāona ña mua cūni.

⁴ Manojō cutirā gāmeri rucubwoya. Manojō cutirā gājerā rāca ajebesa. Manojō mana gājerāre ĩna ajaja, ito yicōri manojō cutirā cūni ĩna ajaja, ĩna tōbujaroca yigu yiguji Dios ĩnare.

⁵ Niyerure bato tuo maibesa mua. Mua rucorocōacāti wanuña mua. Dios ĩ gotigore tuoiaña mua. Ado bajiro gotiñi ĩ: “Muare jidicābicuja yu. Ito yicōri muare wagobicuja yu”, yi gotiñi Dios ĩ oca tutina. ⁶ Itire tuocōri, wanure rāca ado bajiro ya mani:

Dios yu Ūju, ĩti ñami yure ejabuagu. Ito bajiri gājerā ñeñaro yure ĩna yi āmobjajaja cūni, ñe guijobea yare, ya mani, Diore tuorānucōri.

⁷ Cajero Dios oca muare riasoanare ācabojabesa. Diore tuorānurā ñari, ĩna queno yigore gaye tuoiaña mua. Diore queno ĩna tuorānuro bajiroti mua cūni queno Diore tuorānuña.

⁸ Jesucristo ñami tuoia wasoabicu. Cojire bajiro queno yitñagū ñami ĩ. Iti rumu ĩ ñado bajiroti adi rumu cūni, ija cūni ito bajiro riti ñatñagū yiguji ĩ. ⁹ Gājerā muare ricati ĩna riasoja, ito yicōri ruore oca ĩna riasoja, queno ĩnare tuorānubeja mua. ĩnare tua tuorānuja, Jesús ocare jidicārā yirāji mua. Ado bajiro gotibojama coriarā: “Rēore gayere mua babeja, mua ya usina queno tuoiarā yirāji mua”, yibojama coriarā. Iti ocare tuorānubojarāre queno ejabisija ĩna tuoābojarise. Ito bajiri iti gaye ĩna riasobojaja, tuorānubeja mua. Dios ĩ queno yire gaye mani tuoiaja, mani ya usina queno usi cutirā yirāji mani. Manire ti maicōri mani ya usiju mani oca seoroca yami Dios.

¹⁰ Manire masorocu manire yiari goda ĩsiñi Cristo. No bucu oca cudi āmogū, “Waibucu ri Diore yu soe ĩsija, yure masogū yiguji Dios”, yi tuoābojagure masobiquji Dios. Ito bajiro tuoiañi paia bucarā iti rumu gāna. ¹¹ Bucu oca cudirocu, ado bajiro yiyiju paia ūju. Masa ĩna ñeñaro yirise waja yigu Dios ĩ ñasari sōaju sājacōri waibucu rī wējabateyiju ĩ. Waibucu rujureama cuto sōjua soeyijarā ĩna. ¹² Ito bajiroti Jerusalén wame cutiri cuto sōjua Cristore siayijarā ĩna. Mani ñeñaro yiriserē waja yigu, ĩ ya rīna waja yi ĩsiyiju ĩ. ¹³ Adi macārucāro gāna ĩna tuoiarise bajiro tuoāmenati mani Jesure suyarāma ricati bajiro tuoiarā yirāji mani. Jesucristore ĩna aja tudiado bajiroti manire ĩna aja tudibojarocati Jesucristore rucubwoana mani. ¹⁴ Adi sita mani ñaja queno cuto mana bajiro bajirā ña mani. Cuto manare bajiro ña ucurā ya mani. Adi tuti gaye cūtori ñabojarise jediro yiroja. Ija Jesús ĩ ñaroju catitñarā yirāji mani. ¹⁵ Mani ñeñaro yirise waja Jesucristo ĩ waja yire ñajare, wanure rāca Diore rucubwoñaruja manire. Dios ĩ wanutoni waibucurā soe ĩsimena yirāji mani. Manire wanujaro yirona, mani ya risena ĩre rucubworā yirāji mani. “Mu sigūti ña rētoro quenagū. Mu sigūti ña gua Ūju”, Diore yi rucubworā yirāji mani. ¹⁶ Gājerāre queno yire gayere jidicābeja mua. Ito yicōri mua racorise gājerāre batoba. Ito bajiro mani yija ticōri, itire wanugū yiguji Dios.

¹⁷ Muare Jesucristo oca riasoanare rucubwoaba. Ito yicōri ĩna rotiro bajiroti cudiba mua. Cristore mua tuorānuñatoni muare tirānuronare ĩnare cūñi Dios. “¿No bajiro tirānuri mua, yu ñarāre?” yi senūagū yiguji Dios ĩnare. ĩna yiro bajiroti cudiba mua. Ito bajiro mua yija ti wanucōri, bojori bujamenati muare tirānurā yirāji ĩna. ĩnare mua cudibeja, Dios tiro riojo bojori bujarā yirāji mua.

¹⁸ Ñeñaro yu yibejare, yu tʷoĩarise quena ña yure. Ito bajiri ñeñaro yi ãmobeá yu. Quenarise yu yitoni, yure yiari Diore seni İsiña mña. ¹⁹ Yure yiari bũto Diore mña bũsire ãmoa yu. Yoari mejeti mñcana mña tũ yu tũdi ejaroca Dios İ yitoni, İre bũsiya mña.

Muare queno yijaro Dios, yisũsare gaye

²⁰ Sigũ ovejare tirũnũgũre bajiro, manire queno tirũnũami mani Ʋju Jesucristo. Manire yiari oca quenocãfi Jesucristo, Dios rãca. İ ya rĩna mani ñeñaro yirise waja, waja yi İsiñi Jesús. İ godabojarocati mñcana tũdi İ catiroca yiñi Dios İre. ²¹ Dios mani oca mano queno ñaroca yigure, muare yiari İre bũsia yu. Quenarise riti mña yitoni, İre senia yu. Ito yicõri İ ãmoro bajiro mña yitoni, İre senia yu. “Jesucristona sũoriti mña jeyaro queno ya yure”, Dios İ yi wanũtoni, İre senia yu. “İti ñami rẽtoro ñasaga”, yi wanũcõri, Jesucristore rũcũbuotĩñarũja manire.

²² Jabetoti muare papera uca yu. Ito bajiri yu muare goti quenorise usiriomenati tiba yu ñarã mña. ²³ “Mani yagũ Timoteo tubiara wi meje ñami İja”, yire oca tũocõri gotia yu. Yoari mejeti İ ejaja, İre ãmi wacũ yigũja yu, mña tũ wacũ.

²⁴ Muare riasori masa, “Quenajaro”, ito yicõri Jesucristore tũorũnarã cãni. Ado Italia gãna, “Quenajaro”, yama muare.

²⁵ Mña jeyarore queno yijaro Dios. Itocõ ña.

La carta de Santiago

Wa bateanare Santiago papera i cōare gaye

¹ N̄ati yu n̄arā mua. Yu n̄a Santiago adi papera muaire cōagū. Diore moa isiri masu n̄a yu. Ito bajiroti mani Uju Jesucristore cūni moa isia yu. Adi macārucūroju n̄a bate jedicoaju mani. Co masa n̄abojanati, j̄ajarā masa bujucōri juā gubojeno masa buturi n̄a mani ūja.

Diore mani senija i masirise manire jidicāgū yiguŭji, yire gaye

² Tuoya yu n̄arā mua. Buto quenabeto mani tōbujaja cūni wanu quenaraja manire. ³ Quenabiti manire ejabojarocati Diore mani tuorūnujama queno n̄a masicōri usirio yime-naji mani. ⁴ Quenabeto mua tōbujaja cūni buto usiriobeja. Mani usiriobeja buto basa Diore masi warā yirāji mani. Ito bajiro ire masicōri, “Dise ruyabea manire”, yi tuoīacōri queno wanu quenarā yirāji mani ūja.

⁵ M̄ua masibiti iti ruyaja Diore seniña. Ito mua yija tuocōri, isigū yiguŭji i. Rēobicitā masa jeyarore isigū yiguŭji Dios. ⁶ Ito bajibojarocati Diore mua senija, “Guareama isibiquŭji”, yi tuoīabesa mua. “Isibiquŭji”, mua yi tuoīa wuoja jeyaro tuoīarise wisaroja muaire. Ide jacūrisere bajiro bajiroja mua tuoīarise. ⁷⁻⁸ Sīgū ito bajiro tuoīa wuogu, coji gaye riojo tuoīagū meje n̄ami ūcā. Jeyaro i tuoīarise rocati wisaroja ūcāre. Ito bajiri, “Dios yare isigū yiguŭji”, i yibojaja, n̄e boca āmibiquŭji ūcā.

⁹ Gajeoni mana n̄abojarāti Jesure mani tuorūnaja queno usi wanu quena n̄araja manire. Dios i tija n̄asarā bajiro n̄arāji mani. ¹⁰ Gajeoni jaigu cūni Jesure i tuorūnaja i ya usi wanu quenaraja ire cūni. Diore masicōri, “N̄asarise meje n̄a gajeoni”, yi tuoīaguŭji ūja. Gajeoni jairā go siniari go bajiro bajirā yirāji. Gajeoni jairā n̄atīn̄amenaji ūna. ¹¹ Ūmacañi joejea wadiroca i buto asiroca ta cūni siniacoaca. Go cūni sinia quedicoaca. Ito bajicōri quenarise iti ruyuja bero ruyubiticu ūja. Ito bajiroti bajiguŭji gajeoni jaigu n̄abojaru cūni. Iti gajeoni niyeru wasoa āmibojagu riti godacoagu yiguŭji ūcā.

Ñeñarise riti mani yi uyaja jeame ūjuroju warā yirāji mani, yire gaye

¹² Quenabeto tōbujagoana n̄abojarāti catitīn̄are gaye boca āmirā yirāji mani. “Yure mairāre catitīn̄are gaye isigū yiguja yu”, yicāñi Dios. ¹³ Ñeñaro yu yi āmoroca, “Usirioro yami Dios yure”, yi tuoīabesa mua. Ñeñarise tuorūnubiquŭji Dios. Ito yicōri mani ñeñaro yirisere tuoīa usirio yibiquŭji Dios manire. ¹⁴ Ado bajirojuā baja. Mani ñeñaro yirise mani ñeñaro tuoīarise iti tuoīa rētocū warā, ñeñaro ya mani. ¹⁵ Iti ñeñarisejuare mani tuo suyaja, ñeñarise yirāji mani. Ñeñarise riti mani yi uyaja, jeame ūjuroju warā yirāji mani.

¹⁶ Queno tuoya yu n̄arā mua. “Ñeñaro yu tuoīatoni usirioro yami Dios yure”, yi tuoīa wuobesa mua. ¹⁷ Riojo tuoīare gaye quenarise n̄arocōti Dios manire i cūre n̄a. Iti n̄ami ūmacūju gaye busurise rujeoru. Busuriseama ūmua n̄a, n̄ami n̄a, gaje r̄um̄uama ide r̄aitīari r̄um̄u n̄a, bajicu. Itire bajiro wasoabiquŭji Dios. I tuoīarise gaje tuoīa wuo yibiquŭji Dios. Quenarise riti tuoīaguŭji. ¹⁸ I oca quenarise mani tuorūn̄usucati r̄um̄u catitīn̄are gaye isīñi Dios manire. Ito bajiri Dios r̄ia n̄asurāre bajiro bajirā n̄a mani ūja. Ito bajiroti manire āmoñi Dios.

Dios ocare tuocōri n̄aro bajiroti cudiruja manire, yire gaye

¹⁹ Adi Dios ocare ācabojabesa yu n̄arā mua. Jesure masicōri queno Dios ocare tuo suyarā n̄a n̄a mua. Queno tuoīamenati rocati busire ma. Ito yicōri yoari mejeti junisinire ma. ²⁰ Mani junisinija, Dios i tuo wanuro bajiro yirā meje ya mani. ²¹ Ito bajiri ñeñaro mua yi uyarisere jidicāñi mua. Ito yicōri ñeñaro mua tuoīarise cūni jidicāja quena. Itire jidicācōri Dios oca mani ya usiju i cūcāre tuorūn̄araja manire. I ocare mani tuorūn̄aja, mani ya usire masogū yiguŭji Dios.

²² Dios ocare tuocōri n̄aro bajiroti cudiruja manire. Dios oca tuobojarāti mani cudibejama manimasiti ruoa mani. ²³⁻²⁴ Dios oca riojo tuobojarāti mani ācabojaja, sīgū ūoroju i r̄um̄u ticōri i jidi jeoja bero ācabojaguŭji. Ire bajiroti bajirāji mani cūni Dios oca tuobojarāti mani ācabojaja. ²⁵ Mani ya usire masoroca, quenarise mani tuoīatoni i rotirise cūñi Dios manire. Dios i rotirisere mani ācabojabeja, ito yicōri mani cudija, queno mani wanu quenaroca yigu yiguŭji Dios manire.

²⁶ “Diore queno r̄ucubuoā yu”, yibojarāti mani rocati busi bateja, manimasiti ruoa mani. Ito bajiro mani yibojaja, n̄e waja manoja manire. Ito bajiro mani yija, “Diore r̄ucubuoḡu n̄a yu”, yi masimenaji mani. ²⁷ Jacu godagoana, manuju godagoanare cūni mani ejabuaja, ito yicōri adi macārucūro gaye ñeñarise mani yibeja, Dios i tija queno ire r̄ucubuoḡā n̄a mani.

2

Corocōti ti maija quena, yire gaye

¹ Tuo ya yu ñarā mua. Jesucristo buto masigüre tuorānurā ña mani İja. Ito bajiri gajeoni cutirā, gajeoni manare cuni corocōti ti mairuja manire. ² Mua minijua ñaroca sigū niyeru jaigu quenarise yutabuju sãñacōri, ito yicōri āmo sãñara bedo sãñacōri İ ejaja ticōri, İno bajiro İre tirājida mua? Gāji bojoro bujagu yutabuju bucaro sãñacōri İ ejaja, İno bajiro İre tirā yirājida mua? ³ Gajeoni jaigure ti rucubuoarā, “Ado ña cumuro quenaro”, İyirājida mua İre? Bojoro bujagu İ sāja ejaja, “İtoti rügōcōña, jacati rujija mu”, İyirājida mua İre? ⁴ Ito bajiro mua yija queno corocō masare ti maimenaji mua. Ito bajiro mua yija, “İ ñami quenagū. İ ñami quenabicu”, yi beseado bajiro yirāji mua. Ñeñaro tuoİacōri corocō masare rucubuoemenaji mua.

⁵ Queno tuo ya yu mairā mua. Gajeoni mana Diore queno tuorānurā jājārā ñarāji. Ito bajiri İnare beseñi Dios İ rotiroju, quenarise bujajaro İna yirocu. Dios İ goticādo bajiro İre mairā catitiñare rucorā yirāji. ⁶ Bojoro bujarāre queno maiguİji Dios. Muama İnare queno ti rucubuohea. “Gajeoni jairāti quenabeto mani tōbujaroca yama İna”, İyi masibeati mua? İna ñarāji İjarā tu manire āmi wacōri seti yirona. ⁷ Jesure tuo sayarā ñacōri, “İ ñarā ña mani”, yi tuoİa mani İja. Ito bajiri İ wame tuocōri queno wana quenarāji mani. Niyeru jairāma Jesús wamere tuo terāji.

⁸ Dios mani İju ado bajiro rotiñi: “Mu ya rujure mu mairo bajiro İ gājerāre cuni maiña”, yi gotiñi Dios İ oca tutina. Dios rotirise mani cudiya, queno yirā ñarāji mani. ⁹ Ito bajibojarocati ñasari masare riti mani ti rucubuohea ñeñaro yirā ya mani. Ito bajiri, “Yu rotirise riojo cudiñā meje ña mua. Ñeñaro ya mua”, yigu yiguİji Dios manire. ¹⁰ Dios rotirise cudi jebojarāti, coji gaye mani cudiheja, Dios İ rotiro bajiro cudiñā meje ñarāji mani. ¹¹ Jane mejeju ado bajiro gotiñi Dios: “Manojo cutigu ito yicōri manojo macu cuni gājerāre İ ajeja quenabeto İ. Ito yicōri gājerāre sİaja quenarise meje ña”, yiñi Dios manire. Manojo cutibojaguti mani gājerāre ajebitibojaja cuni, gājire mani sİaja. Dios İ rotirise ñarocōti cudi jeorā meje ña mani. ¹² Manire maso āmogū İ rotirise cūñi Dios manire. Dios rotirise yiro robo mani cudiheja, mani ñeñaro yirise waja, waja senigū yiguİji İ. İti masicōri mani busiro İre queno tuoİaja quena, ito yicōri mani İnaroti gaye cuni queno tuoİa masija quena. ¹³ Gājerāre mani ti maija ticōri, ñeñaro masa İna yirise waja Dios İ waja seniri rama manire ti maigū yiguİji İ. Gājerāre mani ti maibeja, Dios cuni manire ti maibicu yiguİji. Ito yicōri ñeñaro yire wajare buto senigū yiguİji İ manire.

Mani queno yirise ticōri, “Riti yure tuorānurā ñama”, yiguİji Dios, yire gaye

¹⁴ Tuo ya yu ñarā mua. “Diore rucubuoegu ña yu”, yibojarāti, gājerāre mani ejabuabeja, Diore rucubuoarā meje ña mani. Ito bajiro mani yija mani ya usi masobiquİji Dios. ¹⁵ Tuoİate mua. Ado bajiro bajirojo. Sigū mani yagu İ ñiocōja, ito yicōri yutabujuri bojoro İ bujaja ticōri, İre mani ejabuaja quena. ¹⁶ “Queno waja, bare queno bujaba, ito yicōri yutabujuri bujaba”, yibojarāti bojoro bujagure mani ejabuabeja, İne waja manojaja mani busirise. ¹⁷ “Diore rucubuoegu ña yu”, yibojarāti gājerāre mani ejabuabeja, Diore rucubuoarā meje ña mani. Ito bajiri İre rucubuoebiticōri godacāna robo bajirā ñarāji mani İja.

¹⁸ Yu busirisere mua aja tudija, ado bajiro muare cudicuja yu: “Jeyaro queno mua yirise yure mua İobeja, ‘Queno Diore rucubuoarā ñama’”, yi masibicuja yu. Yuama, jeyaro queno yu yirise muare İocuja. İti ticōri, “Diore rucubuoegu ñami”, yi masirā yirāji mua. ¹⁹ “Dios sigūti ñami. Nijua gāji mami”, yi tuoİarā ña mua. İto mua yija quena İa İtama. “Dios sigūti ñami. Nijua gāji mami”, yirāji rāmūa cuni. Ito yicōri Diore güirā ruje ñaruoarāji İna. Ito bajibojarocati İre cudiñā meje ñama rāmūa. ²⁰ Queno tuoİabea mua. Rocati tuoİa mua. Ado bajiro İna baja. “Diore queno tuorānuu yu”, yibojarāti gājerāre mani ejabuabeja, Diore tuorānurā meje ña mani. Ito bajiri Diore tuorānuobiticōri godacāna robo bajirā ñarāji mani. ²¹ Mani İnicu İayoru, Abraham gayere muare gotigu ya yu. Diore queno tuorānuñi Abraham. Diore İyari İ macure sİaboyiju Abraham. Dios İ rotirise cudicōri Diore İyari İ macure soe İsiboyiju Abraham. İto İ yija ticōri, “Queno yigu ñami Abraham”, yiyiju Dios. ²² Queno tuo masiña mua. Dios İ rotirise queno tuorānuobiticōri quenarise yiyiju Abraham. Quenarise jeyaro İ yigore Diore queno İ cudi İre ito yicōri İ yire tuocōri, “Diore queno tuorānuğū ña İni”, yi tuoİa mani. “Diore queno tuorānuare gaye, ito yicōri jeyaro quenarise yire gaye, İuajı İnasarise İa İti”, yi tuoİa mani İti tuocōri. ²³ Jane mejeju Dios oca tuti ucagu ado bajiro ucañi Diore goti İsiri masu: “Diore queno tuorānu İyiju Abraham. İto bajiri, ‘Queno yigu ñami’, yi İyiju Dios İre. ‘Dios baba ñami Abraham’, İyijarā gājerā”, yi ucare İa. İto bajiri İti tuocōri, “Diore goti İsiri masu İ gotire rētaoaju”, yi tuoİa mani.

²⁴ Ito bajiri adi gayere masirāji mua: “Diore mani tuorānuja, ito yicōri quenarise mani yija, manire boca āmigū yiguİji Dios. İre tuorānubojarāti quenarise mani yibeja, manire boca āmbicu yiguİji Dios”, yi tuoİa masirāji mua. ²⁵ Rahab İayoro gayere muare gotigu ya

yu. Rahab ñayoro wedi maso ñayijo iso. Judio masa ujũ ĩ cõana, ĩna ejaja ticõri, ĩnare queno ejabũayijio iso. ĩnare boca amiyijio iso. “Mũa wajana mũare sĩame, yu ya wijũ sãja rudiya mũa. Ito yicõri rudi wara ma mũare goticoja yu”, yiyijio iso. Ito iso yija ticõri, “Queno yigo ñamo”, yiyijũ Dios. ²⁶ Rujũ usi manija cõrã rujũ ñaroja. Waja manojã. Ito yicõri, “Diore tuorũnũgũ ña yu”, yibojarãti quenarise mani yibeja, Diore tuorũnũrã meje ña mani. Ito bajiro mani yija, godacãna bajiro bajirãji mani.

3

Mani ya ñemerona jaje ñeñarise ya mani, yire gaye

¹ Yu ñarã mũa, sigũ ruyabeto Dios oca riasori masa ña amobojarãji mũa. Ito babijobarocati coriarãti ĩ ocare riaso ñaja quenaroja. “Mani ñarocõreti waja senigũ yiguũji Dios”, yire gaye ¿masibeati mũa? Dios oca riasori masa gua ñajare ĩ yiro robo gua cudibeja, buto busa waja senigũ yiguũji guareama. ² Mani sigũ ruyabeto ñeñarise yirã riti ña mani. No queno tuoĩacõri busiguti, queno yigu ñami locũ. ĩ ya rujũ jeyaro ĩ yi amõrise cuni ñemecuti masiguũji locũ. ³ Cabarure tuoĩate mũa. Jaigu ĩ ñabojarocati ĩ ya riseju come ma mani sãja, weatu masirãji busi. Ito bajiroti mani ya ñemero jãibiti ñemeroacã ñabojarocati jaje ñeñarise ya mani, mani ya ñemerona. ⁴ Cuma jajocare cuni tuoĩate mũa. Mino iti buto wẽaja, cuma jajoca ñabojarocati weara jã jãibiti jãiacãna weatu masirãji mani. Ito yicõri no mani wa amõroti iti cumare weatu wa masirãji mani. ⁵ Weara jã jãibiti jãire bajiro bajiri jã ña mani ya ñemero. Jãibiti jãire bajiro bajiri jã ñabojarocati mani ya ñemerona jaje ñeñarise ya mani. Jeare tuoĩate mũa. Jea sãra waca co wacanati, jajo wesere soecõroja. ⁶ Mani ya ñemero jea robo bajiro bajirise ña. Jaje ñeñarise ya mani, mani ya ñemerona. Mani ya rujũ gaye, mani ñeñaro yirise rëto busaro ya ñemero. Mani ya ñemerona suoriti jeyaro ñeñaro yirise mani ya rujure quedi sãjaroja. Mani ya ñemerona ñeñaro busicõri jeame ujure cudi sũyarã yirãji mani. ⁷ Gãjeronã jeyaro, ãña, wutirã, riaca gãna, waibucurã jeyaro tirãnu masia mani. ⁸ Ito babijobarocati mani ya ñemeroeamã tirãnu masibeã mani. Mani ya ñemero ñeñaro iti yija ñemecuti masibeã mani. Mani ya ñemerona ãña rima iti juniro bajiro gãjerãre buto ñeñaro ya mani. ⁹ Jane mejeju masare rujeoyijũ Dios. ĩre bajiro bajirã ña mani. Mani Jacũ Diore oca quenarise busia mani, mani ya ñemerona. Ito babijobarocati Dios ĩ rujeoanareti busitua mani, mani ya ñemerona. ¹⁰ Mucana iti ñemeronati Diore rucabuoã mani. Ito yicõri iti risenati gãjerãre ñeñarise busitua mani. Yu ñarã ito bajiro mani yija, quenasabetoja manire. ¹¹ Ide umaburi goje ide sũerise, ide quenarise rãca budi wuobetoja. ¹² Queno tuoja yu ñarã mũa. Higuera wame cutiricũ iti rica cutija, irimarã rãca rica cuti wuobetoja. Ito yicõri uyẽgu iti rica cutija, higuera rica rãca rica cuti wuobetoja. Ito yicõri ide umaburi goje ide ocarise iti budija, ocabiti rãca budi wuobetoja. Mani oca quenarise busija bero ñeñarise rãca busi wuobitirujã manire.

Mani queno ñaroti riti mani tuoĩaja, masirã meje ña mani, yire gaye

¹³ Riti queno tuo masirã mũa ñaja, ado bajiro queno yirãji mũa. Quenarise riti mũa yija quenaroja. Ito yicõri gãjerãre mũa ejabuãja quenaroja. “Gãjerã rëtoro queno seyogu ña yu”, yibitirujã mũare. Ito bajiro mũa yibeja ticõri, “Masirã ñama ĩna”, yirã yirãji gãjerã mũare. ¹⁴ Mũa ya usiju, gãjerãre mũa tuo tudija, ito yicõri mũa queno ñaroti riti mũa tuoĩaja, masirã meje ña mũa. Ito bajiri, “Queno yirã ña gua”, mũa yibojaja, riojo gotibiticõri ruore ocajuare gotirã yirãji mũa. ¹⁵ Ito bajiro mani tuoĩabojaja, Dios gaye wadire meje ñaroja iti. Ado robojua bajia, adi macãrucũro gaye ñaroja. Ñeñaro mani tuoĩarise gaye cuni ñaroja iti. Ito yicõri rãmũ gaye wadire ñaroja ñeñaro mani tuoĩarise. ¹⁶ Gãjerãre mani ti tudija, ito yicõri, “ĩna rëto busaro masirã ña gua”, mani yi tuoĩaja, gãmeri tuo wisarã yirãji mani. Ito yicõri jeyaro ñeñarise yirã yirãji mani. ¹⁷ Mani tuoĩarise Dios gaye wadire iti ñaja, quenarise riti tuoĩarã yirãji mani. Gãmeri ja amomena, oca quenori masa ñarã yirãji mani. Gãjerãre ejabuãrã yirãji mani. Sigũ ruyabeto corocõ riti ti mairã yirãji mani. Ito yicõri rocati ruomenaji mani. ¹⁸ Manire ĩna ti tudibojarocati ĩnare mani oca quenoja bero queno usi cuti ñarã yirãji mani ĩja. Ito bajiro mani yija “Queno yijaro ĩna cuni”, yirã bajiro yirãji mani.

4

Adi sita gaye tuoĩa wanũbitirujã manire, yire gaye

¹ ¿No gaye wadiati mani ti terise, ito yicõri mani gãmeri tãrise? Mani ñeñaro tuoĩarise gaye wadia iti. Quenarise yi amobojarãti ñeñarise ya mani. ² Gãjeoni amobojarãti mũa buja masibiti waja riojoti sia mũa. Gãji ĩ rucoris ticõri ĩre uoa mũa. Itire buja masibiticõri, gãmeri ja mũa. Diore senibiticõri mũa amõrise bujabeã mũa. ³ Ñeñaro mũa tuoĩaja ticõri, mũa senibojarocati ĩsibeami Dios mũare. Dios ĩ amoro bajiro meje senia mũa. Diore mũa senija, mũamasi ye riti seniboja mũa. ⁴ Sigõ romio manuju rãca queno ñabecore bajiro bajirã ña mũa. Dios rã ñabojarãti, adi macãrucũro gaye riti tuoĩa mũa. Diore bajiro tuoĩamena, ito yicõri Diore tuo

maimena robo bajiro bajia mua. No adi macārucāro gaye buto tuoīagū Diore tuoīabeami. ⁵ Rocati meje ña Dios oca. Ado bajiro gotia: “Manire Espiritu Santo queto sañi Dios. Buto manire tuo maiguñi Dios. Ito bajiri ñe riti mani tuoīare āmoguñi. Mani ñeñaro yirisere buto ti teguñi Dios”, yi gotia i oca tuti. ⁶ Mani ñeñaro yirisere jidicātoni manire ejabuagu yiguñi Dios. Mani ñeñaro yi āmorise itire mani yi űyabititoni, manire ejabuagu yiguñi Dios. Ado bajiro gotia Dios oca: “Gājerā rētoro masirā ña gua”, yimenare queno ejabuami Dios. “Gājerā rētoro masirā ña guama”, yirāre queno ejabua āmobiqūñi Dios. ⁷ Ito bajiri Dios i yiro bajiro cudiruja manire. Rūmūre cudibitiruja manire. Ñe mani cudibeja ticōri, rudicoagu yiguñi rūmū ña. ⁸ Diore mani tuoīaja i cuni manire tuoīagū yiguñi. Mua ñeñaro yirisere jidicāña mua. Diore tuo maibojarāti adi macārucāro gaye buto mua tuoīaja quenabetoja. Ito bajiri Diore riti tuoīaña mua. ⁹ Mua ñeñaro yirise tuoīa bojori bujacōri otiya mua. Ñeñaro mua yirisere tuo wanurā ña mua. Ito bajibojarocati masa godagoana bajiro tuoīa bojori bajaya mua. ¹⁰ Mucana mani űjare tūdi mua tuoīaja quenaroja. “Dios i tiro riojo ñe waja managuti ña gua”, mua yija quena. Ito bajiro mua yija ticōri, buto muare tuoīagū yiguñi Dios. Ito bajiri muare i tija buto wanu quenagū yiguñi ña.

“Í ñami ñeñaro yigu”, yibitiruja manire, yire gaye

¹¹ Tuoya ya ñarā mua. Gājerāre busitubesa. Gājerā Jesure masirāre mua busituja, ito yicōri mua rūcubuojeja, “Dios i rotirisere queno cudibeja yu, ito yicōri queno rūcubuojeja yu”, yi tuoīarāji mua. “Dios rotirise quenabea”, mua yija, i rotirise cudirāona meje ña mua. Ito bajiro mua yija, “Dios i rotirise quenabea, cudibeja yu”, yirāre bajiro ya mua. ¹² Dios ñami i rotirise manire cūru. Ito bajiri i sīgūti ñaguñi mani ñeñaro yirise waja, waja senigū. I sīgūti mani ya űsi godabore maso masiguñi. I sīgūti mani ya űsire ruyurio masiguñi. Gājire, “Í ñami ñeñaro yiri masu”, yi masirā meje ña mani. Dios sīgūti ñami, itionire masigū.

Ija manire rētaroti gayere masibeja mani, yire gaye

¹³ Noa, “Jane busuri, gaje rūmu gaje cutoju wacōri, co rodo moa ñacōri niyeru bujacuja yu”, yi tuoīarā, yure tuoya mua. ¹⁴ Ito bajiro tuoīa busibitiruja manire. Jane, jane busuri, gaje rūmu manire rētaroti masibeja mani. Waju bueri robo bajiro bajirā ña mani. Yoari mejeti goabojaja, godacoacu iti cuni. ¹⁵ Ado bajiro mani tuoīa ñaja quenaroja manire. “Dios i āmoja catirāji mani, ito yicōri i āmorisere yirāji mani”, mani yi tuoīaja quena. Ito bajiro mani tuoīa ñaja quenaroja manire. ¹⁶ Ito bajibojarocati mua rioti tuoīa busia mua. Ito bajiro tuoīaja quenabea. ¹⁷ Quenarise yi masibojarāti ñeñarise mani yija, quenabetoja manire.

5

Gajeoni jairāre Santiago i goti quenore gaye

¹ Tuoya gajeoni jairā mua. Ija ñeñaro mua tōbujaroti gayere tuoīa oti yuya mua. ² Gajeoni mua rūcubojarise joga jedicoaro yiroja muare. Mua ya yutabujuri quenarise ñabojare cuni butua ba ecocoaro yiroja. ³ Mua ya oro, mua ya niyeru ñabojare cuni gūda wiacoaro yiroja. Mua ya niyeru ito bajiro iti gūda waja ticōri, “Bojoro bujarāre ejabuabisi ña”, yi tirā yirāji gājerā. Mua ya gajeonire ito yicōri muare cuni jea soero yiroja. Jairo niyeru catirā ñabojaja mua. Ito bajibojarocati jabetacā ruya Dios masare ñeñaro yirise waja i seniroti rūmu ejaroto. ⁴ Mua ya ote weseri moa ñsibojanare cuni queno waja yibisija mua. Mua ya moari masare queno mua waja yibitire masiguñi Dios. Mua ya moari masa ña otija ito yicōri ña awasāja cuni tuoñi Dios űmacūju rotigu. ⁵ Adi macārucāro ñarā dise rūyabeto rūcoyija mua. No mua āmoriseti yi ñayija mua. Wecure ña sīaroto riojaja jairo ñe ecarāji i acutoni. Ñe bajiroti űcuyija mua cuni. Ito bajiri sīaraju ejacoaju ña. Ñeñaro yirise waja seniroti rūmu eja waju ña, ya yu muare. ⁶ Masa quenarāreti tubiara waju cōayija mua. Ito yicōri quenarāreti sīa rotiyija mua. No yi masibisjarā ña muare.

Diore mani senija bero űsiribitiruja manire, yire gaye

⁷ Jesús i wadiroto riojaja queno tuoīa yuya yu ñarā mua. Ado bajiro tuoīaña adire: No oteguti űsiriore mejeti ricare yuguñi. Iti i oteja bero cuma ide quediyo yiroja. Ito yicōri juebucu ide cuni quediyo yiroja. Iti bero rica quenarise bujagu yiguñi tocū. ⁸ Ñe bajiroti tuoīa űsiribesa mua cuni. Diore mua tuorānarise jidicābesa. Tuoīa oca quedi yibesa. Mani űju i ejaroto jabeto ruya.

⁹ Gājerā rāca gāmeri junisinibesa Dios mua ya űsire i ruyuriobe yirona. Dios manire waja seniroca nocō mejeti ejagu yiguñi. ¹⁰ Dios oca gotiri masare tuoīate mua. Ado bajiro bajiyuju ñare: Diore busi ñsiyjarā ña. Ito yicōri quenabeto tōbujabojarāti tuoīa űsirio yibisjarā ña. Ñare bajiroti mani tuoīa űsiribeja quena. ¹¹ “Ñeñaro tōbujabojarāti Diore jidicāmena queno wanu quenarā ñama”, yi tuoīa mani. Job ñayoru, i tuoīa oca jaibitirere masia mani. Quenabeto tōbujabojaguti Diore jidicābisī Job ñayoru. Quenabeto i tōbujaja bero Dios queno

ejabaaŷijū ĩre mʉcana. Quenabeto mani tōbujaja manire tʉo maiguŷji Dios. Ito yicōri manire ti maiguŷji ĩ.

¹² Oca űasarise mʉare gotigʉ ya, yʉ űarā yʉ. “Ado bajiro yicujaja yʉ”, mani yija bero ito bajiroti yija quena. “Yʉ goticato bajiroti yicujaja yʉ”, mani yija bero, “Riti gotia yʉ Dios ĩ tʉoro riojo”, yibitirujaja manire. Riojo mani gotija quena. Mani cʉdibeja cʉni riojo gotija quena, manire Dios ĩ waja senime yirona.

¹³ Mani űeñaro tōbujaja, Diore busirujaja manire. Mani wana quenaja Diore rācʉbʉorā basaja quena manire. ¹⁴ Sigū ĩ cōja Jesure tʉorānʉrāre űmatā űarāre jirujaja manire. Cōgū tʉ ejacōri Diore busirāji ĩna. Ito yicōri cōgūre áye tucōri Diore senirāji ĩna ĩ tujatoni. ¹⁵ “ĩre yisioguŷji”, yi tʉoĭacōri Diore ĩna senija, cōgū tujacoagu yiguŷji. Ito yicōri űeñaro yire waja ĩ cōja űeñaro ĩ yirisere ācabojogu yiguŷji Dios. ¹⁶ Ito bajiri űeñaro yicōri mʉa cōja, gājire mʉa gotija quena. Ito bajiro mʉa yija tʉocōri, mʉare yiari Diore seni ĩsigū yiguŷji ĩ, mʉa tujatoni. Queno yigu bʉto Diore ĩ senija jaje quenarise rētaroja. ¹⁷ Diore goti ĩsiri masʉ Elías wame catigʉ, manire bajiguti űayoñi ĩ cʉni. Diore tʉorānʉcōri ĩre seniyijū ide quedibe yirocʉ. ĩ senija bero űdia rodo gadarecocō ide quedibisijū. ¹⁸ Mʉcana tʉdi Diore ĩ senirocʉ ide quedisʉoyijū mʉcana. Ito bajija bero queno bare rica catiyijū.

¹⁹⁻²⁰ Tʉoya yʉ űarā mʉa. Sigū Jesure ĩ jidicāja ticōri, mʉcana tʉdi Jesure ĩ tʉoĭatoni ĩre mani ejabujaja quena. Ito bajiri ĩ űeñaro yirise jaje űabobarocati ĩ jidicāja ticōri, ĩ űeñaro yirisere ācabojogu yiguŷji Dios. Ito yicōri ĩ ya űsi ruyuriobicʉ yiguŷji ĩ. “Sigū Jesure ĩ tʉoĭaroca mani yija, iti űa űasarise”, yi tʉoĭa masia mani. Itocō űa.

Primera carta de San Pedro

Dios i beseanare Pedro i papera cõare gaye

¹ Ñati Dios i beseana mua. Yu ña Pedro adi muare papera cõagũ. Jesucristo oca quenarise yu gotitoni yure cũquĩ i. Mani ya sitare wago ãmobitibõjarãti gajeroju ña batea mani. Tite. Ponto sitaju, Galacia sitaju, Capadocia sitaju, Asia sitaju ito yicõri Bitinia sitaju cuni ña batea mani. ² Jane mejeju mani Jacu Dios i tuoia yurisenã i ñarã mani ñatoni manire beseñi i. Ito yicõri Espiritu Santona sũoriti i rãca mani usi catiroca manire yĩni Dios. Ito bajiro yĩni Dios, Jesucristore mani cuditoni, ito yicõri mani ñeñaro yirisere i ya rĩna i coetoni. Muare yiari Diore busia yu. Muare i queno ejabuatonĩ, ito yicõri mua ya usiju queno wanu quenaro mua ñatoni, Diore busia yu ija.

Yu godaja tãdi catigu yigũja yu, yi tuoia wanu yure gaye

³ “Queno ya Dios mu. Rẽtoro quenagũ ña mu”, mani Uju Jesucristo Jacure yiana mani. Manire buto ti maicõri manire Cristo i goda isitoni ire cõañi Dios. Ito yicõri Cristo i godaja bero mucana tãdi i catiroca yĩni Dios. Ito i yijare mama usi cutirã tãdi rujeanare bajiro bajirã ña mani. Ito bajiri: “Catitĩnagũ yigũja yu”, yi tuoia mani ija. ⁴ Manire isirocu quenarise seo cũguĩji Dios ãmacũju. Jogarise meje ña. Ito yicõri jedirise meje ña. Quenarise ña iti. Ito bajiri ñeñarise godo wedibetoja Dios manire yiari i seo cũre. “Ija itire boca ãmicũja yu”, yi tuoia mani. ⁵ Diore mani tuorũnurã ñajare, i masirisena manire codegu yigũji. Ito yicõri manire masogũ yigũji Dios, catitĩnaroju mani ejatoni. Ito bajiro i yijare susari ramu jeyaro quenarise i seo cũre manire isi jeorocu ñacãgũ yigũji Dios.

⁶ Itire tuoicõri, buto wanu quenarũja manire. Ito bajibõjarocati adi sitaju Jesucristore mani tuorũnurã ñajare, mani tõbũjaroca yirã yirãji gãjerã. ⁷ Ito bajiro tõbũjarã yirãji mani, “Jesucristore queno tuorũnurã ñari ire jidicãmenaji ña”, gãjerã ña yi tuoiatoni. Goti masiore ocana muare gotigu ya yu. ¿Oro quenarise gãtare quenore masiati mua? Oro quenarise ña ãmoja iti gãtare roama ña. Ito bajiro ña yija quenarise riti rãta budiroja. Ito bajiro tõbũjarã ñabõjarãti Cristore mani jidicãbeja, ija buto basa ire tuo rãta budirã yirãji mani. Buto waja rãcũrise ñabõjarocati gada wiaro yiroja oro. Dios i tija oro rãto busaro waja rãcũna mani. Ito bajiri, “Yure tuorũnurã ñari, queno yirã ña mua. Muare buto wanua yu”, yigu yigũji Dios manire, Jesucristo mucana i goaõori ramu.

⁸ Jesucristore tĩamena ñabõjarãti ire maia mua. Ito yicõri adi ramuri ire timena ñabõjarãti ire tuorũna mani. Ito bajiri queno wanu quena mani. Buto wanu rãtocũcõri, “Itocõ wanua yu”, yi masibea mani. ⁹ Ito yicõri ire mani tuorũnũja manire masogũ yigũji Dios. Ito bajiri, “I tãju ãmacũju ejaqu yigũja yu”, yi tuoia mani.

¹⁰ Jane mejeju Diore goti isiri masa ado bajiro gotiyõjjarã ña: “Masare ti maicõri ñare masogũ yigũji Dios”, yiyijarã ña. Ito yibõjarãti, Dios masare i masoroti gaye queno tuo masibisijarã ña maji. “Ado bajiro yicõri masare masogũ yigũji Dios”, yi masibisijarã. Ito bajiri itire riasoticõri ruje tuoia yijarã ña. ¹¹ Ija rãtaroti gaye ña goti masitoni Espiritu Santore cõayiju Cristo. Ito bajiri Cristore masimena ñabõjarãti i tõbũjacõri yucutẽoju i godaroti gayere goti yuyijarã ña, Diore goti isiri masa. Ito yicõri mucana tãdi caticõri Dios tãju rãcũbuoadoju Cristo i ñaroti gaye goti yuyijarã ña. Itire gotiana ñabõjarãti, “¿Ñimũ ñagũ yigũjida Dios i cõarocu? Ito yicõri ¿nocãta ejaqu yigũjida i?” ruje yi tuoiaobayijarã ña. ¹² Ito yi, ña tuoiarocati, “Itire timenaji mani. Mani bero gãna ña ñaroca rãtarõ yiroja iti”, yi tuoia yijarã ña mucana. Ito bajiro ña yi tuo masiroca yiyiju Dios. Adi ramuri Espiritu Santore cõayiju Dios i oca gotiri masa manire ña riaso masitoni. Ito bajiri iti oca quenarise rãtãja bero tuorã ña mani. Dios ñaro gãna ángel mesa iti ocare buto tuo ãmoama ña cuni, quenarise iti ñajare.

Diore bajiro quenarise riti yija quena, yire gaye

¹³ Iti oca quenariserẽ tuo masirã ña maniamã. Ito bajiri iti oca tuocõri mecure mano queno tuoãrũja manire, Diore mani cãdi masitoni. Jabeto ruya maji Jesucristo i tãdi ejaroti ramu. Ito bajiri ña yucãrũja manire. Ito yicõri, “Manire queno yigu yigũji Dios”, yi tuoia jidicãbitirũja mani. ¹⁴ Dios rã ñacõri ire queno cudirũja mani. Ire mani masiroto riojũ ñeñaro yicu mani maji. Itire tãdi yi uyabitirũja manire. Itire tãdi tuoãbitirũja mani, ñeñaro mani yibe yirona. ¹⁵ Ado bajiro bajia. Dios, manire beseru quenarise riti yigu ñami i. Ito yicõri cojireama ñeñarise yĩlagũ meje ñami. Ito bajiri ire bajiro quenarise riti yirũja manire cuni. ¹⁶ Ado bajiro gotia Dios oca tuti: “Cõjirea ñeñaro yĩãbicũ ña yu. Ito bajiri ñeñarise yibesa mua cuni”, yi uca rotiyiju Dios.

¹⁷ Diore mani b̄sija, “Yu Jacu”, ya mani ĩre r̄ac̄ub̄or̄ā. ĩ yiro bajiroti yiḡu ñami Dios. Ito bajiri masa ĩna ñeñaro yirise waja Dios ĩ seniri r̄um̄u mani yiado bajiroti waja seniḡu yiḡuĵi Dios manire. Itire mani t̄uoĵaja quena. Ito bajiri Diore r̄ac̄ub̄or̄ā adi sita mani cati ñaroc̄o queno yi ñar̄uja manire. ¹⁸⁻¹⁹ Jane mejeju mani ñic̄sabatia ĩna ñeñaro yiriserē coe āmor̄ā ado bajiro yiyijar̄ā ĩna. Oveja quenaḡure śiac̄ōri soe ĩsotiyijar̄ā, Diore yiari. “Mani ñic̄sabatia ĩna yiado bajiroti mani yija mani ñeñaro yirise jedibetoja”, yi t̄uoĵa mani. Mani ñeñaro yirise waja ĩ waja yi ĩs̄itoni ĩ Mac̄ure c̄oñi Dios. Ito bajiri, “Niyeru jogarisena meje mani ñeñaro yirise waja, waja yi ĩs̄iñi Dios”, yi t̄uoĵa mani. Ado bajirojūa baja. ĩ Mac̄u Cristo ñeñaro yĳ̄ibacu ya r̄ina waja yi jeoñi Dios manire yiari. Waja r̄ac̄ur̄isena mani ñeñaro yiriserē waya yi ĩs̄iñi Dios. ²⁰ Jane mejeju adi mac̄ar̄ac̄uro ĩ rujeoroto riojūaju, manire yiari ĩ Mac̄ure c̄orocu t̄uoĵa yuc̄ayĳ̄u Dios. Ito bajiri adi r̄um̄uri ĩja, “Yure masorocu ejañi Cristo”, yi t̄uoĵa mani. ²¹ Manire masorocu manire goda ĩs̄iñi Cristo. Dioti ñami Cristo ĩ t̄udi catiroca yiru, ito yic̄ōri ĩ t̄uju r̄ac̄ub̄oadoju Cristore c̄uru. Ito bajiro ĩ yijare Diore t̄or̄an̄ua mani. ĩre t̄or̄an̄uc̄ōri, “Dios t̄uju catit̄iñaḡu yiḡuja yu”, yi t̄uoĵa mani.

²² Cristo oca quenarise c̄adir̄ā ña mani. Ito yic̄ōri ñeñaro yirise jidic̄ac̄ōri Dios r̄aca śiḡure bajiro usi cutir̄ā ña mani. Mani ti terisere jidic̄ac̄ōri śiḡu r̄iare bajiro bajir̄ā Diore masir̄are mair̄uja manire. Maibitibojaḡuti, “Ḡajer̄are buto maia yu”, yire ma. Riojoti mani ḡajer̄are buto maija quena. ²³ Jogarise meje ña Dios oca. Ñat̄iñaro yiroja ĩ oca. Dios ocare t̄or̄an̄uc̄ōri mame t̄uoĵar̄ā ña mani. Mame t̄uoĵar̄ā ñari t̄udi rujeana robo bajiro bajir̄ā ña mani. Ito bajiri catit̄iñar̄ā yir̄aji. Mani ya usi godabeto yiroja. ²⁴ Ado bajiro gotia Dios oca:

Siniac̄ōri godaroja ta. Masa c̄uni ĩna ñaroc̄ōti godar̄ā yir̄aji. Go c̄uni quenarise ñabobaroti sinia quedic̄oaro yiroja. Ito bajic̄ōri quenarise iti ruyuja bero ruyubetoja ĩja. Ito bajir̄aji masa c̄uni. ĩna jeyaro godar̄ā yir̄aji, ñasar̄ā ñabobar̄ati.

²⁵ Mani ĩjūu ocama ñat̄iñaro yiroja, yi gotia Dios oca tuti.

Ito bajiro Dios oca riasotiri masa ĩna gotija tuoc̄ōri: “Iti ña Cristo oca quenarise”, yi t̄uoĵa mani ĩja.

2

¹ Iti oca t̄or̄an̄uc̄ōri Dios r̄ia ña mani. Ito bajiri jeyaro m̄ua ñeñaro yirise jidic̄āña. Ḡajer̄are ruobesa. Ito yic̄ōri socabesa. Ḡajer̄ā ya gajeoni ti uobesa, ito yic̄ōri ḡajer̄are b̄usitubesa. ²⁻³ “Yure ti maic̄ōri, Queno yiqūi Dios”, yi t̄uoĵa m̄ua. Ito bajiri jaibic̄uac̄ā ĩjūu āmosotiro bajiroti Dios oca quenarisejuare riti riasotiya m̄ua. Jaibic̄uac̄ā ĩ t̄ujut̄iñaja quenaro b̄uc̄uaḡuĵi. M̄ua c̄uni Dios ocare m̄ua riasotit̄iñaja ĩre queno masir̄ā yir̄aji m̄ua. Ito yic̄ōri Dios r̄aca śiḡure bajiro usi cutic̄ōri ĩ āmorisere c̄adir̄ā yir̄aji m̄ua.

Ḡutaḡā ñasaricare bajiro bajigu ñami Cristo, yire gaye

⁴ Queno t̄uoĵa. Goti masiore ocana muare gotigu ya yu. Ḡuta wi meniri masa ḡutaḡare ti c̄oiac̄ōri, “Āmoba itigare”, yiyijar̄ā ĩna. Ito bajibobarocati ḡaji itiga ḡutaḡare ti c̄oiac̄ōri, “Gaje ḡuta r̄etoro quenarica ña itiga. Āmoa yu”, yiyĳ̄u ĩ. Ado bajiro baja yireoni ña iti oca. Cristore āmobic̄ōri, “Gua uju meje ñami ĩ”, yiyijar̄ā mani uju mesa. Ito bajibobarocati Cristore buto āmoc̄ōri ĩre beseĳ̄u Dios, manire masoroc̄ure. ⁵ Dios beseru ñari ĩre bajiroti mani usi cuti ñaja quena. Manire c̄uni beseñi Dios, Cristo r̄aca śiḡure bajiro mani usi cutitoni. Ito bajiro Dios ejabuarise r̄aca queno Cristo r̄aca usi cutir̄uja mani. Manire Dios ĩ wanutoni ĩ āmoro bajiro mani yija quena. Cristo ĩ ejabuarise r̄aca ḡajer̄are ĩ oca gotir̄uja mani. Ito yic̄ōri ḡajer̄are yiari Diore busir̄uja mani. Ito bajiro yir̄uja mani Cristo ĩ ejabuarisena, Dios ĩ wanutoni. ⁶ Itire yi ucayĳ̄u Diore goti ĩsiri masu. Gaje ado bajiro ucayĳ̄u, Dios busirise gotigu:

Ślōn wame cutiri c̄otoju yu Mac̄ure c̄ua yu. Ḡuta quenarica robo bajiro bajigu ñami ĩ. Ḡuta wi menis̄orona ḡuta quenaricare beseama ḡuta wi meniri masa. Iti bajiroti, yu ñar̄ā uju ñaroc̄ure yu Mac̄ure uju besecu yu. ĩre buto maia yu. No ĩre t̄or̄an̄uḡuti bojori bujabiquĳ̄i. Buto wan̄u quenaḡu yiḡuĵi, yiyĳ̄u Dios, yi ucayĳ̄u Diore goti ĩsiri masu.

⁷⁻⁸ Mani Jesucristore t̄or̄an̄ur̄ā ñari ĩre buto maia mani. Mani tija ñasaḡu ñami ĩ. ĩt̄ire gotigu ado bajiro ucayĳ̄u Diore goti ĩsiri masu:

Ḡuta wi meniri masa ḡutaḡare ti c̄oiac̄ōri, “Āmoba itigare”, yiyijar̄ā ĩna. Ito bajibobarocati ḡaji itigare ti c̄oiac̄ōri, “Ñasarica ña itiga. Āmoa yu”, yiyĳ̄u ĩ.

Ito bajiro yi gotia Dios oca tuti. Ado bajiro baja yireoni ña adi oca. Jesucristore t̄or̄an̄ubic̄u ĩre maiḡu meje ñami ĩ. ĩre c̄udigu meje ñami ĩoc̄u. Ito bajiri Dios ĩ gotiado bajiroti godagu yiḡuĵi. Itire gotigu ado bajiro ucayĳ̄u Diore goti ĩsiri masu:

Ḡutana śiḡu ĩ juata quedija juniroja ĩre, yi gotia Dios oca.

Ado bajiro baja yireoni ña adi oca. No Cristore t̄or̄an̄ubic̄uti godagu yiḡuĵi.

⁹ Ito bajiro bajir̄ā meje ña maniam̄a. ĩ ñar̄ā mani ñatoni manire beseñi Dios. Dios mani ĩjure ḡajer̄ā ĩna masitoni ĩ oca riaso āmoa mani ĩnare. Ñeñaro yirise ĩ coeana ñari Dios ñar̄ā

ña mani İja. Ito bajiri jeyaro queno İ yirise gotiruja mani. Răitİaroju ñaräre bajiro ñeñaro mani yi ñaroca manire İİni Dios. Ito yicöri manire boca ämicöri manire masoñi İ. Ito bajiri İ räca busuroju ña mani İja. Iti oca quenarise gäjeräre mani gotitoni manire cüñi Dios. ¹⁰ Iti rumu Dios ñarä meje ñayija mani maji. Adi rumurijama İ ñarä ña mani İja. Iti rumu, “Yure ti maiami Dios”, yi tuoİabisija mani maji. Adi rumurijama, “Yure buto ti maiami Dios”, yi tuoİa mani İja.

Dios İ ämoro bajiro riti yija quena, yire gaye

¹¹ Yu ñarä muare buto maia yu. Adi macărucăroju ña ucurä ya mani. Ūmacăju Dios tuju ña mani ñasaroto. Ito bajiri ado yu busirisere queno tuoja mua. Jeyaro mua ñeñaro yi ämorisere tuoİa uyabesa. Mua ya usina itire mua tuoİa uyaja ñeñaro yirä yiräji mua, rumü İ ämoro bajiro. ¹² Diore masimena wato ña mani. Mani yirisere tisotiamä İna. Ito bajiri İna wato ñacöri queno yi ñaruja manire. Manire ñeñaro busituboräji İna. Ito bajiboräti mani queno yirisere tigoana ñari, Diore tuorănu ämorä yiräji İna gajea. Ito bajiri Dios İ tudi ejari rumu, “RĒtoro quenagü ñami Dios”, yirä yiräji İna, İre rucuborä.

¹³ Dios ñarä mani ñajare uju gobierno İ rotirisere queno cudiruja mani. Ito bajiro mani yija, “Queno cudirä ñama Dios ñarä”, yirä yiräji gäjerä. ¹⁴ Uju gobierno ya ejabuari masare cuni queno cudiruja mani. İna İna İ cüana. Ñeñaro yiräre waja senitoni İre ejabuari masare cüñi İ. Ito yicöri queno yiräre, “Queno ya mu”, İna yitoni İre ejabuari masare cöañi uju gobierno. Ito bajiri İ cöana ñajare queno cudiruja mani İnare. ¹⁵ Ito bajiro mani cadija, Dios İ ämoro bajiro queno yi ñarä yiräji mani. Ito bajiri manire rocati busitubona ñe busi masimenaji İna. Ito bajiri Dios İ ämoro bajiro İna busituboräse sasacoaro yiroja İja.

¹⁶ Dios ñarä ña mani. İ sġgüti ñami mani Uju ñasagu. Ito bajiri İre wanurä, mani ämoro bajiro İ yibitiruja mani. “Dios yagu yu ñajare yure waja senibiquġi. Ito bajiri yu ämoro bajiro yicuja yu”, yi tuoİabitiruja manire. İre cudiruja mani. Ito yicöri İre cudi ämorä ñari, İ ämoro bajiro İ yi ñarä yiräji mani. ¹⁷ Ito bajiri masa jeyarore corocö mani ti rucubuja quena. Jesucristore masiräre mani buto maji quena. “RĒtoro masigü ñami Dios”, yi tuoİarä ñari, İre queno rucuboruja mani. Ito yicöri uju gobierno İ rotirisere cuni cudiruja manire.

İ tōbujaroca yianare gāmebisiju Cristo, yire gaye

¹⁸ Mua gäjeräre moa İsirä, queno tuoja. Muare busigu ya yu. Mua ujaräre queno rucubuja. Ito yicöri İna yiro bajiro cudicöri İnare queno moa İsiña. Ito bajiro yiya mua Dios ñarä ñari. Tere mano mua ujarä İna rotija İnare queno cudiya mua. Muare terä İna rotija cuni, İnare queno cudiya mua. ¹⁹⁻²⁰ Ito bajiro mua yija ticöri, muare wanugü yiguġi Dios. Mua ujaräre queno mua yiborocati mua tōbujaroca yirä yiräji coriarä. İnare mua ti tebeja muare wanugü yiguġi Dios. Ito bajiborocati mua ujaräre mua ñeñaro yija mua tōbujaroca yirä yiräji İna. Ito bajiro yiräji İna, mua ñeñaro yirise waja yirä. Ito bajiri ado bajiro tuoİabesa mua. “Queno yicu yu. Yu tōbujaroca yigare tebiticu yu. Ito bajiri yure wanugü yiguġi Dios”, yi tuoİabesa mua. Mua ujaräre ñeñaro yigoana ñajare muare wanubiquġi Dios. ²¹ Ito bajiri mua tōbujaja ñemecutiya mua. Ito yicöri gāmebesa mua. Ito bajiro rotiami Dios mani yitoni. Cristo cuni manire yiari tōbujayiju. Ito yicöri İ tōbujaroca yianare gāmebisiju Cristo. Ito bajiro yiyiju Cristo İre bajiro mani ña masitoni. ²² Cojireama ñeñaro yİİabisiju Cristo, İto yicöri cojireama tuoİabisiju İ. ²³ Masa İre İna busituja İnare busitu gāmebisiju Cristo. Ito yicöri İ tōbujaroca yianare, “Muare gāmečuja yu”, yibisiju Cristo. Ito bajiro yigu meje ñayiju Cristo. İ Jacare queno tuorăncöri İre bajiro usi cutiyiju Cristo. Ito bajiri, “Yu Jacu İ ñami masa ñeñaro İna yirise waja queno seni masigü”, yi tuoİayiju İ. ²⁴ İmasiti mani ñeñaro yirise waja yi İsigü yucutöju godañi Cristo. Ito bajiro manire yi İsiyiju İ mani ñeñaro yirisere jidicăcöri mani tudi ñeñaro yibititoni. Ito yicöri Dios İ ämoro bajiro mani yi masitoni manire goda İsiñi Cristo. Manire yiari İ godajare mani ñeñaro yirisere äcabojogu yiguġi Dios. Ito bajiri manire masogü yiguġi mani catiñatoni. ²⁵ Queno tuoja. Muare goti masiore ocana muare gotigu ya yu. Oveja coderi masa İna manija rocati ña ucuama İna. Ito bajiro rocati ñabojayija mani cuni Cristore mani masiroto riojua. Adi rumuriamä mani ñeñaro yirise jidicăcöri Cristo räca sigüre bajiro usi cutirä ña mani İja. İti ñami mani ya usi godabe yirocu manire codegu, İto yicöri manire tirănugü.

3

Ado bajiro ñaja quena manajo cutirä, yire gaye

¹⁻² Romia queno tuoja mua. Muare cuni busigu ya yu. Temenati mua manujabatiane queno cudiya. Mua manujabatia coriarä Diore tuorănubeama İna. Ito bajiri Dios oca mua goti ämobjaja tuo ämobeama İna. Biyaro mua gotija, “Quejoro yamo yu manajo”, yi tuoİarä yiräji mua manujabatia. Ito bajiri usirio yibesa. Ado robojua mua yija quena.

Mua manujusabatiare queno cudiya mua. Ito yicōri Diore rūcubuoōcōri quenarise riti yi ñaña mua. Ito bajiro mua yija ticōri, Diore tuorānu āmorā yirāji ĩna gajea. Ito yija Dios oca mua gotimena ñabojarāti mua queno yirise ticōri Diore tuorānu āmorā yirāji gajea mua manujusabatia. ³ Ado bajiro tuoĭabojama romia coriarā. “Queno seyogo ñamo”, gājerā ĩna yitoni, yu ya joa queno sirocoja yu. Ito yicōri jeyaro quenarise yu ye busacoja yu. Saya cuni quenarise sãñacoja yu, “Seyogo ñamo”, gājerā ĩna yitoni. Ito bajiro yi tuoĭabesa mua. ⁴ Dios ĩ tija seyorā mua ña āmoja, ado bajiro mua yija quena. Queno usi tija quena ñaña mua. Mua manujusabatiare queno cudiya. Ito yicōri ĩna rāca gāmeri tudibesa mua. Mua tuoĭaro bajiro riti yibesa. Mua queno yirise gaye jedibetoja. Iti ña ñasarise Dios ĩ tija. ⁵ Jane mejeju ito bajiro yiyijarā romia Diore tuorānuana. Dios ĩ āmorise yi āmorā ĩna manujusabatiare queno cudiyyjarā ĩna. Ito bajiri seyorā ñayijarā ĩna, Dios ĩ tija. ⁶ Ito bajiro queno cudigo ñayijo Sara ñayoro. Iso manuju Abrahamre queno cudiyyijo iso. ĩ yago ñari, “Yu uju”, yiyijo iso ĩre. Iso ñayoro bajiro queno yija mua cuni. Ito yicōri iso bajiro Diore tuorānuōcōri ñejuua tuo güibesa mua. Ito mua yija Sara ñayoro bajiro bajirā ña mua.

⁷ Mani ũmua tuoya mani ye cuni busigu ya yu. Mani godabe yirocu manire ti maicōri manire masoñi Dios. Ito bajiro ti masoñi Dios mani manojosāromiare cuni. Ito bajiri mani manojosāromia ĩna queno ñatoni ĩnare queno yiruja mani. “Yucō sēogō meje ñamo yu manoj”, yi tuoĭacōri, mani manojosāromiare ejabuaruja manire. Ito yicōri ĩnare rūcubuoŕuja mani. Ito bajiri mani manojosāromia rāca queno usi cuti ñaruja manire. ĩna rāca ñeñarise mani oca cutija queno Dios rāca busi masimenaji mani.

Queno yirā ñari tōbujarā yirāji mani, yire gaye

⁸ Muare yu gotiro ti jabeto raya maji. Ado bajirojua baja. Sigūre bajiro mani usi cuti ñaja quena. Dios rā ña mani. Ito bajiri sigū rāre bajiro mani gāmeri majija quena. Ito yicōri bojoro bujarāre ejabuaruja manire. “Rētoro quenagū ña yu”, yi tuoĭabitiruja manire. ⁹ Manire gājerā ĩna ñeñaro yija ĩnare gāmebitiruja mani. Manire gājerā ĩna busituja ĩnare busitu gāmebitiruja manire. Ado bajirojua mani yija quena. Manire ñeñaro yirāre cuni queno yiruja manire. Ito yicōri ĩnare yiari Diore busija quena. Ito bajiro queno yiruja mani. Dios ĩ rotiro bajiro mani yija queno yigu yiguĭji Dios manire. ¹⁰ Itire gotigu ado bajiro ucayiju Diore goti ĩsiri masu:

No co rumu ruayabeto quenaro ña āmogūti ñeñaro busibiquĭji, ito yicōri ruobiquĭji.

¹¹ Ñeñarise jidicācōri quenarise riti yiguĭji ĩ. Gājerā rāca queno ĩ ña āmoja, ĩnare queno yiguĭji.

¹² Ado robojua baja. Queno yirāre tirānugū yiguĭji Dios. Ito yicōri ĩre ĩna busija, tuogu yiguĭji Dios. Ñeñaro yirāreama ĩnare queno ti tujabiticōri ĩnare waja senigū yiguĭji Dios. Ito bajiri quenarise yiruja mani ĩja, yi gotia Dios oca.

¹³ Quenarise mani yi āmosacōja, noajua gājerā mani ñeñaro tōbujaroca yirā jājarā manaji.

¹⁴ Ito bajibojarocati mani tōbujaja mani queno yirā ñajare mani wanōroca yigu yiguĭji Dios. Ito bajiri manire ñeñaro yi āmorāre güibitiruja mani. Ito yicōri tuoĭa oca jaibitiruja manire.

¹⁵ Ado bajirojua mani yija quena. Cristore rūcubuoōcōri, “ĩ yu ũju ñari, yure codegu yiguĭji Cristo”, yi tuoĭaruja manire. Ito yija, “¿No bajiatu Cristore mua tuorānurise?” gājerā ĩna seniĭaja, “Ado bajirojua baja”, mani yitoni queno bocatiari ñacāruja manire. Ito yicōri ĩnare ti maicōri queno rūcubuoere rāca ĩnare cadiruja mani. ¹⁶ Ito yicōri, “Seti ma yure”, mani yi masitoni quenarise riti yiruja manire. Cristo ñarā ñari quenarise riti yiruja mani. Ito bajicōri manire gājerā ĩna busituja, “Burāti yama ĩna”, yi tuoĭarāji gājerā. Ito bajiri manire busituri masa bojori bujarā yirāji ĩna. ¹⁷ Ado bajiro baja, queno tuoya. Ñeñaro mani yija bero mani tōbujaja, iti ña mani ñeñaro yirise waja. Ito bajibojarocati queno yirā ñabojarāti mani tōbujarise Dios ĩ camotabeja, “Iti ña Dios ĩ āmorise, ito bajiri quenarise ña”, yi tuoĭa mani.

¹⁸ Queno yigu ñabojaguti tōbujayiju Cristo cuni. Ito bajiri queno yirā ñabojarāti mani tōbujaja, manire yiari Cristo ĩ tōbujare gayere tuoĭaruja manire. Ado bajiro baja. Ñeñaro yĭĭabica ñayiju Cristo. Ito bajibojarocati mani ñeñaro yirāre goda ĩsiyiju ĩ, manire yiari. Dios rāca mani sigūre bajiro mani usi cutire āmoyiju Cristo. Ito bajiri mani ñeñaro yirise waja, waja yi jeorocu manire goda ĩsiyiju ĩ. ĩ ya ruju godabojarocati ĩ ya usiama godabisiju. ¹⁹ Ito yija ñeñaro yigoanare busiroca ĩna tōbujadoju ĩ ya usina wayiju Cristo. Itoju ejacōri jeyaro ĩ yigore ĩnare gotiyiju Cristo. ²⁰ Ito ñayoana, Noé ñayorure tuo āmobitiana ñayijarā ĩna. Yoari Noé ĩ cuma busca meniroca ĩna cudijaro yirocu bocatiboyaju Dios. Cudibisijarā ĩna. Ito yicōri cuma mani tĭocōri cumaju sājayijarā ĩna. Noé, ĩ manoj, ĩ rĭa, ĩ jējosāromia cuni sājayijarā. ĩna rujabe yirocu ĩnare riti masoyiju Dios. ũdia āmojeno ñayijarā ĩna ñarocōti. ²¹ ĩnare ĩ masoado bajiro manire cuni masoñi Dios, Jesucristo ĩ goda ĩsirena suoriti. “Diore cadirā ñama”, gājerā ĩna yitoni idé gu rotia mani. Ruju ueri coerona meje idé gu rotia mani. Ñeñaro mani yirise jidicāja bero ado bajiro Diore busia mani. “Queno ya mu. Yure masoyija mu. Mu Macu

Jesucristo yu ñeñaro yirise yare waja yi ñirocu yure goda ñiñi. Ito yicōri yure masorocu tūdi catiñi ñ, Diore ya mani idé gure ñmorā. ²² Tūdi caticōri ũmacūju Dios rāca ñagū wayiju Jesucristo. Ito yicōri Dios ya riojocaduja rūcubuoaraju ñagūñi ñ ñja. Ito bajiri ángel mesa ñna ñarocōti Jesucristore rūcubuoarāji ñna. Ito yicōri ũmacūju gāna ujarā ñasarā Jesucristore rūcubuoarā, “Gua Uju ña mu”, yirāji ñna cuni Jesucristore.

4

Dios masirise boca āmiana ñari ricati riti moa masia mani, yire gaye

¹ Adi sitaju ñagū tōbujayiju Cristo. Ito bajiri, “Ñre bajiroti tōbujagu yiguja yu cuni”, yi tuoñacōri, tōbujarona tuoña ñacāruja mani. Ado bajirojua bajia. Tōbujacōri Jesucristore buto busa mani tuoñaja, ñeñaro yi āmomenaji mani. ² Ito yicōri ñeñaro yi āmori masare bajiro yimenaji mani. Ito bajiri mani catirocō Dios ñ amoro bajiro yirā yirāji mani. ³ Ito ramu Cristore mua masiroto riojua jeyaro ñeñarise mua yi amoro bajiroti yiyija mua maji. Mecayija mua. Ito yi mecacōri rocati ñeñaro yiyija mua. Mua rujeonare buoro rūcubuoayija mua. Itocō mua ito yirise jidicāruja muare ñja. ⁴ Ito ramu mani ñeñaro yiado bajiro yibeja mani adocāta ñja. Mani baba mesa ñagoana rāca mani ñeñaro yi āmobeja manire tudirā yirāji ñna. Ito bajiri ñnare mani cudibeja rocati manire busi ajarā yirāji. ⁵ Manire ñna ajabojarocati ñnare gāmebitiruja manire. Ito bajiro ñeñaro ñna yiriserē masiami Dios. Manire ajagoana ñari ñna ñeñaro yirise goti rētorā yirāji ñna Diore. Yoari mejeti masa jeyarore ñna ñeñaro yi uyarise waja senigū yiguñi Dios. Catirāre cuni, godanare cuni waja senigū yiguñi Dios. ⁶ Ito bajiri masa ñna godaroto rioju Dios oca quenarise gotire ña, ñna catitñatoni. Coriarā iti oca tuoçōri queno rūcubuoarā yirāji. Gājerāma iti ocare rūcubuoemenaji ñna. Masa jeyaro godarā yirāji sīgū ruyabeto. Ito bajibojarocati ñ oca rūcubuoana masa jeyaro bajiro godabojarāti ñna ya usijuama Dios rāca catitñaro yiroja.

⁷ Adi macārucāro yoari meje jediro yiroja. Ito bajiri jeyaro mani yiroto riojua queno tuoña ñaruja manire. Ito yicōri mecure mano tuoña ñaruja manire, Diore mani queno busi masitoni. ⁸ Gājerāre mani ti mañtñaja quena. Iti ña ñasarise. Gājerāre mani buto ti maija, ñna manire ñeñaro yiriserē ācabojarā yirāji mani. ⁹ Gājerā mani ya wi ñna ejaja, wanu quenare rāca ñnare boca āmiruja mani. ñna ba āmoja, ñna cuni āmoja cuni wanu quenare rāca ñnare cudiruja mani. ¹⁰ Jesucristo ñarā ñari manire ti maicōri, jabeto ñ masirise manire jidicāñi Dios. ñ amoro bajiro ricati mani moa masitoni ñ masirise jidicāñi Dios. Ito bajiri Dios manire jidicāre mani moa masirisena gājerāre ejabuaruja mani. Ito bajiro yiruja mani Diore queno moa ñsirā ñari. ¹¹ Dios oca mani queno goti masija, “Queno ya Dios mu. Mu ejabuarisena riojo goti masia yu”, yiruja mani. Ito yicōri gājerāre mani queno ejabua masija, “Queno ya Dios mu”, yiruja mani. Ito bajiro yiruja mani, Diore gājerā ñna rūcubuoatoni. Jeyaro mani yiriserē ticōri, “Ñ ñarāre queno ejabuami Jesucristo”, yirā yirāji gājerā Diore rūcubuoarā. “Ñti ñami rētoro masigū. Ñti ñami Uju ñasagu. Jeyaro ñarise roti masigū ñami Dios. Dise ñ roti masibiti ruyabea ñre. Ñti ñami mani Uju ñatñagū”, yi tuoñasotiruja mani ñja.

Cristore mani tuorānūrā ñajare ñeñaro mani tōbujarocata yirā yirāji gājerā, yire gaye

¹² Yu mairā tuoja mua. Mani buto tōbujabojarāti buto goroama oca jaibitiruja manire. “¿No yija tōbujati yu?” yi tuoñabitiruja mani. Mani tōbujabojarāti Jesucristore mani jidicābeja, “Yure queno tuorānūrā ñama ñna”, yigu yiguñi Dios. ¹³ Ado bajirojua mani yija quena. Jesucristore rūcubuoarā ñari ñre bajiro mani tōbujaja queno wanu quenaruja mani. Ito mani yija ñ tūdi ejari ramu ñre ticōri queno wanu quenarā yirāji mani. ¹⁴ Jesucristore mani tuorānūrā ñajare manire aja tudirā yirāji gājerā. Ito bajiro manire ñna aja tudibojarocati wanu quenarā yirāji mani. Mani tōbujaja manire ejabuagu yiguñi Dios. Mani ya usiju Espiritu Santore Dios ñ queo sājare queno wanu quena mani ñja. Ito bajiri tōbujarāti wanu quena mani. Dios ñami mani rūcubuoogu. Gājerāma ñre rūcubuoemenati ñre ñeñaro busiama ñna. ¹⁵ No gājerāre sñagūti, tōbujagu yiguñi. No gāji ya gajeoni rinigūti, tōbujagu yiguñi. No ñeñaro yigūti, tōbujagu yiguñi. No gājerāre oca menigūti, tōbujagu yiguñi. ñnare bajiro mani yija, tōbujarā yirāji mani cuni. Itire mua ñeñaro yire āmobeja yu. ¹⁶ Ito bajibojarocati Jesucristo ñarā ñari mani tōbujaja bojori bujabitiruja manire. Ado bajirojua yiruja mani Diore. “Queno ya Dios mu. Mu Macu Jesucristo yagu yu ñaroca yure yiyija mu. Itire buto wanua yu”, yiruja mani Diore.

¹⁷ Adocāta Jesucristore tuorānūrā ñabojarāti tōbujaja mani cuni. Jesucristore tuorānūrā ñabojarāti mani tōbujaja, ¿no bajiro tōbujarā yirājida Dios ocare tuorānūmena? Manire bajiroti buto busa tōbujarā yirāji ñna. ¹⁸ Itire gotigu ado bajiro ucayiju Diore goti ñsiri masu: “Dios masoana queno yi uyarā ñabojarāti ñna tōbujaja, ¿no bajiro tōbujarā yirājida ñeñaro yi uyarā? Ado bajiro bajia. Diore tuorānūmenati buto busa tōbujarā yirāji ñna”, yi gotia Dios oca. ¹⁹ Itire masicōri quenarise riti yitñaruja manire. Tōbujarā ñabojarāti, “Iti ña Dios ñ

ãmorise”, yi tuoïacõri, quenarise riti yirãja manire. Dios manire rujeoru, manire jidicãbiqũji. Ito bajiri tõiujarã ñabojarãti Diore tuorãnurã yirãji mani. “Í yiado bajiroti yure codegu yiguũji Dios”, yi tuoïacõri, ire tuorãnurãja mani.

5

Cristore tuorãnurãre Pedro ï goti quenore gaye

¹ Adocãta mua Jesucristore masisuoanare busigu ya yu. Mua ña Jesucristo ñarãre tirãnurã masa. Yu cuni ï ñarãre tirãnugãti ña. Cristo ï tõiujaja tigorũ ña yu. Ito yicõri mani Hju Jesucristo ï tãdi ejari ramũ ti wanugũ yigujaja yu cuni mua rãca. Mua Jesucristore masisuoana tuoja mua. Ado bajiro muare busigu ya yu. ² Jesucristo ñarãre mani tirãnũtoni manire cũi Dios. Ito bajiri ï ñarãre queno tirãnurãja manire. Tere mano wanũ quenare rãca ñare tirãnurãja manire. Ito yicõri, “¿Ñe waja bujagu yigujada yu?” yi tuoïabitirũja mani. Ado bajirojua mani tuoïaja quena. “Dios ï ãmoro bajiro cudi ãmoa yu. Ito bajiri ï ñarãre tirãnugũ yigujaja yu”, yi tuoïaja quena. ³ “Ína hu ña yu. Ñare sãoro roticũja yu”, yi tuoïabitirũja mani. Ado bajirojua mani yija quena. Dios ï ãmoro bajiro quenarise yirũja mani. Ito mani yija mani yiro bajiroti quesoiacõri, Dios ï ãmoro bajiroti yirã yirãji mani tirãnurã cuni. ⁴ Ito bajiri Jesucristo mani Hju ï tãdi ejari ramũ mani queno yirisere tuoia bujagu yiguũji ï. Ito yicõri manire waja yirocu, “Yu rotiro bajiroti yicu mũ. Mure wanua yu”, yigu yiguũji manire. Ito bajiri ï rãca wanũ quenatũñarã yirãji mani.

⁵ Mamarã adocãta muare busia yu. Jesucristore masisuoanare rãcũbuoaya mua. Ito yicõri ñare queno cudiya. Mani jeyaro gãmeri rãcũbuocõri gãmeri ejabuãruja manire. Itire gotigu ado bajiro ucayijũ Diore goti ïsiri masu:

“Gãjerã rãtoro quenagũ ña yu”, yirãre ti tujabeami Dios. Ito bajibojarocati, “Gãjerãre rãcũbuocõri ñare ejabua ãmoa yu”, yi tuoïarãre wanuami Dios. Ñare ti maicõri ñare queno ejabuãgu yiguũji Dios, yi gotia Dios oca.

⁶ Ito bajiri Diore rãcũbuocõri ado bajiro mani tuoïaja quena. “Rãtoro masigũ ñami Dios. Jeyaro ï yirise cudicũja yu”, yi tuoïarũja manire. Ito bajiro yirũja manire, ija ï ãmori ramũ ï tu queno ñasagure bajiro manire ï cũtoni. ⁷ Mani tuoia oca jaija, ito yicõri manire oca iti ñaja, Diore gotirũja mani. Manire ti maicõri manire ejabuãgu yiguũji Dios.

⁸ Mecure mano mani queno tuoia ñaja quena. Ito yicõri rãmũã hu Satanãre mani cudibititoni queno tuoïariti ñarũja mani. ï ñami mani wajacu. Yaire bajiro yami ï Satanã. Tuoïate mua. No ï ba ãmogũretĩ sãorocũ wa ucunami yai cuni. Ito yicõri ï awasãja, jeyaro gãna ñare tuocõri ñare gũiama. Ito bajiroti gujoro yami Satanã cuni. Manire ruyurio ãmogũ yami ï. Ito bajiri Diore mani jidicãtoni manire ruoami Satanã. ⁹ Ito ï yibojarocati Diore jidicãmenaji mani ñare buto busa tuorãnurã. Mani sigũti tõiujabea. Jesucristore tuorãnurã cuni jeyaro manire bajiroti tõiujama. Iti masicõri Jesucristore jidicãbitirũja manire. Ito yicõri Satanãre cudibitirũja manire. ¹⁰ Manire buto ti maiami Dios. Ito bajiri mani tõiujaja, “Biyaro tõiujabicũja yu. Yure ejabuãgu yiguũji Dios”, yi tuoia mani. Buto busa Cristore mani queno tuorãnurãoca yigu yiguũji Dios. Manire beseñi Dios ï rãca mani catitũñatoni. Ito bajiri ï Macũ Jesucristona suoriti manire masoñi Dios. ¹¹ “Íti ñami Hju ñasagu. Jeyaro ñarise roti masigũ ñami ï. Dise ï roti masibiti ruayabea. Íti ñami mani Hju ñatũñagũ”, yi tuoïasotirũja manire ñja.

Quenajaro masa, Pedro ï yi ñucare gaye

¹² Adi paperaçãnati muare yu goti masitoni yure uca ïsiami Silvano. Jesucristore queno tuorãnugũ ï ñajare yu ocabajire bajiro tia yu ñre. Iti tuocõri mua oca sãotoni adi oca muare gotia yu. Ito yicõri, “Riti ña. Manire buto ti maiami Dios”, mua yi masitoni, adi oca muare gotia yu. Ito bajiri iti oca tuocõri Diore buto busa tuorãnurã mua.

¹³ Ado Babiloniaju ñagũ adi papera muare cõa yu. Ado gãna Cristore masirã, “Quenajaro”, yicoama muare. Dios beseana ñama ña cuni mani roboti. Yu macũ bajiro bajigu Marcos, “Quenajaro”, yicoami muare. ¹⁴ Gãmeri ti maicõri wanure rãca jababaya mua. Ito yicõri, “Queno ñaña mũ”, wanure rãca gãmeri yija mua.

Mua Jesucristore tuorãnurã sigũre bajiro mua usi cuti ñare ãmoa yu. Itocõ ña.

Segunda carta de San Pedro

Cristore tuorānūrāre Pedro papera ī cōare gaye

¹ Ņati m̄a. Yu űa Simón Pedro, adi papera m̄are cōagū. Jesucristore moa īsigū űa yu. Ī oca yu goti ucutoni yure cūquī ī. Īti űami mani Ūju, ito yicōri manire masora. Queno yigu űari ī yiro bajiroti mani tuorānuroca yīfi Jesucristo. Īre tuorānucōri sīgure bajiroti usi cuti wanua mani. Ito bajiri adi papera m̄are cōa yu. ² Diore, ito yicōri mani Ūju Jesucristore cūni buto busa mani tuoīaja, mani ya usi queno wanu quenaroja manire. Ito yicōri queno manire ejabua remogū yiguīji Dios. Ito bajiro m̄a űatoni m̄are yiari Diore seni īsotia yu.

Cristore tuorānūrā űari ado bajiro űaja quena, yire gaye

³ Manire beseűi Cristo Īre bajiro Dios űarā mani űatoni. Ito yicōri ī queno yi űaro bajiro mani cūni yi űatoni manire beseűi Cristo. Dios űacōri, rētoro masigū űami Jesucristo. Ito bajiri Īre mani tuorānuja ī masi rētocūrisena manire ejabuagu yiguīji. Ito yicōri ī āmoro bajiro mani cūdi jeo masitoni, manire ejabuagu yiguīji ī. ⁴ Rētoro masigū űari ado bajiro manire goticāűi Cristo: “Diore masibiticōri űeűaro yi uyarā űarāji adi macārucōro gāna. Īna ya ruju űeűaro iti tuoīajare űeűaro yirā yirāji Īna. Īnare bajiro m̄a yibe yirocu m̄areama ejabuagu yiguja yu. Ito yicōri yu tuoīarore bajiro m̄a tuoīaroca yigu yiguja yu”, yicāűi Cristo manire. ⁵ Ito bajiri Jesucristore riti tuorānūrā űari queno yi űasotiruja manire Īja. Ito yicōri Dios ocare cūni riasotiruja manire. ⁶ Ito yicōri mani ya rujunati mani űeűaro yi āmorisere űemecutiruja manire. Ito bajiro tuoīacōri buto busa Cristore tuorānūrāja manire. Īre tuorānucōri, Dios ī āmoro bajiro riti mani yi űaja quena. ⁷ Dios āmoro bajiro yicōri, mani űarāre cūni ti maija quena. Ito yicōri Īnare ejabuaruja manire.

⁸ Ito bajiro mani yija quenaroja manire. Ito bajiro yicōri Jesucristo ī āmoro bajiro riti yisotirā yirāji mani. Ito yicōri Īre moa īsirā yirāji. Ito bajiro mani yibeja, Īre masirā űabojarāti, Īre ejabuamena bajiro űarā yirāji mani. Ito bajiri mani űabojarise waja mano bajiroti űarāji mani. ⁹ Ito bajiro queno yi masibicuaa, “Ado bajiro yu yire āmoami Dios”, yi tuoīa usirioogu meje űami īocū. “Yu űeűaro yirisere coeűi Dios”, yigu űabojaguti tūdi m̄acana ācabojagu űami īocū. ¹⁰ Ito bajiro yi āmobitiruja yu űarā manire. Ito bajiri ī āmoro bajiro riti yi űaruja manire. Ito bajiro űacōri, “Yure beseűi Dios. Ī yagu űa yu”, yi tuoīarā yirāji mani Īja. Ito bajiro yi tuoīacōri űeűaro yi uyabitiruja manire. Diore riti mani cūdiya Īre tuorānu jidicāmenaji mani Īja. ¹¹ Ito bajiri Jesucristo mani Ūju ī rotitűaraju ejarā yirāji mani. Ī manire masogorati űari, Ī tūju mani ejaroca yigu yiguīji Īja.

¹² Adi oca masicārā űari itire queno cūdia m̄a. Ito bajiro m̄a masicārā űabojarocati m̄are gotitűagū yiguja yu. Ito bajiri m̄a ācabojabe yirocu, biyaro m̄are gotisotigu yiguja yu. ¹³⁻¹⁴ “Yoari meje godagu yiguja yu”, yu yi masiroca yīfi mani Ūju Jesucristo yure. Ito bajiri itire masicōri, yu catirocō m̄are goti űagū yiguja yu maji. Ito bajiri yu gotirisere queno m̄a tuoīare āmoa yu. ¹⁵ Adi paperana ruje iti oca m̄are gotisoticuja yu. Ito bajiri yu godaja bero josari mejeti itire tuoīa bujarā yirāji m̄a.

Jesucristo yogu ī godo wedija ticu yu, Pedro ī yire gaye

¹⁶ Mani Ūju Jesucristo ija ī masiro robo ī tūdi ejaroti gayere m̄are goticu yu. Yumasi tuoīa rujeocōri meje itire m̄are goticu yu. Ado bajirojua baja iti gaye. Yumasiti Īre ticōri, “Rētoro masigū űami”, yi tuoīacōri m̄are goticu yu. ¹⁷⁻¹⁸ Dios oca iti ruyuroca Jesūs rāca gūta yucuriju űacu yu. Ito bajiri rētoro yi masigū ī oca űmacāju iti ruyuja tuocu yu cūni: “Āniti űami yu Macu, yu maigū. Īre buto wanua yu”, yi ruyucu Dios oca, yu tuoja. Iti ruyuroca Jesucristo buto yogu ī godo wedija ticu yu. Jeyaro iti rētaja ticōri, “Cristore buto rūcūbuoami mani Jacu Dios. Ito yicōri ī masirise jidicāűi Dios Īre”, yi tuoīa yu.

¹⁹ Iti rētaja tigorū űari, “Diore goti Īsiri masa űaro bajiroti queno yi ucayoűi Īna”, yi tuoīa yu Īja. Ito bajiri Īna ucayorere mani tuorānuja quena. Īna ucayore mani queno riasotija, “Ado bajiro yu yire āmoami Dios”, yi tuo masirā yirāji mani. Ado bajirojua baja. Rāitűaraju sűaticōri mani waja, wa masirāji mani. Ito bajiri gujoroju wamenaji mani. Itire bajiroti Dios oca mani riasotija, Īre cudirā yirāji mani. Ito yicōri gujoro ruore oca gotirāre tuorānumenaji mani. Ito bajiri Jesucristo ī tūdi ejaroto riojua, Dios ocare riasotirā riti űa yuruja manire. Ito bajiri Jesūs eja wacūti mani tuo masibitire mani tuo masi jediroca yigu yiguīji. ²⁰⁻²¹ Queno tuoja m̄a. Buto busa űasarise m̄are gotigu ya yu. Dios ocare rujeobiticā masa. Īnamasi tuoīa rujeocōri meje ucayjarā Dios oca goti Īsiri masa. Ado bajirojua baja. Jane mejeju Diore goti Īsiri masare quedi sājacōri, Dios oca Īna uca masiroca yiyiju Espiritu Santo.

2

*Ado bajiro riasorā yirāji ruori masa, yire gaye
(Jud 4-13)*

¹ Ito bajibojarocati gājerāma ruore oca gotijjarā ĩna. “Diore goti ĩsiri masa ĩa gua”, yi ruoyijarā ĩna. Adi rumuri cuni mua wato ĩnarāji ĩnare bajiro rao jairā. “Dios oca riojo gotirā ĩa gua ĩja”, yi riaso ruorā yirāji ĩna. Ito bajiro riaso ruocōri Jesucristo ocare masa ĩna jidicāroca yirā yirāji ĩna. Iti gaye riti meje ruorā yirāji ĩna. “Manire goda ĩsiru meje ĩnami Jesucristo”, yi ruorā yirāji. Ito yicōri, “Mani Ūju meje ĩnami ĩ”, yirā yirāji ĩna. Riojo meje riasorā yirāji ĩna. Ito bajiro ĩna yija tuocōri, yoari mejeti ruoyiogu yiguĵi Dios ĩnare. ² “Mani ya rujunati mani yi āmorise mani yija quena”, yi ruorā yirāji ĩna. ĩna ruorisere tuorūnucōri jājarā masa ĩnare bajiro ĩĥnaro yirā yirāji. Ito bajiro ĩĥnaro yicōri Cristo oca ĩnasisere aja tudirā yirāji masa. Ito bajiri Cristo ocare ĩna aja tudija, ruore oca riasotirāre seti ĩnaro yiroja. ³ Ito yicōri mua ya gajeoni buja āmorā, muare ruorā yirāji ĩna. Ito bajiro ĩna ĩĥnaro yiroto rioĵua masicāyiju Dios. Iti masicōri, “ĩna ĩĥnaro yirise waja, waja senicuja yu”, yi tuoĳayiju Dios. Ito bajiri co rumu ĩnare waja senirocu ācabobajiquĵi Dios.

⁴ ¿Dios ĩnaro gāna āngel mesa oca masiati mua? Jane mejeju jājarā āngel mesa ĩĥnaro yi āmorā queno Diore cudibisjarā ĩna. Ito bajija ticōri, “No yibe a yure”, yibisiju Dios. Buto rāitĳarojo ĩnare cōayiju ĩ. Ito yicōri ĩna ĩĥnaro yirise waja, waja ĩ seniroti rumu rioĵua ito riti ĩnare cūyiju ĩ. Ito bajiroti ruore oca riasotirāre cuni buto waja senigū yiguĵi Dios. ⁵ ¿Jane mejeju Noē ĩayoru ĩ ĩnaroca ĩngaoanare masiati mua? ĩna ĩĥnaro yirise ticōri ĩnare ruoyiroyiju Dios. Ide jairo idē queoyiju, ĩna ruja godajaro yirocu. “Mua ĩĥnaro yiriserē jidicāruja muare”, yibojayiju Noē ĩayoru masare. Ito ĩ yibojarocati jidicābisjarā ĩna. Ito bajiri Noē, ito yicōri ĩ ĩnarā ĵua āmojeno ĩnarē riti masoyiju Dios. ⁶ ¿Sodoma gāna ĩnabojana, Gomorra gāna ĩnabojana oca cuni masiati mua? Buto ĩna ĩĥnaro yija ticōri, ĩnare ruoyiorocu jea queoyiju Dios ĩna ya catorire. Ito bajiro yiyiju Dios, “ĩre cudimenati mani ĩĥnaro yija manire cuni ruoyiogu yiguĵi Dios”, yi mani tuoĳa masitoni.

⁷⁻⁸ ¿Queno yigoru Lot wame cutigu oca masiati mua? Sodoma gāna, Gomorra gānare cuni ruoyiro jeobojaguti ito gagu Lot sigūreti ruoyiobisiju Dios. Diore rūcubuogu ĩayiju Lot. Co rumu ruayabeto ĩ tu gāna ĩĥnaro ĩna yija, tisotibojayiju Lot. Ito yicōri ĩna ĩĥnaro busisere cuni tuosotibojayiju ĩ. Rēore gaye ĩnabojarocati ĩĥnaro yi ajeijjarā ĩna ūmua comasiti. Ito bajiro ĩna yija ticōri, ĩ ya usijuama bojori bujayiju Lot ĩayoru. Ito bajiri ĩreama ruoyiobisiju Dios. ⁹ Iti ocare tuocōri, “Mani ĩĥnaro yitoni rūmū ĩ usirioro yi codeja, manire ejabuagu yiguĵi Dios. Ito yicōri mani ĩĥnaro yibe yirocu, manire ejabuagu yiguĵi ĩ. Ito bajiri ĩĥnaro yirāreama ācabobajiticōri, ĩja ĩ waja seniri rumu ĩnare waja senigū yiguĵi Dios”, yi tuoĳa mani.

¹⁰ ĩna ya ruĵu iti ĩĥnaro tuoĳaro bajiro yirāre, ito yicōri, “Ūjarāre cudibicuja yu”, yirāre cuni buto busa waja senigū yiguĵi Dios. ĩna ĩnami ĩĥnaro busicōri bojo masimena. “Gua āmoro bajiro busirā yirāji gua”, yama ĩnaōna. Ito yicōri āngel mesare rūcubuobiticōri, ĩna rotiriserē aja tudirā yirāji ĩnaōna. ¹¹ ĩnare bajiro yibeama Dios ĩnaro gāna āngel mesa. Ruore oca riasorā rētoro masirā ĩnami āngel mesa. Rētoro masirā ĩnabojarāti, “Āna ruore oca riasori masa ĩĥnaro yirā ĩnami ĩna. Ito yicōri ĩnare seti ĩna”, Diore yi gotibeama ĩna. ĩĥnaro busitu āmomena ĩnami āngel mesa.

¹² Ito mua wato ruore oca riasori masa, waibucurā bajiro queno tuoĳamena ĩnarāji ĩna. “Īja ado bajiro rētaro yiroja yure”, yi tuoĳa masibitibojarāti, ĩna āmoro bajiro riti yama ĩna. Ito yicōri Dios oca ĩna tuo masibitire, aja tudiamā ĩna. Waibucurāre mani sĳaro bajiroti riaso ruorāre ĩna ĩĥnaro yija ticōri, ĩnare ruoyiogu yiguĵi Dios. ¹³ Ito bajiro yiguti ĩnare waja senigū yiguĵi Dios, masa ĩĥnaro tōbjaroca ĩna yire waja. Bojomenati, āmuati ĩĥnaro yama ĩnaōna. Ito bajiro yicōri itire buto wanuama ĩna. Mua rāca minijuacōri “Queno yirā ĩa gua”, yi ruoama ĩna. Ito bajiro yibojarāti, buto ĩĥnaro tuoĳarā ĩnami ĩnaōna. Mua queno tuo masibeja ĩnare bajiroti ĩĥnaro yirā yirāji mua cuni.

¹⁴ Gāji manojore ticōri, “Īso rāca yi aje āmoa yu”, yi tuoĳama ĩna. ĩĥnarisere riti tuoĳa uyama ĩna, ruore oca riasori masa. “Mani ya rujunati mani yi āmorise mani yija quena. Itire ti tebiĳi Dios”, yi ruoama ĩna, Diore queno masimenare goti ruorā. Gājerā ya gajeonire ti uocōri itire buja āmorā tuoĳarāji ĩnaōna. Ito bajiri ruore oca goticōri josari mejeti gāji ya gajeoni bujama ĩnaōna. Ito bajiro ĩna yi ĩnaja ticōri, ĩnare ruoyiogu yiguĵi Dios. ¹⁵ Dios oca quenarise tuogoana ĩnabojarāti ito oca jidicāna ĩnami ĩnaōna. Ito bajiro gaje tuoĳacōri ĩĥnaro tuoĳama ĩna. Beor macu, Balaam wame cutigu ĩayorare bajiro ĩĥnaro yama ĩna cuni. Diore goti ĩsiri masu ĩnabojaguti niyeru buto maigū ĩnari, “Ruore oca yu gotija queno bujagu yiguja yu”, yi tuoĳabojayiju Balaam. ¹⁶ Ito bajiro tuoĳaboja, burro joe ĩ jesa waroca, ado bajiro yiyiju Dios. Masere bajiro burro ĩ busiroca yiyiju Dios. Ito bajiro ĩ yirocaci busisoyiju burro: “Buto

ñeñaro yi tuoïa mu. Ito bajiro ñeñaro mu tuoïarise, tuoïabesa mu”, yi tudiyiju burro ñre. Ito bajiro Ì yija tuo ucacõri, Ì ñeñaro tuoïarise jidicâyiju Balaam ñayoru.

¹⁷ Queno tuoÿa mua. Muare goti masiore ocana gotigu ya yu. Ide ãmorã jaibitiya warã yirãji mani. Ito ejacõri cara quearayaya mani tija, bojori bujarã yirãji mani, ide idi ãmbojarã. Cuna ñaroca cuni, ide bueri ti ãmarã yirãji mani ide ãmorã. Ito bajiro mani ti ãma rügõroca ide buerise mino iti wãa rêtocõja bojori bujarã yirãji mani ide ãmbojarã. Iti mani ãmaro bajiroti, Dios oca tuo ãmorã Ì oca gotirã taju warã yirãji mani. Ìna taju ejacõri ruore ocati Ìna goti ñaja bojori bujarã yirãji mani, Dios oca quenarisere tuo ãmbojarã. Ito bajiro ruore oca riasorãre ija ñare Ì cõaroto buto rãitlãro quenocâyiju Dios. ¹⁸ Ñeñaro yirã ñacõri masa jeyarore wanure rãca ruo gotiama Ìna. “Mani ya ruñunati mani yi ãmorise mani yija, quena ña. No yibea”, yi usirio codeama gãjerãre. Bujato yama Ìna. Ito bajiro Ìna riasoja tuoõõri, “Riti yama Ìna”, yi tuoïarã yirãji canu busati Jesure masisuoana. Ito bajiri tudi ñeñaro yi uyarã yirãji mucana, ñeñarisere jidicãbojana. ¹⁹ Ado bajiro gotiama ruore oca riasori masa: “Jeyaro mani ya ruñunati mani yi ãmorise mani yija, quena ña. No yibea. Ija co rumu mani jidicã ãmoja, jidicãrã yirãji mani”, yi ruoama Ìna. Ito bajiro yibojarãti Ìna ñeñaro yirisere jidicã masibeama Ìna. Ado bajirojua baja. No ñeñarise riti tuoïa uyagu Ì ñeñaro yirisere jidicã ãmobiqũji Ì. ²⁰ No Jesucristo mani Ëjure tuorũnurã adi sita ñeñarisere jidicãrã yirãji Ìna. Ito yibojarãti mucana tudi ñeñaro Ìna tuoïa uyaja, buto busa ñeñaro yirã yirãji Ìna. Ito bajiri Jesucristore Ìna tuorũnuroto riojua Ìna ñeñaro yiadõ rëto busaro ñeñaro yirã yirãji Ìna Ìja. ²¹ Cristo oca masibojarãti, Dios rotirisere jidicãõõri tudi ñeñaro yirã yirãji Ìna. Ìna ito bajiro yija ticõri, buto busa waja senigũ yiguji Dios ñare. Ito bajiri Cristo ocare masibiticõrujãbojaña Ìna. ²² Jane mejeju gaye oca gotire bajiro baja adi. Tite mua: “Muñocõri Ìnasiti tudi bagu yiguji ecaru yai. Ecana yeseare mani guja bero Ìnasiti ueri wõrã yirãji Ìna”, yi gotia jane mejeju gaye oca. Ito bajiroti yama Dios rotirisere jidicãõõri mucana tudi ñeñaro yirã.

3

Ado bajiro, bajiro yiroja mani Ëju Ì tudi ejaroto riojua, yire gaye

¹ Yu ñarã iti rumu muare papera cõacu yu. Ito bajiro yu cõarisenati Dios oca goticu yu. Quenarise riti tuoïajaro Ìna yirocu, ito bajiro muare papera cõacu yu. Adi paperana cuni ito bajiroti uca yu mucana, quenarise riti mua tuoïa sũyajaro yirocu. ² Diore goti Ìsiri masa Ìna goti yurisere ãcabojabesa mua. Ito yicõri mani Ëju oca gua goti ucuton Ì cũana goti ucurisere cuni ãcabojabesa mua. Manire masora Ì rotirise goticu gua muare.

³ Ñasarise muare gotigu ya yu. Ito bajiri itire queno tuoïaña mua. Adi macãrucãro jediroto riojua Dios ocare aja tudiri masa jãjarã ñarã yirãji. Ito yicõri Ìna ya ruñunati Ìna ñeñaro yi ãmorise yirã yirãji Ìna. ⁴ Ado bajiro aja tudirã yirãji Ìna: “¿Noju ñati, Mucana tudi ejaqu yiguja yu?, yibojarã? Ito bajiro yiru ñabojaguti tudi ejabicu yiguji Cristo. Tite mua. Mani ñicusabatia Ìna ñado bajiroti baja adi rumuri cuni. Iti rumuju ñado bajiroti baja adi rumuri cuni. Mucana tudi ejabicu yiguji Cristo”, yi aja tudirã yirãji Ìna. ⁵ Ito yibojarãti adi macãrucãro Dios Ì rujeorere tudi tuoïa uya ãmobeama Ìna. “Ì ya ocanati adi macãrucãro gayere rujeoyiju Dios. Ito yicõri idere Ì bata rotirocati sita ruyucõyiju Ìja”, yi tuoïa ãmobeama Ìna. ⁶ Ado bajirojua baja. Adi macãrucãro Ëju ñami Dios. Ito bajiri Ì rujeoja bero yoari ñeñaro masa Ìna yija ticõri, ide queda rotiyiju Dios. Ito bajiro yicõri adi macãrucãro ñarãre ito yicõri adi macãrucãro gaye jeyarore ruyuriõyiju Dios. ⁷ Adi sita, ito yicõri macãrucãro cuni Dios Ì masirisena riti ña. Ito bajibojarocati itire ruyuriõgu yiguji Dios. Ì ya ocana riti adi macãrucãrore ruyuriorocu soe jeõgu yiguji Dios. Masare Ì waja seniri rumu ito bajiro soe jeõgu yiguji Dios. Ito yicõri ñeñaro yirãre waja senicõri Ìnare ruyuriõgu yiguji Dios.

⁸ Yu ñarã adire ãcabojabesa mua. Ësirioro yigu meje ñami mani Ëju. Ì tija yoabea mil rodori ñarise. Co rumuacãti bajiro baja Ì tija. ⁹ Mani tijama yoari sejami Dios. “Ì yiro bajiro ejori yibeami Ì”, yi tuoïa mani. Ito bajiro mani tuoïabojarocati, ado bajirojua baja. Ñeñaro yirãre ejori ruyurio ãmobeami Dios. Masa jeyarore ti maicõri sigũ jeameju ware ãmobeami Dios. Ito bajiri, “No yure tuorũnugãreti jeame ãjaroju cõabicu yiguja yu”, yi tuoïacõri Ìnare yugu yiguji Dios maji.

¹⁰ Ito bajiro yubojaguti co rumu tudi ejaqu yiguji Jesús. “Jane tudi ejaqu yiguji Ì”, mani yi tuoïabiti rumu tudi ejaqu yiguji Jesús. Ì tudi ejari rumu ðmacãju guiõoro oca ruyuro yiroja. Ito yicõri macãrucãroju yobojana jedirã yirãji. Ito yicõri adi sita jeyaro ñabojarise na jedicoaro yiroja. Masa Ìna menigobojare cuni jeyaro na jedicoaro yiroja. Ñeju ruyabeto yiroja Ìja.

¹¹ “Ito bajiro adi sitare ruyuriõgu yiguji Dios”, yi tuoïacõri, ado bajirojua yiraja manire. Quenarise riti yiraja manire. Ito yicõri Diore rucãbuorã Ì yiro bajiro riti cudiraja manire. ¹² “Co rumu mani Ëju tudi ejaqu yiguji”, yi tuoïa ñaraja manire. Ito bajiro tuoïacõri, “Coji Ì

ejare āmoa yu”, yi tuoīaruja manire. Ito bajiro tuoīacōri quenarise riti yi űaruja manire. “Ī ejari ruṁu macārucūro, adi sita űarise jeyarore ruyuriogu yiguīji Dios”, yi tuoīa mani. ¹³ Iti tuo masibojarāti gūi usiriomenaji mani. “Dios ĩ āmoro bajiro yigu yiguīji”, yi tuoīa mani. “Adi macārucūrore ruyuricōri jacaṁ cūni űmacūju cūni mame rujeo wasoagu yiguīji Dios. Ito yicōri itoju queno yirā riti catitūnarā yirāji”, yi tuoīa mani. Ito bajiri Dios ĩ busigore masicōri gūi usiriomenati ĩre yurā yirāji mani.

¹⁴ Ī tūdi ejari ruṁu bocati űarā űacōri, mani űeñaro yirisere jidicā jeoruja yu űarā manire. Ito yicōri, “Ī āmoro bajiro riti yicuja yu”, yi tuoīa űaruja manire. Ito bajiro yi űarāti Dios rāca sīgure bajiroti usi cuti űaruja mani. Manire ĩ ti wanutoni űe seti mana mani űaja quena. ¹⁵ Coji ĩ ejabeja ticōri, ado bajiro yi tuoīaruja manire. “Masa jājarā busa maso āmogū adi macārucūrore ruyuriorocū usiriobeami Dios”, yi tuoīaruja manire. Adi yu ucare bajiro muare ucañi Pablo mani maigū cūni. Dios ĩ masirisena ito bajiroti yi ucañi Pablo muare. ¹⁶ Coji ruyabeto muare ucaṁ iti oca gotiñi Pablo. Ito bajibojarocati josari űa ĩ riasogore oca. Ito bajiri ĩ ucagore tuo masi āmomenama ricati riasorā yirāji. “Ado bajiro yi āmoñi Pablo”, yi ruorā yirāji ĩna. Ito bajiroti Dios oca tuti ticōri wisare oca riasorā yirāji ĩna. Ito bajiro ĩna yija ticōri, ĩnare waja senirocū ĩnare ruyuriogu yiguīji Dios.

¹⁷ Queno tuoṁa yu űarā muā. “Dios oca riasori masa űa gua”, yibojarāti ruore oca gotirā yirāji coriarā. ĩtūre tuo masicā muā. Iti masicōri queno tuoīa yucāña muā. Diore cudimena ĩna ruorise ocare tuorūnubesa muā. Ito yicōri Jesure tuorūnarā űari ĩre jidicābesa muā. ¹⁸ Ado bajirojuā mani yija quena. Buto busa mani űju Jesucristore tuorūnaruja manire. Ito yicōri ĩre mani cudi masitoni, ĩ ocare riasotiruja manire. ĩti űami manire masogu. Ito bajiri ĩre rūcūborona ado bajiro ĩre busitūnaruja manire: “Rētoro masigū űa mu. űimu gāji mure bajiro masigū mami”, yitūnaruja manire. Itocō űa.

Primera carta de San Juan

Jane mejejuti Dios oca goti rētoḃurocu ī ñacāre gaye

¹ Ŋa yu ñarā maa. Muare papera cōa yu. Macārucāro iti rujearoto riojuaju, Dios oca goti rētoḃurocu ñacāyiju. Guamasiti ĩre ticōri, ĩre tuoḃōri, ĩre moaīacōri muare gotia yu. Īti ñami mani catitñaroca yi masigū. ² Dios oca goti rētoḃurocu ī goaroca ticu gua. Īti ñami Jesucristo catitñare ruḃogu. Ito bajiri gua tigore muare gotia yu. Guare goaīocacuti, mani Jacu Dios rāca ñayiju. ĩre gua tiroca yiñi Dios. Ī gayere muare busia yu. ³ Gua tigore muare gotia yu. Gua tuogore cuni muare gotia yu. Gua rāca sigū robo bajiroti mua usi cutitoni muare gotia yu. Dios ĩ usi cutiro bajiroti usi cutia gua. Ī Macu Jesucristo rāca cuni ito bajiroti usi cutia gua. Dios ĩ usi cutiro bajiroti mua usi cutitoni muare gotia yu. Ito yicōri ĩ Macu rāca mua usi cutitoni muare gotia yu. ⁴ Adi muare gotia yu sigū robo bajiro mani wanu quenatoni.

Busurise ruḃogu ñami Dios, yire gaye

⁵ Busurise ruḃogu ñami Dios. Rāitñarise ma ĩre. Ito bajiroti gotiqui Jesús guare. Ito bajiri iti tuoḃōri muare gotia yu. ⁶ “Dios ĩ usi cutiro bajiroti usi cutia yu”, mani yibojaja cuni, ito yicōri ñeñaro mani yirise jidicābeja, manimasiti ruoa mani. Ito yicōri riojo gotire gaye cuni cūdirā meje ña mani. ⁷ Dios ĩ queno yi ñaro bajiro mani yi ñaja, sigū robo bajiro usi cutirā yirāji mani. Ito yicōri ĩ Macu Jesucristo ya rīnati mani ñeñaro yirise coe jeoroja.

⁸ “Ñeñaro yirise ma yure”, mani yibojaja, manimasiti ruoa mani. Ito bajiri riojo gotirā meje ña mani. ⁹ Yiro robo yigu ñami Dios. Ito bajiri ĩre mani gotija, ñeñaro mani yirise coe jeogu yiguji. Ito yicōri mani ñeñaro yirisere ācabogū yiguji Dios. ¹⁰ “Ñeñaro yigu meje ña yuama”, mani yibojaja cuni, “Ruore jaigu ñami Dios”, yīado bajiro ya mani. Ito bajiro mani yija, Dios oca mani ya usiju manoja manire.

2

Manire busi ejabagu ñami Cristo, yire gaye

¹ Yu rīa robo bajiro bajirā ña maa. Ito bajiri ñeñarise mua yibe yirocu, adi muare gotia yu. Mani ñeñarise yijama, sigū ñami Diore manire busi isigū. Ī ñami Jesucristo, ñeñarise yīābicu. Ito bajiri Diore busigu yiguji manire yiari. ² Jesús ya rīna suoriti, mani ñeñaro yirise waja yicāre ña. Mani ye riti meje waja yicāñi. Masa jeyaro ye cuni waja yicāñi Jesús.

³ Dios rotirise yiro robo mani cūdija, “ĩre masia yu”, yi tuoīa masia mani. ⁴ No, “Jesure masia yu”, yibojaguti, ĩ rotirise yiro robo cūdibicu, socagu ñami iocū. Ito bajiri riojo gotigu meje ñami iocū. ⁵ No Dios rotirise riojo cūdigu, ĩre buto tuoīaguji. Diore riojo mani cūdija, “ĩre bajiroti usi cutia yu cuni”, yi tuoīa masirāji mani. ⁶ “Dios robo bajiro usi cutia yu”, yigu Jesucristo ĩ ñado bajiro ñaja quena.

Mame rotire gaye

⁷ Yu mairā, adi papera muare cōa yu. Mame oca meje muare gotia yu. Jane mejeju masa rāca ñasore ña adi oca. Mua tuogoreti ña adi oca. ⁸ Ito bajibojarocati, oca mame robo bajiro eja muare. Rāitñarise rēta wado bajiro mua masibitigore rēta waju. Ito bajiri oca ñasarise masia mua ĩja. Ito ocare cūdiñi Jesucristo. Ito yicōri mua cuni iti ocare cūdia.

⁹ Sigū, “Busuroju ña yu”, yibojaguti, ĩ ocabajire ti tudigu, rāitñarojuti ñacōguji maji. ¹⁰ Ī ocabajire buto ti maigūama, busuroju ñaguji iocū. Ito bajiro busuroju ñagu ñeñarise yi uyabiquji. ¹¹ Ī ocabajire ti tudigu rāitñaroju wa ucuguji. Ī waroto masibiquji ĩ. “Itiju waju”, yi masia manoti wa ucuguji ĩ. Rāitñaro ĩ ya cajea ruyubejare, cajea macu robo bajiro bajiguji ĩ.

¹² Yu rīa robo bajirā mua ñajare iti muare gotia yu. Jesucristo ya rīna suoriti ñeñaro mani yirisere coeñi Dios. ¹³ Tuoya bucūrā mua. Adi papera muare menia yu. Macārucāro rujearoto riojuaju ñasugure masirā ña maa. Maa mamarāre cuni adi papera cōa yu. Rūmāre cūdigoana ñabojarāti ĩ robo bajiro tuoīabea mua ĩja.

¹⁴ Tuoya rīaca mua. Muare cuni adi papera coa yu. Mani Jacu Diore masirā ña mua cuni. Maa bucūrāre adi papera cōa yu. Macārucāro rujearoto riojuaju ñasugure mua masijare muare papera cōa yu. Maa mamarāre cuni papera cōa yu oca seōrā mua ñajare. Dios ocare cūdirā ña mua. Ito bajiri rūmā robo bajiro meje tuoīa mua ĩja.

¹⁵ Adi macārucārore maibesa mua. Ito yicōri adi macārucāro ñarisere cuni maibesa mua. Macārucāro ñarisere buto maigū, mani Jacure maibiquji. ¹⁶ Mani ya rujuna mani ñeñaro yi āmorise, Dios gaye wadire meje ña iti. Adi sita gaye ña iti. Mani ya cajeana ti wanucōri

ñeñaro yi ãmorise, adi sita gayeti ña. Mani gajeoni cutirise sō bajiro mani yirise, Dios ye wadire meje ña iti. Adi ñeñaro yire jeyaro adi sita gayeti ña. ¹⁷ Ado mani ñari sita jedi waju. Adi macãrucãro ñeñarise cuni jedi waju. Dios i ãmoro bajiro yiguama catitĩñagũ yiguñji.

Oca riojo gotire meje ña socare, yire gaye

¹⁸ Tuoya yu rĩa mua. Jabeto rãya adi macãrucãro iti jediroto. Cristo wajacu i wadire gaye tuoyija mua. Ito bajiri ado bajiro muare gotia yu. Gãjerã Cristo wajana jãjarã ejacoama ado ñja. Ito bajiri, “Sõmejeti ña susari rumu iti ejaroto”, yi tuo masia mani. ¹⁹ Mani rãca ñabojarãti mani robo bajiro usi cutibiticã ñna. Ito bajiri manire wagocã ñna. Mani robo bajiroti ñna usi cutijama manire budigobitibocã ñna. Ñna budigojare, “Mani robo bajiro usi cutirã meje ñañi ñna”, yi tuo masia mani.

²⁰ Espiritu Santo sãñi Cristo muare. Ito bajiro i yijare ñasarise ti masia mua. ²¹ Ñasarise masirã mua ñajare, papera cõa yu muare. Ñasarise masimena meje mua ñajare muare papera cõa yu. Oca riojo gotire gaye meje ña socare gaye. Itire masia mua.

²² ¿Ñimu ñati, socari masu? Ado bajiro gotiami socari masu: “Cristo meje ñami Jesús”, yigu, i ñami socagu. Ñjua ñami Cristo wajacu. “Mani Jacu meje ñami Dios”, yigu ñami i. Ito yicõri, “Dios Macu meje ñami Cristo”, yigu ñami i. Iocũ ñami socari masu. ²³ “Cristo meje ñami Jesús”, yigu Diore masigũ meje ñami i. “Jesús ñami Cristo”, yiguama Diore masigũ ñami iocũ.

²⁴ Cajero oca mua tuogore queno tuoñama. Itire ãcabojabeja. Iti oca mua tuogore queno mua tuoñatĩñaja, Jesús rãca, Dios rãca cuni ñna robo bajiroti usi cutirã yirãji mua. ²⁵ Jesucristo goticãñi manire, catitĩñare gaye isirocu.

²⁶ Coriarã muare ruo ãmoama. Ito bajiri muare adi papera cõa yu. ²⁷ Espiritu Santo sãñi Jesús manire. Ito bajiri manire riasori masu ñatĩñami. Dise ruayabeto manire riasogu yiguñji Espiritu Santo. I riasorise riti ña. Socare gaye meje ña. I riasoro bajiroti yiya mua cuni. Jesús robo bajiroti usi cutiya mua cuni.

²⁸ Queno tuoya, yu rĩa robo bajirã mua. Jesús i usi cutiro bajiroti usi cuti ñaña mua cuni. Ito bajiro mua usi cuti ñaja, Jesús i tãdi ejarã rumu güire manoja muare. Ito bajiri i ejaroca bojore mano yiroja muare. ²⁹ “Ñeñarise yigu meje ñami Jesús”, yi masirãji mua. Ito bajiri, “Queno yirãma Dios rĩa ñama”, yi masirũja muare.

3

Dios rĩa ñare gaye

¹ Tuoya mua. Mani Jacu Dios bũto maiami manire. Ito bajiri, “yu rĩa”, yami manire. Riti i rĩa ña mani. Adi macãrucãro gãnama Diore ti masimenaji. Ito bajiri manire cuni ti masimenaji ñna. ² Tuoya yu mairã mua. Dios rĩa ña mani. Mani riojua, “Ado bajiro ñarã yirãji”, yi masibea mani. Ito bajibojarocati Jesús i goãoroca i robo bajiro bajirã yirãji mani. Ñre ti masicõri i robo bajiro bajirã yirãji mani. ³ “Ñre tigu yiguja yu”, mani yi tuoñã yuja, ñeñarise yimenaji mani ñja. Jesús robo bajiroti ñeñarise yimenaji mani cuni.

⁴ Ñeñarise riti yitĩñagũ, Dios rotirise cudigu meje ñami. Dios rotirise mani cudibeja, iti ña ñeñaro yire. ⁵ “Jesucristo ñeñarise yigu meje ñami”, yi tuo masirãji mua. Jesucristo adi macãrucãro wadiñi mani ñeñaro yirise waja yirocu. Itire masia mua. ⁶ No Jesús robo usi cutiguti, ñeñarise yi uyabiquñji. Ñeñarise riti yitĩñagũ, Jesure tĩlagũ meje ñami maji. Ito yicõri Jesure masibicu ñami maji. ⁷ Muare ruoronare tuobesa yu rĩa mua. Ñeñarise yibicu, i cuni Jesús robo bajiroti quenagũ ñami. ⁸ Ñeñarise riti yiguama rãmũ yagu ñami. Cajerojuti ñeñarise yigu ñañi rãmũ. Ito bajiro bajisuoru ñami i. Rãmũ i ñeñaro yirisere cõarocu wadiñi Dios Macu.

⁹ Dios rĩa ñarã ñeñarise yi uyamenaji. Dios gaye tuoñare ña ñare. Mucana tãdi rujeja quenoana ñama ñna. Ito bajiri adocãta Dios rĩa ñama ñna. Ito bajiri ñeñarise yi uyamenaji ñna. ¹⁰ ¿No bajiro ti masirãjida mani, Dios rĩa ñna ñaja? Ito yicõri, ¿no bajiro ti masirãjida mani, rãmũ rĩa ñna ñaja? Ado bajiro ti masirãji mani. Ñeñarise yitĩñagũ, ito yicõri i ocabajire ti maibicu, Dios yagu meje ñami iocũ. Rãmũ yagu ñami i.

Corocõti gãmeri maija quena, yire gaye

¹¹ Mani ya rujãre mani mairo robo bajiroti gãjerãre cuni maija quena. Adi ña Dios oca cajero ñre masisuorã mua tuore gaye. ¹² Cañ ñayoru robo bajiro yibesa mua. Rãmũre cudigu i ocabajire sñayjũ Cañ ñayoru. I ocabajij quenarise tuoñagũ ñayjũ. Cañjuama ñeñarise riti tuoñagũ ñayjũ. Ito bajiri i ocabajire sñayjũ i.

¹³ Tuoya yu ñarã mua. Adi macãrucãro gãna muare ñna ti tudija, “Abo, ¿no yija yure ti tudiatibe ñna?” yi tuoñabeja. ¹⁴ Mani godabore gaye rãtocũñi Dios. Ito bajiri catitĩñare gaye manire isiñi i. Mani ñarãre mani ti maija, “Ito bajiroti bajia”, yi masirãji mani. I ocabajire ti maibicu godacãru bajiro bajiguñji. Jeame ãjuroju wacu yiguñji iocũ. ¹⁵ I ocabajire ti tudiga siari

masuti ñami Dios ĩ tija. Sĭari masu catitĩñare rucoبيقuĩji. Itire masirã ña mua cuni. ¹⁶ Cristo manire goda ĩsĩni. Ito bajiri, “Manire buto maiami Cristo”, yi masirã ña mani ĩja. Mani ñarãre ti mairuĵa manire, ĩnare mani goda ĩsiroti ñabojarocati. ¹⁷ Gajeoni jaigu ĩ ñarã bojoro bujarãre ejabuabicu ñabojaguti “Diore maia yu”, yibojagu yiguĩji ĩocũ. ¹⁸ Yu rĭa, gãjerãre cuni ti mairuĵa manire. “Gãjerãre ti maia yu”, yicõri ĩnare cuni ejabuaruĵarãji mani.

Cristore mani tuorũnũja Dios ĩ tiro riojo gũimenaji mani, yire gaye

¹⁹ Mani gãjerãre ti maija, “Cristo, riojo gotigu, ocabaji ña yu”, yi tuoĩarãji mani. Ito bajiri Dios ĩ tiro riojo mani ya usi tuoĩa usirio yimenaji mani. ²⁰ Mani ya usiju mani tuoĩa usirioja, mani ñeñaro yirisere tuoĩarã yirãji mani. Ito bajiro mani tuoĩaja Dios manire tuo masi ñaguĩji. Mani tuoĩarise ñarocõti ti masiami Dios. ²¹ Yu mairã, tuoja mua. Mani ya usi iti tuoĩa usiriobeja, gũire ma manire Dios ĩ tiro riojo. ²² Dios yiro robo mani cudija, mani seniro bajiroti ĩsiguĩji. ²³ Ado bajiro manire rotiñi Dios, “Yu Macu Jesucristore rucũbuoya mua. Ito yicõri masa ñarocõreti ti maiña mua”, yĩni Dios. Adi ña ĩ rotire ñasarise. ²⁴ Dios rotirise yiro robo cudirã ĩre bajiroti usi cutirãji ĩna. ĩna ya usiju ñaguĩji Dios. “Mani ya usiju ñaguĩji Dios”, yi tuo masia mani. Ito bajiro mani tuoĩa masiroca yami Espĩritu Santo manire.

4

Dios ya usi, usi cutimena Cristo wajana ñama ĩna, yire gaye

¹ Tuoya yu mairã mua. “Diore yiari busia yu”, yirã ĩna ñabojarocati queno ĩnare tuo suyamenaji mani. Socari masa jãjarã ñarãji adi sitajure. “Diore busirã ña gua”, yibojama ĩna. Dios rĭa ĩna ñajama, queno ruore oca mano gotirã yirãji ĩna. Ito bajiri queno tuo masiña mua. ² “Adi sitaju wadicõri masu rujuna rujeaņi Jesucristo”, yi gotigureama Dios ya usi ñaroja ĩre. Ito bajiro ĩ yijare, “Dios oca busi ĩsigũ ñami”, yi masirãji mua. ³ “Jesucristo masu rujuna meje rujeaņi”, yirãreama Dios ya usi manoja ĩnaõnare. ĩna ñarãji Cristo wajana. “Cristo wajana wadirã yirãji”, yire gaye tuoijia mua. Ito bajiri muare gotia yu, adi macãrucũroĵa ñacãma ĩna ĩja.

⁴ Tuoya yu rĭa mua. Dios ñarã ña mua. Mua ya usiju ñami Dios. ĩ ñami sũo busagu. Adi macãrucũro gãna Jesucristore tudirã ĩna ya usiju rãmũ ñaguĩji ĩnare. Rãmũ rẽtoro sũogũ ñami Dios. Ito bajiri Dios ya usi mua ya usiju iti sãñajare, Cristo wajanare rẽtocũrã yirãji mua. ⁵ Cristo wajana adi macãrucũro gaye riti tuoĩarãji ĩna. Ito bajiri adi macãrucũro gaye riti busirãji ĩna. Masa adi macãrucũro gãna ĩnare tuorũnũrã yirãji. ⁶ Dios ñarã ña maniamã. Ito bajiri Diore masigũ manire tuogu yiguĩji. Dios rĭa meje ñarãma manire tuomena yirãji. Dios oca riasogu, ruore oca riasogure cuni ito bajiroti ti masirã yirãji mani.

Dios ñami masare ti maigũ, yire gaye

⁷ Tuoya yu mairã mua. Mani ya rujure mani mairo robo bajiroti gãjerãre cuni maija quena. Masare mani ti mairise mani Jacu Diona suoriti wadire ña iti. Gãjerãre ti maigũ mucana tudĩ mame rujearu ñami, ito yicõri Dios macu ñami ĩ. Diore masigũ ñami ĩocũ. ⁸ Masare maigũ ñami Dios. Gãjerãre maimena Dios rĭa meje ñama ĩnaõna. Ito bajiri Diore cuni mairã meje ñama ĩnaõna. ⁹ Dios ĩ Macu sigũ ñagũre cõaņi adi sitaju catitĩñare gaye mani boca amitonĩ. Ito bajiro yicõri ĩ mairise ĩoņi Dios manire. ¹⁰ Queno maiami Dios manire. Manijua ĩ robo bajiro ĩre queno maibeã mani. Diore mani maĩbitibojarocati, ĩũama manire maiami Dios. Ito bajiri ĩ Macure cõaņi Dios ĩ ya rina mani ñeñaro yirisere waja yi ĩsitonĩ.

¹¹ Yu mairã, Dios buto maĩni manire. Ito bajiri gãjerãre cuni mairuĵa manire. ¹² Nijua Diore tigu maquĩji. Gãjerãre mani ti maija, Dios robo bajiroti usi cutia mani. Ito yicõri manire ĩ mairo bajiroti gãjerãre maia mani cuni. ¹³ ĩ ya usi sãņi Dios manire. Ito bajiri mani ya usiju Dios ya usi ñaja, “Dios ĩ usi cutiro bajiroti usi cutia yu”, yi tuoĩarã ña mani ĩja. ¹⁴ Gua tigure muare gotia yu. Adi sita gãna masare ĩ masotonĩ ĩ Macu Cristore cõaņi Dios mani Jacu. Cristore gua tigoja bero ito bajiro muare gotia yu. ¹⁵ “Jesucristo Dios Macu ñami”, yigu Dios robo bajiro usi cutigu ñami ĩ.

¹⁶ Ito bajiroti, “Dios manire maisacõami”, yi masia mani cuni. Masare maire gaye ña Diore. Ito bajiri no masare ti maigũti, Dios usi robo bajiroti usi cutiguĩji ĩ cuni. ¹⁷ Cristo robo bajiroti mani usi cutija gãjerãre ti mairã yirãji mani. Manire ĩ ti mairo bajiroti ĩre cuni ti mairãji mani. Ito bajiri ñeñaro yirise Dios ĩ waja seniri rumare mani ya usiju nurubetoja manire. ¹⁸ Ñeñaro yirise Dios ĩ waja seniri rumare gũigu, “Masare maigũ ñami Dios”, yi masigũ meje ñami. “Masare maigũ ñami Dios”, mani yi tuoĩaja, gũire ma manire. Mani gũijama, “Ñeñaro yirise waja senigũ yiguĩji Dios yure”, yi tuoĩarãji mani.

¹⁹ Manire cajero maisuõni Dios. Ito bajiri ĩre maia mani cuni. ²⁰ No, “Diore buto maia yu”, yibojaguti, ĩ ocabajire ti tudigu socari masu ñami ĩocũ. ĩ ocabajire tirare maibicu, Dios tiya macure cuni maibiquĩji. ²¹ Diore maigũ ĩ ocabajire cuni maija quena. Ito bajiro rotiñi Dios manire.

5

Ñeñarisere mani rētočūbitire gaye

¹ “Dios cōaru ñami Jesús”, yiguti Dios yagu ñami iocū. Jacu rācati rīare mairāji mani ĩja. “Mani Jacu Diore maia yu”, mani yija, gājerā Dios rīare cuni maija quena. ² Diore mani maija ito yicōri Dios rotirise mani yiro robo cudija gājerā Dios rīare cuni mairāji mani. ³ Diore mani maija ĩ rotirise yiro bajiroti cudirā yirāji mani. Dios rotirise josari meje ñaroja. ⁴ Ito bajiri Dios rīa adi macārucāro gaye ñeñarisere yi rētočūmenaji ĩna. Jesure tuorānucōri adi macārucāro gaye ñeñarisere yi rētočūbea mani. ⁵ ¿Ñimujua adi macārucāro gaye ñeñaro yiriserē rētočūbiqūjida? “Jesús ñami Dios Macu”, yi masigū, ĩti ñami adi macārucāro gaye ñeñarisere rētočūbica.

Āniti ñami yu Macu, Dios ĩ yire gaye

⁶⁻⁸ Dios Macuti ñami Jesucristo. Tite. Jesure idé guroca ūmacūju oca ruyuyiju. “Āniti ñami yu Macu”, yiyiju. Jesús yucatēoju ĩ rī budi yosaro, “Āniti ñami yu Macu”, yire oca ruyuyiju ūmacūju. Riojo gotigū ñami Espiritu Santo. ĩcuni, “Cristo Dios Macu ñami”, yi gotiami manire. Ūdiaji oca tuocōri, “Jesucristo Dios Macu ñami”, yi tuo masia mani. Ūdiaji oca busirise corocōti gotia iti. Jesure idé guri rumu oca ruyure, ito yicōri Jesús ĩ yucatēoju ĩ rī budi yosaro oca ruyure, ito yicōri Espiritu Santo ĩ gotirise cuni corocōti busia iti. Ito bajiri mani cuni, “Dios Macu ñami Jesús”, yi masirāji mani ĩja. ⁹ Masa ĩna yirise mani tuoja, Dios ĩ yirise rēto busaro tuorāji mani. Masa ĩna gotirise rēto busaro ñasarise ña Dios ĩ gotirise. Masa ĩna busire rētoro waja cutia Dios oca. Dios ĩmasiti ado bajiro gotiñi: “Yu Macu ñami ĩ”, yiñi. ¹⁰ “Jesús Dios Macu ñami”, yi masigū, ito bajiroti gotia ĩ ya usi ĩre. “Jesucristo Dios Macu meje ñami”, yigu ito yicōri Dios gotiriserē tuobica, “Dios socagu ñami”, yiado bajiro baja. ¹¹ Adi ña Dios ĩ gotire: “Muare catiññare ĩsia yu. Adi catiññare yu Macuna suoriti boca āmirā yirāji mua. ¹² Ito yija no Jesure boca āmigūti catiññare rucogu yiguñi. No Jesure tuobicati catiññare rucobica yiguñi”, yiñi Dios.

San Juan ĩ goti quenosusare gaye

¹³ Dios Macure rūcūbuorā mua ñajare adi papera cōa yu muare. “Catiññare rucoa yu”, mua yi masitoni adi papera muare cōa yu.

¹⁴ Dios ĩ āmoro bajiro mani senija, manire tuogu yiguñi ĩ. Ito bajiri Diore senicōri, “Yure ĩsigū yiguñi”, yi tuoĭa masia mani. ¹⁵ “Manire tuogu yiguñi Dios”, yi tuoĭa masia mani. Ito bajiri mani ĩre senija, “Yiro robo cudigu yiguñi Dios”, yi tuoĭa mani.

¹⁶ Sīgū Cristore tuorānugū ñabojaguti ñeñarise ĩ yija ticōri, Diore seni ĩsija quena ĩre. Ito bajiro mua seni ĩsija tuocōri, ĩ ñeñaro yiriserē ācabojogu yiguñi Dios. Ito bajiri ĩre ruyurio āmobjaguti ĩre masogū yiguñi Dios ĩja. Gaje ñeñarise ñaroja mani godaroca yirise. Iti gaye ĩ yijama, “ĩre yiarī Diore busi ĩsiña”, yibea yu. ¹⁷ Dise rayabeto ñeñarise, Dios ĩ tiro riojo quenabiti ña. Ito bajibojarocati jeyaro ñeñarise mani godaroca yirise meje ñaroja.

¹⁸ “No Dios yagu ñagū, ñeñarisere yi uyabiquñi”, yi masia mani. Manire codegu yiguñi Dios Macu. Ito bajiri ĩre mani tuorānūja, usirioro manire yi code masibiquñi rūmūa uju.

¹⁹ “Dios yagu ña yu”, yi tuoĭa mani. Gājerāma adi sita gāna rūmū ñarā ñarāji ĩna. ĩ ñaguñi ĩnare rotigu.

²⁰ Dios ñasagure mani masitoni wadiñi ĩ Macu. Dios Macu Jesucristo robo bajiroti usi cutia mani. Riti ñasarise muare gotia yu. ĩ Jesuti ñami Dios ñasagu. Ito yicōri catiññare rucogu ñami ĩ. ²¹ Yu rīa queno yija mua. Dios robo bajirise, masa ĩna menigore rūcūbuobeja mua. Diore mani rūcūbuoro bajiro disejua gaje buto mani rūcūbuorise manoja. Itocō ña.

Segunda carta de San Juan

Mame rotire meje ña gãmeri ti maire, yire gaye

¹ Yũ ña bũcũgũ Juan. Ōmi, adi papera mũre meni ĩsia yũ. Mũ ña Dios ĩ besero, ito yicõri Diore masigõ ña mũ. Adi papera mũ riare cũni cõa yũ. Mũare maisacõa yũ. Yũ sigũ meje mũare maia. Gãjerã Jesure masirã cũni mũare maia. ² Riojo gotigu, gũa ya usijũ ĩ ñajare mũare maisacõa gũa. Mani rãca ñatĩñagũ yiguĩji ĩ. ³ Mani Jacũ Dios, ito yicõri ĩ Macũ Jesucristo, queno yirã yirãji manire. Manire ti mairã yirãji ĩna. Mani ya usijũ queno mani tũoĩaroca yirã yirãji ĩna. Ito bajiri manire bũto mairã ñama ĩna.

⁴ Mũa rĩa coriarãre tisotia yũ adoju. Queno eja yũre, Jesure ĩna tũoja, mani Jacũ Dios ĩ rotiado bajiroti. ⁵ Gãjerãre cũni ti mairũja manire. Ōmi, adi papera mũre yũ cõarise, oca mame rotire meje ña. Jane mejejutĩ ñasũoyijũ iti. Iti oca mũ ãcabojabitoni mũre gotia yũ. ⁶ Diore mani maija ĩ rotiro bajiroti yirãji mani. Gãjerãre cũni ti maĩũñaja quena. Ito bajiro rotiĩni Dios. Jesure mũa masisũorajuti itire tũosũocu mũa.

Rũori masa gaye

⁷ Rũori masa jãjarã ñama adi macãrucãrore. “Masũ rujũna meje rujeañi Jesús”, yama ĩna. Ito bajiro bũsirã ruorã ñama ĩnaõna. Ito yicõri Cristo wajana ñama ĩnaõna. ⁸ Rũore jairãre queno ti masiña mũa. Jesure queno moa ĩsibojarãti ĩnajuare mũa tũo sũyaja, queno waja bũjamenaji mũa. Quenarisejũa riti yĩñaña mũa, “Dios tũju queno waja bũjana”, yirona.

⁹ Cristo riasorise tũorãnũbicũ, Dios robo bajiro usi cutibiquĩji ĩocã. Cristo riasorise tũorãnũgũama, Dios robo bajiroti usi cutiguĩji ĩocã. Ito yicõri Dios ĩ Macũ robo bajiroti usi cutiguĩji ĩ. ¹⁰ Sigũ mũa ya wiju ĩ ejaja, Jesús riasoado bajiroti ĩ riasobeja, ĩre boca ãmibeja. Ito yicõri ĩre senibeja. ¹¹ ĩre mũa boca ãmija ñeñaro ĩ yirise ĩre ejabũarã yirãji mũa.

San Juan ĩ gotisũsare gaye

¹² Gaje oca jaje ñacõboja. Adi riti paperana mũare cõa yũ. Mũa tũ ware tũoĩa yũ mũa rãca bũsiroca. Ito bajiri mũa tũ yũ ejaja, queno wanũ quenarã yirãji mani.

¹³ Mani ocabajio Dios ĩ besero rĩa cũni, “Quenajaro”, yĩ ñucama mũare. Itocõ ña.

Tercera carta de San Juan

Queno yigu ñami Gayo, ña yire gaye

¹ Yu ña bucugu Juan. Gayo, mure adi papera cōa yu. Riti mure gotia yu. Mure buto maia yu.

² Buto yu maigū ña quia mu. “Diore queno tuorūnugū ñami”, yi tuoia yu mure. Quenarise riti rētajaro ñre yirocu, mure yiari Diore seni ñisotia yu. Ito yicōri, queno cati quenajaro ñ yirocu, mure yiari Diore senia yu. ³ Gājerā Jesure masirā, mure ticōri mu oca ña busija buto wanua yu. “Oca ñasarise riojo cudigu ñami, ito yicōri quenarise riti tuoīagū ñami”, yima ña mure. ⁴ Jesure masirā, yu rīa robo bajirāre Dios oca ñasarise ña tuo suyajare, iti buto wanua yu. Ñejuā gaje oca yu tuo wanurise ma yure.

⁵ Buto yu maigū ña quia mu. Mu ña queno yigu. Gājerā Jesure masirāre queno ejabua mu. Ito yicōri gajero gāna ña ñabojarocati ñnare mu ejabuaja queno ya mu ñnare. ⁶ Mu ejabuagoana adōju Dios ya wiju ejacōri, “Queno yami gūare”, yi gotiama ña ado minijuarāre. Mucana mu tu ña tūdi ejaroca mu ejabuaja iti ñaroja quenarise. Ito bajiro mu yija ticōri, wanugū yiguñi Dios. ⁷ Jesucristore moa ñsirā ñari ñ ocare gotirā wacoama ña. Diore masimena ejabuare āmomenaji ña. Diore masirājuā ña ejabuare āmorāji ña. ⁸ Ito bajiri maniamā Diore masirā ñari ñ oca goti ucurāre ejabuaraja manire. ñnare mani ejabuaja ña robo bajiroti “Masijaro gājerā cūni”, yirā robo bajiro ya mani.

Ñeñaro yigu ñami Diótreres, Demetriojuā ñami queno yigu, yire gaye

⁹ Gaje paperana itire jabeto gotisucū yu Dios ya wi minijuarāre. Ito bajibojarocati, Diótreres ña uju ña āmogū yu roti ñucarise tuobisī ñ. ¹⁰ Mu tu ejacōri goticūja yu, Diótreres ñ yi ñarisere. Ñeñaro yure busituami ñ. Mani ñarāre ñ tu ejaroca boca āmibisī ñ. Gājerā ña boca āmi āmobjarocati ñnare rēoñi Diótreres. Ito yicōri gājerāre ña boca āmi āmoja ticōri, Dios ya wiju ñabojarāre bucōañi ñ.

¹¹ Quia, yu maigū, ñeñaro yirā robo bajiro yibesa mu. Queno usi cuti ñarā robo bajiro usi cutiya mu. No quenarise yigu, Dios yagu ñaguñi. Ñeñarise yiguama, Diore masigū meje ñaguñi.

¹² “Queno yigu ñami Demetrio”, yama masa jeyaro. “Ñ ñami yiro bajiroti cudigu”, yama ña. ñre ticōri, “Queno yigu ñami”, ya yu cūni. “Riojo gotigu ñami Juan”, yi masigūja mu yure.

San Juan ñ gotisusare gaye

¹³ Gaje oca jaje ñacōboja. Adi riti mure gotia yu adi paperana. ¹⁴ Nocō mejeti mure ti āmoa yu, mu rāca busirocu.

¹⁵ Queno usi cuti ñañā. Ado gāna mu baba mesa, “Quenajaro”, yi ñucama mure. Ito gāna mani baba mesare, “Quenajaro”, yi ñuca yu. Itocō ña.

La carta de San Judas

Dios i beseanare San Judas i papera cõare gaye

¹ Ñati yu ñarã mua. Yu ña Judas Jesucristore moa ñsiri masu. Santiago ocabaji ña yu. Dios i beseana ña mua. Ito bajiri adi muare papera cõa yu. Mani Jacu Dios buto maiami manire. Ito bajiri Jesucristo ñarã mani ñatñatoni, manire codeami Dios. ² Muare yiari ado bajiro Diore senia yu: “Inare ti maicõri Inare queno ejabuaya. Ña ya usiju queno sajari oca cuti quenaroca yiya. Ito yicõri ña gãmeri ti mairoca yiya”, ya yu Diore, muare yiari seni ñisigũ.

Ado bajiro riasoama ruore masa, yire gaye (2 Pe 2.1-7)

³⁻⁴ Yu ñarã Dios i masoana ña mani. Manire i masore gaye oca muare riaso remorocu muare papera cõa amoboja yu. Ito bajiro amobojaguti gaje oca tuocõri, gaje gaye oca ucarujaguja yu muare. Mua masibitibojarocati ruore oca riasori masa ñarãji mua wato. “Riojo Dios oca riasoa gua”, yi ruorãji ña. Diore rucubobiticõri ado bajiro ruore oca gotirãji ña: “Manire ti maicõri jeyaro mani ñeñaro yirisere acabojañi Dios. Ito bajiri mani ya ruju ñeñaro iti tuoñaro bajiroti yiana mani. Manire waja senibiquiji Dios”, yi ruorãji ña. “Jesucristore mani cudibeja, no yibea. I sīgũ meje ñami mani uju”, yi ruorãji ña. Inare tuoña yugu ado bajiro yiyiju Dios: “Ruori masare ruyuriocaja yu”, yiyiju Dios, jane mejeju. Ito bajiri ñare tuobesa, yu ñarã mua. Jane mejeju i ocare cüyiju Dios, Jesucristore mua tuorñutoni. Ito bajiri ñare tuorñucõri, Dios ñarã ña mua ña. Ñe tuorñu jidicãbiticõri buto busa Jesure tuorñuruja muare. “Ito bajiro yiruja manire”, mua yi tuoña oca seõtoni adi muare papera cõa yu.

⁵ Jane mejeju Israel sita gãnare Dios i ejabuarise gaye oca tuogoana ña mua. Ito bajibojarocati mucana itire mua tudi tuoñatoni goti amoa yu. Tuote mua. Jane mejeju Egipto sitaju ña ñaroca Israel sita gãnare masoyiju Dios. Ña rudi masitoni ñare tũayiju Dios. Queno ñare i masobojarocati, coriarã ñe tuorñubisijarã ña. Ito bajiri ñe tuorñubitianare ruyurioyiju Dios. ⁶ Ángel mesa bajigore gaye muare gotigu ya yu. Tuoñate mua. Jane mejeju Diore moa ñsiri masa ñabojarãti jãjarã ñe cudi amobisijarã ángel mesa. Dios rëtoro masi amobojayjarã ña. Ito bajirã ña ña amojare rãitlaroju ñare cüyiju Dios. Ito bajiri ña ñeñaro yirise waja, waja i seniroti ramu riojua itoju riti ñarã yirãji ña maji. I waja seniri ramu ejaroca buto busa tõbujarã yirãji ña. ⁷ Ña robo ñeñaro yiyijarã Sodoma gãna, Gomorra gãna cuni. Ña bajigore gaye muare gotigu ya yu. Inamasiti ña ya ruju ñeñaro iti tuoñaro bajiroti ñeñaro yi uyayijarã ña. Romia rãca ña yibojare jidicãcõri, ña umua comasiti yi uyayijarã ña. Ña ya cutori tu gãna cuni ito bajiroti ñeñaro yi uyayijarã. Ito bajiro ña yija ticõri, ñare ruyuriorocu jea queoyiju Dios. Iti oca tuocõri, “Jeame ujuroju uatñarã yirãji ñeñaro yi uyari masa”, yi tuoñarãji masa jeyaro.

⁸ Itire tuo masibojarãti, jane mejeju gãna ñeñaro ña yigoado bajiroti yama ñaõña, ruore oca riasori masa. Buto ñeñarise ña cãija bero, inamasiti ña ya ruju ñeñaro iti tuoñaro bajiroti ñeñaro yama ña. Ujarãre cudibeama ña. Ito yicõri ñumacaju ujarã ñasarãre rucubobiticõri, ña rotirisere aja tudiana ña. ⁹ Miguel wame cutigu i bajigore gaye muare gotigu ya yu. Gãjerã ángel mesa rëtoro ñasagu ñayiju i. Ñasagu ñabojaguti rũmua uju Satanãre aja tudibisiju i. Tuote mua. Ado bajiro baja ite oca. Jane mejeju Moisés ñayoru i godaja ticõri, i ya rujure ami amoyiju Satanás. Ito bajiro ñe amocõri Miguel rãca gãmeri busibojayiju i. Ito bajiro i senija tuocõri, “Ñeñaro yi jaiju ña nure. Jaje seti ña mure”, yibisiju Miguel Satanãre. Ñeñaro busi amobisiju Miguel. Ado bajiro riti yiyiju i: “Diomasiti mure waja senigũ yiguñji”, yiyiju Miguel ramua ujare. Miguel robo bajiro bajibeama ruore oca riasori masa. ¹⁰ Inama Dios gayere tuo masimena ñari itire aja tudiana ña. Waibucurã robo tuo masibeama ña. “Ija ado bajiro rëtoro yiroja yure”, yi tuoña masibiticõri, cojisiti ña amoro bajiro riti yama ña. Ito bajiro ña yija ticõri, ruore oca riasori masare ruyuriogu yiguñji Dios.

¹¹ Bujato bajiro yiroja ñare ija. Cain ñayoru, Diore i cudibitiado robo bajiro Diore cudibeama ña cuni. Ito yicõri Balaam ñayoru niyerure buja amosacõri, i ñeñaro yiado robo bajiro ñeñaro yama ña cuni. Ito yicõri Coré ñayoru ujarãre i cudibitiado robo bajiro cudibeama ña cuni. Coré ñayoru i cudibejare ñe ruyurioyiju Dios. Ito bajiroti mua tu ruore oca riasorãre ruyuriogu yiguñji Dios. ¹² Diore rucuborona mua minijuaja mua rãca cocati minijuabojama ña cuni. “Diore cudirã ña gua”, yibojarãti ña amoro bajiro riti yama ña. Mua rãca sigũ robo bajiro usi cutirã meje ñama ña. Ricati tuoñacõri ñeñarise tuoñama ñaõña.

Ñe waja mana ñama ñaona. Tũote mua. Ñnare tuoĩagũ ado bajiro goti masiore ocana muare gotigu ya yu. Buto asiri ramũ ide buerire ti ãmarã yirãji mani, ide ãmorã. Ito bajiro mani ti ãma rãgõroca ide buerire mino iti wẽa rẽtoja, bojori bujarã yirãji mani, ide ãmobarã. Ito bajiroti manire ruore oca ña riasoja ñe manire ejabuabetoja iti. Ruore oca riasori masare tuoĩagũ mucana goti masiore ocana muare gotigu ya yu. Yucu rica cutiriju ba ãmorã ãmarã yirãji mani. Yucu tu ejacõri rica manigũ iti ñaja bojori bujarã yirãji mani. “Ñe waja ma adigu”, yicõri quẽarã yirãji mani. Ito bajiri juaji rica cutibetoja itigu ñja. Ito bajiroti ñe waja mana ñama ña ruore oca riasori masa. Riojo Dios oca gotibeama ña. Ito bajiri ñnare ruyuriogu yiguĩji Dios. ¹³ Ide buto jacũja ueri somo ñaro yiroja tũnimaju. Iti robo bajiroti ñama ruore oca riasori masa. Ñeñarisere buto tuoĩacõri, ñeñarise yama ña. Jane mejeju ũmacũju ñocõare cũyiju Dios. Ito bajiro i cũana ñabobarãti i cũraju ña jidicãja rãitĩaroju quedirã yirãji ña. Ito bajiroti bajiama ruore oca riasori masa. Dios oca quenarisere jidicãcõri, ruore oca riasoama ña. Ito bajiri buto rãitĩaroju cõagũ yiguĩji Dios ñnare. Ñnare tuoĩagũ ado bajiro yiyiju Dios: “Ñeñaro yiri masare rãitĩaroju ña ñatĩñatoni ñnare cõagũ yigujaja yu”, yiyiju Dios, jane mejeju.

¹⁴⁻¹⁵ Queno tuoja yu ñarã mua. Enoc ñayoru i bajigore gaye muare gotigu ya yu. Adãn janerãbatia co ãmojeno ñarã bero gagu ñayiju Enoc. “Ado bajiro rẽtoro yiroja, ruore oca riasori masare”, yiroca ado bajiro gotiyiju Enoc ñayoru: “Co ramũ mani Eju tũdi ejaqu yiguĩji jãjarã ángel mesa rãca. Tũdi ejacõri masa jeyarore ña ñeñaro yirise waja, waja senigũ yiguĩji i. Diore rãcubũobiticõri ña ñeñaro aja tudire waja buto tõbujarã yirãji ña”, yi goti yuyiju Enoc ñayoru. ¹⁶ “Quenabeto”, yisotiamã ñaona ruore oca riasori masa. Mani ujarã rotirisere ti tujabeama ña. Ña ya ruju ñeñaro iti tuoĩaro bajiroti yama ña. Coji meje “Rẽtoro masigũ ña yu”, yisotiamã ña. Ito yicõri, ña ãmoro robo bajiro yirona gãjerãreama queno goti ruoama ña.

Cristore masirãre goti quenore gaye

¹⁷ Yu ñarã mani Eju Jesucristo oca goti ucutoni i cũana ña gotirisere ãcabobabesa mua. ¹⁸ Ado bajiro gotiyijarã ña: “Adi macãrucũro jediroto riojuã Dios ocare aja tudiri masa ñarã yirãji. Diore rãcubũobiticõri, ña ya ruju ñeñaro iti tuoĩaro bajiroti ñeñaro yi uyarã yirãji ña”, yiyijarã Jesucristo oca goti ucuri masa. ¹⁹ Adi sitã ñeñaro yire yi uyarã ñama ñaona, ruore oca riasori masa. Espĩritu Santo quedĩ sãjagoana meje ñama ñaona. Ito bajiro bajirã ñari Jesure tuorãnrãre sigũre bajiro ña ya usi tuoĩabitiroca yi codeama ña.

²⁰ Yu ñarã ña robo bajiro yibitiruja manireama. Dios oca quenarisere tuorãnrã ñari adi sitã ñeñaro yirã robo yibitiruja manire. Maniamã Jesucristore buto busã tuorãnu oca sãoruja manire. Ito yicõri Espĩritu Santo i ejabuarisena Diore busisotiruja manire. ²¹ Dios rãca sigũ robo bajiro usi cuticõri i ãmoro bajiroti yiruja manire. Ito bajiro mani yija, “Yure buto maiami Dios”, yi tuoĩasotirã yirãji mani. “Manire ti maicõri, i rãca mani catitĩnaroca yigu yiguĩji mani Eju Jesucristo”, yi tuoĩa yucõri gãibeã mani. “I yicãdo bajiroti, i rãca catitĩnãgũ yigujaja yu”, yi tuoĩacõri wanua mani.

²² Jesure tuorãnu sãomenare Dios oca goti masioruja mani ñnare. Ito bajiro mani gotija tuocõri, “Au, ito bajiroti ña”, yicõri, buto busã Jesure tuorãnu oca sãorã yirãji ña. ²³ Jesure masimenare Dios oca gotiruja manire. Dios oca tuocõri ña tuorãnuja jeame ujuroju wamenaji ña, jeame ujuroju waboana ñabobarãti. Gãjerã ña ya ruju ñeñaro iti tuoĩaro bajiro yirãre ti mairuja manire. Ñnare ti mailbojarãti queno tuoĩaruja manire, ña robo mani ñeñaro yibe yirona.

Judas Diore i rãcubũore gaye

²⁴⁻²⁵ Itire tuoĩacõri Diore rãcubũorã ado bajiro busiruja manire: “Dios mu sigũti ña rẽtoro masi rẽtocũgũ. Nĩmu gãji mu robo bajiro masigũ mami. Gũã Eju Jesucristo i godã ñsarajuna suoriti guare masoyija mu. Ito yicõri guã ñeñaro yibititoni guare ejabua masigũja mu. Mu rotoju guã ejaroca, ‘Mua ñeñaro yirise waja, waja ruyuriobeã mua’, yi ti gotigu yigujaja mu guare. Ito bajiri mu ñaroju ejacõri mu rãca queno wanu quenarã yirãji mani. Rẽtoro quenagũ ña mu. Ito yicõri Eju ñasagũ ña mu. Ñe mu masibitigore ma mure. Ito yicõri ñe mu roti masibitigore ma mare. Ito bajiro bajiyija mu adi macãrucãrore mu rujeoroto riojuã. Adi ramuri cuni ito bajiro bajiguti ña mu. Ito bajicõri ito bajiguti ñatĩñãgũ yigujaja mu”, yiruja mani, Diore rãcubũorã. Itocõ ña.

El Apocalipsis

Juan ĩ cãiroju Jesucristo ĩ gotire gaye

¹ Adi papera tuti ija yoari mejeti rētaroti gaye gotia. Iti oca Jesucristo ĩ masiroca Dios ĩ yire ña. Ito bajiro yiñi Dios, mani Jesucristore moa ĩsirã, “Ito bajiro rētaroti yiroja”, mani yi tũoĩa masitoni. Yu ña Juan adi papera ucagu. “Ado bajiro bajia yireoni ña mu canibetoti cãiri bajiro muare godo weore”, yare yi gotiroca ángel yu tu cõañi Jesucristo. ² Yu tigure, yu tuogore cani riojo ure yu adire. Iti ña Dios oca yu masiroca Jesucristo ĩ yire.

³ Noa adi papera tuti tirãti wanurã yirãji. Adi oca ija rētaroti gaye tuocõri, wanurã yirãji. Dios oca ña iti. Iti gaye oca rētaroti cõña waju. Ito bajiri noa adi ucare gaye tuorãnurã, wanu quenarã yirãji.

Jua ãmojeno masa Jesure tuorãnurãre Juan ĩ ucare gaye

⁴ Yu Juan adi papera muare cõa yu. Mũa ña Asia sitaju jua ãmojeno cutori gãna Jesucristore tuorãnurã. Queno yijaro Dios muare. Ito yicõri mũa ya usiju sajari oca cutiroca yijaro Dios. Dios ñami iti mũmu gagu, adocãta gagu, ito yicõri ija ñatĩñaroca. Ija adi sitaju tũdi ejagu yiguñji ĩ. Dios ĩ rotiri cumuro riojo ñaguñji Espiritu Santo. Jua ãmojeno usi cutigu ñari jeyaro masigũ ñami. Ña suoriti muare queno yijaro Dios. ⁵ Jesucristo cani muare queno yijaro. ĩ ñami ĩ tigure riojo gotigu. Ito yicõri ĩ ñami godabojaguti mucana tũdi catitĩñaroca. Gãjerãma ĩ riojua godabojarãti tũdi catitĩñare gaye boca ãmbisijarã ña. ĩ ñami adi sita gãna ujarãre roti masigũ. Manire ti maigũ ñami Cristo. Ito bajiri godacõri ĩ ya rina mani ñeñaro yirisere waja yi ĩsiñi ĩ. ⁶ Mani ĩre tuorãnurãre Dios ñarã mani ñaroca yiñi Cristo. Ito yicõri paia robo ĩ Jacu Diore mani moa ĩsiroca yiñi Cristo. ĩre rãcũbuotĩñaraja manire. ĩ ñami rētoro roti masigũ. Ito bajiroti ñatĩñajaro ĩ.

⁷ Ide bueri rãca wadigu yiguñji Cristo. Ito bajiri masa jeyaro ĩre ti jedirã yirãji. Ito yicõri ĩre cami meniana cani tirã yirãji ĩre. ĩre ticõri jeyaro adi sita gãna otirã yirãji. Ito bajiroti bajiro yiroja, ya yu muare.

⁸ Rētoro sēogũ ñami mani Uju Dios. Ado bajiro gotiami. Tuote mũa: “A wame ñasurise, ito yicõri Z wame ñasurise robo bajiro bajigu ña yu. Yu ña ñatĩñagũ. Yuna suoriti jeyaro ñasuoijija. Ito yicõri yuna suoriti jeyaro ñasusaro yiroja”, yi gotiami Dios. ĩ ñami iti mũmu gagu, adocãta gagu, ito yicõri ija ñatĩñaroca. Ija adi sitaju tũdi ejagu yiguñji ĩ.

ĩ cãiroju Juan ĩ tire gaye

⁹ Yu Juan, mũa rãca Jesucristore masigũ ña yu cani. Ito bajiri sigũ rĩa bajiro bajirã ña mani. Muare bajiroti tũbaja yu cani. Masa muare ña ti tudiro bajiroti ti tudiamu yare cani. Manire ito bajiro ña yibojarocati mani ñemecãtiroca yami Jesucristo. Ito bajiri co mũmu Dios ĩ rotiroju mũa rãca wanũgũ yiguja yu cani. Patmos wame cutiri yogaju coji tubia ecocu yu. Dios oca yu riasojare ito yicõri Jesucristo gaye yu busijare yare tublacã ña. ¹⁰ Tujacãra mũmu Diore yu rãcũbuo ñaroca yu canibetoti cãiri bajiro yare iti godo weorca yiquĩ Espiritu Santo. Yu judojua oca sēorise iti ruyuja, tuoca yu. Trompeta jutiaado bajiro ruyucu. ¹¹ Ado bajiro ruyucu iti:

—Adocãta mũ tirise papera tutiju ucaya. Iti uacõri Asia sita gãna Cristore tuorãnurãre cõama. Ña ñama jua ãmojeno cutori gãna. Ado bajiro wame cutia ña cutori: Efeso, Esmirna, Pẽrgamo, Tiatira, Sardis, Filadelfia ito yicõri Laodicea wame cutiri cutori ña ña cutori, yire oca ruyucu yu tũoja.

¹² “¿Ñimu yare busiati?” yiroca juda rũgãcu yu, ĩre tiroca. Juda tiguju jua ãmojeno jeobusora tuturi ticu yu. Orona ña menira tuturi ñacu iti. ¹³ Iti jeobusora tuturi wato sigũ ãmũgũ ticu yu. Masa Rjoru robo bajiro bajigu ñaqui ĩ yu tija. Coro yutabuju yoaro ĩ ya gũbo tũgãju susaro sãñaqui ĩ. ĩ ya wẽñura wirowo oro gaye ñacu. ĩ ya usi riojocõ eyari wirowo ñacu iti wirowo. ¹⁴ ĩ ya rijoga joa botirise ñacu. Oveja joa robo bajiro, ito yicõri ide buerise robo bajiro boti ruyucu. ĩ ya cajeari jea ãjurise robo bajiro bajicu. ¹⁵ ĩ ya gũburi buto yocu. Bronce wame cutirise robo bajiro jeameju soecõri ña gosioado bajiro yocu iti. ĩ busija riaca buto ãmayurisa robo bajiro ruyucu. ¹⁶ ĩ ya ãmo riojocaduja jua ãmojeno ñocõa rãcoquĩ ĩ. ĩ ya riseju sarera jãi, jua dũja odiri jãi budicu. ĩ ya rio ãmacañi queno ĩ asiro robo bajiro yo ruyucu.

¹⁷ ĩre ticõri ĩ tu cõ quedicu yu. Ito bajiro yu bajibojarocati ĩ ya ãmo riojocaduja yare moa jeoquĩ. Ito yicõri ado bajiro yare yiquĩ ĩ:

—Gũibesa. Yu ña ñatĩñagũ. Yuna suoriti jeyaro ñasuoijija. Ito yicõri yuna suoriti jeyaro ñasusaro yiroja. ¹⁸ Yu ña catitĩñagũ. Godabojaguti tũdi caticu yu. Mũcana juaji godare ma yure. Godarãre mũcana tũdi ña catiroca yi masigũ ña yu. Godari masa ña ñarõju jana sãjado

ꞑꞑꞑꞑ ꞑꞑ ꞑꞑ. Ito bajiri jeame ǎꞑꞑꞑꞑ wabooanare maso masia ꞑꞑ, yiqũ ꞑꞑꞑ ꞑꞑꞑꞑ ꞑꞑ cǎiroju.

¹⁹ ꞑꞑꞑꞑ gaje ado bajiro gotiqũ ĩ:

—Adocǎta ꞑꞑ tirise ucaya. Adocǎta gaye, ija ñaroti gaye cǎni ucaya. ²⁰ ꞑꞑ ꞑꞑ riojocaduꞑa juu ǎmojeno ñocǎ ꞑꞑ tirǎ ado bajiro yireoni ña. ĩna ñama juu ǎmojeno cǎtori gǎna yure tuorǎnũrǎre ũmatǎ ñarǎ. Juu ǎmojeno jeobusuora tuturi ꞑꞑ tirise ado bajiro yireoni ña. ĩna ñama juu ǎmojeno cǎtori gǎna yure tuorǎnũrǎ, yiqũ ꞑꞑ cǎiroju yure goǎlocacu.

2

Efeso gǎnare oca cǎare gaye

¹ ꞑꞑꞑꞑ ꞑꞑ cǎiroju ado bajiro gotiqũ:

—Efeso gǎna Diore tuorǎnũrǎre ũmatǎ ñagũre ado bajiro ucaya: “Juu ǎmojeno jeobusuora tuturi wato ñagũ, ĩ ꞑꞑ ǎmo riojocaduꞑa juu ǎmojeno ñocǎ ꞑꞑꞑꞑ ĩ busire gotirocu adi muare uca ꞑꞑ. Ado bajiro muare gotiami ĩ: ² Jeyaro muu yirise masia ꞑꞑ. Josari muu moarisere masia ꞑꞑ. Ũsiriro yimena ña muu. Ñeñaro yirǎre ti wanũbea muu. ‘Guu ña Jesucristo ĩ oca gotitoni ĩ cũana’, yibojarǎre, ti masiana ña muu. ‘Riti Jesũ ĩ cũana meje ñama. Socari masa ñama’, yi ti masirǎ ña muu ĩja. ³ Yure tuoǎrǎ, tujare mejeti moayija muu. Yure muu tuorǎnũꞑa ticǎri, muu tǎbũjaroca yama gǎjerǎ. ‘Yũ tǎbũjaja cǎni, Jesucristore jidicǎbicũꞑa ꞑꞑ’, yi tuoǎrǎ ña muu, yi tuoǎa masia ꞑꞑ muare. ⁴ Ito bajibojarocati muare queno ti wanũbea ꞑꞑ maji. Cajero yure masisũorǎ muu maicato bajiro yure maibe muu ĩja. ⁵ Ito bajiri yure muu masisũocaire tũdi tuoǎcǎri, ñeñaro muu yirise jidicǎña. Cajero yure muu cǎdicato bajiro ti yija muu. Ito bajiro muu yibeja yoari mejeti muare waja senigũ eꞑꞑꞑ yigũꞑa ꞑꞑ. Ñeñaro muu yirisere muu jidicǎbeja muu ya jeobusuora tutu ẽmagũ yigũꞑa ꞑꞑ. ⁶ Coji gaye queno ya muu ꞑꞑ tija. Nicolaĩtas cuto gǎna ñeñaro ĩna yirisere ti tea muu. Yũ cǎni ĩna ñeñaro yirisere ti tea. ⁷ No gǎmo goje cutirǎ tuoꞑa. Diore tuorǎnũrǎre ado bajiro gotiami Espĩritu Santo: ‘Noa ĩna ñeñaro yirisere jidicǎrǎ ĩna ñama rǎmũu uꞑure rẽtocũrǎ. Ito bajiri catitũñaragu rica ĩnare ecagũ yigũꞑa ꞑꞑ. Dios ꞑꞑ wese quenari wese gudareco ñaroꞑa itigu’, yi gotiami Espĩritu Santo’, yi ucaya mu, yi gotiqũ ꞑꞑ cǎiroju yure goǎlocacu.

Esmirna gǎnare oca cǎare gaye

⁸ Gaje ado bajiro gotiqũ yure ꞑꞑ cǎiroju:

—Esmirna gǎna Diore tuorǎnũrǎre ũmatǎ ñagũre ado bajiro ucaya: “Ñasũogũ, ñasũsagũ, ito yicǎri godabojaguti muu cǎni tũdi catiru ĩ busire gotirocu adi muare uca ꞑꞑ. Ado bajiro muare gotiami: ⁹ Ñajediro muare rẽtarise masia ꞑꞑ. ‘Yure muu tuorǎnũꞑa ticǎri, muu tǎbũjaroca yama gǎjerǎ’, yi tuoǎa masia ꞑꞑ muare. Bojoro muu bũjaja, ti masia ꞑꞑ. Ito bajibojarǎti Dios gayere queno masirǎ ña muu. Ito bajiri queno rǎcorǎ ña muu. Ñe ruyabea muare. ‘Judio masa, Dios rǎa ña gua’, yibojarǎre, muare ĩna busituꞑa tuoꞑa ꞑꞑ. Dios rǎa meje ñama ĩna. Rũmũu uꞑu, Satanás rǎa ñama ĩna, ꞑꞑ ꞑꞑ. ¹⁰ Muu tǎbũjaroti gayere tuoǎa giũbesa. Muu rǎca ñagũ yigũꞑa ꞑꞑ. Muare usiriro codegu yigũũji rǎmũu uꞑu. ‘Diore ĩna jidicǎꞑa ticũꞑa ꞑꞑ’, yirocu ado bajiro muare usiriro codegu yigũũji ĩ. Muu coriarǎre gǎjerǎ ĩna tubiaroca yigu yigũũji ĩ. Ito bajiri juu dujamocǎ ǎmuari tǎbũjarǎ yirǎji muu. Muu godarǎ wana yija cǎni, yure jidicǎbeja. Ito muu yija, catitũñare muare ĩsigũ yigũꞑa ꞑꞑ iti waja. ¹¹ No gǎmo goje cutirǎ tuoꞑa. Diore tuorǎnũrǎre ado bajiro gotiami Espĩritu Santo: ‘Noa ĩna ñeñaro yirise jidicǎrǎ ĩna ñama rǎmũu uꞑure rẽtocũrǎ. Ito bajiri jeame ǎꞑꞑꞑꞑ tǎbũja godamena yirǎji ĩna’, yi gotiami Espĩritu Santo muare”, yi ucaya, yiqũ yure ꞑꞑ cǎiroju.

Pẽrgamo gǎnare oca cǎare gaye

¹² Gaje muu ado bajiro gotiqũ ĩ ꞑꞑ cǎiroju:

—Pẽrgamo gǎna Diore tuorǎnũrǎre ũmatǎ ñagũre ado bajiro ucaya: “Sarera jǎi juu duꞑa odiri jǎi ꞑꞑꞑꞑ, ĩ busire gotirocu adi muare uca ꞑꞑ: ¹³ Jeyaro muu yirise masia ꞑꞑ. Rũmũu uꞑu Satanás ĩ rotiri cutoꞑi ñaboꞑa muu. ĩ rotibojarocati ĩre tuorǎnũbea muu. Yure tuorǎnũrǎrǎ ñari, yure tuorǎnũ jidicǎrǎ meje ña muu. Ito gǎna Satanásre cudirǎ ñari, Antipas wame catigure sǎaũi ĩna. ĩ ñaboꞑaqũ, ‘Diore mani tuorǎnũꞑa quena’, yure yi eꞑabũboꞑacacu. ĩre ĩna sǎaja bero ñaboꞑarocati yure tuorǎnũ jidicǎbea muu’, ꞑꞑ ꞑꞑ muare. ¹⁴ Ito bajibojarocati muare queno ti wanũbea ꞑꞑ maji. Muu Pẽrgamo gǎna coriarǎ, Balaam ĩ riasorisere jidicǎ ǎmobe muu. ĩ ñami Balacre ado bajiro riasoru: ‘ĩnamasi meni rujeoanare bare ecabojare gaye muu Israel sita gǎna baja quena. Gǎjerǎ romia rǎca muu aje ñaja quena ña’, yi riasoũi Balaam. ‘Muu wato coriarǎ ñama ĩ riasorisere jidicǎ ǎmomena’, yi tuoǎa ꞑꞑ muare. ¹⁵ Muu wato coriarǎ ñama Nicolaĩtas cuto gǎna ñeñaro ĩna riasorisere jidicǎ ǎmomena. ĩna riasorisere buto ti tea ꞑꞑ. ¹⁶ Ito bajiri muu ñeñaro yirise jidicǎña. Muu ñeñaro yirise muu jidicǎbeja muare waja senigũ yigũꞑa ꞑꞑ. Ito yicǎri yoari mejeti ꞑꞑ ꞑꞑ riseju ñari jǎi sarera jǎina quenabeto muu tǎbũjaroca yigu

yiguja yu. ¹⁷ No gāmo goje cutirā tuoya. Diore tuorūnūrāre ado bajiro gotiami Espíritu Santo: 'Noa ina ñeñaro yirisere jidicārā ina ñama rāmúa ujure rētocūrā. Ito bajiro yirāre manā wame cutirise bare ñare ecaḡu yiguja yu. Iti ña ūmacāju gaye tiyamani bare. Gaje gūtagā botirica ñare ūsigū yiguja yu. Itiga gūtagāju mame ucare wāñaro yiroja. Itiga gūtagāre boca āmirā riti itiga wāñarise masirā yirāji', yi gotiami Espíritu Santo", yi ucaya mu, yi gotiqui yu cāiroju yure goaŋocacu.

Tiatira gānare oca cōare gaye

¹⁸ Gaje mucana ado bajiro gotiqui yu cāiroju:

—Tiatira gāna Diore tuorūnūrāre ūmatā ñagūre ado bajiro ucaya: "Dios Macu ĩ ya cajeari jea ujūre robo bajiro bajigu, ito yicōri bronca wame cutirise buto yorise robo bajiro gubo cutigu ado bajiro muare gotiami: ¹⁹ Jeyaro mua yirisere masia yu. 'Masare ti mairā ñama ina', yi tuoia yu muare. 'Yure tuorūnūrā ñama ina', yi tuoia yu muare. Gājerāre yiarī mua ejabuarise queno masia yu. Yure mua tuorūnūja ticōri, mua tōbujaroca yama gājerā. Ito bajiro ina yibojarocati yure tuorūnūñacōa mua. 'Cajero yure ina masisucato rētoro queno ejabuama', ya yu muare. ²⁰ Ito bajibojarocati muare queno ti wanubea yu maji. Mua tu gago Jezabel wame cutigo ñeñaro iso busija ticōa mua. Ado bajiro ruore oca busiamo iso: 'Diore yiarī busia yu. Gājerā romia rāca mua aje ñaja, no yibea. Masa ñamasiti meni rujeoanare bare ña ecare mua baja, no yibea', yire oca goti ruoamo iso. Ito bajiro iso yija tuocōri, yure moa ĩsiri masa tuo wisama ĩja. ²¹ Ñeñaro iso yirise jidicāju yiroca, yoari yuboja yu. Ito bajibojarocati jidicā āmobeamo iso. Ūmua rāca ñeñaro iso yirise cuni jidicā āmobeamo iso. ²² Ito bajiro iso yijare iso cō cūñaroca yigu yiguja yu. Iso rāca aje ñarāre cuni ina cōroca yigu yiguja yu. Ina robo bajiro yi wacōri itire mua jidicābeja, muare cuni mua tōbujaroca yicaja yu. ²³ Iso rāre sīgā yiguja yu. Ito bajiro yu yija ticōri, yu masirisere tirā yirāji mua. 'Mani tuoīarise, mani ya usijana mani yi āmorise cuni ti masi jeoami Dios. Ito yicōri mani ñeñaro yiro bajiroti manire waja senigū yiguñji', yi tuoia masirā yirāji mua ĩja. ²⁴ Mua Tiatira gāna jājarā ña iso riasorisere tuorūnūmena. 'Adi ña Satanās oca ñasarise, gājerā ina tuoīabiti ña iti', ina yibojaja cuni itire tuorūnubea mua. Ito bajiri, 'Diore queno tuorūnūrā ñama ina', yicōri muare josabicuja yu ĩja. ²⁵ Ado bajiro riti muare rotia yu. Yu muare busirisere tuoia jidicābeja. Yu ejarocōjuiti itire tuoia jidicābeja. ²⁶ Ina ñeñaro yirisere jidicārā ina ñama rāmúa ujure rētocūrā. Noa susariju yu āmoro bajiro yi jidicāmena gājerāre ina roti masiroca yigu yiguja yu. ²⁷ Yu roti masiroca yu Jacu yure ĩ yiado bajiroti muare yigu yiguja yu. Ito bajiri Dios ĩ cūana ñari sēoro rotirā yirāji mua. Ito yicōri come mana riri sotari jawado robo bajiro cudimene ruyuriorā yirāji mua. ²⁸ Muare busuri ñocōagā ūsigū yiguja yu. ²⁹ No gāmo goje cutirā tuoya. Adi ña Diore tuorūnūrāre Espíritu Santo ĩ gotire", yi ucaya mu, yiqui yu cāiroju yure goaŋocacu.

3

Sardis gānare oca cōare gaye

¹ Gaje ado bajiro gotiqui yu cāiroju:

—Sardis gāna Diore tuorūnūrāre ūmatā ñagūre ado bajiro ucaya: "Jua āmojeno usi cutigu, ito yicōri jua āmojeno ñocōa rucogu ado bajiro gotiami: Jeyaro mua yirise masia yu. 'Diore queno cudirā ñama', yi tuoīabojama gājerā muare. Yuama godacāna robo bajiro muare tia. Yure queno cudirā meje ña mua. ² Yu tija yu ocare mua cudibeja, godana robo bajiro bajirā ña mua. Canirā robo bajiro bajirā ña mua. Yujiya mua. Yu tija yure tuorūnū jidicārā ya mua. Ito bajiri, ĩre jidicāme yirona, buto busa yure tuorūnūña. Yu tija, Dios ĩ āmoro bajiro queno yisabea mua. ³ Cajero mua riasotigore mucana tudī tuoīañā mua. Itire tuorūnūcōri, mua ñeñaro yirise jidicāña. Ito bajiro mua yibea, riniri masu robo bajiro, 'Itocō eḡu yiguñji', mua yi masibeto, mua tu eḡu yiguja yu. Ito yicōri muare waja senigū yiguja yu. ⁴ Mua Sardis gāna coriarā buto ñeñarise yibea mua. Ito bajiri mua ya yutabuju botirise sāñarā yu rāca mua ñaroca yigu yiguja yu. ⁵ Noa ina ñeñaro yirisere jidicārā ina ñama rāmúa ujure rētocūrā. Ito bajiro yirāre yutabuju botirise ina sāñaroca yigu yiguja yu. 'Adocō ñama catitūñare rucorona', yire gaye papera tuti ina wame coebicu yiguja yu. Ito yicōri yu Jacu ĩ tiro riojo, 'Āna ñama yu ñarā', yigu yiguja yu. Āngel mesa tiro riojo cuni ito bajiroti yigu yiguja yu. ⁶ No gāmo goje cutirā tuoya. Adi ña Diore tuorūnūrāre Espíritu Santo ĩ gotire", yi ucaya, yiqui yure yu cāiroju.

Filadelfia gānare oca cōare gaye

⁷ Gaje ado bajiro gotiqui yu cāiroju:

—Filadelfia gāna Diore tuorūnūrāre ūmatā ñagūre ado bajiro ucaya: "Ado bajiro gotiami ñeñaro yūābicu, ito yicōri riojo gotigu. ĩ ñami David ñayoru uju robo bajiro roti masigū. Buto roti masigū ĩ ñajare soje ĩ janaja, ñimujua gāji bia masibiquñji. Soje ĩ biaja cuni, ñimujua

gāji iti sojere jana masibiquñji. Ado bajiro gotiami: ⁸ Jeyaro mua yirise masia ya. Queno seorã meje ña mua. Ito bajibojarocati yu ocare queno cudiã amoboja mua. Ito yicõri, 'Jesure masibea gua', yibea mua. 'Jesure tuorãnurã ña gua', ya mua. Ito bajiro mua yijare, queno muare ejabuagu yiguja ya. Muare yiari soje jana isicu ya. Ñimujua iti sojere biabiquñji. ⁹ Ado bajiro ya busirise queno tuoya. Mua wato coriarã ñama rãmúa uju Satanãre tuorãnu sayarã. 'Judio masa ña gua. Dios ñarã ña gua', yibojama ña. Bajibea, rãmúa uju ñarã ñama ña. Mua raso ña ya rijomunigãna ñini rújũ rotigu yiguja ya. 'Ína ñama Dios í mairã', muare ña yiroca yigu yiguja ya. ¹⁰ 'Yure mua tuorãnuja ticõri, mua tóbujaroca gãjerã yibojarocati yure tuorãnutiãcõa mua', yu rotiado bajiroti queno cudia mua. Co rãmũ ejaro yiroja adi sita gãna ña tóbujaroti ramu. Gãjerãre usirioro yimenati yure cudirã mua ñajare, iti rãmũ iti ejaroca muare codegu yiguja ya. ¹¹ Masima, yoari mejeti ejaqu yiguja ya. Yure mua cudirise tuoia jidicãbeja. Ito bajiro mua yija, ñimujua mua muja waroto camota masibiquñji. ¹² No ña ñeñaro yirise jidicãrã ña ñama rãmúa ujure rëtocurã. Yu Jacu Dios ya wi ña ñatĩñaroca yigu yiguja ya. Í ya yu botari butirise robo bajiro ñatĩñarã yirãji ña. Udia wame ñare wame wõgũ yiguja ya, ña ñajedirore. Ado bajiro wame yicuja ya: Yu Jacu Dios wame, í cuto wame, ito yicõri yu wame mame ñaroti wõgũ yiguja ya ñare. Yu Jacu í ñaro, mame Jerusalén wame cutiri cuto ñaro yiroja. Iti cuto ñmacãjuna ruji wadicõri, ejaro yiroja. ¹³ No gãmo goje cutirã tuoya. Adi ña Diore tuorãnurãre Espiritu Santo í gotire", yí ucaya, yiquí yure yu cãiroju.

Laodicea gãnare oca cõare gaye

¹⁴ Gaje ado bajiro yure gotiquí yu cãiroju:

—Laodicea gãna Diore tuorãnurãre ñmatã ñagãre ado bajiro ucaya: "Diore queno goti ejabuasotigu, ito yicõri riojo gotiguna suoriti jeyaro rujeoñi Dios. Ado bajiro gotiami muare: ¹⁵ Jeyaro mua yirise masia ya. Yu rotirise queno cudi amobeja mua. 'Yu amorocõ cudicuja yaama', yí tuoia mua. Yure ti tebitibojarãti yure queno tuorãnusabea mua. Ito bajiri yure queno tuorãnure amoa ya. Mua queno yure tuorãnu amosabeja, yure mua jidicãja quena. ¹⁶ Yure tuorãnumena ñari mua amoro bajiro riti cudisotia mua. Ide asirise, ide usarise bajiro bajirã meje ña mua. Ide asisuriseacã bajiro muare bucõagũ yiguja ya. ¹⁷ 'Gajeoni jairã ña gua. Gua amorise ñajediro, dise ruyabeto rucõa gua', yiboja mua. Queno itire ti masibea mua. Yu tija yure cudimena ñari ado bajiro bajirã ña mua. Bojoro bujarã, ñe rucomena, tuoia oca jairã, cajea mana ito yicõri yutabuju mana bajiro bajirã ña mua. ¹⁸ Ito bajiro mua bajirã ñajare, ado bajiro muare goti masioa ya. Quenarise yure mua moa isi amõja, yure senija quena. Ito bajiro mua senija tuocõri, jaje quenarise mua yiroca yigu yiguja ya. Ñeñarise mua jidicã amõja, yure senija quena. Ito bajiro mua senija tuocõri, quenarise mua tuoiaroca yigu yiguja ya. Yu ya oca mua masi amõja yure senija quena. Ito bajiro mua senija tuocõri, yu ocare queno mua tuo masiroca yigu yiguja ya. ¹⁹ No yu mairãre ñare goti queno ya. Ito yicõri no yu mairãre ña ñeñaro yija, ñare waja senia ya, ña masitoni. Ito bajiri mua ñeñaro yiriserẽ jidicãcõri, yure queno cudiya íja. ²⁰ Tiya, soje tu code rãgõa yu sãja amogũ. No yu oca tuocõri soje í janaja, sãjagũ yiguja ya. Sãjacõri íre baba cutigu yiguja ya. Ito yicõri íjua caní yure baba cutigu yiguñji. ²¹ No ña ñeñaro yiriserẽ jidicãrã, ña ñama rãmúa ujure rëtocurã. Ito bajiro bajirã mua ñajare, yu roti rujiro tu yu rãca mua ñaroca yigu yiguja ya. Ito bajiroti rãmúa ujure rëtocucõri, yu Jacu rotiro tu ruja ya. ²² No gãmo goje cutirã tuoya. Ito bajiro yami Espiritu Santo, Diore tuorãnurãre", yí ucaya, yiquí yu cãiroju yure goaíocacu.

4

Ñmacãju Diore rucubuoere gaye

¹ Ito yija bero ñmacãju soje janacãra soje ticu ya. Trompeta jutire oca bajiro yure busisnocacu mncana ado bajiro yure busi ruyucuí:

—Mujã waya adojuã. Ija rëtaroti gaye mare íorocu ya yu, yure oca ruyucu yure.

² Ito bajiro í yirocati Espiritu Santo í masirisenati ñmacãju ejacoacu ya. Itoju ejacõri uju ya cumuro ticu ya. Iti cumuroju sãgũ rujiquí yu tija. ³ Iti cumuroju rujicacu gãta bato yorise robo bajiro yocu í ya rio. Jasje Cornalina wame cutirise gãta robo bajiro yo ruyucu í ya rio. Í rujiro tu ide bue bedo ñacu. Esmeralda wame cutirise gãta robo bajiro yo ruyucu iti bedo. ⁴ Í rujiro tu veinticuatro cumurori ruji gãni biacu í tu. Iti cumuroriju veinticuatro ñarã bucãrã rujicã. Botirise sãñacã ña. Ito yicõri oro bedori jesacã ña. ⁵ Í rujiro cumuroju bujo í borea yirise bajiro borea yicu. Ito yicõri bujo busirise bajiro ruyucu. Í rujiro cumuro riojo jua amojeno jea ujuricari ruyucu. Itire ticõri "Jua amojeno usi cutigu ñami Dios", yí ticu yu itire. ⁶ Uju ya cumuro riojo itajura ide botirita, queno ide ruyurita ticu ya.

Uju ya cumuro riojo, iti cumuro judojuã caní, riojocaduja, gãcoduja caní tiãña mana juariarã ñacã. Jaje cajeari cuticã. Ína ya rio ñari duja caní ña ya judojuari caní cajeari cutirã

ñacã Ìna. ⁷ SÌgũ tiya macu yai robo bajigu ñaquĩ. Gãji ta wecu robo bajigu ñaquĩ. Gãji ãmugũ bajiro rio cutiquĩ. Susagu ga jagu wutigu robo bajiro bajiquĩ. ⁸ Ìna juariarã tĩaña mana coga ãmojeno caerori caero cuticã. Ìna ya caeroriju ùmacũjuagaduja, jacagaduja cuni cajeari cutirã ñacã Ìna. Ëmuari, ñamiri cuni Diore rucubworã ado bajiro basatĩñacã Ìna:

Quenagũ ña mu. Quenagũ ña mu. Quenagũ ña mu. Jeyaro masigũ ña gua Èju mu. Muti ñayija iti rumuju gagu. Muti ña adocãta gagu cuni. Muti ña ija ejarocu cuni, yi ñacã Ìna.

⁹ Èju ya cumuroju rujigure rucubworã ado bajiro yicã Ìna: “Mu ña rëtoro rucubworu. Mu ña rëtoro ñasagu. Mure rucubworã, ‘Queno ya mu’, ya gua mure”, yicã Ìna ito rujigu catitĩñagure.

¹⁰ Coji ruyabeto ito bajiro Ìna yiroca veinticuatro ñarã bucarã ito ñarã, Ì riojo rijomunigãna ñini rũjũcã Ìna. Catitĩñagure rucubworã ito bajiro ñini rũjũcã Ìna. Ito yicõri Ìna ya Jesara bedori ãmicõri Ì rujiro riojo jidicũcã Ìna. Ito yicõri Ìre rucubworã ado bajiro yicã:

¹¹ Mu ña jeyaro rujeora. Mu ãmoro bajiroti mu rujeore jeyaro ña. Gua Èju ña Dios mu. Masa jeyaro mure rucubwoere ãmoa gua. “Dios ñami ñasagu”, masa jeyaro yi jedire ãmoa gua. “Dios ñami rëtoro masigũ”, masa mure Ìna yire ãmoa gua, yicã veinticuatro ñarã bucarã. Ito bajiro yicã Ìna Diore rucubworã.

5

Papera tunara joti

¹ Ito yija bero ùju ya cumuroju rujigu Ì ya ãmo riojocaduja papera tunara joti Ì rucõja ticu yu. Iti joti totiju, joe cuni ucare ñacu. Jua ãmojeno suobiare ñacu Ìti jotijure. ² Ito bajiroca Dios ñaro gagu ángel queno masigũ ticu yu. Ado bajiro oca sëoro seniĩaquĩ Ì:

—¿Ñimu ñati Dios Ì ti wanugũ iti joti suobiare ñigã ãmigocõri manire ti Ìsigũ? yi seniĩabojaquĩ Ì.

³ Ito bajiro Ì seniĩabojaja, ùmacũju gãna, adi sita gãna, adi sita rocajua gãna cuni sīgũjuama jana masigũ maniquĩ. Sīgũ itire ti Ìsigũ maniquĩ. ⁴ Ito bajija ticõri, buto oticu yu. Sīgũ iti janacõri ti Ìsigũ manijare, buto oticu yu. ⁵ Yu otija ticõri, sīgũ bucuju ado bajiro gotiquĩ yure:

—Itocõti otiya Ìja. Adoju tiya. Ado ñami sīgũ rãmũa ùjere rëtocũru. Judã masa butu gagu ñami Ì. Yai sëogũ bajiro bajigu ñami Ì. Ito yicõri David ùju ñayoru janerãbatia janami ñami Ì. Ìre queno wanuami Dios. Ito bajiri jua ãmojeno suobiare ñigã ãmigocõri manire ti Ìsigũ yiguñji, yiquĩ Ì yure.

⁶ Bucarã wato, tĩaña mana wato, ùju ya cumuro taju sīgũ Oveja Macu bajiro bajigure ticu yu. Ìre Ìna sīgore cami Ìti ñaja ticu yu. Jua ãmojeno saburi ñacu Ìre. Ito yicõri jua ãmojeno cajeari ñacu Ìre. Ì ya cajeari ticõri, “Jua ãmojeno usi cutigu ñami Espiritu Santo. Ì ñami adi sitajure coju ruyabeto Dios Ì cõaru”, yi ticu yu Ìre. ⁷ Ito yija yu tiroca Oveja Macu, ùju ya cumuro rujigu ya riojocaduja papera tunara joti Ì rucorisere ãmiquĩ. ⁸ Oveja Macu Ìti jõtire Ì ãmiroca juariarã tĩaña mana, ito yicõri veinticuatro ñarã bucarã cuni Ì riojo rijomunigãna ñini rũjũcã. Ìna sīgũ ruyabeto basa meniroti arpa wame cutirise rucocã Ìna. Ito yicõri oro tërori rucocã Ìna. Iti tëroriju soeja queno suti quenarise sãñacu. Iti suti quenarise Ìti bue waja waja Dios ñarã Ìre Ìna busiro robo bajiro bajirise ñacu. ⁹ Ado bajiro basacã Ìna mame basare:

Masa jeyarore masorocu goda Ìsiyija mu. Co oca ruyabeto basirãre, co cuto gãna ruyabeto, ito yicõri co sita gãnare ruyabeto goda Ìsiyija mu. Dios ñarã masa ñatoni mu ya rina waja yicãyija mu. Ito bajiri tunara joti ãmicõri suobiare ñigã masigũ ña mu.

¹⁰ No Diore tuorũnarãre Ì ñarã Ìna ñaroca yiyija mu. Ito yicõri paia robo bajiro Diore Ìna moa Ìsiroca ya mu. Ito bajiri adi sita gãnare roti masirã yirãji Ìna, yi basa sëacã Ìna.

¹¹ Ito yija bero jãjarã ángel mesa Ìna busija tuocu yu. Cõtaja jediãdo manicã. Jãjarã ñacã Ìna. Èju ya cumuro tu juariarã tĩaña mana, veinticuatro ñarã bucarã judojuaju ñacã ángel mesa.

¹² Oca sëoro ado bajiro yicã Ìna:

Masa Ìna ñeñaro yirise waja, waja yi Ìsiroca goda Ìsiñi Oveja Macu. Ito bajiro bajicõri rëtoro masigũ ñami Ì. Rëtoro sëogũ, rëtoro roti masigũ, rëtoro rucubworu, rëtoro jeyaro rucogu, “Rëtoro quenagũ ñami”, masa Ìna yiroca, ñami Oveja Macu, yi rucubwoacã ángel mesa.

¹³ Ito yirocati Dios Ì rujeoana ñarocõti Ìna busija tuocu yu. Ìna ñacã ùmacũju gãna ñajediro, adi sita gãna cuni. Ito yicõri sita wato ñarã, godagoana, ito yicõri ide wato gãna, ñajediro Ìna busirise ruyucu. Èju ya cumuro rujigure, Oveja Macure cuni rucubworã ado bajiro busi ruyucã Ìna:

Mua ña masa Ìna rucubworona. Ito bajiri muare rucubwoitiñajaro masa. “Mua ña rëtoro ñasarã”, yitĩñajaro masa muare. “Mua ña rëtoro masirã. Mua ña rëtoro queno yirã”, yitĩñajaro masa muare, yi busi ruyucã Ìna.

¹⁴ Ito bajiro Ìna yiroca juariarã tĩaña mana ado bajiro busi ruyucã:

—Ito bajiroti baja, yi busi ruyucã Ìna.

Ito yiroca veinticuatro ñarã bucarã uju ya cumuroju rujigãre, Oveja Macãre cuni, rãcũbuorã ña riojo rijomunigãna ñini rũjũcã ña.

6

Jua ãmojeno suobiare gaye

¹ Ito yija Oveja Macã papera tunara jotire cajero suobiaraju ñiigãja ticu ya. Ito yirocati juariarã tãña mana sigũ busi ruyucu ña rãca gagu. Ñ busija bujo busirise robo bajiro ruyucu. Ado bajiro yi ruyucu ñi:

—Adojua tigu waya, yi ruyucu ñi yure.

² Ñ ito yijare ti ñucacu ya. Cabaru botigu ñi rãgõja ticu ya. Ñ joe jesagu jatura jãi rucocu. Jesara bedo ñre ña jeoja ticu ya. Ito bajiro ña yija bero ñi wajanare rãtocũgũ waquĩ ñi.

³ Ito yirocati Oveja Macã suobiaraju gajeju ñiigãquĩ ñi. Ito yija gãji tãña macu ñi busija tuocu ya:

—Adojua tigu waya, yi ruyucu ñi cuni.

⁴ Ito ñi yija cabaru suãgãre ti bujacu ya. Ñ joe jesagure sarera jãi ña ñisija ticu ya. Ado bajiro moare ñre cũñi ña. Masa ña queno ñabitire gaye, masa ña gãmeri sãaroti gaye cuni ñre moare cũñi ña.

⁵ Ito yija bero macana gajeju suobiaraju ñiigãquĩ Oveja Macã. Ito yija gãji tãña macu ñi busija tuocu ya:

—Adojua tigu waya, yi ruyucu ñi cuni.

Ñ ito yija cabaru ñigãre ti bujacu ya. Ñ joe jesagu rãcũoraga rucocu. ⁶ Ito yirocati tãña mana wato oca ruyucu. Ado bajiro ruyucu ñi:

—Trigo wame cutirise bare co rãmu moare waja coji kiloti bujare ñaro yiroja. Ito yicõri cebada wame cutirise bare co rãmu moare waja udiãji kilos bujare ñaro yiroja. Ito bajibojarocati uyẽ ide, uyẽ roabare cuni waja rãcũbeto yiroja, yire oca ruyucu.

⁷ Ito yija macana gajeju suobiaraju ñiigãquĩ Oveja Macã. Ito yija gãji susagu tãña macu ado bajiro yi ruyucu:

—Adojua tigu waya, yi ruyucu ñi yure.

⁸ Ito ñi yija cabaru bodeagure ti bujacu ya. Ñ joe jesagu, “Godare Gaye Rotigu”, wame cutiquĩ. Ñ bero suyagu, “Ñeñaro Yigoana ña Ñaroju”, wame cutiquĩ ñi. Siare gaye moare cũñi ña ñare. Gãmeri sãarena, ñio jogarena, ñarisena ito yicõri gãjeronana cuni ñare sãa rotĩni ña. “Adi sita gãna juaria buturi batocõri co butu gãna mu sãa jeoja quena”, yi rotĩni ña ñare.

⁹ Ito yija bero macana gajeju suobiaraju ñiigãquĩ ñi. Ito bajiro ñi yirocati Diore rãcũbuorã ña soe ñisotira casabo tu sãa ecoana ya usi ñacu. Dios oca ña riasojare, ito yicõri, “Jesure tuorãnurã ña gua”, ña yijare ñare sãa ñi ña. ¹⁰ Oca sãoro ado bajiro yicã ña:

—Coji ñeñaro yĩabacu ña gua tju mu. “Ado bajiro yigu yigujã ya”, mu yija yiro robo yigu ña mu. ¿Guare sãanare nocõ yoari ñare waja senigũ yati mu? yicã ña. ¹¹ ña ito yijare yutabuju botirise ñare ñisiquĩ ñi. Ito yicõri:

—Tujacãña maji, usiriobesa. Gãjerã mua robo bajirã Jesús gayere riasorã yirãji maji. Ito bajiro ña yija ticõri, ñare sãacõrã yirãji maji. Ito bajiro ña yija bero ñare waja senigũ yigujã ya, yiquĩ Dios ñare.

¹² Ito yija bero macana gajeju suobiaraju ñiigãquĩ Oveja Macã. Ito bajiro ñi yirocati sita ñi buto uẽja ticu ya. Ito yicõri ñimacãni ñimua gagu buto ñi juaquĩ. Saya buto ñi robo bajiro ñi juaquĩ ñi. Ito yicõri ñami gagu buto sãa juaquĩ, ñi buto sãarise robo bajiro. ¹³ Ito yicõri ñocõa ñimacãju gãna jacaju quedi queacã ña. Higuera wame cutiricu rica mino ñi wãa batero robo bajiro quediã ña. ¹⁴ Ito yija bero macãrãcãro godacoacu. Papera jũ tunado bajiro baji godacoacu. Gãta yucari, ruja yogari cuni gajeroju ñi cuni rãgãroca yiquĩ Dios. ¹⁵ Ito bajijare ujarã rotiri masa gãta gojeriju rudi sãja wacã ña. Ito yicõri gãtagãri wato rudi sãja wacã gãjerã. ña rãcati surara ujarã, ñasarã, niyeru jairã, sãorã, waja mano moari masa, gãjerã queno ñari masa cuni rudi jedicoacã ña. ¹⁶ Ito bajiro rudicõri gãta yucarise, gãtagãri cuni ado bajiro yicã ña:

—Guare quedi jea biaya uju ya cumuroju rujigu guare ñi tibititoni. Ito yicõri Oveja Macã gua ñeñaro yirise waja guare senibititoni, guare quedi jea biaya, yicã ña gãta yucarise.

¹⁷ Ija ito bajiro ñi bajija masa ña ñeñaro yirise waja seniri rãmu ñacãro yiroja. Ito bajiri ñimũ ñire rudi masigũ macu yigũji.

7

Ñ ñarãre Dios ñi tirãnure gaye

¹ Ito bero ángel mesa juariarã ticu ya. ñimacãni ñi joejea wadiri duja waquĩ sigũ. Ñ quedi sãja warojua waquĩ gãji. Warubujua waquĩ gãji. Gãji gaje duja warubujua waquĩ. Itoju ejacõri

mino wēa rotibisi ĩna. Ito bajiri adi sita joe, riaca jajosa joe cuni mino wēabiticu. Ito bajicōri yuca joe cuni mino wēabiticu. ² Ito bajiroca ũmacañi ĩ joejea wadiri daja gāji ĩ wadija ticu ya. Dios catitĩñagū wame wōroti gaye rucocōri ĩ wadija ticu ya. Ejacōri gājerā āngel mesa adi sitare, riaca jajosa cuni, Dios ĩ ñeño rotianare oca sēoro ado bajiro awasā gotiqui āngel:

³ —Mani Ũju Dios ya moari masa ya rioweca Dios wame wōrā yirāji mani ĩnare. Mani wōroto riojua adi sita, riaca jajosa, yucare cuni ñeñobesa mua maji, yiqui āngel Dios ĩ ñeño rotianare.

⁴ Ito yija bero, “Adocō ñama mua wame wōrona”, yire oca ruyucu. “Īna ñama jua gubojeno buturi gāna. Jeyaro ciento cuarenta y cuatro mil Israel sita gāna ñama ĩna”, yire gaye oca ruyucu. ⁵ Ado bajiro wame caticā jua gubojeno buturi gāna, Israel sita gāna: Judā ñayoru janerābatia doce mil ñacā. Rubén ñayoru janerābatia doce mil ñacā. Gad ñayoru janerābatia doce mil ñacā. ⁶ Aser ñayoru janerābatia doce mil ñacā. Neftalí ñayoru janerābatia doce mil ñacā. Manasés ñayoru janerābatia doce mil ñacā. ⁷ Simeón ñayoru janerābatia doce mil ñacā. Leví ñayoru janerābatia doce mil ñacā. Isacar ñayoru janerābatia doce mil ñacā. ⁸ Zabulón ñayoru janerābatia doce mil ñacā. José ñayoru janerābatia doce mil ñacā. Ito yicōri susari Benjamín ñayoru janerābatia doce mil ñacā. Īna ñacā Dios wame wō ecorona.

Jājarā botirise sãñarā

⁹ Ito yija bero ũju ya cumuro riojo, ito yicōri Oveja Macu riojo jājarā masa ticu ya. Īna ñacā co sita gāna ruyabeto, co oca ruyabeto busirā, co cuto gāna ruyabeto, ito yicōri co butu gāna ruyabeto ñacā ĩna. Cōiaja jediado manicā ĩna. Yutabujuri botirise sãñacōri ĩna ya āmoriju rujaño caeri rucocā ĩna. ¹⁰ Ado bajiro oca sēoro awasā busicā ĩna: Dios rotira cumuroju rujigu, ĩ ñami manire masorocu. Ito yicōri Oveja Macu ĩ cuni manire masorocati ñami, yicā ĩna.

¹¹ Ito bajiro ĩna yiroca riti āngel mesa ñajediro, bucurā, juariarā tĩñaña mana cuni ũju ya cumuro riojo Diore rucubworā ñini rjũcōri ĩna ya rio sita cāoro muqueacā ĩna. ¹² Diore rucubworā ado bajiro yicā ĩna:

Mu ña rucubwogu. Mu ña rētoro ñasagu. Mu ña rētoro masigū. Mu ña rētoro quenogū yigu. Mu ña masa jeyaro ĩna rucubwogu. Mu ña rētoro sēogū. Nĩmu gāji mu rētoro sēogū maquĩji. Mu ña Dios gua Ũju. Ito bajiroti ñatĩñaña mu. Ito bajiroti bajitĩñajaro. Itocō ña. Amén, yicā ĩna.

¹³ Ito yija sigū bucugu yure seniñaquĩ:

—¿Nimarā ñati botirise sãñarā? ¿No gāna wadiyijari ĩna? yiqui ĩ yure.

¹⁴ Ito ĩ yijare ado bajiro cudicu ya:

—Masibea ya. Mu muri masigūja. Yure gotiya, yicu ya ĩre.

Yu ito yijare:

—Īna ñama buto tōbujabobarāti ĩna ñeñaro yirisere jidicācōri, rāmúa ũjare rētocūana. Īna ñeñaro yirisere coeñi Oveja Macu, ĩ ya rina. Ito bajiri yutabujuri boti quenarise sãñama ĩna, yiqui ĩ yure. ¹⁵ Ito bajicōri ũju ya cumuro riojo Diore rucubwo ñama ĩna. Ito yicōri ĩ ya wire ũmua, ñami cuni ĩre moa ĩsiamā ĩna. Ito bajiri ĩ masirisena ĩnare codetĩñagū yiguĩji Dios. ¹⁶ Ito bajiri juaji ñiocōmena yirāji ĩna. Juaji idi āmomena yirāji ĩna. Ito yicōri ũmacañi juaji asi jeobicu yiguĩji ĩnare. Ito bajiri asirise tōoimena yirāji ĩna. ¹⁷ Ũju ya cumuro riojo ñagū Oveja Macu, ĩnare codegu yiguĩji. Oveja coderi masu robo bajiro ĩnare codegu yiguĩji ĩ. Ide catitĩñare gaye idijaro ĩna yirocu, ĩnare tūa wacu yiguĩji Oveja Macu. Īna ya caejari yago ide wejacāgū yiguĩji Dios. Ito bajiri wanurā, tūdi otimena yirāji ĩna ĩja, yiqui ĩ yure.

8

Ruyariju suobiaraju ñigāre gaye

¹ Ito yija Oveja Macu jua āmojeno suobiaraju ruyariju ñigāquĩ ĩja. Ito bajiro ĩ yiroca yoa busari treinta minutos ũmacāju macārucāroju oca manoti ñacu. ² Ito bajija bero jua āmojeno āngel mesa Dios riojo ĩna rāgōja ticu ya. Jua āmojeno trompeta jutiragari boca āmicā ĩna. ³ Ito yija gāji āngel oro tēroju soeja suti quenarise sãcōri ejaquĩ. Diore rucubworā ĩna soe ĩsositira casabo riojo rāgōquĩ ĩ. Ito yicōri jaje soeja suti quenarise boca āmiquĩ ĩ. Iti ñacu, Dios ñarā Diore ĩna busiroca soe ĩsiriti. Ito yicōri ũju ya cumuro riojo Diore soe ĩsira casaboju Diore soe ĩsiquĩ ĩ. Orona ĩna menira casabo ñacu iti casabo. ⁴ Ito bajiro ĩ soe ĩsija bueri quenogū suti quenarise bue ejacu Diore. Dios ñarā ĩre ĩna busirise cuni ejacu ĩ tu. ⁵ Ito yija āngel Diore ĩna soe ĩsira casabo gaye ĩ rucori tēroju riti yorise sã dajoquĩ. Ito yicōri adi sitare riti yorise yua queoquĩ. Ito bajiro ĩ yijare bue ĩ borea yirise ñacu. Bujō oca cuni ruyucu. Ito yicōri guijoro ruyucu. Ito bajicōri sita ũecu. Ito bajirise ticu ya, ya cāiroja.

Jutiragari gaye

⁶ Ito yija bero trompeta wame cutirisenana jutirona ruco yucãcã ángel mesa jua ámojeno ñarã.

⁷ Cajero gaga jutisuoquĩ. Ī jutirocati ide bura kujiri sitaju quedi queacu. Ito yicõri jea ujurise ri wbasarise quedi queacu. Iti quedi quearoca sita gudareco adojua busacõ na jedicoacu. Yucu cuni gudareco adojua busacõ uacu. Ta cati cuni na jedicoacu.

⁸ Ito bero gaga ángel jutiquĩ. Ī jutirocati gútagú bajiro ujucõri riaca jajosaju quedi roacu. Ito bajiroca riaca jajosa gudareco adojua busacõ ri godo wedicu. ⁹ Ito bajiri riaca jajosa gána gudareco adojua busacõ cõ jedicoacã ĩja. Ito yicõri gudareco adojua busacõ cuma bucuri ruja jedicoacu ĩja.

¹⁰ Ito bero gaga ángel jutiquĩ. Ī jutirocati umacũju gaga ñocõa jaigu quedi quĩ. Jea ujurise bucu bajiro quedi quĩ ĩ. Riacarĩ, ide umaburi gojeri gudareco adojua busacõ quedi roaquĩ ĩ. ¹¹ “Særise”, wame cutiquĩ ĩ ñocõamu. Ito bajiri gudareco adojua busacõ særise godo wedicu ide. Ito bajiri itire idicõri masa jãjarã godacã.

¹² Ito bero gaga ángel jutiquĩ mucana. Ī jutirocati umacañi umua gaga gudareco adojua busacõ ñeñaquĩ. Ito yicõri ñami gaga gudareco adojua busacõ ñeñaquĩ. Ñocõa cuni itocõti ñeñacã. Ito bajiri gudareco adojua busacõ busubiticã ina. Umua gaga juarijari cõrecõ busubiti quĩ. Ñami gána cuni iticõti busubiticã.

¹³ Umacũju ti mucoca yigu, ga ĩ wutija ticu yu. Ado bajiro oca sãoro busi ruyucuquĩ ĩ: —Bujato bajiro wado ya adi sita gãnare. Udiarã ángel mesa jutimena ina jutiroca buto tãbujarã yirãji adi sita gána. Bujato bajiro yiroja ñare, yi ruyucuquĩ ĩ yu tuoja.

9

Susabiti goje gaye

¹ Ito bero co dujamo ñagũ ángel jutiquĩ mucana. Ī jutirocati sigũ ñocõa robo bajigu ado jacaju ĩ quedi queaja ticu yu. Quedi queacõri susabiti goje soje janado boca ámi quĩ ĩ. ² Ito yicõri iti sojere janaquĩ ĩ. Ī janagoroca jairo ujurime bueri robo bajiro mujacu. Jairo bue dajacõri rãitãacoacu. Ito bajicõri umacañi cuni ruyubiti quĩ. ³ Iti bueri wato ñimia jãjarã wati batacã adi macãrucãrore. Cotiwãja robo bajiro toarã ñacã ina ñimia. ⁴ “Tare, yucure, oteja judiriserẽ cuni ba ñeñobesa mua”, Dios ĩ yicãna ñañi ina. “ ‘Ñani ñami Dios yagu’, wame wãñamenare riti usirioro yiba mua”, Dios ĩ yicãna ñañi ina. ⁵ “Masare usirioro yiba”, Dios ĩ yiana nabojarãti, “Masare sãama”, ĩ yiana meje ñañi ina. “Co dujamocõ umacañicõ masare rujuri juniroca yiba”, Dios ĩ yicãna ñañi ina. Masare rujuri juniroca ina yija, cotiwãja ĩ toaro bajiro junirã ñacã ina. ⁶ Iti rumuri iti ejaroca buto goda ãmorã yirãji masa. Ito bajibojarocati goda masimena yirãji ina. Ejori godo ãmbojarãti godamena yirãji ina.

⁷ Yu tija ñimia cabarua robo bajirã ñacã. Gãmeri sãarona ña yucãna robo bajiro bajicã ina. Ina ya rijogari joe oro bedori bajirise jesacã ina. Ito yicõri ina ya riori, masu rio bajiroti bajicu. ⁸ Ina ya joa romia joa bajirise ñacu. Ito yicõri ina ya guji yai guji bajirise ñacu. ⁹ Ina ya ruja cuni gaye come wero robo bajirise ñacu. Ina wutija ina ya caerori cabarua jãjarã ina umaqueyuro bajiro ruyucu. Gãmeri sãarã warã jãjarã cabarua tunuricori ina tãa waro bajiro ruyucu. ¹⁰ Cotiwãja jotia robo bajiro jotaga cutirã ñacã ñimia. Ito bajiri co dujamocõ umacañicõ masare rujuri juniroca yi ñacã ina. ¹¹ Ina ñimia uju sigũ ñaquĩ. Susabiti goje gaga ñaquĩ ñimia uju. Ángel ñagoru ñaquĩ ina uju. Hebreo ocana Abadõn wame cutiquĩ ĩ. Griego ocana Apoliõn wame cutiquĩ. “Ruyuriori masu”, yireoni ña iti.

¹² Ito bajiro rãtacu cajero tãbujashoroti gaye. Ito bero juaji goge ruyucu mucana.

¹³ Ito yija bero gaga ángel jutiquĩ mucana. Ī jutirocati Dios riojo ire soe isira casabo juaria saburi sabu cutiri casabo wato oca ruyucu. ¹⁴ Ito juti ruyucacure ado bajiro oca goti ruyucu: —Eufrates wame cutirisa tu juariarã ángel mesa ñagoana sia cunare õjaña, yire oca ruyucu.

¹⁵ Ito bajiri juariarã ángel mesa ñagoanare õjaquĩ ĩ. Gudareco adojua busacõ masare sãajaro yirocu, ñare õjaquĩ ĩ. “Iti rodoti, ĩ umacañiti, iti ramuti, iti horati ñare sãama”, yi goticãna ñañi ina. ¹⁶ “Doscientos millones surara cabaru joeju jesarã ñama”, yire gaye oca tuocu yu.

¹⁷ Ito yirocati yu cãiroju cabaru joe jesarãre ticu yu. Ina ya ruju cuni gaye ricati riti ñacu. Gãjerã sũarise, gãjerã sumearise, gãjerã bodearise cuni cuticã ina. Yai rijoga bajiro rijoga cuticã ina cabarua. Ina ya riseriju bueri, jea, ito yicõri azufre wame cutirise cuni budicu. ¹⁸ Iti udiãji gaye cabarua ya riseriju buedicati gudareco adojua busacõ masare sãacu iti. Jãjarã masare jeana, buerina, ito yicõri azufre wame cutirisenana cuni masare sãacã ina. ¹⁹ Ina ya riserina, ina ya jotiãrina cuni masare sãa masirã ñacã cabarua. Ina ya jotiãri ãña robo bajiro rijoga cuticu. Ito bajiri ina ya jotiãrina masa ina tãbujaroca yicã ina.

²⁰ Jãjarãre sãacã ina. Ñare sãaja tãbojarãti ina ñeñaro yirise jidicãbiticã gãjerã. Rãmũare rãcũbuo jidicãbiticã ina. Rãcũbuorona ina meniana ñacã. Oro, plata, bronce wame

cutirisena, gāta, yucna cāni menicā ĩna ĩnare rūcābuorona. ĩna menire tirise meje, warise meje, tuorise meje ũabojarocati itire rūcābuotĩnacā ĩna. ²¹ Gājerāre sĭa jidicābiticā ĩna. Masare ĩna rojarise jidicābiticā ĩna. Romiare ĩna ajerise jidicābiticā. ĩna rinirise cāni jidicābiticā ĩna.

10

Dios ũaro gagu ángel papera tunara joti rūcogu

¹ Ito yija gāji ángel sēogū ũmacāju ĩ ruji wadija ticu yu. Ide bueri wato ruji wadiquĩ ĩ. ĩ ya rijoga weca bue bedo ũacu. ĩ ya rio ũmacañi ũma gagu bajiro yocu. ĩ ya ũicuri jea ājurise curise buca robo bajiro bajicu. ² ĩ ya āmoju papera tunara joti ōjacōri rūcoquĩ. Ruji ejacōri ĩ ya gūbo riojocaduja riaca jajosa cūda roaquĩ ĩ. ĩ ya gācodujaga gūbo boeju cūda cūquĩ. ³ Ito yicōri oca sēoro awasāquĩ. Yai awasāro bajiro ruyucu ĩ awasāja. ĩ awasārocati jua āmojeno bujoa busi ruyucā. ⁴ Bujoa oca ruyurise ucarocu yibojacu yu. Iti ucagu wagu yu yirocati ũmacāju ado bajiro oca ruyucu yure:

—Jua āmojeno bujoa oca ruyurise gājerāre gotibesa. Ucabesa itire, yire oca ruyucu yure.

⁵ Ito yija bero co duja gūbo riacaju cūda rūgōcōri gaje duja gūbo boeju cūda cūgū, ĩ ya āmo riojocaduja ũmacāju ĩ ũumuoja ticu yu. ⁶ Riti bajiro yiroja yirocu, “Dios catiũĩagū ĩ tiro riojo ado bajiro ya yu”, yiquĩ ĩ. Dios ũami ũmacāju macārūcōrore rujeoru. Sita, riacari curise, ito yicōri jeyaro itiju ũarise rujeoru ũami ĩ. Riti bajiro yiroja yirocu, Dios ĩ tiro riojo ado bajiro ya yu:

—ũe sejare mano yiroja ĩja. ⁷ Susagu ángel jua āmojeno ũagū ĩ jutiroca, “Ado bajiro yigu yiguja yu”, Dios ĩ yiado bajiroti yigu yiguĩ ĩ. Jane mejeju masare iti gaye goti jeobisĩ ĩ maji. ĩre goti ĩsiri masare riti gotiĩ ĩ. ĩnare ĩgotiado bajiroti rētarō yiroja ángel susagu ĩ jutija, yiquĩ ĩ.

⁸ Ito bajiro ĩ yija bero ũmacāju oca ruyucati tūdi ruyucu yure mūcana. Ado bajiro yi ruyucu yure:

—Ángel ĩ ya riojocaduja riacaju cūda roacōri, boeju cūda cūgū tu wasa. Papera tunara joti ĩ rūcorise āmiña, yire oca ruyucu yure.

⁹ Ito bajiro iti ruyuja tuocōri, ángel tu wacu yu. ĩ tu ejacōri papera tunara jotiācā ĩre senicu yu. Yu senija ado bajiro yure cūdiquĩ ĩ:

—ĩmo baya. Iti mū baja beroa ide robo bajiro ibisitiro yiroja mū ya rise. Ito bajibojarocati iti mū baja bero ũeme jiacōri mure jeraga juniro yiroja, yiquĩ yure.

¹⁰ Ito ĩ yirocati āmoju ĩ rūcorise papera āmicu yu. Itire āmicōri bacu yu ĩja. Beroa ide robo bajiro ibisiticu iti yu baja. Ito bajibojarocati iti yu baja bero yu ya jeragaju buo junicu. ¹¹ Yu baja beroju ado bajiro yure gotiquĩ ĩ:

—“Co butu gāna rūyabeto, co sita gāna rūyabeto, co oca rūyabeto busirāre, ito yicōri ujarā ũarocōreti ado bajiro rētarō wado yiroja”, Dios ĩ yire gaye mūcana tūdi goti quenore ũa mure, yiquĩ ángel yure yu cāiroju.

11

Jāarā busi ejabuarī masa gaye

¹ Ito yija bero cōiara jāi, yoari jāi yure ĩsiquĩ. ĩsicōri ado bajiro yure gotiquĩ ĩ:

—ĩmo, āmiña. Yu ya wire yure rūcābuorā masa ĩna minjuara wire cōiatēña. Yure ĩna soe ĩsira casabore cāni cōiama. Ito yicōri yure rūcābuorāre cōiama. ² Yu ya wi riojo ũari tūcūrore cōitabeja. Yure boca āmimena ya tūcūro ũa iti tūcūro. Yu ũarā meje ũama ĩna. ũdia rodo gaje rodo gudarecōcō yu ya cūto ũeñaro yi ucurā yirāji ĩna. ³ Ito bajiri jāarā yu gaye busirā yure busi ejabua waronare cōagū yiguja yu. ũdia rodo gaje rodo gudarecōcō yu gayere busi ũarā yirāji ĩna. Bojori bujarā ĩna sāñarise sāñarā yirāji ĩna, yiquĩ Dios yure.

⁴ Adi macārūcōro ũju Dios riojo, olivos wame cutiricu juagu ũa. Ito yicōri jeobusuora tutu jua tutu ũa. Iti robo bajiro bajirā ũama jāarā ĩre busi ejabuarā. ⁵ ĩna wajanare ĩna ũeñaro yi āmoja, ĩna ya riserina jea bucā ĩna. Ito bajiro yicōri ĩna wajanare soe jeocā ĩna. No ĩnare ũeño āmorāre ito bajiroti soecā ĩna. ⁶ Ide quedire ĩna āmobeja, idere camota masirā ũacā ĩna. Dios gaye ĩna riasoroca ide quedibe yirona camotacā ĩna. Idere ri iti godo wediroca yi masirā ũacā ĩna. Ito yicōri adi sita ũarise jeyaro iti juniroca yi masirā ũacā ĩna. ĩna āmorocō yisoticā ĩna itire.

⁷ Diore ĩna busi ejabuarise gajanoaroca susabiti goje gagu guijogu ĩna tu mūja ejaquĩ. ĩnare ũia rētocūquĩ ĩ. Ito yicōri ĩnare sĭaquĩ ĩ. ⁸ ĩnare sĭacōri jaja cūto ma gudareco ĩna ya rūjūrire cūquĩ susabiti goje gagu. Mani ũjure ĩna sĭara cūto ũacu iti cūto. Iti cūto gāna ũeñaro yirā ũari Sodoma cūto gāna, ito yicōri Egipto gāna bajiro bajirā yicā ĩna. ⁹ ũdia rumu gaje rumu gudarecōcō majū Diore busi ejabuarī masa ya rūjūri cūñacu. Masa jeyaro, co butu

gāna ruyabeto, co oca ruyabeto busirā, co sita gāna ruyabeto ĩna ya rujarire ticā. ĩna yuje āmobjarocati masare camota ñaquĩ susabiti goje gagu. ¹⁰ Busi ejabuari masa juarā ĩna godaja ticōri, wanucā adi sita gāna. Wanusarā ñarā basa menicā ĩna. Ito yicōri waja manoti gāmeri gajeoni ĩsicā ĩna. “ĩna jaarā Diore busi ejabuari masa tedi manire usirioro yimenaji”, yi tuojarā wanucā iti cuto gāna.

¹¹ Ito bajibojarocati udia rumu gaje rumu gudarecocōti ĩre busi ejabuarā jaarā tedi ĩna catiroca yiquĩ Dios. Ito bajiro ĩ yijare wumu rügücā ĩna. ĩnare ti ñabojana ĩna wumu rügüja, ti ucacā. ¹² Ito yija bero oca sēoro ũmacüju oca ruyucu ĩna jaarāre:

—Adojua muja waya, yire gaye oca ruyucu ĩnare.

Ito yija bero ide buerina muja wacā ĩna ĩja. Ito bajiro ĩna muja waja, ĩna wajana ñabojana ĩnare ticā. ¹³ ĩna muja warocati adi sita buto uecu. Ito catore mil wiri iti ñaja, cien ñari wiri juja quedicu. Sita uerisena siete mil ñarā masa godacā. Gājerā cati ruyarā ti ucacōri güicā ĩna. Ito bajiri ũmacüju gagu Diore rucubuoacā ĩna.

¹⁴ Ito bajiro rētarise adi rāca masa ĩna tōbujarise juaji rētasuocu. Nocō mejeti mucana masa ĩna tōbujaroti rētacu.

Jua āmojeno ñagü Dios ñaro gagu ĩ jutire gaye

¹⁵ Ito yija bero susagu jua āmojeno ñagü āngel jutiquĩ. ĩ jutirocaci ũmacüju oca sēorise ruyucu yu tuoja. Ado bajiro yi ruyucu iti:

Adi macārucūro gāna ñajediro rotirona ñama Dios mani ũju, ito yicōri Cristo cuni. ũjarā roti masirā ñatiñarā ñarā yirāji ĩna, yire oca ruyucu ũmacüju yu tuoja.

¹⁶ Ito yiroca veinticuatro ñarā bucārā Dios riojo uju ya cumuroriju rujirā ñini rüjücōri sitaju ĩna ya rio muqueacā ĩna. Ito bajiro yicā ĩna Diore rucubuoarā. ¹⁷ Ado bajiro busi ruyucā ĩna: Guare queno ya gua ũju mu. Rētoro masigü ña Dios mu. ĩnimu gāji mu robo masigü mami. Ito rumuju gagu ña mu, adocāta gagu cuni. ĩjariju cuni ñatiñagü yigüja mu. Buto masigü ñari adocāta masare rotisuoā mu. Ito bajiri, “Queno ya mu”, ya gua mure.

¹⁸ Mure masimena co sita gāna ruyabeto mure ti junisinicā ĩna. ĩna tōbujaroca mu yira rumu ejacoaju ĩja. Ito yicōri godarāre waja mu seniri rumu ejacoaju. Mure moa ĩsicōri ĩna mure goti ĩsire waja, waja yira rumu ejacoaju ĩja. Mu ñarā mure rucubuoanare mu waja yira rumu ejacoaju. Ñasarā, ñasa menare cuni mu ñarā ĩna ñajare ĩnare waja yigu yigüja mu. Ito yicōri adi sita gānare ñeñaro yirāre mu ruyurioroti rumu ejacoaju, yicā veinticuatro ñarā bucārā Diore rucubuoarā.

¹⁹ Ito yija bero ũmacüju Dios ya wi iti janaja ticu yu. Ito wi totiju Dios ĩ rotirise sãñari jero iti ñaja ticu yu. Ito yu tirocaci bujo jaquĩ. Ito yicōri buto busiquĩ. Ito wato guijorise ruyucu. Sita cuni uecu. Ito yicōri ide bara kujiri guijoro jaje quedicu.

12

Romio tu jino robo bajigu bucu ĩ ejare gaye

¹ Ito bero ũmacüju ĩjariju rētaroti ruyucu yure. ũmacañi ĩ yorise bajirise saya sãñacō iso romio. ũmacañi ñami gagu joe rügöcō iso. Iso ya jesara bedoju jua gubojeno ñocōa ñacā.

² Macu sãñagō ñacō iso. Ito bajiri macu cōgō awasācō. ĩti junijare oca jai ñacō iso. ³ ũmacüju ĩja rētaroti gaye gaje ruyucu. Iso tu jino robo bajigu sũagü bucu ñaquĩ. Jua āmojenogāri rijoga cutiquĩ ĩ. Jua ñajamocō saburi sabu cutiquĩ. Ito yicōri co rijoga ruyabeto jesara bedo jesaquĩ.

⁴ Ñocōare gudareco adoju busacō ĩ ya jotiana ja ñajöquĩ ĩ. Ito bajiri sitaju queda queacā ĩna ñocōa. ĩ jino robo bajigu bucu, macu cōgō tu tujaquĩ. “ĩ rujearocati ĩre bacuja”, yirocu tujaquĩ ĩ. ⁵ Ito ĩ yiroca ũmugü macu cuticō iso. Masa jeyaro ũju ñarocu ñaquĩ ĩ. Dios ĩ cürü ñari sēoro roti masiquĩ. Iso rucoja bero uju ya cumuro Dios ĩ rujiro tu ĩre āmi ejacā ĩna. ⁶ Ito yirocaci masa manojü rudicoacō macuacā jaco. Itoju iso ñarotiju ñacācu Dios ĩ cürāju. Itoju mil doscientos sesenta rumari codequĩ Dios isore.

⁷ Ito yija bero ũmacüju ĩna gāmeri sĳaja ticu yu. Āngel mesa Miguel uju rāca ñarā, āngel mesa ñagoana jino robo bajigu bucu ñarā rāca gāmeri tēcā ĩna. ⁸ Miguel mesare rētocūbiticā ĩna. Ito bajiri ũmacüju Dios tu ña masibiticā ĩna ĩja. ⁹ Ito bajiro ĩna yijare jino robo bajigu bucare bucōaquĩ Dios. Dios ĩ bucōaruti ñami rāmúa uju Satanás wame cutigu. ĩti ñami jane mejeju jino robo godo wediru. ĩti ñami masa jeyarore ruogu. ĩ ñarā Dios tu ñagoana rācati bucōaquĩ Dios adi sitaju ĩna ñatoni.

¹⁰ Ito yija ũmacüju oca sēoro ado bajiro ruyucu:

—Masare masorocu ñacāmi Dios ĩja. Ito bajiri mani ũju ñarocu ñami ĩ. ĩ masirise cuni ĩorocu ñacāmi. ĩ Macu Cristo cuni ĩ masirisena rotirocu ñacāmi. Rāmúa ujure bucōacacu ñami ĩ. ĩ bucōaruti ñami Cristore tuorñurāre oca menigü. ũmua, ñami cuni Dios ĩ tiro riojo mani ñarāre oca meni āmobjagu, “Seti cutiama ĩna”, yisotibojami ĩ Diore. ¹¹ Mani ñarāju ĩre

rêtocûcã ina. “Í ya rína mani ñeñaro yirisere coe jeogu yiguñji Oveja Macu”, yi tuoñacõri rãmúa ñjare rêtocûcã ina. “Cristo oca mani riasoja ticõri, manire sïarã yirãji”, yi tuoña güibiticã ina. “Manire ina sïa ãmobjarocati Dios ocare jidicãmenaji mani”, yi tuoñacã ina. Ito bajiro yicõri rãmúre rêtocûcã ina. ¹² Rãmúre ina rêtocûja ticõri, wanña ñmacûju gãna mua. Mua adi sita gãnareama bujato bajiro yiroja. Mua riaca jajosa gãnare cuni bujato bajiro yiroja. Mua taju rujicoami rãmú ñja. Ito bajiri bujato bujarã wana ya mua. “Yoari mejeti yi tõbujaroca yigu yiguñji Dios”, yiroca buto junisiniami rãmú adocãta, yi ruyucu oca ñmacûju.

¹³ “Adi sitaju cõami Dios yare”, yi ti masicõri, romio macu rucorore sayaquí jino robo bajigu bucú. ¹⁴ Isore í sayabojarocati ga caero jua caero curise bucú isore ísicã ina iso wutitoni. Ito bajiri masa manõju iso ñarõju jinore wati rudi wacõ iso. Itoju ñdia rodo gaje rodo gudarecõ isore bare ecacõri tirãnu ñaquí Dios. ¹⁵ Iso rudija ticõri, isore sïa ãmoquí jino robo bajigu. Ito bajiri í ya risena ide buquí isore rurocu. ¹⁶ Ito bajiro í yibojarocati sita ejabuacu isore. Rãmú ide í bubojare sitati udi ãmi jeocõcu. ¹⁷ Iti ito bajija ticõri, buto romiore junisiniquí jino robo bajigu. Isore sïa masibiticõri iso janerãbatiare tãgu waquí rãmú. Ina ñama Dios rotirise cudirã. Ito yicõri Jesucristo oca tuorãnu sayarã ñari bojomenati masare goti batorã ñama ina. ¹⁸ Ñare sïa ãmogú jino robo bajigu riaca jajosa tunima jajuju bocati ñacãquí í, yu cãiroju yu tija.

13

Ñarã guijorã tiya mana gaye

¹ Ito bero yu cãiroju sãgú guijogu tiya macu í maja wadija ticu yu. Jua ãmojenogãri rijogari cutigu ñaquí í. Jua dujamocõ saburi cutiquí í. Co saburi ruyabeto come bedori jesacu. Í ya riowecariju wame wãñacu. Wame ñeñarise iti ñajare itire ti te ñaquí Dios. ² Í guijogu yu ticacu, yai robo bajiro bajiquí. Oso wame cutigu bajiro curise gubo cutiquí í. Yai jaigu bucú robo bajiro rise cutiquí í. Guijogure queno í masiroca yiquí jino robo bajigu. Ito yicõri í rujiri cumuroju ñre rojoquí guijogure. Ito yicõri masare í roti masiroca yiquí jino robo bajigu. Ito bajiri jino robo bajigu bajiroti roti masiquí guijogu cuni. ³ Guijogu coga í ya rijogaju ñre ina sïabojare cami cutiquí í. Í ya cami yaticoayija yu tija. Í catija ticõri, adi sita gãna ñarocõti ñre ti ucacã. Ito bajiri ñre rucubuo sayacã ina. ⁴ Guijogu í roti masiroca jino robo bajigu í yijare, jino bucujuare rucubuoã masa. Ito yicõri guijogure cuni rucubuoã ina. ñre rucubuoã adõ bajiro yicã ina:

—Ñimu gãji ãni guijogu robo bajigu mami. Ñimu gãji ñre tã rêtocugú mami, yi rucubuoã masa guijogure.

⁵ “Yu ña rêtoro ñasagu. Ñimu gãji yu robo bajigu maquñji”, yiquí guijogu. Ito yicõri Diore ñeñaro busituquí í. Cuarenta y dos ñmacañicõ roti ñaquí í. Ito bajiro í yija ticõaquí Dios. ⁶ Dios í tuoro riojo ñre busituquí í. Dios wamere ñeñaro busiquí í. Dios ya wire cuni ñeñaro busiquí í. Ito yicõri ñmacûju gãnare cuni busituquí í. ⁷ Dios ñarã rãca gãmeri tãcõri ñare rêtocûquí í. Ito bajiro í yibojarocati ticõaquí Dios ñre. ñre rêobitiquí Dios maji. Ito bajiri co butu gãna ruyabeto, co cuto gãna ruyabeto, co oca ruyabeto busirã, ito yicõri co sita gãna ruyabeto roti ñaquí guijogu. ⁸ Adi sita gãna ñajediro ñre rucubuo jedicã ina. Adi macãrucãrore Dios í rujeoroto riojuaju, “Ána ñama yu ñarã, catifñaronã”, yiaru wame wõcãñi í ya papera tutiju. Iti tutire rucogu í ñami Oveja Macu, ina sïaru. Iti tutiju wame wãñamena guijogure rucubuoã ina, yu cãiroju.

⁹ No gãmo goje cutirã tuoya. ¹⁰ “Seti cutirã ñama ina”, ina yi ñia ãmi warãma, tubiara wiju ãmi warã yirãji. Ito yicõri, “Seti cutirã ina ñajare sarera jãina ñare sïaja quena”, ina yianare sarera jãina sïarã yirãji ina. Ito bajiri mani Dios ñarã ñari mani tõbujabojaja cuni tuoña usirio yibitirãja manire. Ito yicõri Diore tuorãnu jidicãbitirãja manire.

¹¹ Ito yija bero gãji guijogu sitaju í joejea wadija ticu yu. Jua sabu mutacã oveja macu saburiacã robo bajiro sabu cutiquí í. Ito bajibojarocati jino oca robo bajiro ruyucu í busija. ¹² Cajero gagu guijogu í bero gagure í robo bajiroti í roti masiroca yiquí í, ñre. Ito bajiri masa ina sïabojaru cami cutigure masa ñre rucubuo roca yiquí í, bero gagu. ¹³ Í cuni masa tiro riojo guijorise tiyamani íoquí. Masa ina tiro riojo ñmacûju gaye jea ñjarise jacaju iti quedi quearoca yiquí í. ¹⁴ Ito bajiro masa ina tiro riojo tiyamani í ñoju, ñare tuogu yiquí í. Cajero gagu guijogu í ñaroca riti tiyamani íosotiquí í bero gagu. Cajero gagu guijogu ruju robo bajiro masare meni rotiquí bero gagu. Cajero gagu guijogu í ñaquí sarera jãina ina cami menibojaru. Í ya ruja robo bajiro masare meni rotiquí bero gagu. ¹⁵ Masa ina meni rujeoja ticõri, ina menirure catiocõri í busiroca, bero gagu guijogu í yi masiroca yiquí cajero gagu guijogu. Ado bajiro gotiquí ina meni rujeoru: “Yure rucubuo menare sïaja quena”, yi rotiquí yu cãiroju. ¹⁶ Ito yija masa ñajedirore ina ya ãmo riojocadujare, ito yicõri ina ya riowecare wame wõ rotiquí í. Ñasari masa, ñasamenare cuni, niyeru jairã, bojoro bujarã, queno ina

ãmoru robu ñarãre cuni, gãjerãre moa Isiri masare cuni Ìna ñarocõreti wame wõ rotiquĩ Ì. ¹⁷ Waja ãmorã Ìna Ìsi ãmobjarocati gãmeri Ìsire manicu, wame wãñamenare, Ì rëojare. Guijogu wame ito yicõri Ì ya número wãñamenare waja gãmere manicu Ìnare.

¹⁸ “Ito bajiro yireoni ña iti número”, mani yi masi ãmoja, queno itire riasotija quena. Iti número ãmugũ wame yireoni ña. Ado bajiro bajicu iti número, seiscientos sesenta y seis ñacu.

14

Dios Ì masoana Ìna basare gaye

¹ Ito bajija bero Siõn wame cutiri buro joe, Oveja Macure Ì rãgõja ticu ya. Ciento cuarenta y cuatro mil ñarã ñacã masa Ì rãca. Ìna ya riowecariju Oveja Macu wame, ito yicõri Ì Jacu wame wãñacu Ìnare. ² Ito bero ùmacãju oca ruyucu. Gãta iti udiro bajiro, bujo buto Ì jaro bajiro, ito yicõri arpa wame cutirise jãjarã basa Ìna meni ro bajiro ruyucu. ³ Juararã tãña mana catirã, ito yicõri veinticuatro ñarã bucãrã Dios rotira cumuro tu ñacã. Ìna riojo ciento cuarenta y cuatro mil ñarã mame basa sãcã Ìna. Adi sita gãna Dios Ì masoana riti basa sãa masicã itire. ⁴ Ìna ñacã romia rãca ajeñamena. Ñeñaro yi ãmobiticõri romiare ajeñabiticã Ìna. Oveja Macure cadicõri no Ì waroju Ì rãca wacã Ìna. Adi sita gãna Dios Ì masoana ñacã. Ito bajiro bajirã ñari Ìna ñacã cajero Oveja Macu ñarã, ito yicõri Ì Jacu ñarã ñasuoana. ⁵ Ìna wato sigũ socagu maniquĩ. Dios Ì tiro riojo seti mana ñacã Ìna.

Dios ñaro gãna udiarã

⁶ Ito bero gãji ángel ùmacãju Ì wutija ticu ya. Ì ñacuĩ, “Masare masogu yiguĩji Dios”, yire oca gotigu. Wasoa ecobeto yiroja iti ñatĩñaroti ñari. Co sita gãna ruyabeto, co butu gãna ruyabeto, co oca ruyabeto busirã, ito yicõri co cuto gãnare ruyabeto iti oca busirocu ñacuĩ Ì. ⁷ Ado bajiro sãoro busi ruyucu Ì:

—Jeyaro masigũ Dios Ì ñajare, Ìre gũija quena. Ito yicõri Ìre rãcubuoja quena. Masa Ìna ñeñaro yirise waja, waja senira rumu ejacoaju Ìja. Dios Ì ñami ùmacãju, jaca ju cuni, riacari, ide ùmaburijuri cuni meniru. Ito bajiro yiru Ì ñajare Ìre rãcubuoja quena, yi ruyucuĩ ángel ùmacãju.

⁸ Ito bero mucana gãji ángel Ì wutija ticu ya. Ado bajiro busi ruyucu Ì:

—Babilonia wame cutiri cutore, ito yicõri iti cuto gãnare cuni ruyuricuĩ Dios. Babilonia gãna gãjerã Ìna ñeñaro yitoni usirio codecã Ìna. Sigũ uyé ide queagu Ì usirio codero bajiro yicã Ìna, yi ruyucuĩ ángel.

⁹ Ito bero gãji ángel ticu ya. Ìna udiarã ticu ya jeyaro. Ado bajiro oca sãoro busi ruyucu Ì:

—Guijogare rãcubuoarã Ìna tãbujaroca yigu yiguĩji Dios. Ì ya raju Ìna meni rujeorare rãcubuoarã cuni Ìna tãbujaroca yigu yiguĩji Dios. Ì wamere Ìna ya ãmoju, Ìna ya riowecaju wõ rotirãre ti junisinigũ yiguĩji Dios. Ito bajiri Ìna tãbujaroca yigu yiguĩji Ì. ¹⁰ Ado bajiro bajija iti. Uyé ide, ide wuoya mani buto riarise ñacu. Iti uyé ide buto riarise wuoya mani robu bajiro buto Ìna tãbujaroca yigu yiguĩji Dios. No guijogare rãcubuoarã jeame ãjuroju cãagũ yiguĩji Dios. Jeana, azufre wame cutirisena cuni tãbujarã yirãji Ìna. Oveja Macu Ì tiro riojo ángel mesa Ìna tiro riojo cuni tãbujarã yirãji Ìna. ¹¹ Ìna ñarime gaye bueri buetarojobetoja. Ito bajiri guijogare rãcubuoarã Ìna tãbujarise jedibeto yiroja. Ìna meni rujeorare rãcubuoarã, ito yicõri Ì wame wõ rotiana cuni ito bajiro tãbujarã yirãji Ìna. ¹² “Ito bajiro tãbujarã yirãji Ìna”, yi tuõicõri, Dios rotirisere queno cadiba mua, Ì ñarã ñari. Jesure tuorãnu jidicãbeja mua. Mua tãbujabojaja cuni usiriobeja, yi ruyucuĩ ángel ùmacãju.

¹³ Ito yija bero gaje oca ruyucu ñare ùmacãju. Ado bajiro yare yi ruyucu iti:

—Yu mare gotirisere ucaya. No Diore tuorãnu jidicãmena Ìna godabojaja cuni wanu quenarã yirãji, yi ruyucu oca yare.

Gaje ado bajiro yi ruyucuĩ Espiritu Santo:

—Riti baja. Ìna moarise jidicãcõri, tujacãrã yirãji Ìna. ùmacãju Ìna ejaroca queno Ìna yigorere waja yigu yiguĩji Dios Ìnare, yi ruyucuĩ Espiritu Santo.

Diore tuorãnuarã miojucõri Ì ãmire gaye

¹⁴ Ito yija ide bueri queno botirise ticu ya. Ide bueri joe Masa Rìjoru robu bajigu rujiquĩ. Oro bedo jesaquĩ Ì. Ì ya ãmoju yoara jãi odiri jãi rucocuĩ Ì. ¹⁵ Ito yija gãji ángel Dios ya wiju Ì budija ticu ya. Ide bueri joe rujigare oca sãoro ado bajiro busi ruyucu Ì:

—Macãrucuro rica boticoaju. Rica ãmiraju ejacoaju Ìja. Ito bajiri ricare jata ãmiña Ìja, yi busi ruyucuĩ ángel.

¹⁶ Ito Ì yija tuocõri, ide bueri joe rujigu Ìre tuorãnuarã miojucõri ãmiquĩ. Ricare jata ãmigũ robu bajiro yiquĩ Ì.

¹⁷ Ito bero ūmacāju Dios ya wiju ángel gāji budiqui mɛcana. Ī cuni yoara jāi odiri jāi rucocu. ¹⁸ Ito bero gāji ángel Diore ĩna soe ĩsotira casabo jea codegu budiqui. Odiri jāi rucogare sɛoro ado bajiro busi ruyucu:

—Macārucāro gaye ayé ĩncocaju ĩja. Ito bajiri mɛ ya yoara jāi odiri jāina jata āmiña, yi busi ruyucu yu tɔoja.

¹⁹ Ito ĩ yija tuocōri, ĩ ya yoara jāina adi sita ricare jata āmiqui ĩ. Āmicōri iti ide bijerotiju cūqui ĩ. “Masa ĩna ñeñaro yirise ti junisinicōri buto ĩna tōbujaroca yigu yigūji Dios”, yireoni ña iti. ²⁰ Cuto sōjuaju ide bije ecocu iti ayé. Iti bjeja riaca robo bajiro wacu rí. Trescientos kilómetrocō yoaca ĩtiya riaca. Cabaru ya wayugacō ĩcaca ĩtiya.

15

Jua āmojeno Dios ñaro gāna ñarise rucorā

¹ Ito bero mɛcana ūmacāju tiyamani guijorise ticu yu. Ángel mesa jua āmojeno ñarāre ticu yu. ĩja rɛtaroti gaye jua āmojeno ñarise ĩna rucocaja ticu yu. Iti ñacu masa ĩna ñeñaro yirisere ti junisinicōri ĩna tōbujaroca Dios ĩ yisusaroti.

² Ito yija riaca jajosa ide ruyurisa, jea wasarisa ticu yu. Itiya tu masa jājarā ĩna rŭgōja ticu yu. ĩna ñacā gujogare, ito yicōri ĩ rujare bajiro masa ĩna meni rujeorare rɛtocuana. ĩna ya riowecare gujogu ya número wāñarā meje ñacā ĩna. Riaca jajosa ide ruyurisa tu rŭgōcā ĩna. Arpa wame cutirise basa ejabare Dios ĩ ĩsire rucocā ĩna. ³ Moisés Diore moa ĩsiri masu ñayoru ĩ basayore basacā ĩna. Oveja Macure wanarā ado bajiro basacā ĩna:

Dios, mɛ ña rɛtoro masigū. Nimumja gāji mɛ robo masigū mami. Jeyaro mɛ rujeore ticōri, quenarise iti ñaja, ti uca gua. Jeyaro mɛ yirise quenarise ña. “Ado bajiro yigu yigūja yu”, mɛ yija, yiro robo yigu ña mɛ. Co sita gāna ruyabeto, masa jeyaro Ūju ña mɛ.

⁴ Noajua mare güimena mama ĩna. Ito yicōri noa mare rucubomema mama. Mɛ sigūti ña coji ñeñaro yīabacu. Queno mɛ yirisere ticōri, masa jeyaro mare rucubomorā yirāji, yicā Oveja Macure basarā.

⁵ Ito bero ūmacāju Dios ya wi iti janaja ticu yu. Ito yicōri Dios ĩ ñari sōa iti janaja ticu yu. ⁶ Itoju Dios ya wiju jua āmojeno ángel ñarise rucorā ĩna budija ticu yu. Yutabuju ueri mani queno botirise sāñacā ĩna. Ito yicōri ĩna ya wēñura wiro oro gaye ñacu. Ūsi riojocō susacu iti wiro. ⁷ Ito yija sigū juariarā ñagū tīñañā macu jua āmojeno ángel mesare oro tɛrori ĩnare ĩ ĩsija, ticu yu. ĩja masa ĩna tōbujaroca Dios ĩ yiroti dajacoacu iti tɛroriju. Dios ñami catitñagū. ⁸ ĩ ĩsirocoti Dios ĩ ñasarisena, ĩ masirisena cuni jea bueri bue dajacoacu Dios ya wi ĩja. Iti bueroca ĩnimujua sājado manicu. Jua āmojeno ángel mesa ñarise rucorāre masa ĩna tōbujaroca yi rotiqui Dios. Dios ĩ rotiado bajiroti ĩna gajanoabeja ĩnimujua sājado manicu Dios ya wiju maji.

16

Ñarise sāñari tɛrori

¹ Ito bero oca sɛoro Dios ya wiju iti ruyuja tuocu yu. Ado bajiro jua āmojeno ángel mesare busi ruyucu iti:

—Masa ĩna tōbujatoni mua rucori tɛrori sita joere jio queoya. Iti ña, masa ĩna ñeñaro yirisere Dios ĩ ti terise, yi ruyucu ūmacāju.

² Ito yija cajero gagu ángel ĩ rucori tɛro sita joe jio queocu. Ito bajiro ĩ yirocaci gujogu ya ruja bajiro ĩna meni rujeorare rucubocōri ĩ wame wāñarāre ĩna ya rujarire cami joeacu. Buto cuni junirise ñacu iti cami.

³ Ito bero juarā ñagū ángel ĩ rucori tɛro riaca jajosaju jio roacu. ĩ jio roarocati, rí godo wedicu ide. Godaru rí robo bajirise ñacu iti. Riaca jajosa gāna ñarocōti goda jedicoacā.

⁴ Ito bero gāji udiarā ñagū ángel riacariju ide ūmaburi gojeriju cuni jio roacu. Ito ĩ yirocaci rí godo wedicoacu iti riacari. ⁵ Ángel ide codegu ado bajiro busi ruyucu:

—Dios, mɛ ña ñeñaro yīabacu. Jane mejeju gagu ña mɛ. Ito yicōri adocāta gagu cuni ña mɛ. Masa ĩna ñeñaro yirisere ti junisinicōri rí godo wediroca mɛ yija, quena ña. ⁶ Mɛ ñarāre rí budiroca yicā ĩna. Ito yicōri ĩnare sīacā ĩna. Ito yicōri mare goti ĩsiri masare ito bajiroti yicā ĩna. Ito bajiri ĩna rí idiroca mɛ yija, ito bajiroti quena ĩnare, yi ruyucu ángel ide codegi masu.

⁷ Ito yija bero Diore soe ĩsira casaboju oca ruyucu:

—Riti ña. Ito bajiroti baja. Rɛtoro masigū ña yu Ūju Dios mɛ. Nimum gāji mare bajiro masigū mami. Queno ti masigū ñari, masa ĩna ñeñaro yiadocōti riojo waja senia mɛ, yire oca ruyucu Diore soe ĩsirā casaboju.

⁸ Ito bero juariarā ñagū ángel ūmacāni joere jiojeocu ĩ rucori tɛrore. Ito bajiro ĩ yirocaci ĩ asirisena masare soecu ūmacāni. ⁹ Ito bajiri buto masare soecu ĩ. Ito bajiro ĩ yibojarocati, ĩna ñeñaro yirise jidicābiticā ĩna. Ito yicōri Diore cuni rucubobiticā ĩna. Ado bajirojua yicā ĩna. Dios ñarise rɛto masigūre busitucā ĩna.

¹⁰ Ito yija bero co ñajamocō ñagū ángel í rucori tēro guijogu í rotiri cumuro joe jiojeoquí. Ito í yirocati guijogu í rotiri sitare, ito yicōri í ñarāre cuni ñarocōti ráitíacoacu. Buto juni wisirā ína ya ñemeroriti cuni canamucōcā ína. ¹¹ Ito bajijobarocati ína ñeñaro yirisere jidicābiticā ína. Ína camí cutiroca Dios í yijare Diore busitucā ína.

¹² Ito yija bero co ámojeno ñagū ángel í rucori tēro Éufrates wame cutirisaju jio roaqui. Ito í yirocati riaca caracoacu, umacañi joejea wadiri ñaja gāna ujarā ína ya surara rāca ína jēa watoni.

¹³ Ito yija bero rāmúa udiarā tūja robo bajirā ticu ya. Sīgū jino robo bajigu ya riseju budiru ñaqui. Gāji guijogu ya riseju budiru ñaqui. Gāji, “Diore goti ísiri masu ña ya”, yibojagu ya riseju budiru ñaqui. ¹⁴ Ína rāmúa udiarā ñacā, tiyamani íosotiana. Adi sita gāna ujarā ñarocōti minijucōri ína gāmeri tāroca yicā ína. Iti ñaro yiroja masa ína ñeñaro yirise waja jeyaro masigu Dios í senisusari ramu. ¹⁵ Jesucristo í godaroto riojua ado bajiro yiyiju í: “Queno tuoíaña mua. ‘Itocō ejagu yiguja ya’, yibicati, riniri masu í ejaro bajiro ejagu yiguja ya. No ya ejaroti gayere bocatirā, wanu quenarā yirāji ína. Ína ya yutabujuri rāca ñacārā bajiro bajirā yirāji ína. Wasoro macu gājerā riojo bojogu bajiro meje bajirā yirāji ína. Yure bocati yucārā ñari wanu quenarā yirāji ínama”, yiyiju Cristo í godaroto riojua. ¹⁶ Ujarā minijucōri ína gāmeri tāriju Armagedón wame cutiriju ñacu Hebreo ocana.

¹⁷ Ito yija bero juaga ámojeno ñagū ángel í rucori tēro umacāju jio batequi. Ito í yirocati umacāju Dios ya wi oca séoro oca ruyucu. Dios í rotiri cumuroju ado bajiro oca ruyucu:

—Itocōti ña íja, yire oca ruyucu.

¹⁸ Ito yirocati bujo borea yirise ñacu. Ito bero bujo basiquí. Ito yicōri guijorise ruyucu. Ito yicōri sita buto uesu. Adi sita gāna masa ína ñaroca uere rētoro uesu. ¹⁹ Iti uerocati jaja cuto Babilonia wame cutiri cuto udiāju bata rāgūcu. Ito bajiroti adi macārucāro gaye cutori sita uerisena ruyuricōcu. Babilonia gāna ína ñeñaro yirere masi bujaqui Dios. Ito bajiri ñare junisinigū ína ñeñaro yire waja ína tōbujaroca yiquí Dios. ²⁰ Ito bajiroti ruja yogari cuni, gāta yucuri cuni goda jedicoacu. ²¹ Ito yija bero umacāju gaye ide buja cujiri quedicu. Cuarenta kilos rācurisecō ñacu iti. Iti ñare quedi ejarise tōbujacōri buto ñeñaro Diore busitucā masa.

17

Wedi maso iso tōbujare gaye

¹ Ito yija jua ámojeno ñagū ángel rujatēro rucogoru ya tu ejaqui. Ejacōri ado bajiro gotiquí yure:

—Adojua waya. Buto wedi maso ñeñaro iso tōbujaroti gaye mure íorocu ya. Iso ñamo riaca jajosa gaye ide joe rujigo. ² Adi sita gāna ujarā ñeñaro yirā ñari iso rāca aje ñacā ína. Adi sita gānare ína ñeñaro yitoni uyé ide iocōri ína ñeñaro yiroca yigo bajiro usirio codecō iso, yiquí ángel yure.

³ Yu cáiroju Espiritu Santo í íore ado bajiro rētacu. Sīgū ángel yucu manuju yure ámi waqui. Itoju ejacōri guijogu sūagū joe romio iso jesaja ticu ya. Dios í ti terise wame wāñacu íre. Jua ámojeno rijogari cutiquí í. Ito yicōri jua ñajamocō saburi cutiquí í. ⁴ Saya iso sāñarise sūa ñirise, ito yicōri buto sūarise cuni ñacu. Iso seyorise jaje gajeoni cuticō iso. Iti ñacu oro, gaje gāta buto waja cutirise, gaje perla wame cutirise. Iso ya ámo oro tēro rucocō iso. Iti tēroju ñeñaro iso yirise sāñacu. Ñeñaro iso amua rāca yi ajerise sāñacu iti tēroju. ⁵ Iso ya rioweca tuo masia mani wame wāñacu. Ado bajiro bajicu iti wame: “Jaja cuto Babilonia wame cutigo ñamo adio. Wedi masa romia jaco ñamo adio. Ito yicōri ñeñarise jeyaro jaco ñamo adio”, yireoni ñacu iso ya rioweca wāñarise. ⁶ Ito yija, “Adioti ñamo Dios ñarāre sīa rotigo. Jesure jidicāmenare sīa rotigo ñamo. Ínare ri buditoni mecucōri sīa rotigo ñamo adio”, yi ti masicu ya. Itire ti masicōri mano ti ucacu ya.

⁷ Ito bajiro ya baji ñaroca ado bajiro gotiquí ángel yure:

—¿Ñere ti ucati mu? Iso mu tiro. “Ado bajiro yireoni ñati adi”, mu yi masitoni mure goti rētobugu ya ya. Guijogu jua ámojeno rijogari cuticōri jua ñajamocō saburi cutigu isore ámi waja mu tira, “Ado bajiro yireoni ñati adi”, mu yi masitoni mure goti rētobugu ya ya. ⁸ Guijogu mu tira iti ramuju catiquí maji. Adocātama ruyubeami íja. Ito bajiro bajijogatu Dios íre ruyuriosaroto riojua susabiti gojena joejea muja wadigu yiguji. Í joejeaja ticōri, íre ti ucarā yirāji masa. Ína ñarā yirāji macārucāro Dios í rujeoroto riojaju papera tuti ucagu, “Adocō ñama catiñarā”, í yi ucabitiana. Guijogu iti ramu catigoru, macana tudí í catija ticōri, ti ucarā yirāji masa jeyaro.

⁹ Jiju ya mure gotirise queno mu tuo masi ámoja, queno tuoya. Jua ámojeno rijogari cutigu mu tira, gāta yucuri jua ámojeno yucuri bajiro baja iti. Iti yucuri ña, wedi maso iso rujiriju. ¹⁰ Gaje í ya rijogari jua ámojeno ujarā bajiro baja. Co ñajamocō ujarā ñabojana goda jedicoama. Ína bero gagu co ámojeno ñagū adocāta masare rotigu yami. Í bero gagu jua

āmojeno ñagū ruyubeami maji. Ija ejacōri masare rotigu yiguñji ī. Ito bajiro yibojaguti yoari ñabicu yiguñji ī. ¹¹ Īna bero rotigu ñagū yiguñji guijogu sūagū iti rumu ñagoru. Ī ñagū yiguñji sīgū co dujamocō ñarā godabojaguti m̄cana t̄adi catira. Ī t̄adi catija bero ĩre ruyuriosagu yiguñji Dios ĩja.

¹² ĩua dujamocō saburi mu tire, ĩua dujamocō ñarā ujarā bajiro bajaia iti. Masare rotisubeama ĩna maji. Ija guijogu sūagū rāca rotirā yirāji ĩna. Ito bajibojarocati yoari mejeti rotirā yirāji ĩna. ¹³ ĩna ĩua dujamocō ujarā ñabobarāti sīgure bajiroti tuoīarā ñarā yirāji ĩna. Ito bajiri guijogu sūagure rotiri masu cūrā yirāji ĩna. ¹⁴ Sīgure bajiro tuoīacōri Oveja Macu rāca gāmeri tārā yirāji ĩna. Ito bajibojarocati ĩua ĩnare r̄etocūgū yiguñji. Gājerā ñasarā r̄etoro ñasagu ñami ī. Ito yicōri gājerā ujarā uju r̄etoro ñasagu ñami ī. Ī rāca gāna Dios ī beseana ñama ĩna. Ito yicōri ĩre tuor̄anu jidicāmena ñama ĩna. Ito bajiri ĩna Uju Oveja Macu rāca gājerāre r̄etocūrā yirāji ĩna, yiquī āngel yure.

¹⁵ Ito yija gaje ado bajiro gotiquī āngel yure:

—Riaca jajosa joe wedi maso iso rujirise mu tija, masati ña iti. Co cuto ruyabeto gāna, co masa butu ruyabeto gāna, co oca ruyabeto busirā, ito yicōri co sita ruyabeto gāna ñama ĩna mu tirise. ¹⁶ ĩua dujamocō ujarā guijogu sūagū rāca mu tiana, wedi masore ti tudirā yirāji ĩna. Saya manoti sīgōti isore wāgorā yirāji ĩna. Ito yicōri t̄adi iso ya rujure barā yirāji ĩna. Ito yicōri iso ya gōarire jeana soe ruyuriorā yirāji ĩna. ¹⁷ Ī āmorise r̄etatonī, “Ado bajiro yiana mani”, yī ĩna tuoīaroca yigu yiguñji Dios. Sīgure bajiro tuoīacōri guijogu sūagure uju cūrā yirāji ĩna. Ito bajiro ĩna yija Dios ī āmoro bajiroti r̄etoro yiroja. ¹⁸ Wedi maso mu tiro, cuto ĩa ĩa cuto robo bajiro bajaia iti. Ito cuto gagu uju gaje c̄utori gāna ujarāre roti ñagū yiguñji ī, yiquī āngel yure yu cāiroju.

18

Babilonia cuto gānare gājerā ĩna r̄etocūre gaye

¹ Ito yija bero ūmacūjuna gāji āngel ī ruji wadija ticu yu m̄cana. Buto roti masigū ñaqui ī. Buto yogu ī ñajare adi sita busu jedicoaca. ² Oca s̄ero ado bajiro awasāqui ī:

—Jaja cuto, Babilonia wame catiri cuto ñabojara cuto ñeñacoaju ĩja. Ito cuto gāna masa goda jedicoama ĩna. R̄mūa cuto ña ĩja. Ito yicōri masa ĩna busīgore, wajo catiri cuto ña ĩja. Wutirā buorise barā ĩna ñaro ña ĩja. ³ Ado robojuā bajaia: Babilonia cuto gāna buto ñeñaro ĩna yirise ticōri, ñeñaro yicā gājerā cuni. Ito yicōri adi sita gāna ujarā Babilonia cuto gāna wedi masa romia rāca ñeñaro yicā ĩna. Babilonia cuto gāna buto ĩna gajeoni āmojare ĩnare gajeoni ĩsicōri queno bujacā gaje c̄utori gāna. Ñeñaro tuoīarā ñari ito bajiro riti ñeñarise yicā Babilonia cuto gāna. Ito bajiro ĩna bajija ticōri, ĩnare ruyuriogu yiguñji Dios, yiquī āngel yure yu cāiroju.

⁴ Ito yija m̄cana ūmacūju oca ruyucu yure. Ado bajiro goti ruyucu iti:

—Iti c̄utore budigoya yu ñarā mua. Ito cuto gāna rāca ñabesa. Ito yicōri ĩna rāca ñeñaro yibesa. ĩna rāca ñeñaro mua yija, ĩna t̄obujado robo bajiro ñeñaro t̄obujarā yirāji mua cuni. ⁵ Ito cuto gāna jaje ñeñaro yicā. ĩna ñeñaro yirise mio cūaja, macārc̄uroju tuacoaroja. ĩna ñeñaro yiriserē tuo bujacoami Dios. Ito bajiri iti waja ĩna t̄obujaroca yigu yiguñji ī. ⁶ Gājerāre ñeñaro ĩna yire waja, buto busa ñeñaro t̄obujajaro ĩna cuni. ĩna ñeñaro yire waja juajiricō ĩnare waja senijaro Dios. Gājerāre t̄obujaroca ĩna yire r̄etoro t̄obujajaro ĩna. ⁷ Ito cuto gāna jaje gajeoni cutirā ñama ĩna. Dise ruyabeto ña ĩnare. “Ujarā ña mani”, yibojama ĩna. “Ñejuā t̄obujamenaji mani”, yibojama ĩna. “Manuju godagoana bajiro bajirā meje ña mani. Queno ñacā mani”, yibojama ĩna. Gājerāre t̄obujaroca ĩna yiado bajiroti t̄obujarā yirāji ĩna cuni. ⁸ Ito bajiri yoari mejeti ñarise ĩna t̄obujaroca yigu yiguñji Dios. Babilonia gāna coriarā ñarisena godarā yirāji. Gājerā ñiona godarā yirāji. Gājerā jeana soe ecorā yirāji. Gājerā buto bojori bujarā yirāji. R̄etoro masigū ñari ito bajiro ĩna t̄obujaroca yigu yiguñji Dios, mani Uju. ĩna ñeñaro yirise waja iti c̄utore soe jeogu yiguñji Dios, yire oca ruyucu yure, yu cāiroju.

⁹ Ito cuto bujea ticōri, adi sita gāna ujarā buto otirā yirāji ĩna. Ito yicōri buto bojori bujarā yirāji ĩna. ĩna ñarā yirāji ĩna rāca buto ñeñaro yī wanuana. ¹⁰ ĩna rāca t̄obuja āmomena s̄ojuti tujarā yirāji ĩna, itire güirā. Ado bajiro yirā yirāji ĩna:

—Aba, jaja cuto, ñabojara cuto na godacoaju ĩja. Gaje c̄utori r̄etoro ñasari cuto ñabojacu iti cuto. Adocātama ruyubea ĩja. Ito cuto gāna ñeñaro ĩna yirise waja yoari mejeti godacoaju iti cuto, yirā yirāji adi sita gāna ujarā, yī ruyucu Dios ñaro gagu yu cāiroju.

¹¹ Adi sita gāna gajeoni ĩsiri masa cuni ito cuto uaja ticōri, buto otirā yirāji ĩna. Ito yicōri bojori bujarā yirāji ĩna. “Ñimu mani gajeoni āmi warise boca āmigū mami”, yirona bujatomena yirāji ĩna. ¹² ĩna ĩsi āmobjare adocō jaje tujaro yiroja: oro gaye, plata gaye, gūta buto waja cutirise gaye, perla gaye, saya buto waja cutirise, saya gosirise, saya sūa ñirise, saya buto sūarise cuni, ito yicōri yucu queno suti quenarise gaye, marfil wame cutirisena ĩna menire gaye, yucu queno waja cutirise, come bronce wame cutirise, comena ĩna menire

gaye, itocō jaje tujaro yiroja İna İsi āmobjoare. ¹³ Gaje İna İsi āmobjoare adocō ñaro yiroja: canela wame cutirise baja suti quenarise, bia moa, ēo guje soeja suti quenarise, mirra wame cutirise, gaje suti quenarise, uyé ide, áye roa bare, trigo ajeri, trigo ajeri İna abore cuni, ta wecua, oveja, cabarua, tunuricorori, ito yicōri İna josare cuni İsi āmobjoarā yirāji İna. Ito bajibojarocati ñimujua İna ya gajeoni boca āmigā manija, bojori bujarā yirāji İna. ¹⁴ Babilonia cuto gāna ñabojanare tuoīarā, ado bajiro yirā yirāji İna:

—Babilonia gāna ñabojana jeyaro gajeoni İna wanubojacati ua jedicoaju İja. Buto waja cutirise, buto seyorise İna rucobojare cuni ua jedicoaju. Ito bajiri mucana tudi goabetoja iti, yirā yirāji gajeoni İsi ucuri masa.

¹⁵ İna ñarā yirāji Babilonia gāna ñabojanare gajeoni İsicōri jairo niyeru bujana. Ito bajiri iti cuto uaja ticōri, otirā yirāji İna. Ito yicōri bojori bujarā yirāji İna. Sōju ti rügōrā yirāji İna, İna rāca tōbuja āmomena. ¹⁶ Ito ti rügōcōri ado bajiro yirā yirāji İna:

—Aba, bujato bajia Babilonia jaja cuto ñabojara cuto. Iti rumuju romio seyogo robo bajiro ñabojacu iti cuto. Saya quenarise sāñagō, sūa ñirise, sūarise cuni sāñagō robo bajiro ñabojacu iti cuto. Oro gaye, gūta waja cutirise, perla wame cutirise gajeoni cutigo robo bajiro ñabojacu iti cuto maji. ¹⁷ Ito bajibojarocati yoari mejeti iti cuto gaye rāca gajeoni ua godacoaju İja, yirā yirāji gajeoni İsi ucuri masa.

Cuma bucua ujarā, weaturi masa, moari masa, wa ucuri masa cuni sōju tujacōri, ti jayarā yirāji İna. ¹⁸ İti cuto uare, iti bueja ticōri, ado bajiro awasārā yirāji İna:

—İti cuto robo bajiro gaje cuto quenari cuto manicu, yi awasārā yirāji İna.

¹⁹ Buto bojori bujacōri İna ya rijoga joe sita rūna jeorā yirāji İna. Ito yicōri awasā otirā yirāji İna:

—Aba, bujato bajia Babilonia ñabojara cuto. Jaja cuto ñabojacu iti cuto. Mani cumari cutirā İnare gajeoni İsicōri niyeru jaje bujabojacu mani. Yoari mejeti iti cuto ua jedicoaju, yirā yirāji cumari ujarā, yi ruyucuqū āngel yu cāiroju.

²⁰ Gaje ado bajiro yi ruyucuqū İ:

—İti cuto uaja ticōri, wanuñā ūmacāju ñarā mua. Mua İ oca gotitoni Cristo İ cūana, Diore goti İsiri masa mua cuni, ito yicōri mua Dios ñarā ñarocōti wanuñā mua. İti cuto gāna mua tōbujaroca yicā İna. Ito bajiri iti waja adocāta tōbujama İna cuni. İna cutore ruyurioquī Dios. İto bajiri wanuñā mua, yi ruyucuqū āngel yu cāiroju.

²¹ İto yija sīgū āngel seōgū ticu yu. Gūtagā jajoca İ āmi m̄o rügōja ticu yu. Wāñiara gūtagācō jajoca ñacu itiga. Itigare āmicōri, riaca jajosaju cōa roaquī İ. Ito yicōri ado bajiro yiquī İ:

—Gūtagāre yu cōaro bajiroti, Babilonia cutore cōa roa ruyuriogu yiguīji Dios. Ito bajiri jaja cuto ñabojara cutore mucana tudi juaji tūmena yirāji masa. ²² İti cuto gudareco arpa wame cutirise basa mucana tudi juaji ruyubeto yiroja. Seru basa, trompeta basa cuni mucana tudi juaji ruyubeto yiroja iti cuto gaye. İti cuto moari masa ñagoana mucana tudi moamena yirāji İna. Wāñiara gūta gaye İna moaja, juaji ruyubeto yiroja. ²³ İti cuto gaye jeobusuora tuturi ñabojare tudi yobeto yiroja. Ito yicōri āmo siare basa İna menija, tuoyamano yiroja. İti cuto gāna gajeoni İsiri masa gājerā rētoro ñasarā ñabojacā. İti cuto gāna masa jeyarore, “Muare rojabe gaa”, yi ruocā İna, yiquī gūtagā jajoca cōa roagu, yu cāiroju.

²⁴ İti cuto gāna Diore goti İsiri masare sīañi İna. Ito yicōri İ ñarāre cuni sīañi İna. İna ñañi, “Diore tuorūnarāre sīañi”, yiana. Ito bajiro İna sīa rotijare buto seti ña İnare.

19

¹ İto yija bero jājarā ūmacāju oca seōro İna busija tuocu yu. Ado bajiro yi ruyucā İna:

Aleluya, Diore rucuboto mani, yi ruyucā İna. Dios mani Ūju, İ ñami manire masora. İ ñami rētoro ñasagu, ito yicōri rētoro masigū.

² Masa İna ñeñaro yirise waja İ seniija, riojo İna yiado bajiroti seniama İ. Wedi maso ñabojare ruyurioquī İ. Adi sita gānare İna ñeñaro yitoni usirioro yi codecō iso. Ito yicōri Diore moa İsiri masare sīacō iso. Ito bajiro iso yija ticōri, iti waja isore ruyurioquī İ, yi busi ruyucā İna ūmacāju.

³ Mucana tudi ado bajiro busi ruyucā İna:

—Aleluya, Diore rucuboto mani, yi ruyucā İna. Babilonia cuto uare bueri m̄uja jedibeto yiroja, yi ruyucā İna.

⁴ İto bajiro İna yirocati uju ya cumuro Dios İ rujiro riojo rijomunigāna ñini rūjucā veinticuatro ñarā bucarā. Ito yicōri juariarā tīañā mana cuni ito bajiroti rijomunigāna ñini rūjucā İna. Diore rucuborā ado bajiro yicā İna:

—İto bajiroti ñajaro. Aleluya, Diore rucuboto mani, yi ruyucā İna.

⁵ İto yija bero uju ya cumuroju oca ruyuca:

Mani Ūju Diore rucuboto mani. Mua Diore moa İsirā İre rucuboya. Mua ñasarā, ñasamena cuni Diore gūirā rucuboya mua, yi ruyuca uju ya cumuroju.

Oveja Macu robo bajigure ina basa jeore gaye

⁶ Ito yija bero jãjarã ina busiro robo bajiro ruyucu. Ito yicõri riacari ùmayuro robo bajiro ruyucu. Ito yicõri bujo i busirise robo bajiro ruyucu. Ado bajiro ruyucu iti:

Rõtoro masigũ ñami mani Uju Dios. Ñimũ gãji i rõtoro masigũ mami. Mani Uju ñarocu ñacãmi ija. Aleluya, ire rãcubuoto mani ija.

⁷ Oveja Macu i ãmo siaroti ramu ejacoaju ija. Ito bajiri wanucõri wamu quenato mani, ñasagu i ñajare. Ire rãcubuoto mani. I manajo ñaroco ña yucãmo iso.

⁸ Saya ñeri mani botirise iso sãñaroca yiqui Dios isore, yi ruyucu oca, yu cãiroju.

Iso ya saya ñeri mani yu tire, “Queno yirã ñama Dios ñarã”, yireoni ña iti.

⁹ Ito yija ángel ado bajiro yure rotiqui:

—Mure yu gotirise ucaya: “No Oveja Macu ãmo siare basa goti ecoana wanurã yirãji ina”, yi ucaya mu, yiqui ángel yure.

—Iti yu busirise, Dios oca riojo ñasarise ña iti, yiqui ángel yure.

¹⁰ Ito i yijare, ire rãcubuogu i riojo rijomunigãna ñini rũjucu yu. Ito bajiro yu yijare ado bajiro gotiqui i yure:

—Ito bajiro yibesa. Mure bajiroti Diore moa isigũ ña yu cuni. Mu rãca gãna Jesús oca riojo ñasarise tuorãnu jidicãmena bajiro bajigu ña yu cuni. Ito bajiri yure rãcubuobesa. Diore mu rãcubuoba quena, yiqui ángel yure.

Oca riojo ñasarise Jesús gotire iti ña jane mejeju Diore goti isiri masa ina goti yure.

Cabaru botigu joe jesagu gaye oca

¹¹ Ito yija bero ùmacãju iti janaja ticu yu. Iti janaroca cabaru botigu i goaja ticu yu. Sīgũ i joe jesaquũ. Ado bajiro wame cutiqui i, “Yiro Robo Yigu, Riojo Gotigu”, wame cutiqui i. Masa ina ñeñaro yirise waja i senija ina yiado bajiroti senigũ ñaqui i. I wajanare ina tãbujaroca i yi ãmoja, ina yiado bajiroti ina tãbujaroca yigu ñaqui i. ¹² I ya cajea jea ñurise robo bajiro yocu. I ya rijogaju jaje come bedori jesaquũ i. I ya rioweca wame ñacu. I sigũti masiqui iti wamere. ¹³ Rina ñioado yutabuju sãñaqui i. Dios oca goti rõtobugu wame, wame cutiqui i.

¹⁴ ùmacãju gãna surara i rãca gãna ire suyacã. Yutabuju ñeri mani botirise sãñacã ina. Ito yicõri cabarua botirã joe jesacã ina. ¹⁵ Rina ñioado sãñagũre i ya riseju sarera jã budicu, buto odiri jã. Iti jã ñacu ire tuorũnũmenare ina tãbujaroca i yiroti jã. Dios i cõru ñari sãoro roti masigũ yiguji i. Masa ina ñeñaro yirise waja senigũ, sigũ uyẽ ide ãmogũ i moa abojoro robo bajiro yigu yiguji i. Masa ina ñeñaro yirisere ti tecõri ina tãbujaroca yirocure sarera jã riseju budigure cõgũ yiguji Dios. Dios ñami rõtoro masigũ. Ñimũja gãji i robo masigũ maquji.

¹⁶ I ya riseju sarera jã budigu ado bajiro wame cutiqui i. I ya yutabujure ito yicõri i ya sagarõju cuni ado bajiro wame wãñaquũ: “Áni ñami ñari masa rõtoro ñasagu. Áni ñami ujarã uju rõtoro ñasagu”, yire wame wãñacu ire.

¹⁷ Ito yija bero sigũ ángel ùmacãni joe i rãgõja ticu yu. Yuca ùmacãju watirãre ado bajiro oca sãoro busi ruyucu i:

—Minijuacõri, barã waya mua. Susari rumu Dios i masare sianare barã waya. ¹⁸ Ujarã, surara ujarã, ãmua sãorã, cabarua, ina joe jesarãre cuni queno ina ãmoro ñarãre, gãjerãre moa isirã, ñasarã, ñasamenare cuni ina ya rire barã yirãji mua, yi ruyucu ángel yu cãiroju.

¹⁹ Ito yija bero guijogu sũagũ, adi sita ujarã ina surara rãca ina minijuaja ticu yu. Cabaru joe jesagu i ya surara rãca gãmeri tãrona minijuacã ina. ²⁰ Guijogu sũagũ rãca gãmeri tãcõri ire tubiaquũ cabaru joe jesagujua. “Yu ña Diore goti isiri masu”, yibojagure cuni tubiaquũ i. I ñaqui guijogu sũagũ tiro riojo tiyamani yicacu. Tiyamani iocõri masare ruoquũ i. I ruorisere tuorũnũcõri guijogu wame wõ roticã ina. Ito yicõri gãjiocũ ruju robo bajiro ina meni rujeorure rãcubuocã ina. Guijogu sũagũre, ito yicõri, “Diore goti isiri masu ña yu”, yibojagure cuni ina catirocati itajura jeame ñuritaju inare cõa roaquũ cabaru joe jesagu. Azufre wame cutirisena buto ñucu iti jeame. ²¹ Ito yicõri gãjerãreama cabaru joe jesagu i ya riseju sarera jã budiri jãina inare siaquũ i. Ito bajiri yuca ina ya rire ina ãmoro bajiroti queno ba yajicã ina.

20

Mil ñari rodori gaye

¹ Ito bajija bero ado bajiro bajicu gaje yu cãija. Sīgũ ángel ùmacãjuna i ruji wadija ticu yu. Susabiti goje soje janado, ito yicõri come ma rucocõri i ruji wadija ticu yu. ² Ruji ejacõri jino robo bajigure ñaqui i. I ñaqui jane mejeju jino godo wediru. Ito yicõri iti ñaqui rãmua uju Satanás wame cutigu. Jino robo bajigure ñiacõri come mana ire siaquũ ángel. ³ Susabiti gojeju ire cõa sãquũ i. Itoju mil rodoricõ ire cõquũ i. Masare ruobe yirocu, ito bajiro bia rojoquũ i. Ito yicõri, gãjerã janame yirocu, iti goje biadore wame wõquũ i. Mil rodori iti jedija bero ire bucõgã yiguji jabeto.

⁴ Ito yija bero uju ya cumurori ticu ya. Masa ina ñeñaro yirise cōiacōri waja senirona rujicā iti cumurorijū. Iti masa cūñi Dios ñare. Āmuma jata ecoana ya usi ticu ya. Dios ocare ña riasojare, Jesure ña jidicābejare āmuma jata ecoana ñacā ña. Guijogure rūcubuoana meje ñacā ña. Ī ya ruju robo bajiro meni rujeorure rūcubuoana meje ñacā ña. Ito yicōri ĩ wame ña ya rioweca ña ya āmori cuni wō ecoana meje ñacā ña. ña tūdi catija ticu ya. Ito yicōri mil rodoricō Cristo rāca roti ñacā ña. ⁵ ña ñacā Cristo ñarā sia ecoana cajero tūdi catisuoana. Gājerāma godana mil rodori iti jediroto riojua tūdi catibiticā ña maji. ⁶ ña cajero mūcana tūdi catiana buto wanu quenarā yirāji. Diore queno cūdirā ñarā yirāji ña. Mūcana tūdi juaji godamena yirāji ña. Jeame ūjuroju ñare cōabicu yiguñi Dios. Paia robo bajiro Diore moa ĩsirā yirāji ña. Cristore cuni ito bajiroti yirā yirāji ña. Ito bajiri mil rodoricō Cristo rāca roti ñarā yirāji ña.

Rāmua ūjare ña bucōare gaye

⁷ Mil rodori iti jedija bero rāmua ūj Satanás bucōa ecogu yiguñi. ⁸ Īre ña bucōaja bero masa jeyarore ruo ucugu yiguñi ĩ. Gog wame cūtiri cuto gānare, ito yicōri Magog wame cūtiri cuto gānare cuni ruogu yiguñi ĩ. Ī ruorisere tuocōri minijuarā yirāji ña, gāmeri tārona. Jājarā ñarā yirāji ña. Ja sita cōiaja jedibiti robo bajiro ñarā yirāji ña. ⁹ Masare sirona adi sitajure batarā yirāji ña. Dios ñarāre gāni biarā yirāji ña. Ito yicōri cuto Dios ĩ mairi cūture gāni biarā yirāji ña. Ito bajiro ña yibojarocati ūmacūjuna ñare jea cōagū yiguñi Dios. Ito yicōri ñajediro soe jeocōgū yiguñi ñare. ¹⁰ Ito yija bero rāmū ñare ruorure itajura jeame ūjūritaju ĩre cōa roagu yiguñi Dios. Azufre wame cūtrisenā ūjūrita ñaro yiroja itira. Itira ñaroja guijogu sūagūre, ito yicōri, “Diore goti ĩsiri masu ña ya”, yibojagure Dios ĩ cōarada. Itoju āmua, ñami cuni tōbujatñarā yirāji ña.

Masa ña ñeñaro yirise waja Dios ĩ senisusare gaye

¹¹ Ito yija bero uju ya cumuro botiri cumuro ticu ya. Ito yicōri iti cumuroju rujigure ticu ya. Yu tiro riojo adi sita, macārucūro cuni godacoacu. Ito yicōri tūdi joejebiticu. ¹² Godana Dios riojo ña rūgōja ticu ya. Nāsarā, ñasamena cuni ñacā ña. Ito ña rūgōroca papera tutiri janaquī Dios. Iti papera tutiriju masa jeyaro ña yigore wāñacu iti tutiriju. Ito bajiri itire ticōri godana ña yiado bajiroti ñare besequī Dios. Ito yija gaje tuti papera tuti janaquī Dios. “Adocō ñama ya rāca ñatñaronā”, yire gaye wame wāñacu iti tutiju. ¹³ Riaca jajosaju godabojana mūcana tūdi mujacoacā ña. Ito yicōri godana sita wato ñabojana tūdi mujacoacā ña. Ito yicōri ña ñarocōreti ña yiado bajiroti besequī Dios. ¹⁴ Ito yija bero masa cōcōri ña godarise, ito yicōri godana ña ñaroju cuni ito ñarisere āmicōri jea ūjūritaju itire cōa roaquī Dios. Itira jeame ūjūrita ña godasarada. ¹⁵ “Adocō ñama ya rāca ñatñaronā”, yire gaye ĩ ya tutiju wāñamenare beseōri ña ñarocōreti jea ūjūritaju cōa roaquī Dios.

21

Macārucūro tamaro ñare gaye

¹ Ito yija bero macārucūro mame, sita mame iti ñaja ticu ya. Dios ĩ wasoare ñari seyocu iti. Macārucūro bucuro ñasubojacati, sita ñasubojacati cuni godacoacu ĩja. Ito yicōri riaca bucuyari manicu. ² Ito yija bero ya Juan, ñeja ñeñarise mani cuto mame Jerusalén wame cūtiri cuto iti ruji ejaja ticu ya. Dios ĩ ñaroju ruji wadica iti cuto. Iti cuto queno quenora cuto ñacu. Romio āmo siaroco saya sāña yucādo robo bajiro seyori cuto ñacu iti cuto. Iti cūture queno yucāquī Dios, ĩ ñarā ña ñatoni. ³ Ito yija ya cāiroju ūmacūju oca sēoro ruyucu:

—Tiya. Adocāta masa rāca ñami Dios. Masa rāca ñagū ĩ ñajare ĩ ñarā ñarā yirāji ña. Masa rāca ñacōri ña ūju ñagū yiguñi ĩ. ⁴ ña ya yago idere wejacāgū yiguñi Dios. Ito bajiri wanu quenatñarā yirāji ña. Ito bajiri godamena yirāji masa ĩja. Ito yicōri otimena yirāji ña. Wojori bajamena yirāji ña. Junirise mano yiroja ñare. Iti rāmu bajigore iti rēta jedijare ito bajiro bajirā yirāji ña, yire oca ruyucu ūmacūju.

⁵ Ito yija uju ya cumuro rujigu ado bajiro yi ruyucu ĩ:

—Ñajediro bucū ñabojare mame riti wasoacu ya, yi ruyucu ĩ.

Ito bajiro yicōri ado bajiro gaje gotiquī yare:

—Mure ya gotirise ucaya. Yu mure gotirise riojo gotire ña. “Ito bajiro bajiro yiroja”, yi masigū yigūja mū, itire tuocōri. Ito bajiri itire ucaya, yi gotiquī yare.

⁶ Bero mūcana ado bajiro yiquī yare:

—Itocōti ña. Ñacā ĩja. Yūna suoriti jeyaro ñasuo yija. Ito yicōri yūna suoriti jeyaro ñasusaro yiroja. A wame ñasurise, ito yicōri Z wame ñasusarise robo bajiro bajigu ña ya. Yu ña ñajedirore rujeoru. No yure ide idi āmorā ña senija, ūmaburi goje gaye catitñare gaye ñare iogu yigūja ya. Waja manoti iogu yigūja ya. ⁷ No ña ñeñaro yirise jidicārā ña ñama rāmua ūjare rētocūrā. Ito bajiro ña yijare quenarise ñare ĩsigū yigūja ya. ña ūju ñagū yigūja ya. Ito

yicōri yu rīajua ñarā yirāji ĩna. ⁸ Gājerā yure tuorānūmenareama jea ũjūritaju azufre wame cutirisena ũjūritaju ĩnare cōagū yigūja yu. “Jesure yu cudija ticōri, yure ti tudirā yirāji gājerā”, yi tuoīa güirāre cuni jea ũjūritaju cōagū yigūja yu. Ñeñaro yirā, siari masa, romia rāca ajeri masa, gājerāre rojarā, ĩna meni rujeorure rūcubūorā, ito yicōri socari masa ñarocōreti jea ũjūritaju ĩnare cōagū yigūja yu. Itira azufre wame cutirisena ũjua itira. Itiraju ña godasarada, yiqui ũju ya cumuro rujigu, yu cāiroju.

Mama cuto Jerusalén wame cutiri cuto

⁹ Ito yija bero ángel sīgū wadicōri yu tu eja rūjūquī. ĩ ñaquī jua āmojeno ñagū masa ĩna tōbujatoni ñarise tēro rucogoru. Ado bajiro yure gotiquī ĩ:

—Ado waya. Oveja Macu manojō ñarocore mare ĩorocu ya yu, yiqui ángel yure.

¹⁰ Yu cāiroju Espiritu Santo yure ito bajiro ĩ yija, ado bajiro rētaču iti. Gūta yucuri curise ũmacūju yure āmi waquī ángel. Ito yure āmi ejacōri ñeñarise mani cuto, Jerusalén wame cutiri cuto yure ĩoquī ĩ. Dios ñarोजना ruji wadira cuto ñacu iti cuto. ¹¹ Dios ĩ yorisena busuca iti cuto. Gūta buto waja cutirise robo bajiro busuca iti cuto. Jaspe wame cutirise gūta ěoro queno ide totiaro robo bajiro busuca iti cuto. ¹² Iti cuto tunima ĩna sabiara cunī ũmari cunī ña gāni biacu. Iti bedo jua gubojeno sojeri, sojeri cuticu. Co soje ruyabeto ángel sīgū rūgōquī. Israel gāna jua gubojeno buturi gāna wame wāñacu iti sojeriju. ¹³ ũmacañi ĩ joejea wadiri duja ũdia soje, ĩ quedi sāja waroju ũdia soje, warubujua ũdia soje, gaje duja warubujua ũdia soje ñacu iti sojeri. ¹⁴ Iti cunī sabia rājaraju roca jua gubojeno gūta cū gāni biañi ĩna. Iti gūtagāriju Oveja Macu ĩ oca goti ucutoni ĩ cūana wame wāñacu.

¹⁵ Ángel yu rāca busicacu cuto cōiarotigu orona ĩna meniragu rucōquī. Sojeri cunī, ĩna sagāni biare cunīre cunī ĩ cōiarotigu ñacu itigu. ¹⁶ ĩ cōīaja iti cuto eyarise, iti cuto ũmarise, iti cuto yoarise corocō ñacu. ĩ cōīaja dos mil doscientos kilómetrocō ñacu yoarise, eyarise, ũmarise cunī. ¹⁷ ĩna sabiare ángel ĩ cōīaja sesenta y cinco metros ũmarise ñacu. Masa ĩna cōīaro bajiroti cōīaquī ángel cunī.

¹⁸ Jaspe wame cutirise gūtagārina iti cutore sabiāni ĩna. Orona iti cutore meniñi ĩna. ũeri mani ñacōri ěoro ũeri mano robo bajiro ruyucu iti cuto. ¹⁹ ĩna sabiara cunī roca jua gubojeno gūta ñarisejure, gūta buto waja cutirise itigariju wāñacu. Cajero gaga jaspe wame cutirise wāñacu. Bero gaga zafiro wame cutirise wāñacu. Bero gaga ágata wame cutirise wāñacu. Bero gaga esmeralda wame cutirise wāñacu. ²⁰ Bero gaga ónice wame cutirise wāñacu. Bero gaga cornalina wame cutirise wāñacu. Bero gaga crisólito wame cutirise wāñacu. Bero gaga berilo wame cutirise wāñacu. Bero gaga topacio wame cutirise wāñacu. Bero gaga crisoprasa wame cutirise wāñacu. Bero gaga jacinto wame cutirise wāñacu. Susarica jua gubojeno ñarica amatista wame cutirise wāñacu. ²¹ Jua gubojeno sojeri perla wame cutirisena meniñi ĩna. Co soje ruyabeto coga perlanati iti sojerire meniñi ĩna. Iti cuto gudareco ñasarima ĩna menira ma orona meniñi ĩna. ěoro ide totiaro robo bajiro ruyucu iti.

²² Dios ya wi ti bujabiticu yu iti cutore. Coju ruyabeto mani ũju Diore rūcubūocā masa. Rētoro masigū ĩ ñajare coju ruyabeto ĩre rūcubūocā ĩna. Oveja Macu cunī ito bajiroti rūcubūocā masa. Ito bajiri coju ruyabeto ĩnare rūcubūorā ñari ĩna rūcubūoroti wire meniñi ĩna. ²³ ũmacañi ĩ asirise, ñami gagu ĩ busurise cunī āmobeā iti cuto. Dios ĩ yorisenati busua iti cuto. Ito yicōri Oveja Macu ĩ yorisenati busua iti cuto. Ito bajiri ũmacañi ĩ asirise, ñami gagu ĩ busurise cunī āmobeā iti cuto. ²⁴ Dios ĩ masoana ĩ busurisenati iti cutoju wa ucurā yirāji ĩna. Adi sita gāna ũjarā ĩna rucorise ñasarise āmi wadicōri Diore ĩsirā yirāji ĩna ĩre rūcubūorā. ²⁵ ũma soje biaya mano yiroja iti cutoju. Iti cutoju ñami mano yiroja. Ito bajiri biaya mano yiroja iti cuto. ²⁶ Co sita gāna ruyabeto ĩna rucorise ñasarise āmi wadicōri Diore ĩsirā yirāji ĩna ĩre rūcubūorā. ²⁷ Ñeñarise rāca sājamena yirāji iti cutore. Ñeñaro yirā, ruore oca gotirā cunī sājamena yirāji iti cutore. Oveja Macu ĩ ya papera tutiju wame wāñarā riti sājarā yirāji iti cutore. Iti papera tuti, “Adocō ñama yu rāca ñatñaronā”, yire papera wāñacu iti tutiju.

22

¹ Ito yija ángel riaca ũeri maniña ĩoquī yure. Itiya ide catitiñare gaye ñacu. Ide ruyurisa ñacu itiya. ũju ya cumuro Dios ĩ rujiri cumuroju, ito yicōri Oveja Macu ĩ rujiri cumuroju jode cuticu itiya riaca. ² Iti cuto gudareco ñari ma gudarecore ñacu itiya riaca. Riaca jua duja tunima catitiñare gaye rica cutiri yucuri ñacu. Sīgū ũmacañi ruyabeto rica cutisoticu iti yucuri. Ito bajiri co rodo jua gubojenajiri rica cuticu iti yucuri. Iti jūrina masa ĩna ũco yiroti ñacu. ³ Itoju ñeñarise manojō. Iti cutoju ũju ya cumuro Dios ĩ rujiri cumuro ñaroja. Ito yicōri Oveja Macu ya cumuro cunī ñaroja. ĩnare moa ĩsiri masa ĩnare rūcubūotñasotirā yirāji. Itoju ñeñarise manojō. ⁴ Diore ti canamūorā yirāji ĩna. Ito yicōri Dios wame ĩna ya rioweca wāñaro yiroja ĩnare. ⁵ Itoju ñami mano yiroja. Iti cuto ñarā siabusuore gaye āmomena yirāji. Mani ũju

Dios i yorisena busu ñaro yiroja iti cutore. Ito bajiri ũmacañi asirise ãmomena yirãji ña. Ito yicõri Dios rãca rotifñarã yirãji ña.

Jesucristo i ejaroto yoabea ña, yire gaye

⁶ Ito yija bero ado bajiro gotiqui ñgel yure:

—Jeyaro mu cãiroju mu tigore, mu tuogore cani riti ña. Ito bajiri, “Riti bajiro yiroja iti”, mu yi masija quena. Mani Uju Dios i ñami ñre goti Isiri masare ña busi masiroca yigu. Iti ñami yure cõaru. “Ado bajiro rõtaro yiroja”, ñre moa Isiri masa ña yi masitoni, yure cõaquã Dios, yiqui ñgel yu cãiroju.

⁷ Gaje ado bajiro gotiqui ñgel yure:

—Tuoya, ado bajiro gotiami Jesús: “Yoari mejeti tãdi ejagu yiguja yu”, yi gotiami Jesús. Ito bajiri, no adi papera tuti Dios i ucare tuorãnurã wanu quenarã yirãji ña, yiqui ñgel yure.

⁸ Yu Juan itire ticõri, itire tuocõri yu ucare ña. Itire ticõri, itire tuocõri ñgel yure ñocacu riojo rijomunigãna ñini rũjũcu yu. ⁹ Ito bajiro yu yijare, ado bajiro yiqui i yure:

—Yibesa itire. Mu robo bajiroti Diore moa ñsigũ ña yu cani. Mu ñarã Dios ocare goti rõtoburã, ito yicõri no adi papera tuti ucare tuorãnurã robo bajigatu ña yu cani. Ito bajiri yure rãcãbuobesa. Diojare mu rãcãbuoja quena, yiqui ñgel yure.

¹⁰ Gaje ado bajiro yure gotiqui i:

—Iti papera tutiju, ija rõtaroiti gaye ucare ña. Dios oca ña iti. Yoari mejeti iti gaye rõtaro yiroja. Ito bajiri iti ocare yeyo rãcobesa. ¹¹ Ñeñarise yisotirãma ñeñariseiti yi ñacõajaro ñnama. Ñeñaro tuoiarã ña tuoiaro bajiroti tuoiã ñacõajaro ña. Queno yirãma queno yi ñacõajaro. Ito yicõri Diore tuorãnurã cani Diore riti tuorãnatfñajaro. ñre ña tuorãnu ñacõaja quena, yiqui ñgel yure.

¹² —Tuoya, ado bajiro gotiami Jesús: “Riti gotia yu, yoari mejeti tãdi ejagu yiguja yu. Tãdi ejacõri masa ña yiado bajiroti ñare waja yicuja yu. ¹³ Yu ña ñasuoqu, ito yicõri ñasusagu. Yuna suoriti jeyaro ñasuoqija. Ito yicõri yuna suoriti jeyaro ñasusaro yiroja. A wame ñasuoqise, ito yicõri Z wame ñasusarise robo bajigu ña yu”, yi gotiami Jesús, yiqui ñgel yure.

¹⁴ “No ña ñeñaro yirisere coe rotigoana yutabuju ñeri mano robo bajiro bajirã ñama ña. ña riti iti cuto sojere sãjarã yirãji ña. Itoju ejacõri yuca catitñare rica barã yirãji ña. Ito bajiri wanurã yirãji ña. ¹⁵ Adocõ jãjarã ñama iti cutore sãjado mana. Diore jidicãna, gãjerãre rojarã, romia rãca aje ñarã, sãari masa, ña meni rujeoanare rãcãbuorã, ito yicõri rãosotirã cani ña ñama iti cutore sãjado mana”, yi gotiami Jesús, yiqui ñgel yure.

¹⁶ Gaje Jesús gotirise gotigu, ado bajiro gotiqui ñgel:

—“Yure tuorãnurãre iti oca i gotitoni ñgel cõacu yu. David uju ñayorure rujeoru ña yu. Ito bajibojarocati i janerãbatia janamiti ña yu. Busuri ñocõagã bũto yogũ iti ña yu”, yi gotiami Jesús, yiqui ñgel yure.

¹⁷ Espiritu Santo, ito yicõri Oveja Macu manojo cani coro bajiroti busiama ña:

—Mucana tãdi waya, yama ña Jesure.

No itire tuo bũjarãti, ña bajiroti:

—Tãdi waya, yija quena Jesure.

No ide catitñare gaye idi ãmorã, Dios tu idirã waya. Waja manoti muare iogu yiguji i.

¹⁸ No adi papera tuti Dios ocare tirãre ado bajiro muare goti quenoa yu: No adi papera tutire uca remogãre adi tuti iti gotiro bajiroti ñeñaro i tãbũjaroca yigu yiguji Dios ñocare.

¹⁹ No adi papera tuti Dios ocare ña jidicãja, ito bajiroti ñare cani jidicãgũ yiguji Dios. Ito bajiri i ya papera tutiju ña wame ruyubeto yiroja. Ito yicõri i ya cuto ñeñarise mani cuto sãja rotibicã yiguji i ñare. Ito bajiri yuca catitñare rica adi tutiju yu uca wõre gaye bamena yirãji ña.

²⁰ Adi gaye yure goti rõtobugũ ado bajiro gotiami yure:

—Yoari mejeti wadicuja yu, yami i.

—Ito bajiroti ãmoa yu cani. Yoari mejeti tãdi wadiya yu Uju mu, ya yu Jesure.

²¹ Mani Uju Jesucristo mani jeyarore queno yijaro. Itocõ ña.